



66-1
26

LIBRARY

OF THE

Theological Seminary,

PRINCETON, N. J.

Case, SCC


Shelf, 2075 Section

Book, No.

123

Sp

61



Digitized by the Internet Archive
in 2013

<http://archive.org/details/desatisfc00turr>

FRANCISCI TURRETTINI

V. D. M. & S. Theologiæ Professoris

D E

SATISFACTIONE
CHRISTI


DISPUTATIONES.

Cum INDICIBUS necessariis.

Adjectæ sunt ejusdem duæ

DISPUTATIONES;

I. De Circulo Pontificio. II. De Concordia Jacobi &
Pauli in articulo Justificationis.



LUGD. BATAVOR.

FREDERICUM HARING.

TRAJECTI ad RHENUM.

Apud { ERNESTUM VOSKUYL. 1696.

Cum Privilegio.

FRANCISCI TURRETTINI

V.D.M. & S. Theologiae Professoris

DE

SATISFACTIO

CHRISTI

DISPUTATIONES

Cum Indicibus necessariis.

Adiectis suis quibusdam

DISPUTATIONES;

I. De Circulo Pontificio. II. De Concordia Jacobi &

Pauli in articulo Justificationis.



LUDW. BATAVOR.

FREDERICUM HARING.

TRACTATIUM PRIMUM.

ERNESTUM VOSKUYL. 1896.

(Cum Privilegio.)

Apud



LECTORI S.

SI quas hîc vides *Disputationes*, LECTOR Amice, eo consilio primùm conscriptæ fuissent, ut in volumen aliquod collectæ publici juris fierent, & justî tractatus loco esse possent, major forte in eis ἀκριβεια, majus certè ac diligentius paulo adhibitum fuisset studium, ut opus accuratius, excultiusque prodiret. Sed cùm nihil minus in animo haberem quàm ab initio de illis parandis cogitavi; Et id tantùm apud me statuerem, ut studiosæ Juventuti Nobis commissæ informandæ, & exercendæ promore in Academiis vulgo recepto inservirent; Mirum tibi haudquaquam videri debet, si non pauca in iis jure desideres; Plura forte & ipse requiro, quæ nisi vis major obstitisset ab omni editione procuranda deterrere me debuerant: Et sanè cùm in immensa illa quæ ferme obruitur Orbis literatus hodie Scriptorum copia, tam rari occurrant Libri qui usquequaque Lectoribus placeant, tot contra reperiantur qui tristitia experiuntur fata, sive quòd novitatis lenocinio quo plerique allici solent destituantur, sive quòd per summum

* 2

quod

quod ubique ferme obtinet scribendi cacoëthes cruda & indigesta à variis in publicum propellantur studia, & ea promantur quæ vel penitus premenda fuerant, vel nonum certe aut decimum in annum condenda; Quis tenuitatis suæ sibi conscius satius non judicet latere, & seriò expendere quid valeant humeri, quid ferre recusent, quàm in medium temere prodire, & Lectori negotium facessere? Ego certè hac potissimum ratione ab ista scriptione, ut ab omni alia alienum me hæcenus fuisse libens profiteor, quod non ignorant qui me norunt. Accedebat & altera, quòd cùm perspectum esset, quamplures Viros Celeberrimos & Veteranos Theologos hoc argumentum ita solide pertractasse, ut post eorum messem vix ulli spicilegio locus esse possit; Non ita mihi suffenus esse potui, ut arbitrarer ex Opere hoc tumultuario, & Velitationibus istis Academicis, quæ nec excultæ ingenio, nec elaboratæ sunt industria, multùm utilitatis & fructus ad Ecclesiam redire posse; Verùm cùm a variis non planè improbatos fuisse hosce nostros conatus intelligerem; Nec amplius mei juris essent quæ jam in publicum emissæ erant; effecerunt amicorum & eorum qui apud me plurimum possunt hortationes & desideria, ut primum hunc ingenii fœtum, & hoc quicquid est operis petenti Typographo quamvis ægrè permitterem.

Non est porro quod quæras cur hoc argumentum
potius

potius quàm quodlibet aliud selectum fuerit; Præterquam quod enim non sponte à me susceptum, sed à piis studiosis ad συζήτησιν propositum; si rem ipsam expendis, facilè mecum fateberis nullum aliud in tota Theologia nostra momentosius esse, & cujus cognitio fidelibus magis sit necessaria; Nullum sanè quod majori impetu Satan hostis ille ἀσπὸνδῶ salutis nostræ evertere semper sit conatus: novissimisque imprimis hisce temporibus per pestilentissimos hæreticos, qui ut Religionem Christianam pessundarent, duo primaria ejus fundamenta *Divinitatem Domini nostri Jesu Christi*, & ejus *Satisfactionem* convellere omni ope faterunt. Optandum equidem fuerat, ut hujusmodi monstra ab ipso ortu necarentur, nec tam infauti fœtus nanciscerentur qui obstetrices manus illis porrigerent; Sed cùm nimis latè venenum hoc serpere jam fatis constet, & exitialia hæc scripta plurium manibus hodie terantur; Æquum etiam fuit alexipharmaca subinde parari, quibus Juniores adversus luem istam pestiferam præmunirentur, & animi piorum in veritate magis magisque confirmarentur. Hoc consilio Viri Doctissimi, quos Deus subinde excitavit ut Orthodoxæ Veritatis in Ecclesia essent πρῶμαχοι fortissimi, in eo hætenus operam suam utilissimè collocarunt; Horum & nos prementes vestigia licet non passibus æquis, haud abs re nos facturos su-

P R Æ F A T I O.

mus arbitrati, si in propugnanda ista Veritate adversus ignita Satanæ tela nostram qualemcunque explicaremus industriam.

Cùm autem Tria vulgo de SATISFACTIONE CHRISTI quæri possint. I. An *Neccessaria* fuerit II. An *Vera* III. An *Perfecta*. De tribus istis Quæstionibus distinctè agendum Nobis esse duximus; In duabus Prioribus cum Socinianis; In Postrema cum Pontificiis manus conferendæ fuerunt. Sed ita tamen in iis sumus versati, ut primam & tertiam de *Neccessitate* & *Perfectione* brevius absolverimus; Secundam verò de *Veritate* quæ ampliorem explanationem requirere videbatur, quàmque majori molimine impetunt Adversarii fusius paulò simus persecuti, & nihil quantumquidem à nobis fieri potuit ex iis omiserimus quæ tum ad Veritatis confirmationem, tum ad Erroris confutationem facere poterant, non modò objectiones contrarias solvendo; sed & argumenta orthodoxa à strophis & cavillis τῶν ἑὸς ἐναντίας vindicando, additis etiam variis currente prælo quæ ad argumenti illustrationem pertinere videbantur. Si quid porro à Nobis hîc sit præstitum, Tuum erit, Candide Lector, Judicium; Nobis sat fuerit, nostrum hac in parte tibi in asserendo gravissimo hoc Religionis nostræ mysterio probasse studium. Hoc ergo æqui bonique consule, & conatibus nostris in posterum fave. *Vale.*

INDEX

I N D E X

LOCORUM SACRÆ SCRIPTURÆ,
quæ hîc vel explicantur vel vindicantur.

G E N E S.			Caput	Versus	Pagina
Caput	Versus	Pagina			
II	17	16. 17. 188	XV	33	142
III	19	188		25	228
IV	13	117	XVI	30	231. 232
IX	4	196	XX	45. 46	228
XVIII	15	8. 12	XXV	24	354. 355
XXXII	19	204		34	197
E X O D.			DEUTERON.		
			XVII	18	195
XII	27	219	XIX	6	74
XIX	12	222	XXI	8	197
XX	5	51. 55		23	110
	19	222	XXII	30	75
XXI	6	242	XXIV	16	54
XXIV	6. 7. 8. 9. 10	23. 221.	XXVII	26	16. 17
XXIX	10	196	XXXII	50. 51	348
XXXII	10. 14	348. 353	J O S U E.		
	32	168	VII	5	191
XXXIV	7	134	XXIV	19	8
L E V I T.			R U T H.		
I	4	196	III	9	74
IV	31	44	I. SAMUEL.		
V	6. 13. 16	200	VIII	7	238
VI	3. 7	227. 228	XV	22	232
XIII	15. 16	205	II. SAMUEL.		
XIV	6. 7. 52. 53	140	VII	14	350
XVI	20	139	XII	14	348. 351. & seq.
	21. 22	51. 197. 226	XXI	6	191
XVII	11	196	XXII	5	ibid.
XXV	25. 47. 48	74	XXIV	10. 11. 12	352
N U M E R.			XXV	24. 25	228
V	6	228	I. R E G.		
XIV	18	134	I	21	120
	20	348. 354	XIV	16	106
			II. P A-		

INDEX LOCORUM S. SCRIPTURÆ.

II. PARALIP.

Caput	Versus	Pagina	Caput	Versus	Pagina
xxxii	31	182	viii	5	230
	J O B.			22	213
xv	25	233	ix	4	230
xix	25	74	xiv	22	ibid.
	P S A L.		xv	15	186
Pl. v.	6.7	8	xvi	4	345
vi	2	350		6	247
ix	5	9	xix	27	230
xiv	1	230		ISAIAS.	
xvi	5	158	i	11. 12. &c.	241
xviii	6	185		18	139
xix	14	233	ix	1	137
xxii	2	174 & seq.		6	275
	22	155	xxii	14	346
xxiii	5	158	xxviii	7	230
xxvii	9	179		28	346
xxxii	1. 2	332	xxxviii	1	18. 152
xxxix	11	106		17	332
xl	5. 6	128. 241	xlvi	22	ibid.
	7	232. 241. 242	xlvi	3	72
	8. 9	58	xlvi	10	16
xlvi	2	175	xlvi	14	179
xlvi	24. 25	ibid.	li	17	158
xlvi	8	177	liii	2. 3. 4. 5	125
l	5	221		6	126
li	9	232		7	128
	13	329		10	ibid. 198
	18	242. 247		11	132
lxix	5	192	liv	7	179. 183
lxxxv	9	295	lxiii	5	178
liii	3	136	lxvi	3	242
cx	5	178. 194		6	311
cxvi	3	185		JEREM.	
	15	190	vii	21. 22. 23	242
cxix	131	9	x	24	350
cxxx	3	295	xxv	15	158
	PROVERB.		xxix	12	ibid.
	7	22	xxx	20	330
			xxxi	29	56
					32

INDEX LOCORUM S. SCRIPTURÆ.

Caput	Versus	Pagina	Caput	Versus	Pagina
	32	330	VI	12	334
	33. 34	43. 332	VIII	16. 17	134
	39	147	IX	6. 7. 8	250
XLIX	6. 8	291	XI	28	222
	THREN.		XII	5	20
IV	21	158	XVIII	23. 24	46
V	7	51. 142	XX	28	72. 96
V	20	183	XXIII	37	52
	EZECH.		XXVI	28	338
XVI	8	75		37. 38	152
XVIII	4	55. 56. 188	XXVII	45	173
	DANIEL.			46	174. 283. 284
IV	27	345. 346		MARC.	
IX	24	274	II	17	104
	HOSE.		III	14	118
VI	6	232. 242	XIV	33. 34. 35	152. 155
VIII	13	333	XV	34	173
IX	9	ibid.		LUC.	
XI	1	136	I	35	177
	JONAS.			68	79
III	4	18		74	294
IV	9	152	VII	42	295
	HABAC.			48	333
I	13	8. 10	X	24	337
III	2	350	XXII	15. 16	138
	MICHÆ.			20	221
VI	6. 7. 8	242		33. 34	174
VII	19	332		43	157
	ZACHAR.			44	153. 155
			XXIV	21	156
XII	12	177		47	177
XIV	19	117		JOHAN.	
	MALAC.		I	14	156. 224
IV	2	136		16	308
	MATTH.			29	219. 220
II	15	136	III	14	244
III	7	79		15	144
V	46	100		16	292. 297
				34	176

INDEX LOCORUM S. SCRIPTURÆ.

Capit	Versus	Pagina	Caput	Versus	Pagina
IV	14	333		13.14	17
V	18	58	VI	4.5	99.326
VI	30	176		23	16.17.188
VII	33	171	VIII	1	328
VIII	27	166		2	176
IX	32	144		3	187.220
X	13	292		4	275
XI	25	192		17	358
XII	32	178		18	341
XIII	4.11	339		22	76
XIV	18.20	337.338		29	99.341
A C T A				32	324
I	24	58.181.281	IX	3	95.168
	36	118		18	46
II	17	230	XII	1	224
III	12	311	I. AD CORINT.		
IV	4	340	I	13	97
V	33	213	V	7.8	137.198.219
VI	38	236	VI	19.20	224.295
VII	28	280	IX	27	354.355
VIII	18	274	XI	31	355
IX	4	15	XII	12	340
EPIST. AD ROMAM.			XV	50.51	190
I	4	213.326	II. AD CORINT.		
II	18	8	I	6.7	101.340.343
III	32	ibid.	V	14	53.296
IV	5	9		18.19.20	43.81.82.85
V	11	286		21	43.117
VI	14.15	18	VI	1.2	312
VII	5.6.	21	VII	11	356
VIII	24.25	22.82.83.91	AD GALAT.		
IX		92.265.297	I	4	102
X	31	20	III	13	107 & seq.
XI	6.7.8	273		19	66
XII	25	102.326		25	217
XIII	7	52	IV	4	274
XIV	10	79.81.251		24.25	222
XV	11	82	AD EPHES.		
XVI	12	17.188	I	4	7
					7

INDEX LOCORUM S. SCRIPTURÆ.

Caput	Versus	Pagina	Caput	Versus	Pagina
	7	79		8	341
II	13	222		AD TIT.	
	14	209	II	11.12.13	296
	16	82.88		14	104.295
	20	224		AD HEBRÆOS.	
IV	32	47.334	I	3	202.327
V	2	209.210.220	II	14	74.238
	16	69		17	212
	AD PHIL.		IV	15	212
I	12.13	343		16	222
	29	48	V	I	195
II	6	287.326		5	212
	12	312		7	153.171
III	16.17	357		8	212
	21	341	VII	19	336
IV	18	210		22	22.65
	AD COLOS.			24	216
I	19	224.308		26	177.216
	20	63.81.85.89		27	207.218
	24	94.100.339. & seq.	VIII	3	195
II	9	308		4	214
	13	330	IX	6.7	228
	14	224.239.325		8	224
	15	74		13.14.	202.203.220.224
	17	217			238.327
	19	209		19.20.	221.222
III	4	341		22	21.196.285
	I. AD THESS.			24	21
IV	4	295		27.28	117.145.207
	II. AD THESS.		X	I	217.239.240. &c.
	6	9.298		2.3	224
	I. AD TIMOT.			4.5.6	23.209.242
I	13	234		10.11.12	208.218
II	6	68.72		14	336
	14	230		19	253
III	16	326		26	233.234
IV	16	61	XI	4	39
	II. AD TIMOT.			6	4
	7	177		39.40	42.336
					XII

INDEX LOCORUM S. SCRIPTURÆ.


Caput	Versus	Pagina	Caput	Versus	Pagina
XII	I	249		14	177
	23	336		18	355
	24	64.198	V	9	342
XIII	8	337	I. JOHAN.		
	12	220.221	I	7	327
JACOB.			II	2	82
I	2.3	349	III	2	341
II	13	358		16	98
	23	135	V	6	104.220
I. PETR.			APOC.		
I	2	222	I	5	274
	15	341	V	12	219
	18	71.194.219	XIII	8	ibid.
II	7	222	XIV	13	190
	21	99.100.342	XIX	9	138
	24	144 & seq. 294	XXI	2	224
IV	13	342			

INDEX



I N D E X
RERUM ET VERBORUM.

A.



Ἀδύμνια quid sit. 153
Affectus nostri quadrupliciter errant. 171

Agnus cur Christus vocetur. 219

Agnus Paschalis Christum adumbravit. ibid.

Agoniæ vox, quid significet. 153

In Agonia Christi irā attendenda,
Gradus & Partes, Adjuncta, Effectus. p.
149. & seq. non fuit $\tau\epsilon\delta\acute{o}\lambda\alpha\nu$, sed Vera
p. 150. non in corpore solum, sed in Ani-
ma p. 151. non in Anima parte Inferiore
demum, sed etiam in Superiore Ibid. &
p. 159. ejus causa p. 158, & seq. quomo-
do in Christum cadere potuerit. 164

Amor Dei *alius* Benevolentia, *alius*
Beneficentia & Unionis p. 49. *alius* com-
placencia. 87

Anathema duplex sustinebat qui ferebat peccati poenam. 330

Angelus quomodo Christum conforta-

Tit.

rit. 157
Ἀντανάκλητον reliquias Passionum
Christi quomodo dicantur fideles. 342

'Αντὶ praepositio, tria significat *Equalitatem*, *Oppositionem* & *Compensationem*
p. 72. *usus ejus.* 96

Apostasiæ gradus varii. 234. 235

Athletæ ante certamen examinaban-
tur. 357

Aurium perforatio quid apud Judeos
significaret.

B.

Bonum Morale cum Physico necessitudine quadam sociatur. II

C

Carimonice quomodo opponantur
Christo & quomodo ei subordinentur. 243.
244

Cærimoniarum Legalium *abrogatio*,
est vel de Jure vel de Facto. 209.215

כפר *quid significet.* 204.346

כפרת operculum Arce quare sic di-
ctum. 205

Calix in Scripturis quid significet. 158

Carnis Puritas vel Impuritas quid sit.

238.329

Castigare corpus quid sit Paulo. 357
Christi munera aliquando seorsim in
variis actibus considerantur, aliquando in

- Inguis conjunguntur.* 255
Christi Plenitudo. Vid. Plenitudo.
Christi nomine aliquando intelligitur
Christus Mysticus. 340
Christi similitudo nobiscum est Natura & Infirmittatum. 212
Christus cur incarnatus fuerit, non verò Pater aut Spiritus S. p. 25. 26. debuit esse Propheta, Rex & Sacerdos p. 64. cur. Ibid. quomodo dicatur Agnus, quomodo Leo, p. 73. 74. ex malo nostro adversus malum nostrum remedium salutare petit. p. 125. unitus est Deo Naturâ, Amore, Sanctitate, Virtute & Felicitate. p. 179. non Dam-natus, sed Condemnatus fuit, non Dam-natorum, sed Dam-nandorum pœnas tulit. p. 186. 187. Sacerdos est & Victimâ. p. 194. & seq. fuit verè Sacerdos in ter-ris. p. 207. & seq. Legi fuit subjectus non pro se, sed pro nobis. p. 275. & seq. ut Spon-sor & Caput consideratur. 359
Coena S. instituta est præcipuè in me-moriam Mortis Christi. 253
Cognitio duplex Theoretica & Pra-ctica. p. 229. hæc rursus vel Absoluta, vel Comparata. Ibid.
Comminationes Legis. V. Lex.
Conformitas fidelium cum Christo est duplex, Gratia quæ Sanctitatis est & Cru-cis, & Gloria. 341
Conscientiæ vis. 14
Constantia & Obstinatio quomodo differant. 15
Consummari à Christo quomodo di-cantur fideles. p. 336. eorum quoduplex Consummatio. 337
Consummatum in Cruce quomodo di-cat Christus. Ibid.
Correctio omnis non supponit errorem præcedentem. 169
Cruciatuum Christi duo gradus. 173
Crucifigi quare voluerit Christus. 113
Crux fuit Romanorum supplicium p. III. cur dicatur supplicium Execrabile. p. 112. in ea tria erant, Tormentum, In-famia, & Diuturnitas pœna. Ibid.

D.

Damnari aliquis quomodo dicatur. 110
Decretum de Fine non tollit Media. 7
Desertio alia Absoluta, Totalis & Eterna; alia Temporalis, Partialis & secundum quid. 179
Deserit Deus Creaturam vel ad ex-plorationem, vel ad Correctionem, vel ad Pœnam. 182. 183
Desertio Christi quæ fuerit p. 175. 178. ejus causæ p. 182. non infert Dissiden-tiam aut Desperationem in Christo p. 180. & seq. 186. 283. 284.
Desperatio non est de essentia pœna, sed de Vitio patientis. 186. 282. 283
Deus non punit peccata quatenus est pars offensa, sed quatenus Rector mundi, p. 13. aliquando sententiam mutat, sed non consilium. 41
Dissidium inter nos & Deum duabus causis fovetur Justitiâ Dei & Peccatis no-stris. 82
Divinitas non vivificat Formaliter, sed Effective. 180
Divinitas Christi per mortem non fuit divulsa ab ejus humanitate. 177
Δελαγωγείν σῶμα quid sit. 357

E.

Eclypsis quæ accidit dum Christus pa-teretur fuit extraordinaria p. 174. ejus causa. Ibid.
Emere gratiam quomodo dicantur fi-deles

RERUM ET VERBORUM

desles.	107	Fœdus ferire unde dicatur.	253
Εὐλαΐα aliquando Pietatem, aliquando Timorem significat.	153	Fœdus Legale & Evangelicum, quomodo differant.	222
Excommunicatio est pœna Canonica seu Ecclesiastica, non satisfactoria justitiæ Divina.	356	G.	
Execratio Legis sumitur tum Active tum Passivè. 107. & seq.		Gentilium Dii pictis Victimis placantur.	9
Execratio quomodo pro nobis factus sit Christus.	108	Ἰς quis sit. p. 74. jus ejus. Ibid. quomodo hoc Christo conveniat.	Ibid.
Exemplum Christi nobis proponitur imitandum non in omnibus, sed in quibusdam tantum.	100	In Gratia Dei esse bisariam intelligitur.	165
Expiare quid sit.	200	H.	
In Expiatione tria sunt Afflictio pœnalis, Pœna succedanea, & Liberatio rei.	200	Hirci Hazazel sacrificium p. 139. 329. & seq. quid denotaret p. 140. cur dictus Hazazel. 141. & 330.	
Expiatio differt à Liberatione p. 200. 201. non est Exemplum. Ibid. nec Declaratio remissionis peccatorum.	202. 203	I.	
Expiatio peccatorum non fit in cœlis à Christo. 201. 207. & seq.		ἱλασθῆναι, ἱλασμός, ἱλασμοὶ & ἱλασμοὶ quid significant.	82. 83
Expiatio duplex Typica & Realis p. 203. 238. Legalis fuit Typica. 237. & seq.		ἱλασθῆναι quomodo Christus dicatur.	83
Expiatio dicitur de Deo, de Victima, de Sacerdote.	204	Impleri quo sensu dicatur res aliqua.	137
F.		Impositio manuum super caput victimæ imputationem peccati significabat. 133. 141. 196. 197	
Facere, pro Constituere, Ordinare.	118	Imputatio Justitiæ & Remissio peccatorum quomodo differant.	273
Fideles Veteris Test. salutem per Christum consecuti sunt p. 41. 42. & 337. quomodo non sine nobis sint consummati.	Ibid.	Imputari alienum peccatum probatur.	50. & seq.
Fidelium quotuplex Perfectio p. 336. eorum afflictiones quo sensu possint dici Pœna p. 348. quomodo differant à Pœnis impiorum.	350	Iniquitates nostræ quomodo in Christum traducta dicantur.	126
Fides applicat nobis beneficia Christi.	297. 310	Injustum, quid sit.	31
		Insors pro Sonte, positus certis conditionibus, plecti potest justè.	57
		Intercessio Christi ejus Satisfactionem supponit.	64
		Ira & Odium Deo tribuuntur ἀνθρώποις.	8
		Judicium Dei duplex, aliud Vindictæ, aliud Castigationis p. 355. quare incipiat à Domo Dei.	356
			Juris

Juris varia species. 32
Jure Stricto & Temperato quomodo utatur Deus. 55. & seq.
Jus & Justitia Dei distinguuntur. 31
Justitia Dei Universalis. 9
Justitia Dei alia Distributiva, alia Fidelitatis & Decentia p. 268. Distributiva quid sit. 8
Justitia Vindicatrix est Essentialis Deo p. 8. 9. 23. 28. hanc probant conscientia vis p. 14. Sacrificia Gentilium. Ibid.
Justitia & Misericordia Dei sunt una eademque essentia, distinguuntur tamen secundum Objecta & Effecta p. 29. quamvis nunquam separentur in Deo, tamen exercere potest actus unius sine alterius exercitio. 358

L.

Legis comminationes quatenus Absoluta & quatenus conditionata sint. 18.
 19
Lex quae obligavit Adamum in Paradiso non fuit Specialis sed Communis. 17
Lex Mosaiica consideratur Formaliter aut Materialiter, priori sensu Israelitas posteriori tum Judaeos tum Gentes obligat. 18
Liberatio quomodo differat ab Expiatione. Vid. Expiatio.
Liberum & Naturale non pugnant p. 30. nec Liberum cum necessario. Ibid.
Litare & Sacrificare quomodo differant. 197
Literati quare dicerentur Servi. 242
Lustrum apud Latinos à Græca voce λύτρον dictum est. 71

M.

Mediatio Christi quid sit p. 63. & seq. quomodo ad Angelos à nonnullis extendatur. Ibid.

Miracula solus Deus facit propriè. p. 312. quomodo homines ad ea concurrant. Ibid.

Miracula Moïsis, quomodo differant à Miraculis Christi. 250

Misericordiae divinæ Actus est Arbitrarius p. 14. quomodo dicatur Itam superare p. 29. est Absoluta à causis Præcedentibus, non verò à conditionibus subordinatis p. 46. Tres requirit conditiones. Ibid. usque quò se extendat erga peccatores. 48

Mors non est Natura sequela, sed peccati stipendium p. 17. 188. non tamen moriuntur fideles ut pœnam peccati ferant p. 189. 293. mortis eorum varii fines. 353

Mortis pœna consideratur vel quoad Essentiam, vel quoad Accidens & Adjunctum ejus. 281

Mors Christi voluntaria p. 127. ei non fuit subjectus quatenus Homo p. 190. quomodo Benedicta, quomodo Maledicta p. 116. Æterna est p. 114. non quoad Durationem, sed quoad Valorem p. 280. ejus Universalitas quomodo intelligenda p. 68. dicitur μαρτύριον p. 68. differt tamen à Morte Martyrum. 116. 162. 247. & seq.

Mortis Christi varii fines p. 99. 147. non fuit tantum ad Confirmationem doctrinae aut Exemplum patientiae, sed verè satisfactoria p. 22. 247. & seq. ejus Necessitas ad Satisfactionem pro peccato. p. 285. non est tantum λύτρον, sed ἀντίλυτρον Redemptionis nostræ p. 72. & quidem una sufficiens pro omnibus mortibus. 289. & seq.

Mortalitas & Immortalitas quomodo tribuantur Adamo in statu Innocentiae. 189

Moïses

RERUM ET VERBORUM.

- Moses fuit tantum divina Legis Interpres & Internunciarius p.63. Mediator Typicus p.65. vocatur Redemptor. 69.77
- N.
- Nosse peccatum quid sit. 118
- O.
- Obedientia à Lege præscripta, quomodo differat ab eadem quatenus in Evangelio præscribitur. 294
- Obedientia Christi est Meritoria & satisfactoria. 274.275
- Obstinatio & Constantia quomodo differant. 15
- Odisse & simul Diligere conveniunt Deo. 87
- Odium Deo tribuitur ὀδύνη πονηρίας. 8
- Odium peccati in Deo infert necessarium Pœnam peccati. 10.11
- Odor suavitatis quid sit. 211
- P.
- Parabolæ non debent urgeri ultra scopum. 46
- פֶּרֶק quid significet. 347
- Paradisus & Infernus hinc inchoantur. 186
- Passiones Christi ut Vadis & Sponsoris sunt Satisfactoria, ut Capitis sunt Exemplares. 341. & 359
- Passiones Fidelium vocantur Passiones Christi p.340. & seq. non sunt Inanes etsi non sint Satisfactoria p.309. varios habent fines. Ibid. & 328.343
- Passionum Christi & nostrarum discrimen. 100. & seq. & 342.
- Peccatum significat aliquando Pœnam peccati, aliquando victimam pro peccato. 117
- Peccata vocantur Debita. 34.65.334
- Peccatum omne est ex Ignorantia aliqua p.229. rectè tamen dicitur aliud Ignorantia aliud Malitia. Ibid.
- Peccatum aliud Repugnans, aliud Regnans p.234. Irremissibile. 235
- Peccatum Adami non fuit Particulare, sed Commune p.17. totius Legis Naturalis violationem traxit. Ibid.
- Peccatum omne pœna dignum p.6. peccator tamen potest subtrahi pœna peccati p.21.50. illud absque Satisfactione Deus remittere non vult & non potest p.298. hac Necessitas peccatum puniendi non est Physica, nec Coactionis, sed Ethica. 23.38
- Peccatum portare quid sit. p.128. 131. 132. nostra portavit Christus & expiavit non quoad Culpam tantum, sed etiam quoad Pœnam. 126. 145. 327. & seq.
- Peccati Reatus Justificatione, Labes Sanctificatione tollitur p.148. ejus reliquia in fidelibus non pertinent ad culpam, sed ad Maculam p.359. idè non tolluntur per Satisfactionem, sed per Sanctificationem. 359
- Perfectio fidelium duplex Gratia & Gloria p.336. Lex nihil potuit perficere. Ibid.
- Perforatio aurium Vid. Aures.
- Pietatis officia non præscribuntur fidelibus ad Satisfaciendum. 336
- Plenitudo Christi duplex Gratia & Deitatis. 308
- Pœna, seu Dea culta ab Assyriis & Græcis. 15
- Pœnæ spectari debent vel Physicè seu Metaphysicè, vel Ethicè sive Judicialiter p.282. aliæ sunt sic dictæ Propriè, aliæ Analogicè tantum p.348. harum variae Species p.349. cur vocentur Pœnæ. Ibid.
- ***
- Pœna

Pœna omnis non est Satisfactio p.
106. *In Christo tamen Pœna à Satisfac-*
tione non divellitur. Ibid.

Pœnas Infernales sustinuit Christus p.
185. *non tamen fuit in Inferno.* Ibid. *ea-*
rum tulit non Æternitatem, sed Extre-
mitatem. 187

Pœnæ Infernalis Æternitas non est de
Substantia Pœnæ, sed de Infirmitate Crea-
turæ. 187

Pœnæ Fidelium differunt à Pœnis Im-
piorum. 350

Pœnitentia publica vocatur Satisfac-
tiō. 4

Pœnitentia & Fides non tollunt neces-
sitatem Satisfactionis. 39. & seq.

Pœnitentes cur puniantur in foro hu-
mano, non verò in divino. 335

Preces Christi in Agone Voluntati &
Consilio Dei non fuerunt contraria p. 166.
quousque fuerint exaudita. 172

Pro prapositionis varie significationes.
94. & seq. 102. 343

Pro peccatis quo sensu Christus dicatur
mortuus. 102. & seq.

Promissio quam Patres non obtinue-
runt, quam sit. 337

Promissiones fidelibus V. T. facta non
sunt Temporales duntaxat, sed etiam Cœ-
lestes & Divina. 42

Propitiatio & Intercessio Christi quo-
modo differant. 91

Puritas & Impuritas carnis Vid. Ca-
ro.

R.

Reatus alius Typicus, alius Realis p.
237. *alius Potentialis, alius Actualis.* 382

Reconciliare quid sit. 81

Reconciliari nos Deo, cur Scriptura di-
cat potius quàm Deum nobis. 86

Reconciliatio non notat tantum Con-
versionem nostri ad Deum, sed & Aver-
sionem ira Dei à nobis. 85

Reconciliatio aliquando tribuitur Deo
Patri, aliquando Christo, aliquando Fi-
delibus p. 81. *aliquando Ministris.* 88

Redimere quid significet. 69. 70

Redemptio fit multifariam. 73

Redemptionis opera sunt θεανδρακά.
178

Redemptio nostra facta est interce-
dente Pretio p. 69. & seq. & 107. *ejus*
λύτρον quomodo Deo solutum p. 79. *quo-*
modo dicatur esse Gratis, Pretio, Permuta-
tione, & Vi. p. 73. *illius duo sunt Gradus,*
alter Meriti, alter Efficacia. p. 79. *Termi-*
nativè & subjectivè est solius Filii, Inchoa-
tivè & Efficienter est totius Trinitatis. 291

Redemptio nostra non est ut abstra-
mur à Deo, sed ut cum eo in gratiam re-
deamus. 80

Redemptio Ægyptiaca non est facta
absque respectu ad λύτρον p. 77. *illius &*
nostræ discrimen. Ibid.

Remissio peccatorum & Satisfactio
pro peccato non pugnant. 44

Remissio peccatorum & Imputatio
justitiæ, quid differant. 273

Remissio Culpe & Pœnæ non possunt
separari. 330

Remissio Dei & Hominum, quomoda
convenient & differant. 47

Remissio debiti Pecuniarii & Crimi-
nalis differunt. 45

S.

Sabulum unde dicatur. 132

Salus fidelium considerari potest vel re-
spectu Dei, vel Christi, vel hominum Re-
demptorum, vel Diaboli. 73

Salutis Acquisitio & Applicatio sunt æ-
qualis

qualis Latitudinis. 297. 298

Sacerdotis & Prophetæ discrimen. 194.

195

Sacerdotalis officii duplex actus. 206

Sacrificare & Litare quomodo differant. 197

Sacrificia referuntur ad Deum, Peccatum, & Hominem p. 197. ea quomodo Deus Nolle dicatur. 241. & seq.

Sacrificia Legalia considerantur vel Absolutè, vel Relatè p. 238. non potuerunt peccatum verè Expiare p. 237. 239. & seq. Expiabant tamen Reatum Carimonialem. 246

Sacrificia ἱλαστικὰ V. T. non pro levioribus demum peccatis, sed etiam pro gravioribus offerebantur p. 225. & seq. fuerunt Typi Sacrificii Christi p. 216. & seq. in Sacrificio Anniversario Amplitudo Sacrificii Christi, in Privatis Applicatio ejus adumbrata est. 223

Sacrificium Christi fuit Propitiatorium & Pacificum. 211

Sanguis quomodo dicatur Anima. 169

Sanguinis Christi aspersio fit in Cruce, Corde, Verbo & Cælo. p. 222. an Unica ejus gutta sufficiens fuerit hominibus redimendis. 285. 305. 307. 308

Satisfacere & Solvere quid differant. 4

Satisfacere sibi ipsi quomodo aliquis possit. 269

Satisfactionis vox varias sortitur significationes p. 3. 361. in Ecclesia gemino usurpatur sensu p. 4. non reperitur in Scriptura $\chi\rho\iota\sigma\tau\acute{o}\varsigma$ πρὸς πᾶν $\chi\rho\iota\sigma\tau\acute{o}\varsigma$ πρὸς πᾶν $\chi\rho\iota\sigma\tau\acute{o}\varsigma$ p. 5. occurrit sæpe apud Veteres, sed alio planè sensu, quàm apud Pontificios. 361

Satisfactio alia est Vera & Propria, alia Metaphorica & Impropria. p. 62. alia quâ satisfuit Voluntati divinæ, alia quâ

Justitiæ. p. 63. alia Privata, alia Publica. 269

Doctrina de Satisfactione Christi Pietatis & Sanctitatis est incentivum. p. 295. Gloriam Dei summè illustrat. p. 299. eam varii variè impugnaverunt. 1. & seq.

Satisfactio Christi, quid sit. p. 5. est Solutio p. 4. 5. ad eam concurrunt tum Actiones, tum Passiones ejus. Ibid. non pugnat cum Remissione peccatorum p. 44. nec cum Gratia Dei. p. 265. & seq. in ea luget divinæ Misericordiæ & Justitiæ temperamentum. 24

In Satisfactione Christi tria attenduntur, ejus Necessitas p. 5. & seq. Veritas. p. 60. & seq. Perfectio. 305. & seq.

Necessitas Satisfactionis Christi non est solum Hypothetica & Congruentia, sed etiam Absoluta p. 7. ex ipsius rei natura fluit. p. 25. adumbrata variis typis. p. 22. & seq. nititur præsertim Naturæ Dei p. 8. & ejus Voluntate & Decreto p. 16. astruitur ex hypothesibus Socini p. 15. & seq. eam non tollunt penitentia & fides p. 39. sine Satisfactione peccatum non potest remitti p. 21. & seq. non potuit dari nisi à Christo. 24. & seq.

Contra Necessitatem Satisfactionis argumentantur Sociniani 1. Deum posse condonare Peccata absque Satisfactione. Refut. p. 27. & seq. II. non tantum Posse per Naturam, sed etiam Velle. ex Decreto. Refut. p. 38. & seq. III. Non modò Posse & Velle, sed ne Posse quidem contrarium sine Injustitiâ & Crudelitate. Refut. p. 50. & seq.

Veritas Satisfactionis Christi astruitur ab officio ejus Mediatorio p. 63. & seq. à Redemptione p. 68. & seq. à Reconciliatione nostra cum Deo p. 81. & seq. à Locis

Scriptura qua Persona substitutionem p. 94. & seq. Debiti commutationem p. 102. & seq. & qua Persona subrogationem simul & Debiti Compensationem innuunt. p. 107. & seq. ex Agonia Christi p. 149 & seq. ex ejusdem Desertione p. 173. & seq. & Morte p. 187. & seq. Ex Sacrificiorum V. T. collatione p. 193. & seq. ex Absurdis sententiæ contraria. 247. & seq.

Contra Satisfactionis Christi Veritatem, obijciunt Sociniani 1. Eam esse ἀγέγονο Refut. p. 261. & seq. 11. Esse Impossibilem, ratione Dei. Refut. p. 264. & seq. Ratione Christi Refut. p. 269. & seq. Ratione pœna Refut. p. 279. & seq. Ratione hominum Refut. p. 289. & seq. 111. Varia absurda inducere Refut. 291. & seq.

De Veritate Satisfactionis Christi Verterum testimonia. 256. & seq.

Perfectio Satisfactionis Christi demonstratur, 1. A dignitate personæ satisfacientis p. 308. & seq. 2. Ab Unitate officii Mediatorii p. 323. 3. A Gravitate pœna Christo impositæ p. 324. & seq. 4. A Dei approbatione p. 326. 5. Ex effectu triplici istius Satisfactionis, Expiatione scilicet peccatorum p. 327. & seq. eorum Remissione p. 330. & seq. & Fidelium Consummatione. 336. & seq.

Perfectio Satisfactionis in eo posita est, quod Christus nihil omiserit ex iis, quæ à Justitia divina requirebantur ad sui satisfactionem. 324

De Perfectione Satisfactionis Christi Pontificiorum sententia p. 306. 307. illam labefactant, quamvis asserere videantur. p. 305. humana satisfactiones satisfactioni Christi non debent adjungi p. 309. illi sunt injuria. 311. & seq.

Satisfactio Christi quomodo se habeat ad peccata præterita & ad futura p. 104. ejus acceptatio est duplex, à parte Dei & à parte nostri p. 297. applicatur nobis per Imputationem à parte Dei, per Fidem, Charitatem, Verbum & Sacramenta à parte nostri p. 310. non applicatur nobis per Satisfactiones nostras. Ibid.

In Scriptura Res sunt non tantum Explicite, sed etiam per Consequentiam necessariam. 261

Serpens æneus ut Christum repræsentavit. 244. 245

Servare quid sit p. 61. alius alium Servat duobus modis. Ibid.

Servatoris nomen quomodo Christo competat secundum Socinianos, quomodo secundum Orthodoxos. 62

Servitus hominis quadruplex Peccati, Legis, Mortis & Diaboli. 69. 70

Similitudo Christi nobiscum. 211

Spiritus Dei in Christo operatus est Vitam, Pacem, Sanctitatem, Robur & Felicitatem. 177

Sponsor quid sit & quid agat. 65

Subjectio Legis duplex Natura & Oeconomica. 277

Subrogatio Christi nostro loco fieri potuit. 54. & seq.

Substitutio pœnalis pro alieno peccato probatur. 51. 52

Sudor Christi sanguineus. 155. & seq.

Suppliciorum genera quatuor apud Judeos. 110

Suspenſi quare in Lege dicantur maledicti. 111

T.

Θάμβος quid sit. 155

Timor Christi p. 153. Spem & fiduciam ejus non tollis. 165

Tra-

RERUM ET VERBORUM.

Traductio iniquitatum nostrarum in Christum. <i>Vid.</i> Iniquitas.	Absoluta & Relativa.	203
Tristitia Christi.	Virtutis & Vitii discrimen est Naturale.	11
Twissi sententia de Necessitate Satisfactionis p. 35. Resellitur.	Umbra duplex Naturalis & Artificialis.	239
Typus unus diversis rebus subordinatis convenit.	Unionis fidelium triplex vinculum Naturale, Forense & Mysticum.	58
In Typo minus est quam in Antitypo p. 166. hinc varii Typi adhibiti ad representandum Christum ejusque Mediationem. <i>Ibid.</i> & p. 223. 224.	Voluntas alia Efficax, alia Inefficax p. 166. alia Naturalis & Indeliberata; alia Deliberata & Electiva p. 167. alia Absoluta, alia Conditionalis.	<i>Ibid.</i>
V.	Voluntas in Christo duplex Humana & Divina p. 166. non pugnant.	<i>Ibid.</i>
Vestimenti extensio in mulierem apud Hebraeos erat pignus conjugii.	Voluntas Dei Occulta non est Actio-num nostrarum norma, sed Revelata p. 170. adeoque homo potest velle absque peccato quæ voluntati Dei occulta repugnant.	<i>Ibid.</i>
Victima loco Peccatoris offertur. & seq.		
Victimæ humanæ à Gentilibus numini oblata & cur.		
Victimarum Legalium duplex generis,		



I N D E X
DISPUTATIONUM,
C U M
RESPONDENTIUM
Nominibus.

DISPUTATIO I. *De Necessitate Satisfactionis Christi, Respondente Gabriele DEMONTHOUZ, Genevensi; Status Quæstionis proponitur, Necessitas Satisfactionis variis Argumentis tum à Natura, tum à Voluntate Dei petitis asseritur.* Pagina I

Disputatio II. *De Necessitate Satisfactionis &c. Respondente Davide GIRARDO Neocomensi; Respondetur Objectionibus Adversariorum.* 27

Disputatio III. *Quæ Prima est de Veritate Satisfactionis Respondente Melchisedeco PINALDO Genevensi. Status Quæstionis ponitur. I. Argumentum proponitur ab Officio Mediatorio Christi. II. à Redemptione. III. à Reconciliatione.* 60

Dispu-

INDEX Disputationum & Respondentium.

Disputatio IV. *Quæ Secunda est de Veritate, &c.* Respondente Joanne DE TOURNES Genevensi. IV. *Argu. excutitur ex locis in quibus Christus dicitur pro nobis mortuus; Item factus peccatum & maledictio.* 94

Disputatio V. *Quæ Tertia est de Veritate, &c.* Respondente Davide WYS Bernensi: *Expenduntur loca Isaia LIII. & I Petri II. 24.* 122

DISPUTATIO VI. *Quæ Quarta est de Veritate &c.* Respondente Petro SECRETANO Lausannensi. V. *Argumentum proponitur ex Agonia & Desertione Christi.* 149

Disputatio VII. *Quæ Quinta est de Veritate &c.* Respondente Samuele VIOLLERIO Genevensi. *Confirmatur Satisfactio Christi ex ejus Desertione & Morte.* 173

Disputatio VIII. *Quæ Sexta est de Veritate, &c.* Respondente Benedicto CALANDRINO Genevensi. VI. *Argumentum expenditur à Sacrificiis Veteris Testamenti.* 193

Disputatio IX. *Quæ Septima est de Veritate, &c.* Respondente Joanne Georgio MULLERO Lausannensi. *A Sacrificiis Veteris Testamenti iterum confirmatur Satisfactio. Absurda aliquot proponuntur in sententia Adversariorum. Testimonia varia Veterum afferuntur pro Satisfactione.* 228

Disputatio X. *Quæ Octava est de Veritate, &c.* Respondente Joanne MELONO Syiacensi Aquitano. *Variae Objectiones contra*

INDEX Disputationum & Respondentium.
contra Veritatem Satisfactionis proponuntur & refutantur. 260

Disputationis X. Pars Altera. Respondente Paulo Cou-
LEZ Metensi. Reliquis Objectionibus respondetur. 279

Disputatio XI. Quæ Prima est de Perfectione Satisfactionis.
Respondente Jacobo MORINO Xantone-Torsensi Assertitur I.
A Dignitate Personæ II. ab Unitate Officii III. à Gravitate Pœnæ
IV. à Dei approbatione V. à Triplici effectu Satisfactionis, Expiatio-
ne, Remissione, Consummatione. 308

DISPUTATIO XII. Quæ Altera est de Perfectione Eodem
RESPONDENTE. Objectiones Adversariorum in medium affe-
riuntur & solvuntur. 339



DISPUTATIO
THEOLOGICA PRIMA
DE
SATISFACTIONIS
CHRISTI NECESSITATE.

Respondente *Gabriele* DEMONTHOUZ, *Genevensi*.

THESIS PRIMA.



UM suavissima de Satisfactione Christi Doctrina ; præcipuum sit salutis nostræ Caput , Fidei anchora , Spei azy- lum , Charitatis norma , ut sanctè monet *Athanasius* ; at- que adeo vera Christianismi basis , pretiosissimumque Christianorum *κειμήλιον* ; quâ salvâ & illius structura con- stat , & istorum consolatio , & quâ rursus vel eversâ vel corruptâ totius Religionis compagem luxatam & dissipa- tam ruere necesse est : Nihil antiquius divinæ Veritatis

Cultoribus esse debet , quàm ut accurato pensitetur examine , & in aperta luce collocata , ab omnibus agnosci , firmaque ex Verbo Dei fiducia constanter re- tineri possit.

II. Atque eo diligentius hoc expendendum est argumentum , quod nullum sit ferme Religionis Christianæ mysterium , quod Diabolus & Mundus capita- les salutis nostræ hostes graviori odio & contumelia , vel aperto Marte , vel oc- culta arte perpetuò impetiverint , nullum quod tot erroribus ad Ecclesiæ per- niciem turbare ac subvertere etiamnum hodie moliantur.

III. Nam ut de *Phariseis* & *Pseudoapostolis* qui Christi & Apostolorum tem- pore vixerunt nihil nunc dicamus , quorum illi directè saluberrimum hoc dogma impugnabant , propriam justitiam stabilire conantes Rom. x. 3. isti verò indire- ctè & per cuniculos aggrediebantur , Mosem cum Christo , Opera cum Fide ,

Justitiam hominum cum Justitia Dei exitiali mixtura conjungentes, quos propterea Paulus Gal. v. 4. dicit καταργεῖσθαι ὑπὸ τῷ Χρυσῷ, id est ita evanescere & rescindi à Christo ut Christus ipsis planè inutilis reddatur: Ut etiam *Valemtinianos* & *Gnosticos*, *Arianos* & *Photimianos* aliosque istius furfuris homines jampridem à veteribus Conciliis & Patribus damnatos, & infami hæreseos fligmate notatos omittamus, quos & Χρυσμάχους, & Servatoris merito & satisfactioni iniquiores fuisse notius est quàm ut probatione indigeat; Quis nescit *Pelagium* ipsum inter varios ac multiplices quos fovit errores, hoc etiam implicitum fuisse quòd *Gratiam* medicinalem Christi in sola doctrina ipsius & exemplo sitam esse putaret? Christum enim ideo venisse arbitrabatur, non ut genus humanum ab ulla captivitate vel ab ullo carcere liberaret, sed tantum ut demonstraret viam salutis, & vitæ æternæ traderet documenta, ut præberet salutaris vitæ exempla, se ipsum proponens nobis in humilitatis & patientiæ exemplum, prout ex variis Augustini locis comprobari facillè potest; Et usque adedò hæc exitialis labes contagione sua Ecclesiam Christianam infecerat, ut ad *Bernardi* usque tempora remanserint pestis hujus reliquiæ.

IV. Seculo enim XII. ingruentibus Sophistarum tenebris, emerfit apud Gallos versuti acuminis, & multijugæ, prout ferebant ista tempora, eruditionis *Petrus Abailardus*, cui impingitur à Scriptoribus illius ævi quod Satisfactionem Christi cum priscis hæreticis impiè & sacrilegè negarit, unde *Clara-Vallis Abbas Episto.* 190. ad innocentium Papam, varios illius errores & pestifera dogmata commemorat, sed imprimis circa Redemptionis mysterium, quòd is docuerit non alio fine apparuisse Christum in carne aut mortem subiisse quàm ad instructionem nostri per verbum & contestationem charitatis suæ per mortem: Mysterium verò Incarnationis quod post Apostolos à Doctoribus constanter creditum esse fatebatur, partim eo impugnabat quod nulla opus fuerit Satisfactione, quia sola Verbi prædicatione potuerit Deus instaurare genus humanum, partim quod crudele & iniquum sit ut per cruentam & ignominiosam mortem ejus qui innocens & ipsius Dei filius sit, pro alienis peccatis Deo satisfiat.

V. Non defuerunt tamen qui meliorem mentem *Abailardo* hic tribuant; nam *Petrus Cluniacensis* non ignobilis Scriptor illorum temporum de hoc in Epistola quadam testatur quod sanctè & devotè in *Cheniacensi* Monasterio ultimum vitæ actum transegerit, quin de Articulo Satisfactionis in Apologia quadam ejusdem expressam hanc reliquit thesim, *Solum Incarnatum Filium Dei profiteor, ut Nos à Servitute peccati & iugo Diaboli liberaret & suprema aditum vitæ morte sua nobis referaret*: unde non est quod *Joh. Crellius* in responsione sua ad *Hugonem Grotium* de *Abailardi* consensu in oppugnanda Salvatoris Satisfactione tantopere gloriatur.

VI. Post Reformationem verò in Evangelii & scientiarum παλιγγενεσία, etsi Lux illa salutaris quæ cœlitus affulsit videbatur ferales illas cæci erroris depellere

pellere debuisse tenebras, fuerunt tamen nimis multi qui sanctissimum hoc dogma sollicitare & adulterare conati sunt. Notum est quid *Michael Servetus* homo ad omnem improbitatem ab ipsis furiis effectus blasphemè de hoc pronuntiaverit, Quid *Georgius Blandrata*, *Valentinus Gentilis*, *David Georgius* circa istud impiè censuerint; Accesserunt *Lalius Socinus*, *Bernardinus Ochinus* ac tandem infaustus ille *Fauftus Socinus*, *Lalii nepos*, qui ut Christi Divinitatem ita & Satisfactionem execrabili & diabolica planè audacia impugnare & convellere sunt moliti; & longè periculosius hac in parte ipsis Pontificiis errarunt: Nam licet meriti istius & Satisfactionis pretium & efficaciam non uno modo labefactare annitantur Papicolæ, perfectionem ejus in dubium vocando dum paniculos Satisfactionum & meritorum humanorum illi assuere non erubescunt; nunquam tamen hæcenus eo insanix progressi sunt ut ejus & necessitatem & veritatem exertè negarent, quod infelix Socinianorum turba quibus nihil Christiani restat præter nomen magno molimine est aggressa veteres & pridem explosas hæreses ab inferis reducendo. Ad horum partes non obscurè accedunt *Remonstrantes* quicquid in adversum huic crimini amoliendo asferre possint, ut *Leidenses* in Censura sua, *Festus Hommius* in specimine, & *Bodecherus* in Sociniano - Remonstrantismo abundè demonstrarunt.

VII. Quamvis verò in purganda hisce monstris Ecclesiâ vires suas feliciter explicuerint & prisci seculi Heroës olim, & novissimè Celeberrimi multi Viri quibus propiùs cum ipsis congregiendum fuit: Nondum tamen proh dolor! hæc ita prostrata & sublata videmus, quin subinde ad redintegrandum bellum novas admoveant machinas, & submittant copias, unde quisque facillè conjiciat rem non ita confectam esse, ut non in ea suam exercere industriam pro se quisque possit aut debeat; Non ingratum ergo vel ἀνεργάδιον fore speramus, si pro modulo nostro in veritate magis magisque illustranda & asserenda laborantes sententiam Orthodoxam paucis complectamur Positionibus, & publicâ disquisitione expendendam cum bono Deo proponamus.

VIII. Quod antequam facimus præcognita quædam de Voce ad Rei illustrationem necessaria præstruenda sunt. *Satisfactionis* vox Latinis semper in usu fuit creberrimo, sed variâ significatione usurpatâ; Nam ut nunc mittamus generaliore significatione quo *satisfacere* is dicitur qui alicui placet & morem gerit, quomodo *Ulpiano* autore ei *satisfacere* dicimur cujus *desiderium implemus*; Certum est in usu communi bifariam dici, vel de *reparatione offensæ*, vel de *solutione debiti*, satisfit enim pro offensæ, & pro debito; Nam qui se purgat & excusat apud eum qui offensam passus est, *satisfacere* dicitur, unde veteres Romanæ linguæ Scriptores eum satisfacere dicunt, qui vel factis vel verbis testatur sibi dolere quod alterum læserit, ultionemque simpliciter deprecatur, & velle se in gratiam cum eo redire significat; Cicer. 2. Philipp. *Acceperam jam ante Cæsaris literas ut mihi satisfieri paterer à te id acciperem purgationem & excusationem tuam.* Sic *Alcmena* apud *Plautum* *Amphitruoni* iratior, à quo se

contumeliosis verbis læsam fuisse conqueritur, profitetur se non aliter cum eo redituram in gratiam nisi satisfecerit *Amphitr. Act. 3.*

Quin ego, inquit, illum, aut deseram

Aut satisfaciat mihi; acque abjuret insuper

Nolle esse dicta que in me insontem protulit.

Hinc Satisfactionis formula apud Veteres erat, *Nollem factum, jusjurandum dabo te esse indignum hac injuria.* Terentius Adelphis *Ego vestra hac novi; nollem factum, jusjurandum dabitur esse te indignum injuria hac.* At pro debito satisfit solvendo debitum & liberando fidem. Unde est quod in usu Jurisconsultorum *Satisfactionis* & *Solutionis* voces non rarò tanquam æquipollentes usurpantur; Sæpius tamen est cum ut distinctæ separantur; *Solvere* enim is propriè dicitur qui ipse per se pretium numerat, *Satisfacere* qui quod alius debet vel æquivalens solvit *l. Solutionis D. de verborum signi. l. 4.* Quò pertinet Scholastica Satisfactionis definitio cum dicitur esse *voluntaria redditio æquivalentis aliàs indebiti*, cum nimirum fidejussor quod alius debet aut æquivalens reddit creditori *Scot. in IV. Dist. 15.*

IX. In Sacris Satisfactionis vox hoc gemino pariter sensu usurpatur, vel pro humili confessione, agnitione peccati, & petitione veniæ, vel pro solutione plena quâ justitiæ divinæ pro peccatorum debitis satisfit; Priori sensu peccatores dicuntur sæpius apud Patres *Deo satisfacere* cum humili confessione peccatum agnoscunt, & veniam ejus deprecantur Origenes homi. 3. in Jud. *Humilia te ipsum Deo, & satisfacito ei in confessione pœnitentiæ* Lactantius lib. 4. c. 17. *Si peccata nostra confessi satis Deo fecerimus* Cypria. de lapsis loquens. *Peccatum suum satisfactione humili, & simplici constitentes;* Ita omnis peccatoris pœnitentis actus qui Deo placet ejusque veniam & gratiam impetrat, quo scilicet testatur sibi de admisis peccatis vehementer dolere, eaque se facta nolle, adeoque ex animo cupere in Dei gratiam redire, *satisfactionis* nomine apud eos venit; Et quia nobilis imprimis erat lapsorum fidelium pœnitentiæ publica, in ea potissimum & singulari quadam ratione hæsit apud veteres Satisfactionis vocabulum; Unde in Ecclesia *Satisfactionis* nomen increbruit ad significanda publica illa pœnitentiæ testimonia quæ ab illis qui in grave aliquod & notorium peccatum inciderant publicè solebant in Ecclesia veteri ad fidelium ædificationem, & offendiculi dati reparationem exhiberi quæ *satisfactiones Canonica* dicebantur, & in foro externo Ecclesiæ dabantur. Ex quibus patet, ut hoc obiter dicamus, quàm ridiculi sint Pontificii dum Patrum loca quæ de istiusmodi Satisfactionibus loquuntur ad Satisfactionum suarum vel propriarum vel alienarum commentum probandum trahere conantur, cum tamen constet longè aliam esse apud hos & illos vocis istius significationem.

X. Secundo verò sensu cum Satisfactio pro solutione sumitur, non est cuiusquam peccatoris Deo satisfacere, solius Christi hoc est proprium, qui pec-

peccatis nostris λύτρων in cruce persolvit, & obedientiâ usque ad mortem Dei justitiæ plenè satisfecit; Et hæc est significatio hujus loci propria cum de *Satisfactione Christi* disputamus. Per eam quippe nihil aliud intelligimus quàm voluntariam Christi θειοδρώσως obedientiam & passionem, quâ se ipsum obtulit Deo per Spiritum æternum in sacrificium ἱλαστικόν, ut pro nobis impleret omne Legis postulatum, & omnes pœnas ex ordine divinæ Justitiæ nobis debitas in se transumptas tanquam fidejussor noster lueret; atque ita propitiatione perfectissima pro peccatis nostris præstita, liberationem à morte & maledictione, simulque jus ad vitam æternam absolutissimâ Justitiâ suâ nobis acquireret. Unde constat ad hanc Satisfactionem tum *actiones* tum *passiones* Christi concurrere quibus plenissimè legem implevit tum faciendo quæ jubebat, tum patiendò quæ interminabatur. Cum enim utrumque ab homine peccatore lex requireret & utrumquæ ad perfectam salutem necessarium esset, utrumque etiam pro nobis *solvi* ab ipso debuit, ut in eo perfectum δικαίωμα haberemus quo non modo impunitatem respectu pœnarum à sanctione Legis denunciatarum consequeremur, sed & positivè jus vitæ æternæ quam facientibus lex promittit adipisceremur; Licet autem hæc Christi Satisfactio in morte potissimum eminuerit, unde illi in Scriptura sæpe salus & redemptio solet tribui *synecdo*, quia fuit cumulus & corona ejus obedientiæ, ad totam tamen vitam extendenda est in qua Christus justitiam omnem implevit, & sic merendo satisfecit & satisfaciendo meruit.

XI. Quamvis verò *Satisfactionis* vox præcisè sic sumpta quoad verba sit ἄγραφοι, tamen æquivalenter & κατὰ τὸ πρᾶγμα in Scripturis sæpe occurrit: Nam voces tum V. tum in N. T. ἱποδυναμένους reperiuntur; in V. quidem T. תָּרַח & פָּדִינוּ Exo. 13. 13. Pl. 49. 8. 9. תָּרַח & פָּדִינוּ Exo. 21. 30. Levit. 13. 30. unde dies יָמֵי תָּרַח quia in illo solemnitas fiebat propitiatio pro populo; In N. λύτρεν ἀντὶ λύτρων ὑπολύτρωσας πηλὴν, ἱλασμός λύτρεν. ὑπολύτρων ἐξαγορεύειν & sim., quæ ut suo loco videbitur apertè eam connotant, ne varias phrasas commemoremus ex quibus invictè elicitur ut in sequentibus patebit.

XII. De hac autem *Satisfactione* tria potissimum quæri possunt, 1. An fuerit necesse Christum satisfacere pro nobis; 2. An verè & propriè satisfecerit; 3. An perfectè & absolutè omnibus partibus sibi demandatis defunctus sit; In primo attenditur *Necessitas*; In secundo de *Veritate* inquiritur; In tertio consideratur *Perfectio*, de his enim tribus gravissimæ moveri solent controversiæ tum à Socinianis tum à Pontificiis: Nos verò nunc quidem primum illud caput executuri 1. Quæstionis statum & partium diffidentium sententiam proponemus, 2. veram & Orthodoxam sententiam confirmabimus κατασκευαστικῶς 3. per ἀνασκηδὼν præcipua Adversariorum argumenta confutabimus.

XIII. Etsi non intricatus videtur *Quæstionis status* Quædam tamen hîc ἐξαγώνια & non controversa removenda sunt. 1. Non quæritur An peccata pœnam mereantur & punibilia sint, utrinque enim est in confessio peccatum omne

omne esse pœnâ dignum. Nam cùm sit aliquid inconforme supremæ regulæ, hoc est Legi æternæ, fieri nulla ratione potest ut Deo non displiceat, adeoque peccatorem non obliget ad pœnam, qui enim Deo displicet, dignus est eo ipso qui à Deo rejiciatur; sed de eo controvertitur, An ut peccata punibilia sint, ita debeat Deus necessariò & velit actu punire semper ex Justitia. 2. Non disceptatur, An peccata quædam actu puniat vel punire debeat; Agnoscunt enim Adversarii Deum non posse non punire peccata impœnitentium & contumacium: Sed an omnia omnino ita puniat, ut nullum inultum abire patiatur. 3. Non vertitur propriè in controversiam An Deus ex *summo illo Jure* quod in Creaturam obtinet, & *potentiâ absolutâ* peccata remittere possit absque satisfactione; Neque enim ii sumus qui limites Omnipotenti statuere velimus; neque nostrum est definire quousque infinita illa & ἀνὰ ὅσον quam in Creaturam obtinet potestas extendatur? Sed quæstio est de Jure *virtutibus temperato* & *potentiâ ordinatâ* secundum quam non tantum potest agere, sed agere vult & agit in hoc præsertim negotio. Denique non disquiritur An Christus debuerit aliquid facere & pati quo secundum partis læsæ acceptilationem gratis & precariò consequeretur veniam; nam & illud dant Adversarii: Sed an meritoriè, re ipsa, & integrè satisfacere debuerit, non omittendo aliquid quod stricto jure fieri debuit, sed tam agendo quàm patiendo quicquid ad salutem nostram erat requisitum.

XIV. Unde jam facilis & perspicuus emergit Quæstionis status; An scilicet Deo nobiscum ex Jure virtutibus temperato agente nullum peccatum impunitum dimitti possit, atque adeo Satisfactio Christi eatenus pro nobis necessaria fuerit, ut absque ea nec remissio peccatorum, nec salus æterna potuerit obtineri, seu An ex parte Dei non modo congruum & consentaneum, sed & necessarium fuerit Christum Justitiæ Divinæ pro nobis plenè ac perfectè satisfacere ad opus Redemptionis nostræ peragendum; Obliquè negant Pontificii, subdolè labefactant Remonstrantes, sed *μὴν τῇ κεφαλῇ* & apertè oppugnant Socinistæ.

XV. Socinus passim contrarium astruit tum in *lib. de Servatore* tum in *Præfati. Ego censeo*, inquit, & *orthodoxam sententiam* esse arbitror Jesum Christum ideo Servatorem nostrum esse quia salutis æternæ viam nobis annuntiaverit, confirmaverit & in sua ipsius personâ, cum vitæ exemplo, tum ex mortuis resurgendo manifestè ostenderit, vitamque æternam nobis ei fidem habentibus ipse daturus sit, Divinam autem Justitiâ per quam peccatores damnari mereremur pro peccatis nostris neque illum satisfacisse, neque ut satisfaceret opus fuisse affirmo. Lib. I. de Serva. c. I. Idem statuit Cateches. Racoviensis, Ostorodii Institu. Smalzius contra Frantzius, Crellius contra Grotium, Volkelius denique contra omnes.

XVI. Orthodoxorum vero constans est sententia, Christum pro peccatis nostris omnibus Justitiæ divinæ verè & perfectè satisfecisse, & ut satisfaceret omnino necesse fuisse, ita ut absque eo foret, nulla nobis vel remissio-

missionis peccatorum, vel salutis & immortalitatis spes affulgere posset.

XVII. Hic autem mirari satis non possumus, quod ex Lutheri discipulis nonnulli sint, atque inter alios *Gherardus* in loco de Justifi. c. 36. qui occasionem datam volunt novis Photinianis hujus blasphemi erroris sui per doctrinam Ecclesiarum nostrarum de absoluto Electionis decreto. Nam, inquit, si absolutâ Dei voluntate salvandi sint electi ad vitam æternam, utique etiam absolutâ Dei voluntate peccata illis remittentur, vel certè remitti potuerunt, adeoque nihil opus est Christi satisfactione aut merito: Illi verò eadem argumentandi ratione facile colligerint non opus esse vel fide vel pœnitentia: Sed iniquissima est accusatio, & vel ex eo satis refutatur quod qui pro absoluto electionis decreto pugnamus, etiam pro vera Christi satisfactione adversus illa dogmatum portenta totis viribus decertamus; Et sanè absolutum decretum de fine nullum affert mediorum constitutioni præjudicium, cum potius illi subordinentur, nam qui destinavit nobis ab æterno salutem ex solo beneplacito, noluit tamen eam conferri in tempore nisi satisfactionis interventu: Qui nos dilexit amore benevolentia ut daret Christo, & Christum nobis, non diligit amore beneficentia nisi in eo & propter eum. Unde *Electi* dicimur in Christo Eph. 1. 4. non ut Electionis causa meritoria & antecedente, sed ut executionis fundamento ac primario medio consequente.

XVIII. Cæterum inter Orthodoxos de *Satisfactionis necessitate* aliquod occurrere sententiarum divortium non diffitemur; Nam etsi omnes mordicus necessitatem satisfactionis tueantur adversus communem Adversarium, ita ut nulla alia ratione actu liberemur à peccatorum reatu & morte quam per eam, cum in nullo alio quam Christo sit salus Act. 14. 12. Non pariter tamen omnes & ex æquo necessitatem illius adstruunt: Quidam enim *necessariam* quidem fatentur fuisse *satisfactionem*, sed ex *hypothesi* tantum decreti divini, quatenus hoc apud se statuit Deus, & hanc suam voluntatem in Verbo patefecit, nimirum ut per *λύτρον* Sponsoris & Mediatoris nostri liberaremur: *Necessitatem* etiam *congruentiam* hinc agnoscunt, quia maximè congruum erat divinæ Majestati, ne impune violari dicerentur ejus præcepta, adeoque ipsi Justitiæ præjudicium aliquod fieri, peccata non aliter dimitti, quàm acceptâ Christi satisfactione; At non ita absolutè necessariam eam censent, quin alii modi Liberationis & salutis Deo possibiles fuerint, quâ in sententia videtur fuisse *Augusti*. cum disertè dicat li. 13. de Trini. c. 10. *Alium modum Deo possibilem non defuisse cujus potestati cuncta equaliter subjaceant, sed sananda nostra miseria convenientiorem modum alium non fuisse nec esse potuisse*: Alii verò non tantum *necessitatem* quandam hypotheticam urgent quæ solâ voluntate Dei nitatur, sed & *absolutam* quæ fundetur in Justitia; unde pertendunt Deum mortem filii sui decrevisse in Redemptionis pretium, non modò quia nolit peccata remittere sine satisfactione, sed & quia non possit per Justitiam; & hanc sententiam Nos libenter amplectimur, tum quia Scripturæ sacræ magis est consentanea, tum quia commodior est ad retundendam pesti-

pestilentissimi hæretici pervicaciam, cui non parum, imprudentes licet qui aliam insistant viam, gratificantur.

XIX. Ut ergo ad sententiæ nostræ confirmationem accedamus, statuimus duobus imprimis fundamentis niti Satisfactionis necessitatem, Naturâ scilicet Dei, ejusque *Voluntate*; Illa in proprietatibus & virtutibus ejus elucet; Ista in Lege & Verbo Evangelii declaratur: Et ad *Naturam* quidem quod attinet faciliè demonstramus, necessariam fuisse satisfactionem: Nam si Deus naturâ Justus est, si perfectè odit & averfatur peccatum ut sanctitati & Justitiæ suæ è diametro repugnans; utique non poterit non illud punire, ac proinde nec poterit illud absque satisfactione remittere, At prius illud certissimum est; Nam præterquam quod negari non potest Justitiam esse de conceptu essentiali Divinitatis, siquidem repugnat omnino, imò blasphemum est concipere Numen quod sit injustum; si Scripturam consulimus toties Justitia illa Deo tribuitur, ut nullus dubitationi locus superesse possit: Quid enim aliud sibi vult Regius Psalter quum ait Ps. v. 6. 7. *Odisti omnes qui operantur iniquitatem, non est commoraturum apud te malum* & Ps. cxix. 135. *Justus es Domine & Recta Judicia tua*, Quid aliud Abrahamus Gen. xviii. 25. *An Judex terra totius non exerceret jus?* Quid aliud Daniel ix. 7. *Tibi Domine Justitia* &c. & Habac. c. i. 13. *Purior es oculis quàm ut aspicias malum.* & Jos. xxiv. 19. *Non potestis colere Jehovam* (scilicet cultu hypocritico) *quia Deus sanctissimus est, Deus fortis, zelotes non feret defectionem vestram & peccata vestra.* Quid aliud Paulus cum testatur Rom. i. 18. *Patere iram Dei è cælo adversus omnem impietatem & injustitiam hominum*, & vers. 32. *Singulos in conscientiis suis convictos esse, hoc esse Dei δικαίωμα quod qui talia faciunt digni sunt morte.* Denique ne plura hic congeramus, Dominus ipse protestatur sæpius se fortem esse & zelotem qui nullo modo absolvat fontem, sed visitet iniquitatem patrum in filios, Exod. cap. xx. 5. & xxxiv. 7.

XX. Positâ autem semel hæc in Deo Justitiâ necessariò sequitur, poenam ex ea peccato deberi; Nam cum Justitia hæc sit *ἐναποδοτικὴ* & distributiva quæ versatur in suo cuique tribuendo, prout eam Cicero describit ad Herennium dum ait esse æquitatem jus unicuique tribuentem pro dignitate cujusque, & Simonides referente Aristotele in Polit. positam esse dicit *ἐν τῷ τοῦ ὀφειλόμενα ἕκαστῷ ἀποδοῖναι*, omnino requiritur ut quemadmodum ex ejus præscripto bonis benè debet esse, ita & malis sit malè, Rom. ii. 6. 7. 8. Ita de Odio & Ira Dei si ratiocinari volumus res clara erit; Cum utrumque *ἀνδραπονειδῶς* tantum Deo tribuatur, sed *θεοπειθεῖως* intelligendum veniat, nullam animi ægritudinem vel perturbationem in Deo notat, sed tantum summam rei alicujus displicentiam & detestationem cum certa & constanti voluntate eam puniendi: Rursus cum nihil velit Deus quod non possit, omnino si odit peccatum naturaliter, inultum illud abire nunquam patietur, unde Psalter, Psal. v. 6. 7. ex eo quòd Deus odit iniquitatem, concludit eam non impunè mansuram, quo significat eum esse inter odium peccati ejusque punitionem nexum, ut vinculum illud

illud resolvi haud quaquam possit. Non est ille instar fictitiorum Gentilium Numinum quæ fictâ & imaginariâ satisfactione contenta iram facile deponere credebantur, unde apud illos in usu nonnunquam fuit pictas victimas assumere in expiationem peccatorum, quod *Alex. ab Alex.* post Thucydidem prodidit, & Jupiter ipse sæpius accensis tantum facibus placabatur: At Deus noster ignis consumens est, oculi ejus puriores sunt quam ut aspiciat malum, multò minus ut illud inultum ferat.

XXI. Non nos latet equidem variè hîc argutari Adversarium ut vim istius argumenti declinet. I. Circa vocem *Justitia* negat illam designare propriè in Scriptura Justitiam illam *ἐπινοησάντων* & vindicatricem quam urgemus Nos, cujus ipse nullam necessitatem agnoscit nisi circa impœnitentes, sed potius *Justitiam universalem*, id est, Æquitatem & Rectitudinem quæ alibi puritatis ac sanctitatis nomine venit, & secundum quam ea omnia facit, quæ fieri jure debent, seu quæ fieri jus & honestas postulat; Unde *Praelecti* cap. 16. neque enim, inquit, in Deo ulla *Justitia* est quæ peccata omnino punire jubeat, cui ipse renunciare non possit; Est quidem in Deo perpetua *Justitia*, sed hæc nihil aliud est quam *aquitas & rectitudo*. Verùm frustra hæc & perperam ab eo afferuntur. Nam etsi non negamus diversimodè sumi vocem *Justitiæ*, ita ut vel *Justitia universalis*, vel *particularis* intelligatur, & hæc rursus vel in dictis vel in factis attendatur; pertendimus tamen sæpius & in hoc præsertim negotio sumi *relatè ad Judicium* pro constanti voluntate peccata ulciscendi; quod vel ipsa locorum antea laudatorum inspectio comprobare poterit abundè? Neque Paulus diceret *Justum esse apud Deum reddere afflictionem afflictibus*, 2 Thess. 1. 6. vel Angelus Deum esse *Justum & Judicia ejus justa*, eò quòd in peccata severè animadverterit. Apocal. xvi. 5. 6. 7. vel David, Daniel, Nehemias toties *Justum* vocarent Deum ob pœnas varias vel fidelibus vel impiis illatas nisi propriiissimè hæc *Justitia particularis* Deo competere, non tantum ad modum actus arbitrarii & liberi quem Deus possit exercere vel non exercere pro libitu, sed ad modum proprietatis, cujus quidem exercitium objecta, & modi liberrime à Deo & sapientissimè ut omnia administrantur, sed quæ tamen quoad *radicem & principium* Deo sit *essentialis*. Huc pertinent ea omnia loca in quibus Deus dicitur toties justè & in justitia mundum judicaturus in quibus *Judicia* sua ex *justitia* exercere perhibetur ut Ps. ix. 5. & cxix. 131. Act. xvii. 3. Ro. ii. 5. & iii. 5. 6. &c. Nam hæc dici non possent nisi *Justitia* hæc *particularis* virtus esset & *proprietas naturalis* ex qua *justum* ejus *judicium* promanat. II. Imò etsi daremus Adversario Scripturam per *Justitiam*, *Æquitatem* & *Rectitudinem* Dei potissimum intelligere, nihil propterea decederet causæ nostræ, cum non minus hac ratione stringere possit argumentum; Nam cum, ut rectè Philosophus tradidit, *Justitia* hæc virtus sit *universalis* quæ alias omnes sub se complectitur, omnino *Æquitas* ipsa non erit omnibus numeris absoluta sine *Justitia* vindicante, quippe quod æquum

fit imò æquissimum ut Dei odium testatum fiat in peccatorum punitione, suumque unicuique tribuatur. Ita si Justitia universalis intelligitur, particularis etiam notatur, quæ in illa ut species sub genere continetur: Et sanè Justitia illa universalis perfecta non posset dici, nisi cum amore sanctitatis concipiatur esse averfatio mali, & ex averfatione voluntas puniendi; quare enim Justus diceretur, nisi quia summam rectitudinem & sanctitatem habet, ita ut neque in ipso, neque in operibus ejus quicquam sit quod ab ea rectitudine vel tantillum recedat; At si posset non punire peccatum, posset non odisse, si posset non odisse posset amare, & sic non esset summè justus. Accedit etiam quòd cum pœnas & supplicia peccatorum agnoscat Adversarius esse effectus irati Judicis, effectus isti necessariò arguunt causam in ipso, causa autem nulla dari potest nisi Justitia illa vindicatrix quæ Sanctitatis & summæ Rectitudinis pars quædam est & συνέ-
ρον. Jos. xxiv. 19. Psal. xi. 7.

XXII. Excip. II. Odium & Iram Dei non statim inferre Justitiam vindicatricem esse Deo essentiali, posse enim esse liberæ voluntatis effectum, non proprietatis naturalis actum; Ut Deus oderit quia vult, non quia à natura necessariò ad id determinatur. 2. etsi odium esset naturale & necessarium non sequi statim pœnæ necessitatem, ut in nobis datur averfatio sine punitione, averfiamur vitia eorum qui nos injuria afficiunt, nec statim licet aut lubet ea ulcisci, parentes filiorum vitia detestantur, & tamen sæpe sine pœna ignoscunt, quidni E. Deus pariter poterit odisse & non punire? 3. Si Deus punire potest ubi non odit, E. odio habere poterit & non punire; punivit autem Filium sanctissimum quem odio nunquam habuit. Resp. Sed hæc omnia vel falsa sunt vel ἀπεροδό-
νως Ad 1. dico falsò supponi odium & iram esse tantum liberæ voluntatis effectum & non proprietatis essentialis actum, licet enim à libera voluntate exerceatur; non minus tamen in attributo essentiali fundatur; Imò cum actus supponat necessariò habitum utique actus odii & Iræ principium aliquod arguit quod non potest aliud esse ab ipsa justitia: quod ulterius confirmatur, quia fundatur in sanctitate & puritate Dei, unde Jos. xxiv. 19. Deus dicitur non laturus defectionem & peccata populi quia est sanctissimus & Hab. i. 15. *puritatem oculorum Dei* id. perfectissimam sanctitatem ait causam esse cur non aspicere possit malum, si E. sanctitas est naturalis & odium pariter. 2. quia amor boni in Deo non est indifferens sed necessarius, ut enim amat se ipsum necessariò, ita non potest non amare quicquid sibi simile est; E. odium erit necessarium ex ratione contrariorum. 3. Quia si esset actus liber & indifferens posset eum non exerere, Imò posset justè contrarium velle, id est amare peccatum; nam actus qui in sola voluntate fundantur sunt liberrimi, & ad nullum objectum ita inclinatur Dei voluntas quin si in contrarium inclinaretur posset id justè fieri quis verò ad hoc non horreat? Ad 2. Tam arcto nexu odium & pœnam peccati fociari credimus ut non possit illud poni sine ista ut dictum Th. 2 o. alias sequeretur peccatum Deo semper displicere, & tamen posse peccatorem quâ

quà talem ad se recipere, nam si potest non punire, potest condonare, si potest condonare potest peccatorem in sinu suo fovere; Simile quod assertur est planè dissimile; Aliæ sunt viæ Dei aliæ nostræ, nostrum est averfari peccatum sine vindicta privatâ, quæ iis tantùm competit qui sunt in *ὑπεροχῇ* constituti, sed de Deo sine exceptione est dictum, *mea est ultio ego retribuam*. Deinde in nobis est averfatio frigida & sæpe inefficax, vel quia nolumus, vel quia non possumus plectere; Ideo Magistratus & Patres non rarò præposterâ indulgentiâ hîc peccant, vel facultate puniendi destituuntur quia vana est sine viribus ira: sed Deus summè odit peccatum ut læsionem gloriæ suæ & quia summè potens est ulciscitur infallibiliter: differt quidem aliquando vel transfert pœnas, sed non ideo penitus aufert; semper punit si non in peccantibus ipsis saltem in Vade. Ad 3. dico argumenta ab oppositis non semper admitti posse in Theologia v. g. jubemur amicos amare, malè tamen quis cum Pharisæis colligeret debere inimicos odisse, sic mala opera sunt causa exitiî, ergo & bona salutis, nec enim eadem causalitas est bonorum operum erga salutem quæ malorum erga exitium, hæc quippe efficiunt & merentur propriè mortem quia nostra sunt & indebita, at illa nullam talem *χρῆσιν* habent ad salutem, quia nec nostra sunt nec indebita, & si necessaria sunt ad eam necessitas est tantùm *presentia* non *efficientia* & meriti, ut conditionum in salvandis, sed non ut causarum ipsius salutis. Itaque non si Deus punire posset ubi non odit, continuò odio habere poterit, & non punire. 2. falsum Deum unquam punivisse sine odio, nec exemplum Christi hoc evincit, nam licet *in se* & propria persona dilectissimus fuerit Patri, tamen ut *Vas & sponsor noster* qui peccata nostra in se recepit, Deum iratum sensit, & se à Deo derelictum questus est.

XXIII. Porro hoc ipsum luculenter confirmari potest, sive naturam *peccati*, sive Dei ipsius *χρῆσιν* in hoc negotio attendamus: Nam ad naturam quidem *peccati* quod attinet, quando certum debet esse & extra omnem dubitationis aleam positum, naturale aliquod discrimen intercedere inter vitium & virtutem, non tantùm positivum & liberum, prout *Carneades* olim censuit, qui Justitiam & Injustitiam nomina esse tantùm, rem autem ipsam pro hominum arbitrio mutabilem esse docuit; Certum itidem & manifestum est bonum morale cum physico & malum physicum cum morali naturali quadam necessitudine confociari, ita ut & illud præmii & hoc pœnæ rationem habeat; quippe cùm conveniant utrinque in eodem genere vel boni vel mali, & divinam sapientiam omnino decet hæc simul componi, nec sine absurditate fingi potest vel sanctitatem absolutissimam comitem habere perpetuam miseriam & calamitatem, vel summum scelus cum summa & jucundissima felicitate conjungi.

XXIV. Nec Sapientiæ tantùm hoc convenit, sed Bonitati & Justitiæ divinæ imprimis consentaneum est; Et bonitati quidem primò; siquidem tanta ejus vis est & magnitudo, ut non modò bonis bene esse velit, sed ut nequidem videatur contrarium à se impetrare posse, ratio est manifesta; cùm enim Deus

bonum sit quo non potest esse melius, bonum autem sit naturâ suâ amandum & expetendum, omni dubio procul est Deum sese summopere amare; Porro ob eandem rationem ob quam Deus sese amat quâ bonus est, amabit etiam quicquid naturæ suæ simile reperiet, & in quo imaginem suam refulgere videbit: certum autem est in pietate & sanctitate potissimam imaginis divinæ partem sitam esse, quo circa non potest eam non amare vehementer ubicunque ea occurrat. Nemo autem quidquam amat usque adeo vehementer ex bonitate, quin etiam ex Justitia vehementer oderit quod ei adversarium est; hæc enim sese invicem consequuntur & ponunt; Jam verò quemadmodum qui amat ille etiam testatur amorem suum beneficentiâ si qua ratione id potest, amor enim in eo consistit quòd bene iis volumus esse quos diligimus, adeò ut si per nos liceat non modò velimus, sed etiam re præstemus ipsa, sic etiam qui odit si quo pacto id facere potest quicquid vindictæ habet præ manibus id omne in id quod averfatur effundit, ut vel destruat penitus vel longissimè amandetur, itaque si odit Deus peccatum, puniet omnino & ulciscetur.

XXV. Secundò dixi *ἀρετήν Dei* hîc esse attendendam; neque enim hîc spectandus est ut Dominus simpliciter, aut ut privatus, sed ut *Judex & Rector mundi*, atque adeò ut *Summus Magistratus*, siquidem pœnâ affligere, aut à pœnis aliquem liberare cùm punire possis, non est nisi Rectoris quâ talis primò & per se, ut puta in familia Patris, in Republica Regis, in Universo Dei; Quod ex eo vel maximè patet quòd pœna sit ultimum in coactione, Coactio autem non competat nisi superiori τῇ ὑπερεχούσῃ ἐξουσίᾳ. Cùm ergo Deo supremum regimen & potestas gubernandi competat, non potest non Rectoris partes obire nisi Dominio isto se abdicare, id est quod Scriptura possibile esse districtè negat velit seipsum abnegare. Itaque quàm necesse est Rectori & Principi inter homines bonas & æquas leges ferre, & latarum se custodem profiteri, vel præmia obedientibus largiendo, vel pœnas transgressoribus irrogando, tam necesse est Deum supremum mundi Rectorem & Judicem scelera hominum ulcisci nec impunita dimittere; *An non Judex totius terræ exerceret Jus?* Gen. XVIII. 25.

XXVI. Atque hinc facilè colligitur frustra hæreticum identidem nobis reponere, Deum se habere ut *partem offensam* tantùm in hoc negotio, partem autem offensam esse pœnæ creditricem, atque in ea re habere jus quale alii Creditores in rebus sibi debitis, ut vel exigere possit vel remittere pro libitu. Nam I. *Punitio* de qua hîc quæstio est non est actus competens *parti offensæ* quâ tali, quia alioquin deberet omni parti offensæ competere per se jus puniendi, quod falsum esse ex eo apparet, quod punire diximus esse actum τῆς ὑπερ ἑκείνης: Læsi quidem qualescunque jure naturali & ordinariè jus habent postulandi restitutionem & damni compensationem, potestatem autem cogendi, atque adeo constituendi & sumendi pœnam, quâ tales non habent, nam qui alium cogit ut restituat ablatum, eo ipso sese illo superiorem constituit & regulas

Juris exequitur quod non facit quàm læsus, sed quàm potestate quadam Rectorali sive ordinaria sive extraordinaria instructus; Si ergo Deus punit vel pœnam tollit ut Judex, non facit ut pars offensa; Interim non negamus Deum qui peccata punit vel peccatoribus condonat rectè dici partem offensam, quia his omnino offenditur primò & per se, sed punire aut impunitum dimittere, ei quàm pars est offensa tribui negamus; punit quidem homines quia læsus est, sed non quàm læsus, sed quàm Rector.

XXVII. Deinde *Jus puniendi* in Rectore & Magistratu non est *jus absoluti Domini*, aut *jus Crediti* simpliciter, in quo cuique licet facere de suo quod voluerit, ut pertendit Adversarius, nam istud comparatum est ejus gratiâ qui illud obtinet; at *Jus puniendi* non punientis propriè causâ existit, sed causâ totius Communitatis, & quoniam delicta publicè puniri interest; Pœna enim omnis propositum habet commune bonum, Ordinis nimirum conservationem & exemplum: Ad hæc nunquam cum justitia pugnat de Jure Domini aut Crediti cedere, quia hæc est natura proprietatis ut eâ tam uti quàm non uti liceat, at Judex non potest abstinere à Jure administrando citra injustitiam, quia versatur in alieno negotio quo suum cuique tribuendum est, imò quædam peccata puta impœnitentium & contumacium, impunita dimittere injustum esset ipso fatente Adversario; Itaque longè alia ratio est debitorum & pœnarum, Creditoris atque Judicis, ac proinde cum Deus non sustineat modò personam partis offensæ sed Judicis imprimis, nihil de Jure suo æterno & immutabili hac in parte cedere potest, ut fusius postea probandum erit

XXVIII. Ex his autem jam satis liquet Justitiam illam vindicatricem non esse actum liberum & arbitrium qui à sola Dei voluntate pendeat, sed proprietatem essentialem ad cujus exercitium voluntas, posito peccato necessario impellitur. Et sanè si Dei naturam decet ut non patiat perire quem peccati pœnitet, quia bonus est & Clemens, non minus etiam decebit ut peccatum inultum abire non sinat quia Justus; Nam ut prius oritur ex naturali quadam *propensione* & propensione bonitatis & misericordiæ versus pœnitentiam, ita & posterius fluit ex naturali quodam peccati odio & detestatione; Imò si accuratè rem putamus, posterius illud aliquanto magis convenire videtur. Nam cum peccatum condonat id facit ex abundantia quadam bonitatis, sed nullo jure, nulla lege tenetur ad hoc præstandum; ideo Naturæ suæ in eo ductum modò sequitur, creaturæ verò nullum meritum: At in Justitia administranda præter Naturæ *propensionem* illam qua propendet in odium peccati, habet etiam rationem ordinis cujus custos est atque vindex, & cujus legem semel latam abrogare haudquaquam potest. Quoad prius, nullam videt in subjecto qualitatē quâ moveri possit ut illi beneficiat, vel si aliquam videt, contrariam videt Sanctitatis suæ, & ejusmodi propter quam justè posset ab omni beneficio supersedere; At respectu posterioris subjectum videt eâ vestitum qualitate quæ

Justitiam ad exercitium incitet & necessitate quadam inevitabili propellat, unde *actus misericordiae* planè *arbitrarius* est si eum præscindas à decreto, quia nullum habet fundamentum in subiecto circa quod exeritur, *actus* verò *Justitiæ necessarius*, quia non pendet tantum à voluntate, sed ab ipsa Dei punientis & Rei puniendæ natura.

XXIX. Porro huic essentiali & indeclinabili Justitiæ Divinæ suffragatur *communis hominum sensus* & consensus; Unde enim impressa illa Conscientiæ vis quæ horrorem metumque incutit peccatoribus; Unde cæca illa verbera quibus torquentur post scelus admissum nisi ex Justitiæ vindicatricis persuasione firmissima? *Conscientia* scilicet repræsentativum Numen quoddam est, bonorum & malorum facinorum Index & Judex, quæ hominem reum assiduo cædit verberare, nec patitur securum esse inter tot Justitiæ Divinæ & cœlestis vindictæ testimonia. Unde dicta illa apud Veteres usurpata.

Quò fugis Encelade quasunque accesseris oras

Sub Jove semper eris &c. &

Conscia mens ut cuique sua est, ita concipit intra

Pectora pro facto spemque metumque suo.

Et *Prima est hæc ultio quod se*

Judice nemo nocens absolvitur &c.

Huc respiciunt & ista *hosce*

Evasisse putes quos diri conscia facti

Mens habet attonitos & surdo verberare cædit

Occultum quatiente animo tortore flagellum.

Planè sicut Paulus testatur dari in homine, *cogitationes accusantes & excusantes* Roman. II. 15. nimiumque id experiuntur peccatores ipsi dum hoc tortore interno velut furiis identidem exagitantur, quorum mentes si recludantur, inquit Tacitus, *possent aspici laniatus, & ictus, quando ut corpora verberibus, ita sævitia, libidine, malis consultis animus dilaceretur*, manet scilicet impressus imminentis supplicii terror, nec tollit se unquam ab oculis imago luridæ mortis.

XXX. Nec in perditis tantum aut nequissimis sensus hic viget, obtinet etiam apud alios quorum vita honestior videtur, nec tot sceleribus commaculata; Neque enim aliunde quam ab hoc principio possunt originem duxisse apud Ethnicos innumera illa *λασίοια* quæ placando Numini sunt excogitata, Victimæ illæ piaculares quæ interdum etiam ex ipso hominum feligebantur numero, cum ea persuasione solo sanguine humano iram Deorum immortalium placari posse, ut habet *Cæsar* lib. 6. de bello Gall. Tot lustrationes & februationes inter ipsos usitatæ, Provocationes crebræ in quacunque injuria & oppressione ad Justitiam Dei, & aurea illa dicta quæ in ipsorum libris etiamnum hodie leguntur *ἔχει θεὸς ἐκδικῶν ὄμμα*, *Εὐρε θεὸς τὸν ἀλιτὸν* & illud alterius Poëtæ.

Aspiciunt oculis Superi mortalia justis, &c.

Et raro antecedentem Sceleſtum

Deſeruit pede pœna Claudio.

Notum etiam illud oraculi Delphici apud Ælianum

αἰετὰ καὶ κωὶὸς ῥέξασι δίκας τέλῳ· ἔχ' χρονισὸν
ἦδε ἀπαραιτήτων εἰ καὶ Διὸς ἐκγονοὶ εἴεν
καὶ αὐτῶν κεφαλῇσι, καὶ ἐν σφετεροῖσι τελέσσιν
εἰλείπει, καὶ πῆμα δόμοις θπὶ πῆμασι βαίνει.

Quod sic tranſtulit H. Grotius

At ſclerum fontes divinum perſequitur Jus
Nec pote vitari, non ſi genus ab Jove ducant
Sed capiti ipſorum, quique enaſcuntur ab ipſis
Imminet, inque domo cladem ſubit altera clades.

Neque hoc latebat Barbaros Melitenſes Aëtior. xxvii. 4. qui viſâ viperâ quæ ex farmentis manu Pauli adhæſerat dicebant eum eſſe homicidam quem è mari elapſum Δίκη ſive ultio divina vivere non pateretur; Imò hæc perſuaſio tam altè infederat omnium animis ut Pœna pro Dea coleretur ab Aſſyriis, & Nemefim ac Δίκη pœnis ſcleribus infligendis Græcia deſtinaret: Hoc verò ab hominibus exprimi vix potuiſſet niſi Natura ipſa neceſſitatem aliquam ſatisfactionis demonſtraſſet; Nam quæ ita pendent à Deo ut per naturam ad illa facienda non determinetur, nullo modo nobis ſine ſpeciali revelatione natura nota eſſe poſſunt v. g. eſt quidem Deus naturâ bonus & miſericors, nec tamen naturâ nobis hæc ineſt communis perſuaſio Deum velle abſque ſatisfactione peccata nobis condonare, quemadmodum voluit humanæ menti inſitam eſſe notiitiam quandam Juſtitia, cujus hæc eſt Lex, non ut qui peccat peccet impunè, ſed ut peccatum pœna ſequatur vel propria vel vicaria, ſi enim eadem ratione notum fuiſſet ipſis Deum æquè neceſſariò miſereri hominum ac punire peccatores, cur tantopere ad ipſius Juſtitiam exhoruiſſent, cur non potius recordatione miſericordiæ fuiſſent erecti? Certè nihil hic afferri poteſt plauſibilis quàm hoc, quod ipſis naturâ notum fuerat Deum quidem miſereri, ſed ex ſolo beneplacito, at verò punire peccata etiam ex neceſſitate naturæ.

XXXI. Quinimò ſi Adverſariorum verba expendimus non difficile erit ſententiæ noſtræ confirmationem ipſis vel invitis extorquere. Nam I. fatentur Juſtitiam vindicatricem neceſſariam eſſe reſpectu contumacium & impenitentium ita ut extra omnem veniæ ſpem ſint conſtituti, ergo hoc ſaltem reſpectu non erit arbitraria ſed naturalis, quod pertinaciter tamen negabant: & ſi reſpectu contumacium neceſſaria eſt, quidni etiam reſpectu peccatorum? Nam cùm obſtinatio & pervicacia non poſſit propter ſe ipſam puniri, ſiquidem dum in bono verſatur conſtantia eſt, & quidem laude non vituperio digna, puniri debet tantùm quia in malo eſt, ideoque punietur peccatum primò & per ſe, obſtinatio verò reſpectu peccati duntaxat, at ſi peccatum primò & propter ſe pœnas luit, ubi-

cunque dabitur peccatum, etiam non accedente obstinatione ibi etiam pœnam subsequi necesse erit; Adde quòd cùm lex non contumacibus duntaxat sed simpliciter transgressoribus pœnam denunciet, nulla ratione ejus sanctio ad solos contumaces restringi potest aut debet; Non dicit subjici maledictioni tantùm manentem in opposito eorum quæ scripta sunt, sed *non manentem in omnibus scriptis* Gal. III. 10. Imò Jacobus expressè testatur, *eum qui impleverit in uno reum esse omnium* c. II. 10. II. Agnoscit Crellius hunc esse effectum Justitiæ divinæ ut præter Jus nihil creaturæ imponat, eas vel præter vel ultra meritum plectendo quia qui sic plecteretur non quod suum est acciperet, sed quod suum non foret. At si hoc verum est, multò magis ejusdem Justitiæ hic erit effectus ut Creaturam peccantem juxta meritum suum puniat, nam ei qui convenientem delicto suo pœnam refert tribuitur quod suum est; Deus verò ex Justitiæ suæ ordine debet cuique tribuere quod suum est, unde sequitur Justitiæ repugnare peccatum ullum impunitum relinquere. III. Fatetur idem *nec Sanctitatem nec Majestatem Dei usquequaque ferre ut impunè mandata ipsius violentur*. At quid hoc aliud est quàm agnoscere Justitiam illam ita necessariò Deo competere, ut peccatorum impunitas cum illius Sanctitate, Majestate, & Ordinis communis conservatione consistere nequeat?

XXXII. Sic fuit *fundamentum primum* necessitatis Satisfactionis; Sequitur alterum: Dei scilicet *Voluntas & Decretum* tam Lege quàm Euangelio expressum; Nam cùm Deus jam ab initio mortem peccatori sit interminatus; nec possibile sit eum vel mutari vel mentiri, cùm sit ipsissima Veritas & summa atque invariabilis Constantia If. XLVI. 10. & Malach. III. 6. Omnino necesse fuit comminationem illam executioni mandari, & vel hominem ipsum moriendo huic edicto satisfacere, vel in persona Vadis pœnâ vicariâ illud ipsum implere, Extat autem variis in locis sententia hæc comminatoria, tum Adamo primitus denunciata Gen. II. 17. *Quo die comederis de eo utique moriturus es*. tum in Lege confirmata *maledictus qui non perseveraverit in omnibus quæ scripta sunt in libro Legis ut faciat ea* Deuter. XXVII. 26. tum in Prophetarum & Apostolorum scriptis subinde iterata Ezech. XVIII. 20. *Anima quæ peccaverit ipsa morietur*; & Roman. VI. 23. *Stipendium peccati mors*; tum exemplis variis Justitiæ ac vindictæ Divinæ identidem confirmata. *Ira enim Dei è cælo revelatur adversus omnem impietatem & injustitiam hominum*, Rom. I. 18. 19.

XXXIII. Hic verò varia excipiunt Adversarii. I. Legem & comminationem in Paradiso denunciatam specialem fuisse quæ Adam tantùm obligaret; non verò cæteros mortales quibus non fuit revelata, quique adeo peccati istius committendi occasionem nullam habuerunt; quòd si mori dicantur homines etiamnum hodie, id non fieri propriè propter sua vel aliena peccata, sed ex naturali eorum conditione & propagatione quia ex eo sunt progeniti qui mortalis fuit, planè ut servorum nati etiam servi sunt. Resp. Sed misere hic

hic hallucinantur. Nam 1. Etsi lex illa Symbolica & annexa illi sanctio primario & directè lata fuerit Adamo eumque actu obligarit, quia tunc temporis actu extitit, non sequitur tamen, nulla ratione pertinuisse ad posteros, imò quia posterì omnes in Adamo fuerunt tanquam in Capite & Radice, hinc necessarià consequentià deducitur, etiam in ipso eatenus omnes obligatos fuisse. Neque de eo patitur nos dubitare Apostolus ad Rom. v. 12. dum ait *per unum hominem peccatum introiisse in mundum & per peccatum mortem & ita mortem in omnes pervasisse, in quo scilicet homine omnes peccarunt*, nam ex eo liquet peccatum Adami non fuisse ipsi peculiare, sed toti naturæ commune, quando propter illud pœna in omnes pervasit. At cùm ut ibidem addit Apostolus vers. 13. *Peccatum non imputetur ubi non est Lex*, omnino si in Adamo omnes peccarunt & moriuntur, 1. Corinth. xv. 22. in Adamo etiam lege aliqua obligati sint necesse est. 2. Scriptura non tantùm in illa sanctione, sed alibi passim mortem peccatori interminatur. Imò dicit Apost. eam regnare etiam in eos qui non *peccarunt ad similitudinem transgressionis Adæ*, ibidem vers. 14. Id est, actualiter adversus Legem illam Symbolicam, quod luculenter probat sanctionem eam non peculiarem fuisse peccato Adami, sed in genere adversus omne peccatum qualecunque demum sit, denunciata. 3. Atque eò certius hoc colligitur quod ut Lex illa specialis Synecdo. universalem obedientiam Deo præstandam complectebatur (symbolum enim fuit totius legis moralis conscientia Adami impressa, quæ ipsius obedientiam in re nec magnâ nec difficili explorare voluit) ita transgressio ejus non mandati tantùm hujus positivi, sed Legis etiam naturalis ipsi à Deo indita violationem secum traxit. 4. Quod verò addunt tandem homines mori non propter sua vel aliena peccata, sed ex naturali tantùm conditione, quia ex mortalibus nascuntur; *πρὸς τὸν ψεῦδος* eorum est falsissimum quod directè Scripturæ adversatur quæ mortem non Naturæ sequelam, sed peccati stipendium & legalis sanctionis effectum declarat, Rom. vi. 23. Ezech. xviii. 10. Moriuntur ergo non tantùm quòd mortales ex mortalibus nascantur per generationem, sed quia ex ea traducitur peccatum cujus merito mortis rei sunt, ut hîc non lex tantùm Naturæ sit attendenda, sed occultum etiam Judicium, quod erga peccatores se exerit.

XXXIV. II. Excipi. Verba illa Legis, *Maledictus qui non manserit in omnibus præceptis legis* etsi ob similitudinem & analogiam quandam tum ratione culpræ tum ratione pœnæ in iis expressa ad eos quoque accommodari possit qui sub lege non vixerunt, & sic ad universos homines extendi, præsertim postquam illis legis vox & sententia aliquo modo innotuit: Tamen si textus consulatur patere quòd ad solos Judæos qui sub lege Mosaica vixerunt revera & propriè pertineant; Non enim fit simpliciter *Legis* mentio ut possit quis quamcunque legem etiam Naturæ hîc intelligere, sed *Legis hujus* ut ad Mosaicam restringatur; Lex autem Mosaica solis Judæis revelata est, ac proinde ejus sanctio quæ fuit

fœderis illius quoddam veluti vinculum, quo homines qui ad illud pertinebant, ad conditiones ejus omnes servandas adstringebantur. Resp. *Lex Mosaica* potest bifariam spectari, *vel formaliter*, quatenus est tabulis consignata ac per Mo-
sem tradita cum appendicibus variorum rituum & cæremoniarum, *vel materia-*
liter, quatenus substantiam mandatorum continet quibus Creatura erga Créato-
rem suum obligatur. priori sensu non negamus legem primariò Israelitas spe-
ctasse quibus directè lata est, sic tamen ut alios quoque ad quorum notitiam
postea sub ista *Lex* pervenit, etiam sub illa ratione formali obliget. At poste-
riori communem dicimus fuisse tam Gentibus quàm Judæis, nam *Gentes legem*
non habentes sibi ipsis sunt Lex, ut quæ ostendant opus Legis scriptum in cordibus
suis, &c. Rom. II. 14. 15. Ita gentes vixerunt etiam sub Lege quamvis
non sub Lege scripta Rom. III. 19. Quando verò maledictio per Legem de-
nunciatur, non strictè restringitur ad V. fœderis œconomiam, sed ad omnem
inobedientiam legi in quocunque statu præstitam, quod faciliè colligitur ex mor-
te quæ regnavit ab Adamo usque ad Mosem, nondum promulgatâ Lege Mo-
saicâ; Neque articulus demonstrativus *hujus* contrarium probat, apponitur
enim *διὰ τὴν νόμον* ad distinguendam Legem Dei à Legibus & Traditionibus ho-
minum, non verò excludit sed includit Legem naturalem quæ eadem est quoad
substantiam cum Morali.

XXXV. III. Excipitur. Etsi comminatus fuerit pœnam Deus per Le-
gem suam, non tamen veritatem aut constantiam ipsius convelli etsi peccata
impunita dimitteret, quia *comminationes* illæ censendæ sunt *conditionata* non *ab-*
soluta, quales plurimæ occurrunt in Scriptura & quidem ferè omnes, nisi vel
earum contrarium naturâ suâ turpitudinem quandam in se contineat, aut signum
comminationibus sit additum immutabilis planè voluntatis, ut si illis juramen-
tum adjungatur quale extat de Israëlitis incredulis & contumacibus in terram
promissam non introducendis, Num. XIV. 28. Hebr. III. II. Psal. xcvi. 12.
Si neutrum horum appareat comminationes censendas esse relaxabiles & tacitam
quandam exceptionem sive conditionem in se continere etiamsi ea expressè non
sit apposita, ac proinde comminanti maximè si sub aliena lege non sit positus,
licè eas revocare.

XXXVI. Resp. Sed non unâ ratione falluntur hîc & fallunt Adversarii.
1. Non negamus tacitas quasdam interdum subesse posse conditiones in commi-
nationibus Divinis, quarum exempla prostant in comminatione Isaïæ ad Eze-
chiam c. xxxviii. & Ionæ ad Ninivitas, c. III. 4. sed *particulares & œcono-*
mica comminationes quales istæ fuerunt quibus Deus utebatur ad eam resipiscen-
tiam producendam quæ illas sequuta est, haudquaquam sunt confundendæ cum
Legis æterna immota sanctione cui & hominum conscientia, & Gentium consen-
sus ultrò adstipulantur, maximè cùm dicat Christus Matth. v. 18. ne quidem *api-*
cem unum aut iota ex Lege transiturum quin omnia impleta sint, & Apostolus
Hebr. x. 28. *Legis transgressorem mori absque misericordia*. Peccant ergo gravi-

ter dum à particulari ad universale argumentantur. 2. distinguendæ *Comminationes* quæ *pœnas temporales* tantum denunciant, ab illis quæ *mortem æternam* & maledictionem peccatori intentant, illæ possunt nonnunquam relaxari, non istæ, quamvis enim Deus pœnam aliquam temporalem vel differat vel auferat respectu impiorum, non sequitur tamen in illis tolli Legis sanctionem vel Deum ab ea recedere, nam si differt supplicium non auferit tamen, vel si tolerat in hac vita, puniturus est in altera tarditatem supplicii gravitate compensando, Quæstio a. nostra est non de pœnarum quarundam temporalium vel dilatione vel aversione, sed de omnimoda impunitate contra sanctionem Legis. 3. Non confundendæ sunt *comminationes Paternæ & Evangelicæ* cum *Legalibus & Judicialibus*, illas nihil prohibet nonnunquam abrogari & tolli quia dispensative tantum sæpius proponuntur à Sapientia Dei, non ut impleantur, sed ut homo iis deterrius à viis suis pravis revertatur, sed istæ non possunt, quia æternum & immutabile Dei jus notant quod sine præjudicio Justitiæ tolli non potest. 4. Non necesse est semper ut juramentum addatur comminationibus vel promissis in signum immutabilis voluntatis, nam quamvis propter infirmitatem nostram illud addatur quandoque, non minus impossibile est tamen Deum mentiri cum loquutus est simpliciter, quam cum juramento se adstrinxit, Heb. vi. 17. 18. 5. Non videretur carere absoluta criminum impunitas & sanctionis legalis abrogatio aliquâ turpitudine, qualis est in Rectore & Judice officii quod exercere debet in ordinis conservatione desertio & contemptus.

XXXVII. 6. *Comminationes* non aliter sunt dispensabiles quàm ipsæ *Leges* quibus annexæ sunt, at solæ *Leges positivæ* relaxationem possunt admittere, non verò *Lex naturalis* quæ in ipsa Dei sanctitate & justitia fundatur. 7. Neque hic juvat quod ajunt Deum sub aliena potestate non esse constitutum; Nam licet non sit sub aliena Lege positus, unde non potest à superiori & extrinseco prohiberi, quin si vellet relaxationem illam omnimodam concederet, tamen sibi ipsi lex est, nec sanctitatis, constantiæ & veritatis ratio patitur, ut à Justitiæ norma semel posita vel tantillum defleat, unde quemadmodum non potest se ipsum abnegare, ita nec adversus Justitiam quicquam committere Legis sanctionem abrogando; Si ergo quædam conditio sub illa Legis sanctione intelligenda esset, semper deberet fieri salvâ Dei Justitia, nec alia potest esse quàm hæc, pœnam hanc necessariò subeundam esse peccatori, nisi Vadem & Sponforem reperiat qui pœnam ipsi debitam in se recipiat, & sic omnia mala sua nomina dispungat ad ultimum usque quadrantem. Fateor Deum pœnitentiæ polliceri remissionem peccatorum, sed non sequitur si hæc à parte nostri requiritur duntaxat ad remissionem consequendam, ab illa sola pendere hoc beneficium & comminationis relaxationem, imò cum resipiscentia fidem semper comitem exigit, fides verò supponat necessariò satisfactionem aliquam præviam quam sibi applicet coram Deo, inde colligitur non posse tolli sanctionem nisi salvâ Dei Justitiâ & satisfactione intercedente.

XXXVIII. Et sanè si sanctio illa relaxabilis esset, vel relaxabilis esset ex Lege vel ex Euangelio; Non ex Lege quia inexorabilis illa & dura Domina vel omnimodam obedientiam postulat, vel pœnas transgressoribus denunciat, nusquam verò gratiam ullam ne quidem pœnitenti pollicetur, cùm pœnitentiam nec norit nec exigit propriè ac per se. Non ex Euangelio, quia *Lex non inutilis redditur per fidem sed stabilitur*, Roman. III. 31. & Christus venit non ad eam abrogandam sed implendam Matth. v. 17. Quippe etsi modus justificationis nostræ & salutis obtinendæ mutetur in fœdere gratiæ cùm non ampliùs per propriam obedientiam proponatur acquirenda, ut sub Lege, sed per alienam, idem tamen manet utrobique absolutionis nostræ fundamentum perfecta nimirum Legis impletio, propter quam necesse fuit Christum fieri *ὁ νόμος ἡμῶν* & *κατάργειν*, Gal. III. 13. & IV. 4.

XXXIX. Neque id ipsum ex Remissionis quam quærimus naturâ comprobare est difficile; nam cùm ipsa sit *actus Jurisdictionis* omninò hîc intercedere necesse est vel *Legis abrogationem*, vel *declarationem*, vel *dispensationem*, vel denique *executionem*, istis enim modis Judex circa Legem ejusque sanctionem potest versari, hîc autem *abrogatio* locum habere non potest, nam præterquam quod Legem per Christum non abrogari diximus, si abrogata esset nullam haberet amplius vim obligandi cùm tamen certum sit infideles adhuc illi obnoxios esse. Non est etiam *declaratio aut interpretatio*, nam declaratio illa ostendit aliquod factum aut personam sub Legis obligatione nunquam fuisse comprehensam, ut Matth. XII. 5. Christus interpretatur Legem dum ostendit opera misericordiæ & Religionis sub interdicto operum in Sabbatho non fuisse inclusa; At verò certum est omnes homines, etiam eos, qui liberantur, utpote conclusos sub peccatum fuisse naturâ filios iræ ac per consequens obligatos ex Legis sanctione: Non est etiam propriè *dispensatio*; nam illa præcisè non circa pœnam jam meritam & peccatum admissum, sed circa actum faciendum & reatum ex illo præcavendum versatur, quando nimirum in aliquo casu quo revera obligat Lex, solvitur Legis obligatio respectu cujusdam in particulari reliquis manentibus obligatis, sic licentia confertur alicui id faciendi quod aliis vetitum est: At verò in remissione peccatorum nihil tale occurrit, quia non dat resipiscenti licentiam peccandi vel id faciendi quod sub gravissima pœna Lex interdicat omnibus: Deinde per dispensationem absolutè solvitur obligatio Legis respectu alicujus, At hîc non solvitur obligatio Legis respectu fidelium nisi substituto Sponsore; Itaque superest ut Legis *executio* aliqua hîc intercedat, si non ex parte nostri, saltem ex parte Vadis quem Deus pro nobis admittit.

XL. Caterùm executio illa Legis non strictè & *κατ' ἀκριβοῦς λόγον* venit intelligenda, sed *κατ' ἐμέλειαν* & moderationem quandam, nam si prius obtineret omnino persona ipsa quæ peccavit plectenda esset, Lex enim in summo jure peccatores ipsos postulat, at posteriori ratione nihil repugnat peccata.

cata fidelium in Vadem transferri dummodo puniantur. Peccatum quidem omne plectendum esse est ex Legis sanctione æterna & immutabili, at peccatorem omnem non item; aliquando enim fit propter misericordiam & paternam clementiam ut dum punitur peccatum, subtrahatur peccator & à pœnâ eximatur, unde pœnam omni peccato deberi dicunt nonnulli *impersonaliter*, sed non *personaliter*. Itaque in Lege & sanctione pœnali, duo distinguenda sunt. 1. Denunciatio mortis quæ fit propter peccatum. 2. Comminationo quæ fit ipsi peccatori. Prius est de *jure Dei æterno* immutabili & indispensable, unde remissio non potuit obtineri nisi per mortem & sanguinis effusionem quæ fuit pœna peccati: At posterius est de *jure Dei libero* & positivo, potuit enim Deus vel peccatorem ipsum plectere, vel pro illo si liberet ex gratia cum ipso agere, vadem substituere. Certum quidem est eum qui deliquit pœnam mereri, eoque punibilem esse, hoc enim ex ipsa peccatoris ad Deum relatione necessariò sequitur; at quòd idem peccator necessariò puniatur in persona sua etsi hoc sit commeritus, non semper obtinet propter paternam Dei *ἰσχυρίαν*. Non diffiteor etiam peccatoris ipsius punitionem esse rerum naturæ & ordini perquam convenientem, & substitutionem non facilè nec levi de causa admittendam esse; At gravissimam causam habuit *πάνσφθγομορφότης* ita constituendi, nam si omnes peccatores æternæ morti mancipandi fuissent, periissent funditùs ex rerum natura duæ res pulcherrimæ, ex parte hominum Religio in Deum, & ex parte Dei præcipuè in homines beneficentiæ testimonium.

XLI. Porro pœnam omni peccato deberi ex Legis præscripto, nec sine satisfactione remissionem ejus obtineri posse præter ea quæ jam allata sunt, docet nos manifestè locus ad Hebr. cap. ix. 22. *Sine sanguinis effusione non fit remissio peccatorum*; quare enim sanguinis effusio requireretur nisi quia ad expiationem peccati necessariò intercedat oportet mors Creaturæ ut satisfiat Justitiæ Divinæ & Legis sanctioni. Neque hîc audiendi Adversarii qui hæc verba restringere volunt ad V. T. œconomiam & ritus Legales quibus sanguinis victimarum effusio præscribebatur: Nam etsi concedamus Apostolum de istiusmodi cæremoniis loqui, non excludit ille tamen, sed includit potiùs relationem ad Christum, quia victimas legales spectat ut typos sacrificii Christi quo verè & perfectè debuerunt peccata expiari; non ex vers. 23. 24. seq. liquidò patet; dum ita colligit Apostolus *necesse fuisse exemplaria rerum cælestium hisce rebus mundari, ipsa verò cælestia potioribus victimis mundanda fuisse*. Nimirum id sibi vult quod quemadmodum sub Mose legalia omnia, puta Tabernaculum, liber, vasa, victimæ &c. utpote typica ejusdem naturæ materiâ ac ritu nempe pecudum sanguine, aquâ, lanâ & hyssopo lustranda fuerunt; Ita sub Evangelio quod Cælestia omnia continet necesse fuit potiores victimas ad eorum mundationem adhiberi, scilicet sacrificium Christi, quod hîc ad denotandam ipsius summam perfectionem numero multitudinis ex He-

bræo idiotismo effertur, quia Legalibus omnibus longè antistat, & unum est instar omnium, puta Corpus omnium umbrarum & veritas figurarum, Joh. I. 17. & Col. II. 18.

XLII. Eam verò *Necessitatem* ex ipsa *Fœderis Evangelici* natura & *mortis Christi* consideratione fortius evincere possumus; Nam cùm fœdus istud ex æterno Dei consilio Mediatore & Sponsore nitatur, Hebræ. VII. vers. 22. qui animam suam daturus erat in redemptionis pretium pro multis, Matth. xx. 28. Non potuit impleri & firmum ratumque esse nisi accedente hac Sponsoris nostri satisfactione quæ Justitiam placando nobis ad Misericordiæ thronum aditum pararet, & favorem ac benevolentiam Numinis, reis alioquin & indignis peccatoribus conciliaret; Et vero si inanes potuerunt esse vel penitus relaxabiles Legis comminationes; Quæ tandem excogitari poterit ratio legitima propter quam Deus dilectissimum & sanctissimum Filium suum, crudelissimæ & ignominiosissimæ morti subjecerit? Si pœna in innocentem jure transferri non potest quod pertendit hæreticus, quo pacto justum erit Christum nec in se nec nostri gratia nocentem & reum horrendis illis cruciatibus exponi? Quenam legitima tam diræ mortis assignari poterit causa? Nam quæ afferuntur ab Adversario tum doctrinæ confirmatio, tum exemplorum sanctitatis, charitatis & patientiæ præmonstratio sanè non erant tanti, ut propter eas unigenitus Dei filius diris esset cruciatibus devovendus; Maximè cùm & doctrinam suam variis miraculis confirmasset luculenter, & in vita pietatis eximiæ & invictæ patientiæ pulcherrima jam exempla dedisset; Ergo alia procul dubio causa suberat tam insolitæ dispensationis, nimirum Justitiæ Divinæ ratio & Legis edictum cui à Christo qui locum nostrum subibat satisfieri oportuit, atque hinc est quod Paulo Roman. III. 25. dicatur *constitutus à Deo in placamentum per fidem in sanguine ipsius ad demonstrationem Justitiæ suæ per remissionem peccatorum præcedentium, &c.* ex eo enim liquidò patet quàm sit Justitiæ Dei inexorabilis, cùm non passa sit peccata remitti nisi interventu tanti pretii & ipsius Dei morte & sanguine.

XLIII. Deinde si unico nutu & verbulo peccata omnia nostra delere & veluti nubem dispellere potuit, an verisimile est eum tantæ molis opus aggressurum fuisse? Qui nihil frustra & sine necessitate molitur Deus quomodo filium suum in quo omnis ejus *eudoxia* reposita erat citra necessitatem è coelo dimittere, carne nostra & servili forma induere, multis modis exercere, ac tandem *natægen* & peccatum efficere sustinuit? Sanè non patitur Sapientia & Bonitas Dei ut credamus hoc illi liberum fuisse & integrum, imò utraque necessitatem quandam memorabilem hîc intercessisse credere nos cogit.

XLIV. Præterea si satisfactio necessaria non fuit, nulla videtur idonea ratio reddi posse quamobrem Deus tot illustres ejus Typos in V. fœdere extare voluerit. Cur enim non licuit electis Israëlitis videre Deum nisi prius oblato sacrificio cujus sanguine populus fuerat conspersus, Exod. xxiv. 9. 10. nisi ut signi-

significaretur non posse nos ad Dei conspectum & communionem admitti quin prius Christi sacrificio fragrantissimo & sanguine *παινοῦς* Justitiæ Divinæ fuerit satisfactum? Cur Moyses pro Populo apud Deum iratum intercessorem egit, nisi ut doceret opus Nobis esse omnino Mediatore aliquo inter Deum & Nos, qui non tantum sequester esset & interpret voluntatis Divinæ qualis fuit Moyses; hoc enim non obstabat quo minus ad vocem Dei loquentis expavesceret Hebr. xii. 21. Sed qui verè esset *εὐνομιὰς* qui pace per sanguinem facta plenè Nos Deo & Deum Nobis reconciliaret, Col. 1. 20. Cur denique sub illo fœdere tantam sacrificiorum molem instituit, quibus nec doctrina confirmabatur, nec fœdus percutiebatur, nec exemplum proponebatur, sed reatus tantum typicus populi, morte ob peccata victimæ inflictâ auferebatur; nisi ut certissimum essent & indubitatum testimonium victimam aliquam non brutam, sed divinam & cœlestem requiri omnino, quæ reatum verum in se suscipiendo à peccatoribus tolleret & morte sua Jus communionis cum Deo illis promeretur & restitueret? Hebr. ix. 13. 14.

XLV. Accedit etiam quòd frustra Apostolus toties iteraret in Epist. ad Hebr. Sacrificia Legalia peccati reatum tollere non potuisse ut inferret Christi sacrificio nos debere purgari, si purgatione planè nihil opus fuisset; Nam quod tam facilè solâ Dei misericordiâ absque ulla satisfactione tolli potuit, cur non potuit tolli pariter intercedente victimarum legalium morte? Si non plus confert sacrificium Christi ad expiationem propriè dictam sacrificiis legalibus, nihil causæ dici potest cur eam istis denegare & illi tribuere constanter voluerit? Quid quod quum negat Apostolus victimas legales peccati reatum tollere posse, rei ipsius naturam attendit, non tantum quia aliter Deo erat constitutum, sed vel imprimis quia tam execrabilis & fœda res est peccatum ut nullo hircorum taurorumque sanguine elui expiarive possit; propterea, inquit Hebr. x. 4. *Impossibile est sanguinem hircorum & taurorum tollere peccata*; quod verò continuò subjicit vers. 5. 6. 9. *quapropter ingrediens mundum dicit, sacrificium & oblationem noluiisti, corpus autem adaptasti mihi, tunc dixi Ego adsum*, &c. ac denique concludit *auferrì prius ut posterius stabilietur*, manifestè evincit, hanc fuisse Apostoli mentem, abrogatis sacrificiis omnibus legalibus ut inutilibus & vanis, subrogatum fuisse ex Dei æterno consilio unicum Christi sacrificium, quod solum ad tantæ molis opus exequendum par esse poterat, & sine quo peccati reatus nunquam in æternum deleri potuisset.

XLVI. Cæterum cùm *Necessitas* illa quæ poenas peccati exigit, nec *physica* sit, qualis esse solet in iis quæ vel bruto instinctu, vel cæco naturæ feruntur impetu, nec verò *coactionis* ut in iis occurrit qui per vim aliquid patiuntur, sed *Ethica* potiùs & *rationalis* quæ à virtute, Justitia puta & Sanctitate originem ducit, & liberâ intercedente voluntate exeritur: non ita præfractè est urgenda, quasi nullam hîc penitus relaxationem admitteret, sed semper ex-

summo jure quantum potest, agere nobiscum Deus teneretur; cum enim idem ille Deus qui iustissimus est sit etiam summè misericors multiplicem in virtutis istius administratione *ἡμετέρας* admittere potest, modo fiat salvo æterno & immutabili Jure suo; Unde diversimodè Justitiæ hujus exercitium bonitate & clementia temperat, vel ratione *temporis* differendo supplicium, vel ratione *pœnarum* eas mitigando vel immutando, vel ratione *personarum* eas ab una in aliam transferendo.

XLVII. Atque hoc est singulare illud & eximium beneficium quo donamur sub Euangelio, dum dimissis Nobis qui ut rei & fontes, ex rigore Legis rapiendi eramus ad supplicium, Vas & Sponsor in locum nostrum substituitur qui pœnas nobis debitas in se transferat, quod fuit mirabile Sapientiæ divinæ temperamentum sine quo spes omnis salutis decollaverat: Nam vel pœna propria nobis erat sustinenda & sic Justitiæ quidem litatum fuisset, sed Misericordiæ aditus omnis præcludebatur; Vel tanquam infontes absolvendi & salvandi eramus, atque ita Misericordia sese luculenter sanè exeruisset, sed Justitiæ fraus aliqua sic videbatur fieri. Itaque medium aliquod tenere oportuit quo simul & semel Justitiæ satisfieri, & via ad summam & infinitam Misericordiam patefieri posset, quod factum Sponsoris nostri substitutione; Nam ut Justitiam suam in repetenda pœna; ita Misericordiam in submittendo Vade demonstrat, ut in illo acerrimam suam Justitiam ostendit pœnas omnes nobis debitas ipsi infligendo, ita in nos Misericordiæ & Charitatis inexhaustæ rivos omnes & thesauros diffundit non modò propter ipsum veniam peccatorum omnium nobis concedendo, sed & innumera beneficia tum gratiæ tum gloriæ & in hac & in altera vita gratis impertiendo.

XLVIII. Quisnam autem *Sponsor* ille esse debuerit aut quænam Satisfactio nobis necessaria fuerit, non difficile est ex dictis colligere; Nam ut Justitiæ Divinæ ratio & Legis Vox Satisfactionem aliquam homini peccatori nisi in peccatis mori velit, necessariam esse persuadent, Ita Verbum Evangelii non alibi quærendam esse Satisfactionem illam quàm in Christo *θεανθρώπου* Sponsore nostro passim declarat: Ille enim solus potuit esse N. fœderis *ἔγγυς* & *μεσίτης*, quia medius inter Deum & homines illum Divinitate, istos humanitate continebat, ille solus Naturam humanam habuit quæ pateretur & simul divinam quæ passionibus valorem infinitum adderet, sanguinem humanum, & Spiritum æternum, infirmitatem carnis ut moreretur tanquam victima, & Potentiam divinitatis quâ surgeret è sepulchro & in Sanctum sanctorum ingrederetur ut Sacerdos; Itaque quemadmodum satisfactionem in genere homini ad salutem necessariam esse evicimus, jam necessariam fuisse ipsius Christi satisfactionem superest ut paucis demonstramus.

XLIX. Non nos latet equidem hîc in diversa abiisse nonnullos è Veteribus qui ut supra notabamus ex Augustino modos alios Deo possibiles non fuisse sunt arbitrari; imò eo usque progreditur Doctissimus Præsul, ut dicat,

stultos

stultos esse qui dicunt non potuisse sapientiam Dei aliter homines liberare, nisi susciperet hominem & nasceretur ex femina. Serm. de Annunc. Dom. Ita Leo I. Sermon. 11. de Incarn. Bonavent. in 3. senten. Distin. xx. q. 6. De liberatione firmiter credo quod alio modo potuit liberari genus humanum, de Redemptione verò nec nego nec audeo affirmare, quia temerarium est cum de Divina potentia agitur terminum præsfigere ei, amplius enim potest quàm nos possumus cogitare. Notum etiam plerosque è Scholasticis vanis & curiosis quæstionibus præter Scripturam, ut in aliis omnibus solent, in hoc argumento locum nimis dedisse, quæ hujus mysterii fidem paulatim enervant & immotum hoc Religionis Christianæ fundamentum subruunt, de quibus videndus Vasques in 3. Tho. Disput. 1. 11. & Suares in eandem; Verum non defuerunt alii complures tum ex Patribus tum ex ipsis Scholasticis qui necessitatem hanc cognoverunt ut Athanas. in eximio tractatu de Verbi Incarn. Anselmus in lib. 1. Cur Deus homo cap. 16. 17. Basilus in Psalm. xxviii. Ambrosius in Hebr. ix. Thomas contra Gentes lib. iv. c. 54. 55. Et in eam Nostri ferme omnes propendent sententiam ut tutissimam & Scripturæ imprimis consentaneam: Quod tamen ita intelligendum non est quasi Dei Omnipotentiam ullatenus restringere velimus; Neque enim hîc quæritur propriè quid Deus potuerit absolutâ suâ potentia, sed quid facere apud se statuerit, quidve ad salutem nostram necessarium fuerit; Dicimus ergo necessariam fuisse hanc Christi satisfactionem, non modò ex hypothesi decreti & consilii Dei qui Christum in Sponsorem nobis destinaverat ut peccatum pro nobis factus nos essemus Justitia Dei in ipso; sed etiam ex ipsius natura rei, quia nullum aliud melius vel convenientius dari poterat medium ad opus Redemptionis peragendum; Nam cum satisfactionem aliquam Justitia postularet, eam autem neque homo per se ipsum neque per aliam quamvis è Creaturis sufficere posset, non aliunde potuit peti quàm à Christo qui omnia ad satisfaciendum requisita habuit. Et agnoverunt ipsi Scholastici dum fatentur posito quod Deus voluerit redimere homines non per viam potentia, sed per viam perfectæ Justitiæ simpliciter necessariam fuisse unionem hypostaticam & Θεωσώπρωτ satisfactionem vide Suare. in 3. Thom. q. 1. Disp. 1v. 5. 2.

L. Rationes variæ in eam rem afferri possent, sed hæc una potest esse instar omnium; Nam cum peccato quod infinitam Majestatem læserat infinita pœna deberetur; si perfectè satisfaciendum fuit, opus fuit satisfactione infinita, jam autem infinitè satisfacere non potest nisi qui infinitus est; quare cum nemo vel ex Angelis vel ex hominibus sed unus Deus hanc summam *ὑπεροχὴν* obtineat utpote qui omnes meræ sunt Creaturæ, nemo etiam præter Deum sufficiens *λύτρον* & ἀντάλλαγμα pro nostra Redemptione dare potuit: Porro quia non decebat vel Patrem vel Spiritum S. incarnari, & Mediatorem fieri, siquidem nec Pater potuit mitti cum sit à se ipso, nec infra Filium & Spiritum S. qui ab ipso sunt œconomicè humiliari & Mediatorem agere; Nec Spiritus id mune-

ris poterat obire quia debuit à Mediatore mitti & versari circa applicationem salutis acquisitæ, solus Filius potuit commodè hoc munus sustinere qui ut medius inter Patrem & Spiritum, Mediator potuit esse inter Deum & homines; & ut naturâ erat Filius per gratiam filios nos facere, redimendo per justitiam quos per potentiam creaverat; Sic ut necesse fuit λόγον incarnari & θεῶν ὁμοιωπὺν fieri, necesse etiam fuit ad Redemptionem nostram Christum θεῶν ὁμοιωπὺν pro nobis satisfacere: ὅπερ ἔδει δεῖξαι. Atque ita conclusum esto secundum caput quod nobis propositum fuerat. Tertium jam exequendum esset circa ἀντιστάτω Rationum Adversariorum, sed quia plures sunt quàm ut paucis pagellis includi possint, eas brevitati consulentes in secuturæ συνθεσὶς Disputationis argumentum reservamus.

C O R O L L A R I A.

I. *Et si Satisfactio fuerit necessaria ad Remissionem peccatorum consequendam, non tamen desinit ipsa Remissio esse respectu fidelium planè gratuita.*

II. *Cùm soli fidei competat satisfactionem Christi nobis applicare sola etiam nos justificare potest, non opera qualibet vel ante vel post gratiam.*

III. *Qui prævisionem fidei vel operum Electioni præstruunt, illi nunquam vel Dei Eligentis εὐδοκίαν liberrimam, vel hominis Electi extremam miseriam satis agnoverunt.*

IV. *Qui semel verè sunt conversi nunquam finaliter aut totaliter excidere possunt à Gratia, quicquid Remonstrantes pro Apostasia Sanctorum in contrarium asserere possint.*

DISPUTATIO SECUNDA
DE
SATISFACTIONIS
CHRISTI NECESSITATE.

Respondente DAVIDE GIRARDO, *Neocomensi*.

THESIS PRIMA.

DISPUTATIONE præcedenti de *Satisfactionis* Christi *Necessitate* egimus *κατασκευαστικῶς*, & pluribus argumentis, tum à Natura, tum à Voluntate Dei petitis, demonstratam eam dedimus; Quia verò saluberrima hæc doctrina & jam olim à male feriatis hominibus impugnata est, & etiamnum hodie à pestilentissimis hæreticis variis argumentorum arietibus concutitur, quæ nisi expediantur piis studiosis negotium faceßere possent, ideo quod Nos suprà facturos recepimus, eorum *ἀνασκευῶν* cum bono Deo hac Disputatione breviter aggredimur.

II. Quæcunque autem hîc ab Adversariis opponuntur ad tres classes possunt revocari: In prima evincere conantur Deum *posse* condonare peccata absque satisfactione. In secunda non tantum posse per Naturam, sed etiam *velle* ex decreto, atque voluntatem illam Nobis in Verbo patefecisse. In tertia non modò posse & velle, sed *ne posse quidem contrarium* sine aliqua injustitiæ & crudelitatis labe: Prima ostendit Satisfactionem Vadis Naturæ divinæ summè Misericordie repugnare & *non esse necessariam*; Secunda eandem refragari Voluntati & *falsam* esse docet. Tertia in ipsam Dei Justitiam arietare atque adedò *iniquam* esse contendit.

III. Quod ad primam sic illi ratiocinantur, Si necessaria esset Christi Satisfactio, eo potissimum nomine necessaria esset quòd sit in Deo Justitia quædam *ἐπανορθωτική* & vindicatrix illi essentialis quæ non possit admittere peccatorum remissionem sine prævia quadam satisfactione: At falsum est, inquit, dari talem Justitiam in Deo quæ illi sit naturalis 1. quia quod Deo est essenziale necessarium est & non potest non esse; At ista Justitia potuit non esse, putà si Creatura peccatrix nulla fuisset. 2. naturalia in Deo non sunt contraria; At Misericordia & Justitia sunt contraria, illius enim est salvare, istius destruere & perdere. 3. quod est inæquale & suscipit magis & minus non est de essentia Dei, quia

in Deo omnia sunt infinita ; At Misericordia & Justitia tales sunt , nam qui multus est misericordiâ , dicitur tardus ad iram , qui Justitiam in quartam tantum generationem exerit , idem Deus benignitatem & misericordiam ad millesimam usque extendit Exod. xx. 4. Si Justitia esset essentialis , tum necessario omnium peccata deberet æqualibus plectere pœnis , nec posset istius misereri illum verò punire , nihil enim facit aut facere potest quod proprietatibus suis adversatur , v. g. cum sapientia in Deo resideat , nihil unquam insipienter præstare potest ; Ita si Deus naturâ justus est , semper & ubique & ad extremum deberet Justitiæ illius actus exerere , quod tamen scripturæ & experientiæ adversatur. 5. Denique quod liberum est non est naturale , at Justitia libera est quia liberæ voluntatis effectum , secundum quam liberè potest punire vel condonare peccata quibus vult , sicut potuit creare vel non creare , vel aliter creare mundum.

IV. Resp. Non difficile tamen est primum hunc Adversariorum impetum retundere ; Nam præterquam quod antea satis superque ex ipsa Scriptura rationibusque variis essentialem illam Dei justitiam ἐναρπώσωμεν asseruimus , nihil hic in contrarium affertur quod facili negotio refelli non possit : Nam ad 1. falsum est quod assumunt Justitiam illam Dei potuisse aliquando non esse , neque enim concipi potest nedum esse Deus nisi justus & Sanctus , neque ratio allata de non existentia Creaturæ peccatricis quicquam probat , Distinguenda enim Justitia ab ejus exercitio & effectis quæ per metalepsin sæpe Justitiæ nomen fortuntur , ἐνέργεια à δυνάμει , actus 1. à 2. Sanè si nulla fuisset creatura peccatrix , nullum datum fuisset Justitiæ exercitium vel ἐνέργεια ad extra , quia requirit præsentiam objecti tali modo constituti , sed fuisset semper in Deo ipsa Justitia radicaliter & quoad actum primum , nam etsi nunquam futura fuisset ulla creatura peccatrix , non definebat tamen hæc propositio esse verissima , Dei natura ita sancta est & justa ut non possit videre , multò minus ferre malum : quemadmodum ab æterno Deus fuit sanctissimus & Justissimus etsi nondum dabatur peccatum , fuit misericors & clemens quamvis nulla dum esset creatura misera ; ita potuisset has proprietates sibi habere in æternum quantumvis nullæ creaturæ factæ fuissent vel miseræ vel peccatrices : Sic licet Deus nihil condidisset , non desisset tamen omnipotentia in Deo dari quia poterat semper condere quæ condidit. Cæterum quamvis Justitia ad id ut sese exerat Creaturam peccatricem ut objectum requirat , non obstat tamen quominus illius exercitium necessarium dicatur positâ tali conditione : Nam egressus attributorum relativorum quæ respectum habent ad Creaturas necessarii sunt , sed ex hypothese & positis ponendis , sic non necesse erat ut Deus homines alloqueretur , sed posito quod vellet alloqui , non poterat nisi verè , quia est mentiri nescius & ipsissima Veritas. Ita poterat non punire si nullum fuisset peccatum , sed necessario punit positâ creaturâ peccatrice.

V. Ad secundum Resp. distinguendo Justitiam & Misericordiam ab effectis , Justitia quippe & Misericordia non sunt duæ res in Deo nedum contrariæ , sed

una eademque Dei essentia quæ secundum objecta & effecta diversa distinguitur, non in se, sed respectu nostri, diciturque Misericordia cum liberat miseros, Justitia cum judicat reos, & quamvis contrariorum contrarii sint effectus, non tamen vice versâ contrarietas effectuum semper arguit contrarias causas, cum sæpe ex iisdem etiam causis contrarii prodeant effectus; Eorundem radiorum vi & fœtent cadavera & florent rosæ, idem ignis qui lutum indurat, ceram & & plumbum liquefacit; Certè si Deus Misericordiam & Justitiam suam erga unum idemque objectum & respectu ejusdem totam exereret, videretur nec sine ratione istud planè *ἀντίπαρον*, quia ista plectit quod altera condonat, ista pœnam infert quam altera aufert, sed neque hoc Deus apud se statuit, neque id unquam nobis in mentem venit: agnoscimus quidem & credimus Justitiam & Misericordiam Dei per admirabilem *συζυγίαν* à sapientia ejus *πλουσιπικίῳ* factam sese exerere in opere salutis, sed nec in eodem subjecto, nec circa idem, Justitia quippe se exeruit in Christum, at erga nos Misericordia, Justitia in puniendo peccato, Misericordia in salvando peccatore, Justitiæ objectum est culpa sive malum morale quod Deus inultum pati nequit, Misericordiæ verò Miseria sive malum physicum ad quod à Creaturis removendum Deus pro immensa sua bonitate semper propendet, hæc servat opus suum nimirum Creaturam, illa destruit alienum scilicet peccatum.

V I. Ad tertium iterum confundit hæreticus Justitiam & Misericordiam cum operationibus & effectis; Nam si misericordia dicitur iram superare, hoc non *affectivè* sed *effectivè* intelligendum est, quia plura effecta gratiæ & misericordiæ nobis exhibet quàm Justitiæ ad piorum solatium; Ita licet hæ duæ proprietates ex æquo sint infinitæ in Deo, tamen diversimodè sese erga homines exerunt, dum nec omnium æqualiter miseretur, nec omnes ex æquo indurat, sed tantum prout vult, cujus quidem inæqualitatis causa occulta esse potest, injusta esse non potest ut scitè olim August. Si quis verò ulterius quærat cur Deus describatur nobis in Scriptura pronior ad misericordiam quàm ad Justitiam, cum istius non minus quàm illius virtutis exercitium Deo sit naturale; rationes istius discriminis variæ dari possunt, 1. quia suppliciorum peccatis constitutorum longè maximam partem in futurum sæculum distulit, at infinitam propemodum beneficiorum vim & copiam in Creaturas suas effudit, ea res hominum piorum animos eò impulit ut Dei benignitatem supra reliquas ejus virtutes in cælum ferrent. 2. etsi actiones quæ à justitia promanant æquè in suo genere laudabiles sint cum iis quæ à bonitate proficiuntur, quatenus nempe ex eodem fonte fluunt; effecta tamen bonitatis in se sunt jucundissima, nihil enim libentiùs facit bonus animus quàm cum beneficium confert; effecta verò Justitiæ per se tristitia sunt, nihil enim bonus animus facit magis invitus quàm ut det infortunium, non quòd Justitiam exerceat, sed quòd Justitiæ exercitio alicui malè sit: Cum igitur quodcunque est in hominibus laudabile, in Deo sit ut loqui solent eminenter, Scriptura

cum nobis inducit beneficientem libentissimè, punientem verò penè invitum, quia opera misericordiæ cum Creaturæ salute & conservacione conjuncta sunt, opera verò justitiæ cum illius exitio & miseria. 3. Cùm punit Deus, id facit ex unica severitate & justitia, at in operibus misericordiæ datur combinatio variarum Dei virtutum, nam cùm Deus nulli peccatori veniam indulgeat nisi prævia quadam satisfactioe, vel præstita vel præstanda Justitiæ, Justitia & Pax seu misericordia hîc se mutuò osculantur, unde mirum videri non debet si prior dicatur ad id faciendum ad quod plura simul concurrunt attributa, quia in eo gloria ejus longè illustrior evadit. 4. Scriptura ita loquitur potissimùm respectu fidelium & electorum, cum quibus quia agit ex foedere gratiæ, ut pater misericors & clementissimus, rectè dicitur tardus ad iram & propensissimus ad misericordiam.

VII. Ad quantum Distingue *Necessitatem physicam & brutam*, à *Necessitate Ethica & rationali*. De prima datur consequentia, quæ agunt ex illa necessitate agunt semper & eodem modo quantum possunt usque ad ultimam activitatis sphaeram; ignis non potest non utere & semper urit ad extremum ubi occurrit objectum aliquod combustibile; At de necessitate morali non valet, quia exercitium illius virtutis pendet à libertate voluntatis quæ diversimodè illud potest modificare. Ita etsi necessarium sit ex parte Justitiæ puniri peccatum, in illa tamen pœnæ distributione libera Patris cælestis *Θεοῦ* certam œconomiam admittere potest vel respectu temporis dum differtur, vel pœnæ ipsius dum temperatur, vel personarum dum transfertur, neque fraus ulla propterea fieri censenda est Justitiæ, quia vult quidem omne peccatum plecti, sed non pariter omnem peccatorem.

VIII. Ad quantum peccat falsa hypothesi quasi *liberum & naturale* pugnant, cùm tamen amicè inter se conspirent, Voluntas Dei est liberrima, & tamen est Deo naturalis, omnes proprietates quæ Deo insunt ad modum virtutum moralium liberæ sunt quia liberè & spontaneè sese exerunt, nec tamen sunt arbitrariæ, sed naturales & essentielles. 2. supponit gratis liberum nihil aliud esse quàm contingens & *ἀνάλογον*, At jampridem à Viris Doctis demonstratum est libertati optimè convenire cum necessitate, & unum idemque subiectum posse simul & semel liberrimè agere & necessariò ac immutabiliter, quod Dei, Christi, Angelorum, beatorum, & ipsorum etiam Dæmonum exemplis luculenter comprobari potest. 3. iterum distinguenda permiscetur ab Adversariis, Justitia scilicet cum effectis, Effecta quidem Justitiæ pendent à Dei voluntate libera, sed ipsa Justitia in actu primo non est liberæ voluntatis effectum, cùm sit ipsamet voluntas Dei liberrimè quidem sed tamen necessariò peccatum averfans. 4. simile quod petitur à Creatione planè est dissimile, nam hæc versatur circa rem planè indifferentem & quæ potuit esse & non esse, at Justitiæ exercitium de quo quæritur occupatur circa rem necessariam, & quæ aliter fieri non potuit, nimirum distinguenda veniunt duo actionum divinarum genera,

genera, nam vel illæ versantur in *objecto* aliquo *constituendo*, vel circa *objectum* jam *constitutum*, & aliqua vitii aut virtutis qualitate præditum; quæ actiones versantur in *objecto* constituendo, ita sunt liberæ ut ab iis Deus abstinere possit omnino, sic hominem creare decrevit, decretum hoc creatio necessariò secuta est, at liberum ei fuit non decernere, ideo liberum etiam ei fuit abstinere ab ea actione quæ dicitur creatio: at quæ versantur circa *objectum* jam *constitutum*, ita sunt liberæ ut Deus non possit tamen à se impetrare ut contrarium admittat, quia sanctitati & Justitiæ ipsius repugnaret; si Creatura sancta est & imaginem Dei refert, non potest Deus quin ei bene velit esse, si peccatrix est, non potest quin eam velit punitam ob peccatum; Itaque libertas istarum actionum sita est non in eo quòd possint esse vel non esse, sed in eo tantum quòd quæ Deus facit in hoc negotio lubentissimè & absque ulla coactione facit.

IX. II. *Object.* Si Deus potest de Jure suo remittere, potest etiam peccata condonare absque satisfactione, At verum prius E. & poster. Assumptum probant. 1. quia unicuique licet cedere de Jure suo, E. & Deo & quidem magis, quia est supremus Dominus rerum omnium qui jus habet absolutum & *ἀνυπερβύτων* in Creaturam, Juris autem proprii & domini ei hæc est natura ut illud pariter & persequi cuique liceat & non persequi si libuerit, & si id non liceret, id fieret procul dubio quia in ea juris relaxatione aliqua alicui fieret injuria; at nemini sive puniat sive non puniat facit injuriam. siquidem de Jure suo tantum agitur. 2. quia hominibus licet aliorum offensas liberè & sine satisfactione condonare, imò non tantum possunt ex humanitate, sed etiam debent ex officio. 3. Principes summi non tantum suas, sed & publicas in Remp. injurias cum singulari clementiæ laude condonare possunt, E. & Deus Rex Regum & Dominus Dominantium, atque eò magis quòd illi Reipub. tutores sunt & boni publici administri potius quam Domini, Deus autem supremus rerum omnium Arbiter & Dominus propter unam sui gloriam omnia operatur. 4. unicuique debita licet sine solutione remittere, at peccata sunt debita & Deus creditor Matth. VI. 12. & XVII. Sic argutatur Socin. de Serva. part. 1. c. 1. Sic Crelli. De vera Relig. lib. 1. c. 23. & alii.

X. Sed neque hæc ratiocinatio ut ut magno cum apparatu identidem ab hæretico proponatur quicquam ejus causam juvare potest. 1. *Conseq.* vacillat: Nec enim si posset Deus de jure remittere, posset etiam peccata sine satisfactione condonare, aliud est *Jus* aliud *Justitia* Dei, illud potestas est, hæc virtus, nec si de jure remittere liceret continuò liceret de Justitia, potestas eo usque laxari potest quousque patitur Justitiæ latitudo, ita ut scilicet nihil fiat injustum, injustum autem est 1. quod tertium lædit. 2. quod alteri non reddit suum. 3. quod ipsi æquo & bono opponitur; At si peccatum inultum maneat, Lex Dei violatur, peccatis non redditur debita pœna, bonum publicum memorabile detrimentum patitur. Remittat ergo creditor de credito, Dominus de proprietate, sed Judex.

dex & Magistratus de officio quod tum lex tum æquitas ipsa postulat, haudquamquam.

XI. 2. *Min.* absolutè & simpliciter sumpta falsa est, nam si unicuique licet de jure suo cedere, Ergo Magistratus Subditos, Parentes liberos, Deus ipse creaturas dispensare poterit à debita obedientia, Ergo nulla erit judiciorum criminalium in Rep. de jure necessitas, furta, rapinæ, homicidia, &c. impunita dimitti poterunt, neque *Lex Julia* majestatis de adulteriis, aut *Cornelia* de sicariis, aut *Pompeja* de parricidiis aut aliæ publicorum judiciorum leges necessitatem ullam quàm planè arbitriariam obtinebunt, E. ipse Deus poterit impœnitentes & contumaces absolvere; quæ omnia cùm sint falsissima & æquitati ipsi naturali repugnent, ipso fatente Adversario, omnino sequitur limitandum esse hoc pronunciatum juxta diversas Juris acceptiones: Nimirum dantur variæ Juris species, Aliud est *Jus privatum*, aliud *Jus publicum*, de illo cedere quis potest, non de hoc, Aliud *Jus quod ad voluptatem & utilitatem Domini* tantum spectat, aliud quod *honestatem & officium* respicit, de illo poterit Dominus remittere, at non de hoc; Nam ut is qui legis mandata cùm ejus sit exequi non exequitur Legis & Legislatoris auctoritatem violat; ita pariter is qui promissiones & comminationes Legis cùm ad eum id spectat non mandat executioni culpâ vacare non potest; Rursus aliud est *Jus dominicum* aliud *Judiciale*, illud quadantenus remitti nihil vetat, quando ea est natura Domini ut eo possis uti vel non uti pro libitu, at hoc non item, quia non privata res tantum agitur, sed bonum totius Communitatis; In hoc autem negotio, ut suprà probatum est, Deus non est spectandus simpliciter ut Dominus vel privatus, sed ut supremus Judex & Imperator qui boni publici Rector est & administrator, qui Legum à se latarum custodem se proficitur. Denique aliud est *Jus naturale* quod ab ipsa natura fluit eaque nititur, aliud *Jus liberum & positivum* quod à sola voluntate pendet, istud omnino remitti potest & relaxari, quia liberum est & mutabile, illud verò nequaquam quippe immutabile & æternum; At jus puniendi peccata ut superius demonstratum est non est tantum liberum & positivum quod pendet à decreto, sed naturale & necessarium quod fluit ab ipsa Justitia & sanctitate.

XII. Frustra verò arguit Adversarius Deum justè id posse, quia sive illud faciat sive omittat nemini facit injuriam siquidem de suo tantum agitur: Nam 1. majoris falsitas evidens est, multa quippe sunt quæ fieri repugnat Justitiæ & sanctitati divinæ, quæ tamen si fierent cum nullius extra Deum injuria conjuncta essent; Ita Deus non potest se ipsum abnegare 2. Tim. II. aut se exuere naturali dominio quod habet in Creaturas, aut Leges virtuti & honestati contrarias hominibus ponere, quod tamen si faceret nemini esset injurius. 2. Si valeret ratio hæretici, ex ea etiam colligere liceret posse Deum impœnitentes & contumaces peccatores impunitos dimittere, quod tamen non audet ipse pronunciare, imò disertè proficitur Deum non posse condonare istis pœnam, quid ita? non sanè

fanè quod cuiquam extra se faciat injuriam, sed quia majestas legum violatur, & Justitia læditur ut ipse loquitur, quam ergo responſionem suggerit, eā ipſe utatur, nimirum etſi nemini faceret injuriam extra ſe, faceret Legibus à ſe latis, faceret Juſtitia ſuæ quam impunè offendi neutiquam decet, faceret bono publico cujus Tutor eſt & Adminiſtrator Deus; Dices ſic Deum ſtatui *ὑπερῶν* & *ὑπὲρ νόμον* quaſi ſub aliena poteſtate conſtitutus ſit qui ex formula judicare debeat, Reſp. Neg. ſed licèt nullum agnoſcat ſuperiorem ad quem ſit provocatio, tamen cùm ipſe ſibi ſit Lex, ut per naturalem ſuam Inſtitiam non poteſt non Leges ponere creaturæ intelligenti juxta quas vitam & mores piè & honeſtè inſtituat, ſic per eandem non poteſt in ſuis Iudiciis à Legibus ſemel latis abire, vel quod inſidet Juſtitia tribunal ſe ipſum abnegando deſerere.

XIII. Ad ſecundum Diſtin. *homines* alii ſunt *privati*, alii in *publica* *authoritate conſtituti*, privati non tantùm poſſunt, ſed & debent injurias ſibi illatas condonare; non ſic Judices & Magiſtratus qui ex officio tenentur ſe vindictes & cuſtodes Legum profiteri. Quamvis ergo *perſona privata* liceat hîc de jure ſuo cedere quod plerumque eſt *charitatis*; At *perſona publica* renunciari Juri ſuo quod eſt *Regiminis*, præſertim ſi renunciatio iſta ullo modo cedat in damnum boni publici, non licet. 2. non valet conſeq. ab hominibus ad Deum, homines enim conſervi ſunt fratrum ſuorum, Deus autem Dominus & Judex; Jus autem puniendi uti diximus non eſt partis offenſæ quâ talis, ſed ſupremæ *ὑπεροχῆς* & authoritatis, unde rectè Lactant. *Surgimus ad vindictam, non quia læſi ſumus, ſed ut diſciplina ſervetur, mores corrigantur, licentia comprimatur*: *Hæc eſt ira juſta quæ ſicut in homine neceſſaria eſt, ſic utique in Deo à quo ad hominem pervenit exemplum.* Læſo quidem & offenſo debetur damni illati vel in bonis vel in fama reſtitutio, ſed non pœna offendentis quam ſolus exigere poteſt Magiſtratus; Ideo remiſſio hæc propriè reſpicit noxam non culpam, & privatus cùm condonat, nihil propriè facit quàm deponere ſenſum ac memoriã injuriæ acceptæ, ut vel odiſſe deſinat, vel ulciſci amplius nolit, ſed tamen non poteſt impunitatem præſtare vel à parte Dei vel à parte Magiſtratus cujus eſt in ſcelera animadvertere, offenſas ergo remittit ille, ſed ſalvo *jure tertii* hoc eſt Superiorum & Dei.

XIV. Ad tertium Reſp. 1. *ἡ τὸ βίαιον*, Ut Principes utut clementiſſimi non poſſunt tamen nec debent ſcelera plurima impunita dimittere, v. g. crimina læſæ Majestatis &c. ita nec Deus. 2. ſi Principes gratiam facere poſſunt quorundam delictorum, eorum eſt tantùm quæ condonari poſſunt abſque injuria boni publici, ita ut authoritas Legum maneat illibata, ſed Juſtitia non patitur ut extendatur ultra Legum poſitivarum violationem, vel eos caſus aut analogos quibus urbes refugii ſub V. T. conceſſæ olim Iſraelitis fuerant, nam ex officii conſcientia tenentur ulciſci crimina quæ impingunt in Leges naturales & divinas. 3. Diſpar eſt Dei & Principum ratio, quippe hi tenentur interdum clementiam exercere, ne dum ſupra modum juſti videri volunt, crudeles cenſeantur, ad-

datque *sevitia* ut *Sallust.* in *Jugurth.* monct, plus *timoris* quàm *potentia*; at ipsi elementam non possunt exercere quin aliquid remittant de *Justitia*; sed aliter se res habet apud Deum qui sic *misericordiam* exercere potest ut à *Justitia* tamen non discedat. 4. Principes quandoque plus sibi tribuunt de facto quàm de jure licet, nam si consulimus Dei Verbum constituti sunt ut exercent *Judicium* & *Justitiam* *gladius ipsis à Deo commissus ut sint vindices ad iram eorum qui male fecerunt.* Rom. XIII. 4. Itaque Legum custodes sunt & vindices, non ut de iis disponant & dispensent pro libitu, sed ut eas observari curent juxta illud *Theodosii lib. 4. Codi. De Legib. & Constit.* *Digna vox est majestate regnantis legibus alligatum se principem prosteri, aded de autoritate juris nostra pendet autoritas.* Si secus fecerint, minùs rectè partibus sibi demandatis defunguntur, nec factum juri adversum potest aut debet in exemplum trahi. 5. Fatemur in eo differre quàm maximè Principes à Deo, quòd illi sint tutores potius & administri boni publici quàm Domini, sed non potest tamen ex eo inferri quod pertendit hæreticus, Deum multò magis ipsis Principibus de jure suo hac in parte remittere posse, imò contra ex eo colligitur quàm parum justè id sibi arrogare possint Principes quod hîc illis tribuitur; nam ad Deum quod spectat cum bonum publicum inseparabiliter sit connexum cum ejus gloria, nihil potest illi deberi ex *Justitia*, quod ista pariter non exigat necessariò, unde non modo Legum latarum auctoritas, sed & *Justitiæ* ac sanctitatis gloria pœnam hanc omnino deponunt.

XV. Ad quartum, Non negamus *peccata* in Scripturis vocari *debita* & non-nihil similitudinis inter hæc duo occurrere, quia ut Deus Jus habet in nos per satisfactionem pœnalem; ita obligamur ex Lege Dei ad pœnam, sed non sequitur per omnia quadrare hanc similitudinem, imò tritum est apud Philosophos, *Omne simile dissimile esse*: Conveniunt quidem in eo 1. quòd sicut creditor jus habet in re, ita Rector in pœna. 2. In donatione Jus creditoris, & in impunitatis concessione Jus Rectoris ad puniendum tollitur. 3. & donatio debiti & impunitatis concessio nascitur ex eodem benignitatis fonte & alteri prodest: sed dissimilitudo est longè maxima, quòd Jus donantis & condonantis non sit æquè liberum, quis enim sanæ mentis existimet non majorem in ordine ad æquum & rectum necessitatem esse exequendarum Legum & Juris quod circa crimina occupatur, quàm Juris & Legum de debitis pecuniariis quæ circa hujus vitæ facultates & opes versantur? cum *Justitia* scilicet nequaquam pugnat de Jure crediti sub hac ratione cedere, suum donare, creditum remittere nunquam fuit inhonestum: at pœnam remittere sine satisfactione interdum non fuit honestum ne Deo quidem, ut agnoscit Adversarius respectu contumacium & impœnitentium; ratio discriminis est quod Jus Domini & crediti est tantum Domini causa, & comparatum illius gratiâ, qui illud habet; at Jus puniendi est totius universitatis & boni publici gratiâ: Juris Domini & crediti, proximum fundamentum est *Relatio quadam rei ad personam*, pœnæ autem *Relatio rei ad rem*, illa potest

rest tolli pro arbitrio personæ quæ Jus habet in rem illam, at hæc nequaquam, quia refertur ad rem ipsam. 2. Si ex eo quod peccatum debitum dicitur posse illud remitti sine satisfactione colligitur, Ergo & ex eo quod mors dicitur ejus stipendium & scætus necessitas satisfactionis elicitur; nam Dux ex officio & Justitiæ præscripto tenetur stipendium militibus suis persolvere, & scætus gravidæ necessariò in lucem editur, peccatum consummatum gignit mortem Jac. 1. 15. 3. Si ratio illa valet sequeretur & obedientiam quæ pariter vocatur debitum Rom. VIII. 12. non foris Juris necessarii & immutabilis, nec Justitiam divinam exigere ut Lex ulla præscribatur hominibus, vel ut homines Creatori suo subsint, quod falsissimum est. 4. Denique si per omnia quadrare debet similitudo facilè evincetur Deum etiam sine ullo vel fidei vel pœnitentiæ respectu peccatum condonare posse quod tamen constanter negat Adversarius, quemadmodum penes creditorem est totum debitum debitori suo absque ulla conditione remittere.

XVI. Sic pro possibilitate remissionis sine satisfactione disputabat hæreticus: Quia tamen non desunt etiam è Nostris qui licet necessitatem hypotheticam satisfactionis mordicus tueantur, necessitatem absolutam pariter cum ipso impugnant, Deumque posse omnino si libuerit peccata absque ulla satisfactione remittere contendunt, atque inter alios Doctissimus Twissus in Vindici. suis Gratia, &c. non abs re futurum est si paucis præcipuas ejus rationes ad examen revocemus¹. I. Si Deus, inquit, non potest remittere peccata sine satisfactione, inde fit, vel quia non potest per potentiam, vel per Justitiam, At neutrum dici potest; Non per potentiam quia si non posset, tum peccatum condonari sive non puniri erit simpliciter impossibile, & propositio hæc *Peccatum non punitur* constabit ex terminis contradictoriis: Non etiam per Justitiam, quia si Deus posset aliquid per potentiam, & non posset per Justitiam, sequeretur Deum aliquid posse quod sit injustum, quod implicat. Resp. Perperam hîc separantur conjungenda, *Potentia* nimirum & *Justitia*, hoc enim quæritur, An Deus possit per *Justitiam*, seu an non Justitia lædatur eo ipso quo peccatum inultum dimittitur: frustra ergo disputat de potentia seorsim à Justitia sumpta, quia Deus etsi omnia possit, nihil tamen potest quod sit injustum. Quod Deus non potest respectu unius Attribute, respectu nullius id potest, v. g. Si Deus non potest aliquid respectu veritatis id sub nullo respectu potest. In actibus voluntatis divinæ purè liberis alia res est, in sensu enim diviso aliquid potest facere v. g. plures mundos creare, quod in sensu composito, & supposito decreto non potest. At quæ Attribute alicui conveniunt varios non admittunt respectus, sed sunt in suo genere necessaria; unde quia non potest fieri per Justitiam ut Deus peccatum non puniat, sequitur Deum hoc nec posse nec velle. 2. Etsi contradictio non videatur formaliter in terminis istius propositionis *Peccatum non punitur*, occurrit tamen virtualiter in re ipsa. Nam si potest Deus peccatum non velle punire, potest non odisse, nam odisse nihil aliud est quàm velle punire, si potest pec-

catum non odisse potest amare, si potest amare, potest velle non esse sanctus & Justus, & sic potest seipsum abnegare & velle non esse Deus quod implicat. Deinde implicat Deum esse hominum Dominum jure naturali & indispensabili, homines autem ei non esse subjectos, nec quoad obedientiam nec quoad pœnam quod directè fieret si peccatum evaderet impunè. 3. Contradictio non spectanda est simpliciter in ordine ad potentiam, sed ad Justitiam, quam propriè pœna spectat, unde non quæritur simpliciter An Deus possit, sed an possit justè peccatum condonare sine satisfactione, quod fieri non posse supra evicimus.

XVII. 2. Sic arguit, Potest Deus mitiorem pœnam inferre peccatori quàm peccatum meretur, Ergo potest pro absoluta sua potentia pœnam universam suspendere: nam ponantur, inquit, tres gradus pœnæ promeritæ, huic si possit Deus subtrahere unum gradum, cur non & alterum, & si duos possit, cur non & tertium reliquum? Deinde potest remunerari ultra condignum, E. potest punire citra condignum, & si hoc, aliquem gradum peccati dimittet impunitionem. Resp. ad primum, Negant hîc quidam *Conseq. Majoris* nam etsi aliquo modo mitigare posset pœnas peccati, non sequetur tamen posse eas omnino tollere vel auferre; Nimirum ut observat *Author Supplem. in Scot. in IV. sentent. Dist. 46. q. 4. Justitia latitudinem quandam graduum suorum habet extra quam si Deus puniret Justitia non uteretur*, idè licet posset dimittere gradum unum pœnæ, non sequitur tamen Ergo quemlibet, & omnem omnino pœnam quia tunc exiret latitudinem illam ad Justitiam requisitam & sic ommitteretur Justitiæ exercitium quod aliter exponi non potest quàm per ejus abnegationem; Neque obstat quòd gradus iste à nobis definiri non potest, ut V. D. postulare videtur, quid enim si id nobis homuncionibus concessum non est, an de Deo propterea negabitur? hæc arcana Deo relinquenda sunt qui sibi solus sapienter limites finire novit & eatenus remittere jus illud summum & ἀνεξέστητον quatenus Justitiæ & sanctitatis natura ferre potest; sic ut illud exemplo etsi in alia re non tamen planè abfimili comprobemus; Mundus stare non potest sine calore illo quo omnia continentur; non puto tamen caloris qui omnia permeat quantitatem ita esse definitam necessariò à natura, ut ne minima quidem ejus particula detrahi atque aboleri Dei potentia queat quin universi mundi moles & compages intereat, qui ergo particulam aliquam caloris ejus sine mundi interitu subtrahere potest, nonne poterit alteram & item alteram, & sic deinceps poteritne tandem universus ille ignis per particulas subduci extremo rerum omnium interitu? minimè id quidem? Itaque in subductione illa quæ latitudinem suam habet punctum aliquod est ultra quod procedi non potest sine mundi interitu, quod tamen nemo definire queat. 2. ad *Mino. neg.* Deum ita pœnam mitigare posse ut partem pœnæ essentialiter peccato debitæ penitus subtrahat; Nam cum vel levissimum peccatum non possit non odisse, non potest etiam non punire; quòd si aliquatenus pœnas temporales impiorum mitigare videtur

nonnunquam in hoc mundo vel differre, quo facilius hæc Dei benignitas eos adducat ad pœnitentiam vel ἀναπολόγητες reddat, non sequitur tamen propterea eum auferre pœnam debitam; nam quod differtur non aufertur tamen, imò tarditatem supplicii gravitate postea compensat; neque quicquam hac in parte sit quod laudem Justitiæ divinæ deterat, punit enim *necessariò*, at *non necessariò omni tempore & loco*, imò multiplicem in pœnæ distributione admittere potest œconomiam, ut antea dictum est. Aliud est ergo loqui de pœna in genere & absolute in se, aliud de ea *relatè considerata respectu modorum, graduum & aliarum circumstantiarum* quas Deus ob majorem gloriæ suæ manifestationem illi assignavit, libertate enim circa modos & gradus concessâ qui ex libera Dei ordinatione fluunt, non sequitur pœnam ipsam quâ pœnæ ratio in ea servatur & à Justitia Dei naturali fluit, penitus tolli posse. Ad 2. de remuneratione ultra condignum Negat. Conseq. Nam longum latumque discrimen intercedit inter bona & mala opera, remunerationem & pœnam, quippe cùm Deus remuneratur, facit id planè gratuitò, cùm bona opera nostra sint debita nihilque mereantur: at cùm punit facit id non ex mera libertate, sed ex intrinseco culpæ demerito & Justitiæ inexorabilis ratione, Itaque non, si potest remunerari ultra condignum, poterit etiam citra condignum punire.

XVIII. 3. Objicit. V. D. Si Deus potest cruciatum quantumcunque etiam infernalem alicui inferre citra ullum demeritum; Ergo potest etiam non obstante quantumcunque demerito quamtamcunque pœnam suspendere, Consequentia ex eo patet quòd Deus multò pròrior sit ad benefaciendum quàm ad puniendum. Resp. Hic verò varia sunt quæ observatione digna videntur: Primò vel per τὸ suspendere intelligit tantummodo ad aliquod tempus differre ob idoneas aliquas causas, cæterùm exacto illo tempore pœnam irrogare, quæ si ejus mens est nihil facit adversus nos, Id enim ultrò sæpe concessimus, negavimus tantùm inde sequi Deum posse peccata hominum dimittere citra ullam omnino punitionem, si verò suspendere illi est omnino prætermittere impunitum; primò Conseq. vacillat, quia aliud est loqui de cruciatu aliud de pœna, Et si posset inferre cruciatum, non posset tamen pœnam, quia pœna omnis si justa est peccatum infert, dicit enim damnosum aliquid ei qui Legem transgressus est: ut ergo non potest pœnam inferre alicui per Justitiam citra antecedens aliquod demeritum, ita nec auferre pœnam poterit per eandem Justitiam sine prævia satisfactione. Deinde antecedens etiam ambiguum, nam vel id potest Deus per Jus illud absolutum & summam ὑπεροχὴν quam obtinet in Creaturam, vel per Jus ordinatum & virtutibus temperatum, si prius intelligat frustra est, nam ut in statu Controversiæ declaravimus quæstio nostra non instituitur de Jure illo summo & absoluto quod immensum quidem & infinitum agnoscimus, sed quale quantumque sit ignoramus, neque eo audaciæ prorumpimus ut definite velimus; si verò de posteriori loquitur; Omnino negamus Deum juxta Jus illud

Creaturæ innocenti cruciatum infernalem inferre posse, quia hoc repugnaret manifestè Bonitati & Justitiæ quam in Verbo patefecit, quæ bonis bonè, malis vult esse malè. Et ut peccatorem nequaquam velle punire implicat abnegationem Justitiæ: Ita immerentem quantocunque cruciatu vexare abnegationem aliquam inferret clementiæ & misericordiæ quod utrumque æquè indignum & impossibile: Interim distinguenda etiam est cruciatus immisissio, nam vel sempiterna potest esse vel temporaria tantum per œconomiam aliquam & exiguum spatium, De priori negamus Deum illam usurpare posse, de posteriori si concederemus, nullum tamen propterea causæ nostræ fieret præjudicium, neque enim si Deus aliquā gravissimā de causa hominem pium & sanctum cruciatu aliquo ad exiguum tempus exercere voluerit ad probandam fidem & constantiam ejus, ut visum est in Jobo & sanctis martyribus, continuò sequetur posse etiam impunitum peccatum omnino dimittere, nam testibus JC^{tis}. quæ breve ad aliquod tempus fiunt per dispensationem aliquam ne fieri quidem videntur, Ex. g. poterit summus Magistratus egregium civem ad exiguum tempus durissimis laboribus exercere idoneā de causa, non sequitur tamen inde eundem sapientem & justum Magistratum nefariorum prædonum scelera perditorumque civium perduelliones præterire omnino impunitas.

XIX. 4. Obji. Si Deus non potest peccatum impunitum dimittere tum necesse est ut puniat *necessitate absolutâ*. Quod dici cum ratione non potest, quandoquidem non semper punit, neque quantum potest punit. Resp. 1. *necessitas absolutâ* vel est bruta & merè *naturalis* ut in agentibus naturalibus, vel *rationalis* ut in liberis; quæ priori modo operantur, & semper & quantum possunt agunt ut ignis cum urit, sed quæ posteriori non item, Iam Deus punit peccata *necessitate absolutâ* non bruta & *αλόγως* sed *rationali* & *Ethica* ut supra dictum. Nam etsi Iustitia naturaliter Deo insit, exercitium tamen ejus pendet à voluntate, ex qua omnia operatur Eph. I. 11. & à qua pendet & quando & quantum vel nunc vel tunc puniat; Punit ergo quando & quantum, non potest, sed vult ut tamen punitio semper fundetur in justitia, & Iustitia nitatur naturâ Dei. 2. *Absolutum* dicitur bifariam, vel quod est absolutum à consilio & decreto voluntatis, sic negamus Deum absolutè peccata punire, quia nunquam hoc præstat nisi intercedente ejus consilio, Vel quod non à mero Dei arbitrio pendet, sed in natura & naturali proprietate fundatur, sic verum est Deum absolutè punire.

XX. Atque hæc fuit *prima* argumentorum *Classis* quibus *potuisse* Deum remittere peccata absque satisfactione probare contendunt, Succedit *altera*, in qua Deum id ipsum *voluisse* contendit hæreticus, 1. quia sub V. T. nihil aliud Deus ab hominibus peccatoribus ad veniam consequendam exigebat quàm fidem & pœnitentiam, Deut. xxx. 1. 2. 3. Jerem. III. 13. 14. & xviii. 7. 8. Ezech. xxxiii. 14. & adèò verum est, inquit, Deum pœnitentibus peccata non imputare, ut etsi sententiam jam tulerit contra delinquentes & eos perdere constituerit,

merit, si tamen illi suorum scelerum pœnitentiam agant, ipsum quoque jam latæ sententiæ pœniteat, ita ut eam revocet & rescindat & eos iterum in gratiam recipiat, quod tum ex loco Jerem. modo laudato, tum exemplo Achabi patet, 1 Reg. xxi. v. 21. 32. 2. fideles ipsi veniam consecuti dicuntur per fidem solam sine ulla satisfactionis mentione, ut de Abele refertur quòd per fidem Deo placuerit Hebr. xi. 4. qualis autem sit illa fides describitur v. 6. dum ait *accidentem ad Deum debere credere Deum esse & esse remuneratorem requirentibus ipsum.* 3. formula fœderis novi est planè gratuita quæ meminit quidem remissionis peccatorum & Legis inscriptionis, sed nequaquam satisfactionis Jerem. xxxi. 34. Imò ne potest quidem, nam remissio & satisfactio sibi invicem opponuntur, nec gratis remittere dici potest is qui exigit satisfactionem. 4. addit parabolam quæ extat Matth. xviii. eandem gratuitam Dei remissionem confirmare. Rex enim nullam satisfactionem exigit à servo suo, sed totum debitum illi planè remittit, deinde ibidem dicitur Deus nobis remittere quo modo aliis remittimus, at remittere debemus sine satisfactione. 5. urget verbum *χαρίζεσθαι* quo utitur Paulus Coloss. ii. 13. Ephes. iv. 32. dum de remissione peccatorum loquitur, quod omnimodam videtur liberalitatem & beneficentiam designare, multum autem detraheretur summæ illi munificentiæ siquidem plenam debiti solutionem à Vade postularer. Socin. de Servat. l. 3. cap. 2. & Praelect. cap. 17.

XXI. Hic revera præcipuus est cardo quæstionis quo semel posito facilè lis tota poterit dirimi; Nam etsi daretur Deum posse sine satisfactione peccata condonare, id tamen frustra foret si aliunde constaret eum id haudquaquam velle. Videndum ergo imprimis quænam sit super hac re Dei voluntas, quodve consilium nobis in Verbo patefecerit. Adversarius quidem mordicus tuetur Deum voluisse absque ulla satisfactione peccata remittere, & rationes varias tum ex V. tum ex N. T. ad hoc ipsum probandum corradit, sed præterquàm quòd in superioribus jam fusè satis contrarium evicimus, facilè ex argumentorum solutione sententiæ istius falsitas patebit; Nam ad primum quidem quod attinet distinguere quod ab *homine ipso* requirit Deus, ab eo quod exigit *ab ipso Vade* qui vicem ejus subit: sanè ab hominibus ipsis peccatoribus nihil nisi fidem & pœnitentiam exegisse Deum ultrò fatemur, quia nihil ab iis proficisci potuit quod Justitiæ divinæ examen sustinere atque ipsius iram placare posset, sed hoc non obstabat tamen quominus ex parte Sponsoris alicujus satisfactionem postularet, siquidem nec veritas nec sanctitas ejus pati poterant inultum abire peccatum; Imò cùm fides necessariò satisfactionem præviā supponat quam ut proprium & speciale objectum apprehendat & per intimam *ιδιοποίησιν* sibi applicet, si fides requiritur, eo ipso etiam satisfactionis necessitas demonstratur. 2. pecca. fals. hypo. quasi fides & pœnitentia sint *causa antecedentes & meritoria* propter quas remissio nobis à Deo concedatur, cùm sint tantùm *media consequentia* quibus remissionem factam nobis applicamus & de ea certiores

tiores reddimur, vel saltem *conditiones* quæ in justificato requiruntur ut beneficio isto fruatur, remittuntur ergo peccata credentibus & pœnitentibus, sed non propter fidem aut pœnitentiam, sed propter obedientiam & mortem Christi, *habemus redemptionem in sanguine ejus, hoc est remissionem peccatorum* Eph. 1. 7. & ratio id persuadet. Nam certum est neque fidem neque pœnitentiam & vitæ novitatem in nobis dari nisi quam Spiritus Sanctus nobis ipsis vi sua efficacissimâ & vorticordia indiderit, at Spiritum nemini conferre potest Deus nisi jam pacatus & propitius nobis factus; pacatus autem & propitius dici nequit nisi quia peccatorum à nobis adversus Majestatem suam admissorum gratiam summâ suâ clementiâ facere non dedignatur: cum ergo fides & pœnitentia sint effecta quæ oriuntur & pendent ab ista reconciliatione, ejusdem causæ antecedentes esse nequeunt nisi velimus aliquid seipso esse prius & posterius. Quid quod cum peccatorum remissio sit actus Jurisdictionis ut antea dictum, & actus hujusmodi qui aliquam Legis executionem postulat, non potest ea soli fidei vel pœnitentiæ tribui, requiritur enim hîc aliquid ad cujus præsentiam & meritum cesset respicientis respectu sanctio pœnalis Legi addita, quæ suam adhuc vim obtinet circa impœnitentes; hoc verò neutiquam præstare potest vel fides vel pœnitentia; Non fides, tum quia ex se nihil habet, sed omnia mutuatur à Christo quem respicit; tum quia si propter ipsam justificaremur tanquam opus, jam Justificatio non esset ex gratia Rom. xi. 6. & relaberemur ad vetus fœdus Legis à quo per Christum liberati sumus: Non etiam pœnitentia & conversio, nam præterquam quod nunquam eum perfectionis gradum potest assequi qui Legi respondere queat, accedit etiam quod cum præsens & futurum propriè & principaliter respiciat quorum ratione à nobis jam debetur, non possit pro peccatis præteritis satisfacere. Itaque nihil aliud esse potest quàm intercedens pro nobis Sponsoris Christi satisfactio, cujus respectu credens & respiciens censetur defunctus pœnâ quæ Lege sanciebatur.

XXII. 3. Distinguendæ sunt *pœna temporales* ab *æternis*: si de temporalibus loquitur Adversarius cum ait Deum pœnitentibus veniam concedere quo sensu veniunt potissimum intelligenda pleraque quæ ab ipso afferuntur ut Jerem. iii. & xviii. & Ezech. xxxiii. &c. nihil hinc colligere poterit quod faveat causæ suæ, siquidem miram sapientissimus Judex in pœna irroganda adhibet œconomiam, nec si differt vel aufert pœnam istam temporalem respectu reprobatorum, propterea quoad illos tollit & abrogat vim sanctionis Legalis; Adde quod illud non semper intelligendum est de *pœnis totis*, sed de *tantis*, non quod planè auferantur, sed quod mitigentur vel differantur. Atque huc pertinet exemplum Achabi, cujus humiliationi licet fictæ & hypocriticæ (ut scilicet hoc pacto testaretur Deus quàm grata & accepta ipsi esset futura vera & sincera fidelium) hoc dare voluit ut ipsi dum in vivis esset parceretur, nec malum antea denunciatum infligeretur, sed non propterea ablata est pœna, quando &

eam luere debuit in posteris, & in inferis procul dubio etiamnum hodie luit : Cæterum quod de sententiæ revocatione addit ibidem hæreticus cautè intelligendum, non quod decretum semel factum unquam rescindat & mutet (quæ tamen ejus mens impia esse videtur) nam ut immutabilis est quoad essentiam, ita & quoad voluntatem *Es. XLVI. 10.* sed quod minas quæ per certam œconomiam, vel tacitam vel expressam habebant conditionem positâ ipsâ conditione suspendat, *sententiam* ergo mutare dicatur, at non *consilium* ut rectè Grego. quia eam ipsam mutationem jam ita apud se decreverat. Jam si pœnam æternam intelligit, nullo argumento probabit remissionem factam fuisse citra respectum ad Christum; imò contendimus cum Apost. nullam dari *peccatorum remissionem sine sanguinis effusione* *Heb. IX. 22.* & mortem Testatoris intercedere debuisse ad expiationem peccatorum quæ admisâ fuerant in V. T. ut ibid. loquitur. Nec obstat quòd nulla videatur mentio fieri satisfactionis, nam licèt expressè & totidem verbis non extet nomen hoc, implicitè tamen & κατ' ἰσχυρίαν crebrò satis occurrit, & si nihil aliud extaret, Sacrificia & victimæ legales quæ victimam hanc divinam & cœlestem non obscurè adumbrabant: Ipsa Oracula prophetica quæ non alibi complementum suum fortiuntur: Promissiones gratuitæ in quibus omnibus Christus includitur, utpote in quo sunt Etiam & Amen 2. *Corint. I. 20.* luculentum isti veritati præberent testimonium.

XXIII. Quod addit secundo loco fideles dici veniam consecutos per fidem; tantum abest ut sententiam nostram infirmet, ut eam confirmet magis; Nam si per fidem salvati sunt, eo ipso & propter Christum ejusque satisfactionem, hæc enim indivulso nexu inter se conjuncta sunt, nec fides ulla dari potest vera nisi quæ Christum crucifixum intuetur *I. Corinth. II. 2.* *Roman. IV. 25.* unde *cognitione sui justificaturus* dicitur electos Dei *II. LIII. 11.* Et sanè constans est Scripturæ sententia eundem nobis omnibus tam sub V. quàm sub Novo Testamento Mediatorem fuisse datum nempe Christum, eandem salutis causam ejus sanguinem, idem receptionis organon fidem, eandem regni cœlestis viam conformitatem cum ipso, eundem felicitatis portum & terminum, Cœli ipsius hæreditatem quam nobis paravit: neque *Isai. conjectas in eum fuisse iniquitates omnium nostrum & Castigationem pacis nostræ positam super ipsum* dicere posset *cap. LIII. 6. 8.* nec Paulus *unicâ oblatione consecrasse in perpetuum eos qui sanctificantur* ad *Hebr. x. 14.* & mortem ipsius necessariam fuisse ad redemptionem iniquitatum sub V. T. *cap. IX. 15.* nec Johan. *eum esse propitiationem non modo pro peccatis nostris, sed & totius mundi* *I. c. II. v. 2.* nisi meritum & satisfactio ipsius æquè ad utroque pertineret, fidesque veterum Patrum non minus quàm Christianorum eâ niteretur; Quod & ex innumeris aliis locis si id nunc ageremus probari facile posset; Nam si prisca fideles salvati sunt, quod Dei veritas credere omnino nos jubet contra Servetianorum & Socinianorum deliria, utique per Christum debuerunt salvari quia in nullo alio est salus *Act. IV. 12.* Si venerunt ad Patrem uti-

que per Christum *nemo enim venit ad Patrem nisi per ipsum* Johan. xiv. 6. Si peccata eorum sublata sunt & remissa, utique per & propter Christum in quem devolutæ sunt omnium iniquitates, qui est *agnus Dei tollens peccata mundi* Joh. i. 29. uno verbo fides salvifica pendet à *foedere gratiæ* & in illud resolvitur, vel ut est in V. promissum vel ut in N. Testamento revelatum, at *foedus* illud totum quantum quantum est Christo nititur ejusque morte & sanguine sancitum est, prout vetus pactum sanguine pecudum & hircorum confirmatum fuit Hebr. ix. unde si per fidem salutem consecuti dicuntur patres, omnino & per Christum. Accedit etiam quod Apost. ibid. c. xi. non obscure qualis fuerit illa veterum fides describat, cum ait per eam *Justitiæ* eos hæredes factos fuisse v. 7. probrum Christi thesauris *Ægyptiacis* anteposuisse v. 26. promissiones ipsas vidisse & amplexatos fuisse, non sanè rerum terrenarum & temporalium simpliciter, sed divinarum imprimis & cœlestium, quandoquidem cœlestem hæreditatem dicuntur expectasse v. 10. Deusque non erubuit *vocari eorum Deus* quæ formula est *foederis gratuiti* in Christo initi quæ pretiosissima quæque complectitur beneficia v. 13, 16. Nec si *promissionem* dicuntur non obtinuisse v. 39. continuo denegari potest illis salutaris Christi notitiæ fructus, quippe hoc ad *exhibitionem Christi* in carne quam temporibus Novi Testamenti reservabat Deus *χρῆτὸν πρὸς ἡμῶν* *προβλεψάμενον* & pertinet, non ad *cognitionem* ipsam ejusque vim salvificam quam omnino usurparunt, eaque seipsos in mediis ærumnis sunt solati: fateor cognitionem illam longè obscuriorem fuisse præ illa quâ fruimur nunc sub Euangelio, cum enim fides sequatur revelationis mensuram, revelatione minùs clara adhuc existente, & variis typorum & ceremoniarum involucris (quæ fuit illorum temporum ratio) implicita, non potuit fides nisi subobscura adhuc esse & minùs evidens, sed talis erat tamen tantaque hæc notitia, quæ sufficeret patribus ipsis ad salutem indipiscendam, quia rem ipsam luculenter satis patefaciebat, etsi modum & particulares circumstantias nondum expresse, ut factum postea in eventu, declararet.

XXIV. Quod addit de *Abele* ejusque fide non magis urget, imò si ritè rem putamus pro nobis facit. 1. Si per fidem dicitur placuisse, utique & propter Mediatorem ejusque meritum, fides enim salvifica esse nequit nisi illi innixa. 2. Abel dicitur sacrificium obtulisse & quidem cruentum, at quorsum nisi ut reatum fateretur suum, simulque medium aliquod propitiationis in victimarum sanguine exquireret? at cum certum sit sanguinem hircorum non posse tollere peccata, omnino agnoscendum est sacrificium hoc non aliter Deo gratum fuisse quàm quia typus & symbolum erat agni Dei inculpati olim in plenitudine temporum mactandi. 3. Cum *justus* dicatur *per fidem* eo ipso supponitur dignitatem illam obtinuisse, non inherētis justitiæ respectu, sed imputatæ quam fides sibi applicat; Et sanè Moses non obscure illud indicat cum ait *Deum respexisse ad Abelem & ad munera ejus*, primò ad personam, deinde ad munus, ut scilicet significaret non personam propter sacrificium, sed sacrificium propter per-

personam placuisse, quia ipse gratiofus erat Deo per fidem, atque hæc est ratio procedendi fœderis gratiæ in quo iudicium non fit de persona ex opere, quod in fœdere legali obtinet, sed de opere ex persona. 4. frustra verò ad descriptionem fidei ab Apost. datam recurrit Adversarius, ut ostendat nullum respectum ad Christum includere, quia hæc duo tantum postulatur, ut credamus Deum esse & simul *μισανθρωπον* quærentibus ipsum: Quippe licet explicitè ipsius non meminerit (quia de Enoch aliorumque patrum qui priscis illis temporibus vivebant fide potissimum loquebatur, quæ propter obscuriorem & minus plenam revelationem in generalioribus versabatur) implicitè tamen & necessariâ consequentiâ eum complectitur: Nam nec quis qualisve sit verus Deus potest nosci sine Christo, Johan. xvi. 3. nec quæri potest ad salutem nisi per ipsum qui via est, veritas & vita, nec remuneratorem eum quis verè sentiet, Evangelicè nimir. & in fœdere gratiæ per mercedem gratuitam Rom. iv. 5. (nam per Legem omnis spes mercedis consequendæ sublata nobis est) nisi qui in Christo eum intuetur in quo benedicimur benedictione omni spiritali Ephes. i. 4. unde duplex ille fidei actus & vera Dei cognitio, & fiducialis gratiæ ipsius apprehensio, Mediatoris notitiam secum necessariò trahunt in quo utrumque beneficium consequimur.

XXV. Tertia jam succedit ratio à N. Fœderis formula petita ex Jer. xxxi. sed non validior præcedentibus: Testatur quidem & pollicetur Deus se propitium fore populo suo, nec peccatorum ejus recordaturum amplius, sed nequamquam asserit se peccata condonaturum citra Christum, quod pertendit hæreticus, non negat imò necessariò supponit satisfactionem, Deus enim propitius esse nequit nisi in Christo & propter Christum qui ideo *λασμιος* dicitur i. Johan. ii. 2. unde propheta omnes (in quibus & Jeremias) *testimonium præbent remissionem peccatorum per nomen ejus* (hoc est virtutem & efficaciam) *accepturum omnem credentem in eum* Act. x. 43. & Redemptio per Christum obtigisse dicitur juxta fœdus quod cum Patribus iniit & verba quæ per Prophetas jam olim pronunciavit, Luc. i. 68. Adde quòd cum Deus hîc profiteatur se fore Deum populi sui, quæ promissio gratuitam adoptionem & omnigenas benedictiones complectitur Matth. xxii. v. 32. non potest excludi Mediatoris *χρεως* absque quo Deus est ignis consumens & lux inaccessa; Atque hinc est quòd Deus sibi reconciliare dicatur mundum, sed in Christo 2. Corinth. v. 19. *Deus erat in Christo mundum reconcilians sibi non imputando illis sua peccata* quòd si quærat ratio & fundamentum istius reconciliationis in Christo, subjicit eam Apost. v. 21. dum ait *peccatum factum fuisse*, id est victimam pro peccato (prout *זבח* & *חטאת* apud Hebræos utrumque significat tam piaculare sacrificium quàm delictum & crimen) atque ita ostendit Paulus non aliam dari redimensionem in gratiam cum Deo nisi quæ in solo Christi sacrificio fundata est: tantum abest ergo ut hac remissionis promissione inferri debeat aut possit satisfactionis negatio, ut contra Apost. non alibi fortius asserat necessitatem & fructum sacrificii & sanguinis Christi

Christi quàm cum de hoc fœdere novo loquitur, quod imprimis patet in epist. ad Hebr. cap. VII. VIII. IX. sed præsertim cap. X. in quo rejectis omnibus sacrificiis Leviticis tanquam inutilibus, ad expiationem peccatorum procurandam, unicam Christi oblationem substituit quæ tantæ rei perficiendæ par fuerit & sufficiens.

XXVI. Sed nondum videtur tamen satisfactum Adversario, contendit enim ex ipsa remissionis positione satisfactionem everti, *Remissio* enim, inquit, & *Satisfactio* sibi invicem opponuntur, nec gratuita dici poterit remissio si debitum omne quantum quantum est exigitur: Sed in eo vehementer fallitur, dum opponit componenda, & tanquam ἀνίσταται exagitat quæ amicè inter se conspirant; Tantùm abest enim ut remissio peccatorum & satisfactio inter se pugnent & se mutuo tollant ut sine satisfactione non detur remissio peccatorum Hebr. IX. 22. Equidem Scriptura dicit nos Justificari gratis, & peccata nobis remitti, sed eadem docet Christum pro nobis dedisse se ipsum ἀνίστατον 1. Tim. II. 6. Matth. XX. 28. testatur revera Deum nos servasse per viscera misericordiæ & summâ quadam φιλανθρωπία & gratiâ Tit. III. 5. Ephes. II. 8. sed eadem ostendit nobis Christum propter peccata nostra attritum & in mortem traditum II. LIII. 6. & Rom. IV. 25. & hoc luculenter demonstrat Paulus in illustri loco Rom. III. 24. ubi Justificationem gratuitam cum redemptione per sanguinem Christi conjungit, dum *Justificati gratis* dicimur *per gratiam ipsius*, sed *per redemptionem quæ est in Christo Jesu*. Quid quòd ex Levit. cap. IV. & V. colligitur non modò satisfactionem & remissionem simul consistere posse, sed hanc illam necessariò supponere tanquam causam *expiabit*, inquit, *eum sacerdos & remittetur ei*. Levit. IV. 31. Viden' ut ex expiatione remissio pendet quia non potest remittere peccatum Deus quin primò justitiæ ipsius fuerit satisfactum: sic in Epist. ad Philem. Paulus vult debitum Onesimi sibi imputari, & simul veniam pro ipso deprecatur v. 18. *si quid læsit aut debet hoc mihi imputa*, Ego Paulus scripsi manu mea, ego dependam. Ita Christus remissionem peccatorum nobis acquirit, sed dum pro nobis satisfacit, in eum enim finem sponforem se sistit Deo qui satisfaciat ut nobis remissio obtingere possit; nimirum hîc distinguenda venit *satisfactio* vel *propria* vel *aliena* & *vicaria*: Sanè ubi satisfactio propria ipsius debitoris intercedit, nulla datur remissio, at cum satisfactio accedit vicaria omnino potest dici remissio facta principali debitori: hîc verò ita se res habet, neque enim pendimus ipsi Justitiæ divinæ λύτρον, sed Sponsor pro nobis, & quidem talis Sponsor qui à Deo ipso nobis datus est: Unde gratia Dei hîc mirificam se exhibuit duplici potissimùm nomine; Primò dando nobis Christum qui vices nostras obiret & pro nobis satisfaceret; Deinde satisfactionem ipsius & obedientiam nobis imputando propter quam remissio à misericordia concedi potest absque ullo Justitiæ divinæ præjudicio. Concludimus ergo remissionem & satisfactionem esse tantùm ἀνίσταται quando ad idem prorsus referuntur, quod hîc non occurrit, *satisficit enim Justitiæ Dei*, & per & propter

pter illam satisfactionem remittuntur nobis gratis peccata, satisfactio fit à Vade, remissio nobis: Ita Justitia & misericordia se mutuò osculantur, Justitia in peccatum, misericordia in peccantes, ubi Remissio nos, satisfactio Deum habet pro termino.

XXVII. Urget verò adhuc ulterius Adversarius & inauditum esse clamat ut Creditor cui satisfactum est per solutionem rei debitæ, vel ab ipso debitore, vel à sponse præstitam dicatur debitum remittere, Verùm ut hic eximatur scrupulus, discrimen observandum est inter *debitum pecuniarium* & *criminale* & *utriusque remissionem*, In illo non potest dari remissio ubi solutio intercedit, undecunque adveniat, quia est solutio illius ejusdem rei quæ debetur: At in criminalibus secus se res habet, nam reus pœnam propriam debuit legi, Vas verò dat tantum vicariam, unde ut acceptetur hæc solutio in gratiam Rei opus est Judicis remissione; nimirum ut rectè notarunt JC^{ti}. *solutio duplex dari potest, alia quæ ipso facto liberat, alia non ipso facto*: ipso facto liberat solutio rei planè ejusdem quæ fuit in obligatione, ubi ergo idem omnino solvitur, aut à debitore ipso aut ab alio ejus nomine, nulla contingit remissio, nihil enim circa debitum agit Creditor aut Rector, unde si quis pœnam pertulerit quam debet, liberatio erit, remissio non erit: At alia quævis solutio ipso facto non liberat aut obligationem perimit, putà si aliud quàm quod in obligatione est solvatur l. 1. *parag. 2. D. de reb. cred.* sed necesse est actum aliquem intercedere creditoris aut Rectoris, qui actus rectè & usitatè *remissio* dicitur, talis autem solutio quæ aut admitti aut recusari potest, cùm admittitur speciale nomen habet *satisfactionis* quæ interdum solutioni strictiùs sumptæ opponitur, *L. satisfact. D. de solut.* Atque hinc vera petenda est ratio propter quam pœnæ corporalis vicarius; ut in debito pecuniario solvendo pœnam ipso facto reum liberare nequeat, hoc enim accidit primò & per se non quia *alius* solvit, sed quia *aliud* solvit quàm quod est in obligatione, nam Legis obligatio ipsum delinquentem pœnæ subjiciebat, unde illud *noxæ caput sequitur*, ideo ut ex pœna unius alteri liberatio contingat, actus quidam Rectoris debet intercedere qui Resp. Legis *relaxatio* dicitur & *ῥησικειά*, Resp. debitoris *remissio*, quia remittitur pœna propria & acceptatur vicaria. Itaque licèt fortè in debito pecuniario, qui à sponse solutionem accipit non posset dici remisisse debitori, at in Criminalibus ubi Judex est absolutus, nec tenetur alterius quàm ipsius rei solutionem admittere, si velit à sponse pœnas exigere ut ita justitiæ satisfiat, dicetur ille quidem debitum exegisse, sed tamen personæ debitrice pepercisse, quatenus aliam in ejus locum subrogari ex mera misericordia passus est.

XXVIII. Atque hinc facilè solvitur sophisma illud quod subinde reponit hæreticus, Ubi nullum est debitum ibi nec remissio dari potest, At ubi debitum ab uno in alium translatum est non est ampliùs in eo à quo translatum est, E. neque illi potest fieri remissio; postmodum subsumit, At peccata nostra

secundum nos, in Christum Vadem nostrum translata sunt E. non amplius sunt in nobis, nec per consequens possunt nobis remitti: Resp. Nam ubi transfertur debitum secundum illud omne quo debitorem ipsum obligat, omnino non est amplius in ipso debitore, eatenus ut propterea pœna ulla plectendus veniat; At hic licet transferatur in Christum debitum nostrum dum in eum conjiciuntur iniquitates nostræ If. LIII. 6. non potest tamen transferri ratione illius modi secundum quem à nobis debebatur, debebatur enim pœna propria, quæ quia personalis est transferri non potest. Itaque hac in parte locus fuit remissioni, quippe cœlestis Pater pœnam quæ à nobis ferri debuit nobis ultro condonat, quia eam exegit à Christo: frustra ergo translationem debiti opponit ejusdem remissioni, cum in eum finem translatum sit in Christum ut nobis remitti possit, quemadmodum Paulus vult debitum Onesimi in se transferri ut ipsi parceretur. Neque hic naturæ remissionis ulla vis fit propterea, hoc enim tantum postulat, ut fiat ex gratia & liberalitate remittentis, nihil pendente eo qui liberatur.

XXIX. Cæterum cum dicimus Misericordiam Dei non remittere peccata nisi intercedente satisfactione, cave ne propterea existimes Dei misericordiam causam aliquam superiorem habere & non esse absolutam: *Misericordia* enim bifariam spectari potest vel ratione *causarum antecedentium*, vel ratione *conditionum ei subordinatarum*; & causas quidem præcedaneas quod attinet absolutissima est omnino, quippe quæ extra se nullas habeat causas quibus moveatur ad miserendum, miseretur enim quia amat, & amat quia bonus est unde soli Dei voluntati Scriptura tribuit quod Deus nostri misereatur Rom. ix. 18. non autem satisfactioni Christi, vel alteri cuiquam rei: sed quod ad media & conditiones subsequentes spectat, quarum interventu derivantur in nos effecta divinæ misericordiæ, misericordia non debet dici absoluta, neque enim remissio peccatorum quod præcipuum est misericordiæ donum nobis absolute & citra ullius conditionis respectum conceditur; tres enim habet *conditiones* subordinatas, *satisfactionem* Christi ut *causam meritariam*, *fidem* ut *instrumentum* remissionem illam ex Dei gratia in Christo accipiens & *pœnitentiam* ut *conditionem sine qua non* beneficium illud nobis confertur.

XXX. Ad 4. de parabola quæ extat Matt. xviii. 2. 3. & seq. Resp. Parabolas & similitudines non debere urgeri ultra scopum aliàs absurda multa & falsa sequerentur, quod pertinet utilissima regula à Chrysoft. olim tradita homi. 64. in Matth. ἡ χρὴ πάντα τὰ ἐν παραβολαῖς κατὰ λέξιν περὶ ἐργάσεων αἰνῶν τὸν σκοπὸν μαθόντας δι' ὃν συνετέθη τὸν δρῶσθαι, ἢ μὴδὲν πολυπραγμονεῖν περιττέω: sic Christus se confert furi, nos verò quæstori de alieno largienti, non quod vel ipse rem alienam subtrahat invito Domino, vel quod nos idem facere oporteat, sed tantum in eo quod & ille instar furis superveniat improvvisus & nos de nostro facere oporteat quod prudens ille quæstor de alieno; Ita hoc in loco scopus Christi est commendare nobis benignitatem & misericordiam in proximum,

eò quòd Deus in nos benignus sit, ostendereque adeò eos qui ad ignoscenda fratrum delicta sunt inflexibiles pessimè sibi consulere, & statuere sibi Legem nimis duram & gravem, quia experientur Deum æquè rigidum & inexorabilem erga se ipsos; In hoc conveniunt Deus & Rex quod benigni sint in eos qui longè infra se sunt positi, hanc benignitatem Deus testatur pœnas remittendo, Rex remittendo pecuniam debitam: Sed ut aliud est debendi genus, ita & aliud remittendi, nam de credito quod jus ad utilitatem creditoris comparatum est statuendi quisque liberrimam habet potestatem, & quòd minus exigit eò est liberalior, exigendo autem nullum actum virtutis propriè exercet: At de pœna quæ ad bonum commune & ad ordinem pertinet, non habet pariter Rector dispensandi potestatem, & cùm pœnam exigit, virtute quadam utitur quæ Justitia distributiva dicitur: Non negamus E. in eo Deum & Regem hunc differre quòd Rex citra satisfactionem, Deus autem non citra satisfactionem debitum remittat, sed cùm in eo non sita sit similitudo, non potest nec debet urgeri, aliàs sequeretur etiam nec Judices à fontibus pœnas exposcere debere; & peccata semel dimissa coram Deo reviviscere, Ita rectè observatum est distinguendum esse inter *materiale* & *formale* parabolæ, ut hoc præcipuè spectandum est, ita in illo non anxii nimis esse debemus in singulis partibus aut verbis adaptandis & ad rem spiritualem accommodandis, quia licèt faciant ad parabolam circumstantiis suis ornandam, non tamen pertinent ad mysterium de quo agitur.

XXXI. Ex quibus facillè solvi potest ratio altera quam petunt ex ea quæ nobis præscribitur Dei imitatione, peccat enim *falla. à dicto secundum quid*: Neque enim *si remissio hominum & Dei* aliquatenus sunt similes, propterea æquales esse & per omnia pares dicendum est, nam est identitas quæ per omnia convenit, & est rursus identitas quæ consistit tantùm in quadam analogiâ & proportionem: hæcenus remissio nostræ divinæ æquiparatur, quod illa minimè simulata esse debet, sed ex sincero & genuino affectu proficisci, ut ex disertis Christi verbis in *Σοφὸς οὖν* parabolæ v. 35. & ex Paulo ad Ephes. 17. 32. constat, sed velle eam paritatem vel ad efficientem vel ad formam, vel ad modum omnesque circumstantias remissionis extendere, est *ἀπὸ γρᾶφῆς λέγειν*, imò non sine scriptura tantùm, sed & contra ipsam, reique ipsius naturam, nam Deus non remittit peccata nisi pœnitentibus, at nos condonare debemus etiam non pœnitenti, remissio Dei non fit absque sanguine, at nostra non item, Deus ita remittit peccata ut non desinat tamen sæpe variis castigationibus exercere fideles quibus remissa sunt, at non sic licet homini, Itaque similitudo est *inter rem & rem*, non verò *inter modum rei*, Ex qua nihil aliud inferri potest quàm æquum non esse ut duriores simus in parem, quàm Deus tantò nobis superior est in nos miseros homunciones, unde sequitur non debere nos magis vindictam à proximis expetere quàm pœnam à nobis expetat Deus, Deus autem nos à pœna gratis liberavit, debet ergo & à nobis abesse vindictæ cupiditas: At quomodo

modo Deus hanc liberationem peregerit ibi non dicitur, nec ad institutum pertinet, in eo enim non similitudo est, sed dissimilitudo, ratio discriminis est quia Deus Iudex est, nos privati, Iudici convenit sollicitum esse de exemplo, privatos ea cura non spectat, illi potestas puniendi competit, at eadem privatis adempta est.

XXXII. Ad 5. Resp. Cùm vox *χαρίζεσθαι* nihil aliud significet quàm beneficium aliquod præsertim indebitum alicui conferre, nequaquam cum satisfactione pugnat, vel eam excludit, quia utrumque sed respectu diversorum optimè simul stare potest, *gratia* respectu *nostri*, quibus indebitum beneficium planè gratis confertur, at *satisfactio* Resp. Christi à quo eam exigit cœlestis Pater; Gratia quidem opponitur *meritis nostris*, sed *merito Christi* non item, cùm medium sit necessarium sine quo gratia Dei in nos sese diffundere non posset, Et sane Paulus satis ostendit quomodo gratia Dei satisfactionem non excludat, cùm ait *Deum nos justificare gratis per gratiam suam, sed per redemptionem qua est in Christo Jesu.* Roman. III. 24. & alibi gratiâ servatos esse docet Ephes. II. 8. sed & emptos pretio I. Corinth. VI. 20. & redemptos sanguine Act. xx. 28. Quod verò hic addit Adversarius ad istius vocis significationem hoc etiam requiri ut quis sibi aliquid adimat suoque se commodo privet, id planè verum non esse non uno exemplo demonstrare licet; sic Christus cæco *ἐχαρίσατο τὸ βλέπειν* Luc. VII. 21. gratiam indebitam conferendo, sed nullo tamen se privando commodo: Philippensibus *ἐχαρίσθη* in Christum credere & pro Christo pati. Philip. I. 29. sed nihil tamen ademptum est propterea Deo hoc beneficium gratiosè concedenti, sic Paulus qui animadversionis severitatem in reum incesti distrinxerat, cùm eam remittit, dicitur *χαρίζεσθαι* 2. Corinth. II. 10. Ex quibus aliisque quæ possent hîc recenseri locis liquidò apparet ad vocis *χαρίζεσθαι* significationem sufficere, ut ad patientem aliquid commodi & beneficii non debiti perveniat, etiamsi agenti nihil propterea decedat.

XXXIII. Licet autem non divellendam putemus Satisfactionem à Gratiâ, nihil tamen detrahimus propterea summæ illi munificentiae & misericordiae divinæ quam Scriptura ubique prædicat; summam enim erga nos misericordiam Dei fuisse quis non agnoscat qui attendit eum præclusâ Angelis lapsis in æquali nobiscum miseriâ constitutis omni veniæ spe, nobis peccatorum nostrorum omnium gratiam facere clementissimè voluisse, utque id sine Iustitiæ suæ præiudicio fieri posset, ultrò sponso rem nobis dedisse, imò proprio & dilecto filio non pepercisse ut nobis parceret? Nonne summæ fuit benevolentiae & misericordiae quòd cùm ex rigore juris ipsi essemus ad supplicium rapiendi, locum tamen dederit substitutioni & fideiussioni alterius? Quòd in sponso rem & expromissorem nostro loco luiturum, non hominem, non Angelum, sed unigenitum suum nobis tradiderit, qui communi nostrâ assumptâ naturâ idoneus fieret Vas pro omnibus illis quos ipsi pater dabat redimendos? Quòd non contentus talem expromissorem nobis dedisse, illius insuper satisfactionem nostram

nostram ducere nobisque imputare dignatus sit, quo ipsius obedientia & Justitia nostra facta per talem imputationem non minus coronetur in nobis gloriosissimâ immortalitate quàm in ipso peccata nostra quæ ipsius etiam facta fuerant per imputationem gravissimis plectere voluit pœnis? Sanè non cæcum tantum sed ferreum esse oportet & quovis silice duriorum qui summam hîc misericordiam non videt & suspicit venerabundus: Neque hîc audienda hæretici vitiligatio. Deum ut summè misericordem se exhiberet nullam nec à nobis nec à Vade satisfactionem exigere debuisse: Nam quia Deus ita est summè misericors ut sit etiam summè justus, virtutis utriusque exercitio locus dari debuit: Ut ergo immensam suam misericordiam in electis gratuito liberandis & salvandis per Christum explicare voluit, ita & justissimam iram adversus peccata ostendere debuit, aliàs si hæc Adversarii ratiocinatio varet, sequeretur etiam ne Deum quidem pœnâ afficere reprobos ipsos, sed sceleribus omnibus impunitatem concedere debere propter summam misericordiam.

XXXIV. Hic verò rursus insurgunt impurissimi homines crucis Christi inimici. Si Deus, inquiunt, summâ illâ misericordiâ impulsus filium suum nobis dare voluit, ut fatemur & Scriptura testatur, Ergo jam ante adventum Filii summo amore nos prosequeretur, Ergo iratus nequiquam nobis & infensus fuit, ac proinde nec voluit nec necesse fuit Christum pro nobis Justitiæ satisfacere & morte suâ nos ipsi reconciliare: Verùm nodus hîc facilè solvitur; 1. peccant falsa hypoth. quasi *irasci* & *diligere* planè essent *ἀσύνχιστα* nec omnino in idem subiectum quanquam sub diverso respectu ferri possent: at ut filium diligit Pater, & illi tamen in peccatum ruenti irascitur, & pœnam infligit, quidni ergo potuerit cœlestis Pater & nos ab æterno diligere, & tamen irasci peccatis nostris & ad placandam iram suam satisfactionem filii nobis destinare: Nimir. distinguendum est in homine *opus Dei* ab *opere Diaboli*, *Creatura*, à *peccato* & vitiositate ipsi adhærente, respectu prioris diligit hominem, sed resp. posterioris ipsi merito est infensus; Itaque quia habemus in nobis quod odio dignum sit, eo respectu objectum iræ Dei sumus, sed quia utcumque peccatores vitio nostro sumus, manemus tamen semper ejus Creaturæ, quod suum est Dominus in nobis perdere non vult & adhuc aliquid invenit quod pro sua benignitate amet. 2. Distingue *Amorem Dei*, Alius est *benevolentia* alius *beneficentia* & *unio-nis*, prior quo nobis bene esse vult & propenso erga nos fertur animo, posterior quo non tantum bene vult sed & reipsa benefacit, quoad illum non diffitemur Deum nobis amicum fuisse etiam non antecedente Christi respectu, imò arbitramur amorem hunc non modò reconciliationem à Christo factam præcessisse, sed Deum ipsum movisse ut satisfactionem inveniret absque qua charitas illa summa Dei effectum fortiri suum locumve habere non poterat, sed amore beneficentiæ censemus Deum neminem prosequi nisi mediante Christi redemptione quia beneficium nullum creaturæ potest indulgere nisi placatus,

placatus autem non est nisi in Christo : Itaque non si Deus nos ab æterno dilexit, continuò sequitur non necessariam fuisse Christi satisfactionem, imò contra quia diligebat, voluit sibi satisfieri ut charitatis in nos suæ effecta diffundere posset absque præjudicio Justitiæ.

XXXV. Hactenus duo fundamenta excussimus Adversariorum, quibus dogma hoc nostrum de *satisfactionis necessitate* tum Naturæ tum Voluntati divinæ refragari probare satagebant; superest *Tertium* quo ipsi etiam *Justitia repugnare* evincere conantur; Et quidem hoc potissimum argumento. Quia nulla Lege vel consuetudine unquam receptum est, imò expressè Dei verbo vetitum ut unus pro altero substituitur & vice ejus ac loco moriatur: in Verbo duo loca laudant quæ apertè id ipsum asserere videntur 1. Deut. xxiv. 16. ubi vetat *Deus ne morte afficiantur patres pro filiis, vel filii pro patribus, sed quisque ob peccatum suum morte afficiatur*: ne verò quis regerat Deum hominibus sed non sibi hanc legem posuisse, probant ex Ezech. xviii. 4. 20. id etiam apud se statuisse. *Anima quæ peccaverit ipsa morietur, filius non portabit iniquitatem patris &c.* Inter homines autem istius substitutionis nec Legem nec exemplum occurrere existimant, imò & fideiussiones sub pœna capitali à Romanis esse interdictas: & varia esse quæ contrarium probent; atque huc pertinere ajunt quod ait Seneca, *nihil iniquius quam aliquem paterni odii heredem fieri*, sic cum apud Athenienses Lycurgi liberi ad pœnas deposcerentur propter paternum crimen rem injustissimam Demostheni visam: Et cum optimæ Reip. formam & ideam expressurus esset Plato hanc legem non omisisse de non transferendis in liberos paternorum criminum pœnis li. 9. de legibus: Quod si quis excipiat substitutionem hanc & permutationem fieri sæpius in debito pecuniario, respondent planè diversam esse rationem, quia pecunia unius alterius effici potest, atque ideo pro alio soluta brevi manus fictione videtur donata debitori, ac deinde ab ipso numerata: at mors unius sive corporalis quæcunque vexatio alterius effici non potest: Postremo gravem injuriam fieri Justitiæ divinæ clamant, quod asseramus eam nocentibus dimissis qui puniri poterant & debebant, favire voluisse in innocentem qui nihil tale merebatur, *Socin. lib. 3. c. 3. prælect. c. 18.*

XXXVI. Ut ratio hæc postrema solvatur succurrere nobis debet quod antea monuimus, Justitiam quidem exigere necessariò ut peccatum omne puniatur, sed non item peccatorem: ita ut essentialè quidem sit pœnam infligi ob peccatum, at non pariter ut infligatur ei qui peccavit, atque hinc sit ut Justitiæ divinæ haudquaquam repugnet unius in alterius locum subrogatio; Quod dum Adversarius ita præfractè negat, Legibusque divinis & humanis adversari contendit, vel inscitiam vel perviciaciam suam satis prodit; Nam ut nihil jam dicamus de debitis pecuniariis in quibus nihil frequentius occurrit istiusmodi substitutione ubi subrogato sponse non amplius à primario debitore solutio exigitur, certum esse debet & extra omnem dubitationis aleam positum, nec Verbo Dei

repugnare, nec inter gentes inauditum esse ut alter peccati alterius pœnam ferat, & si Lex ipsa id non doceret, in qua tamen profitetur Deus expressè se *visitaturum iniquitates parentum in filios* Exod. xx. 5. satis tamen exempla varia id comprobarent, Nam ut de peccato Adami nihil dicamus quod posteris imputari & in iis plekti docet non semel Scriptura, alia sunt exempla plurima quæ id confirmant; sic ob factum Chami execrationi subicitur Canaan Gen. ix. 25. ob factum Achanis filii puniuntur Jos. viii. 24. ob factum Saulis suspenduntur filii & nepotes ejus Deo approbante 2. Sam. xxi. 8. ob factum Davidis pereunt septuaginta hominum millia, 2. Sam. xxiv. 15. 17. sic Jer. in Thren. v. 7. *Patres nostri peccarunt & nos pœnas eorum ferimus*. Imò in N. T. ejusdem dispensationis illustre extat documentum Matth. xxi. 37. ubi Judæis interminatur Christus pœnas eorum delictorum quæ à suis majoribus jam longo ante tempore perpetrata fuerant *ut veniat super vos omnis sanguis justus effusus super terram à sanguine Abelis Justique ad sanguinem Zachariae filii Barachia*. Ex quibus liquet non inusitatum esse vel injustum simpliciter ut quis ob aliena peccata plektatur; Nec juvat sua hæreticum exceptio non reperiri uspiam exemplum ut qui planè sunt innocentes ob nocentum peccata puniantur; Nam cùm aliqui puniri dicuntur non ob sua tantum quorum ratione revera nocentes erant peccata, sed & insuper ob aliena, omnino inde sequitur eos etiam punitos fuisse sub illa *ἀντίστασι* quâ non erant in se nocentes, seu quatenus immunes erant ab illo crimine.

XXXV II. Verùm *substitutionem* hanc de qua loquimur fortiùs adhuc evincit tum publicus apud omnes populos sacrificiorum usus, tum præsertim totus cultus Leviticus in quo peccatoris locum subire solebat victima luitura pœnam mortis ipsi debitam, atque huc pertinet solemnis ritus à peccatore usitatus manus imponendi capiti holocausti sui ut esset acceptum pro ipso ad expiandum ipsum Levit. i. 3. 4. quod imprimis conspiciebatur in festo Propitiationis, in quo summus sacerdos nitens ambabus manibus suis super caput hirci *Hazazel* confitebatur super ipsum omnes iniquitates filiorum Israël, & postquam imposuerat illa capiti istius hirci, emittebat eum per hominem commodum in desertum, & portabat hircus ille omnes iniquitates eorum in regionem inhabitabilem. Lev. xvi. 21. 22. quorsum verò illa manuum impositio, & peccatorum confessio nisi ut testarentur se victimas illas loco suo substituere, quæ pœnam sibi debitam luendo, ipsos ab eadem liberarent? quod nec Ethnicum vatem dum falsè irridet homines suos qui vili bestiarum sanguine suas animas piari credebant.

Cum sis ipse nocens moritur cur victima pro te?

XXXV III. Sed nec inusitarum inter gentes morem hunc fuisse non uno demonstrare licet exemplo; Nam ut mittamus Decios, Codros, Curtios & alios Ethnicos se pro suorum salute deponentes; Ut nihil dicamus de Zaleuco Legislatore Locrensi qui pro altera parte pœnæ filio suo debita ultro venit, atque ita *equitatis admirabili temperamento se inter misericordem patrem & justum Legislatorem partitius est ut scitè Valer. Max. lib. 6. cap. 5. Ut taceamus etiam satis*

notam Damonis & Pythiæ illustrium amicorum historiam quorum alter se stitit vadem pro altero in causa capitali ut habet *Cicer. Offic. 3.* Certum est jus occidendorum obsidum humanissimis etiam populis usitatum fuisse, cum nimirum eorum principales à promissis deficiebant, nam ut testantur Politici venit obses in periculum ut si non servetur fides, etiam occidi valeat, sic Thessali olim ducentos quinquaginta obsides interfecerunt referente Plutarcho; Romani trecentos Volscos securi percusserunt ut notavit Halicar. lib. 6. & quam plurima istius generis extant exempla: notum etiam in capitalibus suppliciis Vades plecti potuisse & plecti nonnunquam solitos si se non sisterent rei, unde ἀνψυχοι dicti sunt; Et si aliunde probari non posset, ipsa tamen Pauli autoritas satis id evinceret qui *pro bono viro forsitan aliquem etiam mori posse asserit.* Rom. v. 7. Quinimo populum à Deo ob Regis delicta puniri recepta fuit sententia Hesiodi tempore, hinc apud illum Δίκη Jovis filia patrem interpellat

ὁφρ' ἀπείπει

Δῆμ' ἀποθαλίας βασιλέων &c.

unde vulgatum illud apud eundem

Ποταμίη καὶ ἑὺμπασι πόλις καὶ ἄνδρ' ἐπαυρεῖ,

& istud Venusini Poëtæ.

Quidquid delirant Reges plectuntur Achivi.

Plutarch. lib. de fera Numinis vindicta variis argumentis ostendit neutiquam Justitiam divinam esse accusandam quod à multis haud infrequenter alieni sceleris pœnas exigit. Denique non insolitum fuisse apud Ethnicos pœnam alterius alteri imponere historici passim ostendunt; Apud Persas olim ob unius noxam periisse propinquitatem prodidit *Marcellinus*, Apud Macedonas devota fuisse capita eorum qui sanguine perduelles contingerent observavit *Curtius* lib. 6. & in Græciæ civitatibus morem fuisse cum tyrannis tyrannorum liberos occidi testatur *Halicarnas.* lib. 8. & *Tull. ad Brutum Epist. 15.* Quæ pauca ex innumeris quæ suppetunt super hac re testimoniis à nobis delibantur & referuntur, non quasi hæc per omnia nobis probentur, sed tantum ut inanem & falsum esse quem paulò ante jactabat Adversarius omnium gentium contra hanc pœnæ translationem consensum demonstramus.

XXXIX. Non negamus tamen substitutionem hanc multò rariùs contingere quàm in debito pecuniario, ita ut vix ac ne vix quidem hodiè inter Christianos istiusmodi exempla occurrant, quemadmodum apud Romanos fideiussiones in pœna capitali vetabantur; Verum non inde petenda ratio est quòd res in se sit simpliciter injusta, sed quòd periculosa sit & fieri non possit sine gravi dispendio ut jam dicetur, Adversarius duo discrimina hîc affert, sed præter rationem utrumque, 1. *pecunia*, inquit, *potest alteri fieri, non autem corporis vexatio*: Sed cur corporis vexatio seu mors unius alteri imputari per æstimationem juridicam non poterit, quemadmodum pecunia à fideiussore numerata cense-

tur esse debitoris ipsius? Paulus nihil hîc absurdi vidit, dum ait *uno pro nobis moriente omnes mortuos esse* 2. Corint. v. 14. nimirum quia unius mors omnium censebatur per divinam imputationem; 2. qui pecuniam pro altero solvit regressum habet ad debitorem principalem & Jus illum reconveniendi & repetendi ab ipso quod pro illo solvit: at verò qui vitam pro altero impendit, nec regressum ullum habet ad eum pro quo se ipsum tradidit, nec jus repetendi in se transfert præcisâ omni facultate, imò cogitur in perpetuum vitâ suâ carere nisi aliunde restituatur: Resp. hoc quidem discrimen inter homines locum habere non diffitemur, sed illud tamen non tanti esse pertendimus ut propterea res hæc de qua quæstio nostra instituitur injusta reddatur, quid si enim sponfor in re pecuniariâ de jure illo numeratam pecuniam repetendi cedere voluerit debitori principali eam absolutè dando, an propterea injustum erit eum pro altero fidejube-re? Ita licet vas in pœna capitali cogatur carere vitâ quam impendit, nec ullum regressum haberet ad reum, non sequeretur tamen non posse se obligare in eo scilicet casu quo majus aliquod vitâ ipsâ bonum se consequi moriendo putat, ut in heroicis illis animis videre est vitam pro patriæ incolumitate profundentibus, & in sanctis Martyribus Religionis veritatem & Evangelii doctrinam proprio sanguine obsignantibus; Cùm ergo Christus in hoc negotio majus aliquod propriâ vitâ bonum spectarit, Dei scilicet gloriam & Ecclesiæ salutem, mirum videri non debet si vitam suam præ illo parvi fecerit, imò testatur ipse Joh. x. *hoc boni pastoris esse ut animam suam pro ovibus ponat*. Accedit etiam quòd licet Christus regressum non habeat ad reos & jus illos reconveniendi ut reddant quod pro ipsis solvit, non coactus tamen est semper vitâ sua carere, quo pacto aliqua videretur Christo facta injuria, sed eam denuò imò longè feliciorum per resurrectionem recuperavit, unde nihil hac in parte obstabat quo minus loco nostro substitui posset.

XL. Sed si hæ veræ non sunt causæ propter quas substitutio quæ fit in debito pecuniario pariter in pœna corporali locum habere non possit, quodnam ergo verum erit discrimen, inquires? Nimirum 1. homines non parem habent in corpus ac pecuniam potestatem, domini sunt pecuniæ, sed non vitæ suæ, *nemo enim sibi vivit vel sibi moritur* Rom. xiv. 7. itaque de ea non possunt pro arbitrio statuere in gratiam alterius; Deinde in foro humano Judices ex formula judicare debent, neque eam dispensare potest nisi summus Princeps & Magistratus; Cùm ergo Deus subrogationem hanc cuius non permittat gravissimis de causis, certè eam haudquaquam vel admittere facile vel tolerare debent; Postremò in solutione pecuniaria nulla fit cuiquam injuria, siquidem fidejussor sponte suâ & à nemine coactus summam aliquam cuius est dominus dependere voluerit, at hîc præterquam quòd homo involat in jus Dei, memorabile etiam detrimentum patitur totius mundi Respublica, dum nocente dimisso & inulto manente optimo & honestissimo cive privari cogitur, atque ita non repressa sed aucta potius videtur peccandi licentia.

At si quis reperiretur qui dominus membrorum suorum sponte se ad pœnam offerret, eaque virtute polleret ut non modò mortem ipse superare, sed & peccatores ad meliorem frugem reducere posset, nihil obstaret quominus is ex supremi magistratus decreto vadem se pro alio susteret, quod in Christo obtinuisset jamjam demonstraturi sumus.

XL I. Licet autem nullæ vel Principum Leges vel consuetudines populorum subrogationem hanc ostenderent, non propterea tamen injustitiæ accusanda esset sanctissima illa Dei dispensatio, impium enim est de Redemptionis mysterio gentibus ignoto ex foro mundi & hominum consuetudine pronunciare cum Christus non dicat *Ego sum mundus vel consuetudo, sed ego sum via veritas & vita*, inquit Cypria. Viæ Domini non sunt sicut viæ nostræ, nec si hominibus non licet continuò à Deo fieri non decet; Disting. ergo *forum soli* & *forum poli*, in illo substitutio dari commodè non potest propter rationes modò allatas, at in hoc penes Deum nihil obstat. Rursus alia est *norma veteris fœderis*, alia *novi*; aliud *Judicium Legale*; aliud *Euangelicum*, Lex substitutionem illam ignorat, sed Euangelium patefacit & revelat, Lex præcisè & primariò fontem ipsum postulat, sed Jus Euangelii *ἡμενεία* temperatum vadem potest admittere; Cùm ergo de Redemptionis opere mirabili non ex Lege sed ex Euangelio sit statuendum; mirum videri non debet si substitutio sub Lege inaudita hîc doceatur; Cæterùm licet Lex ex se & naturâ suâ subrogationem illam non proponat, non excludit tamen vel impedit misericordiam in Euangelio patefactam quâ reatum peccatorum nostrorum in filium transferre decrevit. Ita erit quidem *præter* & *supra*, sed non *contra* Legem, cùm illi abundè satisfactum sit per fidejussoris solutionem.

XL II. Quia verò huic sententiæ non consuetudinem tantùm gentium sed ipsum Dei verbum opponunt, ac imprimis duo loca illustria Deut. xxiv. 16. & Ezech. xviii. 5. quibus & alieni peccati imputatio & unius in alterius locum substitutio videntur apertè destrui, operæ pretium est ut hoc quicquid est argumenti paulò diligentius excutiamus: Vexatissima enim sunt loca & quibus non semel abusi sunt hæretici vel ad impugnandam peccati propaginem & imputationem, vel ad evertendam pœnarum in Christum translationem; notum est ex Augustino Julianum cæterosque Pelagianos hoc postremo tanquam fortissimo causæ suæ firmamento triumphare solitos fuisse & ipse quæstionem molestissimam dicere non dubitavit. Non opus est autem hîc singulas singulorum Doctorum & Interpretum vel referre, vel expendere sententias, qui & verum verborum sensum rimantur & cum Decalogo conciliationem instituere tentant: Nobis nunc quidem suffecerit ea notasse quæ ad præsentis quæstionis elucidationem faciunt.

XL III. Et ad priorem quidem locum quod attinet ex Deut. xxiv. 16. Ut non jam dicam quod ab aliis observatum est Legem hanc positivam esse & peculiariter Israelitis latam, cujus contrarium mandasse deprehenditur Deus ali-

& xx. 16. 17. facile solvitur apparens illa ἀνολογία si distinguamus primo forum divinum & forum humanum, deinde in foro humano ordinariam justitiæ administrationem ab extraordinaria agendi ratione: in foro humano non vult Deus alium pro alio plecti ordinariè quia caput noxa sequitur, & æquitatis & ὁμοεικείας potius quàm juris summi rationem haberi præcipit, quod non impedit tamen quominus aliter aliquando propter graves & momentosas causas fieri possit; At in foro divino regula non item valet; Leges enim hominibus positæ potestati vel jurisdictioni divinæ limites nequaquam ponunt, & manifesta rationis diversitas, quia potestas hominum arctior est divinâ, in hominibus metuitur abusus potestatis, in Deo verò non item; Deus ergo Deuter. xxiv. hanc regulam hominibus præscripsit, sed illi propterea se non astringit, ut nunquam pœnas commutare & alium pro alio plectere possit.

X L I V. Sed quid respondebimus ad Ezech. locum in quo non hominibus, sed sibi ipsi Legem hanc ferre videtur Dominus, ut anima quæ peccavit ipsa moriatur, & nemo alieni peccati pœnas luat? Hic verò varia sunt quæ reponamus, I. Cùm hæc verba directè videantur opponi secundo Legis præcepto, imò habuerint etiam praxim aliquando contrariam ut ex exemplis ante laudatis patet, non sunt ad vivum refecanda, sed aliquo temperamento moderanda ne ulla hîc inter Authores sacros & Spiritum S. per eos loquentem occurrat contradictio. II. Si strictè & præcisè urgentur verba prout sonant, sequetur omnem peccatorem mori debere & neminem mori nisi qui peccaverit, at hoc utrumque vehementer falsum & absurdum esse nemo non videt, siquidem & Christus moritur qui non peccavit, & electi omnes qui peccaverunt non pereunt tamen: Itaque aliquo distinctionis malagmate lenienda sunt quæ primâ fronte veritati non satis consona esse videbantur. III. Distinguendi sunt filii, Alii imitantur peccata parentum & affines atque socii culpæ paternæ fuerunt, Alii ab iniquitate patrum recedunt & se immunes præstant ab eorum sceleribus, de primis pronuntiat Deus se visitare iniquitatem parentum in filios Exod. xx. quia filii paterna eunt per vestigia, nam qui affinis culpæ fuit eundem pœnæ socium esse non injustum est: at de aliis negat apud Ezech. Dominus, quia nemo venire debet in partem pœnæ qui culpæ συμέτοχος & affinis quadantenus non fuerit, Prophetam autem loqui de tali filio qui non modò non imitatur peccata parentis, sed ea averfatur & fugit, patet ex eo quod dicit, v. 19. Quare non fert iniquitatem patris? quia fecit judicium & justitiam, ideo vivendo vivet.

X L V. IV. Disting. Jus strictum & summum ab eodem æquitate aliqua & ὁμοεικείας temperato, secundum prius Deus potest peccata parentum visitare in filiis, & reipsa visitat, quod Exod. xx. edicit, at respectu posterioris non ulterius pœnam quàm in reos ipsos & nocentes grassari sinit, quod se facturum deinceps erga Judæos testatur apud Ezech. prius illud ad fœdus legale propriè pertinet, in quo severum & inexorabilem Judicem se exhibet, at posterius magis accedit ad Evangelicum in quo benignitatis paternæ luculentia edun-

eduntur testimonia ; Et sanè eò spectare hoc Dei effatum ex loco parallelo Jerem. xxxi. 29. satis apertè colligitur ubi propheta loquens de beneficiis novi fœderis inter alia hæc habet, *In diebus illis, inquit, non dicent, manducaverunt patres uvam acerbam & dentes filiorum obstupuerunt, sed unusquisque in peccato suo morietur, &c.* nimir. quia uti solebant trito illo Adagio ut cum Deo expostularent quasi infantes ipsi pœnas patribus debitas luerent, pollicetur Deus fore ut in fœdere novo Jure illo non sit usus, sed ab unoquoque pœnas peccati sui repetiturus ; sic hunc locum interpretantur non pauci è veteribus, *Tertulli. in primis lib. 2. advers. Marcio. c. 12. & Augustinus Enchiri. ad Lauren. c. 46. & lib. 6. contra Julia. cap. 12.* Scio quibusdam non satis probari hanc distinctionis istius accommodationem, eò quòd hæc verba dirigantur ad impios & contumaces Judæos qui iniquissimè providentiæ divinæ, ejusque Judiciis obstrepebant, ac per consequens non videbantur in eo esse statu ut cum ipsis ex æquitate paternæ & fœderis Evangelici ratione agere vellet : sed scrupulus hic faciliè eximitur, nam præterquam quòd nemo pronunciare pro certo potest de statu istorum hominum an reprobi omnes fuerint, an fideles quos non rarò etiam propter carnis reliquias cum Deo expostulare constat ; accedit quod non semper summo jure agat cum impiis ipsis, nam etsi non assumuntur ad intimam & mysticam fœderis gratuiti communionem, fieri tamen potest ut dum versantur in externa Ecclesiæ societate, singularibus quibusdam de causis ita clementer à Deo tractentur, ut nonnullum ipsis gratiæ divinæ gustum & suavitatem exhibeat, sive ut ad pœnitentiam invitentur, sive ut testator fiat eorum contumacia, eoque magis ἀναπόλῃται reddantur ut in περσικαίροις patet ; quid obstat ergo quo minus & istos Judæos rebelles & contumaces in Deum fuisse agnoscamus, & tamen dicamus in hac causa Deum non ex præciso Legis rigore, sed ex miti melioris fœderis dispensatione ad graviores ipsorum condemnationem agere voluisse ; ita scilicet ut nulla paternorum peccatorum gravarentur imputatione, sed suorum tantùm peccatorum unusquisque pœnas daret. Cæterùm licèt neget hic locus filium pium & justum laturum pœnas iniquitatis paternæ, sed animam peccatricem in se luituram, non negat tamen posse fieri vadem & propitiationem pro peccato, vel peccatum illi imputari posse qui reputari vult pro peccatoribus, illud enim opus est justitiæ, licèt æquitate aliqua temperatæ, at hoc infinitæ opus misericordiæ quæ ordinarias judiciorum prætergreditur formulas, & nihil cum cæteris Dei erga homines dispensationibus habet commune.

XLVI. V. Denique ut omnis cavillandi ansa Adversariis præripiatur, observandum nullam hic statui *generalem vel immutabilem regulam* ad quam Deus vel ante semper exegerit, vel in posterum exacturus sit omnia sua Judicia, ita ut contineat perpetuum quendam divinæ suæ erga homines providentiæ tenorem, cum sæpius factum sit Deo ita ordinante ut filii aut subditi pœnas Reorum vel patrum luerent : sed agi *singulare Dei negotium* cum Judæis illius tem-

temporis quibus hoc Deus ex speciali gratia largitur ut ne cum ipsis agat ex illo Justitiæ rigore quem adversus multos hæcenus observaverat, & quem aliàs quandocunque liberet exercere meritò posset, sed hac potius Lege cum illis experiretur, ut si sint ipsi à peccatis immunes nihil pœnæ patiantur qualiacunque fuerint patrum suorum crimina; sic scilicet Dominus larvam illam iis detrachere vult qua se aliosque decipiebant sanctitatem & Justitiam ejusmodi præ se ferendo quæ tantis calamitatibus vexari haudquaquam mereretur, quibus à multis jam annis confictati fuerant, Cum enim propterea impii homines cum Justitia Dei expostulandi occasionem arriperent quasi insontes ipsi pœnas parentum sceleribus debitas ferrent, Deus per prophetam hanc improbitatem coarnguit & ostendit non esse cur aliò culpam transferant vel derivent, quia Deus justè in eos exerceat vindictam suam, quasi diceret, Ego non eo jure vobiscum agam quo possem peccata parentum in vos animadvertere, satis in vobis noxarum, satis est criminum ut meritò pœnas luere debeatis; Itaque vult eos in rem præsentem deducere & ad eam confessionem adigere ut agnoscant Deum in suis Judiciis justum esse, seque satis esse nocentes, seposità etiam omnis peccati alieni imputatione, ut eas quas jam perpeffi erant pœnas & graviores etiam meritò luerent. Ita non docet quid necessariò sibi sit faciendum, sed quid facere liberè decreverit, non erga omnes, sed specialiter erga Judæos cum quibus agit, ac proinde nullius est ponderis quod ex hoc loco adversus substitutionem petitur argumentum.

XLVII. Pergit tamen Adversarius & truculentum esse ait, & injustum innocentem plecti pro nocente, quia Justitia fontis ipsius punitionem postulet, & Deus ipse testetur se nolle vel fontem absolvere, vel insontem damnare. Vah! tantumne Dei erga nos amorem tamque mirabilem Dei dispensationem crudelitatis & injustitiæ insimulari! Scripturæ tamen hæc vox est Christum pro nobis peccatum & κατὰ ἐγὼ factum esse, & in eum omnes nostras iniquitates conjectas esse, dicam ergo ipse scribat Spiritui Sancto qui hæc enunciat, & Deo qui hæc decrevit, sed Justitia Dei satis se ipsam tuebitur adversus impuri hominis blasphemiam 1. si quod supponit verum esset abso. & simpli. non minùs injustum foret Christum dirissimis affligi cruciatibus, adeoque morti fieri obnoxium, qui non peccavit, si verò injustum non fuit Christum hominem innocentissimum crudelissimo mortis supplicio affici sine ullo vel sui vel alieni peccati respectu, ut agnoscit Adversarius, cur injustum erit eundem à Deo nobis Sponforem datum, & peccatis hominum onustum per divinam imputationem pœnas nobis debitas in cruce tulisse. 2. fallit & fallitur in eo quod Justitiam semper fontem ipsum postulare censeat, at vidimus antea necessariò quidem id exigere semper ut peccatum puniatur, sed non pari necessitatis gradu ipsius peccatoris pœnam postulare, quin aliquando ex Dei liberrimo beneplacito ordo ille immutari possit.

XLVIII. 3. Fatemur non temere & sine causa innocentem plectendum esse

pro nocente, sed positis certis conditionibus illud citra injustitiam posse fieri contendimus. Primò si innocens vitæ suæ sit Arbitrator & Dominus, potest enim de ea pro libitu statuere, & sine cujusquam præjudicio. Secundò si volens & ultro offerat se in vadem pro nocentibus, ipsorumque reatum sponte in se recipiat, & supplicium libens adeat, volenti enim non fit injuria. Tertiò si ἀντὶς sufficiens præstare possit pro iis pro quibus fidejubet, alias inutilis foret talis substitutio. Quartò si interim non pereat in supplicio, sed possit propriis viribus ex eo emergere, alias memorabilis fieret mundo injuria quæ homine pio & sancto carere cogeretur. Quintò si possit fontem ipsum pro quo satisfacit ad meliorem frugem reducere, alias impunitas & peccandi licentia videretur magis augeri, & magnum bono publico detrimentum accederet dum sublatis viris integerrimis conservarentur in ejus perniciem cives noxii. Sextò si illi quorum interest in id consentiant, nam si Judex nollet admittere substitutionem non posset legitimè fieri. Denique si innocens sit ejusdem naturæ cum fonte, absque eo enim foret, nec peccatum in eadem natura quæ peccavit plecteretur, nec ulla dari posset vel pœnæ vel satisfactionis communio. Atque huc facit quod Adversarius li. 3. de Serva. c. 10. agnoscit posse *aliena peccata alicui imputari, si alterutrum ex istis duobus adsit vel Imitatio vel Conjunctio.*

XLIX. At istæ omnes conditiones in Christoprehenduntur; Quippe & Dominus fuit membrorum suorum, liberrimamque de se statuendi potestatem habuit Jo. x. 18. *Nemo tollit animam à me, sed ego depono eam per me ipsum, auctoritatem habeo eam deponendi & eam rursus assumendi;* Ipse reatum nostrum ultro in se suscepit, & supplicium ipsum gnarus quantum esset sponte adiit. Ps. xl. 8. 9. Heb. x. 8. 9. 10. Potuit omnes pœnas nobis debitas & ferre & exhaurire ut *ἑαυτοῦ πῶς* & If. LIII. 7. 10. 11. Heb. I. 3. Act. II. 24. Potuit peccantes ipsos convertere spiritum gratiæ illis largiendo quo novæ creaturæ fierent Gal. iv. 6. Ro. VIII. 9. 15. summus Judex non tantum non repugnavit, sed ipse admirabilis sapientiæ suæ consilio ad id munus ab æterno eum destinavit & vocavit in tempore cum in mundum pro nobis misit, & illi non pepercit ut nobis parceret. Jo. III. 16. Ro. VIII. 32. I. Pet. I. 19. 20. atque ita gratam habuit ejus satisfactionem, ut ejus vi nobis planè sit reconciliatus 2. Cor. v. 19. 21. Postremò non fuit Christus alienus à nobis, sed conjunctissimus; Cum illi uniti simus triplici vinculo 1. *naturali* quum carnem nostram induit, & frater noster factus est Heb. II. 14. 2. *forensi* & *juridico* posito tum in consensione voluntatum, tum summi Judicis ordinatione qua Christus ut sponzor nobis datus est à Deo qui pro nobis satisfaceret; & nos Christo dati ut ab ipso redimamur Matt. xx. 28. If. LIII. 6. Je. xvii. 6. 3. *mystico* & *spirituali* quo nobiscum Christus in unam personam & corpus coalescit cujus ille est caput, nos membra Eph. i. 20. & v. 29. unde factum ut & ipsi fidelium peccata, & vicissim ejus obedientia & justitia fidelibus imputari queat, peccatum enim

enim factus est ut essemus iustitia Dei in ipso 2. Cor. v. 21. & Gal. iv. 13. Ita si plectitur non plectitur *invitus* vel ut *innocens* quod injustum foret ; Sed ut *Vas* qui pro nobis se sistit , & ut *reus* qui sortem hanc sponte ex Dei decreto subiit.

L. Absit ergo ut crudelitatis vel Injustitiæ labem ullam sanctissimo huic aspergamus Dei consilio ; Adoremus potius & ex intimis cordis penetralibus admirabilem illam veneremur Sapientiam quæ ita prospicere voluit salutem nostram , ut gloriæ suæ propterea nihil decederet ; Ita Misericordiam explicare ut Justitiæ tamen nihil detraderetur ; Grato animo summum Patris amorem prædicemus qui ut nobis parceret unigenito suo non pepercit , Justum pro injustis , Innocentem pro reis , filium pro servis neci tradere non dubitavit ; Immensam denique Filii charitatem celebremus , qui posthabito divinæ Majestatis quo felix cum Patre in forma Dei coruscabat splendore , ad abjectissimam servi formam sese demittere nostri causa non erubuit , Dominus gloriæ cruci affigi sustinuit ut nos redimeret , sanctissimus peccatum fieri ut nos justificaret , Benedictus in secula maledictioni subijci ut nos bearet , Æternus mori ut vitam conferret ; Ita admirabundi cum universa Ecclesia conjunctis animis vocibusque canticum novum illi occinamus.

Τῷ κατὰ μέλην ὄντι τῷ θρόνῳ καὶ τῷ Ἀρνίῳ ἡ δόξα ἡ τιμὴ καὶ ἡ δόξα εἰς τοὺς αἰῶνας τῶν αἰώνων. Ἀμήν.

C O R O L L A R I A.

- I. *An fœdus gratiæ idem fuerit sub V. & sub N. T. ? Aff.*
- II. *An Satisfactionibus humanis possit esse locus post Satisfactionem Christi ? N.*
- III. *An libertatis ratio formalis posita sit in ἀδιαφορίᾳ ? N.*
- IV. *An Gratia conversionis sit irresistibilis ? Aff.*

DISPUTATIO TERTIA

Quæ Prima est

D E

SATISFACTIONIS
CHRISTI VERITATE.Respondente MELCHISEDECO PINALDO, *Genevensi.*

T H E S I S P R I M A.



U M tria vulgò de *Satisfactione Christi* in disquisitionem venire soleant *Necessitas*, *Veritas*, *Perfectio* & de *Necessitate* à Nobis non ita pridem instituta fuerit disceptatio, Ordo jam postulat ut de *Veritate* disputemus: Quod non minori cura & studio exequendum nobis est argumentum, imò aliquanto majorem ἀκρίβειαν exigere videtur: siquidem in eo præcipuus totius hujus capitalis & fundamentalis Controversiæ cardo vertitur: frustra quippe Satisfactionis asserta fuisset *Necessitas*, si ejusdem *Veritas* vel negari posset, vel in dubium saltem revocari.

II. Hic autem res nobis erit cum illis ipsis Adversariis cum quibus antea manus conferendæ jam fuerint, Nam qui *Necessitatem* impugnant Sociniani, *Veritatem* etiam labefactare modis omnibus conantur: imò non alium in finem de *Necessitate* litem movent, quàm ut facilius *Veritatem* convellere possint; Nimirum teterrima hæc & exitialis hæreticorum lues, Christiani nominis ultimum dedecus Salvatoris nostri summam Naturæ ὑπεροχῇ blasphemè arguere non satis habuit, æternam ejus Divinitatem protervè respuendo, nisi sacrosanctum Mediatoris officium & summum in nos Beneficium Satisfactionem puta & meritum impiè abnegaret; nam cùm faciliè intelligerent isti homines tanti esse satisfactionem præstare pro mundi peccatis ut illud effectum dare nemo possit qui nihil est quàm Φίλος ἀνθρώπων & fieri non potuit quin Christi divinitatem eliminando ipsius Satisfactionem eadem ratione rejicerent.

III. Optandum sanè fuisset nefandum hoc & verè Antichristianum dogma (quod detestationem potius quàm refutationem meretur) vel nunquam ex Orco revocatum fuisse, vel inter Christianos statim suppressum & æter-

no silentio damnatum, ut inconcussus hoc fidei caput & fundamentum retineretur semper illibatum: sed cum ea sit seculi nostri calamitas ut in illud tanquam cæterorum omnium sentinam omnis generis hæreses confluerint, & pestilentissima hæc natrix latè grassari cœperit & teterrimum virus suum per varias Europæ partes, quod pii omnes lugent, nimium quantum etiamnum hodie spargat, nemini debet vitio verti si dum Princeps tenebrarum & Pater mendacii per infernales hæce furias veritatem momentosissimam oppugnare & fidelibus eripere omni ope contendit, sint vicissim qui pro veritate tuenda ad piorum solatium pro virili laborent, & arcendo malo quo non aliud gregi Dominico inimicum magis & exitiale ex abyssi puteo prodiit operam suam quantulumcunque impendant.

I V. Ut verò facilius & Veritas confirmari & mendacium revinci queat, dispiciendum antè omnia quid sentiant hîc Adversarii quid item Orthodoxi, unde Quæstionis status accuratè teneri & controversa à non controversis distinguì possint; Atque ut illud omne quicquid est clarè percipiatur distinctiones quasdam ad Controversiæ totius elucidationem necessarias præmittimus.

V. *Jesum Christum esse Servatorem nostrum* cum tam constanter & clarè prædicet Scriptura, & nomen ipsi ab Angelo inditum evincat, nemo negare sustinet; sed quomodo sit Servator omnes non eadem ratione explicant; Nimirum *servare* est operam dare ut aliquis eripiat periculo quod imminet, vel miseriam in qua jacet, sed illud fieri potest duobus modis; nam ille servat qui ita operatur ut virtute sua proximè & immediatè servet, sive potentiam suam solam exerere necesse sit, ut quum quis militem in bello captum de manu hostis eripit, vel nauclerus navem huc illud ventis fluctibusque jactatam, industriam suam salvam ad portum deducit; sive justitiæ satisfieri oporteat, ut quum quis captivum de compedibus & carceris fœtore liberat justo numerato pretio; sed & ille *servare* nonnunquam dicitur qui quanquam nihil efficit quo proximè & immediatè salus obtineatur, rationem tamen ostendit & viam quam servari possit ille qui in periculo & miseria versatur, ut quum quis militi jamjam in potestatem hostium deventuro, tutum aliquem locum indicat, quò sese recipiat, vel quum quis in littore stans nautas agitato & naufragio proximos voce fovet & gestu & portum ostendit quò velis remisque contendant.

V I. Hinc distinctio *Servatoris* nata in *Servatorem præconio, consilio & exemplo* & *Servatorem merito, opere & efficacia*; Deus enim & homines nos servare dicuntur, unde in Scriptura Verbi præcones dicuntur eos servare, quibus Evangelium annuntiant Rom. xi. 14. 1. Tim. iv. 16. sed longè diversa ratione, Deus enim nos servat opere & efficacia, homines autem exemplo & consilio, quatenus scilicet & nos hortantur ut ad salutem nervis omnibus contendamus Phil. 11. 13. & exemplo suo nobis in via salutis prælucent, ut eos sequamur.

VII. Quum ergo de modo salutis à Christo partæ inter nos & Adversarios controvertitur; Non id quæritur an Christus aliqua ratione Servator possit dici & revera dicatur; nam ultrò largiuntur illi nobis Christum quadrifariam Servatorem prædicari. 1. *Annuntiatione & Praconio* quia universam Dei voluntatem de ratione salutis nobis exposuit & quid à nobis fieri oporteat ut salutem consequamur docuit. 2. *Confirmatione & exemplo* quia doctrinam suam proposuisse non contentus ipse primus viam quam sequeremur exemplo suo præmonstravit & absolutissimam iustitiæ formam in tota vitæ suæ ratione expressit, imò salutis nuncium non vitæ tantum exemplo, sed miraculorum innumerorum testimonio & mortis dirissimæ martyrio obsignavit. 3. *Initiatione & principio* quia resurrectione viam hanc complanavit dum eventu ipso ostendit hanc esse certissimam obtinendæ salutis rationem, ita ut quicumque hanc viam institerint ad æternam vitam haud dubiè sint resurrecturi. 4. *Communicatione & Complemento* quia ipse tandem pro potestate sibi à Patre concessa vitam æternam piis omnibus qui ipsius mandatis obsecuti fideliter fuerint est collaturus, ut fusè declarat *Soci. lib. 1. de Serva. cap. 4. 5. 6.* Sed quæritur An verè & propriè Servator fuerit *satisfactione & merito*. Nam etsi neque nos hisce de causis Servatoris appellationem illi quadantenus, licet minus propriè tribui posse diffitemur, quod talibus mediis salutem nostram non parùm promoverit, hisce cancellis tamen ejus officium nefariè claudi existimamus, cum vel imprimis gloriosum hoc nomen sortitus sit, quòd obedientiæ suæ absolutissimæ merito nos servarit, quo pacto unicus verè Servator prædicatur, cum aliàs, si prior sensus obtineret, Prophetæ & Apostoli, aliique non pauci in consortium ejusdem muneris venirent qui Dei voluntatem fideliter explicarunt, exemplo inculpatæ vitæ cæteris præluserunt, & mortis ac tormentorum acerbissimorum perpeffione veritatem cœlestem obfignarunt.

VIII. I I. Distinguenda est *Satisfactio vera & propria* quæ fit integrè ex *Iustitia Judicis* & persolutione rei debitæ, & liberationem & vitam consequitur meritoriè: à *Satisfactione impropria & metaphorica* quæ fit per partis læsæ acceptilationem & liberationem, ac vitam precariò impetrat & per misericordiam ac indulgentiam Principis; de hac quæstio non movetur cum eam non illibenter fateantur *οἱ ἐξ ἐναντίας* & pestifero dogmati suo utcunque incrustando sæpius obtendant, sed de priori quam nos ex Verbo Dei constanter asserimus & illi ex cerebri sui figmento pervicacissimè respuunt.

IX. I I I. Aliud est Christum *pro nobis utiliter* mortuum esse, i. e. *bono & commodo nostro*, aliud verò *pro nobis substitutivè* i. e. *vice & loco nostro*, aliud eundem traditum esse *propter peccata occasionaliter* & ut nos ab illis abstraheret, aliud *causaliter & meritoriè* ut eorum reatum in se ipsum derivando, & pœnas omnes illis debitas in corpore suo luendo expiaret, prius est *ἀνὰ μυστήριον* & extra controversiæ aleam positum, de posteriori tantum, quod impiè contra Scripturam negare sustinent, disputatur. I V. Aliud est loqui de *satis-*

satisfactione qualicunque; quâ Christus omnibus iis satisfecerit quæ illi à Dei voluntate ad salutem nostram procurandam imposita erant; Aliud de *satisfactione pœnali* & propriè sic dicta quâ non tantum voluntati, sed & divinæ justitiæ assumptis in se nostris pœnis satisfecerit; quæstio non est de prima quam Adversarii non negant, vide *Crelli. cont. Groti. c. 6. Smalzi. contra Smiglecius* de satisfact. in Resp. ad præfat. sed tantum de secunda quam protervè respuunt.

X. Ita controversiæ status redigitur ad hosce terminos An *Christus Θεάνθρωπος* Servator noster fuerit (non præconio & exemplo tantum) sed *satisfactione* & merito, An mortem (non bono duntaxat) sed *loco nostro* oppetierit; An *satisfactionem* (non impropriad & metaphoricam quâ voluntati tantum divinæ satisfecerit ea implendo quæ illi à Patre ad salutem nostram imposita erant, & quæ gratis & precariò consequeretur veniam & salutem, sed *veram* & propriè dictam qua justitia divinæ per sufficiens ἀντίλυτρον satisfecerit, & qua reipsa, meritoriè & integrè remissionem peccatorum & vitam acquisiverit. Hoc enim magno molimine & toto impetu oppugnant hæretici vid. *Soci. de Serva. passim Crelli. contra Groti. Smalci. contra Smiglecius Volkel. de vera Relig. li. v. c. 22.* Nos verò cum tota Ecclesia Orthodoxa sanctè credimus, & constanter ex Scriptura profitemur & propugnemus.

XI. Argumenta Veritati stabiliendæ non pauca suppeditat nobis Scriptura & recta ratio: Nos præcipua hîc & potiora delibabimus & ab argutis Adversariorum vindicabimus. Primum petitur ab *Officio Christi Mediatorio*; Eo ipso enim quo Mediator inter Deum & Nos fuisse perhibetur qui dissidium & bellum ex peccato ortum composuit & diremit, partesque dissidentes inter se conciliavit, Satisfactionis veritas luculenter jam confirmatur: Neque enim eum Scriptura Mediatorem nobis proponit qui fuerit tantum voluntatis Divinæ *Interpres* & Internuncius qualis fuisse Moses inter Deum & populum dicitur Deut. v. 5. *Stabam illo tempore inter Jehovam & vos ad referendum vobis sermonem Jehova*: dixerant enim Mosi præ metu, loquere tu nobiscum & audiamus, sed non loquatur nobiscum Deus ut non moriamur Exod. xx. 19. vel qui partes jam unitas in unione & amicitia conservet quo sensu nonnulli Christum *Mediatorem confirmationis & conservationis Angelorum* dici posse contendunt, ut extra lapsus periculum constituti per ejus gratiam penitus Deo adhæreant; sed qui verè sit εἰρηνοποιός & *fidejussor*, qui pacem æternam inter Deum & homines conciliavit, sublatis utrinque proprio sanguine odii & belli causis; sic enim libuit Patri ut omnis plenitudo in eo habitaret, & ut pace per sanguinem ejus facta reconciliaret sibi Col. i. 20. nec poterat nisi per proprium sanguinem vel Sacrarium ingredi ad thronum gratiæ viam nobis facturus, vel æternam Redemptionem qui primarius Mediationis finis est, consequi Heb. ix. 12. Nimirum cum hinc peccata nostra nos inimicos Dei non activè tantum sed & passivè redderent, inde verò sanctissima & inviolabilis

Justitia, quæ peccatum nec videre nec inultum ferre potest ejus iram atque indignationem adversus nos propter eadem concitaret II. IIX. 2. debuit Mediator noster ἀντίλυτρον aliquod pendere quo & Ira Dei placaretur & peccata nostra expiarentur, ne quid vel ex parte hominum offendentium vel Dei offensi obstaret amplius, ad perfectæ reconciliationis opus quod moliebatur exequendum.

XII. Atque hoc vult Scriptura quæ primarium & potissimum istius μεσιτόματ & actum in morte & sanguinis effusione collocat Heb. IX. 15. Ob id scil. novi Fæderis Mediator dicitur Christus ut morte intercedente ad redemptionem transgressionum præcedentium vocati vitam æternam adipiscerentur. Sic Heb. XII. 24. Mediatoris titulo additur continuò sanguis πάντων allusione facta ad sanguinem victimarum quo conspersus fuit populus Exod. XXIV. 8. ad mundationem legalem & typicam, ut innuatur sanguine Christi pariter vera fide conspergendas esse conscientias ad purgationem spiritualem & mysticam. I. Joa. I. 7. sed omnium clarissimè Apost. I. Tim. II. 6. ubi postquam dixit unum esse Mediatorem inter Deum & homines statim addit explicaturus naturam & partes præcipuas istius officii, *Qui dedit semetipsum in pretium Redemptionis pro omnibus.* At sanè cum triplici nostro malo triplex remedium in hoc munere Christi clementissimus Pater nobis exhibuerit, ut lumen Prophetæ tenebras mentis fugare, virtus atque potentia Regis peccati maculam ac dominium delere ac domare, ita *Justitia Sacerdotis* ejusdem reatum & maledictionem plenissima satisfactione auferre debuit. Rursus cum Mediator utrinque agere debuerit ad partes conciliandas; ut apud nos pro Deo agere debuit conditiones fæderis docendo & persuadendo tanquam *Propheta*, & ut Rex nos in fidem susceptos regendo, protegendo & liberando; Ita apud Deum pro hominibus agere eum quæ *Sacerdotem* decuit iram placando, gratiam conciliando, & dona ab eo impetrando. Nam quod argutatur hic hæreticus functionem sacerdotalem tantum fuisse in eo positam ut Christus in cœlis interpellaret pro nobis, faciliè revincitur; quippe licet non negemus hanc sacerdotalis muneris partem esse quandam, solam tamen fuisse vel præcipuam pernegamus, cum intercessio in cœlis peragenda necessariò satisfactionem in terris factam supponat, ut sub V. T. summus Sacerdos non prius Sacrarium intrabat pro populo deprecaturus quàm victimam in Altari propitiationum obtulisset, cujus sanguinem secum deferre debuit, ut fusè docet Apost. ad Heb. cap. IX. & nos in sequentibus probaturi sumus, Unde firmum jam & solidum pro Satisfactionis Christi Veritate exurgit argumentum: Is enim qui Mediator ideo est constitutus ut pacem per sanguinem faceret, ut se ipsum daret in redemptionis pretium, atque adeò ut mortem sustineret ad transgressionum redemptionem, non potest non verè satisfecisse quum his partibus defunctus est; At Christus nobis talis describitur Mediator. E.

XIII. Fortius verò adhuc stringet argumentum, Si addamus non tantum Mediatorem vocari, sed & ἑγὼν *sponforem* & Vadem Heb. vi. 22. Nam Mediator quidem medium se sistit inter partes dissidentes ut eas quacunque tandem ratione reconciliet, sed Sponsor ulterius quid præstat, utrinque de pactum & foederis observatione spondet & pro altera parte fidejubeat ac reipsa satisfacit si non sit solvendo, se in Rei aut debitoris locum substituens, vel ut debitum solvat Proverb. xxi. 26. 27. vel ut pœnam luat, ad quam ultrò se obstrinxit Gen. xli. 32. 33. unde illud Thaletis ἐγὼ παύρεσι ἄν. Cum ergo Christus foederis novi Sponsor sit constitutus, utrinque pactum hoc confirmare debuit, & ut pro Deo nobis gratiam & benevolentiam constantem & immutabilem Patris, ita pro nobis vicissim satisfactionem Deo pro peccatis præteritis debitam & fidem atque obedientiam perpetuam in posterum spondet. Atque hoc vocabulum eo convenientius à Spiritu S. usurpatur quod *peccata nostra* vulgò *debita* dicantur in Scriptura, pro quibus scilicet pœnæ debitores sumus apud Justitiam Dei. Itaque ut nemo debitoris sponsor dicitur, nisi qui pro eo fidejubeat & reipsa si opus sit satisfacit, ita nec Christus sponsor jure diceretur, nisi quia ad satisfactionem pro nobis præstandam se ipsum sponte sua obligavit, eamque reipsa Deo exhibuit.

XIV. Ut declinent hoc telum Adversarii varia excipiunt. 1. Mediatoris vocem præcisè satisfactionem non inferre, quia & Moses Mediator dicatur Gal. iii. 19. ubi Lex dicitur data ἐν χειρὶ μεσίτης i. e. opera & ministerio Mediatoris qui alius præter Mosem esse non potest ex Levit. xxvi. 46. & Act. vii. 36. qui tamen nihil tale præstitisse legitur. 2. Mediatorem in Scriptura nihil aliud significare quàm Dei interpretem quo Deus ad fœdera cum hominibus pangenda utatur, & per quem populus cognitione voluntatis divinæ instructus ad Deum accedat, atque istis duabus de causis Mediatorem Christum dici, quòd fœdus novum idque sempiternum nomine Dei cum hominibus sanxerit, & omnem Dei voluntatem per quam aditus nobis ad Deum patefactus est, exposuerit. 3. Eo ipso quo foederis novi Mediator dicitur quia id Dei nomine nobiscum pepigit, satis constare nullam adhibitam fuisse satisfactionem & Deum antequam jussu suo Mediatoris officio fungeretur jam placatissimum fuisse; non enim mittere Principes internuncios suos ad fœdera cum rebellibus pangenda nisi prius ex animo illis rebellionem condonaverint & jam illis verè placati sint, neque aliud præterea ad pacem stabiliendam requiratur, quàm ut foederis conditiones illi velint accipere, quod in hoc fœdere tantò magis obtinere debet quòd ibi Deus clementiam suam & misericordiam in remissione peccatorum largienda prædicet, nullam autem satisfactionis debitæ vel postulatæ mentionem faciat, Jer. xxxi. 34. 4. Locum Pauli i. Tim. ii. 6. non concludere, quia postquam dixit Christum datum esse ἀντὶ πάντων ὑπὲρ πάντων statim addit τὸ μαρτύριον καιροῖς ἰδίοις *testimonium temporibus suis*, atque ita innuere voluisse Mediationem illam in eo tantum positam esse quod Dei de nobis servandis decretum per

mortem suam cumulatissimè testatum dederit. Sic *Catech. Racovi. c. 8. q. 29. 30. Socin. de Servat. l. 1. c. 7.*

X V. Sed frustra hîc tergiverfantur : Nam ad primum facilis est responsio , 1. Nos non tam ex ipsa voce argumentum petimus, (quæ tamen suum etiam hîc pondus habere debet, cùm apud eruditos sæpius pro eo usurpetur qui aliquem placat, unde Suidas *μεσίτω* per *εἰρλωπιδόν* interpretatur) quàm ex natura officii, partium dissidentium conditione, & descriptione Mediationis Christo commissæ. ¶ Cùm enim tale dissidium compositurus venerit in quo iratum Deum propter peccatum experiebamur, non poterat Mediatoris munus obire feliciter nisi pro nobis satisfaciendo iram numinis placasset : Unde talis Mediator nobis proponitur qui non tantùm Dei vice apud homines fungitur, sed vice hominum apud Deum Heb. v. 1. qui pacem per sanguinem fecit, qui se ipsum dedit *ἀντίλυτρον* pro multis &c. quæ omnia *mediationem* non tantùm *interpretativam* si ita loqui liceat, sed etiam *redemptivam* & *reconciliativam* important.

X VI. 2. Locus Gal. III. 19. non favet Adversario, sive de Christo eum intelligamus, sive de Mose; Nam si ad Christum referimus quod fecit Calvinus noster post multos ex Veteribus, corrui planè ipsius *ἐνστασις*, si verò de Mose interpretamur quod mavult Beza Epiphanium contra Manich. Gennadium & Theodoretum secutus, ne sic quidem vel sententiæ ipsius quicquam accedit vel nostræ decedit, cùm constet titulum hunc Mosis typicè tantum tribui & symbolicè, quia in hac functione figuram Christi gessit Angeli fœderis per quem ut per Verbum suum semper locutus est Pater; Itaque etsi Moses in hoc inter-nuncii officio satisfacisse non legatur, malè tamen inde colliges neque Christum etiam satisfacisse, notum enim est à Typo ad Antitypum non valere argumentum *negativè*, quia plus est sæpe in Antitypo quàm in Typo, maximè cùm typus partialis est & inadæquatus, qui ita *χέσιν* aliquam & qualitatem antitypi sui ad-umbrat, ut alias tamen quæ in eo esse possunt non neget vel excludat. Nimirum quia mysterium hoc divinum ut alia pleraque uno aliquo simulachro è rebus terrenis desumpto perfectè reddi & exprimi non potuit, Spiritus S. huic uni depingendo varios typos adhibuit, ut quod in uno videbatur defore alter sufficeret & supplèret, pictorem imitatus qui quod non potest unâ, variis tabellis reddit, ut archetypum suum accuratè quantum fieri potest sub variis illis aspectibus repræ-sentet. Cùm ergo nullus occurreret sub V. T. qui triplex Christi munus, Regium, Propheticum & Sacerdotale simul sustinuerit, necesse fuit illud ipsum quod in antitypo conjunctum fuit in typos varios partiri, ideoque quidam Propheticum ut Moses & Prophetæ, alii Sacerdotale ut Aaron & qui ab ipso fuerunt oriundi, alii denique Regium ut David & Salomon exhibuerunt; Sed ita singuli quod suum erat ad exprimendam veritatem contulerunt, ut nunquam tamen de Antitypo ex uno seorsim, sed ex omnibus *ἀθροώς* & simul sumptis judicandum sit; Unde cùm Moses typus Mediationis Christi fuerit tantùm quoad Prophetiam vel etiam quoad Regnum quadantenus saltem in regimine scil.

populi, non potest ex eo argumentum duci ad negationem Satisfactionis in Antitypo, quæ in alio typo muneris Sacerdotalis, Aarone putâ & sacrificiis legalibus includebatur.

XVII Ad 2. Resp. supponi perperam quod est in quæstione, nimirum Mediatorem, Interpretem tantum & Internuncium significare quod jam-jam revicimus: Unde etiam solvitur quod additur de duabus rationibus propter quas Christus Mediator dicatur, & quia fœdus novum sancivit & quia voluntatem Dei nobis exposuit; Nam cum fœdus illud sanciri non potuerit nisi sublata utrinque odii causa necessariò satisfactionem præviâ requirebat quæ hoc exequeretur, unde dicitur sancitum in Mediatoris sanguine Heb. ix. 15. & Luc. xxii. 20. Cum verò præconium voluntatis divinæ unam tantum officii mediatorii partem impleat, non potuit hoc respectu duntaxat Mediator dici, sed potissimum eo quod pro hominibus apud Deum agere debuit, alias Paulus malè Christum vocaret *ἐνὰ μεσίτην* unicum Mediatorem cum Prophetæ & Apostoli qui omne Dei consilium nobis etiam exposuerunt Act. xx. 26. & xxvi. 22. Imò & Pastores ipsi hoc elogio insigniri possent non immerito, quod tamen illis constanter denegat Scriptura, nec potest iis non modò sine abusu sed & sine periculo tribui: solus quippe Christus ut quoad personam *θεανθρωπῶς* verè *μέσος* fuit, utrique extremo Patri quidem Deitate, nobis verò humanitate *ὁμοσῳς* adhærens, potuit quoad officium utrumque extremum inter se nexu indissolubili pace per sanguinem facta consociare.

XVIII. Neque ullius est ponderis quæ tertio loco affertur ratio, nimirum Deum eo ipso quo Mediatorem Christum constituit ad sanciendum nobiscum fœdus jam placatissimum fuisse, nihilque propterea satisfactione opus habuisse, ut Principes internuncios suos non mittunt ad rebelles nisi prius omnem rebellionem illis condonaverint: Nam aliud est Deum esse misericordem & placabilem, aliud verò propitium jam & re ipsa placatum, potuit quidem Deus Mediatorem ordinando ad fœdus sanciendum priorem *ἡσέων* induere, quia hæc ipsa Mediatoris missio fuit animi benevoli & ad misericordiam proni effectus, sed placatus non potest dici nisi per ipsam satisfactionem quando propter hoc ipsum voluit Mediatorem intercedere ut Justitiæ obice remoto ad Misericordiæ exercitium viam faceret; Nec Principum exemplum contrarium evincit, nam nihil obstat eosdem non quidem placatos, sed placari tamen cupientes, mittere Legatos qui de pacis conditionibus paciscantur, & si ita lubet pro ipsis rebellibus satisfaciant ut legum autoritas maneat illibata, imò cum fœderis condiciones illis præscribant eo ipso se nondum placatos satis ostendunt. Nihil porrò hîc præsidii habet hæreticus fœderis N. descriptione à Jeremia facta, nam etsi mentio fiat misericordiæ & clementiæ summæ in remissione peccatorum eam tamen non excludere, sed includere necessariò Mediatoris ipsius satisfactionem probatum antea dedimus, & ex eo satis patet quod in Jesu Christo promissiones omnes sint etiam &

Amen 2. Cor. I. 20. & fœdus hoc non nisi morte Mediatoris sanciri potuerit Heb. IX. 15. 16. &c.

XIX. In IV. non plus est roboris: Nam ut hîc non dicamus quod tamen Beza observat se in uno veteri codice scriptum deprehendisse non *μαρτύριον* sed *μυστήριον*; ex recepta lectione nihil exsculpi poterit quod hæresim juvet; Nec enim mors Christi vocatur *μαρτύριον* quasi ad doctrinæ confirmationem demum eam obierit, sed tum quia plenam divinæ benevolentiae fidem apud nos facit, nam qui proprio filio non pepercit quid non largiretur nobis cum illo? tum quia est illud ipsum de quo testantur Prophetæ omnes & Apostoli, utrique enim de passionibus & gloria secutura sunt locuti. Sic *Testimonium* dicetur mors Christi non *active* simplici, quasi inservierit tantum ad testandam & confirmandam doctrinam suam, sed præsertim *passive* quia de ea omnes viri Dei in Scriptura testantur. 2. *Testimonium* illud præcisè ad mortem referri non debet, sed ad ipsum Evangelii mysterium in genere de quo locutus fuerat in vers. præced. ut significet Deum sapientissimè hæc omnia ita disposuisse secundum Testimonium temporibus propriis reservatum, doctrinam scilicet Evangelii quæ sæpissimè *μαρτύριον* dicitur 1. Cor. I. 6. & 1. Cor. II. 1. quia testatur ibi Deus & de benevolentia sua & de Christi merito; hæc quippe aliis retro seculis abscondita, novissimis temporibus revelari debuit Ro. XVI. 25. Eph. III. 5. & sensus hîc planus est, ex scopo Apostoli, dixerat enim vers. 4. *Deum velle omnes homines servari & ad agnitionem veritatis venire* quorum prius finem, posterius medium respicit ad finem consequendum necessarium; Utrumque verò confirmat & prius illud quidem ex eo quod *Deus unus sit, & unus Mediator Dei & hominum qui se ἀντίπαρον dederit pro omnibus* non omnibus & singulis *universaliter* quod repugnat consilio Dei ex quo Christus venit tantum ad servandum populum suum Matt. I. 21. & intentioni Christi qui se pro Ecclesia sua dedit & pro datis sibi à Patre Jo. XVII. 6. 9. Eph. v. 25. *sed omnibus indiscriminatim* cujuscunque generis, conditionis, & sexus fuerint. Alterum verò cum addit hoc esse juxta *Testimonium temporibus propriis reservatum* *cujus constitutus sit ipse præco*, ut innuat scilicet Deum qui vult omnium salutem & qui propterea voluit Christum pro omnibus tradi, velle etiam ut per Evangelii præconium istud mysterium omnibus promiscuè hominibus testatum fiat, quo scilicet tempore à providentia divina præstituto ad veritatem & per veritatem omnes & singuli electi ad salutem adducantur.

XX. Atque ita vindicatum est & assertum I. nostrum argumentum. II. petitur à primario fine & effectu Mediationis Christi *Redemptione* scilicet quam ille indeptus est, Nam si Christus pro nobis ab Ira Dei, Potestate Diaboli, Mundi servitute, peccatorum laqueo & tenebrarum ac mortis caligine liberandis obtulit Deo Patri pretium auro & argento longè præstantius animam puta & sanguinem suum, utique non exemplo tantum sed merito Servator est dicendus, nec improprie & metaphoricè sed verè ac plenariè pro nobis satisfecit; Christum autem hoc ipsum præstitisse innumera docent Scripturæ loca, hæc

hæc verò imprimis manifestissimè evincunt Matt. xx. 28. *Filius hominis venit ut daret animam suam* λῦτρον ἀντὶ πολλῶν I. Cor. vi. 20. *Pretio empti estis* I. Tim. ii. 6. *dedit se ipsum ἀντὶ λυτρῶν pro omnibus* I. Pet. i. 18. *Redempti estis pretioso sanguine Christi ut Agni immaculati &c.* Tit. ii. 14. *Christus semet ipsum dedit pro nobis ut nos redimeret ab omni iniquitate &c.* Eph. i. 7. *In quo habemus redemptionem in sanguine ejus.* Huc pertinent & alia plura Rom. iii. 24. Gal. iii. 13. Apoc. v. 9. &c. quæ de Redemptione facta per sanguinem & mortem loquuntur.

XXI. Ut autem hoc Argumentum in aperta luce collocetur observandum est *Redimendi* vocabulum non uno sensu usurpari in Scriptura; Aliquando rei alicujus opportunum & commodum usum denotat ut quum Apostolus Eph. v. 16. & Col. iv. 14. hortatur nos ut *tempus redimamus* significat scilicet, tum sollicitè captandam esse benefaciendi occasionem, tum ita compensandum tempus esse quod nobis vel nihil, vel aliud, vel malè agentibus effluxit, ut eò ferventiùs incumbamus bonis operibus quò frequentius antea malis operam dedimus, nullasque prætermittamus occasiones quibus possimus etiam cum jactura nostrarum voluptatum gloriam Dei & nostram proximique salutem promovere. 2. Aliquando laxiori & metaphorico quodam significato designat liberationem quamcunque etiam nullo pretio interveniente factam, quo sensu Scriptura frequentissimè Israëliticam ab Ægyptiaca servitute Redemptionem commemorat & Mosem cujus opera in eam rem usus est Deus λυτρωτήν sive Redemptorem appellare non dubitat Act. vii. 35. sic passim in Psal. Deus dicitur redimere animam eorum quos liberat ab aliquo malo & periculo, ab aliqua afflictione & angustia; sed 3. maximè propriè accipitur pro ea liberatione quâ quis ab aliquo incommodo aut re noxia liberatur intercedente pretio, pretium autem illud voco quo aliquid compensatur, sive cujus impendio res aut jus aliquod acquiritur, & cujus ea est natura & proprietas ut sui valore & æstimatione alterum moveat ad liberationem præstandam vel jus concedendum, sic apud Terent. in Eunuch. *quid agas? nisi ut redimas te captum quàm queas minimo, si nequeas paululo at quanti queas* & apud Virgilium

fratrem Pollux alterna morte redemit.

Hoc sensu primogenitorum quidam redempti sunt soluto certo pretio, Num. iii. 46. 47. & jus redemptionis bonorum inter cognatos obtinebat de quo Levit. xxv.

XXII. Cùm Ergo Redemptionem nostram Christo tribuit Scriptura vocem hanc non 1. aut 2. significato, sed 3. demum ac maximè proprio accipiendam esse pertendimus: Rationes autem quæ nos ut ita credamus movent, plures sunt gravissimæ 1. *miserrima hominis redimendi conditio*, quadruplici enim servitute premebamur Peccati, Legis, Mortis, Diaboli; peccatum sub jugum suum nos misit ὃ ᾧ τίς ἠτήληται τέτω καὶ δεδῶται 2. Pet. ii. 19. & Jo. viii. 34. *qui facit peccatum servus est peccati*; ex peccato Legis maledictioni & Iræ

divinæ facti fumus obnoxii, *naturâ enim sumus filii iræ* Eph. II. 3. & *quicumque sunt sub operibus Legis sunt sub maledictio* Gal. III. 10. Lex propter peccatum morti nos mancipat Rom. IV. 15. Diabolus per peccatum & mortem, tyrannidem suam in nos exercet, I. Jo. III. 8. & Hebr. II. 14. 15. Hinc captivi dicimur Isa. LXI. 1. qui captivitatis miseras omnigenas experimur, Carcer in quo detinemur vel corpus est hoc corruptibile quod animam gravat à quo propterea liberari petit Apost. Rom. VII. 24. vel potius mundus iste miseriarum plenus & vera lachrimarum vallis quæ carceris ad quem damnantur peccatores veluti pars est superior ex qua nisi liberatio divinitus accedat in inferiorem tandem ignis & sulphuris detruduntur; Lictor & Commentariensis Diabolus est princeps tenebrarum & Deus hujus seculi, sordes & tenebræ in quibus jacemus sunt peccata & iniquitates quæ *μιάσματα* & *μολυσμοί* 2. Cor. I. VII. 1. & opera tenebrarum dicuntur Rom. XII. 12. vincula & laquei sunt tum peccati dominium & Carnis cupiditates quibus tanquam diaboli laqueis constringimur, 2. Tim. II. 26. tum reatus mortis & damnationis ex peccato consequens, quò veluti compede arctissimo vincti tenemur, & judicio divino obstricti; At quos Peccati regnum, Mortis timor, Satanæ Tyrannis ac Legis ac Justitiæ divinæ jugum *ἀεὶ παρὼν* occupant undique quì fieri potest ut eluctentur, nisi Redemptor & summam ad Diabolum & peccatum debellandum potentiam adhibeat, & absolutissimam ad majestatem divinam placandam justitiam impendat?

XXIII. 2. Id ipsum suadet ipsa *Redemptionis nomenclatio*; nam certum est *λυτῆρὲν* *ἀπολυτῆρὲν* apud Græcos *Redimere* verò quod iis apud Latinos respondet in primaria ac maximè propria significatione propriè dictam *Redemptionem* innuere, scilicet quæ fit intercedente aliquo pretio, & hîc habemus consistentem reum, hæreticus enim lib. II. de Serv. c. 1. hoc disertè docet *Redimere aliquem nihil aliud propriè significat, quàm eum captivum è manibus illius qui illum detinet pretio illi dato liberare*. At ut apud omnes est in confessio à propria & nativa verborum significatione nunquam est recedendum nisi gravissimæ urgeant causæ, ut cum proprius sensus in fidei aliquem articulum aut charitatis præceptum palam ac verè incurrit, vel figuratus sermo evidenter ex eodem vel ex aliis locis detegitur ac probatur: *Augusti*. lib. 3. *de doctr. Christi* c. 10. & 15. hoc figuratæ interpretationis dat indicium *si dictum propriè acceptum nec ad fidem nec ad dilectionem aut ad ullam omnino ædificationem accommodari possit*. Si verò ad utrumque faciat quàm maximè & tum ex ipsius loci circumstantiis, tum ex aliis pælleis evidenter comprobari possit, quis nisi in ipsum Spiritum S. qui hoc nobis tradere voluit injurius rejicere queat?

XXIV. Rem autem ita sese habere in hoc argumento non difficile est ostendere, nam quoad loca parallela docebimus in sequentibus non modò redemptionem metaphoricam non connotare sed propriè dictam necessariò inferre, nunc verò ex ipsis loci circumstantiis demonstratum istud damus, quæ scilicet *Redemptionis nostræ modum & naturam* describunt, quæ tertia nobis erit asser-

assertionis superioris ratio, Nec enim Scriptura tantum Redemptionem memorat sed pretium ipsum & λύτρον quo mediante facta est aperte nominat Matt. xx. 28. *Filius hominis venit dare animam suam* λύτρον ἀντι πολλῶν. Sic 1. Cor. vi. 20. *pretio empti estis* & 1. Petr. 1. 18. pretium illud ponitur in sanguine Agni: ut verò λύεσθαι Redimere est ita λύτρον est illud quod impenditur ad impetrandam istam redemptionem, quasi dicas Redemptionis pretium ut διδάκτρον quod pro doctrina solvitur Gloss. λύτρα redimix, quæ Hom. ἄποινα vocat, Hesych. λύτρα καθάρματα λυτρία ἐ πάντα τὰ διδόμενα εἰς ἀνάκλησιν ἀνθρώπων repone ἀνάκτισιν. Hinc Latini Veteres quorum multæ voces transumptæ sunt à Græcis λύτρον una interposita litera *Lustrum* appellarunt, & λυτρῶν *lustrare* dixerunt; unde Liv. lib. 2. *Omnes Centuriae & Equites in campum martium convocati, sue, ove, tauro cassis immolarunt, quod lustrum dictum, & lustrare urbem* est eam à pœna liberare per lustrum id est pœnam succedaneam quod & piaculum dicitur; sic Decii dicuntur lustrasse Romanum exercitum se devovendo id est suâ pœnâ & morte omnem ab illo pœnam averrunctasse, & Thebas Menæceus de quo Mater apud Papirium

Lustralemne feris ego te puer inclyte Thebis

Devotumque caput vilis ceu Mater alebam?

Ad quem locum Scholiastes vetus *Lustrare civitatem humana hostia Gallicus mos est.* Unde colligitur Redemptionem maximè eam quæ per λύτρον sit non nisi vera satisfactione procurari potuisse.

XXV. Quorsum enim λύτρα toties meminisset Scriptura nisi pretium aliud quod verè & propriè dictum subesset? Nam quod Adversarius subinde regerit hoc improprie dici quia ad præsentiam ejus liberamur licet non per efficientiam; nihil aliud est quàm absurda petitio principii quæ probanda fuit non ita præfidenter statuenda, nam præter ea quæ jam ex adverso dicta sunt & dicuntur adhuc in sequentibus, illud etiam eo satis refellitur quod non modo pretii illius meminerit, sed collationem ejus instituat cum rebus carissimis quæ ab hominibus impendi solent, vel ad captivorum redemptionem, vel rei cujuslibet emptiorem, auro, puta, argento, &c. 1. Pet. 1. 18. *Scientes vos non auro & argento aut rebus corruptibilibus à vana conversatione vestra redemptos fuisse sed pretioso sanguine Christi* &c. confert ergo imò præfert sanguinem Christi auro & argento tanquam majus quid & excellentius in genere pretii, Itaque ut aurum & argentum pretium sunt verè non figuratè, ita pariter de sanguine Christi philosophari debemus nisi velimus Apostolum parum appositè hanc collationem instituisse quod vel cogitare impium; Fateor hujusmodi collationes semper ad vivum non esse refecandas, sed observari tamen debet scopus Spiritus S. & attendi formale similitudinis in quo utraque pars convenire debet saltem in suo genere; Itaque hîc cum aurum & argentum conferantur sub hac formalitate pretii cum sanguine Christi, omnino Veritas aliqua pretii competere etiam debet sanguini Christi non quidem in genere Physico sed mystico & morali ita ut Redem-

demptio non tantum sit consequens λύτρε sed proprius & realis effectus.

XXVI. Quod si non satis efficax ex eo videretur probatio, quanquam jam sit fortissima, invicta sanè redditur si addatur *iv. vocis ἀνπλῦτες pondus* qua Spiritus S. usus est in hoc argumento, nec enim dicit tantum Christum nos redemisse quod jam satis ex proprietate vocis satisfactionem connotat, non addit demum redemptionem illam factam fuisse pretio quod fortius adhuc illam evincit, sed ne dubitandi locus ullus super sit testatur ἀνπλῦτερον aliquod intercessisse, Christum scilicet se pro omnibus dedisse ἀνπλῦτερον 1. Tim. II. 6. & quod eodem recidit animam suam λύτρεν posuisse ἀνπ πλῶν Matt. xx. 28. quod V. V. perperam reddit *redemptionem*, cum notetur non ipsa Redemptio, sed *redemptionis pretium* & quidem tale pretium quod commutationem debitoris & compensationem debiti notet: nam & præpositio ἀνπ maxime proprie substitutionem & vicem significat Matt. v. 38. ὁφθαλμὸς ἀνπ ὁφθαλμῶς, ὁδὸς ἀνπ ὁδόντ. 1. Pet. III. 9. Matt. II. 22. Archelaus regnare dicitur ἀνπ Ἡρόδου τῷ πατρὸς αὐτοῦ, id est loco & vice, sic Luc. IX. II. 1. Cor. XI. 15. 1. Thess. II. 15. & sæpius alibi, in compositione verò tria significare solet ut observant Grammatici, *aequalitatem* & *paritatem* ut ἀνπθῆ Hesy. ἰσθῆ ἀνπἀνειρε Aristarcho Ἰσπανδρ, virago, vel *contrarietatem* & *oppositionem* ut ἀνπδιν, ἀνππαλ ἀνπγερφον &c. vel *compensationem* & *commutationem* ut ἀνπψυχοι ii qui pro aliis morti se devovebant ut eos liberarent, ut de Damone & Pythia narratur: hic autem nec *aequalitas* nec *contrarietas* locum habere potest, Ergo superest ut *compensatio* tantum & *commutatio* connotetur; Ita ἀνπλῦτερον tale erit λύτρεν in quo liberator vicem sustinens rei & captivi, simile quoddam malum subit ei quod illi imminerebat qui liberatur, cum caput capite redimitur, quod Apostolus eleganter explicat Gal. III. 13. dum ait Christum redemisse nos ab execratione Legis, factum pro nobis *exerationem*.

XXVII. Atque id ipsum quadantenus saltem confiteri coacti sunt Adversarii dum particulam ἀνπ commutationem aliquam inferre agnoscunt, licet postea quod una manu dare visi sunt altera auferre conentur, addendo talem esse commutationem quæ nullam compensationem aut satisfactionem arguat: Sed quàm turpiter hic suo se gladio jugulent proclive est agnoscere; Cur enim Christus per commutationem in locum nostrum esset subrogatus, nisi ut pœnas quas commeriti eramus ipse luendo nos ab iisdem liberet quod jamjam innuebat Ap. ad Gal. Nec vanissimum commentum suum fulcire potest *Crelli*. contra *Groti*. duobus locis Prov. XXI. 18. & II. XLIII. 3. ubi videtur commutatio poni sine compensatione; Nam præterquam quod in neutro habetur vox ἀνπλῦτερον de cujus vi quærimus, accedit etiam quod non sine compensatione aliqua hoc impletum sit, cum Deus in Ægyptios & alios populos derivaret pœnas quas justè exigere potuit à populo suo, sed quas misericorditer in alios transferre decrevit ut ipsi parceret. Sic quippe subierunt vicem suam ut quasi permutatione facta cladem quæ ipsi impendebat sustinere coacti fuerint, nam

ut hunc fervaret illos perdidit aliò revocando hostes qui in ipsius perniciem toto impetu ruebant.

XXVIIII. Ex quibus jam satis liquere arbitramur Redemptionem propriè dictam & non metaphoricam tantùm hîc locum habere debere: Quod ut liquidius fiat, observandum est multis modis *Redemptionem* seu liberationem captivorum fieri inter homines, vel *gratuita manumissione* ut cùm Dominus ultrò dimittit & liberum abire jubet servum suum, vel *permutatione* ut in bellis sæpe fieri solet, vel *violenta ablatione* ut cùm David vi & armis suos liberat & recuperat ex manibus Amalekitarum 1. Sam. xxx. & Abraham Lothum nepotem suum eripit Regibus Cananæis Gen. xiv. vel *iusta satisfactione* ut fidejussor qui pro debitore solvit; In hoc autem negotio nec *gratuita manumissio* simpliciter obtinere potuit, quia Justitiæ ultricis ratio non patiebatur impunè abire peccatum: nec *permutatio* quia nulla cujuscunque creaturæ permutatione compensari potuit Deo illata ab homine contumelia: non denique *violenta ablatio*, quanquam enim jure bono Christus potuit prædam suam diabolo eripere quam ille fraude mala sibi vindicaverat, non potuit tamen eo modo Deo reconciliari homo læsæ Majestatis reus, sola ergo supererat redimendi ratio sufficiens per viam Justitiæ solutis omnibus nostris debitis per Sponsorem nostrum Christum.

XXIX. Cæterùm etsi tres priores liberationis modi seorsim hîc non valeant; non diffitendum tamen sub aliqua *ῥέσει* omnes simul in hoc salutari opere concurrere, atque hinc conciliari possunt varia loca Scripturæ in speciem pugnantia, quorum alia dicunt nos *gratis* per gratiam Dei & sine operibus justificatos & salvatos ut Rom. III. 24. Eph. I. 8. 9. Alia innuunt nos *pretio* redemptos esse ut 1. Cor. VI. 20. & 1. Pet. I. 9. &c. Alia *permutationem* aliquam factam esse docent Gal. III. 13. & 2. Cor. V. 21. Alia ostendunt nos vi & potentia aliqua ab hostibus liberatos Heb. II. 14. Col. II. 15. If. LXIII. 5. sed hæc omnia verissimè dicuntur: Nam cùm *salus* nostra sub quadruplici respectu considerari possit, vel *Dei judicantis*, vel *Christi redimentis*, vel *Hominum redemptorum*, vel *Diaboli obsidentis & tyrannicè imperantis*; quoad Diabolum sumus *potentiâ summâ* & virtute efficacissima liberati, quippe quem Christus prius victum & jure sibi mancipatum vi & armis spoliavit, quoad nos *gratis* redempti sumus & salvati, nihil enim ex nobis ipsis contulimus ad nostri liberationem: quoad Christum sumus *permutati* quia ille pro nobis factus est peccatum & execratio ut essemus benedictio Dei in ipso; quoad Deum denique *pretio redempti* cùm se ipsum Justitiæ divinæ ἀπλυτρον pro nobis Christus exhibuit. Quia verò non rarò Scriptura opus hoc Redemptionis mirabile, sub gemina potissimùm *ῥέσει* considerat & Dei & Diaboli à quibus diversimodè liberari debuimus; Ideo hæc duo peculiariter Christo Redemptori tribuere solet, *Justitiam & potentiam*, illam quâ ab ira Dei nos eximit, istam quâ à tyrannide Diaboli nos liberat; Atque hinc gemina illa *Agni & Leonis* appellatio, quæ toties Christo tribuitur: Agnus

victimam refert, Leo victoriam, Agnus passionem, Leo triumphum, Agnus meritum, Leo virtutem, Agnus proprium sanguinem fundit, Leo alienum, Agnus quia sanguine suo redimit Ecclesiam, Leo quia robore suo destruit inimicos, Agnus respectu Dei ad eum placandum, Leo respectu Diaboli ad eum vincendum: Hinc etiam variæ mortis & crucis denominationes oriuntur, dum illa altare Sacerdotis aliquando Heb. xiii. 10. est quando currus triumphalis Victoris dicitur Col. ii. 15. & *ἀντερον* quo Deus placatur Matt. xx. 28. & *ὄπλον* quo Diabolus debellatur Heb. ii. 14.

XXX. Huc pertinet etiam quod in V. T. de *גאל* refertur, nam & is typus eximius hac in parte fuit Christi redemptoris unde ipse Messias hoc nomine non raro insignitur Job xix. 25. *ego scio גאל* quod Redemptor meus vivit Is. lix. 20. veniet ad Sion *גאל* Targ. *פריק* Redemptor & Liberator, Jus autem habebat Goel. 1. res venditas & alienatas fratris aut cognati agrum puta, domum &c. redimendi Levit. xxv. 25. reddendo *גאלתו* pretium quo emptæ fuerant res illæ proportionem scil. temporis servata. 2. Captivum eundem vel servum liberandi ibid. v. 47-48. *si frater tuus attenuatus fuerit & se vendiderit peregrino & advena redemptio erit ei, unus ex fratribus ejus redimet eum.* 3. interfectum vindicandi unde vocabatur *גאל הדם* Vindex sanguinis de quo Num. xxxv. & Deut. xix. 6. Hebræi multa de eo tradunt, ut quod persequeretur homicidam & jus habebat eum occidendi sicubi eum nactus fuisset ubi ad Magistratum appellare non posset, nisi se recepisset ad urbes refugii, tunc enim non licebat manus illi violentas inferre: & ibi homicida maximè si erat *שוגג* id est si per errorem & ignorantiam homicidium patraverat (nam *כזיר* qui sponte & data opera id fecerat postquam in *בית דין* Consistorio causa discussa fuerat & ille *חייב מיתה* reus mortis fuerat deprehensus magistratus autoritate plecebatur) permanere debebat usque ad mortem summi Pontificis, quâ redivus illi patebat ad domum suam & pristina officia si quæ antea sustinuerat (ubi illustrem habemus typum ingentis beneficii quod summus Sacerdos noster commeruit, ejus enim morte peccata nostra expiantur & condonantur ut deinceps ad patriam cœlestem à qua propter crimina nostra exulabamus redivus detur) Atque hinc fiebat referentibus Hebræis ut summorum Pontificum matres homicidis exulantibus sæpius munera mitterent ne optarent summi Pontificis mortem, ferunt enim summum Sacerdotem eò citius mortuum fuisse si homicidæ plures enixius mortem ejus à Deo precibus efflagitassent. 4. Denique idem uxorem defuncti fratris vel propinqui ducere debuit ad progeniem illi excitandam, Deo ita pro summa sua sapientia in Rep. Israelitica peculiariter hoc disponente ad familiarum & tribuum conservationem Deut. xxv. 5. *si habitaverint fratres simul & mortuus fuerit unus eorum absque filio non nubat defuncti uxor foras viro alieno, ne scilicet transeat in alienam familiam sed frater ejus ingrediatur ad eam ducatque eam in uxorem* atque in ejus rei fidem vir oram vestimenti sui extendebat super eam ut constat ex Ruth. iii. 9. Ruth Boot propinquum suum alloquens. *Extende inquit Alam tuam super ancil-*

lam tuam כִּי נָאֵל אֶתְּךָ quia tu propinquus es sanguine tacite innuens cupere se ut matrimonium secum contraheret quod Chald. luculenter exponit יִקְרֶי שְׂמִי עַל אִמְתִּי i. e. vocetur nomen tuum super ancillam tuam ad accipiendum in uxorem hoc enim fieri apud Judæos solebat ut sponsus in signum juris & authoritatis quam in sponsam acquirebat, & simul in pignus officii conjugalisi mutui, amoris & protectionis oram vestimenti super eam extenderet quod colligitur ex Deut. xxii. 30. & Ezech. xvi. 8.

XXXI. Hæc autem omnia plene ac perfecte in Christum quadrant. Ille quippe carnem nostram assumpsit, & frater noster factus est ut posset esse noster נָאֵל jusque Redemptionis super nos haberet, habebat quidem antea *Jus proprietatis* quæ Deus, sed *Jus propinquitatis* non habuit nisi quæ verus homo. Præstitit verò quæcunque ab eo fieri solebant; Nam & captivos nos ac peccato & diabolo mancipatos liberavit Luc. i. 71. de hostibus qui nobis mortem intulerant vindictam sumpsit. Col. ii. 14. Rom. vi. 6. Heb. ii. 14. bona deperdita & hæreditatem cœlestem à qua malo merito nostro excideramus, justo merito suo recuperavit I. Pet. i. 4. Tit. iii. 9. Heb. ix. 12. Et nos à priori marito Lege putà & fœdere operum solutos æterno atque indissolubili connubio ex fœdere gratiæ sibi copulavit Rom. vii. 4. Eph. v. 25. 26. atque in hujus rei fidem perfectissimæ Justitiæ suæ vestem super nos extendit Gal. iii. 27. quod adumbratum fuit in virgine illa sordida & nuda apud Ezech. xvi. 8. super quam Deus oram suam extendit & matrimonium cum ea contraxit, Ecclesia enim nuda & sordida cum sit naturâ lebum vestis suæ Sponsus super eam extendit quæ & nuditas & fordes obteguntur, atque is eo ipso jus Mariti super nos acquirit & arctissimam communionem nobiscum colit.

XXXII. Quia verò rationibus hisce premi se sentiunt Adversarii κρησφύγετα varia conquirunt undique quibus elabantur: pertendunt ergo ex Redemptione neutiquam posse colligi veritatem Satisfactionis 1. quia Redemptio non semper sumitur propriè quo sensu includit aliquod pretium, sed sæpius metaphoricè & impropriè prout simplicem liberationem notat nullo intercedente pretio factam ut Exod. xv. 13. Deus dicitur redemisse populum suum ex Ægypto sic Deut. vii. 8. Ps. lxxvii. 16. &c. Itaque posse etiam hîc talem significationem obtinere, atque eò magis quod Redemptio hæc nostra sæpius cum Israelitica conferatur & hæc illius typus fuerit & figura Luc. i. 68. 2. Moses etiam λυτρωτής dicitur Act. vii. 35. quem tamen nullam satisfactionem dedisse certum est. 3. si Redemptio propriè esset intelligenda, ad Captivorum liberationem solvendum fuisset detinenti pretium; At nec solutum illi est, nec solvi potuit, quis enim dixerit quippiam solutum esse vel Diabolo, vel iniquitatibus, vel vanæ conversationi, vel Legis execrationi à quibus detinebamur. 4. Non posse dici Deum pretium illud accepisse ut vulgò creditur cum ipsemet Redemptionem nobis fecerit & Filium suum pro nobis impenderit. 5. Addunt Christum nos liberare ab ira per vitam Rom. v. 9. Ergo non per mortem, non ali-

quod pretium solvendo pro nobis sed potentiâ suâ in judicii die nos ab æterna morte vindicando. 6. Denique ita nos redimi quemadmodum fuimus venditi, at venditos esse gratis & sine pretio cùm nos ipsos in servitutem diaboli & peccati mancipavimus E. & redemptos pariter sine pretio. Ex quibus omnibus colligunt non posse urgeri loca quæ de redemptione loquuntur ut inde inferatur vera satisfactio cùm nihil aliud importent quàm simplicem liberationem quæ dicitur facta per mortem Christi quia eam nostra à peccati servitute consecuta est vindictio : Sic *Soci. lib. 2. c. 1. 2. Volkel. de vera Rel. lib. 3. c. 18. Catec. Rakovi. c. 8. q. 25. 26. &c.*

XXXIII. Sed *πρά* hæc sunt *φάρμακα* quæ laboranti & desperatæ causæ levamen nullum afferre possunt. Nam quod ad 1. quis ferat Adversarios tam ineptè ratiocinantes & à particulari ad particulare vel universale argumentantes. *Redimere* aliquando fumitur metapho. & liberare simpli. significat E. & hic vel E. semper ita usurpandum, Quis enim consequentiæ vitium non videat? Quasi verò Spiritus S. sibi hanc fixerit legem ut semper eodem sensu vocem eandem usurpet? imò nihil frequentius occurrit quàm ut vocibus *πολυήμοις* diversimodè utatur *ἡ τὴν ὑποκειμένην ἡλὼ*; Non negamus ergo sæpius laxiori quodam significato sumi in Scriptura neque ea quæstio nostra fuit, sed an hoc in argumento obtinere debeat quod meritò respuimus, non modò ex ipsa vocis proprietate sed ex aliis circumstantiis variis quæ necessariò propriè dictam Redemptionem important, quod modò est ostensum : Et hoc ex ipsis Adversariis vel invitis extorquere possumus, nam quatuor tantùm requiri contendunt in vera Redemptione, ut sit Captivus, captivum detinens, Redemptor & *λύτρω* sive redemptionis pretium; At nullum ex his desideratur in hoc negotio, homines sunt Captivi propter peccatum, Deus quæ Judex detinebat eos sub ira & maledictione aliisque pœnis peccatum justissimè consequentibus, Redemptor Christus est & Mors ejus Redemptionis pretium, nihil Ergo causæ dici potest cur propria hic non possit aut debeat Redemptio intelligi, nam quod vitiligitantur requiri præterea ut qui captivum detinet pretium accipiat, quo loco sit habendum mox dicturi sumus.

XXXIV. Ex quibus facillè intelligitur quid in specie respondendum sit ad ea loca quæ de Redemptione Israelitica loquuntur, neque enim si non possint propriè sumi continuò sequitur hæc nostra impropriè usurpanda esse; Et sanè longum latumque discrimen intercedit inter *liberationem corpoream* & *externam* quæ facta est simpliciter à Tyranni manu & *liberationem spiritua-*
lem & *Juridicam* quæ fit à maledictione Legis & Ira Dei; Illa revera potuit fieri absque *λύτρω* & per Dei potentiam, at hæc non item siquidem intercedebant & Justitia Dei immutabilis, & infallibilis ejus Veritas; unde nulla pœna Liberatori inflicta legitur in illa quæ pro *λύτρω* veniret ut in ista, neque unquam illa ut hæc sæpissimè per *λύτρω* & *ἀντίλυτρω* dicitur facta; Non nego tamen sæpius utramque inter se conferri & alteram alterius figuram & ty-
pum

pum gerere, sed similitudo est non identitas vel per omnia æqualitas, & si collatio instituitur *quoad rem*, non statim *quoad modum rei* quia subiectæ materiæ id non patitur ratio; imò ut rectè Chrysost. Homil. 61. in Genes. oportet figuram minus habere quàm veritatem, quia alioqui non fuisset signum futurorum. Sint ergo in eo similes quod sicut Deus populum suum ex dirissima liberavit servitute & à crudelissimis hostibus modo planè extraordinario debellatis iis quorum imperio subiciebantur, ita hîc Ecclesiam suam liberat à sævissima Diaboli & peccati servitute, modo plane extraordinario & mirabili fufis ac prostratis hostibus nostris; sed discrimen est multiplex; Ibi liberatio corporea, hîc spiritualis, ibi liberatio simplex, hîc talis quæ fit intercedente λυτρω, ibi liberatio per Dei potentiam à manibus hominum, hîc redemptio per Justitiam ab ira Dei, ibi Moïsis servi opera & ministerio uti voluit Deus, hîc Christi ipsius Domini & ἀρχηγὸς σωτηρίας.

XXXV. Quid quod si accuratè loqui volumus neque Redemptio illa Israelitica facta est omni modo absque ullo respectu ad λυτρω; nam cùm certum sit speciales omnes promissiones & liberationes veteri populo concessas, subnixas fuisse generali promissione venturi Messia, siquidem opem auxiliumque à Deo expectare haudquaquam poterat nisi propitio & reconciliato, propitius autem esse nequit nisi per Christum; unde Paulus promissiones omnes Dei asserit in Christo esse etiam & Amen 2. Cor. 1. 20. dubium etiam nemini esse debet quin singularis hæc & eximia liberatio non nisi propter Christum indulta fuerit patribus, quod & Agni Paschalis sanguine non obscurè fuit adumbratum. Sed neque hoc silentio prætermitti debet duò fuisse in ea Redemptione imprimis memorabilia, inde liberationem ἀπὸ τοῦ ὀλοθροῦ primogenitos omnes Ægyptiorum occidentis à quo sanguine Agni super liminaribus ædium illito exempti sunt: hinc verò vindicationem à sævissima Pharaonis manu & jugo ferreo quo premebantur & à quo liberati sunt ἡρῶν. 12 Hoc verò utrumque hîc deprehenditur, & longè clariùs conspiciendum se præbet, Christus enim verus Agnus Dei tutos nos præstat sanguine suo cordibus nostris fide asperfo ab Abbaddone Ira scilicet Dei & morte quæ per universum mundi Ægyptum longè lateque grassatur, & virtute potentissima eripit nos è manibus infernalis Pharaonis, & dirissimâ quâ opprimebamur servitute, Cùm Ergo neque hîc desit aliqualis collationis ratio, patet hæreticum perperam ab illa ad hanc argumentum duxisse ad veritatem satisfactionis negandam.

XXXVI. Sed non solidiùs illud evincit quod 2. loco addit de Moïse qui λυτρωτὴς dicitur etiamsi nunquam satisfecerit: Nam etsi non negamus sub hac ἡρώσει Moïsem Typum gessisse Christi non est tamen *typus ὁλμός* & *adaquatius* sed *μερικὸς* tantùm & *inadequatus*, unde multifariam differunt, Ille homo tantùm fuit & servus Heb. 111. hîc vero Deus & Dominus, Ille Redemptor typicus & temporalis unius populi, hic autem verus & æternus omnium gentium. Ille Mediator μετόπισθε ex parte Dei ad nos verba Dei populo

annunciando, Deut. v. 5. Iste verò διπλῶς etiam à parte nostri apud Deum illum placaturus, & nos ipsi reconciliaturus suo sanguine. Ille à Pharaone redemit, Iste à Diabolo, Ille ab Ægypto, Iste à Judicio, Ille absque morte & sanguine proprio, nusquam enim dicitur quod morte & sanguine proprio, tanquam pretio populum redemerit imò mortuus latet, sed vitâ tantum & potentia, at Christus animam suam posuit pro peccato, & proprio sanguine æternam redemptionem nobis est consecutus; Nec mirum videri debet, nam Moses & alii liberatores typi erant muneris Regii non functionis sacerdotalis, præstabant quod poterant adversus hostes potentia & virtute, sed non quod requirebatur ex parte Justitiæ ad ejus placationem, Itaque eum referebant non quâ Sacerdotem qui sacrificium offert ad propitiandum Numen, sed quâ Regem qui de hostibus triumphat prædam iis suam eripiendo; Denique omnes illi Servatores liberarunt non aliquid faciendo circa liberandos quod Christo tribuitur, sed amovendo tantum libertatis impedimenta. Ergo non debet urgeri similitudo quoad modum Liberationis aliàs multa absurda sequerentur, dicendum esset quippe Christum nos miraculis ac prodigiis & per hominum mortem liberasse quod Moses fecit, non autem proprio sanguine quod Mosi nec tribuitur, nec tribui potest.

XXXVII. Ad 3. Exc. Resp. peccari fals. hypoth. geminâ 1. quod in omni vera Redemptione requiratur semper aliquis qui λύτρον accipiat, nam cum λύτρον notet promiscuè vel rem vel factum quo intercedente quis liberatur ab aliquo periculo vel incommodo, & factum aut pœna à nemine propriè loquendo possit accipi, nihil obstat verum esse λύτρον quod tamen nemo præcisè accipiat, sanè Virgilius propriam Redemptionem intelligebat cum dixit, si fratrem Pollux alterna morte redemit at mors illa Pollucis nihilominus quâ Castor frater ejus à perpetuo interitu liberatur tale est λύτρον de quo cui detur & à quo accipiat bene dici non potest, Fateor in debito pecuniario solutionem pretii fieri creditori qui pretium illud accipit, adeo ut fiat translatio dominii & eo ipso sit auctior & locupletior is cui persolvitur, At alia est ratio debiti pœnalis neque enim supremus Magistratus qui pœnam exigit induit rationem Creditoris sed Judicis ut alibi ostensum, qui respicit non utilitatem propriam sed bonum totius universitatis & Legum conservationem, unde nihil opus est ab eo accipi pretium quo locupletior fiat, sufficit modo ut in pœnarum latione reus vel vas satisfaciatur Legi. Verum quamvis propriè loquendo pretium istud a nemine accipi possit aut debeat: non diffitemur tamen laxo quodam significato posse dici datum & acceptum fuisse, quomodo is qui debet pœnas Magistratui eas dare & exsolvere censetur cum plectitur; ita Christus verè Deo supremo Judici pretium istud exsolvit unde dicitur seipsum obtulisse Deo, Eph. v. 2. Heb. ix. 14.

XXXVIII. 2. Fals. hypothef. nititur etiam hæretici ratio quasi omnibus iis qui nos quocunque modo detinent solvendum sit pretium, cum principali & primario detinenti tantum sit expendendum. Qui reum & facinorosum à

car-

carcere & patibulo eximit, an carceri & patibulo an Licitoribus & Carnifici dependit pretium? Nequaquam, sed Judici tantum cujus Leges violavit, & cujus dominio ac Jurisdictioni subest, Ita hinc Peccata, Iniquitates, vana conversatio erant carcer in quo detinebamur, & vincula quibus constringebamur, Diabolus verò Justitiæ divinæ Minister & Tortor nos continuo vexabat, at Deus est supremus Judex, cui ut soli peccavimus ita illi & pœnas exigendi & pretium accipiendi jus propriè competeat & potestas, Itaque etsi captivus ab his omnibus liberetur tamen redemptionis pretium non nisi supremo Judici & Carceris Domino persolvitur, solvi quidem debuit *pro istis* sed non *istis*, unde sophisma facillè solvitur *Majoris limitatione*, Illi scilicet pretium solvendum fuit qui nos captivos detinebat primariò, principaliter & ut Dominus & Judex: at nec Satan nec peccata, nec Legis execratio, ita nos captivos detinebant, ac proinde illis non potuit aut debuit tale pretium exhiberi, sed Deo.

XXXIX. Porro quod cavillatur 4. non potuisse Deo persolvi pretium cum ipse Redemptionem fecisse dicatur Luc. I. 68. & filium suum pro nobis tradidisse, inane est & ficulneum: Nam etsi Redemptionem ille procurarit, non obstat tamen quo minus ipsi pretium dari potuerit 1. quia non ἀμέσως & in propria persona illud præstitit quod fingebant Patripassiani, sed in Christo & per Christum. 2. κατ' ἄλλο καὶ ἄλλο utrumque illi rectè tribui potest, prius secundum misericordiam, posterius quoad Justitiam, ad hanc pertinuit quod pretium exigeret pœnasque nobis debitas postularet, ad misericordiam verò quod cum solvendo pares non essemus λύτρον ipse nobis in filio suo lubenter subministrare voluerit, ut si Rex in rei alicujus gratiam id omne dependi curet quod iste fisco deberet, ut hinc quidem Legum auctoritatem factam tectamque tueatur, inde verò clementiam suam in reum quem vult liberatum, exerceat, quo modo Zaleucus Locrensis de suo tulit partem pœnæ filio debitæ ut autoritas Legis à se latæ maneret illibata.

XL. Ad 5. disting. *Redemptionem* de *Jure* & de *facto* quemadmodum peccatum nos mancipabat 1. *quoad reatum*. 2. *quoad labem* & pœnas consequentes. Ita duplex redemptio vel potius unius redemptionis duo gradus esse debuerunt, prior per *meritum sanguinis*; posterior per *efficaciam spiritus*, de primo loquitur Paulus Ephes. I. 7. *redemptionem habemus in sanguine*, de posteriori Rom. VIII. 22. *Expectamus redemptionem corporis nostri* & Eph. I. 14. prior in morte Christi, posterior per ejus vitam, Illa enim reatum peccati tollit remissionem ejus nobis acquirendo & jus ad vitam, hæc verò de facto nos à labe & pœnis peccati liberat, ac in vitam per varios gradus transfert, propterea dicimur salvandi per vitam Christi Rom. v. 10. Sed hæc Redemptio secunda non excludit primam sed supponit, nunquam enim de facto nos Christus in vitam introducere potuisset, nisi prius jus & potestatem id ipsum præstandi fuisset consecutus, unde Apost. ibidem conjungit tanquam ἀδιαίρετα *reconciliationem per sanguinem & salutem*

lutem per vitam, illa salvat merito, hæc efficacia, imò prior tanquam potior sub-
sternitur ab ipso, siquidem à majori ad minus argumentatur, si Deus per san-
guinem reconciliavit nos inimicos, multò magis jam reconciliatos servabit ab
irâ per ipsum, si obtinuimus quod majus est quum indigni planè fuimus, an
non minus largiturus est cùm *ἰκανὸς* nos fecit gratiâ suâ? Porro *Ira* illa de qua
loquitur non propriè Dei indignationem quæ est in ipso, sed metonymi. *effe-
ctum ira* quod est ab ipso denotat id. supplicium & mortem æternam ut Matt.
III. 7. *quis vos docuit fugere ab ira ventura?*

XL I. Cæterum quum ab ira Dei & Judicio ejus redimi dicimur, hoc non
ita intelligendum est quasi per hanc redemptionem eriperemur ab ejus potestate,
neque ideo redimimur ut abstrahamur à Deo ut malo, quo modo hosti pretium
persolvitur ut is quem captivum detinet ab ejus potestate liberetur, sed potius in
gratiam redeamus cum illo tanquam summo bono & illi jungamur denuo à
quo per peccatum fueramus alienati, Apoc. v. 9. ut subditus perduellis & læsæ ma-
jestatis reus cùm satisfactio pro eo præstita est reconciliatur Principi & redit in
gratiam cum eo à quo propter crimen licitori in carcerem compingendus, &
carnifici morte mulctandus traditus fuerat; Itaque in redemptione distinguen-
da venit detinentis duplex *ἄριστος*: vel enim *hostis* est qui iniquè nos sibi mancipavit,
vel *Judex & Princeps* qui iustissimè propter perduellionis crimen nos incarcera-
vit; ab illo ita redimimur ut ab eodem abstrahamur, quomodo bello captus dat
ἀντὶ τοῦ Imperatori ut ab hostis potestate vindicetur & libertati restituatur; at ab
hujus judicio ita liberamur ut ab eo alienati denuo illi reconciliemur: à Diabolo
quidem ut hoste redimimur & ab ejus potestate eripimur; at cùm Deus non
hostis sit sed Judex noster & Princeps, redemptio non alienationem sed con-
junctionem & reconciliationem importat.

XL II. Ad 6. Resp. pecc. fall. pari. nam *venditio* quidem & *emptio* in eo
conveniunt quod sicut illa metaph. significat abjectionem alienationem à Deo &
mancipationem diabolo quemadmodum ea quæ venduntur in potestatem alteri-
us transeunt ut iis pro libitu utatur, ita emptio seu redemptio importat acqui-
sitionem & peculiare jus quod obtinemus in rem emptam quæ propterea pecu-
lium nostrum & *הֶבְרָא* dicitur: at differunt in variis, gratis enim excidimus &
in diaboli potestatem venimus culpa & inobedientia nostra, & iusto Dei judicio,
sed redimi non potuimus nisi satisfactionis interventu, quia liberandi fuimus ab
imminente nobis maledictione, nec mirum, nam quod vili venit magno sæpè
redimitur, Adamus se ipsum perdere potuit, sed salvare vel à morte eripere
nequaquam, Aug. Enarr. in Ps. 95. *Tenebantur homines captivi sub Diabolo &
damonibus serviebant, sed redempti sunt à Captivitate, vendere enim se potuerunt,
sed redimere non potuerunt.*

XL III. Conclufum esto E. Christum quia nos sanguine suo redemit verè
pro nobis satisfecisse; Nam quod hæreticus mortem Christi pretium vocari
contendit quo redimamur, quia intercedit ut liberationem à spiritali captivi-
tate

tate consequamur, & in spem vitæ æternæ nos erigit ex consecuta resurrectione, merum est subterfugium, Annon enim fides nostra, poenitentia, & Evangelii prædicatio ad id ipsum intercedunt? An ergo per illas redimi dicimur aut unquam dixit Scriptura tanquam per pretium quo liberationem consequamur? Quid verò illud est quod cum liberationem illam ex Christi resurrectione multò magis quàm ex morte sequi ipse existimet, morti tamen semper, nunquam verò aut rarissimè resurrectioni ea Redemptio tribuatur? nam quod existimat illud fieri quia in morte magis eluxit vel planè est ἀπεργασίονον vel pro nobis facit: quicquid enim in morte fuerit non fuerit tamen Redemptio, si liberationis effectus ex illa non est secutus, nec ea re quæ non tam boni nostri causa fuit quàm simplex occasio, Dei charitas adèdè magnificè & splendidè prout à Scriptura innuitur, potuit demonstrari. At quàm luculenter ineffabilis Dei dilectio ex sententia nostra hîc se prodit, quòd cum non alia commodior Satisfactionis occurreret ratio, proprio Filio non pepercit ut nobis impiis & rebellibus parceret Ro. v. 8.&c.

XLIV. III. Argu, suppeditat nobis *Reconciliationis* ratio quam Christus Mediator moriens inter nos & Deum instituit & firmavit: nam ex eo quod reconciliasse nos Deo dicitur & quidem per mortem & sanguinem sequitur necessariò eum satisfecisse, quando iram adversus peccata nostra nunquam posuisset Deus nisi Justitiæ suæ litatum fuisset. Nimirum *Reconciliare* nihil aliud est quàm amicitiam offensione gravi diremptam refarcire & sic inimicos in pristinam concordiam reducere: Hîc autem in memoriam revocandum est omnes Creaturas rationales Deo fuisse conjunctissimas ante lapsum, sed per apostasiam hominis facta est quasi avulsio Creaturæ à Deo & averfio Dei à Creatura, adèdè ut idem ille Deus qui hominem à se creatum dilexerat tanquam filium, hominem jam lapsum & corruptum oderit quasi perduellem; Itaque non potuit reconciliatio fieri nisi utrinque odii & inimicitiae causa tolleretur, tolli autem non potuit nisi per mortem Christi quæ & iram Numinis placavit & peccata nostra expiavit, non potuit framea illa ignea quæ nos arcebat à Dei præsentia, & aditum ad paradysum intercludebat, removeri & extinguì nisi in Christi sanguine. Atque hîc est quod Paulus toties reconciliationis istius per sanguinem Christi factæ meminerit Rom. v. 10. *Si cum inimici essemus reconciliati sumus Deo per mortem filii sui* & 2. Cor. v. 18. 19. 21. *Omnia sunt ex Deo qui reconciliavit nos sibi per Jesum Christum &c.* Sic Col. 1. 20. *placuit Patri per eum reconciliare omnia sibi pace per sanguinem Crucis ejus facta.* Ita Eph. 1. 16. *ut utrosque in uno corpore reconciliaret Deo per crucem peremptis per eam inimicitis.*

XLV. Cæterùm ut *Reconciliationis* istius ratio clarior evadat observandum est; *Reconciliationis* & Deo Patri, & Christo Mediatori, & ipsis fidelibus quandoque tribui, sed sub alia & alia *græcia*: Nam & is reconciliare dicitur, qui primaria est reconciliationis causa & qui aliquid efficit quod meretur aut consequitur reconciliationem, & qui reconciliationis sibi ab alio promeritæ gratiam

sibi applicat; *Deus* nos reconciliare dicitur primo modo quatenus ab æterno decrevit electos suos in peccatum prolapsos in gratiam restituere, & illud ex ordine gratiæ suæ præparavit quod ad componendam inter se & peccatores discordiam necessarium erat, Ita 2. Cor. v. 19. *Deus* dicitur sibi reconciliasse mundum, *Deus*, inquit, *erat in Christo mundum reconcilians sibi*: *Fideles* dicuntur se Deo reconciliare tertio sensu quatenus jubentur beneficium oblatum amplecti, inimicitias omnes deponere & diligentem Deum vicissim redamare; sic 2. Cor. v. 20. Apostoli hortantur nomine Christi fideles singulos ut reconcilientur Deo; id est se convertant ad Deum & reconciliationem à parte Dei oblatam amplectantur; 3. Sed præter duas hæc loquendi rationes *Christus* etiam nos reconciliare dicitur Ro. v. 11. Eph. 11. 16. non tanquam causa reconciliationis primaria quod facit *Deus*, non tanquam reconciliationem applicans quod faciunt fideles ope Spiritus S., sed tanquam Mediator qui illam merito suo procuravit, non modò nos ad gratiæ suæ communionem vocando, sed & illud Deo exhibendo propter quod & cujus intuitu ipse iram omnem ponit nobisque placatur; cum enim dissidium inter nos & Deum ortum duabus causis foveretur, inde Justitiâ Dei quæ iratum eum atque infensum nobis præstabat, hinc peccatis nostris quæ ad rebellionem continuò nos impellebant, ut reconciliatio solida ac firma institueretur debuit utrumque obstaculum removeri, prius quidem respectu Dei per satisfactionem, posterius respectu hominum per justificationem & sanctificationem, utrumque verò *Christus* peregit sanguine suo, nam & eo Justitiæ Dei satisfecit plenissimè & peccata nostra delevit, atque adeò conscientias nostras mundat ab operibus mortuis, ne amplius in ea peccata incidamus quæ Dei indignationem provocent & reconciliationis vinculum abrumpant, sed serviamus Deo vero & vivo Heb. ix. 15. Ita rectè hæc reconciliatio & Patri & Filio tribuitur, *Patri* ut causæ primæ, *Filio* ut causæ propinquæ, Patri quoad consilium, Filio quoad executionem; Patri inchoativè & originaliter, Filio formaliter & terminativè, Patri procuratoriè, Filio meritoriè.

XLVI. Ne verò dubitemus Christi mortem hîc tanquam meritoriam reconciliationis causam intercessisse, aliâ utitur phrasi Spiritus S. quæ clariùs id ipsum evincit, cum Christum *ἱλαστίον* & *ἱλασµέν* vocat Rom. 111. 24. 1. Jo. 11. 2. nam hæc vocabula hominum peccatorum conversionem primariò non respicere, sed iræ divinæ aversionem aliquo placamine procuratam notius est quàm ut probatione indigeat; Hinc *θεὸν ἱλάσκεισθαι* est *Deum* placare: apud *Homer*: quod sacrificiis solebat fieri. Illa. β. ἐθάρτε μιν ταύροις, καὶ ἀρνείοις ἱλασόνται, Kē-ροι Αθηναίων *Illic. eam* scili. *Deam tauris & agnis placant Pueri Atheniensium*. Hinc *ἱλάσκεισθαι* teste *Hesych.* idem quod *ἐξιλεῖσθαι*, sic *ἱλάσκειν* est *propitium facio* pro quo usitatus *ἱλάσκειν*, *placo*, *propitio*, quod & passivè usurpatur apud Lxx. Pl. LXIV. 3. & LXVIII. 9. Exod. xxxii. 13. *ἱλάσθη Κύριος* & *ἐξιλάσκεισθαι* *placare*, *expiare*, *propitiationem facere*: respondet Hebræo כפר quod in Kal est tegere, operire In Pihel est; *placare*, *propitium reddere*, *expiare*; Et quia illi

illi jungitur præpositio *ו*, Levit. IV. 10. *וַיִּשְׁלַח אֱלֹהִים אֶת־אֵשׁ* *ἐξίλασθη* *ἐν* *αὐτῶν* *expiabit pro eis*, ita jungitur plerumque apud Græcos cum præpositione *ἐν* ut passim in Leviti: aliquando Deus dicitur *ἐλάσσει* scilicet passivè *ταῖς ἀμαρτίαις* vel *ταῖς ὁσπερίαις ἡμῶν* Ps. LXIV. 3. LXVIII. 42. aliquando peccata dicuntur *ἐλάσσει* Heb. II. 17. id est *expiari*, quia per expiationem à Christo factam Deus super illis placatur. Hinc *ἐξίλασμα* quod est *placamen* seu munus placatorium & redemptorium quo quis placat judicem, vel vitam suam redimit Reg. XII. 3. Ps. XLVII. 7. quod respondet *תּוֹבָן* quod significat *redemptionis pretium*. Hinc *ἱλασμός* propriè est actus illius qui alterum propitium & placatum reddit iram ejus avertendo & gratiam conciliando. Unde aries quo sacrificium fiebat pro peccato vocatur Numer. v. 8. *κερὶς ἱλασμοῦ* *aries expiationum* & dies quo propitiatio pro peccatis populi solebat fieri Levi. XVI. dicitur *ἡμέρα ἐξίλασμοῦ* *dies propitiationum* Levi. 1. 27. Cùm ergo Christus dicitur *ἱλασμός* pro peccatis nostris, hoc ipso innuitur eum morte sua fecisse quicquid necessarium erat ad expianda peccata nostra & iram Numinis placandam quod nihil aliud est quàm ipsissima quam quærimus Satisfactio. Eodem pertinet quod Paulus dicit Ro. III. 25. Christum factum esse *ἱλαστήριον* per fidem in sanguine suo; quod potest vel masculinè intelligi ut notet *propitiatorem* & *reconciliatorem* ut Erasmus interpretatur id. eum qui munus & vim habet Deum placandi peccatoribus suo sanguine, vel *neutraliter* quo sensu alibi *ἱλασμός* & *λύτρον* dicitur illud cui inest virtus & efficacia Deum placandi & peccata expiandi. Sic respexerit Apost. tum ad sacrificia *ἱλαστικὰ* V. T. quo sensu verè fuit *κερὶς ὁ ἱλασμοῦ* *aries expiatorius* Agnus scilicet Dei tollens peccata mundi Jo. 1. 29. tum ad ipsum Arcæ operculum quod Hebr. *תּוֹבָן* LXX. per *ἱλαστήριον* *θυσιαστήριον*, Paulus simpliciter per *ἱλαστήριον* reddit Heb. IX. 5. Cùm autem variis de causis Tegmen illud Arcæ hoc nomine veniret non modò quòd tegeret Arcam fœderis & Tabulas Legis in ea reconditas ad significandam remissionem & propitiationem peccatorum admissorum in Dei Legem, sed etiam quia Deus ibi se placari & propitiari pateretur suo populo & peccatis illius resperione sanguinis victimarum quæ ibi fieri solebat ad hoc operculum Lev. XVI. 14. & quod consequenter se propitium & placatum ac velut throno gratiæ insidentem suo populo exhiberet; non mirum si Apostolus nomen figuræ & umbræ corpori reddendo Christum *ἱλαστήριον* dixit: Is enim est propriè qui Legis accusationem & peccatorum nostrorum reatum justitiâ suâ perfectissimâ tegendo, seque inter Legis fulmina & Dei Judicis majestatem medium sistendo propitium nobis & favorabile Numen reddidit, atque ita misericordiam supra judicium, Evangelium supra Legem extulit; quemadmodum operculum illud tabulas Legis tegebat & medium erat inter Legem quæ in Arca erat reposita & Dei Majestatem quæ in medio Cherubinorum se patefaciebat. Rursus is est qui asperusione sanguinis sui qui ideo sanguis *ἱαντισμοῦ* dicitur Heb. XII. factâ plenam nobis expiationem apud Deum obtinuit; Is denique in quo thronum gratiæ ad quem accedere jubemur Heb. IV. 16. & in quo se

nobis placatum & propitium exhibet, erigit Deus 2. Cor. v. 19. Quia verò illud omne non aliter fieri potuit quàm plenariâ Legis impletione & pœnarum ab ea denunciatarum perfeptione, ideo *ἱλασμενόν* dicitur in sanguine; Atque hinc validissimum pro Veritate Satisfactionis colligitur argumentum, Is enim qui pro nobis id apud Deum operatur ut qui prius iratus fuit iram deponat & nobis placetur & reconcilietur, Servator est merito & non exemplo tantum, nam qui nos solo exemplo servat non opus est ut aliquid efficiat apud Deum, sed tantum ut operam suam impendat & occupet circa homines, Exemplum enim ad homines pertinet non ad Deum; At Christus id efficit apud Patrem morte sua ut irâ depositâ nobis reconcilietur, nec amplius nos ut filios iræ quales eramus naturâ, sed ut dilectos filios respiciat & amplectatur E. Servator est non exemplo tantum; sed & merito & efficacîâ.

XLVII. Hic verò responsant Adversarii 1. *Reconciliationem* hanc non fieri per irâ divinâ à nobis aversionem sed per nostram ad Deum conversionem, quia nunquam legitur in Scriptura Deum nobis reconciliari vel Christum nobis Deum reconciliasse, sed tantum nos esse Deo per Christum reconciliatos, ut innuatur scilicet non Deum sed nos inimico animo fuisse, non illum placari, sed nos inimicitias nostras deponere debuisse. 2. quod ex eo fortius adhuc probari contendunt quòd non tantum Christus dicatur nos Deo reconciliasse, sed Deus ipse nos per Christum reconciliasse 2. Cor. v. 19. At si Deus nos reconciliavit, utique non iratus, sed placatus jam & propitius fuit, neque de eo dubitari potest cum nos dilexisse dicatur cum inimici essemus Rom. v. 8. & ex illa dilectione Christum misisse 1. Jo. iv. 10. quî verò insensus & iratus dici poterit qui tam benevolo & propenso fuit erga nos affectu? 3. Deus dicitur nos reconciliasse *non imputans peccata* E. non per satisfactionem sed per gratuitam & liberrimam condonationem. 4. Eo modo reconciliatio est intelligenda quo modo Apostoli ejus præcones fuerunt, sed ministri erant reconciliationis nostræ cum Deo non Dei nobiscum, nihil aliud enim postulant quàm ut reconciliemur Deo, ibid. 2. Cor. v. 20. 5. pertendunt Paulum Ep. II. 16. & Col. I. 20. agere de reconciliatione non Dei cum hominibus, sed vel hominum inter se, Judæorum scilicet & gentium, vel cum Angelis qui nobis propter peccatum infensi erant; hos enim per ea quæ sunt in calis intelligendos esse non diffiteri multos è nostris. 6. quod ad vocem *ἱλασμενόν* attinet, addunt Christum dici *ἱλασμενόν* non quatenus moritur pro nobis, de morte enim Johannem nullam facere mentionem, sed quatenus nunc apud Patrem degens Advocatus noster est & causam nostram suscipit, patrocínio suo nos fovendo & carâ singulari efficiendo ne iram divinam experiamur aut pœnas quas meriti sumus luamus quòd pertinet illud Heb. II. 17. & VII. 24. 25. ubi fidelis dicitur pontifex ad expiandum peccata populi propter id ipsum. 7. *ἱλασκεσθαι* nihil aliud esse quàm propitium alicui fieri & illi ignoscere, atque ita respondere verbo Heb. *חָנַן* ut *חָנַן* redditur per *ἱλασμενόν* Ps. cxxx. 4. sed non importare propterea satisfactionem, ex eo facile colligi quod Arcæ operculum

propitiatorium vocetur, in quo tamen nullum satisfactionis deprehenditur vestigium; quandoquidem ita vocatur non quod Deum iratum populo placaret, sed quod in eo loco responsa populo dabat Deus, & suam erga illum benevolentiam declarabat Exo. xxv. 22. & Num. 7. 9. Denique etsi Christus diceretur Deum nobis placasse non bene inde satisfactionem elici, cum ad aliquem placandum satisfactio non sit semper necessaria, fieri enim posse ut quis vel precibus vel persuasionibus ita permulceatur, ut de suo jure penitus concedat, & porro nulla satisfactione indigeat sic *Volkei*. ratioecinatur li. v. c. 22. *Schiltingi*. contra *Meisner*. de *Justifica. Soci. de Servato*. p. 2. & ali.

XLVIII. Verum hæc inania sunt hominum otio & ingenio suo abutentium figmenta ad crucem Christi evacuandam & summam erga nos Dei charitatem elevandam. *ἡμεῖς τε καὶ οὗτοι* eorum est Deum inimicum nobis atque infensum propter peccata dici non posse ideoque satisfactione quâ reconciliaretur ipse, neutiquam opus habuisse. At in superioribus jam pluribus argumentis assertum ivimus essentialem Dei justitiam, quâ semel positâ sequitur necessariò pœnam peccato ex ea deberi, nec ullam posse Dei cum hominibus amicitiam iniri nisi illi semel satisfactum sit; falsissimum E. est quod pertendunt Reconciliationem hanc notare tantum nostram ad Deum conversionem & inimicitiarum à parte nostri depositionem, non verò ipsam iræ Dei aversionem & mitigationem: Nam cum alienatio mutua fuerit & Scriptura inimicitiam hanc & odium statuatur non modò à parte hominum Rom. v. 10. Col. 1. 21. sed & à parte Dei quippe ira ipsius revelatur è celo adversus omnem impietatem &c. Rom. 1. 18. & nos naturâ sumus filii iræ & maledictioni obnoxii. Eph. 11. 3. Gal. 111. 10. utique reconciliatio utrinque præstari debuit, & à parte nostri per conversionem & à parte Dei per iræ aversionem, hoc enim relatorum natura postulat, alias statuendum esset Deum non averfari nec odio habere peccata quod vel cogitare impium. 2. si reconciliatio ista conversionem hominum tantum notaret, non ipsius iræ aversionem, multò rectius vitæ Christi gloriosæ quàm morti ferretur accepta, at constanter morti tribuitur. 3. Scriptura commendat in nostri reconciliatione summum Dei erga nos amorem Rom. v. at quis crediderit ex eo intensissimam Dei charitatem colligi quòd nos ab odio Dei discefferimus? 4. Apostolo Rom. v. reconciliatio nihil aliud est quàm Justificatio ut constat ex coll. v. 9. & 10. ubi tanquam æquipollentia ponit *Justificari in sanguine*, & *reconciliari per mortem*, neque ulla ratio dari potest cur hic Paulus de Sanctificatione loqueretur, de qua verbum hæcenus nullum expressè fecit, sed est tantum locuturus cap. vi. ubi secundum hoc beneficium à Christo fluens est explanaturus. 5. 2. Cor. v. apertè distinguitur duplex reconciliatio, alia quam Deus per Christum fecit: vers. 18. 19. alia ad quam Apostoli nos hortantur v. 20. Ista conversionem revera infert quæ per fidem fit & pœnitentiam; at illa non imputatione peccatorum describitur, quæ quantum inter se discrepent nemo non videt. 6. si reconciliatio nihil aliud est quàm conversio, ratio nulla dari

potest idonea cur sanctificatio constituatur ab Apost. finis hujus reconciliationis, nihil enim sui ipsius potest esse simul medium & finis, quod fit tamen ab eo Coloss. 1. 22.

XLIX. Neque obstat quod Scriptura potius *nos Deo* reconciliari dicat quàm *Deum nobis*, hoc enim fit ex usitato loquendi modo quo is qui offendit ideo reconciliari dicitur quia sicut causam odio dedit, ita ipsi reconciliatione opus est & illius quem offendit placatione; cum suâ culpâ fœdus fregerit & primus abcesserit, redeat necessum est & agnoscat culpam, alter verò reconciliatione alia opus non habet, nisi ut ignoscat atque justam deponat iram & odium; cum E. nos Deum offenderimus non ille nos, non sine causa Scriptura nos Deo reconciliari potius quàm Deum nobis dicit, sic qui recordatur fratrem habere aliquid adversum se debet ex præscripto Domini illi reconciliari Matt. v. 24. quia fratrem scilicet offendit, sic uxor quæ maritum deseruit reconciliari viro jubetur 1. Cor. vii. 11. Verùm quamvis reconciliatio ut plurimum offendentem tribuatur, non excluditur tamen imò includitur offensus, unde apud *Sophocl.* in Ajace *καταλλάσσειται θεοῖς* Diis conciliari idem est quod iram Deorum effugere eosque propitios reddere; Tecmessâ inducitur narrans Ajacem profectum esse *ὡς καταλλάχθην θεοῖς χολῆς* ut reconcilietur Diis ob iram: Itaque si nos Deo reconciliandi fuimus & ipse nobis quoque, Nos per satisfactionem aut propriam aut vicariam, Ille verò per benevolentiam & gratiam restitutionem & contestationem; unde Syrus interpretes Ro. v. 10. passivè illud de Deo interpretatur *אתרץ עפ' אלהי בנותח בנרה* *Reconciliatus est Deus nobiscum* seu benevolus factus *per mortem Filii sui*.

L. Instant tamen secundò & Reconciliationem non posse iræ divinæ aversionem notare pertendunt, eo quòd ipse Deus dicatur reconciliationem illam per Christum procurasse & quidem ex dilectione summa; sed ne sic quidem obtinere poterunt unquam Deum jam ante mortem Christi placatum fuisse vel reconciliatum, sed tantum misericordem & placandum; necesse quidem fuit Deum misericordiâ erga nos commotum fuisse, & animo benevolo affectum ut salutem conferre vellet, at placatus dici nequit nisi sublata inimicitiam & alienationis causa, ideoque si iram deponere voluit & non punire, hoc non nisi sub conditione placaminis futuri per Christum quod Justitia exigebat, Intendit. At quo pacto dilexisse dicetur si iratus fuit ac reconciliatione opus habuit? Resp. nihil obstat Iram & Dilectionem circa idem objectum occupari sed *καὶ ἄλλο καὶ ἄλλο*: Irasci potuit ut Justus Judex, & idem diligere ut Misericors Pater; Irasci nobis quâ peccatoribus & diligere quâ Creaturas sic Beda in 5. ad Ro. *Deus miro modo quando nos oderat, diligebat, odit in unoquoque nostrum quod feceramus, amavit quod fecerat*; & ut loquuntur Scholastici dilexit humanum genus quantum ad naturam quam ipse fecit, odit quantum ad culpam quam homines contraxerunt: Amor E. Dei erga naturam à se conditam illum movebat ad procurandam hanc reconciliationem, odium Dei erga peccatum à se prohibitum à nobis commissum

sum nos indignos reconciliatione constituebat, unde rectè Thomas 3. q. 49. Arti. 4. *Non dicimur reconciliati quasi Deus de novo amare intiperet; nam eterno amore nos dilexit, sed quia per hanc reconciliationem sublata est omnis odii causa tum per ablutionem peccati tum per recompensationem acceptabilioris boni.* Nobis quidem id durum ac difficile videtur ut qui odit idem & diligit, quia cùm affectus aliquis nos habet totos occupat, si ira accensa sit in aliquem, nullus tum in nobis gratiæ locus, si gratia, etiam injustissima sæpe numero indulgentia; sed si præcidamus perturbationes & justitiæ habitu induamur facilè hæc inter se componeamus: Pater offensus filii petulantia, diligit eum ut filium, irascitur tamen ei ut petulanti, sic Judici licebit irasci & ad pœnam excitari & nihilominus charitate affici ad ignoscendum si modò extet qui fidejubeat, quidni E. Deus qui justissimus est & optimus potuerit & pœnam postulare ex Justitia, & ex misericordia satisfactionem nobis procurare?

L I. 2. Distinguendus Amor Dei, alius enim est *benevolentia* & antecedens qui fertur in objectum constituendum, alius *complacentia* & consequens qui fertur in objectum jam constitutum, prior est quo Deus bene vult nobis & media constituit & ordinat ad id ut nobis reipsa benefacere possit, posterior quo nos filios jam factos prosequitur, & nobis ad imaginem suam renovatis impensè delectatur; Hic sanè non potest cum ira Judicis & animo planè infenso consistere, nam quem ita diligit ut in eo sibi placeat illi iratus esse nequit, sed placatus esse supponitur; at de illo aliter se res habet, nihil enim obstat offensum amare offendentem eatenus ut illi bene velit & media ad reconciliationem subministrare dignetur qui tamen eo ipso reconciliatus non potest dici; Exemplum hujus rei luculentum extat apud Job. cap. XLII. 7. 8. Dixit Jehova Eliphazo Themanitæ *Accensa est ira mea in te & duos amicos tuos quia non estis loquuti rectè ut servus meus Job;* viden' Deum iratum, nec tamen prorsus sine aliqua dilectione, nam ecce statim benevolentia argumentum, *Sumite nunc vobis septem juvencos & septem arietes & adite servum meum Jobum ut offerendum curetis holocaustum pro vobis nam verè personam ejus accipiam:* amat E. cùm media redeundi fecum in gratiam suppeditat, nec dum tamen est placatus, aliàs quid opus fuisset sacrificiis ad reconciliationem obtinendam? Ita si Deus nos dilexisse diceretur amore complacentia ante Christum, utique nulla opus fuisset vel reconciliatione vel satisfactione, at quum dilectio ea fuerit tantùm benevolentia quàm media reconciliationis ipse procuravit, perperam ex eo satisfactionis veritas evertitur, quo solidissimè ipsa stabilitur.

L II. Atque hinc facilè etiam solvitur quod 3. loco adducebatur nimirum reconciliationem satisfactionem excludere cùm per *non imputationem peccatorum* describatur, tantùm abest enim ut ex eo satisfactio evertatur ut disertè potius supponatur; Quippe nunquam nobis remitti aut non imputari potuissent peccata nisi Christo imputata fuissent; propterea Paulus statim vers. 21. modum reconciliationis istius per Christum factæ explicans addit elegantissimam satis-

factionis Christi descriptionem, nam fecit eum qui non noverat peccatum, peccatum pro nobis ut essemus *Justitia Dei in ipso*. Nec dicendum est remissionem peccati non posse consistere cum satisfactione; hæc enim non esse *ἀνίστα* sed subordinata jam antea evicimus, cum remissio fiat pro nobis & satisfactio exigatur à Christo, & ideo satisfactio exigatur à Christo ut nobis remissio possit indulgeri, unde Paulus hæc duo connectit Rom. III. 25. Redemptionem per Christum in ejus sanguine, & Justificationem gratuitam: Remissio excludit solutionem ejus cui fit remissio, sed non omnem simpliciter, excludit propriam non alienam, hominum non Christi.

LIII. Ad 4. peccatur fals. hypoth. quasi una tantum & simplex in eo loco occurreret reconciliatio, cum modò dixerimus duas distinctè notari ejus partes aliam à parte Dei, aliam à parte hominum, nam & ille debuit placari & ex infenso amicus reddi, & nos beneficium oblatum amplecti, & rursus ad ipsum redire à quo fueramus alienati, primam Deus per Christum operatur: alteram instituit ministerio Apostolorum qui nos Christi nomine hortantur ut reconciliemur Deo: Illa ab æterno decreta & in Christo semel facta per sermonem annunciat, hæc verò per sermonem ipsum procuratur. 2. Distinguenda est *reconciliationis acquisitio* ab *ejusdem applicatione*, illa sanguine Christi peragitur, ista verbo ejusdem & spiritu, illa per Christum solum, hæc per Apostolos & alios Ministros promovetur, unde ministerium reconciliationis illis traditum dicitur, nec potest sine blasphemia dici, Christum non alia ratione circa hanc reconciliationem versatum esse quàm Apostolos, quod foret tamen si quod volunt hæretici nihil aliud faceret quàm viam ostendere quemadmodum nos ad Deum converti atque ad eum modum illi reconciliari oporteat, Id ipsum enim fecerunt & Apostoli faciunt & Evangelii ministri. Itaque dicantur sanè Apostoli & Ministri reconciliare *oblative*, *applicative*, & *ministerialiter*: at solus Christus reconciliat *meritorie*, *principaliter* & *satisfactorie*.

LIV. Ad 5. fatemur Ap. ad Eph. II. 15. 16. agere de Judæorum & Gentium inter se reconciliatione, sed negamus de ea agere exclusivè ad reconciliationem hominum cum Deo: imò necessariò eam includere pertendimus: tum ex ipsius naturâ rei, nam amici esse non potuerunt inter se Judæi & Gentes nisi per amicitiam cum Deo, quippe duo diversa quæ junguntur ita junguntur inter se ut prius ac potius jungantur ipsi vinculo, nec enim junguntur inter se nisi per & propter vinculum: tum quia expressè illius meminit vers. 16. *ἵνα δοκῇ καταλλάξαι τὸς ἀμφοτέρους ἐν ἐνὶ σώματι τῷ θεῷ* si ergo Deo debent reconciliari, non utique tantum inter se: Nam quod hæreticus vult postremum illud vocabulum *finaliter* esse intelligendum id. ut reconciliaret ipsos inter se ut Deo serviant, non modò durum est & coactum, sed & verborum *ἀλλήλων* manifestè repugnat, illud ipsum siquidem jamjam posuerat vers. 14. 15. cum dixit *utraq; unum fecisse ut ex duobus illis conderet in semet ipsum unum novum hominem faciens pacem*. quid ergo opus fuit idem absque necessitate hic

repetere? Itaque omnino statuendum est Paulum postquam vers. 15. de Judæorum & Gentium inter se reconciliatione verba fecit, jam vers. 16. de utroque cum Deo reconciliatione quæ prioris illius & fundamentum est & finis agere, nam ut nulla solida est amicitia nisi in Deo fundata, sic frustra fuisset omnis illa hominum inter se conciliatio nisi reconciliationem cum Deo secum traheret: Ideo dicit Christum solvisse septum intergerini parietis & inimicitias abolevisse ut *conderet ex duobus unum novum hominem* &c. & utrosque in uno corpore reconciliaret Deo per crucem; In eum siquidem finem utrique sibi invicem uniendi erant in unum corpus mysticum ut possent ambo velut in unum corpus compacti Deo per Christi crucem reconciliari; Ita eximiè Paulus more suo ordinem & modum istius reconciliationis utriusque notat. Primò enim docet quomodo Christus se ipsum Deo in hostiam vivam & sanctam offerendo sacrificiis omnibus Mosaicis finem imposuit, umbrasque præcedentes in corpore typos in veritate terminavit, quod ipse sub ipsum mortis articulum tum voce tum facto testatus est, cum & *Consummatum esse* dixit & vi suâ divinâ Templi aulæum à summo ad imum discerpsit; Deinde sublato illo pariete mediano qui Judæos à Gentibus determinabat utrosque velut in unum gregem & in unum corpus in se ipso conjunxit atque compegit; Denique sic in ipso conjunctos Deo Patri reconciliavit; Idque ut proximè subjicit *per crucem suam* id. per sacrificium illud *ἱλαστικὸν* in cruce oblatum, unam nempe victimam pro omnibus offerendo, uno omnes pretio mortis scilicet suæ merito redimendo; Quamvis enim hæc Redemptio & Reconciliatio non simul omnibus eodem momento communicata fuerit atque collata, quemadmodum nec omnes simul electi in mundo vivebant; hæc omnia tamen simul uno eodemque actu temporisque momento in eorum gratiam à Christo præstita & peracta fuerunt. Nec omittendum quod addit ad majorem modi istius declarationem hoc factum esse *peremptis in ea* scilicet cruce *inimicitias* id. peccatis nostris per sanguinem suum expiatis quæ inimicitias illas inter Deum & homines pepererant, de iis quippe loqui Ap. res ipsa & verborum series docet, quemadmodum enim vers. 15. modum ostendit quo pax inter Judæos gentesque conciliata fuerat remoto scilicet impedimento septoque rituum legalium hos ab illis dirimente quod Ap. vocat *ἐχθρὰν* ita hîc modus declaratur quo per unicum illud Christi sacrificium pax inter Deum & homines conciliata sit, scil. expiatis illo sacrificio abolitisque prorsus omnium Electorum peccatis quæ flebilis illius divortii & inimiciarum causa extiterunt. Ex quibus patet perperam Adversarium à positione unius reconciliationis ad negationem alterius argumentari, cum inseparabiles sint & ab Apostolo hîc connectantur.

L V. Sed non feliciùs rem exequitur ex alterius loci paralleli ad Col. 1. 20. consideratione, quem de reconciliatione hominum cum Angelis aliisque Creaturis non verò cum Deo agere pertendit etiam ex nostrorum sententia. Certum equidem hîc in varia abire Interpretes: Quosdam ad reconciliatio-

nem cum Angelis hæc verba referre, alios divinam etiam complecti. Sed ut nihil dicamus de iis qui eam interpretantur de reconciliatione creaturarum omnium tum rationalium tum ratione destitutarum cum Deo, ita ut hîc non homines tantum sed & Angelos imò & totum mundum reconciliasse dicatur Deo Christus, homines quidem *proprie* tollendo illorum peccata & Dei iram ortam ex peccato, Angelos *analogice* tollendo possibilitatem labendi & incurrendi iram divinam; Universi hujus machinam *metaphorice* liberando eam à servitute corruptionis & restituendo nativæ suæ integritati & pulchritudini Ro. VIII. 20. 21. (quæ tamen sententia, ut obiter illud dicamus, neque Scripturæ phrasi neque huic loco videtur satis accommodari posse, nam cum reconciliatio & pacificatio necessariò connotent offensionem & inimicitiam antecedentem, Angeli autem beati nihil quicquam tale unquam admiserint, cæteræ verò Creaturæ inanimæ & brutæ hujus non sint subiectum *δεκλῶν* vix est nisi admodum *καταχρηστικῶς* ut reconciliari dicantur: præterquam quòd Scriptura Christum semper quidem hominum, nunquam verò Angelorum Mediatorem statuit, 1. Tim. II. 5. Heb. II. 16.) ut nihil, inquam, nunc quidem ulterius de hac Virorum Doctorum sententia dicamus: Quis nescit non paucos etiam & non ignobiles Interpretes ad reconciliationem hominum cum Deo hæc verba referre? Ita ut *per ea quæ sunt in cælis* intelligantur fideles jam demortui & in cælis collecti Heb. XII. 23. *per ea verò quæ sunt in terris* fideles cæteri qui vel credebant jam & erant in vivis vel in posterum credituri erant? utrique siquidem reconciliati sunt Deo per Christum Jo. XIV. 6. Neque hæc sententia suis caret rationibus gravissimis non modo quòd frequentissimè in Scriptura hæc syncategoremata *τοῖς πάντι* vel *πάντες* restringantur ad universam Ecclesiam à Christo redemptam quæ completitur omnes & singulos fideles tam V. quàm N. T. tam Judæos quàm Gentes ut 2. Cor. V. 18. Gal. III. 22. Ro. XI. 32. &c. oppositè scil. ad œconomiam V. T. in qua salus erat tantum Judæorum Jo. IV. 22. Verum etiam ex eo quod addit statim *ut reconciliaret omnia eis autem* id. *ἐαυτῷ* ut Syrus habet *ܐܝܬܐ*, neque novum est præpositionem *In* cum accusativo poni vice dativi cum apud Hebræos frequentissima sit *אֶל* & *ל* permutatio: Nam si hoc vellet ista phrasis quod vult Adversarius *In unum* scribendum fuerat *eis τὸ αὐτὸ* vel *eis αὐτὸ* non verò *eis αὐτὸν* vel *eis αὐτὸν* quod ad certam personam necessariò refertur. Verum obtineat sane hæc ipsa quam urget hæreticus sententia de Reconciliatione hominum cum Angelis quam non nescimus Viris Doctissimis post Chrysostr. Theodoretum & Photium placuisse, & quam non diffitemur rationibus suis niti, cum non aliæ res cœlestes intelligendæ videantur quàm quas commemoraverat vers. 16. & quas sigillatim describit per Thronos, Principatus &c. quibus ut est in confesso Angelos innuit, An quicquam præsidii habiturus est ad causam suam tuendam? Nequaquam; nam Reconciliatio hominum cum Angelis necessariò supponit & infert reconciliationem cum Deo, quemadmodum subditi rebelles qui perduellionis crimine bonorum civium in se odia accersiverant non possunt ipsis reconciliari

ciliari nisi prius cum Principe in gratiam redierint: Ita nunquam homines cum Angelis fuissent reconciliati, nisi posita hominum cum Deo per Christum reconciliatione; Itaque prior hæc tanquam basis & causa posterioris semper subterni debet & conjungi, ut sanè Apost. non tantum vers. 22. de ea peculiariter loquitur speciatim applicans Colossensibus quod universim dixerat vers. 20. sed & in hoc ipso versu non obscure eam innuit his verbis *εἰρηνωπήσας ἡμᾶς* & *αἰματός* & *παυρὸς αὐτοῦ* ut significet nimirum Christum non alia ratione infelix illud sustulisse diffidium inter nos & Angelos quàm composito eo quod nobis cum Deo intercedebat funestissimo bello & pace per sanguinem partâ, nam ex quo semel Deus infensus esse desuit & noster factus est ex eo etiam sequitur necessariò nihil adversus nos quicquam posse imò omnia nostra esse 1. Cor. III. 22. & Angelos peculiariter qui jam sunt *πνέματι λειτουργικὰ* ad nostram salutem Heb. I. 14. nos amare & commodis nostris inservire Luc. II. 9. 10. & xv. 10.

LVI. Ad 6. Resp. impudentem esse loci istius corruptelam quasi *ἱλασμός* Christi nihil aliud esset quam ejusdem *Advocatio vel Intercessio* de qua dixerat vers. 1. cùm tamen manifestè ab ea distinguatur, Et sanè longè lateque differunt, *ἱλασμός* factus est in terris *ἐμφανισμός* in cœlis, *ἱλασμόν* moriens absolvit Rom. III. 24. at *ἐμφανισμόν* vivens continuò exequitur Heb. VII. 25. illo meritis est semel salutis beneficium, hoc verò idem conservat semper & applicat, Et verò non alia de causa Apostolus intercessioni addit placationem nisi quia ea nititur tanquam fundamento suo, nec enim intercedere posset nisi virtute sanguinis semel in cruce effusi ut Pontifex sub V. T. sanguinem victimæ secum deferre debuit in Sacrarium intercessurus pro populo; neque contrarium evincitur vel ex Heb. VII. 24. nam agitur ibi quidem de interpellatione Christi apud Deum cujus effectus dicitur perfecta salvatio accedentium per ipsum ad Deum, sed non exclusâ satisfactione aut sacrificii oblatione imò ea supponitur manifestè vers. 27. ut ita duos hosce actus sacerdotales minimè à se invicem divellendos Christo tribuat quod & alibi fecit Heb. ix. 12. 14. Vel ex Heb. II. 17. dicitur enim *fidelis Pontifex* non tantum eo quòd promissum servet inviolatum, sed potissimum quòd munus suum mediatorium exequatur fideliter pro misericordiâ quâ erga nos commotus est.

LVII. Denique ad 7. dicimus gratis supponere Advers. quod est in quæstione, Verbum *ἱλάσκεισθαι* nihil aliud importare quàm meram veniæ & gratiæ indulgentiam à parte offensi ut *ἡ* apud Heb. *ignoscere* est; Jam enim & ex vi vocis & ex rei natura docuimus utrumque connectendum esse, quando propitius Deus esse nequit ut condonet nisi Justitiæ prius satisfactum fuerit. Deinde cùm non tantum Deus dicatur *ἐξῆλᾶσκεισθαι* sed Christus ipse *ἱλασμός* noster & quidem *in sanguine*, sanè iste *ἱλασμός* pro actu ipso remittendi qui à Deo est sumi non potest, sed pro causa meritoria qua remissio illa à Numine placato obtinetur; non tam *activè* & efficienter quod peccata tollat & remittat, quàm *objectivè* & *meritorie* quia procurat merito sanguinis ut remittantur. Accedit quod

Christus dicatur ista peragere, tanquam Pontifex apud Deum πρὸς ἀρχιερεὺς τοῦ θεοῦ τὸν θεὸν εἰς τὸ ἱλασθῆναι τοὺς ἁμαρτίας & λαῶν. Heb. II. 17. quod aliud est ab eo quod inde sequitur apud homines & populum remittere illis peccata. Frustra verò hîc typum Propitiatorii veteris nobis reponit quasi Christus non alia de causa titulo hoc insigniretur quàm quia Deus in ipso se nobis placatum ostendit, & quicquid nos scire voluit per ipsum patefecit. Nam præterquam quod non omnes consentiunt Paulum Ro. III. 26. respexisse ad Arcæ operculum, sed volunt potius ad sacrificia ἱλαστικὰ V.T. attulisse, vel ἱλαστήριον Propitiatorem Christum dixisse in masculi. genere non Propitiatorium neutro. Accedit quod ne sic quidem obtinere quicquam possunt; Quippe inter Typum & Antitypum occurrere quidem debet ὁμοιώτης sed non statim ταυτότης vel ἰσότης, similitudo, sed non paritas. Itaque etsi operculum Arcæ dictum fuisset Propitiatorium tantum declarativè; non sequitur Christum non posse ita appellari efficaciter & meritorie, quia illud fuit tantum typicè & symbolicè; At Christus verè & realiter, Ideoque non dicitur tantum ἱλαστήριον, sed ἐν αὐτῷ ἁμαλὶ in suo sanguine scilicet sub ratione victimæ quæ ad propitiationem procurandam offertur; Et verò cum Typi omnes V.T. inadæquati fuerint non mirum videri debet si singuli seorsim mysterium aliquod plenè & integrè exhibere non potuerint, quod in omnibus simul sumptis demum repræsentatur; Operculum ergo fuerit sanè Propitiationis typus aliquis, at idem etiam fuit sanguis victimæ qui à summo Pontifice inferebatur in Sacrarium, & ad operculum respergebatur, cuius vi & efficacia obtinebatur benedictio illa Dei & εὐδοκίας testificatio quæ è medio Cherubinorum dabatur populo: Sicut suo sensu ἱλαστήριον V.T. Deum iratum Israëlitis placabat nempe typicè per illam sanguinis aspercionem, Christus id verè & realiter præstitit suo sanguine in quo & per quem & nostrum ἱλαστήριον, & noster ἱλαστήριον & noster ἱλασμός plenissimus est apud Deum; Ita non tantum declarativè quàm Propheta in quo & per quem bona verba loquitur Deus, sed & meritorie quàm sacerdos & victima quæ iram numinis placat, nomen hoc obtinuit; Quod & ex eo confirmatur evidenter, non modo quia dicitur ἱλαστήριον in sanguine quod jam observavimus, sed etiam πρὸς ἐνδειξιν τῆς δικαιοσύνης αὐτοῦ vers. 26. hoc enim & falsum foret & frustra diceretur nisi iustitiæ divinæ pro nostris peccatis satisfactum fuisset Christi sanguine; Nam quod Volkelius id ideo asseri ab Apostolo pertendit quod tunc verissime Deus se nobis placatum præbuit cum filium suum unigenitum salutis nostræ constituendæ causa in truculentissimam mortem tradidit, & ab omni ratione alienum est & vi vocis repugnat. Nam si antecedenter ad Christi mortem Deus nobis placatus fuisset quid opus fuisset Patrem proprio filio non parcere Rom. VIII. 32. eumque subicere Legis maledictioni Gal. III. 13. & filium animam suam ponere in sacrificium pro peccato, Is. LIII. 10. & sanguinem effundere in remissionem peccatorum Matt. XXVI. 28. quæ manifestè docent sanguinem Christi non ut effectum vel signum placati numinis, sed ut causam proponi? quod & ipsa vox ἱλαστήριον confirmat, nam ut σωτήριον dicitur non quod salutem datam

indicat, sed quod ipsam salutem efficit & procurat, καθαρτήριον, non quod purgationem declarat, sed quod eam operatur: Ita ἱλαστήριον absolute notat id cuius efficacia non indicatur tantum, sed conficitur ipsa propitiatio.

L VIII. Denique ad 8. Resp. Aliam esse placationem hominum, Aliam Dei, Illa potest quandoque fieri precibus cum iis homines se patiuntur demulceri, sed hæc nequaquam, quia Iustitiæ ipsius naturali repugnat peccatum planè impunitum dimittere, Ro. 1. 32. nec potest magis de hoc jure suo æterno & immutabili remittere quàm se ipsum abnegare, vel dominium suum in Creaturas exercere; Ita placatio hæc non fuit merè deprecatoria, sed etiam satisfactoria, ut quæ non facta sit precibus & persuasionibus, sed reali pretio sanguinis intercedente 1. Pet. 1. 18. 19. 1. Cor. 21. 20. nec Christus diceretur factus pro nobis ἱλασμός nisi quatenus se ipsum dedit pro nobis ἀντίλυτρον, & per se ipsum purgationem peccatorum fecit Heb. 1. 3.

L IX. Ex hisce omnibus autem ita disputatis clarum jam evadit, quod quærebamus, nimirum Christum verè pro nobis satisfecisse; Nam cum Mediationis inter Deum & nos munere functus sit, & hac sua mediatione nos redemerit, se ipsum pro nobis in ἀντίλυτρον dando, & hoc redemptionis pretium dando, nos Deo reconciliaverit odii & alienationis causas utrinque removendo, utique veram & plenissimam eum pro nobis satisfactionem Deo exhibuisse necessum est, quod demonstrandum fuit: Cæterum non ea tantum huic saluberrimo mysterio comprobando Argumenta sufficit nobis Scriptura, alia sunt plura quæ ne prolixiores simus alias ἐὰν ὁ Κύριος θελήσῃ καὶ ζήσωμεν sumus expensuri. Jam enim tempus est ut manum de tabula ponamus. Tibi verò Domine Jesu, Potentissime Redemptor & Sospiator noster, qui nos dilexisti, & à peccatis omnibus nostris precioso sanguine tuo lavisti, sicut & Patri & Spiritui S. sanctissimæ & gloriosissimæ Trinitati sit honos, laus & gloria in secula seculorum. Amen.

EPIMETRA MISCELLANEA.

I. Scriptura sacra ita est per se ἀυτόπιστος ut nullatenus vel quoad se, vel quoad nos Authoritatem suam ab Ecclesia mutuetur.

II. Libero Arbitrio nunquam homo destituitur in quocunque demum versetur statu, rectè tamen aseritur nullum esse liberum Arbitrium in statu peccati.

III. Quamvis Providentia divinæ subsint Creaturarum peccata, tamen citra blasphemiam Deus author vel causa peccati dici nequit.

IV. Nulla datur mors naturalis.

V. In Justificationis negotio rectè distinguitur Imputatio Justitiæ à peccatorum remissione, ut causa ab effectu.

VI. Secessio nostra ab Ecclesia Romana iustissima fuit & summè necessaria.

DISPUTATIO QUARTA

Quæ Secunda est

D E

SATISFACTIONIS
CHRISTI VERITATE.Respondente JOHANNE DE TOURNES *Genevensi.*

T H E S I S P R I M A.



TRES hæcenus præcipuas Argumentorum *Clases* produximus & vindicavimus quibus *Satisfactionis veritas* demonstrari potest, ab *Officio* scilicet *Mediatorio*, geminoque ejus effectu *Redemptione* & *Reconciliatione*; *Quarta* jam succedit ea loca complectens quæ passionum mortisque causas ita recensent ut vel expressè vel per necessariam consequentiam eandem doctrinam secum trahant; Quia vero & numero sunt quamplurima, & pondere ac momento gravissima ut facilius singulorum vis & robur expendi queat, ea in tres ordines tribuimus. In primo ea excutiemus loca quæ *substitutionem personæ* inferunt, in altero quæ *commutationem debiti* notant, in tertio denique quæ & *personæ subrogationem*, & *debiti compensationem* clarissimè evincunt.

II. Et ad prius illud quod attinet non obscurè colligitur ex constanti Scripturæ sententiâ quæ Christum *ὡς ἄνθρωπον* mortuum esse non semel asserit sic Rom. VIII. 32. *Deus proprio filio non pepercit sed pro nobis omnibus illum tradidit* Rom. v. 6. 8. *pro nobis impiis & peccatoribus mortuus est* & I. Pet. III. 18. *Christus semel pro peccatis passus est Justus pro injustis*, Heb. II. 9. *pro omnibus mortem gustavit* Matth. xx. 28. *Filius hominis venit ut ministraret & ut daret animam suam in redemptionis pretium pro multis*. Hæc enim & alia innumera loca similia vel sensum frigidum & incommodum fundunt vel subrogationem importare debent necessario, ita ut non *bono & commodo* tantum nostro, sed & *vice ac loco* nostro Christus dirissimam illam mortem subierit.

III. Quanquam enim non diffitemur, varium ac multiplicem esse usum præpositionis *ὡς* apud Græcos & *pro* apud Latinos, eamque non rarò fructum atque utilitatem tantum rei aut personæ quæ connotatur designare, quomodo Paulus ait Col. I. 24. *se reliquias afflictionum Christi pro Ecclesia adimplere* id est in utili-

utilitatem & bonum Ecclesiæ sive ad Ecclesiam suo illo constantiæ & patientiæ exemplo confirmandam & ædificandam, tamen ubi de Christi morte & passionibus agitur progrediendum est ulterius & altius quid ac sublimius attendendum, ut scilicet agnoscamus passum esse Christum non tantum pro nobis erigendis & confirmandis sive utilitatis & commodi nostri causâ quatenus morte sua confirmavit doctrinæ quam tradiderat veritatem, sed etiam vice nostra i. e. ut ea patiēdo tanquam Sponsor noster quæ nos commeriti eramus nos à morte æterna liberaret, & liberatos porro ad æternæ vitæ possessionem perduceret, & ita cumulatissimè Divinæ Justitiæ satisfaceret.

I V. Hunc esse sensum phrasis istius multa demonstrant. 1. *ordinaria & frequentissima vocum istarum significatio*: nam receptum est in omni lingua ut cum aliquid aliquis fecit aut passus est vice aut loco alterius, id pro illo passus aut fecisse dicatur; profani Scriptores Græci & Latini passum ita loquuntur, sic Euripid. in Alcest. sæpissimè θνήσκω ὑπὲρ σέθεν morior pro te μὴ θνήσκ' ὑπὲρ ᾧ δ' ἀνδρὸς εἰδ' ἐγὼ περὶ σέ ne moriaris pro hoc viro i. e. pro me δεικνύω, neque ego pro te, quæ non aliter quàm substitutivè intelligenda argumentum tragædiæ, uxoris loco mariti jamjam morituri morientis docet; sic Demosth. pro Corona ἐρώτησεν τῶν τῶν μᾶλλον δ' ἐγὼ τῶν ὑπὲρ σέ ποιήσω hoc interroga vel potius id tui loco faciam: sic apud Terentium pro illo te ducam, Ego pro te molam apud Virgil. unum pro multis dabitur caput apud Cicer. unus Cato est mihi pro centum millibus. Apud aucthores sacros nihil frequentius, David deflens obitum Absalon filii. 2. Samuel. xviii. 23. Absalon fili mi quis tribuat mihi ut moriar pro te: i. e. utinam pro te & loco tuo mortuus essem Gen. xlvii. 16. 17. Dixit Joseph date pecora vestra & dabo vobis cibum pro pecoribus vestris. Exod. iv. 16. Alloquetur ipse pro te populum ut ipse sit tibi vice oris, tu verò sis ei vice Dei Num. viii. 16. Levitas dicitur Deus sibi assumpsisse pro omni aperiente vulvam &c. Ita in N. T. Rom. ix. 3. Paulus optat fieri ἀνάθεμα ὑπὲρ ᾧ ἀδελφῶν non tantum in eorum gratiam, sed vice & loco ut qui exitio suo fratrum Judæorum redimere vellet salutem, siquidem fieri posset & Deo ita luberet, hæc enim vota conditionata sunt non absoluta, utut conditio semper non exprimitur, quæ non inferunt statim facti possibilitatem, sed petentium demum exprimunt zelum & ardorem, sic 2. Cor. v. 20. dicuntur Apostoli legatione fungi ὑπὲρ Χριστοῦ i. e. non tantum nomine & autoritate Christi, sed ipsius vice & loco, ac si Deus hortaretur per nos inquit. Denique, ne plura congeramus, Rom. v. 7. vix pro justo quis moriatur &c. non in gratiam duntaxat iusti, sed ejus loco ut benè reddit Syrus per vocem חלף quæ commutationem notat. Ex his verò & aliis non paucis locis istiusmodi colligimus solemnem esse & tritum in omni lingua usum hunc istarum præpositionum à quo recedere religio nobis esse debet quum nihil nos cogit, imò multa eò nos evidentissimè manuducunt.

V. Nam & illud 2. evincitur certissimè ex præpositione ἀντὶ quæ in hoc argumento etiam adhibetur Matth. xx. 28. dicitur venisse Christus ut daret animam

nam suam *λύτην ἀντὶ πολλῶν* & Marc. ix. 25. hæc quippe communissimè & maximè propriè substitutionem & commutationem designat, ut Disp. præced. Th. xxvi. jam probavimus, & luculentius ex locis sequentibus demonstrari potest, sic I. Cor. xi. 15. *Coma dicitur data mulieri ἀντὶ ὡς ἑσθλαῖς* i. e. *velamenti loco*, Luc. xi. 11. *μὴ ἀντὶ ἰχθύος ὄφιν ἐπιδώσει αὐτῷ* *an loco piscis dabit illi serpentem*: sic Rom. xi. 17. Matth. v. 38. &c. potissimum verò cum de personis agitur significat ea particula alterum successisse in alterius locum ut Matth. 11. 22. Archelaus dicitur regnasse *ἀντὶ Ἡρώδης τοῦ πατρὸς αὐτοῦ* loco Herodis patris sui; & Matt. xvi. 27. jubetur *Petrus dare staterem pro se & Christo ἀντὶ ἐμοῦ & σοῦ* neque aliter apud prophanos Scriptores *εἰς ἀντὶ πολλῶν* dicitur unus loco multorum, quæ tam clara sunt ut nullâ sophisticâ possint eludi: Nam quæ Adversarii effugia hîc captant ut vocis istius pondus elevent, levia sunt admodum & straminea; Crell. contra Grot. pertendit particulas *ἀντὶ* pro *ὑπὲρ* & *ἐνεκα* simpli. poni sæpe ex Doctiorum sententia ut Luc. i. 20. & xix. 44. Matt. xix. 5. & Ephes. v. 31. Sed licet concederemus aliquando eo sensu venire cum rebus applicatur, at cum ad personas refertur non aliter quàm substitutivè intelligi posse jure statuimus. Addit 2. nos in eo decipi quod putemus agi de commutatione inter Christum & Nos in locis controversis quasi sensus esset, cum nos animas nostras essemus daturi, Christum loco nostro animam suam dedisse, cum commutatio notetur quidem, sed inter rem & personas, inter *λύτην* quod est anima seu vita Christi & inter nos tanquam captivos; quis verò dixerit sanguinem Christi pro nobis subrogatum aut in locum nostrum successisse? Sed ipse turpiter fallitur dum alios falli contendit, nam ea non sunt verba nostra, sed Scripturæ ipsius quæ commutationem illam inter Christum & nos statuit dum expressè dicit Christum *se ipsum dedisse pro multis* Matth. xix. 28. vel *pro nobis* Tit. 11. 14. & *justum pro injustis passum* I. Pet. 111. 18. itaque commutatio duplex hîc attendenda alia rei alia *persona*, in ista Christus locum nostrum subiit, in illa mors nobis debita compensatur per mortem Christo vadi nostro impositam, & hæc quidem in sequentibus demonstrabitur, sed prior clarè ostenditur ex ea phrasi quâ Christus vel *ἀντὶ* vel *ὑπὲρ ἡμῶν* mortuus dicitur. Deinde cum *λύτην* ipsum quod inter nos commutatum esse fatetur Adversarius aliud non fuerit quàm persona ipsa Vadis nostri, se ipsum enim tradidisse dicitur, frustra distinguitur commutatio inter rem & personas. 3. si commutatio ea notatur quæ est inter pretium & personam pretio redemptam, vera infertur satisfactio, nihil enim nobis satisfacere aliud est quàm pretium ab alio debitum persolvere ita ut debitor eo liberetur, atque hoc clarè innuunt verba Pauli 2. Cor. v. 14. *si unus pro omnibus mortuus est* E. omnes sunt mortui non obscurè scil. designans ita Christum omnium electorum loco substitutum esse, ut mors quam pro ipsis sustinuit ita iis imputetur ut eodem loco habeantur ac si ipsimet essent mortui, & morientes pro peccatis suis satisfecissent. Hoc verò posito nimirum Christum in locum nostrum successisse & pœnas nobis debitas tulisse faciliè colligitur satisfactio-

factionis veritas, quippe si loco nostro constitutus id ipsum quod debebamus mortem scilicet perpeffus est ut nos ab eâ liberaret, utique necesse est eum verè satisfecisse, nam dare id ipsum quod alter debebat ut per id ipsum à debito liberetur & eo dato ipso facto eum liberare est solvere aut satisfacere.

VI. 3. Non aliter phrasim hanc in subjecta materia intelligendam esse ex eo etiam probatur clarissimè quod ea proponitur tanquam *Christo propria & peculiaris* quæ ita ipsi competit ut alteri tribui haudquaquam possit sine summa in Christum injuria, dicitur enim ille *unus pro omnibus mortuus* 2. Cor. v. 14. & hoc ponitur tanquam summi amoris testimonium certissimum cui alius nullus æquiparari nedum præferri possit Joh. xv. 18. unde Paulus 1. Cor. i. 13. hoc tanquam Christo soli proprium cæteris verò omnibus incommunicabile longissimè à se removet, *An Paulus pro vobis crucifixus est?* Jam verò si phrasim hæc tantum designaret commodum, & mors Christi utilitatis duntaxat gradu differret à morte Apostolorum non proprio fine segregaretur, falsa essent hæc Scripturæ dicta, cum certum sit & Paulum & Martyres multos mortuos esse eatenus pro fidelibus, id est in eorum utilitatem & gratiam. Nam quæ discrimina hîc ruspatur Adversarius li. de *Serv.* li. 2. c. 8. ut attributionem istam detrahat fidelibus & soli Christo eat transcriptum, vel nullius planè sunt commatis, vel argumentum fortius stringunt: Contendit siquidem Christo non cæteris hanc phrasim ritè tribui quia Christus primus omnium pro omnibus mortuus est, ita ut quicquid ex cæterorum morte vel afflictionibus beneficii ad nos redundat id omne Christo acceptum referri debeat. At, inquam, si discrimen tantum est ordinis aut gradus non negaretur statim res ipsa, non possent sanè dici *primò* pro nobis crucifixi & mortui fideles aut Apostoli; sed possent tamen pro nobis dici crucifixi, siquidem finis mortis Christi non differt quoad speciem, sed tantum quoad gradum: at Paulus non negat tantum prioritatem ordinis vel gradus, sed rem ipsam tollit tanquam alienam, & soli Redemptori ac Domino in cujus nomen baptizamus propriam. *An Paulus pro vobis crucifixus? vel an in nomen Pauli estis baptizati?* colligens scilicet non alium pro nobis crucifixum posse dici nisi Dominum Jesum in quem ideo propter jus quod in nos acquisivit rectè baptizari dicimur: Quod verò subjicit secundò ideo propriè hoc de Christo prædicari quia *propriè & verè is pro aliquo mori videtur qui morte sua illum in vita conservat & à morte eripit, quod morte sua fecit Christus, nemo autem prater ipsum aut fecit aut facere potest.* Vel nihil ad rem facit vel sententiam nostram luculenter confirmat: Nam cum Christus à morte nos eripere vel ad æternam traducere non posset vitam nisi pœnas nobis debitas subeundo & *λύτον* dando pro nobis; utique si per mortem nos à morte eripuit & ad vitam traduxit, pro nobis satisfecisse dicendus est; neque utilitas ulla qualiscunque demum illa sit sine subrogatione poterit phrasim hanc Christo peculiariter reddere.

VII. Denique hanc mortis Christi pro nobis vim satisfactoriam circumstan-

ia ipsa locorum adstruunt evidentissimè. Neque enim dicitur tantum mortuus pro nobis Christus, sed datus ut nos redimeret Tit. II. 14. ut nos justificaret & Deo reconciliaret, Rom. v. 10. ut à peccatis mundaret omnibus & Deo in æternum consecraret, Heb. ix. 14. & x. 10. 14. ut victima quæ peccatoris ipsius vicem subit & mortem illi debitam sustinet Eph. v. 2. &c. quæ sanè perperam dicerentur nisi substitutio & ex substitutione pœnæ inferretur compensatio; Unde jam colligere possumus argumentum: Is enim qui non bono tantum nostro & commodo, sed vice etiam & loco nostro, mortem crucis perpeffus est, Servator est non exemplo tantum, sed & merito, nam peccatorum vicem subire ut ipsi salventur, non est tantum exemplum dare, sed & meritum exhibere. At Christus hoc ipsum pro nobis præstitit. E.

VIII. Excip. hîc 1. Non posse Satisfactionem ex istiusmodi locis inferri quia etiam *fideles pro fratribus animas ponere jubentur* 1. Jo. III. 16. & Paulus de se scribit Col. I. 24. *se implere reliquias passionum Christi* ὑπὲρ τῶν σῶματ' & *pro corpore ipsius quod est Ecclesia*. At certum est tamen nec fideles pro fratribus nec Paulum pro Ecclesia cuiquam satisfecisse aut satisfacere posse. 2. si Christus loco nostro mortuus fuisset & passus, non possemus eidem mortis & passionum generi subjici, & ad animam nostram effundendam non minus illo incitati, siquidem loco nostro patiendi supponitur ab ea necessitate nos exemisse; at Christus ipse nos ad id hortatur non semel Matt. x. & Luc. ix. 23. *si quis vult venire post me abneget semet ipsum & tollat crucem suam &c.* & Apostoli exemplum hoc ad imitationem sæpius proponunt Heb. II. 9. 10. & 1. Pet. II. 20. *In hoc passus est Christus relinquens nobis exemplum ut sequamur ejus vestigia*. 3. vis istius locutionis ex alia simili colligi debet cum dicitur Christus mortuus & traditus *pro peccatis nostris*; ut ergo phrasîs ista non infert Christum loco peccatorum nostrorum mortuum esse, sed tantum peccatorum nostrorum causâ sive propter peccata nostra ut alibi dicitur; ita nec dicendum erit substitutum eum fuisse in locum nostrum, etsi pro nobis fuerit mortuus, sed tantum nostri gratiâ & *propter nos* ut dicit Apost. 1. Cor. VIII. II.

IX. Sed peccant hîc more suo hæretici falla. *ὡς τὸ ἐν ἑμῶν* quasi eadem phrasîs sensu eodem semper usurpari deberet, cum tamen nihil sit frequentius quàm eandem vocem diversissimas obtinere significationes pro materia subjecta & locorum circumstantiis, quamvis ergo probarent præpositionem hanc de qua quærimus alio sensu alibi venire nec substitutionem semper notare, sed vel occasionem duntaxat vel commodum, quod facîle illis largimur, frustra erunt tamen nisi in locis citatis & hoc in argumento ita usurpandam esse evincant quod nunquam vel ex rationibus vel ex exemplis allatis sunt consecuturi. Nam ad primum ut respondeamus cum sensu valde dispari dicat Scriptura *Nos pro fratribus mori debere & Christum pro nobis mortuum esse* perperam ab uno ad alterum argumentantur, quasi non alio fine Christus mortuus sit pro nobis quàm eo quo pro aliis si opus sit, id est si Dei gloria & proximi salus postulet mortis periculum

lum subire tenemur; nam pro aliis mori debemus in quantum salutis ipsorum prodesse possumus, non possumus autem hactenus prodesse ut pro iis ἀντὶ τούτων pendamus vel eos ab æterna morte liberemus Ps. xlix. 8. quod utrumque Christus & præstare potuit & revera præstitit 1. Tim. ii. 6. Heb. ii. 14. fratres nostri non possunt sanguine nostro Deo reconciliari, at sanguine Christi Deo sumus reconciliati Ro. v. 10. denique nemo potest morte sua proximum Deo consecrare & à peccatis mundare quod utrumque tamen moriendo Christus pro nobis implevit. Heb. x. 14. 1. Jo. i. 7. Itaque Joh. confert mortem Christi pro nobis, & mortem nostram pro fratribus & πὶ non ἀπλῶς, secundum finem aliquem, non secundum omnes, secundum *charitatis exemplum*, non verò secundum *satisfactionis meritum*. Nimirum quod ritè tenendum est Christus pro variis quæ pro nobis sustinet muneribus varias etiam χάριτας induit, & pro variis illis relationibus, mortis ejus varii esse fines possunt qui quanquam diversi, contrarii tamen non sunt sibi invicem, sed subordinati; ut ergo tria exequi debuit ad salutis nostræ complementum. 1. *justificationem coram Deo* peccatorum reatum tollendo. 2. *sanctificationem in nobis* labem & maculam eorundem abstergendo. 3. *glorificationem* omnimodam justificatos nos & sanctificatos per bonorum operum viam ad vitam & felicitatem perducendo: Ita triplicem ille χάριτιν subiit, Primam *Vadis* & *Sponsoris* qui satisfaceret Heb. vii. 22. Secundam *Ducis & Capitis* quod influeret Eph. i. 22. 23. Tertiam *Doctōris & fratris primogeniti* qui dirigeret & præiret Joh. xv. 12. & Rom. viii. 29. illam quæ *Sacerdos* implere debuit merito, istam quæ *Rex efficaciam*, hanc denique quæ *Propheta doctrinam & exemplum*. Juxta tres autem illas rationes triplicem etiam mors Christi finem obtinere potuit. 1. *Justitiæ divinæ satisfactionem* ad peccatorum jam admissorum expiationem, de qua loca sunt Heb. ix. 15. Matt. xx. 28. xxvi. 28. Eph. i. 7. 2. *Spiritus Sancti impetrationem* ad labis inhærentis purgationem & peccatorum futurorum averruncationem, de qua mentio fit Heb. ix. 14. 1. Pet. ii. 24. 3. *charitatis, patientiæ, humilitatis, obedientiæ, cæterarumque virtutum* ad sanctificationem promovendam perfectissimam *demonstrationem* ad quam respiciunt loca Phil. ii. 5. 6. 7. 1. Pet. ii. 21. Joh. xv. 12. Eph. 5. 2. 1. Joh. iii. 16. Unde diversimodè *mors Christi* pro variis illis finibus spectari potest, vel ut *satisfactoria* & fidei objectum, vel ut *efficax* & spei fulcrum, vel ut *Idealis* & imitationis exemplum; ratione illius Justificationis causa est & fundamentum 2. Cor. v. 14. Gal. iii. 13. 14. ratione istius Sanctificationis radix est & principium. Rom. vi. 4. 5. 1. Pet. iv. 12. ratione hujus Vitæ Christianæ norma & incitamentum 2. Cor. iv. 10. Phil. ii. 5. Quoad primum & secundum ita soli Christo propria est ut cæteris omnibus incommunicabilis meritò dicatur. 1. Cor. i. 13. adoranda non imitanda, quis enim mortalium ad instar Christi vel peccati reatum tollere, vel Spiritum mereri & conferre queat? At quoad 3. tanquam *exemplaris* nobis proponitur, utpote qui prædestinati sumus ut imaginì ipsius sumus conformes Rom. viii. 29. prius in cruce quàm in gloria, in sanctitate quàm in felici-

tate, in morte quàm in vita. Hinc pro variis quæ in morte Christi eluxerunt virtutibus modò ad hanc, modò ad illam, modò universè ad omnes incitatur. 1. Pet. II. 21. in patientiæ & tolerantiae proponitur exemplum, quia ibi ut ex serie patet de passionibus fidelium agebatur. Paulus ad Ro. VI. ex ea petit argumentum ad totius sanctificationis studium commendandum, quia in eo erat, ut alterum hoc beneficium à Justificatione fluens describeret; quia verò Johannes dilectus Christi discipulus totus in charitate promovenda versatur non aliunde fortius & efficacius exemplum petere potuit quàm ex ejus pro nobis morte. *In eo, inquit, cognoscimus charitatem Dei, quod ille animam suam pro nobis deposuit, nos igitur debemus pro fratribus animas ponere*, ut significet nimirum charitatem Christianam eo usque exemplo Christi extendendam esse non solùm ut in verbis consistat vel amicitiae professione, sed ut sui etiam quisque obliviscatur ut fratribus consulat.

X. Cæterùm quod Apostoli hinc hortationum suarum argumentum petunt, quod Christus pro nobis mortuus est, non propterea faciunt ut ostendant nos eodem planè modo & fine quo Christus pro nobis passus est debere etiam pro fratribus pati, nam argumentantur à simili aut exemplo: Jam autem ad exemplum sufficit si generalis quædam adsit similitudo etsi longum latumque in modo speciali intercedat discrimen, sic perfectio Dei nobis in exemplum proponitur Matt. v. 46. *Estate perfecti sicut Pater vester qui est in cælis perfectus est*; quamvis certissimum sit perfectionem divinam ab humana in speciali ratione longissimè discrepare; sic Johannes dum vult ad charitatem hortari quia nullum fortius & illustrius exemplum dare potuit, dedit exemplum Christi, sed non statim in omnibus imitandum, etiam iis quæ sunt ἀκούω νῆτα & illi propria, puta peccatorum expiatione & Justitiæ divinæ satisfactione, (hoc enim Apostolus nunc quidem non respicit) sed in aliis communibus puta charitatis & benevolentiae demonstratione qui Johannis fuit proprius ac genuinus scopus: fateamur ergo mortem & passiones Christi cum nostris convenire posse in generalibus, ut eas adeamus non secus ac Christus ex charitate & benevolentiâ erga fratres affectu, ut eas pariter feramus patienter & sine murmure: sed differentia semper longè maxima in specialibus occurrit, sive *causam efficientem* respicias, ille enim percussus est à Deo Judice, nos à Deo Patre castigamur, sive *passionum naturam & gradum*, ille enim calicem indignationis divinæ ebibit usque ad fæces, nos summis labris tantùm degustamus & quidem sublata jam maledictionis amaritudine, sive *finem*, ille ad satisfactionem, nos ad medicinam, ille ad servorum redemptionem, nos ad fratrum ædificationem, unde patet neutrum ex istis vel Petri vel Johannis locis vim phraeos illius infirmare ex qua satisfactionem elicimus.

XI. Sed nec eam infringit meliùs locus alter Pauli ad Coloss. I. 24. ubi proficitur *se reliquias passionum Christi supplere pro corpore ipsius*. I. Supponimus cum Adversariis contra Pontificios nullam à Paulo præstitam fuisse satisfactionem quod suo loco demonstraturi sumus, & passiones Christi non propriè intelligendas

das esse de iis quas in corpore suo naturali perferendas habuit, sed de iis quas in corpore mystico nimirum Ecclesiâ patitur; quomodo Paulus, 2. Cor. 1. 7. vocat *ῥεῖσθαι παθήματα* afflictiones quibus ad sui similitudinem fideles suos exercet, & ad Hebr. xi. 26. abjectam populi Israelitici sortem quam Ægyptiacæ aulæ splendori & opulentia prætulit Moses *ῥεῖσθαι ὀνειδισμὸν* appellare non dubitavit. 2. fatemur Paulum dici passum *pro Ecclesia*, non *redimenda*, sed *adificanda* & *confirmanda*; non satisfaciendo apud Deum, sed veritatem obsignando apud homines, non Ecclesiæ loco & vice se substituendo, (sic enim unus pro omnibus mortuus dicitur 2. Cor. v. 14.) sed commodo ac bono ipsius obeundo quod Paulus ipse explicat 2. Cor. 1. 6. *sive premimur ὡς ὑμεῖς τῷ θανάτῳ ὡς ἀκαλήσεως* hoc fit in vestram consolationem: quippe ut Ecclesia occasio fuit vinculorum ejus, quia dum exposito à Christo munere illi ministrare studet in carcerem conjectus fuerat & Romam traductus non sine magnis horrendis periculis, ita magna ad eam redundabat inde utilitas; non dubitandum enim quin vincula & passionibus illæ quas tam constanter sustinebat mirum in modum pios confirmaverint ut proficitur ipse Phil. 1. 12. 13. Sed à Paulo ad Christum non valet consequentia, longè enim aliter Paulus patitur pro Ecclesia, aliter Christus pro nobis; Christus enim non tantum pro nobis ædificandis vel confirmandis, sed redimendis & reconciliandis mortuus dicitur, quod procul à se removet Paulus; Christus mortuus est pro nobis ut Satana & morte devictis nos à mortis imperio liberaret, at nihil tale Paulus vel cogitavit unquam vel perfecit.

XII. Ad secundum Distinguendi varii fines & formales rationes propter quas patiuntur & moriuntur adhuc fideles: Sanè si Christus ea mala pro nobis perpassus est non debemus ex Justitia iisdem gravari, eodem scilicet modo & fine *sub ratione pœnæ* & *λόγος* ad satisfaciendum Justitiæ divinæ, hoc enim Christus ita præstitit plenissimè, ut qui alium illi vel socium vel vicarium adjungeret, horribilis blasphemiae reus esset, sed nihil obstat fideles iisdem malis exerceri, sed ad alios fines, non ad pœnam sed *ad medicinam*, non ad supplicium sed *ad pietatis experimentum*, non ad exitium & ruinam, sed *ad immortalitatis instrumentum*; sic rem materialiter unam variant causæ, fines, usus, circumstantiæ: Crux facinoroso sceleris supplicium est; Martyri eadem non pœna sed certamen; non supplicium sed victoriæ materia est, mors impiis peccati pœna, piis quibus condonata peccata sunt pœna non est, hunc ei aculeum ademit Christus, sed ad vitam transitus; Ita quia Christus legem pro nobis implevit, & implendo jus vitæ acquisivit exolvimur à necessitate implendi legem quoad meritum, nec enim amplius bene operari tenemur ad justificationem consequendam; sed tenemur tamen semper ad obedientiam Legis ad sanctificationem promovendam & gratitudinem nostram contestandam: Non aliter de morte Christi & passionibus philosophandum est, quia Christus pro nobis mortuus est & passus non amplius morti maledictæ quam ipse tulit obnoxii sumus, nulla enim amplius est condemnatio iis qui sunt in Christo. Rom. viii. 1.

nec passiones ullas pœnales Justitia nobis imponit; sed castigatorias tamen vel probatorias multas immittit Sapientia, ut ita membra Capiti, in cruce priusquam in gloria conformentur, quemadmodum Princeps ille salutis per varias consecratus afflictiones ad summum gloriæ fastigium evasit, & vitam per mortem adiit; ita hic est Sapientiæ divinæ ordo mirabilis, ut per multas tribulationes ingrediamur regnum cœlorum, nec ullus ἀνίσταται felicitatis coronam ἀναιμακτον sine sudore & sanguine reportare queat; Hac viâ primus prævit Christus, hac sequi nos omnes decet nisi degeneres tanti parentis filii haberi volumus; propterea toties Spiritus S. ad crucem fortiter post Christum & ad ejus exemplum ferendam fideles hortatur.

XIII. Quod verò tertio objicitur ex simili phrasi cùm dicitur Christus mortuus *pro peccatis nostris*, vel *propter peccata nostra* ut Rom. IV. 25. Gal. I. 4. quod tamen ad substitutionem loco peccatorum trahi non potest, huc non pertinet; Etenim cum prædicata talia sint qualia permittuntur esse à suis subjectis, sit autem ridiculum aliquem dici loco peccatorum mortuum; Res ipsa sive subjectum nullatenus fert ut Christus vice peccatorum dicatur mortuus sive ad ea liberanda, sed mortuus est *pro iis* scilicet *expiandis & tollendis*: est enim Agnus Dei tollens peccata mundi Joh. I. 29. & primò apparuit ut peccata nostra tolleretur, Heb. IX. 28. id est ferendo auferret; at *pro nobis redimendis & salvandis* mortuus est. Itaque peccatur fallac. figuræ dictionis, quasi eadem particula vim eandem ubique obtineat cum diversitas subjecti diversum sensum postulet, & per se pateat aliter *pro re* dici aliquem mori, aliter *pro persona*, quod ex sequentibus clarius adhuc liquebit.

XIV. Nam etsi præpositio hæc peccatis juncta substitutionem non inferat, suum tamen aliis addita pondus non exiguum habet ad satisfactionis veritatem comprobendam: Quippe cùm bifariam usurpetur vulgò vel *pro causa efficiente impulsiva* Rom. XV. 9. ut *Gentes ὑπὲρ ἐλπίς pro misericordia sua Deum glorificent*, & Phil. II. 13. *Deus efficit velle & perficere ὑπὲρ τῆς εὐδοκίας pro beneplacito*, vel *pro finali* ut Joh. VI. 51. *Caro mea est quam dabo ὑπὲρ τῆς ἰσχύος ζωῆς pro mundi vitâ* hic enim hujus donationis finis est citra controversiam; alterutra significatio locum habeat hîc necesse est, posteriorem nonnulli sequuntur ita ut *pro peccatis* idem sit ac *pro expiatione peccatorum*, sed quia non satis videtur Scripturæ phrasi convenire; nam neque peccata nostra & expiatio eorum sunt idem, sed penitus diversa utpote subjectum & accidens illius, neque significatio hæc seorsim sumpta ullo Scripturæ usu demonstrari poterit; Ideo commodior sensus alter ut *Causa efficiens impulsiva & meritoria* mortis Christi significetur, nam cùm agatur de pœna, peccata pœnæ causa non sunt, nisi per modum meriti, sic apud Lat. Cicero ulcisci *pro injuriis*, supplicia *pro maleficiis* metuere dixit. Plautus *castigare pro committâ noxâ*. Terentius *pro dictis & factis* ulcisci, Trita etiam est phrasis Scripturæ ut *sacrificium pro peccato* di-

catur i. e. ob peccatum perpetratum, ut sæpissimè hoc occurrit apud Mosè & præsertim Levi. vi. sic *mori & perpeti pro peccatis* vel propter peccata ex stylo Spiritus S. est subire ac luere pœnam & *πρωρίαν* peccati Levit. xxvi. 18. 28. Deut. xxiv. 16. 2 Reg. xxiii. 26. Et res ipsa id evincit; nam peccata nostra quatenus ex Justitiæ divinæ rigore mortem merebantur Christum moverunt ut se pro nobis offerret & pœnam peccatis nostris debitam in se reciperet, nec verò ostendi poterit uspiam voces istas *ob peccata*, vel *propter peccata*, *pro peccatis*, præsertim ubi morti & passionibus junguntur aliter sumi in Scriptura quàm in hoc meriti significatu. Nam etsi daremus priorem significatum respici, non intelligi posset tamen seorsim sine posteriori hac *σχέσι*, siquidem nunquam finaliter pro expiatione & abolitione peccatorum mortuus esset, nisi peccata causa fuissent impulsiva & meritoria ejusmodi passionum. Cæterum etsi peccata nostra intercedente reatu mortem mereantur; causa tamen impulsiva mortis Christi statuuntur non absolute ac per se seu vi suâ respectu Christi; nihil enim peccatum in ipsum potuit qui fuit sanctissimus, sed per accidens concurrentis gratiæ Dei, & misericordiæ Christi erga nos, quâ Vadem se pro pœna peccato debita exhibuit tanquam Sponsor & Mediator N. T. Heb. vii. 22. & ix. 15. Atque hinc non obscure colligitur quod intendimus. Nam si propter peccata dicitur passus, i. e. illorum demerito & reatu, reatus autem ille sive demeritum ad mortem obligare eum non potuit, nisi in quantum ipsi tanquam Vadi ex ordine Dei imputatum est, utique nequit Christus hoc sensu passus fuisse pro peccatis nostris, quin moriendo pro nobis vices nostras sustinuerit, & hanc suam passionem, quæ pœna fuit nobis debita, loco nostro adierit.

XV. Nolunt tamen eam hîc agnoscere Adversarij, & in omnes formas se vertunt ut pondus istius argumenti quacunque tandem ratione elevent: Ideo 1. causam finalem hîc urgent quasi Christus non alio sensu dicatur passus & traditus pro peccatis quàm ut nos ab illis abstraheret, ad sceleris odium, & ardentissimum virtutis studium hoc pacto nos incitando, quod ex iis videtur probari locis quibus pietatis & novæ vitæ studium proponitur tanquam mortis Christi finis & fructus præcipuus, ut cùm dicitur *traditus pro peccatis ut ex præsentis seculo malo nos eriperet* Gal. i. 4. *ab omni iniquitate redemisse & purificasse ut simus populus peculi* Tit. ii. 14. *mortuus pro nobis ut non amplius nobis vivamus* &c. 2 Cor. v. 14. *passus pro peccatis justus pro injustis ut nos ad Deum adduceret* 1 Pet. iii. 18. & ii. 24. *tulisse peccata in corpore suo super lignum ut mortui peccato vivamus* Justitiæ sic Heb. ix. 15. &c. 2. finaliter dici potest pro iis mortuus, quia moritur ut de eorum condonatione nos certos faciat, & ejusdem nobis largiendæ amplissimæ potestatem consequatur. 3. licet causa antecedens hîc esset intelligenda, occasio tantum connotaretur, sed quæ nec satisfactionem importat nec pœnam propriè dictam; non satisfactionem ut vel ex hoc 1 Reg. xiv. 16. loco patet ubi dicitur *Jehova traditurus Jeroboam qui peccavit & peccare fecit Israel*em. neque

que enim plectitur Israel ut satisfaciat pro peccatis Jeroboam sed tantum ejus peccatorum occasione & causa : Quod si quis regerat saltem punitum posse dici Israelem propter peccata Jeroboam , responderetur statim hoc non ex vi phraeos posse exculpi , sed ex materia subjecta ; nam sæpe castigationes hujusmodi propter peccata inferri , quæ nec satisfactionem nec poenam involvunt , ut David non leviter propter adulterium & homicidium à Deo punitus est , qui tamen pro ipsis non satisfecit ; sic Psal. xxxix. 11. *In increpationibus propter iniquitatem corripis hominem* non hoc vult puniri hominem à Deo ut Divinæ Justitiæ satisfaciat pro iniquitate sua , sed tantum eum causâ & occasione iniquitatis à Deo affligi ut discat ab iniquitate recedere ; sic *Soci. lib. 2. c. 7. Volkel. lib. 3. cap. 28.*

XVI. Sed quis non videat mera esse subterfugia quibus eadem semper oberrant chordâ , quasi necesse sit phrasim aliquam ubique eodem sensu usurpari , quod innumeris exemplis confutari posset ; Neque verò causa finalis eo quem intendunt sensu sine gravissima absurditate urgeri potest 1. quia non dicendus esset pro peccatis passus , sed pro eo quod maximè peccato repugnat ejus scilicet destructione vel remissione , quis verò dixerit unquam pharmacum sumi propter morbum , id est morbum esse finem vel medicamenti vel medici , etsi illud misceatur sanitatis restituendæ & morbi expellendi gratiâ ; non dicitur agere propter morbum medicus in ordine causæ finalis , sed è contra propter morbi expulsionem & sanitatem si finis est spectetur , & propter ægrum si finis est attendatur. 2. omnis finis habet rationem boni , & sub illa ratione expetibilis est , at peccata nullam talem *αἵσιν* induere possunt cum Christus dicitur pro iis mortuus. 3. finis nondum est actu quum efficiens propter eum operatur , at peccata jam existebant vel ut existentia considerabantur in causæ ratione , nec enim mortuus est ut sint vel fiant peccata , sed quia erant ut destruantur. 4. Non negamus studium novæ vitæ & Sanctificationis esse consequentem fructum mortis Christi , nam cum venerit ad destruenda opera diaboli non poterat ea tollere planè nisi cum reatu tolleret etiam labem & maculam , ideo non cum sanguine tantum dicitur venisse , sed & cum aqua 1. Joh. v. 6. cum sanguine expiationis , & cum aqua ablutionis , ita ut in ejus morte habeamus & *λύτρον* & *ἀσπάζον* ; Justitia factus est & Sanctificatio , atque eò respiciunt illa omnia loca quæ pietatis studium deducunt ex Christi morte : Sed non sequitur etsi mors Christi etiam ad præcavenda peccata quæ possent committi extenditur , E. peccatorum commissorum illa non fuit Satisfactio & expiatio propriè dicta ; Aliter enim respicit peccata commissa ut remissionem eorum nobis impetret , aliter ea quæ futura sunt & possunt committi , ut ab illis nos abstrahat : Illorum remissio debetur morti Christi ut *Sacrificio propitiatorio* in quo poenas luit ipsis debitas , horum præcautio & remotio eidem morti debetur , ut *sacrificio meritorio* quo nobis sanctificationis gratiam & Spiritûs donum obtinuit ; ad priora mors Christi est remedium therapeuticum , ad posteriora nonnisi prophylacticum , qui duo usus notantur

Tit. II. 14. *redemit ab iniquitate admissa & purificat ut in posterum simus populus pecculii* Rom. v. 10. *reconciliat per sanguinem & salvat per vitam*, quod sicut secundarius finis notatur pro loci circumstantiis, non excluditur tamen sed supponitur primarius ex quo alter necessariò pendet, siquidem nullum donum à Deo obtinere potuit nisi positâ prius satisfactione.

XVII. Quod si dici non potest mortuus pro peccatis ut nos scilicet ab iis abstraheret, multò minus ut nos de eorum remissione certos redderet; quia aliud est pro peccatis mori, aliud pro certitudine remissionis peccatorum demonstranda; neque unquam dictum fuit aliquid fieri finaliter pro aliquo malo quod sit propter certitudinem ingenerandam mentibus nostris de illius mali cessatione & ablatione: fiducia sanè illius obtinetur quidem ex morte Christi, sed eatenus tantum quatenus eorum remissionem reapse in cruce obtinuit pœnas nobis debitas ferendo, ita ut jam persuasi simus nos redemptionem habere in ipsius sanguine hoc est remissionem peccatorum ut inquit Ap. Eph. 1. 7. Quod verò addunt insuper mortuum esse pro peccatis ut remissionis peccatorum nobis largiendæ amplissimam potestatem consequeretur, longè est absurdus: nam si ad fidem faciendam remissionis peccatorum Christus mortuus est, ut jamjam dicebant, certè remissio illa debet esse prior, saltem ratione morte Christi, id enim de quo per aliquid aliud certiores reddimur ordine naturæ prius est sui ipsius certioratione; at si duntaxat mortuus est ut consequeretur potestatem largiendæ remissionis, utique hæc remissio posterior debet esse morte, quia omnis effectus posterior est suâ causâ. Quid quod si Christus pro obtinenda illa potestate mortuus esset non habuisset illam antea, at certum est Christum in terris agentem hanc potestatem non sibi vindicasse tantum, sed etiam præsentissimo & potentissimo miraculo comprobasse Matt. 1. x. 5. 6. quod factum ab eo non fuisset, nisi Jus illud atque auctoritatem obtinuisset: fateor exercitium remissionis pendere ex mortis Christi vel jam præteritæ vel adhuc futuræ efficacîâ, nemini enim remitti possunt actu peccata nisi Christus id morte sua meritus sit; at Jus & potestas haudquaquam fructus est mortis, sed proprietas divinitatis, non potest remittere quia moritur, sed quia filius Dei est, imò Deus ipse cui soli condonare peccata competit. Marc. 11. 17.

XVIII. Ad tertium Resp. 1. per retorsi. Si Christus occasione peccatorum mortuus est E. non tantum finaliter pro peccatis, occasio enim antecedit & finis sequitur rei executionem. 2. Christus mortuus est pro peccatis ut sacrificium fieret pro peccato, at peccatum non occasio duntaxat, sed vera causa fuit hominem impellens ad sacrificii oblationem, occasio enim non connectitur nisi per accedens cum effectu; at effectus hic sequitur per se & peccati sensus hominem eò impulit necessariò, E. & Christus mortuus dici debet propter peccata non occasionaliter tantum sed & demeritoriè. 3. falsa hypoth. nititur quasi ex hac phrasi præcisè eliciamus satisfactionem Christi, cum hîc tantum causam impulsivam meritoriam urgeamus, ex qua legitimâ consequentiâ deducimus

postmodum sententiæ nostræ confirmationem, ut antea dictum & dicetur adhuc plenius in sequentibus; Neque contrarium potest evinci ex locis allatis, nam ad primum quod attinet 1. Reg. xiv. 16. sive per *peccata illa Jeroboami* propter quæ traditurus erat Deus Israël, intelligamus, peccata Jeroboami ipsius qui turpiter à Deo defecerat, sive genus ipsum peccati Idololatriam scilicet cujus author populo fuerat Jeroboamus, quod notant sequentia *quibus peccavit & peccare fecit Israel*, hæc enim verior & commodior est expositio quàm altera Socini dum vertit *qui peccavit & peccare fecit*, sive utrumque quod omnino verius est complectamur, non definit tamen causa impulsiva hîc locum habere, nam peccatum illud cujus author erat Jeroboamus, & imitator populus traditionis istam pœnam omnino merebatur, unde Deus jure populum hunc & propter sua & propter aliena peccata quorum imitator erat castigare potuit, neque mirum hoc videri debet aut insolitum Adversariis cùm & ipsi fateantur *puniri aliquem posse etiam ob peccata aliena dummodo culpa sit affinis* Soci. lib. 2. cap. 7.

XIX. Alter verò quem urgent locus tantùm abest ut causæ eorum faveat ut potius nostram non parum juvet, nam dum ait Psaltes Ps. xxxix. 11. *In increpationibus propter iniquitatem corripuisti aliquem* id. si corripis illum, *liquefieri fecisti ut timeam desiderium ejus*, nihil aliud sibi vult quàm si Deus ex rigore justitiæ quantum meretur peccatum punire quempiam velit, peccatorem de medio statim sublatus iri, neque vitam ipsam homini illi vitalem fore, quâ ratione David ut alibi non rarò Deum ad miserationem vult permovêre ut si castigare velit castiget paternè & moderatè virgis humanis ex misericordia, ratione habita nostræ infirmitatis, non rigidè & severè ex justitia secundum ipsum peccati demeritum ut Ps. cxxx. *Domine si iniquitates observaveris quis stabit? sed apud te venia est ut solaris*. Cæterùm quòd subjiciunt non omnem pœnam esse satisfactionem, nec omnem animadversionem pœnam, damus libenter in hominibus meris, nam & impii puniuntur nec satisfaciunt tamen, & pii castigantur qui non puniuntur propterea; siquidem peccatis eorum semel condonatis non amplius ulla superest illis ferenda condemnatio vel pœna; & si malis exerceantur porro, afflictiones illæ non ad pœnam, sed vel ad *μαρτύριον* vel *δοκιμασίαν* vel *παιδείαν* à Deo Misericorde diriguntur: Sed respectu Christi alia planè res est, nam hîc nec castigatio à pœna seungi potest, quippe nec venia ulla concessa Christo legitur, ut fidelibus, nec à patre, ut ipsi, castigatus est ex amore & misericordia Heb. xii. 6. sed ab eo ut Judice ex justitiâ propter quam maledictio dicitur factus & peccatum: nec verò pœna à satisfactione divelli, cùm eam ita tulerit Christus plenissimè ut eam pertulerit omnino & penitus exhauserit, quod de aliis dici nequit; Quicquid sit certum est nuspiam dici pro peccatis vel propter peccata quempiam passum quin peccata statuatur eo ipso causa impulsiva ac meritoria ejusmodi calamitatum: quod nobis nunc quidem sufficere potest ut sciamus *commutationem debiti* factam fuisse inter nos & Christum; nam cùm antea ex altera phrasi cùm dicitur pro nobis mortuus jam evicerimus substitutionem personæ, hinc

hinc necessariò sequitur Christum loco nostro ita mortuum esse ut pœnas nobis debitas in se receperit.

XX. Verùm & hoc luculentius liquebit 3. ex iis locis quæ utrumque simul complectuntur & *persona subrogationem* & *debiti ipsius compensationem*, ut quum Christus dicitur factus pro nobis *execratio* & *peccatum* Gal. III. 13. 2. Cor. V. 21. quæ duo loca quia maximi sunt in hac controversia momenti ad veritatis confirmationem non levi brachio à nobis & obiter tantum sunt attingenda, sed paulò plenius excutienda: Et ut de priori loquamur extat apud Paulum ad Galat. III. 13. *Christus, inquit, nos redemit ab execratione legis dum pro nobis factus est execratio, scriptum enim execrabilis est quisquis pendet in ligno*: quæ verba ut imprimis erant apposita ad justificationem fidei demonstrandam qui fuit scopus Apostoli, ita maximam habent emphasim ad redemptionis mysterium explicandum, quod breviter quidem, sed nervosè tamen & accuratè hîc si uspiam alibi describit; connotans 1. quid Christus fecerit in nostri gratiam, *nos redemit*. 2. unde, *ab execratione legis*. 3. quomodo, *factus pro nobis execratio*; Primò quod redemisse dicitur, satisfactionem non obscurè jam indicat ut antea demonstratum est, siquidem emptio sive redemptio, propriâ ac primariâ acceptione relationem habet ad pretium, & sicubi emptio quædam proponitur faciendâ à fidelibus gratis ut Is. LV. 1. Apoc. III. 18. non propriè sed metaphoricè intelligendam esse res ipsa docet, propter nonnullam quæ inter donorum cœlestium acquisitionem, & bonorum terrenorum emptionem intercedit, convenientiam; nam ut emptor rem quam quærit permutare debet cum pretio, & ut eam sibi comparet aliquid de facultatibus suis dare vel amittere: Ita in emptione hac spiritali felix quædam & salutaris debet esse commutatio, ut peccato, mundo, cupiditatibus nostris quæ res sunt nobis charissimæ nuncium remittamus (quod alibi dicit Christus *vendere quotquot habemus* Matt. XIII. 44.) ut thesaurum hunc possideamus; Cave tamen hîc rationem ullam meriti cum Pontificiis imaginando singas, nam si per particulam *gratis* longissimè jam non removeretur, satis tamen ex ipsa hominis profligaretur consideratione, quid enim pro gratiâ hac comparanda dare posset ille qui bona omnia à Deo, ex se nihil nisi peccatum, habet? Verùm hîc alia longè redemptio à Christo facta innuitur, non figurata & metaphorica, sed vera & propria; quippe non dicimur tantum empti, sed *empti pretio* 1. Cor. VI. 20. *redempti sanguine* 1. Pet. I. 18. dum Christus ipse pro nobis *ἀντίλυτρον* datus est qui Chirographum nobis adversum delevit Col. II. 14. & quæ non rapuit solvit Ps. LXX. 5.

XXI. Illud verò clariùs etiam colligitur 2. ex mali à quo redempti dicimur notatione, redemisse enim Christus nos dicitur *ἐκ τοῦ κατὰ ἐξουσίαν νόμου* ab *execratione Legis*, quam docuerat antea vers. 10. omnibus in universum hominibus incumbere, eo quod nemo mortalium reperiatur qui maneat in omnibus quæ scripta sunt in libro Legis. Hæc autem Legis execratio tum *active* tum *passive* intelligi potest, priori modo nihil aliud est quàm ipsa Legis seu potius Dei Judicis sententia peccatores & legis transgressores execrans & con-

demnans ut innuitur vers. 10. posteriori pœnas omnes notat in transgressores Lege statutas sive corporeæ sint sive spirituales, sive quoad damnum per privationem boni, sive quoad sensum per inflictionem mali, has enim omnes creatura rebellione sua merita est, quia verò pœnarum omnium maxima procul dubio & durissima est ipsius Dei maledictio & ira quæ cæteras omnes post se trahit, ideo sub *execratione* pœnas omnes, quæcunque tandem illæ sint complexus est, ut sub benedictione opposita beneficia omnia quæ ad felicitatem & æternæ vitæ consecutionem necessaria sunt & Justificationem imprimis connotavit; Cum autem sententia hæc Legis fuerit immutabilis nec apex ullus aut iota præterire possit usque dum omnia facta sint, nec Christus venerit ad eam dissolvendam sed implendam Matt. v. 18. non poterat nos redimere ab execratione Legis & pœnis nobis debitæ nisi eas in se recipiendo, non per potentiam, sed per Justitiam ut docet Paulus Rom. viii. 3. 4.

XXII. Atque hoc 3. loco evidentissimè demonstrat Paulus redemptionis istius modum notando, redemit enim nos ab execratione Legis *factus pro nobis execratio*, ubi quot sunt verba tot sunt rationum pondera: 1. execratio dicitur metalepsi abstracti pro concreto quæ ἡ ἔκτασις & emphasim maximam habet, ut cum *scelus* vocamus scelestissimum hominem qui totus in sceleribus jacet, ita execrabilis dicitur *execratio ipsa* ut Aquinas monet, *factus est ipsa maledictio* quia scilicet omnem maledictionem & calamitatem quam Lex minabatur transgressoribus subiit & pertulit; At quomodo inquires, filius Dei dilectus & omnis benedictionis author fieri potuit execratio? Ita horrida visa est hæc locutio & dura Hiero. & aliis ut tropicam eam existimarint & aliquo interpretamento leniendam, ideo subaudiri volunt particulam *ut* ut significet eum ita tractatum fuisse quasi esset Deo ἡ ἔκτασις; sed si cui durum hoc videatur pudeat ipsum Crucis Christi cujus confessione gloriamur: Imo in eo posita est tota nostra spes, ab eo pendet solatium nostrum & salus, quòd Deus omnem iram in filium effuderit, ut nos in gratiam reciperet, quod maledixerit ut benediceret, quod dereliquerit ut in patrocinium & tutelam reciperet, quod condemnarit ut nos absolveret, alias si ficta fuisset hæc Christi exinanitio & Patris execratio, ficta quoque esset & inanis spes gloriæ & benedictionis quam ab eo expectamus. Sed verò ne hic impingamus distinguenda est imprimis gemina illa *gratia* sub qua Christus considerari potest, *primaria & naturalis* quæ *filius Dei*, *secundaria & forensis* quæ est *Mediator* & *Vas* qui pro nobis spondit; quoad primam Deo charissimus semper fuit & summè dilectus in quo voluntas & amor Patris plenè acquievit, II. XLII. I. Matt. III. 17. quoad secundam inter peccatores numeratus est, & maledictionis reos non in *se* sed in *nobis* quorum personam sustinebat; Itaque nec extra gratiam Dei esse potuit, & tamen sustinuit ejus iram, nam si extra gratiam fuisset quomodo patrem quem habuisset infestum & cui exosus fuisset reconciliare nobis potuisset? Rursus quomodo nos ab ira Dei liberaffet, nisi eam à nobis in se ipsum transtulisset? ideo percussus fuit propter peccata nostra & Deum

expertus est tanquam iratum judicem, quod rectè August. lib. 14. cont. Faust. c. 96. expressit, *semper benedictus in sua justitia, maledictus propter nostra peccata in morte suscepta ex pœna nostra*. Itaque majestati Christi nihil derogat, quod sine culpa reatum & pœnam in se suscepit ut nos à pœna & culpa simul liberaret. Denique sic Christus maledictionem nobis debitam in se transtulit, ut eâ non fuerit obrutus sed eam vicerit, superaverit, aboleverit, ut esset fons jugis & inexhaustus benedictionis iis qui crediderint in eum.

XXIII. Atque hinc liquidò patet quo jure vel potius quanta cum injuria Pontificii tanta stili diritate exagitent quod ab integerrimo Theologo Calvino nostro sectione x. Catechis. dictum fuit de doloribus & pœnis Christi satisfactoriis, eum scil. *in tali fuisse damnatione constitutum*, ut à Deo se derelictum conquestus sit; quasi inde sequeretur, quod non nisi summa cum impietate dici ut illis quidem videtur potest, *Christum fuisse damnatum*. Nam ut non dicamus non esse quod propter illam vocem tantopere in nos excandescant & debacchentur, cum Scriptura ipsa non abhorreat à damnationis voce, nam latro conversus alterum blasphemias eructantem sic compescebat. *Ne Deum quidem times cum in eadem sis damnatione*; cum & Patres ea non semel legantur usi Tertull. li. 3. contra Marci. c. 11. *non erit indignior morte nativitas & cruce infamia, & carne damnatio*; Cyprianus de passione Christi *Damnatus est ut liberaret damnatos*: Gregor. magnus moral. li. 3. c. 11. *Qui Patri est equalis per Divinitatem, venit propter nos ad flagella per carnem, quæ nimirum flagella non susciperet nisi formam damnati hominis redimendo sumpsisset*. Et postea *Eum qui sine peccato est pro peccatoribus damnat*: Imò varii ex Adversariis ipsis, teste Suaresio in 3. q. 53. Art. 8. disp. 43. sect. 1. *Refert Medina, inquit, sensisse aliquos Catholicos Christum passum fuisse aliquas damnatorum pœnas, non tamen eodem modo quo damnati*. Cardinalis Cusanus li. 10. Exercit. *Passio Christi qua major dari nequit fuit instar pœna damnatorum qui magis damnari nequeunt scil. usque ad pœnam infernalem*; *In ejus nomine dicit Propheta Dolores inferni circumdederunt me, eduxisti tamen ab inferno animam meam*. Ferus in Matt. 27. agens de verbis illis *Deus mi &c.* *Exiit, inquit, Christus hac hora Deum, non abjiciendo sed non sentiendo*. *seposuit Patrem, ut hominem ageret, sic & Deus Pater nunc non Patrem, sed Tyrannum agit, quamvis interim amicissimo sit in Christum animo*; *Item Christus ut peccatores liberaret constituit se ipsum in locum omnium peccatorum, non quidem furans, adulterans, occidens, sed stipendium, pœnam & meritum peccatorum (quæ sunt frigus, calor, esuries, sitis, tremor, horror mortis, horror inferni, desperatio, mors, infernus ipse) in se transferens ut famem fame, horrorem horrore, desperationem desperatione, mortem morte, infernum inferno, Satanam Satana vinceret, Quis hoc in Calvino ferret? Ut, inquam, hæc & alia id genus plurima nunc quidem non afferantur quæ tamen os calumniæ penitus occludere possunt, hic unus locus Pauli quem præ manibus habemus sufficit ad vanitatem accusationis demonstrandam: Nam si dicitur factus maledictio cur non pariter eo respe-*

Actu vel *damnatus* vel *condemnatus* dici queat, quum vox maledictionis gravius aliquid importare videatur, modo sano sensu locutio hæc intelligatur; Nam *damnatus* bifariam dicitur 1. *absolutè* qui pœnis addictus est pro peccatis suis quas tamen nunquam superavit & ex quibus nunquam emergere potuit, hoc modo reprobi & diaboli dicuntur *damnati* in inferis: At hoc pacto Christus Dominus noster nec *damnatus* est unquam neque verò *damnari* potuit: 2. *damnatus* dicitur etiam ille, sed *hypotheticè* tantum qui pœnas peccatis alienis debitas idque ex ordine divinæ justitiæ sustinet, quas tamen vincit & elucetatur, hoc pacto nihil prohibet quominus Christus dicatur *damnatus* siquidem portavit pœnas peccatis nostris debitas easque ex ordine justitiæ divinæ, Deus enim *filium suum in mortem tradidit* Rom. VIII. 32. quas tamen infinitâ meriti sui virtute & efficacîâ ut patientiâ admirabili sustinuit, ita invictâ fortitudine superavit. Ita condemnationi vel maledictioni obnoxius rectè dicitur *antecedenter* non *consequenter*, quoad *causam*, non quoad *terminum*. In nobis, quorum peccata tulit, non in se qui sanctissimus semper fuit. Unde facilè colligi potest quid sibi voluerit Calvi. in prædicto loco; non quod Christus pœnas damnatorum absolutè sustinuerit, vel in desperationem inciderit, quod utrumque removetur ibid. expressè à Christo, sed tantum quòd fuerit in eo statu constitutus ut iram & maledictionem Patris senserit quæ nobis erat debita quod Paulus in hoc nostro loco expressè tradit.

XXIV. Cæterum quomodo factus sit execratio docet Apost. in sequentibus in quibus supplicium maledictum & execrabile fuisse probat ex Deut. xxi. 23. ubi suspensio de ligno maledicta pronuntiatur *ἡ μακάριος ὁ κρεμόμενος ἐν ξύλῳ* *maledictus est qui pendet in ligno* Hebræa verò paulò aliter *כִּי קָלַח אֶתְּהִים תְּלוֹי* quæ Aquila & Theodotio rectè vertunt *quia maledictio Dei est suspensus*; sed Paulus pro ea qua pollebat *παρρησία* quod & alibi etiam non rarò fecit sensum non verba præcisè reddit, & quæ obscuriora videbantur illustravit; Nam pro *maledictione* quæ metonymicè posita fuerat reposuit propriè *maledictum*, vocem Dei omisit quæ ex loci circumstantia & opposita benedictione fatis colligebatur, addit verò *in ligno* expressa ellipsi *ἐν ξύλῳ* ex præcedentibus, & indefinitam universalem particula *omnis* eadem ratione definivit. Quæri verò hic potest 1. quàm bene Paulus sententiam hanc Legis divinæ quæ de simplici suspensione in ligno agit accommodet ad crucis supplicium, quod veteribus Hebræis in usu non fuisse sed à Romanis desumptum quicquid Baronius & Lipsius contendunt, rationibus variis demonstrari potest, quod fecit Doctiss. Casaubonus contra Baronium Exerc. xvi. Ubi ex Judæis ipsis observat quatuor tantum pœnarum & mortis genera ab antiquo tradita fuisse Concilio Sanhedrin. *סקירה lapidationem* quæ *לִדְּסִימָה* Tragicis Græcorum, *שַׁרְפָּה* *vivicomburium* ut vocat Tertull. *הרגה* vel *הרג בסיף* *occisionem per gladium* seu *decollationem*, & *חנק* *strangulationem* *ἡ ἀγχύνη*, nullam verò crucis apud eos mentionem fieri, imò expressè illam rejici *וְהַתְּלָא* *non fuit hic*

hic mos, inquit in Israele ut clavos figerent in pedibus aut manibus hominum qui lapidati aut suspensi fuissent, & paulò post, non invenitur quod homo clavis figi debeat ad crucem, sed suspendendus est blasphemus & Idololatra juxta id quod dicitur maledictus Dei est suspensus. Et illi quidem hoc argumento utuntur ut historię Evangelicę de Christi passione fidem detrahant; sed frustra, siquidem constat supplicii hanc formam non ab ipsis Judęis, sed à Pilato Romano fuisse irrogatam, juxta vaticinium ipsius Christi qui judicium contra se à Gentibus reddendum prędixerat Matt. xx. 19. Neque ipsi Judęi diffiteri possunt, cùm agnoscant quadraginta annis ante Templi secundi destructionem potestatem Judiciariam ipsis exemptam fuisse, eo quòd homicidę invaluerant & dissipaverant Judicia animarum de Israel ut inquit ipsi, quod testati sunt coram Pilato dicentes *non licere ipsis quemquam interficere*: Ex quibus colligere est crucifixionem Romanum supplicium fuisse non Hebręum quemadmodum *Sozome*. Histo. Eccles. li. i. c. 8. vocat *νενομισμὸν τῶν Ῥωμαίων πρῶτον*. Et sanè nullum veteris linguę Hebręorum verbum est quod Crucem propriè dictam significet aut crucifigendi actum; nam & *תלה* & *קץ* & *עץ* generalia sunt quę suppliciis variis accommodari possunt, quibus rei in altum tollebantur & fiebant *μετέωροι* ad majorem ignominiam. Cùm E. ignota fuerit Judęis Crux ista Romana, meritò quęritur cur Apostolus ad Crucem transferat quod de hac dici non potuit? Verùm facillè respondetur, optimè Paulum potuisse ea quę de suspensione in genere dicta sunt ad crucifixionem peculiariter applicare, cùm genus complectatur sub se species omnes, nihilque de illo dicatur quod istis applicari non possit, unde si suspensio de ligno est maledicta, omnino & ipsa crucifixio quę suspensionis est species: Itaque etsi damnatos Judęi crucifigere non solerent, sed vel de ligno suspenderent, vel lapidatos palo affigerent, vel extinctorum corpora ad majorem infamiam in patibulum tollerent, quod Philoni lb. de Legib. est *ἀνασκολοπιζέσθαι*, & perperam à multis ad crucifixionem viventium refertur, quia tamen quod ad rem ipsam attinet idem semper est ignominię genus ex ligno suspendi quomodocunque id fiat, utique non abs re Apost. ad institutum suum transfert quod à Deo olim dictum fuerat, atque eò magis quod Spiritum S. ad mortem crucis jam tacitè respexisse cùm hoc enunciaret dubitari vix potest.

XXV. Secundò Quęritur Cur maledicti dicantur suspensi & quamobrem hoc supplicii genus præ cæteris divinâ Lege fuerit speciali quadam infamiâ notatum? Judęi quidem altiùs assurgere non possunt quàm ut dicant triste & fœdum esse spectaculum hominem conditum ad obambulandum in terra de ligno pendulum in aëre ventis agitari, ideo execrabile à Deo pronunciatum; ut tum supplicii fœditate tum execrationis metu homines territi à sceleribus tali supplicio dignis abstinerent: Atque huc pertinet ipsorum effatum *suspensio hominis in ligno est vilificatio Dei*, unde quotquot infami hoc plecebantur supplicio execrabiles meritò habebantur, & in altum sublatis, Solique ac omnium oculis expositi

tanquam horrenda piacula & exempla statuebantur, quibus ne terra aërque ipse pollueretur debuerunt eorum cadavera eo ipso die de medio tolli & sepeliri; Deut. XXI. 23. quod si nondum fuissent mortui, mors *συνελοποιᾶ* crucifragio vel aliâ viâ fuit acceleranda, quod factum fuisse in latronibus unâ cum Christo crucifixis innuit Joh. c. XIX. 31. Nec inter Judæos tantum, sed & Ethnicos supplicium hoc infame habitum, quo scelestissimi quique apud Rom. & grandium atrociumque criminum rei, servi imprimis afficiebantur, unde *servili supplicio affici* est agi in crucem, quia servorum plerumque fuit hoc supplicium: Juvena. Saty. VI. *Pone crucem servo*: & Servus ita loquitur apud Plautum in milite glorioso *scio crucem mihi futurum sepulchrum ibi majores mei siti sunt pater avus abavus*: Quod si liberi aliquando sunt in crucem dati, fuere vilissima capita, & ob gravia crimina ut latrocinium, crimen seditionis & regni affectati; Paulus Jurisconsultus li. I. sentent. ti. XXII. *Authores seditionis aut tumultus pro dignitatis qualitate aut in Crucem tolluntur aut bestiis objiciuntur*; sic Pilatus Christum hoc supplicio puniri jussit, quasi res novas moliretur, turbas cieret, & regnum affectaret ut patet ex accusatione facta apud ipsum Luc. XXI. 1. & ex ipso Crucis titulo: Porro liberi homines aut cives Romani hoc supplicio affici non poterant nisi prius servi pœnæ fierent i.e. nisi libertas verberibus servilibus, flagellis puta iis adimeretur, quod & erga Christum præstitum; supplicii autem scditatem indicant illa Ciceronis in Verrem; *facinus est vincire civem Romanum, scelus verberare, prope parricidium necare, quid dicam in crucem tollere? verbo satis digno tam nefaria res appellari nullo modo potest*; unde crux *infelix arbor* vocatur apud Livi. in Carmine horrendo *Lictor caput obnubito infelici arbori suspendito*, & apud Lati. *abire in malam crucem* ii jubentur quibus exitium imprecamur summo cum dedecore conjunctum.

XXVI. Itaque hoc supplicii genus meritò execrabile fuit & ex natura & ex Lege; Naturâ quia sævissimum & scditissimum habitum est, nec temere Cicero crudelissimum & teterrimum dixit, & Jurisconsulti nomine *summi supplicii* velut ob eminentiam istud designant, Paulus lib. v. sent. ti. XXII. *summo supplicio i.e. Cruce afficiuntur*: ideo Apulei. li. I. de Asi. *crucem damnatam* dixit *Damnata* inquit *jam crucis candidatus*. Ita passim supplicium hoc in horrore fuit & vilitate; tria enim in eo conjungebantur tormentum, infamia, diuturnitas pœna: ex Lege verò quia à Deo fuit maledictum, non quidem absolutè respectu reorum ipsorum coram Deo ac si desperata eorum esset salus qui suspensi sunt, contrarium enim patet in Latrone converso; neque etiam supplicii hujus in specie, nam suspensio coram Deo non magis ex se quàm mors alia maledicta est; sed resp. sceleris quod hac ratione ex mandato Dei plectendum fuit: nimir. ut non pœna sed causa martyrem facit, ita non supplicium sed crimen maledictum reddit; transgressio pendentis maledictionem contrahit; neque enim cuilibet crimini pœna hæc statim imponebatur, sed atroci & publico quod iram Dei in universum populum concitaret, quodque ideo ad eam placandam expiari debuit vel reorum ipsorum morte, vel eorum qui peculiariter à Deo notabantur, ut

Num. xxv. 4. propter gravissimum peccatum quod admiserunt Israëlitarum copulando se Baalpeor jubetur Moses assumere Principes populi & suspendere eos Jehovah coram Sole ut sic averteretur ira excandescentiæ Jehovah ab Israele: sic 2. Sam. xxi. 6. actis in crucem per Gabaonitas septem filiis Saulis ob fidem publicam ab ipso violatam: & istud scelus fuit expiatum, & Deus ita placatus ut fames quam ideo Israëlitis immiserat cessarit: Ita genus hoc mortis quemadmodum fuit maledictioni obnoxium, fuit etiam suo sensu peccati expiatorium & propitiatorium iræ divinæ. Verum præter has rationes quibus constat effatum hoc Domini Deut. xxi. veritatem suam in litera & typo obtinuisse, ulterius proculdubio respexit Spiritus S. & alia suberat mystica ratio & supernaturalis, quatenus jam olim hoc symbolo, mortis Christi genus quod cum divina execratione conjungi debuit ad redemptionem nostram, adumbrare quadatenus voluit, & Christus hanc mortis speciem in tempore selegit, non modò quia ignominiosissima in se fuit & acerbissima, ut ita in forma servi existens servili supplicio affectus infamiam & tormenta omnia nobis debita perferret; verum etiam ut implendo quod de ea prædictum fuerat, suscipiendo maledictionem nobis propter peccatum imminentem nos ab ea liberaret, atque ita gravissima illa scelera quæ nos omnes reatu suo obstrangebant expiaret; Sic argumentum Pauli à posteriori est non à priori, neque enim Crux causa fuit ut primò Christus maledictus fuerit, sed demonstrat Crux utpote maledictionis symbolum, illum jam ante fuisse à Patre maledictum: Cur verò maledictus sanctissimus & dilectissimus Dei filius? nisi quia reatum in se nostrum suscepit qui sine penitissimo iræ & maledictionis divinæ sensu expiari non potuit, unde non tantum dicitur *factus execratio*, sed *pro nobis* ut nos ab ea eximeret nostro scil. loco & vice, quia eandem quam eramus commeriti maledictionem insons ipse tulit, *suscepit maledictionem* inquit Chrysost. in Gal. 3. *atque ita illam sustulit, perinde faciens ac si morti adjudicato quispiam alius justus illius damnati vice sponte mori volens eripiat illum*; hinc Oecumenius *Eam execrationem suscepit cui obnoxius non erat cum suspensus fuit in ligno, ut execrationem solveret quæ adversum nos erat.* Ex quibus ita disputatis certissimum pro veritate Orthodoxa deducitur argumentum; Nam qui ita pro nobis mortuus est ut in se susciperet execrationem nobis debitam & ab ea nos liberaret benedictionem suam in nos derivando, utique non bono tantum ille nostro, sed & vice mortuus est, nec exemplo duntaxat sed merito & satisfactione Servator est dicendus, quid enim ad exemplum, quid ad doctrinæ confirmationem facere potuit execratio? fecit verò quàm maximè ad Justitiæ satisfactionem, & reatum peccatorum tollendum. At Christus hoc præstitit, E.

XXVII. Reponunt hîc tria Adversarii 1. Christum non posse dici factum pro nobis execrationem subeundo execrationem nobis debitam, quia Execratio illa non alia fuit quàm mors aterna, quàm tamen Christus minimè ferre potuit siquidem resurrexit. 2. Paulum nihil aliud significare voluisse quàm

Christum dum ipse nostri causâ in quandam Legis *execrationem* incidit *judicalem* scil. quatenus mortem crucis subiit quæ à Deo maledicta fuerat, nos à vera legis execratione interea liberasse; sic enim Apostolum ut in aliis sæpe solet in execrationis voce argutum esse voluisse, ut collatio inter id à quo Christus fideles redemit, & id quod ipse pro iis hunc in finem sustinuit esset elegantior & concinnior fieret oratio, etsi in Christo hoc supplicii genus execrationis divinæ rationem verè & propriè non haberet, ut nec in Apostolis & aliis martyribus qui è ligno fuerunt suspensi & capitis supplicio affecti. 3. quæcunque vel in hac epistola, vel alibi à Paulo de Lege & liberatione ab ea sive ejus execratione disputantur ad Judæos tantum qui sub ea erant non autem ad cæteros pertinere. sic *Soci. li. 2. c. 1. Crelli. adv. Groti.*

XXVIII. Nihil hîc tamen est quod vim argumenti infringere possit: Nam ad primum quod attinet falsum supponitur Christum non potuisse execrationem nobis debitam subire, Imò per retorsionem si ab execratione nobis debita nos liberare debuit ut Paulus testatur, utique & eam in se suscipere tenebatur, alias maledictione nobis debitâ non persolutâ liberatio nostrum omnium nulla esse potuit; neque obstat quod Execratio hæc importet mortem æternam, cum & Christus hanc tulisse sano sensu rectè dicatur; nimi. *mors æterna* seu maledictio illa quam Lex transgressoribus intentabat spectari potest vel *intensivè* quoad extremitatem dolorum & cruciatuum cum desertione & sensu penitissimè iræ Dei; vel *extensivè* quoad æternam & nunquam finiendam pœnæ & cruciatuum durationem, & prior illa quidem *æternis* primaria videtur esse in pœna quam justitia Dei exigebat, adeo ut qui vel ad exiguum aliquod tempus cruciatus illos subiret morte æternâ ritè defunctus censendus esset; at posterior secundaria est ex infirmitate Creaturæ orta, quia enim ipsa pœnas quoad atrocitatem immensas quas Justitia reo imponebat ferre non poterat quin satisfaceret, ideo ex ordine Sapientiæ pœnarum hac in parte commutatio facta est, ut quoad durationem infinitæ essent; at si aliquod subjectum occurreret quod gravissimas pœnas illas semel ferre & exhaustire potuisset, utique nihil opus fuisset istud in omnem æternitatem affligi & puniri. Hoc verò in Christo deprehenditur, quemadmodum enim persona fuit divina *pœnas infinitas* ferre potuit constantissimè, non quidem *infinitas in se*, nihil enim actu infinitum in naturam humanam quæ finita fuit cadere potuit, sed respectu *subjecti* ob infinitam personæ patientis dignitatem; quemadmodum peccatum naturâ suâ finitum infinitum evasit tamen resp. *objecti* ob infinitam quam offendit Dei majestatem. Itaque quamvis mortem æternam non tulerit quoad durationem & extensionem, siquidem à morre detineri non potuit Act. 11. 24. ut nec sanè debuit quippe ab ea nos liberari oportuit, rectè tamen eam tulisse dicitur quoad pœnarum à persona hac divina latorum acerbiter & intensioem, adeo ut mors ejus licet tridua tantum tempore, verè nihilominus æternæ æquivalens fuerit valore & pondere; Atque ita illam ipsam maledictionem nobis debitam si non numero saltem specie

specie in se recepit. Quid enim terribilis illa execratio importabat quàm acerrimum iræ Dei sensum & pœnas omnes tum animi quæ ex Dei judicio infligendæ erant peccatori, eatenus ut justitiæ ipsius litaretur : at eas omnes ita tulit Christus ut nihil hac in parte desiderari potuerit ; nam corporeas quidem quod attinet præter omnis generis misérias & ærumnas quibus conflictatus est, in crucem tandem ignominiosissimum & atrocissimum supplicium actus est ; in animo verò quos non dolores quos cruciatus non sensit propter immensum iræ Dei pondus ipsi incumbens ? *ὀδυνηρὸς* & *ἀθμωρία* illa quæ sanguineum illi sudorem expressit, quæ animam ad mortem usque afflixit & tam altè illum occupavit ut se lamentabili voce à Deo derelictum quereretur, satis superque, si nihil aliud occurreret, demonstrat planè ab ipso Legi hac in parte fuisse satisfactum.

XXIX. Atque hinc etiam liquet quid ad secundum respondendum sit, falsâ, scil. peccari hypothesi, quasi Christus non eandem quæ nobis debita fuit *execrationem* Legis moralis sustinuerit, sed aliam quandam *judicialem*, eo quòd mortem crucis quæ à Deo maledicta fuerat tulerit, licet respectu Christi hæc rationem execrationis non habuerit : Nam ut antea jam insinuavimus cùm de execratione Legis moralis agatur hîc, non potuisset ea à nobis tolli nisi in Christum translata fuisset, neque Legi Morali per judicalem satisfieri potuit ; quid quòd Paulus dicere non potuisset Christum ab execratione Legis nos liberasse, factum pro nobis execrationem, nisi illam ipsam execrationem quæ nobis imminabat in se suscepisset, atque ita firmum fiduciæ & solatii argumentum nobis præberet, quod nullum esset omnino si aliam quandam & non nostram sustinisset execrationem ; hoc viderunt Patres, ideo passim eum verè maledictum fuisse factum tradunt ut nobis debitum maledictum aboleret, Athana. de pass. & Cru. *Pœnam nostram solvendam in se suscepit quia factus est pro nobis maledictio.* Augusti. contra Felici. *quomodo suscipiendo mortem interfecit mortem, sic suscipiendo maledictum solvit maledictum.* Eusebi. Cæsari. *Execratio pro nobis factus, execrationem qua nobis debebatur ad se ipsum attraxit.* At secundum Adversarios, eatenus tantum dicitur factus maledictio quia supplicium crucis tulit quod sub Lege fuit à Deo maledictum, licet respectu Christi maledictionis rationem non habuerit ; quid verò est vim facere verbis Apostoli si hoc non est ? nam quod pertendunt iidem Apostolum in execrationis voce argutum esse voluisse, absit ut dicamus, indignum esset tanto Apostolo ludere in re tam seriâ, & inanes vocum sonos captare ubi gravissima rerum tractantur momenta, imò ex rei veritate locutus est & maledictionem ipsum factum fuisse dicit quia sensit quicquid maledictionis Deus in peccatores interminatus fuerat : non ergo hujus maledictionis causa sed symbolum fuit Crux, neque ideo Christus maledictus fuit quoniam in cruce pependit, sed ideo pependit quia fuit maledictus & omnem iram Dei in se Vadem Sponsoremque nostrum sensit effusam, ut Hiero. in c.3. ad Gal. bene observat.

XXX. 2. Falsissimum mortem crucis Christo inflictam execrationis rationem non habuisse; Nam etsi respectu fidelium benedicta verè sit & pretiosa, quia ex funestissima mortis arbore dulcissimos vitæ fructus colligimus, tamen respectu Christi maledictam fuisse quis negare sustineat disertè id testante Spiritu Sancto, si non quoad *terminum* & *exitum* saltem quoad *causam* & *argumentum*? Et sanè cur tanto ad Crucis cogitationem horrore filius ille Dei percussus fuisset, ita ut consolatione etiam Angelicâ indiguerit, cur tantâ cum anxietate calicis istius amarissimi remotionem etiam cum lachrymis & clamoribus deprecatus esset, si nihil nisi mortem corpoream quam gregarii homines alii innumeri non constanter tantùm, sed cum gaudio & exultatione adiverunt, vidisset? Aliud E. proculdubio vidit & tulit in ea Christus propter quod tanto metu & tristitia dejectus fuit, scil. iram ipsam Dei & maledictionem cum qua illi certandum fuit. 3. frustra hîc exemplum Martyrum assertur quasi eadem esset ratio mortis ipsorum & Christi, at longum latumque discrimen inter utramque intercedit, ut ex jam dictis liquere potest, & ex dicendis in sequentibus clariùs adhuc patebit, nam istorum supplicia etsi gravissima in corpore tamen hærebant, at Christi dolores & cruciatus cor ipsius animamque transfixere, illi extrinsecus patiendo interiùs divinæ gratiæ rore & dulcedine recreabantur, at Christus à Patre se derelictum queritur quia ad momenta quædam influxum solatii & gaudiû illi subtraxit ut posset pœnas omnes nobis debitas ferre, denique Christi mors juridica fuit & pœnalis ad placationem Numinis & peccati expiationem inflicta, at istorum nequaquam, sed ad testimonium veritatis & explorationem fidei; unde licet crudeliter excarnificarentur & adhiberentur ad eos torquendos gladii, aculei, flammæ, craticulæ, *θυσιασθία*, aliaque priscæ crudelitatis instrumenta, nullius tamen Martyris mors dicta unquam fuit cum maledicto quia non fuit conjuncta cum sensu iræ divinæ, ut mors Christi; de ipsis nunquam legitur eos factos fuisse pro nobis maledictionem vel peccata nostra tulisse ut de Christo quàm sæpissimè dicitur.

XXXI. Ad 3. Resp. falsissimum esse quod supponunt quoties Paulus in hac Epistola vel in aliis de Lege & de liberatione ab ejus execratione agit, hæc ad Judæos duntaxat respicere, nam innumeris argumentis contrarium evinci posset, & vel ex eo luculentè patet quod Apost. non de Lege tantùm Cerimoniali quæ propria fuit Judæorum loquatur, quod contra Pontificios constanter defendimus, sed de Morali præsertim cui gentes etiam subjiciuntur: nam Legis moralis propria hæc est vox *qui fecerit hæc vivet in eis*. Item *maledictus omnis* &c. Ita non Judæos tantùm sed & gentiles maledictioni divinæ pariter obnoxios respexit quia utrique sunt in reatu, utrique non alio medio quàm fide salvandi, quod fusè prosequitur Apost. ad Rom. sed quid opus probatione cùm Paulus se ipsum clarissimè interpretetur vers. 8. 14. cum ait propterea maledictionem fuisse factum Christum *ut benedictio Abrahami contingeret gentibus in Christo*, nimirum eos omnes redemit à Legis maledictione quos benedictione Abrahamitica id.

cœlesti & spirituali donat, at non Judæos tantum sed & gentes hoc faciat beneficio, ut in sequentibus multis ostendit. E. non ad Judæos tantum sed pariter ad gentes quæcunque dixit pertinent.

XXXII. Huic priori loco non absimilis est alter ejusdem Pauli 2. ad Cor. v. 21. *Eum qui peccatum non noverat peccatum fecit ut simus Dei Justitia in ipso*, ubi non minus perspicue idem mysterium aperit ut ex singulorum verborum examine accuratiori demonstrari facile potest; Nam hic nullum verbum occurrit quod pondus suum non habeat 1. quod *factus dicitur peccatum* miræ est emphaseos ad notandam hanc & personæ & pœnæ subrogationem, peccatum enim ea notione sæpissimè venire in V. T. ut & pœnam ipsam peccati & victimam cui imponitur ferenda connotet, notius est quàm ut probatione indigeat: nam ex primaria & propria significatione oritur impropria & figurata duplex, *metonymia efficientis pro effectu*, ut non ipsum peccatum sed pœnam peccato debitam designet. Gen. iv. 13. *peccatum meum majus est* id est pœna peccati & vers. 7. *peccatum ad fores cubat* id est pœna imminet & certò ventura est; sic Zach. xiv. 19. *hoc erit peccatum Ægypti & omnium gentium quæ non ascenderint ad festum Tabernaculorum* id. supplicium & pœna, sic ad Heb. ix. 28. dicitur *Christus appariturus sine peccato* non tantum ab omni ejus labe immunis, siquidem & hoc ab initio habuit semper, utpote sanctus & segregatus à peccatoribus, sed ab omni ejus reatu & pœna liber quam in primo adventu in se receperat laturus eam & ablaturus. 2. *metonymia adjuncti pro subjecto* ut non tantum pœnam peccati designet, sed victimam ipsam piacularem & hostiam pro peccato connotet, sic sæpissimè in Levi. חטאת & אשם pro Sacrificio pro peccato usurpantur, Levi. v. 9. *aspergito de sanguine illius peccati* id. victimæ: & statim additur חטאת הוא *hoc est peccatum* scil. hostia pro peccato, sic apud Hoseam Sacerdotes dicuntur *comedere peccata populi* id. sacrificia; Paulus Ergo ad consuetum & receptum hunc loquendi modum respiciens Christum hic dicit factum fuisse peccatum non tantum quia peccator ab hominibus habitus est, quod quibusdam sed perperam videtur, hic enim de Dei non hominum judicio agitur, neque etiam quod factus fuerit *in specie carnis peccati*, ut alibi Paulus loquitur Rom. viii. 3. quod aliis visum est, dilutius enim hoc est quàm ut vim phraseos Paulinæ reddere queat, aliud enim est similitudinem carnis peccati gestare, aliud verò peccatum fieri, sed quia ipse pœnas peccati omnes tanquam piacularis victima sibi impositas tulit, ut sacrificio crucis ἐὼς θανάτου summum Numen placaret & peccata nostra purgaret.

XXXIII. 2. Atque hoc ipsum clariùs evincitur ex eo quod non tantum dicitur *factus* sed *factus à Deo* eum quippe designari ex præcedentibus liquet, ubi postquam dixit Apostolos nomine Christi legatione fungi & velut Deo per ipsos precante rogare ut reconcilientur Deo, jam fundamentum illius hortationis ostendit in Redemptione à Christo ex Dei ordine nobis parata, quasi diceret non esse cur dubitemus ad Deum accedere & reconciliari eum ipse reconciliare se nobis voluerit per Christi mortem: *fecit enim eum qui non*

noverat peccatum pro nobis : Hic itaque notatur ordinatio illa Dei secundum quam Christus Vas & Sponsor noster constitutus est, illique propterea imposita sunt omnia peccata nostra, planè ut Is. LIII. 6. *Deus dicitur consecisse in eum iniquitates omnium nostrum* eumque percussisse vers. 10. *illi non pepercisse* Rom. VIII. 32. τὸ ποιῆν ergo hic non propriè *facere* aut *producere* est, sed *ordinare*, *constituere* πθεῖναι, καθιδέναι ut sæpissimè hoc sensu usurpatur Marc. III. 14. ὡς ἐποίησε δώδεκα Christus fecit duodecim id. ordinavit & constituit; sic Joh. VI. 15. *facere Regem* Act. II. 36. *facere Christum* quod refertur non ad naturam & substantiam sed ad statum & conditionem: quemadmodum ergo absoluto Redemptionis opere in terris, Deus in acceptionis testimonium Salvatorem nostrum in cælos evectum dicitur *fecisse Christum* id. summâ gloriâ donasse & constituisse in mundi & Ecclesiæ Regem & Dominum; Ita idem ille Deus & Pater cœlestis qui œconomicè summam Numinis majestatem læsam refert, dicitur Filium suum *fecisse peccatum*, id. illum ordinasse in piacularem victimam ut opus Redemptionis exequeretur. 3. ne quis verò existimaret his pœnis Christum propter se factum fuisse obnoxium appositè ejus innocentiam & sanctitatem periphrasticè commendat dum ait, *eum non novisse peccatum* eleganti utens antanaclasi, aliter quippe non novit peccatum, aliter peccatum factus est; non *novit peccatum prætice*, *notitiâ experimentalis* & *approbativâ* ut nosse Heb. sæpe est diligere, habere, usurpare, quia ab omni vitii labe immunis prorsus fuit, nullumque illi unquam cum peccato fuit commercium, vel ut admitteret vel ut probaret: at *peccatum* tamen rectè *factus* dicitur *constitutione juridicâ & forensi* quia pœnæ peccati illi ut Vadi sunt impositæ, non novit peccatum *inhæsi*ve, sed factus est *imputativè*, nimirum ut peccatum bifariam spectari potest, vel quoad labem & viciositatem inhærentem, vel quoad culpam & reatum ex judicio Dei consequentem, prius ut est in prædica. *qualitatis* quia inficit ipsum subjectum, posterius ut est in prædicamento *Relationis* quia ἄξιον habet ad Dei judicium scelera ulciscientis, priori sensu non novit Christus peccatum quia ἀνὰ ἑαυτὸν fuit & ἀπὸ αὐτοῦ Sanctus imò sanctitas ipsa cujus in ore fraus nulla fuit, & in quo peccatum nullum inventum est; sed posteriori peccatum factus est, quia etsi istud non fecit & labem non habuit, reatum tamen & pœnas ejus tulit. Unde non obscure colligitur veritas quam quærimus; Nam si insons planè & nihil tale commeritus ex se, pœnas tamen gravissimas instar victimæ piacularis pro nobis sustinuit, utique non ad exemplum tantum, nihil enim opus fuisset propterea peccatum fieri, sed ad Satisfactionem mortuus est dicendus.

XXXIV. 4. Denique hoc ipsum comprobatur finis propter quem factus dicitur peccatum *ut essemus Justitia Dei in ipso* scilicet ut justii apud Deum compareamus, & quidem justitiâ non nobis inhærente, sed quæ cùm in Christo sit nobis tamen per fidem à Deo imputatur, neque enim temerè addit Apostolus ἐν αὐτῷ, sed ut significaret non propriâ nos seu inhærente justificari justitiâ, sed alienâ tantum & imputatâ, quod fusè Apost. probat ad Rom. c. III. & IV.

in Epist. ad Gal. c. II. & III. quemadmodum E. Justitia dicimur fieri in Christo ex imputatione quia ob justitiam Christi per fidem à nobis apprehensam & à Deo imputatam justī coram ipso pronunciamur; Ita vicissim ut antitheseos ratio constet peccatum factus est pro nobis imputatione, quia reatus noster quo in Dei judicio obstringebamur illi ut sponsori nostro est impositus ut pœnas illi debitas ferret: eximie Aug. in Ench. ad Laur. cap. 41. locum hunc exponit *Ipse peccatum & nos Justitia nec nostra sed Dei, nec in nobis sed in ipso, sicut ipse peccatum, non suum sed nostrum, nec in se sed in nobis factus est.* Ita scil. mirabili permutatione mala nostra in se recipit ut bona sua nobis largiretur, recepit miseriam, ut largiretur misericordiam, recepit maledictionem ut benedictionis suæ compotes nos faceret, recepit mortem, ut vitam conferret, recepit peccatum, ut justitiam impertiretur. Quanquam verò hæc commutatio duplex inter se in eo conveniat: primò quod in utraque alienum quid judicii divini æstimatione in personam transfertur, quæ translatio non est judicii aberratio, sed ea dispositio quâ propter aliquid ab alio præstitum tibi nonnihil adscribitur ac si ipse ea persona esses à qua ortum est id factum, propter peccatum nostrum mors Christo imposita ac si peccasset, & propter Justitiam Christi vita & hæreditas nobis collata ac si justī essemus legemque implevissemus. Deinde quod utrobique nexus debuit esse inter has personas, nam neque Christo imputari potuissent peccata nostra nisi tum naturæ ejusdem vinculo, tum voluntaria sponcione nobiscum unitus esset, neque Justitia Christi nobis imputaretur nisi in unum cum ipso corpus coaluissimus. Tamen in eo longè differunt quod Christo imputatio facta est ex Justitia, Nobis ex misericordia, in illum peccatum transfertur sed abolendum, in nos Justitia sed conservanda, in illum maledictio sed absorbenda, in nos benedictio sed continuanda, in illum sordes sed abjiciendæ in profundum, in nos vestis nova primogeniti, sed induenda; hinc est quod nos verè justī & filii Dei dici possumus, at non propterea Christus vel peccator vel filius iræ, quia nec peccatum ex se habuit nec ira Dei mansit, sed transit tantum super ipsum.

XXXV. Licet verò luce meridianâ clariùs fulgeat hîc cœlestis veritas, non desunt tamen sua Adversariis cavilla, quibus eam obscurare & si fieri posset extinguere conantur: Ajunt Ergo I. non posse ex eo quod Christum peccatum dicitur subrogationem vel pœnæ vel personæ inferri, quia ut *peccatum* cum denotat afflictionem, interdum notat afflictionem tantum ejusmodi quæ delicti quidem alicujus occasione cuiuspiam infligatur, interim tamen pœnæ propriè dictæ rationem non habeat, ita etiam cum pro voce concreta peccatoris usurpatur etiam eum qui occasione tantum peccati alicujus affligitur significare posse. Imò ut quis peccatum vel peccator dici queat, ne hoc quidem omnino requiri ut afflictio quàm subit delicti alicujus occasione ipsi infligatur, satis esse eum ita tractari quemadmodum peccatores tractari solent & merentur, atque adeo id perferre quod alias pœnæ materia esse solet, sic vocem *peccatoris* usurpari I. Reg. I.

21. ubi Bathseba ad Davidem *Et erit cum dormierit Dominus meus Rex cum patribus suis & ero ego & filius meus Salomon peccatores*: id. tanquam peccatores tractabimur & perdemur; Idem etiam occurrere in voce *Justitia* peccato oppositâ quæ cum alias pro effectu seu præmio Justitiæ usurpetur, iis quoque tribuitur qui id quod alias justitiæ effectus & præmium esse solet, accipiunt seu qui similiter tractantur ut justî, nullâ habitâ ratione ejus quod id fiat occasione justitiæ ab aliquo præstitæ vel pietatis alicujus compensandæ gratiâ, & hanc significationem ubique locum habere ubi de justificatione nostra per fidem sermo est. 2. Contendunt E. Christum ideo dici factum peccatum quia tanquam peccator habitus est, Deo ita permitte ut ab hominibus atroci & infami morte tanquam hominum pessimus occideretur. Sic *Soci. l. 1. c. 8. & Crell. con. Groti.*

XXXVI. Sed nebulas hæc quas lucifugæ ad obscurandam veritatem obducere nituntur fugare non est difficile: nam 1. gratis supponitur non probatur peccatum afflictionem non notare, quæ delicti occasione infligatur quidem, sed quæ pœnæ tamen rationem non habeat; Nulpiam enim istiusmodi apud Scriptores Sacros significatio occurret, imo constanter pro calamitate ea sumitur quæ in pœnam peccati imponitur, consulantur loca Gen. IV. 7. Num. XII. 11. & xxxii. 23. Lam. III. 39. & IV. 6. & V. 7. Zach. XIV. 19. neque contrarium evinci potest ex 1. Reg. I. 21. nam patet ex totius capitis serie Bathsebam id velle non tantum se tanquam peccantem cum filio suo male habitum iri, sed involvere etiam criminis alicujus quamvis ficti & falsi considerationem tanquam causæ meritoriae pœnarum ab ipsis ferendarum regni scil. occupandi adeoque læsæ majestatis regis Adoniæ, ut patet ex vers. 10. 12. 13. falsum pariter Justitiæ vocem pro beneficio sumi quod aliàs justitiæ effectus aut præmium esse solet, licet conferatur sine ullo respectu justitiæ ab aliquo præstitæ, nam cum judicium Dei sit secundum veritatem Rom. II. 2. non potest Justos pronunciare vel pro justis habere, qui omni Justitiâ vel suâ vel alienâ destituuntur; neque enim unquam probare poterunt id in justificationis nostræ negotio obtinere, imò quæcunque loca de ea loquuntur ea omnia vel Justitiam imputatam Christi & meritum exprimunt apertè vel supponunt; ut ex locorum collatione patere potest.

XXXVII. Perperam E. addunt 2. verba hæc nihil aliud connotare quàm Christum tanquam peccatorem habitum fuisse & tractatum, frigida enim hæc expositio ex eo 1. satis retunditur quod non dicitur tantum habitus peccatum, sed *factus* id. constitutus, nec factus ab hominibus sed ab ipso Deo, an verò Deus fecit eum haberi peccatum & impium ab hominibus, imò voce cœlesti editisque miraculis hoc egit ut omnibus testatam faceret Christi innocentiam: aliud E. est loqui de Judicio & æstimatione hominum, aliud de judicio & ordinatione Dei, illud intendit tantum Adversarii glossa, sed phrasis Paulina istud disertè connotat: adde etiam quod Is. LIII. 10. Christo ipsi hoc tribuatur *quod posuerit animam suam* ^{DEUS} sive quod peccatum se fecerit, an verò id egerit ut pro

pro execrabili & scelesto haberetur? Absit. 2. refellitur etiam id ipsum ex antithesi Pauli, opponit scilicet *peccatum* & *justitiam* ut perinde nos factos Justitiam dicat in Christo quomodo peccatum ille factus est pro nobis: at Justitia sumus non tantum per falsam hominum æstimationem quia pro justis habemur, imò tanquam retributa mundi & sacra ac devota capita censemur, sed per veram certamque Dei declarationem quatenus ille nos propter Justitiam Christi nobis imputatam reipsa justificat, & à pœnis imminentibus liberat: ita pari planè pacto Christus peccatum factus est, non quia instar peccatoris habitus, sed quia verè ex Dei judicio reatus noster in eum conjectus est, ut eum ferendo ab eo nos liberaret. Atque hæc hætenus dicta sunt.

Bernardus Epist. cxc. ad Innocent.

Homo qui debuit, Homo qui solvit: Nam si unus, inquit, pro omnibus mortuus est, ergo omnes mortui sunt, ut videlicet satisfactio unius omnibus imputetur, sicut omnium peccata unus ille portavit, nec alter jam inveniatur qui forefecit, alter qui satisfecit; quia caput & corpus unus est Christus &c.

COROLLARIA RESPONDENTIS

I. An Christus ut pro nobis satisfaceret debuerit esse verus Deus? Aff.

II. An fundamentum Justificationis nostræ coram Deo sit sola Justitia Christi nobis imputata, nulla autem justitia habitualis & inherens vel infusio ex parte Dei vel præstatio ex parte nostri? Aff.

III. An rectè solâ fide dicamur justificari, licet ipsa sola nec sit unquam nec esse possit? Aff.

IV. An fides Satisfactionem Christi apprehendens sit causa impulsiva Electionis? N.

V. An Justificatio fidelium sit immutabilis? Aff.

VI. An fidelis certus esse possit de justificatione & salute sua? Aff.

DISPUTATIO QUINTA

Quæ Tertia est

D E

SATISFACTIONIS

CHRISTI VERITATE.

Respondente D A V I D E W Y S *Bernensi.*

T H E S I S P R I M A.



NTER ea S. Scripturæ Testimonia quæ *Persona subrogationem & commutationem Pœnæ* inter Nos & Christum factam docent, ex quibus IV. argumentorum Classis pro *Satisfactionis Veritate* ducta est Disput. præcedenti, nullum videtur luculentius eam confirmare eo quod petitur ex cap. LIII. Isaïæ, & loco altero Petri parallelo I. c. II. x. 24. ubi divini Scriptores supra quàm dici potest apertissimè totum hoc negotium nobis pandunt; Ideo peculiarem horum locorum disquisitionem hâc Exercitatione instituere visum est; antequam ad alia transeamus, ne quid prætermissum videatur, quod alicujus sit ponderis ad sanctissimi hujus Mysterii elucidationem & sententiæ nostræ confirmationem.

II. Et ad primum quod attinet, Propheta *μεγαλοφώνηται* & ita perspicuè & graphicè utrumque Christi statum nobis ob oculos ponit & Exinanitionem & Exaltationem, passiones & gloriam, pugnas & victoriam, mortem & vitam, ut quasi ex post facto omnia historicè referre, & ut benè observavit Hiero. non tam Prophetam futura prædicendo, quàm Euangelistam, præterita narrando agere videatur: imprimis verò Satisfactionis mysterium de quo agimus tanta cum evidentia connotat, ut nuspiam fermè illustrius de eo testimonium deprehendi queat, neque enim passiones varias & mortem ejus commemorare satis habuit, causas etiam tum efficientes tum finales mirâ dexteritate interferevit quæ apertè illud ipsum important, atque ita non semel aut bis, sed decies & quater hylasticum hoc Christi officium *διακρίδω* asseruit.

III. Ne autem gratis illud ita præsidenter statuere videamur rem ipsam paulò accuratius excutiamus: Primò extra controversiam ponimus de *Messia* apud Prophetam agi; Nam etsi scrupulus hic multùm fatigaverit Eunuchum Candaces Reginae Æthiopum præfectum, profelytum, & Judæorum mysteriis

tan-

tantum initiatum Act. viii. 27. qui negabat se scire nunquid de se an de alio aliquo loqueretur propheta; nobis tamen in clara Evangelii luce jam versantibus post tot illustria Apostolorum, Evangelistarum, imò Christi ipsius testimonia qui identidem ad hoc caput alludunt ut in eventu prædictionum veritatem & complementum, & ex prædictionibus eventus certitudinem demonstrent Matt. viii. 17. Luc. xxi. 37. Rom. x. 16. 1. Pet. ii. 22. 24. dubium nullum superesse potest nisi sponte cæcutire & ad tantam lucem caligare velimus; Neque hic moramur Judæorum hodiernorum deliria qui hæc vel Josiæ Regi ut Abrabaniel, vel Jeremiæ ut R. Saadiah à Gaon, vel Abrahamo aut Mosi ut R. Alfscech, vel populo Judaico ad captivitatem Babylonicam redacto, ut R. Selomo Jarchi, D. Kimhi & alii applicare magno molimine nituntur; Cum ex suis Magistris revinci queant, qui sincerius loquentes jam olim hoc Messias vindicarunt, ut patet ex Chaldaica paraphrasi Jonathanis ubi verba Prophetæ c. lii. 13. *Ecce intelliget servus meus reddit* *הא יצא עבדו משיחא* *Ecce prosperabitur servus meus Messias* & ab hoc loco usque ad caput liv. omnia refert ad Messiam; sic R. Selomo in hunc locum Magistri nostri pia memoria affirmant hæc de Messia dici &c. sic in *Midrasch Ruth* & *Bereschit Rabba* loca varia ex isto capite Messias transcribuntur vid. *Raymund. Marti. pugio. fid. p. 3. disp. 3. c. 10.* & qui fermè omnia ab eo hausit *P. Galati. de arca Catho. verit. lib. 8. cap. 15. &c.* Nihil etiam nos movere debent *Hugonis Grotii* Viri cæteroquin magni, sed in rebus fidei, inconstantis & ἀνορεσώδους, observationes, qui etsi in libello de Relig. Christiana. totum illud caput ad Christum commodâ ac vera interpretatione retulisset, & ad nullum alium congruere affirmasset, & in tractatu eximio de Satisfactione adversus Socinum varia ex eo ad Orthodoxæ Sententiæ confirmationem argumenta petiisset, nihilominus in notis suis ad Isaïam de Christo vel parum vel nihil planè dicit in tota capitis illius expositione dicam veriùs depravatione, & id unicè quæsisse videtur ut ostenderet hæc omnia de Jeremia commodissimè posse intelligi, atque ita in gratiam Judæorum testimonia hæc omnia clarissima Christianis eriperet, quod & alibi non semel eum fecisse deprehendimus in illustrium oraculorum V. T. explanatione; hæc inquam nos movere haudquaquam debent; Nam præterquam quod ipsa verba aliò torqueri sine vi manifesta non possunt; quis enim vel Regum vel Prophetarum fuit unquam de quo dici potuerit eum non fecisse iniquitatem neque dolum fuisse in ore ejus, cum nemo etiam iustissimus sine peccato vivat Proverb. xx. 9. 1. Joh. cap. 1. 8? quis de quo perhibeatur meritò, eum non sua sed aliena luisse scelera? quis tantarum virium ut totius populi iniquitates ferre potuerit, & quidem ita ut ex castigatione ejus pax illi, ex livoribus sanatio & salus ipsi contingerit? quis denique ita mori ut resurgat & semen videat æternum, quæ omnia de hoc nostro dicuntur? Accedit etiam quod illi cum quibus jam agimus rei veritatem diffiteri non possint, nobisque hac in parte adstipulari cogantur; Remotâ itaque à cardine hæc de Subjecto totius vaticiniî controversiâ, ad peculiarem ejus applicationem transeundum est.

I V. Ut verò facilius vis argumentorum in hoc oraculo pro sententia nostra latentium deprehendatur, brevem analysim & ἐξήγησιν verborum quibus hoc mysterium potissimum describitur instituere prius necesse est; Postquam ergo Propheta vers. 2. & 3. tenuitatem & infirmitatem Christi, abjectissimamque ejus speciem descripsit sub similitudine *virgulti teneri* aut *radicis de terrâ arenosâ & sterili surgentis*, imò & calamitates varias attigit quibus exerceri debuit quibus fieret ut in contemptum hominum veniret, qui prædicationi Euangelicæ propterea fidem derogaturi erant, eò quod in Christo nihil nisi dolor & infirmitas apparet, *despectus* inquit, *& rejeetus inter homines vir dolorum, peritus infirmitatis, quasi abscondimus faciem ab illo & nihili reputavimus eum*. Jam vers. 4. rationem reddit humiliationis & calamitatum Christi ut occurrat scandalo quod ex ea consideratione oriri poterat, *sanè languores nostros ipse tulit*, &c. nam particula ^ἡ quæ hîc adhibetur non solum est affirmantis, sed causæ redditionem simul continet, maximè cum aliquid præcessit quod novum & insolens videri possit. Erat autem hoc verè instar portentum eum ita prosterni ac dejici cui Deus summum in omnia imperium daturus erat, quemque ut servum electum & in quo anima ejus acquiescebat summo amore complectebatur ^{Is. x. l. i. i.}. Id verò nisi causa redderetur absurdum omnes judicare poterant, Itaque causa jam subjicitur quòd *languores & dolores nostros tulerit* id est pœnas omnes & ærumnas nobis propter peccatum debitas: Ille non talia meritis mala tulit quæ nos eramus meriti, quod Symmachus clarè reddit ^{ἐπὶ τὸς αἰμαρτίας ἡμῶν αὐτὸς ἀνέλαβε, καὶ τὰς πῶνς ὑπέμεινε}, ut innuat languores ac dolores Christo impositos nihil aliud fuisse quàm *peccata nostra & pœnas iis debitas*. Ea cæteroquin futura erat Judæorum totiusque populi incredulitas ut non agnitori essent rationem veram cur tam duriter affligeretur Christus, sed ob sua propria scelera cæsum & percussum à Deo essent reputaturi, quem tamen innocentissimum noverant, cuique Judex ipse innocentiae testimonium erat perhibiturus; Unde addit *Et nos id. sed* (1 enim hic est adversativum) *existimavimus eum percussum à Deo vulneratum & humilitatum*; Verùm perversum & falsum hoc ac temerarium judicium redarguit, causam proximam meritoriam istorum dolorum pressius notando vers. 5. *Atqui ipse vulneratus est propter iniquitates nostras &c.* id. quicquid præposterè & perversè judicet mundus, quasi propter propria peccata à Deo affligeretur, certum tamen est eum non suo sed nostro merito punitum fuisse, nostra illi peccata quorum reatum in se susceperat tanti doloris & cruciatus causam & materiam attulisse.

V. Porro quia Christus ut perfectus esset Servator non tantum mala depellere & auferre debuit, sed & bona conferre, non tantum à morte & exitio liberare, sed & salutem vitamque acquirere, ideo subdit statim Propheta *Castigationem pacis nostræ super eum positam fuisse & nos ejus livore sanatos fuisse*. Vox ^{כִּסּוּף} quâ hîc utitur propriè disciplinam & institutionem notat, quia verò pueri & rudes ac ignavi discipuli non verbis tantum sed & verberibus nonnunquam opus ha-

habent ut ad officium impellantur, hinc fit ut secundariò & metaphoricè pro *castigatione* ponatur, imò & materialiter pro ipsa *pœna* seu supplicio propter peccatum inflictio, Hose. v. 2. *Et ego* ^{וְאֵנִי} *correctio seu castigatio omnibus illis id. castigabo eos propter suas prævaricationes.* Ita notatur afflictio quæ habet rationem pœnæ sive illa sit *υβελικη* sive *αἰσθηματικη*; neque reperire licet in Scriptura vocis istius usum quum afflictionibus tribuitur sepositum ab omni culpæ respectu; Non simpliciter autem dicitur *Castigatio*, sed *Castigatio pacis nostræ*; scilicet ut finis ejusdem notetur id. quæ pacem nobis conciliet, phrasi hebraica, quæ innuit calamitates & pœnas illi impositas non alium finem habuisse quàm pacem nostram & salutem; sive per pacem qualemcunque felicitatem intelligamus, ut *pacis* nomine Hebræi omnigenam benedictionem & prosperitatem interpretantur, sive speciatim fœdus pacis & reconciliationem nostram cum Deo cum quo gravissimæ nobis propter peccatum intercedebant inimicitia, qui primarius fuit mediationis scopus. Ita quia dissidium illud tolli non potuit nisi præviâ satisfactione, quâ ira Numinis placaretur & peccata expiarentur castigationem intercedere necesse fuit non tantum ut afflictionem, sed ut pœnam ac *λύτρον* propriè dictum. Atque id ipsum alia similitudine persequitur, *plagarum & sanationis*, quemadmodum peccata spectari possunt vel ut *crimina* quæ Deum offendunt, vel ut *vulnera* ab antiquo serpente inflictâ quæ gravissimè hominem sauciant & lædunt, ita sub illa prima *χέσις* opus est pœnâ castigatoriâ ad tollendum reatum, in ista verò livoribus & plagis utitur mirabiliter ad sanitatem restituendam: *חכה* sive *μώλωψ* *livor* est id. verberum in cute vestigium, vel cutis ex incussione vulnerum sugillata; Lati. *Vibex* & metony. pro *vulnere* ponitur, quia à vulnere provenit & ejus nota est & vestigium: dicit E. Christum sanitatem nobis attulisse plagis suis, livorem ejus nostram factam fuisse medicinam, ejus dolores nostram sanitatem, ejus vulnera vulnerum nostrorum emplastrum: quæ sanè salvandi ratio eò admirabilior videri debet quod ex ipsis malis nostris remedium adversus ea salutare petit, & Diabolum illis ipsis armis quibus nos devicerat, debellat: peccatum mortem nobis intulerat, at Christus moriendo mortem ipsam destruxit, & peccatum abolevit Heb. II. 14. Rom. VI. 6. Lex maledictioni divinæ nos mancipabat, at per maledictionem benedictionis cœlestis author nobis fuit, & ita in cruce Legis chirographum delevit, ut nulla sit amplius adversus nos condemnatio. Gal. III. 13. Col. II. 14. Ro. VIII. 1. Diabolus sævissimam suam tyrannidem per metum mortis in nos exercebat, & Christus in morte ipsa quæ ultimum fuit Satanæ propugnaculum Diabolum ipsum funditus delevit & de eo triumphavit Col. II. 14. Heb. II. 14. 15. Denique gravissima scelera nostra lethale vulnus nobis intulerant, & ex ipsis vulneribus ut ex ipsa vipera theriacam saluberrimam ad sanationem nostram confecit, dum plagis suis remissionis peccatorum & sanctificationis fontes nobis aperuit: quis ergo non miretur & venerabundus suspiciat admirabilem illam Sapientiæ divinæ rationem quâ ex malis bona, ex mi-

seriâ felicitatem, ex maledictione benedictionem, ex morte vitam ut olim ex tenebris lucem educere novit?

V I. Sic Propheta mortem Christi ejusque causam tum impulsivam tum finalem connotavit, inde iniquitates, hinc pacem & sanationem nostram; Ut autem melius infigat mentibus hominum beneficium hoc mortis Christi eximium, ostendit quàm necessaria fuerit salus illa cujus prius mentionem fecerat & à quo procurata, nisi enim perspecta nobis fuerit miseria & necessitas nostra, nunquam intelligemus quàm expetendum sit remedium quod Christus attulit, neque eâ qua par est reverentiâ & gratitudine summum illud beneficium excipiemus, nisi primarium ejus autorem intelligamus; Itaque utrumque attingit vers. 6. & prius quidem cùm ait *Nos omnes tanquam oves errasse quemque in viam suam declinasse* id. perditos omnes fuisse donec ab ipso vindicaremur: posterius verò cùm addit *Jehovam traduxisse in eum nostras omnium iniquitates*: quæ verba inprimis ad rem nostram faciunt, tum quia iniquitates nostræ dicuntur in Christum traductæ non sanè quoad culpam à qua immunis ille semper fuit, sed quoad reatum tantum & pœnam quam sustinere sponte voluit, tum quòd traductæ dicantur à Jehova quatenus sapientissimo consilio has illi pœnas ut Judex Sponsori nostro imposuit, nihil enim hac in parte factum ab hostibus Christi quàm quod *manus & consilium Dei* id. decretum efficacissimum & potentissimum, antea præstituerat Act. 1v. 28. Hic verò Adversarius nullum non lapidem movet ut genuinum horum verborum sensum nobis extorqueat, aliam præposteram interpretationem comminiscendo quasi nihil aliud vellet Propheta quàm *Deum occurrisset per ipsum vel cum ipso iniquitati omnium nostrum nempe prædicatione & dulci credentibus facta promissione*, Sed corruptela hæc per se corrui 1. quia repugnat apertè vox Hebræa הִפְחִיל conjugationis Hiphil quæ non unicam sed duplicem actionem significat, Ideo cùm פָּגַע in Kal. propriè sit *occurrere* sequitur ut וַיִּפְחִיל in Hiph. sit *fecit occurrere*; Cùm autem alicui occurratur, vel in malum nocendi causa, vel in bonum ad intercedendum & deprecandum ut infr. vers. 12. וַיִּפְגַּע id. *pro peccatoribus intercedet*. Ideo duplici sensu hæc vox usurpatur in Scriptura, sed posterior hîc locum habere nequit, nam tum diceretur, *Deum rogare fecisse pro eo iniquitates omnium nostrum* quod est longè absurdissimum vel ipso Socino iudice; accedit etiam quod omnia quæ proximè antecedunt & sequuntur ad afflictionem non ad deprecationem pertinent: Ergo non ferunt verba alium sensum quàm hunc, *fecit Deus in illum occurrere* id. impegit, incussit, transfudit in ipsum pœnas iniquitatum omnium nostrarum: sic intellexerunt Lxx. καὶ κύριος παρέδωκεν αὐτὸν τοῖς ἁμαρτίαις ἡμῶν tradidit eum Deus iniquitatibus nostris; Symmachus κύριος κατὰ τὴν αἰτίαν ἐποίησεν εἰς αὐτὸν τὰ ἀνόμια πάντων ἡμῶν, Dominus fecit occurrere in ipsum peccatum omnium nostrum Vulgata posuit Dominus in eum quasi respiciens ad hircum emissarium Syrus Dominus fecit ut irruerent in eum peccata omnium nostrum; Nam quod hæreticus hoc ad prædicationem Christi & promissiones ejus refert satis ex ipsa orationis serie refellitur, ubi de

de præconio vel promissionibus nihil, sed de supplicio & pœnarum satione multa habentur.

VII. Quod potissimum ex sequentibus liquet ubi fusiùs rem eandem exequitur vers. 7. *multatus est & afflictus nec aperuit os suum.* Transductio quippe illa & velut occurfus iniquitatum non potuit aliter fieri quàm per imputationem, quàm constitutus est pœnarum debitor pro nobis omnibus; debitum verò illud ita volente Deo contractum & filio impositum effecit ut multaretur & affligeretur; Quia verò pœna illa nullius fuisset ponderis & momenti apud Deum nisi liberrimè à Christo lata fuisset, nisi enim voluntariam mortem subiisset inobedientiæ nostræ culpam expiasse non videretur: Ideo ne quis hæc à Deo Patri ita disposita esse arbitraretur ut filio invito acciderint, aut qui conquereretur injustè secum agi, propterea summam ejus patientiam & obedientiam commendat, qui inter medias ærumnas & probra quibus impetebatur ne os quidem suum aperuerit. Notanda est autem verborum vis eoque magis quod difficultate carere non videntur נגש ורע נענה Vulgata ita reddit *oblatus est quia ipse voluit*; sed coactior hæc est interpretatio quàm ut admitti possit, nam etsi נגש per ו sign. adducere & admove, tamen per ו aliud planè designat, Itaque commodior est sententia Tremellii & aliorum qui per *exigitur* interpretantur, nam cum verbum נגש duos tantum significatus obtineat in scriptura, primum proprium *exigendi* ut 2. Reg. xxiii. 34. Zach. ix. 8. alterum figuratum & metaph. *opprimendi & affligendi* quia in exactione sæpe est oppressio, alteruter hîc obtineat necesse est; posterior verò locum habere non potest, siquidem in eodem commate additur נענה ורע quod de ea afflictione & calamitate intelligendum esse patet ex vers. 4. ubi dicitur נענה id. *attritus* voce ab eadem radice derivata, at inanis esset tautologia si de eodem diceretur *opprimitur & ipse affligitur*; superest ergo ut vox illa propriè sumatur ut significet *exactionem pœna* & referatur ad nomen proximè antecedens *peccatum*, quod hîc subaudiendum, *exigere autem peccatum* nihil aliud est quàm exigere pœnam peccati, atque ita optimè cohærebunt, exactio pœnæ à Christo & ejusdem afflictio; nam à Christo Sponsore debitum nostrum exegit Pater severissimè unde ipse afflictus est; Exigitur ergo pœna propter quam ipse affligitur. Ita נענה ad afflictionem & perpeffionem refertur: Non malè quidam volunt vocem posse sumi in proprio significato *respondendi* quod eodem recidit, ut sic respondeat exigenti; quasi dicas *ab eo exactum est* scilicet peccatum & *ipse respondit* id. *persolvit* pro nobis, respondit, inquam, *re* solvendo ut fidejussor, non *ore* obloquendo: quid enim ille interea an reluctatur aut moras nectit? imò contra sponte se judicio Dei subjicit, & ne os quidem suum aperit quasi ovis ad mactationem deducta: nam & ipse agnus erat Dei qui tollere debuit peccata mundi; Quæ patientia admirabilis & à Petro commendatur, & ab Evangelistis non semel describitur, dum ipse nihil ad falsas Judæorum excusationes reposuit; etsi justa suppeteret defensio, tacuit tamen coram tribunali Pilati Matth. xxvii. 12. 14. nimirum quia reatu nostro

se obstrinxerat, voluit tacitus iudicio acquiescere, ut nobis pleno ore gloriari liceret in ejus absolutissima justitia. Ita mortem ipsius verum fuisse sacrificium docere voluit Vates facer in qua victima sponte & lubenter sese stitisset, quod pertinet illud Ps. XL. 5. 6. *Ecce venio*, nam alas litatum non fuisset, quomodo apud Ethnicos non litabatur & ἀθύρον ἱερὸν existimabatur si victima sese retraheret ab aris aut mugitum ederet unde illud Ovidii *mugitus victima diros edidit*. At noster Agnus ne balavit quidem licet humeris suis ferret peccata omnium nostrum.

VIII. Ex hac autem analytica verborum ἐξήγησις jam proclive est agnoscere quanta exurgat argumentorum seges pro Satisfactionis Veritate. 1. Quum *Christus* dicitur *languores & dolores nostros atque iniquitates tulisse* vers. 4. 6. 8. 11. 12. poena hæc vicaria non obscure indicatur, nam si non suos sed nostros dolores tulit, utique innocens respectu sui, sed nostrâ culpâ tantum reus percussus est, aded ut peccata nostra fuerint causa meritoria & impulsiva cruciatuum quos tulit: qui verò poenas alteri debitas in se recipit & transfert, in alterius locum & vicem subrogatus merito dicitur, atque adeo eadem vel æquivalentia patiendò pro ipso satisfacere: Nam præterquam quod is est frequentissimus & tritissimus scripturæ usus ut *peccata portare* is dicatur qui pro peccatis punitur & plectitur vide Lev. v. 1. & xix. 8. & xx. 17. 20. & xxiv. 13. Num. xiv. 33. Ezech. xxviii. 20. & alibi sæpius; repugnat etiam ipsa ratio ut is alicujus peccatum portare dicatur, qui solâ peccati occasione patitur, nisi poenas etiam peccati perferat ac in se recipiat; quis enim dixerit dominum qui ex furis peccato damnum patitur illius peccatum portare, cum etsi occasione furti affligatur in bonis suis, furti tamen poenas non sustineat nec pro furto puniatur. Hanc vero rationem esse poenalem & satisfactoriam evincitur secundo ex vers. 10. ubi dicitur *animam suam posturus in sacrificium pro peccato* נָפְשׁוֹ אֶשְׁחַדּוֹ; nam אֶשְׁחַדּוֹ hic piaculum five victimam piaculariæ notare dubitari non potest; quemadmodum verò victima in Rei locum substituta poenam peccatoris sustinendo, reatum ejus expiabat, quod manuum impositione significabatur, & peccatum portare propterea dicebatur; ita pariter Christus agnus Dei qui peccatum pro nobis factus est, peccata nostra tulit verè, quia mortem nobis debitam in se recepit ut ab ea nos eximeret; cur verò positum *sacrificium pro delicto* si delictum potuit expiari, vel expiatum est re ipsa sine sacrificio hylastico?

IX. Accedit 3. quod non tantum dicatur dolores nostros tulisse sed & *attritus fuisse & percussus à Deo propter peccata nostra* quod disp. præced. causam meritoriam notare probavimus. Item quod *Deus in ipsum conjecerit & transtulerit iniquitates omnium nostrum* vers. 5. 6. quod voluerit *Jehova eum conterere* vers. 10. ubi talis innuitur peccati latio quæ perpeffionem conjunctam habet gravissimam & judicariam peccatorum imputationem; peccata autem ferre patiendò, atque ita ut inde alii liberentur quid aliud indicare potest, quàm poenæ alienæ susceptionem voluntariam & justam inflictionem? Nam quod Adversarii hoc ad occasionem

sionalem Christi calamitatem referunt, quia Deus voluit eum iniquitatum nostrarum occasione mori, dilutius est quàm ut vim phraeos propheticae reddat, quæ non occasionalem tantum, sed veram & propriè dictam causam meritoriam importat; rursus quo pacto diceretur Deus coniecisse in eum iniquitates omnium nostrum, quod non al'ò quàm ad pœnæ transgressionem referri potest, si non alium in finem mors illi est illata quàm ad doctrinæ confirmationem vel constantiæ exemplum? 4. *Castigatio pacis nostra* dicitur *posita super ipsum* ut scilicet haberemus pacem cum Deo à quo per peccatum averſi fuimus, at quid opus fuit hâc intercedente castigatione ad pacem obtinendam si remissionem liberam absque satisfactione nobis indulgere constituerat, quare ex livore nobis sanitas & plaga propter prævaricationem populi illi imposita, si satisfactio hîc nulla fuit necessaria, hoc est nec livor nec plaga? sanè summus ille quo filium suum prosequitur amor Pater, non patitur nos credere illum vel nulla vel levicula aliqua de causa durissimæ morti exponere voluisse, sed gravissimam aliquam & summè necessariam rationem intercedere necesse fuit ad id ut hoc consilium iniretur, hæc verò nulla dari potest alia quàm Justitiæ divinæ satisfactio ad cujus placationem nostra ille peccata in cruce portare & à Deo atteri atque vulnerari debuit.

X. Denique si totam contextus prophetici seriem attendimus, videbimus distinctè omnia & singula quæ ad hoc negotium pertinent connotari, tam quæ spectant Christi in locum nostrum substitutionem, quàm ea quæ ad ejus pro nobis satisfactionem referuntur; Nam si ad veram & propriè dictam satisfactionem hæc vulgò requiri dicuntur ut sit in eo qui satisfacit calamitatum & miserationum omnium nobis debitarum latio, ut lationis illius *causa impulsiva* & meritoria sint peccata non sua sed nostra, *Causa efficiens* Dei justa imputatio & Vadis voluntaria susceptio, *finalis* peccati expiatio, & plena debiti persolutio, *effectum* denique ac fructus perfecta redemptio & æterna salus, hæc omnia sigillatim hîc commemorantur, 1. pœnarum latio nam ille *morbos nostros tulit & dolores portavit* vers. 4. 2. *Causa impulsiva* meritoria nam ipse dolore affectus fuit à defectio-
nibus nostris &c. à prævaricatione populi *plaga ipsi* vers. 5. 8. cum ipse interim insons planè & absque peccato *violentiam non fecerit nec dolus fuerit in ore ejus* vers. 9. 3. Dei justa imputatio, nam *Jehova fecit in eum incurrere iniquitatem omnium nostrum* vers. 6. & Deo ipsum placuit conterere vers. 10. 4. Christi voluntaria susceptio, nam *afflictus fuit nec aperuit os suum, sicut parva pecus ad occisionem ductus est* vers. 8. 5. peccati expiatio & debiti plena persolutio, nam *posuit animam suam hostiam pro delicto* vers. 10. & à coarctatione & judicio *assumptus est* vers. 8. 6. Denique ipsa redemptio & salus, *ex castigatione pax, ex vibicibus sanitas* vers. 5. & *ubi posuerit animam suam reatum videbit semen, prolongabit dies, & beneplacitum Domini prosperabitur in manibus ejus* v. 11. *Pro labore animæ suæ satiabitur, servus ille Justus justificabit plures cognitione sui* &c. v. 12. Quid clarius & significantius dici potuit pro nostra sententia? sanè nullis verbis magis emphaticis exprimi à nobis nunc

quidem posset aut declarari. At si alia planè fuit Prophetæ mens, si nihil minus in animo habuit quàm Satisfactionem Christi nobis commendare, cur iis verbis usus est, quæ apertissimè & propriissimè eam designant, atque ita occasionem periculosissimè errandi toti Ecclesiæ præbuit? Sed non patitur sanctissimus divini Vatis zelus; & ingenuus candor ut quicquam tale de eo cogitemus; Imò hæc planè nos persuadere debent non aliam fuisse ejus à nostra hac in parte sententiam. Ex quibus omnibus fortissimum jam colligitur argumentum. Qui subiit & præstitit omnia à reis & debitoribus peragenda, sic ut ipsius castigatio cesserit in imponentis satisfactionem, ipsius sacrificium in delictorum expiationem, ipsius vibices & vulnera in delinquentium sanationem; qui ita peccata omnia tulit nostra, humeris suis Deo ita volente imposita ut ea à nobis abstulerit, qui ea tanquam piacularis victima expiavit & hoc pacto homines redemit & salvavit, Is revera non exemplo tantùm aut præconio, sed & merito ac Satisfactione Servator est dicendus; At hoc ipsum pro nobis Christus implevit ut ex ante dictis patet, E.

XI. Ita locus hic invictè militat pro sententia nostra, non dissimulanda tamen sunt quæ effugia hîc captare conantur Adversarii, quanto major enim est vis istius argumenti tanto majores sunt eorum conatus ad illud eludendum 1. Hinc facile probare se posse putant Satisfactionis veritatem nulla ratione ex isto colligi loco, quia phrasis *portandi peccata* quâ nititur præcipuè argumentum ambigua est & *πλύνω* & licet aliquoties pœnæ lationem significet, tamen non rarò etiam pro simplici *ablatione* ponitur, quemadmodum *ferre & portare* per metonymicam quandam translationem *auferre* nonnunquam designant, cujus translationis hæc fuisse videtur ratio quod qui aliquid aufert aliunde, tantisper dum illud deponat aut abjiciat, portare soleat sic Exo. xxxiv. 7. Deus dicitur *portare iniquitatem & peccata*, non utique ferendo, sed auferendo & condonando *Jehova servans misericordiam millibus, portans iniquitatem & peccata* ubi occurrit verbum *נשא* quod hoc in loco legitur; sic Num. xiv. 18. & alibi; nihil ergo absurdi esse pertendunt si dicatur Christus hoc sensu portasse languores & iniquitates, non quod sustinuerit universas pœnas nobis debitas, sed quòd à nobis omnes dolores & languores abstulerit, & nos ab omnibus nostris malis liberaverit. 2. non posse locum aliter intelligi quàm de peccati & pœnæ remotione probant ex Matth. viii. 16. 17. ubi impletum dicitur istud vaticinium quando ægros sanabat & varios morbos curabat; *vespere autem facto* inquit Matth. *obtulerunt ei multos demonia habentes, & ejiciebat spiritus verbo & omnes malè habentes curavit, ut adimpleretur quod dictum est per Isai. dicentem ipse infirmitates nostras accepit & morbos portavit* ut ergo morbos portasse dicitur non in se transferendo, sed à nobis auferendo; Idem etiam de peccatis intelligendum esse. 3. confirmant eandem hanc expositionem ex typo Hirci emissarii, unde videtur petita hæc loquendi ratio, de quo Levi. xvi. dicitur quòd super eum Aaron jussu Dei omnia populi delicta confitebatur & ejus capiti imponebat, quæ deinde emis-

sus in desertum secum asportabat; non enim illi hirco verè peccata populi imputari potuisse, neque eum abeuntem verè secum illa portasse: sed Dominum innuere tantum voluisse non minus à populo ablata fuisse omnia peccata, quàm si hircus ille super se universa habens in desertum illa asportasset; non potuisse dici satisfecisse peccatis quia nihil de ejus morte quæ tamen secundum nos necessaria erat, perhibetur. 4. quod si locutio hæc urgeatur & ad calamitatis inflictionem referatur ne sic quidem satisfactionem posse elici contendunt, quia non semper pœnæ lationem connotat, sed simplicem afflictionem occasione peccati illatam, ut patet ex Num. xiv. 39. Thre. v. 7. 5. vellicant etiam verba vers. quinti ubi dicitur *castigatio pacis nostræ super eum* quasi nihil aliud significant quàm Christum flagella & afflictiones subiisse quæ nobis pacem id est felicitatem & quietem pepererunt; Nam ^{לפניו} pro flagello tantum & afflictione poni, non pro vera punitione, innuere vocem *pacis* quæ ei non obscurè opponitur; nempe quia antithesis non est inter punitionem & pacem quemadmodum est inter pacem & afflictionem. 6. Denique vers. 8. ubi dicitur quod Jehova ^{ה' ע'ל} fecit *occurrere iniquitatem nostram super ipsum*, reponunt dupliciter reddi posse commodius quàm à nobis fieri soleat, aut & *Jehova occurrit per eum iniquitati omnium nostrum* ita ut Deus per Christum omnes iniquitates vel iniquitatum pœnas à Nobis, illis quodammodo per ipsum vel cum ipso occurrendo depulerit; vel & *Jehova occurere fecit ei iniquitatem omnium nostrum* id. ut Deus effecerit ut omnium nostrum iniquitates Christo obviam fierent & ipsum quodammodo aggrederentur cum nostrarum iniquitatum causâ mori eum voluerit: sic illi perversissimè locum hunc detorquere conantur in propriam perniciem, vide Socin. de Serva. p. 2. c. 4. 5. Catech. Racov. c. 8. q. 33. Crell. adv. Groti. Smalz. contra Frantzi.

XII. Nos verò eorum pestifera sed imbellia tamen tela sic repulsum imus. Nam in 1. se prodit solitus eorum *paralogismus* à *particulari*, *Portare* interdum significat *auferre* & *removere*, & vox Heb. ^{נשא} aliquoties eo sensu usurpatur; Ergo & hic pariter intelligenda venit: Quamvis enim daremus hunc significatum quibusdam in locis occurrere, tamen ut in omnibus, & eo præsertim de quo inter nos controvertitur Isaïæ loco pro sola peccatorum remotione & ablatione, non verò pro eorundem receptione & translatione in Christum accipi debeat nunquam à nobis impetrabunt: Nam cum occurrit vox ambigua, ex circumstantiis, orationis serie, & materia subjecta significatio genuina petenda est, atque ita statuendum est primariam & propriam significationem quantum fieri potest retinendam esse nec ad tropicam & impropriam temerè & sine gravi causa recurrendum esse; Hic verò gravissimæ sunt causæ cur juxta receptam sententiam verbum hoc de *gestatione* vera, non de simplici remotione intelligamus, quia est *primaria & maxime propria vocis istius significatio*, quæque frequentissima est ubivis in Scriptura, consulantur loca apud eundem Prophetam Is. c. xxx. 6. & xl. ii. & lii. ii. & lx. 6. & lxvi. 12. hinc enim ut & alibi

sæpius verè significat aliquid portare maximè cum peccato adjungitur; nam ut Hebræi significant id quod Latini dicunt *pœnas pendere* nullam phrasim habent magis receptam quàm hanc *ferre peccatum* ut Latini etiam dicunt *luere delicta* hoc est delictorum supplicia; sic ex ordinario usu scripturæ sumi probavimus antea; nec diffitetur Socin. Prælecti. c. 21. *fatemur inquit locutionem hanc portare seu ferre peccatum sive iniquitatem idem significare solere, quod peccati pœnas dare sive ut verbum verbo reddamus peccati pœnam ferre, peccati enim & iniquitatis pœna potissimum significatur.* Cum Ergo usitatissima hæc sit & communissima istius verbi acceptio cur nullâ ratione cogente ad aliam rariorem & insolentio rem confugeremus, maximè cum hanc esse retinendam non paucæ nec leves ex ipsius textus visceribus petiæ demonstrent rationes?

XIII. Prima petitur ex conjunctione verbi כָּבַל quod priori annectitur *languores nostros ipse tulit & dolores nostros bajulavit* כָּבַל quod repetitur etiam vers. 11. & *iniquitates eorum portabit* יָשָׁא, quanquam enim ipsa peccatorum susceptio & latio ex priori voce satis colligeretur, ne quis tamen argutaretur נָשָׂא de simplici ablatione vel remotione intelligendum esse, ideo Propheta addere voluit verbum כָּבַל יִשְׂרָאֵל quod non aliam quàm portandi seu onus impositum bajulandi significationem obtinet, unde quem *bajulum* vulgo vocamus Scripturæ vocant כָּבַל id. ὡς φορέων dorso ferentem ut LXX. vertunt 1. Reg. v. 15. & onus quod gestatur humeris ita ut portantem premat dicitur כָּבַל עֲבֹדָה Exod. 1. 12. & Ps. LXXXI. 7. unde nonnulli *fabulum* Latinis dictum volunt, quod arena valde sit ponderosa. Cum Ergo vox hæc quæ unicum significatum bajulandi obtinet addatur præcedenti quæ πάλωμι & est & ambigua, patet priorem ex posteriori esse interpretandam. Nec sine causa Spiritus S. videtur duas hæc voces conjunxisse ut perfecta peccatorum latio innueretur, quippe נָשָׂא ipsum actum tollendi onus in humeros atque adeo susceptionem propriè designat, כָּבַל verò gestationem oneris impositi ac suscepti. Ita Christus gemina hac phrasi portasse peccata dicitur quia non ita suscepit imposita sibi peccata nostra, ut sub onere fatiscens ea deposuerit & abjecerit impar oneri tanto, sed suscepta ritè portavit & pertulit. Itaque sive consideretur conjunctio utriusque vocis, sive relatio & ἕξις unius ad alteram necessariò vera peccatorum susceptio & latio, non simplex ablatio colligitur; Neque ullius est momenti Crellii instantia quâ *auferendi* significationem etiam in verbo כָּבַל locum habere debere contendit, vers. 11. quum de Christo dicitur *de labore animæ videbit & saturabitur; cognitione sui justificabit servus meus multos, & iniquitates eorum ipse portabit, ubi iniquitatum bajulatio commemoratur tanquam aliquid quod extitutum sit post mortem Jesu Christi & tanquam premium laboris quem is mortem suleundo pertulerit, quod profecto esse non potuit puniri in ipso peccata nostra, id enim neque mortem consecutum esset, sed unâ cum ipsa morte peractum fuisset, neque premium laboris dici posset sed labor ipse* vers. 11. Nam etsi bajulatio peccatorum referatur à Propheta post justificationem quam per fidem

fidem in ipsum consecuturi erant fideles, & post satietatem id. præmium quod ipse ex labore suo relaturus erat, non sequitur tamen contigisse postea, imò debuit reipsa antecedere, quia his verbis causa redditur præmii quod obtinere debuit & fundamentum ponitur justificationis quam electis conferre debuit, quare enim justificare potuit servus ille dilectus per cognitionem sui fideles, nisi quia portando eorum peccata in cruce pro iis satisfecerat? Itaque copula, quæ hic apponitur *causaliter* est intelligenda ut sæpe alibi, quod observatum Tremellio qui vertit in præterito, *quorum iniquitates ipse bajulaverit*; falsum etiam quod supponit portationem iniquitatis statui à Propheta præmium laboris Christi, cum potius recensetur tanquam ipse labor qui fuit præmii causa, nam statim vers. sequenti addit commemorans gloriam quæ illam calamitatem erat secutura *Ideo partem ei dabo in multis & dividet spolia, &c.* nim. propterea quòd animam suam morti exposuerit & portaverit multorum peccata ut ibid. additur.

XIV. 2. *Ex modo portandi* qui est *vulneratio & attritio* vers. 5. 6. *labor animæ* vers. 10. neque enim dicitur simpli. peccata vel languores tulisse, sed ita tulisse ut propterea fuerit vulneratus & contritus, ut propter prævaricationes nostras plagâ affectus fuerit, atque adedò laboraverit anima ejus; quis verò hinc non videat non loqui prophetam de nuda & simplici peccatorum & pœnarum remotione, sed de onerosa & molesta portatione ac gestatione quâ Christus pœnas peccatis nostris debitas in corpore suo sustinuerit, ut ab illis liberaremur? quid enim attinebat hîc commemorare summam ejus ignominiam & exinanitionem, extremos cruciatus & dolores quos perpessus erat, si nihil aliud præstiturus erat Christus in hac iniquitatum portatione quàm quod eas supremâ suâ auctoritate & gratiâ removeret & auferret? Accedit etiam quòd non tantum portasse dicatur peccata, sed & in se recepisse; castigatio enim pacis nostræ dicitur fuisse *super eum* & Deus conjecisse *in eum* iniquitates omnium nostrum, quod utique frustra diceretur, si auferendo tantum & non etiam ferendo & in se recipiendo pœnas iniquitatum portasset.

XV. 3. *Ex simili* ibidem allato, nam eodem modo dicitur portasse peccata quo modo victimæ portabant peccata, nam phrasis illa per istam exponitur vers. 10. dum dicitur posuisse animam suam sacrificium pro delicto; peccata verò victimis ita fuerunt imposita ut non tantum ea auferrent per expiationem typicam, sed & iis typicè imputarentur per æstimationem juridicam, quòd pertinebat ritus impositionis manuum super caput hostiæ & confessio peccatorum quæ fieri solebat; Ita cum Christus verè sit victima nostra piacularis qui propterea *peccatum* dicitur factus à Deo 2. Cor. v. 21. ut antea visum, portatio ista non potest sine vi quadam ad *portationem activam* tantum vel *authoritativam* si fas ita loqui, id. meram ablationem referri, sed optimè ad *gestionem passivam* & satisfactoriam accommodatur. 4. denique ex ipsa Adversariorum sententia, nam si auferre debuit Christus peccata, utique & ferre debuit, nunquam enim ea auferre

potuisset ut Mediator, nisi eorum pœnas sustinuisset ut Sponzor, primariis debitoribus indemnitate & immunitate à pœna præstando. Ita hæc tanquam contraria & ἀντιρρησια non sunt opponenda, sed componenda ut subordinata; peccatum ferre & auferre, quia ut non tulit nisi ut auferret, ita non abstulit nisi ferendo.

XVI. Atque hinc luculenter patet quid ad illa loca respondendum sit in quibus Deus dicitur portare iniquitatem non satisfaciendo, sed simpli. condonando Exod. xxxiv. & Num. xiv. nim. disparem esse planè rationem, & dissimilia conferri. Nam aliter Deus dicitur portare peccata, al' ter Christus, Christus ita fert ut propterea dicatur peccatum & execratio fieri, propterea atteratur, vulneretur, occidatur, quod de Deo nusquam perhibetur, quid mirum ergo si Christus ferat peccata pœnas luendo, Deus contra reatum condonando, & pœnam removendo? Ita pro ratione subjectorum phrasis diversimodè explicari necessariò debet, ne sensum fundat absurdum & alienum; Deus enim cum sit ἀπαθής & doloris omnis expers non potest portare peccata eorum pœnam fuscipiendo, ideo manifesta ratio compellit nos deferere significationem propriam & figuratam assumere, at in Christo nihil tale occurrit; nam ex quo particeps factus est carnis & sanguinis, obnoxius factus est iisdem infirmitatibus & tentatus in omnibus nobiscum excepto peccato, unde nihil obstat quo minùs verè in se pœnas peccatorum receperit ad patiendum pro ipsis, quemadmodum constat eum gravissimis doloribus & cruciatibus exercitum fuisse.

XVII. Secunda exceptio petita est ex collatione Evangelistæ cum Propheta, in qua mirè sibi plaudunt quasi nodus plane ἀλυστός sit & inexplicabilis, quia oraculi illius complementum apud Matth. viii. refertur ad morborum fanationem quos Christus non tulit sed abstulit, quid inquit Ostorodus an Christus infirmorum morbos in se recepit & loco eorum agrotavit & sic eosdem sanavit? nemo hoc affirmabit, sed potius dicit Christum morbos illorum potentiâ suâ divinâ abstulisse & abjecisse. Difficultas hæc in speciem gravis & ardua, sed variè tamen responderi potest. 1. Vel Adversarii pertendunt Prophetam de morbis tantum corporalibus loqui vel non, illud ut opinor ne dixerint quidem, istud verò eorum hypothesim destruit, nam ut diversi sunt languores, ita diversimodè eos tulisse dicitur, & rei naturæ & statui suo convenienter, corporeos quidem removendo non ferendo, spirituales verò & ferendo, & auferendo, quia ita rei natura postulabat; quod si quæritur qua tandem ratione applicatio hæc convenienter facta fuerit à Matthæo, diversimodè huic scrupulo satisfieri potest. Primò non malè quidam hæc anagogicè applicari à Matthæo pertendunt, quia enim Christus multa hîc miracula edere incipiebat, facîle contingere poterat ut vulgus existimaret eum tantum excellentem esse Medicum aut præstantissimum Chirurgum; ideo ad hoc præcavendum Matthæus hominum mentes per ἀναγωγήν elevare & altius de Christo sperari voluit, nimi. hæc miracula ideo facta esse ut impleretur quod de eo prædictum fuerat, non ut in

externis illis & visibilibus beneficiis hærent, sed ut sublimius quid & salutarius attenderent, tam potentem scilicet eum esse & promptum ad tollendas spirituales & æternas nostras misérias, quàm promptum & potentem se exhibuerat in tollendis & sanandis corporis morbis, ideoque in sanatione animæ potius quàm corporis meditanda & quærenda quæ illius umbra erat tantum & exiguum specimen, occupatos esse debere; Ita docere nos voluerit Matth. quis scopus & usus præcipuè in miraculis Christi spectandus sit & in quem finem sanaverit Christus eorum morbos, non ut se corporum medicum proderet, atque ita in caduco beneficio eos detineret; sed ut à terrenis ad cœlestia, ab externis ad interna, à corporalibus ad spiritualia eos eveheret, & sub hac figura verum se animarum medicum demonstraret; Ita cæcos illuminavit, ut se mundi lucem esse ostenderet, restituit vitam mortuis ut se probaret vitam & resurrectionem esse, atque ita in cæteris. Hæc porro sententia de sensu anagogico & accommodatio non caret suis fundamentis, nam si Matt. nihil aliud intendisset quàm corporalium morborum curationem hinc stabilire, potuisset alia luculentiora laudare loca ubi expressa mentio morborum corporis sit ut Is. xxxv. 5. 6. *Tunc aperientur oculi cæcorum, aures surdorum patebunt; claudus saliet & muti loquentur* & sic alibi non semel; deinde usum istum anagogicum Christus ipse non semel in sanationum miraculis requirit, ut Matt. ix. 2. Jo. v. 14.

XVIII. Ad hanc primam solutionem accedit secunda non minus commoda eorum qui verba hæc *analogicè* interpretantur & per metonymiam exponunt quod dicitur *ut impleretur* id. ut significaretur per eum impletum iri quod dictum est per Isaiam &c. quia sanatio morborum corporalium erat instar *signi & symboli* sanationis morborum spiritualium per hunc Jesum suo tempore in cruce perficiendæ ac proinde non fuerit tunc impletum hoc Isaiæ vaticinium, sed tantum data veluti arrha & symbolum futuræ impletionis in morte Servatoris, nam in miraculis istiusmodi quæ circa corporum sanationem edebantur specimen exhibebatur salutis quam animis allaturus erat, sic Rupert. lib. 7. in Matt. c. 7. *suum opus quod est agnitiones animarum sanare Christus cœpit ab agrotatione corporis operari, ut dum prius illas visibiliter curaret, medicus verus innotesceret & tum denique ad curandas agnitiones animarum perveniret.* Neque novum est ut verba quæ actionem vel passionem notant declarationem tantum vel significationem importent, & hoc in verbo *implendi* præsertim eo sensu occurrit Jac. II. 23. *Itaque impleta est Scriptura quæ dicit credidit Abraham Deo & illi imputatum est ad Justitiam;* non sanè quod tunc demum impleta fuisset, nam multò antequam filium suum obtulisset fides dicitur imputata Abrahamo in justitiam, sed quia impletam hanc esse hæc insigni obedientiâ tanquam certissimo testimonio declaratum est; Quod si respectu præteriti ita usurpari potest, quidni & respectu futuri? maximè si inter res illas varias intercedat aliqua analogia, & ex ea significatio; quemadmodum hæc occurrit; non quidem ratione *modi* quo Christus

stus peccata nostra sustulit, sed ratione *finis* qui utrobique idem fuit ablatio scilicet mali; nimi. ut divinâ suâ virtute potenter sanavit morbos corporeos, quibus homines vexabantur, ita mortis merito & efficacîâ spiritus morbos spirituales nostros tollit & aufert; unde pictura hîc est expressa beneficii spiritualis in speculo rei materialis & externæ, sic impletio intelligenda esset *improprie* in sensu *transumptivo* & *analogico* quomodo Matt. 11. 15. dicitur impletum oraculum Osee c. xi. 1. *ex Ægypto vocavi filium meum*, quæ verba primariò & propriè referuntur ad educationem populi ex Ægypto, sed propter quandam analogiam typicam benè accommodantur postea ad reditum Christi ex Ægypto quò propter Herodis persecutionem à Josepho fuerat delatus? sic alibi sæpe verbum istud in N. T. sumitur.

XIX. Licet verò utraque hæc sententia vim exceptionis allatæ jam satis elidat, siquidem utrobique statuitur Propheta ulteriùs quàm ad morbos corporeos respexisse, tamen faciliùs adhuc videtur nodus posse solvi si addamus cum aliis hæc à propria significatione haudquaquam transferenda esse, & Matthæum appositè applicasse Isaïæ verba; quippe Propheta loquendo de languoribus & doloribus nostris generaliter complexus est ea omnia mala tum animi tum corporis quibus affligimur post peccatum, quemadmodum dicitur Christus *sanare omnes infirmitates nostras* Ps. ciii. 3. quia *Sol est Iustitia ferens sanitatem in alis suis* Mal. iv. primariò quidem & directè de morbis animi locutus est qui scilicet fontes sunt & causæ cæterorum, at secundariò & minus principaliter per quandam subordinationem & consequentiam nihil obstat quominus respexerit languores corporis, sive quia illorum morborum plurimi propter peccata infliguntur, tum etiam & imprimis quia à peccato omnes proveniunt sicut mors, & fructus sunt peccatorum per quæ morbis & mortî obnoxii sunt homines ut *Chrysost.* observat in h. l. Jam verò Matthæus quod generaliter dictum fuerat à Propheta applicat peculiariter ad certam morborum speciem, morbos scilicet corporis, non negat tamen propterea Isaïam agere de morbis animi vel excludit eorum curationem, imò potiùs includit & supponit ut sublatâ causâ effectum tolli demonstraret, neque enim sanare potuisset morbos corporis, nisi vim habuisset sanandi languores animi, & in hunc finem sanavit illos ut sanationis spiritualis argumenta & testimonia daret, primariò venit ad profligandas animæ infirmitates, secundariò ut earum effectus tolleretur, itaque ab illis ritè ad istas argumentum procedit; Unde hæc non sunt opponenda sed componenda, *morbi animi corporis non seponunt morbos, sed morbi corporis supponunt morbos animi*, quod in sanatione paralytici cap. seq. ostendit Salvator Matth. ix. 2. *Confide fili remissa sunt peccata tua* quæ sunt scilicet causa infirmitatis tuæ; & ibidem adversus blasphemantes defendit *utrum facilius est dicere remissa sunt tibi peccata an dicere surge & ambula*. Eiusdem sunt ista autoritatis & de utrisque textus rectè intelligitur apud Isaïam, Matthæus morbis corporis, Petrus animi peccatis applicat; quia ista se invicem vel ponunt vel supponunt; utrof-

utrosque E. tulisse dicitur Christus, sed diversimodè pro diversa natura subjecti, illos quidem amovendo tantùm non ferendo, quia ad eorum sanationem potentia tantùm requirebatur, at istos ferendo & in se recipiendo ut auferret, quia ad eorum expiationem cum potentia etiam iustitia exigebatur; ut illos curaret non opus fuit Christum ægrotum fieri; at ut tolleretur peccata debuit ipse peccatum fieri; Et sanè quod non in morborum corporis sanatione sit immorandum, quasi de ea tantùm sermo fieret vel illud luculenter evincit quòd in ea languorum gestatione quæ illi tribuitur dicitur à Deo percussus & vulneratus & ita de eo sensisse Judæos, at ridiculum prorsus esset dicere homines existimasse Christum esse à Deo percussum & humiliatum, eo quòd morbos omnis generis curaret & dæmones ejiceret, cùm ex opposito si nihil aliud in eo homines vidissent, consentaneum erat potius existimare Christum esse Deo gratum & ab eo exaltatum, E. hoc potissimum referendum est ad lationem poenalem, quæ in morte & passionibus ejus locum habuit.

XX. Huic responsioni hoc unum videtur regeri posse quod si mens fuisset prophetæ utrosque morbos complecti & primariò spirituales respicere, non potuisset Matth. dicere tunc *impletum fuisse* illud oraculum, & Christum hæc miracula præstitisse ut illud *impleretur* siquidem nondum potuit compleri; Verùm facilis est solutio sæpe *res dici impleri* in Scriptura non tantùm cùm perfectè & absolutè complentur; sed cùm impleri incipiunt quoad aliquam sui partem; Nimirum cùm certum sit *oracula* maximè *composita* & mixta diversas res significare modò habeant aliquam *æternam* ad se invicem & subordinationem, ita dubitari nequit quin secundùm varias illas res diversis etiam gradibus successivè impleantur, quemadmodum unicus eorum sensus varios gradus continet, primum in typo alterum in antitypo: Sic Is. ix. 1. in illustri vaticinio quod proponitur à Propheta, *Populus qui ambulabat in tenebris vidit lucem magnam* tres gradus impletionis notari possunt 1. in liberatione à captivitate Babylonica, nam eò respicere Isai. constat ex sequentibus ubi de *sceptro exactoris & iugo confracto* fit sermo, & revera tunc populus in calamitosissima constitutus conditione quæ per tenebras & umbram mortis denotatur in Scriptura visurus erat lucem providentiæ paternæ & gloriøsæ Dei potentiæ quâ liberandus erat: secundò In prædicatione Evangelica & temporibus N. T. ut constat ex Luc. i. 29. & Matt. iv. 16. ubi impletum dicitur hoc oraculum cùm Christus concionatus est circa oram maritimam Galileæ; 3. in resurrectione ultima cùm ex tenebris mortis in quibus jacebimus in sepulchris nostris traducemur ad lucem æternam gloriæ & immortalitatem quâ in communione Dei & Christi frui-turi sumus, quòd videtur respicere Paulus Col. i. 12. Ephes. v. 14. Sic mysterium Paschatis diversis momentis & gradibus impleri debuit 1. sub Lege in immolatione & manducatione Agni Exo. xii. secundò sub gratia in oblatione Christi in Cruce & ejusdem manducatione in Eucharistia 1. Cor. v. 7. 8. 3. in gloria in communione Christi & participatione ejus beneficiorum

cùm accumbentes mensæ ejus cum Abrahamo Isaac & Jacobo saturabimur pinguedine domus Dei, & potabimur torrente deliciarum ejus, & nuptias Agni celebrabimus Luc. xxii. 15. 16. 30. Ap. xix. 9. Ita in aliis typis & figuris id ipsum demonstrari facile possêt; Quemadmodum verò vel oracula vel typi illi dicuntur impleri etiam resp. primi gradus vel secundi licet nondum accesserit tertius & ultimus: Ita hîc pariter vaticinium hoc dictum est impleri à Matthæo quia implebatur quoad alteram sui partem, duos enim gradus habuit secundum quos impleri debuit, primum in morborum sanatione, cùm Christus semet defatigans ad vesperam usque aliorum morbis levandis vacaret non sine gravi molestiâ & labore; secundum cùm Crucis supplicium perferens remissionem peccatorum nobis impetravit, & tunc multò perfectius in ipsa morte quæ animi morbos sustulit impletum fuit. Nam quòd vaticinatio Prophetæ non fuerit tunc planè impleta cùm malè habentes curaret, patet ex eo quòd Christus instante passione quædam ex hoc capite sibi applicat & implenda adhuc esse dicit Luc. xxii. 37. *Dico vobis, inquit, adhuc oportere scriptum illud in me impleri, & cum iniquis reputatus est.* If. l. iiii. 12. 2. quod Evangelista Act. viii. totum hoc caput de Christo toti mundo tunc innotefcente per crucifixionem & resurrectionem suam interpretatur, quod fieri commodè non potuisset si in primo tantum gradu immorandum esset; Itaque inchoata quidem fuerit impletio & operibus illis tanquam signis & symbolis promissa & ostensa, sed non absoluta & consummata donec alter gradus in morte accesserit.

XXI. Ad 3. Except. de Hirco *Στοιχειώ* Resp. 1. peccare falsa hypothesi quasi phrasis ista *portandi peccata* quæ habetur apud prophetam petatur tantum ex ea cærimonia quæ circa hunc hircum peragebatur in anniversario illo festo Expiationum, cùm in genere referri possit ac debeat ad omnia sacrificia hylastica in quibus res eadem locum habebat, victimis enim imponi solebat peccatum ut illud ferendo expiarent, quod fusiùs demonstraturi sumus in Disp. sequentibus; atque huc facit quod vers. 10. dicitur *Messias positurus animam suam sacrificium pro delicto.* 2. Etsi hirco isti propriè peccata imposita non fuerint quia non fuit subjectum *δεσπὸν* pœnæ ut nec peccati, sed tantum ut asportare censeretur, non secus ac si super illum universa posita fuissent, non sequitur pari ratione hoc in Christo fieri, quia discrimen est longè maximum inter figuram & veritatem, umbram & corpus, de typis bene illud dicitur quia in illos non cadebat propria illa & realis impositio, at de Christo qui fuit subjectum capax, nunquam tale quid vel in V. vel in N. T. occurrit, eam peccata nostra asportasse non aliter atque si super se iniquitates nostras habuisset, imò ubique absolutè hoc de Christo asseritur nulla addita similitudinis notâ diminvente, quasi per similitudinem tantum & non verè Christus nostra in se suscepisset peccata. 3. falsum etiam quod supponitur Hircum illum nullo modo posse dici tulisse peccata populi, nam etsi ea non tulerit *verè* & *spiritualiter*, tulisse tamen *typicè* & *cærimonialiter* evincitur primò ex diser-

tis Scripturæ verbis Levit. xvi. 20. &c. Imponet Aaron ambas manus suas super caput Hirci vivi & confitebitur super illud omnes iniquitates filiorum Israël &c. & ponet eas super caput hirci ac emittet illum per manum viri parati in desertum & portabit hircus ille super se omnes iniquitates eorum in terram inhabitabilem & abire sinet hircum illum in desertum. Unde luce meridianâ clarius liquet & peccata hirci revera imposita fuisse & illum ea tulisse: quod & secundò colligitur ex eo quòd hircus iste impurus habebatur ob peccata ipsi imposita, unde quicumque hunc hircum tangebatur pollutus erat & ablutionis ut mundaretur indigebat Levit. xvi. 26. Tertiò non magis potest ablatio peccati per Christum facta ex hirci illo ostendi quàm ejusdem latio, inòd clarior latio probatur, siquidem differetè dicitur portaturus peccata in desertum, at non ita expressè quod ea esset ablaturus.

X XII. Instabis fortè Hircum hunc interimi non solitum, ad peccatorum autem remissionem fusionem sanguinis sive mortem requiri ex nostra sententia; non posse ergo cum ratione dici peccata tulisse ad eorum expiationem. Verùm respondeo 1. nullum locum fore huic exceptioni si audiat Hebræorum sententia; Tradunt enim hircum hunc è loco sublimi per eum à quo abductus fuerat præcipitatum fuisse atque ita neci datum; & observant filum vel funiculum rubrum quod לשון של חורית *linguam coccineam* vocant, ad cornu hujus hirci alligatum fuisse, quod si Deum propitium & placatum haberent mox in albedinem, quod gratiæ & benevolentiae signum erat converti solitum, quo respexisse volunt Isai. c. i. 18. *si peccata vestra rubra fuerint sicut coccinum similia lana erunt*: sin secus foret rubrum mansisse, unde vir ducens hircum in solitudinem cum hanc coloris mutationem in filo videbat illicò cornu inflabat, quod ubi alii ordine quodam Jerosolymam usque constituti audiebant statim & ipsi cornibus suis quæ in hunc usum habebant sonabant, ita ut brevissimo tempore intra horam ferè non tantum Hierosolymis, sed in tota terra Israel sonus iste audiretur; ut ista ratione populus sciret sibi Deum placatum esse, & ad laudandum & celebrandum nomen ejus excitaretur; Si verò filum rubrum non mutaretur quod irati & offensi Dei signum erat, silebant cornua nullusque sonus terram perfonabat, atque tum universus populus per totum annum affligi, poenitentiam agere & precibus ac jejuniis Deum sibi rursus placare tenebatur vide *Codic. Thalmud. Foma* ubi aliæ habentur plures istius cærimonie circumstantiæ. Quod si huic traditioni fidem minus adhibere velimus, tamen illa in vastam & inhospitam solitudinem abactio satis videbatur inferre mortem minime naturalem aut ex fame aut ex ferarum laniatibus: Sed non opus est ut eò deveniamus, facilius enim hoc quicquid est difficultatis tollitur, si dicamus emissionem istius hirci non fuisse totum sacrificium hylasticum, sed partem ejus tantum & vim expiationis à sacrificio alterius hirci pependisse; nam debebat præcedere oblatio hirci pro Domino ejusque sanguis fundi ad expiationem peccati populi vers. 15. 16. ut ejus virtute posset hircus vivus in desertum

emitti; Itaque hîc tenendum cæremonium hanc non uno actu, aut unâ re abfolutam fuiffe, fed ad ejus complementum tum oblationem hirci maâtatî, tum emiffionem vivi pertinuiſſe, in prima notabatur vera peccati expiatio quæ per ſanguinis fuſionem & poenæ lationem fiebat, in altera verò effectus hujus expiationis ex latione ſcilicet *ablatio* & remotio peccati eatenus ut nunquam in conſpectum Dei contra nos veniret; nam dum hircus maâtabatur & ſanguis effundebatur ſuper Sanctuarium & Tabernaculum purgatio iniquitatis & ſatisfactio pro eadem fiebat; at cùm alter onuſtus peccatis populi amandabatur in deſertum & terram longinquam unde non amplius rediret, fructus ſatisfactionis præcedentis notabatur geſtatio nim. & cum geſtatione ablatio peccati quod à peccatoribus longiſſimè amovebatur: utrumque quidem præſtabatur in ſacrificiis ordinariis, ſed quia poſterius non ita conſpicuum erat in cæteris, peculiari hoc ſymbolo Deus adumbrare illud voluit in ſolenni hoc feſto ad majorem populi conſolationem; ſimile quid præceptum à Deo legimus in leproſorum mundatione Levit. xiv. 6. 7. 52. 53. ubi duæ aves jubentur aſſumi altera ad maâtationem, altera ad dimiſſionem, ſed quæ prius ſanguine avis maâtatæ tingi debuit ut ita & ipſam purgationem & ejuſdem certiſſimam demonſtrationem in lepræ remotione oſtenderet; Nec novum debet hoc videri aut inſolitum ut ad eandem rem ſignificandam plures aſſumantur typi; ſiquidem ut antea obſervatum eſt unum idemque myſterium varias *quæſiones* obtinet quæ unâ aliquâ picturâ reddi & repræſentari non poſſunt; ideoque plures neceſſariò aſſumendæ ſunt ad ipſum aliquàliter in tota ſua latitudine exhibendum.

X X I I I. Scio myſterium hoc duorum hircorum diverſimodè exponi, dum alii duas hîc naturas Chriſti, alteram humanam quæ affligitur, alteram divinam quæ impatibilis cùm ſit libera manet & vivit in æternum, connotari contendunt quod viſum Theodoro, Iſychio & Cyrillo: Alii duos ſtatus ejusdem indicari ante & poſt reſurrectionem, Chriſtum in cruce morientem & in reſurrectione viventem; immolationem unius hirci teſtatam eſſe in morte Chriſti ſatisfactionem pro peccatis quærendam eſſe; Alterius autem vivi diſceſſum oſendiſſe Chriſtum ex quo pro peccatis oblatus eſt & hominum maledictionem ſuſtinuit, vivum tamen manere ſuperſtitem quod Auguſtino, Procopio & aliis placuit; Alii denique duplicem *quæſionem* ſignificari arbitrantur quam ſuſtinere Chriſtus Mediator debuit ad opus Redemptionis exequendum, primam erga Deum Judicem, cui ſatisfaciendum erat per meritum mortis, alteram adverſus Diabolum hoſtem cui colluctandum fuit per potentiam vitæ. reſpectu prioris jaciebatur ſors pro Domino in hircum maâtandum, ratione poſterioris jaciebatur ſors ad Azazel in hircum emiſſarium, ut princeps ille tenebrarum experiretur quid poſſet cum eo qui omnium peccatis erat onuſtus, quemadmodum in plenitudine temporis in deſertum traductus eſt ut ab eo ibidem tentaretur; Sed quod antea retuli videtur ſimplicius ut duo hirci nihil aliud notent quàm perfectam expiationem à Chriſto factam, qui non tantum tulit peccata moriendo, ſed & abſtulit reſur-

gendo, non modò satisfecit per sui oblationem, sed & satisfactionis perfectio-
nem & veritatem demonstravit per sui dimissionem, quā certiores facti sumus
peccata nostra à nobis in ipsum translata procul abacta evanuisse; ita ut nulla sit
amplius condemnatio iis qui sunt in Christo Rom. VIII. I. & impleatur illud
Pauli, *traditum esse propter peccata nostra & suscitatum propter nostri justificationem*
Rom. IV. 25.

XXIV. Cæterum si quæritur nomenclationis ratio & cur hircus ille voca-
retur *ἄζαζελ* Azazel non una est omnium sententia. Quidam ex Judæis recen-
tioribus quos sequuntur *Vatablus* & *Oleaster* existimant esse nomen montis in
deserto non procul à monte Sinai qui hoc nomen à capro illo qui eò mittebatur,
obtinuit. Sed præterquam quod hoc nullo certo probari potest argumento,
quamvis dari posset nomen montis inde petatum esse, ex occasione hirci eò missi,
primigenia tamen hæc non esset vocis origo; Commodior est aliorum senten-
tia qui volunt vocem propriè hirco isti competere, esseque compositam ex dua-
bus, ex voce *ἄ* quæ caprum significat & radice *ἄζα* id. *abiit* q. diceret caprum
abeuntem seu *emissarium* eò quod in desertum dimitteretur, sic R. D. K. in radi-
ce *Azazel*; sic *Symmachus* & *Aquila* vertunt caprum qui emittitur in solitudinem
teste Theodor. LXX. vocant *ἀποπομπῆον* quo nomine Græci vocant malorum
depulsorem *ἀποτροπαῖον ἀλεξίκακον*, λύσον, φύξιον quomodo vocabant Deos
quos colebant ad fuganda & averruncanda mala quibus vexabantur, *Apollod.* li.
6. de Diis; hinc & depulsoria sacra dicta sunt quæ diis depellentibus mala & a-
verruncis fieri solebant vide *Gyrald. Syntag.* Respexisse ergo videntur eò Græci,
non tantum quod in desertum mitteretur, sed etiam quod esset verè malorum
depulsor, qui peccata populi malorum omnium causam in desertum auferebat;
atque ita propriissimè Christum repræsentavit qui iram Dei ac pœnas æternas
ab Ecclesia amovet & arcet, ut verè sit *ἀποτροπαῖος ἀλεξίκακος* & *ἀποπομ-
παῖος* noster. Porro notatu dignum est ritum hunc imprecandi peccata omnia
populi capiti hirci ad Ethnicos etiam pervenisse; hinc de Ægyptiis Herodo. tē-
statur in Euterpe, quod victimas offerentes *κατατρέφοντο τὰς δὲ λέγοντες τῇσι κεφα-
λῇσι, εἶπε μέλεις ἢ σφισὶ πῶσι θύουσιν. ἢ αἰγύπτιω τῇ συναπαίσει κακὸν γενέσθαι ἐς κε-
φαλὴν ταύτην τραπεῖσθαι.* Imprecantur illis in hæc verba, ut si quid mali aut ipsis im-
molantibus aut universa Ægypto futurum sit, id in caput hoc convertatur. Huc per-
tinet etiam non solum quod Gentiles iidem in magnis periculis & publicis ca-
lamitatibus præcipuè placandæ iræ Divinæ causâ Homines Diis devovere soliti
sunt ut sua morte iram numinis offensi placarent quod in Curtio, Decii, Co-
dro &c. patet, sed & quod de Massiliensibus refertur anniversariam Urbis suæ
expiationem facere solitos esse Homine sacro, quem verbenis vestibusque sa-
cris ornatum, & more victimarum redimitum, per urbem circumducebant,
& capiti ejus omnia quæ urbi impenderent mala imprecantes in mare Neptuno
immolantes præcipitabant additis his solennibus verbis *ᾠειψήμα ἡμῶν γὰρ ἐστὶν* pro
nobis piaculum.

XXV. Sed hoc obiter dictum esto, non tamen præter rem omnino; redeamus ad argumentationes Adversariorum: *Quarta* jam sequitur *Exceptio* quæ non difficilius præcedentibus solvitur. Eò enim tandem redeunt ut dicant, etsi peccata diceretur portasse neque hinc posse colligi Christum verè satisfecisse, quia rectè dici potest ille ferre peccatum qui peccatorum occasione grande malorum cruciatuum ac mortis denique fert onus, etiamsi nulla vera in ea re sit pœna sive vindicta, atque id probant ex Num. xiv. 33. ubi Dominus ait *filiis vestris pascunt in deserto quadraginta annos & portabunt fornicationem vestram donec consumantur corpora vestra*, at inquirunt, Deus hoc non vult quòd filios Israëlitarum verè puniturus esset cùm nihil tale ex loco colligi possit, nec ullo pacto sit verisimile, sed quod illi occasione delicti parentum suorum damnum non leve essent sensuri. Sic Thren. v. 7. *Patres nostri peccaverunt & non supersunt, nos verò pœnam eorum ferimus*; hoc verò verba non innuunt, istos pertulisse omnes pœnas debitas sceleribus patrum suorum, aut minima etiam ex parte Deo pro patrum iniquitatibus satisfecisse; sed occasione tantùm iniquitatum ipsos afflictos fuisse, & ex illis iniquitatibus non leve damnum ad eos rediisse; hanc porrò vulgarem loquendi consuetudinem esse pertendunt ut qui occasione iniquitatum alienius affligitur illius iniquitates perferre & sustinere dicatur. Verùm frustra sunt ita arguendo, nam licet fortè vulgaris loquendi consuetudo aliquando obtineret ut *portare peccatum* diceretur qui occasione tantùm peccati patitur, hanc tamen primariam & propriam non esse phrasin istius significationem diffiteri opinor non audebunt, quare ergo mirum videbitur si propriam retinemus maximè cùm & rei natura & loci circumstantiæ exigant; primò Christum non passum esse occasionaliter sed necessariò & meritoriè pro nobis probavimus antea; deinde damnum quod quis occasione alicujus patitur perperam vocaretur pœna propriè dicta, at mors Christi talis, siquidem *execratio* dicitur, quâ pœnâ major nulla dari potest; accedit tertio quod qui occasione alterius patitur damnum, non statim expiat illius delictum & eatenus res proximi sui promovet ut à miseriis & morte impendente ipsum liberet; at Christus moriendo peccata omnia nostra expiat, & ab eorum reatu & suppliciis eximit sanitatem afferendo vibicibus suis, & pacem in castigatione; Itaque dici nequit Christum occasione tantùm peccatorum nostrorum damnum aliquod esse passum.

XXVI. Non favent verò Adversariis loca citata, nam in primo nihil obstat quominus usitatam significationem retineamus, cùm certum sit damnum illud respectu filiorum Israelis habuisse rationem pœnæ ex fornicatione parentum divinitus ipsis imputata; neque tamen immeritò castigasse eos dicitur Deus, quia etsi pœnam alienam luerent, non erant tamen ipsi per se innoxii; In altero verò non major veri species, nam dubium non est quin Israëlita pœnas avitorum & paternorum scelerum portarint, sed ita ut proprias etiam luerent, ut testatur idem Propheta vers. 16. *va nobis quia peccavimus*: Agnoscit autem Socinus quoties filii patrum vestigia sequuntur, non propria tantùm, sed

sed & paterna delicta ipsis imputari; negat tamen hoc in loco sibi dissimilis imputata illis fuisse peccata patrum, ratio negationis est quod id eo loco commemorare, quamvis paulo inferius fateatur populum peccasse, ei quod animo intendebat Jeremias vehementer adversatum fuisset, Deum enim verbis illis ad misericordiam flectere curabat; Sed in eo graviter fallitur; nam Propheta ut eorum qui tum vivebant miseria exaggetaret atque ita flectat Deum ad misericordiam, ostendit ipsos non tantum propriorum delictorum poenas ferre, sed & paternorum & avitorum, eoque multo meliorem ipsorum sorte fuisse parentum sortem qui pariter cum essent rei ante tamen è vivis excefferant quam ista acerbissima supplicia effunderentur. Cæterum etsi volumus in illis locis latitudinem poenæ includi, non tamen statim inde inferitur satisfactio; ut sit respectu Christi quia & subiecta diversa & diversa adjuncta id non patiuntur, nemo enim ita tulisse dicitur iniquitates patrum ut inde ipsi redimerentur, quod fecit erga nos Christus.

XXV II. Ad quintam Excep. Resp. gratis supponi non probari vocem quæ hîc adhibetur afflictionem tantum quandam, sed sine punitione designare, nam tota orationis series sive antecedentia sive consequentia spectentur, clamat poenam propriè dictam notari, quia dicitur *afflictus propter pravaricationes nostras & atrius ab iniquitatibus* ut à causa meritoria impulsiva: deinde castigatio non tantum dicitur fuisse ei, sed *nostra & super eum*; tertio ita castigatus est ut peccatis omnibus nostris in eum coniectis reputatus fuerit *כח אלהים casus Dei & afflictus*; denique ita castigatus ut salus & pax per id nobis fuerit acquisita, quod nulla cuiusquam simplici castigatione fieri unquam potuit. Quod verò addunt vocem *pacis* cogere nos intelligere simplicem afflictionem sine poena, quia non est antithesis inter pacem & punitionem, quemadmodum inter pacem & afflictionem; inane est & absurdum, nam si per pacem reconciliatio cum Deo venit intelligenda ut primaria hæc est ejus significatio in hoc negotio, nonne qui pacem illam nobis conciliat supponit iram Dei antecedentem quæ placanda fuit, & quare major est oppositio inter pacem & afflictionem quam inter pacem & poenam? Imò multi gravissimis possunt exerceri afflictionibus qui non desinunt dulcissimâ pace semper in animo frui ut in Martyribus visum.

XXV III. Non melius vero se expediunt quartâ quam addunt exceptione ad vers. 6. Imò versatile & dolosum suum ingenium in detorquendo Scripturæ genuino sensu palam produnt, quid enim aliud sibi vult præpostera ista loci perversio, quâ contendunt Deum dici occurrisse per Christum iniquitatibus nostris, cum tamen non occursum Christi iniquitatibus, sed occursum iniquitatum in Christum verba aperte innuant *הפניע בו את עונותם occurrere fecit in ipsum peccata nostra*; Altera etiam quam subjiciunt expositio, vel nihil dicit, vel sententiam nostram confirmat plenius: nam quid sibi vult omnium nostrum iniquitates Christo obviam factas eumque aggressas cum earum causa moreretur, nisi statuamus imputatas ei fuisse & propterea mortuum?

sic revera fecit Deus ut occurrerent in Christum & conjectæ ac translatae in eum fuerint, non quoad culpam, sed quoad pœnam, neque enim aliter fieri potuit.

XXIX. Ita satisfactum putamus exceptionibus illis quæ afferebantur adversus illustrem Isaïæ locum; Quia verò luculentius etiam confirmari potest hoc quicquid est mysterii ex loco altero Petri parallelo 1. cap. 11. vers. 24. Ideo breviter antequam finem faciamus & proponendus est & vindicandus. Postquam Petrus multa de Christi patientia admirabili retulit, addit *ὅς τοῖς ἁμαρτίας ἡμῶν αὐτὸς ἀνένεγκεν ἐν τῷ σώματι αὐτοῦ ὅτι τὸ ξύλον. ἵνα τοῖς ἁμαρτίας ὑπογενόμενοι τῇ δικαιοσύνῃ ζήσωμεν, & τῷ μύλῳ πιᾶμεν.* qui peccata nostra ipse sustulit in corpore suo super lignum, ut peccatis mortui iustitia vivamus; cujus vibice sanati estis; ubi Apostolus ad Isaïam ita respicit ut ejus quoque adducat verba & clariùs etiam interpretetur, nam quod ille de doloribus dixerat, peccatis iste peculiariter applicat, quod de conjectis à Deo in Christum iniquitatibus fuerat vaticinatus, id ad crucis supplicium vel potius sacrificium accommodat. Hæc autem non de simplici ablatione posse intelligi sed gestationem simul includere multa probant. 1. vox ipsa *ἀνένεγκεν* quâ utitur, nam cum primò & propriè significet *sustollo* & *sursum fero* tum ex eo *perfero* & *pator* nihil causæ dici potest cur propriâ vocis acceptione relicta aliam minus usitatam sequamur, maximè cum plura nos cogant non aliter eam hîc accipere: nam secundò illa verba quæ sequuntur *in corpore* & *super lignum* nemini non persuadebunt sensu proprio sustollendi vocem accipi omnino debere, nec aliter posse, ita ut non loquatur Petrus de simplici ablatione, sed de ablatione tali quâ in oblatione corporis sui peccata nostra tanquam onus gravissimum & nobis ἀβάσκηλον in se recipiendo sursum in crucem tulit, secumque cruci affixit. 3. & id ipsum scopus Petri & verborum ἀλλήλῃς evincit, nam hortatur ille fideles ut patienter ferant calumnias & convitia, & subsannationes impiorum, licet injustè traducantur; argumento ab exemplo Christi ducto qui non suas, sed nostras calamitates tulit, & tamen æquo animo & patientissimè illas semper sustinuit; Ad amplificationem autem patientiæ Christi ostendit ulterius quidnam Christus pertulerit, nimirum peccata nostra id est pœnam peccatis nostris debitam metonymicè, & quidem in ligno crucis morte maledictâ, ne quis de gravitate injuriarum non ferenda ut fieri nimium solet conqueratur. Jam verò si τὸ ἀνένεγκεν exponitur per simplicem remotionem connexionis nulla erit ratio, vel admodum frigida, Patienti animo ferre injurias &c. quia Christus peccata nostra abstulit: at ex sententia nostra consequentiæ necessitas evidens est, si Christus licet insons, & omnis peccati expers, nostra in se peccata recepit, & eorundem pœnam lubentissimè pertulit, an non æquum est etiam nos ad illius instar injurias quasvis & calamitates æquo animo ferre? Porro non sine ratione Petrus non tantum *ἔνεγκεν* dixit sed *ἀνένεγκεν* ut & exaltationem Christi in crucem notaret quæ a Christo ipso prædicta fuerat Jo. III. 15. & XII. 32. & alluderet ad sacrificandi ritum, & ad victimas quæ in aram ceu locum editiorem

attollebantur, unde dicebantur ἀναφέρεσθαι Heb. VIII. 27. quia offerebantur in altum sublata; Nihil ergo præpositio de vi sententiæ detrahit, imò potius aliquid superaddit, non lationem tantum pœnæ, sed modum etiam ejus peculiarrem designando, quod & optimè à Syro expressum qui duo hæc simul connectit, *qui portavit & ascendere fecit peccata nostra*, id. ita bajulavit peccata nostra ea secum in crucem ferendo, ut maledictionem pro iis nobis debitam sustinendo, à nobis ea abstulerit & longissimè removerit.

XXX. Argutantur hîc pro more Adversarii 1. Petrum non usum simplici verbo φέρειν sed composito ἀναφέρειν quod non tam lationem quàm ablationem significet, & patere id ex Heb. IX. 28. ubi Christus dicitur semel oblatus εἰς τὸ πᾶν ἀνελεῖν ἁμαρτίας quod V. V. reddit *ad multorum exhaustiunda peccata* & Interpretes de ablatione interpretantur. Secundò verba sequentia non posse urgeri eo quòd præpositio *In* ex Hebræi sermonis proprietate non aliud significet quàm *Per* ita ut vertendum sit Christum peccata nostra abstulisse *per corpus* suum super lignum. Tertiò proprium istius gestationis finem notari in sequentibus nimirum sanctificationem ut *mortui peccato vivamus justitia*, at hæc duo pœnas peccatorum persolvisse, & nos peccato mortuos justitiæ vivere debere naturâ esse admodum separata, & non nisi ex accidente hoc illius consequens esse, sicut ex eo quod quis alicujus debita solverit, non sequitur statim eum velle nullum æs alienum ab ipso contrahi. 4. Sanationem illam quæ facta est per vibices Christi referri tantum ad conversionem vers. 25. *nam inquit eratis sicut oves errantes, sed conversi estis ad Episcopum & Pastorem animarum vestrarum*: itaque non pertinere ad satisfactionem ab ipso præstitam, sed tantum ad præconium verbi ab eo institutum.

XXXI. Ad 1. Resp. Dictum antea quorsum Apost. verbo composito potius quàm simplici usus fuerit, non ad simplicem remotionem notandam quod est contra naturam usumque vocis, sed ad oblationem sacerdotalem designandam; neque contrarium probat locus Heb. IX. imò faciliè demonstratur hîc etiam propriam significationem ferendi retinendam esse, nam certum est Apost. in illis verbis conferre inter se & opponere duos adventus Christi & fines diversos eorundem, in primo dicitur sese obtulisse εἰς τὸ ἀνελεῖν ἁμαρτίας πᾶν in altero verò appariturus dicitur *χωρὶς ἁμαρτίας sine peccato in salutem expectantibus ipsum*. Itaque ex posteriori phrasi de sensu prioris judicium ferri debet siquidem hæc proponuntur tanquam ἀντίστοιχα. Jam verò esse *χωρὶς ἁμαρτίας absque peccato* nihil aliud innuere potest quàm non esse gravatum aut oneratum ullis peccatis, sed ab iis solum & immunem. E. vicissim ut antithesis constet prior phrasis debet lationem aliquam peccati propriè dictam designare, non quidem quoad culpam à qua Christus semper immunis fuit quocunque in statu fuerit etiam in media morte, sed quoad reatum & penam quæ illi imposita est, quo sensu peccatum ipse dicitur factus; aliàs si hæc ad simplicem ablationem referimus sibi hæc duo non respondebunt *auferre peccata & esse χωρὶς ἁμαρτίας*.

Sic ergo priori adventui quo advenit sese oblaturus omnis infirmitatis & peccati pœnæ, exceptâ ejus labe, onere depressus opponitur, posterior quo advenit gloriosissimè triumphans, non ut sese iterum offerat nec ullâ infirmitate vel languoribus circumdatus, sed plenus gloriæ & semel abjecto illo peccatorum nostrorum sibi impositorum onere ad consummandum opus salutis in fidelibus suis; Cæterum non negamus hunc etiam fuisse finem Christo propositum & mortis effectum ut auferret peccata quod notatur vers. 26. ubi dicitur sese semel obtulisse *εις ἀθέτησιν ἀμαρτίας*, sed ablationem illam necessariò lationem aliquam antecedentem supponere ex qua pendeat pertendimus, nunquam enim auferre potuisset per condonationem & abolitionem nisi prius ea tulisset per Satisfactionem. Itaque sese obtulit ut ferret peccata, & eadem tulit ut auferret. Atque hinc patet, etsi nonnulli Interpretes hoc in loco utantur voce auferendi vel exhauriendi peccata, non tamen eos excludere, sed includere potius & supponere præcedentem lationem, sine qua remotio illa obtineri non potuit; Quamquam neque omnes ita reddiderunt, *Syrus* planè ad mentem nostram *in se ipso mactavit multorum peccata*; *Junius*, *Beza* ut *in se ipso attolleret multorum peccata* alludendo ad holocausti ritum. *Theodo.* ad hunc locum optimè *Christus Dominus pro nobis semel oblatus nostris susceptis peccatis.*

XX XII. Quod verò secundo loco cavillantur de præpositione *In* quæ non aliud hic significet quàm *per* ex idiotismo Hebræorum mera vitilitigatio est, i. etsi certum sit apud Hebræos nonnunquam ita sumi, quare hic eum sensum urgent, vel quo argumento usurpandum esse evincant, proferant vel unum Scripturæ locum ubi *ἀναφέρειν ἐν τῷ σώματι* de ablatione per corpus intelligendum sit; an non verò longè melius fuit sensus si proprietatem vocis retineamus nullam verbis vim inferendo, maximè cum id exigant verba sequentia; nam si mens Adversariorum sequenda esset, quorsum adderetur *in lignum*, quod tamen hoc in loco tanti est ponderis & efficaciz ut cogitationes nostras ad crucem trahat & factam ibi peccatorum expiationem inferat? quorsum subjecerit *per vibices ejus nos esse sanatos* quod plagas & vulnera quæ Christo ut *servo* inflicta sunt manifestè notat ad pœnæ lationem? Secundò quamquam daremus posse verba *per corpus* verti non in corpore, nihil inde contra nos pro Adversariis elici posset, imò non minus nobis faverent, quo enim sensu tandem diceretur Christus *abstulisse per corpus* nisi in corpore ipso quodammodo gestasset, alias si sententia ipsorum retinenda esset, sequeretur Christum non modo peccata per corpus & super lignum abstulisse, sed ne abstulisse quidem, nam si secundum eos abstulisse tantum dicitur quatenus doctrinâ suâ viam monstravit quâ à peccatis liberemur ut sic ea à nobis auferantur & remittantur, quis non videt ne abstulisse quidem, cum innumeri viam illam non sequantur, nec ab iis liberentur? ne nunc dicamus, de omnibus qui martyrio coronantur posse dici pariter eos peccata auferre, quia doctrinam illam sanguine confirmant quæ rationem ostendit ablationis peccatorum & liberationis ab eisdem, quod tamen neque dixit unquam Scriptura, neque dici cum ratione potest.

XXXIII. Ad tertium Non negamus Petrum mortis Christi finem notare sanctificationem, cum ait tulisse peccata *ἵνα τοῖς ἀμαρτίαις ἀποπλῴμηναι τῇ δικαιοσύνῃ ζήσωμεν*, ubi eleganti utitur verbo opposito *τῷ ζῆναι* quod bene per *denasfi* Varro olim reddidit, atque ita duas partes sanctificationis nostræ indicat, mortificationem & abolitionem veteris hominis, & vivificationem novi, aversionem à malo, conversionem ad bonum, peccati odium & fugam, & iustitiæ amorem & studium. Verum ergo est hunc finem inter alios Christo propositum fuisse & nos ex mortis ejus contemplatione ad illius executionem incitari, sed falsum supponitur ab Adversariis sanctificationem hanc & studium pietatis connecti tantum per accidens & non necessariò cum morte Christi, & eâ quæ inde pendet satisfactione, nam hæc beneficia tam arcto & indissolubili connexa sunt inter se vinculo, ut divelli unquam à se invicem nec possint nec debeant, nam idem Christus qui nobis factus est Justitia, factus etiam est Sanctificatio 1. Cor. 1. 30. & eadem mors quæ *λύτρεν* est ad expianda peccata coram Deo, est etiam *ἀγτρον* ad ea in nobis purganda, non tantum sub ratione *Causæ exemplaris* quæ normam & modum officii exhibet; sed & sub ratione *causæ meritoria* quæ virtutem & efficaciam ad ejus impletionem impetrat: hinc passim sanctitas proponitur tanquam finis mortis Christi Luc. 1. 74. 2. Cor. v. 14. Tit. 11. 14. 1. Cor. vi. 20. Rom. vi. 3. 4. 5. non tantum Christi sed & fidelium respectu; Christi quidem quia utrumque intendit in morte nobis promereri & justificationis gratiam & sanctificationis donum, fidelium verò quia ad id peculiariter vocantur, neque enim *pro iis* mortuus censendus Christus nisi *cum eo* id. ad similitudinem ejus moriantur, nunquam ex morte ejus justificationis beneficium sibi applicare poterunt, nisi ex vi spiritus quem in eadem morte impetravit sanctificationem suam promovere pro virili annitantur, tantum abest ergo ut liberum sit & integrum iis pro quibus mortuus est Christus denuo in peccata prolabi & qualemcunque libuerit vitæ rationem sequi, quod impiè colligunt Adversarii, ut contra ea lege tantum redemptionis & remissionis beneficium indulgeatur, ut priori vitæ instituto nuncium remittentes ad meliorem frugem redeamus, & in novitate vitæ ambulemus ut Christus dicebat paralytico Jo. v. 14. *Ecce sanus factus es ne pecca amplius ut nequid deterius tibi fiat*. Hoc postulat fœdus gratiæ quod duabus istis partibus absolvitur, promissione gratiæ Dei quæ se in remissione peccatorum & spiritus dono exerit, & restipulatione obedientiæ nostræ. Jer. xxxi. 39. Hoc gratitudinis vinculum quo Deo & Christo obstricti sumus exigit 1. Cor. vi. 20. Hoc ipsius Dei vox statuit Ps. lxxxv. 9. & cxxx. 3. de pace loquitur, sed ut non revertamur ad stultitiam, venia est apud ipsum sed ut colatur: ita qui aliter de eo censeret & evidentissimæ veritati reluctaretur, & se indignum tanto beneficio demonstraret.

XXXIV. Denique ad quartum dicimus peccari fallaci. *ἡθεὶς τὸ ἐπόμενον* etsi sanatio probetur ex conversione, non tamen eo ipso in conversione tantum sita esse dicitur, quippe eam hîc affert tanquam *instrumentum sanationis* nostræ, quò scilicet remedium à Christo in morte præparatum nobis applicatur; & hoc indicat

ex If. c. LIII. oppositione eleganti conditionis prioris & præsentis, *nam eratis*, inquit, *velut oves errantes*, nunc verò *conversi estis ad Pastorem & Episcopum animarum vestrarum* id. ad Christum Servatorem Pastorem illum bonum qui vitam suam pro ovibus posuit; Jo. x. & per eum fanati. Porro ut *malum* à peccato ortum duplex fuit *lubes & reatus* ita duplici opus fuit remedio, *Justitia* quæ reatum tolleret, *Sanctitate* quæ labem elueret, utramque Christus nobis promeruit in morte, utramque nobis actu confert in Euangelio, fides enim quæ respondet Euangelio, & instrumentum est justificationis meritum Christi sibi applicando, & radix & principium sanctificationis, corda nostra purificando; Ideo rectè sanatio hæc nostra spiritualis tribuitur & vibicibus Christi & conversioni ac fidei nostræ, illis quoad *meritum & remedii ipsius præparationem* quatenus fuerint causa meritoria gemini istius beneficii quod per Euangelium nobis communicatur, isti verò quoad *efficaciam & remedii applicationem*, quatenus per vocationem ad Deum conversi fructum meriti Christi recipimus & actu sanamur, tum à *reatu* perfectè per Justificationem quæ per fidem nobis intimatur, tum à *labe* successivè per sanctificationem quæ per spiritum in cordibus nostris ingeneratur, unde patet optimè Petrum hæc duo conjunxisse ut alterum ex altero probaret, & pessimè Adversarios hæc divisisse ut alterum ex altero negarent; quod nobis nunc quidem ad illius quod intendimus demonstrationem sufficere potest; Ex quibus omnibus jam concludimus & Isaiam & Petrum *Satisfactionis veritatem* in locis illis de quibus quæstio fuit efficacissimè asseruisse: *ὅτι περ ἑδούκει θεὸς ζῆλον.*

CORONIDIS VICE QUÆRITUR.

I. An Evangelii Vox jam sub V. T. audita fuerit? Aff. contra Socinianos.

II. An Oraculum Isaie c. VII. 14. Ecce Virgo concipiet &c. bene ad Christum Jesum à Matthæo accommodetur? Aff. contra Judæos.

III. An Christus veram naturam humanam assumpserit in utero B. Virginis in tempore, quemadmodum veram naturam divinam à Patre accepit ab æterno? Aff. contra Anabaptistas.

IV. An Christus sit Mediator secundum utramque illam naturam? Aff. contra Pontificios.

V. An Sanctorum Invocatio vel probata fuerit unquam in Scriptura, vel probari possit? N. contra Pontificios.

VI. An Calibatus ab Apostolis fuerit annexus Ministerio Ecclesie? N. contra Pontif.

VII. An mendacium sub quocunque tandem prætextu licitum sit? N. contra impium Lojolarum commentum, qui mentales reservationes, vel equivocationes verbales, hoc est pejerandi & fallendi artem & spe *ὁμοιωτικῆς ἀπορίας* impuris scriptis suis publice docere, & pessimo exemplo ut licitas approbare & usurpare non erubescunt.

DISPUTATIO SEXTA

Quæ Quarta est

D E

SATISFACTIONIS

CHRISTI VERITATE.

E X

Agoniâ & Desertione ejus asserta.

Respondente PETRO SECRETANO Lausannensi.

T H E S I S P R I M A.



VARIA jam in antecedentibus vidimus Argumenta pro *Veritate Satisfactionis Christi*, potissimum verò ea quæ ex *mortis passionumque Christi causis* peti poterant : Nunc alia depromenda sunt ex *ipsis passionibus, earumque adjunctis*, quæ non minori evidentiâ & certitudine idem mysterium comprobant. Quia verò inter ea omnia quæ hac in parte ab Evangelistis recensentur, nihil memorabilius videtur vel efficacius ad veritatis illius quam quærimus confirmationem eâ quam in horto sensit *Agoniâ*, & quam in Cruce expertus est *Desertione*. Ideo peculiariter utrique immorantes, demonstrare jam aggredimur, neutram in Christo locum habituram fuisse, nisi pro nobis satisfaciendi munus in se recepisset quæ *Quinta* nobis erit Argumentorum *Classis*.

II. Ac ut de *Agoniâ* dicamus primum quo inchoata fuit Animæ passio & quam in horto experiri voluit, ut peccatum quod in horto Paradisi primus Adam commiserat deleteret; natura ejus & qualitas paucis est expendenda antequam veram ac genuinam ejus causam investigemus, ut enim maximi fuit ad consolationem nostram momenti rem totam cognoscere; accuratè à Spiritu S. nobis in Evangelio descripta fuit; Extat verò ejus descriptio tum apud Matth. xxvi. 37. 38. 39. tum apud Marcum xiv. 33. 34. 35. tum apud Lucam xxi. 42. 43. 44. tum apud Paulum Heb. v. 7. 8. ubi notamus tria; 1. *Gradus & partes*. 2. *Adjuncta*. 3. *Effectus*. Partes duæ sunt, *Tristitia* & *Timor*. illa ex intuitu mali præsentis, iste ex apprehensione mali futuri originem trahit: *Tristitia*

designatur per *λόπλω* Matt. xxvi. 37. per *πάγχξιν* Joh. xii. 32. & xiii. 21. per *ἀγωνίαν* Luc. 22. 44. per *ἀδημονίαν* Marc. xiv. 33. Timor per *δολάθειαν* Heb. v. 7. & *ἐνθάμβησιν* Marc. xiv. 33. Adjuncta duo 1. *Sudor sanguineus* Luc. xxii. 44. 2. *Præsentia Angeli* eum corroborantis, Luc. xxii. 43. Effectus hujus Tristitiæ & Timoris fuerunt *preces* illæ ardentissimæ quas Patri ter obtulit de Calice à se transferendo Matt. xxvi. 39. Marc. xiv. 38. Luc. xxii. 42. quarum fervor notatur cum non tantum orasse dicitur *ἐπενέσθρον*, sed cum clamore valido & lachrymis. Heb. v. 7. Sic per varios gradus gravissima Christi lucta nobis ob oculos ponitur ut sciamus non umbraticam & *ἀνώδυνον*, sed acerrimam fuisse hanc pugnam quam pro nobis sustinere voluit, quod melius ex singularum partium brevi examine patebit: sed priusquam hoc facimus amoliendum est falsissimum eorum commentum qui passionum istarum inficiatione impia salutarem hanc agoniam obscurare sunt conati.

III. Fuerunt enim jam olim nonnulli qui cum divinâ Christi gloriâ indignum censerent quod mœstitia & pavore correptus fuerit, eò usque progressi sunt ut senserint Christum non verè sed *ἡ δόξαν* & apparenter tantum timuisse & contristatum fuisse, quod pertinet hæresis *Aphartodocetarum* & *Gaianitarum* qui corpus Christi incorruptibile & impassibile fingebant, de quibus *Nicepho. hist. Eccles. li. 17. c. 29.* & *Damasc. de hæres. c. 84.* Ad eos videtur accessisse *Hilarius* qui lib. 10. de Trin. disputat humanam naturam in Christo propter personalem unionem cum Verbo nullis passionibus obnoxiam fuisse, sed sicut telum transit per aquam vel per ignem, & facit quidem distractionem sed sine sensu vulneris: Ita Christum non sensisse illam quæ in passione facta est corporis lacerationem, atque ita nullum sensum doloris verum fuisse in Christo etiam in acerbissimis illis passionibus; quamquam *Petrus Lombardus* li. 3. senten. dist. 15. opinionis hujus suspicionem ab Hilario sedulo amoliri conatur ut non tam verum timorem, doloris ac passionis sensum Christo ademerit, quàm causam & meritum patiendi timendi & dolendi quod in nobis est, quia in nobis est naturalis patiendi necessitas propter Adæ peccatum inducta, in Christo verò ultio ex ejus libera voluntate suscepta; sic *Epiphanius* hæres. 69. varias quærit expositiones ut doceat quæ tam ingens consternatio Christo tribui possit in hoc agone, maximè quia *Arriani* hoc argumento divinam Christi naturam oppugnabant. *Justinianus Imperator* teste *Evagrio* hist. li. 4. c. 38. Christum verè sensisse tristitiam, dolores & angores in passione negavit, & edictum proposuit in quo corpus Domini incorruptibile sanxit, naturaliumque & inculpatarum passionum haudquaquam capax fuisse dicit; nec sacrosanctum illius corpus aliquam mutationem aut alterationem inde ab eo quo in utero formatum est neque in voluntariis neque in naturalibus passionibus accepisse asserens.

IV. Verum utut hæc opinio quorundam fuerit, à pluribus tamen & longè sanioribus rejecta est semper; audiat vel unus *Ambrosius* li. 10. in Luc. c. 22. cujus aurea verba quia imprimis ad rem nostram faciunt describere hinc non pigebit;

bit; Hærent, inquit, plerique hoc loco qui tristitiam Salvatoris ad argumentam inolita potius à principio quàm susceptæ ad tempus infirmitatis inclinant & naturalis sensum cupiunt retorquere sententia, Ego autem non solum excusandum non puto, sed etiam nusquam magis pietatem ejus majestatemque demiror, minus enim contulerat mihi nisi meum suscepisset affectum, ergo pro me doluit qui nihil habuit quod pro se doleret, & sequestratâ delectatione æterna divinitatis, tadio meæ infirmitatis afficitur, suscepit enim tristitiam meam, ut mihi suam latitiam largiretur, & vestigiis nostris descendit, usque ad mortis arumnam, ut nos suis vestigiis revocaret ad vitam, confiderenter ergo tristitiam nomino, quia crucem prædico, neque enim speciem incarnationis suscepit sed veritatem. Debuit ergo & dolorem suscipere ut vinceret tristitiam non excluderet. Nec aliter Augusti. l. 14. de Civ. Dei c. 9. Neque enim in quo erat verum hominis corpus & verus animus, falsus erat humanus affectus; *φύσει καὶ ἀληθείᾳ τὸ πᾶντα ἐγένετο*, inquit Athanasius. Et sanè si Christus verè & non *δεξασῶς* naturam nostram assumpsit: quidni & cum ipsa omnes affectus innocuos & *ἀδιαβλήτους* qui eam comitantur eum suscepisse credamus? Sed de eo dubitare nos non sinit & oraculum propheticum Isa. LIII. quod verè languores nostros portaturum & dolores bajulaturum Messiam prædixerat, & ipsa historia Evangelica quæ gravissimos illos Christi dolores graphicè nimis describit, quàm ut externæ tantum speciei, non verò & interno animi motui adscribi possint: quid quod hoc semel posito corrui totum Redemptionis nostræ mysterium, nam si Christus non verè, sed simulatè tantum dolores istos sensit, utique etiam nostra Redemptio non vera sed simulata fuerit quod vel cogitare impium, unde opinio illa vetus Aphtartodocetarum publico Ecclesiæ consensu jam olim explosa & damnata est.

V. Sed nec admitti potest recentior Pontificiorum error qui si Agoniam hanc non tollunt penitus, admodum tamen extenuant, dum Christum in corpore quidem, sed non in animâ passum esse contendunt, vel si quid doloris sensit in anima id partem inferiorem & sentientem duntaxat passam esse, non autem superiorem & rationalem: Sed utrumque istud commentum facili negotio refellitur: Primò quod Christus non corpore tantum sed & animâ passus sit, vix opus est ut probetur cùm & Scripturæ vox & salutis nostræ necessitas illud tam clarè prædicet; ecquid enim vel animam ponere diceretur Joh. x. 15. vel eam in sacrificium pro delicto tradere Is. LIII. 10. vel cur eadem tristis & conturbata perhiberetur Matth. xxvi. cur *ἀδημνία* illi & *ἐκθάμνησις* quæ propriè sunt animæ affectiones tribuerentur si corpoream tantum mortem externosque cruciatus sensisset; Deinde qui animas debuit æquè redimere ac corpora nonne utraque assumere & in utrisque loco nostro pati debuit ad poenam nobis in utroque debitam persolvendam? Nec diffiteri tandem potuerunt Adversarii, sed eò se recipiunt ut dicant vel in anima tantum *sympatheticè* propter dolores & cruciatus corporis esse passum, vel in parte tantum inferiori non superiori; & de priori effugio nihil nunc ulterius addimus quia in sequentibus pluribus erit dis-

discutiendum; posterius verò satis superque ex eo retunditur quòd Christus non tantum in hac vel illa parte animæ tristis dicatur, sed animam habuisse tristitiâ undique occupatam & obsessam, quis verò dixerit tantum angorem hæsisse duntaxat in inferiori, non verò penetrasse ad superiorem Animæ partem? viderunt hoc non pauci ex Pontificiis, qui ideo Thomæ sententiam rejiciendo Christum in utraque Animæ parte passum esse agnoverunt. Maldo. in Matt. 26. *Eorum subtilitas qui voluntatem hic interpretantur parvis sentientis appetitum probanda non est: melius alii dispensatione quadam factum fuisse, ut cum Christus beatus esset tristitiam etiam in superiorem animæ partem admiserit, nam sicut beatitudinem suam cohibere potuit ne deflueret in corpus, ut pati posset; ita premere eam potuit & quodammodo occultare ut ad tempus tristitiæ cederet, quæ una passionis suæ pars futura erat.* Sic Canus loc. com. li. 12. c. 13. *Ferus in Matth. 26. alii. Nec alia Catechismi Romani fides cujus ista verba sunt in arti. 4. symb. postquam de externis passionibus egisset de internis sic ait, quod verò ad intimum Animi dolorem perzinet nemo dubitare potest quin summus in Christo fuerit. quid summo majus dici potest? rationem addit, Christus Dominus amarissima passionis calicem quem bibit nulla suavitate permixtâ temperavit, humana enim natura quam assumpserat sentire omnia tormenta permisit, non secus ac si homo non etiam Deus fuisset. Sed clariùs hoc ipsum ex distincta singularum partium & circumstantiarum istius agoniz consideratione patebit.*

V I. Hic verò primo loco occurrit λύπη quæ Christo tribuitur; nam appetente gravissimi certaminis tempore cœpit λυπεῖσθαι inquit Matth. xxvi. 37. licet quibusdam præludii filium suum exercuisset Dominus, nunc tamen propiore mortis conspectu eum vulnerat graviùs & insolitum terrorem incutit, unde non tantum dicitur contristatus, sed ipse mœroris sui magnitudinem discipulis suis aperiendo ait *Πεῖλυνός ἐστι ψυχὴ μὲν μέχρι θανάτου* Tristis est anima mea usque ad mortem, non tristis tantum ut vertit V. V. nimis molliter sed undique tristis ut rectè Beza noster vim vocis compositæ reddit, quod observavit etiam Franciscus Lucas *Πεῖλυνος* valde tristis, augeat enim præpositio *περὶ* quasi dicat tristitia undique obsessa & circumvallata est, ita ut nullus pateat exitus: quo sensu passim occurrit apud Scriptores. Plut. in libro de edu. lib. dum lætitiæ & tristitiæ excessum prohibet. *μήτε ἐν ταῖς εὐπραγίαις περὶ χαρῆς μήτε ἐν ταῖς συμφοραῖς περὶ λύπης υπέρχειν.* 3. non tantum *περὶ λυπεῖσθαι* dicitur sed usque ad mortem quo bene significari dicit pondus tribulationis Glossa interlinearis, nec enim hic terminus sive duratio tristitiæ notatur extensivè quod voluit Orige. & post eum Hiero. sed ejus magnitudo & gravitas intensivè quæ talis fuit ut lethale illi doloris vulnus infligeret & ad ipsius veluti Orci fauces eum deduceret, quomodo eandem phrasim alibi usurpari constat Is. xxxvi. 11. de Ezechia qui ægrotasse refertur ad mortem, item de Jona qui iratus dicitur fuisse ad mortem Jon. iv. 9. id. gravissimè.

V II. Ut autem gravitas illius Tristitiæ designetur non tantum dicitur fuisse

σε πύραυς Joh. xxi. & λύπη, sed etiam ἀγωνία Luc. xxi. 1. quo nomine Græci exprimentum anxietatem illam & animi angorem quo percellimur opus aliquod arduum aggressuri, potissimum verò de iis dicitur qui acerrimum aliquod certamen sunt inituri, deducitur enim à voce ἀγών quæ certamen notat, unde Hesych. ἀγωνία palæstra est imò & bellum ἀγωνιῶ κινδυνάω & Orion apud Etymolog. ἀγώνια θητὶς εἰς ἀγῶνα μέλλοντες καὶ πέναι de eo qui in certamen descensurus est; Cum ergo acerrimum Christus cum Diabolo & inferis imò & cum ipso Deo certamen esset initurus mirum non est si in agonia dicatur fuisse. 111. Denique eadem Tristitia per ἀδημονίαν graphicè describitur, talis enim motus animi exprimitur hac voce ut animus veluti præ horrore concidat & sub pondere mœroris quasi fatiscat: sic apud Hippoc. qui in morbo lethali sunt constituti ἀδήμενες dicuntur & Xenop. li. 4. historia. dicit ἀδημονῆσαι τὰς ψυχὰς pro gravissimè angere & pene præ dolore examinari, unde Eustat. deducit à voce ἀδ satietas, ut sit quasi nimia dolorum satietate fatiscere, nisi malis ἀδημονεῖν idem esse quod ἐν ἀδῇ μένειν eā tristitiæ mole gravari ut videri possis apud inferos agere.

VIII. 2. Cum Tristitia Timor jungitur Heb. v. 7. ubi dicitur Christus exauditus ὅτι τὸ εὐλαβείας à metu & timore quod dici non posset nisi in hoc agone constitutus metu aliquo perculsus fuisset; Quia verò Bellar. & cæteri ex eadem communione grandem litem nobis intentant de corrupto & falsato hoc loco quasi perperam εὐλαβείας vocem per metum reddiderimus, quæ potius per reverentiam & pietatem reddenda erat, quod imprimis urfit etiam Cotonus Plagiarius; age videamus quàm inepta & absurda sit tota hæc accusatio, quippe & appositè vocem hanc per metum reddi posse, nec aliter hoc in loco debere manifestè demonstraturi sumus. Non imus quidem inficias vocem εὐλαβείας nonnunquam pro pietate, religione, reverentia seu metu reverentiali, ut ipsi loquuntur, sumi, quemadmodum Timor non rarò totum Dei cultum notat, atque eo sensu usurpatur Heb. xi. 28. inde etiam fit ut viri pii & religiosi dicantur εὐλαβεῖς Luc. 11. Act. 11. sed unam vel præcipuam istius vocis esse significationem pernegamus, imò primarium & longè frequentissimum ejus usum esse pertendimus ut Timorem significet, metum scilicet impendentis alicujus mali quod vitare optemus; nec istud ignorare possunt qui Græcè aliquid sciunt; sic Phavori. εὐλάβεια φυλακὴ θητὶ κακῶ, εὐλαβεῖσθαι ἀπὸ τοῦ φοβεῖσθαι. Glossarium εὐλαβῆς ὁ δειλὸς pavidus εὐλαβεῖμαι revereor, vereor, formido. Etymologici magni author εὐλαβῆς τινὲς τὸ δειλὸν καὶ δειλαῖον quidam timidum aut pavidum sic appellant, sic Hesychius, Varinus, Aristoteles in tractatu de virtutibus & vitiis agens πρὸς τὸ δειλίας ὕπαισι δέ τις εὐλαβεία subest ei, inquit, quidam timor. Philo de vita Moïsis dicit, Moïsem fuisse naturā εὐλαβῆ timidum. Plutar. de Pericle πρὸς λόγον ἦν εὐλαβῆς timide ad dicendum accedebat; sic in Sacris Lxx. sæpius εὐλαβείας vocem usurpant ad timorem & pavorem designandum quàm ad religionem & pietatem connotandam Jos. xxi. 24. εὐλαβεία respondet Heb. הִלָּח quæ anxietatem notat 1. Sam. 18. 16. εὐλαβεῖσθαι ponitur pro ὀφείλω & Jecrem.

rem. xxii. 25. Exo. iiii. 6. pro ὥς sic Act. xxiii. 10. εὐλαβηθεὶς pro φοβηθεὶς ponitur *Tribunus timens ne Paulus discerneretur*. Cùm Ergo tritissima sit & usitata istius vocis significatio, quid mirum si hîc retineatur?

IX. Hanc autem non tantùm retineri posse sed necessariò hoc in loco retinendam esse multa sunt quæ probent. 1. *Scopus & ἀλληλῃα verborum*, nam præcesserunt illa *obtulit preces & supplicationes cum lachrymis & clamore valido*, at certe qui nihil metuunt neque precantur neque inter precandum exclamant, vel vociferantur & lachrymas fundunt, imò cùm preces ad eum dirigeret qui poterat eum servare ex morte, utique metu aliquo constructum fuisse necesse est; itaque ut sequentia respondeant prioribus non aliter εὐλάβεια quàm per timorem reddi potest. 2. *aliorum locorum collatio* quæ metum eundem & longè graviores Christo tribuunt quum dicunt ἀδερμονῆσαι ἐθαμβῆσαι contristatum fuisse usque ad mortem, an verò hæc gaudium & fiduciam an non potiùs metum & anxietatem important? ecquid ergo timeamus dicere metum filio Dei adscribi ab Apostolo, cùm id ipsum de eo jam antea efficacius prædicassent Evangelistæ? 3. *natura phrasæ* hîc usurpatæ quæ alium sensum commodiorem non potest ferre, cùm dicitur εὐλαβηθεὶς ὑπὸ τοῦ εὐλαβείας, nam si vertamus *pro reverentia* vel *pietate* quod V. V. & Erasmus habent non aliud declarabit *Pro* quàm *propter* vel *secundum* vel aliquid ejusmodi quod significet quo respectu sit exauditus; ita ut sensus sit Christum exaudutum fuisse à Patre propter reverentiam suam, quia illi in omnibus obediens fuit tanquam filius dilectus; sic reverentia causa erit cujus gratia Pater eum exaudierit. At si hoc voluisset Ap. usus fuisset potiùs præpositionibus ὑπὲρ & ὑπὲρ quàm præposit. ὑπὸ cujus insolens planè est usus hoc sensu apud probatos auctores, nam quæ exempla congerit Bellarm. l. 4. de Christi anima c. 8. ut doceat præpositionem ὑπὸ nonnunquam sumi pro ὑπὲρ propter aliena sunt, ut illa Matth. xiii. ὑπὸ τοῦ χαρῆς ὑπάγει *præ gaudio abijt* & xxviii. 4. ὑπὸ τοῦ ὁ θεὸς ἐσειόθησαν Luc. xxiv. 41. ἔπῃ ὁ ἀπισκόντων αὐτῶν ὑπὸ χαρῆς καὶ θαυμάζόντων adhuc ipsis non credentibus *præ gaudio & mirantibus*. Sic Act. xii. 24. & Luc. xxii. 45. nam in his omnibus exemplis ὑπὸ significat *præ* & notat *causam intrinsecam* à qua movebantur agentia: at hîc nihil tale, non enim ipse Christus exaudivit se ipsum præ pietate, sed cùm ipse pius esset, vel potiùs quia pius esset, statuitur exauditus ab alio nim. à Patre; & hæc ratio Chrysostomum movit procul dubio ut reverentiam hanc Patri potiùs quàm filio tribueret, ita ut Deus eo in honore & reverentia filium habuerit ut eum exaudierit, sensu tamen incommodo, quia reverentia de honore potius dicitur inferioris erga superiorem; præterquam quod si de Patre intelligenda esset addendum fuisset pronomen αὐτοῦ. Itaque cùm nec de reverentia filii erga Patrem, licet pia sit, sententia phrasis intelligi possit, nec de reverentia Patris erga filium, superest ut timor hîc notetur & metus non ἀλογος & brutus sed rationalis à quo Christus liberatus sit. Neque nova videri debet, aut inusitata hæc phrasis ut *exaudiri aliquis dicatur ex metu* pro eo quod est *ab eodem liberari* posito ante-

antecedente pro consequenti, nam Psal. xxii. 22. totius phræseos exemplum habemus, à cornibus unicornium exaudias me id. me ab iis liberando, sic Lxx. ex idiotismo Hebræorum Jerem. xxvi. 9. ἡ πόλις αὐτῆ ἐρημωθήσεται ὑπὸ κατοικούντων υἱὸς ἡσθία desolabitur ab habitantibus, non hoc sensu quod desolent eam habitatores ipsi, sed ut desoletur ita ut nulli sint habitatores, quod notant hebræa עֲרֵב יְרֵמְיָה; nec aliter Paulus Col. II. 20. εἰ ἀπεθάνετε σὺν Χριστῷ ὑπὸ τῶν στοιχείων τοῦ κόσμου. Si mortui estis cum Christo ab elementis mundi Justinianus ἀπαφραζέται mundi elementis liberi estis & soluti. 4. Syrus interpres eandem vocem per metum reddidit, licet enim syntaxim perturbet & verba ὑπὸ εὐλαβείας à verbis præcedentibus separando cum sequentibus connectat, vertit tamen ἐκ τῆς φόβῃ ex metu: quæ omnia luculenter probant metum inter agonizantis partes ab Ap. numeratum esse.

X. Sed hoc clariùs adhuc evincitur ex alterâ illa voce quæ apud Marcum & Lucam occurrit cùm dicitur ἐκθαμβήσασθαι, nam ut θαμβέω aliquid est plus quàm metus nimi, metus cum horrore, ita ἐκθαμβήσας intendit significationem ἑκθαμβήσας quum ita percellitur animus ut penè detur in stuporem ac mens eripiat; est enim omnium facultatum ex vehementissimo & acerrimo mali vel præsentis vel futuri sensu obtusefactio quod fieri solet in subita vel gravi aliqua consternatione, hoc Homerus Iliad. o exprimit cùm ait.

θαμβήσαν, καὶ πάντας ὑπὸ χλωρόν δέει εἶλε.

Obstupuerunt & omnes pallidus timor cepit.

Quod Virgilius reddidit

Obstupere animi gelidusque per ima cucurrit

Ossa tremor.

Unde θαμβέειν derivant à θήπω quod est stupeo, admiror, attonitus sum; sic quod 2. Samuel xxii. 5. dicitur χειμαῖροι ἀνομίας ἐθάμβησαν id Ps. xviii. 5. est ἐν ἐρεξάν ita redditur vox עָרַבָה quam aliàs Lxx. vertunt ἐκταράττειν, καταπλήττειν, σρωβείν id. perturbare, exterrere, circumagere, unde עָרַבָה φοβερισμοὶ terrores Ps. lxxxviii. 17. Job. vi. 4.

XI. Utriusque verò & tristitiæ & timoris magnitudinem ulterius demonstrant Adjuncta duo, sudor sanguineus & Angelus Christum corroborans; De primo ita Scriptor facit Luc. xxii. 44. καὶ γενόμενος ἐν ἀγωνίᾳ, ἐκπενέτερον προσήχετο, ἔβριετο ὃ ὁ ἰδρῶς αὐτοῦ ὥστε θρόμβοι αἵματός καταβαίνοντες ἐπὶ τῷ γλῶ. Et ipse constitutus in agone intentius orabat, & erat sudor ejus sicut grumi sanguinis decedentes in terram. Θρόμβος grumus propriè est rei in unam massam concretæ frustum, dicitur ὑπὸ τῷ θρόμβῳ ὁ ἐστὶ πῆξαι, teste Eustath. unde θρόμβοι αἵματος, αἷμα πεπηγὸς ut Varin. reddit apud Diof. lib. 3. cap. 44. & Hesych. θρόμβος αἷμα παχὺ πεπηγὸς ὡς βῆνος, sanguis crassus concretus instar grumorum. Quid porro de sudore hoc sanguineo statuendum sit non constat inter doctos. Primò certum est hunc versiculum à temerariis nonnullorum unguibus quondam fuisse erasum, adeo ut in multis codicibus tum græcis tum latinis nulla vel sudoris sanguinei vel Angeli

confortantis fieret mentio ut observat Hilarius lib. 10. de Trin. & Hier. lib. 2. contra Pelagium & ex iis Erasmus & Sixtus Senensis Bibl. l. 1. c. 22. idque ab iis præstitum fuisse potissimum quod Ariani abuterentur hoc loco ad detrahendam Christi divinitatem, quodque ipsis videretur fieri non posse ut in humanam Christi naturam divinitati personaliter unitam tam ingens consternatio caderet; Sed temerariam imò sacrilegam istorum audaciam meritò execramur, cum cæteri omnes codices constanter hoc retineant. Alii non delent quidem sed obscurant ejus veritatem, quasi non revera Christus sanguinem sudarit, sed hoc tantum *πορρωτακώς* dictum sit, sicut qui amarè flent sanguinem flere, & qui valdè laborant sanguinem sudare dicuntur, sic Euthym. & Theophy. quod præcipuè colligunt ex voce *ὡσεὶ* quæ hîc usurpatur, quæ similitudinem notat non rei veritatem, quos sequitur Grotius in h. l. Sed perperam proverbialem locutionem hîc inducunt elevaturi magnitudinem istius miraculi; quia non tantum dicitur sudor fuisse instar grumorum sanguinis, sed instar grumorum sanguinis decidentium in terram, quod planè dici non posset nisi verus sanguis in terram decidisset; neque ob stare potest particula *ὡσεὶ*, siquidem ut notum, hæc ut & similes particulae non tantum comparisonem, sed & rei veritatem significant, ut apud Hebr. est *כד המית* & *כד המית* in modò *similitudinis* modò *veritatis* ut Luc. xxiv. 21. & Joh. i. 14. *ὁὕτως ὡς μονογενὴς ὢν πατρὸς* ubi rectè Theophyl. *τὸ ὡς ἐκ ταύθα ἔ ὁμοιώσε* ἔστιν ἀλλὰ βεβαιώσεως καὶ ἀναμφισβητήτης διορισμῶ. Ergo extra omnem controversiam positum esse debet Christum verum sanguinem sudasse.

XII. Quis verò sanguineus iste sudor fuerit naturalis an extraordinarius & supernaturalis disquiritur; Quidam naturalem ex eo fuisse colligunt quod non dissimilia exempla aliquando contigisse legantur, *Arist.* lib. 3. de part. anima. cap. 5. & lib. 3. de hist. anima. cap. 19. refert accidisse aliquando ut quidam cruentum aliquod excrementum sudarent quod ipse vocat *αἱματῶδες περίτωμα* ὃν καχεξίαν propter vitiatum corporis habitum, fluxu nimirum laxoque corpore inopiâ & imbecillitate caloris in venis qui cum sanguinem non probè concoquat humescit tandem & serosior redditur; Quod confirmatur à *Theophr.* lib. de sudoribus. *Fernelius* lib. 6. de partium morbis & symptomatis de hepatis *ἀπνία* agens, ait se interdum animadvertisse sanguinem ab extremis venis quæ in cutem desinunt multis in locis effundi, & *Sennertus Insit.* lib. 2. p. 3. sect. 1. notat ex Benivenio cuidam singulis mensibus per cutem qua ima pars jecoris subjacet sanguinis libram effluxisse, cum tamen nullum foramen nulla cicatrix in cute apparet, huc facit quod de Scanderbergo Heroè narratur ex labiorum ejus venulis sanguinis guttulas effluxisse quoties in acie hostem adoriretur, & quod Maldo. in Matth. refert quendam Lutetiæ audita in se capitali sententia sudore sanguineo totum perfusum fuisse: Ex his concludunt nihil ob stare quo minus sudor iste Christi naturalis pariter dicatur. Verum alii alienum planè & diversum ab his aliisque similibus exemplis existimant, ex quibus quædam incerta & sublesta fidei, alia longè latèque ab isto dif-

ferunt : Nam cum ex sententia Aristotelis duæ præcipuæ sint hujus symptomatis causæ, cutis nempe raritas cum corpore fluido, ac sanguinis tenuitas & serosa nimis substantia, quibus ex sententia aliorum addas licet facultatum nutritioni famulantium imbecillitatem, retentricis puta languorem & expultricis vehementiam nulla harum causarum hîc afferri potest in Christi corpore temperatissimo quod nulla *καχεξία* vel *δυσκρασία* laboravit, sed optima constitutione & summâ primarum qualitatum harmonia procul dubio fuit præditum. Atque huc pertinet quod cum hoc ipsi contigit *ἐν ἀγωνίᾳ* fuisse dicitur qui cœperat *ἐν δαμνῶσθαι καὶ ἀδυναμεῖν*, hi enim affectus contrarium planè in corpore motum efficiunt, in metu siquidem calor omnis & spiritus ac sanguis exteriora deferunt & ad cor subitò revocantur, in mœstitia verò seu mœrore spiritus dissolvuntur & corpus refrigeratur ac siccatur. Causam itaque planè miraculosam & supernaturalem esse oportuit quæ per densatos frigore cutis poros sanguinem concretum ac grumosum extraxerit. Quidquid sit, (nos enim litem hanc nostram non facimus, sed Medicorum filii discutiendam relinquimus,) certum est hoc effectum fuisse diri cuiusdam & insoliti timoris & anxietatis. Nam cum sudor aqueus extremum metum, & animi angustiam jam arguat, quàm immanem fuisse dolorem illum necesse est qui sudorem sanguineum ipsi expressit?

XIII. Sed & hunc non minus evidenter testatur Angeli eum corroborantis præsentia quod est alterum istius *ἀγωνίας* adjunctum de quo Luc. xxii. 43. quantum enim & qualem oportuit esse hunc angorem in quo Angelo Consolatore opus habuit, Dominus à Servo, Creator à Creatura, Deus ab Angelo solamen petiit? Angelos quidem ut tanti Regis Satellites & ministros ab initio incarnationis Christo adfuisse videmus, nativitatem nuntiasse, post tentationem ministrasse, sed ut cœlitus ad corroborandum Dominum suum & Principem descenderent nunquam antea visum nunquam antea auditum fuerat; Itaque gravissima Christi lucta notatur & profundissima ejus exinanitio quâ præ angelis ipsis ad tempus minoratus fuit ut Psalter jam antea prædixerat Ps. vii. 6. & ita minoratus ut eorum etiam solatio indiguerit: Quod ita tamen intelligendum est ut non confortaverit eum *communicatione virtutis & potentie* quasi partem oneris Christo impositam angelus in se recepisset vel vires ad illud ferendum Christo suppeditasset, sic enim Christus solus calcavit torcular Is. lxi. 6. solus tulit peccata mundi, unde Veteres *Angelus confortat sed non portat, sed representatione efficacissima auxilii divini promissi & glorie* ac victoriæ quæ Christi certamen certissimè erat secutura.

XIV. Denique hujus tristitiæ & angoris summi testimonium luculentum fuerunt preces illæ & supplicationes ferventissimæ quas cum clamore valido & lacrymis Patri obtulit ad id ut calix ille ab ipso transfret, nam si necessitas aliqua vel impendentis mali sensus vel metus homines ad precandum impellit, utique gravissimum fuisse timorem necesse est quo Christus æternus Dei filius ad orandum impulsus est, & quidem ita orandum ut non semel iterumve, sed ter eas-

dem preces iterarit, non manibus in cœlum elatis, sed corpore in terram prostrato, non submissè aut tacitè; sed cum clamore valido, cum lachrymis & summa quadam animi contentione: quæ omnia non ordinarium & levem, sed maximum & intensissimum dolorem & anxietatem notant ex præsentis vel imminents gravissimi alicujus mali apprehensione ortam. Quod & *Calicis* vox non obscurè indicat, tralatitium enim est ut per calicem metaph. fors hominis quæcunque vel bona vel mala, vel prospera, vel adversa denotetur, metaphora ducta à more in conviviis olim usitato in quibus Patrisfamilias vel Symposiarchæ hoc munus erat singulis cibi & potus demensum assignare; quia verò modò ad necessitatem tantum vel modestam hilaritatem apponebatur, modò ulterius urgebantur convivæ ad intempericiem usque quod non poterat non esse ipsis ingratum & molestum, hinc factum ut calix vel portio calicis modo in bonam, modo in malam partem fumeretur, vel ad *beneficia* Dei erga homines, vel ad *calamitates* & pœnas ab eodem immixtas designandas, unde duplicis calicis apud scriptores sacros mentio, *Calicis gratiæ & benignitatis* de quo Ps. xvi. 5. *Dominus est portio calicis mei*, & Ps. xlii. 5. *Calix meus exundat*, & *Calicis iræ & indignationis* de quo toties Prophetæ Is. li. 17. Jerem. xxv. 15. xxix. 12. Thren. iv. 21. Ps. lxxv. 9. Eadem phrasi utitur Christus sæpius ad passionem & mortem notandam Jo. xviii. 11. *Nonne bibam ex calice* &c. & hîc in oratione *transfer à me poculum istud*. Cujusmodi autem fuerint istæ preces & quomodo in filium Dei absque ulla peccati labe vel ἀταξία cadere potuerint dicemus inferius.

XV. Ex ipsis verò agonizæ Christi effectis omnium maximis meritò concludimus terrorem & tristitiam in eo fuisse omnium quæ fuerunt unquam, maximam; Quenam verò istius causa vera & genuina fuerit, jam inquirendum superest ut ad Veritatis quam quærimus demonstrationem deveniamus: Dubium enim nulli esse potest quin gravissimum aliquod malum vel præsens vel futurum has in eo voces motusque concitarit, sed quodnam illud sit non omnes consentiunt aliis aliam rationem assignantibus. Quidam angoris Christi causam fuisse volunt Apostolorum fugam & dispersionem ut Hilar. c. 21. in Matt. *Dominus non timuit propter se, sed propter discipulos quos prævidebat fugituros & negaturos*. Alii Judæorum peccatum & rejectionem & Judæ proditoris casum quod Hiero. placuit in 26. Matth. Alii nudam hominum pereuntium commiserationem. Alii denique mortis corporeæ & quidem acerbissimæ necessitatem; Sed faciliè est ostendere omnes istas causas vel nullas esse omnino, vel non solas & præcipuas: Nam quod ad discipulorum dispersionem attinet cum eos calidissimè protectioni patris commendasset Joh. xvii. 11. eosque denuo congregandos esse certissimè novisset Luc. xxi. 32. nihil erat cur propterea tantopere angeretur, sed illi hac in parte jam quieto esse licuit: Judæorum verò rejectio neque hac hora accidit à qua se servari petit Marc. xiv. 35. nec in ea exauditus fuit quemadmodum ab agonizæ metu tandem est liberatus Heb. v. 8. præterquam quod ingratos Ju-

dæos justissimas scelerum suorum pœnas luituros non ignorabat. Non potuit etiam turpissimus scelestissimi Judæ vel lapsus vel exitus animum suum adeo graviter sanciare, quia jam ante filium esse perditionis morti & exitio devotum & noverat, & prædixerat Joh. xvi. 12. Denique hominum pereuntium commiseratio etsi procul dubio affecerit animum Christi, non tamen huc pertinere potest, siquidem & aliorum temporum communis fuit & tantos motus excitare non potuit: At hæc agonia passio fuit singularis & huic horæ propria quæ proinde peculiarem aliquam causam habere debuit.

XVI. Sed fortè metus fuerit mortis corporeæ impendentis quam naturali affectu horruerit & deprecatus sit. Ita quidem nonnulli ex Veteribus sensisse videntur; Ita Pontificii qui solam mortem & cruciatum Christi corporalem nullum verò animæ agnoscunt, vel si quæ fuit animæ passio ortam demum fuisse ex condolentia & sympathia cum corpore, non autem ex proprii alicujus mali sensu vel metu contendunt. Nos verò non imus quidem inficias inter metus & angoris Christi causas hanc etiam esse reponendam, τὸ ἀνθρωπίνης φύσεως (inquit Theophy.) τὸ δειλιάειν θάνατον διότι καὶ κατὰ φύσιν εἰσῆλθεν ὁ θάνατος, καὶ διὰ τὸ τοῦ φύσεως φόβου τῶν, Natura non potest non horrore mortem tanquam sui destructionem & interitum, unde Philosophus vocat eam τὴν φοβερωτάτων φοβερωτάτων, atque eò gravior est anxietas cum mors illa & cum dolore acerrimo & cum maxima infamia conjuncta est, à quibus duobus natura vehementer refugit & boni omnes maximè percelluntur. Cum ergo mors Christo esset sustinenda, nec tantum mors ordinaria, sed omnium acerbissima & ignominiosissima dubium non est quin ad ejus vel cogitationem, vel præsentiam vehementer commotus fuerit. Verum audacter tamen pronunciamus non eam solam, nedum præcipuam istius metus tanti tristitiæque causam fuisse. Primò quia Christus tanquam Sponsor eam pœnam & mortem pro nobis sustinuit quæ peccatis nostris debebatur Jesa. liii. 4. 5. 6. at utraque debebatur & animæ & corporis, cum utraque hominis pars peccaverit. Ergo non tantum sympatheticè sed propriè & idiopatheticè anima pati debuit, imò & præcipuè pati debuit anima ut anima principaliter peccaverat; unde Iren. l. 5. c. 1. & ex eo Theod. dial. 3. *Dominus dedit animam suam pro animabus nostris & carnem suam pro carnibus nostris.* 2. Atque hujusce proprii doloris animæ Christi argumentum fuit, quod multa jam passa sit anima cum neque doleret neque quicquam adhuc pateretur corpus Joh. xii. 17. & Matth. xvi. 28. Huc etiam pertinet quod scriptura loquens de passione Christi non tantum mortem in singulari memoret, sed mortes in plurali Is. liii. 9. ut utraque hæc pœna & animæ & corporis connotetur. Neque hîc obijciendum Scripturam semper tribuere morti Christi corporali ejusque sanguini in cruce effuso redemptionem nostram; nam morti quidem & sanguini ac cruci attribuit scriptura redemptionem, sed morti soli corporali & exclusivè nequaquam: Imò cum de Christi oblatione & sacrificio loquitur sæpius animæ mentionem facit Isa. liii. 10. Joh. x. 15.

17.18. neque cùm mors crucis memoratur sola mors corporea intelligenda est, sed mors maledicta, maledictionis autem nomine veniunt potissimum summi illi angores quos in anima Christus pertulit.

XVII. Quamvis autem non aliunde constare posset Christum in anima propriè aliquid perpeffum fuisse, vel ex hoc uno demonstrari posset evidentissimè non solos corporis cruciatus vel mortis horrorem hanc illi tristitiam ingenerasse, quia alias longè mollior & timidior videretur Christus innumeris hominibus qui non tantùm patienter sed & lato promptoque animo mortem cruciatufque diriffimos sustinuerunt: Nam ut profanorum gentilium ἀναισθησίαν vel insaniam non commemorem qui imperterrita mente mortem adventantem exceperunt, imò & ipsi sponte adiverunt, quis nescit multa martyrum millia, fidelissimorum nubem testium sævissimis tormentis & crudelissimæ morti exposita fortissimo tamen & lætissimo eam animo pertulisse? ita ut non tantùm nullum metus dolorisque testimonium darent, sed lætitiā potius summā atque exultationem etiam in mediis flammis proderent, non illos ignes accensi terrebant, non enses districti, non craticulæ ardentes, ungulæ, cruces, bestiæ, aculei, cæteraque prisca crudelitatis instrumenta quæ ad eos torquendos adhibebantur, nemo ex iis lugere visus est, nemo poculum à se removeri postulavit, imò summā alacritate ad supplicium ut ad triumphum properant & tortoribus etiam ignoti ultrò se offerunt, Deo gratias agentes cum Apostolis quòd digni iudicati sint qui paterentur pro nomine Jesu, Quænam tanti discriminis ratio subesse potest? Infirmi & miseri homunciones summam constantiam & gaudium in mediis tormentis præ se ferunt, Petrus crucifigitur, Paulus decollatur, excoriatur Bartholomæus, torretur Laurentius, laniatur Ignatius, alii aliis diriffimorum tormentorum generibus sine ullo doloris & tristitiæ signo cruciantur: At Christus æternus Dei filius vel ad primam mortis cogitationem expavescit, consternatur, lachrymas fundit, clamores edit, in faciem procumbit, sudorem sanguineum emittit. Quid E. alterutrum ex hisce duobus fuerit necesse est, vel ut in Christo aliquid mollius & timidius fuerit quàm in cæteris hominibus, vel sanè in hisce tormentis quæ perpetiebatur aliquid fuerit planè extraordinarium & gravius ipsa morte corporis quæ in sensus incurrebat. At prius illud vehementer falsum & blasphemum quod Christianæ aures ferre nequeunt; Ergo posterius verum esse necesse est.

XVIII. Itaque eò tandem deveniendum est ut dicamus veram & genuinam doloris & anxietatis istius causam fuisse non mortem simpliciter, sed mortem maledictam quæ illi obversabatur ante oculos, horrendum illud & terrificum irati Dei iudicium; Peccata non unius hominis aliqua, sed omnium electorum omnia quæ homo unus ipse fragilis & imbecillis ex Sponsoris officio portare debuit: Videbat scil. formidabile Dei tribunal cui sistendus erat ut quæ non rapuerat solveret Ps. LIX. 5. Iudicem ipsum incomprehensibili vindictâ armatum, legem fulmina execrationum & anathematum vibrantem, Diabolum & potestatem tenebrarum

cum omnibus inferorum portis imminentem, denique Justitiam ipsam inexorabilem & rigidissimam cui ad ultimum usque quadrantem satisfieri oportuit : Hæc sunt quæ Christo metum pavoremque non immeritò incusserunt, hæc quæ gemitus, suspiria, lachrymas expresserunt. Timuerit Ergo mortem, quomodo solemus omnes ex instinctu naturæ humanæ, ut ostenderet *τὸ ἀνθρώπινον* ut ait Chrysost. non diffitemur, sed ut tanta consternatio animum ejus subiret ut nullum unquam talis commotionis exemplum usquam occurrat, nunquam ratio sufficiens reddi poterit nisi ascendamus ad Dei judicium cui satisfaciendi pro nobis onus in se receperat : Non illum premebant vincula & catenæ Judæorum quibus vinciri debuit, sed vincula & compedes peccatorum nostrorum quibus onerandus fuit : Non terrebant cohortes Romanorum quæ eum captivum abducturæ erant, eas enim si libuisset potuisset uno oculi nictu prosternere & fugare, prout ipse satis demonstravit Joh. XVIII. 6. Sed principatus & potestates, Princeps mortis cum copiis omnibus infernalibus cum quibus certandum fuit ; Non angitur propter injustam Pilati sententiam, noverat enim nullam ipsi esse potestatem, nisi cœlitus data esset; sed propter severissimum & justissimum Patris cœlestis judicium, qui pœnas à nobis debitas ab ipso exposcebat : Non horret manus hominum quantumvis duras & crudeles, sed ipsam Dei manum in quam cadere est horrendum : Non fremit propter separationem animæ & corporis, sed propter desertionem Patris quam brevi experturus erat.

XIX. Rem autem ita se habere non uno argumento demonstrari potest sive prophetica de morte & passione Christi vaticinia, sive complementum eorundem historicum apud Euangelistas intueamur, legatur vel unum Isa. c. LIII. de quo antea. An non majus quid aut atrocius omni corporali communive cruciatu, quod Christum propter transgressionem & iniquitates nostras plagâ affectum à Deo percussum, vulneratum testatur vers. 4. 5. quod iniquitatum omnium nostrarum pœnam atque ita Deum ipsum punientem hostiliter in ipsum dicit incurrisse ipsique ut Sponsori luendam eam fuisse vers. 6. 7. quod sublatum docet ex angustia sive anxietate animæ propter sensum iræ Dei, itemque ex judicio vers. 8. quod deprecantur fideles & in quod nunquam venturi sunt Joh. v. 24. quia Christus in illud venit ? An mors ulla quantumvis aspera & violenta talis esse potuit ut in ea ad-eunda & ferenda ipse filius Dei in persona Davidis conquestus sit desertum se esse à Deo, Deum longinquum à salute sua recepsisse se verba rugitus sonare & non exaudiri Ps. XXII. 1. 2. 3. &c. & Ps. LXIX. se cœno profundissimo immersum, fluente inundante abripi, pervenisse aquam usque ad animam, & quæ non rapuit rependere cogi vers. 1. 2. 3. 4. 5. sed dubitationi locum non relinquit Apostolus cùm dicit factum fuisse *κατάρα* Gal. III. 13. maledictio enim illa cùm opponatur benedictioni Abrahæ id est justificationi & vitæ æternæ Abrahæ promissæ, non potest ad mortem corpoream tantum restringi, sed simul etiam æternam vel æternæ æquivalentem complecti debet.

XX. Unde jam liquidò patet quid discriminis intercedat inter *mortem Christi* & mortem *Martyrum* & cur tantopere ad ejus præsentiam consternatus sit, cum ipsi eâ potius lætati & gloriati fuerint. Nimirum Martyres licet essent peccatores, sciebant tamen se Deo esse per Christum reconciliatos, adeoque nihil condemnationis in se habere, quod si patiendum ipsis aliquid imponeretur, non propter sua peccata se pati ut pro iis satisfacerent, sed propter gloriam Dei ut sanguine suo veritatem Evangelii obsignarent. At Christus licet in se sanctus & innocens, inter peccatores tamen reputatus est Isa. LIII. 12. & tanquam reus coram tribunali Dei habitus, ut alienorum peccatorum sibi impositorum pœnas lueret. 2. Martyres ab hominibus patiebantur, sed Deum semper benignum & propitium experiebantur qui certaminibus ipsorum præerat, virtutemque ferendi crucem suppeditabat: At Christus non tam ab hominibus quam à Deo percussus est, cujus manum ultricem sentire debuit, unde dicitur מכה אלהים Isa. LIII. 5. & desertus à Deo. 3. Martyres extrinsecus cruciabantur in corpore, sed intus recreabantur solatio Spiritus S. qui in media fornace rorem gratiæ & gaudii affundebat, quo perfusi refocillabantur, ne sub onere fatiscerent. At Christus totus & anima & corpore passus est; nullum illi solatium, nulla mitigatio doloris extrinsecus accessit, verè assatus ad ignem iræ divinæ ut olim in Agno Paschali adumbratum, ita ut absque ulla consolationis & refrigerii guttula, solo propriæ justitiæ & sanctitatis, si fas ita loqui, succo in mediis ardoribus judicii divini sese sustenstarit. 4. Martyres mortem quidem sibi ferendam sciebant, sed corporalem tantum, nam ab æterna se liberatos per Christum noverant Joh. v. 24. At Christo cum utraque luctandum fuit, quia utraque peccati nostri fuit stipendium. 5. Martyres calicem bibere debuerunt, sed cujus amaritudo per Christum sublata fuerat, ita ut nihil lethale & mortiferum in eo amplius subesset, sed Christus calicem indignationis divinæ ad fæces usque ebibit, mortem enim gustare debuit pro omnibus Heb. II. 9. 6. Illi mortem & tormenta patiebantur, sed singuli pro singulis ut loquitur Leo, pro se unusquisque moriebatur non pro aliis. At Christus omnium peccata unus portabat & publicè pro iis satisfaciebat. Martyres denique cum morte, Satana & inferis pugnabant, sed jam à Christo devictis & prostratis Col. II. 14. 15. Heb. II. 14. ita ut θῆνικιον in medio certamine cantare possent. 1. Cor. xv. 55. ὁ μὶτος οὐβὶ ἐστὶν νικητορία σου &c. At Christus eos omnes adhuc integros & vegetos adoritur, imperio mortis etiamnum stante & vim suam in homines exerente; quod non potuit melius explicari quàm factum à Basilio Seleuciensi Χριστὸς σὺν ἀγωνίᾳ τὸ σπυρὸν ὑποδέχεται καὶ παραλαμβάνει φόβον τὸ πᾶν. Διὰ τὸ ἐπὶ Χριστοῦ μὴ καὶ ζῶντος ἐπὶ θανάτῳ στρατεύεται ἐπὶ αὐτὸν λευκωμένης τῆς πνευματικῆς συμπλέκεται ἐπὶ τὸ πᾶν ἐξ Ἀδάμ καὶ ἀνθρώπων δανασίαν ὁ ἄδης ἐκόμπαζε. Christus cum angore crucem excipit passionemque pavor anticipat. Quamobrem? nimirum quia Christus contra viventem mortem adhuc armatur, cumque nondum soluta tyrannide manus conserit, etenim imperium quod in homines jam inde ab Adam obtinebat etiam-

num ostentabat, quæ omnia luculenter testantur mortem Christi toto genere diversam fuisse à morte Martyrum, sive principium, sive modum, sive finem passionum attendas: nam illi à Deo Patre ex amore castigabantur in corpore ad gloriam Dei, & obsignationem veritatis; At Christus à Deo Judice ex Justitia punitur & in corpore & in anima ad peccatorum expiationem: in illis *passiones* erant vel *probatoria* vel *medicinales*, at in Christo *pœnales* & *satisfactoriæ*.

XXI. Huic argumento nihil hæcenus à Socinianis directè quod quidem nobis visum fuerit responsum est. Crellius tantum adversus Grotium p. 24. & 25. c. I. aliquid reponere conatur, Christum scilicet cum preces illas fudit in horto, vel in cruce se à Deo derelictum exclamavit, respexisse procul dubio ad illos dolores & cruciatus quos tum perpetiebatur cum ea verba proferret, dolores scilicet crucis qui per se corporis erant, inde verò ad animum ut sit redundaverint, quibus addi possunt contumeliosæ voces & insultationes hostium calamitates ipsi acerbissimè exprobrantium: de tanta tristitia quæ græcis verbis exprimitur nihil legi ab eo tempore quo ex horto Getsemane fuerit abductus, cessasse istam animi perturbationem postquam ei apparuit Angelus. Hunc fuisse calicem de quo Christus patrem tam sollicitè rogavit ut à se transiret; non verò mortem; Earum autem precum statim secutum fuisse effectum apparente Angelo. Ideo Christum animo imperterrito reliqua mala excepisse, nec quicquam post id tempus fecisse aut dixisse quod pavorem & consternationem istam animi argueret, licet dolores & cruciatus acerrimos sustineret.

XXII. Sed multifariam hîc peccat Hæreticus. 1. Dum supponit tristitiam & preces illas ardentissimas Christi non aliò respexisse quàm ad dolores corporeos quos perpeffurus erat vel etiam ludibria & insultationes hostium quibus impetebatur. At jamjam ostendimus non eam fuisse sufficientem talis anxietatis causam nisi in Christo Dei filio Principe gloriæ eam animi constantiam desiderari volumus quæ in miseris homuncionibus sese tam luculenter prodidit, quod Christianus nemo dixerit; Ergo durior quædam manus illum premebat, gravius illi incumbibat onus sub quo fatiscere veritus est. 2. Supponit etiam gratis Christum post agoniam illam quam passus est in horto nullum amplius dolorem & animi perturbationem sensisse, nullum sanè ejus signum dedisse: Nam licet certum sit Christum non semper eo animi angore pressum fuisse, sed dilucida (ut ita dicam) habuisse intervalla, prout scilicet observabatur animo promissio patris & certa spes victoriæ; quod & fideles ipsi experiuntur non semel, qui in maximis suis angustiis querimonias suas miscent consolationibus ut Ps. LXXVII. & XLII. & Jobi XIX. II. 25. & alii de quibus August. in Ps. x. *Interdum clausis Dei oculis exercentur ut querantur, interdum apertis illuminantur ut gaudeant.* Quis tamen nescit in cruce etiam gravissimè perturbatum esse cum in hæc flebiliter erumpit verba ut se à Deo derelictum quereretur? Itaque fortiter quidem & constantissimè mortem tulit, sed tamen cum exquisitissimo mali sensu, ita ut voces pugnæ & doloris cum vo-

cibus constantiæ & victoriæ permixtæ semper fuerint, donec absolutissimo redemptionis operi hâc triumphî voce *πτελεσαι* colophonem imposuit. 3. Falsum etiam est quod statuit calicem pro cuius remotione tam sollicitè orabat non fuisse ipsam mortem, sed tantùm istam animi perturbationem quæ post apparitionem Angeli cessaverit; nam contrarium liquet ex Joh. xviii. 11. ubi cum Christus captus esset à militibus & Petrus vim facere vellet; *Annon bibam inquit calicem quem Pater mihi dedit?* manifestè innuens mortem cui destinabatur; Et sanè cur tanta perturbatio animum ejus subiisset nisi ad hanc mortem impendentem respexisset? E. certum est Christum propter mortem imminentem timuisse, non corpoream tantùm sed spiritualement imprimis & maledictam.

XXIII. Quia verò varia hîc quæri possunt circa hanc Christi agoniam precesque ab eo fusas, quasi indignum sit Christo vel sensitse Deum iratum & insensum, vel eas preces illi obtulisse quæ decreto ipsius apertè repugnarent; breviter ea expedienda sunt antequam ad alia transeamus. Primò Quæritur quomodo talis metus & agonia in Christum cadere potuerit qui fuit semper in gratia & amore patris, quique adeo iratum eum & insensum sibi experiri non potuit? Resp. Christus duplicem personam sustinuit & suam & nostram, suam ex natura, nostram ex officio, Et secundum geminum illum respectum potuit metus & fiducia in eo locum habere, potuit gratia & ira patris erga ipsum sese exerere, Nam respectu sui patri semper dilectus fuit & gratissimus, nec aliter potuit, cum enim Deus non irascatur creaturæ nisi ob peccatum, in filio autem nullum unquam viderit vel videre possit utique non potuit illi ullatenus succensere, sed anima ejus in eo sibi complacuit: Sed quia idem ille filius personam nostram suscipere voluit & peccatorum reatum sustinere, sub hac *ἁρσεν* nihil obstat quo minus dicamus Deum iratum sensitse non sibi, sed peccatis nostris quæ in se receperat, quomodo dicitur *πατήρ* pro nobis factus: ita hîc optimè concurrunt & amor & indignatio, Amor in filium, Indignatio in mediatorem, Amor propter justitiam & sanctitatem propriam ipsi inhærentem, Indignatio propter peccata aliena nempe nostra ipsi imputata. Quod ergo hîc clamitant Adversarii Bellar. & alii grandem nos eum Calvinò injuriam Christo facere cum dicimus Deum metuisse iratum & insensum, atque adeo non fuisse eum in gratia Dei, vel impudens est calumnia, vel crassissimus error qui confundit ea quæ in Christo sunt distinctissima: Nam si id volunt Deum iratum fuisse filio suo quâ tali & in se considerato, eam nobis sententiam affingunt quam toto pectore averfamur, ut qui sciamus Christum nunquam non gratissimum & dilectissimum Deo fuisse quod & ipse Calvinus apertissimè docuit Instit. l. 2. c. 6. s. 11. Neque tamen inuimus Deum fuisse unquam illi vel Adversarium, vel iratum. quomodo enim dilecto filio in quo animus ejus acquiescit, irascetur? Aut quomodo Christus patrem aliis sua intercessione placaret quem insensum haberet ipse sibi? At si negant Deum iram suam & maledictionem effudisse in filium quatenus nostra in se peccata receperat, non nobis, sed Scripturæ ipsi apertè re-

pugnant quæ eum à Deo percussum & attritum, peccatum & maledictionem factum docet; Hoc vidit Ferus in Matt. c. 26. *Hic inquit si personam ejus attendas videbis eum innocentissimè passum, ipse enim peccatum non fecit nec dolus inventus est in ore ejus, At si attendas eos in quorum persona patitur videbis eum nocentissimum ut qui peccata totius mundi in humeris suis habeat &c.* Deinde distingui debet *non* *Esse in gratia Dei*; nam vel illud intelligitur quoad amorem & omnia effecta ejus tam ea quæ sanctitatem quam quæ felicitatem important, vel quoad quædam tantum. Ille qui in gratia Dei est, utique amorem ejus experiri debet si non in omnibus saltem in plerisque ejus effectis, & ita Christus nunquam non sensit hanc patris gratiam: at non statim qui est in amore fruitur ejus effectis quoad plenissimam beatitatem, v. g. qui castigantur fideles sunt sub sensu miseræ nec desinunt tamen à Deo diligere: Ita nihil obstabat Christum & diligere à Deo ut filium suum, & affligi ab eodem ut Vadem & Sponsorem nostrum, potuit amare ut patrem, & suam in eo fiduciam collocare, & timere ut judicem atque ejus iram & indignationem deprecari.

XXIV. Secundò Quæritur Qui timere potuerit & expavescere cum certa & indubitata victoria esset ex Dei consilio immutabili? Resp. Ut hic scrupulus tollatur meminisse oportet utrumque hunc affectum metus & spei in homine sæpe reciprocari & alternantes experiri vices pro ratione objectorum sese ingerentium, nam si res grata & læta objiciatur, continuò spes inde efflorescit, sin verò tristis & molesta fuerit, metus subito enascitur; Cum verò duæ istæ res usque adeo contrariæ sese ingerunt eodem tempore, tum fieri nequit quin gravis inter eas pugna & conflictus oriatur, altera faciente metum & dolorem, altera spem & consolationem excitante: Rursus cum in isto conflictu altera alteri prævalet v. g. malum præsens bono futuro acrius se ingerit, & quod præsens est naturæ suæ vehementius homines afficit quam quod est futurum, metus & dolor ita videtur totum hominem occupare ut nihil in eo spei sit reliquum, quia ita defixus hæret in malo quod intuetur ut cætera quæ aliquatenus illius dolorem lenire vel metum minuere possunt eo momento non attendat, quemadmodum ea est naturæ nostræ conditio ut ingentia visa cum vehementius ingruunt ex nobis eo momento abigant omnem aliam cogitationem, sic in omni vehementi commotione ita totus occupatur animus ut velox illa facultatum animi progressio multum impediatur, dum singulæ facultates præsepi objecto affixæ rem totam diutius suspendunt. Ex quibus facillè tota hæc difficultas expeditur, quippe Christus nobis *ὁμοπαθὴς* tale quid in se ipso expertus est, nam ut duplex objectum Christi animo sese ingerebat, i. mors illa maledicta & passio ad quam ferendam missus fuerat; Deinde eventus & finis lætissimus qui promissus erat, malum præsens & imminens gravissimum, & victoria certa & gloriosissima, duplicem etiam affectum in ipso excitavit, inde timoris & tristitiæ, hinc spei & fiduciæ, cum enim in malum impendens oculos reflectebat, non poterat non timere & consternari, videbat quippe mortem & mortem dirissimam ipsi paratam, at cum

idem attendebat ad finem passionum, & consilii divini immutabilitatem, prævidebatque adeo & victoriam quam reportaturus erat de Diabolo & morte, & redemptionem quam acquisiturus erat Ecclesiæ, non poterat non in spem erigi & lætari, hinc fit ut in hoc agone alternantes & sibi invicem succedentes hos affectus subinde videamus, si timet & angitur cum petit calicem removeri; at confidit statim cum in beneplacito patris acquiescit, si fremit cum queritur se à Deo derelictum, at spem illico prodit cum Deum suum compellat & Spiritum suum in manus ejus commendat: Sed cum instantis mali cogitatio animum subit, ita totus occupatur animus ut eo momento circa aliorum objectorum apprehensionem quiescat, hinc cum ait Joh. xii. 27. *nunc anima mea turbata est pater quid dicam?* animus in illam iræ infinitæ cogitationem ita defixus est ut singulæ facultates pro se nihil decernant, sed toto interrupto progressu fluctuent. Ita cum petit liberari ab hac hora & removeri calicem, - cum se derelictum esse postea vociferatur in illa eadem cogitatione ita occupatur ut in unam partem totus vergens, pene sibi persuadeat de se actum esse, nec fieri posse ut tantum pondus sustineat: Non tamen in illa cogitatione ita hæsit quin mox invicta spes illum erigeret, idem enim qui perculsus *libera me* inquit *ex hac hora* eodem tempore subjicit, *sed propterea veni in hanc horam*, qui ter petit ut transferatur calix, addit statim non sicut ego volo, sed sicut tu vis fiat, qui clamat se derelictum à Deo, idem tamen ad Deum ut patrem Deumque suum accedit: unde patet quomodo Christus & timere potuerit & angī dum certa spes victoriæ facta fuerat.

XXV. Tertio Quæritur quomodo Christus ejusmodi preces Deo offerre potuerit quæ apertè videntur consilio & voluntati divinæ repugnare, atque adeo pietati & obedientiæ quam patri constantissimè exhibuit? Quid enim? nonne propterea natus erat & mediator factus ut calicem hunc pro salute nostra ebiberet: nonne noverat hoc esse decretum patris ut ipse non semel testatus est oportere se multa pati & occidi, Matt. xvi. 21. Imò cum caperetur à militibus Petrum iis obstitentem increpat, *An non bibam poculum istud quod mihi dedit pater?* Qui ergo sibi contrarius & patri, tanto molimine calicem à se transferri postulat? Resp. Hic verò multa sunt quæ reponi possunt. 1. Supponimus contra Monothetas geminam fuisse in Christo voluntatem ut & naturam divinam & humanam, easdem non adversas quidem & sibi repugnantes, sed diversas tamen fuisse prout in objecta diversa ferebantur. Divina voluit mortem quia sic constitutum fuerat apud patrem ad redemptionem nostram. Humana verò horruit & deprecata est, quia eam intuebatur ut naturæ destructionem & malum omnium quæ esse poterant dirissimum; nec tamen humana voluntas bene dicitur repugnasse divinæ, quia non absolute, sed conditionatè petiit, non voluntate deliberatâ & electivâ, sed velleitate potius inefficaci & naturali. Itaque observandum est. 2. *Voluntatem* multifariam dividi posse, alia enim *efficax* dicitur, alia *inefficax*; *Efficax* dicitur ea quæ principium est agendi, hominemque movet & impellit ad

exequenda ea quæ vult & æmolienda quantum potest quælibet operationis impedimenta; *Inefficax* quæ in effectum non deducitur, sive propter impedimenta aliunde accedenda, sive quia simplex est vel boni complacentia, vel displicentia mali, nec ulterius pergit ut sit operandi principium, nec ad rei executionem respicit impellit quæ velleitas potius quàm voluntas dici meretur. Cùm ergo Christus dicitur voluisse ut transiret calix non debet hoc intelligi de voluntate efficaci quæ in ipso produxerit aliquem evadendi conatum & se expediendi ex istis laqueis, imò videmus eum ductum fuisse ut ovem ad mactationem II. LII. 8. ut ipse nulla ratione obstiterit, vel mortem refugere tentaverit, sed de voluntate inefficaci quæ nihil aliud significat quàm simplicem displicentiam ortam ex naturali inclinatione quâ voluntas abhorret à malo naturam destruentem.

XXVI. 3. *Voluntas* alia est *naturalis* & *indeliberata*, alia *deliberata* & *electiva*. Illa dicitur voluntas per modum naturæ; Ista per modum rationis. sic Thom. p. 3. q. 18. art. 5. *Voluntas ut natura* sive per modum naturæ est facultas physica habens inclinationem naturalem ad conservationem totius compositi, seu est desiderium commodi, vocatur voluntas indeliberata quia fertur ad objectum absolutè consideratum citra ullam rationem circumstantiarum, At *voluntas per modum rationis* est facultas rationalis ad prosequendum bonum generale totius hominis ut homo est, vel ad sequendum dictamen intellectus practici recta & iusta monentis, vocatur *voluntas electiva* quia est desiderium & affectus iustitiæ potius quàm utilitatis propriæ, dicitur & *voluntas deliberata* quia respicit objectum omnibus suis circumstantiis vestitum, & hæc voluntas refertur ad cognitionem rationalem tanquam ad causam, quia non naturæ instinctum sed rationis dictamen sequitur; Voluntas naturæ naturaliter fugit ea quæ naturæ sunt contraria, ut mortem, cruciatum &c. Voluntas per modum rationis potest ferri etiam in ea quæ naturæ adversantur dummodo iusta & honesta sint vel necessaria, sic v. g. is qui voluntate naturali potionem amaram refugit & averfatur, eandem tamen voluntate rationali suscipit, quia scit non aliam esse salutis recuperandæ rationem, ita martyres mortem naturā non possunt non horrere, sed iidem tamen eam ut gloriosissimum benevolentiae Dei testimonium ex ratione alacres adeunt, & in ea gloriantur, pari planè pacto Christus mortem voluit & noluit diverso respectu. Voluntas per modum naturæ eam noluit, at eadem per modum rationis voluit ipsam. noluit quatenus naturalis appetitus desiderium erat ut viveret mortemque absolute & in se ut naturæ destructionem intuebatur. At quatenus eandem spectabat cum circumstantiis suis id. ut à Deo decretam & ad salutem electorum necessariam, in ipsam propensissimo ferebatur affectu, prout alibi testabatur *cibum suum hunc esse ut faceret voluntatem patris sui*. Joh. IV. 34.

XXVII. 4. *Voluntas* distinguitur in *simplicem* & *absolutam*, & *hypotheticam* seu *conditionatam*. Illa est qua quis aliquid vult absolute & efficaciter ita ut nihil reliqui faciat ut ea voluntas in effectum deducatur. Ista qua quis aliquid vult

sub conditione, quæque intra certos limites se continet, sic absolutâ voluntate petunt fideles remissionem peccatorum suorum, & si quæ sunt necessaria ad eorum salutem. At voluntate conditionali ea quæ salutem non attingunt per se neque vel data promovent, vel negata remonent, puta opes, sanitatem, robur, pacem externam, in quibus petendis eam semper conditionem addere debent expressè vel implicite si ita fert Dei voluntas: hujus conditionatæ voluntatis geminum exemplum suppeditat nobis Scriptura, alterum in Mose Exo. xxxii. 3. dum optat deleri de libro Dei, alterum in Paulo Ro. ix. 3. dum cupit anathema fieri pro fratribus, utrumque enim istud votum non absolutè, sed conditionatè tantùm est intelligendum, si possibile esset & liceret, si Deo ita liberet, ita ut non rei ipsius possibilitas, sed petentium tantùm zelus & ardor innuatur: Idem in Christo observari potest, nam voluntate absolutâ ac simpliciter dicta Christus mori voluit; prout se moriturum prædixerat Matt. xviii. 31. & xx. 18. 19. Joh. xiii. 21. ita ultro & libentissimè se morti exposuit *An non (inquit) bibam calicem?* &c. E. quod mortem refugiebat referendum est ad voluntatem conditionalem & hypotheticam, de quo ne quis dubitare posset voluit ipse Christus conditionem, eamque geminam apponere: Prior est conditio *possibilitatis rei*, *Pater si possibile est* non utique per absolutam Dei potentiam, quia non nesciebat omnia Deo esse possiblea ut apud Marcum profitetur, sed per æterni patris decretum, quod etsi non ignorabat scindi non posse, tamen libenter per *εὐσχημὴν ἐπαρῶν* optasset aliter institui. Altera est *conditio voluntatis divinæ* cui se Christus illico submittit *veruntamen non sicut ego volo, sed sicut tu vis*, ut agnoscamus omnes istos motus desiisse tandem in absolutam voluntatem moriendi.

XXVIII. Etsi igitur inter geminam hanc Christi voluntatem aliqua diversitas occurrit nulla tamen est pugna & contrarietas propriè dicta, quia nec sunt ad idem, nec eodem respectu: Altera est simplex & absoluta, altera tantùm conditionalis, altera bonum naturæ, altera gloriam & consilium patris respicit, altera se habet per modum naturæ & velleitatis inefficacis, altera per modum rationis & voluntatis plenæ. Hic ergo attendenda sunt *duo volita* Christi, seu objecta duo in quæ ferebantur diversæ volitiones Christi, primò *bonum naturæ*, & immunitas ab omni malo, natura enim per inclinationem omnibus creaturis adeoque & homini ipsi inditam Eph. v. 29. non potest non refugere malum & inclinari in sui bonum & conservationem, siquidem teste Aristotele *bonum est quod omnia appetunt*. Secundo *gloria & voluntas patris* cum salute nostra; utrumque objectum ab intellectu monstratum volebat, sed modo & respectu longè diverso, illud simpliciter & præcisè in se absque circumstantiis consideratum volebat voluntate naturali conditionatâ, & velleitate potius seu voluntate imperfecta, secundum hanc petebat conditionaliter rem ex hypothesi impossibilem & optabat quod illi dene-gandum erat ut hoc pacto testaretur quid sentiret, pateretur & appeteret misera & egena natura & à quo maximè refugeret; at verò istud cum omnibus circumstan-

stantiis, causis, & effectis consideratum voluntate absoluta per modum rationis ad finem qui mediis in se malis amabilitatem solet conciliare, quomodo potio amara appetitur propter sanitatem, quam voluntatem Christus declarat eâ quam apposuit statim limitatione & conjunctione *πλὴν αἰδέα*. Ita etsi votum primum voluntati patris quadantenus adversum concepisset, quia tamen sub conditione illud ita concepit ut velleitati huic suæ statim frænum injecerit, eamque Dei arbitrio subjecerit non potest ulla culpabilis hîc occurrere diversitas.

XXIX. Instabit tamen aliquis, Si correctio aliqua addita fuit à Christo in postrema precationis parte omnino modum exceßerit oportet, atque adeo non satis composita fuerit. Hinc Calvinus in commentario suo in Matt. dixit *Christum votum illud subito sibi elapsum castigare & revocare*, quod dici non potest quàm protervè Bellarminus exagitet quasi Christum peccati alicujus & vitiositatis insimularet, qui aliquod votum fuderit quod correctione opus habuit. At ut de Calvino primum dicamus Jesuita more suo satis prodit calumniandi cæstrum quo percitus est dum ea integerrimo Viro affingit quæ ab ejus mente sunt alienissima; quod vel idem ipse commentarius luculenter docet ubi variis in locis, pluribusque rationibus hos Christi angores, querelas, preces & affectus purissimos fuisse omnique vitii expertes solidè evincit. Quod verò vim facit in correctionis voce de nihilo est; quia nemo negare potest particulas *ἀλλὰ πλὴν* quibus utitur Christus esse correctionis formulas, sed in eo hallucinatur Adversarius quod *Correctionem* omnem supponere errorem præcedentem arbitretur, quod etsi de *Correctione Logica & Ethica* verum sit, falsum tamen est de *Rhetorica*. *Logica* pro falso verum, *Ethica* pro malo bonum reponit, sed *Epanorthosis Rhetorica* non est semper emendatio ejus quod malè dictum sit, sed limitatio rei conditionalis in absolutam, vel repositio ejus quod magis videtur idoneum pro eo quod prius etiam non malè, sed vel indifferenter vel conditionaliter dictum fuerat. Sic Cicero ad *Quirit. contra Verrem* exclamat *ô summam vestram clementiam, vel potius patientiam*, & autor ad Herennium quod si iste suos hospites rogasset imò innuisset modò hoc facile perfici posset &c. Paulus 1. Cor. xv. 10. *amplius laboravi quam omnes Apostoli, non ego tamen sed gratia Dei quæ mecum est*. Correctio est verum apponens pro vero sine errore, nam & ipse laboraverat, sed sub gratia tanquam causa primaria & principali: Sic correctio hæc Christi non est emendatio erroris sed remotio conditionis antea positæ seu conversio precationis conditionalis in simplicem: Non ergo reponit verum pro falso sed categoricam voluntatem bonam loco hypotheticæ itidem bonæ in suo genere: non corrigit prius effatum tanquam incompositum, sed exponit quod dixerat ne quis nostrum id malè cogitatum aut dictum autumaret, & voluntatem illam conditionatam quæ ex recto sui amore mortem horrebat subjicit voluntati patris, ideoque amorem sui amoris Dei tanquam primo & maximo mandato rectum ordinem servans submittit.

XXX. Quare Quæritur quomodo Christus æternum patris decretum rescindi

scindi postulet cujus minimè ignarus erat, & quomodo pura fuerit ab omni vitio hæc ipsius voluntas quæ tamen cum Dei voluntate minimè congruebat? Resp. Ad I. Noluisset Christum absolutè rescindi consilium patris quod immutabile noverat, sed quia defixus erat totus in contemplatione instantis mali eo momento facultates erga aliorum objectorum apprehensionem quiescebant, itaque non ex dubitatione vel ignorantia loquitur, sed omisso consilii divini intuitu ad breve momentum desiderium hoc quo æstuabat in patris sinum deponit, quomodo fideles in fundendis precibus & gravissimis tentationibus non semper ad speculanda Dei decreta ascendunt, sed votorum fervore interdum celeres feruntur in maiorum quibus premuntur acerbitem unicè intenti, eorum liberationem naturali propensione ardentissimis votis expetentes, licet cæteroquin alia sit Dei voluntas & consilium; Atque hinc patet solutio secundæ difficultatis; quomodo pura & vitii expers illa voluntas Christi esse potuerit quæ voluntati divinæ repugnabat; Nam primò certum est non omnia quæ voluntati occultæ sive decreto non congruunt statim peccata esse, quippe cum hæc non sit actionum nostrarum norma & regula, sed revelata, non potest quod adversus illam admittitur statim peccatum censeris; sic Paulus Phil. I. cupit dissolvi & esse cum Christo, idque arbitratur sibi esse longè optimum; at hoc voluit contra voluntatem Dei occultam quæ diutius voluit eum Euangelio ministrare, sic filius probus orat pro vita patris ægroti quem tamen Deus certò mori vult, nec peccat filius, imò peccaret adversus debitum parenti amorem si non præstaret: sic fideles plerumque florentem & tranquillum expetunt Ecclesiæ statum, cuperent ærumnis liberatos esse Dei filios & sublata omnia scandala & regni Dei obstacula, & hæc cum per se recta sint piè possunt à fidelibus expeti, quamvis aliter Deo constitutum sit qui vult filium suum regnare inter hostes suos, exerceri sub cruce, & Euangelii ac fidei victoriam contrariis satanæ & mundi molitionibus illustrari. Hoc August. eruditè observat Enchir. ad Laur. c. 100. & 101. Propterea namque magna (inquit) opera domini exquisita in omnes voluntates ejus ut miro & ineffabili modo non fiat præter ejus voluntatem quod etiam sit contra ejus voluntatem &c. Et paulò post Aliquando bona voluntate homo vult aliquid quod Deus non vult etiam ipse bona amplius multoque certius voluntate &c. Christus ergo potuit absque ullo peccato & petere & velle quæ voluntati divinæ repugnabant.

XXXI. Sed inquis, Christus non ignoravit hanc patris voluntatem, itaque non potuit non peccare cum illi restitit. Resp. Peccaret is qui contra voluntatem Dei cognitam peteret aliquid absolutè & sine submissione tacita vel expressa quod fecit Christus; nam voluntas absoluta conditionatam statim superavit & absorbit, unde æstimandum est obsequium ex eo quod prævalet & superius est, non verò ex eo quod obruitur & corrigitur, ea enim demum veri nominis est voluntas quæ absoluta & determinata est ita ut hominem efficaciter impellat ad rem volitam prosequendam, voluntas verò ac desiderium inefficax non tam volun-

luntatis quàm velleitatis appellationem meretur: at voluntas Christi absoluta, fuit semper conformis voluntati divinæ in voluto formaliter spectato cum omnibus suis circumstantiis, Imò & velleitas ipsa Christi conformis rectè illi dicitur ratione causæ dirigentis, voluit enim Christus semper quod & quomodo pater voluit eum velle, Pater enim volebat ut Christus vellet vivere secundum inclinationem naturæ ut hoc modo demonstraret se verè affectus nostros naturales suscepisse, licet hoc ipsum desiderium videretur, quoad cætera quodammodo arietare in consilium æternæ prædestinationis. Fateor in nobis istiusmodi motus non esse sine aliqua *αἰτία* & peccati labe, quia cum immundi simus natura ex sordido fonte non possunt rivuli nisi sordid. & lutulenti fluere, quemadmodum si aquam in vitro sordido & impuro agitaveris & ipsa sordida & impura reddetur. At in Christo aliter se res habuit, cum enim purus esset ab omni labe, sic tristitiâ & metu turbatus fuit ut nunquam tamen modum excesserit vel adversus Deum murmure vel impatientiâ fremuerit, sed ita potentiam Dei imploravit, ut voluntati patris illico se reverenter submitteret, ut aqua quæ in vitro puro est & niti do quantumlibet agitetur non impurabitur tamen, quia nihil facis sordiumve admixtum habet. Ita turbatus fuit, sed non perturbatus, concussus, sed non excussus, oppugnatus, sed non victus, naturæ motibus ad deprecandam mortem innocentissimè excitatus, sed rationis consilio ad eam suscipiendam statim revocatus; Unde notandum multiplex discrimen inter affectus Christi & nostros, quadrupliciter enim potissimum solent nostri aberrare, 1. Quoad *originem* quòd rationem præveniant eaque inconsultâ sæpius oriantur. 2. Quoad *terminum* quòd longius digrediantur quàm par est & sese sub imperium rationis minimè contineri patiantur. 3. Quoad *modum* quòd rationem ipsam captivent & transversam agant ut accadat nobis poëticum illud, *fertur equis auriga nec audit currus habenas*. 4. Quoad *objectum* quia in nobis plerumque ejusmodi passionibus feruntur ad illicita & injusta. At ab hisce omnibus immunes fuerunt affectus Christi. Nam nec quicquam illiciti unquam appetiverunt, nec oriebantur nisi ex dictamine rationis, unde dicitur *se ipsum turbasse* Joh. xi. 33. neque latius divagabantur quàm oportuit, nec rationem unquam obscurarunt & abr' puerunt, sed illi semper obtemperarunt. Non æstimandum ergo querulas hæc Christi voces vel à dubitatione & diffidentia ulla profectas esse, vel ab aliquo alio affectu inordinato & vitioso, sed tantum à penitissimo doloris sensu qui naturam non potuit non afficere, sed qui tamen non statim à ratione in ordinem coactus est & Dei arbitrio submissus.

XXXII. Quæritur tandem hîc quomodo Christus in ea oratione exauditus possit dici à metu ut testatur Apostolus Heb. v. 7. & alibi Christus profitetur se semper à Patre exaudiri Joh. xi. 42. cùm tamen mors subeunda illi fuerit necessario. Resp. Quod Christus simpliciter & absolutè voluit in eo nunquam repulsam tulit, sed quod voluit sub conditione tantum, nihil mirum si non obtinuit, quando ea non tam erat voluntas quàm velleitas, nec tam rationali illud deside-

no erat deputandum quod primas semper obtinere debet, quàm inclinationi naturali & appetitui sensitivo cujus nunquam præcipuæ sunt in oratione partes. 2. Christus exauditus est à metu mortis non absolutè quidem quasi à mortis obeundæ necessitate liberatus esset, sed secundùm quid quatenus nempe Deus qui illum exaudivit timorem illum ita excussit ut mortem constantissimè exciperet, seque totum voluntati divinæ submitteret, atque ita fuit confirmatus ut omnem pavorem mortis deposuerit. Christus quippe duo timebat potissimùm. 1. Ne malis obrutus succumberet quæ videbat gravissima esse. 2. Ne morte absorberetur, ita ut nullus inde pateret exitus. Deus verò eum *exaudivit* id. liberavit ab utroque illo metu. 1. Quia eum ita virtute Spiritus sui corroboravit in medio agone ut constantissimè & invictè sustinuerit gravissimum illud certamen. 2. Quia eum à morte liberavit solutis doloribus inferni gloriosâ ejus resurrectione, itaque verissimè hac in parte exauditus fuit, non quidem ne mortem lueret, sed ne ab ea absorberetur, non ne gustaret, sed ne in ea periret, non in pœnarum subterfugio, sed in earundem constanti tolerantia & forti atque invictâ liberatione & victoriâ. Atque hæc de Agoniâ Christi dicta sunt. Cætera quæ pertinent ad ejus *Desertionem* ne ulteriùs protrahatur hæc Disputatio in aliam mox secuturam eum bono Deo differuntur.

COROLLARIA RESPONDENTIS.

I. Scriptura S. ita plenè & perfectè continet omnia creditu & factu ad salutem necessaria ut nullis Traditionibus & γράφοις post Verbum scriptum locus jam esse possit aut debeat.

II. Etsi idem Verbum Evangelii omnium externè vocatorum auribus insonet, non eundem tamen in omnibus eventum sortitur, nec eodem fine simpliciter proponitur.

III. Ut vera & salvifica fides acquiri nequit propriis viribus ab homine, sed unius Dei donum est: ita nec potest ab eodem jam fideli amitti, cum dona & vocatio Dei sint ἀμεταμέλητα.

IV. Hinc ut nec David, nec Salomon, nec Petrus à salvifica ista fide exciderunt, utut gravissimè sint lapsi, sic nec Saul impius, nec proditor Judas, nec profanus Simon magus eâ unquam donati sunt.

V. Justificatio gratuita non excludit opera fidei, sed ea potius stabilis.

VI. Nullus hominum à lapsu Adami solo Christo excepto Legem perfectè implere potuit.

DISPUTATIO SEPTIMA

Quæ Quinta est

D E

SATISFACTIONIS
CHRISTI VERITATE.

E X

Desertione ejusdem & Morte
demonstratâ.*Respondente SAMUELE VIOLLERIO Genevensi.*

T H E S I S P R I M A.



U M in tota humiliatione & passione Christi Servatoris & peccatorum gravitas, & iræ divinæ pondus, & Misericordiæ immensitas luculenter se prodant, nullibi tamen clarius elucet, quàm in summis illis animæ cruciatibus quos pro nobis sustinere non recusavit; Quia verò in duplici gradu spectari vulgò solent, vel ut *inchoati* in horto per agoniam, vel ut *completi* in cruce per *desertionem*, & de priori gradu novissimè à nobis actum est: Ordo jam postulat ut ad secundum transeamus, atque adeò demonstramus tristissimam hanc derelictionem certissimum fuisse *Satisfactionis* quam præstare debuit ex munere sibi demandato argumentum.

II. Hujus autem *Desertionis* testimonium præbet luctuosissima Christi in Cruce querela, cujus primò notanda Temporis circumstantia quæ ab Evangelistis observatur quum dicitur clamasse circa *horam nonam* Matth. xxvii. 45. & Marc. xv. 34. id. tertiam nostram pomeridianam, post solemnes scil. illas tenebras quæ à meridie cœperant: Nam *ab hora sexta tenebra factæ sunt super universam terram* vers. 45. sive per universam terram intelligas tantum terram Judæam quod variis visum quomodo Romanum Imperium vocatur *πᾶσι κύριον* Luc. ii. 1. sive quod aliis placet totum orbem, ut œcumenica Eclipsis fuerit quod videtur amplecti Tertulli, in Apol. c. 21. folis hoc deliquium vocans *mundi casum* quem

Romani in suis Archivis habeant; Et huc facit quod ipsis Ethnicis non videtur planè ignota fuisse qui ejus meminerunt, ut Phlegon Trallianus Adriani libertus Chronographus accuratissimus teste *Eusebio* in Chronicis ad annum Dominicæ passionis, qui eam refert ad annum quartum 262. Olympiadis qui incidit in annum 18. Tiberii quo Christus est passus, sic Dionysius testis ejus ἀντίπλης dicitur fuisse in Ægypto, & eam intuitus in hæc verba erupisse εἰ ἡ φύσις εἰ τὸ θεῖον πᾶσι ut habet in episto. ad Polycarpum *Aut natura aut Deus aliquid patitur*. Quicquid sit certum est non naturalem sed planè extraordinariam & miraculosam fuisse hanc Eclipsim utpote quæ non tempore novilunii quod alias fieri solet, sed in plenilunio contigerit, Deumq; portentum hoc non secus ac cætera non sine gravissimis causis immisisse, sive ut gravitatem & horrorem sceleris Judæorum ostenderet quasi nefas foret solem tantum scelus aspicere, sive ut portenderet genti Judaicæ excæcationem & calamitates illas quæ non multo post populo isti erant immittendæ & terror ac metus judicii divini incuteretur; sive ut Christi in cruce morientis majestatem ex tantis prodigiis indicaret, sive denique ut passionum Christi magnitudinem innueret quibus scilicet fiebat ut Oriens ex alto tenebris densissimis iræ Dei immergi, & Sol justitiæ eclipsim pati & occumbere deberet; hinc Tenebras istas externas statim excepit amarissimus dolor internus quo se à Deo derelictum queritur, nam tenebris illis depulsis circa horam tertiam dicitur alta voce exclamasse *Eli Eli lamma sabactani, Deus mi Deus mi quare me dereliquisti?*

III. Quia verò verba hæc ex Ps. xxii. petita esse constat, hinc quæstio primò nascitur an bene ad Christum referantur quæ David de se olim protulerat, Judæi enim hæc ita ad Davidem vel alium quempiam ex sua gente restringunt ut aliò referri nec posse nec debere arbitrentur; Sed misâ protervâ hâc Judæorum incredulorum cavillatione, qui nihil intentatum relinquunt ut clarissima quæque loca nobis eripiant: Nobis pluris esse debet Evangelistarum omnium & Christi ipsius testimonium qui sibi verba Psalms applicando non obscure Davidem ad se respexisse demonstrat: consulantur loca Matt. xxvii. 35. 39. 46. Luc. xxii. 33. 34. Joh. xix. 23. 35. Heb. ii. 11. Et sanè non opus hîc est operosâ aliquâ demonstratione, vel sola enim verba Psalmi si paulò accuratius expendantur satis docent in neminem accommodatius quadrare quàm in Christum, & in eo solo perfectum complementum fortiri. Itaque licet David ut typus Christi de se potuerit loqui proximè, dum occasione suarum tribulationum & persecutionum ad has querelas redactus est, certum tamen est in se ipso non hæsisse, sed spiritu prophetico abreptum fuisse ad contemplationem Christi patientis in cruce, cujus passionem, tormenta, crucifixionem & omnium cruciatuum sensus juxta singulas circumstantias tam exquisitè, & tanta verborum luce & ἐνεργείᾳ describit, ut non tam prophetiam quàm historiam, ut Cassiodorus ait, scribere videatur; quod facile ex singularum partium examine ostendi posset si id nunc ageremus. Unde colligimus verba hæc prima Davidis etsi in ipso ut Christi typo fundamentum aliquod

habere possint, quatenus summis pressus angustiis & de auxilio Dei tantum non desperans in querulas hæc voces prorupit, quibus non absimiles alibi occurrunt non semel Ps. xliiii. 2. & xliiv. 24. 25. &c. tamen ad Christum primariò & principaliter esse referenda, prout ipse Christus complementum istius Oraculi verba eadem iterando in cruce exhibuit.

IV. Verba autem referuntur à Christo juxta Hebraicam veritatem & non juxta Lxx. versionem quæ nonnihil hic à fonte recedit additis vocibus duabus quæ in Hebræo non leguntur δ Θεός δ Θεός $\mu\epsilon$ $\pi\rho\sigma\chi\epsilon\iota$ $\mu\omicron\iota$ $\iota\upsilon\alpha$ $\pi\epsilon\gamma\kappa\alpha\tau\acute{\epsilon}\lambda\iota\pi\epsilon\varsigma$ $\mu\epsilon$ quam V. V. secuta est *Deus mi, Deus mi respice ad me quare me dereliquisti*, sive Lxx. $\text{ל}^{\text{א}}$ *ad me* pro $\text{ל}^{\text{א}}$ legerint quod nonnulli conjiciunt, sive alia quæpiam causa fuerit, Chaldaeus tamen & Syrus planè cum Hebræo faciunt, quod Christus hîc sequitur omisâ Lxx. versionis additione (quod satis docet, ut hoc obiter dicam, non rarò ab ea discedere Scriptores N. T. atque adeo ipsis non fuisse authenticam.) Porro fatendum est verba illa ex Hebræo paulisper immutata referri, nam verba Psal. ita se habent $\text{אֱלֹהִים אֱלֹהִים לָמָּה עָזַבְתָּנִי}$ hic verò legimus עֲזַבְתָּנִי , sic quippe communis ferebat tunc temporis loquendi ratio, quæ nec fuit vetus Hebræorum sermo, nec Syriacus merus, sed mixta dialectus ex utroque quæ tum in Judæa vigeat, quæ quædam retinebat avitæ pronunciationis ut $\text{ל}^{\text{א}}$ pro quo Syri dicere solent $\text{ל}^{\text{א}}$, quædam cum Syris habebat communia, ut עֲזַבְתָּנִי pro עֲזַבְתָּנִי quod Hebræum est: *Eli* autem à Christo pronunciatum fuisse ipse sonus ad Eliam proximè accedens evincit, unde sumpta est acerba illa paronomasia irrisorum Christi, qui ex dictione *Eli* materiam sumebant Christum calumniandi ac si abjecta fiducia in Deum converteret se ad sanctos demortuos & præsertim Eliam Marc. xv. 35. Ideò verisimile est in Syriaca versione quæ $\text{ל}^{\text{א}}$ $\text{ל}^{\text{א}}$ habet transpositas esse literas, & quod $\text{ל}^{\text{א}}$ scriptum fuerat mutatum fuisse in $\text{ל}^{\text{א}}$, inde nato errore quod $\text{ל}^{\text{א}}$ minus Syris esset notum: Neque aliter scriptum fuisse à Syro indicio est ipsius interpretatio apud Marcum quæ habet $\text{ל}^{\text{א}}$ cum affixo primæ personæ, unde non malè *Drusus* in textum Syriacum $\text{ל}^{\text{א}}$ reponendum esse statuit, quamvis *Ludo. de Dieu* contrarium sentiat.

V. Sed parum interest quomodo legerit aut scripserit hæc aut illa Versio, cùm textus Græcus Evangelist. interpretationem subijciat à qua discedere est nefas $\text{Θ\epsilon\varsigma \mu\epsilon \Theta\epsilon\varsigma \mu\epsilon \iota\upsilon\alpha \pi\epsilon\gamma\kappa\alpha\tau\acute{\epsilon}\lambda\iota\pi\epsilon\varsigma}$. Videndum ergo potius cujusmodi fuerit ista *desertio* de qua tam lamentabili conqueritur voce: Neque hoc difficultate gravi carere videtur, quo tandem enim pacto Deus Christum deseruisse dici potest vel Christus à Deo desertus qui intimè & arcèssime illi unitus fuit semper? Nonne $\text{\textcircled{a}}$ fuit divinæ & humanæ naturæ conjunctio, nonne filius fuit semper in patre, & pater in filio? ut ipse testatur Joh. xiv. 11. 20. Fateor altissimum hoc mysterium intellectus nostri capium longissimè superare, ut hic si uspiam alibi sapere nos deceat ad sobrietatem, & longè tutior sit docta ignorantia quàm temeraria scientiæ præsumptio. Non me latet etiam hinc inde periculosissima præcipitia occurrere, ne Christum vel ex vulgi opinione magis quàm ex

rei veritate locutum existimemus, vel si ex propriæ calamitatis sensu loquitur desperasse & de salute dubitasse arbitremur. Quia tamen maximum afflictæ conscientia solamen bene intellecta hæc Christi oratio afferre potest, videamus quid hac in parte sentiendum sit, & faciem verbi divini nobis allucentem sequentes pro virili hoc explicare aggrediamur. Ut in Deo hæc præcipuè attendimus τὸ ἄγιον καὶ τὸ μακάριον *sanctitatem & felicitatem* ita duo hæc creaturæ rationali, quam beare vult, communicare solet, *sanctitatem* quæ in bono *Ethico*, *felicitatem* quæ in *physico* versatur, *sanctitatem* in gratia, *felicitatem* in gloria. Ita autem hæc duo comparata sunt ut nunquam felicitatem & gloriam det sine sanctitate, quia sine sanctitate nemo videbit Deum; Heb. XII. 14. Sed aliquando sanctitatem largiatur sine felicitate, cum nimirum creaturam ad aliquod tempus sub crucis & calamitatis pondere vult exerceri; Quum ergo Deus vel utramque, vel alterutram creaturæ subtrahit tum eam deferere meritò dicitur, Christo autem denegatam fuisse *sanctitatem* impius est qui dixerit, cum sanctissimus fuerit semper, ab omni peccati labe vel consortio immunis, fidesque & charitas absolutissimæ in eo fuerint omnibus numeris. Itaque derelictum fuisse tantum quoad *felicitatem* & gloriam necesse est, quatenus ad breve temporis spatium gaudium illud ἀνεκλάλητον & radiantem gloriam quæ coruscabat subtraxit Deus ut iræ suæ nobis incumbentis pondus experiri posset.

V I. Sed ut plenius res tota cognoscatur observandum est variis modis Christum Deo adhæsisse, quæ fuerunt totidem vincula istius mirabilis conjunctionis: Primò fuit *Unio naturæ* quatenus non modò per intimam illam ἐμμελὴν χάριν filius est in Patre, Pater vicissim in filio Joh. x. 30. in S.S. Trinitatis mysterio, sed & beneficio incarnationis in unam eandemque personam humanitas cum divinitate coaluit, cum Immanuel factus est. 2. *Communio amoris* quo Pater complectitur Filium & Filius vicissim Patrem Joh. III. 35. *Pater amat filium & omnia dedit in manus ejus.* 3. *Communicatio sanctitatis*, nam plenus fuit gratiâ & veritate, nec admenfus est illi spiritum pater, sed ἀπέτεω in illum dona sua & gratias effudit Joh. III. 34. *ut ex ejus plenitudine hauriamus omnes*, Joh. I. 16. *placuit enim patri omnem plenitudinem in eo habitare* Col. I. 19. 4. *Sustentatio virtutis* dum expertus est continuo potentiam Dei quæ illi præsto fuit in gravissimis illis certaminibus quæ sustinenda illi fuerunt, prout ipse agnoscit se non esse solum, sed patrem secum Joh. XVI. 32. Sic Deus dicitur *adesse* iis quos tuetur, protegit & potenti brachio sustinet ut sæpe in Ps. 5. *Participatio felicitatis* quatenus unitus divinitati intimè visione beatifica frui poterat, & summo ex ea gaudio & solatio perfundebatur; nam & iis se præsentem testatur Deus quibus se propitium exhibet, quosque adèò dulcissimis præsentia suæ gratiosæ & salutaris radiis recreare & solari dignatur ut non semel hoc Psalter profitetur.

V II. Dicamus adhuc clariùs, Christus adhærebat Deo, Deus aderat Christo per *Spiritum*, Spiritus autem quinque hæc effecta potissimum operari solet. 1. *Vitam* unde *Spiritus vitæ* Ro. VIII. 2. dicitur. 2. *Pacem* & tranquillitatem ex amoris & be-

& benevolentiae divinae testimonio, unde *Spiritus gratia* nominatur Zach. xii. 12. Et Evangelium quod ministerium est spiritus, est Evangelium pacis Eph. vi. 15. 3. *sanctitatem* & *fidem* quapropter *Spiritus Sancti* denominatio illi assignata, item *Spiritus sanctificationis* Ro. i. 4. *Spiritus fidei* 2. Cor. iv. 3. 4. *fortitudinem* & *robur*, hinc Spiritus roboris dictus 2. Tim. i. 7. & Virtus Altissimi Luc. i. 35. & xxiv. 49. 5. *Beatitatem* & *gaudium* unde Oleum laetitiae Ps. xlv. 8. Paracletus Joh. xiv. 16. Spiritus gloriae 1. Pet. iv. 14. indigitatur: *Vita* opponitur morti in qua jacemus, *Pax diffidentiae* & trepidationi quae agitatur. *Sanctitas vitiositati* quae inficimur. *Robur infirmitati* cui obnoxii sumus. *Felicitas miseria* in quam decidimus, Spiritus E. in Christo quinque haec perfectissime operatus est, unde quinque istis modis Deo adherere potuit, sed non pariter potuit istis omnibus ab eo deferri.

VIII. Primò non derelictus est Christus quoad *Unionem naturae*, nam quod semel Filius Dei assumpsit nunquam dimisit; nunquam separata fuit & revulsa humanitas à divinitate, vinculum istud arctissimum nec solutum est unquam nec poterit in aeternum solvi, siquidem ut bene Synodi Chalcedonenfis Patres sanciverunt unio hypostatica facta est *ἀνωρέτως καὶ ἀδιαίρετος* ut *ἀτρέπτως καὶ ἀσυνχύτως*, mors ipsa quae corporis & animae vinculum diremit, non abrupit tamen vinculum divinitatis cum humanitate, quae perpetuò unita mansit hypostaticè cum anima & corpore licet divulsis; Et sanè si divinitas ab humanitate se juncta fuisset, neque ista tanto oneri ferendo par fuisset, neque dici posset Dominus gloriae crucifixus, 1. Cor. ii. 8. vel Deus acquisivisse Ecclesiam sanguine suo Act. xx. 28. 11. Non derelictus est quoad *amorem*, semper enim dilectus fuit patris in quo anima ejus acquievit Eph. i. 5. Is. xlii. nec aliter esse potuit, quando enim filius est *ἀπαύλασμα τῆς δόξης ὁ πατὴρ καὶ χαρακτὴρ τῆς ὑποστάσεως αὐτοῦ* perfectissimum ejus exemplar & ipsissima ejus natura, non potest non quocunque in statu intense eum diligere & summa benevolentia prosequi, Imò si crescente obedientia crescit amor nunquam ardentius dilexit filium quàm in cruce, quia nusquam tam illustre obedientiae & humilitatis testimonium dedit Phil. ii. 7. Jo. x. 17. *propterea inquit ipse amat me pater quia pono animam meam pro ovibus.* 111. Non quoad *sanctitatem*, ex quo enim spiritus in eum illapsus est, nunquam defuit efficacitatem suam exerere, unde semper sanctissimus fuit & purissimus qui nec fecit nec novit peccatum; neque verò alius esse potuit: nam personae quae Deus est conditio pati non poterat ut à sanctitate vel levissime descisceret, ratio muneris verò quod salutis nobis impetrandae causà constitutum erat finem suum non esset assecuta, si ab ea vel tantillum descivisset; debuit agnus ille esse *ἀναγ.* & *ἀμω.* Heb. vii. 26. & talem decebat nos habere Pontificem qui innocens esset & separatus à peccatoribus: potuit scilicet filius Dei cum miseria conjungi quae est malum physicum quod miseratione non vituperio dignum, non potuit cum peccato quia est malum Ethicum quod labem & maculam vitiositatis infert, quodque adeò in eo qui Deus est ne ad momentum quidem esse po-

tuit. IV. Non quoad *Auxilium* & virtutem & præsentiam providentiæ, nam Deus illi semper fuit à dextris Ps. xvi. *Dominus à dextris meis, non movebor* & Ps. cx. 5. unde Christus ad discipulos *me reliquistis solum, sed non sum solus, nam pater est mecum* Joh. xvi. 32. ut dominus antea per Isa. xlii. 1. testatus erat: sic divinitas in ipsa Christi morte mirificè operata est vimque & efficaciam summam contulit cum humanitate ad hoc opus exequendum, unde brachium ejus ipsi dicitur operatum salutem Is. lxi. 5. & *se obtulisse per spiritum aeternum* Heb. ix. 14. Hinc opera redemptionis Θεωδευκὰ dicuntur ad quorum omnino præstationem divinitas simul cum humanitate concurrere debuit. Et revera hoc imprimis necesse fuit, nam nisi divinitas influxu continuo roboris & virtutis humanitatem sustentasset, præterquam quòd λυτὸν sufficiens id. pretii infiniti dare non potuisset, ipsa etiam succubuisset statim oneri, neque summa illa & extrema tormenta nobis debita potuisset perpeti.

IX. Superest E. ut *derelictus* dicatur tantum quoad *participationem felicitatis* & *gaudii*, quoad communionem gloriæ & visionis beatificæ in qua lætus antea exultabat & solatio plenissimo perfundebatur. Nimirum ut humanitas dolores omnes & cruciatus tum externos tum internos animi & corporis nobis debitos sentire posset, ac potissimum indignationem illam & iram acerrimam Dei qua peccatum persequebatur, divinitas radios lucis & felicitatis paulisper continuit, & sensum favoris sui atque influxum gaudii & solatii ad momentum suspendit, licet de cætero eadem divinitas virtutem roburque subinde suppeditaret, ut eos posset perferre & vincere; Sic derelictio hæc non infert humanæ naturæ à divina separationem, nec sublationem totalem aut recessum interni principii & objecti omnis gaudii, æternæ scilicet Deitatis cum qua humanitas ἀποπληκῶς semper fuit unita, sed tantum desertionem aut potius suspensionem influxus gaudii, haud aliter ac in eclipsi Solis, lumen ejus non cessat nec in se inhiabetur, sed nobis propter interpositionem alieni corporis subtrahitur. Fuit ergo *desertio* quoad *actum secundum*, non quoad *primum*, quoad *sensum* potius quàm *rem ipsam*, ad *subtractionem visionis* non ad *dissolutionem unionis*, ad suspensionem effectus gaudii ac solatii, non ad principii & radice eversionem, ad carentiam sensus suavitatis divinæ non ad ablationem omnimodam gratiæ ex unione personali promanantis: Neque aliter intellexerunt Patres; Bernardus de verbis Isaïæ Serm. 5. *Dicerene audebimus quod aliquando fuerit etiam sine patre? nemo id præsumeret si non prior ipse dixisset, Deus meus, Deus meus ad quid me deseruisti? Habemus itaque Christum ex patre nascentem, in patre cubantem, cum patre sedentem, à patre ambulantem, sub patre pendentem, sine patre quodam modo morientem. Quadam ibi derelictio fuit ubi nulla fuit in tanta necessitate virtutis exhibitio, nulla majestatis ostensio. Et alibi Continuit radios Deitatis ut humanitas pateretur. Sic Iren. 1.3.21. Quemadmodum homo erat ut tentaretur, ita & Sermo fuit ut glorificaretur* ἡσυχάζοντός μιν ὁ λόγος ἐν τῷ παθεῖν καὶ ἀποθνήσκειν καὶ ὑποθνήσκειν, συγγενόμενός τε τῷ ἀνθρώπῳ ἐν τῷ νικᾶν καὶ ἀπομείναι καὶ ἀνίστασθαι.

Adm. Quiescente quidem Sermone cum tentaretur, crucifigeretur & moveretur, assistente vero homini cum vinceret, toleraret & resurgeret Ambrosius in Luc. lib. 10. Sequestrata delectatione divinitatis aeternae a dio mea infirmitatis afficitur. Sic Leo. 1. Non solvit unionem, sed substraxit visionem: hoc voluit Catechista noster Secti. x. cum ait paulisper interea delituisse divinitatem ejus h. e. vim suam non exeruisse. Scotus in IV. sen. d. 46. q. 4. In Dei amissione duo infant. 1. Carentia virtutis illius per quam Deo adhærescere anima debuit. 2. Carentia illius beatitudinis quæ in Deo reperiri solet: hanc non illam pro nobis Christus experiri debuit. Quid igitur? Affectione Justitiæ separatus à Deo Christus non fuit, sed Affectione commodi fuit à patre derelictus.

X. Rursus Desertio alia est absoluta, totalis, aeterna quâ Deus ita hominem derelinquit & quoad gratiam & quoad gloriam ut prorsus à facie Dei abalienetur, & in æternum exclusus à regno Dei tormentis horribilibus addicatur, hanc reprobi magno suo malo experiuntur, hanc David deprecatur sollicitè Ps. xxvii. 9. Ne abscondas faciem tuam à me, ne avertas ex ira servum tuum, auxilium meum fuisti, ne igitur deseras me, neve relinquant me o Deus salutis meæ. Alia est desertio temporalis, partialis, & secundum quid, non per totalem Dei recessum ab homine, sed per gratiosæ ejus præsentis occultationem & auxilii seu potentis liberationis dilationem, hæc Deus nonnunquam vel castigat fideles, vel probat, unde illa Judaicæ Ecclesiæ querela dereliquit me Jehova Is. xlix. 14. & Deus ipse ad momentum parvum dereliqueram te ibidem c. liv. 7. Sic passim fideles queruntur se à Deo deferi quum vel externam differt liberationem & auxilium quo eripiantur à malis, vel interno solatio destituit faciem suam abscondendo ut Ps. xi. & xlii. 2. & lx. 3. Primam desertionem absolutam & æternam Christus experiri non potuit propter dignitatem personæ, sed hanc debuit ex officio; Derelictus ergo verè dicitur quia ad quædam momenta dulcissimo paterni favoris sensu caruit, dum sub pondere nobis ἀβυσσῶν acerrimæ iræ ingemuit, non quoad corpus tantum, sed & quoad animam: Derelictus fuit quia Pater cœlestis non solum externam liberationem aliquandiu distulit, sed etiam interioris solatii dulcedinem ei tum temporis denegavit ut dolores omnes nobis debitos persentiret; Ita autem verba intelligenda esse quæ sequuntur manifestè evincunt: Cum enim vocet Deum suum & bis illud repetat ad majorem fiduciam denotandam, cum ibidem subiciat vers. ii. Tu es spes mea ab uberibus matris meæ testatur satis se non planè & omnimodè desertum à Deo, sed tantum queritur se non liberari ex angustiis eo modo quo Patriarchæ Prophetæ & alii pii sæpe miraculosè sunt liberati. Ideo statim addit post prima verba remotus à salute mea & à verbis rugitus mei ut innueret se propterea derelictum dicere quod Deus eum non liberaret à gravissimis quibus premebatur malis.

XI. Sed quomodo, inquires, deferi potuit manente unione? Nam si apud Deum est fons vitæ Ps. xxxvi. 10. utique si Christus Deo semper unitus fuit, mori non potuit, sed vitam, & gloriam semper eum habuisse necesse est. Resp. Sic li-

ceret de corpore argumentari si corpus Christi semper unitum fuit divinitati, mori ergo non potuit, sed semper habuisse vitam necesse est, quod tamen nemo non videt absurdissimum esse, *mortuus* inquit Aug. cont. felic. c. 14. *Christus est, non discedente vita, sicut passus est non pereunte potentia*. Vidit scil. vir acutissimus mori potuisse Christum & pati subtrahente Deitate virtutem suam & operationem, quâquam essentialiter à vita & potentia divina separatus Christus minimè sit. Quod eò clariùs patet quod divinitas non vivificat *formaliter* ut anima, quâ præsente & unitâ *formaliter* necesse est corpus esse vivum, sed *effectivè* tantùm, ideoque non est necesse ut manente unione divinitatis ad carnem caro sit viva, quia Deus non ex necessitate agit, sed ex voluntate ut bene Thom. p. 3. q. 50. ar. 2. Ita respectu animæ dicimus potuisse divinitatem unitam illi manere quoad *vinculum personalitatis*, licet eam deseruerit quoad *influxum suavitatis*: Neque hic reponendum participationem Dei in Christo consistere in effectis absque quorum communione unio duarum naturarum in Christo non possit subsistere: Nam aliud est privari sensu istius communionis, aliud carere communione ipsa, caruit corpus in morte sensu omni conjunctionis divinæ, quidni & anima in pœna hac sua carere hoc sensu potuerit ut interim illa personæ unio non dissolveretur? 2. aliud est carere omnibus effectis istius conjunctionis, aliud quibusdam tantùm, ubi est carentia omnium effectuum ibi etiam conjunctionem esse non posse facilè damus, sed hîc quædam effecta semper sunt, si non omnia; influxus sanctitatis, sustentatio virtutis, licet defuerit communicatio felicitatis: Ita *Derelictus* est *dispensativè* & ad tempus ut *Sponsor*, sed *amatus* semper *naturaliter* ut *Filius*.

XII. Hic verò ulterius quæritur quomodo hanc derelictionem sentire potuerit Dominus sine peccato, cum ex sensu ejusmodi consequi videatur, ut in peccatum dissidentia & desperationis prolapsus sit; Hinc Adversarii tanta styli diritate exagitant quòd à nostris de hac derelictione Christi dicitur, quasi & fremitum Christo & desperationem tribueremus: Sed quàm iniqua ea sit accusatio jamjam liquebit; Nunc de peccato paucis respondemus, Christum derelictionem hanc sine peccato omnino ferre potuisse ut alios angores tulit in anima & dolores in corpore *panem nimirum ferens, sed nesciens culpam* (ut Bern. loquitur): Separari à Deo per virtutis & officii defectum *crimen* est, At ab eo separari per defectum beatitatis, per sensum aliquem tristitiæ & ignominia non crimen est, sed *pœna*. Peccatum est privare se Dei gratiâ per culpam, sed per se sensu divini favoris carere peccatum non est, etli in nobis vitium sit, qui hanc carentiam culpâ nostrâ contrahimus, quique fidei debilitate eandem polluimus, & in ea ipsa semper peccare solemus adversus promissiones divinas quæ nobis in Christo exhibentur: Christi alia ratio fuit, non hanc carentiam suâ culpâ contraxit, sed eam propter culpas nostras perfert, non debilitatus fide erat in illa naturæ puritate quâ pollebat, non promissionem hîc aliquam habuit quâ contra ejusmodi derelictionem se ejus fides erigeret, sed mandatum potius habebat ut ad eam patiendam se per

obedientiam submitteret, non suâ culpâ, sed merito nostro quorum causâ Sponsor erat, sicut in Adamo labente fuit desiderium beatitudinis cum summa iniustitia, ita in Christo illum & nos erigente oportuit esse damnationem seu miseriam cum summa iustitiâ: Cæterum quia horribilis fuit ille iræ seu derelictionis divinæ sensus, Christus non ex impatientiâ, vel ignorantia ullâ, quasi ignoraret causam suæ passionis, aut non libenter ferret se à Patre in illis doloribus derelinqui, sciebat enim hoc ita constitutum esse propter hominum salutem, sed in declarationem acerbissimæ & durissimæ passionis suæ exclamat *Cur me dereliquisti?* vulgata in Scripturis sacris loquendi ratione hac interrogationis formula à Deo se derelictum conquerendo.

XIII. Ut autem omni peccato caruisse eum dicimus, ita potissimum ab ipso *fremtum & desperationem* alienissimam fuisse credimus, ita ut neque ille neque ista in eo locum habere potuerit: Non *fremtus*, quia sicubi exoritur, ex odio Dei & impatientia pœnæ tanquam non iuste infligitur oritur. At Christus non odit, sed dilexit semper Deum in mediis etiam cruciatibus, quinimò mera Dei dilectione inductus lubens volensque mortem adiit & subiit, ut ipse testatur Joh. xiv. 31. *Ut norit mundus patrem à me diligere & prout præcepit mihi pater facere, surgite abeamus.* Non *desperatio*, inde enim est, vel quod Dei auxilium nullum sentientes fidem omnem illi detrahimus, vel quia ex malis nostris nullum elabendi modum animadvertentes spem sinimus nostram obrui, & omnem de salute cogitationem abjicimus. At neutrum in Christo locum habere potuit. Non prius, quia in mediis angoribus Christus Deum ut patrem & Deum suum compellare non destitit, atque in ejus manus animam suam commendat, quod fidei & spei argumentum est evidentissimum, sciebat Deum esse patrem suum, etsi rigide secum ageret tanquam iudex & vindex peccatorum, hinc à quo *Judice* se deferri vociferatur *Sponsor*, eum in horto *Patrem* suum Matt. xxvi. 39. In cruce *Deum* suum c. xxvi. 46. appellat *Filius*; Non etiam posterius, quia si natura mali magnitudinem exhorruit, at sciebat tamen fides impossibile esse ut à morte detineretur Act. ii. 24. partim quod peccatum merito mortis plenè esset expiaturus; partim quod virtute Deitatis suæ mortem esset superaturus & ab ea resurrecturus ut passim se solatur Joh. ii. 19. Matt. xx. 18. 19. ubi autem certa est liberatio, ibi locum non invenit desperatio, itaque non est vox desuperantis, Absit, sed luctantis contra desperationem propter sensum iræ Dei & dilationem liberationis ut testantur verba sequentia *longinquus*, ait, à salute mea v. 2. E. hinc habemus *fiduciam* & spem Christi, & *tristitiam* ejus & terrorem, terror est ex sensu derelictionis, fiducia ex amoris persuasionem quo impellitur ad Deum compellendum ut Deum suum, ita ut non tam *de Deo* quàm *ad Deum* querimoniam suam instituat, in sinum ejus paternum effundendo dolorem animi sui quem omnium maximum facillè concipiebat.

XIV. Hinc liquidò patet quàm strenuè calumnientur Adversarii dum Christo desperationis vocem elapsam fuisse à nostris & Calvino imprimis dictum per-

tendunt, sic enim Maldo. Genebr. Bellar. loquuntur *Ocludenda sunt hoc loco aures hæreticorum blasphemia* inquit Maldo. in Matt. xxvii. *quorum magister Calvinus desperationis vocem hanc fuisse dicit, impium errorem impio etiam errore confirmans, similia habet Genebrardus, Calvinistas hinc colligere Christum in cruce de Deo desperasse, vel desperantis vocem emisisse &c.* quæ omnia fufius & virulentiùs exaggerat Bell. li. 4. de Chr. c. 8. Sed meræ calumniæ sunt. Cùm enim constans sit Ecclesiarum nostrarum sententia fidem Christi firmam & inconcussam stetitisse semper in medio agone quomodo desperatio illi tribueretur? Neque tale quid ex verbis Calvini in Matt. xxvii. elici potest; verba ejus sunt in Harmonia, *Sed absurdum est Christo elapsam esse desperationis vocem* quæ verba non ut sua proponit, sed *μυνηπικως* susceptâ adversariorum personâ, sibi objiciens quæ sibi à malè feriatîs hominibus objicienda prævidebat, nimi. si tales fuerint Christi angores quales descriperat, videri desperationem Christo affingi, quod tamen ibidem solidissimè refellit, *solutio, inquit, facilis est, quanquam sensus carnis exitium apprehenderet, fixam tamen stetitisse fidem in ejus corde, qua Deum præsentem intuitus est, de cujus absentia conqueritur, sic & Instit. li. 2. c. 16. f. 12. Quanquam sese ad momentum occultavit divina vis spiritus, ut locum infirmitati carnis cederet; sciendum tamen est talem fuisse tentationem ex doloris & metus sensu quæ cum fide non pugnaret; Et hoc modo impletum est quod habetur in concione Petri non potuisse eum teneri à doloribus mortis; quia se quasi derelictum à Deo sentiens ne tantillum quidem deflexit à bonitatis hujus fiducia. Quod docet celebris illa invocatio, in qua præ doloris vehementia clamavit Deus meus Deus meus ut quid dereliquisti me? nam etsi supra modum angitur, non tamen desinit vocare Deum suum à quo se derelictum exclamat. &c.* Unde patet quàm falsò tribuantur sincerissimo Interpreti quæ ipse à se longissimè repellit & toto pectore averfatur. Ne jam dicamus Ferum & alios ex suis longè duriùs esse locutos.

XV. Cùm E. ex pathetica hac Christi exclamatione derelictum eum fuisse à patre constet, & ex dictis liqueat quomodo desertio hæc sit intelligenda, supereft inquirenda propria istius desertionis ratio, & causa cur Deus Christum deseruerit, hoc enim non fecisse sine gravi quadam & memorabili causa extra controversiam esse debet. Cùm E. triplici potissimum de causa Deus deferere soleat creaturam, 1. vel ad *explorationem* quomodo Deus dicitur à quibusdam Adamum deseruisse cùm novam illi ad perseverandum gratiam non contulit, ad explorandam obsequii fidelitatem, Deo quasi eminus concedente, sic 2. Chron. xxxi. 31. dicitur Ezechiam deseruisse cùm legati ex Babylonia venerunt ut eum exploraret, *dereliquit eum Deus tentando eum ut experiretur quidquid erat ei in animo*: 2. vel ad *correctionem* quo sensu dicitur derelinquere fideles & Ecclesiam nonnunquam, ut hoc pacto ad humilitatem, poenitentiam, & peccati odium magis ac magis incitentur, cùm scilicet ab iis subtrahit ad tempus gratiosæ suæ præsentiae testimonia, opem suam ad eos liberandos statim non exerens, sed finens eos in afflictione diutius versari quasi eos non curaret, quomodo intelligenda sunt Isaïæ verba c.

LIV. 7. &c. *Deserui te per momenta aliquot, sed colligam te in miserationibus æternis* & illa Thre. v. 20. *quare in æternum oblivisceris nostri, derelinqueres nos quandiu longa erunt tempora* 3. vel ad vindictam & pœnam ut deseruit Saulem, I. Sam. XXVIII. dum ei nec per Urim, nec per Tummim respondebat, deseruit Judæos Rom. XI. deseruit gentes profanas Ro. I. dum tradidit eas *eis ad dõnuum vñv*, deserit reprobos omnes in hoc mundo & deseret in æternum in inferis, Videndum quæ ratio Patrem movere potuerit ut Christum desereret, an fuerit tantum desertio *explorationis*, aut *Correctionis*, aut etiam *Pœnalis*.

X V I. Et ad *explorationem* quidem quod attinet etsi non diffitemur Christum in horum cruciatuum perpeffione luculentissimum dedisse patientiæ & constantiæ suæ admirabilis experimentum, quò spectat Apostolus Hebr. v. 7. cum dixit *didicisse ex iis quæ passus est obedientiam*, tamen non facillè adduci possumus ut credamus non alia de causa inflictum fuisse istum dolorem quàm ad explorandum ejus constantiam: neque enim videbatur convenire optimi patris sapientiæ & bonitati ut dilectissimum filium non aliâ de causa tam diris cruciatibus exponeret quàm ut eum duntaxat tentaret: Accedit etiam quod cum Christus nec sibi ipsi ut sunt sæpe homines ex inani virium præsumptione, neque patri ignotus esset, nihil opus erat eum propterea hoc modo exerceri: Neque audiendi sunt Socinistæ qui hanc desertionem ut & cæteras calamitates, Christo inflictam statuunt tantum, ut in exploratione obedientiæ exemplum nobis imitandum præberet; Quamvis enim certum sit Christum patièdo nobis dedisse absolutissimum exemplar ut sequamur ejus vestigia I. Pet. II. quis tamen dixerit propter hoc unum debuisse filium dilectissimum à patre hoc cruciatu qui omnium maximus est affligi? Quid quod propriè non possumus aut debemus imitari hac in parte Christum per omnia, nam si crux ferenda est, non debemus horrere amplius Deum tanquam Judicem iratum, qui sese Patrem in castigationibus nostris nobis ostendit. Itaque non fuit ista desertio tantum *exploratoria* vel *exemplaris*.

X V I I. Sed nec potest dici *desertio correctionis* nisi respectu *nostri* quatenus *correctio pacis nostra fuit super eum* II. LIII. 8. Nam quoad Christum ipsum cum parus & immunis ab omni labe fuerit semper, qui nec peccatum novit, nec fecit, quid tandem in sanctissima illa natura corrigendum vel castigandum pater haberet? Superest E. ut fuerit *Desertio pœnalis* ad ultionem peccatorum nostrorum sumendam & satisfactionem justitiæ suæ exigendam: nam hic Christus non in propria persona spectandus quasi causam ullam in se habuerit propter quam à Deo deferi mereretur, sed in persona Sponsoris cujus officium pro nobis susceperat: Deseritur E. Christus ut satisfaciatur pro omnibus desertionibus nostris. In Adamo peccante Deum omnes deserueramus, imò singula peccata nihil aliud sunt quàm desertio & aversio à Deo, & conversio ad creaturam Jer. I. 13. Cum igitur homo per culpam suam id meritus esset ut in pœnam à Deo defereretur, Christus ipse deferi voluit ne nos desereremur; separari voluit ab ipso ne ulla amplius esset in-

servat & Deum spernit, sed et eternum cum ipso vivamus, Cap. 8. *iniquitas* hic significat nullam à Deo. partem nostram cum Deo separatam, desiderat est quia desideramus eam esse, & de in posterum eam desideremus: derelinqui debet, quia id à Deo meruerimus, & vult idem ne inquam id eo pro merito derelinqueretur. Hinc desensio ista cum Christo acerbissima, nobis tamen dulcissima suppedit solatium, quemadmodum enim maledictio Christi nostrum post se trahit benedictionem, purgetur qui peccata servat, vulnera sanantur, ignominia gloriatur, non enim, ut desensio hac nostrum cum Deo communionem obtruncet & operetur. Ambr. de Iohann. c. 5. *quantum doluit alius seque, etiam illud non amovimus verba seque et ut derelinquit à Patre dicens.*

XVIII. Hinc colligitur quantum à veritate distetant qui huius querimonia culam vel ad humane nature declarationem referunt ut Epiph. qui existimant hac die à Christo *adventum esse de operibus et deinde bene dicere magis à Eodem.* in hunc locum. *Beati autem qui quod sunt ut veritate gloriosi sint in humanitate, ut quare non crucifigat se et non plantat, neque enim est dolens in dantes.* Vel ad mortis corporis tantum mortem & hominem ut Ponticell: *Quantum enim uniusque evidens argumentum in hac exclamazione praebeat quo confutatio fuisse cum auctoribus, sed verum hominem nobis quod est non erat tamen quod tam debilius de amari consequeretur si nihil aliud eum orisset: tam si dolores corporis spectantes, aut eosdem, ut etiam maxime vel centum proliores sensit aliter ille latro qui tamen non conquestus est se à Deo deseri, Petrus enim sensit crucifixus de quidem verbo copul. quod crudelitatis segmento tribuit, confidit tamen se à Deo sustineri. Ergo necesse est praeferat dolores corporis aliquid longe noxios fuisse de gravius in anima Christi quod Christo hanc vocem magnam de hunc clamorem exposceret; Non potest enim aliud esse quidem hic ut dicitur scilicet quem desensio ista ferreus traheret, quid enim horribilius quam Deum sentire, iudicem cuius in mentes omnes superat? ut E. cum variis certandis Christo fuit, Diabolo, mundo, & Deo ipso ut iudice, ita diversimodis erga ipsos affectus fuit, Diaboli quidem potentia est terrifica nihil eum movet, immo considerat illi resistit cum testatur Principem mundi epul. Ioh. 14. 30. & resistit eum, sed nihil habere in se Ioh. 14. 30. sic mundum cuiusque cunctos omnes despiciat, qui sit eum par a se victum esse Ioh. 14. 31. adeo cum curat est, flagellatur, variis affectus, non clamat, immo obmutescit, quia tunc videtur non sua esse cum hominibus; At cum Dei manum sentit & cum iustitia omnia videtur, non clamat, & clamat non magis quia sit horridum esse in manu Dei minus valere, Heb. 12. 31.*

XIX. Non ergo desensio ista extrinsecus tantum est intelligenda quod d. patet eam derelinquit et nactus solatium, primum et adversus ipsos verba collo qui tunc non traheretur, quod vellet Bellar. de unius Chr. c. 1. neque enim suam derelinqueretur qui profanissimum perjuraverat, perjuratum patitur

etiam hinc inchoatur ut & paradysus : Infernus animæ & carcer quidam , rea conscientia est ; Ut non spem tantum cœlestis gaudii prælibare pii solent , sed & cœlestis hujus gaudii primitias quasdam. An non in illa Christi cohabitatione nobiscum & convivatione plus quam spes est ? Joh. xiv. 23. An non in illo jugi bonæ conscientiæ convivio ut ait Sapiens Prover. xv. 15. deliciæ quædam præfentes sunt ? *Ecclesia & sanctus quisque cœlum est* dicit Ambrosius in Ps. cxviii. ferm. 12. *Tu si vis cœlum eris* dicit Aug. in Psa. xcvi. & *anima justi cœlum est* in Ps. cxxi. quod in ipsis Scripturis fundamentum habet , cum πολιτεύμα nostrum dicatur esse in cœlis Phil. iii. & in Apocalypsi Ecclesia in terris militans Cœli nomine designetur ; Si E. fideles cœli gaudia hinc prægustare possunt etsi nondum in cœlum ascenderint ; Cur non & impii infernum gestare secum dicentur cum conscientiæ tormentis vexantur ? Cur non & Christus cum maledictionem Dei sensit , quæ gravissima est inferni pœna , etsi nunquam inferos viderit , gehennalem pœnam tulisse dici potest ?

XXII. Non me latet hinc clamitare Adversarios gravem fieri Christo injuriam si *pœnas infernales* dicatur passus , sic enim sequi 1. Christum *desperasse* cum desperatio pœnis damnatorum necessariò conjungatur. 2. *damnatorum locum subiisse* & proinde damnatum posse dici. 3. *damnationi aeternæ* addictum fuisse siquidem hæc nobis reservabatur pœna & hanc experiuntur reprobi ; Sed hæc omnia gratis supponuntur non probantur , & ex consequentiæ sententiæ nostræ tribuuntur quæ nullis fidiculis exculpi ex ea unquam poterunt ; ut ex singularum refutatione constare poterit : Nam ad primam de *desperatione* præter ea quæ à nobis modò sunt observata , distinguendum est accuratè inter ea quæ sunt de ipsa ratione pœnæ quatenus à Judice infligitur , & ea quæ sunt de ejus adjunctis quæ ex vitio & imbecillitate subjecti in quod recipitur proficiscuntur , sive quæ vel *essentialiter* includuntur in ipsa pœna , vel *accidentaliter* eam consequuntur ; Christus illa in se recipere debuit pœnas nobis debitas ferendo , sed non statim ista ; At desperatio est ex posteriorum genere , non enim est de ipsa pœnæ essentia , sed de vitio subjecti patientis quod perpetuitatem mali ferendi cognoscit & defectum mediorum ex eo emergendi , hoc verò in reprobis & damnatis locum habere potest , & habet revera qui omnem elabendi modum sibi præclusum vident ; at in Christo qui certus erat de futura resurrectione & de proximo Dei auxilio , neutiquam ; pœnæ autor est Deus , Diabolus & peccator Desperationis ; Desperatio non respicit propriè pœnam ipsam , sed tantum ejus continuationem in æternum , nullum E. locum habere potest in eo qui eandem pœnam subit ad tempus breve constitutum & ipsi notum , cum certa spe liberationis , imò cum potestate illam amovendi cum ipsi placet.

XXIII. Ad 2. Resp. Christum non tam *damnatorum* quam *damnandorum* pœnas tulisse & locum subiisse , eos scilicet cruciatus qui electis ex Dei justitia ferendi veniebant , nisi Christus loco ipsorum sese substituisset ; unde colligitur

tur falsò dici Christum *damnatum* fuisse, si *damnatum* intelligas simpliciter & *absolute*, eum nim. qui pœnas peccato debitas ita sustinet ut nunquam superet vel eluctetur, quomodo reprobi damnati dicuntur, quando Christus à morte detineri non potuit & propter dignitatem personæ & propter perfectionem meriti Act. II. 24. fatendum est tamen nihil obltare quominus *damnat* id. condemnatus dicatur *hypotheticè*, quomodo damnari sponforem illum æquum est, qui electorum delicta & pœnas in se recepit; non aliter quàm cùm & ipse dicitur factus maledictio, ut nos à maledictione eximeret; quanquam verum sit Christum non tam *damnatum* esse, quàm *nostrum peccatum* in ipso, ut disertè Apost. notat Rom. VIII. 3. cùm ait *Deum misso filio suo in similitudine carnis peccati & pro peccato condemnasse peccatum in Carne* ut pœna & condemnatio non tam ad Christum, quàm ad peccatum quod susceperat referatur.

XXIV. Ad 3. Resp. non necesse fuit Christum *aternitatem* pœnæ subire, sed tantùm ejus *extremitatem*, neque propterea censendum est defuisse quicquam ejus passionibus, quia æternitas durationis abundè ex dignitate Personæ & gravitate supplicii compensata est; Neque hoc de substantia pœnæ infernalis est ut sit aterna, sed de infirmitate creaturæ patientis quæ non potest pœnam ferendo satisfacere & vivere, imò peccata peccatis cumulando & in ipsa pœnæ latione fremitu & impatientiâ Deum offendendo continuationem pœnæ in se accersit; at si eâ virtute aliquis hominum esset præditus, ut pœnam totam simul & semel exhaurire & plenè satisfacere posset, nihil opus foret eum in æternùm puniri; hoc ipsum verò in Christo deprehenditur; itaque mirum non est si infernales quidem pœnas tulerit, non æternas tamen, sed temporales & brevì finitas & circumscriptas spatio.

XXV. Antequam manum de tabulâ ponamus huic ex *Desertione Christi* petito argumento. Aliud ex ipsa ejusdem *Morte*, attexere libet, quo eadem Satisfactionis veritas evidentissimè colligitur. Si Christus mortem pro hominibus tulit, utique & pro ipsorum peccatis satisfecit; Ratio consequentiæ duplici fundamento nititur; 1. est quòd mors est pœna & stipendium peccati. Itaque qui eam fert, pœnam peccati ferre censendus est; Alterum quod Christus *ἑαυτὸν* non tantùm potuit pœnam eam ferre, sed & perferre & exhaurire, propter summam suam dignitatem & potentiam. Ergo mortem ferendo ut pœnam, eam etiam absorpsit & sic plenè pro nobis satisfecit. *Socinus* lib. 3. de *servat.* c. 7. subdole argumentum nostrum proponit, ut eò faciliùs vim ejus eludat, ita enim nos inducit argumentantes. Quicumque moritur, aut pro suis aut pro alienis peccatis moritur, at Christus non pro suis quæ nulla in ipso fuerunt mori potuit peccatis, Ergo pro nostris. Ita totum faciliè concedit argumentum quasi nihil contra se faciens, qui contendit etiam Christum pro peccatis nostris id. *eorundem causâ* mortuum esse; sed ne ulterius fucum faciat in præpositione *Pro* de cujus vero sensu dictum fuit à nobis Disputa. IV. sic argumentum formamus. Qui mortem

sustinet peccati pœnam, eam sustinet, vel peccati sui pœnam, vel alieni; At Christus sustinuit mortem pœnam peccati E. vel sui vel alieni, non sui E. alieni scil. nostri.

XXVI. Varia hîc excipit Adversarius 1. falsum esse mortem omnem esse peccati pœnam; nam hoc neque in *morte naturali* neque in violenta locum habere posse; Non in *naturali* quod ea non sit peccati stipendium, sed naturæ nostræ quam ipsemet Adamus in Creatione accepit propria sequela. Cum enim corpus animale habuerit & ex pulvere terræ formatum, mortale fuisse naturâ suâ; 2. hoc etiam ex eo colligi quod Christus qui ab omni prorsus peccato i. e. peccati pœna & reatu, nos liberavit, mortem tamen hanc naturalem non ademit, sed tantum mortem æternam & moriendi necessitatem. Itaque Christum naturali huic morti quoque subiectum fuisse, non quidem propter peccata ulla vel sua vel aliena, sed quia homo natus erat, mortuum quidem esse propter peccata nostra, non quatenus illi alioqui postquam homo natus fuerat, naturaliter moriendum erat, sed quatenus violentam mortem subiit volens. 3. mortem naturalem non esse pœnam ex eo liquere, quod fideles quotidie moriantur, nec tamen mortem ut pœnam peccati sui ferant. Non etiam in *morte violentâ* semper obtinere, ut quicumque eam sustinet, ferat eam ut pœnam, peccati vel sui vel alieni; innumerabiles enim reperiri, qui nec propter sua nec propter peccata aliena interficiuntur, quales sine dubio sunt Martyres Dei & Christi omnes, & quicumque innocentes cum sint tamen occiduntur. *Soci. li. 3. de Serva. c. 7. 8.*

XXVII. Sed nihil hîc est tamen quod facilè refelli non possit. 1. supponitur gratis mortem aliquam dari *naturalem*, quæ non sit peccati stipendium, sed naturæ sequela, quod *πρωτον* est ejus *ψευδῆς*. Nos contra nullam mortem censemus naturalem dici posse eatenus ut naturæ integræ sit sequela, sed omnem esse violentam ex Dei judicio promanantem 1. quia Deus homini mortem in peccati pœnam comminatus est, Gen. 11. 17. *quo die comederis morte morieris*, quæ verba cum indefinitè loquantur de morte, ad omnes pariter extendenda sunt mortis species, mortis autem nomine etiam mortem corporalem intelligendam esse, nemo ut opinor inficias iverit. 2. quia Deus hanc ipsam mortem Adamo post peccatum jam admissum in pœnam denuuciavit Gen. 111. 19. *Pulvis es & in pulverem reverteris*; frustra verò hoc, si jam ex naturæ suæ conditione, in pulverem rediturus erat. 3. quia hanc mortem Scriptura passim ut peccati stipendium proponit Ezech. xviii. 4. 20. Ro. v. 12. & omnium clarissimè Ro. vi. 23. Nec hîc audiendus Socinus qui pertendit Ap. loqui de morte æternâ, non verò corporali; Nam cum Ap. simpli. mortis meminerit, nostrum non est ea restringere quæ non restrinxit; imò scopus est c. v. probare in omnes homines peccatum transiisse quia omnes moriantur, non utique morte æternâ simpli. sed corporali quæ in sensus incurrit, c. vi. verò utramque innuit, quia utraque à Deo denunciata fuerat: moriuntur E. homines non quâ *homines*, sed quâ *peccatores*, quâ ab Adamo inquinati, non quâ ab illo propagati.

XXVIII. Vana verò & futilia sunt quæ contra obijciuntur 1. de *mortalitate & corruptibilitate Adami*, Aliud enim est Adamum mortalem fuisse & corruptibilem *potentiâ remotâ* respectu materiæ ex qua constabat, aliud mortalem & corruptibilem *potentiâ proximâ*, id. ita dispositum ut certò moriturus & corrumpendus esset, Prius in eo fuisse concedimus resp. *corporis*, sed posterius negamus resp. *personæ*, quamdiu enim persistisset in integritate, anima iusta & sancta corpus terrenum hominis præstitisset immune ab interitu, ita ut homo etsi potentiâ mortalis, tamen nunquam fuisset actu moriturus quomodo Concilium Milevita. c. 1. bene sancivit olim contra Pelagianos. Hinc *immortalitas* Adamo in primo statu rectè tribuitur, non ea quidem *absoluta & necessaria* quæ in *impotentia moriendi* versatur, & quæ *immortalitas patria* dicitur, sed *conditionata & possibilis* quæ dicebat tantum *potentiam non moriendi* non interveniente peccato & *immortalitas via* vocatur, illa potentiam simul & actum moriendi abolebit, ista actum quidem impedivit, at potentiam non sustulit. Ita *mortalis & immortalis κατ' ἀνάγκην ἀνάγκη* bene dici potuit; *mortalis* per materiæ ex qua constabat imbecillitatem, & qualitatum elementarium ipsi adhærentium conditionem; *immortalis* verò per originalis iustitiæ & gratiæ singularis firmitatem; Sic poterat mori ut etiam posset non mori. Unde patet etiam longè aliâ ratione mortalem fuisse hominem ante lapsum & post lapsum, tunc ita erat mortalis ut posset mori & non mori, poterat enim ut non peccare ita non mori; at nunc ita est mortalis ut necessario sit moriturus, & non possit non mori.

XXIX. Non est solidius quod afferunt secundò de liberatione per Christum facta ab omni pœna peccati, nam si formetur argumentum facilis erit responsio, A quo Christus nos non liberat illud non est pœna peccati, Atqui à morte naturali nos non liberat Christus E. Resp. 1. ad *majo.* per distinct. A quo Christus nos non liberavit, nec liberabit illud non est pœna peccati, Concedo, nam etsi Christus de *jure* & quoad meritum liberationem perfectam à peccato ejusque pœna in morte sit consecutus, tamen de *facto* & quoad efficaciam nos actu non liberat simul & semel, sed per varios gradus & intervalia, ut respectu peccati, primò nos liberat à reatu, postmodum à tyrannide, tertio à labe & reliquiis, ita quoad pœnam non statim totam tollit, sed paulatim & successivè, ita ut eam plenè sit tandem ablaturus quando absterget omnem lachrymam ab oculis nostris & mortem absorbebit in victoriam, sic falsa erit Minor, Unde per re-torsionem ita colligo, A quo Christus vel jam nos liberat vel tandem liberaturus est, id à peccato & non à natura originem traxit. At nos liberaturus est Christus à morte etiam corporali, cùm traducet nos de morte ad vitam E. 2. Mino. nega. Christus enim à *morte* nos liberavit quatenus illa *pœna* rationem habet, ita ut si moriendum sit nobis, non moriendum sit amplius ut pœnas feramus peccati nostri, sed ut à sordibus peccati repurgati in cœlestem felicitatem traducamur, ideo mors nostra non est amplius maledicta, sicut maledicta o est

omnis pœna peccati, sed beata Apo. xi v. 13. preciosa in oculis Jehovæ. Pl. cxvi. 15. dulcis somnus, requies laborum, depositio sarcinæ peccati & transitus in vitam æternam; à peccato est quidem quod homines etiam fideles moriuntur, non morerentur enim nisi peccatores essent, sed ex merito & gratia Christi est, quod homines per mortem ad vitam traducuntur, quia ita immutavit ejus naturam Christus, ut etsi peccatum semper sit occasio moriendi, non sit tamen ejus pœna vel *λύσις* finis propter quem morti obnoxii sumus.

XXX. Hinc liquet quàm falsò pertendat Adversarius Christum morti naturali quatenus homo natus erat fuisse subiectum, nam cùm ubique testetur Scriptura eum non propter se, sed propter nos mortuum esse, & constet eum sanctissimum & iustissimum semper fuisse, illi vita tantùm ex præscripto Legis non mors debebatur, ita ut detestandum sit meritò impium Adversarii dogma quod Christum per se mortalem statuit: Non meliùs dicit etiam Christum nos à morte non exemisse, sed tantùm à moriendi necessitate, nam cùm omnibus adhuc incumbat moriendi necessitas teste Ap. Heb. ix. 27. quomodo ab eadem liberati cenferi possumus? Neque huic veritati derogat, quod illi qui in extremo judicio superstites sunt futuri non moriuntur, Etsi enim non moriuntur, *mutabuntur* tamen I. Cor. xv. 51. & hæc *immutatio* illis erit instar mortis, quâ depositâ & abolitâ terreni Adami imagine quam nunc portamus subitò in cœlestis imaginem sunt transformandi; Adde quod si hinc colligendum esset, Christum nos liberasse à moriendi necessitate, sequeretur eos solos fuisse liberatos, alios autem qui antea obierant nequaquam, quod absurdissimum.

XXXI. Ad 3. Mors bifariam consideratur, vel *in se* prout infligitur iis qui sunt extra Christum, vel respectu fidelium *in Christo*, *In Christo* si spectatur non est amplius mors ut diximus id. pœna peccati, hunc illi aculeum ademit Christus Rom. viii. 1. quod locum dedit gloriationi Paulinæ, *ubi est mors victoria tua* &c. I. Cor. 15. 50. 51. At *in se* & extra gratiam, naturam retinet suam, & nemini incumbit nisi in pœnam, reprobis quidem propter peccata propria, at Christo propter aliena nimir. nostra ipsi imputata, non valet E. consequentia, fideles mortem non sustinent ut peccati pœnam E. mors non est semper peccati pœna; quia quæstio est de natura mortis in se spectatæ, non verò prout in fidelibus per Christum est immutata, quia enim semel hanc pœnam luit pro ipsis Christus, non patitur iustitia eam rursus ipsis eum in finem imponi, sed in aliis omnibus qui hoc beneficio non fruuntur primarius finis semper obtinet, ita ut nemo nisi vel propter sua vel propter aliena moriatur peccator.

XXXII. Neque ullius est momenti quod 4. loco affertur de *morte violenta*. Nam 1. distinctio inter mortem naturalem & violentam non satis est accurata, siquidem nulla mors propriè est naturalis, ut ante dictum, id. naturæ sequela, sed omnis violenta & contra naturam. 2. si per mortem violentam intelligat eam quæ foris per vim infertur dico 1. non satis firmam esse consequentiam, ne-

mo propter aliena peccata violentâ morte jure occiditur. E. nemo propter aliena peccata violenta morte jure moritur, Aliud quippe est *mori*, aliud *occuri*, potest quis morte violentâ propter vel sua vel aliena peccata non injustè mori, qui tamen injustè occiditur, verbi gratia si quis impius ab alio interficitur, ex privato odio ac vindictâ, jure quidem respectu Dei moritur propter sua peccata, sed non jure tamen ab alio sed iniquissimè occiditur; sic Christus jure quidem morti traditur à Deo propter nostra peccata in se suscepta, sed injustè tamen à Romanis occiditur. 2. axioma illud quod nemo propter aliena peccata jure moriatur, vel intelligitur de *judiciis humanis* vel de *divino*. In illis fatemur ordinariè locum hoc non habere, quia Leges non permittunt alium pro alio occidi, quamquam & nonnunquam hoc usu venire soleat ut in crimine læsæ majestatis & aliis atrocissimis ut hæredes & posterius in partem veniant pœnæ cum principalibus reis quod probatum fuit antea *Disp. 2. de Necessitate Satisfactionis*; sed resp. *Dei* qui summum jus vitæ & necis habet in Creaturam, nihil obstat quo minus alii pro aliis plectantur justissimè, maximè si inter eos intercedat aliquod communionis vinculum ut ex variis exemplis constat *Jos. vii. 5. 2. Sam. xxii. 5. 2. Sam. xxi. 6.* quod & antea in Lege sanxerat se visitaturum peccata parentum in filios. Itaque etsi hoc non obtineret inter homines, quia tamen in judicio divino non semel occurrit, falsum ex eo deprehenditur hoc Adversarii Axioma & quod illi superstruitur dogma, Christum scil. jure propter aliena peccata non potuisse morti tradi ex Dei dispensatione.

XXXIII. Hic verò excipitur rursus, Sed demus, inquit, omnia peccata nostra Christo imputata fuisse, & ob eam rem ipsum esse mortuum, num idcirco eum pro ipsis peccatis etiam satisfecisse credendum erit? Minimè, inquit, quia sequeretur sic, quod quilibet nostrum qui Christiani sumus ideo morimur quia imputantur nobis delicta nostra, nemo tamen nostrum pro suis delictis moriendo satisfecit. Resp. Sed nititur falsa hypoth. quasi fideles cum moriuntur, ideo moriantur quod ipsis peccata sua imputentur, at verò licet occasione peccatorum moriantur, non ipsis tamen imputantur amplius ad pœnam quia Christo imputata fuerunt, qui peccatum pro ipsis factus est ut essent justitia Dei in ipso *2. Cor. v. 21*. Ita si moriuntur non moriuntur amplius ut pœnas ferant & satisfaciant, sed ut à corpore mortis liberentur & per mortem ad vitam transeant; De cæteris qui sunt extra Christum damus mortem illis in pœnam cedere, eosque mori in peccatis & reatu suo qui ipsis imputatur & pro quo quidem singulis pœnis quas patiuntur solvunt, sed non satisfaciunt tamen, quia ita eas ferunt ut nunquam perferant, ita eas patiuntur ut nunquam propter infirmitatem suam queant ex iis eluctari, ideoque quia nunquam solutio est perfecta, nunquam etiam satisfactio potest illis tribui. In Christo verò aliter, quia semel plenissimè solvit, verè etiam patiando *satisfecit*.

XXXIV. Denique pertendit non satis accuratè posse dici Christo peccata nostra

nostra fuisse imputata, quia alias immerens non fuisset mortuus, quod tamen in personâ Davidis de se palam proficitur Ps. LIX. 5. *qua non rapui tunc reddidi*. Item quod antea dixerat *oderunt me gratis* quod ad se transfert Joh. xv. 25. quæ verba nullam juridicam causam fuisse demonstrant cur Christus eam mortem ferre teneretur, quod omnino falsum esset, si nostra illi imputata peccata fuissent; siquidem jure & meritò posset dici interfectus. Sed peccat falla. à dicto secundum quid; non posset dici *Christus immerens* mori respectu *nostri* concedo, respectu *sui* nego; nam etsi pro nobis solvat, pro se tamen nihil debuit. Deinde aliud est *Christum immerentem* interfici à *Judeis* hostibus qui eum gratis oderant, aliud immerentem morti tradi à *Deo* Judice; prius verum, sed non posterius. Nec aliud innuunt verba Psaltis; nam ut nulla fuit causa justa propter quam eum hostes persequerentur; ita revera non debuit ipse quod solvit pro nobis, *justus* enim *pro injustis passus est* I. Pet. III. 18. Verum etsi nihil pro se debuerit Christus, non obstat tamen quo minus jure ab ipso pœnas repetierit Pater, postquam nostrum Sponsorem eum fecit.

XXXV. Itaque cùm fit mentio *additionis Christi in mortem* duo isti actus imprimis sunt distinguendi. 1. *Destinatio Christi in vadem* qui pro nobis satisfaceret. 2. *infectio pœnarum* nobis debitarum in Christum Sponsorem constitutum. Prior non est *actus justitiæ*, sed tum *supremi dominii* erga Christum hominem, tum *misericiordiæ* erga nos; nulla siquidem ratio fuit in Christo propter quam teneretur hoc officium suscipere, & se pro nobis sistere: at alter bene dicitur *actus justitiæ*, justum enim fuit Christum Sponsorem constitutum pro nobis satisfacere, imò aliter fieri non potuit ex ordine Dei. Ita licet *personaliter* & *intrinsecè* seu *inhærenter* fuerit innocentissimus, & hoc pacto puniri jure non potuerit, tamen quia *substitutivè* & *judicialiter* fuit nocens, propter peccata nostra in se recepta, Justitiæ ratio omnino postulabat, ut pro iis pro quibus sponderat plecteretur, & sic verè pro ipsis *satisfaceret*. Et de his quidem hæcenus.

EPIMETRA RESPONDENTIS.

I. Sicut contra Fanaticos Anabaptistas Christum ita naturam humanam assumpsisse ut revera nobis fuerit ὁμοσῆς & certò asserimus.

II. Ita contra Pontificios Christi Corpus omnes veras & essentielles veri corporis proprietates semper habuisse, adeo ut neque fuerit invisibile, neque illocatum, neque ubique diffusum confidenter asseveramus.

III. Unde licet veram Idiomatum communicationem in concreto resp. personæ facile admittamus; eandem tamen in abstracto resp. naturæ humanæ quasi ipsa omnipotens, omnipræsens, & omniscia facta fuerit constanter negamus.

IV. Nomen שׁוּב sive simplex statuatur ut nonnullis placet derivatum à radice שׁוּב id. mittere mutato ךׁ in הׁ, vel à radice שׁוּחׁ hoc est quietum & felicem esse; sive com-

compositum dicatur ex nomine שׁוּל id. filius & pronomine affixo וּ id. ejus mutato וּ in הּ ut Jonathan & Aben Ezra exponunt בְּנִי filius ejus, vel quod non minus verisimile ex pronomine relativo וּ pro אֲשֶׁר & propositione הּ & affixo וּ ita ut sit idem quod לוֹ אֲשֶׁר לֹא אֵלֶּיךָ אֲשֶׁר לֹא אֵלֶּיךָ cui repositum est supple regnum, ut Onkelos, Jerosolymitanus Paraphrastes & LXX. vertunt, quocunque tandem modo explicetur, Nomen hoc ut & ipsum Oraculum Gene. xlix. apprimè Christo competere censemus.

V. Nomen τεταγγελισματος הַיּוֹם, non ex superstitione aliqua Judaica, sed ex mera ejus punctorum ignorantia, (nihil tamen temere à nobis definitum volumus) exercitii causa ἀνεκφώνητον esse defendemus.

VI. Hoc nomen ita Deo soli proprium, ut nulli creatura possit verè tribui contra Socinianos bene statuimus.

DISPUTATIO OCTAVA

Quæ Sexta est

D E

SATISFACTIONIS
CHRISTI VERITATE.

Respondente BENEDICTO CALANDRINO Genevensi.

T H E S I S P R I M A.



UAMVIS varia illa argumenta quæ Disputationibus superioribus allata sunt sufficere possent adstruendæ Sententiæ Orthodoxæ, De Satisfactionis Christi Veritate, quia tamen Spiritus S. tantam in ea tradenda ἀκρίβειαν adhibuit, ut nihil omiserit quo fidem ejus in animis nostris plenè stabiliret & contradicentium impietati occurreret, mirum videri non debet si momentosissimam quæstionem, de qua hæcenus multa satis jam verba fecimus, denuò retentemus, & rationibus præcedentibus nonnullas adhuc auctarij vice adjiciamus, nec non ab Adversariorum exceptionibus vindicemus.

II. Ut ergo quam orsi sumus telam pertexamus, Sexta nobis argumentorum Classis hac disputatione instruenda venit, quam ex Sacrificiorum V. T. collatione petimus, utpote quæ multifariam & subrogationem quam quærimus, & Satisfactionem doceant. Argumentum principale nobis hoc esto, Qui tanquam Sacer-

dos & Victimam sub Vet. Test. præfiguratus, & sub N. oblatus, peccata nostra super lignum tulit, utique is non bono tantum nostro, ad confirmationem putæ doctrinæ & patientiæ exemplum mortuus est, sed loco etiam nostro substitutus plenissimè peccata expiando, verè pro nobis satisfecit. At hoc ipsum pro nobis præstitit Christus E. Cujus ratiocinii veritas duobus fundamentis nititur, Prius est Christum verè Sacerdotem fuisse & Victimam & ut talem se obtulisse, Posterius hanc utramque *χρέστιν* necessariò importare peccati expiationem & ex consequenti Satisfactionem.

III. Et ad illud quidem quod attinet vix opus est ut immoremur in eo demonstrando. Nam præterquam quod hoc non diffidentur ipsi Adversarii cum quibus res nobis est, adeo disertæ est hæc Scriptura ut lucem sit in meridie quærere de eo adhuc dubitare; Nam ut jam non dicamus hanc esse muneris Mediatorii non minimam partem, quæ expressa Dei sanctione imò & jurejurando ad ejus æternitatem contestandam Christo commissæ legitur Ps. cx. 5. quis nescit hunc fuisse præcipuum finem totius Sacerdotii Levitici & Sacrificiorum quæ sub Lege subinde offerebantur; ut sub hisce veluti umbris & figuris Christus summus Pontifex Ecclesiæ & Sacrificium ejus expiatorium quod in morte peragere debuit adumbraretur? ut fusè Apost. docet in Epist. ad Hebr. Nec alia de causa ipsi toties & *Sacerdotis* & *Agni* nomen tribuitur quàm ad utramque hanc muneris sui partem designandam quæ necessaria fuit ad Redemptionis & Reconciliationis nostræ opus perficiendum; cum enim ad placandam Numinis iram & gratiam ejus conciliandam & pœnæ essent ferendæ quæ à *Sanctionibus* Legis imponebantur, & *actiones* exequendæ quas Legis *mandata* ad vitam consequendam postulabant, ut ex utrisque simul *Satisfactio meritoria* Sponsoris nostri exurgeret, quæ & liberationem à morte impendente, & jus ad vitam deperditam impetraret, debuit utraque in Christo concurrere & sacerdotii & victimæ ratio: Sacerdos esse debuit qui offerret, Victimam quæ offerretur: Sacerdos qui ageret, Victimam quæ pateretur, Sacerdos in spiritu, Victimam in carne, quod utrumque in ipso revera impletum videmus cum per Spiritum æternum se obtulit Heb. x.v. 1x.4. si quidem non opus habuit sanguine alieno taurorum & hircorum ut Sacerdos Levitici, sed ipse & Sacerdos & Victimam per proprium sanguinem æternam redemptionem adeptus aditum sibi fecit in cælum ibid. & alibi dicitur se tradidisse *προσφορὰν ἑαυτοῦ ὑπὲρ ἡμῶν* Eph. v.2. & sanguine suo nos redemisse 1. Pet. i. 18. quod utique dici non posset nisi geminus ille respectus & Sacerdotis & Victimæ in Christo moriente locum habuisset.

IV. Alterum autem de quo disceptatur potissimum non una ratione comprobari potest. Primò *sacerdotii* natura hoc postulat. Nam si Sacerdos fuit, non tantum docere debuit & revelare voluntatem Patris doctrinamque ejus confirmare, sed & aliquod Deo offerre sacrificium ad expiationem peccati: sunt enim aliæ Sacerdotis, aliæ Prophetæ partes. Prophetici muneris ratio propriè consistit

in iis quæ pro Deo agenda sunt apud homines, est enim interpret voluntatis Divinæ, cui id curæ est ut homines intelligant quid sit ipsis ad salutem & credendum & faciendum necessarium: Itaque cum Scriptura de prophetico Christi munere loquitur, docet Deus se in ipsis ore verba sua positurum & jubet audiri reverenter, pœnasque reposcendas minatur ab eo qui ipsi non auscultaverit Deut. xvi. 17. 18. At Sacerdotis munus propriè & contradistinctè ad Propheticum in iis occupatur quæ agenda sunt apud Deum, καθίστημι inquit Ap. Heb. v. 1. & viii. 3. τὰς περὶ τοῦ θεοῦ ut scil. *offerat dona & sacrificia pro peccatis* atque adeo aliquid opere-
tur quo Deus homini propitius fiat & reconcilietur. Quum itaque Christus sit veri nominis Sacerdos, non id tantum habet quod doceat homines, vel quod intercedat pro nobis apud Deum, sed quod etiam verum & reale sacrificium obtulerit pro peccatis nostris, unde consequitur aliud omnino intendisse Christum in morte sua quàm doctrinæ confirmationem, quod vellet Socinus, nam sic mortuus fuisset tantum ut Propheta, non ut Sacerdos & Victima; Accedit etiam & illud quod Christus non pro iis tantum hominibus Sacerdos fuerit qui post ipsum vixerunt, sed & pro iis qui vixerunt sub V. T. quum unus omnium sit Mediator 1. Tim. ii. 5. qui heri & hodie idem est Hebr. xiii. 8. Unum nomen in quo salutem consequi possumus, Act. iv. 12. Cujus gratiâ servantur pariter illi nobiscum Act. xv. 21. An verò Christus dici potest *servasse* eos solo exemplo quibus scil. tale exemplum propositum nunquam fuit? Nemo sanè dixerit, *servavit* ergo *merito* quatenus mors ejus intercedere debuit, tanquam Redemptio peccatorum præcedentium sub Vet. T. Hebr. ix. 15. Rom. iii. 25. ut virtute solutionis à Sponsore certo tempore futuræ debitor à carcere liberatur.

V. Id ipsum verò luculentius etiamnum probat *Victima* ἱερός quam Christus in hoc negotio induit: Primò quia inter gentes communi consensu receptum est *victimam* loco *peccatoris* offerri ad placandum Numen offensum, & reum ipsum à pœna eximendum, quod velex istis poëtæ verbis tanquā vulgatissimum colligitur.

Quum sis ipse nocens moritur cur victima pro te?

Stultitia est morte alterius sperare salutem.

Prote id est *tui loco* & vice: neque alia videtur causa fuisse & origo horrendæ illius ἀνθρώποθυσίας quæ inter tot Gentes olim etiam celebratissimas obtinuit. Quum enim istæ naturæ ductu non ignorarent, quò majus esset quod daretur Deo, eò facilius veniam posse impetrari, præsertim si ἀνθρώπος cum eo quod redimeretur aliqua esset æqualitas, si homo pro homine hostia foret, Idèò à pecudum mactatione in piaculis faciendis ventum est ad mactationem hominum: causam affert Cæsar de Gallis loquens, *Pro vita hominum*, inquit, *nisi vita hominis reddatur non posse Deorum Immortalium Numen placari arbitrantur*. Hoc factasse primi reperiuntur Phœnices seu Cananæi quos notum ex Scripturis Molochum qui Saturnus fuit placare liberorum suorum mactatione solitos, quò Tertul. Apol. c. 19. respiciens dicit *Saturnum imprimis humana victima delectatum fuisse, ideoque*

rumulum filiorum fuisse appellatum. Inde ad Tyrios & Pœnos mos transit, quod Justinus post Diodorum tradidit lib. 18. *Homines ut victimas immolabant & Impubes aris admovebant, pacem Deorum sanguine eorum exposcentes*; Usitatissima quin etiam fuisse olim per Græciam, Italiam, Siciliam id genus sacrificia narrat Plinius, neque Romæ abrogata ante annum 657. Huc pertinent etiam publicæ illæ hominum *devotiones* quibus veteres placari Deos censebant quod de *Deciis* notat Cic. li. 3. de nat. Deor. & Livius vocat eos *piacula omnis Deorum iræ* quatenus homines ipsi pro patria se devoventes pœnam quæ cæteris impendebat in proprium caput accercentes ab aliis avertebant. Hæc autem utraque consuetudo apud Gentes non invaluisse, nisi constans fuisset apud eos sententia, victimam vel piaculum locum peccatoris subire ad ejus Redemptionem.

VI. Secundò subrogationem hanc & satisfactionem Deus expressiùs tradit in Sacrificiis Leviticis: Primò, *in victima integra & puræ oblatione* quæ à reo fieri debuit, de suo enim dare debuit victimam ut testaretur loco suo supponi ad eam ferendam pœnam quæ sibi debebatur: Secundò *in sanguinis fusione* quæ mortis & supplicii commeriti imaginem expressissimam habuit, imò substitutionem non obscurè arguit, dum sanguis pro anima seu vita hominis ponitur Levit. XVII. 11. *Anima*, inquit, *cujusque carnis in sanguine, ego verò destinavi vobis eum in altari ad expiationem faciendam pro animabus vestris, nam sanguis est qui pro anima expiationem facit.* Ex quibus constat sanguinem à Deo destinatum esse ad expiationem Animarum, quia in eo est anima carnis, id est vita ipsius, non quod propriè sanguis sit vel anima vel vita animalis, sed propter spiritus vitales qui animæ organa & virtutis ejus vehicula sunt, unde effuso sanguine simul vitam extinguere necesse est; Atque hæc ratio fuit propter quam Genes. ix. ubi liber esus pecorum conceditur, hoc interdicitur expresse, *ne caro cum sanguine comedatur*, quia anima sit ejus sanguis vel in sanguine. Ita ex vetustissima Lege ad populos omnes propagata sanguis est loco animæ, quò respicit illud Virgilianum,

Sanguine quærendi reditus animæque litandum.

Si E. sanguis datur ad expiandas Animas quia est loco Animæ, utique Anima seu vita pecoris datur & offertur pro anima seu vita hominis, & pecus sustinendo locum & vicem ipsius hominis pro eo moritur: Neque alia de causa Heb. ix. 22. dicitur *sine sanguinis effusione non fieri remissionem*, nisi quia condonare non potest Deus sine prævia satisfactione, quæ mortem violentam & judicialem per sanguinem designatam peccatori debitam necessariò postulat. Tertiò, *Ritus impositionis manuum* usurpari in sacris istis solitus, clarè illud ipsum confirmat; de quo Levit. 1. 4. & Exod. xxix. 10. & alibi non semel. Cur enim tenebatur ille qui offerebat vel per se vel per sacerdotem manum capiti victimæ imponere? fiebat illud quidem ad majorem rei ipsius consecrationem, ut testatum fieret per hanc *χρηστήριον* animal Deo sacrum & proprium fieri, sed potissimum *substitutionem* victimæ loco peccatoris innuebat, & translationem reatus ab isto ad illam, inde portare pec-

peccata imo & peccatum & execratio ipsa dicebatur. Quartò, *Peccatorum confessio* quæ exigebatur vel à Sacerdote vel à populo, de qua Lev. xvi. 21. In descriptione solennis & anniversarii sacri expiatorii, *Imponet manus Aaron & confitebitur omnes iniquitates filiorum Israel*. Quid ita? ut scil. devoluta in eam significarentur peccata omnia quæ expianda erant, & eorum purgatio ab ipsa victima peti innueretur: hujus confessionis apud Gentiles usum in sacris fuisse docet nos Alex. ab Alex. l. 4. c. 17. *rem divinam facturus ad suam levandam culpam debet se in primis reum dicere & noxa poenitere ac fateri admissum* &c. Quintò huc facit etiam illa *ira Divina deprecatio* quæ in casu homicidii fieri solebat Deut. xxi. 8. Nam homicidâ non reperto, populus qui confosso proximus erat, pecude cæsa debuit purgari, ne sanguinis innoxii reatum ferret, alioqui non poterat terra expiari à sanguine effuso nisi per sanguinem effusoris, ut lex ait Num. xxxv. 34. Cur verò? si sola Dei misericordia absque ulla satisfactione reatus iste tolli potuit? sed populus agnoscit hoc offerri sacrificium ad tollendum reatum, *Expia*, inquebat, *populum tuum Deus acceptando victimam oblatam, & ne imputes sanguinem innocentem* demonstrans scil. hanc victimam populi vicem hac in parte sustinere ad tollendum reatum qui cæteroquin illis impositus fuisset.

V II. Sextò denique *Effectus* istorum Sacrificiorum hoc evincit clarissimè, *Expiatio* scil. & *Litatio* quæ in illis fieri solebat; nam si sacrum ritè peractum erat, & victima Deo dicebatur acceptabilis לרצון Lev. i. 3. & oblatio in odorem bonæ fragantiæ נחמניח Lev. i. 13. 17. & remissio peccati cum liberatione rei sequebatur, unde passim in Levi. iv. v. &c. legas *Expiabit eum sacerdos & remittetur ei*: hoc Græci καθαρεύειν Latini *Litare* dixerunt, scil. Sacrificio ritè peracto Deum placare; Non omnis qui sacrificat, etiam litat, Plautus in *Pœnulo* si *Hercule istud unquam factum est, tunc Jupiter faciat ut semper sacrificem & nunquam litem*: Sacrificando veniam quærimus, sed litando impetramus, ut bene Nonius observat. Porro effectus iste duabus vocibus ut plurimum exprimitur apud Hebræos כפר & חטא quæ etsi promiscuè usurpentur pro expiare, placare, reconciliare, peculiari-ter tamen prior videtur *personam* respicere, posterior *rem* ipsam & factum, quod per lutionem poenæ succedaneam expiatur. Græci tribus potissimum vocabulis duobus istis respondentibus describere solent, primò per ἱλασµὸν *placationem* & *propitiationem*. 2. per καθαρισµὸν, ῥαντισµὸν, ἀγνισµὸν, ὄψισιν, *purgationem*, *remissionem*, *sanctificationem*. 3. per ἀπολύτρωσιν *redemptionem*, liberationem quibus apposite designantur tres præcipuè ἁγίστης sacrificiorum; referebantur quippe ad Deum, ad peccatum, ad hominem, ad Deum ut ira offensa placaretur, ad peccatum ut admissa culpa expiaretur, ad hominem ut persona rea veniam impetraret & à poena liberaretur. Tria ergo per ista sacrificia obtinebantur, Dei *placatio*, peccati *expiatio*, hominis *liberatio*; sed neutrum ex his tribus obtineri potuit sine aliqua satisfactione, nam nec persona liberari potuit sine victimæ subrogatione, nec Deus placari sine sanguinis fusione, nec peccatum purgari sine poenæ latione;

unde colligimus in Sacrificiis & subrogationem & satisfactionem typicam saltem & cærimoniale locum habuisse.

VIII. Quum E. Christus ipsis fatentibus Adversariis tale obtulerit Sacrificium expiatorium, negari non potest, Eum eatenus satisfecisse loco nostro substitutum. Et sanè quod olim victimis tribuebatur, id ipsum & Christo, sed longè excellentiori ratione tribui non semel animadvertimus. Is Victimam est cœlestis ἀνωμῆ & ἀσπιλῆ quæ à Deo loco nostro substituta pro nobis offerri debuit Ro. VIII. 31. Eph. v. 2. Heb. ix. & x. & revera tradita est. Nam qui humanas averfabatur victimas Deus, quique sanguine Taurorum & hircorum sibi minime satisfieri testatus est sæpe, in sola Θεανθρωπηνία acquievit, & sibi ipsi de victima prospexit in holocaustum, ita ut impletum hîc videas quod olim in Sacrificio Abrahami adumbratum fuerat Genes. xxii. quemadmodum enim Isaac liberatur & pœna in Arietem transfertur; Ita Ecclesia cujus ille figuram gestabat, à morte eximitur, dum ista in hunc Agnum Dei cœlitus missum devolvitur. Rursus si sanguis pro anima poni debuit, nonne sanguinem pro multis effudit, Luc. xxii. 20. Imò & animam ipsam posuisse dicitur in sacrificium pro delicto Isa. liii. 10? si peccata imponenda fuerunt victimæ devoluta legimus per Dei imputationem in eum peccata omnia nostra Is. liii. 5. eatenus ut ipse peccatum & κατ' ἐξ factus dicatur 2. Cor. v. 21. Si mactari & offerri debuit Victimam super altari, nonne & ipse pro nobis ἑθύθη & peccata super lignum tulit? 1. Pet. 2. 24. 1. Cor. v. 7. Si sanguis fundendus & aspergendus fuit coram Domino septies versus velum, nonne hic est sanguis πάντοτε Heb. xii. 24. qui effusus coram Deo, ita perfectè expiationem peregit ut nihil amplius desideretur, numerus enim septenarius ex usu Scripturæ perfectionem innuit. Denique si expiatio & placatio oblationem sequebatur ritè peractam, numquid Christus plenè & perfectè peccata nostra expiavit, personas liberavit & redemit & Deum iratum nobis & insensum propitiavit? Loca sunt manifestiora quàm ut sophistica ulla possint eludi, quid enim aliud sibi volunt Scriptores Sacri cum Christum nos reconciliasse Deo & pacem per sanguinem fecisse asserunt Rom. iii. 24. v. 10. Eph. ii. 16. Col. i. 20. 21. peccata omnia nostra expiassè & purgassè ut Heb. i. 3. & ix. 14. 15. 1. Jo. i. 7. Apoc. i. 5. &c. personas nostras pretioso sanguine suo redemissè Eph. i. 7. 1. Pet. i. 18. Heb. ix. 15.

IX. Quia verò hîc Adversarii? Quia se hoc argumento constringi sentiunt, nihil non moliuntur ut vim ejus qualicunque ratione elevent, miroque artificio totam hanc de sacrificiis Vet. Test. doctrinam obscurant & corrumpunt: Priusquam verò sigillatim falsas eorum hypotheses eversum imus, confutanda est generalis Exceptio quæ subinde in eorum scriptis occurrit circa naturam Expiationis à Christo factæ de qua jamjam egimus. Fatentur quidem Christum expiassè peccata nostra, & expiationem hanc factam esse per oblationem Christi: *Expiata esse peccata nostra per Christi mortem ex parte Dei nos ipsi sentimus*, Soc. p. 2. c. 14. & ibi.

& ibi. Christi mors, inquit, & à præcedentium omnium delictorum & à futurorum reatu liberos nos reddidit nosque in perpetuum sanctificat, & coram Deo inculpabiles in sempiternum efficit; Sed cum ad modum istius expiationis explicandum ventum est, nihil aliud volunt esse, quàm plenam à peccato & peccati pœna liberationem Soci. par. 2. c. 13. Nihil aliud est reipsa peccatorum nostrorum expiatio, quàm à morte peccati plena & perpetua liberatio. Liberationem porro isti Sacrificio non effectivè & meritorie tribui, quasi in eo λύτρον aliquod Divinæ Justitiæ sit oblatum ad ejus Satisfactionem, sed tantum vel *antecedenter* vel *exemplariter* vel *declarativè*. Primò, Quia interveniente victimâ & morte Christi expiatio hæc seu liberatio à peccato reipsa nobis conceditur per exaltationem ejus, nisi enim Christus sanguinem suum fudisset, potestatem suos ab æterna morte vindicandi, qua in re peccatorum remissio continetur, nullo modo adeptus fuisset. Secundò, Quia mortis & passionis Christi consideratio efficaciter nos movet ad conversionem & pœnitentiam, cui Deus propriè remissionem pollicetur. Tertiò, Quia hæc ipsa oblatio certissimam remissionis fidem apud nos facit. Horum autem rationem petunt à victimis legalibus quemadmodum inquit Soci. prælect. c. 23. *Legales victimæ non ideo peccata expiabant pro quibus offerebantur, quia vel Deum ad illa condonanda moverent, vel aliquid in ipsis esset quod culpam ex ipsis peccatis manantem resarciret, sed quia Sacrificio peracto expiatio ejus ante benignitatem Dei decreta consequeretur, sic Christi mors non ideo peccata nostra expiat, quod vel Deum ad ea nobis condonanda moveat, vel culpam peccatorum nostrorum ullo modo resarciat, sed quia Christi supplicio peracto, liberatio à reatu peccatorum nostrorum consequitur, quæ jam antea erga nos Dei misericordiâ fuerat constituta. Rursus ut victimis illis oblatis, jam populus se à reatu peccati liberatum sibi Deum placatum agnoscebat; Ita supplicio Christi peracto, non modò à reatu peccati liberi sumus, verum & id ipsi agnoscimus, Deumque nobis placatissimum esse intelligimus, &c.* Liberationem E. fieri concedunt interventu Mortis, sed hanc tanquam causam meritoriam intercedere negant: Neque contrarium probari posse ex voce *expiationis*; Primò, Quia expiare etiam de Deo prædicetur non semel ut Deut. xxi. 8. *Expia populum tuum Deus* & Ps. li. 9. *Expiato me hyssopo ut mundus sim.* At is tamen nec satisfacit nec satisfacere dici potest. Secundò verbum כפר quod expiatio denotatur ex primâ & propriâ significatione tegere significat, *operire* oblinere seu oblinendo obturare, unde metaph. *expiandi* reatumque peccatorum auferendi sensum obtinuit, quia eatenus peccata expiari atque auferri solent, quatenus quodammodo teguntur. Ps. xxxii. i. Tertiò verbum *mundandi* & *expiandi* sæpissimè non effectivè, sed *declarativè* tantum intelligitur, ut Levit. v. 6. 10. & xvi. 6. maxime c. xiii. & xiv. ubi de leproso mundo vel immundo pronunciando agitur, nam quod subinde repetitur quod sacerdos mundum vel immundum judicabit, id in textu hebr. assertivè ponitur, *mundabit vel contaminabit.* Itaque nihil alienum fieri ab usu Scripturæ si expiatio pariter quæ morti tribuitur declarativè non effectivè intelligatur.

X. Sed hîc multifariam peccatur ab Adversariis. Primò dum supponitur *expiationem* nihil aliud esse quàm ipsam peccatoris *liberationem*, sic enim perperam confunditur *causa* cum *effectu*, antecedens cum consequente, liberationem quidem per *expiationem* & post eam fieri non negamus, sed non propterea liberatio statim est ipsa *expiatio*, liberationem præstat Dominus, *expiationem* reus vel alius quis ejus nomine; omnis quidem *expiatio* liberationem post se trahit, sed non statim omnis liberatio *expiationem* supponit; nam *Expiatio* propriè infert *purgationem* noxæ seu reatus ablationem per pœnæ alicujus vel propriæ vel vicariæ lutionem debitam & justam ad placandam alterius iram; Sic passim apud authores profanos *expiare* est *punire*. Cicer. in Piso. *Tua scelera Dii immortales in nostros milites expiaverunt* id. propter te puniverunt, Salust. de Rep. constit. *Neque barbaro ritu cede cadem, & sanguine sanguinem expiandum*. Nihilque usitatius apud eos quàm ut peccata dicantur *piari* id. lui sive solvendo pœnam propriam sive succedaneam Virg. *Ænei*. 2.

Et culpam miserorum Morte piabunt.

Hinc *piaculum* dictum illud omne quod pro satisfactione peccati dabatur, *piacularis* hostia quæ ad *piaculum* faciendū offerebatur, quò respiciunt illa Plautina,

Mene piacularem oportet fieri ob stultitiam tuam

Ut meum tergum stultitia tuæ subdas succidaneum?

Id. oportetne tuam stultitiam meâ pœnâ *expiari*? sic vox hæc ad sacra translata liberationem quidem notat à peccati pœna, sed quæ non fit nisi per afflictionem seu pœnam succedaneam, neque Sacrificium expiatorium alio modo concipi potest aut intelligi: Ut hîc tria necessariò concurrant 1. *Afflictio* & quidem *pœnalis* tanquam causa. 2. *pœna succedanea* pro crimine & peccatore, unde Veteribus *θυσία ἀντιπαραδόμευαι* dictæ quæ in aliorum locum succedebant, cujusmodi subrogatio fit in omni *piaculari* victima. 3. *liberatio* rei & purgatio reatus quæ fit per talis pœnæ lationem, patet hoc ex ordine *expiationis* legalis; nam ut peccator *liberaretur* debuit *purgari* à peccato suo, ἀφεσις καθαρσις μὲν supposebat, purgatio non fuit *aqua*, sed *sanguinis* id. quæ fieret morte violentâ & pretio aliquo interjecto; sanguinis fusio nihil profuit nisi esset victima selectæ & ad altare adductæ; *Victima* non quævis, sed quæ fieret *peccatum* & execrabilis offerenti, ut illi esset nefas eam gustare, ita quod homo merebatur huic jam immittebatur ut liber homo abscederet; unde liquet liberationem obtineri non potuisse nisi præviis multis actibus ad Satisfactionem necessariis; Quare quum Socinus *expiationem* nihil aliud esse vult quàm simplicem liberationem, id omne in quo propria ratio *expiationis* sita est omittit & intervertit id. veram *expiationem* negat. Et sanè si *expiatio* mera & simplex esset liberatio, non posset à remissione distingui quod difertè fit tamen, Levit. v. 6. *Adducet reatum suum Jehova propter peccatum suum quo peccavit &c. Ita expiabit eum sacerdos à peccato suo & remittetur ei*. Sic vers. 13. 16. 18. 25. 26. *Sacerdos expiabit eum per arietem illum reatus & remitte-*

tur ei. Aliud E. est expiatio reatus, aliud verò liberatio & remissio, quæ per eam obtinetur. Denique *Expiatio* propriè spectat *peccatum* seu reatum qui tolli debet, *liberatio* verò *personam* ipsam peccatoris, quæ à pœna impendente est eximenda; unde etsi conjungantur necessariò ut causa & effectus non debent tamen confundi.

XI. Secundò, hallucinantur etiam graviter dum statuunt Mortem etsi ad hanc expiationem faciendam intercesserit, intercessisse tamen ut *antecedens* ali-quod remotum, quatenus per mortem aditum sibi fecit in cœlum ubi expiationem seu liberationem nostram procurat, summam potestatem adeptus nos à mortis vinculis emittendi, & sempiternâ felicitate donandi, quod Soci. disertè statuit in 1. Joh. IV. 10. *'expiat peccata nostra Christus Dei filius, non quod Justitiæ Divina pro peccatis nostris satisfaciât, sed quia vitam æternam nobis confert, qua nostrorum peccatorum expiatio. Id est, ab ipsorum pœna liberatio plenissimè continetur.* Verùm si huic sententiæ locus esset, resurrectioni Christi & vitæ ejus tribuenda esset hæc expiatio, longè potiùs quàm morti & sanguini; nam mors Christi ex hac hypothese est tantùm *causa sine qua non* istius expiationis, quia nisi mortuus fuisset non ingressus fuisset in gloriam in qua expiationem hanc nobis procurat; *Causa* verò propria & *per se* esset exaltatio, at Scriptura nusquam exaltationi, sed semper Morti & Passioni hanc expiationem tribuit. Secundo si mors antecedens tantùm fuit istius expiationis, non vera ac propria causa, nihil causæ dici potest, cur idem effectum non pariter tribuatur vitæ, doctrinæ, & miraculis Christi, quæ etiam antecedentia fuerunt istius exaltationis. Tertiò, Confunditur *jus remissionis* & liberationis cum *ejus exercitio*. Istud quidem ad exaltationem Christi pertinet, quatenus jam glorificatus plenè nos liberat à reatu & pœnis peccati, suæ propitiationis & satisfactionis vim atque efficaciam nobis potenter applicando. Sed *jus ipsum* fundatur in Sacrificio ejus cruento & ἱλαστικῶν quod in morte obtulit, inde per mortem & in sanguine ejus redempti & justificati dicimur Rom. v. 10. & Eph. 1. 7. 1. Pet. 1. 18. & antequam in cœlos ascenderit ipsa expiatio cum oblatione peracta dicitur Hebr. 1. 3. ut infra probandum erit; Quartò, enervantur Scripturæ loca quæ de Expiatione loquuntur, nam voces istæ omnes καταξι-ζεν, ἀγαθίζεν, ἱλασκεσθαι & similes quibus utuntur Apostoli, suapte natura & usu perpetuo, non solum ordinis *antecedentiam*, sed & efficaciam quandam designant, neque auditum unquam ut *expiare* illud dicatur quod requiritur tantùm ut anteceden-remotum ad obtinendam expiationem.

XII. Tertiò, Sed neque recipi potest hæc altera ipsorum glossa falsissima quæ expiationem refert ad exemplum, per cessationem à peccato, & peccatorum sequentium destructionem; Nam etsi non diffitemur mortis Christi hunc etiam esse fructum & finem ut vetus homo in nobis crucifigatur, & moriamur peccato ad exemplum Christi quod docet Paulus Ro. vi. hunc tamen primarium & principalem esse pernegamus; 1. quia expiatio hæc respicit peccata præterita ut rea-

tum tollat, non futura ut ab iis abstrahat, respondet enim *remissioni* & *justificationi* quæ absolutionem à peccatis præcedentibus notat, non *sanctificationi* quæ avocationem à sequentibus infert. 2. Expiatio fit *de nobis apud Deum*, ideo altari circumfundebatur sanguis sub lege & Sanctuarium versus fiebat aspersio ut significaretur hæc omnia peragi apud Deum; At cessatio hæc à peccato fit *in nobis* à Deo. 3. Expiatio simul facta & quidem à solo Christo, at destructio hæc actualis vel exemplaris nec semel fit, sed continuò, nec per solum Christum procuratur, sed etiam per Spiritum S. qui mortificat facta corporis Rom. VIII. 13. & per fideles Dei servos qui exemplo suo nobis hic præiverunt. 4. Sacrificia non destruebant peccatum avocando à peccato, sed remissionem impetrando; ut sanè expiatio nunquam fiebat vel intelligebatur fieri remotione vel cessatione à peccato, sed reatus ablatione, quod & vox *καθάριαι* & *καθαρισμῶς* quæ ulurpari in hoc negotio sæpius solet Heb. I. 3. & IX. 14. aliud evincit, licet prima fronte ad sanctificationem melius videatur referri quàm ad remissionem; cum enim duo in peccato vulgò attendantur, *reatus adherens*, & *labe inherens*, ille coram Deo, ista in nobis, duæ etiam istius purgationis partes constituuntur, prima à reatu per *remissionem*, altera à labe per *sanctificationem*; utraque sanguini Christi benè tribuitur, sed illa ratione *meriti*, ista verò respectu *efficaciæ* quam in nobis exerit per Spiritum S.; atque ita conjunctæ sunt & confociatæ, ut posterior necessariò priorem supponat, & prior posteriorem infallibiliter post se trahat.

XIII. Quartò, Multò minori cum veri specie asseritur expiationem hanc tribui morti & sanguini *declarativè*, quòd remissioni aut decreto de ea facto testimonium nobis præbeat; Nam Primò, quis non videt hoc esse vim facere manifestam ipsis vocibus? quis enim unquam declarationem alienæ voluntatis expiationem appellavit, aut nominatâ expiatione tale quid concipere potuit aut intelligere? quis non per eam significari potius colligat luitionem pœnæ ad satisfactionem & reconciliationem rei cum suo Domino? quum E. sensus iste planè invertat propriam verborum significationem, eo ipso suspectus esse meritò nobis debet. Secundò, Si hoc obtineret nihil ampliùs contulisset Christi mors ad expiationem quàm Victimæ Legales, nam & istæ pariter poterant declarare remissionem, Imò ex præscripto Dei confectæ nullum de supplicii remissione dubitandi locum relinquebant, ut Volkel. loquitur, At Scriptura tamen disertè negat potuisse sanguine hircorum tolli & expiari peccata, quæ Christi sanguine sunt expiata: Itaque aliud quid efficacius præter declarationem contulisse necesse est. Tertiò, Quum declaratio hæc rebus etiam aliis competat, & quidem multò luculentius ut resurrectioni Christi, vocationi ad gratiam, missioni Spiritus S. ejusque testificationi internæ, Verbo & Sacramentis, Cur morti & sanguini constanter tribueretur expiatio, aliis verò nequaquam, si expiatio declarativè tantum esset intelligenda? Quartò, Quo sensu nos redemit Christus morte sua, eo sensu sanguine

ejus expiamur, At nos redimi morte, non est morte redemptionem declarari. E. expiari & mundari non declarationem, sed actionem designat: sic quomodo dicitur portasse peccata eatenus & expiasse censendus, istas enim phrasas in Script. ut æquipollentes usurpari notum. At portavit non declarativè, sed judicialiter & meritoriè ut supra visum. E. pariter expiat. Quintò, Si expiatio hæc esset declarativa, pertineret ad officium *Propheticum* non *Sacerdotale*, At Christo hanc tribui non ut Prophetæ, sed ut *victimæ*, non ut Pastori & Doctori, sed ut *Agno*, notius est quàm ut probatione indigeat. Sextò, *declaratio* respicit *homines* quibus fieri debet ad fidem remissionis ingenerandam; At *expiatio* quæ fit in sanguine ipsum *Deum* qui tali *λύτρω* placandus & reconciliandus venit: Illa ad divinam voluntatem pertinet quæ hominibus innotescere debet, ista ad peccata quæ removenda sunt à Dei conspectu, alio verò modo Dei voluntas nobis patefit, alio Deus nobis conciliatur; prius præstat Christus verbo & spiritu, posterius morte & sanguine.

XIV. Quintò, Frustra recurritur ad *victimæ legales*, ut aliquod huic errori quærarur fulcrum, quasi ipsæ tantùm *antecedenter* & *declarativè* expiasse dicerent. Nam ut nunc non excutiamus modum expiationis victimarum legalium, de quo dicendum erit postea fusiùs, obiter observamus nihil esse hîc præsidii Adversariis, quippe victimæ istæ duplicem *αἵων* induere possunt, vel *absolutam* & carnalem in se, vel *relativam* & typicam respectu Christi quem adumbrabant; priori respectu non tantùm non expiabant antecedenter & declarativè, sed ne expiabant quidem ullo modo, imò ordinabantur potius ad homines peccatores sui reatus convincendos, quatenus peccatores in victimis quæ pro se moriebantur videbant se mortis reos, & in illarum mactatione chirographum dabant Deo illarum sanguine conscriptum quo se maledictioni obnoxios & pœnæ debitores agnoscebant, hinc Apost. disertè negat illis partam fuisse remissionem coram Deo. Hebr. ix. 9. 10. & x. 1. 2. 4. Sed posteriori revera possunt dici expiasse non propriè, & per se, sed *typicè* & *figurativè* virtute sacrificii olim per Christum offerendi cujus illæ umbræ erant & figuræ, ita ut sanguis Christi effundendus, jam efficaciam suam extendere ad fideles V. T. purgandos, Apocal. 13. 8. Rursus ut reatus duplex fuit, *typicus* quoad immunditiam carnis, & *realis* quoad conscientiam, Ita *expiatio* illa vel fuit *typica* & *cerimonialis*, vel *realis* & *mystica*, ad hanc nihil revera conferre poterunt per se, impossibile siquidem fuit sanguine taurorum tolli peccata, sed quoad illam nihil obstat quo minus eam efficaciter procurarent, ut Apost. testatur *purgasse quoad puritatem carnis*. Hebr. ix. 14. Quippe ut reatus iste vi constitutionis legalis constitutus fuerat, alioqui naturâ suâ nullus, ita eadem constitutione tolli potuit & purgari: priori respectu *oppositè* considerantur ad Christum, posteriori verò *comparatè*. Ita collatio optimè instituetur, quemadmodum victimæ istæ expiationem legalem efficienter & meritoriè præstabant, non tantùm vel antecedenter vel declarativè, ita & Christus veram & realem sanguine suo absolvit: Sed de his in sequentibus. Nunc rationibus allatis satisfaciendum est.

XV. Ad primam Resp. peccari fall. à dicto secundum quid, nam etsi *expiatio* de Deo prædicetur qui non satisfacit, non sequitur tamen pariter quum victimæ applicatur vel sacerdoti, nullam inferre satisfactionem, nam pro ratione subjectorum quibus tribuitur diversimodè est interpretanda, modò *Deo*, modò *Sacerdoti*, modò *Victimæ*, sed alia atque alia ratione, in *Deo* est expiationem *admittere*, in *Victima* *facere*, in *Sacerdote* *offerre*. Deus expiat peccatum reatum dimittendo quia placatus sit, Sacerdos Istam remissionem per victimam procurando, Victimam per sui substitutionem & pœnæ lutionem eam impetrando, Deus *authoritative* & *judicialiter*, Sacerdos *ministerialiter* & *organice*, Victimam *efficaciter* & *meritorie*: Non valet ergo si Deus expiat peccatum per misericordiam condonando. E. pariter & victimam, imò non posset peccata expiare per absolutionem, nisi antea expiata essent in victimam per satisfactionem: non fit expiatio nisi interpositâ pecudè & sanguine fuso, sine sanguine non fit remissio, non opponenda ergo sunt hæc sed componenda, Deus & sanguis Christi peccata expiant, nempe Deus per sanguinem Christi qui in se satisfaciendi vim habet, Deus ut *causa efficiens* principalis, sanguis Christi ut *causa procacatolica* & meritoria: Quamvis autem de Christo ut est *filius Dei* posset verè dici eum expiare *authoritative* & *judicialiter*, quatenus ipse cum Patre potestatem habet remittendi peccata, & ea re ipsa nobis remittit, quia tamen hîc consideratur non ut Deus, sed ut *Mediator*, non ut *judex*, sed ut *sacerdos & victima*, cujus partes sunt placare nobis Patrem, non potest aliter expiatio quàm per pœnæ lutionem succedaneam, & vicariam mortem explicari.

XVI. Ad secundam Resp. 1. Neg. conseq. quia vis argumenti nostri non pendet tantum ex verbo כפר quod certum est sumi diversimodè, sed tum ex aliis non paucis quæ in hoc negotio usurpari solent, tum ex natura ipsius rei quæ istiusmodi voce describitur, nam cum expiatio ita dicitur fieri per sanguinem victimæ, ut & reatus tollatur, & reus liberetur à pœna quæ illi impendebat, quis non videat sanguinem hîc tanquam λύτρον aliquod intercedere ad remissionem hanc consequendam? 2. min. falsa est scil. כפר tantum significare *tegere* & *oblinere*; nam etsi hoc dari possit in quibusdam locis & potissimum in conjugatione Kal, non obtinet tamen in omnibus, nam in conjug. Pihel frequentissimè usurpatur pro *redemit, expiavit, placavit* etiam interventu alicujus pretii. Genes. xxxii. 19. Jacob inquit אכפר non tegam sed *placabo vultum ejus* id. fratris *hoc munere* & 2. Sam. xxi. 5. David Gibeonitis læsis à Saule quo אכפר *compensabo vel redimam injuriam vobis à Saule illatam*? nec alio sensu venit vox ista quoties Sacrificiis tribuitur. Hinc nomen כפר quod signi. Redemptionis pretium λύτρον ἄποινον & quicquid datur vel Judici ad animum ejus placandum, vel hosti irato & potentiori ad vitam redimendam. Lxx. modò per λύτρον ut Ex. xxi. 30. & xxx. 12. Num. xxxv. 31. 32. &c. modò per ἀνάγμα ut Is. xlii. 3. Am. v. 12. reddunt; hinc dictum festum כפור sive *propitiationum* quo Deus placabatur sanguine victimarum & propitius fiebat Israël propter Sacrificiorum oblationem. Ex quibus patet præposterè & falsò

falsò significationem verbi כפר ad *tectionem* restringi. Quod si ratio aliqua querenda sit primævæ illius significationis quod est *tegere* & oblinere, petenda erit ab effectu quem obtinet expiatio per λύσις hoc facta, scil. quia per eam fit ut peccata nostra tegantur, dum condonantur, quatenus illius intuitu placatus & propitius factus condonat peccatori quicquid deliquerat, nec vult amplius delictorum ejus meminisse: Sic operculo Arcæ fœderis inditum nomen כפר quo significaretur merito & Satisfactione Christi cujus intuitu factus est nobis Deus propitius sic contegi peccata nostra in legem admissa, ut nunquam amplius in conspectum Dei venire possint ad nos condemnandos. Itaque ad expiationem quidem sequitur *tectio* peccatorum ut effectum & consequens necessarium, sed in *tectione* non est ipsa ratio formalis expiationis, non expiantur peccata quia teguntur, sed ideo teguntur quia per victimæ oblationem expiata censentur.

XVII. Ad tertiam Resp. Primò per συγχώρησιν damus Hebraïsmum hunc frequentem esse in Scriptura agnoscimus, ut verba quæ actionem significant ad ejus tantum declarationem & patefactionem referantur, cujus locutionis alibi exempla varia dedimus. Gen. xxi. Jac. ii. & Act. xiii. 33. &c. non negamus etiam in locis laudatis quæ spectant judicium quod pronunciarì debet à Sacerdotibus circa lepram Lev. xiii. 15. 16. verba hæc declarativè esse intelligenda. Sed 2. negamus hinc sequi perpetuò id locum habere posse, talia enim sunt prædicata qualia permittuntur esse à suis subjectis, hîc autem in eo de quo agitur negotio declarationem locum habere non posse seorsim ab ipsa effectione docuimus, & sicubi *expiatio declarativa* tribuitur Sacerdoti, innumeris aliis in locis *effectiva & realis* connotatur, ex. gr. quum subinde verba hæc repetuntur, *expiabat eum Sacerdos & remittetur ei*, hæc non ad *declarationem* referri, sed ad ipsam *effectiorem* palam est, quatenus juxta legem offerebat victimam piacularem pro peccatore, adeoque efficiebat & procurabat expiationem ejus legalem. Sic expiatio proponitur tanquã actus qui fit à Sacerdote fusione sanguinis hostiæ, & aspersione rerum sacrarum ut Altaris, Veli, Aræ suffitus, quò reatus auferatur peccatoris & in altari quidem reconciliationem & remissionem peccatorum, in Sacrario verò libertatem aditus, & partem nanciscatur, non utiq; declarativè tantum sed effectivè. Tertiò, Si loca expendantur in quibus expiationis à Christo factæ fit mentio, ut Apoc. i. 5. i. Joh. i. 7. Hebr. i. 3. patebit non sine insigni detorsione ad declarationem referri, quum in iis non rei patefactio attendatur, sed ipsum Christi beneficium celebretur.

XVIII. Ita in antecessum explicatâ naturâ Expiationis per Christum factæ, progrediendum est ad Exceptiones speciales varias quibus argumentum nostrum à Sacrificio expiatorio peti tum infirmare conantur, Varia enim hîc movent. Primò, Oblationem Christi & Sacrificium non peractum fuisse in terrâ, sed demum in cœlo post ejus introitum quum verè designatus est & constitutus Sacerdos: hoc scil. discrimen volunt esse inter Christum & summum Pontificem, quod ille antequam ingrederetur in Sacrarium verè Sacerdos esset, At Christus

non ante verè constitutus sit Sacerdos quàm in Sacrarium cœli sit ingressus, neque obtulerit nisi per suum in cœlum introitum, cætera verò ut mortem & passionem requisita quidem fuisse antecedenter, sed tanquam præparationem ad Sacrificium, non tanquam Sacrificium ipsum. Secundò pertendunt Sacrificia in genere Christum non respexisse, sed sola publica & anniversaria à summo Pontifice oblata, quorum sanguis in Sancta Sanctorum inferebatur, non alia quæcunque; atque adeò perperam nos ab istis omnibus argumentari. Tertio non pro gravioribus peccatis, sed pro solis levioribus oblata fuisse sive quotidiana, sive anniversarium Sacrum, pro iis scil. quæ ignorantia appellari possunt. Quartò, Sacrificia ista verè & propriè vi quadam suâ expiasse, quia ad eorum oblationem sequebatur remissio, non autem ἐν τῷ πῶ tantum ut statuimus per ἁγίον ad Sacrificium Christi. Unde quatuor in controversiam veniunt. Primò, An Christus etiam in terris Sacerdos fuerit, an demum in cœlis post ascensum suum, & an in cœlo tantum & non etiam in Cruce propriè dictum Sacrificium obtulerit. Secundò, An non omnia Sacrificia Vet. Test. ἱλαστικὰ typi fuerint Sacrificii Christi. Tertiò, An non pro gravioribus etiam peccatis oblata. Quartò, An ullam vim habuerint per se reatum spiritualem expiandi? de quibus quatuor quid ex Scripturâ sentiant Orthodoxi paucis est aperiendum.

XIX. Ut à primo initium faciamus Smal. lib. de Divin. Christi c. 23. Sententiam suam exprimit, *Christum sacerdotem tum primum reipsa & perfectè factum esse quum in cœlos ascendit, id est quum cœpit nostræ salutis curam talem gerere qualem se gesturum antea promiserat. Agnoscit quidem afflictionem & mortem ab ejus sacerdotio non esse separandam, in morte tamen Sacrificium ejus nullo modo perfectum esse, & mortuum esse Christum antequam Sacerdotium suum obiret, Ejusque mortem ipsius sacerdotium nondum fuisse. Soci. de Serva. p. 2. c. 15. Per Christi oblationem, inquit, totâ illâ Epistolâ Author nihil aliud intelligit quàm per proprii sanguinis fusionem Christi in cœlo Deo factam sui ipsius pro nobis, ut ita dicam, præsentationem, &c. & ibid. Relativa sunt sacerdos & oblatio, Itaque ubi verus sacerdos nondum est nec vera oblatio esse potest, Christum autem à Scriptore illo non ante sacerdotem verè dici, quàm post ejus in cœlum ascensionem constare potest &c. Non aliter Volkel. c. 37. de Christi sacerdotio, Illud inter hunc nostrum & illum legis sacerdotem interest, quod ille etiam antequam pecora mactaret, sacerdotis summi munus verè perfectèque obtinebat, Christus verò, non nisi acerbissima illius morte antegressa Sacerdos verè ac perfectè fieri potuit. Sententia verò Orthodoxorum est, distinguendum esse duplicem actum Officii sacerdotalis, (ut legales victimæ primum offerri debuerunt in Atrio per Sacerdotem, deinde ab eodem earum sanguis deferri in Sacrarium,) primum in mactatione & oblatione victimæ, alterum in ejusdem ostensione & applicatione, illum ad expiationem pertinuisse, istum ad intercessionem, illum in terris peractum semel; istum in cœlis continuari quotidie, priorè non Sacrificii præparationem, sed ipsum fuisse Sacrificium, posteriorem non tam Sacrificium quàm Sacrificii facti repræsen-*

sentationem: Rursus Christum quidem in terris omnes muneris sacerdotalis partes non implevisse fatentur, inferendum enim fuisse sanguinem in Sacrarium, tum ad ipsius consecrationem, tum ad intercessionem pro populo, sed negant mortuum esse Christum antequam sacerdotium suum obiret, negant oblationem nihil aliud esse, quàm Christi pro nobis in Cœlo præsentationem, negant perfectam non fuisse oblationem ante sanguinis in Sacratio ostensionem, adeoq; contendunt & Christum verum sacerdotem in terris fuisse, & Sacrificium expiatorium verè in cruce oblatum fuisse, quod jam nobis demonstrandum incumbit.

XX. Argumenta in eam rem suppetunt varia. Primò, Sacerdos sub V. Test. verè fuit talis antequam ingrederetur in Sacrarium, & quum hircos vel victimas piaculares mactabat, Sacerdotis officio verè defungebatur, ipsis fatentibus Adversariis. Quidni E. Christus qui in illo adumbrabatur verè in terris Sacerdos fuerit & Sacrificium obtulerit? nam discrimen aliquod hic fingere est ἀπρὸς γὰρ ἡς λέγειν & petere πὲρ ἀρχῆς. Secundò, Omnis Pontifex ex hominibus assumptus constituitur apud Deum ut dona offerat & hostias pro peccatis Heb. v. 1. At hoc non in cœlis, sed in terrâ, nec enim alibi hostiæ offeruntur. Ita nec Christus alibi offerre debuit. Tertiò, Ubi est oblatio & Sacrificium ibi debet esse sacerdos, At in terris & cruce Christi verum fuit sacrificium & oblatio, teste Apost. Heb. vii. 27. *Cui non sit necesse quotidie quemadmodum illis Pontificibus prius pro peccatis victimas offerre, deinde pro peccatis populi, hoc enim semel fecit quum semet ipsum obtulit.* Ex quibus verbis duo colligimus, Primò perfectam Christi oblationem qua semet ipsum obtulit respondere ei quam quotidie faciebant Pontifices legales pro peccatis populi, hæc autem, ut notum, peragebatur victimarum mactatione & immolatione, E. & ista Christi morte quæ fuit victimæ mactatio pro peccatis nostris peragi debuit. Secundò, Oblationem hanc dici factam *semel*, ἐφ' ἁπαξ, oppositè scil. ad oblationes legales quæ fiebant καὶ ἡμέραν vel ἐνιαυτὸν. At non posset dici facta semel nisi in morte facta fuisset, nam quod jugiter & continuò fit usque ad consummationem sæculi, ut præsentatio in cœlo, haudquaquam semel factum dici potest.

XXI. Quartò, Confirmatur hoc ipsum ulterius ex Hebr. ix. 25. 28. ubi Ap. de Christo Sacerdote loquens. *Non ut sæpe offerat semet ipsum, ut Pontifex ingreditur in Sacrarium quotannis cum sanguine alieno (alioquin oportuisset eum sæpe passum fuisse à jacto mundi fundamento) sed nunc semel in consummatione sæculorum eis ἀθέτην αἰματίας διὰ τὴν θυσίαν αὐτοῦ factus est manifestus, &c.* ubi quot sunt verba tot fermè sunt rationum pondera. 1. Oblatio Christi non facta est πρὸ αἰῶν sed ἐφ' ἁπαξ. E. non in cœlo sed in cruce. Secundò si Christus sæpius se offerre debuisset, sæpius debuisset pati. E. oblatus est quum passus est, alias non procederet argumentum. Tertiò tum semet ipsum obtulit ad peccatum per sui ipsius immolationem tollendum, quum apparuit & manifestus factus est. At ingressu in cœlum ablatus est ab oculis nostris, itaque apparitio in carne intelligenda & adventus in

mundum, de quo 1. Tim. 3. 16. Quartò similitudo quam addit Apost. manifestè immolationem ad mortem restringit v. 25. 28. frustra enim diceretur oblatio Christi semel facta eodem modo quo omnibus statutum est ut semel moriantur, nisi in una illa Christi morte peracta fuisset. Quintò tunc oblatus censendus Christus quum abstulit peccata nostra, siquidem in eum finem oblatus dicitur *εἰς τὸ πᾶσι ἡμῶν ἀνελεῖν τὰ ἁμαρτίας*; At hoc in cruce & morte præstitit. 1. Petr. 2. 4.

XXII. Quintò, Adstruitur eadem veritas non minus evidenter ex c. x. v. 10. 12. ubi Ap. ait, *nos hac voluntate Christi sanctificari per oblationem corporis Christi semel factam, & illum una pro peccatis oblata victimâ, in perpetuum consedis ad dexteram Dei.* Ex his enim liquet. Primò, Unius victimæ oblationem opponi sessioni *εἰς τὸ διηνεκές*. At si oblatio Christi consisteret in jugi comparitione Christi ad dextram Dei pro nobis, non amplius foret *μία θυσία*, sed *θυσία* æquè *εἰς τὸ διηνεκές* ac ipsa ejus sessio ad dexteram Dei. Secundò, non ante consedis Christum ad dexteram Patris regnaturum in æternum quàm oblata unâ illâ pro peccatis victimâ, qui poterit verò oblatio hujus victimæ præcessisse sessionem Christi ad dextram Dei, adeoque ejus ascensionem in cœlum, cujus illa fuit terminus ad quem, quin facta fuerit in ipsa passione & cruce. Neque aliud sibi vult idem Apost. c. 1. 3. quum testatur eum non prius ascendisse in cœlum quàm *factâ per semet ipsum peccatorum nostrorum purgatione*, & c. 1x. 12. non ante ingressum esse in sacrarium quàm æternam Redemptionem adeptus esset. Scio regerere hîc, istos Aoristos antea actum tempus connotantes junctos cum verbis non significare duo successivè facta esse, sed unum & idem simul & semel factum exprimere, ita ut idem sit, *factâ purgatione peccatorum nostrorum consedit*, quod *consedendo ad dextram Dei fecit purgationem peccatorum nostrorum*. Sed primò hæc responsio ipsorum placita convellit. Nam si Christus non minùs pro se quàm pro nobis offerre debuit ut pertendunt, quia infirmitatibus erat circumdatus, obtulit autem tantum quum ad dextram Dei consedit, quid aliud sequitur quàm Christum ad dextram Dei sedentem infirmitatibus esse circumdatum, & Christum moriendo præparasse se ut post resurrectionem & ascensionem in cœlos à morte liberaretur? non diffitentur enim mortem præcipuum illud fuisse malum à quo sacrificio suo liberatus est quum illud pro se obtulit. Secundò, Aoristorum istam explicationem admittere non possunt loca laudata sine vi manifestâ, supponunt enim, ut vel intuenti patet, purgationem præcessisse sessionem, & quod Apost. dicit, purgationem peccatorum nostrorum *per se ipsum* (quæ verba perperam hic à V. V. omissa) fecisse, nihil aliud est quàm tradendo se in mortem, vel ut exponit Johan. sanguine suo purgasse nos ab omni peccato. 1. Joh. 1. 7. Tertiò, Expiationem peccatorum Christo ad dextram sedenti nunquam tribuit Scriptura, sed interpellationem Hebr. vii. 25. & Rom. viii. 34. quos duos sacerdotales actus licet indivulsos & inter se connexos, pessimè tamen confundunt: Præsentatio in cœlo non est nova oblatio, sed tantum peracti sacrificii commemoratio, nec Christus

in Sancta Sanctorum per proprium sanguinem ingressus est ut ibi eum novo ritu funderet; sed ut & corpus morti traditum inferret, & Sacrificii vim & meritum repræsentaret.

XXIII. Instant, Apostolum ad Heb. x. 5. 9. de tali oblatione loqui quæ facta sit in ingressu quo abrogata sunt sacrificia Legalia v. 5. 6. 8. At ingressu Christi in mundum visibilem Legalia Sacrificia non esse abrogata. E. de ingressu in cælum intelligendam esse. Resp. Sed hoc commentum non ferunt verba Ap. quæ expressè adventum in mundum visibilem notant quapropter, inquit, v. 5. *ingrediens in mundum dicit sacrificium & oblationem noluisse*: Primò ex usu tritissimo Scripturæ nusquam *ingressus in mundum* aliud notat quàm incarnationem & nativitatem. Jo. III. 17. 19. & VI. 14. & IX. 39. v. xvi. 28. & xvii. 18. & Heb. 1. 5. & alibi passim. Secundò ascensio Christi non potest dici ingressus, sed potius egressus & discessus mundo. Jo. xvi. 28. Tertiò, Mundus absolute positus nunquam de futuro, sed de præsentī intelligitur. Quartò, tunc ingressus est in mundum cū corpus illi aptatum est ut in illo faceret Patris voluntatem, patet ex vers. 5. & 7. *Ideo ingrediens in mundum dicit sacrificium & oblationem noluisse, Corpus verò aptasti mihi* & v. 7. *Tunc dixi ecce venio in volumine libri scriptum est de me, facere voluntatem tuam o Deus, &c.* At corpus aptatum est Christo in terris per incarnationem & fecit voluntatem Patris cū se demisit ad mortem crucis Phil. 11. 8. Rursus, Aliud est loqui de ipso ingressus momento, aliud de toto illo intervallo quod fluxit ab incarnatione ad ascensionem; Primo quidem ingressus momento non fuisse abrogata damus, sed tamen abrogata fuisse primo illo adventu ad nos statuimus, quum sc. Corpus suum semel Christus obtulit quod vicem implebat omnium victimarum, Corpori enim umbræ & veritati figuræ locum facere debuerunt. Itaque adventus ἐν πλάτει sumendus est, non pro ingressu solo, sed pro toto intervallo quo in terris versatus est, præterquam quod non notatur ipsa præcisè abrogatio, sed tantum quod is fuerit finis adventus Christi. Tertiò, *Abrogatio* duplex etiam vel *de jure* vel *de facto*, posteriori respectu secuta potest dici exaltationem Christi, non potuerunt enim absolute abrogari omnes cæremoniæ nisi post Evangelii præconium, quo earum vanitas & εἰδέναι demonstrabatur; Sed priori omnino facta est in cruce, Cæremoniæ enim sunt cum Christo mortuæ, Cruci affixum ac deletum illud est Chirographum rituum. Col. 11. 19. Eph. 11. 14. ruptus est paries iste intergerinus, qui Judæos à Gentibus determinabat.

XXIV. Sextò, Argumentamur ex c. v. Epist. ad Eph. v. 2. ubi Ap. docet Christum nos dilexisse & se ipsum pro nobis tradidisse *προσφορὰν ἡ θυσίαν ὁσῶς εἰς ὁσμὴν εὐωδίας*, oblationem & sacrificium Deo in odorem suavitatis seu bonæ fragrantiae, ex quibus constat ex mente Pauli traditionem Christi pro nobis & ejus oblationem seu sacrificium coincidere, At Christus se ipsum tradidit pro nobis quum mortuus est pro peccatis Rom. 14. 25. & viii. 31. E. & tum se ipsum obtulit. Neque hic admittenda glossæmata hæreticorum, qui pertendunt non dici Chri-

scum se ipsum obtulisse Deo pro nobis quamvis multi crediderint, quia verbum *παρέδωκεν* non sit conjungendum cum voce *θεσφορὰν* & hoc suadere tum ipsum verbum *ἑξεδίδου* cujus in victimis offerendis nullus fortasse usus invenitur, tum Apostoli mentem, quæ ea tantum fuit ut summam charitatem Christi exprimeret & aperte diceret quod se pro nobis in mortem tradiderit, quod non ita expressisset si dixisset Christum se obtulisse Deo pro nobis, cum quis possit se offerre Deo nec tamen mori: sensum E. loci esse Christum ita nos dilexisse ut se ipsum pro nobis in mortem tradiderit; deinde ut Ephesii ad singulare hoc facinus Christi imitandum magis accenderentur, per *appositionem* subjunxisse hanc Christi eximiam charitatem, hoc ipsius egregium opus fuisse oblationem & hostiam gratissimam, planè ut Phil. iv. 18. de beneficentia & eleemosyna Philipppensium loquens dicit *eam fuisse in odorem suavitatis hostiam acceptam, placentem Deo*, itaque non de oblatione corporis, sed præstantissimi facti agi. sic *Socinus & Volkel*.

XXV. Sed impudentem istam loci corruptelam vel sola verborum inspectio evertit; Nam quum Ap. dicat se ipsum tradidisse *θεσφορὰν καὶ θυσίαν* Θεῷ, quis non colligat Christum se ipsum in oblationem & hostiam tradidisse? aut quæ alia *θυσία* & *θεσφορὰ* hîc fingi poterit Deo facta, quàm sui ipsius, adeoque ea ipsa de qua toties ad Hebr. fit mentio? Nihil E. hîc opus ellipsim somniare, supplendam per hæc verba, *nempe in mortem*, quum sermo Pauli sit adeo planus, quo innuit, non *traditionem ipsam* fuisse oblationem illam & victimam, sed *Christum ipsū traditum*, unde non dubium est loqui, non de præstantissimi facti tantum, sed de ipsius corporis oblatione: ita divelluntur conjungenda, quasi verbum *παρέδωκεν* à voce *θεσφορὰν* sejungendum esset, quum res ipsa doceat conjungendum esse, nec aliud verbum occurrat quo regatur; non dicit simpliciter *παρέδωκε*, sed *ἑαυτὸν παρέδωκε θεσφορὰν καὶ θυσίαν*, quæ vel nullum sensum habent, vel hunc, nimi. Christum se ipsum in victimam & oblationem tradidisse: Non E. tantum innuere voluit Apost. Christum ita nos dilexisse ut se ipsum pro nobis tradiderit oblationem & victimam Deo. Et sanè si *Translatio* per *appositionem*, ut ipsi loquuntur *oblatio* dicitur, & translatio fuit corporis & personæ, non facti tantum, sed personæ ipsius oblatio intelligenda est, ut alibi passim mentio fit oblationis sui ipsius. Quod de verbo *ἑξεδίδου* additur, rarum nimirum & insolitum esse in sacrificiis, impertinens est: nam verbum hoc sacrificiis brutorum V. T. applicari non potuit, siquidem bruta erant quæ trahebantur ad sacrificium, non verò ipsa se fitebant & tradebant sponte, At Christus se ipsum tradidit: Itaque Paulus hoc memorabile delictum attingere voluit inter sacrificium Christi & Levitica, atq; eò magis charitatis ejus præstantiam extollere. Quod verò subjicitur postremò de loco. Phil. iv. 18. nihil habet cum isto simile, nam beneficentia & eleemosyna Philipppensium dicitur Paulo *ὁσμὴν βωδίας*, *θυσία δεικνύ*, &c. sed non dicuntur Philipppenses se ipsos dedisse *ὁσμὴν βωδίας*; ut Christus dicitur se ipsum tradidisse, itaque peccatur fallacia parium, nos & opera nostra sumus bonus odor, sed in Christo, quia *placemus*

Deo propter ipsum, Christus verò quia placat ipsum Deum, ille per se, nos in ipso.

XXVI. Frustra Volkel. addit Paulum respicere ad sacrificia *pacifica* & voluntaria, non ad *hylastica*, illudque patere ex postremis verbis, ὅσων enim εὐωδία ipsius potissimum applicari. Nam falsum est odorem suavitatis applicari tantum pacificis, imò persæpe & expiatoriis, ut Gen. viii. Noachi holocaustis post diluvium oblati & Exod. xxi. x. Sacrificio jugi, quod offerri debuit quotidie mane & vesperi In odorem gratum, & passim de aliis cap. i. & io. Levit. Sic aptissimè denotatur placatio iræ Dei & conciliatio ejus benevolentia in fideles, quæ fuit fructus sacrificii ejus expiatorii, nam quum peccatorum nostrorum fœtor spiritualis nares divinas jugiter feriret, justitiaque ipsius tam graviter offensa esset, ut ab ira sua in nos effundenda temperare sibi non posset nisi plenissimâ quadam data Satisfactione, Christi sacrificio reatus nostri fœtor teterrimus ita abolitus est ex olfactu, ut ita dicam, justitiæ Divinæ, haud secus ac si nunquam fuisset, iraque ejus æstuans & inflammata omnino sedata & pacata fuit, imò in placidissimam amoris & benevolentia serenitatem desuit erga omnes hujus victimæ cruore perfusos. Secundò, perperam opponuntur conjungenda, sacrificium expiatorium & pacificum, utriusque enim veritas in Christi sacrificio deprehenditur, fuit enim & propitiatorium ad expianda nostra scelera, & pacificum seu impetratorium ad ea omnia consequenda beneficia quæ ex remissione peccatorum pendent: unde hic duo simul concurrunt, ut antea diximus, & Satisfactio & meritum, satisfecit enim merendo, & meruit satisfaciendo, obedientia ejus fuit πῦρ & λύτρον ad redemptionem à malo, & simul δικάσιμα ad acquisitionem boni. Rom. v. 18.

XXVII. Denique Christus dicitur in cœlum ingressus ut in quietem suam. Heb. iv. 10. consummato salutis nostræ opere quod illi à Patre demandatum fuerat, ut testatur ipse Joh. xvi. 5. vi. xix. 28. E. debuit in terris prædictum sacrificium obtulisse, alias non posset verè profiteri omnia consummata esse, si nihil dum perfectum fuit ex iis omnibus quæ agenda habuit. Neque hîc obstare debet perpetua functio sacerdotalis muneris quæ Christo in cœlo peragenda quotidie incumbit, aliud enim est loqui de acquisitione & merito, aliud de conservatione & applicatione istius beneficii, hæc quidem debet esse continua, sed prior ita perfecta & absoluta in terris fuit, ut nihil jam vel addendum vel mutandum supersit. Quemadmodum divina rerum conservatio non efficit quo minus opus Creationis perfectum fuerit & absolutum sex primis diebus, neque quieti ad quam transivisse Deus dicitur die septimo intercedit, ita Christus post opus novæ creationis peractum αββα πσὺν æternum ingressus est, in quo non acquirit vel applicat nova quædam beneficia quæ antea nondum acquisita fuerint, sed ea tantum applicari & conservari curat quæ pro nostra Redemptione olim est adeptus.

XXVIII. Ex quibus concludimus Christum, etsi non omnes Sacerdotalis muneris partes in terris impleverit, præcipuas tamen obiisse, potissimum verò sacrificium illud ἱλασθῆν quod pro nobis obtulit, adeoque mortem ejus non fuisse

præparationem quandam & antecedens ipsius sacrificii, sed propriissimè ipsum sacrificium : Neque nos à receptâ sententiâ dimovere debent quæ in aduersum afferuntur rationes. Primò Christus inquit, *ut fieret misericors & fidelis Pontifex ad expianda peccata nostra debuit per omnia fratribus suis similis fieri, & tentari in omnibus similiter, absque tamen peccato*, Hebr. 11. 17. & 14. 15. E. *debuì mortem experiri & alia ejusmodi mala prægustare antequam factus fuerit Pontifex*. Resp. Sed præter rem & scopum Ap. hæc adducuntur, loca non docent *quando* Christus factus fuerit Pontifex, sed *qualis* esse debuerit, requirebatur quippe Pontifex particeps carnis & sanguinis qui nobis assimilaretur in omnibus ut verè esset noster ἐγὼ & ἡμεῖς sanguine conjunctus : Rursus requirebatur Pontifex qui ut ελεῖμην posset συμπαθεῖν & quem in tentationibus nostris cum fiducia acclamare possemus : Ad utrumque hunc assequendum finem duplex illi nobiscum intercedere debuit *similitudo*, prima *essentia & naturæ* participando carni & sanguini, de qua vs. 14. 17. quæ eò spectavit ut posset esset πρὸς ἀρχιερεὺς τὸ πρὸς τὸν Θεόν, ad expianda peccata nostra, siquidem peccatum in eadem in qua admissum fuerat natura expiari debuit. Altera *infirmittatum, temptationum & miseriarum* quas subire & experiri debuit, ut ita miseriis nostris promptius affici & nobis tentatis facilius opitulari posset, ad instar illius quæ dicebat apud Virg.

Haud ignara mali miseris succurrere disco.

Hæc verò omnia demonstrant quidem qualis esse debuerit, sed non per quid & quando factus Sacerdos : Deinde non in morte tantum vel post eam assimilatus nobis fuit in omnibus ; sed jam ante cùm & carnem nostram passibilem assumpsit, & tentationes varias in diebus carnis suæ sustinuit, itaque non post tantum, sed jam ante eam cœperat esse Christus misericors Pontifex. 3. Non dicit Ap. debuisse assimilari in omnibus & quidem per tentationes & miseras ut *esset Pontifex*, sed ut *esset misericors & fidelis Pontifex*, unde ex verbis Ap. rectè concluderis Christum ante mortem non perpeßum esse omnes calamitates ex quibus plenè misericors Pontifex esset, sed non rectè inferes non fuisse ante mortem Pontificem. Neque vis facienda in his verbis ἵνα γένηται ἀρχιερεὺς. Nam præterquam quod non satis commodè à V. V. redduntur, *ut fieret* quæ melius vertuntur *ut sit* vel *ut esset*, aliud est esse misericordem Pontificem ex sensu infirmitatum, aliud esse simpliciter Pontificem; Christus quidem per afflictiones & miseras prius potuit obtinere, sed posterius antea habuit ab ipso vocationis momento. Porro quod dicitur factus misericors Pontifex ex sensu infirmitatum non simpliciter & absol. intelligendum, sed ἡ πὶ ratione notitiæ *experimentalis & effectivæ*, quo sensu dicitur didicisse obedientiam ex iis quæ passus est Heb. v. 8. non ratione *theoriæ* tantum & *affectivæ*, hoc enim habuit semper ex constitutione naturæ.

XXIX. Secundò, Obj. Christus Sacerdotium non obiit antequam ei dictum fuerit *filius meus es tu, hodie genui te*. Heb. v. 5. Id autem tum demum factum fuisse quum eum Deus, à mortuis excitatum, Dominum & Christum constituit,

testa-

testatur Paulus Act. XII. 33. Rom. I. 4. Unde colligitur Christi sacrificium expiatorium non in crucis morte peractum fuisse, sed in cœlesti Tabernaculo administrari. Resp. 1. per *συγχώρησιν*, damus Christum sacerdotale munus non adiisse antequam ad id vocaretur à Patre, sic enim non se ipsum glorificasse dicitur, id est ultro nemine vocante sese intrusisse & involasse in illud munus. Secundò per *ἀρνησιν*, neg. verba hæc *filius meus es tu*, esse præcisè ordinativa ad munus Sacerdotale, licet illud fundare possint, Aliud enim est filium esse & filium genitum, aliud Sacerdotem constitutum, illud naturæ communicationem necessariam, istud officii institutionem liberam notat: is quidem constituit Christum Pontificem qui ei dixit *filius meus es tu*, sed non necessariò quâ ei hoc dixit, hac scilicet periphrasi designare voluit Apost. Authorem vocationis & legitimum fundamentum dignitatis istius collatæ indicare, nam si filius Virginis à Deo Patre vocatur filius quem genuit, sequitur eum quoque à Deo Patre constitutum Pontificem: Nam talis Sacerdos verè Immanuel, per Prophetas promissus est & *θεὸς ἑμὲν ὢν*, Qui populum à peccatis sacrificio suo servaret Is. VII. 14. Mat. I. 21. At hæc ut olim Sacerdotalis dignitas fuit inter jura primogenituræ, ita Deus bene Christum Pontificem constituit quod esset filius suus unigenitus, solus idoneus qui tam sublimi munere defungeretur. Hæc itaque declaratio Patris de Christo quod sit Filius suus, continet *causam* delati ipsi Pontificatus, & vocationis *authorem*, sed tempus ejus institutionis non indicat; non dicit Ap. Christum non prius creatum esse verè Pontificem, quàm ei diceretur *filius meus es tu*, sed simpli. ab eo constitutum esse Pontificem à quo ei dictum *filius meus es tu*. Tertiò, falsum etiam hæc verba vel dicta fuisse tantum Christo in resurrectione, vel post eam impleta, jam enim antea sæpius, & in Baptismo Matt. III. & in transfiguratione Matt. XVII. 5. hæc vox cœlitis audita fuerat, imò ejus filiatio ab æternitate arcessitur Mich. V. 2. cùm *egressus ejus dicuntur esse ab initio à diebus seculi* & Prov. VIII. 22. *Sapientia dicitur genita ante colles*. Cur E. Paulus ad resurrectionem refert? Distinguamus *rem* à *patefactione rei*, *causam constitutivam* à *priori*, à *causa declarativa* à *posteriori*, ut notum in Scriptura sæpe rem dici fieri quum innotescit, & manifesta fit quæ antea latebat, ut stellæ tum demum dicuntur oriri quum incipiunt nobis apparere: Resurrectio Christi non fuit *causa constitutiva* filiationis, quasi tunc demum factus fuisset filius, ab æterno enim talis fuit, imò & ante resurrectionem ex hypothe. Advers. ; sed fuit *causa declarativa*, quâ revera per resurrectionem tanquam invictum argumentum talis comprobatus & agnitus est. Neque aliud innuit Paul. Rom. I. 4. quum ait non quidem factum esse, sed *ὁμολογῆται*, *declaratum* & veluti solenni judicio promulgatum Dei filium per resurrectionem ex mortuis. Sic Act. XII. non ideo genitus dicitur Christus in Dei filium quòd suscitatus est à mortuis, sed ideo suscitatus est à mortuis, quod quum talis esset impossibile fuit eum detineri vinculis mortis, & Sanctum hunc Dei sentire corruptionem, unde ex ea resurrectione certissimè constitit eum esse filium unigenitum

Patris. Accedit etiam & istud, quod Oraculum hoc Ps. referatur ab Apostolo non tam ad probandam resurrectionem Christi, quod facit expressè vers. 34. 35. laudato loco ex Ps. LXXXIX. 29. & Ps. XVI. quàm ejus exhibitionem & manifestationem in carne, quæ fuit promissio patribus facta.

XXX. Tertiò, Obj. Hebr. VIII. 4. *Si esset in terra ne Sacerdos quidem esset manentibus illis Sacerdotibus qui secundum legem offerunt dona ut qui exemplari deserviant & umbra rerum cœlestium.* Ex quibus colligitur ad Sacerdotium ejus constitutum necesse fuisse ut in cœlis consisteret, alioqui Sacerdos non futurus. Resp. Neg. consequē. neque enim si Christi exaltatio requirebatur ad continuationem & consummationem ejus Sacerdotii continuò sequitur requisitam fuisse ad ejus constitutionem; damus quidem Christum summum Pontificem ut Sacerdotium suum consummaret & compleret debuisse tandem cœlos subire, ut Sacerdotes terreni continuaturi suum sacerdotium debebant ex atrio in sanctuarium transire, nam ingressus in Sacrarium fuit de necessitate & plenitudine Sacerdotii, & si ita loqui licet, scopus sacrificii, quippe non alio consilio Sacerdos offerebat extra sanctuarium quàm ut ingrederetur in sacrarium, neque expiatio illa in alium finem instituta fuit, nec alia lege quàm ut ingressus in sanctuarium, sisteret se peracto sacrificio coram Domino. Ita si Christus non ingressus fuisset in cœlos, sed mansisset in terris, ne Sacerdos quidem esset quoad functionem, non absoluta actione sacerdotali, Quia verò in Christo qui Sanctus est sanctorum non potest officium à legitima functione officii sejungi, ex eo quod non fungeretur officio rectè inferri posset, ne officinm quidem ei competere: Verùm etsi Sacerdotium Christi in terris completum non fuerit, non sequitur non fuisse constitutum & verè inchoatum. Imò tantùm abest ut Christus Sacerdos non fuisset futurus nisi in cœlis esset, ut contrà in cœlum non fuisset ascensurus, nisi jam Sacerdos constitutus fuisset, sic enim sub lege Aaronicus Sacerdos non constituebatur Sacerdos eo ipso quo ingrediebatur in sanctuarium, imò non habuisset jus intrandi, nisi jam & Sacerdotio confirmato & sacrificio oblato: Itaque duo ista confundi non debent quæ sunt diversissima, Christum in morte Sacerdotem nullo modo fuisse, & Christum si in terris mansisset Sacerdotem non futurum fuisse, istud enim consummationem Sacerdotii respicit, illud verò ejus primam constitutionem, hoc asserit Paulus, sed illud non item.

XXXI. Cæterum ut vis Apostolicæ ratiocinationis quæ obscurior videtur clariùs pateat, observandum Apostolum in eo esse ut probet Christum in cœlos conscendisse & Sacerdotem cœlestem esse quod dixerat vs. 1. Ostendit autem ex eo quod si esset in terris adhuc *ne Sacerdos quidem esset, manentibus illis Sacerdotibus qui secundum Legem offerunt dona,* &c. ubi duæ rationes latent. Prima quæ petitur à personis. Secunda ab officio. A personis, nam quum Sacerdotium terrenum solis Levitis assignatum esset expresso Dei mandato, non potuit à Christo possideri qui ex alia tribu oriundus fuit. Heb. VII. 10. *Palam enim est à Juda exortum esse*

esse Dominum nostrum, cui tribui nihil de Sacerdotio locutus est Moses. Ab officio. Quia non possunt simul de jure obtinere & exerceri duo illa Sacerdotia Leviticum & Christi, quia illud umbræ & figuræ, istud corporis & veritatis rationem habuit. At Christo in terris manente, manere debebant Sacerdotes Levitici, quia quam diu veritas & res per typum figurata non est exhibita, tam diu umbram & typum manere necesse est: Christo autem manente in terris & non subeunte Sacrarium non poterat dici veritas perfectè exhibita, siquidem postremus Sacerdotii actus qui prioris est complementum & finis nondum accesserat, Ingressus scilicet in sacrarium: Unde colligit optimè Apost. quod si in terra adhuc esset Christus ne sacerdos quidem esset. Dices: At nonne in ipsa Christi incarnatione corpus umbrarum & veritas figurarum exhibita est, cur E. oportuit in cœlos conscendere ut cultus ille legalis & typicus abrogaretur? Resp. Damus Christo adventante exhibitum fuisse corpus umbrarum & veritatem figurarum, sed non sequitur statim abrogationem factam fuisse omnium: Primò abrogatio facta est *de jure* per mortem, ut diximus, sed *de facto* tantùm & perfectè post resurrectionē & ascensionem. Quam diu enim verus Sacerdos in terris agebat, & nondum intulerat sanguinem in Sacrarium, tam diu oportuit typicum sacerdotem statò & solenni tempore ingredi Sancta Sanctorum, proindeque victimas immolare & sacrificia offerre, quia oportuit hoc pacto significari verum sacerdotem nondum introiisse in verum sanctuarium nempe Cœlum. Hæc est autem ratio ἡ τῆς κ. ἡ τῆς π. α. ἐν τῇ & *figuræ & rei figuratæ*, ut non cedat per partes figura veritati, sed per se totam, stare quippe debet tota figura donec in ejus locum veniat tota veritas: Itaq; duplex illa summi Pontificis functio *immolandi extra Sancta Sanctorum, & ingrediendi in Sacrarium*, non debuit cedere per partes actioni Christi offerentis se in tertiam & sistens se in Cœlo, sed tota Sacerdotis actio toti Christi actioni decessit, unde sequitur tum demum sublatum esse Sacerdotium Leviticum quum Christus ingressus in Cœlum ultimam manum huic operi adhibuit. Et hoc ipsum testatur Ap. Heb. ix. 8. *Stetisse prius Tabernaculum quam diu verus Sacerdos non ingressus est Sancta Sanctorum.* Stante verò Tabernaculo stare debet & ejus cultus. At illo stante Christus Sacerdos esse non potuit quia duo Sacerdotia simul stare nequeunt. Neq; hîc reponendum, sic sequi neq; Christum in terris offerre potuisse si Sacerdos esse non potuit alio stante Sacerdotio, nam aliud est perfici & compleri functionem sacerdotalem, aliud inchoari, non potuit quidem prius fieri stante cultu Levitico, sed nihil obstat quo minus veri Sacerdotis functio inceperit stante adhuc Sacerdotio typico. Deinde aliud est offerre in terrâ, aliud peractâ oblatione manere in terrâ. Apost. non dicit, si Christus obtulisset in terrâ non esset Sacerdos, sed si Christus mansisset in terrâ, si non confedisset ad dextram Patris ne Sacerdos quidē esset, non est enim Sacerdos qui cœpit, & non absolvit actionem sacerdotalem.

XXXII. Quarrò, Obj. Sacerdos noster debuit *sublimior cœlis fieri*. E. quoad sublimior cœlis factus est Sacerdotem esse nostrum non decuit, nec porro fuit.

Prius

Prius patet ex Heb. vii. 26. *Talis nos decebat Pontifex pius, innocens, separatus à peccatoribus sublimior cœlis factus.* Resp. Sed nulla hîc conſeque. Aliud eſt Pontificem noſtrum debuiſſe ſublimiorem cœlis fieri quia in cœlis peragenda quædam pro nobis habuit, Aliud eſt Pontificem non fuiſſe niſi poſtquam ſublimior cœlis factus eſt, prius agnoſcimus cum Apoſt. ſed non poſterior; ſic Levitico Sacerdoti fuerunt quædam in ſanctuario peragenda, quis tamen dixerit eum non fuiſſe Sacerdotem, quum ea quæ Sacerdotis ſunt extra ſanctuarium perageret? non E. quando cœperit eſſe Pontifex, ſed quod Pontifex non debuerit manere in terris, ſed oblatione factâ ſublimior cœlis fieri docet Apoſt., alias ſequeretur etiam pium & impollutum non fuiſſe antequam cœlis ſublimior fieret quod quàm ſit abſurdum nemo non videt.

XXXIII. Quintò, Obj. Si Chriſtus morte ſuâ oblationem & expiationem perfeciſſet, non opus fuiſſet ad eam peragenda ſe in cœlis denuò offerre, At opus fuit eum in cœlis denno offerri ad eam perficiendam, quia debuit ſe ſiſtere pro nobis in Dei conſpectu ad interpellandum Heb. vii. 24. quod fieri non potuit ſine ſui oblatione. Resp. Neg. min. etſi enim debuerit ſe ſiſtere Chriſtus coram Deo in cœlis, non hoc debuit ut oblationem inchoatam aut imperfectam perficeret, abſoluta enim fuit, ut teſtatur eſt in cruce, ſed tum ut veritas typo reſponderet, tum ut expiationem ſemel factam in terris per mortem, in cœlis quoque ratam faceret & applicaret per efficaciam interceſſionis. Secundò, confunditur ἐμφανισμός Chriſti cum ejus ἱλασμόν, Chriſtus debuit quidem comparere coram Deo in cœlis ad intercedendum, ſed non debuit propterea ſe offerre ad expiandum: & Apoſt. hoc ipſo loco apparitionem ab oblatione manifeſtè ſeparat; negat enim Chriſtum apparere ut ſe ſæpiùs offerat, E. apparitio non eſt oblatio ex mente Apoſt., oblatio fuit unica, ſed apparitio eſt continua, oblatio cruenta, apparitio glorioſa, oblatio ad ἱλασμόν, apparitio ad ἐνταξιν. Ex quibus jam liquet Chriſtum non in cœlis tantum, ſed & in terra verè Sacerdotem fuiſſe, & propriè dictam oblationem ſeu ſacrificium in cruce peregiſſe.

XXXIV. Quæritur Secundò, An omnia V. T. ſacrificia expiatoria fuerint typi ſacrificii Chriſti, an quædam tantum? Adverſarii ut faciliùs ſe expediant ab eo argumento quod petitur à ſacrificiis iſtis expiatoriis, reſpondent non omnia hæc ſacrificia Chriſtum reſpexiſſe, ſed ſola publica & anniverſaria à ſummo Pontifice oblata, & quorum ſanguis in Sancta inferebatur, cætera verò ſpiritualia noſtra ſacrificia adumbraſſe. Diſerta ſunt Socini verba p. 2. c. 9. *Quare quum non omnia ſacrificia legis quamvis pro peccato facta Chriſti morti tanquam imago veritati reſpondeant: non omnia mortem Chriſti figurabant, ſed figura mortis Chriſti erant tantummodo ſacrificia illa quæ publicè, & ſtatis quibuſdam temporibus fiebant, præſertim verò illud quod ſemel in anno ſummus Sacerdos in Sancta ſanctorum ingrediens peragebat, &c. In hoc igitur ſacrificio, ut dictum eſt, poſſimum mors Chriſti, adeoque ipſe Chriſtus qua Deo pro nobis Sacrificavit, adumbratus fuit. In cæteris verò ſacrificiis quæ*

pro peccatis fiebant, non figurabatur Christi mors, sed tantum in summi Sacerdotis persona Christus ipse adumbrabatur, sacrificia autem ipsa spiritualia nostra sacrificia adumbrabant. Nostra verò sententia est, non solum anniversarium illud sacrum Christi sacrificium adumbrasse, quanquam non diffitemur illustrem præ cæteris fuisse ejus figuram, sed & cætera omnia sacrificia *ἱερατικὰ* quæ vel publicè pro omnibus, vel privatim pro singulis offerrentur, quod pluribus rationibus comprobare possumus.

XXXV. Primò, Quia tota Lex Cærimonialis typica fuit & figurativa Christi & beneficiorum ejus: Nam etsi varii fines fuerint istius dispensationis, tum ad distinctionem Judæorum à Gentibus, tum ad professionis notam, præcipuam tamen rationem typicam fuisse dubitare nos non sinit Apost. quum eam vocat Pædagogum ad Christum Gal. III. 25. & Christum ejus finem Rom. x. 4. Illam habuisse umbram Heb. x. 1. hunc verò esse corpus Col. II. 17. Et sanè ut Christus est fundamentum fœderis gratiæ, ita basis est totius Scripturæ, & centrum ad quod omnes revelationum lineæ confluunt, ut in illo promissiones omnes, ita & typi sunt etiam & Amen 2. Cor. I. 20. Sic scil. Deus Veteres Patres ad fidem venturi Messiæ erigere voluit & sermonibus & actionibus loquendo, ut ait August. ad Faust. non tantum promissiones ejus & oracula varia tradendo quæ rei certitudinem probarent, sed & typos & figuras complures oculis exhibendo, quæ modum & circumstantias varias tam admirabilis mysterii efficacius repræsentarent, ut ita umbris istis & picturis populus rudis adhuc & minorenis veluti elementis quibusdam deduceretur ad bonorum cœlestium per Christum acquirendorum apprehensionem: hinc factum ut nihil in Christo impletum fuerit, cujus idea aliqua & exemplar olim non præextiterit, nihilquæ illustre & memorabile vel in personis vel in rebus vel in actionibus fuerit quod ad Christum non respexerit: ut E. in Sacerdotibus Sacerdotium ejus, ita in sacrificiis adumbrari sacrificium ejus debuit, totidem quippe fuerunt picturæ passionum Christi, & veluti conciones quædam, quæ populum & de miseriâ peccati, & de remedio gratiæ in victima hac cœlesti consequendo commonefacerent: neque aliud vult Apost. quum passim ea omnia vocat in Epist. ad Hebr. *σκιάς, ὁμοειδολαΐς, ὑποδείγματα, ἀντίτυποι*: c. VIII. 5. IX. 23. x. 1. talibus enim titulis totus ille cultus Leviticus insigniri non potuisset, nisi rationem typi ad Christum habuisset.

XXXVI. Secundò, Omnes illæ victimæ & sacrificia fuerunt typi Christi, quæ per Christum sunt abrogata, nisi enim legalia illa ad Sacerdotium Christi se habuissent ut umbra ad corpus, Apost. non firmiter illorum abrogationem per hujus adventum demonstrare potuisset, typus enim per veritatem, umbra per corpus tollitur: faciliè enim excipere potuissent Judæi, unius positionem non inferre alterius destructionem: siquidem ista sacrificia Christum non respiciebant: At solidè Ap. ad Heb. argumentatur ab uno ad alterum & prius per posterius abrogari, firmis evincit argumentis, E. necesse est fuisse inter ea relationem typicam,

cujus ea est ratio, ut typus τῷ πτωθέν, & figura veritati cedere debeat. Tertiò, Si holocausta & sacrificia alia quæ in die propitiationum offerebantur mortem Christi figurabant, ut fatentur adversarii, nihil causæ dici potest cut eadem illa sacrificia, quum pro privatis aut quotidie offerebantur, eodem etiam non respexerint, idem enim utrobique fuit & finis & effectus, destructio nim. victimæ per sanguinis fusionem, & per eandem peccatorum expiatio & peccantium liberatio, neque discrimen ullum occurrit quod formalem rationem sacrificii in illo potius quàm in istis collocet.

XXXVII. Quartò, Sacrificia quotidiana & communia conferuntur cum sacrificio Christi ut figura cum veritate, E. non tantum in anniversario fuit præfiguratum, prius patet ex Apost. Heb. vi. 27. *Christus, inquit, non necesse habet καὶ ἡμέραν, quotidie, quemadmodum Pontifices pro suis, inde pro populi peccatis hostias offerre, hoc enim fecit semel se ipsum offerens.* Sic c. x. 11. *omnis quidem Sacerdos adstitit quotidie sacra peragens, & easdem sæpius offerens hostias, quæ nunquam possunt auferre peccata, &c.* ubi duplex prærogativa Christi supra Sacerdotes Leviticos proponitur, prima quòd illi quotidie offerrent, eadem iterando sacrificia sæpius, Christus verò semel; secunda quòd illi pro se & pro populo, Christus verò pro nobis tantum, non autem pro se; quæ frustra dicerentur nisi Christus in sacrificiis istis quotidianis adumbratus fuisset: Duo hinc reponunt. Primò, Adverbium *quotidie* non *singulis diebus*, sed sæpe vel certo quodam tempore perpetuo significare, *quotidie dicit, ait Soci., quum tamen id fieret à Sacerdotibus semel tantum in anno.* Secundò. In his locis sacrificium publicum notari, tum quia Heb. x. 3. 4. disertè commemoretur, tum quia Heb. vi. 27. mentio fit sacrificiorum quæ Pontifex non tantum pro populo, sed & pro se offerre debuerit, at nusquam legi summum Sacerdotem in sacrificiis quæ pro populo fiebant pro se offerre debuisse, nisi in sacrificio illo anniversario. Resp. Sed utrumq; falsissimum. Primò, Quis ferat audaciam hanc in os contradicendi Spiritui Sancto? Apost. ait hæc sacra offerri *quotidie*, isti verò *quotannis* interpretantur, quasi Apost. ubi de sacro anniversario agit non expressè istud distinguat c. ix. 7. ἀπαξ ἢ ἐνιαυτὸς μόνος δι' ἀρχιερέως & c. x. 3. καὶ ἐνιαυτὸν dicit sacrificia oblata. Secundò, Falsum est Pontificem nunquam in sacrificiis quæ pro populo fiebant pro se offerre debuisse nisi in sacro illo anniversario; nam Lev. iv. 3. 13. Sacerdos jubetur & pro suis, & pro populi peccatis offerre, quoties scil. sibi peccati erat conscius. Tertiò, non negamus mentionem fieri ad Heb. x. sacri anniversarii, sed non exclusivè ad cætera, quæ vel quotidie vel in certis quibusdam casibus offerebantur, imò satis expressè denotantur vers. 11. ubi mentio fit cujuscunque Sacerdotis qui quotidie adstet λειτουργῶν, hoc E. vult Apost. unico Christi sacrificio peccata omnia nostra expiata fuisse, quæ neque publico & solenni quod semel in anno fiebat, nec privatis quibuscunque quæ quotidie offerebantur auferri poterant.

XXXVIII. Quintò, Sacrificia Agnorum ἱλαστικὰ in publico & solenni locum non habebant, sed in privatis tantum & ordinariis, puta sacrificio jugi & aliis,

At hæc tamen Christi sacrificium adumbrarunt, inde toties illi *Agni* nomenclatio tribuitur; non tantum ratione *virtutum*, innocentiae, patientiae, humilitatis, &c. sed potissimum relatè ad *sacrificium*, nam dicitur tollere peccata Joh. 1. 29. redimere nos sanguine 1. Pet. 1. 18. macatus esse Apoc. v. 12. & xii. 1. 8. Neque hinc vitilitatio Advers. admittenda; in nullo sacrificio quod pro peccato fieret agnum immolatum fuisse, sed tantum agnam sive capellam pro peccato privati, Lev. 1v. 34. Nam primò in sacrificio jugi quis nescit agnos immolatos? at hoc erat *ἀναστασις*. Secundò in contaminationibus expiandis Lev. xii. 6. xiv. 2. Num. vi. 12. 14. unde dicebatur agnus ad reatum & delictum offerri. Lev. xiv. 12. Tertiò, Sive agnus sive agna fuerit parum refert, quum uterq; bene Christum referre potuerit. Huc pertinet etiam typus eximius Agni Paschalis, quem ad Christum respexisse & Paulus docet manifestè vocans illum *Pascha* nomen signi signato tribuendo metonym. 1. Cor. v. 7. & Petrus qui hujus Agni sanguine nos redemptos ait 1. Pet. 1. 18. ut Israëlitarum primogeniti aspersione sanguinis Agni à morte imminente per Abaddonem liberati sunt: Ita per sanguinem Agni istius *ἀπὸ τοῦ αἵματος*, aspersum non postibus & superliminari domus, sed in intimo recessu conscientiae 1. Pet. 1. 2. redimitur ab ira Dei & morte æterna: Quò respicit etiam quod Joh. xi. 36. impletum dicitur verè in Christo, quod de agno Paschali dictum fuerat, *os ei non confringendum esse*. Cæterum duo hinc notanda. Primò, in sacrificio isto Paschali fuisse aliquid extraordinarii quod à regulâ postea præscripta in sacrificiis discedebat; unde quibusdam minùs propriè sacrificium dici videtur. Secundò, non fuisse tantum *sacrificium* Exod. xii. 27. sed etiam *sacramentum*, illud in immolatione agni, fusione sanguinis, aspersione ejusdem ad *συνάγεσθαι*, istud in epulo & manducatione: notabat E. dupliciter Christum, Primò in sacrificio ut Victimam quæ Deo satisfacit, Secundò in Verbo & Sacramentis ut cibum qui animas nutrit, 1. ut offertur Deo ad expiationem, 2. ut offertur nobis ad applicationem, utrumque indicatur ab Apost. 1. Cor. v. 7. macatus dicitur in *sacrificio*, & manducandus in *Epulo*.

XXXIX. Sextò, Cùm tam accuratè Spiritus S. totam hanc sacrificiorum doctrinam tradiderit, necesse fuit omnino gravissimam fuisse rationem tam operosi cultus instituendi, nulla autem convenientior reddi potest quàm typica sacrificii Christi repræsentatio; nam victimis istis piacularibus neque doctrina confirmabatur, neque fœdus percutiebatur, neque exemplum aut officii aut futuræ conditionis legem observantium proponebatur, neque ira Dei per se placabatur, ecquid enim vel ad fidem & pœnitentiam homini commendandam, vel ad gratiam Dei conciliandam necesse fuit tot victimarum sanguinem fundi, adipem adoleri, carnes comburi? quasi Deus instar Jovis Homerici, nidore victimarum pasceretur Ps. l. 13. sed reatus typicus morte ob peccata inflictâ auferebatur; ubi quis non videat expressissimam victimæ cœlestis imaginem, quæ sanguine suo numen propitiare, & peccata nostra delere debuit?

XL. Septimò, Hinc factum ut omnia sacrificiorum hylasticorum genera ad Christum sæpe referantur in N. T. Primò, *Holocaustum* & *Fuge sacrificium Agnorum* quum dicitur *Agnus Dei tollens peccata mundi* Joh. 1. 29. & quidem in *presenti* ad continuam ejus vim notandam, & *Agnus occisus* ab origine mundi Apo. xii. 8. 11. *Vitula rufa* ex cujus cineribus aqua purgationis fiebat Num. xix. nam si *sanguis Taurorum & Hircorum & cinis juvenca aspergens inquinatos sanctificabat* quoad *puritatem carnis*, quanto magis *sanguis Christi, &c.* Heb. ix. 14. 111. *Sacrificium pro peccato* Heb. אֲחִיזָה dictum, Græc. ἁμαρτίας, *Deus misso filio in similitudine carnis peccati* καὶ ἁμαρτίας, id. ut esset victima pro peccato, *condemnavit peccatum in carne* Rom. viii. 3. sic Heb. x. 5. 6. corpus Christi ejusque oblatio opponitur & succedit holocaustis & sacrificiis pro peccato, & Heb. xiii. 12. *Sacrificia illa pro peccato quorum corpora cremabantur extra castra, & sanguis inferebatur in sacrarium dicuntur in Christo impleta.* 4. *Hostia pro delicto* qua חֹטֵאת dicebatur, quia Christus positus est חֹטֵאת II. LIII. 10. & peccatum est factus 2. Cor. v. 21.

XL I. Et sanè vel sola sacrificiorum istorum attentior paulò consideratio, si id nunc ageremus docere nos posset non alibi quàm in Christo quærendum esse complementum: Quis non videat eum, in *Holocausto* totum se nulla sui parte reservata, nulla sui habita ratione, offerentem Deo masculè & generosè, inculpatum, & immerentem per Spiritum æternum, & summa vi charitatis igne verè cœlesti accensum & combustum, sistentem se coram æterno Patre ad cœli ostium & sanguinem suum circum Altare fundentem, ac passione sua & animæ effusione plenissimè Justitiæ Dei satisfaciensem, ita ut in hac oblatione ignita verè acquiescat Deus & odoretur odorem quietis? Ephes. v. 2. Heb. ix. 15. 14. Rom. v. 6. 10. Quis non agnoscat in *vitula rufa abjuga* eundem carnis infirmitate circumdatum 2. Cor. xiii. 2. & propter peccata in se recepta rubeis vestibus indutum II. LIII. 2. 3. II. 1. 18. licet ipse in propria persona nec peccati nec Satanæ jugo ulla ratione sit subditus; eum inquam eductum extra castra velut piaculum Heb. xiii. 11. Joh. xix. 17. 18. igne iræ divinæ combustum, sanguine tamen tabernaculum & cœlestia consecrantem & ex cineribus in *mundo* loco repositis, id. corpore occiso in cœlum illato *aquas purgationis* efficientem per efficaciam spiritus cœlitus missi, quibus asperse conscientie ab operibus mortuis & mortiferis peccati purgantur Heb. ix. 14. 15. *Venit enim cum aqua & sanguine* 1. Joh. v. 6. & *dedit se pro Ecclesia ut eam sanctificaret lavacro aqua in verbo* Eph. v. 26.

XL II. Quis denique non animadvertat ejusdem Christi morientis vestigia in *sacrificiis pro peccato*, illis vel maximè quorum caro extra castra comburebatur, & sanguis vel in Sacrarium inferebatur solenni illà expiationum die Lev. xvi. vel in Tabernaculum, cujus fiebat aspersio septies contra velum, & quo tingebantur cornua altaris thymiamatum Lev. iv. Nam & extra portam passus est Heb. xiii. & per proprium sanguinem in Sacrarium ingressus Heb. ix. 12. & x. In eo aliquid pretiosissimum fuit & sanctissimum Deo offerendum, nim. obedientia

& Ju-

& Justitia propria, aliquid verò maximè exosum & detestabile quod ejiciendum & destruendum fuit, nim. peccatum nostrum ipsi imputatum. 2. Cor. v. 21. aspersio est septies facta quia perfecta fuit expiatio, & altaris aurei cornua verè inunxit, quia ejus intercessio sacrificii semel oblatis virtute semper peragitur? Rom. vii. 11. 32. Heb. ix. 12. & x. 12. Apost. certè non uno in loco hæc mysteria nobis aperuit, sed potissimum Heb. xii. 12. ubi docet Christum *extra portam passum ut sanctificaret populum*, & allusione concinnâ ostendit eos qui sacrificiis & ritibus templi Hierosolymitani adhuc adhærescunt, participes minimè esse posse fructus mortis suæ, quia extra hujus Templi septa quærendus est, in hoc enim Templo verum pro peccato sacrificium non est oblatum; Exire E. extra urbem & Templum umbratico cultui destinatum necesse esse, neque retinendum externum Legis Mosaicæ cultum, ut redemptione quam pretioso suo sanguine nobis comparavit Christus potiamur, denique alacri animo sequendum esse minimè impeditos curis hujus vitæ, quasi terræ hujus septis inclusi essemus, quia hîc fixam & permanentem non habemus civitatem, sed cœlestem expectamus, quæ omnia citato loco persequitur Apost. Possemus hoc ipsum in aliis plerisque sacrificiis sigillatim demonstrare, nisi brevitati consultum vellemus; alias forte fusiùs de hoc argumento differendi sese dabit locus: Interim fixum manere debet & ratum, Christum Corpus fuisse omnium istarum umbrarum, easque non aliâ præcipuè de causâ institutas fuisse quàm tantisper dum adveniret tempus *διορθώσεως*, atque ipse Sol justitiæ illucesceret. Inde Hieron. Ep. 103. præclaro hoc elogio Levitici librum in quo sacrificia hæc instituuntur ornat, quod singulæ penè ejus syllabæ *Cœlestia spirent Sacramenta*.

XLIII. Sed antequam hînc discedamus omittere non possumus illustrem quæ refertur à Mose historiam Exod. xxi. v. de *fœderis dedicatione* variorum sacrificiorum oblatione peractâ. Cujus mysterium aperit nobis Ap. ad Heb. ix. 19. 20. &c. in ea enim si uspiam alibi, expressum veritatis quam quærimus occurrit documentum; Moses jussus à Domino, super altare extructum varia offert sacrificia, sanguinem victimarum partim ad Altare fundit, partim eo populum, Legis librum, Tabernaculum & vasa sacra conspergit, contestans hunc esse sanguinem fœderis quod Deus pangere volebat cum ipsis: quo peracto Seniores Israël qui antea dum promulgabatur Lex accedere erant vetiti, Deum Israël vidisse dicuntur ita ut non extenderit manum suam in ipsos, sed comederint & biberint in ejus conspectu, vs. 6. 7. 8. 10. Quæ omnia *μυστηριώδη* erant & typica, Primò quod fœdus illud dedicari debuit *sanguine* luculenter docuit fœdus Dei cum creatura peccatrice non posse pangi nisi interventu Satisfactionis quæ in sacrificiis illis expiatoriis adumbrabatur, unde alibi fœdus contraxisse dicitur *super sacrificiis* Ps. l. 5. ut in Abrahamo visum Gen. xv. 9. sed quod umbraticè tantum & typicè sanguis animalium præstabat, hoc verè præstat sanguis Christi, qui est fundamentum fœderis novi, unde *sanguis novi Testamenti* dicitur. Luc. xxi. 20. Secundò, aspersus

est sanguis diversimodè supra *Altare, populum, Legis librum & Tabernaculum*, nam etsi nec de Legis libro nec de Tabernaculo expressam mentionem faciat Moses, satis tamen subinnuit cùm ait altare fuisse sanguine aspersum, & postea librum assumptum v. 7. scil. ex Altari cui probabile est librum impositum fuisse cùm fieret conspersio, unde Ap. Heb. ix. 19. ex divina inspiratione distinctè *libri conspersi* meminit, ut & *tabernaculi* v. 21. analogiæ scili. & consequentiæ ratione ex Lev. xvi. Ita aspersio multiplex sanguinis Christi fit, in *Cruce, Corde, Verbo & Cælo*. 1. est *Altaris* coram Deo ad *expiationem* quia iram placavit, & iustitiæ satisfecit. 2. *Populi* ad *remissionem & Sanctificationem* 1. Pet. i. 2. Heb. ix. 14. quia in isto sanguine pacis & iustitiæ nostræ fons est & origo Eph. i. 7. Ro. v. 1. 1. Jo. i. 7. 3. *Libri legis* ad *promissionum & fœderis confirmationem*; quia in eo ut Lex est impleta, ita promissiones omnes fundantur 2. Cor. i. 20. 4. *Tabernaculi* ad *consecrationem* quia cultus noster *λογικὸς*, qui per Tabernaculum & vasa designatur Deo acceptus esse non potest nisi in virtute Satisfactionis Christi in qua & personæ & opera nostra Deo sunt grata 1. Pet. ii. 7. vel quia sanguine Christi via in Tabernaculum cœleste nobis aperta est Heb. ix. 23. x. 19. 111. *Effectus* notatur in accessu Seniorum Israël ad Deum, quem vidisse dicuntur & comedisse in ejus conspectu v. 10. Ita virtute sacrificii Christi, Deus qui alias hominem peccatorem à se repellit, quod per interdictum accedendi ad montem in latione Legis significabatur, fit nobis ita propitius & placatus, ut non modò nobis non sit metuendum amplius ne moriamur, ut in veteribus olim visum, sed placidè possimus ejus conspectu frui per fidem 2. Cor. 111. 18. & bonorum omnium communionem & usum nobis polliceri Is. lv. 1. 1. Cor. 111. 21. Atque hinc colligitur discrimen memorabile inter duo fœdera, *Legale* cujus specimen datum fuit in *νομοθεσίᾳ* de qua Exo. xix. & xx. & *Evangelicum* quod hîc adumbratum est: Illud homines fugat & longissimè à Deo repellit Exo. xix. 12. Istud benignissimè vocat & proximè accedere facit Matt. xi. 28. Eph. ii. 13. Hebr. iv. 16. Illud terret & consternat Heb. xii. 19. 20. 21. Istud consolatur & erigit Is. lxi. 1. 2. Rom. viii. 1. 16. Illud ad *servitutem* instar *Agaris*, Istud verò ad modum *Saræ* ad *libertatem* parit Gal. iv. 24. 25. 26. Illud litera est occidens & ministerium mortis, Istud spiritus vivificans & ministerium iustitiæ 2. Cor. 111. 6. 7. Sub illo *Dei Judicis* conspectum & vocem *homo reus* ferre non potest, hinc illa populi vox, *Deus nos non amplius alloquatur ne moriamur*. Exod. xx. 19. sub isto *Dei Patris* vocem intrepidè possunt *fili* excipere, & ejus gratioso & salutari conspectu frui, Exod. xxiv. 10. 11. Ps. lxxxv. 9. Jo. xiv. 9. & i. Jo. i. 1. Sed de his satis.

X L I V. Ita assertâ sententiæ nostræ veritate, subjiendum paucis quid afferant ad confirmationem suæ Adversarii: Sic verò illi arguunt, Rem adumbrantem, rei adumbratæ respondere oportet, Atqui sacrificia privatorum quæ pro peccato fiebant Christi morti non rectè respondent: Christus enim pro omnibus est mortuus, idque ex Dei ipsiusque Christi solâ voluntate ac decreto, absque ullo

eorum pro quibus mortuus est assensu antecedente, & non pro uno quopiam peccato, sed pro omnibus peccatis est mortuus: Privatorum autem illa sacrificia non solum pro omnibus non offerebantur, sed neque etiam pro omnibus illorum privatorum peccatis, sed pro uno quopiam singulorum peccato, idque non sine antecedente voluntate uniuscujusque. Sacrificia igitur pro peccato in quibus Christi mortem adumbratam fuisse dici potest, ea erant quæ ab ipsa tantum Dei ordinatione pendebant, & à summo Sacerdote statis quibusdam temporibus, nullâ populi expectata voluntate, pro universo populo offerebantur, præsertim verò anniversarium illud, alia verò, sacrificia nostra spiritualia melius adumbrabant. *Socin. prælect. c. 23.* Duabus E. de causis potissimum statuunt mortem Christi in illis non fuisse adumbratam, Primò quia non fuerunt præstita pro omnibus peccatis universi populi, sed pro uno tantum. Secundò, quia populi voluntatem requirebant præcedaneam, ideoque non tam *sacerdotis* quàm *populi sacrificia* erant, & melius sacrificia nostra *spiritualia* quàm Christi sacrificium quod solius Dei & Christi voluntate peractum est, repræsentabant.

X L V. Verum nihil hîc est quod negotium faceffere nobis possit aut debeat. Primò, non negamus in sacro anniversario præstantissimam & præ cæteris illustrem fuisse sacrificii Christi figuram, quod in causâ fuit procul dubio ut toties Apost. ad illud respiceret, sed non sequitur propterea in aliis nullam fuisse: notum enim unius ejusdemque rei varios & diversissimos esse typos, ut multiplex ejus perfectio secundum varias ejus *ῥέσεις* & aspectus repræsentetur, quæ in unâ aliquâ picturâ reddi non potuisset: hinc tot tamque variæ figuræ unius Christi occurrunt sub V. T. multiplices umbræ unius corporis, diversissimi typi unius veritatis, quia plura fuerunt in ipso & quoad personam & quoad officia & beneficia, quoad passiones & gloriam, mortem & vitam, quàm ut uno aliquo typo adæquato repræsentari possent; sed ita tamen varii illi typi spectandi sunt ut non seorsim, alias plena rei veritas non haberetur, sed simul & conjunctim considerentur, ut quod in uno deest ex altero suppleatur. Quum E. Sacrificium Christi perfectissimum sub diversa *ῥέσει* spectari possit, & quæ pro omnibus in universum omnium peccatis offerendum fuit, & quæ pro singulis cujusque, tam pro iis quæ per errorem & imprudentiam admissa sunt, quàm pro ultroneis & voluntariis quæ fiunt ἐν προαίρεσι; ideo pluribus figuris opus fuit, ad hoc mysterium quod antenus demonstrandum, & quemadmodum in publico & anniversario efficaciam ipsius amplitudo & extensio ad omnes clariùs demonstrabatur, ita in privatis, applicatio ejus ad singulos expressiùs patuit: Propterea non bene inferitur Christi sacrificium pro omnibus fuit, E. in privatis quæ pro singulis offerebantur Christus adumbrari non potuit: Ita enim Christus pro omnibus mortuus, ut pro singulis suis, & ita fideles in communi *λύτρω* illius participant, ut specialiter unusquisque vim ejus ad propriorum peccatorum expiationem referre debeat & possit.

X L V I. Secundò. Etsi quædam discrimina occurrunt inter sacrificia priva-

torum & Christi, ut quòd illa antecedente consensu populi & voluntate offerrentur, istud non item, non obstat tamen quo minus typi fuerint, similitudo enim talis non est quæ omnimodam conformitatem inferat, sed tantum partialem, cum typi illi omnes fuerint in adæquati qui objectum alterâ tantum sui parte, non per omnia repræsentabant, ideo mirum non est si multiplex sæpe occurrat diversitas; quod & in sacro illo publico ostendi potest, in illo multæ erant hostiæ, hinc una, ibi aliæ à Sacerdote, hinc idem Sacerdos & victima, ibi quotannis iterabatur oblatio, hinc semel facta, Sacerdos pro se, Christus tantum pro nobis, aliud erat holocaustum, aliud pro peccato, aliud ἱλασµόν, aliud pacificum, hinc utrumque habemus, unum Sacrificium Christi veritatem omnium continet, & est loco omnium. Tertiò, Voluntas offerentium sacrificia nihil tollit de sacrificio, quo minus aut sacrificium, aut inter figuras Christi esse possit: nam ea non minus debuit adesse & respectu Sacerdotis & respectu populi in sacro anniversario. Quartò, falsum ea à populi voluntate pependisse, non verò à Dei præscripto, nam ab expressa Dei ordinatione fluebat tam horum, quàm illorum, publicorum & privatorum institutio, nec ideo populi magis dicenda quàm Sacerdotis sacrificia, populus quippe per Sacerdotem, Sacerdos nomine populi λατρείας ὑπέπλει. Quintò, non negamus ista sacrificia secundariò λογικὴν λατρείαν fidelium respexisse, sed ita ut primariò ac principaliter ad Christum deduxerint verum peccatorum ἱλασµόν: Nec novum est typum unum rebus diversis subordinatis applicari, ut Tabernaculum & Templum & Christi humanitatem adumbravit Joh. I. 14. Col. I. 19. Heb. IX. 11. & Ecclesiam Eph. II. 20. I. Tim. III. 15. & singulos fideles. Eph. II. 21. I. Cor. VI. 19. & 2. VI. 16. & Cælum Apoc. XXI. 2. Heb. IX. 8. Sic sacrificia fuerunt specula miseriæ & debiti per peccatum contracti Col. II. 14. Heb. x. 2. 3. Secundò, pictura misericordiæ Dei, & meriti per Christi obedientiam & mortem ad salutem acquirendi Heb. IX. 13. 14. & x. 5. 6. Tertiò, tabula officii & cultus Deo exhibendi Rom. XII. 1. miseriam aperiebant ad humilitatem, remedium gratiæ proponebant ad consolationem, & gratitudinem docebant ad sanctificationem, sed prima & potissima relatio fuit ad Christum, sine quo & miseria frustra detecta fuisset, & vitæ sanctitas incassum præscripta: Conclufum E. esto, in sacrificii istis omnibus Christum latuisse, nullamque vim qualiacunque demùm fuerint, nisi ab ipsius morte, in qua complementum suum assequi debebant, habuisse.

COROLLARIA.

- I. Datur notitia Dei naturalis quæ tamen non est salutaris.
- II. Præscientia Dei non est rerum causa.
- III. Imagines SS. Trinitatis, nec effingere nec effictas colere licet.
- IV. Mundi Creatio ex nihilo, non tantum claris Scripturæ testimoniis, sed etiam ex rectæ rationis lumine potest demonstrari.

V. Que

V. *Qua de mundi immutatione & innovatione dicuntur in Scriptura, non intrinsecè & quoad substantiam, sed extrinsecè & quoad accidentia sunt intelligenda.*

VI. *Electionis decretum ita est gratuitum ut citra omnem vel mortis Christi antecedentis vel fidei & operum praevisionem factum sit.*

VII. *Determinatio voluntatis ab intellectu, cum naturæ rationalis libertate non pugnat.*

VIII. *Distinctio boni & mali moralis, non tam pendet ex voluntate & mandato, quàm ex natura ipsius Dei.*

IX. *Transubstantiationis Pontificiæ monstrum, non tantum Scripturæ adversatur, sed etiam sanioris Philosophiæ fundamenta convellit.*

DISPUTATIO NONA

Quæ Septima est

D E

SATISFACTIONIS CHRISTI VERITATE.

Respondente JOH. GEORGIO MULLERO Lausannensi.

T H E S I S P R I M A.



IXIMUS antea quatuor potissimum quæri inter Nos & Socinianos circa collationem Satisfactionis Christi cum sacrificiis V. T. 1. An Christus in terris fuerit jam Sacerdos & propriè dictum Sacrificium obtulerit, an demum in cœlis post Ascensionem? 2. An omnia Sacrificia ἱλαστικά Vet. Test. typi fuerint sacrificii Christi, an quædam tantum?

3. An Sacrificia vetera pro levibus peccatis duntaxat oblata sint, an non etiam pro gravioribus? 4. An ullam vim veram habuerint expiandi peccata? De duabus prioribus quæstionibus actum fuit novissimè, superest ut de duabus posterioribus disputemus.

II. Ut verò à prima ducamus initium, quæritur inter Nos & Socinianos, an Sacrificia V. T. pro levioribus tantum peccatis oblata fuerint, putà ignorantis & infirmitatibus, non verò etiam pro gravioribus & ultroneis? Adversarii enim, ut facilius elevent vim argumenti nostri pro Satisfactione Christi à Sacrificiis veteribus ducti, statuunt non pro omnibus, sed quibusdam tantum peccatis oblata

esse, ideoque non potuisse hoc ipso satisfactionem Christi quæ pro omnibus peccatis facta supponitur adumbrare : Sic ergo sentiunt Sacrificia V. T. non pro gravioribus peccatis oblata fuisse, sed pro levioribus tantum, quæ scilicet vel per ignorantiam vel per errorem admitterentur, pro aliis autem nullum sacrificium fuisse institutum, sic Socin. de Serv. p.2. c.xi. *Veruntamen, quia sacrificia illa levem quandam Dei obedientiam continebant, ut pro levibus duntaxat quibusdam peccatis offerrentur à Deo instituta fuerunt; quæ scilicet per incogitantiam, & errorem admitterentur; Quod si pro quibusdam etiam voluntariis, sive ut vocant ultroneis peccatis sacrificia instituta fuerunt, sola sacrificia non expiabant, sed ad expiationem peragendam, proximo etiam qui in iis peccatis lusus fuerat cumulata satisfaciendum erat, ut videre est in lege sacrificii pro peccato ultroneo Lev. 6. Pro peccatis autem gravioribus nullum sacrificium à Deo institutum fuerat. Volkel. lib.3. cap.38. non aliter, sacrificia illa non expiabant flagitia quæ verè ac propriè peccata sunt appellanda, sed externas quasdam corporis lases & lapsus ex ignorantia imbecillitateque profectos. Ad ea enim quæ gravia nefandaque facinora erant, quibus sese homines per superbiam, vel contumacis animi pervicaciam contra divinam legem adstringebant delenda, nullam vim habebant. Nostri verò longè aliter: Et si fateantur quædam esse peccata pro quibus nulla sint vel instituta vel oblata sacrificia, puta illa quibus expressa aliqua legis sanctione mors infligenda fuit à Domo judicii, ut fuerunt idololatria, adulterium, incestus, homicidium, sabbathi violatio, falsus propheta, incantator, filius rebellis &c. aut ea quibus edicto legis pœna excidii statuebatur, ut si quis adipem animalis quo oblatio ignita facta esset Lev. vii. 25. vel fermentum die paschatis comedisset, Exod. xii. 15. Lev. xxi. 29. & alia complura ejusdem generis. Et si inquam hæc ultrò agnoscunt, pertendunt tamen in cæteris, sacrificia istiusmodi, non pro quibusdam levioribus tantum, sed pro gravioribus etiam oblata fuisse, non quòd propriè vim ullam per se habuerint talia peccata expiandi, sed quia veram & propriam expiationem in sacrificio Christi olim peragendam ut typi adumbrabant. Rationes cur ita sentiant variæ sunt.*

III. I. Quia sive Sacrificia publica sive privata attendantur patebit non pro certis quibusdam levioribus fuisse oblata, sed vel pro omnibus ut publica, vel pro ultroneis etiam gravioribus ut privata; de Publicis res manifesta est, non tantum quia sacrificia hæc dicuntur indiscriminatim pro peccato *ἁπλῶς*, sed etiam quia nota universalis additur, ut in festo anniversario expiationum: Levit. xvi. 21. 22. *Imponet Aaron binas manus suas super caput viventis istius hirci & confitebitur* *אח כל עונות בני ישראל ואח כל פשעיהם לכל חטאת* *Omnes iniquitates filiorum Israel & omnia delicta ipsorum, &c. Ita portabit hircus supra se omnes iniquitates filiorum in terram desertam.* Inde Ap. dicit in genere peccatorum fieri *ἀνάμνησις* in sacrificiis illis. quotannis Heb. x. 3. Quomodo verò vel Moses vel Paulus peccatorum meminerunt in genere, & ille quidem omnium iniquitatum & pravificationum, si pro levibus tantum putà ignorantibus, erroribus & infirmitatibus quæ carnem potius quam

quàm animam polluerent ordinata fuerunt? Nam quod omnia hæc peccata referri volunt tantùm ad ea quibus à Deo expiatio in lege concedebatur, expressis & peculiaribus constitutionibus de iis factis, exceptio est *de lege*, sed non *ex lege*, ideoque absurda.

IV. II. Accedit & illud quòd non tantùm omnes iniquitates expiandæ dicantur, sed peculiariter omnia peccatorum nomina recenseantur, non modò peccatum בשגגה per errorem admissum, sed & alia omnia quæ sub nominibus חטא, אשם, עוון, פשע, פלגא veniunt. vide Lev. v. 20. & xvi. 16, 21. iv. 3. vi. 2. & alibi passim, istis enim vocibus nemo nescit gravissima & maximè ultronea peccata designari, quæ non facta sint *ἀκούτως* ut LXX. vertunt quod dicitur בשגגה, sed libenter & cum quadam animi pervicacia & superbia; sic חטא usurpatur Levit. xvi. 24. de petulantissimis libidinibus Chananæorum: Ezech. xxi. 3, 4. de Idololatria & ix. 7. de homicidiis; פשע notat pertinacissimam rebellionem: i. Reg. xxi. 12. חטא vituli aurei idololatriam: Exod. xxxii. 31. & gravia illa peccata propter quæ immissa est captivitas Babylonica Thren. i. 8. מaledicentiam Simeï: 2. Sam. xix. 20. superbam enumerationem populi per Davidem factam: i. Paral. xxi. 5. & in genere omnes prævaricationes quæ captivitates varias in populum accersiverunt Daniel ix. 5. cum E. peccata pro quibus sacrificia offerebantur istis omnibus vocibus reddantur & nulpam restrictio sit adhibita, imò expressè extendatur sacrificiorum expiatio ad quævis peccata, injuriam fecerit Spiritui Sancto qui ad certi generis peccata restringere voluerit.

V. III. Sed fortiùs adhuc id evincitur ex peculiari enumeratione peccatorum variorum pro quibus sacrificia privata instituta legimus, ea enim talia sunt quæ non ignorantibus tantùm aut leviusculis peccatis sint accensenda, sed ultroneis & gravibus; sanè alterius blasphemiam dissimulare, temerè jurare, res sacras intercipere, pejerare de deposito, facere vim proximo, & dolosè cum ipso agere, talia sunt quæ veris & propriè dictis peccatis & quidem atrocibus annumeranda sunt, Interim tamen pro istis omnibus sacrificia instituta legimus: Lev. v. i. 2, 4, 5. & vi. 2, 3, 5. imò universalis adhuc Num. v. 6, 7. *Vir aut mulier quando fecerint כל חטאת אדם Quodcunque peccatum hominis transgrediendo contra Jehovam anima ipsa rea est* atque ei præscribitur sacrificium. Ex quibus luce meridianâ clariùs liquet falsissimam esse hanc Adversariorum hypothesim, & pro omnibus in universum peccatis iis solùm exceptis quæ capitali supplicio plectenda erant ut jamjam dicemus, oblata fuisse sacrificia. Neque hîc audiendus est Adversarius lib. 2. c. 12. qui fatetur quidem pro quibusdam ultroneis peccatis Sacrificia fuisse instituta, sed addit i. ideo id factum quia proximè accedebant ad ea quæ per imprudentiam admittebantur, quia in iis contumaciter adversus Deum non peccabatur, sed fragilitate humana & perverso atque inveterato quodam usu, quo unusquisque bona alterius ad se si poterat sub aliquo ignorantie vel justitie prætextu trahebat & rapiebat, nec alia de causa peccata vocari hominum & quæ facere solet homo: Lev. vi.

3.7. Num. v.6. 2. sola sacrificia hîc non expiassent, sed ad expiationem poenâ quâdam proximo etiam qui in eis peccatis læsus fuerat cumulâtè satisfaciendum fuisse, ut videre est in Lege sacrificii pro peccato ultroneo Lev. vi. Nam quod ad primum attinet & turpiter sibi ipsi contradicit, & ipsi naturæ rei apertè adversatur, paulò ante enim factus fuerat esse ultronea peccata, & jam ad ignorantias pertinere ait; ex ipsius hypothese nihil potest esse voluntarium quod fit per errorem, deinde quis existimaverit rapinam, violentiam, furtum, perjurium, &c. quæ hîc notantur peccata, fragilitatibus & ignorantibus accensenda esse? quis non videt contra in his hominem non invitum nec ignorantem planè sed interpositâ deliberatione & consulto peccare? neque contrarium suadet quod dicuntur hæc esse peccata quæ *facere solet homo*. Tantùm abest enim ut hæc inveterata peccandi consuetudo tolerabiliorem peccatoris reddat conditionem, ut potius eam multùm aggravet, quia non subito impetu, & per subreptionem facta sunt, sed ex vitioso habitu & inveterato peccandi usu. Alterum verò illud quod reponit, non melius solvit nodum, nam restitutione ablati damnum quidem proximi sarciri potuit, sed non potuit peccatum quatenus ad Deum refertur expiari, hæc enim peccata & proximum & Deum lædebant, ut taceam perjurium esse ex iis sceleribus quæ immediatè Deum offendunt, & contra divinam ejus majestatem perpetrantur.

VI. IV. Confirmant hoc ipsum exempla varia sacrificiorum pro gravibus peccatis oblatores; Grande nefas & scelus fuit illud procul dubio quo Israëlitarum contra Moysen & Aaronem murmurantes præsentissimum exitium in capita sua accersiverunt, Aaron tamen jussu Moysi stans medius inter mortuos & viventes accepto thuribulo expiat populum & plagam divinam jam inchoatam cohibet. Num. xvi. 45. 46. 47. &c. Nec minus grave fuit peccatum Davidis cum numeravit populum, propter quod universus populus pestiferâ plagâ affectus fuit, sed & hoc etiam sacrificiis expiatum legitur: 2. Sam. xxv. 24. 25. *edificavit altare Jehova, obtulitque holocausta & pacifica & placatus est Jehova terra, ac cohibita est plaga ob Israël*. Sic quando homicida ignorabatur urbs vicina purganda fuit sacrificio, ne reatus tanti sceleris populo imputaretur Deut. xxi. Ita innumeris aliis in locis quoties Dei ira adversus hominum peccata concitata placatur sacrificiis, toties innuitur sacra hæc non pro quibusdam tantùm, sed in genere pro omnibus nisi quæ excepta fuerint in Lege, facta fuisse.

VII. Obj. 1. Sacrum anniversarium non pro omnibus in universum peccatis sed pro ignorantibus tantùm oblatum fuisse teste Apost. Heb. ix. 6. 7. *in secundum Tabernaculum semel in anno ingreditur solus Pontifex, non sine sanguine quem offert pro se ipso & pro populi ignorantibus*, ὑπὲρ ἑᾶς αἰγνοημάτων, verbum autem αἰγνοημάτων exprimere eleganter vocem Hebr. חַטָּאת quâ usus est Moyses cum de peccatis ageret pro quibus expiatio concedebatur; Eam autem significare ubique errorem & ignorantiam sive peccatum quod non à cordis malitiâ, sed ab incogitantia & imprudentiâ proficiscitur; probari hoc manifestè ex Num. xv. 25. ubi Moyses de

sacrificiis istis loquens ea refert tantum ad errores. *Expiabit sacerdos universam congregationem filiorum Israël & condonabitur illis quia error est.* Resp. Sed nihil est hic tamen quod errori faveat. Nam etsi pro ignorantibus offerre dicatur Pontifex, non sequitur eum pro peccatis gravibus non obtulisse. 1. quia ἀγνόημα nomen est generale quod quibilibet peccatis etiam gravibus recte competit, nullum enim peccatum est qualecunque demum sit, quod ex errore & ignorantia aliquā non committatur, si non *absolutā & theticā*, saltem *relativā & hypotheticā*, nam cum voluntas malum sub ratione mali appetere non possit, ut apud Philosophos est in confesso, si peccatum sectatur aliquod, necesse est, ut sub specie boni illud ab intellectu præmonstretur, non potest autem malum sub idea boni offerri sine errore; Itaque nunquam peccat voluntas quin simul & semel erret intellectus; Nec tamen propterea discrimen omne tollitur inter peccata ignorantie & malitie quæ contra *scientiam* vel *conscientiam* admittuntur; Distinguenda enim duplex cognitio ut & ignorantia, *Theoretica* una, altera *Practica*, illa quā scimus vel ignoramus rem esse & quid sit, ista quā rem cognoscimus, vel ignoramus ut expetendam vel fugiendam quæ *Ethica* bene dicitur: Jam qui peccant ex ignorantia destituuntur omni cognitione tum *Theoreticā* tum *Practicā*, qui verò ex malitia, non carent sanè cognitione *Theoreticā*, & propterea contradistinguuntur ab ignorantibus, iis scil. qui labuntur ex ignorantia absoluta & simplici, sed destituuntur semper cognitione *practicā* vel *absolutā* vel *comparatā*; alias nunquam peccare possent, ut servus ille malus noverat *Theoreticè* quæ esset heri voluntas, non noverat *practicè* eam esse faciendam. Rursus *cognitio practica* bifariam spectari potest vel *in thesi* vel *in hypothesi*, vel *absolutè* vel *comparatè*; prout duplex *judicium intellectus practici*, aliud *primum & absolutum*, aliud *ulimum & comparatum*, illud quod rem considerat absolutè & in se, istud quod eam spectat relatè ad suas circumstantias, prout res est mihi hic & nunc vel bona vel mala; qui peccant contra conscientiam habent quidem cognitionem practicam absolutam, sciunt enim rem esse malam in se & fugiendam, sed carent cognitione practicā comparatā & hypotheticā, quia licet in iudicio primo intellectus practicus judicaverit eam esse malam; tamen cum ad comparisonem ventum est & ad *delicias* varias & temporis & loci & personæ, iudicat idem intellectus melius hoc esse sibi hic & nunc, verbi gratia mundum sequendum esse potius in deliciis, quàm Christum cum cruce, adulterium, scortationem, furtum, &c. dulciora esse carni quàm exercitium virtutum Christianarum: pari plane pacto quo apud Poëtam *Medea* dicitur *videre & probare meliora, sed deteriora sequi*. Hic verò cum sit crassissimus error idemque gravissimus sequitur nullum esse peccatum etiam quod contra conscientiam & ex animi malitiā admittitur quod non factum sit ex errore, adeoque bene omne peccatum ignorantiam dici posse.

VIII. Sed ut plenius hoc ipsum confirmetur, libet & Philosophiam ipsam & Scripturam audire; Philosophus sanè disertè hoc proficitur lib. 3. *Ethi.* cap. 2.

ἀγνοεῖ μὴ πῶς ὁ μοχθηρὸς ἂν δεῖ πράττειν, ἢ ὧν δὴ ἀφεκτέον καὶ δεῖ τιλὸν ποιῶντι αμαρταν, ἄδικοι ἢ ὅλως κακοὶ γίνονται: Ignorat quidem improbus omnis quanam sint agenda & à quibus abstinendum, injustique & omnino mali ex eo errore nascuntur. & paulò post addit ἀγνοοῦσαν τὴν ἐν θεωρήσει ἀγνοοῦσαν τὴν κατ' ὅλως αἰτίαν εἶναι ἢ κακῶς, ignorantiam qua est in intellectu practico, & ignorantiam universalem causam esse vitii, vocat ignorantiam κατ' ὅλως quæ non oritur ex ignorantia facti, hæc enim excusat, sed ex ignorantia juris, hinc alibi dicit malos decipi, quia inquit ἡδονὴ φαίνεται αὐτοῖς ἀγαθὸν, ἔχ' ἔσσε, videtur ipsis bonum licet non sit. Huc facit etiam illud Socratis, presente scientiâ non peccatur, & Scholasticorum Axioma omnis peccans est ignorans. Sed ne quis dicat mysteria fidei hîc à nobis ad Philosophorum Canones exigi, (licet suum etiam sit pondus Philosophiæ sanæ & sobriæ ad illustrationem dogmatum Theologicorum, verum enim vero non contradicit, imò sibi ipsi lumen asferre potest) audiamus ipsam Scripturam, hîc verò pro nobis apertè facit; impios enim omnes *stultos* & *ἀνόητους* vocat Psal. xiv. 1. Prov. i. 7. 22. & vii. 5. & ix. 4. 1. Tit. iii. 2. Cæcos, Tenebras, Eph. v. 8. & iv. 18. qui peccant ex ignorantia obtenebratum habentes intellectum, qui Deum nec noverunt nec viderunt: 1. Joh. iii. 6. Quomodo verò hoc verè dici posset, nisi peccatum ipforum qualecunque sit, cum errore & ignorantia aliquâ semper conjunctum esset? huc pertinet etiam quod peccatum primum *deceptio* vocetur ab Apost. 1. Tim. ii. 14. nam deceptio omnis errorem supponit, & quorsum pertinebant rationes Diaboli per serpentem loquentis nisi ut deciperet? adeo non potest invadi arx voluntatis nisi capiatur primo intellectus veluti propugnaculum, sic Salomo Prov. xiv. 22. *Errant qui operantur malum*; nec aliud docent ipsæ voces אָסֶה apud Hebræos, & ἀμαρτάνειν apud Græc. quæ à scopo aberrare & deviare significant, quia nullum est peccatum in quo non sit quædam aberratio à vita ad mortem, à Deo ad mundum, à cœlo ad terram, à beatitudine ad exitium.

IX. Hinc patet sine ratione Adversarium ex eo quod Pontifex offerret pro ignorantis & erratis colligere voluisse pro gravibus peccatis non obtulisse, siquidem vox est generalis, quæ omnibus indiscriminatim peccatis rectè tribuitur; unde apud LXX. ἀγνοια idem est quod אָסֶה & אָשָׁמָה quæ voces etiam *atrox scelus* & *delictum* significant, item id ipsum est quod פָּשָׁע *transgressio* & *rebellio*, sic אָשָׁמָה de peccatis in genere imò de gravioribus dicitur: Psal. cxix. 21. *perdis superbos maledictos כְּמַצוֹת הַשֵּׁנִי Aberrantes à preceptis tuis*: & cxix. 118. Prov. xix. 27. *aberrare* à sermonibus scientiæ est simpliciter peccare, & Isaias dum describit gravissima sui temporis peccata ad errorem ea refert. If. xxviii. 7. *Verum tamen isti vino errant וְיִי & potu inebriante, absorbentur à vino, oberrant, præ potu inebriante errant in functione videntis, titubant in judicatione*, sic crucifixio Christi quæ facta est ab impiis manibus dicitur opus ignorantie Actor. iii. 17. & i. Cor. i. 8. Sed quid anxie usum vocum inquirimus, cum Deus ipse apertè hæc ἀγνοήματα referat ad omnia peccata, nam Lev. xvi. princeps sacerdotum jubetur confiteri die propitia-

tiationum כל עונות etiam פשעי ישראל & כל חטאתם Omnia peccata eorum, qui dicit iniquitates & rebelliones imo omnia peccata universaliter, an solas infirmitates & ignorantias intelligit? nemo sanæ mentis id crediderit.

X. II. Sed ut liberaliores simus, demus Apostolum de ignorantibus & erroribus loqui; An propterea excludenda erunt peccata graviora? Nequaquam, quia non loquitur *exclusivè* quasi ista expiatione opus non haberent, sed ostendere tantum voluit etiam ea peccata quæ nobis leviora videntur, in iudicio Dei nos condemnare posse, adeoque expiatione opus habere, quia Lex requirit ut tota mente, totis viribus Deum colamus ita ut si quis in uno deliquerit reus sit omnium. Tantum abest E. ut inde probetur sacrificia instituta fuisse pro levioribus peccatis tantum, ut potius à comparatis & per *μείωσιν* firmitus colligi possit argumentum, si pro levibus peccatis opus fuit expiatione, ergo multò magis necessaria fuit pro gravioribus, siquidem enim errores & infirmitates sine sacrificio condonari non potuerunt, ecquis arbitretur atrociora scelera quæ ex contumacia & perversitate ortum habent, simplici pœnitentiâ hominis sine sanguinis effusione deleri potuisse? Eodem etiam responso solvitur locus Num. xv. 25. non negamus enim sacrificia pro peccatis per errorem admissis instituta fuisse, negamus tantum pro iis solis fuisse ordinata, nam si peccata quædam quæ sacrificiis legalibus sunt expiata vocantur שגגה *peccatum per ignorantiam* alia sunt pariter iisdem sacrificiis expiata quæ dicuntur חטאתי Lev. xi. 3. פשעי Lev. v. 20. עונות Lev. xvi. 21. Itaque à positione illorum ad istorum exclusionem ratiocinari est à particulari ad universale argumentari.

XI. II. Ob. Pro gravioribus peccatis & deliberatæ malitiæ nullum institutum fuisse sacrificium, punita fuisse non expiata, sic enim disertè testari Dominum Num. xv. 30. *Anima quæ fecerit in manu excelsa, tam civis quam peregrinus Jehovah probis affectit, omnino excindetur anima illa è medio populi sui quia verbum Jehovah sprevit, &c.* Hinc pro homicidio & adulterio & similibus criminibus nullæ legi sacrificia instituta, & Davidem ob id Psalm. LI. 18. cum adulterium homicidio cumulatam commisisset ingenuè fateri Deum illis victimis, sacrificiisque nequaquam delectari ut ad dirissimum scelus eluendum valerent, atque huc respicere Apost. ad Hebr. x. 26. *Si ultrò peccaverimus post acceptam cognitionem veritatis non adhuc pro peccatis reliqua est hostia.* Quibus verbis liquet pro ultroneis peccatis non fuisse sacrificia. Resp. 1. per συγχώρησιν damus fuisse quædam peccata pro quibus nullum institutum erat sacrificium ut adulterium, homicidium, Idololatriam, &c. non quod non posset fieri, sed quia puniri illa Deus voluit capitali supplicio, ne scelerum impunitas Rempub. & Ecclesiam everteret: Itaque eorum mors erat expiatio quædam publica, nec opus habuerunt purgari secundum carnem quæ peritura erat, nam hæc omnia sacrificia eò pertinebant in typo, ut peccatores ita purgati denuo sacris interesse possint, & in Ecclesiæ externam communionem recipi, à qua ejecti fuerant: at capitali supplicio afficiendi & morientes qui ex-

scinde-

scindebantur è medio populi, tali remedio non indigebant. At cùm talia scelera non puniebantur, sive quod ignorarentur, sive alia quapiam de causâ, quis dubitat offerri pro peccato à pœnitente potuisse non minùs quàm licebat furi raptori & perjurò? quod ex eo satis liquet quod si author sceleris ignorabatur, nec poterat puniri & morte fontis grande nefas piari, urbs vicina sacrificio universalis & publico erat purganda Deut. xxi. 8. Imò ne solatium peccatoribus pœnitentibus deesset, dies expiationum instituta erat in qua καὶ ἁμαρτίας omnia peccata & sua & populi confitebatur Pontifex, eorumque veniam mediante sacrificio consequabatur.

XII. 2. Etsi David Ps. li. testetur Deum non delectari sacrificiis legalibus, non ideo negat sacrificia pro delicto suo gemino offerri potuisse, nam & ipse in expetenda criminis sui venia respicit manifestè ad eadem, cùm petit se *expiari hyssopo* ut *mundus sit*, ostendens se in expiatione legali & typica per sacerdotem peragi solita cum fasciculo hyssopi, symbolum & pignus quærere remissionis sui peccati coram Deo per asperisionem sanguinis Christi olim pro se effundendi, & meliora loquuturi sanguine Abelis Heb. xii. 24. unde illis quoque victimis & sacrificiis se vacaturum profitetur David ibid. v. ult., non promitteret autem Eucharistica si Propitiatoria omnino inutilia agnovisset, & quæ persolvenda neutiquam fuissent. E. David loquitur de *victimis* istis vel in se & absolutè consideratis, ex quibus nemo sanus sub Vet. Vest. potuit peccati sui expiationem expectare, quod multis aliis scripturæ testimoniis demonstratur: Psal. xl. 7. & l. 8.9. Hebr. x. 3.4. &c. non relatè ad Christum cujus erant figuræ, hoc enim sensu verè expiatoria erant prout ab ipso Deo in eum finem erant instituta, Vel de iis agit non simpliciter, sed *comparatè* ad *cultum internum* & moralem ut ejus necessitatem & præstantiam supra externum & cæremonialem doceat, sic enim sæpe solet scriptura absolutè aliquid affirmare vel urgere quod comparatè tantum intelligendum est, ut in eodem argumento Hose. vi. 6. *benignitate delector & non sacrificiis & cognitione Dei magis quam holocaustis*, & i Sam. xv. 22. *obedientia melior sacrificio*, ubi non excluditur cultus cæremonialis absolutè, sed comparatè tantum infra moralem & spiritua-lem deprimitur, ut quem primariò & principaliter Deus à nobis requirat, hinc illa Davidis Ps. li. *sacrificia Domini spiritus contritus*, quia in spiritu contrito veritas est sacrificiorum legalium respectu fidelium, & eum ante omnia exigit Dominus ut sibi summè gratum.

XIII. 3. Non negamus discrimen inter peccata constitui Num. xv. ita ut alia dicantur fieri per *errorem* & *infirmi-tatem* כִּד רִמָּה alia כִּשְׁגָה manu *excelsa* vel *elata*, & illis quidem sacrificia destinata fuisse, istis verò non item, sed præsentissimum exitium; sed non sequitur omnia peccata *voluntaria* & gravia talia fuisse quæ fierent *manu excelsa* & quibus mors necessariò & infallibiliter reposita esset; nam ut antea observatum etiam pro multis ultroneis peccatis & gravibus sacrificia fuerunt instituta, & judicium istud capitale excisionis in ea quæ videbantur per se leviora,

viora, ut in peccatum lignatoris qui ligna colligans in sabbatho deprehenderetur, exercitum videmus. Itaque peccatum illud כִּיד רִיח non quodvis peccatum grave seu voluntarium innuit, sed illud tantum cui adjuncta sit superbia quædam & contumacia insignis, quod deliberatâ fiat malitiâ ex mero Dei contemptu & rebellionem, ita ut peccator in eo gloriatur; sic Ps. xix. 14. opponuntur errores & peccata occultata, superbiis. peccatis perviciâ & rebellionis manifestæ de quibus Lev. xxvi. 21. & Job. xv. 25. pro eo ergo qui ita manu elatâ peccabat nullum sacrificium dabatur, sed mors tantum imminabat, quia nullam expiationem & reconciliationis spem contemptori superesse Deus vult; nemini nisi pœnitenti gratiam facit & veniam largitur, nemo ad Deum sacrificaturus admittebatur nisi qui ad eum se convertisset & à contemptu hoc etiam in levissimis divertisset: unde qui gravi crimine obstrictus tenebatur sese ad Deum convertens potuit legitimè Sacramentis reconciliationis uti, alias si in hac perviciâ perstaret, mera erat hypocrisis & illusio, nec poterat ullum offerri Sacrificium, nec enim veniæ & absolutionis gratiam poscit qui condemnationem non curat sed irridet, & qui præfractè in peccato suo perstare vult; ideo Christus relinquendum donum notavit ut reconciliatio cum fratre ineatur Matth. v. Sic leve quidem in se peccatum videbatur lignatoris qui ἐπ' αὐτὰφ' ὄρω deprehendebatur ligna colligans in Sabbatho, sed quia malitiæ & contemptus arcessitur, nec enim prætexere ignorantiam & infirmitatem in tanta luce coram ipso Deo potuit, excindendus erat à populo; sed si idem antequam deprehenderetur, culpæ conscientiam motus confessione crimen aperuisset, oblata hostiâ ut puto potuit expiari, non minus quàm qui rebus sacris abutens excidium erat promeritus; nisi pœnam prævertisset confessione, restitutione, oblatione.

XIV. 4. Paulus ad Heb. x. 26. non negat absolutè pro ultroneis peccatis esse hostiam, nam sic nulla esset omnium omnino peccatorum expiatio, cum nullum actuale peccatum dari possit verè & propriè dictum quod non sit voluntarium, sed tantum loquitur de illo peccati genere quod plenâ voluntate & deliberata ac pertinaci malitiâ committitur. Hic ergo paulò accuratius ponderanda est phrasis quâ Apostolus utitur ἐκασὼς ἀμαρτάνειν, magnam enim vim habet, nec simpliciter & prout vulgò sonat intelligenda est; nam cum peccatum sit actio mentis & voluntatis, voluntas autem cogi non possit ut notum, necesse est ut voluntarium sit, ita nemo peccare potest qui non sponte & motu voluntatis ad id feratur; sed non eo tamen sensu Apostolus loquitur de iis qui voluntariè peccant, nam innumera sunt peccata quæ maximè sunt ultronea quibus tamen venia conceditur; David sponte & nemine cogente adulterium & homicidium commisit, Petrus volens & deliberato animo Dominum suum abnegavit non semel sed bis terve, & tamen uterque in gratiam receptus est, Ergo hic voluntariè peccare sumitur sensu quodam angustiori pro peccato quod pleno consensu perpetratur, absque ulla lucta vel dolore, voluntate obstinatâ non solum antecedenter, sed & consequenter quod diximus antea in V. Test. esse superbe agere & manu elata

peccare, ἐκείνως enim vulgò fieri dicuntur quæ ita sponte à quovis designantur, ut omnis non modò ignorantia & erroris, sed metus & violentiæ suspicio absit: Quæ facimus metu inducti, illa inviti facere perhibemur, repugnat enim mens aliquamdiu, etsi metu victa postea succumbat, ut qui merces in mare jactat ex metu naufragii, facit quidem illud volens, sed & invitus quodammodo, nisi enim immineret periculum, non faceret, quod Homerus dixit eleganter hominem facere ἐκόντα ἀεὶ δὲ πρὸς θεὸν ὄντα. At ubi omnis metus & violentia abest, adest tantum contumacia & rebellio ibi est ἐκόντα ἀμαρτία pro quâ nulla datur hostia, quamdiu enim peccatum est ita voluntarium ut infideat animo & adlubescat voluntati ut perficiat ipsum scienter & contumaciter contra Deum, tam diu est impossibilis ejus remissio, & quo magis est voluntarium & pertinacius, eò majus impedimentum gratiæ divini obijcitur, quia nulla venia, nisi pœnitenti promittitur. Duplex ergo peccatum potest distingui, aliud *repugnans*, aliud *regnans*, illud ob sanctificationem inchoatam & peccati originis reliquias verè fidelibus convenit Roman. VII. 23. Gal. v. 16. hoc verò infidelibus tantum quia peccatum nobis non dominatur Rom. VI. 14. quo sensu dicitur I. Johan. III. 9. natum ex Deo peccatum non facere, nec peccare posse quia semen Dei manet in ipso. Apostolus hîc non quodvis peccatum voluntarium intelligit, sed solum *regnans* & quidem non omne, vel in legem solam admissum, sed directè adversus veritatem Evangelii agnitam ut non modò antithesis addita v. 28. docet, sed & ipsa peccati descriptio quod ad tria refertur, *Filii Dei conculcationem, sanguinis Testamenti profanationem, & Spiritus gratiæ contumeliam*, quorum prius *personam* & *officium* Christi Salvatoris attingit, cætera duo verò ad duo præcipua ejus *beneficia* referuntur, *justificationem* & *sanctificationem*, illam quæ est in sanguinis merito, istam quæ à Spiritu sancti pendet efficacia, unde liquet peccatum *defectionis & apostasiæ totalis* hîc designari.

XV. Porro cùm *defectionis* ab Evangelio & Apostasiæ varii sint *gradus*, disquirendum est ulterius, quis gradus intelligatur hoc loco, ubi peccatum istud irremissibile describitur; Primus *abnegationis* & peccati gradus est, cùm quis per *errorem & ignorantiam* Christum nondum cognitum rejicit & aspernatur, qualem fuisse in Paulo ante conversionem videmus qui δι' ἀγνοίαν peccasse dicitur I. Timoth. I. 13. sed de hoc non loquitur Apostolus quia de voluntariè peccantibus agit & quidem *post acceptam cognitionem veritatis*, unde Paulo non interdicta fuit spes veniæ quia ignorans fecit. Secundus gradus est cùm quis *metu* territus amittendæ rei ad hanc vitam planè aut pene necessariæ, vitæ puta, bonorum, dignitatis & simil. Christum ex infirmitate turpiter abnegat, quomodo Petrus Christum Dominum suum metu abnegavit, & multi ex infirmitate carnis & metu mortis abnegant, sed neque hoc peccatum hîc innuitur, quia quod vi ac metu à nobis extortum, ἀνάσσειν melius dixeris, quàm ἐκείναι, nec denegatur pœnitentibus ejus remissio; ut ex Petro liquet. Tertius est cùm nec ex ignorantia vel infirmitate & metu, sed *cupiditate* & spe melioris fortunæ, uti loquuntur, impulsus ho-

mo à Christo deficit, ut vel magnas divitias, vel honorum splendorem, vel si quæ sunt ejusmodi terrena bona, consequatur; & hoc quidem peccatum longe gravius est præcedentibus & magis ad nostrum ἐνέπον accedit, unde Apostatarum istiusmodi longè rarior pœnitentia esse solet, cæterum non videtur planè penitusque illi accommodari adhuc posse: nam quamvis lautissima spe illectus videatur plenis velis in illud objectum ferri, & sæpe ex hoc gradu in ultimum præceps agatur, Deo satanæ illum justissimo judicio suo permittente, quia tamen vehemens illa ὀρθουλία quam tantorum bonorum species excitavit, ingentem animi perturbationem in eo concitat, imò nonnunquam luctam quandam & renisum voluntatis comitem habet, quo non planè extinctum in corde suo veræ religionis amorem declarat, cujus interventu aliquando etiam ad sanam mentem revertitur, non potest ad ea quæ sunt plenè planeque voluntaria, referri: Itaque quartus & ultimus addendus est gradus cum nec ex ignorantia, nec metu, nec cupiditate quis simpliciter impellitur, sed *obstinatâ malitia, pertinaci contemptu* & odio veritatis revelatæ quia dura & molesta est carni, movetur ad eam deferendam; cujus typus est in profano Esavo qui aspernatus jus primogenituræ Heb. xi. 16. frustra ejus privilegium etiam cum lachrymis requisivit. Ita qui per contemptum vel destinatam malitiam Christum abnegant totaliter & abnegando oppugnant, peccatum tale admittunt, pro quo nulla supersit hostia, & quod planè sit irremissibile; Non quod tale sit naturâ suâ quod veniam consequi planè sit ἐν τῷ ἀδυνάτων; nam nulla est tanta sceleris magnitudo cujus veniam peccator si ab eo respiscat consequi non possit; sed quia ipsum remedium gratiæ aspernatur & rejicit, sine quo nullus vel fidei vel respiscentiæ locus esse potest, nam cum Christus unica sit hostia peccatorum expiatrix, si quis eum semel abjecerit, nullam aliam expectare potest, hunc verò istiusmodi homines peccato suo protervè respuunt, & commodis ac deliciis suis profanè postponunt, non mirum ergo si ab omni spe salutis exclusi maneant.

XVI. Ex quibus mens Apostoli jam manifesta est, quo enim potentiùs à crimine Apostasiæ nos deterreat, sceditatem istius peccati & gravitatem pœnæ consequentis à comparatis demonstrat v. 28. 29. nam si morte absque misericordiâ ex duorum aut trium testimonio in politia Mosis multatus fuit qui irritam fecisset legem Num. xv. 30. & Deut. xix. 15. id. non qui quovis modo in legem deliquisset, sed qui malitiosè flagitio graviore legem violasset, puta blasphemiam, violatione Sabbathi, contumaciâ in parentes, homicidio, adulterio, &c. Quanto acerbiori supplicio dignus censebitur in politia & Ecclesia Dei qui coram infinitis pene testibus malitiosè apostasiâ & Diabolicâ oppugnatione cognitum Euangelium & Christum rejecerit? Hic ergo confertur Mosis Lex cum Evangelio Christi, contemptus illius cum hujus profanatione; Ut nulla fuit olim hostia pro spernente, & elatâ manu peccante, ita nulla Redemptio expectanda rejicienti Redemptionem & à Redemptore apostatanti; ut ἐν δυνάτει καὶ σέως φοβέσθαι eum sta-

tim manebat, ita certissima & gravissima pœna apostatam manet non lapidationis, aut teli è monte, non hiatus terræ aut ignis, sed iræ Dei quæ ad instar ignis adurentis devoratura est adversarios; Itaque ut peccatum tollatur, de volentibus debemus fieri nolentes, tunc enim demum fit remissibile cùm voluntarium esse definit, homine per veram pœnitentiam illud averfante, unde qui per ignorantiam peccat facilius hanc remissionem consequitur & remedium malo suo invenire potest exemplo Pauli 1. Tim. I. 13. at qui per malitiam, dubiam sibi reddit salutem, quia voluntatem suam in malo obfirmans reditum sibi ad Deum intercludit.

XVII. III. Ob. Paulus ait Actor. XIII. 38. in Christum credentes justificari ab omnibus à quibus lex Mosis justificare non poterat, satis indicans, à quibusdam levioribus tantum, ut ipso met Judæos quos alloquitur optimè novisse ibidem innuit, per Mosis legem justificationem contigisse; sed per Christi fidem omnium etiam gravissimorum delictorum remissionem dari. *Notum est, inquit, viri fratres, quod per hanc vobis remissio peccatorum annuntiatur, & ab omnibus à quibus non potuistis in lege Mosis justificari, in hoc omnis qui credit justificatur.* Resp. sed locus hic vel nihil probat, vel Adversarium ipsum jugulat, non dicit Paulus quædam fuisse peccata à quibus per legem Mosis potuerint absolvi, neque dicere hoc potuit, invicta enim est regula Deut. XXVIII. 26. Galat. III. 13. *maledictus qui non manet in omnibus quæ scripta sunt in libro legis ut faciat ea*; unumquemque autem sua convincit conscientia quod non mansit in omnibus; non fit ergo antithesis inter peccata quorum quædam à Mose quædam à Christo expiuntur, sed inter ἀδυναμίαν legis & cæremoniarum ejus ad justificandum, & plenissimam Christi satisfactionem quâ omnia peccata expiuntur; Ita ut sensus sit, quod qui à nullis potuerunt per legem absolvi, ab omnibus credentes justificentur per Christum; qua ratione dicitur Roman. III. 20. *πᾶσα σὰρξ & omnis caro non justificatur ex lege*, id est, nulla; Nec aliam posse esse Apostoli mentem confirmatur ex innumeris aliis scripturæ locis ubi absoluta illa legis impotentia describitur Roman. VIII. 3. Heb. x. 3. 4. & prævicationes & peccata Vet. Test. expianda dicuntur in & per Christum Hebr. IX. 15. Rom. III. 25. 2. Si ea esset mens Pauli quam fingit Adversarius videlicet nunc nos per Christum obtinere expiationem earum transgressionum quæ in primo fœdere erant, id est quæ sub prisco fœdere omni verâ expiatione destituebantur, & quibus olim lex veniam denegabat; duo gravia sequerentur absurda, 1. nemini olim concessam fuisse graviorum illorum peccatorum pro quibus nulla erant instituta sacrificia singularia, remissionem, quod falsum esse evincunt exempla Sanctorum qui sub Vet. Test. vixerunt. 2. nos sub Nov. Test. remissionem consequi in sanguine Christi illorum tantum peccatorum quæ expiari non poterant sub lege, adeoque leviores illas culpas quæ per sacrificia illa expiabantur non tolli sacrificio Christi, sed vel nullo modo expiari, vel per hominum satisfactiones elui, quod utrumque absurdissimum. Ergo superest ut dicamus omnem vim peccati expiandi denegari ut ea in solidum Christo

Christo tribuatur, quia Lex umbram quidem habuit bonorum; At Christus imaginem ipsam & corpus. Illa peccatorum omnium & leviorum & graviorum expiationem in typo adumbrabat, hic verò sanguine suo reipsa peragit.

XVIII. 11. Quæritur An sacrificia Vet. Test. ullam vim habuerint veram expiandi per se peccata pro quibus offerebantur; Nam illi cum quibus res nobis est agnoscunt quidem peccata quædam pro quibus offerebantur verè iis expiata fuisse, sed ideo tantum quia actiones erant obedientiæ Deo gratæ, quas præstantibus Deus indulgebat veniam, cæterum nequaquam iustitiæ divinæ satisfecisse, ideoque ut figuræ respondeat veritas, & umbræ imago, Christum etiam iis adumbratum non satisfecisse; Idque ulterius demonstrant hoc dilemma; Nam, inquit *Soci. prælect. cap. 22.* argumentari possumus à victimis istis ad Christum vel per *collationem*, vel per simplicem *adumbrationem*; si priori modo, necesse est ut si vis satisfaciendi in morte Christi fuit eadem etiam servatâ proportionem fuerit in victimis illis, At victimas istas nullam satisfaciendi pro peccatis vim habuisse probat, quia nulla sit inter hominem & bestiam speciei communio; Itaque nulla etiam fuit vis propriè dicta satisfaciendi in morte Christi; Quod si posteriori modo argumentum ducatur, id est per adumbrationem tantum, ne sic quidem melius rem evinci; Nam in re adumbrante aliquid ejusdem generis est cum eo quod in re adumbrata præfiguratur; Ideo si in victimis illis aliqua fuit adumbratio satisfactionis pro peccatis per Christi mortem, in iisdem quoque aliquam satisfactionem fuisse necesse est, quod cum falsum sit, & falsum esse illud quod ex eo elicitur. Ita expiationem quidem aliquam & quidem veram certorum peccatorum concedit illis quo nomine figuras vult fuisse Christi, sed satisfactionem planè penitusque illis denegat ut & eam à Christo removeat p. 2. c. xi. *statuendum omnino est per victimas & sacrificia illa expiatoria, non modo expiationes quæ sub N. fœdere fieri debebant adumbratas esse, verum etiam peccata pro quibus offerebantur verè expiata fuisse, &c.* Nos verò expiationem nullam nisi typicam & symbolicam eorum quæ verè & propriè peccata sunt iis tribuimus, non minus tamen ideo Christi satisfactionem adumbrasse censemus, ita ut duo demonstranda jam nobis sint, Victimæ & Sacrificia legalia nullum propriè dictum expiassent, vel expiare potuissent peccatum, expiassent tantum impuritatem quandam carnis & cæremonialem. 2. bene tamen ex iis argumentum duci ad probandam satisfactionem Christi.

XIX. Ut verò prius illud facilius percipiatur: duplex præmittenda videtur distinctio. Prima *Reatus* qui sacrificiis tolli debuit & expiari. Altera *Usus* sive *effectus* variæ sacrificiorum istorum secundum quam potest vel concedi vel negari talis expiatio. *Reatus* ergo duplex hîc attendendus *typicus* & cæremonialis quoad impuritatem carnis; *Realis* & spiritualis quoad conscientiam, iste contrahebatur ex peccatis contra legem moralem admissis quæ sita erant in offensione Dei & proximi, & rebus naturâ suâ malis, unde & pœnam mortis æternæ in homines

accersebat. Ille oriebatur ex violatione præcepti alicujus cæremonialis quod cùm res esset per se media, conscientiam per se non attingebat, nec ejus violatio eam inficiebat, sed per accidens tantùm ex vi constitutionis divinæ, ideoque nullam impuritatem propriè loquendo nisi cæremonialem afferebat in foro externo politiæ Ecclesiasticæ, nullamque pœnam nisi temporalem post se trahebat, ne peccator sacris cœtibus posset interesse & reliquorum convictu frui, verbi gratia, si quis cadaver tetigisset, vel tabernaculum in quo cadaver erat, fuisset ingressus, vel aliquid quod in lege immundum censebatur attrectasset, reus non poterat dici eo ipso peccati alicujus moralis & propriè dicti, nihil enim erat vel in mortuo vel in lepra vel in similibus quod conscientiam inficere posset, reus tamen erat cæremonialiter ex vi constitutionis legalis, quæ immundum pronuntiat, & à sacris excludit eum qui talia præstiterit; Ut ergo duplex fuit reatus, duplex etiam dabatur *expiatio* vel purgatio, alia quoad *carnem*, alia quoad *conscientiam*, id. typica & cæremonialis una, realis & mystica altera: discrimen hoc Apostolus disertè notat Heb. IX. V. 13. 14. *si sanguis taurorum hircorumque & cinis juvenæ aspersus coinquinatos sanctificat ad puritatem carnis, quanto magis sanguis Christi, &c. purgabit conscientiam ab operibus mortuis? &c. ubi puritas carnis & puritas conscientiæ distinguuntur, illa sanguini victimarum legalium adscribitur, ista sanguini Christi, illa externam & legalem illam immunditiem tollebat, efficiebatque adeo ut homo sacrorum communioni restitueretur, & in Templo cum cæteris cultui divino vacare posset, ista veras animæ sordes spirituales, quibus ab intimâ & salutari Dei præsentia, quæ olim per Tabernaculum & Templum adumbrabatur, removebatur, abluit, & jus denuo potestatemque confert ad Deum accedendi, & gratiosâ ejus communione fruendi. Ita per *carnem* de qua loquitur Apostolus non potest intelligi corpus ipsum seu altera hominis pars, nam puritas hæc per sanguinem & cinerem dicitur fieri, quæ maculare potius & deturpare corpus quàm abluere solent, sed notatur lex ipsa cæremonialis ejusque ritus quia in externis & carnalibus ut plurimum occupabantur, quo sensu lex vocatur *mandatum carnale* Heb. VII. 16. & ejus præcepta *δικαιώματα σαρκὸς*: Heb. IX. 7.*

XX. Secundò sacrificia legalia bifariam possunt spectari vel *absolutè* in se, vel *relatè* ad aliud, priori respectu erant instrumentum *πλεπίας* Judaicæ & cultus sub ea præscripti, quatenus in ea Republ. quæ verè *θεοκρατία* fuit ex ipsius Dei voce I. Samuel. VIII. 7. Deus istiusmodi leges sancire voluit, quæ populum ad instar fræni & jugi in officio continerent; atque sub hac *χέσει* verum est expiatam fuisse & sublatam ex iis impuritatem carnalem de qua diximus, siquidem ad horum præsentiam removebantur statim pœnæ illæ quæ in foro externo istius politiæ Ecclesiasticæ immundis repositæ erant; sed non eadem fuit ratio usus relativi, quemadmodum enim tota illa *œconomia* V. T. duplicem semper *χέσιν* includebat, alteram *Legalem* quatenus erat appendix fœderis operum, alteram *Euangelicam* quatenus subserviebat fœderi gratiæ, ita bifariam in esse suo relativo spectari possunt,

sunt, vel relatè ad *Legem* vel ad *Euangelium*, si considerentur priori modo quatenus subserviebant rigori legis urgendo & inculcando, magis faciebant ad peccati demeritum explicandum & aggravandū quàm ad illud auferendum, quippe Deus patefacturus jus suum in peccatum & peccatores non modò atrocioribus criminibus pœnas capitales in foro civili decreverat, sed etiam delictis quotidianæ incurfionis quæ ut plurimum vel negliguntur vel dissimulantur ab aliis legislatoribus, ordinaverat quædam pœnarum capitalium simulachra in destructione victimarum quæ offerendæ veniebant; & hac de causa Coloss. II. 14. vocantur *Chirographum in ritibus quod nobis erat contrarium*: quia erant testimonia reatus humani in quibus erat potius confessio peccati quàm ejusdem expiatio, nam circumcisio verbi gratia testabatur nativam pollutionem; ablutiones, sordes peccatorum fatabantur; Victimæ capitalem offerentis reatum indicabant, sic nihil aliud erant quàm miseriæ humanæ publica confessio. At verò si spectentur posteriori modo & in suo usu *Euangelico* certum est ea typicè & significativè verè & propriè dicta peccata expiasse id. verorum & propriè dictorum peccatorum expiationem per Christum futuram adumbrasse & significasse, & in usu legitimo post se traxisse, atque hoc sensu sacra hæc dicuntur Deo acceptabilia Lev. I. & fertur Deus ex iis odorari odorem quietis ibidem & passim alibi.

X XI. His ita præstructis duo jam demonstranda sunt 1. nullum verè & propriè dictum peccatum quantumvis levissimum potuisse hisce sacrificiis verè expiari *καὶ σπείδῃσιν*, 2. hæc tamen omnia appositè mortem Christi & ejus satisfactionem significasse: Prius illud adeo clarè & expressè statuitur ab Apostol. ut mirum sit hoc in dubium à quodam adhuc revocari: Nam Heb. IX. 9. disertè testatur dona & hostias oblatas esse quæ non potuerunt *καὶ σπείδῃσιν πλείω σὺν τὸν λατρεῖσιν* & fusiis cap. X. 1. 2. 3. 4. 5. ubi variis rationibus hoc ipsum probat quæ ad duo capita possunt referri; prius *legalium hostiarum impotentiam* docet, posterius *voluntatem & definitionem divinam* declarat: Hostiarum legalium impotentiam tribus rationibus evincit, unâ generali, & duabus specialibus: Generalis petitur à *legis ceremonialis, & hostiarum sine*; quia inquit *habebat umbram futurorum bonorum, non autem expressam rerum imaginem*, sive enim *umbram* intelligamus *naturalem* quæ imagini essentiali id. corpori opponitur quo sensu usurpatur Coloss. II. 17. sive *artificialem* hoc. rudem rei adumbrationem & delineationem quæ opponitur imagini rerum expressæ & vivis suis coloribus consummatæ, quomodo pictores vultum alicujus repræsentaturi carbone primùm summa ducunt lineamenta quibus vultus utunque repræsentatur & agnoscitur quidem, sed obscurè & confusè; mox vivis coloribus injectis *εἰκόνα*, expressam scilicet imaginem, effigiant, quæ vultum depictum ad vivum repræsentat, sive inquam illo sive hoc sensu vocem umbræ sumamus, quanquam verisimilius est Apostolum ad posteriorem respexisse, veritas semper eadem manet: Quod umbra est, non autem imago, vel corpus ipsum rei, non potest accedentem perficere. At hostiæ legales

sue-

fuerunt tantum umbræ, ergo non poterant accedentes sanctificare, & per consequens nec expiare nec satisfacere poterant quod præcipuum fuit & primum ex futuris bonis in N. T. obtinendis.

XXII. Secunda ratio specialis est ab *oblationum* istarum *repetitione*: hoc modo. Quæ hostiæ singulis annis iterantur non possunt accedentes cultores sanctificare, ratio consequentiæ manifesta est, quia si perfecissent iteratione anniversaria opus non fuisset, sed peractæ semel desissent deinceps offerri, nam sacrificantes semel purgati nullorum peccatorum reatui amplius fuissent obnoxii. At quotannis sacrificantes sub lege peccatorum sibi erant conscii quia in iis confessio generalis peccatorum denuo fiebat; unde colligit Ap. non potuisse expiationem per ista sacra sæpius iterata expectari v.2.3. *Alioquin non desissent offerri, propterea quod sacrificantes semel purgati nullorum peccatorum amplius essent sibi conscii, At in istis repetita sit memio peccatorum quotannis*: Dices fortè non videri rationem hanc usque adeo firmam, quia quotidie confessionem peccatorum facimus, nemo tamen dixerit ea nondum per Christum esse expiata. Resp. aliud esse confessionem facere peccatorum simpliciter, aliud confessionem facere in & cum oblatione alicujus sacrificii, prius non infert negationem expiationis factæ, sed tantum supponit necessitatem continuæ applicationis istius beneficii ad solatium nostrum, sed posterius omnino eam evincit, ut qui fatetur debitum & simul solutionem offert, eo ipso agnoscit nondum persolutum esse, sic qui confitetur peccatum, & confitendo pro ejusdem expiatione sacrificium offert, omnino plenè pro ipso satisfactum nondum fuisse credere se demonstrat; ita Veteres, qui non tantum confitebantur sua peccata, quomodo & nos quotidie facere solemus, sed confitendo sacrificabant eo ipso imperfectionem & ἀδυναμίαν sacrificiorum suorum satis probabant.

XXIII. Tertia ratio petitur à natura rei v.4. *Impossibile est sanguinem taurorum & hircorum auferre peccata*. Impossibilitas autem ista se tenet tum ex parte *subjecti* quod expiationem facere tenetur, tum ex parte *objecti* cui satisfactio præstanda est, tum ex parte *causa meritoria sive peccati*, pro quo satisfactio danda fuit. 1. ex parte *subjecti* peccatum enim in eadem naturâ expiari debuit, in quo commissum fuit, homo peccavit, homo luere debuit, *anima qua peccavit ipsa morietur*: Ezech. xviii. cum ergo nulla inter pecudem & hominem intercedat naturæ communio, impossibile fuit hac in parte sacrificiis legalibus expiationem fieri. 2. ex parte *objecti*, Deo peccatum fuit, Deo ergo satisfieri debuit, at nec ejus Natura, nec Sapientia, nec Justitia patiebantur ut sanguine hircorum tollerentur peccata: Non Natura, quia Deus Spiritus est Jo. iv.24. non potest ergo sanguine corporeo & materiali placari. *Nunquid comedam carnem taurorum & sanguinem hircorum bibam?* Ps. l.13. Quid tam vilis & abjecta res potuit ad conciliandam tam gloriosi Numinis majestatem? Non sapientia, ut enim peccatum fuerat admissum à creatura rationali, ita rationalem victimam, non brutam postulabat, quæ culpam istam elueret;

elueret; non tam sanguis coram altari fundendus fuit, quàm anima ipsa Deo fi-
 stenda, non tam corpus doloribus & cruciatibus atterendum & frangendum,
 quàm cor sensu maledictionis & iræ divinæ conterendum, unde dicit Christus se
 ponere non corpus tantum sed animam pro ovibus. Non *justitia* quia aequalitatem
 pœnæ & λύτς cum peccati reatu exigebat, infinita Dei majestas læsa fuerat, infi-
 nitum ergo meritum & satisfactio illi placandæ postulabatur, quod cum penes sa-
 crificia legalia non occurreret, utpote quæ non tantum brutorum essent & ἀλό-
 γων creaturarum, sed & finitarum, impossibile fuit hætenus sanguinem hircorum
 tollere peccata. 3. tollere peccata non potuerunt ex parte peccatis, remedium apta-
 ri debet malo & parti affectæ, peccatum macula est non corporea, sed spiritualis
 in animâ primario & per se sedem habens & conscientiam ipsam vulnerans, quid
 verò sanguis pecuinus & materialis ad eluendam hanc maculam valere potest,
 quæ proportio carnis cum mente, vel corporis cum corde, sanguinis cum cupidi-
 tate? peccatum fuerat incredulitate, odio Dei & rebellionem. ut ergo remedium
 malo respondeat, expiatio debuit fieri justitiâ perfectissimâ, obedientiâ accuratissi-
 mâ, & summâ atque intensissimâ erga Deum & erga proximum charitate, sic
 revera αἰδύναται fuit sanguinem hircorum tollere peccata ex naturâ rei.

XXIV. IV. Sed hoc ipsum impossibile fuit ex *ordinatione divinâ*, Deus
 enim jam olim testatus fuerat se nolle istiusmodi sacrificia ad expiationem hanc
 faciendam quod Apostolus v. 5. 6. probat ex Psal. XL. *Hostiam & oblationem non*
voluisti, Corpus autem adaptaſti mihi, Holocaustumata & hostiam pro peccato non ap-
probasti, &c. Tum dixi ecce adsum ut faciam Deus voluntatem tuam, aufert prius ut
alterum statuatur, unde colligimus si Deus noluit sacrificia & holocausta, fieri non
 potuit ex hypothese voluntatis & decreti divini ut per istas hostias tollerentur
 peccata. Atqui verum prius ex loco Psal. ergo & posterius. Cæterum quia diffi-
 cile videtur ad intelligendum quomodo Deus dicatur nolle & non probare sacri-
 ficia quæ tamen ipse instituerat & ad quorum observationem Israelitas tam ex-
 pressè adstringebat, & quibus se delectari alibi non semel professus est, paucis
 disquirendum est quomodo remotio hæc sacrificiorum intelligenda veniat. Sæ-
 pius quidem ita loquentem audimus Deum apud Prophetas, Isa. Ezech. Ose. Je-
 rem. &c. sed non semper unâ eademque de causa. Primò certum est rejectionem
 hanc sacrificiorum non ἀπλῶς & absolute, sed tantum ἡγῆται & comparatè esse in-
 telligendam, alias Deus sibi ipsi repugnaret & Scriptura Sacra quæ toties cære-
 moniarum & sacrificiorum in primis institutionem ad Deum refert, sed quænam
 ἡγῆται illa sit & relatio, non una ratione explicari potest, Aliquando enim reji-
 ciuntur sacrificia non quatenus instituta erant à Deo, sed ut ab hypocritis, im-
 piis & profanis oblata, qui ita sacrificiis istis externis adhærebant, quasi totus Dei
 cultus in iis versaretur, Deusque ea grata haberet & accepta, etsi alioqui impuras
 & fide vacuas in iis offerendis conscientias afferrent. hoc sensu intelligenda sunt
 loca, II. I. II. 12. &c. Quorsum mihi multitudo sacrificiorum vestrorum, satur sum ho-

holocaustis arietum, & adipe pinguium, sanguine juvenorum non delector, quod adventitis ut compareatis in meo conspectu, quis quasivit hoc à manu vestra? &c. Isa. LXXVI. 3. *Qui jugulat bovem ac si percuteret virum, qui mactat parvam pecudem ac si decollaret canem, &c.* Sic Psal. LIII. 9. *Non propter sacrificia tua arguam te ut holocausta tua sint coram me jugiter, non accipiam è domo tua juvenum, è caulis tuis hircos, &c.* Sic passim Prophetæ docent sacrificia hæc impiorum non placere Deo nec ab eo requiri, imò illi abominationi esse.

XXV. 2. Aliquando rejiciuntur *comparatè ad cultum internum & spirituales* qui à Deo ante omnia & principaliter ut longè excellentior requiritur, nam quod per se Deo non placet, sed per aliud, dicitur non placere per comparisonem ad id quod per se placet; notum autem sacrificia non primariò & per se fuisse instituta, sed tantùm secundariò ut subservirent interno cultui, & essent stimuli & incitamenta ad pietatem & sanctitatis studium, hoc sensu sæpe sacrificia externa extenuantur ut quod præcipuum est præferatur, sic explicandus est locus Ps. LI. 18. ante laudatus, sic I. Sam. xv. 22. Samuel inquit Sauli, *An delectatur Jehova holocaustis & sacrificiis ut quum auscultatur voci Jehovæ, ecce auscultare melius est sacrificio, attendere, adipe arietum.* Idem Hose. VI. repetitur & Mich. VI. 6. 7. 8. Jer. VII. 21. 22. 23. &c. Denique rejiciuntur non relatè ad impiorum profanationes, vel ad cultum internum & moralem, sed *relatè ad sacrificium perfectissimum Christi*, ut hinc demonstretur *τὸ ἀδύνατον* legis & plenissima Christi ad satisfaciendum vis & efficacia; quo sensu intelligendus locus Ps. XL. qui redditur ab Apost. Heb. x. 5. 6. ubi oppositio instituitur inter sacrificia V. T. & Sacrificium Christi, illis tanquam inutilibus & imperfectis denegatur peccatorum expiatio, huic verò soli ut perfectissimo & efficacissimo tribuitur: *sacrificium*, inquit, & *oblationem noluisti; corpus, autem aptasti mihi.* Psaltes paulò aliter dixerat *אָזְנִים כִּירִיתִי לֵי* *aures perfodisti mihi.* At Paulus secutus LXX. ut sæpe solet reddit per ista *ἀκούσας δὲ ἀπαρτίωσάς μου* verbis quidem diversis, sensu tamen eodem; utrobique enim describitur *status & conditio servilis Christi*, ejusque dispositio ad obedientiam cui se addixerat, ut oblatione corporis sui expiationem peccatorum & redemptionem nobis procuraret quæ nullis sacrificiis legalibus obtineri poterat; Notum quippe *aurium perforationem* eò respexisse apud Judæos ex Lege Exod. XXI. 6. quæ novæ obedientiæ servum subiciebat, & jus novum hero in servum acquirebat, ad quam alluisse Davidem omnino est verisimile. Cùm verò hæc Judæorum consuetudo Græcis esset ignota, LXX. Interpretes qui in eorum gratiam potissimum scribebant, prudenter phrasim eam mutarunt in aliam generaliorem & minus obscuram, *corporis scil. aptationem*, quod eò lubentius fecerunt quod Græcis & Romanis in more positum esset servorum corpora nota aliqua ad majorem mancipationem ostendendam signare, & tergum aut faciem cauterio inurere, qui ideo *literati* dicebantur, quia notæ sive stigmata inusta literarum similitudinem referebant, quâ occasione de divitibus indoctis loquens Seneca qui ostentatione librorum docti videri vole-

volebant, ait eos *ne servorum quidem literas nosse*. Paulus verò hanc phrasim retinuit, quia non abludebat à sensu Psal. & convenientior videbatur ad mysterium incarnationis & sacrificii Christi per oblationem corporis facti designandum de quo loquebatur; Itaque sensus eodem redit, sive dicamus aures Christi perfoctas fuisse, sive Corpus aptatum: Nihil quippe aliud voluit Spiritus S. quàm Christum in naturâ humanâ quam assumpsit devinctum fuisse Deo in Servum & convenienter dispositum ad faciendam voluntatem ejus, id est, ad opus gloriosum redemptionis nostræ peragendum per sacrificium corporis sui, unde statim subjicit, *Ece venio factururus voluntatem tuam* v. 7. quasi diceret, quia tu me ad hoc opus selegisti supra omnes victimas legales & peculiari quodam modo notare voluisti adsum etiam responsurus vocationi tuæ, & me ipsum in sacrificium oblaturus, *ausert enim prius sacerdotium ut posterius stabiliat*, v. 9. Porro quia videtur Deus absolute rejicere & abrogare ista sacrificia cùm ait Apostol. Deum prius tollere ut posterius stabiliat, distinguenda sunt duo intervalla secundum quæ vel *totalis* vel *partialis* intelligitur *remotio*; Nam sacrificia hæc vel *ante vel post Christum* spectari possunt; *Ante Christum* verum est Deum noluisse nec postulasse victimas & holocausta, ad faciendam expiationem propriè dictam pro peccatis, quia hoc non potuerunt ut jam dictum est; sed non verum est Deum non requisivisse sacrificia ad significandam redemptionem & reconciliationem; huc enim totus ille sacrificiorum apparatus potissimum spectabat: sed *post Christum* non tantum $\alpha\gamma\alpha\pi\eta$ rejiciuntur ut inutilia ad expiationem veram procurandam, sed absolute etiam quoad usum & durationem, quia præsentē corpore umbræ evanescent, & figuris non amplius opus est ubi veritas ipsa exhibita est; Posteriori hoc sensu Apost. loquitur de sacrificiis legalibus ut abrogatis & sublatis.

XXVI. Ex quibus luce meridiana clariùs liquet, sacrificia ista nullam veram & realem propriè dictorum peccatorum peragere potuisse expiationem; Sed non minus tamen Christi satisfactionem & inde promanantia beneficia adumbrasse jam ostendendum est. Hoc verò ex ante dictis facillè colligitur & ex naturâ rei non obscurè elicitur; Nam cùm nulla sit horum rituum carnalium proportio vel cum naturâ Dei, vel cum hominis peccato expiando, vel cum salute consequenda, non potuerunt per se in eum finem institui, non potuit tamen Deus sapientissimus legem hanc tam solenniter promulgare & sancire in populo nisi memorabili aliqua & gravi de causa, quænam autem esse potuit nisi futurorum bonorum & mysteriorum per Christum implendorum præsignificatio, ut sub hisce veluti picturis & figuris, populus rudis ad tantorum bonorum fidem paulatim manuduceretur? hinc lex vocatur, ut diximus, *umbra* cujus corpus est in Christo Coloss. 1.1. $\alpha\sigma\chi\alpha\beta\omicron\lambda\eta$ seu typus ad instans tempus N. T. institutus Heb. 1. x. 9. & sanctuarium mundanum $\alpha\nu\tau\iota\tau\omicron\pi\omicron\nu \tau\epsilon \alpha\lambda\eta\theta\iota\nu\omega\nu$, v. 23. $\epsilon\pi\omicron\delta\epsilon\iota\gamma\mu\alpha$, v. 23. nam ut cærimoniarum quatenus erant appendices legis reatum docebant & picturæ erant miseriarum nostrarum, ita quatenus subserviebant fœderi Evangelico & erant appendices gratiæ,

ἀντίτυπον proponēbant & symbola erant remediū & satisfactionis per Christi sanguinem procurandæ: priori modo *opponuntur* Christo; posteriori *subordinantur*, hinc locutiones variæ de illis habentur, quæ videntur contradictoriæ dum aliàs detrahitur ipsis peccatorum remissio & expiatio, aliàs verò iisdem adscribitur, sed facile positâ hac distinctione solvuntur, denegatur ipsis expiatio quatenus *in se* considerantur & *relatè ad legem*, sed iisdem tribuitur quatenus in fœdere gratiæ *conjuncta cum Christo* spectantur & *relatè ad Evangelica mysteria* quorum erant: *ἡ ζωὴ καὶ ἡ ἀνάστασις*.

XXVII. Sed hic obstare videtur Adversarii ratiocinatio, quæ ex hac collatione non solum nullum argumentum pro satisfactione dari posse demonstrat, sed etiam expressè eam ex hac ipsa vult everti; Nam si sacrificia illa vetera & victimæ legales satisfacere non potuerunt justitiæ divinæ nec ullam expiationem peccati propriè dicti procurare, ergo nec Christi sacrificium satisfecit vi sua & expiavit, at prius verum ex Anteced. ergo & posterius. Ratio conseq. quia figura & imago debet respondere veritati, & aliquid sit oportet in figurâ adumbrante ejusdem generis cum eo quod in re adumbrata præfiguratur, verbi gratia Serpens æneus Christum adumbravit, & in eo exaltationem sive in crucem sive in cœlum, salutemque quam adepturi essent quicumque ei fidem habuissent præfiguravit. At interim ipse serpens quoque exaltatus fuit, omnesque in eum intuentes servabantur. Itaque utrobique exaltatio, utrobique salus; sed hic omnia multò præstantiora quàm in umbra, in veritate quàm in figura, si ergo constet victimas nullam vim satisfaciendi pro peccatis habuisse, nullam figurare potuerunt, sic colligendum esset potius ex ipsis Christi mortem nullam ad satisfaciendum vim habuisse; sic *Soci. prælect. cap. 22. & part. 2. c. 10.*

XXVIII. Hoc verò quicquid est ratiocinii facile solvitur ex ante allatâ distinctione *expiationis typicæ & realis*; Damus enim in figura adumbrante debere aliquid esse analogum illi mysterio quod in veritate impletur, aliàs ne figura quidem esset; quomodo enim aliquid præsignificare posset, nisi aliquod esset symbolum quo adumbraretur, sed non propterea necesse est ut imago illa quæ in figura deprehenditur sit planè ejusdem speciei & ordinis cum ea quæ figuratur, nam veritatem præstantiorem esse typo & figurâ oportet in omnibus, ut benè dixit Chrysostom. sufficit ut analogia sit quædam & similitudo quâ unum ex altero colligatur. verbi gratia serpens æneus fuit illustris typus Christi ut constat ex Joh. III. 14. typus autem non potuit esse nisi per relationem typi ad antitypum, ut in typo umbra esset & symbolum rei in veritate expressæ, ita & serpentis conditio qui formam quidem serpentis habuit externam, sed non virus, conditionem Christi ostendebat, qui in forma carnis peccati, sed sine peccato tamen factus est Roman. VIII. 3. exaltatio illius, istius exaltationem primò in crucem, mox in cœlum, intuitus Israëlitarum, fidem fidelium, sanatio illorum, istorum salutem; sed nec exaltatio, nec sanatio, nec cæteræ circumstantiæ in typo expressæ ejusdem
erant.

erant generis & ordinis cum mysteriis Evangelicis in istis adumbratis, imò diversæ planè & toto genere discrepantes, illæ enim corpus respiciebant, hæc verò animum, illæ vitam hanc animalem, ista verò spiritualem & cœlestem, illæ virtutem & efficaciam à solo Deo non à serpente pendentem notabant, ista virtutem ab ipso Christo efficaciter manantem; Ita in hoc de sacrificiis argumento colligendum est non potuisse figuras & symbola esse sacrificii Christi nisi in iis umbra fuerit quædam & imago rerum earum quæ in istâ victimæ cœlestis oblatione perficiuntur, hinc fusio sanguinis pecuini fusionem sanguinis Christi designavit, expiatio quæ per fusionem sanguinis & victimæ oblationem peragebatur, expiationem veram per *αἱμαπικρυσίαν* in cruce factam, substitutio victimæ in locum Rei & compensatio pœnæ, substitutionem Christi Sponsoris nostri in locum nostrum; & pœnæ compensationem cum nostri liberatione; reditus ad populum, communionem cum sanctis, liber accessus ad Tabernaculum & sacra omnia, viam apertam in cœlum & aditum ad Patrem cœlestem; cuius conspectu remoti antea fueramus, & relaxatio pœnæ temporalis, quæ ob immundiciem legalem debebatur, remissionem pœnæ æternæ quæ peccatis imminabat adumbravit, ut aptissimâ analogiâ umbra corpori & figura veritati respondeat, utrobiq; enim & Clementia & Justitia divina elucet, quod cum ex rigore Legis peccator ipse luere teneretur per specialem quandam *ὑπέρθεαν* voluerit locum dare substitutioni victimæ loco ipsius mactandæ, ut illâ pro ipso luente satisfaceret justitiæ Dei & ipse interea reus ejus morte vicariâ immunis & indemnus à pœna præstaretur. Cæterum licet aliqualis occurrat similitudo non necesse est ut sit æqualitas, sufficit si sit analogia quædam & proportio quæ & similitudinem quandam habeat & dissimilitudinem; ut discrimen inter umbram & corpus eo facilius percipiatur, & istius supra illam prærogativa; ibi sanguis fundebatur, sed *ἀλγος*, hic sanguis funditur, sed victimæ cœlestis & *λογικῆς*, illic altare æneum, hic mysticum, illic expiatio cæremonialis & externa quoad carnem, hic realis & interna quoad conscientiam, illic immunitas obtinetur pœnæ temporalis in foro Ecclesiastico, hic liberatio à pœna æterna in foro Cœlesti, unde ad argumentum facilis est responsio, per distinct. major. peccat enim fallac. à dicto secundum quid, Si sacrificia non potuerunt satisfacere nec expiare, non potuerunt satisfactionem Christi adumbrare, vel intelligitur satisfactio & *expiatio realis & propriè dicta*, vel *cæremonialis & symbolica*; si de illa intelligatur argumentum neg. maj. conseq. nam etsi non potuerint verè satisfacere & expiare realiter, non sequitur non potuisse significare sacrificium Christi, ut non valet, si serpens æneus non potuit sanare peccatores, non potuit ergo adumbrare Christum salvatorem; Nec enim idem omnino requiritur in figurâ quod in figurato, aliâs figura & typus non amplius esset. Si verò de istâ, concessâ maj. neg. min. falsum enim est sacrificia ista & victimas nullo modo expiasse & satisfecisse, quippe si expiare non poterant *ἡ σωείδοσιν*, expiabant tamen secundum carnem & cæremonialiter, typicè & significativè quod sufficiebat ad fundandam

relationem & adumbrationem illam Christi mortis, & satisfactionis quam quærimus.

XXIX. Dices, non potuisse errata hominum in bestiis puniri & expiari, nequidem carnaliter, tum quia nulla sit inter hominem & bestiam speciei communitio, quæ tamen omnino necessaria est ad hanc satisfactionem, tum quia nulla est proportio inter mortem bestię, & capitale hominis supplicium, ut istud potuerit illa tanquam pretio sufficienti compensari: Itaque si expiarunt peccata sacra illa, non expiassent dando pretium aliquod vel pœnam vicariam Deo ad satisfactionem, sed tantum quatenus cum fide & pœnitentia juncta, erant actiones Deo gratæ, quibus movebatur ad remissionem concedendam; hoc enim sensu sacrificia expiatoria à fidelibus rectè offerri potuisse ut patet exemplo Davidis qui Ps. LI. agens de expiatione sceleris sui ait *sacrificia Dei sunt Spiritus constrictus & contritus*, ut innuat Deum talibus sacrificiis spiritualibus duntaxat moveri ad remissionem largiendam; Quò pertinet etiam illud Salomonis Prov. XVI. 6. qui *miseriordia & veritate redimi* ait & *expiari iniquitatem*. Resp. quoad prius si de *reatu morali* & propriè ita dicto quæstio esset, facile largimur non potuisse illum duplici hac de causâ sanguine brutorum tolli, ut antea probatum, quia agitur hîc cum iustitia Dei quæ solutionem adæquatam postulat, & acceptilationem non agnoscit; sed de *carnali* & *cæremionali* aliter se res habet, quia cum non pendeat ex jure naturali & indispensabili iustitiæ Dei, sed ex libero & positivo, quod per constitutionem legalem definitum est, potuit sapientissimus Legislator pœnam positam pro libitu relaxare & modum satisfactionis statuere, quod factum ab eo convenienter dum victimas expiatorias admisit vice peccatoris, & illarum interventu, ac non aliter peccatorem à pœna liberare voluit; (ut hîc interim omittam, aliquam etiam conjunctionem esse hac in parte inter hominem & bestiam, non modò in genere animantis, sed & in ea relatione quæ est inter possessorem & rem possessam, est enim bestia sub hominis dominio, & expiandus de suo dare jubebatur: Lev. v. 6.) Non ergo expiare dicebantur quasi *ἀντάγωμα* æquivalens darent pro peccato, sed quia Deus ea ordinaverat tanquam media convenientia quibus satisfaceret constitutioni legali, quibusque moveretur Deus ad pœnam carnalem & cæremonialem remittendam, atque eo vel maximè quod insuper symbola erant aptissima & figuræ perfectissimi sacrificii quod à Christo loco nostro offerri debuit.

XXX. Quod verò secundo loco additur sacrificia non expiassent per modum solutionis & pœnæ vicariæ, sed tantum virtute fidei & pœnitentiæ cum quibus offerebantur, facile refellitur; Cum enim Deus testetur non semel, se *sanguinem* dedisse ad expiationem faciendam, & disertè Apost. doceat *sine sanguinis fusione non fieri remissionem* Heb. IX. cum passim in Lev. expiatio oblationi sacrificiorum tribuatur, quis non videt hoc beneficium ad sacrificia ipsa referendum esse, non simpliciter ad fidem & pœnitentiam, licet hîc etiam requirerentur? alias tam absensibus quàm præsensibus sacrificiis potuisset expiatio ista procurari quod falsissimum;

num; fateor virtutes istas à parte hominis necessarias fuisse ut oblatio accepta foret Deo, verum ut *dispositiones pravias* in subiecto *sine quibus* remissio non concedebatur, siquidem nulli nisi pœnitenti & credenti beneficium hoc indulgetur, non ut *causam meritoriam* quæ jus illius virtute sua ipsis acquireret, & *propter quam* conferretur. Nec alio sensu David vocat *cor contritum sacrificia Dei*, per enallagem numeri pro sacrificio præstantissimo: Non enim agitur de expiatione peccati facienda, siquidem cum Psalmum hunc caneret jam audierat à Nathane. 2. Sam. xii. v. 13. peccatum ablatum & condonatum esse, sed de sensu ejus consequendo, ad quem omnino necessaria erat fides & contritio cordis, non ergo hîc disserit quid pretii persolvere Deo debeant homines, vel quo merito remissionem peccatorum obtineant, imò datâ operâ spiritum afflictum fîctitiis compensationibus opponens nuditatem hominum detegere voluit, nec enim aliò tendit Spiritus dejectio quàm ut hominem exinaniat, & in nihilum redigat, sed docet tantum quo medio beneficium hoc à Deo paratum obtineri & sentiri in corde possit. Locus Prov. xvi. non magis urget, nam ut non dicamus posse hîc *miserecordiam* & *veritatem Dei* intelligi non *nostram* quod quibusdam placet, quomodocunque sumatur certum est nec proprie dictam expiationem virtutibus istis tribui, nec satisfactionem Christi excludi, dicitur ergo *miserecordiâ* & *veritate*, id est charitate & fide *redimi iniquitas* quia sunt conditiones necessariæ in subiecto ad redemptionem consequendam, ut Christus ait *miserecordes misericordiam* consecuturos Matth. v. 4. vel quia *tegitur* & *purgatur* in nobis, sic enim verbum כִּסֶּה sæpe sumitur, quo sensu Jac. v. 20. dicitur *charitas operire multitudinem peccatorum*, & Dan. iv. 27. *redimi* id. *abrumpi iniquitas misericordiâ*. Cæterum non excluditur sed supponitur semper λυτρεον Christi sine quo nec fidei nec charitati locus esse potest.

XXXI. Atque hæc hæcenus dicta sunt de sacrificiis relatè ad Christi mortem & satisfactionem, Unde *Sextam* argumentorum *Classem* deduximus: Sequitur jam *Septima* quam suppeditabunt crassiora nonnulla Absurda quæ sententiam Adversariorum gravant. 1. Absur. Si Christus ad exemplum tantum & doctrinæ confirmationem mortuus est, nequiquam verò ad satisfactionem & meritum, sequitur Martyres multos idem cum Christo præstitisse, nihilque hîc Christo ἰξόχως tribui posse quod cæteris pariter competere non possit, nam & ipsi mortui sunt ad oblationem & confirmationem doctrinæ quam verbo & scriptis prædicaverant, unde mors eorum propterea μαρτύριον dicta, & ipsi Jesu Christi *Martyres*, qui luculentissima patientiæ, spei, charitatis, obedientiæ, fidei, & cæterarum virtutum Christianarum dederunt exempla. At nusquam tamen legere est eos pro nobis mortuos & crucifixos esse, eos peccata nostra expiasse, & nos Deo reconciliasse, eos sanguine suo remissionem peccatorum nostrorum consecutos esse, & redemptionem æternam procurasse, quod toties & tam expressè de Christo perhibetur, imò disertè hoc interdicitur & ipsis denegatur, cum in Jesu Christi nomine solo salus esse dicitur Act. iv. 6. Et ille unus non alius quispiam
pro-

pro nobis crucifixus : 1. Cor. 1. 13. Cur verò hoc quæso, si nihil proprii & peculiaris fuit in Christi morte, si eundem utrique finem sibi proposuerunt? An potuit Scriptura hæc tanquam opposita in hoc negotio considerare quæ conjungenda erant, & illis quidem constanter denegare, huic verò soli constanter tribuere, nisi hoc solius mortis Christi effectum esse seorsum à quorumvis hominum morte nobis persuadere voluisset?

XXXII. *Crellius* contra *Grotium* varia excipit 1. ex morte Martyrum non ita eluxisse charitatem illam Dei erga genus humanum adhuc impium, quemadmodum ex morte Christi unigeniti ejus filii. 2. Ipsos morte sua non testari suum erga genus humanum Deo inimicum amorem, quemadmodum Christus qui jure quodam singulari poterat ab ea esse immunis, & nostri præcipuè causâ eam subiit. 3. Christo hæc peculiariter tribui, quia primus salutis viam humano generi promulgaverit, & ad doctrinam suam confirmandam & probandam mortem diram & truculentam adierit, Martyres autem doctrinæ illius causâ esse mortuos, & tantum ab altero isto Dei legato ac primo salutis præcone de ejus veritate se edoctos esse professos, veritatem testimonii totam pendere à primo teste, & posteriorem testem priori testimonio hoc suo tantum subservire. Ideo Christum simpliciter testem fidelem ac veracem appellari, cæteros autem Jesu Christi Martyres vocari; ut Apostoli Christo testimonio suo subservierunt in Evangelio prædicando, qui licet dicantur alios servare non tamen sint Christo comparandi, quia nec primò nec perfectissima ratione id præstant, sed Christo hac in re aliquoufque tantum subserviunt; id ipsum de Martyribus dici posse.

XXXIII. Resp. ad primum peti principium, probandum enim fuit non dicendum majorem charitatem eluxisse in morte Christi quàm in morte Martyrum; Nam cum Adversarii Christum *ψιλὸν ἀνθρώπων* statuunt in mortem à Deo traditum ad sanciendam Evangelii doctrinam de remissione peccatorum, & post eam demum filium Dei factum, aut saltem verè & perfectè ad istam dignitatem erectum, Martyres autem Filii Dei etiam fuerint, divinæ naturæ suo modo participes, eandemque doctrinam sanguine suo obsignaverint, imò cum semen Ecclesiæ dicatur fuisse ipsorum sanguis, ostendi debuisset cur charitas Dei in morte Christi exhibita tantopere superet charitatem Dei in morte Martyrum, toties tamque mirabiliter ad fidei confirmationem demonstratam. Deinde aliud est charitatem Dei illustrius in morte Christi demonstratam fuisse, aliud eum morte sua redemptionem & salutem esse adeptum; non debuit ergo ejus sanguini remissio peccatorum & reconciliatio tribui exclusivè ad martyres, si nihil aliud fuit in ea quàm clarior amoris divini testificatio. Ad 2. supponitur falsum Martyres debuisse pati mortem truculentam quam subibant, Christum autem minimè, sed ab ea jure quodam singulari cum immunis esse posset, nostri causâ eam subiisse; Nam etsi martyres à morte immunes non poterant esse naturali & ordinariâ quâ homines miseri & peccatores, siquidem mori omnibus semel est constitutum Heb. 1x. 27.

potuerunt tamen à violentâ & dirâ illâ morte quæ illis inflîcta est ut Christianis eximi, si Deo ita libuisset, ut erga innumeros alios fideles præstitum. In 3. non plus est roboris, 1. fallacia est à dicto secundum quid si Christo hæc tribuuntur quia salutis viam primus commonstravit, & doctrinam morte dirissimâ probavit, sequitur hæc illi *primò* & præcipuè fuisse tribuenda, sed non *soli* & singulariter exclusivè ad cæteros omnes qui in eadem operâ post Christum laborarunt. 2. supponitur gratis Christum fuisse præconem Euangelii & primum martyrem; Quis enim ignorat prophetas viam salutis annuntiassè imò multos sanguine suo eam comprobassè ut exprobrat Judæis Christus Matt. xxi. 34. 35. quò *pertinet etiam nubes illa testium* de qua Apost. Heb. xii. 1. qui constantiam fidei suæ in mediis tormentis & morte ipsâ tam fortiter testati sunt: Fuerit ergo Christus *primus* Testis *ordine dignitatis & nature*, quia omnes in Christo & nomine ejus sunt locuti, sed *ordine temporis* dici nequit, nisi à salute excludere velimus veteres patres qui pro fide istius testimonii obire non detrectarunt. Adde quod veritas testimonii pendet à veritate rei, non ab ordine temporis, quo primum secundum aut centesimum dici potest. 3. conferuntur dissimilia. *externa prædicatio* Euangelii quæ pars fuit muneris Prophetici Christi potuit admittere ministros & socios quales fuerunt Apostoli & Pastores, qui propterea dicuntur *servare* auditores suos *ministerialiter*, sed *oblatio* sui ipsius per Spiritum æternum in *ἱλασμόν* quæ fuit actio sacerdotalis est planè incommunicabilis, adoranda, non imitanda, quia supponit virtutem & meritum divinum & infinitum quod in hominem non cadit. Denique quamvis hac in parte aliqua esset Christi prærogativa supra Martyres in confirmatione doctrinæ & exemplo quod non diffitemur, mutare quidem posset *gradum* sed non *speciem*, nec talis esset quæ cæteros absolute ab iisdem functionibus excluderet, quod dum fit non semel à Spiritu Sancto, argumento est aliquem alium finem Christo morienti propositum fuisse qui in Martyres cadere non poterat, qui alius esse non potuit quàm expiatio peccatorum nostrorum, & justitiæ divinæ satisfactio.

XXXIV. II. Absur. Si Christus non alio fine quàm quo statuitur ab Adversariis mortuus fuisset, idem effectus & *Miraculis* & *Vitæ* Christi assignari potuisset non minus convenienter, siquidem in illis non minus, imò aliquanto magis quàm in morte testimonium perhibuit doctrinæ suæ & in istâ innumera sanctitatis charitatis & constantiæ & fidei & cæterarum virtutum data sunt exempla: at nec miraculis nec vitæ Christi simpliciter uspiam tribui animadvertimus expiationem & remissionem peccatorum, sed semper morti & sanguini, unde passim quoties de ea sermo est, mentio fit mortis crucis & sanguinis; Euangelium dicitur *sermo crucis*: 1. Cor. i. 18. baptismus fit in mortem Christi Rom. vi. 3. Eucharistia ad mortis memoriam & fusi sanguinis monumentum refertur: 1. Cor. xi. 28. Cur verò istud nisi propria quædam intercederet causalitas in morte Christi ad hæc beneficia nobis procuranda? Excipit *Crellius* Miraculis quidem magis confirmatum

fuisse doctrinam generatim consideratam, sed mortem peculiarem habuisse conjunctionem cum remissione peccatorum, Christum enim potuisse stupenda miracula edere sicut Moses & nil nisi minas Dei nomine ut ei parere vellemus proponere, at fieri non potuisse ut Christus unigenitus Dei filius moreretur ad doctrinam suam & salutis viam in ea propositam confirmandam, quin simul ingens Dei erga peccatores charitas appareret & sic certa spes remissionis in animis nostris oniretur; adde quod morte Christi nominatâ sæpe comprehendant S. Scripturæ quæ mortem Christi sunt consecuta, quod miraculis non competit.

XXXV. Resp. Sed hæc exceptio vim argumenti haudquaquam elidit, nam si mors Christi nihil aliud debuit quàm doctrinam de remissione peccatorum & salute confirmare & obsignare, nullam habuit peculiarem *αἰον* ad hoc supra miracula, imò miracula videntur id ipsum aliquanto clariùs demonstrasse ut colligitur ex Matt. ix. 6. 7. 8. ubi Christus ex sanatione paralytici probat potestatem & jus suum remittendi peccata, invisibile ex invisibili; ut autem sciatis auctoritatem habere filium hominis in terra remittendi peccata tunc dicit paralytico surge attolle lectum tuum & abi domum tuam. Sic in morte Centurio & cæteri Custodes colligunt Christum esse verè Filium Dei ex terræ motu & aliis miraculis Matt. xxvi. 54. Et sanè quis non videt miraculosam dæmoniorum ejectionem, leproforum mundationem, cæcorum illuminationem, & mortuorum suscitationem & cætera id genus habuisse majorem analogiam cum beneficiis nostris spiritualibus & clariùs potuisse obsignare liberationem nostram ex potestate satanæ, purgationem à peccatis, spirituales mentium nostrarum illuminationem & mysticam resurrectionem, quàm simplicem Christi mortem? quid enim magis à vero alienum quam mortem truculentissimam hominis innocentissimi per se ad hoc valere ut nobis persuadeat sanctè viventibus peccata sua remissum iri & æterna gaudia illis esse parata? Fateor si resurrectio & exaltatio cum morte connectantur luculentius id posse demonstrari, sed aliud loqui de morte ipsa, aliud de consequentibus mortem, & sic non morti, sed resurrectioni potius tribuenda essent, ut jam dicemus. 2. Quod verò addit Christum potuisse stupenda miracula edere & tamen nil nisi minas proponere instar Moses, in eo aberrat à quæstione & extra oleas vagatur, neque enim argumentum nostrum simpliciter petatum est à miraculis, sed à *miraculis Christi*, non negamus enim quædam esse miracula quibus non potest confirmari remissio peccatorum, qualia sunt *miracula legalia* quæ in eum tantum finem edebantur ut terrorem incuterent peccatoribus & reverentiam Numini conciliarent, unde Moses profitetur se *ἐκφοβῶν* & *ἐντροχῶν* esse, sed *miracula Evangelica*, quæ Christus edidit, alia planè fuerunt, prodigia erant gratiæ, quæ in salutem & consolationem hominum dirigebantur, ut enim Christus venerat servare quod perierat, huc & doctrina & miracula, & omnia vitæ gesta referuntur, illa metum incutiebant, hæc fidem ingenerant; illa procul amandabant peccatores, hæc illis accessum præbent, & aditum parant, illa mortem & exitium

intentabant, hæc vitam & salutem pollicentur. Quis ergo sanus ab illis ad ista velit argumentari? Deus quippe voluit doctrinæ accommodare portenta & miracula quibus eam confirmare tanquam signis decreverat. Lex quæ fuit ministerium condemnationis & litera occidens nulla debuit nisi stupenda & terrificæ habere miracula, sed Evangelium quod est doctrina gratiæ & reconciliationis miracula debuit fortiri homogenea, hoc est vivifica & salutaria; Quemadmodum ergo ex miraculis Moïsi doctrina ejus illustrem in modum coram toto Israël fuit confirmata; sic Christus miraculis suis doctrinæ salutaris veritatem luculenter demonstravit: Non potest ergo hæcenus finis iste, morti seorsim à miraculis tribui.

XXXVI. III. Eadem absurditas longè clarius se prodit respectu *Resurrectionis* & exaltationis Christi, nam si in morte Christi habemus tantum oblationem remissionis peccatorum, & vitæ salutis exemplum; Cur idem beneficium *Resurrectioni* Christi pariter non adscribitur, quæ non minus ad hoc effectum contribuisset deprehenditur, imò multo propius & efficacius id attingit? nam si credimus Adversariis, hac demum ratione mors ad remissionem hanc intercedit, quia antecessit ipsam resurrectionem, nempe remissio peccatorum ex ipsis non contingit nisi sanctè viventibus ita loquitur *Socinus* l. 3. c. 11. sanctimoniam vitæ facit fides & spes certa præmii, hanc fidem ingenerat exemplum Christi ob vitæ sanctimoniam à mortuis excitati & glorificati, istam excitationem mors antecessit, & mortis toleratio antecedens conditio fuit gloriæ subsecutæ, sic non proximè & immediatè, sed mediatè tantum & remotissimè mors erit causa remissionis vel potius ejus confirmatio; Quis vero tantas ambages ferat ubi Spiritus Sanctus tam apertè loquitur? Nam si mors beneficium hoc nobis procurat tantum interventu resurrectionis, cur constanter morti tanquam propriæ & singulari causæ tribuitur, nusquam autem vel rarè admodum resurrectioni, idque non nisi respectu applicationis, at resurrectioni multò veriùs & melius competeat quàm morti ex Adversariorum hypothesi. Deinde Scriptura modum connexionis inter mortem Christi & remissionem peccatorum explicat voce *placaminis*: Rom. 111. 24. 1. Joa. 11. 2. Eph. 1. 7. quod morti quidem optimè, resurrectioni autem nequaquam possit aptari. 3. Paulus morti seorsim à resurrectione & vitæ effectum redemptionis & reconciliationis tribuit Rom. 7. 10. *si cum inimici essemus reconciliati fuimus Deo per mortem filii ejus, multò magis reconciliati servabimur per vitam ipsius*, ubi mors opponitur vitæ gloriosæ, & illi quidem reconciliatio inimicorum tribuitur, per sanguinis scilicet fusionem & oblationem corporis quæ actus fuit sacerdotalis, Sacerdotis enim est peccata expiare, Deum placare, atque ita pacem facere, isti verò conservatio & plena liberatio amicorum quæ virtutis est regiæ quam Christus in gloriosa sua exaltatione exerit. Cum ergo Scriptura constanter hoc beneficium morti Christi tribuat, nullaque ratio dari possit, cur ipsi potius quàm resurrectioni adscribendum sit ex Adversariorum sententiâ, imò magis proprium & im-

diatum sit resurrectionis effectum, inde deducitur quod nos intendimus diverso planè modò morti tribuendum esse, per viam scilicet meriti & satisfactionis.

XXV VII. Regerit hîc *Crellius*, rationes varias dari, cur morti potius quàm resurrectioni hic effectus tribuatur; 1. quia in ea summa Dei & Christi erga genus humanum adhuc impium & ipsi inimicum charitas apparuit, ideo nihil eâ aptius fuisse ad remissionem peccatorum in novo fœdere promissam, demonstrandam & sanciendam, & jus quoddam nobis concedendum, quo eam repetere à Deo & Christo queamus si ad eum conversi fuerimus. 2. quia in morte sit sancitum novum illud fœdus in quo se ad remissionem peccatorum nobis concedendam obstrinxerit Deus, idque vel *ἀπαρχῆς* ad vetera fœdera, quemadmodum humana fœdera cæso animali & sanguine fuso sanciri & confirmari solebant, & fœdus antiquum fuit sanguine stabilitum & initiatum, vel etiam quòd per mortem Christi salutis æternæ via in N. Test. primum præscripta, exemplo ejus fuerit insigniter comprobata & ut loquitur Spiritus Sanctus initiata & dedicata Heb. x. 19. 20. Atque hinc patere dicit cur Christus sanctissimum Eucharistiæ ritum non propriè ad vitæ & resurrectionis, sed ad mortis fusi que sanguinis memoriam & annuntiationem instituerit, quia eâ fœdus novum est sancitum, in quo remissio peccatorum nobis promittitur. 3. quia alludere voluerunt Scriptores S. ad varia quæ melius morti quàm vitæ & resurrectioni respondent, ut ad sanguinem fœderis antiqui & ejus asperisionem, quæ Israëlita quodammodo fœderi adscripti fuerunt. 2. ad sanguinem victimarum legalium. 3. ad voces redemptionis, acquisitionis, pretii. 4. ad ablutiones, & purgationes varias, sive in lege olim præscriptas, sive vulgares & profanas: at omnis elegantia & argutia quam eos sectari nonnunquam videmus, periret, si loco mortis, vel vita vel resurrectio Christi substitueretur.

XXXV III. Sed hîc eadem semper oberrat chorda & vel nihil dicit, vel quod pro nobis non obscurè facit. Nam quod ad prius, etsi charitas Dei ac Christi luculenter se in morte Christi exhibuerit, non facit hoc tamen, ut illi soli peccatorum remissio tribui debeat, non verò potius resurrectioni, quæ causa propria est istius beneficii, si nihil aliud est remissio quàm potens & efficax à pœna liberatio ut illi statuunt. Adde quod major est charitas peccata ipsa actu remittere, & ad cœlestis gloriæ possessionem nos vocare, quod Christus vivens & exaltatus præstitit, quàm remissioni istius & gloriæ fidem facere moriendo: Illustrissimum sane & maximum dicitur Christus in morte nobis dedisse amoris testimonium Joh. xv. 13. sed id longe alia de causa dicitur quàm ab Adversariis intelligitur; quia scilicet moriendo animam posuit pro nobis, hoc est, non tantum doctrinam suam confirmavit, sed loco ac vice nostra se substituendo pro nobis satisfecit. Secunda ratio Adversarium jugulat, nam si super morte & sanguine Christi sancitum sit novum fœdus, utique in morte solvi debuit *λύτρον* pro nobis debitum, & satisfactio justitiæ divinæ quæ fœderis istius fuit fundamentum, non potuit enim.

Deus in gratiam redire cum creatura, illamque in communionem fœderis recipere, nisi prius iustitiæ quæ peccato læsa fuerat probè litatum esset ut ostensum fuit in Disput. de Necessitate satisfactionis, ad cujus adumbrationem Deus sanguinem adhiberi voluit ad fœderis antiqui confirmationem: Exod. xxiv. Heb. ix. Verum quidem victimas etiam locum habuisse in fœderibus humanis sciendis, unde phrasis orta *ferire fœdus* à feriendis victimis ad maiorem certitudinem & perennitatem ab utraque contrahentium parte contestandam, ita feriendum esse docentes eum qui primus fœdifragus fuisset, de quo ritu vide *Livium* lib. 1. qui formulam fœderis antiquissimi inter P. R. & Regem Albanorum ic̃ti latissimè persequitur, & *Virgil.* lib. 8. *Æneid.* *Suet.* in *Claud.* cap. 35. sed à fœderibus humanis ad divinum argumentari quis velit? maximè cùm inconstantia & mutabilitas quæ in humanis facillè locum habet ab hoc quod à Deo pangitur, & in eo solo totum fundatur, procul removenda sit, ideoque sanguinem adhiberi ad constantiam hanc testandam necesse nihil fuit; Quid ergo? ad iram ejus placandam effusus est, qui finis præcipuus fuit sacrificiorum: Atque hinc patet quo sensu dicatur via per sanguinem dedicata: Heb. x. 19. non tantum quia eam suo exemplo nobis præmonstravit, sed quia eam merito suo aperuit, nam ante ejus mortem via salutis erat planè in via, *ὁπρὸς ἀβύσσου*, Justitia Dei aditum paradisi gladio suo flammeo intercludente, sed jam sanguine Christi placatâ Dei irâ omnia nobis patent, cœlum panditur fidelibus, ita ut liberè & cum fiducia eò sequi possimus Christum præcursores nostrum Heb. vi. 19. 20. Unde colligitur Christum appositisimè sacram Cœnam instituisse non in memoriam vitæ & resurrectionis, sed præcipuè mortis, quia in ea nobis dare voluit sigillum fœderis gratiæ & Sacramentum remissionis peccatorum & reconciliationis nostræ cum Deo, quod à morte Christi unicè & *ἐξ ὅλης* pendet. Tertia ratio non inscientiam tantum ejus prodit, sed & impietatem, dum in vanas argutias & elegantias sermonis convertit eas locutiones, quæ recondita proponunt mysteria, quasi S. Scriptores per merum ingenii lusum usi fuissent allusionibus absque ullo fundamento, quod quàm alienum sit à gravitate & majestàte Spiritus S. in Scriptura loquentis, piis omnibus judicandum relinquimus; Imò *τὸ πρὸς βασιλῆας* fortius argumentamur, si sanguis fœderis antiqui & sacrificia victimarum legalium ad quæ alludit Spiritus S. expiationem carnalem faciebant, si redemptio & acquisitio propriè dicta pretium & satisfactionem important, omninò necesse est Christum in morte & expiationem & satisfactionem aliquam præstitisse, ut veritas figuris, & res vocibus apprimè respondeant.

XXXIX. IV. Absur. Positâ sententiâ Adversariorum, nulla erit Justitia illa Christi quæ toties à Paulo commendatur, tanquam fundamentum justificationis nostræ, & fons omnis nostræ consolationis & spei, cùm ait per eam nos justos constitui Rom. v. 18. in eâ nos inveniri Phil. i. 11. v. 6. & esse in ipso 2. Cor. v. 21. eâ indui & tegi adversus criminationes Legis & Diaboli Rom. iv. 7. 8. Nam si

vera est ipsorum mens, Christus nil nisi exemplum nobis contulit & tota iustitia fidelis in fide & obedientiâ mandatorum divinorum consistit, ita ut fides ipsa nobis imputetur in iustitiam & reputetur per acceptilationem pro perfecta iustitia apud Deum ut *Socinus* part. 4. c. 11. fusè probare conatur; Quid verò est totum Euangelium evertere si hoc non est? si enim fides imputatur pro iustitia, falsò ergo dixerit Apostolus nos alienâ iustitiâ iustos constitui Rom. v. nos esse iustitiam in Christo non in nobis, & deprehendi habentes non iustitiam nostram quæ est ex lege, sed eam quæ est ex fide Jesu Christi, nam quis dicere sustineat fidem vel obedientiam non esse nostram? Imò quod gravius adhuc est & magis intolerandum confunditur Lex cum Euangelio, vetus Fœdus operum, cum novo gratiæ Fœdere, cum ex istorum mente utrobique per propriam obedientiam iustificemur: Nec Paulus potuit antithesim toties instituere inter fidem & opera, cum ex istis fides quæ opus Deo gratum iustificet.

XL. V. Absur. Metaphoricè & figuratè sine necessitate exponuntur quæcunque Scriptura de redemptione per Christum partâ, de pretio sanguinis, & ἀντὶ τοῦ ἁμαρτίας quod pro nobis dedit, de sponione & vadimonio ejusdem loco nostro suscepto expressè dicit innumeris in locis; Cum tamen nusquam hæc metaphora à Spiritu sancto notata sit, & verbis propriis explicata, quod necessarium erat imprimis ne in errorem periculosum incideremus, propriè interpretando quod figuratè tantum & impropriè dictum est: unde vel defecisse Spiritum Sanctum in necessariis dicendum est, & non satis suorum saluti & fidei prospexisse; quod impium est vel cogitare, vel statuendum istas omnes locutiones propriè & verè prout sonant intelligendas esse, non figuratè tantum & metaphoricè. **VI.** Si mors Christo infligi debuit ad testimonium perhibendum doctrinæ suæ de peccatorum remissione; Ergo remissio prius fuerit necesse est; Nam res ante sit oportet quàm testata fiat, rei enim existentia causa est testimonii non contra, sic mors potius effectus erit remissionis quàm remissio mortis. At Scriptura tamen dicit nos remissionem consequi per sanguinem Eph. 1. 7. Col. 1. 14. & sanguinem delere peccata nostra 1. Joh. 1. 7. Item sanguinis effusionem esse aliquid antecedens sine quo non fiat remissio: Heb. 1x. 22.

XL I. VII. Absur. *Officium sacerdotale* Christi tollitur, vel cum Prophetico & Regio confunditur; sive oblationem mortis, sive intercessionem vitæ spectes, qui duo sunt actus muneris Sacerdotalis: Nam ad priorem quod attinet cum mortuus supponatur Christus tantum ad doctrinæ confirmationem, hoc ipso mortuus erit ut Propheta, & Doctor, non ut Sacerdos: Posteriores verò non minus evertunt, Intercessionem dico, tum quia non potest statui actus propriè sacerdotalis, nisi quatenus sacrificii peracti virtute nititur, tum quia ἐν τῷ ἁμαρτίας illam nolunt ipsi peragi precibus, & repræsentatione meriti, sed assiduâ & potenti salutis nostræ curâ, quod ad Regium munus, non verò ad sacerdotale pertinet: Scio passim id discriminis ab iis statui inter hæc duo munera, ut Regno quidem pote-

statem

statem, Sacerdotio verò voluntatem nos juvandi & servandi adscribant : Sed quis sanæ mentis potestatem à voluntate tanquam duos diversos duplicis muneris actus distinguat ? An non boni Principis est, non tantum posse juvare & servare suos subditos, sed etiam ipsis bene velle ? Cum ergo discrimen illud nullum sit, patet duo hæc munia perperam confundi & posterius planè abrogari. Neque hic obstare potest quod iidem reponunt quicquid à Sacerdote expectamus, id omne ab ipso ut Rege proficisci posse, ut quod peccata expiet & purget, id enim fieri per destructionem hostium spiritualium peccati, mortis & Satanae quæ Christo ut regi tribuitur : 1. Cor. xv. 24. 25. quod afflictis promptè succurrat Heb. 11. 17. 18. id enim regii etiam esse muneris ad thronum suum accedentibus opem ferre. Nam 1. nihil obstat ut duæ causæ sociæ concurrant ad unum eundemque effectum producendum, quæ tamen eadem non sint, aut in se mutuo inclusæ. 2. Etfi varia munera Christi seorsim in variis actibus considerentur, ut Propheticum in Evangelii præconio, Sacerdotale in mortis sacrificio, Regium in Ecclesiæ & fidelium regimine, tamen plerumque in singulis actibus conjunguntur secundum varias illorum *ῥόλων*, verbi gratia, in morte Christus egit simul ut Propheta, ut Sacerdos & Rex, Sacerdos *respectu Dei*, qui placandus fuit iustitiâ perfectâ, Eph. v. 2. Rex *respectu Diaboli* qui debellandus fuit virtute & potentiâ summâ : Heb. 11. 14. Col. 11. 14. Propheta, Rex & Sacerdos *respectu hominum* qui *docendi* fuerunt hoc admirabili fidei & constantiæ exemplo, *purgandi pretioso sanguinis merito*, & *victoria ac triumpho donandi* divinâ hujus mortis & sanguinis efficacîâ Apoc. xii. Quamquam ergo ad mortem qui propriè fuit actus sacerdotalis concurrerit Christus etiam quodammodo ut Rex & Propheta, non sequitur tamen hæc munia permisceri, unumquodque enim agit quod suum est, quemadmodum in istis operationibus *θεανδρακίας* divina & humana natura pariter concurrunt ; Idem dicendum respectu intercessionis, ad eam enim Christus concurrit ut Sacerdos meritum sanguinis sui repræsentando, & simul ut Rex efficaciter illius virtutem applicando.

XLII. VIII. Abs. Denique ne plura congeramus, sequeretur unum Socinum cum pauculis suis asseclis vidisse in hoc palmario salutis articulo quod universam latuit puriorem Antiquitatem, imò cujus contrarium constanter propugnatum fuit. Nec difficile esset si Thesium ratio id pateretur, demonstrare per singula scæcula constantem fuisse hanc nostram de *Veritate Satisfactionis* in Ecclesia Orthodoxa sententiam, nec unquam nisi à Pelagianis, & maleferiatis istiusmodi hominibus vel in dubium vocatam vel negatam. Sed tempus est ut manum de tabula ponamus & disputationi huic *κατασκευαστικῇ* quæ sensim & præter mentem plus justo videtur progressa, colophonem tandem imponamus. Cum ergo ex antecedentibus constet Christum *verè Sponsorem* nostrum factum fuisse, *verè* & non metaphoricè nos *redemisse*, *verè pro nobis* & loco nostro *mortuum* esse & maledictionem factum, *verè peccata* nostra non autoritativè tantum per gratiam auferendo, sed passivè in se recipiendo *portasse*, *verè agoniam* & *desertionem pœnalem* sensisse, *verè in sacrificiis* hilasticis Vet. Test. *adumbratum* fuisse, concludamus fidenter ex

præmissis D. N. Jesum Christum θεάνθρωπον divinæ Justitiæ pro peccatis nostris verè satisfecisse ἐπεὶ ἐδίδειξαι.

Ut constet Sententiam Orthodoxam non destitui purioris Antiquitatis suffragio, paucula ex innumeris damus Veterum Testimonia, quibus liquet piam hanc de Satisfactione Christi doctrinam constanter agnitam fuisse & creditam.

Justinus Martyr qui floruit circa ann. C. 150. Dialo. cum Tryphone Judæo pag. 177.

Τὸ τὸ ἐκείνῳ τὸ σωτήριον λῆττον ἢ ὃ εἶπετο τοῖς μεταγνώσκουσιν καὶ μηκέτι αἱματίνων καὶ θροβάτων, ἢ ποτοῦ δαμάλεως, ἢ σιμιδάλεως περισφοαῖς καθαρίζομενες, ἀλλὰ πίσει διὰ τῆς αἱματὸς τοῦ Χριστοῦ, ἐξ ὁσίων αὐτοῦ, ὅς διὰ τὸ ἀπέθανεν ὡς αὐτὸς Ἡσυχίας ἔφη. &c. Hoc illud salutare lavacrum fuit, quod eos est consequutum qui pœnitentiam egerunt; neque amplius hircorum & ovium sanguine, aut vitula cinere, similare oblationibus sunt expiati, sed fide per sanguinem Christi & mortem ejus, qui ea ipsa de causa mortuus est quemadmodum Isaias dicit &c. ubi cùm expiatio facta dicatur non per sanguinem hircorum & ovium, sed per sanguinem Christi & mortem ejus qui ea potissimum de causa mortuus dicitur, ut fusè idem Author ibid. probat ex C. LIII. Isaiæ, satis ex eo liquet Christi Satisfactionem connotari quæ in expiatione necessariò includitur. Hoc ipsum verò luculentiùs probat pag. 252. ubi disertè habet Deum voluisse Christum omnium maledictiones in se recipere, quod fieri nequaquam potuisset, nisi ipse omnium loco substitutus, eorum pœnas revera tulisset, εἰ ἔν καὶ τὸν αὐτὸς χρεῖσθαι ὑπὲρ τοῦ ἐν παντὸς γένους ἀνθρώπων ὁ πατὴρ τοῦ ὅλων τὰς πάντων κατὰρας ἀναδέξασθαι ἐβελήθη εἰδὼς ὅτι ἀναστήσει αὐτὸν σαυρωθέντα καὶ ἀποθανόντα &c. Si ergo Deus rerum universarum parens, Christum suum ex omni mortalium genere omnium maledictiones excipere voluit, sciens quod eum crucifixum & mortuum suscitaturus esset &c.

Tertullianus qui sub finem secundi seculi vixit.

Lib. adversus Judæos c. 13.

Christum oportebat pro omnibus gentibus sacrificium, qui tanquam ovis ad victimam ductus est, & velut agnus coram tondente se sine voce, sic non aperuit os suum.

Origenes Adamantius qui circa annum 230. floruit.

Homil. IV. in Numer.

Si non fuisset peccatum, non necesse fuerat Filium Dei agnum fieri, nec opus fuerat eum in carne positum jugulari, sed mansisset hoc quod erat in principio, Deus Verbum. Verum quoniam introiit peccatum in mundum, peccati autem necessitas propitiationem requirit, & propitiatio non fit nisi per hostiam, necessarium fuit provideri hostiam pro peccato.

& in Matt. c. 16. tract. 11. Homo quidem non potest dare aliquam commutationem pro anima sua, Deus autem pro animabus omnium dedit commutationem

nem pretiosum sanguinem filii sui; Nec enim empti sumus corruptibili argento vel auro, sed pretioso sanguine agni immaculati.

Cyprianus qui Martyrio coronatus est circa annum 258.

Epist. 63. ad Cæcil. parag. 9.

Nos omnes portabat Christus, qui & peccata nostra portabat.

Idem de Passione Christi.

Causam mortis in te, Christum alloquitur, non esse Pilatus ipse prædixerat, & Caiphas mortem tuam pro inimico populo satisfacturam, cum esset anni illius Pontifex, prophetaverat, & mox, Cum originali morti nullum nisi in Christi morte potuerit esse remedium, nec reconciliare Deo potuerit exules & damnatos quælibet oblatio, nisi sanguinis hujus singulare sacrificium.

Eusebius Cæsariensis qui tempore Constantini Magni vixit.

Lib. x. de demonstra. Euangel. c. 1.

Γέγονε γάρ ὑπὲρ ἡμῶν κατάραι ὁ αἰνὸς ὁ θεὸς ὁ αἰῶν τὴν αἰμαρτίαν ὅς κότε, ὃν καὶ μὴ γνόντα αἰμαρτίαν ὁ θεὸς ὑπὲρ ἡμῶν αἰμαρτίαν ἐποίησεν ἀντίψυχον ὑπὲρ πάντων ἡμῶν παρέρχου· αὐτὸν ἵνα ἡμεῖς ἡγιασθῶμεθα δικαιοσύνη θεῷ ἐν αὐτῷ. Factus est ergo pro nobis Execratio Agnus Dei qui tollit peccatum mundi, quem, etiamsi non novisset peccatum mundi, peccatum pro nobis fecit Deus, loco omnium nostrum vicarium eum substituens ut effemus iustitia Dei in ipso.

Et paulo post clarius hoc ipsum argumentum exequitur cum addit ὁ μόνον δευτερεύων παράξας ὁ αἰνὸς ὁ θεὸς, ἀλλὰ καὶ ὑπὲρ ἡμῶν κολαθεῖς καὶ τιμωρίαν ὑποχρῶν ἦν αὐτὸς μὴ ἐκ ἀφειλεν, ἀλλ' ἡμεῖς ὅς πληθὺς ἐνεκεν τῇ πεπλημμελημένων, ἡμῖν αἰτίᾳ τῇ αἰμαρτημάτων ἀφέσεως κατέστη, ὅτι ὑπὲρ ἡμῶν ἀναδέξαμεθα θάνατον μάστιγος τε καὶ ὕβρεως ἐκ ἀπειρίας ἡμῖν ἐποφειλομένης εἰς αὐτὸν μεταθείς, ἐπὶ ἡμῖν περισπλημμελῶν κατάραι ἐφ' αὐτὸν ἐκλύσας, γενόμεθα ὑπὲρ ἡμῶν κατάραι. Non solum verò hac agens Agnus Dei, autor remissionis peccatorum nobis factus est, sed & pro nobis supplicio & pœna affectus, quam ipse non debebat, sed nos propter multitudinem peccatorum nostrorum; tum loco nostro mortem suscipiens & in se ipsum transferens flagra, injurias & ignominias nobis debitas, & ad se irahens maledictionem nobis paratam factus pro nobis maledictio.

Athanasius Episcopus Alexandrinus qui sub Constantino floruit circa ann. 340.

De Incarnatione Verbi Dei. p. 52.

Θανάτου γὰρ ἦν χρεία, ἐπὶ θανάτου ὑπὲρ πάντων ἔδει γενέσθαι ἵνα τὸ πᾶσι πάντων ὀφειλόμενον γενήσῃ ὅθεν ὡς παρέρχον ὁ λόγος ἐπὶ ἐκ οὗτοι τε ἦν αὐτὸν ἀποθανεῖν (ἀθάναι· γὰρ ἦν) ἐλαβεν ἑαυτῷ σῶμα τὸ δυνάμενον ἀποθανεῖν ἵνα ὡς ἴδιον ἀντὶ πάντων αὐτὸ παρέρχῃ &c. & ibid. p. 66. ἐπὶ τοῖς τῷ θανάτῳ τρόποις ἡ σωτηρία πᾶσι γέγονε ἐν κλίσις πᾶσα λελύτρωται; ἐπὶ ἐν ἡμῶν ζωῇ, ἐν ὡς παρέρχον ὑπὲρ πάντων σωτηρίας ἀντίψυχον τὸ ἑαυτῷ σῶμα εἰς θάνατον πᾶσι δέσιν &c. Morte enim opus fuit & mortem pro omnibus inferri necessum erat, ut quod ab omnibus debitum erat lueretur; Quam-

obrem, ut dixi, Verbum quoniam mori non potuit utpote immortale, corpus sibi sumpsit quod mori poterat, illudque ut suum pro omnibus obtulit &c. Et alibi p.66. Hoc mortis genere omnium salus parata est, & omnis creatura redempta; Hæc est omnium vita, & ut ovis pro omnium salute, vicarium succedaneumque suum corpus in mortem tradidit &c. id ipsum fusè in eodem loco variis rationibus persequitur.

Basilius Magnus Archiepiscopus Cæsariensis in Cappadocia qui Valente imperante floruit an. 370. & sub Gratiano obiit.

Homil. in Ps. 48. qui Hebr. 49.

Εὐρέθη ἓ, ὁμῶς πάντων ἀνταΐσιον, ὃ ἐδόθη εἰς τιμὴν λυτρώσεως τῆς ψυχῆς ἡμῶν, τὸ ἀγνόν & πολύτιμον αἷμα τοῦ Κυρίου ἡμῶν Ἰησοῦ Χριστοῦ. Inventum est unum ceteris omnibus prestantius pretium quod datum est in redemptionem anima nostra, sanctus & pretiosus sanguis Domini nostri Jesu Christi.

Ambrosius Mediolanensis Episcopus qui Gratiano & Theodosio Imperantibus vixit ann. 374.

Lib. de Joseph, Patriar. c. 4.

Venditus est Joseph in Ægypto quia Christus venturus erat ad eos quibus dictum est Peccatis vestris venditi estis. Et ideo suo sanguine redemit quos propria peccata vendiderant. Sed venditus Christus conditionis susceptione non culpæ, peccatique pretio non tenetur, quia peccatum ipse non fecit. Pretio igitur nostro debitum, non suo ære contraxit, chirographum sustulit, seneratorum removit, exemit debitorem, unus exsolvit quod ab omnibus debebatur.

Et li. de Esau. seu fuga seculi c.7.

Deus ideo suscepit carnem, ut maledictum carnis peccatricis aboleret, & factus est pro nobis maledictum ut benedictio absorberet maledictionem, integritas peccatum, indulgentia sententiam, vita mortem, suscepit enim mortem ut impleveretur sententia, satisficeret iudicato per maledictum carnis peccatricis usque ad mortem. Nihil ergo factum est contra sententiam Dei, cum sit divina conditio impleta sententia. &c.

Et li. III. de Virgin. sub finem.

Eramus oppignerati malo creditori peccatis; contraximus chirographum culpæ, pænam sanguinis debebamus. Venit Dominus Jesus suum pro nobis sanguinem obtulit; Et mox Ergo & te dignum gere tali pretio, ne veniat Christus, qui te mundavit, qui te redemit, & si te in peccato invenerit, dicat tibi, Quæ utilitas in sanguine meo? Quid profert tibi dum descendo in corruptionem? &c.

Augustinus qui in initio V. Seculi vixit

Lib. 14. contra Faustum Manichæum c. 4.

Suscepit Christus sine reatu supplicium nostrum, ut inde solveret reatum nostrum, & finiret etiam supplicium nostrum.

Enarratio in Ps. 95.

Tenebantur homines captivi sub diabolo, & dæmonibus serviebant, sed redempti sunt à captivitate. Vendere enim se potuerunt, sed redimere non potuerunt.

runt. Venit Redemptor, & dedit pretium, fudit sanguinem suum, & emit orbem terrarum: Quæritis quid emerit? Videte quid dederit, & invenite quid emerit; Sanguis Christi pretium est. Tanti quid valet? Quid nisi totus orbis? Quid nisi omnes gentes? &c.

Et Serm. 141. de Tempo.

Dominus noster Jesus Christus communicando nobiscum sine culpa pœnam, & culpam solvit & pœnam. &c.

Idem lib. 4. contra duas Pelagianorum Epistolas. c. 4.

Sicut solus ideo factus est hominis filius, ut nos per illum Dei filii fieremus: Ita solus pro nobis suscepit sine malis meritis pœnam, ut nos per illum sine bonis meritis consequeremur gratiam. Quia sicut nobis non debebatur aliquid boni, ita nec illi aliquid mali, &c.

Leo Magnus qui tempore Theodosii Junioris florebat an. 440.

De passi. Serm. XIII.

Quamvis in conspectu Domini multorum sanctorum preciosa mors fuerit, nullius tamen infantis occisio propitiatio fuit mundi. Acceperunt justi, non deriderunt coronas, & de fidelium fortitudine exempla nata sunt patientiæ, non dona justitiæ. Singulares quippe in singulis mortes fuerunt, nec alterius quispiam debitum suo funere solvit, cùm inter filios hominum solus Dominus noster Jesus Christus extiterit, in quo omnes crucifixi, omnes mortui, omnes sepulti, omnes etiam sunt suscitati.

Anselmus qui Cantuariensis Archiepiscopus factus est ann. D. 1093.

Lib. de Concepti. Virgi. & pecca. Orig. c. 21.

Dicit aliquis, si non habent singuli peccatum Adæ, quomodo asseris nullum salvari sine satisfactione peccati Adæ? Nam qualiter justus Deus exigit ab illis satisfactionem quod non habent? Ad quod dico, Deus non exigit ab ullo peccatore plus quam debet; sed quoniam nullus potest reddere quantum debet, solus Christus reddidit pro omnibus qui salvantur, plus quam debetur.

EPI M E T P A R E S P O N D E N T I S.

I. *An in probanda S. Scriptura committamus Circulum, an verò Pontificii? N. prius. A. posterius.*

II. *An Dei Decretum & Concurfus tollat contingentiam rerum vel eum peccati auctorem faciat? N.*

III. *An Christus sit unicus noster Mediator? A.*

IV. *An Paulus de se ut regenito loquutus sit in postrema parte capitis septimi Epistolæ ad Rom. ? A.*

V. *An verba S. Cænæ, Hoc est corpus meum tropicè sint intelligenda, an literaliter? A. Prius N. Posterius.*

VI. *An decretum synodi Hierosolymitana fuerit perpetui Juris? D.*

VII. *An quis bonâ conscientia Pontificiorum Sacris interesse possit? N.*

DISPUTATIO DECIMA.

Quæ Octava est

D E

SATISFACTIONIS
CHRISTI VERITATE.*Respondente JOHANNÉ MELONO Syiacensi Aquitano.*

T H E S I S P R I M A.



U A M V I S absolutâ priori & potissimâ Disceptationis, quam institueramus, parte, quæ circa Orthodoxæ sententiæ κατηχολὴν versatur, animus non esset ulterius progredi ad ἀνακρίσειν argumentorum, quibus οἱ ἐξ ἐναντίας salutarem hanc veritatem eunt oppugnatum, ne terminos thesium videremur prætergredi. Quando tamen hoc etiam non ingratum fore cognovimus, pio studiosorum desiderio satisfacere non gravamur, & præcedentibus disputationibus hanc etiam attexere, quæ præcipuorum sophismatum, quibus hac in parte uti solent hæretici, solutionem aperiat.

II. Cùm verò multiplici argumentorum genere pugnent, quo facilius & clariùs procedat tota hæc velitatio, ad sex capita ea revocamus. Primò enim contendunt *Satisfactionis* doctrinam ἀγχαφει esse quæ nec expressè, nec æquipollenter in Scriptura tradatur, 2. esse *impossibilem* ratione Dei Judicis cui satisfaciendum fuit, 3. ratione *Christi* satisfaciensis, 4. ratione *pænæ* quæ ad satisfactionem requiritur, 5. ratione *hominum* reorum, pro quibus satisfactio fieri debuit, 6. denique varia absurda gravissima inducere. Itaque si semel demonstraverimus nec inauditam in Scriptura, multo minus illi adversam esse, nec impossibilem vel à parte Dei, vel Christi, vel pænæ, vel hominum ipsorum, si nihil absurdi post se trahere probatum fuerit, causæ nihil erit cur admitti non possit & debeat.

III. Primò Ergo à *Scriptura silentio* argumentantur: Quæcunque doctrina, inquit, nec expressè & totidem verbis in Scriptura traditur, nec terminis æquipollentibus, falsa est & erronea, quia nobis cum scriptura loquendum est & cum ea tacendum: At nec satisfactio nec quidquam quod satisfactioni æquipolleat, in scriptura docetur; Ubi enim legas Christum pro nobis satisfacisse? omnem pœnam justitiæ Dei pro nobis persolvisse? peccata nostra in se ut vadem derivasse

vassè & cætera ejusmodi quæ satisfactioni respondent? Rationem hanc urget imprimis *Christoph. Ostorod.* Instit. c. 35. & *Cateche. Racovi.* c. 8. de morte Christi q. 14. *istius opinionis* (nostram intelligit) *assertores nunquam perspicuas scripturas afferunt, ad probandam istam opinionem, verum quasdam consecutiones nectunt, quibus, quod afferunt, efficere conantur, quas admittere æquum est cum scripturis necessario adstruuntur, ita ubi scripturis repugnant, eas nullam vim habere certum est.*

IV. Respondeo 1. ad major. peccati insufficienti enumeratione, res enim aliqua potest esse in Scriptura, non tantum expressè & *ωτολεξή* vel explicitè, & *καὶ ἰσθυναίαν*, sed etiam implicitè & *ἡ συνακολουθίαν*: sane quod nullo modo in Scriptura traditur, meritò suspectum esse debet, imò tanquam falsum & adulterinum explodi, at quod non extat quidem *ωτολεξή* & *ἡ τὸ ῥητὸν*, sed *ἡ ἡ διανοίαν* vel *aquipollenter*, vel *consecutivè*, necessariâ, proximâ & evidenti consequentiâ, non continuò erroris potest argui, non minus enim de Scriptura esse censetur, quàm id quod totidem verbis in ea traditur, *nec enim*, ut bene olim Hieronymus in Cap. 1. Gal. in *verbis Scripturarum est Evangelium, sed in sensu, nec in superficie, sed in medulla, non in sermonum foliis, sed in radice rationis.* Imò cùm norit Deus quid ex dictis suis legitimè colligi possit, eo ipso dixisse censendus est quicquid ex Verbo suo necessariò & evidenter colligitur. Atque huc pertinet utilissimus aphorismus Gregorij Nazianzeni qui disputans adversus Pneumatomachos, Spiritus Sancti divinitatem nullo Scripturæ loco proditam vociferantes, de Scripturæ more & usu agit his verbis Oratione xxxvi 1. *τὰ μὲν*, inquit, *ἐστὶ λέγει, τὰ δὲ, τὰ δὲ ὄντα, ὃ λέγειται, τὰ δὲ ὅτι ἐστίν, ὅτι λέγειται, τὰ δὲ ἀμφοῖν ἔστι, καὶ λέγειται, Rerum alia non sunt, sed dicuntur*, ut cùm Deus dicitur in Scriptura dormire, & alia cùm sint minimè dicuntur, ut ingenuus *ἀναρχος*, & alia nec sunt nec dicuntur, ut improbus Deus, homo non compositus, alia & sunt & dicuntur, ut Deus, homo, Angelus. Sic licet voces ipsæ quibus utimur ad explicandum aliquod mysterium non extent, modò res ipsæ vel aliis verbis, vel consecutivè ex Scriptura colligantur, sufficit: Nec alia fuit praxis Christi & Apostolorum, qui sæpissimè per consequentias dogmata varia demonstrant, ut resurrectionem mortuorum, Matt. xxii. v. 29. ex Exod. iii. v. 6. & præcipuum totius Evangelij articulum, Jesum Mariæ filium, esse Messiam illum in V. T. patribus promissum passim in libr. Act. & Epist. Apost. hoc enim totidem verbis non habetur in V. Test., sed per Consequentias tantum elicitur: Non alia Patrum veterum, qui ad imitationem Christi & Apostolorum consequentiis ex Scriptura in confutandis hæreticis passim usi leguntur, nam ut isto stratagemate plerumque utebantur hæretici in hæresibus suis defendendis ut exigenter à patribus probationes ex Scriptura *ωτολεξή* deductas, ut de Arianis, Macedonianis & aliis probari facilè posset; Ita methodus illa velut absurda & inutilis à patribus semper fuit explosa, vide *Tertullian*, lib. de *specta*, c. 3. *Athan.* de *Syn. Arimi.* & *Seleus.* & de *decre. Syn. Nic.* & *Dial. contr.*

Macedon. T.2. Atha. qui tamen *Maximo* ab Eruditis tribuitur; Adde *Gregor. Nazianz.* orat. 37. ubi egregiè perstringit hærentes syllabis & literis, & elegantissimo elogio istos vocat alphabetarios sophistas, *συκοφάντας ἑνομάτων*, & inquit eos *συλλαβῆς ἀκολοθεῖν καὶ ἀφῆναι τὰ πράγματα*, innuitque se potius respicere τὰ νοήματα, quàm τὰ λεγόμενα: Et *Maximum Monachum* qui solidè hoc ipsum argumentum aliquot orationibus exequitur præsertim oratione *πρὸς τοὺς κελθόντας μὴ πειθεῖν*, *Augustin.* epist. 174. & lib. 3. contra Maximinum c. 3. Maximino improbiùs flagitanti ut disertis ac nudis scripturæ verbis probaret Spiritum Sanctum esse adorandum: *quasi non ex iis*, inquit, *quæ legimus, aliqua etiam quæ non legimus intelligamus*, quibus & ista Chrysostomi consentanea sunt tom. 7. in 1. Cor. λέγεται γὰρ *γενεσθαι, καὶ ὅταν μὴ διὰ τῶν ῥημάτων, ἀλλὰ δι' αὐτῶν τῶν πραγμάτων κείμενα ἢ διὰ τῶν ἱστορίων ἢ ὅταν αὐτὸ μὲν νόημα κείμενον ἢ μὴ ἐπ' αὐτῶν ἢ τῶν ῥημάτων*: *dicitur enim scriptum esse etiam quando non verbis, sed rebus ipsis sita fuerunt in historiis, aut quando ipse quidem sensus fuerit positus, sed non ipsis iisdem verbis.*

V. Ex quibus, ut hoc obiter dicamns, luculenter colligitur, quàm absurda sit & ludicra illa nova & syllabica Sophistarum disputandi ratio, quàm à veteribus hæreticis desumptam, infœliciter hoc nostro seculo renovarunt post *Cardin. Peronium*, *Guntherius*, *Veronius*, *Regurtius Jesuita*, *Vallenburchii* fratres, alique istiusmodi agyræ & Circulatores, quæ putant se de nostris posse faciliè triumphare si petant expressa loca Scripturæ quæ dicant v.g. Pontificem Rom. esse Antichristum, Missam non esse sacrificium *ἱλαστικόν*, non dari purgatorium, &c. Sed ut jam olim à Patribus profligatum est hoc hæreticorum vanissimum commentum, ita & nunc à nostris non semel jam confutatum est solidissimè; utpote quod non modo Scripturarum sacrarum & veterum Patrum praxi repugnet, omnem usum sive theoreticum sive practicum Scripturæ tollat, hominem homine exuat, sed & arma atheis derisoribus, & quibuscumque hæreticis subministret ad fidei mysteria convellenda. Neque sic tamen putandum nos sufficientiæ & perfectioni scripturarum quidquam detractum ire, nam & de Scriptura esse dicimus, quidquid vel explicitè vel implicitè in ea continetur, & perfectio hæc ad dogmata ipsa propriè pertinet, non verò ad voces ipsas est extendenda, quas liberum & integrum Ecclesiæ fuit semper excogitare ad explicandas res ipsas Scripturis, contentas adversus novatorum & hæreticorum fraudes & corruptelas: Fatemur Ecclesiam potuisse vocibus istis, quæ in scriptura non comparent *absolutè* carere contentam rei veritate prout in scripturis proponitur, nec de iis contendendum anxie putaremus, modo res ipsa vocibus expressa arctè retineretur, ut bene observat *Calvinus* noster lib. 1. Instit. c. 13. Verùm *relatè* ad hæreticos quorum fraudes & præstigiæ patefaciendæ erant & latebræ excutiendæ, prudenter olim repertæ & utiliter hæcenus sunt usurpata ad saniores doctrinam ab ipsorum cavillis tum secernendam tum vindicandam: nam si in confessionibus fidei & formulis consensus nulla adhiberentur verba, nisi quæ in Scriptura extant, discerni non possent fideles ab

infidelibus qui Scripturam admittunt : Sed id semper cavendum est , ut , si verba mutantur res tamen eadem semper maneat : Ita in argumento de quo agimus, etsi vox ipsa *Satisfactionis* vel meriti Christi ut & vox *Trinitatis*, & ὁμοσις non expressè legatur in Scriptura, rejici tamen non debet quasi planè ἀγερφθ, quum & res ipsa clarissimè in ea contineatur, & phrasæ aliæ sint & voces æquipollentes plurimæ ex quibus non minus certè & perspicuè eadem veritas eruitur : Quid enim sibi vult Scriptura cum toties testatur Christum esse sponsores nostrum, ἰλασµόν & ἀντίλυτρον qui peccata nostra portavit & propter iniquitates nostras traditus est, qui factus est peccatum & maledictio pro nobis, qui suo sanguine nos redemit, & pro nobis ac loco nostro mortuus, ut ex ejus vulneribus sanatio nobis extaret, quid, inquam, hisce & innumeris aliis phrasibus hujusmodi sibi vult Scriptura, si satisfactionem veram & propriè dictam Christi non docet ? Sed quia hæc in antecedentibus jam excussa sunt, non opus est ut actum agamus, hoc tantum notamus, nostros Satisfactionis voce usos esse magis, quia cum Pontificiis humanas satisfactiones asserentibus res ipsis erat, qui ideo mutuata à pontificiis voce satisfaciendi vim soli Christo adscripserunt.

VI. 2. Agnoscimus cum Adversariis distinguendas esse consequentias quæ educuntur ex Scripturis *necessarias* & *evidentes* ab *obscuris* & *probabilibus*, *proximas* à *remotis*, ἐμφύτες & *innatas* à *violentis* illatis & *πεισιόκτοις*, & illas tantum, non has esse recipiendas, sed negamus secundi ordinis esse consecutiones illas quas ad mysterii hujus probationem elicimus, imò *necessarias* & *proximas* ac *evidentes* esse pertendimus ; nam si Christus nos à maledictione redemit ipse factus pro nobis maledictio, quid clarius est quàm loco nostro satisfecisse, & eas quas commerriti eramus pœnas tulisse, si se dedit ἀντίλυτρον pro nobis, si proprio sanguine nos redemit, si habemus ἰλασµόν in ejus sanguine, quid proclivius est quàm inde colligere Christum pretium illud quod debebatur Justitiæ divinæ pro nobis persolvisse & subrogatione sui in locum nostrum factâ, ut in victimis olim fieri solebat, nostram redemptionem obtinuisse : ita ex aliis facile est ostendere, tantum abesse ut consequentiæ istæ repugnent Scripturæ, ut falsò clamitant adversarii, ut apertissimè & maximè propriè ex iis educantur.

VII. 3. Κατὰ τὸ βίαιον si omnes phrasæ & terminos quibus articuli fidei explicantur in scripturis καὶ τὸ γράμμα extare oportet, nihilque necessarium sit ad salutem & de fide, quod in Scripturis de verbo ad verbum non extet ut *Smalcus* asserit contra *Graverum*, cadunt multi articuli religionis Socinianæ : ostendant enim nobis ubi legatur Christum Servatorem tantum exemplarem esse, Redemptionem ejus metaphoricam, mortem esse sequelam naturæ, non pœnam peccati, ubi sit vox *acceptilationis*, qua in hoc mysterio tam frequenter utuntur & alia id genus. 4. Etsi hoc vocabulum totidem syllabis scriptum legeretur, nondum tamen satisfactum esset impietati Socinianæ, nec adversarii à præconcepta opinione recederent, sed suis etiam glossematibus istud corrumpere & eludere conarentur, quod

in aliis phrasibus ejusdem generis factum; Nam qui τὸ ἀπολύτῳν & ἀπολύτῳσιν, ἀντὶλυτῶν, ἰλασμὸν, κατάραν variis sophisticationibus enervare satagunt, quid ni pariter satisfaciendi & satisfactionis verbum depravarent? Et ne de eo dubitemus, audiamus Socinum ipsum, quem non puduit hæc verba effutire, lib. 3. de Serva. c. 2. *si vel unus saltem locus inveniretur, in quo satisfactionis pro peccatis nostris Deo per Christum exhibitæ mentio fieret, excusandi fortasse viderentur. Ego quidem etiamsi non semel, sed sæpe in sacris monimentis scriptum extaret, non idcirco tamen ita rem prorsus se habere crederem.* Eant ergo qui proprias & expressas voces hîc requirunt, quando ne quidem se Scripturæ credituros profitentur licet apertè & expressè loqueretur, quis fucum & fraudem non animadvertat, quis impietatem non execretur? quæ scripturam procul esse jubet, ut ratio sola iudex & norma fidei hîc sedeat: sed nos non sic didicimus Christum.

VIII. II. Obj. ex parte Dei impossibilem esse Satisfactionem ex eo probare conantur, quod Deus proponatur passim in Scriptura ut condonans gratis & misericorditer peccata omnia nostra; Jam si remittit gratis, inquirunt, quomodo satisfactionem vel postulare vel admitteret, quid remissioni magis contrarium quàm vera & plena satisfactio: Si respondeas invicem quidem pugnare Remissionem & Satisfactionem, sed tum demum cùm ab eo satisfactio proficiscitur, qui remissionem vel consecutus est vel consequi debet, posse autem optimè consistere, cùm uni remittitur, alius verò pro eo satisfacit, regerunt inanem esse remissionem; 1. illi non posse dici debitum remitti pro quo datur qui plenè satisfaciatur, quid enim opus remissione ubi nullum amplius debitum est, nullum autem esse amplius debitum, ubi jam plene pro eo satisfactum est, 2. ut debitum remittatur non satis esse debitorem, quamvis ipse nihil solverit, liberari, sed necesse esse obligationem illam solâ creditoris liberalitate omnino extingui, ut jam nec ipse debitor, nec alius ejus loco substitutus creditori quidquam pendere debeat, 3. si alius debitum in se transferat, commutatum quidem bene dici debitorem, sed non posse dici debitum remissum, quando ad ultimum usque quadrantem creditor recepit quod debebatur, 4. si Christus loco nostro solvit, in eo & cum eo nos solvisse censerî, at si solvisse censemur, non jam ex gratia diceretur Deus peccata remittere, sed ex justitia, quia injustum esset apud Deum solutione semel præstita nos non absolvere. 5. nos Pontificios solere refellere qui gratiam & remissionem peccatorum cum satisfactionibus suis conciliant, hoc potissimum nomine, quod hæc simul stare non possint, non posse ergo hîc duo hæc benè conjungi; sic arguitur Socinus de Serva. lib. 3. c. 2. & Crelli. cont. Grot.

IX. Sed has profanorum hominum vitiligationes non difficile est refellere. 1. per concessionem fatemur nos solâ Dei gratiâ & mera misericordia nostri respectu salvari, adeoque per veram & propriè dictam peccatorum remissionem, sic enim fœdus legale ab Evangelico distinguitur, in illo siquidem in nobis propriâ obedientiâ fœlicitatem consequi debuimus ex justitia Dei, in isto vero salutem in alio

alio obtinemus ex gratia. Sed negamus tamen inde sequi non posse nos satisfactione Christi salvari; peccatur enim *Elench. opposit.* opponuntur hîc tanquam contraria & ἀντιδιηκνύμενα, quæ componenda sunt ut subordinata, *gratia Dei & pretium à Christo persolutum, remissio & satisfactio*: Fateor quidem si respectu *eiusdem* & ad idem referantur, aliquam esse contrarietatis speciem, neque enim gratiâ potest dici salvari qui proprio merito salutem obtinet, nec remissio illi fieri censetur qui solutionem debiti in propria persona præstitit: at si de diversis dicantur, ita ut gratia fiat debitori, pretium verò vel satisfactio exigatur à Vade, tantùm abest ut se mutuò tollant, quin potius necessariò se ponunt, potissimum ubi agitur de Iudice qui & summè sit misericors & summè iustus, qui non possit proprietatem alteram cum dispendio alterius explicare, quod hîc etiam factum videmus; nam ut gratia fieret nobis, pretium exactum fuit à Christo, & ut possent remitti nobis peccata nostra, pro nobis ille satisfacere debuit; Unde Scriptura hæc duo tanquam indivulso nexu conjuncta passim proponit, *gratiam Patris, & justitiam seu redemptionem Filii*, justificationem nostram seu remissionem peccatorum à Deo nobis indultam, & satisfactionem seu pretium à Christo persolutum, ut sub lege expiatio peccati per victimas facta conjungitur cum remissione ejusdem, quæ peccatori concedebatur, *expiabit eum sacerdos & remittetur ei*, Lev. 17. 5. sic nihil frequentius in Scriptura occurrit quàm Christum se ipsum pro nobis ἀντὶ πάντων dedisse, & tamen nos gratiâ salvari, unde missio & passio Christi pro nobis præcipuus dicitur esse dilectionis divinæ effectus, Joan. 111. 16. Rom. v. 8. 1. Joan. 17. 9. & locus est imprimis illustris, Rom. 111. 24. 25. ubi utrumque conjungitur *justificamur gratis gratia Dei per redemptionem quæ est in Christo, quem Deus præstituit placamentum in ejus sanguine per fidem*. Vides, ut justificatio gratuita non opponatur, sed componatur & subordinetur redemptioni & pretio per Christum soluto. Itaque *gratia Dei* quum prædicatur in negotio salutis excludit tantùm *merita & opera nostra*, quæ nulla dari possunt ubi illi locus est, non verò Justitiam & satisfactionem Christi, quâ magis stabilitur & efficax redditur.

X. Frustra verò adversus hanc responsionem nostram reponunt, 1. non posse dici debitum remitti quod planè solutum est & pro quo datur qui plenè satisficiat; Quia aliud est loqui de *rebus*, aliud de *personis*, aliud de *debito pœnali* seu *reatu personali*, ut aliter judicabant Judæi כְּדֵי כִכּוֹנוֹת in *litibus pecuniariis*, aliter כְּדֵי נַפְשוֹת in *litibus animarum* seu criminalibus. In rebus pecuniariis perinde est à quocumque solvatur debitum, sive à debitore ipso, sive à sponfore fiat solutio, sufficit ad liberationem ut alius id ipsum quod in obligatione erat, solvat, nec creditor dici potest remittere, si ipsi semel solutio fuit præstita, & hæc solutio talis est, quæ ipso facto reum vel debitorem liberat, quia illud ipsum solvitur quod est in obligatione: Sed longè aliter de *reatu* seu *debito pœnali* judicandum est, illud enim est *personale*, quod ex rigore legis personam ream efficiendo pœnæ eam subijcit; Ideoque ad id ut ipso facto reus liberetur non sufficit ut alius pro ipso solvat, si-

quidem in obligatione est pœna illius qui peccatum commisit, & *noxæ caput sequitur* nisi accedat indulgentia iudicis; si ergo ista pœna non infligatur ipsi reo, sed in alium quempiam transferatur, & si iudex solutionem illam ab alio præstitam, quam non tenetur admittere, sed ex rigore juris recusare potest, in gratiam Rei acceptat & admittit, nonne rectè eo sensu & satisfactionem à Vade recipere, & simul pœnam peccatori & Reo remittere dicitur, debitum exigere & tamen personæ debitrīci parcere, quatenus alium in ejus locum subrogari ex mera misericordia passus est? Ita nihil obstat quominus Christus id ipsum quod debebamus solverit, & tamen Pater nobis semper ex gratia peccata remittat, quando non modo vadem & sponsoem qui satisfaceret ipse de suo dare voluit, non à nobis expectare, sed etiam solutionem ab ipso præstitam liberè acceptare, & nobis absque ullis meritis nostris imputare dignatur, ut hîc habeamus semel & simul *legis impletionem & relaxationem*, opus gratiæ & justitiæ, solutionem debiti & ejus condonationem, lex impletur quia solvitur pœna lege sancita, sed relaxatur quia non solvit præcisè is qui debebat, sed alius, justitia est quod peccatum puniatur, gratia quod peccatori parciatur, solutio est quia pretium datur & ἀντίλυτρον justitiæ divinæ perfectè respondens, remissio verò quia nihil tale à delinquente exigitur, prius in Christo, posterior in nobis locum habet. Porro cum legis aliquam relaxationem urgemus, non admittimus *acceptilationem* Socinianam, nam acceptilatio solutio est imaginaria tantum, & fictio juris quâ acceptum fertur quod quisolvere tenebatur, perinde ac si vera intervenisset solutio, at nos veram solutionem à Christo esse datam antea probavimus.

XI. Neque hîc putandum per relaxationem istam Deum aut *mutabilitatis* aliquis argui, aut *peccati*; Nam ad prius quidem quod attinet, quamvis diversissimi sint voluntatis divinæ effectus, non potest tamen mutabilis dici, quia hos ipsos effectus ex decreto suo immutabili producit, ita enim ab æterno immutabiliter apud se constituerat dispensationis suæ rationem in hoc vel illo mutare; mutaretur sanè si cum mutatione effectuum mutaret voluntatem, sed cum eadem semper sit & immota, ne mutationis quidem umbra in eo deprehenditur. Posterior verò multò minus illi potest tribui, nam etsi justitia ex qua nascitur pœnarum retributio sit Deo naturalis ac proinde immutabilis, exercitium tamen istius justitiæ liberum est & à sapientia determinatur diversimodè in iis scilicet quæ sunt *juris positivi*: Nam quædam sunt *juris naturalis* & indispensabilis ut pœnam peccato omni deberi, quædam verò *juris liberi*, ut peccatorem omnem in propria persona plectendum esse: sic relaxabiles non sunt leges scelus prohibentes, vel quæ ex irrevocabili aliquo decreto fluunt, qualis est hæc de damnandis impœnitentibus, sed leges pœnales in quibus irrevocabilis decreti nota non apponitur, quæque in jure positivo aliquo modo fundantur, si non quoad rem ipsam, saltem quoad modum & circumstantias, dispensationem aliquam admittere possunt juxta Dei bonitatem & sapientiam.

XII. Sed quid opus, inquires, remissione, ubi nullum amplius est debitum? nullum enim est amplius debitum, ubi jam plenè pro eo est satisfactum. *Resp.* damus nullam posse concipi remissionem ubi nullum amplius est debitum, & nullum esse debitum ubi plena debiti solutio & satisfactio intercedit, sed plena satisfactio distinguenda est, alia enim ita dicitur quoad *rem* sive substantiam ipsam pœnæ quæ ferenda est, quando species pœnæ à lege denunciata fertur, alia quoad *modum* sive *personam* & subjectum quod pœnam illam ferre debuit; priori sensu plenissima satisfactio data est à Christo, siquidem mortem à lege impositam tulit; at posteriori non item, quia debebamus legi *pœnam propriam*, hoc enim est ejus ἀναβολὴν, ut reus in propria persona pœnam debitam sustineat juxta illud *anima quæ peccavit morietur*, Ezech. xvi. & Christus *pœnam* tantum *vicariam* pro nobis ferre potuit, nec enim pœna propria in alium transferri potuit, ideoque solvit quidem id omne quod debebamus plenissimè, sed non planè eodem modo quo debebamus: Unde hac in parte locus semper fuit gratiæ ac remissioni, quatenus judex acceptando pœnam vicariam per quandam ἀπείκειαν remittit nobis propriam & personalem, quæ ex rigore legis debebatur, in admittance vicarii est pœnæ remissio, in ejusdem loco nostro subrogatione est satisfactio.

XIII. Quod verò secundo loco afferunt ut debitum remittatur non satis esse debitorem nihil solvere, sed requiri etiam ut creditor nihil exigit, sed merà sua liberalitate obligationem illam extinguat; In eo peccant semper falsa hypothesi, non posse remissionem cum satisfactione consistere, quod ut de *propria* damus, ita de *aliena* negamus: Neque ad remissionem statim requiritur ut creditor nihil exigit, sufficit ut à debitore nihil exigatur, remissio enim hîc propriè ad debitorem spectat, non ad creditorem; itaque ubi plenè liberatur, ita ut nihil ab eo creditor exigit, quis illi debita remissa neget? liberalitas & gratia creditoris sive potius judicis satis luculenter in eo demonstratur quod illi absolute parcat, licet aliunde justitiæ suæ voluerit prospectum. Dices, sed remissio debet esse omnimoda juris extinctio respectu ejus quod verè dicitur remitti. *Resp.* *totalis* est & non *partialis* *juris extinctio* respectu *personarum* quæ erant in obligatione, & à quibus justè potuisset exigi pœna, sed non obstat quin *totalis* etiam & plena sit *satisfactio* respectu *sponsoris* nobis ab ipso Deo pro sua misericordia dati.

XIV. *Instit.* 3. Sed si solutio ab alio præstita est, bene commutatus quidem dicitur debitor, sed non potest dici debitum remissum, quando ad ultimum usque quadrantem creditor exigit quod debebatur. *Resp.* & commutatus debitor est, & debitum remissum bene dicitur; Nam etsi ex translatione peccatorum in Christum, & solutione ab ipso præstita bene dicatur in locum nostrum subrogatus; non minus tamen rectè principali debitori debitum censetur remissum, quando solutio propria quæ ab ipso debebatur ipsi remittitur & acceptatur aliena, nec tantum nihil ab eo exigitur, sed Deus ipse de suo vadem ipsum qui solveret dedit;

itaque summa Dei liberalitas hîc locum habet, tum quia solus per se, licet offensus, *πολυποικίλῳ* sapientia & ineffabili misericordia viam hanc reconciliationis faciendâ illibatâ suâ justitiâ invenit, solus ad eam viam aperuit per missionem filii, solus acceptat & nobis imputat solutionem præstitam; Sic gratia duplex est, 1. in datione Vadis qui satisfaceret, 2. in satisfactionis admissione, quæ rejici poterat: Frustra vero hîc reponitur liberationem fieri propter satisfactionem, siquidem satisfactione præstita vi illius liberatur ab obligatione debitor aut reus, ideoque non oriri à liberalitate creditoris: nam utrumque optimè conjungi potest, & satisfactio in Christo debitum solvens, & gratia in patre satisfactionem illam dans & acceptans, liberatio ergo fit quidem positâ satisfactione, sed vis liberandi sive fundamentum liberationis non est simpliciter à satisfactione seu solutione illa, quâ tali, sed ab ea, quatenus pro solutione admissa est per liberalitatem creditoris aut judicis; sic obligatio perimitur intercedente semper ipsius creditoris aut judicis actione, qui prius illam satisfactionem admittit ut fiat, deinde factam ratam habet & debitorem aut reum consequenter liberat.

X V. *Inst.* 4. Sed quo tandem pacto remittere Deus potest ex gratia si remittit ex justitia; remittit autem ex justitia, quia, solutione semel præstita, non potest non remittere, injustum quippe esset peccatores pro quibus Christus satisfecit, non absolvere. *Resp.* scrupulus facillè tollitur distinctione *justitiæ*, nam vel sumitur pro *justitiâ distributivâ* quæ obligationem & commensurationem quandam infert, vel pro *justitiâ fidelitatis & decentiæ*, quæ meram dispositionem liberalitatis divinæ & constantiam in promissis notat. priori modo verum est, si peccata condonentur ex justitia, non condonari ex gratia, quia gratia & justitia opponuntur; sed negamus ex hac justitiâ condonari nobis peccata etiam posita solutione, nam, ut jam diximus, Deus ex rigore legis non tenebatur admittere hanc satisfactionem, & potuisset solutionem propriam exigere quæ à nobis debebatur: Itaque quod voluit admittere solutionem & pœnam vicariam, gratiæ fuit & misericordiæ divinæ, per benignam quandam *ὑπέκειν* summum jus legis temperantis; si verò posteriori sensu justitia intelligitur, concedimus quidem ex justitia condonari, quia ex pacto gratiæ Deus pollicitus est remissionem peccatorum credentibus in Christum, ita ut propter veracitatem & fidelitatem suam non possit non beneficium hoc nobis concedere; Cæterùm justitia hæc tantùm abest ut pugnet cum gratia, quin potius eam supponat & adstruat, 1. Joh. 1. 8. Rom. 11. 26. 27.

X V I. Quod 5. loco assertur de satisfactionibus humanis, quæ à nobis vulgò rejiciuntur ea potissimum de causa, quòd gratiæ Dei repugnent, & cum ea stare nequeant, neque causam Adversariorum juvat, neque nostræ obest; quasi eadem esset satisfactionis Christi ratio: At longum latumque intercedit discrimen; satisfactiones humanæ nostræ sunt, ideoque cum gratia *ἀσύμτοι*, quæ opera omnia nostra excludit, nam *si ex operibus, non ex gratia*, Rom. xi. 6. quis enim gratis remissum ei debitum dixerit, à quo pars ejus aliqua exsoluta est? quis fonti gratis con-

dona-

donatum crimen, pro quo pœnas dedit? Satisfactio verò Christi aliena est & divina, ideo gratiæ conjuncta est & subordinata, quæ eam non excludit, sed supponit.

XVII. Secunda Classis rationes continet ex quibus conantur probare à *parte Christi* impossibilem esse istam satisfactionem. 1. Quia si Christus pro nobis satisfecit, satisfecit ergo sibi ipsi, quando ex hypothesi nostra supponitur esse Deus, cui debet fieri satisfactio: at hoc absurdum esse vel ex hac una ratione evincitur, quia sic sequeretur eum simul & semel dare & accipere solutionem, simul & semel fore iratum & placatum; iratum quia postulat, placatum verò quia exhibet satisfactionem, quæ omnino contradictionem aliquam involvere videntur. *Resp.* I. neg. conseq. pecca. falla. à dicto secundum quid &c. Si Christus satisfecit, non statim satisfecit sibi ipsi præcisè loquendo ut *Christo*, sed satisfecit sibi *ut Deo* & Dei filio: differunt verò, ut notum, *Θεός* & *ἱεὸς ὁ υἱος*, Filius Dei & Mediator; illud enim naturam notat, hoc officium, illud absolutè & in *genere entis* eum designat, istud vero relatè ad Oeconomiam & in *genere moris*: Sanè si Mediator fuisset tantum Deus, satisfaciendo, sibi etiam absolutè & simpliciter satisfecisset, sed cum duæ sint naturæ in persona Mediatoris, divina & humana, non statim satisfacit apud se ipsum omnimodè, imò contra quia satisfactio fit à natura humana, & exhibetur naturæ divinæ, satisfactio potest dici quadantenus terminari ad alterum. 2. cum Pater in hoc mysterio per miram quandam accommodationem referat personam Judicis offensi apud quem fieri debet satisfactio, ut Christus suscepit personam Vadis, & Pater sit alius à filio, ut Filius est alius à Patre, eo sensu semper satisfactio & mediatio erit ad alterum.

XVIII. 3. Min. neg. neque enim statim absurdum est eundem satisfacere sibi ipsi, distinguatur modò *satisfactio*, quæ duplex est, vel *privata*, quâ compensatur damnum privatum, vel *publica*, quâ reparatur injuria publica. primo modo damus neminem sibi ipsi propriè satisfacere, quia sic de suo acciperet, & sibi ipsi solveret, quod revera esset absurdum, & scenam aliquo modo saperet: sed alio non item, ut si quis incurrit in multam, potest magistratus multam pro illo solvere ut legibus satisfiat, sic sibi ut privatus judici satisfaciatur; quid, nonne potest contingere ut judex ipse reus fiat legis violatæ? fac ergo eum ita justum esse, ut semet ipsum damnet, tunc certè sibi ipsi tanquam reus judici revera satisfaciatur: At nemo, inquit Socinus, sibi ipsi aliquid solvit: Esto, neque enim agitur de pecunia solvenda, sed de pœna luenda, quid obstat autem cur non possit aliquis ut legis comminationi & judicis officio satisfaciatur, sibi ipsi pœnam lege denunciata, vel per se, vel per alios infligere? Jam autem in condonatione peccatorum vel satisfactione ista de qua disputamus, ut alibi fusiùs est ostensum, Deus non est spectandus ut persona privata vel creditor & ut pars offensa, quæ damnum aliquod patitur, sed ut persona publica, ut Dominus & Judex, ut Rector universitatis, cujus est majestatem Legum fartam tectamque tueri; non agitur ergo vel de solutione pecuniæ, vel de reparatione damni illati, vel de privata satisfactione, quâ satisfit personæ

offensæ quâ offensa est, sed de satisfactione publica quâ satisfit legis comminationi, atque adeo Judici quâ Judex est, sive is sit pars offensa, sive non, sic modo id fiat quod lex exigit vel à peccatore, vel ab eo qui sustinet ejus personam, sive sit à judice separatus, sive conjunctus, perinde est, satisfactum est legi, & quia legi, etiam judici, id quod satis est: Deinde quid est cur hoc genere satisfactionis non possit aliquis sibi ipsi satisfacere, nonne potest aliquis sibi ipsi lex esse, se accusare & condemnare, de se judicare ut de gentibus perhibet Paulus Rom. 11. 12. & de fidelibus, 1. Joan. 111. 20. 21. cur ergo non poterit sibi ipsi satisfacere?

XIX. Quia sequeretur, inquit, eundem dare simul & accipere solutionem, esse debitorem & creditorem, esse iratum & placatum, quæ sunt ἀσύντακτοι. Resp. 1. falsum supponi eundem secundum idem & eodem respectu dare & accipere satisfactionem, dat eam ut homo, vel ut Immanuel, accipit eam ut Deus, dat eam ut Θεάνθρωπος, accipit eam ut λόγος, dat eam ut Mediator, accipit eam ut Judex. 2. falsum etiam est hîc Deum & Christum simul & semel iratum & placatum, aliud enim est esse actû jam placatum positâ irâ & vindictæ desiderio, aliud benevolum & placandum, Deus qui dat vadem & Vas qui solvit, non statim potest dici placatus eo ipso, quia placatio supponit satisfactionem præstitam, sed bene potest dici placabilis vel placandus, quia prono & benevolo affectu fertur ad pacationem vel admittendam vel faciendam, placabilem autem esse & iratum non pugnant, sed optimè possunt simul consistere, vel maximè, quod ut ira satisfactionem exigit quâ fiat placatio, ita placabilitas eò tendit ut aliquâ commoda ratione ira tollatur & justitiæ satisfiat: Nihil ergo absurdi est si dicamus Deum & Christum iratum simul fuisse & misericordem ac placandum, neque vel iram quâ accendebatur in peccatum meritò, misericordiæ viam præclusisse quâ ferebatur erga peccatores, vel misericordiam quâ nos complectebatur & quâ impulsus fuit ad dandum ἀντίλυτρον pro nobis abrogasse justitiam quæ legis comminationi vult absolutè satisfieri: nimirum ut Deus duas veluti personas in hoc negotio sustinebat, unam partis offensæ, alteram judicis, is quatenus ut pars offensa spectatur, odium & cupiditatem vindictæ omnino deposuit, versaquæ in misericordiam irâ, quoniam quo minus peccatores resipiscentes justificarentur impediabat legis comminatio & officium judicis, constituit hoc impedimentum tollere, & cum aliter fieri hoc non posset quàm transferendo pœnam in Filium Dei vadem nostrum, & Pater misericordiâ motus illum misit, & Filius charitate ineffabili inductus se ipsum tradidit, sed ut Judex & legum Custos non potuit iram deponere, antequam legi violatæ factum fuisset satis: planè ut inter homines idem Magistratus & Princeps qui ab alio offensus est, poterit & simul iratus esse reo quâ publicus Magistratus legisque vindex, ne delictum patiatur abire impunè, quod legis auctoritatem violaret, & simul misericors & propitius ad privatum affectum non modo injuriæ sibi illatam condonando, sed & modum sapienter excogitando quo legi publicæ satisfiat, vel ipse fidejussorem dando, vel multam aut pœnam ferendo.

XX. Obj. II. Ratione Christi impossibilem esse satisfactionem probant, quia pro se debuit eam legi obedientiam, quam in meritum & redemptionis nostræ ἀντὶς impendere necesse habuit; at si pro se debuit, non potuit pro nobis & loco nostro præstare, nam quod debetur eo ipso quo præstatur & solvitur, propriè dicti meriti rationem habere nequit, quippe inter conditiones meriti notum est eam semper recenseretur, ut res sit indebita: Quòd autem Christus pro se hoc ipsum debuerit quod pro nobis tenebatur pendere, obedientiam scilicet vitæ seu legis mandatorum impletionem, triplici ratione probant, 1. quia homo fuit & filius Adæ, at omnis Creatura qua Creatura obsequium tenetur præstare Creatori suo & legem ab eo positam implere, 2. quia fuit Israëlita & filius Abraham adeoque fœdere illo populi sancti comprehensus & sub eo natus: unde dicitur factus ἑοὺς νόμου, Gal. IV. 6. Sic dicit implendam esse sibi omnem justitiam, Matt. II. 15. 3. quia summus Sacerdos fuit, qui ut illo munere defungi posset, debuit esse Legi perfectè conformis Heb. VII. 26. Si ergo pro se debuit legem implere, non potest ea in meritum & satisfactionem seu debiti nostri solutionem imputari: hoc argumentum urget imprimis Socinus p. 3. c. 5. Jam verò manifestum est, inquit, Christum quia homo natus fuerat, & quidem, ut inquit Paulus, factus sub lege, legi divina quæ aterna est & immutabilis servanda, non minus, quam ceteros homines obnoxium fuisse, aliqui potuisset Christus aternam Dei legem negligere sive aliam universam, si voluisset, infringere, quod impium est vel cogitare, & paulò post, quo circa nec etiam pro aliis magis quam quilibet alius homo legem divinam servando satisfacere potuit, quippe qui ipse eam servare omnino teneretur.

XXI. Gravis hîc in speciem attingitur difficultas de subjectione Christi legi divina, quæ Orthodoxos ipsos inter se non ita pridem in partes divisit. Nos item hanc nostram non facimus, paucis tantum observamus quæ facere possunt satis argumento quod hinc petitur ab Adversario contra Satisfactionis veritatem; Duo ergo hîc demonstranda breviter suscipimus. 1. subjectionem illam legi sive obedientiam vitæ debitam fuisse à nobis, & ad redemptionem nostram omnino necessariam. 2. potuisse illam pro nobis à Christo præstari, atque adeo eam rectè in partem meriti & satisfactionis ejus venire, & nobis imputari. Et ad prius quidem quod attinet; Cum lex duo vulgo contineat, mandata quæ facienda sunt, & sanctiones pœnales quæ peccatori ferendæ imponuntur, duobus etiam modis impleri censetur; primò quoad mandata obedientiæ vitæ seu actionibus à lege præscriptis: 2. quoad sanctionem passionem mortis seu lationem pœnarum, quæ à lege transgressoribus denunciantur: Utraque verò hæc impletio respectu hominis peccatoris requirebatur ad ipsius liberationem; Nam licet in statu integro ad unum tantum obligatus esset, nimirum ad obedientiam, quia nondum peccaverat; tamen in statu destituito & post peccatum ad utrumque obligari tantum abest ut absurdum sit, ut non possit aliter fieri; ad obedientiam obligatur quæ Creatura & homo qui nunquam non tenetur ad obedientiam Deo præstandam, ad pœnam quæ peccator & reus, qui est debitor pœnæ ex peccato; obligatio ad obedientiam absoluta est, quæ semper manet

manet, positâ semel Creaturâ & Creaturâ fœderatâ in quocumque statu; at obligatio ad pœnam est tantum ex hypothese præcedentis inobedientiæ, illa de ratione officii est quod exhibere tenemur Deo ut Creatori & Domino, ista de ratione reatus & pœnæ quam solvere debemus Deo ut Judici & legislatori; Utraque verò simul consistere potest, nam ut servus nequam qui herile mandatum exequi neglexit, eoque officii neglectu pœnas commertus est, non desinit propterea ad illud idem præstandum obligari, non secus ac si res adhuc integra esset, & qui decoxit omnia sua bona non propterea solvitur à nexu æris alieni; Sic etiam qui peccando sic Dei legem transgressus est, ut pœnæ constitutæ sit factus obnoxius, ad eam tamen implendam obstrictus manet nihilo secius; Ita utraque illa impletio quia à nobis debita à Christo sponfore nostro debuit perfici.

XXII. II. Necessitas utriusque istius impletionis patet ex natura Legis & salutis nostræ ratione; Nam cum salus non tantum in liberatione à morte sita sit, sed & in vitæ donatione; Et Lex promissionem vitæ non det *patienti*, sed *facienti*, *fac hoc & vives*; utique necesse fuit ad vitæ istius & salutis consecutionem, legem patiendi & faciendo implere, ut & remissio peccati per satisfactionem, & jus ad vitam per meritum obtineretur, ex illa redemptio à morte, ex isto introitus in cœlum: Nam quod quidam hæc duo necessaria simul esse negant, sed alterutrum tantum, quia inter vitam & mortem nihil sit medium, & qui semel per pœnarum lationem à morte liberatus sit, eum eo ipso jus ad vitam obtinere, ac per consequens aliâ impletione activâ nequaquam indigere; in eo falsa hypoth. nituntur, quod hæc duo statuunt contraria *ἀμων* inter quæ nullum dari possit medium: Fateor inter *mortem & vitam* simpliciter, non dari medium; sed inter *mortem & vitam beatam* intercedere potest vita misera & mortalis, vel vita pia & sancta, sed quæ sit adhuc in statu viæ, non patriæ; Quis enim neget posse Deum aut potuisse sic hominem peccatorem ab inferis & æterna morte liberare, ut interim eum in gloriam cœlestem statim non eveheret, & vitæ æternæ fruitione non bearet & cumlaret? Nempe vel vitam ei in terris largiendo, vel in Adami statum rejiciendo ad opera, vel etiam annihilando. Ita multa interesse poterant inter flammæ gehennæ, & cœli gaudia, inferni dolores & paradisi delicias: liberationem à carcere sequitur statim libertas, sed non statim diadema & thronus. Josephus poterat quidem solvi ex vinculis, sed non erat necesse statim ut Ægypto præficeretur; Mephiboseth potuit è squalore & situ educi, sed non statim necesse erat eum ad Davidis mensam vocari; Multum erat manumitti, & liberos fieri, sed liberos pronunciari & hæredes, hic cumulus & apex est misericordiæ. Sic aliud est beneficium quum Judex facinorosum à morte absolvit condonando ei delicta, aliud quum Senatoria dignitate dignum judicat; Ita aliud est beneficium quo nos Deus absolvit à pœna, aliud quo nos dignos judicat præmio. Fateor quidem duo ista beneficia individuo nexu inter se conjungi, ita ut cuicumque remittuntur à Deo peccata, illi etiam detur jus ad vitam: sed certum tamen est esse

esse distincta; & si sese invicem consequuntur, id non fit statim ex natura rei, sed ex voluntaria Dei dispensatione, quæ ita statuit, ut nullus esset status intermedius, in quo peccatores sic æternæ morti eximerentur, ut regni cælorum non forent participes.

X X I I I. At Paulus tamen, inquit, videtur Rom. IV. v. 6. 7. 8. ex Davidis testimonio ista duo beneficia confundere, & Imputationis Justitiæ & Remissionis peccatorum innuere æquipollentiam, quum ait Davidem hominis beatitudinem constituere in Imputatione Justitiæ absque operibus, quia eandem fœlicitatem collocat in Remissione peccatorum; *Beati quorum remissæ sunt iniquitates & quorum tecta sunt peccata*, ubi prius per posterius probat, quod absurdum esset, nisi essent æquipollentia & reciproca. Resp. Paulus non argumentatur ab æquipollentia, sed ab ἀλληλεχία & individuo nexu, & mutua consecutione istius beneficii, quæ nititur individuo nexu causarum utriusque, non quidem ex natura rei, sed ex Dei gratiosa & liberali ordinatione, qui nemini remittit peccata, quin ei imputet justitiam; 2. quando Apost. remissioni peccatorum beatitudinem tribuit, hoc fit oppositè ad justitiam inhærentem, non imputatam, quam necessariò supponit, & sic synecdo. partem pro toto intelligit, quia ubi est remissio, non potest non esse beatitudo. Cæterum quòd in sola peccatorum remissione totum justificationis beneficium non consistat, & ex jam dictis constare potest, & ex eo, quod aliud sit à reatu peccati exolvi, aliud Jus ad vitam consequi; nimirum Justificatio dupliciter intelligi potest, vel ut liberetur à pœna reus, vel ut insuper mercede & præmio coronetur. prior respectus sola remissione peccatorum absolvitur, sed posterior, qui locum habet cum liberatione à pœna quæ habetur per remissionem, postulat juris ad vitam collationem, quæ obtinetur per obedientiam.

X X I V. Dices, sed positâ semel peccatorum remissione per pœnæ lationem, superflua videtur obedientiæ impletio, quia si peccata omnia remittuntur tum commissionis, tum omissionis, eo ipso censentur peccatores nihil commississe mali, & nihil omisisse boni, qui verò eo loco habentur, perfectè justi sunt, eoque ipso jus habent ad vitam. Resp. Sed hîc iterum pecca. fals. hypoth. Nec enim cui peccata omissionis & commissionis remittuntur, statim judicatur nihil mali commississe, & nihil boni omisisse, hoc enim & rei ipsius veritati, & justo Dei judicio repugnaret; Sed tantum à debita propter omissionem officii, & delicti commissionem pœna liberatur; sed ut justus perfectè censeatur qui jus ad vitam habeat, necessaria est præterea perfectæ legis obedientia, quæ conditionem semel positam impleat; *Justus* E. dicatur cui peccata omnia remittuntur *justitiâ Innocentia*, quia posita hac remissione innocens censetur & nulli amplius pœnæ subjacet, sed non *justitiâ obedientia*, cui præmium vitæ debetur, quia non potest dici adhuc eo ipso implevisse mandata. Nimirum aliud est carere vitio, aliud omnia, quæ præscripta sunt, præstitisse. Adamus illud habuit, non hoc; Unde etsi injustus non poterat dici, quia nullum dum peccatum in illo statu commiserat, non poterat tamen Justus

vocari Justitiâ perfectâ, quæ ad felicitatem requirebatur, Ita non quisquis nihil omisit, statim omnia implevisse censetur.

XXV. Hoc verò utrumque in una Christi obedientia & justitia occurrit, quæ duplicem hanc *χέσιν* habuit, & meritoriam, & satisfactoriam, quia & à reatu mortis nos liberat, & jus vitæ & immortalitatis nobis acquirit, ideo dicitur *liberare à maledictione & adoptionem conferre*, Gal. IV. 4. *propitiare peccata*, & *justitiam seculorum adducere*, Dan. IX. 24. *lavare à peccatis & facere Reges & Sacerdotes* Apo. I. 5. quò pertinet illustris locus Act. XXV. 18. ubi apertè *remissio peccatorum* distinguitur à *sorte inter sanctos* id. à jure quod consequimur ad vitam, ut accipiant, inquit Christus de gentibus, *remissionem peccatorum & sortem inter sanctificatos per fidem quæ est in me*. Non modo educit ex carcere, sed in throno regio collocat, ex inferno in paradysum, ex cœno in cœlum evehit; Clavis obedientiæ Christi non tantum aperit abyssum mortis ut ex ea egrediamur, sed & sacrarium cœli referat ut eò intremus.

XXVI. Nec hîc audiendus *Socinus* qui meritum negat dari posse ubi est satisfactio, quòd hæc sit solutio debiti de jure, hoc verò opus indebitum. Hoc enim etsi verum esse posset de satisfactione quâ quis exsolvit debitum proprium, qui enim ita satisfacit, nihil meretur, nec sui, nec creditoris respectu, quia præstat opus debitum de jure; At de Satisfactione quâ quis solvit debitum alienum, falsum est, potest enim dici pro alio mereri dupliciter, & respectu *Debitoris*, de quo bene meretur indebitè solvendo pro eo debitum, & sic opere indebito acquirendo ei immunitatem à debito, & faciens eam ei ex indebita debitam de Jure. Tum respectu *Creditoris*, maximè si pactum aliquod singulare intercessit positâ tali solutione admittendi eam non modo in remissionem debiti, sed & in acquisitionem juris indebiti. Juxta duplicem hanc *χέσιν* bene Christus dicitur meritis, gratis exolvens justitiæ divinæ debitum alienum 1. respectu nostri, quia nobis immunitatem id. remissionem peccatorum acquisivit Eph. I. 7. 2. respectu Dei ex pacto & dispensatione singulari, quâ Deus obedientiam filii sui non tantum in satisfactionem peccatorum, sed & in meritum vitæ acceptare voluit, de qua Is. LIII. 10. *Postquam animam posuerit in sacrificium pro peccato, videbit semen, prolongabit dies & beneplacitum Domini prosperabit in ejus manu*, sic Paulus ad Heb. c. IX. 15. hoc pactum indicat, cum ait *Ideo factum esse Mediatorem novi Testamenti, ut morte intercedente ad redemptionem transgressionum quæ in primo fœdere fuerunt, promissionem aternæ hereditatis vocati accipiant*, nec aliud vult Apost. Col. I. 19. 20. cum ait *Placuisse Patri ut in eo habitaret omnis plenitudo & per ipsum reconciliare sibi omnia, factâ pace per sanguinem ipsius &c.* Eodem etiam respiciunt alia loca Ro. III. 24. 25. Phil. II. 7. 8. Heb. II. 9. 10.

XXVII. Cæterum quibus actibus Christus vel satisfecerit, vel meritis sit, anxie disquirendum non putamus, quia utrumque hoc effectum conjunctim à tota & integra causæ virtute, puta Christi obedientiâ & justitiâ, proficisci existimamus, nec

nec enim jus ad vitam nobis ante partum est, quàm peccatum fuerit expiatum, nec rursus ante expiatum est peccatum, quàm lex ipsa fuerit impleta, non alio potuit quàm obedientiæ sacrificio favor Dei conciliari: nec ulla potuit obedientia reatum & pœnam amoliri, præter eam quæ ad extremum usque demissionis gradum producta est: Meruit ergo satisfaciendo, & merendo satisfecit; Tantæ efficacæ fuit ejus perfecta obedientia & tanti meriti ejus plenissima satisfactio, ut per illam *jus Legis in nobis impleatur*, Rom. viii. 4. nec tantum à morte liberemur, sed & vitam consequamur. Atque hinc colligimus quo loco *Justitiæ Christi imputatio* habenda sit in justificatione; non tanquam pars quæ respondeat peccatorum remissioni, ut quidam ex nostris non satis accuratè videntur statuisse, qui volunt remissionem peccatorum præcedere, cui succedat imputatio justitiæ; sed ut fundamentum & causa quæ geminum effectum post se trahat, *remissionem peccatorum & jus ad vitam*; Nam ex eo quod justitia Christi nobis imputatur, sequitur & peccata nobis remitti, & jus ad vitam concedi, & ratio est evidens, quia nihil potest à Dei conspectu peccata nostra tegere, nisi vestis illius applicatio, seu Justitiæ imputatio, quemadmodum non prius animo concipi potest tegi nuditatem corpoream, quàm corpori vestis applicetur & inducatur; Itaque in Justificatione concipimus per & propter unius justitiæ perfectissimæ Christi imputationem tum tegi, & deleri peccata nostra, ac proinde nos ab ira & maledictione æternâ liberari, tum etiam ut perfectè justis jus ad vitam & hæreditatem cœlestem dari, quia una eademque ista justitia tam fuit perfecta, ut non modò pro peccatis, in quæ incurreramus, satisfecerit, sed etiam vitam, à qua excideramus, nobis acquisiverit.

XXVIII. Ex quibus jam liquet utramque legis impletionem à nobis debitam fuisse, & à Christo præstitam; hoc autem bene potuisse jam demonstrandum est, quod ex solutione objectionis antea positæ constare facile poterit, sic verò illa se habet. Quod quis pro se debet, non potest pro alio solvere, at Christus pro se debuit hanc legi obedientiam E. Resp. i. ad maj. pecca. falla. à dicto secundum quid. Quod quis pro se debet non potest pro alio præstare, Si sit *persona privata* concedo, si sit *persona publica* Nego. Nam persona publica sub duplici &c. considerari potest, ut suam & simul aliorum fœderatorum vel sibi intimè conjunctorum vicem sustinens, sic Consul suo & civitatis nomine cum hoste inducias facit, Rex pro se & pro populo fœdera cum principibus sancit: sic primus Adam secundi typus, Rom. v. 14. sibi suisque lapsus est, Levi fuit decimatus in persona Abraham, Heb. vii. Ita etsi Christus pro se debuisset legem implere, non ideo tamen minus pro nobis præstare potuisset, quia hîc non spectandus est ut *persona privata*, sed ut *publica*, ut *Caput Ecclesiæ*, ut *sponsor* & *Vas fidelium*, qui omnia pro ipsis factus est, ut Pater novi seculi, Isa. ix. 6. & seminis sancti quod post se videre debuit, Isa. liii. 10.

XXIX. 2. ad Min. per negat. Christus enim pro se non debuit obedientiam illam per quam legi satisfecit, sed pro nobis, ratio est, quia non pro se homo &

Mediator fieri voluit : itaque ad probationem. Mino. resp. per limita. Quicumque pro se & suo loco vel Abraham factus est filius , is quoque pro se & suo nomine ad legem implendam tenebatur , qui verò non pro se , sed pro aliis vel homo fieri vel Israelita nasci voluit , is quoque non pro se , sed pro aliis ad legem quamlibet implendam obligatus est. At Christus non pro se , sed pro nobis homo factus est juxta illud , *Puer natus est nobis, Filius datus est nobis* Isa. I. x. 6. Nec enim ulla ratio erat in Christo , qui æqualis erat Patri , propter quam vel carnem nostram suscipere & in ea non formam hominis tantum , sed & servi assumeret , in ea se exinanire & obedientiam fieri usque ad mortem crucis deberet , sed pro nobis ista omnia præstita fuerunt ; Ut propter nos homo factus non propter se : Ita propter nos , non propter se , Legi se subicere voluit. Simili res potest illustrari , quemadmodum qui pro alio fidejussit , antea liber , jam debitor factus est , ac debitum solvit non pro se , sed pro alio , ita ut solutio illa alteri imputetur , ita Christus hominem se pro nobis faciendo , se quoque non pro semet , sed pro nobis legi divinæ debitorem fecit ac debitum exsolvit , id est legi obsequium non pro se , sed pro nobis præstitit , adeò ut nobis à Deo imputetur quidquid Christus hac in parte gessit. Sic qui prius liber & sui juris , amici liberandi causâ se alieno subicit imperio , sive se ei in servitutem tradendo , sive alia quavis ratione libertate sua cedendo , simul atque in ditionem concessit alienam , illius jam servus & subditus factus est , cujus regnum est ingressus : Sed quemadmodum illuc se contulit , non sui ipsius , sed amici sui gratiâ ; Ita etiam non pro se , sed pro amico suo servitutem illam servit , & quodcumque obit in ea conditione ministerium , id in amici bonum cedit , illique à Domino imputatur. Id ipsum de Mediatore , servi formam pro nobis assumente , ut in ea se Legi divinæ per omnia subicere posset , meritò asseritur , adeoque ut non pro se , sed pro nobis venit , ita non pro se , sed pro nobis servitutem illam servit , non pro se , sed pro nobis se Legi paternæ subjecit , ut Mediatoris munus pro nobis exequeretur.

XXX. Hinc ad triplicem rationem antea allatam patet responsio , sive enim Christum ut hominem simpliciter & Adæ filium spectes , sive ut filium Abraham & Israelitam , sive ut summum Sacerdotem , non bene inde colligas pro se simpliciter Legem implere debuisset ; Sanè si pro se simpli , ex aliorum hominum sorte & conditione factus esset vel Adæ vel Abraham filius , id. vel homo vel Israelita , utique pro se & suo nomine ad Legem implendam obligatus fuisset , moralem quidem quâ homo (quippe homini latam absolutè) cæremonialem autem & politicam qua Israelita , quippe solis Abraham posteris latam , & eos solos obligantem ; Sed quia non pro se , sed pro aliis & homo fieri , & ex Isaacidarum stirpe nasci voluit , ideo non pro se , sed pro aliis ad Legem quamlibet implendam obligatus est , pro iis nempe , pro quibus aut humanam naturam induit , aut ex tali gente & familiâ naturam illam assumere dignatus est. Denique ad Sacerdotis munus quod attinet , Fateor cum cui tale munus commissum erat , ut eo defungi posset , debuisset esse

esse purum, sanctum, ab omni macula & labe alienum, ut ait Apost. Heb. vii. id. Legi perfectè conformem; Sed nego propterea pro se & suo nomine cum Legi divinæ subjectum fuisse; Alias pro se debuisset hostias & victimas offerre, id. sui ipsius esse Mediator, quod contradictionem involvit; Debuìt quidem purus & sanctus esse & Legi divinæ perfectè conformis ad hoc, ut Pontifex & victima esset idonea; Sed aliud est esse Legi conformem, aliud eidem subjectum esse, Aliud est Legi obsequium debuìsse qua Pontificem, vel ut illo summi Sacerdotis officio fungeretur, aliud verò id debuìsse pro se; Imò contra, si debuit ut Pontifex, debuit ut Mediator, quicquid autem fecit ut Mediator, illud non pro se debuit aut fecit, sed pro nobis tantum.

XXXI. III. Resp. Ad min. Distinguenda est *Subiectio Legi divinæ*, duplex enim esse potest, Alia *natura*, Alia *œconomia*, prout Lex potest considerari vel ut generalis & communis, quæ fertur omnibus in quocunque statu constitutis, vel ut specialis, quæ homini fertur in certo statu & peculiari aliqua de causa. Illa *absoluta* est & indispensabilis, quæ Creaturam respicit in *statu naturæ* simpliciter quæ Creatura est; Ista *relativa* est *χρηστική*, quæ refertur ad hominem in *statu viæ* constitutum, cum conditione laboris & operis, & sub obligatione vitam ex ea merendi; Illa *æterna* est & immutabilis, quandiu enim Creator est & Creatura, tandiu hæc illi subiecta debet esse, nec magis de hoc jure dispensare potest Deus, quàm se ipsum abnegare; At ista *libera* est & mutabilis, quæ tandiu durare debet, quamdiu homo est in statu viæ, postquam enim metam attingit, & curriculum seu stadium obedientiæ propositum absolvit, tunc subiectione illa exolvitur; Creatura nunquam eximi potest à statu naturali, sed potest à statu viatoris, in quo debet mandata implere ad vitam consequendam; Illius fundamentum est Jus Creatoris *κυριαρχικόν* in Creaturam, & dependentia naturalis Creaturæ à Creatore; Sed istius fundamentum est voluntaria dispensatio Creatoris, qui hoc vel illo modo potest cum Creatura pacisci; Supponitur quidem dependentia naturalis, quæ in nullo statu à Creatura separari potest, sed non sufficit, nisi superaddatur speciale pactum; Ita juxta diversum Creaturæ statum, & diversum Legis finem & modum potest diversa esse subiectionis ratio, & modo negari, modo affirmari.

XXXII. Sic ut ad præsens institutum hoc applicetur, Dico duplicem fuisse in Christo subiectionis speciem; Prima *naturalis* fuit & necessaria, Secunda, *œconomica* & libera, Illa in *statu naturæ*, quæ fuit Creatura, quæ Creatorem suum amare & illi morem gerere tenetur, Ista in *statu humilitatis* & *viæ*, quæ fuit Mediator, qui personam peccatorum debuit sustinere, & pro aliis satisfacere & mereri; Nec enim mandatum fuit tantum datum Christo generale obediendi Deo, cui omnes ex æquo tenentur, sed in specie sese tanquam vadem loco peccatorum substituenti, & ea omnia præstandi & patiendi, quæ necessaria erant ad opus redemptionis exequendum, vi foederis cum ipso initi. Quoad priorem damus Christum subiectum fuisse legi communi subiectione naturali, quatenus homo & creatura fuit, huic enim legi etiam Angeli ipsi in cœlo & spiritus consummati, qui sunt in patria,

subjiciuntur, nemo enim est qui non teneatur summè amare Deum & illi obsequi; Sed respectu posterioris verum est dicere Christum non fuisse *κατὰ νόμον* quoad se, sub lege scilicet illa Oeconomica & speciali, quæ lata illi est in statu viæ, & in eum finem, ut in forma servi & humilitatis curriculo vitam nobis perfectissimam sua obedientia consequeretur; nec enim tenebatur pro se ad Mediatoris officium suscipiendum, peccatorum personam sustinendam, & ea omnia facienda & patienda, quæ non modò à nobis erant debita, sed quæ necessaria erant per se ad salutem obtinendam; Homo poterat nasci & Viator hoc modo non fieri, ut si creatus & collocatus fuisset ilico in paradiso, si munere mediatorio non fuisset instructus. Verum quidem est humanitatem Christi esse conditionem sine qua non, quia nisi homo fuisset, viator esse non potuisset, siquidem ad homines tantum pertinet status ille viæ de quo loquimur, sed non sequitur ex eo quod homo est, continuò viatorem esse, potuit enim homo esse & non viator; Cùm ergò Christus dicitur Legi subiectus *quatenus homo*, bifariam potest intelligi, *vel specificativè*, ut notetur principium & *subjectum* quod subijcitur; Et sic vera est propositio, quia in Christo non divina natura, sed humana sola poterat subesse Legi, & sustinere personam viatoris, *vel reduplicativè*, ut indicetur *ratio formalis* propter quam fit subiectio & conditio viatoris, Et sic falsa est, nam si hoc foret conditio viatoris, deberet esse inseparabilis à Creatura, quod tamen falsum est, cùm nunc Christus ipse nulli tali necessitati amplius subsit, & beati qui sunt in patria comprehensores non possint amplius dici viatores; Ex quibus clarè constat, Christum cùm isti subiectioni voluntariæ & Oeconomicae non teneretur naturaliter, & pro se, sed tantum pro nobis ex peculiari Mediatoris officio, Legem etiam non pro se, sed pro nobis tantum eo respectu implere debuissè, atque adeo posse eam obedientiam iustè nobis imputari, quod negabat Adversarius.

XXXIII. IV. Resp. Ad min. *Christus* considerari potest, vel ratione *Personæ*, vel ratione *naturæ humanæ*: Licet posteriori respectu debuisset obedientiam *quæ homo*; non potuit tamen priori debere *quæ Deus* vel ratione personæ, quia cùm sit divina eximebatur eo ipso à Jure illo communi cui homines sunt obnoxii; Quia autem Christus Mediator est secundum utramque naturam, & Actiones & Passiones, ut notum, sunt Suppositorum, etsi fuerunt alterius naturæ *ἐνεργημάτων*, fuerunt tamen totius personæ *δοτοπέσματα*. Itaque quod de Persona divina dici non potest, rectè de Christo negatur, licet hoc suo sensu respectu humanæ naturæ illi tribui possit: Sic negat Apost. Christum decimatum fuisse in lumbis Abrahæ cum Levi Heb. vii. licet non minus quàm Levi in ipso fuerit ratione carnis, utpote ex Juda oriundus, quia non erat in ipso secundum totam personam & divinam naturam, quæ potior est & nobilior pars personæ Mediatoris; Pari planè pacto quia obedientia Christi Mediatoris fuit *θεαδελική* hominis veri, sed non meri, ipsius scilicet Dei filii, qui dicitur obediens factus Patri usque ad mortem, ad quam nequiquam tenebatur respectu personæ & naturæ divinæ, rectè

rectè dici potest eam pro se non debuissè, atque adeo potuissè illam pro nobis impendere. Sic probatum fuit Satisfactionem non fuisse impossibilem à parte Christi. non minus possibilem à parte pœnæ ferendæ, vel hominum reorum, sequens docebit Disputatio.

DISPUTATIO DECIMA.

Pars Altera

D E

SATISFACTIONIS CHRISTI VERITATE.

Respondente PAULO COULEZ Metensi.

THESIS PRIMA.



UPERIORI Disputatione vidimus & expendimus rationes, quibus Adversarii probare conantur *Satisfactionem impossibilem* fuisse à parte Dei & Christi, superest ut ad examen revocemus eas, quibus evincere satagunt à parte pœnæ ipsius & hominum reorum non potuisse verè dari, quod hac Disputatione breviter cum bono Deo expediemus.

II. Contendunt ergo *ratione Pœnæ* impossibilem fuisse Satisfactionem hac imprimis ratione moti. Qui non solvit id quod à nobis debebatur, is verè pro nobis non satisfacit. At Christus non solvit quod à nobis debebatur: Debebatur enim mors æterna ex justitia Dei: Christus autem illam non subiit, sed tantum temporalem: Primò quia mors æterna non pertransitur; At Christus resurrexit. Secundò, finiti ad infinitum nulla est proportio, pœnæ Christi tempore finitæ fuerunt, utpote mors triduana, & nostræ nullo tempore finiendæ erant. III. Si mortem æternam sustinuisset, desperasset: Desperatio enim & conscientia morsus est propria damnatorum pœna, vel inseparabiliter cum ea connexa, II. LXVI. 24. & Marc. IX. 44. quæ à Christo longissimè semper absuit. Itaque neque quoad quantitatem, neque quoad qualitatem sibi respondent pœnæ nostræ & Christi. Palmarium est argumentum, quo Socinus ejusque socii perpetuò utuntur. Socinus fusè illud persequitur p. 3. c. 3. Ostorod. p. 2. c. 14. Cateches. Racovi. de morte Christi, c. 8.

III. Resp.

III. Resp. Multa tamen sunt quæ ad hoc argumentum reponi possunt. 1. ad Majorem per limitationem, Qui non solvit quod alius debet nec quoad *durationem*, nec quoad *pondus & valorem æquipollemter*, is revera pro eo non satisfacit, concedo, quia satisfactio supponit perfectionem pœnæ debitæ, sed qui non solvit quod alius debet quoad durationem, sed quoad valorem & *ισοδυναμίαν* non satisfacit, Nego, quia etsi non idem, modo tantundem habeatur, sufficit. Jam ad minorem. Christus etsi *mortem æternam* non subierit quoad *durationem*, quia non potuit, quandoquidem illi necessariò resurgendum fuit; at eandem tamen tulit *æquipollemter*, quia summos & intensissimos dolores tulit, qui licet temporales & finiti fuerint ratione sui, habebant nihilominus valorem & pondus infinitum ratione personæ patientis; Nec enim passio *ψιλὸν ἀνθρώπου*, sed *θεοῦ ἀνθρώπου*, non meri hominis, sed veri Dei, qui suo sibi sanguine Ecclesiam acquisivit, Act. xx. 28. adeoque quod deest finito tempori, completur per personæ infinitæ conditionem, quæ temporali passioni pondus addit infinitum. Sicut enim peccatum Adæ in se quidem æternum non fuit & infinitum, interim tamen vires habuit culpæ infinitæ, totum genus humanum damnationi subicientis, quia æternum & infinitum Deum læsit, sic & mors Christi ratione temporis finita, ratione valoris infinita est, quia Dei infiniti mors est; sic infinito peccati merito, & infinitis pœnis debitis opponitur infinitum meritum Christi & satisfactio, ratio infinitatis utrobique sumitur à Deo, vel per peccatum læso, vel pro peccato satisfaciente. Ita mors ista si non æterna propriè dici potest, quandoquidem æternitas in se notat durationem interminatam, quæ in morte triduanâ desideratur, rectè tamen *æterna æquivalens* habebitur, 1. propter *dignitatem personæ*, quæ non tantum fuit sanctus & justus homo, sed etiam verus Deus. 2. à *gravitate pœnæ*, quæ licet temporalis fuerit, tamen immensitate & diritate angorum & cruciatuum nihilo minor aut lenior fuit pœnâ æternâ. 3. *ab effectu*, quia Christus morte suâ liberavit nos à pœnâ æternâ, juxta justitiam & veritatem Dei nobis debita, ideoque mors ejus debuit esse æternâ æquivalens.

IV. II. Minor simpliciter negari potest, Christum scilicet non solvisse quod à nobis debebatur; infinitam enim pœnam peccatores commeriti erant, & Christus eam tulit; At, inquires; duratione debebatur infinita, nimirum æterna, quam Christus nec subiit, nec subire potuit. Resp. infinitas pœnæ quoad *durationem* primariò non debebatur à Creaturâ, sed secundariò tantum & per accidens infirmitatis subjecti: nam si infinitas pœnas quoad atrocitatem ferre potuisset creatura peccatrix, nihil opus fuisset pœnam æternam ferre; quia verò Creatura finita pœnarum actu infinitarum capax non fuit, fieri debuit hac in parte pœnarum commutatio, ut quas atrocitate & intentione infinitas ex rigore justitiæ postulabat, eadem infinitæ essent tantum in duratione. Jam verò in Christo res ad naturalem justitiæ ordinem rediit; facta enim est commutatio

pœnarum quæ nobis ferendæ erant infinitæ quoad durationem, in pœnas magnitudine & intensione infinitas; non quidem ut infinitas illa æstimanda sit simpliciter ex atrocitate & gravitate rei, quæ nulla infinita in creaturam humanam cadere potest, sed ex dignitate personæ divinæ quæ passa est. Mors ergo infinita erit non tempore sed *pondere*, non *extensivè*, sed *intensivè*, non ratione *sui*, sed ratione *subjecti*.

V. III. Pœna mortis peccato debita considerari potest bifariam, vel quoad *essentiam*, vel quoad *accidens* & *adjunctum* ejus. Priori sensu dicit pœnas infinitas quotquot à Creatura ferri possunt tum *damni*, tum *sensus*, quas justitia Dei peccantibus denunciat, tum in privatione boni infiniti, desertione scilicet Dei & separatione ab ejus gratiâ & gloriâ, tum in inflictione mali longè maximi, ¹ maledictione nimirum & irâ ipsius cum gravissimis corporis & animæ cruciatibus; posteriori verò pœnæ æternæ durationem habet; accedit enim pœnæ ut sit æterna propter conditionem subjecti. Jam Christus pœnam infinitam sensit quoad substantiam ipsam pœnæ, quia justitia Dei nihil exigere potuit vel quoad pœnam *damni*, vel quoad pœnam *sensus* quod Christus plenè non sustinuerit, *damnum* quidem in *derelictione* Dei, Psal. xxi. 2. sensum verò in *maledictionis* & iræ perpeffione, Galat. iii. 13. quæ per calicem amarissimum denotatur, qui bibendus Christo oblatus est, Matt. xxvi. sed non tulit quoad *accidens durationis æternæ*, quia nec necessarium fuit, nec possibile; non necessarium, quia jam plenè alio modo satisfecerat; non possibile, quia sic ne satisfecisset quidem, nam qui semper solvit, nunquam potest dici persolvissè. Habuit ergo pœna Christi quod *essentiale* fuit pœnæ, non quod *accidentale*: hoc enim nec habere debuit, nec potuit: Non debuit, quia mors jam ob infinitam personam erat infiniti valoris; Non potuit etiam, primò ob *unionis hypostaticæ indissolubilitatem*, quia impossibile fuit filium Dei à morte detineri; Potuit à morte obsideri, sed non potuit ab ea vinci & superari, potuit premi, sed non opprimi, potuit concuti, sed non penitus dejici, quia quod λόγος Princeps vitæ semel assumpsit, nunquam dimisit; 2. ob *officii implendi necessitatem*: qui enim mortis merito Salvator fuerat, debuit esse pariter efficacîâ vitæ, qui sanguine salutem acquisiverat, debuit eam spiritu applicare & conferre per resurrectionem. 3. ob *perfectam humanitatis sanctitatem*. Nam fieri non potuit ut *Sanctum Domini videret corruptionem*, Psal. xvi. nec possibile erat justum à morte detineri, Act. ii. 24. Quamvis ergo mortem hanc ratione durationis æternæ non pertulerit, tulit tamen ratione *essentiæ* & *valoris* infinitam, ita ut nihil hoc modo pretio decesserit. Imò tantùm abest ut decesserit, ut mors infinita Christi videatur aliquanto superare mortem æternam nobis debitam: nam pœnæ inferorum non nisi *improprie* dicuntur *infinitæ*, quia componuntur ex variis momentis sibi invicem succedentibus, finitum autem additum finito non facit infinitum, sed melius dicerentur *indefinitæ*: At verò persona & dignitas Christi actu est infinita. Cùm ergo ex dignitate personæ quæ

luebat, pœnæ æstimatio pendeat, mors illius æstimari debuit ac si fuisset actu infinita, mors autem infinita actu, finitam mortem quantumvis multiplicetur, vel in æternum prorogetur non æquat modò, sed superat proportionem.

V I. Hinc facìle responderi potest rationibus allatis. Ad primam, quod mors æterna non pertransitur, *Resp.* si æternam intelligas, quæ talis est absolute & quoad durationem, fateor, si infinitam quæ talis sit valore & intensione, nego. Inexpugnabilis sanè mors est, si spectetur quæ est infinita extensivè, & temporis duratione, sed si dari potest ejusmodi subjectum in quod cadere possit tantum incrementum pœnæ sine ejus destructione, res non est impossibilis; Tale autem subjectum fuit Christus *ἡ ἀνθρώπων*, qui non tulit tantum, sed & pertulit & superavit pœnas omnes nobis debitas sine ullo detrimento: potuit enim & se & nos liberare, ac si nosmet ipsi easdem tulissemus.

V II. Ad secundam *Resp.* finiti ad infinitum nulla est proportio si *finitum* & *infinitum* intelligatur *absolute* & *omnimodè*, falsum si utrumque intelligatur tantum *secundum quid* & comparatè: Nam quod finitum est in se, potest dici infinitum objectivè, ut *peccatum finitum* est *ratione subjecti* hominis scilicet peccantis, *infinitum* tamen dicitur *ratione objecti* nimirum Dei offensi; Ita vicissim datur aliquod *finitum in se* quod *infinitum* est *respectu subjecti*, ut passiones Christi in se quidem finitæ sunt, sed ratione Christi patientis qui persona est divina & infinita, infinitæ. Sic justa dari potest proportio inter pœnas Christi & nostras. Nam ut culpa finita tempore meruit infinitam pœnam ratione objecti infiniti, Dei scilicet, in quem admissa fuit; Sic pœna tempore finita æquipollet æternæ propter subjectum infinitum à quo fuit tolerata. Ita pœnæ bifariam spectari debent vel *Physicè* seu *Metaphysicè* ratione entitatis quam habuerunt, sic finitæ fuerunt, nec esse infinitæ potuerunt aut debuerunt, vel *Ethicè* sive *judicialiter*, quomodo esse infinitæ debuerunt, & revera fuerunt: At hic cum de satisfactione forensi agatur, finitudo, si ita loqui licet, vel infinitudo pœnarum intelligenda est secundum æstimationem forensam quæ nullam habet rationem entitatis, ut patet in peccato, quod interdum nullam entitatem habet, neque formaliter neque materialiter v.g. omissio officii, & tamen in foro magni æstimatur; imò cum de officio erga Deum infinitum agitur quodammodo infinitè: quo enim major est ejus qui offenditur dignitas, eo pluris æstimatur offensa, eo enim minus offendi debuerat, plusque adeo est in offensa indignitatis.

V III. Ad tertiam de desperatione. *Resp.* Distingue rursus *essentiam* pœnæ ipsius, & ejus *adjunctum* & consequens quod pro ratione subjecti separabile est; vel prout à *Judice infligitur*, vel prout à *Creaturâ recipitur*, vel prout in personâ alienâ sponforis fertur, vel in propria personâ peccatoris. Priori sensu *desperatio* & *morsus* conscientiæ non pertinent ad pœnas damnatorum: non sunt enim de essentiâ pœnæ in se consideratæ, sed tantum per modum *adjuncti* & consequenter ratione *subjecti corrupti*. Non includuntur in pœna quatenus à *judice infligitur*,

tur, vel à sponfore fertur, sed quatenus à creaturâ vitiosâ & reâ recipitur, sic desperatio est adjunctum pœnæ, quod pro ratione subjecti est separabile: nam si pertransire posset damnatus pœnas, non desperaret, sed quia scit in æternum duraturas esse, & spei & libertatis nullam affulgere rimam, ideo desperat: At in Christo longe aliter, non potuit in ipsum cadere Desperatio, tum quia luebat non sua, sed aliena peccata, tum quia luebat absque omni peccato, tum denique quia de conservatione & liberatione sui erat securus, ideoque in mediis cruciatibus & angoribus suis, fiduciam suam semper in Deo collocat, Ps. xxii. 2. 3.

IX. Atque hîc obiter, antequam aliò transeamus, depellenda est atrox & tetra calumnia, quam Pontificii Doctoribus nostris intentant, quasi desperationem Christo tribuant, imprimis *Calvino* nostro in *Harmon. Euang.* ad Matt. cap. xxvii. 46. & *Institut.* lib. 2. c. 16. f. 10. & 11. & *Beza* ad Matth. c. xxi. 45. 46. Hinc *Eftius* in Matth. xxvii. ait non desuisse hoc tempore qui auderent inauditam blasphemiam in Christum evomere, dicentes eum in cruce desperasse, & ob eam causam ipsum damnatum esse, quam blasphemiam audire pia aures coherescunt. Et *Genebrardus* in Psal. xxi. vult ex voce à Christo emissa Calvinistas colligere Christum in cruce desperasse, vel desperantis vocem emisisse, & ad desperationem usque terrores mortis & dolores inferni, flammæque & supplicium infernale post mortem sustinuisse. Sic *Maldonat.* in Matt. xxvii. *Bellar.* l. 4. de Christo, c. 8. & alii passim, & nullus est hodie Monachorum qui consimiles in nostros non jactet calumnias, & sententiam de Christi desperatione iis sycophanticè non affingat.

X. Verùm nisi odio infano excæcata essent eorum mentes, facilè tam nefandarum criminationum caliginem dispellere poterant; Nihil enim falsius dici potuit, nihil à mente nostrorum alienius, imò & ab ipsorum verbis: inspiciantur tantùm loca, & res cuilibet patere poterit. Primò quod *Calvinus* sibi objicit in personâ Adversarii per *μίσους*, id tanquam ejus assertionem ipsi affingunt, verba clara sunt, absurdum Christo elapsam esse desperationis vocem q. d. scio fore qui absurdum hîc à me statui & Christo desperationem affingi asserant, & subjicit, solutio facilis est quanquam sensus carnis exitium apprehenderet, fixam tamen stetisse FIDEM in ejus corde quâ Deum præsentem intuitus est, de cujus absentia conqueritur; Ita docet Christum ita concepisse Dei derelictionem, ut simul si se retinuerit Deum sibi esse propitium, quod probat ex duobus querimoniæ membris, in quâ antequam tentationem exprimat, præfatur se ad Deum confugere tanquam Deum suum; atque ita clypeo fidei fortiter repellit illam quæ se ex opposito ingerebat derelictionis speciem: denique in hoc diro cruciatu illæsa fuit ejus fides, ut se derelictum esse deplorans, propinquo tamen Dei auxilio consideret; Sed mentem suam longè clarius adhuc aperit in *Instit.* lib. 2. c. 16. f. 12. dum inter alia varia huc facientia hoc potissimum notat, Quanquam ad momentum sese occultaverit vis Spiritus, ut locum infirmitati carnis cederet, sciendum ta-

men est talem fuisse tentationem ex doloris metu sensu quæ cum fide non pugnaret, Et hoc modo impletum est quod habetur in concione Petri, non potuisse eum tenèri à doloribus mortis, quia se quasi derelictum à Deo sentiens, ne tantillum quidem deflexit à bonitatis hujus fiducia; Quod docet celebris illa invocatio, in quâ præ doloris vehementia clamavit, Deus meus, Deus meus ecquid dereliquisti me? Nam etsi supra modum angitur, non tamen desinit vocare Deum suum à quo se derelictum exclamat. Sic Cateches. Sect. 10. Quamvis metu angeretur, ac pene animo concideret, spem tamen præ gravi illo morore non abjicit: ideoque moror ille multis modis differt ab illâ anxietate quam in conscientia habent peccatores, à quibus Deus iratus pœnas reposit, quia quod in eo temporarium fuit, in illis est perpetuum, & quod eum aculei cujusdam instar pupugit, illis mortifer gladius est. Sed quod precipuum, Christus in Deo S P E M habere non desuit, quanquam vehementer expavescebat, & in angorem summum redactus, peccatores autem quos Deus condemnat, de ipsius benevolentia desperantes, tantummodo adversus eum manifestò fremunt, & blasphemias jactant. An qui ita loquitur desperationem Christo tribuisse dicendus sit, judicent omnes.

XI. Bezæ non alia mens est; Nam in Matt. xxvii. 46. nihil de desperatione habet, neque locum ipsum fusiùs explicat, sed ad locum Heb. v. 7. remittit, ubi rem totam executus est solidissimè, sed quantum abfuerit ab eâ, quæ illi tribuitur opinione, docent verba quæ sub finem dissertationis adjicit. Verum in his omnibus hac duo teneamus, ista videlicet non à diffidentia ullâ, sed à doloris vehementissimo sensu proficisci; Deinde sic considerandas esse singulas hujus actionis partes, ut ex fine de re totâ statuamus, neque enim in illâ cogitatione, (qua tamen & ipsa, ut dixi, fuit omnis peccati & vitii expers) ita hasit, quin mox invicta S P E S illum erigeret, idem enim qui percussus quid dicam, inquit, libera me ex hac horâ, eodem tenore subjicit, sed propterea veni in hanc horam; Qui ter petit, Pater transfer à me calicem hunc, addit, fiat quod tu vis; Qui vociferatur se derelictum, tamen Deum, Deum suum compellat. Quod si ad ipsos Adversarios oculos convertere vellemus, quantò justior esset eos carpendi occasio, qui longè durius hac in parte & Calvino & Bezâ locuti sunt. Videtis Maldonat, in Matt. xxvii. Ferum in eundem locum, Cusanum de cruciatibus Christi, Ariam Montan. de passione Christi in horto lib. 5. de regenera. Ada. c. 23. & alios non paucos.

XII. Sed è diverticulo in viam. Contra responsionem nostram multa reponunt Adversarii. 1. Si verum esset Personæ infinitatem ad infinitatem pœnæ contulisse, sequeretur ergo levissimâ aliquâ pœnâ de Christo sumptâ Justitiæ Dei satisfieri potuisse, ut non necesse fuerit tam diris cruciatibus eum affligi: nam & levissimæ pœnæ hoc pondus ab æternâ Deitate addi potuisse. Sic Socinus; Addit Gutrichius contra Lucium si una sanguinis gutta fuit sufficiens, cæteras fuisse frustra effusas, & Deum crudelissimum fuisse qui plus requisiverit quàm debebatur. Resp. Neg. conseq. nam etsi qualibet passio Christi habuerit valorem in-

finitum subjective, sola tamen mors à Lege denunciata habuit valorem *infinitum objective* respectu iudicis infligentis; Ideo minimus cruciatus Christi vel guttula sanguinis non potuit sufficere ad plenam satisfactionem, quia non habuit rationem maledicti & pœnæ peccato respondentis. Quævis perpeffio satisfactio non est, quamvis infinita patiatur persona, sed ea demum quæ conveniens est, & quæ cum Iustitia Dei, legis sententiâ, peccati scœditate & gravitate, & figuris præcedentibus congruit. Dignitas personæ patientis potest quidem augere pœnæ quam patitur dignitatem, ut eò gravior censeatur, quò dignior est & illustrior persona quæ patitur, non potest verò essentiam seu speciem ipsam pœnæ compensare: aucta enim in immensum unius speciei quantitas, ipsi non confert alterius speciei naturam; Auge naturam bruti infinite, non tamen propterea habebis hominis perfectionem. Non igitur qualibet pœnâ, sed eâ solâ quam eramus commerti, & quam Lex denunciabat, morte scilicet satisfieri pro nobis potuit. Absit ergo ut Deus crudelitatis propterea insimuletur, quod mortem requisiverit, imò in iustitiæ exercitio, est quod miremur bonitatis & misericordiæ Dei salutare temperamentum, qui cùm pœnam mortis propriam à nobis exigere potuisset, vicariâ tamen contentus fuit. 2. In hac causa non est indulgendum cogitationibus nostris, nec tam quærendum quid fieri potuerit, quàm quid fieri voluerit Deus, & quid re ipsa factum fuerit; Propterea hîc componendum est *decretum* Dei cum consideratione *qualitatis personæ* Christi, non autem unum ab altero divellendum: Certum est enim hîc Deum voluisse satisfieri iustitiæ suæ, non per unum aut alterum opus Christi, sed per plura conjunctim, ac nominatim per passiones & mortem ipsius, ita ut omnes simul unum *δικαίωμα*, & absolutissimam infinitæ satisfactionis rationem constituent.

XIII. Atque hinc patet quàm vanum sit & falsum illud Scholasticorum efatum, quo pertendunt unicam sanguinis Christi guttam sufficere potuisse hominibus redimendis, ut inde scilicet thesaurum Indulgentiarum suarum extruant, in quem reliquam sanguinis copiam repositam esse contendunt, & per Petrum ejusque Successores dispensari pro partiali vel totali remissione peccatorum. Nam cùm toties testetur Scriptura mortem Christi necessariam fuisse, tum propter iustitiam Dei immutabilem Rom. I. 32. & VI. 23. tum propter infallibilem ejus veritatem, Gen. II. 17. Ezech. XVI. 11. quis minus supplicium sufficere potuisse crediderit? nisi velimus Deum accusare quod nimium à filio suo exegerit, quod impium est vel cogitare; *αἰματηρυσία* verò illa de qua Apost. loquitur, Hebr. IX. 22. non simpliciter quamlibet sanguinis effusionem notat, sed quæ mortem secum trahat, qualis erat in effusione sanguinis pecudum sub Vet. Test. ad quam ibidem alludit Apost.

XIV. II. *Excip.* Dignitatem personæ nihil conferre ad infinitatem pœnæ quia nulla sit apud Deum personarum acceptio Rom. II. 11. quod si hoc obtinet, cùm ejus misericordiæ locus relinquitur, quid tandem erit, cùm de pœnâ irro-

gandâ ex iustitiâ seu potius severitatis absolutissimâ præscripto agitur? Addit *So-*
cinus valde suspectum esse quod pro concessio sumitur Principis viri levem pœ-
 nam ejusdem pretii esse cujus gravissimam hominis plebeji, imò se credere inju-
 stam esse eam Legem quæ idem delictum in viro principe leviter punit, in ple-
 bejo autem gravissimè. Resp. I. Neg. conseq. Et si non datur *personarum acceptio*
 apud Deum, non sequitur passiones Christi valorem infinitum non habere à di-
 gnitate personæ, quia alia planè est *πρωπολησία* quam Deus à se removet, alia
 personæ *λόγος* consideratio in æstimatione juridica satisfactionis: nam respectu
 prioris *πρόσωπον* non significat *objectum* ipsum amatum vel rejectum, seu ipsum
 hominem, quem personam dicimus; Sed notat *motivum* seu *qualitatem* aliquam
 externam propter quam adducimur ad illud eligendum vel respuendum, quia
 verò vultus hominis in eo maximè illustris est & conspicuus, qui primùm o-
 mnium in oculos intuentium incurrit, ideo *πρόσωπον* dicitur, ut ex eleganti illa
 Nazianzeni allusione videre est in carmine *ἡ γυναικῶν καλλοπιζομένηων*, ubi eas ab
 infano faciem fucandi studio dehortatur, faciem nativam à larva ascititia & super-
 inducâ distinguendo:

μήδε θεῶ μορφᾶς ἐπαλείφετε χρώμασιν αἰχροῖς
 ὥστε προσωπεῖα καὶ χὶ προσωπα φέρειν.

Hinc *πρόσωπον* usurpatur pro statu hominis externo, seu pro qualitate aliqua per-
 sonæ aut rei, quæ est extra causam de qua agitur & quæ nullatenus ad ejus mo-
 mentum pertinet v. g. cum propter nobilitatem & potentiam unus absolvitur li-
 cet reus, alter verò propter inopiam & miseriam damnatur, licet cæteroquin po-
 tior esset & iustior ejus causa; hæc est vera *prosopolepsia* quæ in vitio semper po-
 nitur & à Deo passim severè interdicitur, Lev. xix. 15. *non suscipies faciem paupe-*
ris, nec honorabis faciem magni in judicio, in iustitia judicabis proximum tuum. Sic
 Deut. xix. 15. & alibi sæpe. At verò personæ dignitas de qua loquimur, non est
πρόσωπον seu qualitas aliqua externa quæ non faciat ad rem; Imò hic persona *λό-*
γος dat momentum longè maximum ipsius passionibus, quandoquidem pondus
 addit & valorem *λύτης*: cum enim actiones & passiones sint suppositorum, ab
 iis etiam suam trahunt æstimationem. Aliud E. est *πρόσωπον* id. *faciem* non acci-
 pere quod vitiosum est & de Deo bene negatur, aliud *ὑπόστασιν* seu *personam* re-
 spicere, quod justum est, & rectè Deo tribuitur.

X V. II. R. supponi hîc falsam hypothesim ab Adversario, quasi personæ
 dignitas nihil faciat vel ad minuendum peccatum, vel ad augendam pœnam;
 Quis enim ignorare potest crescere peccati reatum pro tenuitate offendentis, &
 majestate offensi, seu ejus in quem peccatur, & rursus pœnæ valorem ex digni-
 tate patientis; v. g. si Plebejus aliquis aut vilis homuncio Regem lædit, longè
 gravius censetur peccatum, quàm si Rex vel Princeps subdito injuriam faceret;
 Ita si Rex aliquis patitur, ejus passio longè pluris æstimatur, quàm si minimus
 aliquis ex plebe. Quo major est ejus qui punitur dignitas eo pluris æstimatur
 pœna

pœna quam perpetitur, eo enim minus puniri debebat, plusque adeo est in pœna indignitatis; Jam autem personæ divina essentia præditæ dignitas est infinita, quæ enim potest forma dignior esse formâ Dei? At Christus erat in forma Dei Phil. II. *ὅτι τῷ θεῷ ἀσφαλις* id est prorsus æqualis Deo; Is autem sese usque eò exinanivit, ut oppositam formam sumpserit scilicet servi, nec eo exinanitionis gradu contentus infra eum sese ad eam obedientiam demisit quam nemo exigit à servo; luitque ultro atrocissimum & Lege Dei maledictum supplicium crucis ut Patri obediret, & nos à maledictione Legis liberaret; Ita nihil ad infinitam pœnæ æstimationem desiderari jure potuit. 3. Pœna vel infligitur peccatori ipsi in *propriâ personâ*, vel sponsoni in *personâ alienâ*; Dignitas personæ non valet quidem in reo patiente, quia eadem quæ est in solvente, fuit in peccante, & quæ considerari potest in pœna ad ejus imminutionem, spectatur in peccato ad ejus intensionem, sed in sponsoni valet, quia non ob sua, sed ob aliena delicta satisfacit. Itaque si Rex punitur pro subditis, pœna quæ in subditis mortis debuerat esse, in Rege propter dignitatem personæ commutabitur in exilium, vel carcerem. Quidni ergo hîc dignitas non finita, sed infinita personæ Christi pondus addere potuerit passionibus ejus, ita ut quod duratione æternum esse debuerat, brevi temporis spatio absolveretur. Sanè Scriptura non sine ratione toties ad hanc personæ considerationem nos revocat, ut pondus infinitum meriti & satisfactionis Christi agnoscamus, ut cùm ait *Deum acquisivisse Ecclesiam sanguine suo*, Actor. xx. 28. *Dominum gloria esse crucifixum*, I. Cor. II. 8. *Christum se per spiritum æternum obtulisse*, Heb. IX. 14. & *vi indissolubilis vitæ non secundum mandatum carnale factum fuisse sacerdotem*, Heb. VII. 17. *sanguinem Jesu Christi filii Dei nos purgare ab omni peccato*, I. Joan. I. 7. 4. Falsum etiam hîc supponitur, Christum leniores pœnas tulisse, quàm quæ nobis debebantur: neque enim dicimus propter personæ dignitatem in Christo levius, vel infra condignum vindicata fuisse peccata nostra, sed cùm debitas eorum pœnas omnes tulerit, ex personæ dignitate fluere meritò dicimus quod tanti habeantur pretii ad nos redimendos. Itaque duo hîc conjungenda esse putamus, peccatorum omnium justam perolutionem, & satisfactionis illius valorem infinitum; pœnas enim omnes impositas esse clamat Isaias c. LIII. & Paulus Gal. III. dum ait factum fuisse *κατάραν*; maledictio enim omnes pœnas includit, valorem verò istarum pœnarum ex ipsâ personâ petendum esse ex eo patet, quod Deus dicitur acquisivisse Ecclesiam sanguine suo, & Christus per Spiritum æternum se obtulisse, &c.

XVI. III. *Excip.* Non posse divinam vim Christi conferre passionibus infinitatem, quia alias sequeretur Christum quatenus fuit æternus Deus, passum fuisse, quando non satis erat Christum qui passus fuit, æternum Deum esse, nisi etiam quatenus Deus æternus est, fuerit passus, cùm verò hoc dici haudquam possit, nec posse pariter istam infinitatem ex personæ dignitate peti. R. ut pœnæ

pœnæ sint infinitæ, non necesse est ut Divinitas ipsa passa sit, quæ impassibilis est, sed sufficit ut persona patiens divina sit, quamvis nihil perpeffus sit Christus quatenus est Deus, persona tamen illa quæ Deus est, pœnas has tulit: non valet ergo conseq. Christus quatenus est æternus Deus, vel ipsa in eo æterna Deitas pati non potest, ergo nec vim aut pretium tribuere perpeffionibus quas humana natura ipsi personaliter unita sustinuit, quia actiones & passiones omnes sunt personæ, & à dignitate personæ æstimantur & denominationem accipiunt, ut à *principio quod*, licet pro harum conditione attribuendæ sint naturæ ex quâ ortum habent, ut *principio quo*.

XVII. IV. *Excip.* Etsi natura divina supponeretur passa, non sequeretur, quia infinitæ virtutis est, idcirco quæcunque in ipsâ sunt, infinitæ esse virtutis, ut operationes Dei quantumvis maximi, non tamen infiniti sunt pretii, licet sint ab eo qui infinitus est: Ita de passionibus statuendum, non posse statim infiniti pretii dici, licet in infinito sint. Resp. Sed hîc fallunt & falluntur Adversarii. 1. nunquam diximus Divinitatem ipsam passam esse vel pati potuisse, sed tantum personam patientem Deum fuisse; Passus est ergo *qui Deus est*, sed non *quæ Deus*. 2. si Deus passus est, bene sequitur passionem esse infinitam resp. personæ, etsi sint in se finitæ; Distinguenda ergo hîc *infinitas physica* cujus subjectum finitum capax non est, ab *infinitate morali*, qualis in pretio attendi solet, passionem infinitam sunt non priori, sed posteriori sensu. 3. Ex eo quod Deus est infinitus sequitur quidem, quicquid est *in Deo* esse pariter infinitum, sed non quicquid est *à Deo* statim est infinitum eadem ratione: Jam opera Dei transeuntia sunt à Deo & non in Deo, unde non mirum si eandem infinitatem absolutè non participant; Interim tamen etsi non sint infinita absolutè & simpliciter, aliquam tamen infinitatem participant, si non in substantiâ operis, saltem in modo operationis: sic creatura non est infinita, sed ñ creare est infinitæ virtutis; Ita etsi passionem Christi non habeant infinitatem physicam, quæ in nullam rem creatam cadere potest, habent tamen moralem in pretio & æstimatione, quæ hîc sufficit.

XVIII. Sic fuit prima obiectio *ex parte pœnæ*. Secundam addit Socinus ex eo petitam quòd pœna corporalis in alium transferri non possit, aut pro illo pendì, quia natura non patitur ut corporalis unius pœna, non secus ac factum alterius fiat; Jam quæ suapte naturâ fieri non possunt, illa ne à Deo quidem fieri dicenda sunt: sic ille part. 3. cap. 4. Resp. Naturâ aliquid impossibile dici potest, vel quod rerum naturæ ita repugnat ut contradictionem involvat, & sic verum est ea quæ naturâ fieri non possunt, neque etiam à Deo fieri posse: Vel impossibile illud dicitur secundum quid, quod secundum naturam cursum & ordinaria media fieri non potest, & sic negatur, quia Deus sæpe operatur supra naturam, & quæ homini animali absurda videntur & impossibilia, non desinunt posse à Deo fieri. 2. quod est unius, potest fieri alterius vel *actuali transfusione*, vel *judiciali imputatione*. Pœna unius non minus ac peccatum non potest

test alterius fieri per actualem transfusionem, quia est actio & passio personalis quæ migrare non potest de subiecto in subiectum; sed nihil obstat quo minus alterius fiat per *forensem* & *iudicalem imputationem*; Ut sponsor potest in se debitum debitoris assumere, & pro ipso satisfacere, accedente Iudicis vel Creditoris ratihabitione, qui quod sponsor solvit debitori imputat. Talis translatio pœnarum occurrebat olim in sacrificiis & victimis, quatenus istæ in peccatorum locum subrogatæ, pœnam mortis ipsis debitam sustinebant. Ita Christus in se & peccata & pœnas nostras transtulit, *peccata* quidem *imputativè*, quia eodem loco habitus est ac si peccator fuisset, *pœnas* verò *realiter* & *inhesive*, quia eas omnes in corpore suo luere voluit. 3. *pœna* unius non potest alterius fieri nimirum quæ sit *eadem numero*, concedo, sed *eadem specie* & similitudine, nego. Jam Christus non eandem numero pœnam nobis debitam tulit, sed similem tantum. Cæterum quæ hîc Adversarius contra possibilitatem istius translationis, & substitutionis iustitiam arguit, quia discussa sunt *Disp. II. de Necess. Satisf.* plura nunc dicere superfedemus.

XIX. Ad quartum jam progredimur Caput, in quo pertendunt *ex parte hominum* impossibilem fuisse istam satisfactionem; Hoc enim etiam urgent Adversarii hoc potissimum argumento. Quia singulis peccatoribus mors una infinita debebatur, imò & pro unico peccato; Ergo vel plures mortes imò innumeræ requirebantur infinitæ, vel Christus verè & plenè pro omnibus non satisfecit. Finge, inquit Socin. p. 3. c. 4. *Christum eas pœnas subisse quas quisvis ex hominibus propter peccata sua subire tenebatur, quid hoc erit ad veram plenamque satisfactionem pro peccatis omnium? Quis unquam audit, solvendo quod unus debet, pro singulis satisfacere, qui idem singuli debent? Sic alibi, nonne & id quoque quod unusquisque nostrum propter delicta sua pati tenebatur, infinitum quiddam erat? &c.* Infinitas igitur pretii quæ in Christi perpeffionibus reperiri posset, quia divina natura passa fuisset, pro uno quopiam solvi potuisset, & unus tantummodò ex nobis ejus vi à mortis æternæ reatu liberari, siquidem, ut dictum, quilibet ex nobis pro se eam pretii infinitatem debebat, quare totidem pretii pœnarum infinitates existere opus fuisset, quot nos omnes sumus, non unicam tantum, si omnes id per alium solvendo quod nos debebamus, eo nexu liberandi fuisset.

XX. Resp. Arguta videtur objectio, sed solida non item. 1. Hîc apertè impetitur ipsa Scriptura, quæ non semel, sed passim docet unum Christum pro omnibus mortuum & passum, Isa. LIII. 4. 5. 6. *Deus coniecit in eum iniquitates omnium nostrum, & peccata nostra & dolores portavit*, 2. Cor. v. 14. *Si unus pro omnibus mortuus, ergo omnes mortui*, 1. Pet. III. 18. *Iustus pro injustis passus est*, sed peculiariter Rom. v. 18. ubi una Adami inobedientia quæ omnes posteros perdidit, opponitur vel respondere dicitur uni obedientiæ Christi quæ omnes fideles salvat, *ut per inobedientiam unius illius hominis peccatores constituti sunt multi, ita per obedientiam unius istius iusti constituentur multi*. Si ergo unum Adami peccatum

potuit innumeros perdere, quidni & una Christi iustitia poterit innumeros salvare? sic *unicâ oblatione dicuntur consecrari qui sanctificantur*, Heb. x. 14. & Christus *dedisse se ipsum redemptionis pretium pro omnibus*, 1. Tim. 11. 6. hoc sensu dicitur *ἱλασμός non tantum pro peccatis nostris* id. Judæorum, *sed etiam totius mundi*, 1. Joh. 11. 2. *Agnus Dei qui tollit peccata mundi*, 1. Joh. 1. 29. *qui semel oblatus est ut multorum peccata tolleretur*, Heb. ix. 25. E. vel falsa dicenda erit Scriptura quæ passim unius Christi iustitiam & mortem proponit tanquam ἀντίλυτρον sufficiens ad redemptionem omnium Electorum, vel falsa erit Socini sententia.

XXI. Secundò disting. *debitum pecuniarium à solutione pœnali*, in illo quia pecunia ex suâ materiâ & formâ absolutè æstimatur, à quocunque possideatur aut solvatur, valoris est ejusdem; Ita si multi centum nummos pro se singulis debeant, pro singulis totidem centum nummi erunt pendendi, non verò pro omnibus centum sufficient; Sed in ista, quia personæ fit substitutio, & quidem innocentis pro nocente, ibi æstimatio non fit tantum pœnæ, sed etiam personæ; Itaque pro dignitate personæ crescit etiam dignitas pretii. Licet nummus aureus non plus valeat in manu Regis quàm captivi, tamen Regis caput & vita plus habet pretii quàm vilis mancipii. Sic sæpe unius pœna pro delictis multorum sufficit, Rex unus pro innumeris captivis permutatur, quia dignitas personæ longè præponderat numero cæterorum. Sic vita Davidis plus æstimatur dimidio exercitu, 2. Sam. xviii. 3. At hîc non est quæstio de solutione pecuniæ in qua valor ejus simpliciter attenditur, sed pœnæ in qua personæ conditio æstimatur; Nec mirum videri debet si unus pro multis sufficere potuit; ut Unus serpens æneus suffecit ad servandos omnes ægros Israëlitas; Unus hircus *ἄποπιμπας* suffecit ad exportanda in desertum omnium Israëlitarum peccata; Una victima sufficiebat & pro Sacerdote & pro populo; Unico sacrificio propitiatorio anniversario poterant universi populi delicta expiari, etsi tot expiationes requirerentur quot erant Israelitæ, quia unica illa expiatio sic erat universorum, ut ex Dei destinatione & instituto fieret quoque singulorum; Quidni ergo una unius Christi filii Dei satisfactio pro peccatis mundi sufficeret? Sic quod præstat alicujus Civitatis procurator aut Commissarius totius Reip. nomine, sic factum ab ipso censetur, ut omnes & singuli in eo id ipsum præstitisse dicantur. Ita quamvis quilibet egeat toto sole ad sui illuminationem, universis tamen illuminandis una Lux Solis sufficit.

XXII. III. Tota Adversarii ratiocinatio peccat falsa hypothese quòd Christus non sit Deus: Nam posito Deum esse, infinitas personæ exhaurit omnes illas infinitates, quæ nobis debebantur; Unus enim pluri æstimari debet quàm omnes simul, imò infinities pluri, nam unum si multiplices, habebis tandem numerum omnium hominum, omnium verò hominum collectio quantumcunque multiplicetur, nunquam Christi potentiam & dignitatem æquabit; Ita licet Christus unus sit, Nos pro quibus passus est propè innumeri, tamen poterit

terit unus pro omnibus satisfacere, & una ejus mors pro omnibus mortibus dari ἀντὶ πάντων; Nam personæ dignitas & infinitas absorbet omnes infinitates nostras, quia non absolutæ sunt, sed tantum comparatæ & secundum quid. I V. Ad hoc etiam accedit consideratio *fæderis* cum Christo initi, If. XLIX. 6. 8. Matt. xx. 28. quo ita à Patre constitutum est, ut Christus passione suâ non pro uno vel altero, sed pro omnibus electis satisfaceret, vitamque iis mereretur: sic enim peccatum factus est, ut essemus Justitia Dei in ipso, 2. Cor. v. 21. sic factus est κατὰ σαρκα, ut benedictionem consequeremur, Gal. III. 13. sic in eum coniecit Pater iniquitates omnium nostrum, ut ex ejus vulneribus sanaremur, Isa. LIII. 6. Sic gustavit mortem pro omnibus, ut per mortem destrueret eum qui habebat imperium mortis, & liberaret quotquot metu mortis per totam vitam obnoxii erant servituti; Hebr. II. 14. 15. Ut E. ex Adami peccato, Deo ita ordinante, omnes & singuli homines rei facti sunt æternæ damnationis, *damnati antequam nati*, ut scitè loquitur Bernardus, nec totidem infinitates distinctæ in una primi hominis transgressione sunt constituendæ quæ ad nos dimanant; Ita in Christi obedientia temerè infinitates debitorum nostrorum separaveris, cum unâ suâ passione & morte pœnarum nostrarum infinitatibus, si ita loqui licet, abundè satisfecerit: Unde scrupulosè in proportionem istarum pœnarum non est inquirendum; sufficit hoc teneamus, Deum Sponsorem eum pro nobis omnibus constituisse, ut pace per sanguinem ejus facta, omnia sibi reconciliaret, Col. I. 19.

XXIII. Atque ita soluta sunt breviter quæ Adversarii afferre solent contra Satisfactionis veritatem, & ad impossibilitatem ejus evincendam: Superest ut *Absurda* nonnulla expendamus, quibus sententiam nostram obnoxiam esse perpendunt. 1. *Absurd.* Si Christus pro nobis satisfecit, plus ipsi deberemus quàm Patri cœlesti qui nihil tale pro nobis præstitit, major esset Christi amor & misericordia erga nos quàm Patris, quia ille à nemine quicquam postulavit, sed Patrem insuper movit, ut nostri misereretur, & nobis reconciliaretur. Sic *Catech. Racov.* c. 8. de morte Christi q. 16. Resp. perperam hîc opponuntur quæ sunt conjungenda; nam licet opus Redemptionis *terminativè* & *subjectivè* sit solius Filii, qui carnem nostram assumpsit & in eâ passus est, tamen non desinit esse totius Trinitatis *inchoativè* & *efficienter*, quia ad opus istud singulæ personæ S. Triados concurrunt eâdem justitiâ, sapientiâ, potentiâ & misericordiâ; Unde ut nihil Christus egit nisi ex communi omnium consilio, Joa. XIV. 31. sic ago sicut mihi mandatum est à Patre, ita eadem virtus in ejus executione se exeruit. Ideo amor & charitas utrobique summa, Patris in missione & datione filii, Filii in promptâ & spontaneâ istius muneris susceptione; si Filii magna est misericordia erga genus humanum, utique & Patris; si satisfactum est justitiæ Patris, utique & Filii, quia satisfactio ista non respicit simpliciter personam Patris, sed divinam Justitiam, quæ Patri, Filio & Spiritui sancto communis est.

XXIV. *Inf.* Sed nonne major videtur amor illius qui pro nobis solvit, illius amore, qui solutionem accipit & qui à satisfactione motus est ad miserendum? Resp. Major non potest dici charitas Filii qui seipsum dedit, charitate Patris qui filio non pepercit, quia utrobique est summa & maxima. Cum enim Pater suo illo unigenito nihil charius habeat, in quo sibi complacitum est, Matth. III. 17. & quem Scriptura vocat *filium dilectionis* paternæ, Col. I. 13. id. summè dilectum; sanè non potest non esse maxima charitas illa Patris erga nos, quæ ipsum movit ut filium pro nobis traderet, unde Scriptura celebrat passim hanc Dei charitatem tanquam summam & inenarrabilem, Joan. III. 16. Rom. v. 8. I. Joa. IV. 9. Ita immensum filii erga nos amorem esse testatur ipse, cum ait hoc esse amoris culmen ut quis vitam pro amicis exponat Joan. xv. 13. At Christus non pro amicis, sed pro inimicis mori voluit; Ita si hæc duo conferantur, Pater filium dilectissimum & delicias suas morti exponens, & Filius summâ alacritate mortem subiens, quid aliud dici potest quàm summum esse utriusque amorem? nec facile exponi potest utri plus debeamus, quia utrique infinitum debemus; Porro quod addunt satisfactione filii motum fuisse Patrem ad miserendum, in eo non satis accuratè loquuntur; nam tantùm abest ut satisfactio moverit misericordiam, ut potius misericordia satisfactionem destinavit tanquam medium ad finem suum nimi. Electorum salutem consequendum appositissimum; sic enim Joan. III. 16. missio dicitur effectus dilectionis Dei, *Ita Deus dilexit mundum ut dederit filium, &c.* Nec sanè aliunde poterat quàm à summo & intensissimo Dei erga nos amore proficisci Redemptoris destinatio & missio; Verùm quidem est *misericiordiam & amorem Dei effectivè* consideratum satisfactionem supponere, quia non poterat actualiter se exercere erga nos per effecta beneficentiæ, nisi prius satisfactum esset iustitiæ; At *misericiordia affectivè* seu *amor benevolentia* in Deo illam omnino antecedere debuit, quia sine eo destinari non potuit. Frustra verò hîc regerit Adversarius Filium aut iratum fuisse, & sic satisfactione indignuisse, aut non iratum, & sic à Patre dissensisse; Nam cum una sit Patris & Filii iustitia cui satisfaciendum fuit, hic non minus quàm ille iratus dici debet, quique adeò satisfactione indiguit ad eam placandam; Interim quia ira illa fuit benignitate temperata, Deusque generis humani perditî miserebatur, & de redimendo illo cogitabat, Filius Patri libens obediit, adeoque iustitiæ suæ læsæ satisfecit: quod licet humana & cæca ratio non capiat, Verbum tamen expressè docet; Et hoc est indicium non hostilis discordiæ, sed potius consensus & obedientiæ; Filius enim mortem suscepit, non quod dissideret à Patre, & hominibus plus iusto faveret, sed ut iustitiæ Dei satisficeret, & perfectam *ἀπολύσις* cum Patre testaretur; quò spectat illud Psal. XL. 9. *Ecce venio, in volumine libri scriptum est de me ut faciam voluntatem tuam.*

XXV. II. *Absurd.* Si Christus pro nobis satisfecit Legi divinæ, ergo Legem non tenemur amplius observare, nam pro quo pretium est solutum semel, is non

is non tenetur denuo solvere; At posterius est absurdum, E. & prius. Hinc colligunt doctrinam de satisfactione perniciosam esse, hominibus fenestram ad peccandum aperiendo, aut ad fœcordiam in pietate colendâ eos invitando & delides reddendo. *Catech. Racov. c.8. q. 17.* Sic *Volkelius* li.v. c.20.21. sapius inculcat, *Hanc doctrinam magnam vim per se habere ad homines non solum securos lentosque in officio reddendos; Verum etiam in omnia scelerum genera impellendos.* Nam si *justitia Christi nobis imputatur quemadmodum quidem necesse est, si nostro loco fuit præstita, nostra ipsorum sanctitate nequaquam erit opus, nec quicquam prohibebit quominus etiam si in peccatis perseveremus regni tamen cœlestis hereditatem adeamus.* & c. 22. *Quid causæ est cur is qui satisfactionem illam persuasam habens, & Christum pro omnibus peccatis & jam commissis, & porro committendis solutionem plenissimam Deo præstitisse credens, aliquid in repellenda à se impietate & justitia colenda laboris sibi ponendum existimet?* Resp. Sed primò est quod nobis gratulemur iisdem armis pugnare Adversarium quibus olim gratiæ divinæ hostes doctrinam gratuitæ Justificationis, quam Paulus prædicabat, evertere conabantur, sic scilicet consui pulvillos conscientiis, & edoceri homines manere in peccato ut abundet gratia Rom. vi. 1. 2. Etsi homines impii & perversi hac salutari doctrina abuterentur eamque in sequiorem sensum traherent, prout notum est sapius ipsas Scripturas in propriam perniciem detorquere teste Petro 2. Pet. iii. 16. Non inde sequeretur verè hoc ex tali doctrina sequi, Imò nihil minus inde elici posse certò certius est, cum contra potentissimus ad sanctitatem sit aculeus ut jamjam videbitur.

XXVI. III. *Finium diversitas* Christi obedientiam & nostram optimè conciliat; quod enim Christus pro nobis præstitit, id sanè præstare non tenemur eodem fine, & eadem de causâ, nimi. ut satisficiamus, & ut vitam ex jure Legis servatæ acquiramus, hoc enim cum semel Christus pro nobis fecerit, nihil causæ dici potest cur id ipsum facere denuo teneamur; sed non sequitur eo ipso liberam relinqui & non necessariam Legis obedientiam, quia etsi per illam nec satisfacere debeamus ampliùs, neque etiam valeamus, tamen aliæ causæ variæ dari possunt, quæ hoc studium à nobis exigunt, non ut vivamus, sed quia vivimus, non ut jus acquiramus, sed ut possessionem acquisitam adeamus, non ut causam regnandi, sed ut viam regni: Sic Christus mortem corpoream pro nobis tulit, & tamen eidem morti omnes adhuc sumus obnoxii, sed alio plane fine; Nec enim mors ista amplius ut peccati poena subeunda est, vel etiam à Deo nobis infligitur, quomodo eam tulit Christus, sed ob alios fines varios Dei gloriam & salutem nostram spectantes, nimirum ut sit reliquiarum peccati & corruptionis nativæ totalis extinctio, nostri ad Christi exemplum conformatio, qui per eandem viam in Regnum suum ingressus est, ad gloriam cœlestem via & transitus à sapiente Dei ordinatione præscriptus, &c. Ita novæ obedientiæ per omnem adhuc vitam incumbendum est, non ut per eam coram tribunali Dei justificemur, vel vitam æter-

nam nobis aliisve mereamur, sed ut pro salutis acceptæ beneficio nostram erga Deum gratitudinem testemur, ut nos veros & genuinos Patris cœlestis filios ad imaginem ejus renovatos probemus, ut nos Christo capiti nostro tam in vita quàm in morte, tam agendo quàm patiendo conformemur, ut Deum toto corde totisque viribus glorificemus, ut per bona opera vocationem & electionem nostram in dies magis firmemus, & conscientiis testatissimam faciamus, & si qui sunt id genus pietatis & justitiæ fines.

XXVII. *Inst.* Sed debitum semel à Sponsore solutum, nullo modo nulliusque finis obtentu ab ipso repeti potest, cujus nomine semel persolutum est; Si ergo Christus semel solvit, quomodo hoc ipsum à nobis repeti potest? Resp. Et si de obedientia Legis agatur utrobique, non tamen potest dici idem debitum absolute: Nam obedientia à Lege olim præscripta, diversimodè differt ab eadem, quatenus jam præscribitur in Euangelio 1. *in causa proxima*, quia Lex obedientiam perfectam exigit ex naturæ viribus præstandam; Euangelium autem fructus spiritus à nobis requirit ex fide in Christum Mediatorem, & spirituali nostrâ vitâ, quam in ipso & per ipsum habemus, exurgentes. E. etsi in normâ & formâ externâ conveniant, *causâ* tamen *proximâ* tantùm inter se discrepant quantum natura & gratia, justitia originalis Adamo per creationem inhærens, & justitia Christi mediatoris nobis per fidem imputata, 2. *in modo*, quia per legem Deus ut justus judex vel perfectionem exposcit, vel delinquentem ad pœnam deposcit; At per Euangelium ut Pater benignus, & erga nos in Christo propitius, & quæ adsunt initia, tanquam vitæ novæ primitias clementer acceptat, & quæ perfectioni desunt gratosè condonat; 3. *in formâ* Lex sola propriè debitum tantùm exigit, quia vires ad obsequendum non sufficit; Euangelium verò non tam exigit quàm ad obediendum erigit, vitam indit & ad Dei jussa capeffenda promptum & idoneum præstat. 4. *in fine* obedientia sub lege petitur ad meritum vitæ, sub Euangelio vero tantùm ad ejus possessionem adeundam & gratitudinem contestandam: hoc autem posito quadruplici discrimine, negamus ullo modo absurdum aut incongruum esse, ut quam Christus pro nobis redimendis obedientiam Legi præstitit, eam nos ipsi non ex Legis tenore, sed ex Euangelii sententiâ Deo Christoque Servatori præstemus.

XXVIII. Imò & rationi & vocationi, adeoque conditioni nostræ ita consentaneum esse dicimus, ut fructum alias & finem beneficiorum Redemptionis nostræ assequi non valeamus; Quare enim nos redemit, nisi ut ex hostium spiritualium potestate liberati, *Deo nostro serviamus in sanctitate & justitia omnibus diebus vitæ nostræ*, Luc. I. 74. Quare Christus peccata omnia nostra in corpore suo super lignum tulit, nisi *ut mortui peccato, justitia vivamus*, I. Pet. II. 24? Quare sanguine suo nos abluit nisi ut pretioso illo lavacro abluti vestes nostras, id. corda & conscientias imò & membra à peccati sordibus intemerata servemus & Deo vero & vivo serviamus Heb. IX. 14. I. Thess. IV. 4? Quare nos salvavit, & opus

& opus suum fecit, nisi ut ad bona opera reformati, in iis jugiter incedamus? Ephes. II. 10. Quare nos redemit ab iniquitate & populum peculii sibi purificavit, nisi ut purificati à sordibus accensi simus studio bonorum operum? Tit. II. 14. & prædicemus virtutes illius qui à tenebris ad mirabilem lucem suam vocavit, I. Petr. II. 9. Qui fines inter alios Christo Servatori propositi fuere in nostri redemptione.

X X I X. Unde patet quàm falsò contendant Adversarii; per doctrinam satisfactionis fenestram aperiri ad peccandum, & fœcordiam & desidiâ foveri, cum nullum potentius incentivum, nullum efficacius *ἐκπαιδείον* ad pietatem & sanctitatem Scriptura unquam proponat, nullumque sit reipsâ majus hâc pretiosâ Christi satisfactione, idque diversimodè. Primò à *sine mortis Christi*, cum enim hic finis Christo propositus sit, non modò ut pro nobis satisfaceret, sed etiam ut nos sanctificaret, & sectatores bonorum operum redderet, exemplar nobis præbendo quod sequeremur, I. Petr. II. 18. Tit. II. 14. nisi velimus Christum sine suo excidisse, & frustra mortuum esse, opus est ut sanctitati studeamus; An mortuus esset pro peccatis, ut in peccatis maneamus, an non potius ut iis nuncium mittamus, utque amplius iis in aternum non serviamus? Rom. VI. 18. Atque hîc Socini simile in ipsum retorquemus; Nam is qui alterius debita solvit, serîo vult, si alias sincerus est amicus, ut nullum deinceps æs alienum contrahat; sic Christi liberatoris nostri voluntas est, ut quoniam semel pro nobis satisfecit, ne novum debitum contrahamus, & denuò iræ divinæ subijciamur; dicit omnibus quod olim paralytico, Joan. V. 14. *Ecce sanatus & liberatus es, vade, ne pecces amplius, ne quid pejus tibi contingat.* 2. à *jure redemptionis*, à quocunque enim redimimur, illi redemptionis jure ad serviendum & obsequendum obstricti sumus, ratio hæc attingitur à Zacha. Luc. I. 74. & ab Apost. I. Cor. VI. 19. 20. *Redempti estis pretio, glorificate ergo Deum corpore & animo vestro quæ sunt Dei.* 3. à *gratuitæ remissionis beneficio*, quò plura enim & majora beneficia accipiuntur, eò major etiam gratitudo debetur, unde Christus Luc. VII. 41. *Remittuntur ei peccata multa, hinc dilexit multum, cui enim minus dimittitur, minus diligit,* & Ps. CIII. 3. *venia est apud te, ut timearis,* & Psal. LXXXV. 9. *loquitur pacem populo suo, sed ne redeat amplius ad stultitiam;* Neque enim si remissio datur peccati præteriti, ilico datur *permissio* futuri, condonatio factorum non est impunitas faciendorum, sed potius frænum & obstaculum. 4. à *gravitate peccatorum & peccati fœditate*, si Christo tam carè constitit debitorum nostrorum persolutio, an ea deinceps cumulabimus? Vel an vellemus adhuc in sinu fove-re peccata, quæ optimum Redemptorem tot tormentis & contumeliis objecerunt? si tam fœda est peccati macula, ut nullo nisi ipsius Filii Dei sanguine elui potuerit, an eâ nos in posterum voluntariè polluemus? Absit; hoc enim esset filium denuò crucifigere, & sanguinem Testamenti profanum ducere, quod horrendum & ab omni remissione alienum pronunciat Apost. Hebr. X. 29. 5. ab

ira divina immensitate, nam si tanta fuit ejus indignatio, ut nullâ re aliâ quàm Unigeniti morte placari potuerit, an non reverebimur hanc iram, an audebimus eam denuò peccatis nostris accendere? an non potius continuò obversabitur nobis quàm tremendum sit in manus Dei viventis incidere, Heb. x. 31. 6. ab *amoris divini magnitudine*: nam si ille tanto nos amore est profecutus, ut nec Pater filio pro nobis parcere, nec filius mortem subire recusarit, & quidem dirissimam, an non æquum est ut tam benignum Redemptorem pro virili redamemus, & si aliâ in re non possumus, in hac saltem gratitudinem nostram exhibeamus? hoc urget Paulus 2. Cor. v. 14. *Charitas Christi constringit nos, ut qui hoc statuerimus, si unus pro omnibus mortuus est, illos omnes mortuos esse & illum pro omnibus mortuum esse, ut qui vivunt posthac non sibi vivant, sed ei qui pro ipsis mortuus & suscitatus est*; Hinc colligitur satisfactionem Christi non esse impietatis & negligentiae pulvinar, sed sanctitatis efficacissimum motivum, & spiritualium morborum nostrorum salutarem medicinam, tum *ἀλεξίκακον* per quam peccata nostra curantur & auferuntur, tum *πρὸς φιλανθρωπίαν* per quam futura præcaventur & impediuntur.

XXX. Tantùm abest ergo ut ex positione meriti & Satisfactionis Christi debeamus argutari ad negationem obedientiae & sanctitatis propriae, ut contra duo ista amicissimè conspirent & individuo nexu inter se copulentur; posita quidem Satisfactione Christi pro nobis, nostrâ sanctitate personali bonisve operibus non est opus ut vitam æternam mereamur, & eo sensu passim removentur à negotio salutis tanquam opposita gratiae & meriti Christi Rom. xi. 6. Eph. ii. 7. 8. sed iis tamen semper opus est ut salutis acquisitæ possessionem adeamus, & eo respectu subinde sanctitatis & bonorum operum asseritur necessitas Eph. ii. 10. Heb. xii. 12. Unde Scriptura passim ex Redemptione quæ est in Christo, & nostra per ipsum Justificatione gratuita efficacissimas adhortationes arcessit ad sanctitatis & bonorum operum exercitium Tit. ii. 12. 13. 14. 1. Cor. vi. 20. 2. Cor. v. 14. &c. Quomodo ergo perseverare poterit in peccatis & negligere pietatis studium qui satisfactionem istam à Christo pro se & suo loco præstitam persuasum habebit, cum nulla pars iis competat in Christi Satisfactione qui nuncium peccato non remittunt; Et nemo ejus fieri possit particeps nisi per applicationem veræ & vivæ fidei, cujus comes indivulsa est seria resipiscencia, fructus certus Charitas, & studium pietatis Gal. v. 5.

XXXI. Frustra hic cavillatur *Volkelius* ad applicationem fidei destruendam l. 5. c. 21. Posita Christi Satisfactione nulla alia opus esse applicatione præter eam quam res ipsa secum fert. *Quemadmodum enim, inquit, cum pro aliquo re ipsa solutum est debitum, nil opus est ut eam solutionem debitor sibi applicet si à debito liberari velit, quia is cui solutum est, acceptâ ab alterâ solutione, jam non potest ab eo debitum illud jure exigere: sic cum Deo pietatis officia fuerint loco nostro præstita & persoluta, non potest is eadem à nobis ipsis exigere, sed ipsius justitia & aequitatis vi impellitur,*

pellitur ad Christi justitiam nobis applicandam, & nos ab eadem obedientia præstanda liberos pronunciandos. Resp. Nam 1. non tam hîc in partes vocamur, quàm ipsa Scriptura quæ passim fidem proponit tanquam instrumentum applicativum beneficiorum Christi, & sine quo Christus nihil prodest, sic Ro. III. 24. 25. Christus placamentum ordinatur à Deo, sed per fidem in sanguine ejus, ut ipse justus sit & justificans eum qui est ex fide Jesu & c. IV. 16. est ex fide ut sit per gratiam, & c. & vers. 24. quod autem imputatum est ei ad justitiam non tantum scriptum est propter ipsum, sed etiam propter nos quibus imputabitur nobis scilicet credentibus in eum qui suscitavit à mortuis Jesum D. N. sic Joh. III. 16. 36. & alibi passim fides memoratur ut organum receptivum justitiæ Christi & conditio sine qua Christus frustra mortuus esset; Et sanè cùm Christus à nobis naturâ sit alienus, & extra nos, quomodo fieri posset noster & à nobis recipi, nisi posita conditione sub qua nobis promittitur & offertur; Adde quod non potest cuiquam in solutum imputari, id quod pro ipso alter præstiterit, nisi ipse id velit, admittat & acceptet, siquidem invito beneficium non datur; maxime si *satisfactio* pro eo præstita, non tantum sic *exsolutiva*, sed etiam *reconciliativa*, ut omnino ea est quam Christus pro nobis præstitit; Ita duplex *acceptatio* istius solutionis distinguenda est, alia à *parte Dei*, alia à *parte nostri*, illa fit per gratiam, ista per fidem, prima est reconciliationis fundamentum, secunda est ejusdem sensus & argumentum; utraque necessaria est & indivulso nexu inter se conjunguntur, nam ut fides non potest recipere justitiam Christi, nisi quum certò novit à Deo admissam esse in *λύτew* pro nobis, Ita non admittit Deus justitiam Christi in Redemptionis pretium nisi pro credentibus, & iis qui ipsam sibi applicare voluerint.

XXXII. III. *Absurd.* Si Christus pro omnibus satisfecit ergo omnes, etiam manifestè impii salvabuntur; nam pro quibus solutum est semel *λύτew*, illi injustè æternæ damnationis carcere manciparentur. Sic *Ostorod.* Resp. 1. per concessio. damus, si Christus pro omnibus verè satisfecit, omnes etiam salvandos esse: Neque admittere possumus eorum disunctionem, qui hîc inter *acquisitionem* & *impetrationem* salutis distinguunt, & ejus *applicationem*, quasi illa sit latior, hæc angustior, illa ad omnes & singulos homines, ista ad solos fideles pertineat; Cùm in Scriptura æqualis sint latitudinis & peripherias, & nemini à Christo impetrata sit salus, quæ actu non conferatur: Non negaverim quidem Satisfactionem Christi sufficientissimam esse ad redemptionem totius mundi, imò plurium mundorum, si darentur; Sed aliud est de *sufficientiâ* loqui *Satisfactionis*, aliud de *consilio* & *voluntate Satisfacientis*. Prius universaliter potest concipi; Posterius non item; quia non potuit velle satisfacere pro omnibus, quin eo ipso omnium loco se substitueret, & debitum mortis *λύτew* penderet. Jam si ipsorum loco reipsa subrogatus, verè debitam ipsis pœnam sustinuit; quomodo eadem pœna jure potest ab iis exigi quæ tamen exigitur ab omnibus reprobis? Nec valet quod dicitur voluisse satisfacere tantum pro ipsis

conditionatè, non *absolutè* : Nam vel conditionem illam præscivit ut dubiam & incertam pendentem ex humano arbitrio, vel ut certò futuram & à se decretam, vel ut certò non futuram, & impossibilem, utpote à se non decretam à quo solo effici potest; Si prius, admittenda erunt cum Socinianis decreta Dei conditionata & dubii eventus, quod nefas esse prudenter sancitum à Synodis Gallia; Si posterius, omnes & singuli certò servabuntur quod nemo dixerit. Si postremum, fingetur Deus id vehementer velle & intendere, quod tamen certò novit nunquam futurum utpote pendens ex conditione nunquam exitura & eo respectu impossibili, quod an satis conveniat summæ Dei sapientiæ judicandum omnibus relinquitur; Imò sic ne voluisse quidem rectè dicitur; Quomodo enim velle dici potest Christus, quod annexam conditionem impossibilem habuit, & quam talem novit ipse, imò quam non dare expressè decrevit, qui solus dare poterat? E. eò deveniendum est ut dicamus Christum pro omnibus nequaquam verè satisfecisse, satisfecit enim pro iis tantum quorum Vas & Caput factus est; Caput autem & Vas in fœdere gratiæ Electorum tantum constitutus est, quibus datus est à Patre, & qui ab eo ipsi sunt dati, Joan. xvi. 6. Unde redemptio & satisfactio hæc, utut *ad genera singulorum* nonnunquam pertinere dicatur, ad distinguendam œconomiam V. & N. T. Nunquam tamen *ad singula generum* extenditur, imò restringitur passim *ad populum* Christi, Matt. i. 21. *ad oves*, Joh. x. 11. 15. & xi. 51. 52. *ad corpus* suum, Eph. v. 25. *ad multos*, Matth. xx. 28. Rom. v. 18. 19.

XXXIII. IV. *Absurd.* Posita Satisfactione Christi Gloria & Omnipotentia Dei obscuratur, Nam Deus peccata nostra sine satisfactione remittere vel *noluit*, quod contra gloriam Misericordiæ, vel non *potuit*, quod contra gloriam Omnipotentia, Ostorod. cap. 36. Addit Gittichius peccata nostra nihil aliud esse quàm offensas Majestatis divinæ, offensas autem suas vel vilissimum quemque hominem non modo sine violatione justitiæ, sed etiam cum maxima laude patientiæ & misericordiæ alteri condonare posse. Resp. I. Utrumque verè dicitur & quod *noluerit*, & quod non *potuerit*. Non *potuit* primo resp. *Natura* quæ cum sit sanctissima, non potest peccatum tolerare, vel inultum dimittere, quin se ipsam abneget, Hab. i. 13. 2. resp. *Justitiæ*, quæ suum unicuique vult tribui, Rom. i. 32. i. Thess. i. 6. 3. resp. *Veritatis* quæ hanc pœnam peccato denunciabat, Genes. ii. 17. non potuit E. hac de causa peccata sine satisfactione remittere: Neque hoc pacto Omnipotentia ejus ullatenus obscuratur vel imminuitur, neque enim hoc Deus non potest propter defectum potentia, sed propter perfectionem naturæ; secus enim se ipsum abnegaret: Quod non *voluerit* etiam, patet ex declaratione voluntatis in Verbo factâ, ubi constat Deum disertè protestatum esse se velle ut peccatum morte puniatur: Neque hoc pacto misericordiæ ejus ulla sit fraus, quia ita est misericors ut etiam sit justus, & justitia quam exerit adversus peccatum non obstat quominus

minus misericordiam suam demonstret erga peccatorem. 2. Idem absurdum impingi potest sententiæ Adversariorum; Nam pari ratione inferam Deum aut immisericordem esse, aut impotentem, si quovis homines peccatores in æternum non salvat; Quæro enim cur Deus homines impœnitentes non salvat? Vel quia non potest, & sic quovis homuncione est impotentior, quis enim offensus offendentis, ut maximè hic reconciliari nolit, culpam tamen dimittere non tantum potest, sed etiam debet ex præscripto Christi, Matth. v. 44. & xviii. 20. 21. Vel quia non vult, & sic non erit summè misericors. Si regerant non posse hoc Deum, quia repugnat justitiæ suæ, quæ peccatores impœnitentes in communionem suam admittere non potest; & quia repugnat voluntati quæ contrarium sanxit; Idem sibi dictum putent à Nobis.

XXXIV. 3. Tantum abest ut per satisfactionem gloria Dei ullatenus obscuretur, quin potius summo opere ex ejus positione illustretur & negatione atteratur: Nam in Satisfactione vides 1. gloriam *Justitiæ* quæ potius quam ut de jure suo cederet & peccatum inultum abire pateretur, etiam proprio Filio non pepercit; sic ab impiorum hominum & diabolorum calumniis vindicatur, sic homines à quibus in hoc speculo agnoscitur injectâ horribili formidine à peccato absterret, & ne Dei misericordiâ abutantur cavet, 2. gloriam *Misericordiæ* quæ talis & tanta fuit, ut cum nulla ratio commodior suppetere homines salvandi, etiam proprium filium morti dirissimæ subicere non dubitarit, ut homines ab eâ eximeret. 3. gloriam *Sapientiæ* quæ mirabile hoc excogitavit temperamentum inter Justitiam & Misericordiam, & rationem nodum alioqui insolubilem solvendi ut altera sine alterius detrimento commodè erga homines se exerere posset. 4. gloriam *Potentia*, quæ Diabolum & peccatum illis ipsis armis vicit quibus homines devicerant, & contraria ex contrariis, vitam scilicet ex morte, benedictionem ex maledictione, felicitatem ex miserâ, gloriam ex ignominia, salutem ex perditione admirando & prorsus inaudito modo eduxit: Contra si tollis Satisfactionem, Dei gloria multò magis obscuratur; Nam transgressionem ferre, & ad eas connivere, indicium est Judicis vel negligentis, si ex incuria permittat, vel iniqui, si volens conniveat. At Deus non est volens iniquitatem Ps. v. 5. qui odit operantes iniquitatem & perdit loquentes mendacium vers. 7. cujus oculi sunt puriores quàm ut videat malum Haba. i. Ita Obscuratur *Justitia Dei*, qui naturâ suâ judex est mundi, ut qui reum convictum impunito peccato non justificet modò, sed præmiis etiam amplissimis donet: Obscuratur *Veritas*, quæ comminationes istas toties peccatoribus intentavit: Evertitur pax omnis, & solatium conscientia peccatricis; Nec enim videri potest quo modo sepositâ satisfactione sedari possit æstus conscientia, quando observatur semper animo, & recurrit cogitatio Justitiæ Dei, qui cum sit judex Mundi justissimus, omnis iudicis justus exemplar perfectissimum, intelligi non

potest quî id faciat quod & pugnat cum officio justî judicis, & Deo abominationi esse spiritus sanctus testatur, absolvere impios & injustos absque ullâ Legi & justitiæ satisfactione, non quidem per se ipsos, sed per aliquem vadem pro ipsis præstitâ; Accedit & altera *divina veritatis* consideratio: quoties enim peccator cogitat Legis comminationes divinas, universales, absolutas & verissimas, fieri non potest quin trepidet, nisi succurrat alia cogitatio, illis esse pro nobis à Sponsore nostro plenissimè satisfactum.

XXXV. Quod verò postremo loco affert *Gittichius* de homine vilissimo qui offensas qualcumque gratis condonare & potest, & debet; non huc pertinet; Quia Deus hic non considerandus est ut pars offensa simpliciter, vel ut *privatus creditor*, cui liceat absolutè cedere de *jure domini* vel *crediti*, sed ut *persona publica*, & ut judex & Legislatores summus qui Legum auctoritatem inviolatam tueri debet; Fateor hominem privatum posse & debere offensas remittere, quia ad ipsum vindicta non pertinet, sed ad Deum: sed de persona publica, de Magistratu & Principe falsum est, quia judex est loco Dei ordinatus ut justitiâ administret, & Legis sanctiones exequatur, quod si Lex violatur, cum is cujus est Legis mandatum exequi, id non exequitur, & facit oppositum; non minus violatur, cum is cujus est Legis comminationes & promissiones executioni mandare, id non facit, sed contrarium potius. Cum verò Deus in hoc negotio vices sustineat Judicis & Principis summi, mirum non est si peccata condonare non possit citra satisfactionem, nec hâc in parte hominibus censendus est impotentior, quia hoc est effectum, non impotentiam, sed virtutis, juxta quam nec se ipsum abnegare, nec justitiæ suæ nuncium potest remittere, ut fusius ostensum est *Disp. II. de Necess. Satisf.*

XXXVI. Sed neque hîc subsistit *Gittichius*, ulterius instat p. 91. & Gloriam munificentiae Dei & summi gratuitique in nos amoris Dei subruî doctrinâ hac nostra contendit, quia sic, non tam nostri, quàm sui causâ Deus Christum in mortem tradidisset, ut nimirum debitum justitiæ suæ acciperet, utque nulla est munificentia creditoris, respectu ære alieno obstricti, nisi de jure suo cedat, & exactionem satisfactionis à quocunque illa proficiscatur, relinquat: Ita nullam esse in Deo positâ satisfactione Christi; Imò stultitiam & forditem videri non munificentiam, donare alteri quippiam, quod statim ab ipso recipias; *Quis enim, inquit, non delirum, & ab omni ratione alienissimum eum diceret, si apertâ crumenâ meâ juberem debitorem meâ pecuniâ mihi solvere? An non præstaret simpliciter sine crimine stultitiâ statim ipsi debitum condonare?* Resp. Verum ista humanæ & cæcæ rationis figmenta nequicquam obtenduntur sanctissimo Dei consilio in Verbo revelato 1. pecca. *ignora. Elen.* Quasi Gloria Dei ob quam Deus principaliter omnia agit, Prov. xvi. 4. & salus nostra, cujus causâ Deus secundariò Filium suum pro nobis dedit, invicem repugnent, ut ex unius positione sequatur alterius negatio; cum potius subordinentur & se

se mutuo ponant : Ita non magis prospexit *justitia sua* quàm *saluti nostræ* ; sed ut in *Filium* fuit *justissimus*, in *Nos* fuit *munificentissimus* propter satisfactionem Filii ; Paulus hoc clarè innuit Ro. III. 24. 25. cum dicit *Deum ordinasse Christum in placamentum per fidem in sanguine ipsius ad demonstrandam justitiam suam prætereundo peccata quæ antecesserunt in illa Dei tolerantia, Ad demonstrationem justitiæ suæ præsentis tempore, ut sit ipse Justus & Justificans eum qui est ex fide Jesu*, ubi *Justitia Dei* cum *salute nostra* conjungitur, quia utriusque rationem habere voluit in opere Redemptionis, & ita sibi satisfieri, ut inde via ad salutem nostram sterneretur, quæ aliàs inaccessible nobis erat & invia. Tantùm abest ergo ut manifestatio unius proprietatis divinæ debeat obesse manifestationi alterius, & *Justitiæ ratio* pugnare cum *misericiordiæ exercitio* ; ut contra mirabili temperamento mutuam operam sibi præstent & se invicem osculentur ex oraculo Ps. LXXXV. II. quia *Misericiordiæ* non potest esse locus nisi posita *Justitiæ satisfactio*, & *Justitiæ satisfactio* non alium in finem petitur, quàm ut ad *Misericiordiam* aperiatur via. 2. Quod additur de *Creditor*e, verum quidem esset in *privato* & *pecuniario*, qui pro libitu potest de jure suo cedere absque cujusquam injuria, sed in *publico* & *judiciali* id. Legis vindice, & *Exactore justitiæ* locum non habet ; hic enim si peccatoribus non indignatur, nec pœnam imponit, hoc ipso iniquus est, non munificus, quia officium deserit, & Legum auctoritatem quam debuit sartam tectamque conservare impunè violari finit ; Interim si boni publici causâ, tum rationem monstret quâ legibus satisfiat, & salutis debitoris consuli queat, tum de suo *Vadem* & *Sponsorem* subministret, tantùm abest ut propterea minus munificus audiat, quin potius ut sapientissimus, & munificentissimus merito ab omnibus celebretur. Quidni Ergo Deus potuerit id ipsum præstare in hoc negotio & longè excellentius, sine ulla injustitiæ labe, imò cum summæ sapientiæ & clementiæ gloria ?

XXXVII. 3. Quod supponit nullam fore munificentiam in *Creditore*, nisi de *Jure suo* cedat, & exactionem satisfactionis à quocunque illa proficiscatur relinquat, in eo fallit & fallitur *Adversarius* : Nam præterquam quod semper à *Creditore* ad *Judicem* transit & à debito *pecuniario* ad *criminale*, cum tamen diversa sit utriusque ratio, ut sæpius ostensum ; Quis neget *Clementiam* *Judicis* & munificentiam longè maximam in eo se prodere, cum ita de *Jure suo* respectu principalis debitoris seu rei cedit, ut nihil ab illo requirat, sed omnia illi liberaliter crimina remittat quorum pœnam vas pro illo sustinuit ? Ita hæc multifariam se nobis exhibet *Dei misericordia*. 1. quod salutis rationem excogitaverit & invenerit hominibus, non homines sibi ipsis. 2. quod viam salutis aperuerit per missionem & traditionem proprii filii. 3. quod istam conditionem *Filius* lubens & sola *φιλανθρωπία* motus in se suscepit. 4. Et quidem pro hominibus salute indignis eamque contemnentibus, sui juxta & *Dei inimicis*. 5. quod nihil ab iis exegerit pro quibus se demittebat. 6. quod illam satisfactio-

nem alterius pro nobis acceptam & ratam habuerit Deus, quodque merâ gratia & misericordia nobis eam applicet; Neque hîc dicendum Remissionem necessariò exigere, non modò ut is qui debet ea obligatione solvatur, sed etiam ut is cui debetur sibi satisfieri non voluerit; Nam ut primam conditionem admittimus, ita secundam negamus, nec enim minus remitti dicitur crimen Reo à quo nihil exigitur, licet Judex aliunde sibi satisfieri postulet ut antea probatum est: Et ipse Socinus non diffitetur Deum exigere aliquid ab iis quibus peccata remittit quod satisfactionis loco haberi queat nimi. vitæ puritatem quæ causa quædam est ut Deus illis clementer ac benignè peccata condonet. Quod si cum natura & veritate remissionis non pugnat ut Deus aliqua requirat quæ instar causæ sint cur peccata hominibus condonet, Imò & fortasse ut ipse loquitur satisfactionis loco haberi possint; Quomodo cum illa non consistet, quod Deus satisfactionis loco exigit non ab illis, sed ab alio nimi. à Vade? Ut hinc liqueat, non omnem satisfactionem cum remissione pugnare, neque ad istam semper requiri ut Creditor sibi non velit satisfieri.

XXXVIII. 4. Mirum non est si Verbum Crucis istis hominibus stultitia videatur, cum Christus ipse crucifixus *scandalum* his, *stultitia* illis esse dicatur, I. Cor. I. 13. sed non desinit tamen esse Vocatis *Sapientia* & *potentia* Dei; Ita consilium hoc quod impuri isti homines delirium ore blasphemò & execrando nuncupant, summum est tamen & ineffabile sapientiæ & misericordiæ divinæ miraculum, cui obloqui nemo potest, quin eo ipso deprehendatur *θεομαχῶν*; Quid an stultum sordidumve foret si Princeps clementiâ impulsus ex suo ærario daret pecuniam reo ut multam solveret bono publico, ad conservandam Legum autoritatem? donaret sanè aliquid de suo, non ut statim acciperet & privato suo commodo applicaret, sed ad procurandam publicam justitiæ & Legis satisfactionem. Qui ergo stultum esse dicitur cum Deus idem facere statuitur? nempe quia sapientia Dei homini carnali stultitia videtur. Sed quantumvis nihil simile inter homines divinæ huic dispensationi occurreret, an propterea neganda esset & fugillanda? quasi viæ Dei essent sicut viæ nostræ, & supremus rerum Arbiter nostro qui homunciones tantum sumus, & terræ vermiculi, metiendus esset pede: Absit verò ut tantum scelus vel cogitemus unquam vel admittamus; Quin potius, ut hoc tandem concludamus argumentum, laudem illi Sapientiæ, Potentiæ, Justitiæ, & Misericordiæ summæ tribuentes, & gratiam pro tanto beneficio accepto indefinenter agentes, cum Joanne & nunc & semper, canticum hoc Eucharisticum accinamus; *Illi qui nos dilexit, & lavit à peccatis nostris in sanguine suo, fecitque nos Reges & Sacerdotes Deo & Patri suo, sit robur & gloria in secula seculorum.* A M E N.

COROLLARIA RESPONDENTIS.

I. Satisfactionis Christi pro nobis non modò Veritatem, sed & Perfectionem, & Necessitatem agnoscimus.

II. Distinctionem fidei in explicitam & implicitam sensu Pontificio, ut & in formatam & informem, quam sine charitate esse volunt, rejicimus.

III. Sola fides justificat, non tamen justificat sine operibus.

IV. Fides est immortalis, tum respectu Viatorum, licet Israël exciderit, & Petrus Christum abnegans tum ore tum corde peccaverit, Solomonque graviter per *vanoprávix* lapsus sit; tum respectu Comprehensorum in quibus locum semper obtinebit, quamvis suo sensu sit etiam *desitura* in cœlis.

V. Gratia efficax non agit per modum auxilii aut causæ partialis tantum, sed per modum principii, & causæ totalis: ut nec per modum causæ contingentis, & suasionis morali, sed per modum causæ necessariae, & influxu hyperphysico. Quamvis verò ejus efficacitatem infallibiliter & necessariò sequatur effectus, liberè tamen evenit.

VI. In conversionis negotio humanum votum quod sic se habet, Converte nos ad te Domine, & convertemur, non pugnat cum hoc præcepto divino, Convertimini ad me, & ego convertat ad vos.

VII. Non tantum Adoptione Dei Filii sumus, sed & naturâ filios ejus nos facit Regeneratio.

VIII. Quamvis Sanctos omnes verè beatos in cœlis prædicemus, tamen nec invocandos, nec Canonizandos esse, merito statuimus; honorandi sunt propter imitationem, sed non adorandi propter religionem. August.

F I N I S.

DISPUTATIO UNDECIMA.

Quæ Prima est

D E

SATISFACTIONIS
CHRISTI PERFECTIONE.*Respondente JACOBO MORINO Santo Torfensi.*

T H E S I S P R I M A.



UT gloria salutis nostræ in solidum Christo Redemptori tribuatur, non sufficit agnoscere *necessariam* & *veram* fuisse ipsius *Satisfactionem*, nisi eam *unicam* & *perfectissimam* confiteamur, qua ita pro peccatis omnibus nostris justitiæ divinæ plenè satisfecerit, ut nulla sit admittenda hominum satisfactio, quæ illi assui possit aut debeat, & qua homines verè & propriè Deo satisfacere dicantur, vel pro se ipsis, vel pro aliis. Non inutile ergo vel ingratum futurum arbitramur, si assertâ alias *Necessitate* & *Veritate* istius Satisfactionis, de ejus *Perfectione* jam disputare aggredimur ad Salvatoris nostri gloriam, & fidei nostræ confirmationem, & incrementum.

II. Et eo magis necessaria videtur disceptatio, quod hîc non jam cum *Socinianis* apertis Christi hostibus res nobis sit, sed cum *Pontificiis*, qui licet nomine ejus gloriari soleant, & Satisfactionis istius sufficientiam prolixè videantur deprædicare; non parum tamen illi detrahere deprehenduntur ut suis satisfactionibus falsis & commentitiis locum faciant; Prima equidem fronte tantum abest ut de perfectione Satisfactionis quicquam deterere velle videantur, ut longè laculentius eam asserant, dum Christum non modò abundè pro sceleribus nostris ultimi Dei justitiæ satisfecisse pariter nobiscum confitentur; Verùm etiam unicam sanguinis ipsius guttam sufficere potuisse ad redemptionem generis humani quod habet Clemens VI. Papa Extravag. *Unigenitus*, & Bellarminus cum aliis probat lib. I. de *Indulg.* cap. 4. Imò Satisfactionem Christi usque adeò *ὑπερπλέον* *ζεν* ut magnum sit ejus *πείσος* quod in Thesaurum condatur cum superfluis satisfactionibus Sanctorum, unde Pontificiæ promuntur indulgentiæ; Hinc passim merita Christi sufficere & plus quam sufficere pleno ore pronunciant; Et per immanem sycophantiam sibi à nonnullis tribui conqueruntur, quod dicant *Chri-*

Si passionibus quibus peccata nostra expiavit aliquid defuisse, quominus plena ac perfecta esse possit ejus pro nobis satisfactio. Quod mendacium tam impudens & crassum esse clamant, ut nihil impudentius vel crassius fingi queat, neque ex tanto Scriptorum suorum numero unum allegari posse qui id dicat ut ait Bell. l. 2. de Indul. c. 14.

III. Verùm si ulterius in eorum mentem inquirimus, facillè patebit eos nihil minus sentire quàm quod profitentur, & Satisfactionis Christi perfectionem ore tenus asserere, sed reipsa negare & evertere. Quia verò hæc sententia primo intuitu horridior est, & quam aures Christianæ vix ferant, variis artibus, & scholasticarum distinctionum totidem veluti pigmentis ut solent in rebus falsis & sua falsitate intricatissimis incrustare eam conantur ut sic incautis & minus perspicacibus oculis pulverem injiciant. Primò enim in peccato culpam & pœnam distinguunt, & pœnam in æternam & temporariam tribuunt: Tum novo & hæcenus inaudito exemplo remissionem ipsius culpæ à remissione pœnæ sic dividunt, ut cui remissa sit à Deo integra culpa, possit eidem superesse luendam adhuc aliquam pœnam arbitrentur. Ita sancit Synodus Trident. Sess. 4. cap. 8. *Sancta Synodus declarat falsum omnino esse & à verbo Dei alienum culpam à Domino nunquam remitti, quin universa etiam pœna condonetur.* Tum Cano. 12. *Si quis dixerit totam pœnam simul cum culpa semper remitti à Deo, satisfactionemque pœnitentium non aliam esse quàm fidem qua apprehendunt Christum pro eis satisfecisse; Anathema sit.* Deinde censent in baptismo quidem plenariam esse remissionem universæ tum culpæ tum pœnæ. At post baptismum peccatores posse quidem restitui in integrum, sed difficilior quàm in baptismo; Remitti quidem culpam & pœnam æternam pœnitentibus; Sed retineri tamen pœnas quasdam temporales partim in hac vita partim in futura exsolvendas, & quidem ut ipsi loquuntur usque ad ultimum quadrantem; Et ne quis putet leves & exiguas esse has pœnas, disertè pronuntiant esse illam ipsam pœnam sensus quam in gehenna pati debuisset peccator, remotâ solùm æternitate, ut habet Bell. lib. 4. de pœnit. cap. 1.

IV. Tertiò Satisfactionem aliam culpæ, aliam pœnæ, esse statuunt; Et culpæ quidem & pœnæ æternæ nullam afferri posse à peccatore communior est apud ipsos sententia, (licet non pauci ut Scotus, Tapperus, Altenstaig., Valentia, & alii etiam pro culpa & pœna æterna satisfieri posse contendant;) sed pro pœna temporali quæ post dimissam culpam luenda remanet Deo satisfacere posse fideles in peccatum prolapsos & quidem verè ac propriè satisfacere, sic ut ipsi tantum fecisse jure meritoque censendi sint, quantum satis est ad injuriam compensandam, quantumque Deus peccato læsus justè ab iis exigebat: Imò & eam esse fidelium inter se conjunctionem, ut etiam alii pro aliis satisfacere possint; Concil. Trident. Sess. 4. c. 8. can. 13. *Si quis dixerit pro peccatis quoad penam temporalem minimè Deo per Christi meritum satisfieri penis ab eo inflictis & patienter toleratis vel à sacerdote injunctis, sed neque sponte susceptis, ut orationibus, jejuniis, elemosynis, vel aliis etiam pietatis exercitiis, atque adeo optimam pœnitentiam esse tantum novam vitam, Anathe-*

ma sit. Et Catechesis Triden. cap. de sacramento Pœnitentiæ Satisfactionem definit Rei debita integram solutionem & compensationem qua homo pro peccatis commissis Deo aliquid persolvit. Bell. lib. 2. de Indulg. c. 9. Catholici Theologi docent non solum posse hominem justificatum satisfacere, sed etiam id posse ex condigno : hinc li. 1. cap. 2. operi satisfactorio deberi mercedem ex justitia commutativa statuit. Unde colligitur ex ipsis satisfactionem Christi non ita esse perfectam, quin semper aliæ satisfactiones à parte hominum requirantur. Hoc apertè habet Bellarm. lib. 1. de Purgat. c. 10. Si Christus, inquit, satisfecit pro omni culpa & pœna, cur post remissam culpam adhuc tam multa mala patimur ? Imò nec putat Christi mortem certo sensu esse satisfactionem actualem, sed opera nostra : Dum enim respondet ad quæstionem propositam ? An in applicatione satisfactionis Christi quæ fit per nostra opera sint duæ satisfactiones una Christi, altera nostra, An una tantum vel Christi vel nostra, ex tribus modis dicit tertium probabiliorem esse, unam esse satisfactionem eamque esse nostram. Tertius modus videtur probabilior quod una sit satisfactio, & ea sit nostra, quæ scilicet à nobis peragitur, & per quam homo pœnis suis Deo satisfacit. Sic lib. 3. de Pœnit. cap. 15. non est verum per Christum nos semper liberari ab omni reatu pœna temporalis, etiamsi nulla interveniat satisfactio. Neque hic subsistit Cardinalis; Alibi enim lib. 2. de Indulg. c. 1. pertendit merita Christi omnibus non esse absolute necessaria, Merita Christi, inquit, partim sunt omnibus necessaria, partim non necessaria, sed utilia; Atque hoc secundo modo ad fundamentum indulgentiarum pertinent. Et ad clariorem rei explicationem addit; Si quis post reconciliationem adeptam adhuc sit reus luenda pœna temporalis, non necessariò eget meritis Christi, ut per ea reatus simpliciter condonetur : non quod sine meritis Christi reatus pœna possit simpliciter condonari, sed quia poterit ipse non requirere tantam liberalitatem, contentus ipse suis laboribus & pœnis, vel in hac vita, vel in Purgatorio satisfacere Deo &c. Vasquez ulterius etiam progreditur. Nam in 4. Thom. quæst. 94. art. 2. non erubescit asserere ipsam Christi Satisfactionem minus esse necessariam. Dicendum est opera in charitate ex Dei gratia facta esse satisfactoria pro pœna temporali condignè satis, sicut & meritoria vitæ æternæ, nec aliquid eis accrescere meriti aut Satisfactionis propter Christi merita. Quò pertinent ipsius Clementis verba, qui licet loco citato statuatur unicam sanguinis Christi guttam sufficere ad Redemptionem generis humani, addit tamen statim; ut faciliè pateat non seriò esse locutum; Ad thesauri meritorum Christi cumulum, beatæ Dei genetricis & omnium sanctorum merita administrare. Ex quibus omnibus, ne plura jam istius generis addamus testimonia, liquet Pontificios in ea esse sententia, Satisfactionem Christi utut infinita fuerit, non ita plenam & sufficientem fuisse, quin requirantur adhuc variæ satisfactiones, si non pro culpa & pœna æterna, saltem pro temporali ab hominibus exsolvendæ ad plenam redemptionem obtinendam.

V. Nostra verò sententia est; Satisfactionem Christi pro nobis præstitam, non posse quidem censerì ex parte superfluum & redundantem; quasi minori pœ-

nā potuisset fieri satis justitiæ divinæ : Sic enim nec debitum nostrum quod ex peccati merito & legis comminatione mors erat, persolutum esset : Nec necessaria fuisset mors Redemptoris, quod toties tamen Scriptura inculcat; Et Deus milles plus exegisset à Vade nostro quàm requirebatur de jure, quod & justitiæ divinæ quam maximè repugnat, & summo illi quo filium suum prosequitur amor; Nihilominus adeo perfectam & sufficientem esse ut cumulatissimè pro peccatis omnibus nostris satisfecerit, non tantum quæ facta sint ante, sed quæ fiunt post baptismum, non modò pro culpa, sed & pro pœna; nec pro pœna duntaxat æterna, sed etiam temporali, ita ut nullæ deinceps pœnæ satisfactoriæ fidelibus supersint luendæ, vel in hoc vel in futuro seculo ad remissionem peccatorum obtinendam. Licet non rarò pœnis castigatoriis & medicinalibus exponantur ad sanctificationem promovendam.

V I. Hoc verò ut demonstremus Argumenta varia nobis suppetunt 1. *A Dignitate Persona* satisfaciens. Cum enim duo imprimis in Mediatore requirerentur ad perfecti Vadis constitutionem : Primò ut perfecta sanctitate & justitia ornatus esset; Quomodo enim redimere nos potuisset à peccato si peccato contaminatus ipse Redemptore indignuisset? Secundò ut divina & infinita virtute polleret quæ infinitum meritum infinito peccati demerito opponere posset : Duo hæc perfectissimè in Christoprehenduntur; Nam ut homo innocens fuit & impolutus Heb. vii. 26. non modò ab omni peccati labe immunis, qui peccatum nec novit nec fecit 2. Cor. v. 21. Sed & perfectè sanctus imò sanctitas ipsa Luc. i. 35. Ita & verus ac æternus Deus qui proinde summa & infinita virtute præditus potuit humanis passionibus infinitum addere valorem & pretium; quo sensu Deus dicitur proprio sanguine Ecclesiam acquisivisse Act. xx. 28. Hinc duplex plenitudo Christo solet tribui. Primò *gratia & sanctitatis*, quatenus Deus voluit ut omnis plenitudo in ipso habitaret Col. i. 19. ex qua factus est plenus gratia & veritate ut ex ejus plenitudine hauriamus omnes gratiam pro gratia Joan. i. 16. Secundò *plenitudo Deitatis*, de qua dicitur quòd in eo habitet corporaliter omnis plenitudo divinitatis Col. ii. 9. non mysticè ut in fidelibus, non symbolicè ut in sacramentis, non typicè & umbraticè ut sub Lege : Sed corporaliter id. realiter & personaliter, prout *ὁμῶς* vel *umbra* oppo. vel *personam* designat. Unde jam invictum elicitur argumentum. Nam si Persona satisfaciens non modo sancta & incontaminata, sed etiam infinita fuit, infinitam etiam fuisse satisfactionem necesse est : Jam si infinita fuit, Quis perfectam imò perfectissimam & sufficientissimam neget? Quid enim majus vel perfectius infinito dari potest? Si perfecta fuit & plena, quid opus aliis satisfactionibus? Sanè ut infinitæ Christi satisfactioni nihil quicquam potest addi, cum infinitum non augeatur, ita nec opus est ut aliquid addatur, quia ex se & per se infinitum habet valorem.

V II. Non audent quidem Adversarii certissimæ Veritati palam reluctari, Quomodo enim possent nisi in castra Socini transire vellent? Cæterum eam indirectè

rectè labefactare conantur, Bell. enim lib. I. de Indulg. cap. 4. Respondet non esse quidem opus ut adjungantur passionibus sanctorum passionibus Christi, quasi hæc per se non sufficiant, sed adjungi tamen quia æquum est, ne passionibus illa coram Deo sint inanes, præsertim cum id sit gloriosum Christo, a quo manat omne bonum sanctorum, tum etiam ipsis sanctis perhonorificum. Resp. Sed quum ita ratiocinatur Bellar. vel ludit, vel aperte causam deferit; Nam si quod hic testatur *revera* credit, *passiones* scilicet *Christi per se sufficere*. Cur alias nescio quas illis adjungendas esse censet? Cur in illis unice non acquiescit? Ista enim non coherent, ut sufficientissimum per se dicas aliquid, quo tamen contentus non sis; quippe ex quo ad aliud confugiendum tibi esse arbitraris, eo ipso plenam sufficientiam illi denegas; Unde necesse est eum qui ita statuit, vel aliquid putare Christi satisfactioni deesse, vel certè stultum esse cui id quod abundè sufficit satis non est; ut si quis cui præsens est perennis & uberrimus fons, eo posthabito arentes & cœnolos rivulos consecetur.

VIII. Quod verò causatur, licet per se sufficiant passionibus Christi, adjungi tamen illis oportere sanctorum passionibus, *ne ista coram Deo sint inanes*, multis modis absurdum est. Primò si ideo tantum adjungendæ sunt, ne inanes reddantur. At ego vicissim contendo non addendas esse, ne passio Christi inanis reddatur: Quo pacto enim vel plenissima esse censebitur, vel per se sufficere, si opus est alias illi superaddi? Secundò falsò supponit passionibus Sanctorum inanes fore si ad satisfaciendum non adhibeantur. At innumeri alii fines sunt istarum passionum qui Dei gloriam, Ecclesiæ ædificationem, & fidelium salutem spectant; An inane esse dicitur quod ex officio factum est, quod ad magnam Dei gloriam cedit, quod Ecclesiæ ædificationem non parum promovet, quod Sanctos ipsos ad gloriam & salutem deducit? Istos enim passionum fidelium eximios esse fructus negari non potest; Tertio tantum abest ut gloriosum sit Christo & ipsis sanctis honorificum, humanas satisfactiones suis adjungere, ut summa sic Christo inuratur contumelia & sanctis probrum: Nam si Christo gloriosum est pro peccatis nostris satisfecisse, quantum satisfactio ejus perfectior erit, quæ nullo alio satisfactionis cujusquam egeat supplemento, tanto major ad eum redundabit gloria: Et tantò minor erit, quanto magis inter Christum & Sanctos dividetur; Quis dixerit etiam valde honorificum esse Sanctis multa pati ut actum agant, & justitiæ divinæ cui jam plenè satisfactum est satisfaciant? Vel ut honorem soli Christo debitum quantum in ipsis est per summum sacrilegium ad se trahere conentur? Quanto rectius & simplicius est Christi unius passionibus totam pro peccatis nostris satisfactionem tribuere; Sanctorum verò passionibus hanc laudem servare quod fidei & pietatis ipsorum fuerint argumenta clarissima, Deo gloriosa, Nobisque ad exemplum utilissima.

XI. Addunt secundò Adversarii nihil derogari infinitati & perfectioni Satisfactionis Christi per nostras satisfactiones, quia satisfecit tantum ea lege, ut nobis illa applicetur, applicari autem per nostras satisfactiones planè eodem sensu, quo Sacrificium altaris volunt requiri ad applicationem Sacrificii crucis: sic Bell. Co-

sterus, Salmero, Klingius & alii. Sed non feliciùs elabuntur; Fateor quidem applicandam esse nobis satisfactionem Christi ut ejus fructum sentiamus; Sed applicanda est mediis à Dei verbo præscriptis, non ab humano cerebro temerè excogitatis; Media illa sunt partim interna, *fides* scilicet & *charitas* Eph. III. 17. 2. Cor. v. 14. partim externa, *Verbum & Sacramenta*, Baptismus in quo Christum induimus Gal. III. 27. S. Cœna quæ est communio corporis & sanguinis ejus 1. Cor. x. 16. His mediis Christum nobis offerri & applicari non semel docet Scriptura: Sed ubi unquam dictum, hoc per satisfactiones nostras fieri debere? Quis unquam audivit solutionem debiti applicandam esse aliâ solutione; sacrificium alio sacrificio, & medicinam alia medicina? Nonne media applicationis diversi generis & ordinis à re applicata esse oportet? Quis sponforem ferret qui pro alio quidem solvere vellet, sed ea lege ut si vel't beneficium hoc fieri, solvere debeat illud ipsum quod solutum jam est; Nonne egregia esset & mirifica ejus liberalitas? Nam si solvit cur opus est eum solvere? Et si opus est solvere, nonne inanis & inutilis erat eo ipso præcedens solutio? 2. Deinde Satisfactio nova non magis requiritur ad Satisfactionem Christi applicandam, quàm nova Mors, Redemptio, Resurrectio, ad mortem, redemptionem, & resurrectionem Christi applicandam. 3. Quid quod Purgatorii pœnæ & mala similia, nullam vim habent mortem Christi applicandi, quia nec mortem Christi habent ulla ratione pro objecto applicando, nec ullam aptitudinem habent ad illam mortem vel apprehendendam vel significandam: Cum enim ad applicationem Satisfactionis Christi duo potissimum requirantur, primum à parte Dei ut ea nobis imputetur; alterum à parte nostri ut à nobis recipiatur, neutrum potest locum habere in pœnis illis satisfactoriis. 4. Si Satisfactio Christi non potest nobis applicari nisi per nostram Satisfactionem; Satisfactio nostra pariter egebit alia Satisfactione per quam applicetur & sic in infinitum, nulla enim datur ratio cur una Satisfactio possit applicari sine Satisfactione potius quàm alia. 5. Si Satisfactiones sunt media, *media sunt acquisitionis* & impetrationis gratiæ, non verò *applicationis*, quia Deum propriè respiciunt non homines; Denique etsi daremus media ista applicationem respicere, quis dixerit contrarium applicari per contrarium, lucem per tenebras, salutarem medicinam per propinationem veneni? An perfecta satisfactio Christi iis mediis applicabitur, quæ ipsius perfectioni manifestè derogant & illi sunt injuriosa?

X. Tertiò nullam fieri injuriam Christo ejusque Satisfactioni ex eo pertendunt, quòd Satisfactio Christi & hominum non sint causæ sociæ & ejusdem ordinis, quæ causandi vim inter sese partiantur, sed subalternæ & subordinatæ, ea ratione ut humana satisfactio tanquam inferior à Christi satisfactione pendeat, & inde vim suam & efficaciam omnem mutuetur: Sic nihil decedere satisfactioni Christi, sed potius majorem laudem accedere. Majorem esse Christi gloriam, si dicatur non solum pro peccatis nostris satisfecisse, sed etiam id membris suis donasse, ut per ejus gratiam & virtutem etiam aliqua ex parte ipsa satisfacerent, quem-

quemadmodum potentiam Dei commendat & celebrat qui dicit Deum non solum per se, sed etiam per servos suos miracula facere; Sic efficacitatem meritum Christi magis elucere quæ non solum per se possunt expiare peccata, & reatus peccatorum, sed etiam efficere ut merita sanctorum vim habeant expiandi reatum pœnæ temporalis, quemadmodum Deus instituit, ut secundæ causæ non sint otiosæ, sed cum ipsa prima causa ad res producendas conveniant, quamvis prima causa sine secundis res omnes æquè facili ac perfectè efficere potuisset. Sic ratio- cinatur *Bellarminus* li. 2. de Indul. c. 3. Quò pertinet etiam alia ejusdem generis Exceptio, Satisfactionis Christi virtutem & plenitudinem non imminui, quia si non satisfecit *immediatè* pro omni pœna, satisfecit tamen *mediatè* quia vires nobis dat ut satisfaciamus. *Bellar.* lib. 4. de Pœnit. cap. 15. Resp. Verùm non una ratione fallitur. Primò quòd causas hîc subordinatas & subalternas fingit ubi nullæ sunt: Nam ubi causa solitaria est & unica, absurdum est subordinationem quærere quæ plures causas supponat. At hîc ut jam diximus & in sequentibus fusius dicturi sumus, Scriptura testatur clarissimè Christum in præstanda satisfactione pro nobis solam & unicam causam fuisse *Is.* LXIII. 6. *Act.* IV. 12. 2. *Cor.* V. 14. &c. Secundò in causis moralibus subalterna causa derogat primæ quum instituitur præter ejus auctoritatem & mandatum v. g. non poterit absque Regiæ auctoritatis detrimento Prorex aliquis institui citra ejus ordinationem; At istæ Satisfactiones subordinantur Christo præter ejus mandatum; Nihil enim unquam de eo tradidit, imò contrarium potius; non ergo sine insigni ejus injuria. Tertiò causæ illæ non sunt subordinatæ quæ diversos effectus producant, subordinatorum enim quæ talium idem est effectus; At Christi & hominum satisfactio ex Adversariis effectus diversos producant, illa quidem culpæ & pœnæ æternæ remissionem, ista verò pœnæ temporalis ablationem; Quartò causæ omnes subordinatæ totales sunt, totum scilicet effectum suo ordine singulæ producant, ut Deus & homo generant hominem, Deus ut causa prima & universalis, homo ut causa secunda particularis: Ita satisfactiones nostræ si subordinantur satisfactioni Christi, debent totum effectum attingere licet in ordine inferiori: ut & pœnæ & culpæ remissionem obtineant non secus ac Christi satisfactio; quod tamen Adversarii non dixerint; Unde concludimus nullam hîc rationem subordinationis esse quærendam, imò hæc planè *αὐτοματὰ* esse & impossibilia.

XI. Hinc patet etiam vanum esse & ridiculum quod subjiiciunt Christum Satisfactione sua nobis dare vires per quas satisfaciamus. Nam primò huic commento Scriptura repugnat, quæ dicit quidem Christum pro nobis mortuum ut peccata nostra purgaret, nosque à maledictione Legis redimeret, ideoque pro nobis satisfaceret: Sed nusquam quod ideo mortuus sit ut nobis daret vires satisfaciendi. An ergo nos redemisse dicetur ut ipsi essemus nostri Redemptores, & persolverisse debita nostra ut ipsi ea solveremus? Imò propterea dicitur *per se ipsum* fecisse purgationem peccatorum nostrorum *Heb.* 1. 3. ne ipsi teneremur eam fa-

cere; Propterea castigatio pacis nostræ super eum posita est ut ex ejus livoribus sanaremur; Propterea satisfecit ne nobis sit in posterum satisfaciendum. Secundò repugnat etiam ipsa rei natura & communis usus loquendi; Aliud enim est satisfacere, aliud præbere gratiam quàm alius satisfaciat: Nec unquam pro nobis satisfecisse bene dicitur, nisi qui ære suo debitum nostrum expunxit. Tertiò si Christus satisfacit mediante nostra Satisfactione, tum non semel satisfecisse dici potest, sed semper & quotidie satisfacere, nec *per se ipsum*, sed *per nos*, nec tam *pro nobis*, quàm *in nobis*; quæ tamen omnia repugnant Scripturæ verbis & naturæ rei. Quartò si Christus dicitur satisfacere quatenus gratiam dat satisfaciendi, ergo pari ratione dicendus esset credere & respiscere, quia largitur gratiam credendi & respiscendi, quod nemo non videt absurdum esse. Denique si hæc ratio valeret, Pater & Spiritus Sanctus non minus pro nobis satisfecisse dici possent, quod absurdum est & inauditum; nam & Christo vim eam omnem dederunt quæ ad satisfaciendum fuit necessaria; & pios animi motus & constantiam in ærumnis nobis largiuntur.

XII. Quod verò majorem esse Christi gloriam statuit Adversarius, si dicatur non solum pro peccatis nostris satisfecisse, sed etiam id membris suis donasse ut per ejus gratiam & virtutem aliqua ex parte etiam ipsi satisfacerent: Supponit semper *πρῶτον ψεύδῃ* quòd Satisfactiones nostræ subordinentur Satisfactioni Christi, cum contra illi apertè repugnent & adversentur. Et sanè cum gloria Christi in eo posita sit ut solus sit & perfectus Redemptor noster; quis dixerit facere ad majorem Christi gloriam si dicatur habere socios? Quasi major sit Dei gloria, si dicatur multos ab ipso factos creatores, quàm dicere illum solum esse omnium Creatorem: Nec ratio à miraculis petita contrarium evincit; Nam quando Deus dicitur miracula facere per homines, Deus solus propriè & realiter miracula facit, homines verò sunt tantum instrumenta moralia ad quorum præsentiam Deus operatur. Non magis urget quod à causis secundis ducitur argumentum; Quippe longum latumque discrimen intercedit inter utrumque; Nam licet Deus qui utitur causis secundis, possit sine illis operari & ita iis utatur, ut nihil decedat propterea gloriæ suæ, quia hoc non fit ex indigentia, sed ex indulgentia, & quidem ita, ut causæ primæ laus illi maneat illibata quæ in nullam aliam causam transferri potest; Non potest idem statui respectu Redemptionis & Satisfactionis Christi, quia ut hoc infinitam virtutem postulat, ita peculiare & proprium debet esse causæ principali, quæ impatiens est consortis. Fateor quidem in salutis negotio nos non debere esse otiosos, sed salutem nostram operari cum timore & tremore Phil. II. 12. atque ita esse Dei *συνεργός* 2. Cor. VI. 1. 2. Sed hæc cooperatio non respicit acquisitionem salutis, quæ Christo soli propria est & incommunicabilis aliis, sed tantum applicationem, non ad solutionem præstandam, quam Christus abundè præstitit, sed ad solutionem præstitam amplectendam, non quæ sit causa & fundamentum juris ad salutem propter quod conferatur, sed tantum via & medium ad eam per quod adeatur.

XIII. Sed perfectionem istam Satisfactionis non evincit tantum *Dignitas Persona*: Sed probat etiam *II. Unitas Officii Mediatorii, & Oblationis à Christo ex isto officio peractæ*; Nam si unicus est tantum Redemptor noster ut passim Scriptura testatur Act. *II. 24. I. Tim. II. 4. I. Cor. III. 14. Joh. XIV. 6.* Si unica ejus oblatio & sacrificium quo in perpetuum consummantur sanctificati, Unica obedientia quæ multi constituuntur iusti, Unicum pretium quod datum est ad redemptionem animarum nostrarum, ut Paulus non semel docet Rom. *v. 18. Heb. x. 10. 12. & ix. 26. 28. Act. xx. 28.* Utique plena esse debuit & omnibus numeris absoluta ejus satisfactio: Aliàs nec finem intentum assequi potuisset, nec solius Redemptoris laudem mereretur. Quis enim jure dixerit unicam esse Christi obedientiam, Unicam oblationem quæ plenam redemptionem & justitiam sit nobis adepta, si adhuc supersunt variæ pœnæ à fidelibus in hoc vel in altero seculo ferendæ, si aliud sacrificium *ἱλαστικόν* adhuc requiritur? Nec reponi potest unicæ Christi oblacioni hoc totum ritè acceptum fieri, quando ab ea ipsæ hominum satisfactioes omnem suam vim mutuantur; Nam præterquam quod supponitur gratis tales dari pœnas & satisfactioes quod nunquam probabitur; Falsum etiam est talem vim à satisfactioe Christi operibus nostris aut passionibus posse communicari, quando ea tota ab officio ejus oritur & pendet, quod Christo proprium esse & incommunicabile negare non audent; Non negaverim equidem vim quandam & efficaciam à merito Christi in nos & opera nostra desfluere; Ut scilicet deinceps & personæ & opera Deo grata sint & accepta, atque adeo ut sensum gratiæ Dei in nobis magis ac magis confirment: Sed dari illis vim merendi vel satisfaciendi, nec Scriptura dixit unquam, nec rei natura pati potest, nisi quod Christo proprium est in fideles transferamus.

XIV. Hoc verò adhuc luculentius confirmatur ex ipsa *Redemptoris Unitate*; Nam si præter Satisfactionem à Christo præstitam alia quædam supersunt homini exsolvenda ad redemptionem totalem & à culpa & à pœnis omnibus obtinendam; Quis non videt gloriam Redemptoris inter Christum & fideles dividi, atque adeo perperam hoc illi nomen in solidum vindicari? Et sanè *Bellarmin.* licet lib. *5. de Christo* cap. *I.* agnoscat quartum Mediationis modum qui fit per solutionem & satisfactionem Christo soli competere; Tamen alibi sibi turpiter contradicens fatetur *Redemptoris* nomen *aliquo modo* Sanctis posse tribui li. *I. de Indulg. c. 4.* At si *largo modo* Redemptor appelletur quicumque liberat alium ab aliquo debito, non erit absurdum si sancti viri aliquo modo id est secundum aliquid non simpliciter, & *largo modo*, non in rigore verborum esse Redemptores nostri dicantur. Unde patet quàm injustè *Adolphus* quidam *Godefridus Volusus* ex Pastore Hanoviensi Apostata factus, & nunc Concionator Moguntinus, in libro, quem non ita pridem publici juris fecit sub titulo *Aurora Pacis Religiosa divina veritati amica* (ubi Pseudo Henotica pridem explosa renovans consilia Augustanæ confessionis socios qui Lutheri partes sequuntur ad Syncretismum cum Ecclesia Romana ineundum

hortatur, & quibuscunque potest modis errores exitiales, scdissimam idololatriam, & Tyrannidem intolerandam Babylonica Meretricis vel incrustare vel propugnare satagit, ut fere ab iis fieri solet qui defectionem factam tueri, & alios in idem præcipitum secum pertrahere conantur,) Celeberrimo Marefio, Nobisque grandem mendacii dicam homo mendacissimus scribat pag. 4. Illi quidem quòd imposuerit Bellarmino quod scripserit lib. I. de Indulg. c. 4. *Sanctos esse quodammodo nostros Redemptores.* Nobis verò quod asseruerimus Disp. I. de Secess. th. 33. *Pontificios alios Mediatores etiam Redemptionis excogitasse quàm Christum, aliud meritum coram Deo quàm ipsius obedientiam.* &c. Quasi verò hæc ipsissima non sint Bellarmini verba quum dixit loco citato, non esse absurdum, si sancti viri aliquo modo dicantur Redemptores nostri. Quasi constans apud ipsos non sit sententia Sanctos non tantum Mediatores esse, quorum intercessione sint exaudiendi homines, sed *meritis servandi*, Unde Sacerdos in Missa petit remissionem peccatorum & salutem non tantum per preces Sanctorum, sed & *per eorum merita.* Quasi Pius V. & Gregorius XIII. Passiones Sanctorum non asserant esse iustas pro pœnis compensationes & veras satisfactiones. Quasi denique suis quemque Christianum & aliorum meritis salutem suam acceptam ferre debere non doceant. At si necessariæ sunt satisfactiones nostræ, necessaria merita quibus redimamur à pœnis debitis & vitam acquiramus: Quid verius dici potuit quàm alios Mediatores etiam redemptionis ab ipsis excogitari in quibus fiduciam collocent præter Christum, & alia merita præter ejus obedientiam? Innumerata sunt istiusmodi, quæ isti Sycophantæ objici possunt, quibus facile in ruborem dari potest nisi frontem plane posuerit: Sed de his alibi erit dicendi locus, quum vanissimi hominis malam fidem sumus demonstraturi; Nunc enim aliò nos vocat insti tuti nostri ratio.

XV. III. Argumentum petitur à *Gravitate pœnæ* quæ Christo imposita est; Nam si ille pœnas omnes nobis debitas tulit, fieri non potest quin plenissima fuerit ejus satisfactio. In eo enim perfectio ejus posita est, ut nihil omiserit ex iis quæ à justitia divina requirebantur ad sui satisfactionem, sive in observatione mandatorum, sive in pœnarum latione quæ à sanctionibus Legis denuntiabantur; At utrumque à Christo impletum esse res ipsa clamat; Non modò quia omnem implevit justitiam Patri obediendo usque ad mortem Math. III. 15. Phil. II. 5. 6. Heb. x. 5. 6. Verum etiam quia patièdo illud omne tulit quod Lex peccatoribus imponebat, sive quoad damnum per defectionem, sive quoad sensum per maledictionem. Hinc verè dolores nostros *bajulasse & languores portasse dicitur, imò attritus & vulneratus propter iniquitates nostras* II. LIII. 5. 6. 7. Hinc dicitur factus *nostræ* Gal. III. 13. & *peccatum* 2. Cor. v. 21. hinc Rom. VIII. 32. *Pater ei non pepersisse* perhibetur per *μείωσιν* id. severissimè illum habuisse nullâ in filium crudelitate, sed ardentissimo salutis nostræ amore; Quò pertinent lachrymæ illæ & preces vehementissimæ quas Christus dicitur fudisse Heb. v. 6. & summa Christi tum in horto tum in cruce agonia. De quibus alibi quum de Veritate Satisfactionis dis-

pu-

putatum est; Hæc quippe omnia gravissimam fuisse pœnam Christi & Legi ap-primè respondentem arguunt luculenter; Quid enim Lex peccatoribus imponebat nisi maledictionem? hæc unica est & tota pœna quam iis interminabatur; At Christus maledictionem istam tulit, factus ipse maledictio, Pœnas ergo nobis debitas omnes tulit, atque adeò verè & plenè pro nobis satisfecit.

XVI. Quid verò hîc Adversarii? Christum quidem pro omni culpa & pœna etiam æterna satisfecisse faciliè concedunt; Sed negant eundem pro pœna temporali pariter satisfecisse: Itaque non esse absurdum ut eam nos pendamus. Sed ut nihil jam dicamus de distinctione culpæ & pœnæ, & remissione unius cum retentione alterius, de qua mox erit disserendum; Dico falsissimum esse quod supponunt Christum pro quadam non pro omni pœna satisfecisse: Ubi enim quæso dimidiatam hanc Christi Satisfactionem Scriptura memorat? Ubi pro culpa quidem omni, at non pro omni pœna Christum satisfecisse docet? Nonne ubique universaliter Christum pro peccatis omnibus nostris passum esse asserit. Quis verò non exhorrescat, quam Christo semper Ecclesia tribuit totius Satisfactionis & Redemptionis nostræ gloriam, eam nunc ab istis imminui & decurtari? Nam si Christus pro pœna temporali non satisfecit, Ergo non est noster ex asse Redemptor; Quippe cùm redemisse non dicatur nisi quatenus satisfecit, patet eum neque nos ab istis pœnis redemisse pro quibus si istis fides habenda minimè satisfecit: Sed longè aliter Paulus, Quorsum enim Christum asfereret Chirographum quod erat nobis contrarium delevisse, tulisseque de medio & cruci affixisse. Col. II. 14. Si pœnæ quædam quæ sunt istius Chirographi pars non exigua non exolutæ sunt à Christo & à nobis pendendæ? Quorsum una Christi oblatione dicerentur in perpetuum consummati qui sanctificentur Heb. x. 10. Si aliquarum pœnarum pro quibus Christus non satisfecit reatu adhuc tenentur? Rursus Christus absque omni dubio pro iis pœnis satisfecit quas ipse perpessus est, quo enim fine tot passiones subiisset, nisi ut Dei iustitiæ satisfaceret? At pœnas temporales in corpore suo & vivens & moriens perpessus est ut Scriptura docet, Ergo satisfecit & pro pœnis temporalibus. Denique à Christi Satisfactione non excludendam esse liberationem à pœnis temporalibus vel ex ipsis Adversariorum hypothesibus colligitur; Quum enim quis per Baptismum recipitur in numerum filiorum Dei, vel quando quis Martyrium pro nomine Christi patitur, docent ei condonari debitum universum pœnæ, ita ut pro peccatis ante Baptismum & martyrium commissis nulla pœna temporalis luenda remaneat, quod expressè habet *Bellar.* lib. 4. de Pœnit. cap. 1. Superest ergo quod si condonatur pœna temporalis, condonetur propter Christum: Nihil autem remittitur propter Christum, pro quo Christus non satisfecerit; Quod *Bellarminum* compulsi vi veritatis victum ibidem fateri etiam *restituta amicitia per gratuitam Dei misericordiam, & per redemptionem qua est in Christo, posse Deum universum pœna debitum semper condonare.* lib. 4. de Pœn. c. 1.

XVII. IV. Argum. suppleditat *Dei Approbatio* : Si enim Deus & Personam & Oblationem Christi ita approbasse legitur, ut non modo utramque lubens acceptarit ad Redemptionem nostram, sed etiam inde placatus sit & reconciliatus hominibus, dubitari nequit sacrificium istud & satisfactionem perfectissimam fuisse : Nec enim Deus Judex justissimus imperfectam satisfactionem acceptare vel illi testimonium placationis perhibere potuisset; At Christi personam & oblationem Deo probatam fuisse clarissimè colligitur non modò ex destinatione ejus in Sacerdotem quæ ab ejus beneplacito fluxit Heb. 111. 2. Col. 1. 19. 20. Ex inauguratione ad munus cùm cœlitus clamavit, *hic est filius ille meus dilectus in quo acquiesco* Mat. 111. 17. Non tantùm miraculorum variorum patratiōe, ex quibus ipsum Virum à Deo approbatum fuisse demonstrat Petrus Act. 11. 22. Sed præcipuè ipsius Christi *Resurrectione* quæ non modo luculentum fuit Deitatis ejus testimonium : Unde dicitur *ὁ ὢν θεὸς declaratus filius Dei potenter per resurrectionem à mortuis* id. veluti solenni decreto pronuntiatus Rom. 1. 4. Sed etiam illustre perfectissimæ Satisfactionis argumentum ; Nam nisi cumulatissimè satisfecisset ; Quo pacto Deus qui ut Judex eum morti tradiderat ad redemptionem nostram, voluisset eum à morte excitare ? An Judex Sponsorem vel debitorem liberat à carcere, nisi priùs plenâ solutione præstitâ ? An placatum se & reconciliatum Reo vel debitori exhibebit, si pœnam aliquam adhuc ab eo est exacturus ? Deus autem & Christum ipse excitavit, ideo dicitur *suscitatus per gloriam* id. potentiam Patris Rom. VI. 4. & Act. 11. 13. *hunc Deus suscitavit solutis doloribus mortis, quia impossibile erat eum ab ea detineri*, Et plenè sibi satisfactum esse testatus est, cùm non tantùm eum ex mortuis excitavit, sed & propter perfectissimam obedientiam summè exaltavit & passiones ejus amplissimo præmio coronavit. Phil. 11. 6. Heb. 11. Unde dicitur *justificatus Spiritu* 1. Tim. 111. 16. & *suscitatus propter nostram justificationem* Rom. 1v. 25. quia & ipse justificatus est à Patre id. probatus tanquam plenè defunctus officio suo, & nos in ipso justificati sumus, quum perfectam ab eo peccatorum expiationem obtinemus, cujus resurrectio documentum est certissimum : Quippe ut in Morte solutionem habemus, Ita in Resurrectione Apocham quâ Pater testatur sibi abundè satisfactum esse ; Nec posset Apostolus dicere nos esse Deo reconciliatos per Christi sanguinem Rom. v. 10. si pœna satisfactoria adhuc nobis ferenda ex Dei judicio incumberet.

XVIII. Dicent fortè, Ita enim loquitur Bellar. lib. 4. de Pœnit. c. 1. *Non quidem fieri posse ut pro instauranda amicitia cum Deo homines satisfaciant, sed restituta amicitia per gratuitam misericordiam Dei, & per redemptionem qua est in Christo Jesu, posse quidem Deum universum pœna debitum semper condonare, ut certum est eum facere, cùm primum nos per baptismum in filios recipit, vel cùm martyrium pro nomine ejus subimus, sed posse etiam id velle ut cùm peccamus post baptismum, amicitia quidem gratis pœnitentibus & peccata sua consentibus restituatur ; sed maneat tamen debitum luenda pœna qua justitia satisfiat.* Hic verò primò gratulamur Adversario inge-

ingenuam veritatis confessionem, dum fatetur Deum post redemptionem Christi posse universum pœnæ debitum semper condonare, ut facit in baptizatis & martyribus: Nam si hoc verum ut sanè est verissimum, quis potest locus esse amplius ullis satisfactionibus humanis? An forte, quòd Deus non contentus Christi satisfactione alias insuper à parte nostri postulet? Sed hoc nec Scriptura dixit unquam, nec unquam probabitur. 2. Falsò supponit amicitia semel restituta posse exigere debitum luendæ pœnæ qua justitiæ satisfiat; Nam hæc sunt *αὐτοῦ τε*, Justitiam exigere pœnam, & Amicitiam facere gratiam, An servat Deus amicitiam cum iis quos ut Adversarios terribili judicio & fervore ignis vorantis persequitur? firmare censetur amicitia inter Jacobum & Petrum si ille amicitiam spondens totum furorem in hunc effundat? Quid quod ex eo sequeretur amicum Dei posse condemnari quod expressè negat Apostolus Rom. viii. 1. Fateor quidem amicis varias imponi pœnas, nec Deum ipsis parcere, sed istæ pœnæ sunt paternæ, medicinales & castigatoriæ, ut infra dicemus; non satisfactoriæ, de quibus quæritur.

XIX. Quintò Eadem veritas astruitur Ex Effectu Satisfactionis Christi qui triplex vulgo censerì solet, *Expiatio, Remissio, Consummatio*. *Expiatio* peccatorum, & propter eam eorundem *Remissio, Consummatio* seu perfectio fidelium ex expiatione & remissione pendens: Si ergo Christus triplicem istum effectum per Satisfactionem suam ita plenè produxit, ut nihil addendum super sit; nemo negare poterit perfectam fuisse omnimodè ejus satisfactionem: perfectio enim effectus, perfectionem causæ necessariò arguit: At ista perfectè à Christo fuisse præstita, luce meridiana clariùs ostendi potest. Primò de *Expiatione*, Scriptura non semel plenam à Christo peccatorum omnium nostrorum purgationem esse factam docet. Heb. i. 34. dicitur *per se ipsum purgatione peccatorum factâ sedisse ad dextram majestatis in excelsis*, sic Heb. ix. 14. *ejus sanguis purgat conscientiam ab operibus mortuis*. Sed omnium clarissimè Johannes in prima Epist. quum non tantum propitiationem esse ait pro peccatis totius mundi cap. i. 1. sed etiam *ejus sanguinem purgare nos ab omni peccato* cap. i. 7. Nam si ab *omni peccato*. Ergo non tantum ab Originali, sed & ab Actuali, non tantum à mortali, sed & à veniali; Non modò ab iis quæ ante baptismum sunt commissa, sed quæ post eum subinde perpetrantur; Non ad eluendam tantum culpam, sed & ad purgandam labem & maculam; Frustra regeres cum *Bellarm.* agi hîc de remissione culpæ, non pœnæ, & Christi quidem sanguinem ab illa nos omnino purgare, sed non pariter ab ista: Nam præterquam quod absurda est & ridicula hæc distinctio ut jamjam dicemus, quia non aliter nos mundat à peccato, quàm ejus pœnam ferendo; Itaque si ab omni peccato purgat, Ergo omnem ejus pœnam tulisse debet: Johannes viam illi præcludit, quum non tantum dicit sanguinem ejus nos mundare ab omni peccato, sed ita ut *communione cum ipsa habeamus* v. 7. Jam communio ista haberi non posset nisi sublata omni culpâ & pœnâ.

XX. Eodem etiam pertinet quod Paulus Ro. VIII. 1. dicit *nullam amplius esse condemnationem iis qui sunt in Christo* & vers. 32. *neminem accusare vel condemnare posse electos Dei quia Christus mortuus est &c.* Quod luculenter docet Christum plenam omnium nostrorum peccatorum expiationem fecisse: Aliàs si poena adhuc quædam superesset ferenda, daretur semper aliqua condemnationis ratio quod expressè negat Paulus; Non dicit quidem *nihil esse condemnatione dignum* in fidelibus; Nam quandiu manet in nobis caro & peccatum, manet autem semper quandiu in terris versamur, manet etiam reatus & condemnabilitas quam peccatum post se necessariò trahit, scilicet meritum intrinsecum culpæ, quod contra Adversarios perfectionem sanctorum & impeccantiam asserentes constanter defendimus: Sed dicit tantum *nullam esse condemnationem*, quia licet *reatus potentialis* id. meritum ejus internum semper sequatur peccatum, tollitur tamen *reatus actualis* seu obligatio ad poenam, & *condemnatio* quæ eam sequitur, quia Christus maledictionem Legis pro nobis ferendo eam omnem à nobis abstulit, ut jam securè gloriari liceat in Domino, & hostibus nostris insultando dicere cum Paulo, Rom. VIII. 31. 32. *Qui proprio filio non pepercit, sed pro nobis omnibus eum tradidit, quomodo omnia non gratificabitur cum ipso? Quis intentabit crimina adversus electos Dei? Deus est qui justificat? Quis condemnabit? Christus est mortuus &c.* Sed cur ergo tam multa patimur etiam post justificationem regerit Bellarm. Resp. Non patimur ut Deo satisfaciamus, sed ut fidem & constantiam nostram testatam faciamus, non ad punitionem judicalem, sed ad correctionem paternam, non ad justificationem consequendam, sed ad sanctificationem promovendam. Alias si poenis quibusdam adhuc adjudicarentur fideles non posset dici *nullam esse condemnationem*, & ut V. V. adhuc fortius reddit, *nihil condemnationis*. Hoc vidit Thomas, *Nihil damnationis, inquit, est residuum, quia tollitur damnatio & quantum ad culpam & quantum ad poenam*. Sic Salmero ostendit eos qui Christum sectantur, ab omni malo culpæ & pænæ liberatos esse. Neque hîc audiendi sunt qui volunt Paulum non quoscunque Christianos designare, sed eximios quosdam quibus nimirum conversatio sit absque peccato, quia loquitur de iis qui *non secundum carnem incedunt, sed secundum spiritum*. Nam falsò supponunt posse dari ullos Christianos qui non incedant secundum spiritum, sed secundum carnem: At Paulus non externa professione, sed interna veritate Christianos metitur, nullum enim Christianum agnoscit nisi qui sit in Christo, nullum autem vult esse Christi nisi qui spiritum Christi habeat vs. 9. *Si quis non habet spiritum Christi, is non est ejus*. Ergo quod addit Apost. qui non incedunt secundum carnem, sed secundum spiritum, non est restrictio eorum qui sunt in Christo, sed ἐξήγησις sive descriptio verorum Christianorum; Ut nemo possit esse in Christo qui non ambulet secundum spiritum, & non secundum carnem; Quod pertinet illud Athenagoræ in Apologia εἰς τοὺς χριστιανὸς πονηρὸς εἰ μὴ ὑποκρίνεται τὸ λόγον. *Nemo Christianus nequam, nisi professionem simulat*: De aliis verò qui præter no-

nem Christianitatis nihil obtinent non agitur, nec debemus esse solliciti.

XXI. Hujus autem perfectæ expiationis memorabilis extabat typus in Sacrificiis hylasticis quæ à lege præscribebantur; Nam Dominus qui exactissimè omnes expiandi ritus per Mosem exequitur, nuspiam tamen hanc aut illam satisfaciendi rationem constituit, sed totam in sacrificiis compensationem requirit. Quî fit autem ut nullis prorsus operibus admittâ delicta procurare jubeat, sed sola in expiationem sacrificia requirat, nisi quod ita testari voluit unicum esse satisfactionis genus, quo judicium suum placatur; Quippe ea quæ tum offerebant sacrificia Israëlitarum, non ab hominum opera, sed à sua veritate, hoc est vero Christi sacrificio æstimabantur; Neque hîc audiendus *Bellar.* qui lib. 4. de Pœnit. c. 15. dicit sacrificia ista immunditiem tantum legalem & pœnam temporalem expiâsse, sed non culpam & pœnam æternam ex Ps. LI. 13. Nam etsi damus verè & realiter non potuisse expiare peccatum, quia nulla fuit victimarum & cum Dei justitia, & cum hominis peccato proportio Heb. x. 4. 5. Sed tantum potuisse purgare quoad puritatem carnis id. munditiem legalem Heb. ix. 13. Certum tamen est typicè & figurativè perfectum Christi sacrificium quod corpus est omnium umbrarum repræsentasse, ut eò tendebat tota Lex Cærimonialis Heb. x. 1. Ita si non alia expiationis ratio præscribitur quàm per sacrificia, signum est non alibi quàm in sacrificio Christi quærendam esse expiationem nostram; Nec obstat locus Ps. LI. quia non agit de sacrificiis in se spectatis quoad Dei institutionem, sed quoad hominum hypocritarum abusum qui externum cultum ab interno separabant, & cortici seu literæ hærentes, mysterium & veritatem spiritualem negligebant, cujusmodi sacrificia verè Deus rejicit & detestatur.

XXII. Ut verò hæc expiatio in omnibus sacrificiis hylasticis occurrebat, ita luculentius patebat in solenni & anniversario sacro quod die expiationum fieri solebat; Et in Hirco vivo qui debuit amandari in desertum de quo dicitur Lev. xvi. 20. 21. 22. quod Aaron utramque manum super caput hirci imponeret, & confiteretur super eum omnes iniquitates filiorum Israël; & omnes pravaricationes eorum ex quibusvis peccatis: Et cum eas hirci capiti imposuerit, amandabit eum in desertum per manum viri parati. Et portabit hircus ille super se omnes iniquitates eorum in terram inhabitabilem seu desertam, & ab aliis quæ habitantur divulsam. Ex quibus colligitur non unius vel alterius peccati factam fuisse tum expiationem, sed omnium omnino; Eo die expiationem faciet pro vobis, ad mundandum vos ab omnibus peccatis vestris coram Jehova mundabimini vers. 20. Atque hæc videtur fuisse ratio quare hircus iste amandaretur in desertum procul à sanctuario, ut scilicet notaretur remotio & elongatio perpetua peccatorum à facie Dei qui in Sanctuario apparebat. Et hinc etiam non malè conjicit *Celeberrimus Bochartus* in eruditissimo opere de *Animalibus* li. 2. c. 56. rationem nominis *Azazel* quod hîc occurrit, quum dicitur vers. 8. duobus hircis imponendas esse sortes, unam *Jehova*, alteram *Azazel*. Ut nimirum designet separationem & remotionem hirci.

hirci qui debuit in desertum mitti; Et nomenclatio peti potest ab Arabibus apud quos verbum *Azala* *removere* & *separare* significat; Unde formari potuit *Azazel* quod Hebræi אַזַּזֵּל *Azazel* efferunt, quod *χωλεσμων* & *ἀναχωρησις* notabit; Ita rectè hircorum unus dicitur Domino fuisse servatus; Nempe ut super altare mactatus illi esset in sacrificium quod de victimis passim legitur, Alter servatus לעֲזַזֵּל ad *Azazel* *ἀναχωρησις* ad *separationem*, ut in locum deserti remotum & ab aliis separatim deduceretur, qui vers. 22. dicitur אֶרֶץ נִירָה *terra excisa*, seu *divulsa*: Sic optimè duorum istorum hircorum separatio respondebit duplici *Anathemati* quod sustineri debuit ille qui pœnam peccati ferebat. Primò ut esset *Deo sacer* utpote ipsi ad satisfactionem justitiæ oblatus: Secundò ut esset ab aliis *separatus* tanquam *ἄναθεμα* & exitio devotus, quod utrumque per *Anathema* designari observant Viri docti.

XXIII. Secundus effectus Satisfactionis Christi est *Remissio peccatorum* Eph. 1.7. Heb. 1x. 15. Matt. xxvi. 28. ex qua non minus quàm ex expiatione perfectio ejus evincitur. Quia non unius tantum aut quorundam, sed omnium peccatorum per eam remissionem consequimur. Col. 11. 13. *vivificavit nos condonatis omnibus offensis nostris* Pl. c111. 3. *condonat omnes iniquitates tuas*. Act. x. 43. *Huic Propheta testimonium perhibent remissionem peccatorum accepturum in ejus nomine omnem credentem in ipsum*: Sic alibi in formula fœderis testatur quod *peccatorum nostrorum non sit amplius recordaturus* Jer. xxxi. 32. & Heb. x. 17. imò etsi quæretur *iniquitas populi sui quod non possit inveniri* Jer. xxx. 20. Jam ubi plenaria est peccatorum remissio, ibi plenam etiam satisfactionem esse necesse est, quandoquidem illa istius effectus est & fructus inseparabilis; nec aliò tendit satisfactio quàm ad remissionem fidelibus obtinendam; Si Ergo perfectus est effectus perfecta causa debet esse.

XXIV. Ut ab hoc se expediant Argumento distinguunt in peccato *culpam* & *pœnam*, Et utriusque remissionem; Et remitti quidem omnem peccati culpam censent, sed non statim omnem pœnam, remanere enim semper etiam remissa culpâ luendam pœnam temporalem. Hæc solennis est ipsorum distinctio, cui totum hoc satisfactionum & pœnarum humanarum commentum superstruunt; Sed ipsius falsitas multifariam potest demonstrari: Non negamus quidem *pœnam* & *culpam* posse distingui; Et revera distinguendas esse, Quando culpa ipsius est peccatoris; At pœna Judicis eam infligentis: Culpa causa est quæ pœnam post se trahit: At pœna effectus culpæ: Sed negamus remissionem utriusque posse unquam sejungi: 1. Quia hoc pugnat cum *natura rei*: Nam sic ad culpam refertur pœna, ut hæc sine illa esse non possit, pœna enim non est, nisi quæ alicujus culpæ pœna est, eam enim à culpa oriri, & propter eam infligi jamjam diximus; si quis ergo à culpa omni liber est, eundem etiam à pœna immunem esse necesse est, quia sublata causa non potest non tolli effectus: poterit ergo cui remissa est culpa affligi & cruciari, sed vniiri non poterit, quia
pœna

pœna dicit *ἁρτίον* ad culpam, à qua non magis separabilis est, quàm umbra à corpore. Frustra verò hîc Bellarm. lib. 4. de Pœnit. c. 15. regerit, *multa esse quæ sine certis causis non orirentur quæ tamen orta manent causis pereuntibus, ut ædificium sine ædificatore non fieret, quod si semel factum fuerit manebit, licet continuo ædificator pereat.* Nam quæ causis pereuntibus manent, ea à causis antequam ipsæ perirent jam effecta erant ut ædificium quod manet etiam extincto architecto. At causa semel extincta nihil amplius efficit vel efficere potest, ut architectus semel mortuus nihil ampliùs ædificat; Hîc verò non quæritur; An pœnæ jam antea ob culpam peccatori inflictæ, si ei postea culpam remittat Deus eo momento ipsæ pariter aboleantur; sed de iis pœnis quæritur quas admissa à peccatore culpa est quidem merita, quasque nisi aliud accadat in peccatoris caput certissimè aliquando est accersitura; sed quæ tamen nondum sunt ei inflictæ: An scilicet culpa quæ ipsas non dimissa paritura erat, dimissa eas nihilo secius parere queat? Quod si dicatur necesse est, ut vel negetur culpam quæ remittitur tolli, vel statuatur causam licet sublatam & abolitam aliquid tamen efficere posse, quod utrumque absurdissimum. Quid quod hîc Adversarius confundit *causam efficientem physicam* cum *causa meritoria & morali*, nec enim culpa propriè efficit pœnam quomodo Architectus domum, sed meretur tantùm & post se trahit moraliter.

XXV. II. Pugnat cum *Vocis ratione & ordinario loquendi usu*: Nam præterquam quod nec *ἁφέναι* nec *χαρίζεσθαι* (quæ duæ sunt voces quibus peccati remissio designatur vulgo) dici possit is qui peccatum impunitum non relinquit, & pœnam ejus aliquam adhuc exposcit: Accedit quod inauditum est in humano sermone ut ei culpa remissa dicatur, à quo pœna adhuc exigitur: Quis enim judicem ferat pro tribunali pronuntiantem se culpam quidem peccati reo condonare; Cæterùm ipsi pœnam decernere & velle ut in crucem agatur, vel virgis cædatur? An non meritò joculari putabitur & misero isti reo illudere? Quid enim aliud est remittere culpam, quàm eam nolle punire? Nec enim potest dici culpa remitti, nisi quia debitum culpæ contractum remittitur; Quodnam autem potest esse illud debitum? An culpa? At ea est debendi causa; non verò id quod debetur; An Pœnitentia? At ea remitti nec debet; Quid igitur debemus propter peccata nostra? profecto nihil nisi pœnam; sola illa ob peccatum admissum potest exigi; Sola ergo pœna propriè & per se potest remitti; culpa non nisi ratione pœnæ remittitur. Et sanè cùm homines petunt sua sibi condonari & remitti peccata, quid aliud petunt quàm ut liberentur à pœnis quas suis culpis contraxerunt? Cùm ergo tritissima sit hæc loquendi ratio, qui alium sensum habere non potest nisi absurdum: patet inanem esse & ridiculam Adversariorum distinctionem cui totam satisfactionum suarum fabricam superstruere volunt.

XXVI. III. Sed parum adhuc esset eam adversari ordinario loquendi usui; nisi impeteret Dei ipsius justitiam & misericordiam; *Justitiam* quidem. Quia sic statuitur Deus punire eum qui caret omni culpa, & qui nullius est criminis

reus; Nam si sublata est per remissionem, ut isti pertendunt, omnis culpa: Quid causâ est cur puniatur amplius peccator, quisnam locus esse poterit Justitiæ divinæ exercitio? quodnam ejus fundamentum? Nullum, nisi dicamus, Vel remissionem culpæ nondum factam esse, & sic Deum pro uno eodemque debito duplicem exigere solutionem: Vel Justitiam Dei non esse *γενικὴν* quæ possit sese exerere citra peccati considerationem: Quod utrumque cum sit iniquissimum, impium etiam & falsum esse necesse est illud ex quo deducitur. Quis dixerit Judicem Justitiam exercere qui gravissimis poenis addicit insontem nulliusque criminis reum? Quis contra iniquissimi magistratus & crudelis Tyranni nomen jure merito illi non tribuat? Cur verò in Deo censeretur actio justa, quæ si fieret ab homine accusaretur injustitiæ & crudelitatis maximæ; Absit ut Deus fingatur sic illudens hominibus, & culpam totam condonans, tamen puniens ob culpam, remittens totum debitum, & tamen ejus exigens solutionem: Absit ut Judex mundi non exerceat jus? Gen. xviii. 25.

XXVII. iv. Sed divinæ *Misericordiæ* multo magis adversatur hæc distinctio; Nam cum Scriptura testetur & res ipsa clamet Deum jam sub fœdere gratiæ ex quo nobis per Christum reconciliatus est, non amplius esse justum judicem, sed amantissimum patrem, cujus amor etiam tenerrimos matrum affectus in liberos superat, quique adeo omnia cum filio gratificari non recusat; Quis faciliè capiat quo tandem pacto cum tanta ejus in nos misericordia consistere possit tanta ejusdem tamque inusitata severitas, ut poenas gravissimas à nobis repositat duratione tantum à poenis gehennæ differentes, quas si verè quod isti pertendunt remissa est omnis culpa, minimè debemus? An hæc clementissimi patris, an non potiùs justissimi judicis effecta sunt & argumenta? An non pax & consolatio omnis sic adimitur fidelibus & in sævissimum tormentum conscientiæ constringuntur, quum vident se vindictæ divinæ adhuc subesse, & vehementissimum ejus amorem non obviare quo minus severissimè adhuc puniantur?

XXVIII. v. Pugnat cum *phrasibus Scripturæ* quibus remissionem peccati describere solet, quum dicit Deum peccata nostra *delere, tegere, non imputare, post tergum projicere, in profundum demergere, eorum non recordari* &c. Pl. xxxii. 1.2. & ciii. 12. Is. xxxviii. 17. & xlii. 22. Mich. vii. 19. Jer. xxxi. 34. &c. Palam enim est divinos Scriptores tam disertis, tamque emphaticis metaphoris velle ut hoc nobis sit persuasissimum, clementissimum illum Dominum, si semel bona fide cum eo in gratiam redeamus, nullam omnino admissorum à nobis peccatorum rationem habiturum, eaque planè inulta & impunita prætermisurum; Id verò nullo modo stare potest si vera sunt quæ docent Adversarii: Certè si punit Deus peccata, imputat; si vindicat, recordatur; si ad judicium vocat, testis non habet; si examinat, post tergum non projicit; si inspicit, non obliteravit instar nebulae; si ventilat, non projicit in profundum maris. Nam cum is qui pec-

catum punit, in animo & memoria præsens semper habeat; Sanè non potest dici peccati non amplius recordari & ejus memoriam procul abjecisse, qui pœnas pro eo adhuc exposcit; Unde Prophetæ Deum *recordari* dicunt *peccatorum* cùm illa ulciscitur, ut non semel apud Oseam legitur c.viii.13. & ix.9. & apud Hierem. xiv.ii. quomodo Latini in scelus animadvertere dicunt eum qui id punit, & apud Græcos ἀμνηστίας nomen invaluit ad plenam reconciliationem designandam. Atque huc faciunt Augustini verba in Ps. 31. *Si texit peccata, noluit advertere, si noluit advertere, noluit animadvertere: si noluit animadvertere, noluit punire, noluit agnoscere, maluit ignoscere &c.* Reponit Bellar. li.4. de Pœn. c. 15. *allatas phrasas hoc tantum significare, Deum projicere, delere, non videre, & non imputare peccata eorum, quibus amicitiam suam & gratiam restituit, quia quod attinet ad reatum culpæ & pœna æterna ita illos respicit ac si nunquam peccassent, licet ob eorum utilitatem, aliisque justis de causis aut eos ipse temporaliter castiget, aut ut ipsi se castigent velit.* Sed hæc omnia gratis dicuntur, probandum quippe fuit non supponendum nihil aliud istis phrasibus significari; Nos enim aliud planè statuimus, & argumento invicto demonstramus pœnæ omnis non minus ac culpæ remissionem innui, quia cujus peccati aliqua pœna exigitur, id dici nequit *projectum post tergum, vel nebula instar deletum, vel tectum & non imputatum.* Quis judicem dixerit fontis crimen texisse, oblitterasse, & non imputasse, qui extremo quidem supplicio eum non affecerit, Cæterùm variis & gravissimis pœnis mulctet & afficiat? Quod verò docent Deum ob utilitatem hominum eos castigare temporaliter; Non huc pertinet, quia non agitur de castigationibus & probationibus fidelium quas faciliè admittimus, sed de pœnis judicialibus quas posita Dei remissione locum habere non posse credimus.

X X I X. vi. Pugnat cum *Praxi Christi*, multis enim peccata remisisse legitur in diebus carnis suæ, sed nulli unquam post remissam culpam pœnas satisfactorias inflixisse. Luc. vii.48. mulieri peccatrici dicit quidem *peccata tua tibi remissa sunt, fides tua te servavit, vade in pace.* At nullam ei imposuisse dicitur satisfactionem. Imò contrarium innuitur, quo modo enim juberet eam abire in pace, si debuit adhuc pœnas varias à Justitia Dei ultrice ad satisfactionem ferre? Sic Matt. ii.5. refertur Christum paralytico simpliciter dixisse *dimittuntur tibi peccata tua*, sed nullam satisfactionis mentionem facit; Ita Jo. v.14. ægrum sanatum compellans Christus *Eccè sanatus es, inquit, ne pecca amplius, ne quid pejus tibi accidat*, hortatur quidem ad resipiscentiam, ut is finis esse solet beneficiorum Dei non minus ac castigationum Ps. lxxxv.6. & cxxx.4. sed nullam illi infligit pœnam; Idem in Publicano observare est qui dicitur descendisse justificatus domum suam: At si vera est sententia Adversariorum, dimissâ culpâ omni debuit ferre aliquam pœnam. De Petro etiam dubium non est, quin trinæ abnegationis peccatum illi remissum sit, nulla tamen ejus legitur satisfactio: Jubetur quidem oves Christi pascere, & fratres suos confirmare: Sed nemo dixerit hæc ad opera pœnaliter esse referenda;

Unde Ambros. in 22. Lucæ rectè Petri lachrymas lego, satisfactionem non lego. Cum ergo constet Christum iis quibus peccata remisit nullas tamen pœnas inflixisse, frustra volunt remissa culpa superesse tamen fidelibus aliquam pœnam luendam; Hæc enim exempla divinæ in pœnitentes misericordiæ non alium in finem videntur nobis in Scripturis proposita, quàm ut peccatores intelligant, quæ qualisque sibi à Domino expectanda sit peccatorum remissio.

XXX. VII. Pugnat cum ratione peccati quod sæpe per debitum exprimitur ut Deus Creditoris nomine indigitatur, Peccatores Debitorum, & condonatio peccati, debiti remissione innuitur; Nam si certum est tunc demum dici remissum debitum quando creditor nihil amplius vult ex eo reposcere, nec debitor tenetur solvere; fatendum etiam est tum verè peccatum posse dici condonatum, quando omnis ejus non tantum culpa sed & pœna sublata est, ita ut nihil amplius peccator divinæ justitiæ pendere teneatur: Nam si pœna quædam superesset ferenda; perperam & falsò diceretur condonatum; quemadmodum is ludibrium deberet qui diceret debitum esse remissum cujus tamen solutio vel totalis vel partialis exigitur. Et hoc ipsum confirmatur ex eo quod Deus velit nos condonare proximis offensas quemadmodum nostra nobis peccata condonat Eph. IV. 32. *Estote invicem benigni, misericordes, condonantes invicem, sicut Deus in Christo condonavit vobis.* Et in oratione Dominica jubet orare Deum ut dimittat nobis debita nostra, sicut dimittimus debitoribus nostris Matth. VI. 12. Jam si Deus condonare dicitur peccatum ratione culpæ, sed non ratione omnis pœnæ, sequetur & nos posse dici offensas fratribus remittere quando illis culpam donamus, licet pœnam vel totam vel ex parte exigamus: Quod cum sit & à præcepto Christi, & à fraterna charitate alienissimum, quæ totalem & culpæ & pœnæ remissionem postulat, sequitur Deum etiam cum remittit utramque respicere, & eò magis quòd Deus infinitus clementior sit homine.

XXXI. VIII. Pugnat cum ratione pœnæ. Nam si pœna non alium in finem infligitur nisi ut puniatur culpa; Non poterit culpa remitti nisi ipsa pœna tollatur; nam dempta culpa per integram remissionem nihil amplius superest pro quo satisfaciendum sit: Quippe non fit satisfactio pro pœna, sed pœna satisfacit pro culpa; Unde Christus non aliter satisfecit pro nostra culpa, quàm ferendo pœnam quæ illi debebatur; Et ob id pœnam nostram in se recepit, ut nos à reatu culpæ & à pœnâ propter illam debita eximeret. Si ergo omnem culpam abolevit ut fatentur Adversarii, Quidni etiam omnem pœnam abstulit quando ideo tulit in se ut à nobis auferret? Frustra Ergo remissionem culpæ dari pertendunt cum retentione pœnæ, cum remittere culpam nihil aliud sit quam eam nolle punire ut agnoscit Scotus in 4. Dist. Disti. 22. q. 1. unde Augustin. sermo. 141. de Tempore, *Christus Communicando nobiscum sine culpa pœnam, & culpam solvit & pœnam.*

XXXII. Denique repugnat etiam Veteribus qui culpam à pœna divelli non

non posse non semel testantur, Tertull. de Bapt. c. 9. *Exempto scilicet reatu eximitur & pœna.* Chrysofo. homi. 8. ad Rom. ὅπως χάρις συγχώρησις, ὅπως δε συγχώρησις ὡς δὲ μία κόλασις ubi gratia ibi venia, ubi venia ibi nulla punitio. Et ad Colos. homi. 6. πάντες ημεῖς ὅφ' ἀμαρτίαν καὶ κόλασιν. αὐτὸς καλαθεὶς ἔλυσε, καὶ τὴν ἀμαρτίαν καὶ τὴν κόλασιν, Erasmus omnes obnoxii peccato & pœna, ipse punitus solvit & peccatum & pœnam. Hiero. in Ps. 31. *Quod tegitur, non videtur, quod non videtur, non imputatur, quod non imputatur nec punitur.* Augusti. de verbis Domi. Serm. 37. *suscipiendo pœnam & non suscipiendo culpam, & culpam delevit & pœnam.* Quò pertinet tritum Scholasticorum & Canonistarum distichum:

Larga Dei bonitas veniam non dimidiabit

Aut nihil, aut totum te lachrymante dabit.

XXXIII. Dices, Sed si Rex fonti crimen remittit ea lege ut parti offensæ satisfaciatur, Quidni Deus potuit culpam remittere ea lege ut satisfactio quædam illi datur pro pœna temporali? Resp. Sed hîc conferuntur dissimilia; Nam Rex quidem potest crimen remittere fonti ea lege ut parti offensæ satisfaciatur, quia Rex & persona offensa sunt duæ personæ diversæ, & si condonat id facit semper *salvo jure Tertii*, de quo non potest dispensare. At hîc Judex & persona offensa coincidunt, Deus quippe utriusque ὁρᾷ sustinet, unde si crimen semel remisit totum, non potest amplius satisfactionem ullam pro eo exigere, nisi statuamus vel remissionem peccati non fuisse plenam, vel Deum duplicem pro uno debito solutionem postulare, quod utrumque nec sine crimine cogitari, nec dici absque blasphemia potest.

XXXIV. Insta. Sed si ubi omnis abest venia, ibi omnis quoque debita abest & abesse debet pœna, quâ fit ut Magistratus in fures, adulteros, homicidas severè animadvertat, licet ex eorum pœnitentia judicari possit & debeat ex canone charitatis illos in gratiam rediisse cum Deo, & sua illis peccata esse remissa. Resp. Sed hîc confunduntur quæ sunt distinguenda *forum soli & poli, Judicium humanum & Divinum.* Non negamus magistratum terrenum plectere facinorosos etiam pœnitentes, quia non respicit pœnitentiam, sed exemplum, & satisfactionem justitiæ, ut majestas legum sarta tectaue conservetur; Sed aliter se res habet in judicio divino, in quo pœnitentiâ semel positâ datur remissio peccati, non virtute pœnitentiæ, sed meriti Christi qui pro pœnitentibus satisfecit. Hinc licet verum sit dimissa culpa in Deum tolli etiam pœnam divinam, & remissa culpa in hominem tolli pœnam humanam; non sequitur tamen remissa culpâ in Deum, tolli etiam pœnam humanam, ut remissa culpa in hominem non tollitur statim pœna divina; quia sunt in diverso foro & ordine; Poterunt ergo plecti sine injustitia in foro humano, quibus Deus gratiam fecit in foro divino, nec tamen inde confici potest, remissa culpa superesse pœnam luendam.

XXXV. Eiusdem commatis est quod reponunt Tertio Quod si post culpam dimissam, nihil restat amplius pro quo Deo satisfiat; frustra preces, jejunia,

eleemofynæ & alia ejusmodi pietatis officia fidelibus præfcriberentur ab Ecclefia & in Scriptura recenferentur. Nam licet nec præces nec jejunia nec alia iftiusmodi pietatis exercitia poffint effe fatisfactiones pro peccatis, quia nihil habent quo compensatio fiat iuftitiæ divinæ, nec in pœnam imponuntur, fed in falutem: Non fequitur tamen fruftanea effe, fuos quippe ufus eximios habent fi non ad iuftificationem confequendam quod unus Chriftus nobis potuit obtinere, faltem ad fanctificationem promovendam, & gratitudinem Deo pro beneficiis acceptis teftandam. Ita fi Deus ad eorum præfentiam fidelibus gratiam peccatorum dicitur facere, vel pœnas relaxare aut auferre; non funt *Caufæ* propter quas id faciat Deus, fed *conditiones* cum quibus id exequitur juxta promiffa fua, nec notant *quare*, fed *qualibus* hoc beneficium indulgere conftituerit Deus.

XXXVI. Sic ex plena peccatorum remiffione colligitur Satisfactionis Perfectionio. Eadem etiam demonftratur clariffimè ex *tertio Satisfactionis effectu* fcilicet *Consummatione fidelium*: Nam fi Chriftus fatisfactione fuâ consummavit fideles in æternum, non poteft non effe perfecta ejus fatisfactio, quæ iftius consummationis caufa eft & fundamentum. *Unica oblatione* inquit Ap. *τελειώκεν consummavit in perpetuum eos qui fanctificantur* Heb. x. 14. Ubi voce à facris petita notat antithefim ad Sacerdotes Leviticos, qui eafdem fæpiùs offerendo viétimas non potuerunt tamen auferre peccata, & viam fidelibus ad cœlum & falutem patefacere, quæ eorum eft perfectio & consummatio; *Lex* enim ut alibi notat cap. vii. 19. *nihil ἐτελείωσε perfecit* & consummavit, quia ut infirma fuit in carne Rom. viii. 3. nihil habuit quo vel peccati reatum expiaret, vel maculam deleret, atque ita cœlum nobis aperiret, quæ tria ad perfectionem fidelium conftituendam requiruntur, priora duo *perfectionem gratiæ* conftituunt, quæ iuftificatione & fanctificatione conftat, poftremum *perfectionem gloriæ* quæ in cœli ingreffu & beatifica Dei vifione pofita eft. Unde *Spiritus τελειωμένοι* dicuntur beari Hebr. xii. 23. At Chriftus unicam fui ipfius hofciam offerens consummavit in perpetuum fanctificandos; ita ut nulla amplius opus fit alia hofcia, quia perfectiffimo merito fuo & efficacia acquifivit nobis & confert omnia ad falutem neceffaria, reconciliationem cum Deo, remiffionem peccatorum, purgationem confcientiarum, & redemptionem æternam. Unde in ipfo habemus unde plenè iuftificemur & fanctificemur, & ad perfectam falutis poffeffionem adducamur, Heb. xi. 2. Quorfum autem hæc omnia dicerentur, fi perfecta non fuit ejus Satisfactio, & fi merita & fatisfactiones noftræ illi funt adjungendæ ut perficiantur & consummentur fideles? Sanè non poterat dicere Paulus unica ifta oblatione consummari fideles, fi multa alia adhuc à parte noftra requirebantur ad plenam redemptionem confequendam.

XXXVII. Nec aliud vult Apoftolus in vexatiffimo loco ad Heb. xi. 39. 40. ubi dicit *Patres non obtiniffe promiffionem, Quoniam Deus de nobis κρείττον τι μέλις quid providerat, ἵνα μὴ χωρὶς ἡμῶν τελειωθῶσι ne fine nobis consummarentur.*

Nam

Nam sive *πλείων* istam intelligamus de consummatione gratiæ quæ hîc obtinetur, sive de consummatione gloriæ quæ in cœlis demum expectanda venit; sive quod satius videtur de utraque, certum est Patres V.T. non *sine nobis* fuisse consummatos, quia non alio medio, & merito, non alio sanguine, aliove spiritu hoc assecuti sunt quàm Christi Redemptoris cujus *ἐπαράγωγον* & exhibitionem nostris reservare voluit temporibus, & sic *melius* quid pro nobis prospicere, ut constaret, non diversa via Judæos & gentes ad salutem pervenire, (quod videretur factum si sub V.T. & sine nobis consummati fuissent:) Sed utroque ab eodem fonte salutem haurire, ab eadem Mediatoris satisfactione & gratia, qui Idem fuit heri hodie & in secula Heb. xii. 8. hoc beneficium consequi. Quid ergo, inquires, An non Patres jam sub V.T. vivi & justificati & sanctificati fuere, & post mortem felicitatem adepti? Omnino, Absit enim ut cum Socinianis & aliis à regni cœlorum promissione eos exclusos putemus: Sed ita tamen salvati sunt ut ab eo qui nostris demum temporibus exhibendus fuit, Christo salus ipsorum semper penderet; quia virtute futuræ satisfactionis Christi & remissionem peccatorum & vitam obtinuerunt. Non ergo *χωρὶς ἡμῶν* id. *seorsim* & separati à nobis hoc quicquid est beneficii habuerunt; Non quod aliquid ad ipsius consecutionem contulerimus; Sed quia non alio sacrificio quàm quo & nos consecrati sunt, non alio sanguine purgati, non alio cibo nutriti, Cor. x. 4. non alio Capite animati. Ut nunc non dicamus, quod tamen huc non incommode potest trahi, pleniorē longē datam fuisse istius mysterii in Ecclesia cognitionem per Christi manifestationem, Sole hoc justitiæ radios suos nunc undiquaque diffundente, & umbras legales non minus ac tenebras Paganas dispellente: Unde nostra longē potior dicitur esse conditio quia videmus & audimus ea quæ Reges & Prophetæ optarunt videre & audire, nec potuerunt tamen Luc. x. 24. Imò ipsis Angelis dicitur nunc manifesta facta in Ecclesia *πολυπικίλ* Dei sapientia Eph. iii. 10. Quidni ergo dixerimus per exhibitionem Christi & Redemptionis consummationem majori luce quàm antea imbutos, & majori etiam gaudio perfusos fuisse Patres, donec omnes ultimo die resurgentes cœlestem gloriam & in corporibus & in animabus, quæ absoluta erit consummatio, una per eundem Christum *ἀρχὴν καὶ τέλος τῆν πίστεως* consequamur? Ita *Promissio* quàm Patres dicuntur non obtinuisse, nihil aliud est quàm ipsius Christi *manifestatio*, quæ κατ' ἐξοχὴν *ἐπαγγελία* dicitur, quia omnium aliarum causa est & fundamentum, per quem consummatio ista fidelium debuit perfici.

XXXVIII. Eodem respicit verbum *τετελεισται* Consummatum est quod Christus jamjam moriturus in cruce protulit Joh. xix. 18. 20. Quamvis enim possit vox ista referri 1. Ad *impletionem Vaticiniorum* quæ de Christi passionibus & morte edita fuerant Luc. xvi. 30. & xxii. 37. Joh. xix. 28. 2. Ad *impletionem typorum* qui in ipso moriente complementum suum sunt sortiti, ut qui de Agno paschali, de Serpente æneo, de Victimis vel quotidianis vel annuis dicta fuerant. 3.

Ad consummationem decreti divini & mandati paterni, quia quicquid de eo Pater decreverat & illi in mandatis dederat ad opus salutis exequendum jam perfecerat, vel brevi perfecturus erat; præteritum enim hîc ponitur pro paulo post futuro ut Mat. xxvi. 28. *sanguis qui effunditur* id. qui jamjam effundendus est ut sæpe alibi.

4. Ad Consummationem omnium passionum & cruciatuum, qui pro peccatis nostris tolerandi ipsi erant, unde August. Tracta. II. in Joh. *Consummatum est quia nihil remanserat, quod antequam moreretur fieri adhuc oporteret.* Quamvis enim hæc & alia id genus hac voce significari non negemus; Non dubitamus tamen Christum præcipuè respexisse ad consummationem redemptionis, ut innuat se peregrisse opus illud quod Pater illi commiserat, ut nihil amplius faciendum superfit quod attinet ad satisfactionem justitiæ divinæ & acquisitionem salutis quod Christus Jo. xvii.

4. jam testatus erat, *Ego te glorificavi in terra, opus τετελειωκα consummavi quod mihi dedisti ut facerem.* Quia licet postremus actus istius operis implendus adhuc superesset Mors scil. quæ ut corona fuit & complementum ejus obedientiæ; ita absolvere debuit hanc Redemptionem: Tamen cætera omnia quæ antea præstanda erant, præstita jam fuerant, & hoc postremum certissimè & brevi erat perficiendum: Sic Scriptura sæpè solet de rebus certò futuris loqui verbis præteriti temporis, ut certitudo & brevitatis futurationis & eventus melius constet. Sic Christus Jo. xvii. 11. dicit *se non amplius esse in mundo* quia brevi ex eo erat exiturus. Ex quibus omnibus, ne plura jam addamus argumenta ad veritatis istius confirmationem; Colligimus Christum quandoquidem opus sibi commissum plenè consummavit, conscientias purgando, peccata remittendo, & fideles perficiendo, nihil amplius à Nobis requiri; Atque adeo perfectam & sufficientissimam fuisse ejus Satisfactionem, quod demonstrandum fuit.

C O R O L L A R I A.

I. *An peccata benè distinguantur ex se in mortalia & venialia?* Neg. contra Pontificios.

II. *An mors temporalis sit pœna peccati?* Aff. contra Socinianos.

III. *An fides vel justitia inharens rectè dicatur causa meritoria nostræ Justificationis?* Neg. contra Pontificios & Remonstrantes.

IV. *An objectum Prædestinationis sit homo lapsus?* Aff.

V. *An Patres V. T. caruerint cognitione Trinitatis & Christi?* Neg.

VI. *An Sacramenta sint causa physica gratiæ, quæ agant ex opere operato?* Neg. contra Pontificios.

DISPUTATIO DUODECIMA

Quæ Secunda est

D E

SATISFACTIONIS
CHRISTI PERFECTIONE.

T H E S I S P R I M A.



ASSERTA Disputatione præcedenti κατισκευαστικῶς Satisfactionis Christi Perfectione : Expendenda nunc sunt Adversariorum argumenta, quibus si non directè & γυνῇ κεφαλῇ; at ex obliquo & indirectè, eam vel convellere vel labefactare conantur. Quia verò pugnare solent diversimodè tum ex *Scripturis*, tum ex *Ratione* ut commentum suum stabiliant & hypothesei suæ serviant, distinctè etiam respondendum est ; Non quidem ut sigillatim ea omnia persequamur quæ ab ipsis afferri solent ad erroris sui confirmationem : Sed ut ea tantùm expendamus quæ majorem videntur habere veri speciem, quæque sæpius ab ipsis solent objici.

II. Et ut à Scriptura primùm ordiamur ; Palmarius quo subinde uti solent locus extat, ad Col. 1. 24. ubi Paulus imperfectionem Satisfactionis Christi, & necessitatem Satisfactionum humanarum apertè videtur asserere ; *Gaudeo, inquit, de iis quæ patior pro vobis, & reliquias afflictionum Christi adimpleo in carne mea pro corpore ejus quod est Ecclesia*, in quibus verbis varia, ut ipsis quidem videtur, latent argumenta pro sententia sua. 1. Quod Paulus vocat passionem suam ὑπερήματα τῶν θλίψεων ἃ Χριστὶ reliquias passionum Christi, satis innuit esse aliquid quod supplendum est passionibus Christi : Nam si plenæ erant & absolute omnibus numeris, frustra & perperam reliquæ illis tribuerentur. 2. Quia non tantùm dicit esse reliquias passionum Christi ; sed *se vicissim eas implere pro parte sua ἀνταναπληρῶ* inquit : At si plenæ fuerunt, quid opus foret eas denuo implere ? 3. Quia dicit *se pati pro ipsis & pro corpore Christi quod est Ecclesia*, quod dici non posset, nisi Satisfactionis locum habituræ fuissent ejus passionibus : Hinc *Cajetanus* Tracta. de Indulg. q. 3. Quod fuerit sanctorum intentio pati pro nobis, tectatur Apostolus dicendo, *Adimpleo ea quæ desunt passionum Christi*

T t

pro

pro corpore ejus quod est Ecclesia, ubi manifestè patet divinam providentiam disposuisse, ut aliqua sanctorum passionum spectarent ad complementum passionum Christi pro corpore ejus, & hanc ordinationem sanctos adimplere suis passionibus superabundantibus. Nec aliter Bellar. lib. 1. de Indulg. cap. 3. optavit Apostolus fidelibus prodesse omnibus modis quibus id fieri poterat, nihil enim excipit, qui dicit libentissimè impendat pro animabus vestris 2. Cor. xii. potuit autem prodesse communicando passionem suam ad expiandum reatum temporalem, cum sibi ejusmodi satisfactiones abundarent. Quare patiendo adimplebat ea quæ deerant passionum Christi, id est, quæ Christus in sanctis suis adhuc passurus erat pro corpore ipso Ecclesiæ, sive instruendo prædicationibus, sive confirmando exemplis, sive expiando satisfactionibus.

III. Sed quàm parum faveat errori iste locus proclive est ostendere, si ad frequentia attendimus. Primò ut sciamus quid Christi nomine intelligendum veniat: Secundò quid per reliquias passionum ejus innuatur. Tertiò quo sensu pati se dicat Paulus pro Ecclesiâ: Et ad prius quidem quod attinet; Certum est Christi nomine non semper personam ipsam designari seu Christum naturalem; sed sæpe etiam ejus Ecclesiam seu Christum mysticum Corpus scilicet cum membris 1. Cor. xii. 12. sicut corpus unum est & membra habet multa, ita Christus. Ubi clarum est Christum hîc non Caput tantum innuere, sed & Corpus seu Ecclesiam huic Capiti unitam. Ita cum Christus cœlitus clamat Act. ix. 4. Saul Saul cur me persequeris? propriè personam suam non respiciebat, quæ in cœlum recepta extra telorum omnium jactum erat constituta, nec ullis amplius ærumnis aut persecutionibus erat obnoxia; sed Ecclesiam ipsam, quæ quia unum secum corpus constituit, idè rectè nomine Christi ipsius à potiori facta denominatione insignitur. Hinc passionem Christi vel notant passionem Christi naturalis, quas ipse in corpore suo semel in cruce tulit; vel passionem Christi mystici seu Ecclesiæ, quæ ipsi ferendæ à Deo subinde imponuntur. Ita quas hîc Apost. vocat *χρεῖς θλίψεως*, alibi *χρεῖς παθημάτων* appellat 2. Cor. i. 7. sicut abundant passionem Christi in nobis, ita & per Christum abundat nostra consolatio: Hoc sensu calamitas Israëlitarum in Ægypto, & abjectissima eorum fors, quam Moses Ægyptiacæ aulæ splendori atque opulentiae prætulit, Apost. vocat *χρεῖς ὀνείδισµὸν* Heb. xi. 26. majores, inquit, divitias aestimans thesauris Ægyptiorum, opprobrium Christi.

IV. Si porro quæratur quare passionem istam vocentur passionem Christi, quadruplex afferri potest ratio 1. ratione causæ, quia Christus ut supremus Agonotheta nobis eas imponit, quod pertinent illa Christi ad Ananiam Act. ix. 16. Ego ostendam illi quanta ipsi patienda sint pro nomine meo. Unde Petrus dicit fideles ad id vocatos esse 1. cap. ii. 21. & Paulus Phil. i. 29. Vobis datum est non modo credere in ipsum, sed & pati pro ipso. 2. Ratione occasionis, quia ejus nomine & pro ejus Evangelio à fidelibus perferuntur, nisi enim discipuli Christi essent, hæc calamitatibus nequaquam exponerentur: hinc afflictiones suas Paulus 2. Tim. i. 8. vocat afflictiones Evangelii id. quæ Evangelii causa & propter Evangelium impo-

nuntur, ut *vs. 12.* dicit se propter Apostolatam hæc omnia pati. 3. Ratione *unionis*, quia qui eas perpetiuntur fideles, Christi, cuius sunt, membra censentur; adeo ut quæ ipsi in hac causa ferunt, ille quoque ferre & perpeti dicatur propter mysticam capitis & membrorum communionem; ut usitatum est, ut unusquisque sibi tribuat eas passiones quæ inferuntur cuilibet parti corporis sui; ut manus vel pedis vulnera rectè dicuntur vulnera ipsius hominis; Ita quia qui patiuntur membra Christi sunt, rectè Christus ipse dicitur pati in membris. 4. Ratione *compassionis* propter maximam *συμπάθειαν* quam habet in afflictionibus suorum quæ ex prædicta unione oritur; Quippe ut damna & vulnera eorum qui nobis sunt conjunctissimi nostra appellamus, quia æquè illorum miseriis afficimur ac nostris: Ita Christus passiones fratrum suorum qui sunt una caro cum ipso suas reputat; quia non minus illis tangitur, quàm propriis: Has porro *passiones Christi* ita intelligi posse diu est ex quo August. observavit in *Ps. 61. Passiones Christi non in solo Christo, imo passiones Christi non nisi in Christo*, si enim Christum intelligas Caput & Corpus, passiones Christi non nisi in Christo. Si autem Christum intelligas solum caput, passiones Christi non in solo Christo. & ex eo Ansel. Patitur adhuc Christus passiones, non in carne sua in qua ascendit in cælum, sed in mea quæ adhuc laborat in terra. Ita Lyran. in h. l. Passiones Christi dupliciter accipiantur, uno modo pro illis quas sustinuit in proprio corpore, & sic nihil ibi restat ad implendum: Alio modo pro illis quas in finem usque seculi patietur in corpore mystico; & sic restant multarum passionum reliquæ adimplendæ. Atque huc pertinet duplex Christi *ἀέσις* vel ut *Vadis & Sponsoris* qui pro nobis satisfacit, vel ut *Capitis* quod in nobis debet operari, ut nos sibi similes reddat: Priori sensu passiones Christi sunt *satisfactoriæ*, & illi soli exclusis aliis competunt. Sed posteriori sunt *exemplares* & ad imitationem proponuntur.

V. II. Observandum eam esse debere inter Corpus Christi naturale & mysticum, Caput & membra, harmoniam & conformitatem, ut quod impletum est in illo debeat in istis servatâ tamen proportionem impleri, propterea enim *prædestinari* dicimur à Paulo ut *simus conformes imagini ejus Rom. VIII. 20.* & idem 2. Cor. III. 18. testatur nos *contemplantés in speculo facie relecta gloriam Domini transformari in eandem imaginem de gloria in gloriam velut à Spiritu Domini.* Hinc toties ad imitationem Christi excitamur Eph. v. 2. Phil. II. 5. 6. 1. Pet. II. 22. 23. Porro ut ista conformitas in cælis futura est in gloria & felicitate 1. Joh. III. 2. Phil. III. 21. Col. III. 4. Ita in terris inchoanda est per gratiam, partim in sanctitate, partim in cruce. Rom. VIII. 18. Quemadmodum enim Christus dum in terris versatus est insignis fuit potissimum tum *sanctitate* quâ purus & ab omni peccati labe immunis fuit verè sanctus Domini, tum *calamitate* tanquam vir dolorum *Is. LIII. 4.* qui omnigenis ærumnis & passionibus sese subjecit usque ad exinanitionem Phil. II. 6. 7. Ita Ecclesiam suam in hisce duobus assimilari & conformem reddi voluit; Primò in *sanctitate*, unde jubemur sancti esse sicut ille sanctus est, 1. Pet. I. 15. & purificare nos ut ille purus est 1. Joh. III. 3. Secundò in *passionibus*

& cruce, quo sensu dicitur reliquisse nobis exemplar ut sequamur ejus vestigia 1. Pet. II. 22. *Et communicare dicuntur fideles passionibus Christi*, quando ad ejus instar & exemplar patiuntur cap. IV. 13. Ut ergo Christus pro parte sua varias habuit passiones perferendas ad opus Redemptionis perficiendum: Ita Christus mysticus seu Ecclesia & singuli fideles habent quisque pro parte sua certum demensum passionum quod à Deo illis assignatur ad exemplum capitis, singuli debent ex isto calice bibere, singuli crucem post Christum debent suam gestare; Donec ergo fideles ea subierint certamina, & ærumnas tulerint quæ illis à Deo sunt impositæ, superest semper aliquid implendum in passionibus Christi; non quidem Christi naturalis, quia ejus satisfactio fuit perfecta & omnibus numeris absoluta in cruce, quod ipse testatus est cum consummatum esse clamavit; Sed Christi mystici id. Corporis ipsius, cujus passiones cum non ante finem seculi consummatum iri certum sit, quotidie debent impleri in singulorum fidelium calamitatibus.

V I. Atque huc pertinent verba Petri I. cap. v. 9. quæ apprimè faciunt ad rem nostram; Cum ait *easdem passiones* quæ imponebantur fidelibus dispersis ad quos scribit impleri in societate fratrum qui erant per totum orbem, quæ manifestè evincunt Deum æterno suo consilio decrevisse non modò quas passiones Christus ipse in carne sua subiret pro Redemptione Ecclesiæ; sed etiam quas singula Ecclesiæ suæ membra essent subitura pro nomine Christi; Dum ergo suo tempore & gradu ista executioni mandantur, rectè impleri dicuntur in *societate fratrum* id. in corpore Christi, istæ passiones. Nec aliud sibi vult Paulus hoc loco, cum dicit se implere reliquias passionum Christi, quàm se partem etiam crucis Christi quæ ipsi ad ferendum erat imposita alacriter gestare. Interim licet utrobique & à Christo à nobis passiones sint ferendæ, memorabile tamen inter utrasque discrimen est agnoscendum; Nam Christi passiones gravissimæ fuerunt & nullâ suavitatem temperatæ, quia totam Dei maledictionem nobis debitam ferre debuit, & ad fæces usque calicem istum ebibere; At nostræ sublatæ jam per Christum Dei maledictione, temperatæ fiunt & leves Christi gratiâ, ut gustandus quidem sit ipse calix, sed non ebibendus; & ferenda sint mala, sed benedicta cum Christo: illas prior ferre debuit Christus ad redemptionem nostram, unde non malè *πετερίματα* eas dixeris: sed istas post ipsum subire debemus ad sanctificationem, ideo bene *υπερίματα* eas Paulus vocat. Nec omittenda est vis phrasæ Apostolicæ cum non tantum dicit se implere, sed *ἀνταναπληρῶν* id. *vicissim implere* quod relationem quandam & correspondentiam notat; Non tantum cum cæteris fidelibus, qui etiam pro parte sua debebant eidem cruci subjici; sed etiam cum ipso Christo, ut passio membri respondeat passioni Capitis; nimirum ut Christus pro Pauli salute summos in cruce dolores, ipsamque legis maledictionem pertulerat; ita Paulus vicissim pro Christi gloria & Euangelio grave certamen sustinere debebat; in quo utrîusque fuerunt quædam suæ veluti *vices*, licet alio atque alio fine, ut jam dicemus.

VII. Tertiò & illud notandum, Afflictiones quæ à Christo imponuntur fidelibus, etsi nec Redemptionis nec Satisfactionis finem ullum habere possint, habere tamen alios plurimos qui non tantum fidelibus ipsis patientibus profunt; sed aliis etiam, imò toti Ecclesiæ, sive ad confirmationem fidei, sive ad exemplum patientiæ, sive ad maiorem Euangelii profectum. Istos enim ex illis fructus oriri Paulus non semel testatur ut Phil. 1. 12. 13. vincula sua ad Euangelii propagationem, & fratrum confirmationem celsisse significat; *scire vos volo fratres quia quæ circa me sunt, magis ad profectum venerunt Euangelii. Ita ut vincula mea manifesta fierent in Christo in omni pratorio, & in cæteris omnibus & plures è fratribus confidentes vinculis meis abundantius auderent sine timore verbum Dei loqui.* Fuerunt ergo passionibus ejus utilissimæ, non quidem ad satisfactionem, sed ad confirmationem, & constantiæ exemplum; Idem alibi 2. Cor. 1. 6. 7. *sive premimur, inquit, id fit pro vestra consolatione & salute, quæ efficitur in tolerantia earundem perpeffionum quibus & nos afficimur, sive consolationem accipimus id fit pro vestra consolatione & salute &c.* Quibus constat ex mente Pauli perpeffiones suas eo fidelibus prodesse, non ut ipsi à similibus pœnis eximantur, (qui satisfactionis est finis) sed planè contra ut ad simile certamen sustinendum ex patientiæ suæ exemplo fortiùs animentur. Eodem planè pacto dicit hic *se pati pro ipsis & pro corpore Christi quod est Ecclesia* non redimenda, sed ædificanda, non liberanda à pœnis, sed confirmanda in fide, non ad satisfactionem, sed ad imitationem. Fuerint ergo magno usui fidelibus passionibus ejus, ingens ex iis ad Ecclesiam fructus redundaverit, non negamus. Negamus tantum quòd Adversarii pertendunt fuisse peccatorum nostrorum *ἰατρικόν* & satisfactionem pro pœnis quas peccata eorum merebantur; Nec juvat Bellarminum quod ait Paulum *optasse istis afflictionibus prodesse fidelibus quibuscunque poterat modis, id est non tantum instruendo, confirmando, sed etiam expiando*: Supponit enim quod est in quæstione, & petit principium, passionibus scil. Apostoli potuisse esse expiatorias vel satisfactorias quod probandum fuit non supponendum.

VIII. Dices, Paulus tamen dicit *se pati ὑπὲρ & ἀντὶ σώματος & pro corpore ipsius*. Ut autem vox ista respectu Christi & Satisfactionem & substitutionem notat quum dicitur passus pro nobis ut alibi est à nobis ostensum; Quidni & hic etiam eundem sensum obtineat, cum sancti hac in parte patiantur ad exemplum Christi? Resp. non negamus sæpiùs hanc esse præpositionis ὑπὲρ vim & sensum, ut inferat & substitutionem personæ & satisfactionem debiti, ut aliquid fieri ὑπὲρ ἡµῶν dicitur, cum sit loco & vice nostra, quo sensu certum est tribui Christo dum dicitur *mori pro impiis* Rom. v. 6. & *pro ovibus* Joh. x. &c. Sed hanc unam non esse istius voculæ significationem pertendimus; Imò nec sine gravi absurditate locum hîc habere posse censemus, quia ut nemo pro se satisfacere, ita nec pro aliis potest: Quid ergo? ut alibi propositio hæc duplicem sensum obtinet; vel *occasionis* quâ aliquid fit, ut cum fideles dicuntur pati ὑπὲρ *χριστὸς* pro Christo vel ὑπὲρ & ὀνόματι & ἀντὶ *pro nomine ejus* Phil. 1. 39. 2. Cor. xii. 10. id. non ad

satisfaciendum pro ipso, Absit, sed occasione ejus; Vel *Causa finalis* & impulsivæ ob quam res fit ut cum Paulus dicit se premi *pro consolatione* fidelium 2. Cor. 1. 6. Ita hic rectè dicitur *pati pro Ecclesia* gemino hoc significatu: Tum quia Ecclesia fuit istarum passionum occasio, quippe dum illi ministrare studet in carcerem conjicitur; Tum quia Ecclesiæ ædificatio & confirmatio finis fuit ad quem respiciebant; Hanc porro mentem esse Apostoli verba sequentia clarè docent, cum ait se Ecclesiæ *factum ministrum*, non ad redemptionem, sed secundum *dispensationem* qua illi commissa erat ad *predicandum Christi Evangelium*. Debuit ergo esse minister Ecclesiæ, non Mediator aut Redemptor, ut innuat se non loqui de *passionibus satisfactoriis*, sed *ædicatoriis*.

I X. Sic August. intellexit Tractat. 47. in Joh. Quia, inquit, oves Christi estis, sanguine estis comparati: Agnoscite pretium vestrum quod à me non datur, sed per me predicatur: Deinde subjicit quomodo ipse animam suam posuit, sic & nos debemus animam pro fratribus ponere ad ædificandam plebem, ad fidem asserendam. Hoc ipsum non pauci nec ignobiles ex Adversariis agnoverunt. Thomas in h. l. Hæc verba secundum superficiem malum possunt habere intellectum scil. quod Christi passio non sit sufficiens ad redemptionem, sed addita sint ad complendum passiones sanctorum, sed hoc est hæreticum. Et paulò post, sic etiam omnes sancti patiuntur propter Ecclesiam, quæ ex eorum exemplo roboretur. Card. n. Contarenus in h. l. Non ea ratione hæc dicuntur à Paulo quasi passiones Christi non sufficiant ad delenda peccata, & quod illis quidpiam desit quod oporteat in nobis impleri. Absit hoc, sed quoniam debemus nos imitari Christum & pati pro ædificatione Ecclesiæ sicut Christus passus est. Sic Jesuita Justinianus in h. l. Adimplere se dicit ea quæ desunt passionum Christi non quidem ad meritum aut vim satisfaciendi. (quid enim desit infinito) sed vim & efficaciam traducendi mortales ad fidem, idque ut corpus ejus mysticum, quod est Ecclesia, perficiatur. Docendo quippe monendo, hortando, denique Evangelium promulgando magni labores tolerandi sunt, pericula subeunda &c. Postea significat ergo se pati pro Ecclesia amplificanda seu propaganda ad ejus fidem confirmandam ac stabiliendam ut cæteros ad sui imitationem provocet. Mitto alios complures qui nobiscum hîc faciunt; quia ex his satis superque liquet passiones Pauli fuisse quidem exemplares & confirmatorias, sed non satisfactorias; atque adeo perperam Adversarios hoc uti argumento ad commentum suum stabiliendum.

X. Non solidius illud confirmant ex iis locis in quibus Redemptionis alicujus ab hominibus per bona opera peragenda videtur fieri mentio, quæ etiam huc comportare solent ut Prov. xvi. 4. ubi Sapiens ait *miser cordia & veritate redimitur iniquitas*, & in timore Domini declinatur à malo. Ad quæ Bellar. lib. 4. de Pœnit. cap. 3. Hic, inquit, habemus vocem Redemptionis quæ æquivalet voci satisfactionis; ceriè enim non minus ad justitiam pertinet Redemptio quam satisfactio; Et si absurdum esset dicere nostris operibus satisfieri pro peccatis, multo esset absurdius dicere nostris operibus redimi peccata, quemadmodum ipsi (nos intelligit) commodius ferunt si dici vole-

mus aliqua ex parte Redemptores quàm satisfactores; cum igitur in Scriptura non uno in loco disertis verbis tradat nostris operibus redimi peccata, profectò non abhorret ab usu Scripturæ quod nos dicimus nostris operibus satisfieri pro peccatis. Cui loco alterum supparem addunt ex Dan. iv. 27. Ubi Daniel cum Nabucodonozori exposuisset visionem, per quam indicata fuerat pœna quam ille ob scelera sua merebatur, addit statim, *Quamobrem Rex consilium meum placeat tibi, & peccata tua Eleemosynis redime, & iniquitates tuas misericordiis pauperum.* Ad quæ Salmero Constat quod per opera gratiam præcedentia culpa non potest redimi, Ergo superest ut de pœnis quæ etiam remisso debentur delicto intelligatur. Huc etiam referunt varia Prophetarum loca in quibus pollicetur Deus se pœnas temporales condonaturum populo suo, si ex animo se convertat, & opera satisfactoria pro peccatis præstet ut Is. i. Jer. xviii. Ezech. xviii. & alibi quæ utique dici non possunt, nisi satisfactionibus nostris daretur locus.

XI. Resp. Sed hæc omnia esse ἀπερὶστον non obscurè evincitur. Nam ut de loco Proverbiorum dicamus primò: Quàm nihil faciat ad rem patet ex variis 1. quia mentio quidem fit peccati seu iniquitatis, at non pœna quam solam per satisfactiones humanas expiari volunt. 2. Quia misericordia & veritas de quibus agitur non possunt ad opera pœnalia & molesta in quibus volunt esse sitas satisfactiones suas, referri; nec unquam Scriptura de illis ut de pœnis loquitur, sed ut de virtutibus quæ in sui exercitio magnum fidelibus solatium & gaudium solent afferre; Hinc Jansenius duabus istis virtutibus observationem mandatorum divinorum includi censet, Quis verò audivit unquam observationem mandatorum divinorum in pœnis numerari? 3. misericordia & veritas vel de Deo vel de homine intelligi potest; si de Deo quod nonnulli volunt ut notetur, misericordiâ Dei ut clementissimi Patris, & veritate id. fidelitate ejus remitti iniquitatem, cadit argumentum Adversarii. Si de homine non fortius erit, quia sic notabitur conditio cui datur remissio peccati, non causa propter quam datur, nam ut judicium sine misericordia in immisericordes exerceri debet, ita misericordes misericordiam consequuntur Mat. v. 7. Et qui aliis verè & ex animo peccata condonaverint, iis etiam pater cælestis certò peccata est condonaturus; Non quod misericordia erga alios sit causa misericordiæ Dei erga se, sed quia est tantum conditio quædam necessaria. Atque ita sapiens retundere hîc vult hypocritarum vanam opinionem, qui sacrificiis externis & carnalibus contenti in iis solis peccati sui expiationem quærebant, de cultu interno & morali nequaquam solliciti; At hîc contra vir Dei docet non tam in sacrificiis esse quærendam, quàm in pietatis & charitatis operibus quibus Deus eam passim pollicetur: non quod sint causa veniæ quæ innuat quare illa detur, sed quia sunt subjecti dispositio necessaria quæ docet qualibus concedatur, ac si diceret iram Domini refidere, ubi à flagitiis nostris quiescimus. Ita non excluditur λύτρον quod à Mediatore dari debuit, sed indicatur hominis officium, sine quo tale beneficium sibi polliceri non potest.

XII. 4. Non omittendum est vim verbi כפר quo utitur Sapiens non semper ad *Redemptionem* propriè dictam pertinere, sed sæpius ad *Remissionem* & condonationem quam Deus peccatori pœnitenti indulget, sic sæpe & Græci Latini reddunt ut apud Is. xxii. 14. quod in Hebræo est כפר העון הזה לכם Græci ita reddunt εἰ δὲ ἀφεθῇ ἡ ἁμαρτία ὑμῶν αὐτῶν ἡ ἀμαρτία. Lati. *si dimittetur iniquitas hac vobis*. Sic c. xxvii. 9. כפר עון יעקב Græci ἀφαιρέσεται Lati. *dimittetur*. Ita planus erit sensus: misericordia & veritate redimi, id. remitti & deleri iniquitatem, quia qui misericordiæ & veritati studet, ita Deo gratus est ut non possit non peccati remissionem obtinere. 5. ut verbum כפר non tantum ad *remissionem* peccati, sed etiam ad *ablationem* & remotionem moralem rei potest referri ut Is. xxviii. 28. *Delebitur fœdus nostrum cum morte* id. abrogabitur Heb. כפר Græci per ἀφαιρῶ reddunt; commodè potest hic sensus applicari, ut non tam quid per misericordiam & veritatem seu exercitium earum fiat *coram Deo*, quàm quid fiat *in nobis*, scil. earum virtutum studio fieri ut ex hominum animis & vita auferatur & abstergetur iniquitas: Et hoc optimè respondebit verbis sequentibus quibus additur: *In timore Dei declinari à malo*, quia Timor Dei est frænum potentissimum quo à peccato cohibemur; Ita duabus istis sententiis ut sæpe in hoc libro fieri solet una eademque veritas continebitur, quæ Timoris divini & charitatis studium & fructum commendabit; sed nihil pro satisfactionibus humanis inde exculpi poterit.

XIII. Alter qui ex Daniele petitur locus, licet hunc subinde urgere soleant minus adhuc habet roboris, & quem ex hac sua hypothesi ne exponere quidem commodè possunt, nedum ut ex eo dogma suum probare valeant. I. Certum est ex eorum sententia satisfactiones fieri tantum à piis & iis qui sunt in Ecclesia, quibus scil. & culpa & pœna æterna jam condonata est; At hic Rex ut notum Ethnicus fuit idololatra & ab Ecclesia Dei alienus: Quomodo illi verè suadere potuit ut satisfaceret pro pœnis temporalibus, qui pœnis æternis adhuc erat obnoxius? II. Satisfactionem volunt positam esse in operibus quibusdam pœnalibus & laboriosis; At hic de *Justitia* agitur, nam quod Græci & V.V. reddunt per *Eleemosynam* in Heb. est קרי. Quis verò dixerit justitiam inter peccati pœnas censerì posse? III. volunt per satisfactiones pœnas demum temporales redimi, non culpam, vel pœnam æternam; At nihil tale ex hoc loco colligi potest, in quo non *pœna* cujusdam temporalis, sed tantum *iniquitatum* & *peccatorum* fit mentio. Ita si quod pertendunt, peccata eleemosynis tanquam vera satisfactione propriè redimi vult Propheta, sequitur ut non modo pœnam temporalem, sed & æternam, non modo pœnam, sed & ipsam culpam expiari intelligant, nulla enim discriminis ex Prophetæ verbis afferri potest ratio, cum peccatorum tantum meminerit: At hoc non dixerint Adversarii. Et hoc Vasquez non potuit diffiteri qui hunc locum negat huc referri debere. Frustrà verò Bellar. lib. 4. de Pœni. cap. 8. conatur elabi dicendo, Peccatum sæpe sumi

sumi pro pœna peccati; Nam licet non diffiteamur peccatum nonnunquam pœnam ipsam connotare, nunquam tamen hoc fit sine aliquo ad noxam respectu, ita ut cùm redimi dicitur peccatum non possit pœna sola intelligi sine culpa, ut nec culpa sine pœna.

XIV. IV. Tota vis argumenti nititur verbo *Redimendi* quod non extat in textu originali, sed verbum פִּדְיוֹן quod primâ & usitatissimâ significatione nihil aliud est quàm *abrumper*, *abstrahere* & *convellere* quo sensu sumitur Exod. xxxiii. 3. פִּדְיוֹן נֹמֵי הַזֶּה *separate id. detrahite in aures aureas* v. v. Tollite Lxx. πάλαιος sic Gen. xxvii. 40. i. Reg. xix. ii. Inde ducto tropo *liberare* nonnunquam significat, quia qui liberatur ab eo quo implicatus tenebatur quodammodo avellitur: At quocunque modo sumatur nullam satisfactionem importabit. Nam si ad posteriorem referas, notabitur quidem liberatio, sed non liberationis modus per satisfactionem aliquam aut λύτρον; Imò nec potest quidem, quia vis vocis infert potius liberationem per potentiam quàm per justitiam: Præterquam quod ne quidem de peccatis dici potest, quum non peccata, sed peccatores hoc sensu redimantur. At si priori sensu vox intelligatur, quod omnino convenientius ducimus de abruptione peccati & vitæ immutatione, facilia erunt & expedita omnia; Suadebat scil. Daniel Regi impio & superbissimo, qui abjecto omni Dei hominumque timore per immanem avaritiam & crudelitatem dominatus fuerat, ut cursum vitæ antea actæ abrumperet, & planè contrariam ineat viam, summâ non tantùm justitiâ, sed etiam benignitate præcedentis tyrannidis labes eluendo; sic impendens exitium forsan aversum iri & Deum hac conversione commotum res in melius conversurum; Quò pertinent verba sequentia *si forte erit prorogatio tranquillitatis tuæ*; quasi diceret, Exercuisti ô Rex violentam & injustam dominationem, oppressisti humiles, spoliasti pauperes, & per omne genus peccatorum impunè es grassatus: At nunc si vis effugere iram Dei imminentem, debes vitam planè immutare & pro injustis exactionibus, pro violentia & oppressione referre misericordiam & justitiam, & sic injurias beneficentia resarcire, & abrumperet cursum peccatorum tuorum ut melius tibi sit. Sic notabat quidem conversionem & pœnitentiam esse unicam evitandi Dei judicii viam; Sed de satisfactione Dei justitiæ facienda ne cogitavit quidem, tantùm abest ut illam hîc commendaret.

XV. Nec aliò respiciunt loca quæ apud Prophetas passim de pœnitentia agunt, ut necessaria ad remissionem peccatorum vel pœnarum relaxationem obtinendam. Non negamus enim pœnitentiam *conditionem* esse absolutè necessariam ad id ut venia peccatorum obtineatur; Non negamus etiam sæpe per eam fieri ut calamitates imminentes & judicia Dei vel declinentur vel mitigentur; Negamus tantùm esse *pœnam satisfactoriam* aut compensationem quæ fiat Justitiæ divinæ: Quia longè aliud est evitare & declinare pœnas, aliud verò satisfacere, aliud rem obtinere, aliud eam per viam pretii & solutionis consequi; Quippe pœnæ istius-

modi ex Adversariis non modò graves sunt & molestæ eas ferentibus, sed etiam censentur indebitæ; At hæc quæ à Prophetis præscribuntur pœnitentiæ exercitia non modò non sunt gravia & dura, sed suavia & jucunda fidelibus qui impensè iis delectantur; Verùm ita sunt debita ut nemo sine crimine ea prætermittere possit aut debeat. Præterquam quod in misericordiæ throno versantur fideles, ubi nullus datur vel operibus vel passionibus nostris ad satisfactionem locus, sed soli gratiæ & merito Christi: Non verò in Legis foro ubi persona judicatur ex opere, non opus ex persona. Quod si aliquando opera quædam laboriosa cum pœnitentia videntur urgeri, Ut Jejunia, Cilicium &c. non ideo fit ut pro delictis aliqua apud Deum compensatio interveniat, sed tantum ut per ea veritas & sinceritas pœnitentiæ eò melius testata fiat.

XVI. III. Objiciunt Adversarii loca varia in quibus Deus post culpam dimissam dicitur tamen pœnas varias fidelibus immisisse 1. 2. Sam. XII. 14. Peccatum condonatur Davidi à Nathane, & tamen mors filioli illi in pœnam decernitur, *Quia blasphemari fecisti Dei nomen ab inimicis Domini, ideo puer qui tibi natus est morietur.* 2. Num. XIV 20. Deus dicitur ignovisse Israëlitis murmurantibus, quibus tamen postea ingressum in terram Canaan interdixit: & in pœnam peccati mortem in deserto illis inflixit quod vocatur *ultio Domini* vs. 34. 3. Exod. XXXII. 10. 14. Deus testatur se peccatum idololatriæ ob preces Moïsi dimisisse, & tamen propter illud peccatum multa millia Israëlitarum interficiuntur. 4. Moïsi & Aaroni peccatum incredulitatis procul dubio remissum est, tamen manet pœna luenda post culpam remissam, quia moriuntur in deserto Num. XX. 24. & Deut. XXXII. 50. 51. Ex quibus & aliis similibus locis colligunt fieri posse ut remissa culpa propter Christi Satisfactionem, maneat tamen nobis luenda pœna quædam temporalis.

XVII. Sed non difficile est hoc etiam Adversariorum telum repellere: Si modò distinguimus *Pœnas* propriè dictas, à *pœnis analogicè* & impropriè ita dictis id. miseriis & calamitatibus: Non negamus enim varia pœnarum genera esse quibus Deus in peccatores animadvertit: Sed inter eas tamen magnum discrimen est constituendum; Quippe licet ab eodem omnes fonte profectæ videantur, peccato videlicet, cujus reatu, *hæc malorum terris incubuit cohors*, Et si facies externa nihil differat, finis tamen & modus diversissimus est. Nam ut *Deus* bifariam spectari potest, vel ut *Judex* vel ut *Pater*, ut *Judex* qui agit ex justitia ad vindictam, ut *Pater* qui agit ex amore ad correctionem; Ut *homines* in duplici ordine cenferi possunt; Vel ut *impii* qui legis maledictioni subsunt; Vel ut *fideles* qui recepti sunt in fœdus gratiæ; Ita duplex est Dei *judicium*, aliud *legale* vindictæ, aliud *Euangelicum* & paternum castigationis; Et *afflictiones* quæ hominibus immittuntur duorum sunt generum; Aliæ pœnis propriè dictis accensentur, quia peccatori ex ordine justitiæ divinæ infliguntur ad ultionem & Satisfactionem Dei offensi, cujusmodi sunt illæ omnes quæ impiis & reprobis vel in hoc mundo infliguntur, vel in al-

tero infligendæ sunt. Aliæ verò analogicè tantùm ita vocantur, quia non sunt pœnæ judiciales, sed paternæ; non ad vindictam, sed ad medicinam; non ex ira Judicis, sed ex amore patris; non ad destructionem, sed ad correctionem; non supplicia, sed remedia; non satisfactio præteritorum, sed præcautio futurorum; quales pœnæ sunt illæ omnes quæ fidelibus immittuntur, quæ juxta varios fines distribuuntur in tres species 1. *παιδείαν* & *υπερίαν* quæ est paterna castigatio quæ ad peccantium emendationem tantùm pertinet de qua Heb. xii. 6. 7. Apo. iiii. 19. 2. *δοκιμασίαν* quæ est pietatis exploratio quæ refertur ad exemplum de qua Jac. i. 2. 3. ut visum fuit in Abrahamo & Jobo. 3. *μαρτύριον* quod spectat doctrinæ cœlestis per proprium sanguinem obsignationem de quo 2. Tim. i. 4. & Apo. vi. 9.

XVIIII. Non negamus quidem has calamitates *pœnas* posse dici *improprie* & *figuratè*, & sic non rarò vocari in Scriptura variis de causis, 1. Quia mala ista & afflictiones naturâ suâ peccati sunt pœnæ & stipendium, Itaq; quanquâ fidelibus quibus propter Christum nihil pœnale amplius superest ferendum, non ad pœnam, sed ad medicinam & pietatis exercitationem infligantur; tamen quia hoc habent naturâ suâ, mutato statu nomen adhuc retinetur antiquum, & pœnæ dicuntur quia olim fuerunt, & si non *formaliter*; at *materialiter* idem sunt cum eo quod impij patiantur, eadem calamitas utrosque sæpe premit, licet alio atque alio fine. 2. Quia ut in propriè dictis pœnis peccatum est occasio & causa impulsiva illarum: ita calamitates istæ ex occasione peccati & propter illud immittuntur; nisi enim peccatum esset nulla calamitas in mundo cerneretur. 3. Quia caro ipsa luere debet, vetus homo aboleri & destrui, & peccatum in carne condemnari & puniri; nec enim sufficit Christum in carne sua illud condemnasse. Ro. viii. 3. 4. & veterem hominem ac corpus peccati cruci affluisse ad deletionem reatus, nisi illud ipsum in carne nostra crucifigat & condemnet ad maculæ purgationem Rom. vi. 7. 8. 4. Quia ut pœnæ fontibus infliguntur ex Judicis arbitrio, & carni sunt graves ac molestæ: Ita non temerè sed certâ Dei dispensatione nobis immittuntur, & carni nostræ non parum sunt acerbæ & duræ. 5. Denique pœnæ possunt etiam dici ex sensu fidelium qui in paroxysmo tentationis Deum sæpe sibi iratum esse queruntur: Nimirum quia sæpe infantes sunt adhuc, ideo fervorum more, Dominus eos nonnunquam durius tractat, & faciem patris abscondit, ut vultum severum judicis ostentet; Itaque dum latet fides & justificationis sensus pœnæ vis atque stimulus legis expergefit Ro. vii. 24. 25. unde in eo sensu ejulant, & iræ divinæ fluctibus opprimi se arbitrantur; conqueruntur dexteram Excelsi esse mutatam Ps. lxxvii. ii. & se projectos esse ab ejus facie: Ita cum Lex operatur iram, afflictio pœnalitatem videtur inferre; Cæterùm ut dispensatio hæc legalis ad hominem tantùm veterem compefcendum pertinet, statim atque Lex Evangelica discutit tenebras istas, & homo eluctatus est ex gravi illa tentatione, tunc demum agnoscit sapientissimam hanc Dei œconomiam fuisse, qui non ex odio sed ex amore proficiscebatur, nec ad destructionem sed ad salutem tendebat.

XIX. Quamvis autem hisce & similibus de causis, pœnæ nomen afflictionibus piorum improprie & analogice possit tribui; Certum est tamen longè differre à pœnis impiorum, sive *principium*, sive *modum*, sive *finem* respicias. Nam quoad *principium*; Pœnæ impiorum ex ira Judicis immittuntur: Unde toties David orat *Domine ne in furore tuo arguas me, nec in ira tua corripas me* Ps. VI. 2. & XXXVIII. 2. At pœnæ fidelium ab amore Patris quia *quem amat Deus castigat* Heb. XII. 6. Apo. III. 19. Quoad *modum*, illæ cum ira Dei & maledictione conjunctæ, nulla temperantur gratia & totum Dei furorem in impios effundunt; Istæ ut à paterno affectu proficiuntur, leves sunt & moderatæ, quæ nusquam carent misericordiæ temperamento; Unde *virgis humanis* conferuntur 2.Sam. VII. 14. quæ ita attemperantur infirmitati nostræ, ut Deus propterea non auferat benignitatem suam; hinc toties Viri Dei qui deprecantur priores illas pœnas, se grato animo & libenter istis submitunt: *Castiga me Domine* inquit Jer. x. 24. *sed in judicio non in ira tua ne forte imminuas me*; *Effunde furorem tuum in gentes quæ te non noverunt* &c. Haba. I. 11. 2. *Quum iratus fueris misericordiæ recordaberis*; Quia non patitur ut *virga impietatis quiescat in perpetuum super sortem justorum* &c. Ps. CXXV. 4. *Si ad momentum abscondit faciem, colligit postea in miserationibus æternis* Is. LIV. 8. Ita modum semper adhibet Deus castigationibus suis ne ultra vires pii affligantur I. Cor. x. 13. vel toti malis absorbeantur. Cujus lenitatis rationem affert Dominus apud Is. XLIV. 10. *In igne repurgavi te, inquit, sed non velut argentum: nam & ipse totius absumptus esses.* 3. Quoad *finem*: Nam pœnæ impiorum ut ab ira & maledictione oriuntur, ita tendunt ad ultionem justitiæ & exitium peccatoris: Unde quicquid afflictionum in hac vita sustinent, nobis depingitur ut quoddam inferorum atrium, ubi æternam suam damnationem eminus jam conspiciunt, tantumque abest ut inde emendentur aut fructum aliquem percipiant, ut potius talibus præludiis ad dirissimam, quæ eos tandem manet, gehennam apparentur; hinc fremunt & calcitrant contra stimulum & in desperationis barathrum sese præcipitant: At fidelium alia ratio est; Nam afflictiones eorum non tendunt ad pœnam, sed ad medicinam, non ad destructionem peccatoris, sed ad interitum peccati, non ut ultrici justitiæ satisfiat, sed ut peccator vel emendetur vel probetur, ut caro crucifigatur, ut corpus peccati enervetur; atque ita homo fidelis divinæ sanctitatis fiat particeps Heb. XII. 10. hinc fideles divinâ ferulâ verberati placide se ejus manui submitunt, bonum sibi id fuisse agnoscetes Ps. CIX. 71.

XX. Hanc fuisse sententiam Veterum de fidelium afflictionibus, innumeris Testimoniis probari facile posset; Sed unum vel alterum nunc sufficiat. Minutius Felix in Octavio. *Quod corporis humana vitia sentimus & patimur, non est pœna, militiæ est; fortitudo enim infirmitatibus roboratur, & calamitas sæpius disciplina virtutis est.* Chrystost. Hom. 41. in Matth. ad illa Pauli verba *dum judicamur à Domino corripimur* *νεθεσίας ἢ μακρόν ἢ κατὰ δίχης τὸ γινόμενον. ἱατρείας ἢ πωλείας, διορθώσεως ἢ κολαίσεως.* Nam quod sit est magis admonitionis, quàm condemnationis, curatio-

nis, quàm punitionis, correctionis, quàm ultionis. Ita alibi de Jobi & Apostolorum perpeffionibus loquens hom. 28. in 1. Cor. 11. εἰς δὲ καὶ κόλασιν ἦν ἄπειρ' ἔπαινον, αἰδ' ἀγώνων καὶ παλαισμάτων; Non enim quæ patiebantur punitionis erant, sed certaminum & luctarum. Sic in alio loco verberatur filius, verberatur & famulus, sed hic ut servus quia peccavit punitur, Ille verò ut liber & filius disciplina indigens castigatur; Huic correptio in probationem & emendationem cedit, illi in flagella & pœnas. Sed supra cæteros August. & sæpe & diserissimè hoc docuit; Nam contra Faustum Manich. l. 22. c. 20. Summus ille, inquit, vitis agricola aliter parat salcem sarmentis fructuosus aliter infructuosus; tamen non parcit nec probis, nec reprobis; illis purgandis, istis amputandis; nullus enim hominum est tanta justitia præditus cui non sit necessaria tentatio tribulationis, vel ad perficiendam, vel ad confirmandam, vel ad probandam virtutem. Sic de Civi. Dei l. 1. c. 8. Quicumque boni, malique pariter afflicti sunt, non idè ipsi distincti non sunt, quia distinctum non est quod utrique perpeffi sunt; manet enim dissimilitudo passorum etiam in similitudine passionum, & licet sub eodem tormento, non est idem virtus & vitium, nam sicut sub uno igne aurum rutilat, palea fumat, & sub eadem tribula palea comminuuntur, frumenta purgantur, nec ideo cum oleo amurca confunditur, quia eodem prali pondere exprimitur; Ita una eademque vis irruens bonos probat, purificat, eliquat: malos vastat, damnat, exterminat. Unde in eadem afflictione mali Deum detestantur atque blasphemant, boni autem precantur & laudant: Tantùm interest non qualia, sed qualis quisque patiat. Idem eximè in Ps. cii. loquens de afflictionibus piorum. Quod pateris unde plangis, medicina est tibi non pœna, castigatio non damnatio, noli repellere flagellum si non vis repelli ab hereditate. Greg. in Ezech. hom. 1. Agit hoc divina misericordia, ut ex una eademque re in qua carnalibus dat flagellum, in spiritualibus virtutis præstet incrementum.

XXI. Quibus ita positis facilè solvitur objectio proposita; Nec enim quæritur inter nos, An post culpam dimissam fideles possit & velit Deus exercere variis calamitatibus, & pœnis improprie & analogicè ita dictis; Agnoscimus enim ultrò sæpissime istas locum habere in Dei dispensatione erga filios suos, ut vel castigentur, vel probentur, vel in posterum cautiores reddantur; Fatemur hunc esse sapientiæ divinæ ordinem in fœdere gratiæ constitutum, ut per varias afflictiones in regnum cœlorum ingrediamur, & nemo ἀναιμακτὶ coronam gloriæ obtineat: Sed quæritur tantùm, An pœnis proprie ita dictis quibus justitiæ divinæ satisfacit, obnoxii adhuc sint vel possint esse ex quo semel veniam peccatorum sunt consecuti: Hoc enim constanter negamus: Nec Adversarii hoc ex locis allatis evincere unquam poterunt, in quibus castigationum quidem paternarum exempla occurrunt, sed non pœnarum judicialium, ut ex singulorum examine patebit.

XXII. Nam ut ab exemplo Davidis quod primum proponit Bellar. ordiamur. Fatemur quidem mortem filioli quæ illi prædicatur à Nathane post remissum peccatum occasione peccati & propter ipsum fuisse inflictam, ut ejus sensu ma-

gis magisque percelleretur, Non negamus etiam fuisse pœnam Davidi paternam, castigationiam, & medicinalem, qua de præterito peccato confusus erudiri debuit, ne in posterum tale facinus auderet; Sed pœnam propriè dictam quæ à Judice irato ad vindictam & satisfactionem justitiæ inflicta sit negamus. Neque hoc ex duplici ratione quam affert Bellar. colligi potest. Non ex prima ducta ex his Prophetæ verbis. *Quoniam blasphemare fecisti inimicos nomen Domini, propter hoc verbum filius tibi natus morietur*, quæ videntur ostendere pœnam hanc imponi in ultionem peccati præteriti, non in emendationem futuri. Nam ex eo quidem bene colligas peccatum istud fuisse occasionem & causam inflictionis istius calamitatis; Sed non statim inde elicere poteris, eam fuisse ejus pœnam: Imò satis expressè innuit Vir Dei hanc non tam ad *pœnam* quàm ad *exemplum* infligi; Nimirum ut ingens per istud peccatum datum erat profanis hominibus scandalum quasi Deus adulteros & homicidas in sinu suo foveret, debuit hoc quicquid erat scandali ea ratione sarciri, ut documentum esset graviter Deo displicere talia peccata, adversus quæ tantam offensionem in dilecto filio suo declarasset, atque ita divinæ domus disciplina turpissimo hoc scelere violata aliquo exemplo sanciretur, ne vel ipse David, vel alii, ejus exemplo libidinibus vel cædibus in posterum indulgerent; Non ergo infligitur in pœnam sed in medicinam; Nec contrarium potest elici secundò ex eo quod David lachrymis, jejunio, precibus &c. mortem hanc deprecatur, quod non facturus fuisset vir sanctus, si sibi utilem agnovisset, ut ait Bellar. loco cit. Nec enim novum est ut sancti deprecantur eas calamitates quas cæteroquin sciunt in bonum à Deo converti, quia hæc est naturæ nostræ indoles ut quicquid est durum & molestum statim refugiat & procul à se amoliri conetur: sic Paulus qui noverat gravem illam crucem sibi à Deo impositam non pœnam esse præteriti, sed remedium futuri, ne scil. magnitudine revelationum extolleretur, non minus tamen illam deprecatur 2. Cor. xii. 7. 8. planè sicut Æger, cauterii molestiam, & medicinæ amaritudinem vehementer deprecatur, licet eam non pœnam sed remedium esse non dubitet; Ita si David mortem filioli ægrè tulit, eamque precibus suis & jejunio avertere conatus est, efficitur quidem ex eo gravem illi & acerbam fuisse hanc mortem, sed non potest inde exsculpi vel propriam ejus pœnam fuisse, vel nullum habuisse ad ejus emendationem usum.

XXIII. Non dissimilis est ratio alterius castigationis quæ dicitur immissa Davidi & toti Israël ob numeratum populum 2. Sam. xxiv. 10. 11. 12. Nam licet certum sit hoc flagello Deum testatum fuisse quantopere peccatum illud sibi displicuisset, atque ita tum ad publicum omnium seculorum exemplum, tum peculiariter ad privatam Davidis humiliationem pertinuerit; Licet hæc calamitas non tantum Davidem respexerit, sed & populum qui aliis peccatis eam erat commeritus, & quam occasione peccati Davidis illi immisit. Non sequitur tamen propriam pœnam fuisse Davidi quæ ad vindictam respexerit; Imò contra-

rium

rium satis apertè colligitur ex peste quam seligit ut *incideret in manus Dei potius quàm hominum, quia multa sunt ejus misericordiae* vs. 14. Quia verò horrendum est incidere in manus Dei irati Heb. x. 31. debuit omnino David manum Dei placati & misericordis intelligere; Atque adeò gravissimum hoc flagellum de severa Patris correptione interpretari, qui non potest filiorum errores & crimina dissimulare & sine disciplina prætermittere; non verò de pœna aliqua satisfactoria & judiciali ad ultionem peccati sibi imposita.

XXIV. Quod verò subjicit *Bellar. ibid. c. 2.* Deum mortè sæpe plectere filios suos ob peccata, non utique ad emendationem, ridiculum enim esset dicere morte puniri homines ut deinceps cautius vivant, sed ad satisfactionem; Non majoris est ponderis: Quippe etsi mors ad emendationem non infligeretur, non sequitur statim imponi ad satisfactionem, nam præter duos istos fines varii possunt alii esse quos sapientia Dei intendit in suorum morte; Quidni enim dicemus ideo mori ut reliquæ peccati penitus aboleantur, & homo fidelis ex statu terreno & animali qui *carnis & sanguinis* nomine solet indigitari 1. Cor. xv. 50. ad statum spiritualem & cœlestem vitæ beatæ traducatur; & ita quæ inferorum erat atrium & peccati pœna per se, fiat jam Dei beneficio porta cœli & immortalitatis instrumentum? Quidni mors possit in multis esse *Exercitatio pietatis* quales Martyrum mortes fuere, & variorum fidelium qui paulatim morbis vel senio confecti ex hac vita discedunt? Quidni censeatur esse multis beneficium, Quos scil. Deus per mortem liberat à jugo peccati ut propius sibi admoveat, vel Quos immatura morte tollere vult ut infantes, ne malitia mutet intellectum eorum ut habet auctor Sapien. c. 1v. 10. ut eximantur à tentationibus mundi & miseriis vitæ, & coronentur ante certamen? Sic bene dicitur immitti non tam in castigationem præteriti, quàm ad cautionem futuri, ad præcavenda scil. & vitanda peccata quæ admissuri fuissent si diutius vixissent. 2. Licet mors actu jam immissa non possit ad emendationem respicere, quando post mortem nullus amplius pœnitentiæ locus esse potest; Quidni denuntiatio vel cogitatio mortis imminētis possit esse potentissimum ad vitam emendandam incitamentum? ut fideles qui incantiùs vivebant in se ipsos descendentes & peccata sua seriâ pœnitentiâ descentes Deo reconcilientur, & iram venturam fugiant; Sic non punientur homines morte ut deinceps cautius vivant, quod revera ridiculum esset asserere, sed mortis illis incumbet necessitas ut hæc cogitatio à peccato eos retrahat, & ad sanctitatem excitet.

XXV. Secundum exemplum quod affert Bell. petitur ex Exod. xxxi. 10. 14. Ubi tria millia Israëlitarum dicuntur interfecta propter peccatum adorati vituli; Nec tamen credibile est omnes illos in peccato mortuos esse, inquit, cum Dominus testatus sit se ob Mosis preces peccatum illud dimisisse. Sed neque exemplum istud ad rem facit; Nam quamvis dicatur Deus precibus Mosis iræ impetum aliquatenus repressisse, ne populum penitus deleret, vers. 4. tamen nec dicitur remisisse peccatum quod gratis supponit Adversarius, cum vers. 31. pro ejus

remissione Moses oret, nec eos per hanc pœnam Deo satisfecisse; Fateor vindictam hanc quæ à Levitis Mosis jussu sumpta est respectu impiorum qui in eo numero fuerunt veram & propriè dictam pœnam fuisse, & dubium non est quin plurimi si non omnes ex iis fuerint, quum verisimile sit in duces & primarios idololatriæ authores justum Levitarum furorem exarsisse; sed si qui fideles & pii eorum exemplo abducti ejusdem pœnæ socii fuerunt, non continuò pœnas justitiæ ultrici exsolvisse hac morte censendi sunt; sed tantum castigationem paternam ad propriam salutem & cæterorum exemplum subiisse; Vel si pœnam esse vis, pœna erit tantum *politica* inflicta à Mose ut supremo Reip. Israeliticæ Rectore ex Legum præscripto, qui cum populum videret immani scelere contaminatum, promuneris sui ratione exemplum in nocentiores statuendum existimavit. Quod verò addit Dominus vers. 34. *se visitaturum in die ultionis peccatum ipsorum*, infert quidem Deum, etsi intercessione Mosis motus manum tunc retraheret ad tempus, tamen propter illud ipsum peccatum eos esse castigaturum, quum aliis peccatis eum irritarent; sed non dicit se pœnas de iis sumpturum; Imo non obscure contrarium elicitur ex antecedentibus, in quibus Deus jubet Mosem præire populo, & pollicetur Angelum suum itineris ducem, quæ non Judicis irati, sed benigni Patris sunt argumenta; Itaque *visitatio* hæc de qua loquitur, non est iræ, sed amoris, non ultionis propriè dictæ, sed castigationis paternæ quo modo non rarò vox ista usurpatur 2.Sam.vii.17.

XXVI. Tertium exemplum extat Num.xiv.20. ubi Deus dicitur ignovisse Israelitis murmurantibus, & tamen postea in pœnam ingressum in terram Canaan interdixisse, cum omnes in deserto mori voluit exceptis solis Josua & Caleb qui non murmuraverant, Et hanc fuisse pœnam dubitari nequit cum expressè dicat Dominus, *Et scietis ultionem meam* vs.34. Verum frustra est dum ita ratiocinatur. Nam primò perperam assertur exemplum numerosæ gentis ubi agitur de Satisfactione quæ debetur à singulis; Nec si remissum dicitur peccatum potest intelligi respectu omnium & singulorum, sed tantum eorum qui crediderant & conversi fuerant; Itaque si qui increduli remanserunt, mors & interdictio terræ Canaan revera fuit pœna & vindicta, sed piis & fidelibus disciplina. Nec contrarium suadent vox *ultionis* quam Dominus addit; Nam præterquam quod uti jam diximus potuit locum habere resp. impiorum, & resp. piorum ultionem impropriè dici nihil obstat castigationem Dei quia ob peccatum infligitur & ad exemplum, quomodo & pœna non rarò vocatur: Accedit quod vox Heb. תנאה non *ultionem*, sed potius *fractionem* & lacerationem significat à radice תנא quod in Hiph. est *rumpere* & *irritum facere*; Ita poterit referri ad abrogationem promissionum per concessionem ironicam, quâ Deus in detestabilem eorum superbiam invehitur, qui propter exclusionem à terra promissa videbantur Deum inconstantia & mendacii arguere, acsi non staret promissis, quasi diceret, Cognosce-tis, An ego sim mendax, & an inanis sit futurus meus sermo; Imò facile perci-pietis

pietis effectum promissionum mearum, licet toti populo indiscriminatim proponantur, non pertinere tamen ad rebelles & incredulos, sed tantum in piis locum habere, quorum respectu manent semper firmissimæ: Sic objurgabitur quidem incredulitas Israelitarum; sed ad ultionem & vindictam locus non poterit referri.

XXVII. Quantum à Bell. allatum exemplum est *Mosis & Aaronis* qui propter incredulitatem suam quod Deum ad petram non glorificassent mortui sunt in deserto ut refertur Num.xx.24. & Deut.xxxii.50.51. *Nam nemo, inquit, est qui neget Mosem & Aaronem post peccatum illud in gratiam Dei rediisse, mansit ergo pœna luenda post culpam remissam.* Sed ex antedictis facile hoc quicquid est difficultatis solvitur; Non negamus enim calamitatem hanc velut paternam castigationem mansisse post culpam remissam; tum ut ipsi peccati sui gravitatem agnoscentes humiliter coram Deo procumberent, & sese ad mortem imminentem accingerent; tum ut aliis exemplo essent: dubitari enim non potest, quin acerrimus ad eos omnes pungendus stimulus fuerit tanta Dei severitas in S. Sacerdotem & populi Rectorem qui prius sua intercessione sæpius Deum placaverant; ut sic Deo vivere discerent superstites, cum nequidem charissimis capitibus parcere voluisset: Adde quod in morte Mosis mysterium aliquod latere voluit Dominus, ut scil. innueretur non Legis vi cujus Moses minister fuit, patere ingressum vero Israeli in Canaan cœlestem; sed per Evangelii gratiam, Christi Domini nostri auspiciis & ductu, cujus Josua non nomen modo, sed & typum ferebat ut Apost. Heb.vii.23. satis clarè hoc innuit.

XXVIII. Addunt Adversarii *Judicium Dei* etiam exerceri in Fideles, Imò ex Petro c.iv.17. 1. incipere à *Domo Dei*, *Judicium* autem post se necessariò trahere aliquam pœnam. Resp. *Judicium* duplex esse; aliud *vindictæ* quod ab irato Judice proficiscitur; aliud *castigationis* quod est benevoli Patris: Illo Deus inimicos suos persequitur ad interitum; Isto filios & amicos exercet ad salutem. Illud est maledictionis signum; Hoc amoris: Ut Judex quum facinorosum punit, in ipsum delictum animadvertit, & de facinore ipso pœnam expetit: Sed Pater cum filium severius corrigit, non hoc agit ut vindicet aut mulctet, sed magis ut doceat, & cautiorem in posterum reddat. Petrus non de primo loquitur, sed de secundo, unde Græca scholia bene notant *κεῖμα* hic usurpari non ἀντὶ κατὰ κέματ', sed ἐξ ἐπασίαις, Quomodo usurpatur etiam 1. Cor.xi.31. *Quod si nos ipsos dijudicavimus, non utique ἐκ ἐνομήμαθ', judicavemur;* Ut verò ostendat se non de *Judicio vindictæ*, sed paternæ castigationis loqui statim addit, *κενόμενοι δὲ, cum judicamur autem à Domino corripimur, ne cum mundo damnemur.* Ad quem locum optimè Chrysost. εἰ ἐῖπεν εἰ ἐκολάζετο αὐτὸς, εἰ ἐτιμωρέθη, ἀλλὰ μόνον εἰ θηγήσῃ περὶ ἁμαρτήματι ἐβλήθη; εἰ κατὰ δικαιοσύνην αὐτὸς, εἰ κατὰ γνώμην τὴν πεπλημμελημένην, ἀπὸ δ' αἰσθητοῦ ἀν καὶ τῆς ἐνταῦθα, ἢ τῆς ἐκείσε τιμωρίας; Non dixit si castigavimus nos ipsos, si punivimus, sed solum si vellemus agnoscere peccata, si nos ipsos condemnare, si de delictis ferre sententiam, liberaremur ab eo quod & hic & illic est supplicio.

cio. Ita Claudius Guilandus ex Adversariis *Dum judicamur, non dicit punimur, non penas damus, sed corripimur & erudimur, ut ostendat has afflictiones (quibus hic judicari à Domino dicimur, admonitionis esse magis, quàm damnationis, medicinae, quàm supplicii, correctionis, quàm pœnae. Hinc est quod Judicium dicatur incipere à Domo Dei; Quia licet totius mundi Judex sit Deus, specialiter tamen providentiam suam in Ecclesia vult agnosci, ita ut videatur quodammodo reprobis parcere, prout in electis severus est; Ut pater familias in suos potius quorum singularem curam habet, quàm in servos & alienos animadvertit: Ita Deus judicia sua temperat, ut reprobos qui servi sunt Diaboli & peccati relinquat saepe sine disciplina & multa eorum scelera toleret & ad ea veluti conniveat: Sed filios suos quos præ cæteris diligit, promptius etiam corripit, non modo quia peccantes adversus majorem lucem magis etiam Deum offendunt; sed etiam quia quos tenerius amat eos diligentius castigare solet ut ad meliorem frugem redeant, & sanctitatis suæ fiant participes Heb. XII. 10. 11. nihilque in domo Dei occurrat quod tanti Numinis puritati & gloriæ non respondeat.*

XXIX. *Vindicta* porro illa de qua loquitur Apost. 2. Cor. VII. 11. & quam inter fructus salutaris poenitentiae refert, sententiam Adversariorum ut pertendit Bellar. confirmare non potest: Nam sive intelligamus per eam (quod facit major pars Interpretum, cum Veteribus) *Excommunicationis sententiam* quæ à Corinthiis in incestuosum ex Pauli præscripto lata fuerat; sive quod alii volunt referamus eam ad *exercitium poenitentiae* & contritionis, quâ homo peccator sibi irascitur & in se ipsum quodammodo sævit ob crimen admissum; nulla hic Satisfactionis poterit esse ratio; Nam respectu prioris licet Excommunicatio poenam inferat *Canonicam* & Ecclesiasticam ad scandalı reparationem & exemplum, non potest censerı tamen poena satisfactoria respectu Dei, de qua quæritur; Quia satisfactio fit pro peccato cujus jam remissa est culpa; At Excommunicati culpa non remittitur donec Excommunicationis vinculis solvatur: Tum satisfactio dicitur opus laboriosum à peccatore sponte susceptum ad expiandam poenam temporalem, quod de Excommunicatione nemo dixerit. Non respectu posterioris, quia vindicta quam de se sumit peccator eò quidem tendit ut acerrimo dolore tanquam acri stimulo instigetur ad resipiscentiam & emendationem, & ut ardentius misericordiam Dei imploret, sed non eò respicit ut Dei justitiæ per poenam satisfaciatur, quod nec possibile est homini, nec necessarium post præstitam à Christo satisfactionem: Fuerit ergo poena si vis contritionis qua peccator in se ipso punit & mortificat peccatum suum, & penitissimo dolore veluti perfodit & crucifigit, non repugnabimus; Sed non poena Satisfactionis quæ à Deo Judice ad ultionem inferatur.

XXX. Eiusdem est commatis objectio quæ petitur ex alio Pauli loco 1. Cor. IX. 27. in quo dicit se *castigare corpus suum & in servitutem redigere, ne forte, cum aliis prædicarit, ipse reprobus efficiatur*; Nam verba ipsa Apostoli satis innuunt hunc labo-

laborem suum & Exercitium qualecunque fuerit ad futurum respexisse non ad præteritum, atque adeo non nisi perperam ad pœnam & satisfactionem referri. In eo autem loco Paulum figuratè loqui clarum est, & in similitudine antea posita & ab Agonibus petita qui tum in Græcia notissimi erant, ad describendum indefessum suum in vocatione sua studium pergere. Nam postquam dixit vers. 25. *Omnis qui in agone contendit ab omnibus est continens, & illi quidem ut corruptibilem coronam accipiant, nos autem incorruptam*, Addit sibi applicans & suo exemplo alios excitans Ego igitur sic curro non quasi in incertum, sic pugno non quasi aërem verberans, sed castigo corpus meum & in servitutem redigo. Exponit scil. certaminis sui modum & rationem, ad similitudinem veterum Athletarum; Nam ut qui currebant, palmam & metam semper præ oculis habebant ne à recto tramite unquam declinarent, & ad eum continuato & indefesso cursu ferebantur: Ita Vir Dei non currit in incertum, sed relictis omnibus iis quæ sunt à tergo, contendit ad anteriora ad scopum & brabium cœlestis vocationis respiciens Phil. 111. 16. 17. Ut illi pugiles scil. non in aërem incassum, sed certis & destinatis ictibus Adversarium ferire conabantur, & ut possent melius hoc exequi, corpus solebant in servitutem redigere, non molliter & ex sua libidine quibufvis cibis utendo, sed difficilem & duram vivendi rationem juxta leges gymnasticas sectando; Ita Paulus testatur se in hoc certamine sese comparare, ut non incassum laboret, & tanquam ludibundus pugil in pugna umbratili gladio aërem verberet; sed ut certis ictibus Adversarium contundat & confodiat; Ideo inquit, *corpus meum castigo & in servitutem redigo*, *ὑποτάσσειν* quod V. V. vertit *castigare*, propriè dicuntur pugiles, cùm pugnīs aut cæstibus antagonistam obtundunt & vulnerant, unde *ὑπόματα* vulnera sunt ex contusione accepta quibus facies præsertim, vel aliæ corporis partes luridæ redduntur ex collecto ad cutim sanguine; Sic *δυσλαγῶν εἰν σῶμα* est illud duriter habere molesta & difficili vivendi ratione quam instituere tenebantur necessariò qui ad certamen se parabant, certis cibis rebusque abstinendo quæ corpus frangere & ad molliem corrumpere poterant; Porro per *Corpus* non intelligit Apost. carnem suam quasi eam loris aut flagellis laceraret aut chamæuniis maceraret, (quod Adversarii ex hoc loco sed ridiculè elicere contendunt, siquidem non magis castigatio ista propriè est intelligenda, quàm cursus & pugna de qua loquebatur, quam metaphoricam esse nemo non videt,) sed notat quicquid erat carnis & veteris hominis in ipso reliquum quod alibi vocat *corpus peccati* Ro. vi. 7. Ita designare voluit non modo frænationem carnalium affectuum, sed totius carnis mortificationem, abstinentiam à crapula, & omni libidinum genere, denique quarumvis afflictionum tolerantiam.

XXXI. Hoc pacto non satisfaciebat Deo Paulus, sed carnem suam verè contundebat & mortificabat ne postquam aliis predicaret ipse reprobis efficeretur: Ubi ad rem Athleticam rursus alludit; Mos enim fuit ut Athletæ, antequam ad certamen descendere fas esset, examinarentur, & si convicti criminis alicujus aut

vitii fuissent voce Præconis cum ignominia reprobarentur & rejicerentur : Quò pertinent ista Aristidis orat, suaforia de non agendis Comcediis. *Etenim*, inquit, *Athletarum facimus ἐγκαίσις delectus ut si quis ipsorum sit nauci, se ipsum pudesfaciens discedat, penas etiam dans corpore &c.* Quomodo in hastiludijs & Torneamentis olim Legibus cavebatur ut si quis manifestè reus esset, vel impietatis contra Christianam fidem, vel læsæ majestatis, vel Raptus, & violentæ expugnationis virginum, adulterii, homicidii, aut similium flagitiorum publicè vapulans ejiceretur. Sic Paulus dicit se ita comparare in vita sua sedulo pietatis & sanctitatis studio ut doctrinæ vita respondeat, nec aliter agat aliter doceat, ne aliorum præcò ipse reprobatus & rejectaneus deprehendatur ; Quid enim turpius Doctori, quàm cum culpa redarguit ipsum ? Quid ignominiosius quàm si quis Præconis agens officium alios proclamando & traducendo, mox ad certamen descendens & inter pugiles nomen suum adscripturus ipse reprobetur & turpiter rejiciatur ? quod est in veteri adagio ἄλλων ἰατρός αὐτὸς ἔλκεσι βρύων *Aliorum medicus ipse scatens vulneribus.*

XX XII. Sic ex Scripturis diversimodè pugnant Adversarii ; Agunt etiam rationibus quibusdam, sed non felicius. Primò Ex *miserecordia & Justitia nexu.* In omnibus Dei actionibus, inquit, misericordia juncta est cum justitia, & hæ virtutes pariter elucet, nec possunt ab invicem divelli. Ergo consentaneum est rationi, ut sic Deus ex misericordia condonet, ut etiam justitiæ quoad ejus fieri potest satisfieri velit. Resp. Sed 1. supponunt quod probandum fuerat, In omnibus Dei actionibus misericordiam semper jungi cum Justitia, At non ea erat mens Jacobi 11.13. qui *Judicium sine misericordia futurum adversus eos qui usi non fuerunt misericordia* testatur ; Quis dixerit misericordiam exerceri erga Diabolos, & Justitiam erga Angelos ? In inferis sola Justitia locum habet sine misericordia, In cœlis sola misericordia sine Justitia ; virtutes quidem istæ nunquam separantur in Deo, sed potest tamen exercere actus unius sine exercitio alterius ; Imo nec possunt locum habere respectu ejusdem, quia sese mutuò tollunt, & circa contraria occupantur, Misericordia dat veniam ; & Justitia imponit pœnam, illa salutem hominis, ista exitium spectat. 2. Quamvis non negemus in salutis negotio admirabile visum fuisse istarum virtutum temperamentum, non in eo tamen consistit ut quibus peccata remissa sunt per misericordiam, ab iis satisfactionem exigat justitia ; hoc enim & absurdum esse & bonitati ac Justitiæ divinæ contrarium antea evicimus : Sed in eo positum est quod Justitia in Christum sponforem sese exeruerit ut satisfaceret pro nobis, & Misericordia in nos quibus imputatur Christi obedientia, Illum punivit ut nobis parceret, Ab eo pœnas nobis debitas poposcit, ut nobis veniam indulgeret ; Atque ita & summè Justus in Filii morte, & summè Misericors in fidelium salute deprehensus est.

XX XIII. Secundò A ratione *Capitis & membrorum.* Nam si æquum est ut membra sint conformia Capiti, æquum est etiam ut quemadmodum Christus satisfecit idem etiam post eum præsternus ; Et cum ipso patiamur, ut cum eo regne-

mus Ro. VIII. 17. Resp. Conformitatem cum Christo postulare quidem ut ad e-
jus instar patiamur sequentes ejus vestigia, sed non ut eodem fine aut modo patia-
mur, multo minus ut satisfaciamus prout satisfecit; Nam ut bisariam Christus in
opere Redemptionis spectari potest; Vel ut *Sponsor* qui solvit & solvendo acqui-
rit salutem; Vel ut *Caput* quod acquisitam fidelibus per sui unionem salutem ap-
plicat; Et ut fideles vel habent rationem *Reorum* qui sunt redimendi, vel *Membro-
rum* quæ sunt sanctificanda; Ita duplex est passionum Christi *χρίσις*; Nam vel ha-
bent rationem *λύτης* quod pro nobis solvi debuit, Matt. xx. 28. 1. Pet. i. 18. 19.
Vel *παροργισμῶς* & *σπιδείγματι* quod nobis ad imitandum proponitur 1. Pet.
ii. 21. Joh. xiii. 10. Priori sensu nobis communicari nequeunt *transitive* & inhæ-
renter, sed tantum *imputative*; quia sub illa *χρίσις* ad Christum pertinent Satisfa-
ctorem; Sed posteriori communicantur efficaciter & per *Imitationem*, quia pen-
dent à Christo Sanctificatore, qui implere debet in membris, quod perfecit in ca-
pite. Ita nobis quidem est patiendum cum Christo, si cum ipso glorificari volu-
mus, quia ad id prædestinati sumus, ut nemo coronam gloriæ cum Christo ferat
in cælis, quin cum ipso coronam spineam gestarit in terris: Sed non ideo necesse
est ut satisfaciamus quemadmodum ille satisfecit; hoc enim est imputationis fun-
damentum, non imitationis objectum. Imò propterea Christus satisfecit ut à sa-
tisfaciendi necessitate exolveremur.

XXXIV. Tertiò argumentantur *A Reliquiis peccati* quæ in nobis remanent,
si Peccatum, inquit, quasdam sui reliquias in anima impressas dimittit, & quæ-
dam velut vestigia quæ remisso peccato remanent, necesse est ad illas reliquias
abolendas ex charitate satisfacere, & actus illis contrarios exercere; At verum.
prius E. Resp. i. damus reliquias peccati varias in nobis manere etiam remisso pec-
cato, & quidem sæpe tales quæ suspiria & gemitus à fidei amarissimos eliciant
dum videt se ab iis non rarò *αἰχμαλωτίζεσθαι* & sub jugum Legis membrorum
denuò retrahi Rom. vii. 22. 23. Sed istæ reliquiæ qualescunque demum sint non
tolli debent per satisfactionem, sed per *sanctificationem*, & continuum pœnitentiæ
exercitium; quia non pertinent ad culpam quæ remissa est in judicio Dei, sed ad
maculam quæ in nobis manet, & quæ quotidiano pietatis studio debet paulatim
mundari; ut contrarii sanctitatis & justitiæ habitus à spiritu sancto nobis inditi ma-
gis ac magis roborentur & perficiantur; Ita commendat quidem ratio allata san-
ctificationis necessitatem, quæ toto vitæ nostræ decursu debet continuari ad reli-
quias istas peccati eradicandas, sed nihil facit pro satisfactionibus de quibus loqui-
mur, quæ tendunt ad reatum pœnæ temporalis auferendum.

XXXV. Quartò disputant *Ex Peccatorum ante & post baptismum admissorum
discrimine*. Cum enim peccata quæ post baptismum admittuntur & post acceptam
cognitionem veritatis graviora omnino sint & inexcusabiliora iis quæ admittun-
tur in mediis naturæ tenebris, graviore etiam pœnas procul dubio merentur; Un-
de omnino *par erat* inquit Bell. lib. 4. de Pœn. c. 5. *ut Deus ministris suis mandaret*


ut peccantes post baptismum non sine multa ad indulgentiam divinam per januam reconciliationis admitterent; Resp. Sed nequicquam ita arguitur; Quamvis enim non negemus gravius peccare eos qui post baptismum & in media Euangelii luce peccant iis qui nulla dum salutaris gratiæ cognitione vel sensu sunt imbuti, atque adeo graviores omnino poenas mereri, si ipsis pro talibus peccatis satisfaciendum esset; Negamus tamen ullas propterea illis imponi posse vel debere poenas satisfactorias, quia eo ipso quo supponuntur esse fideles, omnia ipsorum peccata tam ante quam post baptismum commissa censentur in sanguine Christi expiata & remissa, 1. Joh. 1. 7. Ita ut nulla amplius hoc pacto purgatis & Deo reconciliatis possit esse condemnatio, ut supra visum; Fatemur quidem talibus majori & acriori opus esse poenitentiam ad id ut peccatorum istorum remissionem consequantur; Atque adeo ministros Dei ad eam fortius hortari eos debere, sed non propterea sequitur hanc illis ut poenam satisfactoriam imponi, quæ ἀσύντακτον est cum remissione quam obtinuerunt; sed tantum ut conditionem & dispositionem in subiecto requisitam ad talis beneficii participationem & sensum.

XXXVI. Quintò varias satisfactionis utilitates commemorant. 1. Quòd utilissimum sit peccatori ut non maneat penitus impunitus, ne ex veniæ facilitate ad peccandum iterum incitetur. 2. Quia non solum coërcet à peccando, sed etiam admonet quanta sit peccati gravitas, & eo modo animam erudit & illustrat, atque ex eo lumine ingens quoddam odium peccati nascitur ut jam non timore poenæ, sed amore justitiæ in actionibus bonis perseveretur. 3. inservit ad habitus peccati eradicandos & virtutum inferendos. 4. denique ad exemplum, quia ex poena unius, præsertim si publica sit, sæpe numero corriguntur multi. Hæc & similia Bellarm. habet lib. 4. de Poen. c. 5. ut necessitatem satisfactionis commendet respectu fidelium pro quibus Christus satisfecit. Resp. Sed hîc non uno modo fallitur. Primò quod rei necessitatem & veritatem metitur ex qualicunque ejus utilitate, cùm contra de utilitate non sit agendum, nisi prius constiterit de ejus veritate, & institutione, E. licet daretur aliquam esse satisfactionis utilitatem, non sequeretur tamen statim eam admittendam esse ut genuinam, nisi constaret eam à Deo præscriptam esse. 2. tantum abest ut ulla utilitas sit in satisfactione, ut magnum inde oriatur & gloriæ Christi & pietati detrimentum: Quippe & satisfactioni Christi multum detrahit homines ab ea quadantenus abducendo, & inter Sanctos & ipsum opus salutis partiendo ut antea visum; Et pacem adimit conscientis quæ nunquam certæ esse possunt, an per eas satisfactiones quas ipsæ sibi indixerunt, vel quæ impositæ sunt ab aliis revera Deo sit satisfactum, & ita semper inter spem & metum fluctuabunt. Quæ verò utilitates hîc finguntur, præter rem afferuntur; Nam præterquam quod nihil tale ex ludicris istis satisfactionibus colligi potest; Satis aliunde tum ex morte Christi, tum ex exercitio veræ poenitentiae hi fructus habentur. Quippe ut ex illa luculenter colligimus quanta sit peccati gravitas & quàm certum sit apud Deum inultum non relin-

relinquere peccatum : Ita ex ista odium peccati magis magisque nascitur, habitus vitiosi paulatim eradicantur & boni confirmantur, exemplumque aliis ad idem studium præbatur : Ut nihil opus sit pœnas satisfactorias propterea confingere.

XXXVII. Denique à Veterum scriptis multum subsidii sperant quia frequens apud ipsos Satisfactionis mentio, quâ non tantum satisfieri pro peccatis, sed & ipsi Deo non rarò profitentur. Resp. Verum licet nostrum non sit præstare omnia Veterum dicta tum in hoc tum in aliis doctrinæ capitibus, quando illis non stamus vel cadimus ; Facile tamen si instituti nostri pateretur ratio inanem istam Adversariorum esse jactantiam demonstrari posset, atque adeo Satisfactionis vocem sæpius quidem ab iis usurpari. sed alio planè quàm Adversarii usurpare solent sensu ; nam *Satisfactionis* nomine Veteres sæpe publicam *Exomologesim* intelligunt quæ pertinet ad Ecclesiasticam disciplinam & pœnas Canonicas, & quia hæc ratio publicè satisfaciendi Ecclesiæ, modo maneat intra limites Verbi Dei, ab ipso Deo profecta est ; eo fit ut Veteres aliquando dicant eos qui sic Ecclesiæ satisfaciunt, Deo quoque satisfacere, id est id observare quod à Deo institutum est. Deinde vox Satisfactionis aliquando à Veteribus ita latè usurpatur ut ipsam pœnitentiam & seriam imprimis cordis contritionem innuat, significatione ex eo deducta quod apud Latinos Scriptores *satisfacere* is dicitur *qui id facit quod offenso placet*. Cùm ergo opera pœnitentiæ summè Deo sint grata, possunt dici per ea homines Deo hæctenus satisfacere, non quod tantum fecerint quantum Legis jura à peccantibus exigunt, sed quantum summæ Dei misericordiæ & liberalitati satis est, ut innumeris exemplis ostendi posset, si id nunc ageremus ; Ita longè differunt Satisfactiones Veterum à Papisticis ; Illæ satisfaciebant pro peccatis ipsis ; At istæ tantum pro pœnis ; Illæ præcedebant remissionem peccatorum ; At istæ sequuntur ; Illæ reparationem scandali Ecclesiæ dati & exemplum respiciebant ; Istæ verò ultionem peccati & Justitiæ divinæ Satisfactionem. Sed *αἰς θεός* ; Nec enim nobis constitutum est hoc argumentum nunc persequi, & ea omnia expendere quæ ad Satisfactiones humanas pertinent, de quibus alias si Deus dederit, fusiùs dicendi erit locus. Quid superest Ergo, nisi ut agnitâ *perfectissimâ* Christi *Satisfactione*, in ea sola, missis vanissimis hominum satisfactionibus, acquiescamus ; Et uno Christo contenti, omnem ab eo justitiam & salutem nostram expectemus ; Ut ita omnia in omnibus nobis sit hæc in terris per fidem, donec tandem sit omnia in omnibus in cœlis per aspectum.

Amen.





DISPUTATIO THEOLOGICA

D E

CIRCULO PONTIFICIO.

Respondente ELIA SAURINO Pratalgidenfi.

THESIS PRIMA.

INTER varia argumenta quibus Orthodoxi uti solent adversus Pontificios in vexatissimâ quæstione de *Authoritate Scripturæ*, notum est urgeri potissimum ab illis *Circulum* quo isti perpetuò in eâ demonstrandâ oberrant, dum Scripturam ex Ecclesiâ, & rursus Ecclesiam ex Scriptura probare satagunt. Quia verò ut se ab hoc expediant absurdo diversa captare solent effugia, atque adeo, quem illis *Circulum* objicimus, nobis vicissim impingere non verecundantur, quasi Scripturam ex Spiritu, & Spiritum ex Scripturâ demonstremus. Non inutile nobis visum est aliquam in hoc argumento breviter enodando operam collocare, tum ut justitiam accusationis nostræ contra Adversariorum exceptiones tueamur, tum ut injustitiam criminationis ipsorum firmatâ sententiæ nostræ veritate, evincamus.

II. Duo E. nobis hîc demonstranda erunt. Primò, justissimè à Nostreis progressum circularem objici Pontificiis in stabilienda fide suâ de *Authoritate Scripturæ*, Neque posse hoc incommodum quibuscunque ipsorum commentis tolli. Secundò, iniquissimè talem *circulum* sententiæ nostræ impingi. In antecessum verò pauca quædam in genere de *Circulo* prænotanda erunt, ut constet quid sit, & quare vitiosa sit argumentandi ratio.

III. *Circulus* Græcè κύκλος, vocatur probatio reciproca quâ unum ex altero vicissim concluditur & demonstratur, atque ita metaphoricè dicitur, quod circuli instar videatur in se recurrere, ut quum demonstrata ex propositionibus conclusionem, ex ea vicissim eadem propositiones demonstrantur, fitque ex conclusione propositio, & è propositione conclusio; De hoc *Aristoteles* non semel e-

git, peculiariter verò in 1. & 2. libro priorum *Analyt.* c. 5. 6. 7. ubi Circularem demonstrationem quâ prisci quidam Philosophi omnia sciri posse asseverabant absurdam & inutilem esse efficaciter ostendit; Quidam distinguere solent *Circulum* in *logicum* & *ἀλογον* sive *sophisticum*; *Logicus* duobus dicitur constare syllogismis, quorum alter ex altero deducitur & formatur, dum primi conclusio fit una præmissarum in secundo, eidemque altera, sed conversa jungitur, Unde sequitur conclusio quæ fuerat major primi syllogismi, v. g. Omnes justificati per Christum pacem cum Deo habent; At omnes credentes sunt justificati E. omnes credentes pacem cum Deo habent, Unde deducitur posterior syllogismus, Omnes credentes pacem cum Deo habent, Omnes justificati sunt credentes E. omnes justificati pacem cum Deo habent; Vel simpliciter fit cum illud quod pro medio sumitur in priori syllogismo fit conclusio in posteriori, & quod conclusio erat in priori fit medium in posteriori: Sic Quicumque pacem habent sunt justificati, fideles pacem habent E. fideles sunt justificati, Jam resumendo conclusionem pro medio, Quicumque sunt justificati pacem habent, Fideles sunt justificati E. fideles pacem habent: Ita ex pace tanquam effectu probo justificationem, & vicissim ex justificatione ut causâ probo pacem, Verùm licet nonnullis hæc argumentandi ratio dicatur *Circulus*, melius tamen aliis vocatur *Regressus* qui locum habet in conversione demonstrationis $\delta\pi$ in demonstrationem $\delta\iota\omega\pi$ & vice versa, cum ex effectu ad causam fit progressus, & rursus à causa ad effectum; ignota causa ex effectu notiore colligitur, & postea regrediendo ex eadem causa distinctè cognitâ idem effectus demonstratur.

IV. *Circulus* E. propriè loquendo nullus datur nisi vitiosus cum scil. fit progressus in infinitum ex probationibus, & vel idem per se ipsum, vel dubium per dubium ambitu quodam in se sine fine recurrente demonstratur: duo autem requiruntur potissimum in *Circulo*, ut sit formalis & perfectus, prius est, ut *ab eodem in idem fiat*, alterum ut *per eandem fiat viam* idemque causæ genus, servato eodem notitiæ genere, seu ut alii loquuntur, nulla nova cognitione terminorum comparata, hinc *Tannerus* Disp. de fide, spe & charitate, & *Gretserus* in tract. de agnoscendis scripturis c. 14. *Circulus*, inquiunt, est progressus ab eodem ad prorsus idem, nullâ interim terminorum variatione, quoad notitiæ rationem interveniente, quod tum accidit, quando consequens ex antecedente illatum nullâ alia præterquam antecedentis notitiâ fultum & probatum, mox ad sui antecedentis probationem assumitur v. g. ut Aristotelis exemplo utamur, *Circulus* erit si ex A. demonstramus B. & rursus ex B. demonstramus A. & utraque sit potissima demonstratio, quæ per causam proximam declaret propter quid effectus sit; *Regressus* verò est inter causam & effectum quando recipiuntur, & effectus nobis est notior quàm causa, cum enim semper à notioribus nobis progrediendum sit, prius ex effectu noto causam ignotam demonstramus, deinde causâ cognitâ ab ea ad effectum demonstrandum regredimur, ut sciamus propter quid est; Unde

de patet inter circulum & regressum hoc interesse ; quod in regressu prior processus sit demonstratio *quod*, posterior verò demonstratio *propter quid* ; At in Circulo uterque processus est demonstratio *propter quid*.

V. Circulus autem talis consentientibus Philosophis admitti non potest, quia sequeretur idem esse se ipso prius & posterius, notius & ignotius, causam & effectum, quod ne imaginando quidem fingi potest, ex quo enim assumitur ad probationem alterius prius debet esse & notius, propter quod enim unum quodque tale, & illud magis tale debet esse ; eo ipso verò quod ex altero probatur & demonstratur posterius & ignotius eo esse necesse est. Dices idem objici posse regressui, fore scil. idem notius & ignotius ; nec salvari potest instantia si dicas ; Causam notiozem fore effectum secundum naturam, Effectum verò notiozem causâ secundum nos : Nam utraque demonstratio fit propter nos, non propter naturam, ideoque utraque procedere debet à notioribus secundum nos. Resp. aliam esse utrobique rationem, nam neque est eadem via nec eadem cognitio, quippe in priori progressu si causa ex effectum colligitur effectus notior est secundum nos causâ *cognitione confusâ*, at in posteriori ubi ex causa effectus probatur causa notior est secundum nos effectum *cognitione distinctâ*, in primo fit processus à posteriori per demonstrationem $\xi \delta \pi$, in secundo verò à priori per demonstrationem $\xi \delta \omega \pi$; non est E. processus ab eodem ad idem, quamvis enim sit ab effectum ad eundem effectum, tamen finis demonstrationis non est effectus præcisè, sed ejus scientia, hæc autem non est eadem in fine regressus ac in principio, nam exordium sumitur à notitiâ ejus confusa, & finis est notitia ejus distincta & perfecta, progressus E. fit à notitia confusa ad distinctam, à cognitione quod sit, ad cognitionem propter quid sit. At in Circulo est processus ab *eodem ad idem* ; nam in utroque progressu medium est proxima causa majoris extremi, in demonstratione propter quid, itaque processus est à cognitione distincta ad eandem ut distinctam, id. per eadem planè viam ; quò nihil absurdius concipi potest.

VI. Hoc verò semel posito facile demonstratur Pontificios inexplicabili Circulo sese implicare dum Scripturæ auctoritatem probant ; Nam ubicunque fit progressus ab eodem ad idem eodem modo cognitum & per eandem viam ibi non potest non Circulus esse formalis & propriè dictus. At sic procedere Pontificios in hoc negotio ex eorum praxi & doctrina patet. Nam propter Ecclesiæ in testificando infallibilitatem fide divinâ creditam credunt Verbi auctoritatem fide divinâ, & rursus propter Verbi Dei auctoritatem fide divinâ creditam credunt Ecclesiæ infallibilitatem in testando. Hic est processus ab Ecclesiæ infallibilitate fide divina credita ad eandem infallibilitatem eodem modo creditam, ideoque ab eodem ad idem per eandem viam. Dicamus clariùs, si quæritur à Pontificiis, Unde constet nobis Scripturam esse Canonicam & divinam, Respondent ilicò, hoc fieri propter Ecclesiæ testimonium, quia Ecclesia dicit, inquirunt ; Sed si regeris, cur Ecclesiæ creditis, quia Spiritu infal-

libili ducitur, adjiciunt, Sed & hoc quamobrem creditis? quia Scriptura testatur, reponunt, quòd sit columna & stabilimentum veritatis: I. Timoth. III. 15. quod habeat promissionem Spiritus S. Joh. XVI. 13. &c. Jam si rogas denuo quomodo certus esse possum de veritate Testimonii hujus in Scriptura, quia Scriptura Dei verbum est ajunt, At cur creditis Dei Verbum esse, quia Ecclesia quæ Spiritu infallibili ducitur, dicit, respondent. Itaque eò revolvuntur unde fecerant disputandi initium; Neque hîc vel diversa quæstio occurrit, vel diversa via, utrobique enim de ratione & argumento propter quod credimus quæstio instituitur, non de facultate aut instrumento per quod credimus, quippe cum Scripturam ex Ecclesia probant id ita intelligunt, ut propter Ecclesiæ Testimonium tanquam argumentum inartificiale fides Scripturæ adhibeatur, id est ut Testimonium istud sit causa propter quam credimus; Rursus cum Ecclesiæ infallibilitatem ex Scriptura demonstrant, istud Scripturæ Testimonium volunt esse causam & argumentum propter quod credimus Ecclesiæ ut infra probabitur: Itaque fit processus ab eodem ad idem à cognitione distincta, & propter quid, ad eandem cognitionem, quæ vera & propria est Circuli ratio formalis.

VII. Hinc patet Pontificios procedere in infinitum in probationibus suis, nec ullum *primum credibile* habere cui primò fides nitatur, & in quod ultimò resolvatur, quod absurdorum omnium absurdissimum; Nam si daretur aliquod primum credibile vel esset *Scriptura* vel *Ecclesia*: at neutrum dici potest ex eorum hypothesi: Non Scriptura, quia creditur propter Ecclesiam, nec persuaderi quis potest de ejus veritate & authenticâ nisi ex infallibili Ecclesiæ testimonio: Non Ecclesia quia creditur propter Scripturam, nisi enim Scriptura Veritatem & Autoritatem ejus infallibilem doceret, fides nostra nunquam in ejus testimonio acquiescere posset, sic processus est infinitus à Scriptura ad Ecclesiam & vicissim ab Ecclesia ad Scripturam, nec in æternum quicquid moliantur sese ex hoc inexplicabili labyrintho & inextricabili laqueo quo irretiti tenentur expedire poterunt.

VIII. Conantur tamen variis modis elabi, utque facilius scopum hunc assequantur diversa distinctionum latibula quærunt, in quæ ut ipsis quidem videtur tuto se recipere possint: Sed si faciem veritatis paulò propius intulerimus, falsitas earum & *évidence* statim patebit; Varii variè respondent; Nos præcipuas tantum responsiones attingemus & quæ majorem habent veri speciem, Cæteris missis quæ vel ad rhombum non faciunt, vel per se nullo negotio refelli possunt. Primus hîc in aciem prodit *Gregor. de Valentia* To. 3. disp. I. q. I. punct. I. §. 10. distinguens I. *causam principalem* propter quam credimus, & *conditionem requisitam* ad credendum, Ecclesiæ infallibilitatem dicit credi ob Verbi autoritatem, tanquam ob causam principalem propter quam credimus; At Verbi autoritatem credi ob Ecclesiæ testimonium non tanquam ob causam credendi principalem

lem, sed tanquam ob conditionem requisitam ad Verbi auctoritatem credendam, ideoque progressum hîc fieri quidem ad idem, sed per diversam viam. 2. distinguit *causam fidei secundum se* in qua tanquam in principali credendi ratione acquiescit fides nostra, à *causa acceptationis fidei* quæ primum nos impellit & movet ut incipiamus credere; si de causa fidei secundum se quæratur sistendum esse gradum in revelatione divina tanquam in ultimo resolutionis momento, quia revelatio divina sit unica ratio fidei nostræ in qua proinde acquiescendum: at Ecclesiæ testimonium esse causam acceptationis fidei, quia ut illi loquuntur est prima janua quâ ad libros Canonicos credendos itur, seu motivum quo inducti volumus credere, quæ etiam responsio est *Becani* in opusculo suo de *Circulo Calvinistico*.

I X. Sed uterque vel facum facit & ludit in terminis, vel apertè causam deserit. I. Si Ecclesiæ testimonium non est causa principalis credendi E. propter illud non creditur Verbi auctoritas E. fides in illud testimonium resolvi non poterit; At hæc ipsissima tamen est Pontificiorum doctrina, Bellarm. l. 3. de verbo Dei, c. 10. resp. ad arg. 13. *non scimus certò quid Deus revelaverit nisi ex testimonio Ecclesiæ*: unde manifestè sequitur revelationem divinam non credi propter se ipsam, sed propter Ecclesiæ testimonium. sic lib. 6. de lib. arb. c. 3. *credunt Catholici id quod credunt quia Deus revelavit, Deum autem revelasse credunt, quoniam Ecclesiam ita dicentem vel declarantem audiunt*, at hoc si verum est, Ecclesia erit propriè dicta causa credendi, non conditio tantùm. 2. *Conditio* ad credendum requisita bifariam intelligi potest, Vel ut notet *instrumentum* tantùm & ministerium per quod Scripturæ nobis traduntur & explicantur, Vel ut significet *fundamentum* aliquod quod argumenta & motiva suppeditet; Priori sensu si Valentianus *conditionem* intelligit, faciliè damus rumpi circulum, sed simul etiam abrumpitur consensus cum Pontificiis, qui Ecclesiam non tantùm *instrumenti* locum obtinere contendunt, quod & nos faciliè largimur, sed & *fundamenti*; Si posteriori, quomodo necessariò intelligere debet si sententiæ apud suos receptæ consentanea loquitur, jam Scripturæ non creditur propter se ipsam, sed propter Ecclesiam quod nolebat fateri, & manet semper circulus. 3. frustranea est distinctio *causæ fidei secundum se* & *causæ acceptationis fidei*, nam quod fundat fidem secundum se, idem etiam aptum natum est ex se fundare acceptationem fidei, quia nulla dari potest fides in subjecto quæ eo ipso non acceptetur ab eo; Itaque si revelatio divina est causa fidei secundum se debet etiam esse causa acceptationis; 4. meræ hîc sunt ambages & captiones verborum, dicunt Scripturæ auctoritatem credi debere propter revelationem divinam, attamen nec docent, nec docere possunt ubinam sit illa revelatio; Nam vel est ipsa Scriptura, vel alia quædam revelatio extra Scripturam in traditione aliqua non scripta; Si est ipsa Scriptura jam habemus quod volumus scilicet Scripturæ auctoritatem per ipsam scripturam sufficienter manifestari, & propter ipsam Scripturam credendam

esse, Si est traditio quædam, eadem quæstio recurret de ea unde constat esse divinam, nec enim ex Scriptura, nec ex traditione ipsa, nec ex alia sciri poterit, quia eadem quæstio semper redibit & sic in infinitum, quæ difficultas ita Valentianum constrinxit ut coactus sit manus dare & nobiscum fateri revelationem divinam non solum credi propter se ipsam sine alia revelatione, sed etiam revelare se ipsam; & divinam suam auctoritatem nobis manifestare, *fides*, inquit, tom. 3. disp. I. q. I. p. I. §. 5. *præbet assensum revelationi ut revelata non per aliam revelationem sed per se ipsam* 5. si in revelatione divina sistendum sit, non opus erit ad testimonium Ecclesiæ progredi; at hoc præcipuum est sententiæ adversariorum fundamentum, ut jamjam vidimus, dum profitentur non posse certo sciri quid Deus revelaverit, seu hanc aut illam revelationem esse divinam nisi ex Ecclesiæ testimonio.

X. II. Alii respondent non servari hîc eandem viam: nam Verbi auctoritatem credi propter Ecclesiæ testificationem infallibilem, tanquam propter aliquid notius nobis, & rursus Ecclesiæ infallibilitatem in testando credi propter Verbi auctoritatem, tanquam propter aliquid prius & notius naturâ. Sic *Malderus* Episc. Antverp. in 2^{am} 2^æ q. I. art. I. Quod respicit etiam trita inter eos distinctio *Autoritatis quoad se & quoad nos*: Scripturam quidem auctoritatem non habere *quoad se*, sed *quoad nos* ab Ecclesia. Resp. Sed ut jam non excutiamus penitiùs distinctionem illam quam identidem reponere solent, satis esto notare vanam esse & plane incommodam, quia cum auctoritas sit *en 7 ægès n* absolutè spectari non debet ita quicquid dat auctoritatem alicui rei quoad se, dat illi etiam quoad nos & vicissim, si E. Verbum habet quoad se auctoritatem sine Ecclesia, debet & illam obtinere quoad nos sine ipsa, si verò illam obtinet quoad nos ab Ecclesia, pariter & quoad se: motivum enim propter quod adducor ad credendum Verbo, idem est quod ipsi Verbo quamcumque in se habet conciliat auctoritatem. 2. notius solvi non potest prædicto effugio; nam faciliè concedimus ubi sit processus ab eo quod notius est nobis, ad id quod notius est naturâ & vice versa, & ab effectu ad causam & vice versa à causa ad effectum variari cognitionis rationem, & sic non esse propriè dictum circulum, nam notitia quæ priori processu acquiritur est confusa & imperfecta, alia verò quæ posteriori comparatur est distincta; Verùm hîc aliter se res habet, nulla enim est notitiæ variatio in Circulo Pontificio, nam ut cognoscunt ex Ecclesiæ infallibili testimonio cognitione certa & fidei divinæ Verbi auctoritatem; ita ex Verbo cognoscunt vicissim Ecclesiæ infallibilitatem notitia fidei divinæ, eadem utrobique fides est, eadem cognitio. 3. supponitur falsò propter Ecclesiam credi Scripturæ, cum uti diximus sit instrumentum & medium tantum ad fidem, non argumentum, & *per eam* non *propter eam* credamus; Vel si motivi rationem aliquando induit, est tantum motivum secundarium & minus principale quod fidem in credente illustrare quadantenus potest, non fundare in infideli. 4. si Ecclesiæ infallibilitas est nobis notior auctoritate Verbi,

bi, ita ut propter illam credatur Verbi autoritas, E. credi debet ante Verbi auctoritatem, vel E. creditur *fide divinâ* & infusâ, vel *fide acquisitâ & humanâ*; non *fide divinâ*, quia nulla datur talis fides quæ non nitatur verbo Dei ut ipsimet faterentur; si *acquisita*, non potest idoneum esse fundamentum illius actus fidei divinæ quo Verbi Dei autoritas creditur, quicquid enim fidei Divinæ fundamentum, illud ipsum fide firma & infallibili credi debet.

XI. 5. Duplex potest dari *cognitio*; alia *confusa*, alia *distincta* & *certa*: Ecclesia potest *notior nobis* esse Verbo *cognitione confusa*, quatenus primò in sensus incurrit, & Verbum ipsum adhuc ignotum instar Præconis & Interpretis nobis proponit & commendat; atque ita non negamus testimonium Ecclesiæ posse *medium* esse *εἰσαγωγικόν* & *ministeriale* ad Scripturæ auctoritatem credendam; Cæterum licet hoc pacto possit præparare & manuducere ad fidem, non potest tamen fidem ipsam ingenerare, vel fides illa erit tantum humana & fallibilis pro ratione fundamenti sui; quomodo Samaritana mulier se habuit ad concives suos Christo initiandos, non fundando ipsorum fidem, sed tantum excitando & ad ipsum manuducendo, unde ipsi profitentur se non propter verbum ipsius credere, sed propter sermones Christi, quia audiverant & viderant ipsi Joan. IV. 42. Sed si agitur de *cognitione certâ* & *distinctâ* quæ fundare debet fidem non humanam & probabilem, sed certam & divinam, de qua hîc disceptamus, negamus Ecclesiam notiore nobis esse Verbo, quia ex ipso Verbo tantum talis distincta Ecclesiæ cognitio peti potest; hætenus ergo fallunt & falluntur Adversarii qui Circulum declinaturi miserum hoc subterfugium quærunt.

XII. III. Sunt qui ut ratiocinationem suam à Circulo vindicent, excipiunt, tum demum Circulum esse quando consequens ex antecedente illatum, nullâ alia præterquam antecedentis notitiâ fultum & probatum, mox ad sui antecedentis probationem assumitur, secus vero esse quando consequens aliunde magis cognitum quàm ex antecedente ad suum antecedens probandum assumitur; hoc verò in præsentî quæstione occurrere, quando enim propter Ecclesiæ testimonium creditur Scripturæ autoritas, tum Ecclesiæ infallibilitatem non credi ex ipsius Scripturæ auctoritate, sed ex *communibus fidei motivis*. Sic quando propter Scripturæ testimonium creditur Ecclesiæ infallibilitas, Scripturam tunc non spectari præcisè prout ex infallibili Ecclesiæ testimonio discitur, sed prout ex communibus fidei motivis suadetur ejus autoritas; sic *Gretserus* ratiocinatur in tractat. de *agnosc. Script. c. 4.* & cum eo *Tannerus* disp. de fide, spe & charit. thes. 80. hoc ipsum latibulum quæsit etiam Cardinalis *Richelius* in tractat. Gallico de convertendis iis qui ab Ecclesia secessionem fecerunt lib. I. c. 10. Ecclesiæ, inquit, cognitio non pendet necessariò à Scriptura, potest enim Ecclesia cognosci sine scriptura, quod patet ex eo quod à fidelibus agnita sit à creatione usque ad Moysen qui primus verbum Dei scriptis consignavit, & à primis Christianis antequam Apostoli, eorumque discipuli Evangelium & libros N. T. conscripsissent, ita cum cognitio Ecclesiæ non

pendeat necessariò à scriptura, quamvis infallibiliter scriptura cognosci non possit nisi ex Ecclesia, non incurritur in Circulum vitiosum qui idem per se ipsum probat, &c. Quod si urgeas quomodo nunc Ecclesia sine Scriptura cognosci possit, regerit Ecclesiam Roman. pro vera Ecclesia cognosci, 1. quia nunquam hæcenus legitimè falsitatis convinci potuit. 2. quia eas omnes notas & characteres obtinet quos ex lumine naturali veræ Ecclesiæ competere debere cognoscimus: puta *Antiquitatem*, *perpetuitatem*, *visibilitatem* & alias id genus notas ex quibus ratio judicat de veritate alicujus Ecclesiæ; unde cum omnes in Ecclesia Rom. deprehendantur, ex eo sufficienter cognosci etiam sine scriptura veram esse Ecclesiam.

XIII. Quamvis verò mirè sibi plaudant Adversarii in hoc commento, non difficile est tamen ejus absurditatem ostendere. 1. Quod supponitur Verbi auctoritatem aliunde quàm ab Ecclesiæ testimonio cognosci ipsorum hypothese apertè repugnat: Nam si revera credunt ut passim profitentur Verbi auctoritatem non posse credi certò aut cognosci, nisi ex infallibili Ecclesiæ testimonio, quomodo statuere possunt eam nobis aliunde innotescere, nisi à recepta sententia recedant? fatemur quidem & agnoscimus Verbum aliunde quàm ab Ecclesia probari à *propriis* scilicet & *insitis* notis & *characteribus* suis, quos si per *communia fidei motiva* intelligunt, habebunt nos consentientes; sed eo ipso testimonii Ecclesiæ necessitas cadit: 2. *motiva illa communia* quibus fidem niti volunt vel *certa* sunt, vel non, si certa corrumpitur principium papisticum nulla media sufficere ad fidem scripturæ nisi accedat infallibilis Ecclesiæ testificatio ut antea diximus, si *non certa* ut ipsi non diffidentur qui fidem hanc non divinam esse, sed conjecturalem & fallibilem & ut ipsi loquuntur *assensum prudentiæ prævia* agnoscunt, frustra sunt, qui per ea certi aliquid quærunt; nam fundamentum fidei certæ & infallibilis debet & in se certum esse & à nobis certò cognosci & credi.

XIV. 3. Dico falsissimum esse vel Ecclesiæ veritatem vel infallibilitatem aliunde certò & verè cognosci posse quàm ex verbo. Rationes sunt. 1. quia Ecclesia in verbo fundatur & ab eo specificum esse suum obtinet; nulla enim Ecclesia sine vocatione, nulla vocatio nisi ex verbo Eph. 11. 20. 2. *fides est ex auditu*, Rom. x. 14. auditus ex verbo E. vel non credi potest & cognosci fide divina Ecclesiæ veritas, vel teneri debet ex Verbo. 3. tutissimus & certissimus modus Ecclesiam investigandi est procul dubio per *notas & proprietates* Ecclesiæ, At vel per *Ecclesiam* vel per *communia motiva*, vel per *Scripturam* nobis manifestantur notæ Ecclesiæ, & de eis infallibiliter certi reddimur: Non per Ecclesiam quia de Ecclesia ipsa quæritur, & *notam* oportet esse aliunde notam quàm à re cujus est *nota*, præterquam quod vera Ecclesia iis qui eam investigant adhuc est ignota: non per *communia motiva*, quia sive certa sive incerta dicantur, utrobique difficultas est ut jamjam diximus: deinde si hujusmodi *motiva* per se
suffi-

sufficiunt ad certitudinem fidei habendam de veritate Ecclesiæ, cur non etiam per se sufficiant ad habendam certitudinem fidei de autoritate Scripturæ? & contra si hæc per se & absque infallibili testimonio Ecclesiæ non sufficiunt ad certitudinem fidei habendam de Scripturæ autoritate, tunc neque per se sufficiunt ad certitudinem fidei habendam de Ecclesia. Tertiò motiva illa vel petuntur à ratione & lumine naturali, vel à lumine revelato in verbo. si ab hoc, coincidunt cum Scriptura; si ab illo, Ergo vel non fundabunt fidem divinam quæ tamen hic quæritur, vel fides erit ex ratione, & non ex verbo contra Paulum Rom. x. 14. Superest E. ut à Scriptura sola pendeat certitudo fidei nostræ de Ecclesiæ veritate, ut clarè à solo verbo peti possunt veræ & genuinæ notæ & proprietates Ecclesiæ, quod autem de Ecclesiæ veritate dicitur, idem & de ejus infallibilitate dicendum. Quomodo enim extra Verbum cognosceretur, cum tota à Verbo pendeat & in eo fundetur? 4. Patres adstipulantur. Aug. ep. 166. *In scripturis didicimus Ecclesiam* & lib. de unit. Ecclesiæ c. 3. *Non humanis documentis, sed divinis oraculis Ecclesia demonstratur*, & cap. 10. *utrum ipsi scil. Donatistæ Ecclesiam teneant, non nisi de divinarum scripturarum testimoniis ostendant. Author operis imperf. homil. 50. qui E. vult cognoscere veram Christi Ecclesiam, unde cognoscat, nisi tantummodo per scripturas?* 5. Adversarii ipsi consentunt Staplet. tom. 1. princip. doctr. cap. 24. *dicimus ergo & libentissimè dicimus cum August. in scripturis quærendam esse Ecclesiam, id est quæ sint Nota, dotes, & proprietates Ecclesiæ, ex Sacra Scriptura oraculis, non ex humanis documentis investigandum esse.* Becanus in apolog. pro Jud. contr. cap. 3. 5. 6. & 7. admittit hanc propositionem tanquam veram, *sola scriptura primariò & infallibiliter terminat & definit quæstionem de Ecclesia per modum norma.* Driedo Lovani. libr. 2. de dogm. Ecclesiæ cap. 3. in solut. art. 4. *fides, inquit, non amplius ex personis probanda venit, sed ex sua fide probantur persona sicuti ex scripturis sacris cognoscitur ea quæ nunc est Ecclesia.* Nec aliud sibi vult ordinaria Pontificiorum praxis, qui cum urgentur à nobis circa veritatem & infallibilitatem Ecclesiæ suæ, unde scil. credant Ecclesiam suam infallibilem esse, illico nos ad scripturam amandant & illustres promissiones quæ Ecclesiæ fiunt, vel elogia, quæ illi ibidem tribuuntur, subinde regerunt, quod non facerent procul dubio, nisi fidem infallibilitatis Ecclesiæ non aliunde quàm ex Verbo certò peti posse arbitrarentur.

XV. Neque hilum proficiunt Rationes Cardinalis: Prima enim pueriliter confundit *Scripturam materialiter & formaliter consideratam*, id. vel quoad substantiam doctrina, vel quoad accidens scriptionis; Sanè non diffitemur Ecclesiam fuisse cognitam sine Scriptura *formaliter spectata*, & quoad accidens scriptionis, si quidem per bis mille annos & amplius Ecclesia caruit verbo *ἐγγεγραφή*: Sed negamus cognitam fuisse sine Scriptura *materialiter* id. sine Dei verbo. Quod semper & ubique unicum fuit Ecclesiæ fundamentum: idem enim Verbum, quod scriptis consignari voluit Dominus ad præcavendas Diaboli fraudes & hominum,

corruptelas, jam antea viva voce traditum Patriarchis fuerat in visionibus & somniis, & aliis revelationis modis, *πλουμεῶς καὶ πλυττόπως*, Heb. i. i. Christiani verò etsi non haberent ab initio N. T. scriptum, habuerunt tamen Vetus quod perfectum fuit & sufficiens in suo genere, 2. Tim. i. i. 15. Secunda Ratio absurdè petit principium & supponit quod probandum erat, Ecclesiam scilicet ejusque notas ex lumine naturali certò innotescere posse; quod antea falsum esse demonstravimus, quia ex Verbo solo propriæ notæ & characteres Ecclesiæ peti possunt; Taceo quod pro veris notis eas nobis obtrudit quæ verè sunt nothæ & adulterinæ, ut *antiquitatem, visibilitatem*, &c. quæ nec soli Ecclesiæ, nec toti, nec semper conveniunt; Taceo quod hîc sophistice à non distributo ad distributum rationetur, ab Ecclesia in genere ad Romanam Ecclesiam hodiernam in specie, supponens eam esse veram Ecclesiam, quod nec concedere possumus, nec in æternum sunt probaturi: Nam quod ita præfidenter gloriatur suam Romanam Ecclesiam veram esse, quia nunquam falsi convinci potuit, in eo vel ignorantiam crassam prodit, vel impudentiam; quot enim & quanta Orthodoxorum volumina centum abhinc annis prodire, quæ luce meridianâ clariùs demonstrarunt Ecclesiam Romanam sæpius errasse, & in eo statu quo res sunt, nec esse, nec haberi posse pro vera Christi Ecclesia: Et vel hoc solo argumento probari facilè potest: Nam quæ Ecclesia doctrinam salutarem à Christo traditam non retinet, illa vera non potest esse Christi Ecclesia. At Ecclesia Romana talis est. E. Minor quæ procul dubio negabitur ab ipsis, facilè, cùm ad Examen Doctrinæ deventum erit, probabitur.

XVI. IV. Alii distinguunt *inter formale objectum fidei & fidei regulam*, fidem, quâ credunt Ecclesiæ infallibilitatem, niti verbi Dei autoritate tanquam formali fidei objecto, fidem verò, quâ credunt verbi Dei autoritatem, niti Ecclesiæ infallibili testimonio, non tanquam *objecto formali*, sed tanquam *regulâ fidei*, ideoque Circulum non esse formalem seu per eandem viam. Resp. Sed neque hac ratione evadere possunt, quod facilè patebit si terminos distinctionis attendamus, & quid per *objectum*, quid item per *regulam* fidei intelligendum sit: duplex ergo *objectum fidei* statuitur, *materiale* unum, alterum *formale*. *Materiale* est id quod credimus & per quod respondemus ad quæstionem *quid credis?* *Formale* est id propter quod credimus & per quod respondemus ad quæstionem *cur credis?* v.g. ea omnia quæ in Verbo Dei credenda proponuntur, ut Creatio mundi, providentia, redemptio, &c. sunt materiale fidei objectum, sunt enim id quod credimus, & per ea respondetur ad quæstionem *quid credis?* sed autoritas verbi est formale objectum fidei nostræ, quia est ratio formalis propter quam credimus omnia alia, & quæ non creditur propter aliud, sed propter se; Jam *Regula fidei* diversum quid sonat ab utroque; nam nec est simpliciter objectum materiale sigillatim consideratum & in specie, nec est formale seu ratio propter quam credimus, sed dicit systema & collectionem omnium credendorum, seu principium

pium secundum quod credere debemus; ita differt ab objecto formali diversimode. 1. *regula fidei* se habet ad modum *causæ exemplaris*, quam fides in omnibus sequi & cui se conformare debet; at *formale objectum* habet rationem *causæ obiectivæ* seu fundamenti propter quod principaliter & formaliter credimus. 2. *regula fidei* limitat & determinat eam latitudinem & extensionem quam fides habet in ordine ad objecta materialia, dum docet quot & quæ credenda sunt, sed *formale objectum* specificat, & fundat assensum fidei. 3. *regula fidei* est comprehensio & *σύνολον* omnium credendorum; sed *formale objectum* est id propter quod & ipsam regulam & omnia quæ in ea credenda proponuntur, fide divina credimus, unde fides nostra non resolvitur in ipsam regulam ultimò, sed in ipsum formale objectum.

XVII. Hoc posito vanitas exceptionis patet. 1. recipimus confessionem quam veritas illis extorquet fidem scil. niti autoritate Verbi tanquam formali objecto; nam si hoc bonâ fide profitentur & credunt, ultro manus dare nobis tenentur & causam pontificiam deserere; nam si est formale objectum, ergo ultima fidei analysis in Verbi autoritatem terminabitur, non verò in Ecclesiæ infallibile testimonium, quæ tamen recepta est apud adversarios sententia quam hic impugnamus: audiat *Stapletonus* lib. 8. princip. doctr. cap. II. *formalis ratio fidei non est Deus revelans, sed ut sic id est per Ecclesiam*, & in contr. relect. contr. 4. q. 3. art. 2. hanc conclusionem ponit, *tota completa formalis ratio fidei nostræ ordinariè loquendo est Deus per Ecclesiam revelans*. Si E credunt formalem rationem, propter quam credimus, esse Deum loquentem per Ecclesiam, perperam dicunt doctores isti verbi autoritatem non niti infallibilitate Ecclesiæ tanquam formali objecto. 2. Et illud vehementer falsum est quod hic supponunt Ecclesiam esse fidei regulam, solum enim Verbum, quod summam omnium credendorum complectitur, est norma illa plena & perfecta cui nihil vel addi debet vel detrahi ut toties à Spiritu S. est præscriptum. Si E. Ecclesia non potest dici regula fidei, non potest verbum credi propter Ecclesiam tanquam propter regulam fidei.

XVIII. V. Quidam confugiunt ad diversos respectus tum personarum tum regularum credendi: nam aliquando esse diversas personas circa diversa errantes, v.g. quum alter Ecclesiæ, alter Scripturæ autoritatem negat, tunc nullum Circulum admitti, si quis illum quidem ex Scriptura quam admittit de Ecclesiæ veritate convincat, & contra adversus hunc Scripturam probet per Ecclesiam de cujus infallibilitate non dubitat: sic *Becan.* in Tract. de Circulo Calvin. 2. caveri Circulum ex diversis respectibus regularum credendi, quæ ut totidem causæ, sibi que invicem causæ, ex mutua comparatione, magis illustrabiles & per se invicem sunt demonstrabiles, & tunc non esse Circulum, sed regressum talem qualem in diversis generibus causarum probant cum Arist. sapientiores omnes Philosophi. Resp. Sed neutra istarum responsionum difficultatem tollit, non

prima, quia non tantum arguimus adversarios quod circulariter progrediantur contra eos qui vel Scripturæ, vel Ecclesiæ autoritatem negant seorsim, sed etiam in stabilienda sua fide & in reddenda ejus ratione, dum credere se profitentur Scripturæ autoritatem propter Ecclesiæ testimonium, & rursus Ecclesiæ infallibile testimonium propter Scripturam, quamvis utramque admittant & neutram negent. 2. hæc responsio supponit eum qui dubitat vel negat Ecclesiæ infallibilitatem, posse ex Scriptura convinci, sed hoc expressè repugnat hypothese adversariorum, qui apertè profitentur nullam controversiam sufficienter ex scripturis determinari, & nullum dogma ob scripturæ autoritatem firmiter credi posse, nisi accedat infallibilis Ecclesiæ testificatio & interpretatio: Et sanè si audiantur, nullum fidei fundamentum assignare possunt in quo eorum fides qui de Ecclesiæ infallibilitate dubitant sistere & acquiescere possit; Vel enim erit ipsa Ecclesia, vel Scriptura, vel Traditio non scripta: At neutrum dici potest; Non Ecclesia, quia ejus infallibilitas est id de quo dubitatur; Non Scriptura aut Traditio non scripta, quia harum autoritas & legitimus sensus ab infallibili Ecclesiæ testimonio ex adversariorum sententia necessario pendent, ac proinde nihil ob earum autoritatem simpli. credere possumus, nisi prius credamus Ecclesiam quæ illis testimonium perhibet esse infallibilem; unde patet neque hîc habere ipsos ubi pedem figere possint.

XIX. Sed non tutius habent præsidium causæ suæ in vario respectu regularum credendi quæ & sibi mutuò sint causæ & per se invicem demonstrantur. Nam 1. gratis supponitur, quod falsissimum est, dari plures credendi regulas: unica enim potest esse totalis & perfecta; alias si plures dantur neutra erit regula. 2. reciproca demonstratio causarum potest institui in eum finem, ut ex comparatione mutua; non quidem primò & præcipuè utraque probetur à priori, sed ut magis illustrentur tantum, earumque consensus appareat: Sed Pontifici longè aliter progrediuntur: probant Scripturam esse Dei verbum ex Ecclesiæ testimonio, non ut fides jam inchoata magis confirmetur, sed ut scripturæ sua constet autoritas, quæ alioquin ei constare non posset, & rursus ex Scriptura probant Ecclesiæ infallibilitatem, ut Ecclesiæ sua constet autoritas, quæ aliunde sufficienter probari non potest; Ita volunt Scripturæ autoritatem necessario pendere ab Ecclesia, & vice versa Ecclesiæ autoritatem necessario pendere à Scriptura, quod ne imaginando quidem fingi potest, nam sic sequeretur Scripturæ Autoritatem non posse credi nisi prius credatur Ecclesiæ infallibilitas, vicissim Ecclesiæ infallibilitatem non posse credi nisi prius credatur Scripturæ autoritas, quod ἀντιστοιχόν 3. Regressus Aristotelicus longè differt à Circulo Pontificio: Nam 1. in regressu nova acquiritur cognitio, dum proceditur à cognitione confusa ad distinctam; Sed hîc nulla nova accedit: proceditur enim ab autoritate verbi fide divina credita, ad eandem verbi autoritatem fide divina creditam. 2. in regressu est diversus processus ab effectu ad causam, à causa ad effectum, à demonstratio-

ne ὅτι ad demonstrationem Ἰδόν, & vice versa, adeoque non potest idem esse causæ genus: Sed in Circulo Pontificio non est diversus processus, sed ejusdem ordinis & generis, nim. à causa objectiva fidei propter quam credimus, ad eandem causam objectivam: utrobique enim quæritur propter quid vel credatur Scripturæ autoritas vel Ecclesiæ infallibilitas.

XX. VI. Denique *Stapleton*, in defensione autoritatis Ecclesiæ lib. 3. c. 3. affirmat nihil esse absurdi si Ecclesiæ autoritas quoad nos ex Scripturæ autoritate pendeat, & rursus Scripturæ autoritas quoad nos ab Ecclesiæ autoritate pendeat, utrumque simul verum esse posse, Ecclesiam mutuare suam autoritatem à Scriptura, & Scripturam itidem suam ab eadem ipsa Ecclesia: quemadmodum videmus Johannem testimonium perhibuisse Christo, & vicissim Christum Johanni, Johannem Evangelistam suo Evangelio, rursus idem Evangelium Johanni, &c. Resp. Sed hic multiplex est hallucinatio. 1. aliud est *testimonium alicui perhibere*, aliud *autoritatem illi conciliare*; nec pro eodem rectè sumitur, testimonium ab aliquo habere, & autoritatem omnem suam ab eodem mutuari; sanè nihil obstat quominus mutuo testimonio commendaret Johannes Christum, & Christus Johannem, sed ut à Johanne suam autoritatem mutuatus sit Christus, id verò falsissimum, Ego, inquit, *ab homine testimonium non capio & habeo testimonium majus testimonio Johannis* Jo. v. 34. 36. Unde Joh. 1. 7. dicitur *Johannes venisse ut testimonium perhiberet Luci ut omnes crederent per ipsum*, bene dicitur *ὅτι αὐτὸς per ipsum*, non *ὅτι αὐτὸν propter ipsum* quia erat tantum minister qui ducebat ad Christum, non fundamentum & causa formalis fidei in ipsum. 2. confunditur *testimonium necessarium & non necessarium*. *Testimonium necessarium* est quando nulla certitudo de re testata quoad nos haberi potest, nisi per illud testimonium, seu quando pendet necessario & per se ab illo testimonio. *Testimonium non necessarium* est quod illustrat aut confirmat rem testatam, ita tamen ut res testata sufficienter aliunde certitudinem quoad nos habeat. Duo diversi testes possunt sibi invicem testimonium perhibere seque mutuo commendare, si agatur de testimonio, quod vel ex utraque vel ex altera saltem parte necessarium non est, qualia sunt mutua illa Testimonia Christi de Johanne Baptista, & Johannis Baptiste de Christo, Johannis de suo Evangelio & Evangelii de Johanne: At si loquamur de testimonio necessario; omnino absurdum est & apertam contradictionem implicat dicere duorum testium autoritatem quoad nos per se & necessariò pendere à mutuo eorum de se invicem testimonio, quia sic, ut dicebamus modo, idem se ipso notius erit & ignotius v. g. si Ecclesia perhibeat testimonium quoad nos necessarium omni Dei Verbo, impossibile est ut fide Divina credamus hujus autoritatem nisi propter Ecclesiæ testimonium, non possumus autem credere aliquid propter Ecclesiæ testimonium nisi Ecclesia prius apud nos suam obtineat autoritatem, nam propter quod aliquid scimus aut credimus, illud ipsum à nobis prius sciri & credi oportet, nulla enim ab ignotis fit legitima

probatio: Jam si Scriptura perhibet testimonium necessarium quoad nos de Ecclesia, impossibile est ut credamus Ecclesiæ infallibilitatem nisi propter testimonium Scripturæ, non possumus autem aliquid credere propter Scripturæ auctoritatem, nisi Scriptura prius apud nos suam obtineat auctoritatem: ita quamcunque in formam se vertant irretiti semper tenentur, nec in æternum se liberare poterunt ab inextricabili isto labyrintho: Unde patet quid statuendum de Religione illa quæ nullum fundamentum & principium fidei cui nitatur, & in quod resolvatur, assignare potest.

XXI. Sed fortè quod aliis objicimus crimen ejus manifesti tenemur: hoc certè non semel ab Adversariis nobis impactum, unde *Becanus* & alii *Circulum* etiam *Calvinisticum* sunt commenti, quem mirè exagitare solent. Videamus ergo quo jure: Scilicet objiciunt Nos *Scripturam ex Spiritu*, & rursus *Spiritum ex Scriptura* probare, atque hoc fieri non posse sine Circulari progressu, quia ut Scriptura creditur esse Dei verbum ex interno Spiritus testimonio, ita Spiritus testimonium credi propter Scripturam, in qua Spiritus S. credentibus est promissus. Sic *Becanus* in Opusculo de Circulo Calvinistico, sect. 6. & *Gresser* in Tractatu de Agnosc. Script. c. 4. Verùm quàm turpiter hîc hallucinentur sola sententiæ nostræ declaratio abundè docebit. Primò distinguendum censent accuratè Orthodoxi inter *Causam efficientem* per quam credimus, & *objectivam* propter quam credimus, inter *principium* ἐνεργητικὸν quod fidem alicujus veritatis effectivè ingenerat, & *motivum* seu argumentum quod objectivè ad eam fidem adhibendam nos movet & excitat: Ut si de charitate quæstio sit, aliud est loqui de causa ejus efficiente per quam producit, aliud de motivis quibus excitatur. causa efficiens unica & principalis est Spiritus S., motiva sunt argumenta illa varia quæ in Scriptura nobis exhibentur amoris ineffabilis quem Deus testatus est nobis in filio; Ita de fide pariter ratiocinari debemus, in hoc potissimum argumento, *Causa efficiens* nostræ fidei alia dari non potest præter Spiritum sine quo nec velle aut perficere, inò ne cogitare quidem possumus; Neque diffitentur ipsi adversarii, qui Spiritum ad fidem ingenerandam necessarium agnoscunt, ut *Stapletonus* sæpè testatur contra *Witthak*, injuriamque sibi fieri ab eo queritur, quasi hoc negaret; Sed *causa objectiva* propter quam credimus est *Verbum ipsum* cum notis, seu potius criteria illa cœlestia & radii divinitatis qui in Verbo fulgent, & propriâ sua ac insitâ luce, majestate ac splendore, se ipsos probant, quemadmodum sol propriâ ac nativâ luce se ipsum demonstrat; Hinc juxta duplex illud fidei principium, duplex etiam quæstio nascitur ad quam diversimodè potest responderi; Nam si quæritur de *causa objectiva* propter quam credimus Scripturæ divinitatem, respondetur esse ipsum Dei Verbum per notas suas insitas; si verò quæstio est de *causa efficiente* per quam & cujus vi credimus, dicitur esse Spiritus S. qui virtutem credendi nobis indit, atque ita verissimè dicimus Scripturam demonstrari ex Spiritu, id est per ejus virtutem & efficaciam, quæ fi-

dem ingenerat in animis nostris, quia verò facilè quis & se ipsum & alios decipere posset jactando Spiritum illum quem non haberet tamen, ideo ut quis persuadeatur de veritate illius Spiritus debet probari ex Scriptura ipsa, quatenus ipsa varias notas & criteria nobis subministrat, ex quibus dignoscimus an Spiritus ille qui in nobis est verè sit ex Deo necne, an Spiritus Christi an verò mundi; sic Scriptura probat Spiritum non *effectivè*, sed *objectivè* per rationes & argumenta quæ in ea elucet.

XXII. Unde jam luculenter colligitur Nos neque in fidei nostræ resolutione progredi in infinitum, neque in Circulo agitari; Nam quoad prius, non potest dari progressus in infinitum, quia sistimus tandem in quodam ultimo credibili quod non propter aliud, sed propter se creditur, nimirum in ipsa S. Scriptura, quæ creditur esse Verbum Dei non propter aliud, sed propter se: Posterius etiam patet, quia diversa quæstio est, quando enim probamus Scripturam ex Spiritu, hoc fit per modum *causæ efficientis*, quando verò probamus Spiritum ex Scriptura, progredimur per viam *causæ objectivæ*. In prima quæstione quæritur qua facultate credamus, sive sub qua dispositione in subjecto seu *per quid* credamus; in altera verò *quo argumento*, sive sub qua formali ratione in subjecto, vel *propter quid* credamus; Quare, cum diversæ sint quæstiones, nunquam petitur principium, vel ab eodem ad idem fit processus, fides enim tandem resolvitur diversimodè in utrumque istud principium, in Scripturam tanquam in *causam objectivam*, seu formale objectum suum & primum credibile, quod Stapletonus vocat *principium doctrinale*; in Spiritum verò tanquam in *causam efficientem* principalem; si quæris unde norimus Scripturam esse divinam id est quâ vi & facultate, respondeo, per Spiritum Sanctum, qui testatur in corde nostro; si instas, unde norimus nos habere Spiritum S. id est, quo argumento, respondeo, ex variis illis characteribus & effectis quæ in Scriptura Spiritui S. tribuuntur, quæ quum in nobis deprehenduntur, inde certò colligimus Spiritum in nobis esse; Si quæras ulterius unde sciamus tales effectus in nobis esse, non jam itur ad Scripturam quæ neminem nominat, sed hærendum in interna visione cordis, & in operatione Spiritus, cujus præsentia non potest aliter demonstrari quàm à posteriori, ut vitam suam homo ex sensu & motu cæterisque vitalibus operationibus bene deprehendit: Si verò ex altera parte quæris unde sciam Scripturam esse *αὐτόπουν* sive quo argumento & propter quid? respondeo quia Scriptura est Verbum Dei, si instas, unde sciam Scripturam esse Verbum Dei? non dicam jam id cognosci ex Spiritu, quia Spiritus est causa efficiens tantum, non objectiva, sed ex criteriis & notis cœlestibus quibus insignitur, nec ultra tendimus: nam si quis urgeat denuò unde radios illos & notas perspiciamus, id est quo argumento, respondeo, eum absurdè facere, nihil enim est in hoc ordine argumentorum sive rationum in objecto superius, & rationes rationum perpetuò quærere dementis est, non secus ac rogare qua luce videamus lucem: ita immediatè & propter se

in genere causæ objectivæ creditur Verbo, quamvis ad hoc credendum maxime necessaria sit interna illa operatio Spiritus Sancti, qui intellectum efficaciter movet in genere causæ effectivæ, ad credendam Scripturæ authoritatem: quemadmodum assentimur scientiarum principiis propter se, licet ad illum assensum producendum necessarius sit habitus ille mentis qui habitus principiorum & intellectus dicitur; quæ luce meridiana clarius evincunt, malè nobis Circulum impingi, quia probamus divinitatem Scripturæ *per Spiritum non propter eam*, sed veritatem Spiritus probamus *ex Scriptura objective*, non *per eam efficienter*.

XXIII. Dices, sed multi tamen ex Orthodoxis videntur ita Testimonium Spiritus contradistinguere Testimonio Ecclesiæ, ut ejusdem ordinis & speciei testimonium intelligant, hoc est in genere causæ objectivæ, non efficientis tantum; Vide *Wubak.* contro. 1. q. 3. c. 11. *Chamier.* lib. 6. cap. 1. nec aliud sibi vult *Confessio* Gall. cana art. 4. *hos libros agnoscimus*, inquit, *esse Canonicos*, hoc est, ut fidei nostræ normam & regulam habemus, idque non tantum ex communi Ecclesiæ consensu, sed etiam multo magis ex testimonio & intrinseca Spiritus S. persuasionem, quo suggerente docemur illos ab aliis libris Ecclesiasticis discernere, qui ut sint utiles, non sunt tamen ejusmodi ut ex iis constitui possit aliquis articulus fidei. Respondeo 1. Si sint qui opponere voluerint Spiritus testimonium internum seu vim illam vorticordiam quâ efficaciter in nobis producit fidem testimonio Ecclesiæ quasi ejusdem ordinis & speciei, minùs accuratè omnino locuti sunt, siquidem non quæritur hîc inter nos & Pontificios, An testimonium Spiritus sive vis ejus & efficacia requiratur ad cognoscendam & probandam Scripturæ divinitatem, hoc enim ultrò largiuntur nobis Pontificii, nec negare quisquam potest, nisi in castra Pelagii apertè transire voluerit; Sed tantum An Ecclesiæ testimonium sit medium & motivum illud præcipuum & infallibile propter quod Scripturæ credimus, An verò aliud quodpiam magis principale requiratur? Itaque qui multum operæ collocant in corrogandis Scripturæ locis & argumentis quibus probent Spiritum hîc necessariò intercedere debere, non videntur præcipuum quæstionis cardinem attigisse, qui non in eo positus erat, An Spiritus opera necessaria esset ad credendum; Sed an Spiritus ad persuadendam hanc authoritatem uteretur vel testimonio Ecclesiæ tantum, vel primariò, quod contendunt Pontificii, an potius rationibus ex Verbo petitis, quod volunt Orthodoxi. 2. *Testimonium Spiritus* vel latè sumitur vel *strictè*; *strictè* prout notat tantum vim illam divinam quæ efficaciter producit in nobis fidem: *latè* quatenus cum virtute illa efficaci conjungitur ratio & motivum quo utitur ad persuadendos animos nostros de rei alicujus veritate; priori modo induit tantum notionem *causæ efficientis* per quam credimus; posteriori etiam *objective*, quæ duo quia semper in hoc testimonio Spiritus connectuntur, siquidem non aliò tendit ejus operatio in nobis quàm ut potenter applicet mentibus nostris veritatem cœlestem in Verbo traditam, adeoque

que radios illos in ea circumfulgentes majestatis, sublimitatis, efficaciz, veritatis, sanctitatis, &c. altè imprimat, hinc factum ut nonnulli in Spiritus testimonio utramque illam *quædam* conjunxerint tum objectivam tum efficientem: Atque hoc sensu Confessio Gallicana intelligenda est, cum ait *non tantum ex communi Ecclesie consensu, sed etiam multo magis ex testimonio & intrinseca persuasione Spiritus sancti libros sacros agnoscere Canonicos*; nam per Spiritus testimonium non intelligit tantum vim efficacem quâ fides efficienter producit, sed propriè rationem & motivum verbi quo utitur Spiritus ad persuadendum hanc veritatem, scilicet doctrinam ipsam cœlestem cordibus applicatam per Spiritum, oppositè ad rationem naturalem & sensum ac judicium humanum quod plane in istis mysteriis dignoscendis cœcum est I. Corinth. II. 14. Quando verò *strictè* testimonium Spiritus sumitur pro ea efficacia gratiæ quæ se tenet *ex parte subjecti* seu potentiæ intellectivæ, quæ habilis & apta redditur ad ea percipienda quæ proponuntur & quæ posita est in infusione habitus fidei, & collatione auxilii specialis ad credendum necessarij, tunc habet tantum rationem causæ efficientis, non objectivæ, nec bene contradistinguitur testimonio Ecclesiæ.

XXIV. Antequam finis sit, breviter diluenda est criminatio duplex, quâ vulgò gravari solet doctrina Orthodoxa circa hunc *Spiritum* 1. quod sit *fanaticus* & *Anabaptisticus* 2. quod sit *privatus*. Nam prius illud vehementer falsum est & calumniosum, quippe Fanatici Spiritum divellunt à Scriptura, & indulgent revelationibus quibusdam extraordinariis & *ἐκθεσιασμοῖς*: At Spiritus istud testimonium quo contendimus persuaderi nobis Scripturæ divinitatem, non infert novam aliquam & extraordinariam revelationem immediatè à Spiritu S. profectam sine Verbo; imò nihil aliud est quàm revelationis in ipsa Scriptura factæ ex parte objecti potens & efficax applicatio & impressio: ita ut neq; Spiritus sine Scriptura, nec Scriptura sine Spiritu hîc veniant attendenda, sed indivulso nexu conjungenda sint ex fœdere Dei, II. LIX. 29. *Verbum quod posui in ore tuo & Spiritus qui est in te non recedent, &c.* Verbum proponitur extrinsecus, Spiritus intus operatur, Verbum movet & suadet, Spiritus permovet & persuadet, illud est instar seminis in terram projecti, iste instar virtutis vivificæ quâ radicatur in nobis & germinat: Nec aliud innuit Christus Joh. XVI. 14. cum ait Spiritum de suo accepturum, *de meo accipiet*, inquit, & *annunciabit vobis*, ut enim Spiritus S. operatio quatenus est *Paracletus* & Consolator non aliò tendit, quàm ad applicationem beneficiorum Christi: ita non aliò refertur ejus testimonium quatenus est *Doctor veritatis* quàm ad ob signationem doctrinæ ipsius in Evangelio traditæ. Cum ergo Spiritus de quo loquimur à Scriptura nunquam aberret, sed ad Scripturam ducat, & in ea explicanda totus occupetur, patet non sine insigni calumnia Anabaptisticum & fanaticum dici.

XXV. Sed non minori injuria *privatus* & proprius dicitur, ut Stapleton. *privatum* superbiæ *Spiritum* à nobis jactari clamat, & alij subinde oggerunt nos contra

tra Petrum 2^o cap. 1. 20. Prophetiam facere *ιδίαι* *Ἀπλῶς*. Resp. Privatus enim Spiritus bifariam dici potest vel *originaliter* vel *subjectivè*, vel ratione principii à quo oritur, vel ratione *subjecti* & potentiae cui inhæret, vel pro genio & arbitrio cuiusque, vel pro Dei dono singulis fidelibus proprio. Posteriori sensu damus Spiritum proprium & privatum dici posse, quia singulis credentibus datur & in iis manet; Sed priori nequaquam, quia non à nobis oritur privatim, sed dispensatur communiter à Christo toti Ecclesiae, nec enim spiritum jactamus qui proprius sit foetus liberi nostri arbitrii, sed qui Christi singulare donum est: Ut ergo solem malè privatum dixeris quia neminem illuminare potest qui non intus apud se recipiat ejus lumen, ita non meliori jure spiritum nobis omnibus à Christo datum ad nos illuminandos privatum vocabis, quia non extrinsecus tantum afficere, sed in unoquoque fidelium sedem suam eligere debet: Idem de fide statuendum est, nam licet *fides subjectivè* considerata, & quā creditur propria sit uniuscujusque, quia iustus *fide sua* non aliena vivit; tamen fides *objectivè* seu quā creditur communis est omnium, eadem enim Veritas cœlestis, idem Verbum utrobique fidem nostram fundat quod ab omnibus fidelibus ex æquo recipitur. Nec aliò pertinet locus Petri supra citatus. Hoc primò scientes quod omnis prophetia Scriptura *ιδίαι* *Ἀπλῶς* & *ῥήματα*; Nam sive *Ἀπλῶς* per impulsus & afflatus exponamus quod Calvino nostro magis placuit, sive reddamus per interpretationem & expositionem quæ communior est sententia *ἡ δὲ ἑρμηνεία* quod dissolvere & explicare significat, & τῷ ῥήματι Hebræorum non rarò respondet, nihil erit quod Pontificiorum causæ faveat; *ιδία* enim hæc *Ἀπλῶς* qualiscunque sit non *subjectivè* est intelligenda, sed *originaliter*, scilicet pro privato hominis arbitrio & mente, per oppositionem ad supernaturalem gratiam & adventitium Spiritus S. donum; in eo enim est Petrus ut doceat fideles veram & certam Scripturæ Propheticae explicationem de qua in vers. præced. egerat, eam scil. non pendere ab hominis legentis arbitrio & sensu quando aliquid de suo infert in Scripturam, sed ex gratiosa Spiritus S. revelatione; privatam itaque & ex proprii cerebri figmento depromptam interpretationem locum hîc non habere, sed publicam & divinam quæ ex ipso verbo hauriatur, & ipsis scripturis ut ita dicam sit ἀποφύτης & intrinseca. Quod confirmat à pari vers. 21. unico scil. autore Prophetiae, quomodo enim primò proposita fuit Prophetia, eodem etiam exponi debet, idem qui author fuit, solus potest esse optimus & legitimus verborum suorum interpres; solus autem Spiritus Verbum nobis tradidit, Non enim, inquit, libitum hominis allata est Prophetia, sed Spiritu S. acti locati sunt Dei viri. Ita quod in vers. præced. dixerat *ἡ δὲ ἑρμηνεία ἀνθρώπων*, in hoc vocat *ἑρμηνεία ἀνθρώπων* voluntatem seu libitum hominis non tantum qui in homine sit; sed qui ab ejus arbitrio oriatur: hoc sensu bene asserit Petrus & nos cum ipso nec *ιδίαν* *Ἀπλῶς*, nec Spiritum privatum in mysteriorum fidei tractationem inferendum esse; Cæterum non negat Spiritum S. qui loquitur omnibus in verbo, privatim etiam singulis fidelibus

in corde de ejus veritate & divinitate testari; aliàs nec Johannes dicere potuisset
 1. c. v. 6. *Spiritum* testari quod *Spiritus est veritas*, nec Paulus 1. Cor. II. 12.
Spiritum datum esse nobis ut cognoscamus ea qua nobis data sunt à Deo. Observan-
 dum tantum testimonium hoc internum *Spiritus cum sit practica & privata dis-*
cretionis, non *authoritatis publicæ*, non posse urgeri in ordine ad alios, sed tan-
 tum in ordine ad nos ipsos, nec inservire ad *aliorum convictionem*, sed ad *per-*
suasionem propriam, nam qui mihi sufficit ad plenam verbo fidem faciendam,
 quia eum novi & in me sentio, nec fallax potest esse ejus operatio; frustra ad-
 hiberetur erga alios qui eum in me nec vident nec agnoscunt, nisi eadem vis in-
 tus eos afficiat, & argumenta in verbo latentia potenter animis insinuando effi-
 caciter persuadeat. Haftenus ergo conclusum esto & *Spiritum & Verbum* in
 hoc negotio à nobis bene conjungi, & bene alterum ex altero probari, nec ta-
 men nisi injustissimè Circulum nobis impingi.

COROLLARIA RESPONDENTIS.

I. An aliquis detur *Controversiarum supremus & infallibilis Judex* præter *Spiritum*
S. in Scripturâ loquentem? N. contra Pontificios.

II. An detur *Scientia quadam media in Deo, aut Decretum conditionatum*?
 N. contra Socinianos & Remonstrantes.

III. An voluntas qua vulgò signi & ea qua beneplaciti dicitur inter se pagent?
 N. imò nulla est voluntas signi qua non sit etiam sano sensu beneplaciti.

IV. An Jus Dei bene distinguatur in Naturale & Positivum, ita ut quadam
 bona sint quia Deus vult, quadam Deus velit quia bona sunt? Aff.

V. An quia Deus non otiosus sed efficaci permissione & directione concurrat ad malas
 hominum actiones possit dici concurrere etiam effectivè & peccati author & causa pro-
 inde censerit? N. contra Pontificios & alios qui perperam & per insignem calumniam
 hac blasphemiam, quam toto pectore execramur, sententiam nostram gravare solent.

VI. An fides imputetur in justitiam? D.

VII. An fides justificans & temporaria gradu tantum & duratione, an non et-
 iam specificè & essentialiter distinguantur? N. prius. Aff. post.

EXERCITATIO THEOLOGICA TEXTUALIS

D E

CONCORDIA PAULI ET JACOBI IN ARTICULO JUSTIFICATIONIS.

Respondente ABRAHAMO PELEO Viviacensi.

THESIS PRIMA.

QUAM nullum in momentosissimo *Justificationis* Articulo & gravissimâ quæ nobis super hoc cum Pontificiis intercedit Controversiâ, plausibilis pro *Justificatione operum* argumentum occurat celebri Jacobi loco c. II. nullum certè vel frequentius vel acrius urgeri ab Adversariis soleat; operæ pretium aliquod facturos Nos sumus arbitrati, si paulò accuratius velitatione hac Academicâ in illum locum inquirentes, neque ipsum Sophistis ullatenus favere, nec quicquam à verâ & genuinâ *Justificationis* gratuitæ doctrinâ à Paulo traditâ alienum continere cum bono Deo demonstraverimus.

II. Ut ergo commodè disquisitio hæc institui possit, primò Difficultas ipsa proponenda est, tum expendendi varii vel solutionis vel conciliationis modi. Difficultas per se patet; nam cum Paulus passim in Epistolis suis *Justificationem* fidei sine operibus tribuere soleat ut Rom. III. 28. Gal. II. 16. Eph. II. 8. 9. Jacobus tamen expressè illam transcribit operibus c. II. 14. *Videtur E. quod homo justificatur ex operibus & non ex fide solum*: Neque in thesi tantùm hæc ἀντιλογία videtur occurrere, sed & in hypothese respectu Abrahami credentium Patris, nam quod Paulus constanter de eo prædicat fuisse ipsum sola fide & non operibus justificatum Rom. IV. 2. 3. juxta priscum Oraculum *credidit Abraham Deo & illi imputatum est ad Justitiam*; hoc ipsum apertè negare videtur Jacobus c. II. 21. *Abraham Pater noster nonne ex operibus Justificatus est obtato filio suo Isacco supra altare*? unde statuendum videtur, vel Jacobum repugnare Paulo, vel Paulum non ita præfractè *Justificationem* fidei tribuere, quin possit etiam & debeat operibus tribui ex Jacobo quod vellent Pontificii.

III. Hæc

III. Hæc sanè prima fronte planè ἀσύντακτα videntur nisi accedatur ad sententiam Adversariorum: Sed videntur tantum, nihil enim tale esse reipsa jam sumus clarissimè ostensuri. Non nos equidem latet quosdam vel propter unum hunc locum totam Jacobi Epistolam ex Canone expungere voluisse, & ad libros Apocryphos referre, quasi non posset ullatenus Jacobus cum Paulo & reliquâ Scripturâ in negotio Justificationis conciliari, quâ in sententiâ fuerunt *Centuriatores Magdeburgenses Cent. 1. lib. 2. c. 4.* post *Lutherum* Magistrum suum, quem in primo certaminis cum Pontificiis fervore iniquiorem fuisse huic scripto constat, negavit enim esse Epistolam verè Apostolicam; imo eo usque processit ut *Stramineam* appellarit, non absolute sed comparatè præ Paulinis, quod tantopere Pontificii exagitarunt, quamvis non durius quàm *Eusebius* multò prius ita sit locutus, & postea re melius perpensâ duriora hæc verba deleverit, & Judicium suum de hac Epistolâ correxerit, ut editiones posteriores Bibliorum Germanicorum testantur; Nec tantum inter Evangelicos reperti sunt qui de auctoritate hujus Epistolæ dubitarint, fuerunt etiam & inter Pontificios, *Cajetanus* præcipuè qui in eodem luto hæsisse videtur, ut apparet ex indice errorum illius quem *Catharinus* collegit; Utrisque verò prævisse videntur *Eusebius* & *Hieronymus* qui hanc Epistolam jam olim à nonnullis *νοθευεσθαι* pro adulterina habitam esse scribunt, *Euseb. lib. 2. histo. Eccles. c. 23. Hieron. in Catal. Script. Ecclesiasticorum.*

IV. Sed hoc est nodum secare, non solvere, neque istius loci tanta videtur esse difficultas ut cogamur eò devenire, & Epistolam quæ se tot *κατασκευασμένη* & in stylo & in doctrinâ verè divinam prædicat propter leves scrupulos statim pro *ψευδemyθιστο* vel saltem libro Apocrypho & dubiæ fidei habere debeamus; facile enim conciliatio institui poterit, siquidem accuratè utriusque Apostoli & scopus & verba expendantur, quod ut clariùs fiat, primò omnium refellendæ erant Pontificiorum glossæ qui hanc conciliationem tentarunt infelicitè; deinde afferenda erit vera & genuina conciliationis ratio, & à cavillis Adversariorum vindicanda.

V. Pontificii non eodem modo omnes hic sese comparant ad hanc tollendam ἀνολογίαν. Plerique putant commodissimè nodum posse solvi distinctione *Justificationis primæ & secundæ*; duplicem enim vulgo constituunt, primam qua homo ex injusto fit justus; secundam quâ ex justo fit justior per justitiæ incrementum, illam quæ peragitur per infusionem habitus fidei & charitatis, istam, quæ per exercitium harum virtutum & bona opera promovetur; illi præparationes & merita congrui præstruunt, isti merita condigni substernunt. Paulum ergo volunt loqui de Justificatione primâ formali per habitum charitatis & hanc negare operibus; Jacobum verò de Justificatione actuali per bona opera, & hanc tribuere operibus. Sic *Tridentinum Conciliabulum sess. 6. c. 10. Bellarmi. de Justif. lib. 11. c. 16. & li. IV. c. 18.* Nos igitur dicimus Paulum loqui de prima Justificatione

qua homo ex impio fit justus, Jacobum de secunda qua Justus efficitur justior. Sic alii bene multi ex illa communione.

V I. Verum $\sigma\phi\delta\epsilon\nu$ hoc $\phi\acute{\alpha}\rho\mu\alpha\kappa\omicron\nu$ difficultati mederi nequit, nec adversantes sententias bene componere; Nam distinctio hæc Justificationis vanissimum est ingenii ipsorum figmentum quod nec cum Scriptura nec cum recta ratione stare potest; Primò supponitur falsa hypothesis quod $\pi\rho\omega\tau\omicron\nu$ \downarrow $\&\delta\&$ est Adversarium Justificationem scil. esse actum physicum qui in infusione habituum consistat, cum constet ex Scriptura actum esse merè forensem & judicalem qui non in nobis inhaerenter, sed pro nobis & de nobis coram Deo relative perficitur, utpote qui situs sit in remissione peccatorum & imputatione Justitiæ Rom. iv. 5. 6. 7. unde condemnationi & accusationi opponitur, Rom. viii. 34. & per processum Judicalem describitur Rom. iii. 22. Rom. iv. &c. Secundò confunditur Justificatio cum sanctificatione, nam quod illi vel de infusione charitatis, vel de ejusdem incremento per bona opera loquuntur, pertinet quidem ad alterum illud beneficium Christi quod in regeneratione situm est, quæ cum paulatim & successivè tantum perficitur, paulatim augeri & crescere debet, ita ut fideles de luce in lucem, de robore in robur, de gloria in gloriam progrediantur & virtutem virtuti addentes 2. Pet. i. crescant in omnibus in eo qui Caput est Eph. iv. 15. sed nihil commune habet cum Justificatione forensi quæ uno actu apud Deum semel peragitur, unde etsi ejus sensus potest in nobis vel major vel minor fieri pro vario hominis statu, quò videtur respicere locus Apoc. xxi. 11. qui justus est justificetur adhuc, Jus tamen ipsum semel collatum idem semper manet $\acute{\alpha}\mu\epsilon\tau\alpha\mu\epsilon\lambda\acute{\eta}\tau\omega\varsigma$ nec augeri potest aut minui. Tertiò falsò Justificationem primam de qua Paulum locutum fuisse volunt adscribunt charitati, cum ipse constanter fidei, nunquam verò charitati eam tribuat. Quartò duæ istæ Justificationes se mutuò elidunt, prima evertit secundam, secunda enervat primam; nam si per primam perfectè sumus Deo reconciliati, & in statu felicitatis constituti, quid opus est secunda? si secunda necessaria est E. prima non verè nos justificaverit, & sic ne Justificationis quidem nomen merebitur; primam autem absolutam esse omnibus numeris & perfectam ex adjunctis & effectis patet, quia pacem conscientiae post se trahit Ro. vi. 1. gloriationem apud Deum ibid. vi. 12. felicitatem & salutem omnimodam Rom. iv. 6. 7. Quintò sic non tantum duæ statuendæ essent Justificationes, sed multo plures, prout enim varii sunt & penè infiniti gradus incrementi Justitiæ, cur non pariter tertia, quarta & quinta & sic deinceps pro variis illis gradibus admitteretur Justificatio? Sextò contumeliosum est in sanctissimum meritum Christi, asserere secundam Justificationem quæ in postris operibus consistit, majorem, auctiorem, digniorem esse apud Deum, quàm primam quæ solo Christi merito nititur, & quidem non primam, sed secundam Justificationem mereri vitam æternam; Ita scil. meritum Christi deprimitur & superbiæ venenum ad gloriantium coram Deo cordibus hominum afflatur, dum liberum arbitrium gratiæ coope-

cooperari in hac justificatione fingitur, sic opera nostra meritum Christi, vel superabunt quod blasphemum, vel perficient quod ridiculum.

VII. Quamvis verò daremus quod falsissimum est, distinctionem hanc ex Scriptura probari posse, certum tamen est eam huic Jacobi loco applicari non posse nec debere. Primò quia loquitur quidem de Justificatione, sed de Justificationis incremento verbum nullum facit, unde perperam illi hæc affingitur sententia. Secundò quia ex serie patet eum verba facere de homine qui fidem jactans sine operibus se existimet per eam solam justificari; ostendit verò inanem esse hanc gloriationem, fidem enim illam mortuam esse quæ careat operibus, & necessariò opera requiri ad id ut justificetur; at si mortua censetur fides sine operibus, mortuus pariter censendus est spiritualiter qui illam sibi tribuit, atque ita non potest justior fieri per opera, sic enim supponeretur jam habere aliquam justitiam, quam nullam habet tamen, sed justus tantum reddi dum per opera talia justificatur. Tertiò si vera esset illa conciliatio, sequeretur Abrahamum simul eodemque tempore fuisse utroque modo justificatum; at posterius ex istis absurdum foret, quia sic opera fidei utramque justificationem præcederent, quod ipsi Adversarii negant. Consequentia patet ex Jac. 11. 23. ubi inquit, *tum impletam fuisse illam Scripturam asserentem Abrahamum Deo credidisse & illi hoc imputatum esse ad justitiam, quum Isaacum obtulit in sacrificium* id. quum ex operibus fidem suam ostendit; unde ita colligere liceret conferendo Jacobum cum Paulo, Quando Abrahamo fides sua ad justitiam imputata est, tum justificatus est absque operibus ex Paulo ad Rom. ac proinde primâ illâ Bellarmini Justificatione; At quando per bona opera, & nominatim per filii sui oblationem fidem suam demonstravit, tum fides ejus ipsi ad Justitiam imputata est ex Jacobo; E. tum etiam justificatus absque operibus ac proinde simul & per opera fidei, & absque operibus ex fide justificatus est in secunda. Quartò Omne opus justum & vitæ æternæ meritorium est ex fide, teste Adversario qui asserit li. 4. c. 18. non posse quemquam ea edere opera ex quibus coram Deo justificetur nisi prius à Deo justus fiat primâ illa justificatione quæ est ex fide absque operibus; At illa fides Abrahami quæ illi ad Justitiam reputata est, fuit opus justum & meritorium, proque tali à Deo judicatum & acceptum quæ sunt ipsa Bellarmini verba ibid. unde fides illa debuit esse ex alia fide, & illa deinceps ex alia, eadem enim semper valet ratio, & sic in infinitum; Quum E. justificatus est ex fide absque operibus ut vult Paulus; justificatus est ex operibus ex Bellarmino, ac proinde coincidit utraque hæc quàm statuit Justificatio. Viderunt hoc & ipsi Jesuitæ; Unde *Justinian.* in ep. ad Rom. c. iv. hanc conciliationem rejicit duabus potissimum adductis rationibus 1. quia si locus Gen. xv. agit de prima Justificatione impii ut Paulus docet, necesse est Jacobum abuti hoc testimonio ad Justificationis secundæ naturam declarandam 2. quia non bene Justificationi secundæ tribui potest quod illi tribuit Jacobus quod Abraham per eam dicatur amicus Dei factus, siquidem jam

jam pridem fuit amicus & Justus. Idem sentit *Estius* in Jac. c. II. non ignobilis ex eadem Societate Scriptor.

VIII. Alii E. Pontificii quibus non placuit istiusmodi commentum, aliam conciliationis viam iniverunt, non distinguendo Justificationem, sed opera quæ fiunt *ante & post fidem*, Paulum negare quidem nos justificari operibus, sed iis quæ præcedunt fidem & quæ facta solius naturæ viribus sine gratia Christi, quælia Gentiles exercebant & jactabant Judæi, Jacobum vero Justificationem tribuere operibus, sed iis quæ fidem sequuntur & fiunt per gratiam Christi. Itaque nullam hæctenus inter eos esse repugnantiam. Hæc est frequentissima distinctio apud eos quæ conantur eludere loca omnia Paulina quæ adducere solemus contra Justitiam inhærentem sive Justificationem ex operibus, quam ex Lombardo & Thoma haustam retinent omnes fere recentiores *Bellar. Becan. Alphonsus à Castro, Salmero*, alii, *Justinian*. verò peculiariter, *Estius, Tirinus* illam urgent ad istorum locorum conciliationem.

IX. Sed non commodior est hæc solutio præcedenti: Primò quia falsissima nititur hypothesi Paulum nimir. in Disputatione sua excludere tantum irregentorum opera quæ fiunt ante fidem, non verò alia quæ à renatis fiunt illamque consequuntur; At contrarium patet innumeris argumentis: primò dicimus cum Salmerone dum ipse rejiciebat distinctionem operum cærimonialium à moralibus quæ ab aliis afferri solet, *non esse limitandum quod Apostolus non limitavit*, sed Apostolus absolutè & simpliciter excludit à Justificatione opera omnia absque ulla restrictione & limitatione E. non quædam tantum, sed omnia intelligit. Secundò operibus malis nihil necesse fuit tanto molimine justificationem detrahare, hoc enim apud omnes fuit in confesso; at omnia opera sine fide facta mala sunt, siquidem teste Apost. *quicquid fit sine fide peccatum est*, Rom. XIV. 25. Tertiò sic intelligenda est exclusio operum apud Paulum ut omnis excludatur gloriatio Rom. III. 27. At nisi simpliciter omnia omnino excludantur opera etiam facta post fidem, non erit exclusa gloriatio, siquidem opera illa finguntur procedere simul cum gratia ex virtute liberi arbitrii, & statuuntur esse merita condigni, at ubi est meritum aliquod ibi est gloriatio *si Abraham ex operibus justificatus est habet de quo gloriatur* Rom. IV. 2. Quartò Exempla à Paulo allata Abrahami & Davidis Rom. IV. non sunt de ipsis ante conversionem & fidem, sed de iis jam conversis; si de Abrahamo locutus fuisset cum primùm ex Ur Chaldæorum evocatus est aliqua cum veri specie exclusiva posset restringi ad opera quæ vocationem ejus præcesserant, sed loquitur de eo jam converso & in medio pietatis curriculo constituto, in quo procul dubio multa jam bona opera ediderat, & tamen cum quærit rationem justificationis ejus, pronunciat non operanti sed credenti fidem imputatam fuisse ad Justitiam, Sic David quum *μακαριον* hominis prædicat in remissione peccatorum, & deprecatur iudicium Dei Ps. XXXII. 1. & CXLIII. 2. non loquitur de se ut infideli & irrogenito,

genito, sed fidei jam & converso; Sic Paulus ipse non tantum de operibus præcedentibus conversionem suam factis in Pharisaismo dixit ea ducere se detrimenta & pro nihilo habere, sed & de cæteris omnibus quæ ab ipso ut Christiano proficisci poterant, postquam enim dixit vers. 7. *quæ mihi erant lucra duxi damnum propter Christum*, loquens in præsentem inquit, ἀλλὰ πρὸς τὸν θεὸν ὅσα κέρδη ἦν οὐκ ἔσθαι non tantum illa abjicio, sed etiam hæc omnia reputo damnum esse, &c. Phil. III. 8. Quinto id ipsum etiam colligitur evidentissimè ex scopo Epist. ad Gal. & statu quæstionis quam persequitur Paulus; neque enim quæstio erat an solis operibus ante fidem & sine Christo possent justificari, quod pertendebant Judæi qui Justitiam suam coram Deo stabilire satagebant, sed an opera conjungenda essent cum fide in articulo Justificationis, quod urgebant Pseudo-Apostoli & alii falsi fratres Judaizantes, nam certum est ex serie orationis & scopo epistolæ eos adversus quos disputat Apost. non fuisse pueros Judæos, sed tales qui Christianismum professi Legem cum Evangelio, vires humanas cum gratia Dei, opera cum fide in Justificationis negotio conjungere nitebantur; nam si cum a-pertis Judæis res illi fuisset, minus solida & firma viderentur pleraque ejus argumenta quum ita concludit, *si per Legem Justitia, E. Christus frustra mortuus est*, Gal. II. 21. *si ex Lege hæreditas, E. non ex promissione*, Gal. III. 18. &c. quod haud gravatè concessuri erant Judæi, sed cum adversus Semi-Judæos & Pseudo-Christianos disputet firmissima est istius argumenti consecutio, quia ne minima quidem officii à Christo præstiti pars nostris quibuscunque operibus tribui potest, quin gratia desinat esse gratia.

X. Sexto, si non excludantur omnia omnino opera etiam renatorum quæ fidem sequuntur, non poterit constare antithesis quam toties urget Paulus inter duo fœdera, Legale & Evangelicum, ut planè ἀντίθετον & incompatibilia, quia in illo obedientiâ propriâ, in hac alienâ & imputatâ justificamur Ro. IV. 5. & x. Gal. III. 12. Phil. III. per illud in nobis, per istud in Christo 2. Cor. v. 21. Jam verò si per opera etiam justificamur in fœdere gratiæ, utique perperam Ap. hunc justificationis modum tanquam fœderis Legalis proprium constanter Evangelico detraxit, sic enim non minus sub Evangelio quàm sub Lege per opera justificaremur. Septimò si ea fuit Pauli sententia quæ illi tribuitur ab Adversariis excludendi scil. tantum opera naturæ & ante fidem, mirum est quod Apost. toties tam disertè & constanter fidem opponit operibus, nunquam verò *opera naturæ, operibus gratiæ*, quod tamen imprimis fecisset ad ejus propositum ad declinandam invidiam quâ gravari solebat, nam ipsius Adversarii ejus doctrinam ex eo potissimum traducere solebant, quasi laxaret habenas carni & peccatorum esset pulvinar gratuitam peccatorum remissionem promittendo, si itaque credidisset Justificationem fieri ex operibus gratiæ, nonne proclive illi fuisset respondere se non negare simpliciter Justificationem ex operibus, sed tantum ex operibus naturæ sine fide factis, Cum verò toties tam disertè & constanter

Apost. Justificationem fidei tribuat & adimat operibus, nulla unquam adhibita exceptione aut distinctione operum, liquidum est eum omnia omnino opera ab hoc negotio exclusa voluisse; Ex quibus, ne plures rationes congeramus quæ ad evertendam hanc Adversariorum hypothesim afferri possent, satis constat non posse hac viâ tolli repugnantiam inter Apostolos, cum Paulus utraque opera & naturæ & gratiæ complexus fuerit: Accedit etiam quod neque admittenda hac glossa Jacobus cum se ipso consentire videretur, dum ait Scripturam quæ describit Justificationem fidei Abrahami impletam fuisse cum obtulit filium suum; nam duobus modis tantum hoc intelligi potest, vel ut sensus sit Abrahamum credidisse & ejus fidem imputatam fuisse in partem Justitiæ, vel in solidam & plenam justitiam; si posteriori sensu intelligatur cadit Adversariorum sententia, nam si fides pro solida justitia reputata est, nihil opus fuit operibus; si priori non minus absurda erit ratiocinatio, Scriptura testatur Abrahamum fuisse quadantenus Justificatum cum credidit, E. hoc testimonium Scripturæ impletum est cum offerret filium; nulla verò hic est cohæsiō & dependentia; Ne jam dicamus perperam Justitiam hominis in partes dividi, quasi posset dici imputari ad Justitiam quod locum Justitiæ tantum partialis & imperfectæ obtinet.

XI. Missis ergo Pontificiis qui cæco errorum suorum præjudicio fascinati verum nec vident nec videre volunt, & nihil aliud agere videntur, quàm ut quibuscunque possunt modis τῇ ὑποθέσει δελεῶσι; Age videamus quid hac in parte statuant Orthodoxi; Diversimodè enim scrupulum hunc tollere etiam fategerunt. Quidam distinguendo *Justificationem coram Deo & coram hominibus*, ita ut de illa Paulus, de hac verò Jacobus loquatur. Alii distinguendo *opera* quæ vel *proprie* sumi possunt, vel *metonymicè* pro causa sua nimirum *fide*, ut Paulus operibus *proprie* sumptis justificationem detrahat, Jacobus verò eandem illis tribuat, sed metonymicè intellectis id. fidei vivæ & efficaci; Verùm quia neutra videtur planè satisfacere, Non prior, quia ut ex progressu patebit aliquid ulterius in Jacobo videtur insinuari præter ostensionem justificationis coram hominibus; Non posterior quia durior est & minus usitata hæc metonymica locutio, nec cum textus circumstantiis ubi fides & opera distinguuntur & præsertim vers. 22. satis consentire videtur; dispiciamus an non facilius quædam locum interpretandi, & difficultatem propositam tollendi ratio nobis suppetat.

XII. Hic verò duo ante omnia præstruenda sunt fundamenti loco: Primò hanc non esse veram & realem, sed tantum apparentem contradictionem, nam quis dixerit Apostolos hosce qui manus conjunxerant ad cooperandum Gal. 11. 9. linguas tamen divisisse ad contendendum? imò cum idem Spiritus per utrumque Apostolum locutus sit, qui non est *Etiam & Non*, sed *Etiam in Christo* 2. Cor. 11. 9. id constantissima veritas, fieri nequit ut quicquam sibi ipsi adversum & repugnans asseruerit; itaque si per Paulum Justificationem soli fidei, per Jacobum

cobum verò eandem & operibus acceptam refert, illud utique intelligendum est *κατ' ἀλλο & ἀλλο*. Secundò tenenda etiam est Theologorum regula nullum esse fidei dogma quod non alicubi in Scriptura clavis & perspicuis verbis proponatur, nam ut benè August. de doctr. Christi. l. 2. c. 6. *magnifice & salubriter Spiritus S. Scripturas ita modificavit ut locis apertioribus fami occurreret, obscurioribus verò fastidia detergeret, nihil enim ferè de illis obscuritatibus eruitur quod non planissime alibi dictum reperiat*, perspicuitas verò illa quærenda est potissimum iis in locis ubi argumentum tractatur ex professò & tanquam in propriâ sede suâ; Unde quum quæstio circa tale aliquod dogma oritur recurrendum est ad illa loca, ut ex iis de cæteris iudicium fiat in quibus Scriptores sacri forte obscurius vel saltem obiter tantum & aliud agendo de eodem verba fecerunt; Cùm ergo quæstio sit de momentosissimo Religionis nostræ articulo videndum imprimis ubi dogma istud expresse & velut in propria sede tractetur; Constat autem, & nemo ut opinor diffiteri audebit argumentum hoc propriissimis & clarissimis effatis à Paulo proponi non semel in epist. ad Rom. Gal. & Ephes. ideoque non Paulus ex Jacobo qui semel tantum & aliud agens justificationis meminit, sed potius Jacobus ex Paulo exponendus, qui toties tamque perspicuè mentem suam hîc aperuit; videndumque diligenter ne quid in enodatione loci Jacobi afferatur quod analogiæ fidei in hoc articulo à Paulo constitutæ repugnet; Hoc verò facîle fieri poterit si quatuor hæc diligenti examine ponderemus I. Occasionem & Scopum utriusque Apostoli II. Nomenclationem fidei quæ utrobique usurpatur, III. Vocabulum *Justificationis* de quâ fit mentio. IV. *ἁλόν* variam *Homini* qui justificatur, Ex hisce enim quatuor plenam Jacobi cum Paulo conciliationem pendere arbitramur.

XIII. Hîc E. obversari primò illud debet Hilarii *Intelligentiam dictorum ex causis sumendam esse dicentium*; ex varia enim sermonis occasione, varius oritur loquentis scopus & diversus loquendi modus, ut aliter Christus loquitur, ad præfactos & superbos Phariseos, aliter ad auditores cupidos veritatis & demissos, aliter Paulus se comparavit cùm Timotheum in gratiam infirmorum circumcidit Act. xvi. vers. 3. aliter cùm Titum ob falsorum fratrum contentionem circumcidi noluit, Gal. ii. 3. Ita hîc occasio & scopus utriusque Apostoli mirum quantam lucem inferat huic negotio. Et ad Paulum quod attinet Scopus ejus in Epistolis suis non est obscurus, nimirum ut potissimum illi certamen fuit cum Phariseis & Pseudo-Apostolis qui merita sua & Justitiam vel pro gratia substituebant, vel cum gratia conjungebant; ita in eo totus fuisse videtur ut justificationis veram rationem & causam declararet, eamque gratiæ in solidum per fidem apprehensæ nullis autem operibus nostris quæcunque tandem illa sint transcriptum iret; in eumque finem adducit exempla Abrahami & Davidis qui non alio modo justificati sunt: Jacobus verò longè aliud intendit, aliud quippe hominum genus aggreditur Epicureos scilicet & Libertinos qui

verbo & ore tenus fidem Christianam professi, vitâ & factis eandem abnegabant, atque ita gratiam Dei in carnalem licentiam & profanam peccandi securitatem convertebant, acquiescentes interim in tali fidei simulachro quasi propterea essent omnium iustissimi; Jacobo ergo propositum est arguere neglectum hunc operum & stultissimum eorum delirium, qui inter Christianos fidem cujus nomen erat illustre externâ tantum specie & professione metiebantur, fidem jactabant, opera negligebant. Hi autem quia Justificationis fidei nomine abutebantur, & ex sententiâ Pauli perperam intellecta, nec non ex Abrahami exemplo studium bonorum operum ceu inutile & supervacaneum susque deque habebant, Jacobus eodem exemplo in illos rotorto inanem illam jactantiam contundit, ut ne sola professio tantum sufficere, vel in ea vera fides sita existimaretur. Vidit hoc Aug. in Ps. xxxi. *Jacobus, inquit, vult corrigere eos qui male Paulum intelligendo, volebant bene operari de sola fide presumptentes.* Itaque adversus utrosque sicut contraria planè fuit controversia, contrario etiam modo fuit disputandum; Illi adversus quos disputat Paulus operum Justitiam stabiliebant; Isti cum quibus agit Jacobus, non operum modo justificationem, sed ipsa etiam opera quasi parum homini Christiano necessaria de medio tollebant, sicut E. adversus illos ita defenditur gratuita Justificatio ex fide, ut bona opera non tollantur quin potius passim efficacissimè commendentur, sed tantum Justificandi Vis illis detrahatur; Ita adversus istos liquidum est opera ita stabiliri, non ut justificandi vis illis tribuatur, sed ut vera Justificatio ex illis tanquam ex effectis colligatur, Illic de Causa Justificationis quæritur, hîc de effectis, Illic excluduntur opera tanquam Justificationis causæ, hîc admittuntur tanquam effecta. Illic disceptatur quomodo Justificemur, hîc quomodo justificatos nos esse intelligamus, Illic negantur opera præcedere justificandos, hîc dicuntur justificatos consequi. Illic agitur cum Phariseis & Justitiaris, hîc cum Epicureis & Profanis. Ergo pro ratione scopi quem intendebant & hominum ad quos scribebant, diversimodè Apostoli mysteria hæc fidei ad institutum suum accommodare debuerunt; Ut enim parùm appositè Paulus opera urfisset adversus Phariseos qui nihil nisi opera quærebant, Ita frustra Jacobus adversus profanos probasset nos non Justificari operibus, qui opera ne ut Testimonia quidem & effecta justitiæ requirebant, nedum ut plusquam par esset illis tribuerent.

XIV. Ex quibus jam satis liquet nullum hîc esse Jacobo cum Paulo certamen, quandoquidem enim diversum planè scopum respiciebant, diversa itidem ineunda fuit via ut geminum illum errorem & *superbia Pharisæica* ex operum falsa confidentiâ, & *Profana licentia* cum vana fidei jactantia ex cordibus hominum radicitus evellerent. Ut verò ad superbam retundendam eorum arrogantiam qui bona sua opera jactantes iis præsidebant, indeque se justificatum iri præsumebant nullum Abrahami exemplo aptius afferri potuit, qui sanè si quicquam alius mortalium ex bonis operibus quibus ejus vita sancta relucebat, ju-

stificari debuisset, quod cum ne ipsi quidem contigisse coram Deo doceat Apostolus, quanto minus cuiquam ex ejus posteris hoc idem sperandum fuerit aut præsumendum? Ita ad larvatam impietatem carnalium hominum retegendam, Rahabæ exemplum inter alia convenientissimum fuit, quippe quæ nuper tantum ad veri Dei cognitionem & cultum conversa & in vera Religione adhuc Neophyta, fidei tamen suæ veritatem insigni illo charitatis & misericordiæ opere erga veri Dei servos comprobavit & testata est, quanto magis idem Christianos homines deceat in Christi schola sub luce & gratiâ Evangelica enutritos?

XV. Quamquam verò *Bellar. lib. I v. de Justific. c. 18.* nonnihil hîc reponere conetur, dum contendit scopum Jacobi fuisse non demonstrare *quæ sit vera fides*, sed *fidem veram atque Catholicam ad salutem sine operibus non sufficere* & fidelem qui bene operatur in justitia crescere, qui malè operatur Justitiam amittere, & fidem in eo mortuam & otiosam manere, quod probare vellet, tum ex auctoritate Augustini qui lib. de fid. & oper. c. 14. docet Jacobi Epistolam dirigi adversus hæresin tunc recens exortam eorum qui dicebant fidem ad salutem sine operibus sufficere, tum ex c. 1. vers. 23. *Estote factores verbi non tantum Auditores* & c. 11. 1. ubi hortatur eosdem ne habeant fidem D. N. in *μεσωπολησίαις*. Hoc, inquam, nullius est ponderis & facilè retunditur 1. peccatur ignorance Elenchi, aliud enim est loqui de scopo totius Epistolæ generali, aliud de scopo particulari hujus capituli, atque imprimis postremæ ejus pericopes, damus enim facilè scopum generalem Jacobi in hac Epistola non esse tantum ostendere *quæ sit vera fides*, siquidem constat totam Epistolam paræneticam esse quæ hortatur fideles ad constantiam in afflictionibus, perseverantiam in fide, & profectum in vitâ Christiana; sed negamus peculiarem hunc scopum esse istius capituli. Imò contrarium evincimus ex ipso textu ex quo constat Jacobum non agere primariò & principaliter de *Justificatione*, sed de *fide* non de *justificatione hominis peccatoris*, sed de *manifestatione hominis fidelis*, atque adeo de ipsa fidei demonstratione. Pater tum ex propositione Apostolicæ disputationis, tum ex ejusdem conclusione, propositio duplex est, tum remota v. 1. tum proxima vers. 14. Illic inquit, *fratres mei ne in μεσωπολησίαις habete fidem Domini nostri Jesu Christi gloriosi*. Isthic, *Qua utilitas fratres mei, si quis fidem habere dicat, opera verò non habeat, potestne ista fides eum servare?* Ex quibus liquet, de fide tantum quæstionem fuisse, eaque ostendenda operibus citra *μεσωπολησίαν*, nam ut in primo versu docet proso-polepsiam non posse cum fide benè consistere ita v. 14. generale notat hypocritarum vitium qui inani fidei jactantia gloriabantur, licet operum curam negligerent, occupans enim objectionem alicujus hypocritæ qui fidem solam obtinens, de justificatione & salute securus videbatur, ait *qua utilitas fratres mei &c.* In sequentibus omnes probationes suas hinc petit Apost. quòd fides absque operibus nulla sit, quòd sit mortua, &c. Conclusio idem ostendit vers. 26. *quemad-*

modum enim corpus sine spiritu mortuum est, ita & fides sine operibus mortua est, de fide enim concluditur quæ vera sit & vitalis, non de justificatione, ex quibus liquet verum scopum Apostoli esse docere, non eam esse veram & salvificam fidem quæ per opera se non ostendit de qua gloriabantur isti hypocritæ, sed inane tantum ejus simulachrum, ut corpus vivum non est quod non respirat: Itaque fideles si velint esse reipsa quod videntur debere in id sedulo incumbere ut fidem suam operibus testatam faciant. 2. Peccatur etiam falsiss. hypoth. nim. fidem quæ operibus destituitur esse veram & Catholicam quamvis ad salutem non sufficiat, cum tamen Jacobus eam mortuam vocet & Diabolicam. 3. aliud est ad salutem sine operibus non sufficere, aliud ad salutem acquirendam sive ad justificationem, prius non illibenter concedimus, fidem scilicet non sufficere sine operibus ad salutem possidendam & adeundam, ut qui novimus opera viam esse ad cælum quam Deus paravit ut in ea ambulemus Eph. II. 10. sed posterius negamus contra Pontificios qui vellent opera fidei adjungere in articulo justificationis; cum tamen luce meridiana clarius sit Scripturam eam soli fidei tribuere, nec aliter fieri posse quin abrogetur fœdus gratiæ 4. merum est figmentum quod ait Jacobum loqui de incremento Justitiæ, cum nihil tale vel expressè in ejus verbis contineatur, vel per necessariam & evidentem consequentiam ex illis elici possit.

XVI. Frustra verò ad August. provocat, nam dicit ille quidem temporibus Apostolorum, non benè intellectis quibusdam sententiis Pauli, putasse quosdam ad salutem obtinendam fidem solam sufficere id. solam fidei professionem & præsumptionem, quod patet statim ex ipso loco cum ait; *Apostolus quum dicit hominem justificari fide sine operibus, non hoc vult ut præcepta & professæ fide opera Justitia contemnuntur, sed ut sciat se quisque per fidem posse justificari, etiamsi Legis opera non præceperint, sequuntur enim Justificatum, non præcedunt Justificandum.* interim tamen fidem hanc nupiam veram & Catholicam vocat, sed contra mortuam disertè dicit & per consequens inanem & Ἰσθμῶν, Quousque igitur, inquit, falluntur qui fide mortuâ sibi vitam pollicentur, Ita Aug. non urget opera ut Justificationis causas; sed ut fidei fructus, ut ibid. testatur. Præterquam quod aliud est, fidem sine operibus non prodesse, quod ait August. & nos cum ipso agnoscimus: Aliud fidem sine operibus non sufficere ad Justificationem, quod vellet Adversarius, & nos negamus. Nihil Ergo præsidii habet in autoritate Augustini. Nihil etiam eum juvant loca allata, nam ex primo Jac. I. 23. colligitur tantum finis generalis Epistolæ, hortatio scilicet ad sanctitatis studium, quia Lex non Auditores tantum sed & factores postulat, Evangelium enim cum promissionibus sua etiam habet mandata, ad quorum observationem nos hortatur. Ex altero verò c. II. 1. nihil potest inferri nisi fidem eam vanam esse quæ laborat prosoptolepsiâ, & destituitur charitate seu bonis operibus, quod illud ipsum est quod intendimus.

XVII. Secundò, Præter considerationem scopi, qui utrobique diversus est, distin-

distinguenda etiam est vox fidei, quæ aliter à Paulo sumitur, aliter à Jacobo intelligitur; Paulo fides veram & vivam fidem designat, Jacobo verò fidem mortuam, larvam tantum fidei quæ κατὰ γένεσιν, demum nomen hoc sibi vindicat, & quam per meram concessionem, ne de verbis litigare videatur eo titulo insignivit. Paulum enim non aliam quam fidem vivam intelligere, clariùs est quàm ut probatione indigeat, cum non semel testetur eam esse efficacem per charitatem; Jacobum verò disputare contra inanem fidei jactantiam, & huic Justificationem detrudere, multa sunt quæ demonstrent. Primò scopus Jacobi jam indicatus, qui potissimum aciem styli stringit in eos qui malè Paulum intelligendo nolebant bene operari, de sola fide præsumentes, ut dicebat Augustinus; Igitur fides Jacobo nihil aliud est quàm professio vel præsumptio fidei, fides nolens bene operari, quæ fides non salvifica sed inanis; non viva sed mortua, non efficax sed otiosa & sterilis est. Secundò Omnes textus circumstantia; Nam eam intelligit fidem, non quam quis habeat revera, sed quam quis dicat se habere vers. 14. *Qua utilitas*, inquit, *fratres mei si quis fidem dicat se habere*. Secundò eam quæ in verbis duntaxat & externa professione consistat, ut si quis pauperi nudo & stipem petenti bona det verba, sed nihil subsidii, vers. 15. quemadmodum enim charitas hæc quæ in verbis tantum consistit inanis est & falsa, ita fides sine charitate & operibus. Tertiò non aliam notat quàm ea quæ sit mortua vers. 17. *Sic fides*, inquit, *si opera non habeat mortua est quoad se*. Quartò eam quæ sit homini communis cum Dæmone, & quæ sit tantum divinæ Essentiæ, non item benevolentia & gratia specialis, quod proprium & peculiare fidei Justificantis est objectum, vers. 19. *Tu credis Deum esse, diaboli pariter credunt, & contremiscunt*. Quintò eam quæ vana sit & vanum hominem reddat, vers. 20. *Vis cognoscere ô homo vane quod fides sine operibus est mortua*, ex quibus clarum est Jacobum loqui de inani nomine, & merè externa fidei professione, quæ instar nummi adulterini ostendet quidem summi Magistratus Ἰσχυρὰ & Φύς, & insignia, sed cuprum habeat pro auro, vel stannum pro argento, unde colligitur fidem aliam à Paulo, aliam à Jacobo prædicari, & per consequens nullam inter eos esse repugnantiam, quia non affirmant idem de eodém, sed de diverso; Paulus tribuit Justificationem soli fidei, sed vivæ & efficaci; Jacobus verò detrahit, sed mortuæ & hypocriticae, quæ in nuda hominis professione posita est, vel merè historicâ veritatis notitiâ qualis in Diabolos cadit. Facit hic nobiscum Justinianus in Rom. iv. *Semper ego existimavi, tam Paulum quàm Jacobum de prima Abrahe Justificatione disputare, sed Jacobum suæ fidei otiosæ detrudere quod vivæ tribuebat Paulus*; facit Salmero in istum Jacobi locum, *Accedit ad confutandum eorum errorem, qui inani tantum fidei vocabulo gloriantur, & Christianam libertatem suorum peccatorum velamentum faciunt, & sibi & mundo, non autem Christo vivunt, ut canes redeuntés ad vomitum*; facit Tirinus qui agnoscit intelligi fidem à Jacobo quæ vana sit, inanis, infructuosa possessori suo, item exsucca, exsanguis, elumbis & sæda instar Cada-

veris putrescentis, quæ sanè Elogia fidei Justificanti quam Paulus urget nemo sanus tribuere aufit; Hoc autem jam observatum fuerat ab August. lib. de fide & operibus c. 14. & quæst. ad Dulcit. q. 1.

XVIII. Quamvis verò distinctio hæc luce meridiana clarior sit, non vult tamen eam agnoscere Bellarminus, imò omnem movet lapidem, ut eam evertat, & Jacobum ostendat non minùs quàm Paulum loqui de vera & salvifica fide, rationes affert varias; Primò Quia Jacobus eam absolutè fidem appellat quod nomen in sacris literis semper veram fidem significare solet. 2. Quia in eodem capite vers. 22. de eadem fide loquens in persona Abrahamæ dicit eam cooperatam esse operibus & ex operibus esse consummatam; At fides Abrahami non umbra fidei, nec inanis articulorum notitia sed fides verissima fuit. Tertiò quia dicit fidem bene justificare, sed non solùm *Videtur quod ex operibus justificatur homo, & non ex fide tantum*, vers. 24. supponit ergo fidem aliquatenus & ex parte justificare; At fidei umbra & larva non justificat. Quarto quia comparatur homo habens fidem sine operibus diviti qui cognoscat quidem inopiam pauperis, sed nihil tamen subsidii illi erogat; Ut ergo verissima est illa agnitio inopiæ pauperis, ita & vera fides, quæ operibus destituitur v. 15. Comparatur etiam corpori sine spiritu quod non potest negari verum esse corpus, licet mortuum. vers. 26. *Sicut corpus absque spiritu mortuum est, ita & fides illa quæ est absque operibus mortua est*. Sic ille lib. 1. de Justifi. c. 15.

XIX. Verùm etsi sudat nitendo ne hilum tamen ratiunculis suis proficit; In prima peccatur bifariam; Primò dum supponitur fidem dum absolutè ponitur semper veram fidem designare id est salvificam & Justificantem de qua Paulus agit & quæstio nostra instituitur (aliàs si laxiùs sumatur *vera fidei* nomen, non diffitemur fidem historicam vel temporariam etiam suo modo veram esse *objectivè* quatenus verè assentitur Verbo & verum esse credit.) Falsum autem hoc esse innumeris exemplis ostendi potest; fides Simoni Mago tribuitur Act. VIII. 13. qui & ipse credidisse dicitur, nec verè tamen sed simulatè, sic Dæmones credere dicuntur, non tamen ad fiduciam & salutem, sed ad terrorem & desperationem; multi dicuntur credidisse in Christum propter miracula quæ patrabat; Joh. 11. 23. nec tamen verè & salvificè quia *Christus se illis non credebatur cognoscens quid in homine esset* vers. 24. 25. Sic sæpissimè absolutè fides cum ponitur, vel fidem miraculorum significat 1. Cor. XII. 2. Matt. XXI. 21. 22. &c. vel doctrinam ipsam fidei, Act. VI. 3. vel professionem doctrinæ Evangelicæ Rom. 1. 8. Act. XV. 5. &c. Porro non insolitum est hoc loquendi genus in Scriptura ut τῶν φαινομένων den-
tur nomina τῶν ὄντων, sive τῶν συγχαμένων ad hominem argumentando, ut Paulus dicit Dei beneplacitum fuisse salvare credentes per stultitiam predicationis, 1. Cor. 1. 21. non quod tale sit re ipsa Evangelium, sed quod tale habeatur mundo & carni, sive Ironicè, ad hominum vanitatem redarguendam ut 1. Cor. IV. 8. *Jam saturati estis, jam divites facti estis, sine nobis hætenus regnum adepti estis, quod post-*
ca

ea corrigit in sequentibus, atqui utinam regnetis, ut & nos vobiscum regnemus. Ita Jacobus per meram concessionem fidem hanc hypocriticam fidem vocat, quia illi qui eam profitebantur fidem eam nominabant & de ea gloriabantur, licet fidei nihil haberet præter externam professionem, vel inanem quandam mysteriorum sacrorum notitiam; Vidit hoc Oecumenius, Ad duo fidei significata refertur fidei nomen; nam fidem solemus usurpare, tum de simplici concessione ejus quod apparet, sicut etiam Dæmones scimus credere Dei filium; Et rursus appellamus fidei nomine id quod consequitur ex firmâ dispositione cum certo assensu. Secundò falsò etiam supponit Jacobum absolūtè fidem vocare, nam & articulus quem addit vim suam habet ad eam peculiariter & διακριτικῶς distinguendam, num potest ἡ πίστις servare ipsum non tantum fides, sed hæc fides, talis fides; & circumstantiæ connexæ eam satis determinant, quum vocat eam fidem mortuam, & dæmonibus communem, imprimis verò illud evincit, quod non dicitur fides haberi, sed tantum jactari, Si quis dicat se fidem habere, hoc enim tam generale est ut non tantum τῷ ὄντι, sed etiam τῷ φανόσκειν complectatur, ut I. Joh. 1.1.4. Qui dicit novi eum, & mandata non servat, mendax est, & vers. 9. qui dicit se esse in luce, & fratrem suum odit, in tenebris est, &c.

XX. Ad secundum falsò iterum supponit Adversarius, fidem contra quam Jacobus disputat, & de qua quæritur inter nos, eandem esse cum fide Abrahami de qua loquitur postea; Cum certum sit Apostolum has à se invicem distinguere; nam ut doceat fidem illam, de qua hypocritæ isti gloriabantur, falsam & inanem esse, opponit fidem Patris credentium, quæ mortua non fuit, sed efficax per bona opera, patet ex vers. 20. 21. &c. Vis verò cognoscere ô homo vane quod fides sine operibus mortua est? Abraham Pater noster nonne ex operibus justificatus est oblato filio suo, &c. quasi diceret; Vis hoc amplius cognoscere, fidem scilicet, quam jactas, veram fidem non esse nec quâ securè niti possis? confer fidem illam cum Abrahami exemplari, nam cum à Deo proponatur ut Pater credentium, cujus fidei vestigiis insistere omnes decet, dubium non est quin veram fidem habuerit, quid verò ille, nonne Isaacum obtulit? Itaque non habuit fidem quam opera non consequerentur, sed illum verè per fidem justificatum fuisse res ipsa ostendit quum opus hoc ederet justitiæ vers. 22. & tum plenè patefactum est quàm merito de eo scriptum sit quod crediderit Deo & illi imputatum sit ad Justitiam vers. 23. unde solidè colligit Jacobus cum fides istorum nihil simile habeat cum fide Abrahami, falsò tanquam veram & salvificam obtendi; Nemo ergo dixit unquam quod nobis imponit Bellar. Abrahami fidem umbram fuisse, sed ex Abrahami fide fidem definire omnium, & eorum maximè qui solam externam fidei larvam haberent, iniquum esse pronunciamus & planè contra mentem Jacobi, qui hæc comparat ut dissimilia, ut ex unius veritate alterius vanitatem evincat. Cæterum quod fides dicitur *cooperata bonis operibus* ὅτι ἡ πίστις συνήρπυε τοῖς ἔργοις αὐτῆς, non referendum est ad ipsam Justificationem, sed simpliciter ad connexionem

xionem operum cum fide, ut significetur neque opera fuisse sine fide, neque fidem fuisse absque operibus, quod præcipuè quærebatur, sed efficacem fuisse & fœcundam per bonum illud opus, quatenus oblatio illa filii fuit egregiam fidei opus, ut Heb. xi. 17. dicitur *per fidem obtulisse*; Atque ita non incommode posset hoc verbum compositum quod apponitur, per tmesin satis Jacobo usitatam c. ii. 6. 13. & iv. 11. resolvi in simplex ἡ πίστις ἢ σὺν τοῖς ἔργοις αὐτοῦ ἤργει, *fides cum operibus existens operabatur*, id est non sterilis & otiosa mansit, ut isti volebant: Quo sensu verò consummata dicatur, non quoad essentiam, sed quoad declarationem jamjam dicemus.

XXI. In tertia Exceptione, peccat fallacia interpretationis, quasi Jacobus vers. 24. cùm ait *videtis quod ex operibus justificatur homo & non ex fide tantum*, Justificationem fidei aliquatenus & ex parte tanquam causæ sociæ cum operibus tribueret: at hoc ex verbis elici nequaquam potest, non partitur enim Justificationem inter opera & fidem, sed totam operibus tribuit, fidei totam derogat, scilicet illi fidei de qua quæstio erat & quam hypocritæ præ se ferebant: Non dicit, videtis quod homo non fide tantum, sed etiam operibus simul cum fide Justificatur, vel videtis quod etiam ex operibus justificatur homo, & non ex fide tantum; particula enim ἢ vel alia aliqua similis addenda fuisset ad denotandam conjunctionem operum cum fide in Justificatione tanquam causarum sociarum, sed dicit simpliciter, *Videtis quod ex operibus justificatur homo, & non ex fide tantum*, id est, non ex fide illa solitaria & operibus vacuâ quam pertendebant, quæ revera nihil aliud est quam umbra & larva fidei: hominem autem non justificari ex illa fide, evicit exemplo fidei Abrahami, quæ alia planè fuit, viva nimirum, & efficax, unde colligit per consequentiam necessariam transeundo ab hypothesi ad thesim, neminem posse justificari per illam inanem fidem, quæ ultra professionem externam fidei quæ creditur non pergit, sed fide salvificâ quæ veram suam ἐνέργειαν ostendat per bona opera, quia eadem omnium fidelium debet esse Justificatio & fides illius organum; quâ fide enim justificatus est Abrahamus credentium Pater, eadem & omnes ejus filii Ro. iv. 12.

XXII. Ad quartum Resp. Comparatio prima adversarium jugulat, nam sicut charitas illa divitis, quæ bona verba dando pauperi, nullum tamen reale subsidium erogat, ficta est & inanis, & charitatis nihil nisi nomen habet, siquidem teste Johanne Charitas non in lingua, sed in opere & veritate sita est, i. Joh. i. 17. 18. *nam qui habuerit mundanas facultates, & viderit fratrem suum egentem, & clauserit viscera sua coram eo, quomodo charitas Dei manet in eo?* Amemus, inquit, non linguâ, sed ἐργῶ καὶ ἀληθείᾳ, Ita omnino fides illa quæ caret operibus vana est & inanis. Altera verò similitudo quam subjicit, non magis ad rem facit, nam ut Corpus sine spiritu mortuum est, id. ex respirationis cessatione agnoscitur esse mortuum, ita fides deprehenditur esse mortua ex defectu operum. Dices, At sicut Cadavet est verum corpus licet sit mortuum, ita & fides vera erit licet mortua,

tua, Resp. Cadaver esse quidem verum Cadaver, sed non esse verum corpus ejusdem speciei & naturæ cum Corpore vivente, ideo ut cadaver & corpus vivens, juxta Philosophos, tota specie differunt, necesse quoque est tota specie differre fidem vivam & mortuam, nec *σωμα* hîc præcisè sumi debet pro mole corporea, cujus partes sunt extra partes, sed potius pro homine vel pro animali, quod vivere intelligatur si adhuc respirat, si verò secus, censeatur mortuum, quomodo non raro sumitur vox *σωματ*, & apud Sacros, & apud profanos Scriptores, Apoc. XVIII. 13. nundinatio *σωμάτων* id. hominum proponitur, hinc & illud *Σώματα πολλὰ τέλει* &c. Ita vox *πνεύματ* non innuit propriè animam, sed spiritum id est spirationem, halitum, flatumve vitæ, quo cessante cessat vita moriturque animal, sic Isa. II. 22. Pl. CIV. 29. & sic Lxx. Pl. CXIX. 132. *attraxi πνεύμα* id. halitum; eodem sensu Spiritus vocabulum usurpat Tertull. Apol. c. 6. *Ideo & oscula propinquis offerre necessitas erat, ut spiritu indicarentur.* Mens ergo Jacobi erit, ut corpus ex defectu respirationis mortuum esse agnoscitur, ita & fides si careat bonis operibus, nam hoc est inter omnes gentes commune corporis mortui experimentum, unde ad majorem certitudinem mortuorum ori speculum adhiberi solet, ut ex illius claritate vel obscuracione cognoscatur an Spiritus insit. Soli autem non sumus in eâ sententiâ, Cajetanus inter Porcificios hoc ipsum agnovit, cujus verba quia eximia sunt referre non pigebit. *Appellatione Spiritus non significatur anima, sed halitus, ceu status, & apè comparat opera flatui, quemadmodum enim corpus animalis si non spirat mortuum est; Ita fides si non parit opera, mortua est, status siquidem est effectus corporis vivi, & similiter operatio est proprius effectus fidei vivæ, unde apparet quo sensu dixerit superius fidem sine operibus mortuam esse, non quod sentiat opera esse formam fidei, sed quod sentiat opera esse concomitantia fidem, sicut halitus comitatur vitam corpori.* ita *πνεύμα* non intelligendum est *ἐσωδω*, sed potius *ἐνεργητικῶς*, ipsa vitalis actio, qualis est in homine vel in animali *πνοή καὶ ἀναπνοή*, qua præsentè manet corpus animatum, deficiente verò, fit cadaver; nec sane aliter sine gravi absurditate potest intelligi; alias dicendum esset quod ut ex anima & corpore resultat tertium scil. homo, ita ex fide mortua & operibus resultaret tertium quid nimirum. fides salvifica: at fides justificans suam habet formam *ἐσωδὴ* à natura sua, non verò à charitate, quæ est quidem *essentiale consecutivum*, sed non *constitutivum* fidei, fides enim non est vera & viva, quia operatur per charitatem, sed ideo operatur per charitatem quia est viva, ut charitas sit effectus & signum vitæ fidei, non causa.

XXIII. Licet autem hæc distinctio fidei multum jam conferat ad conciliationem quam quærimus, non tamen sola sufficere potest, nisi & Justificatio distinguatur. Cum enim Jacobus non dicat tantum hominem non Justificari fide, sed pertendat justificari operibus, quod negat disertè Paulus, contradictio planè tolli non poterit, nisi cum fide distinguamus etiam Justificationem & Justificandi verbum, bifariam enim sumi potest, & non semel usurpatur in Scriptura, vel pro

Justificatione ipsa, hoc est absolute illa quam ex *Justitiâ Christi* imputatione consequimur apud Deum, vel pro ejusdem *declaratione* & ostensione, & coram Deo & coram hominibus. Prima *Justificatio causæ* bene dicitur, quia in ea nomenclatione involvitur consideratio causæ, & rationis formalis propter quam à Deo justî pronunciamur; Posterior *Justificatio effecti & signi*, quatenus includit testimonia & argumenta, ex quibus à posteriori cognoscitur & declaratur Justificatio; prima *fidei* est, altera *operum*, illa primaria est & præcipua istius vocis significatio, ista secundaria & minus propria, nec tamen planè insolens & inusitata in Scriptura. Nimirum ut habet Canon Theologorum, *Verba quæ fieri, esse, vel agere aliquid significant, quandoque non tam essentiam, vel actum, quàm ejusdem notificationem qualiscumque illa sit, denotant*, sic Levit. xiii. 3. ubi agitur de leproso qui adducendus est ad Sacerdotem, postquam eum inspexit וסמא חורו tum imputabit illum id est impurum eum declarabit, seu immundum pronuntiabit, & vers. 31. מוּנְדָבִיט id est mundum pronuntiabit, sic Matth. v. 45. *diligite inimicos vestros, orate pro iis qui vobis maledicunt, ut sitis filii patris vestri qui est in coelis*, quomodo filiatio dicitur consequi dilectionem cujus est causa, nisi enim jam essent filii, non possent talia opera charitatis præstare? hic ergo valere debet regula posita *Tunc dici aliquid esse aut fieri, quum esse intelligitur aut declaratur, ut sitis filii*, id est, ut re ipsa vos tales exhibeatis & demonstretis; sic Act. x. 15. *quæ Deus purificavit tu ne xolus profanus*, id est ne profana esse dicas vel ducas, ut ipse Petrus vers. 28. interpretatur. Ita ne longius recedamus ab instituto nostro ipsum *justificandi* verbum non rarò sumitur Luc. vii. 29. *Omnis populus audiens, & Publicani ἰδικαίων justificaverunt Deum, baptizati baptismo Johannis*, Id est, tribuerunt Deo laudem bonitatis & justitiæ humiliter peccatorum confessione & Baptismi susceptione, & vers. 35. *Sapientia justificata est à filiis suis*, id est justa declarata, & Rom. iii. 4. Sic Christus ipse dicitur I. Tim. iii. 18. *justificatus spiritu*, id est interprete Paulo ad Rom. i. 4. *declaratus filius Dei secundum Spiritum sanctitatis, per resurrectionem à mortuis*. Eadem est hujus loci ratio, Abraham dicitur ex operibus Justificatus, id est declaratus & compertus revera Justificatus, nam Jacobum non loqui de *Justificatione causæ*, hoc est, de absolute ipsa, sed de *Justificatione signi*, id est, de ejusdem declaratione multa sunt quæ probent.

XXIV. Primò Scopus & Consilium Jacobi, quod nequaquam est disputare quomodo Justificemur, sed cujusmodi sit & quod ingenium fidei illius quâ Justificamur, non de *causa Justificationis*, sed de *qualitate justificati*, ex quibus effectis & argumentis rectè colligi possit quinam sint verè Justificati; Patet hoc ex vers. 18. *Ostende mihi fidem tuam ex operibus, & ostendam tibi ex operibus fidem meam*; Compellat scilicet hypocritam & inanem ejus jactantiam, retundit, qui cum fidem profiteatur & præ se ferat, nullo tamen argumento & testimonio externo ostendere eam potest, vult ergo fieri ostensionem fidei per opera,

ita ut fides quæ per opera se non exerit, eo ipsoprehendatur falsa & inanis. Secundò ipsa historiarum series, quæ notatur vers. 21. *Abrahamus Pater ille noster nonne ex operibus Justificatus est, cum obtulisset Isaac filium suum super altare?* Justificatus ergo dicitur per oblationem filii sui; at coram Deo Abraham multò ante fuerat jam Justificatus, testibus Mose & Paulo, nam triginta minimum annis antequam offerret filium dicitur credidisse Deo & fides illi imputata ad Justitiam, Gen. xv. ergo per opus immolationis non est Justificatus *causativè* & *meritoriè*, ut contendunt adversarii, quasi illa immolatione filii tum demum verè & perfectè fuisset Justificatus, nam jam acceperat *sigillum Justitiæ fidei* Rom. iv. 11. & propositus erat in exemplar Justificationis omnibus post futuris fidelibus tam Judæis quàm Gentibus; sed Justificatus est *ostensivè* & *declarativè*, quia fidei salvificæ & Justificantis & suæ per illam Justificationis hoc reddidit testimonium: Quod confirmatur tertio ex ipsius Angeli verbis ad Abrahamum Gen. xxii. 12. Cum enim Isaacum obtulisset, vel in eo esset ut jamjam offerret, sublata ad cædendum filium manu, impetu ejus inhibito, ad eum Jehovah nomine verba facit, *Ne extendas manum tuam in puerum, quia nunc cognovi quod times Deum nec prohibuisti filium tuum unicum à me*, hoc ergo opus eo tantum pertinuit, non ut justum eum redderet, hoc enim jam de illo prædicatum fuerat, sed ut insigni aliquo experimento probaret omnibus quàm seridè Deum timeret & quàm verè fides illi in Justitiam fuisset imputata: Quartò hoc colligitur ex verbis Jacobi, nam nisi intelligeret justificationem illam Abrahami ex operibus *declarativè*, quorsum diceret vers. 23. *Scripturam impletam fuisse quum obtulit filium quæ dicit Abrahamum credidisse Deo & illi imputatum fuisse ad Justitiam*, sanè hoc absurdissimè diceretur si de propriè dicta justificatione intelligendum esset, quomodo enim impleta dicitur Scriptura quæ loquitur de justificatione fidei, cum justificatus est ex operibus; sed commodissimè exponitur de declaratione, quia fides se ipsam probavit per opera, & tunc apparuit verè & non hypocriticè Abrahamum Deo credidisse, eamque fidem ut vivam & efficacem illi non abs re imputatam fuisse ad justitiam, quatenus scilicet promissionem gratiæ amplectebatur. Ita impletio hæc *metonymicè* intelligenda erit, pro impletionis declaratione & certitudine, quæ ex hoc effecto clarissimè innotuit; quomodo verba istiusmodi in Scriptura semel usurpari alibi diximus.

XXV. Ex quibus colligitur justificationem hanc Abrahami, de qua Jacobus agit, propriè ad *declarationem à posteriori* referendam esse. Porro cujuscumque sit illa *declaratio*, & quibus *facta* si quæritur, Responderi quidem solet, nec malè, factam esse *hominibus*, nam etsi oblatio illa filii facta fuerit remotis arbitris, solo teste Isaaco, qui mentem Patris non potuit nosse nisi ex eventu, atque ita eo momento nemini propriè cognita fuerit hæc insignis Abrahami obedientia; potuerunt tamen homines cæteri ad quos istius facti rumor perlatus est postea illud dignoscere, imò quotidie fides Abrahami nunc etiam nobis innotescit per istius-

modi oblationem, ex ea quippe ut ex argumento certo & indubitato colligimus non vanam & mortuam, sed vivam & efficacem fuisse ipsius fidem; Verùm ulterius ad Deum ipsum extendendam esse illam fidei ostensionem verba Angeli ad Abrahamum nos docent, sic enim expresse Angelus, *Nunc novi quod times Deum*, &c. E. Deo etiam innotuit & probata est hoc facto Abrahami fides; Sed quid opus Deo experimento qui καρδιζνωσῃς, vel quomodo aliquid in tempore innotescere illi potest cui ab æterno omnia fuerunt nota & præsentia? Act. xv. 18. Hic nodus non levis videtur, atque eò magis vindice dignus, quod infau-ctus ille Socinus, hæreticorum omnium audacissimus, loco hoc etiam abusus est ad negandam divinam præscientiam; Nam si infallibili scientia omnia novit antequam fiant, non posse explicari, inquit, quomodo Deus dicat se tum demum agnovisse Abrahamum fuisse timore vero Dei præditum, cùm filium suum char-
rissimum immolare non recusavit, *Praelect. c. xi.* Verùm frustra clamat os im-
purum, & blasphemias in Deum evomit: Sanè si quæcunque in Scriptura de Deo enuntiantur ad vivum essent ressecanda, & propriè ad literam ut verba sonant essent intelligenda, utique aliquam veri speciem habere videretur ratio hæ-
retici: sed quis nescit innumera esse in scriptura quæ ἀνθρωποπαθεῖς Deo tribuun-
tur, & intelligenda sunt tantùm θεοωπεπῶς, nisi velimus Deum fingere corpo-
reum cum Anthropomorphitis, mutabilem, pœnitentiæ, dolori, tristitiæ & similibus affectibus obnoxium, quod aures Christianæ hæctenus ferre non po-
tuerunt, quidquid Conradus Vorstius, Socini discipulus impiè contra Dei im-
mensitatem, immutabilitatem, & alias proprietates blaterare sit ausus; itaque
& jam olim & etiamnum hodiè Christiani interpretes ita locum hunc interpreta-
ti sunt, ut nihil detractum voluerint præscientiæ divinæ, sed quocumque tandem
modo illum reddiderint, agnoverunt tamen & confessi sunt nullam novam co-
gnitionem propriè Deo accedere posse; Duobus autem modis potissimum lo-
cus hîc est expositus, alii enim cum August. q. 58. In Genesim, illud *cognovi*
interpretantur transitivè pro *cognoscere feci* ידעתי pro ידעתי ut id referatur, tam ad
Abrahamum ipsum & Isaacum, quàm ad alios quibus hoc facto Deo id procu-
rante innotuit fides Abrahæ, quâ in sententiâ fuit etiam Chrysostomus, νὺν φησὶν
ἀπασι ἐγνώλασι ὅπως εἰληκεν ἡ φόβον ἔχεις πρὸς τὸν θεόν, *per te declaravi*, inquit,
& innotescere feci omnibus, quomodo sincero timore Deum colas, nam ibidem addit,
*Ego noveram famulum meum, quæ autem nunc à te facta sunt, in doctrinam sunt tam
præsentibus, quam futuris.* Alii facius existimant & minus coactum hoc de Deo di-
ci figuratè & per ἀνθρωποπαθειαν, quia in toto hoc negotio se habuit ad mo-
dum hominis alium tentantis & experimentum quærentis animi latentis: quem-
admodum ergo metaphoricè & figuratè dicitur *tentasse* Abrahamum Deus, eo-
dem modo cognovisse ex eventu dicitur, quia experimentum hoc elicuit fidei
Abrahami: ita nihil aliud vult Deus quàm Abrahamum hoc facto testatam fe-
cisse coram Deo & hominibus fidem suam & pietatem, eamque Deum
gratam

gratam & acceptam habuisse, quæ commodior videtur sententia : nam etsi Deus non egeat experimento, non desinunt tamen homines præbere experimentum sui Deo, unde illud Pauli *Studemus nos approbare Deo*, 2. Cor. v.9. Deus enim ut se ipsum vehementissimè amat, non potest non probare & deosculari lineamenta imaginis suæ ubicunque illa fulgere videt ; ita etsi noverit jam ab æterno omnia fidelium opera quoad præscientiam & prædestinationem, novit tamen ea peculiariter ex eventu quoad complacentiam & approbationem.

XXVI. Quibus ita positis, facilè tollitur omnis inter Apostolos pugna ; nam si Abrahamus apud Paulum Justificatus dicitur fide sine operibus, intelligenda est *Justificatio propria causa*, quatenus per solam fidem metonym. consideratam justus est coram Deo pronuntiatus & remissionem peccatorum obtinuit ; at idem Justificatus benè dicitur apud Jacobum ex operibus, & non ex fide, *Justificatione effecti & signi*, quatenus opera verè declararunt eum fidelem esse & justificatum, in ea enim declaratione opera intercedere potissimùm debent ut argumenta ex quibus res interna & latens in corde patet & dignoscitur. Porro non nobis solis hoc visum ; Agnovit id ipsum Thomas in cap. III. epist. ad Gal. Lect. IV. ubi conciliaturus Jacobum cum Paulo, opera, inquit, non sunt causa quod aliquis sit justus apud Deum, sed sunt potius executiones & manifestationes justitiæ. idem sentiunt Hugo Cardinalis, & Dionys. Carthusi. quod jam Glosa ordinaria in Jac. II. expresserat vis verbis : *Abraham per opera quæ fecit justus non fuit, sed sola fide, oblatio verò ejus est opus & testimonium fidei & justitiæ.*

XXVII. Sua tamen hîc etiam *ἡ ἀποφύγετα* Bellar. habet, quibus distinctionem positam eludat, pertendit quippe justificationem apud Jacobum non posse sumi pro Justitiæ ostensione seu declaratione, sed pro ejus incremento ; Primò quia *fides dicitur cooperata operibus*, at fides ex nostra hypothese nullo modo cooperatur ad Justitiæ declarationem, sola enim opera nos justificant declarativè, non fides. Secundò fides per opera dicitur consummata vers. 22. quod non alio sensu intelligi potest, quàm Justitiam, inchoatam per fidem, accepisse incrementum & perfectionem per opera, unde Jacobo justificatio non esset justitiæ declaratio, sed incrementum. Tertiò de Rahabæ meretricis justificatione agitur vers. 25. sed absurdum est dici eam declaratam fuisse justam quæ meretrix erat, sed verè justificata dicetur, id est ex infideli fidelis facta ; Bellar. lib. IV. de justificatione c. 18.

XXVIII. Veràm inanes has esse cavillationes cuivis paulò attentius verba & scopum Apostoli expendenti proclive est agnoscere ; nam in prima, ut jam ante observatum fuit, gratis supponitur fidem dici cooperatam operibus ad justificationem, cùm dicat tantùm Jacobus *fidem cooperatam esse operibus*, nimirum tum ad bonitatem ipsorum, siquidem quod ut sit sine fide peccatum est, tum ad su-

per opera patefactionem, ut Abraham ea præstaret & per ea se fides extrinsecus proderet, nam nisi fides ista efficax fuisset, nunquam tam insigne & rarum obedientiæ edidisset opus. Porro si quaeritur cur Apostolus dixerit potius *συνεργεῖν*, quàm simplex *ἐνεργεῖν*? Responsio potest faciliè dari, hoc ideo factum ab eo fuisse, quia illi res erat cum hypocritis & Pseudo-Christianis qui unicum opus fidei putabant esse πρὸς credere, cùm Apostolus aliquid amplius requirat, non tantum *actum* ejus *elicum* qui in credendo versatur, & solius fidei est, sed & *actum* ejus *imperatum* qui in operando consistit, & ad charitatem etiam pertinet, nam fides movet charitatem ut bene operetur, ideo dicitur *per eam ἐνεργεῖσθαι* efficax, Gal.v.6.

XXIX. Ad secundam 1. peccatur ignorance elenchi, nec enim Jacobus dicit Justitiam, sed *fidem consummatam esse per opera*, non disputamus autem hic de incremento, vel perfectione fidei quam agnoscimus suos habere gradus & progressus, sed de augmento justificationis: Quo verò sensu verba Apostoli sint intelligenda, non difficile est intelligere, si distinguatur *perfectio essentialis & constitutiva à perfectione accidentali declarativa*; prior hic intelligi non potest, quia fides eam habet à forma propria interna; extrinsecus autem eam non mutuatur ab ulla alia re, multò minus verò à charitate, aut operibus quæ à fide proficiuntur tanquam à causa: Secundò quia sequeretur fidem Abrahami ante immolationem filii non fuisse formatam, sed informem & imperfectam, quæ per consequens etiam ex mente adversariorum justificare non potest, & tamen justificatus dicitur triginta annis ante oblationem filii, & Paulus justificationem illam pro perfectò justificationis exemplari nobis ad finem usque sæculorum communi, proponit. Tertiò sequeretur etiam initium justificationis gratiæ Dei, perfectionem autem meritis humanis esse adscribendam, atque ita salutem nostram non esse merè gratuitam contra Paulum Rom. I.II. & IV. & Eph. I.I. unde sequitur ut perfectio altera scilicet declarativa connotetur, quatenus vera & sincera per opera declarata est, nam & *sinceritatem* sæpius per *perfectionem* denotari in scriptura, notius est, quàm ut probatione indigeat, Matth.v.48. Coloss. IV.12. & *rem dici fieri seu perfici cùm declaratur*, vel perfectam se aliquo testimonio probat, sic 2. Cor. XII.9. *virtus Dei in infirmitate perficitur*, id est perfecta ostenditur & declaratur in infirmitate, tanquam in subiecto, non per infirmitatem, tanquam per effectum, non quod Christi potentia quidquam mutuetur à nostra infirmitate, sed quia in ea se exerit, sic Jac. I.II.I. *perfectus vir* dicitur qui in sermone non labitur, in eo enim non consistit perfectio nisi tanquam in signo ex quo ea deduci potest. Sic fides dicitur perfici per opera quia per ea se prodit; ut actus primus dicitur à Philosophis perfici ab actu secundo, ut voluptas dicitur *Arist. Ethic. x.4.* perficere actionem sed *ὡς ἀπὸ τοῦ ἔργου πρὸς τέλος* ut *finis quispiam accedens* & perfectionem actionis demonstrans, fides enim eò perfectior cognoscitur, quum efficacius vires suas exerit quæ prius

ita apparebant, quia enim de causa judicamus ex effectis videtur quodammodo causæ vis minui vel augeri ex effectorum proportionem; sed hoc ex effectis intelligitur quidem & æstimatur, at non oritur tamen & emanat.

XXX. Ad tertium de Rahab meretrice. Primò *ἡ τὴν Βίαν*, si Rahab dicitur ex operibus justificata, quia ex infideli fidelis est facta, ergo Jacobus non loquitur de incremento justitiæ, sed de prima justificatione, aliàs non ex infideli fidelis facta fuisset, sed ex fideli, vel justa justior. Secundò directè per negationem antecedentis, Rahab scilicet: non fuisse operibus suis justam declaratam, sed reipsa effectam, imò cum opera sequantur justificatum, non præcedant justificandum ex August. siquidem nulla præstari possunt bona nisi ex spiritu, spiritus conferri non potest nisi à Deo placato & propitio, nunquam illa charitatis & hospitalitatis opera edere potuisset nisi jam justificata; unde statuendum est omnino eam jam ante peculiari Spiritus sancti impulsu ex rumoribus qui percrebuerant de mirandis Dei operibus erga Israellem & judiciis ejus in hostes fidem quâ justificata fuit concepisse, quod innui videtur ex Jos. 11. 8. 9. 10. ubi sibi certò persuasum esse profitetur quod Deus Israelitis promiserat, *novi, inquit, quod Dominus tradiderit vobis terram, &c. Audivimus quod siccaverit aquas maris rubri ad vestrum introitum, &c. Dominus Deus vester ipse est Deus in celo sursum & in terra deorsum.* fidemque eam confirmatam esse ex exploratorum sermonibus qui procul dubio clarius & certius hæc omnia & maximè quæ pertinebant ad promissiones gratiæ populo factas ipsi retulerunt; ne quis verò arbitraretur inanem fuisse fidem illam, eximiis benevolentia & hospitalitatis operibus in occultandis & pacificè dimittendis exploratoribus suo etiam periculo eam comprobasse demonstrat, ita ex operibus illis non quidem justa fuit constituta, nam jam ante per fidem justa esse debuit, alias bonum opus nuncios occultandi & dimittendi præstare non potuisset, sed justa declarata, quia fidem suam & justificationem per ea opera foris ostendit. Tertiò neque hîc obstare potest quod *meretrix* dicatur: nam ut nunc non dicamus quod quibusdam post Judæos placuit non tam vocari meretricem quàm Cauponariam, ut vertit Chaldaus quia *ܡܪܝܬܐ* quod hebræis est scortari est etiam cauponari, forte quia non rarò hæc duo conjunguntur; cum enim Jacobus post LXX, disertè eam *ἡ πόρνυ* vocet, dubium nullum est quin meretrix verè fuerit, sed ita non appellatur quod tum temporis cum justificaretur ex operibus meretrix adhuc esset in *sensu composito*, sed *ἡ ἀνεκκώσ*, quia meretrix antea fuerat in *sensu diviso*, secundum tritum loquendi modum scripturæ, quæ *mutato statu rei sæpe retinere solet nomen antiquum*, sic in Evangelio dicuntur cæci videre, claudi ambulare, id est qui tales erant antea, sic Hierosolyma vocatur Urbs plena judicii & Civitas fidelis, Isa. 11. 2. quia talis olim fuerat, sic Matt. xxvi 1. 53. 2. Thess. 11. 4. Antichristus dicitur sessurus in Templo Dei quod tale antea fuit, sic Virgo dicitur quæ nuper esse desiit Joël 1. 8. *Plange sicut Virgo sacco accincta super virum pubertatis suæ*, quod de innupta intelligi non potest, ita Poëta de Pasiphaë tauro subdita dixit, *At Virgo infelix*, & Terent.

de puella imminuta *Virgo lacrymans* quæ scil. antea talis fuit; Ita non obscurum cur Apostolus hoc nomine designare eam voluit distinctionis causâ propter præcedentem statum, quemadmodum hoc exemplo usus est ad amplificandam Dei gratiam, & exceptionem omnem tollendam; quia enim fides Abrahami de qua in præcedentibus egerat extraordinaria poterat videri, & ad quam assurgere omnibus fortè non esset concessum, exemplum hoc vilis mulierculæ producit, quæ & Gentilis & meretrix fuit; nam si in ista fides non caruit suis operibus, nonne pudore suffundi debent Christiani fidem jactando sine operibus? sic rursus ostendit nullum esse fidei gradum, nec sublimem & excelsum qualis fuit in Abrahamo, nec infimum & tenuem qualis fuit in Rahab, qui non debeat & non possit fructus aliquos bonorum operum producere.

XXXI. Ex his autem ita discussis plana jam satis & aperta redditur conciliationis ratio: Ne quid verò scripturæ superesse possit, distinguenda, est *iv. Persona ipsa quæ justificatur*; Cum enim homo sub duplici *græto*, considerari possit, vel ut *peccator* in statu naturæ, vel ut *vocatus* in statu gratiæ, vel ut homo simpliciter qui versatur in mundo, vel ut *Christianus* & fidem professus in Ecclesia; juxta geminum hunc hominis statum, duplex instituitur Dei *judicium* cum ipso, primum severum est & rigidum *Dei quæ Judicis*, ex lege, secundum mitius est & benignius ejusdem *ut Patris*, ex Evangelio; Huic duplici *judicio*, duplex etiam respondet *justificatio*, non quidem sensu Pontificio qui à nobis antea confutatus est, sed planè diverso; Prima *hominis peccatoris* & impij in statu naturæ, quæ sit propter unam Christi satisfactionem fide apprehensam, quia enim in hoc foro justitiæ Divinæ acceptilationi locus esse non potest, sed solutione adæquatâ opus est, ideo sola justitia Christi quæ perfectissima est & consummatissima hoc examen ferre potest; quia verò sola fides apta nata est ad recipiendam & amplectendam hanc justitiam, solâ etiam fide hoc respectu justificari dicimur tanquam causâ organicâ; Secunda *justificatio* est *hominis vocati & fidelis* in statu gratiæ jam versantis ex operibus, in hoc enim *judicio* non quæritur; An legi satisfecerit homo ut ex ea vitam habeat, hoc enim in primo jam supponitur factum, quatenus scilicet hominem in se peccatorem & reum mortis æternæ, propter justitiam Christi plenissimam ipsi imputatam & per fidem apprehensam à maledictione legis Dei absolvit, & jus illi ad vitam concedit; sed quæritur an homo Christianus qui inter fideles nomen proficitur suum Evangelio responderit, & duas partes essentielles fœderis gratiæ quas Deus ab homine requirit fidem scilicet & opera verè conjunctas servaverit; Cum enim Deus in novo fœdere *duo beneficia* nobis polliceatur, hinc remissionem peccatorum quæ ex dono Filii pendet, inde sanctificationem quæ operâ Spiritus Sancti producitur, Hebr. x. 16. 17. *Duo* etiam *officia* à nobis vicissim exigit, *fidem* quâ recipiamus gratiam Dei & meritum Christi ad redemptionem nostram, & *Charitatem* sive bona opera, quibus debitum cultum & gratitudinem Deo reddamus; Quemadmodum verò duo

beneficia quæ à Deo promittuntur inseparabilia sunt, & indivulso nexu inter se juncta, nam cui Christus est justitia, illi etiam est Sanctificatio, qui habet Filium habet & Spiritum, & qui Spiritum non habet non habet Filium Rom. VIII. 9. prout in SS. Trinitate duæ istæ personæ sunt inseparabiles; Ita vicissim arctissimo vinculo connexa esse debent hominis fidelis officia, ita ut fides nunquam sit sine charitate, nec charitas sine fide, nam & illa sine hac peccatum est, & hæc sine illa mortua, unde neutram habent qui utramque non habent, & utramque perdunt, qui utramvis non custodiunt. In hoc ergo judicio quod ex fœdere gratiæ Deus instituit cum vocatis, hoc potissimum quærit an verè & sincerè si non perfectè fidem quam professi sunt ore, habuerint in corde, & cum fide charitatem quæ ejus comes est inseparabilis; Quod si falsò jactasse deprehenduntur fidem & religionem, condemnantur ex lege Evangelica tanquam Pseudochristiani & hypocritæ qui formam pietatis habentes ejus tamen vim factis abnegarunt & separando duas hasce fœderis partes, neutram se verè possidere demonstrarunt; Si verò habere comperiantur, justificantur ex eadem lege Regia, id est declarantur & approbantur tanquam veri fideles & filii Dei, qui ἀδελφὲς retinent quæ Deus conjunxit; Ad hoc autem examen necessaria sunt omnino opera utpote ex quibus solis tanquam ex signis & effectis certissimis demonstrari potest & probari veritas & sinceritas fidei; Prior *justificatio* opponitur *condemnationi* generali *peccatoris*, posterior *condemnationi* speciali *hypocritæ*. Priori notione justificare est absolvere hominem peccatorem & impium qualis est in se obnoxius legi & reus mortis propter justitiam Christi ipsi imputatam; posteriori verò nihil aliud est quam *approbare* in judicio benigno & Paterno hominem qua fidelem & filium Dei verè respondentem fœderi gratiæ per fidei & operum exercitium; in prima est ipsa justificatio propriè accepta, in ista justificationis tantum declaratio & patefactio; sic Abraham justificatus est fide in primo illo judicio dum fuit in se peccator & impius, at idem jam conversus & credens *justificatus est ex operibus*, id est se per opera declaravit verè fidelem & à Deo agnitus est, & probatus in secundo.

XXXII. De posteriori autem hoc judicio quod Christianos & vocatos peculiariter spectat loqui omnino videtur Christus Matth. xxv. 31. 32. &c. in graphica illa ultimi judicii descriptione, ut *Augusti*, observat sermone 38. de sanctis; Nam etsi extremum judicium procul omni dubio universale sit futurum, hîc tamen de eo in tota latitudine sua sermonem non esse, sed relatè tantum ad eos qui sunt in Ecclesia variis rationibus ostendi potest; Primò ex ipsa orationis serie, quemadmodum enim duæ parabolæ præcedentes de *Virginibus* & de *Talentis* referebantur ad eos qui erant vocati in Ecclesia, verisimile est Christum de iisdem loqui in eodem orationis filo. Secundò ex Ezech. xxxi v. ad quem locum alludere videtur Christus, ubi de judicio Dei loquitur quod in Ecclesia exercendum est. Ecce ego judicaturus sum, inquit, vers. 17. inter parvas pecudes, arietes

& hircos & cap. xx. 37. *transmutam vos sub virgam*, ut pastor cum numerat & recognoscit gregem suum & *inducam vos ad vincula fœderis*. Tertiò quia hîc tantum mentio sit *Hœdorum & Ovium* quæ animalia sunt domestica, non autem Euporum, Leonum, Urforum, & aliarum id genus ferarum quibus impii conferri solent, ut scilicet notetur de eorum tantum hîc agi judicio qui sunt in domo Dei, in societate externa Ecclesiæ, non de aliis qui extra eam manent. Quartò quia causa damnationis hœdorum hæc affertur quod non cibarint & non viderint Christum &c. opera charitatis & misericordiæ erga membra Christi præstando; At gentiles quibus nunquam innotuit Christus quomodo propterea damnari meritiò possent? damnabuntur quidem propter legem naturæ violatam quæ cordibus ipsorum insculpta fuit; sed propter defectum fidei vel charitatis in Christum qui ipsis ignotus planè fuit jure condemnari non possent; Itaque superest ut de iis loquatur Christus vel qui in Ecclesiæ communionem asciti & fidem ore tenus profitentes neglexerunt bonorum operum studium & Christianorum nihil nisi nomen & titulum retinuerunt; vel qui vocationi divinæ sedulo respondentes fidei opera conjunxerunt: Propterea opera hîc adducuntur à Judice non tanquam *fundamenta juris* quod obtinent in felicitatem & vitam, nam propria causa istius fruitionis indicatur in verbis præcedentibus, cum eos vocavit *benedictos patris*, quibus *paratum jam fuerat ab æterno regnum*, quodque ideo debebant *ἀναγορεύειν*, id est *titulo hereditatis* quæ filii obtinere: sed in medium afferuntur tanquam *argumenta & testimonia* clara & indubitata ex quibus de veritate fidei ipsorum constare poterat, & simul etiam de latæ sententiæ æquitate: Ita non proponuntur ut *πῶντιξ*, sed ut *συμπτῶντιξ* & particula *§* non est *causalis*, sed *rationativa*; quæ non *causam rei efficientem* vel *meritoriam* notat, sed *rationem & argumentum* quod à posteriori aliquid cognoscitur, ut alibi sæpe Matth. xvi. 23. 1. Cor. x. 5. *causam non consequentis*, sed *consequentia*, non rei ipsius, sed *patefactionis & probationis*, nam ut benè Bernar. tract. de Grat. & lib. Arbi. *opera sunt spei seminaria, charitatis incentiva, occulta prædestinationis indicia, futura felicitatis præsagia, via regni non causa regnandi*.

XXXIII. Hoc ipsum verò clariùs adhuc si possumus explicemus; Certum est justificationem opponi accusationi ex Apost. Rom. viii. 32. quot modis ergo accusari possumus apud Deum, tot modis debemus etiam justificari; *Duabus* verò *accusationibus* potissimum urgemur vulgò; Primò *accusamur peccati & rei* peragimur violatæ legis; Secundò *accusamur hypocriſeos & violati fœderis Evangelici*. A prima accusatione *sola fide* justificamur, quia sola justitia Christi per fidem apprehensa nos liberat à maledictione legis; A posteriori justificamur *operibus*, quatenus iis fides vera & sincera fuisse demonstratur; Si ergo Satan nos accusat coram Deo & peccatores esse arguit ac per consequens mortis reos, quid reponere possumus? Nihil aliud quam *fidem nostram*, fatendo nos revera peccatores esse atque adeo æternæ mortis in nobis reos, sed spem nobis meliorem facere.

cere dilectum Dei filium Redemptorem nostrum in quem credimus, eum enim factum *κατήγον* & peccatum pro nobis ut essemus benedictio & justitia Dei in ipso, ita sub justitiæ istius pallio & clypeo latentibus, nihil ab ira Dei nobis metuendum esse, quia nulla sit condemnatio iis qui sunt in Christo per fidem; Quod si regerat Diabolus. Ita est omnino, si verè credis salvaberis, sed quo argumento probabis te verè credidisse, nonne falsa & hypocritica fuit fides tua quæ Christi nomen profitebatur ore, sed factis abnegabat? Quid dicemus ut nos liberemus ab hac nova criminatione & ignito hoc Diaboli telo? Non sufficiet fidem in medium afferre, quia de fide ipsa quæstio est, sed jam succedere debent *opera* quibus apud Judicem Cœlestem veritatem fidei tanquam effectus & argumentis indubitatis à posteriori testatam faciamus, ita *Fides justificat hominem*, *Opera verò justificant fidem*; Paulus respiciens ad priorem accusationem solâ fide hominem sine operibus justificari rectè dixit, Jacobus verò respiciens ad alteram, operibus justificari & non ex fide tantum meritò affirmavit.

XXXIV. Unde tandem concludimus, nullam esse hæc in parte Jacobo cum Paulo *σύμφωνίαν*, sed summam concordiam: Nam sive distinctio adhibeatur in voce fidei, sive in verbo justificandi, sive in homine ipso, sive quod malimus in hisce tribus conjunctim, amicè inter se consentient. Paulus loquitur de homine peccatore in statu naturæ, Jacobus de homine vocato & fidem professore in statu gratiæ; Paulus de fide viva & efficaci, Jacobus de mortua & otiosa, Paulus de justificatione primaria & propriè dicta: quæ in absolutione & remissione peccatorum consistit; Jacobus de justificatione secundaria & minùs propria quæ in declaratione & probatione externa versatur. Paulus enim vult hominem peccatorem & impium justificari, id est verè absolvi coram Deo & justum pronuntiarî solâ fide sine operibus, id est unico actu fidei apprehendentis meritum & justitiam Christi, quod asserit contra Phariseos & Pseudo-Apostolos, qui justitiâ Dei posthabita, justitiam suam stabilire satagebant. Jacobi verò mens est hominem fidelem & conversum justificari, id est justum declarari coram hominibus & probari à Deo in judicio paterno, non fide tantum id est fide mortua & sterili, sed fide viva & efficaci quæ se exerat per bona opera, quod urget contra profanos Pseudo-Christianos & hypocritas, qui in Ecclesia versantur: Ut ergo verissimum est effatum Pauli, hominem fide sine operibus justificari, quia nihil habemus quo stare possimus coram judicio Dei præter justitiam Christi quam fides intuetur & sibi applicat, quæ ut est infiniti valoris & ponderis sola potest satisfacere justitiæ Divinæ & mereri remissionem peccatorum; Ita certissimum est Jacobi pronuntiatum Christianum verè fidelem & justificatum agnosci demum ex operibus quia sunt essentialia consecutiva ex quibus tanquam ex fructibus arbor dignoscitur, ita ut qui non habet opera neque habeat etiam fidem & justificationem, quod falsò sibi tribuebant illi adversus quos Jacobus disputat; Unde in Paulo habemus argumenta *humilitatis* adversus typum superbiæ Pharisaicæ, in

Jacobo incentiva *Sanctitatis* adversus impiam profanorum αἰσλγαιαν. Ita quem-
admodum operibus nuncium remittere tenemur quæ justificationem præcedunt
ex doctrina Pauli; sic illis studere par est ut eam sequantur ad sanctimoniam pro-
gressum ex mente Jacobi. Non sunt conjungenda quæ Deus divisit, sed nec sunt
dividenda quæ Deus conjunxit. Fidem ab operibus sejunxit in *negotio justificationis*,
Opera cum fide conjunxit in *vita justificati*, non possunt cōficere justifica-
tionem, sed cōexistere tamen debent in justificato, fide enim sola, sed non solitaria
justificat. Itaque abjectis omnibus operibus nostris, nostram justitiam unice in
Christo quæramus ex fide, ne simus injurii ipsius merito, sed ne ingrati simus
erga Spiritum, in bonis operibus nunquam segnescamus; non possunt justifi-
cationem obtinere à priori ut merita, sed possunt declarare & probare à posteriori
ut πενήθεια, non conducunt ad salutem acquirendam, sed necessaria sunt
omnino ad eam possidendam, sunt via regni, non causa regnandi. Sequamur
ergo hanc viam ut tandem perveniamus ad Patriam, quod faxit Clementissi-
mus Deus Pater, Filius & Spiritus Sanctus, cui sit laus, & Gloria in sæcula sæ-
culorum. Amen.

C O R O L L A R I A.

- I. An fides melius per ignorantiam definiatur quàm per notitiam, ut vult Bellar.
- II. 1. de Justifi. 2. 7. ? N.
- III. An merita ulla dentur vel de congruo vel de condigno ? N.
- IV. An sacramenta conferant gratiam ex opere operato ? N.
- V. An Padobaptismus admittendus sit & ex Scriptura probari possit ? Aff.
- VI. An si non peccasset Adamus, nunquam fuisset moriturus ? Aff.
- VII. An primi Reformatores legitimam habuerint vocationem ? Aff.

F I N I S.

THE UNIVERSITY OF CHICAGO
LIBRARY

1011 E. 58th St. Chicago, Ill. 60637

Telephone: 777-3000

Telex: 250210

Post Office Box 507 Chicago, Ill. 60680



Copyright © 1968 by the University of Chicago
All rights reserved. Printed in the United States of America.
This book is published by the University of Chicago Press, 5 East
Sibley Street, Chicago, Illinois 60680.



DE NECESSARIA SECESSIONE

NOSTRA AB ECCLESIA ROMANA,

Et Impossibili cum EÂ SYNCRETISMO,

DISPUTATIONES.

Authore

FRANCISCO TURRETTINO,

1a Ecclesia, & Academia GENEVENSI Pastore,

& S. S. Theologiæ Professore.

Accessit ejusdem.

DISPUTATIONUM MISCELLANEARUM

D E C A S.

Editio altera Aucta & Recognita.



LUGD. BATAVOR.

FREDERICUM HARING.

Apud {

TRAJECTI ad RHENUM.

ERNESTUM VOSKUYL. 1696.

Cum Privilegio.

P R Æ F A T I O.



INTER omnes, quæ nobis cum Pontificiis intercedunt, Controversias, nullam dari, quæ momentosior sit, nullam, quæ majori animorum contentione, & jam antea agitata fuerit, & nunc etiam agitur, eâ, quæ Secessionem nostram ab Ecclesia Romana spectat, apud omnes debet esse in confesso. Cùm enim aliæ circa singularia quædam doctrinæ Capita versentur, in quibus ab invicem dissidemus: Hæc verò omnia in universum complectatur, quæ causam huic nostræ Secessioni præbere potuerunt. Nemo non videt, quantum intersit accuratè eam expendi, ut primariam & capitalem, à qua cæteræ omnes pendeant. Constat sanè nihil esse, quod ab illarum partium hominibus, vel frequentius objectetur, vel exagitur odiosius, quasi non modò temeraria, sed & injusta & Schismatica fuerit, quæ pacis, quam tantopere Christus nobis commendavit, sacratissimum vinculum impiè abruperit, & communionem Corporis Christi mystici nefariè lacerârit. Cui perniciosissimo malo remedium aliud afferri non posse clamitant, quàm si eò unde exivimus revertamur, & cum Ecclesia sua, à qua per Schisma voluntarium divortium fecimus, in gratiam redeamus. Nostri verò vicissim, ne Veritati ac sibi deessent, in id etiam sedulò laborârunt, ut falsitatem & injustitiam istarum criminationum demonstrarent, & subdolas eorum artes retingerent, qui sub insidiosæ pacis obtentu, hoc unum agebant, ut conscientias, semel à Christo liberatas, sub durissimæ servitutis jugum ἡγεμονίας reducerent. Quod ab eximiis Dei servis eâ solertiâ & soliditate præstitum, ut nihil habeat superstitio, quod cum ratione reponere possit Demonstratum quippe non unâ ratione, Pios Majores nostros non sine gravissimis causis post tentatam sæpius & expetitam frustra Reformationem in Capite & Membris, Secessionem tandem fecisse, vel potius ad eam faciendam Adversariorum furore adactos fuisse: Nec amorem pacis, ad quem nos toties Christus hortatur, à pio hoc proposito avocare eos potuisse aut debuisse; memores ex præscripto Dei, pacem indissolubili cum Veritate sociandam esse vinculo, nec ullam unitatem probari pos-

se, quæ veritate non nitatur; omnem aliam confociationem pacis nomen non mereri, sed exitialem esse in errore & mendacio conspirationem, quæ à Deo veritatis & pacis Auctore nos separat, nedum ut ad ejus communionem nos adducat.

Sed quamvis hoc argumentum à magnis Viris Dei non semel occupatum fuerit, & solidè pertractatum; non desinunt tamen Adversarii identidem illud reponere, & ad ravim usque urgere, novissimis imprimis hisce temporibus, quibus Clerus Romanus nihil non molitur, ut opus suum, purioris scilicet Religionis, quam infami hæresis nomine injustissimè notat, excidium promoveat, & si potest absolvat. Hinc ut immani persecutionum antea inauditarum crudelitate grassatur ad fidem piorum penitus dejiciendam; blandis etiam & ad fallendum compositis verbis incautos inescare, & in retia sua pertrahere conatur. Quod visum nuper in *Admonitione Pastorali*, à Clero Gallicano ad Reformatos per Galliam datâ, ubi dum *Fratribus Secessionis Calvinianæ*, uti loquuntur, *correctionem, reditum & concordiam exoptant*. Impia sub dulci melle venena latent, verbis meram charitatem spirantibus, & piam Pastorum oves perditas requirentium sollicitudinem, præ se ferentibus, utentes, sed quæ re ipsa malum animum & dirum virus satis produnt, dum odio sissimis titulis, quos ad se amicè revocare se velle profitentur, traducere non erubescunt, quasi *Religionis transfugas, militiae veteris desertores, Schismaticos, impios*, qui fugæ suæ flagitiosæ, & secessionis rationem nullam reddere possint. Quod ideo acerbè insectantur & exprobrant: *Nos ideo, inquit, Clerus omnis Gallicanus &c. Vos convenimus, & qua legatione pro Christo defungimur, tanquam Deo per nos hortante; Querimus à vobis, Cur Schisma feceritis? Excusate si potestis apud Patrem, apud Matrem, apud Fratres, fugæ tam flagitiosæ, tam abruptæ & præcipitis infamiam, divisionem Christi, rescissionem Sacramentorum Christi, criminationes in Conjugem Christi, negationem promissionum Christi &c. Hoc adversus vos nominatim expostulamus, hoc ex vobis querimus indefinenter; Cur Schisma feceritis? Ad hoc nisi responderitis, quantumcumque in aliis dicendo aut scribendo contendatis, superflua loquimini.* Hæc verò si tam verè dicerentur, quàm confidenter jactantur, non equidem repugnaremus, quin jure in nos conflata sit omnis illa invidia, quâ nunc immerentes obruimur; Sed si rem ipsam, derra-

detractâ verborum inanium pompâ, penitiùs attendimus, liquidò apparebit, nihil iniquius, nihil falsius adversùs nos vel excogitari vel dici potuisse. Unde colligere licet, quàm necesse sit ad justam bonæ causæ & innocentix nostræ defensionem, calumniarum istarum vanitatem in aperta luce collocare, ne simplicioribus imponant. Quod ab iis potissimùm requiri nemo negabit, qui ad bella Domini decertanda vocati, & aliis præpositi prospicere debent, ne quid Religio patiatur detrimenti, cæteris fidelibus, & Juventuti imprimis sacræ ipsis commissæ, λόγῳ ἑργῳ præeundo. Quæ effecit ratio, ut ex Muneris mihi demandati ratione, pro more in Academiis recepto, de hoc argumento nonnullas Disputationes, publici juris ante aliquot annos facerem, quibus probandam suscepi Secessionis nostræ ab Ecclesia Romana necessitatem, & Syncretismi cum ea impossibilitatem. Quæ cum supra spem meam cum aliquo applausu exceptæ fuerint, & brevi quotquot supererant Exemplaria distracta sint, de illis denuo sub prælum mittendis cogitare cœptum est, ut eorum desiderio fieret satis, qui illas avidè requirebant, persuasi hoc Opusculum fructu suo non cariturum, hoc præsertim tempore, quo Quæstio ista non minori fervore quàm antea renovari cœpit, Pontificiis nihil intentatum relinquentibus, ut sive vi sive dolo, sive promissorum dulcedine sive calumniarum acerbitate & persecutionum omnigenarum diritate, & imprimis odioso isto schismatis præjudicio, fideles à vera fide avocent, & in partes suas pertrahant. Ad quorum votum facilè passus sum Velitationes istas Academicas, quæ mei juris ampliùs non erant, denuo evulgari, licèt multa in iis, ut in tumultuario opere, desiderari non nesciam, quæ in pleno & accuratiori tractatu observari potuissent. Interim ut paulò excultiores prodirent, secundis curis non parum auctæ fuerunt, & iis additamentis locupletatæ, quæ novitias Adversariorum exceptiones & objectiones discutere, & veritatem Sententiæ nostræ contra Sophistarum cavillationes fortiùs asserere possunt. Quod an assecutus fuerim, Lectorum erit judicium. Exinde saltem, ut spero, patebit vanitas Postulatorum, quæ tanto cum verborum apparatu μετὰ πολλῆς φαντασίας à Clero proposita sunt. Patebit non sine gravissimis & urgentissimis causis Patres nostros ab Ecclesia Romana secessisse, & nos cum illa, dum infallibilem se jactat, & irreformabilis manet, omnem Syncretismum, respuere. Causas istas

non fuisse, ut illi perperam, & contra propriam conscientiam fingunt, vel statum Ecclesiæ depravatam, & mores Cleri corruptissimos, de quibus Scriptores ipsi Pontificii graviter conqueruntur, quamvis non leve præjudicium inde adversus eam oriatum: Sed errores capitales & fundamentales multiplices tum in Doctrina, tum in Cultu, tum in Regimine, quos vel errare vel profiteri nefas esse duximus, & sine præsentissimo salutis nostræ discrimine non potuimus. Patebit iniquissimè postulari, Cur ab ipsis secesserimus? Cùm constet nos non tam fugisse, quàm fugatos fuisse diris ipsorum persecutionibus & anathematis, quæ secedendi necessitatem nobis imposuerunt. Sed nos justissimè vicissim ab ipsis postulare posse, Cur nos à se ipsis tot Excommunicationibus & proscriptionibus durissimis separârint? Quatandem de causa tanto furore in nos exarserint, ut fermè ubique terrarum diras faces belli sacri in nos accenderint? Imperatores, Reges, Principes, Populos adversus nos concitârint, qui lanienis, Cruciatibus, ferro, igne, & nullo non supplicii & tormenti genere grassati sint ad nos internecione delendos, tanquam scelestissimos mortalium, atheos, impios, detestandarum hæresium reos, indignos qui lucis usurâ fruantur? Licèt convicti esse debeant, nihil nos credere, quod à Christo & Apostolis non sit traditum, & quod ipsi se nobiscum credere non profiteantur quoad Articulos affirmativos; Et unum crimen nostrum esse, quodd nolimus Papali jugo, quod antichristianum censemus, nos mancipare, & hæreses ac cultus superstitiosos & idololatricos ab ipsis præter & contra Dei Verbum invecos, admittere. Patebit odiosum *Schismatis* crimen, quod nobis falsissimè impingitur, qui à fide semel traditâ, & verâ Christi Ecclesiâ, quæ vocem ejus audit & sermones retinet, nunquam recessimus; In ipsos verè recidere, qui à fide Christi non uno modo recesserunt: Ut ab ipsis longè meliori jure, quàm ipsi à nobis, quærere possimus, Cur à Veritate ipsis traditâ defecerint? Cur fidem datam Christo fregerint, ut in castra Antichristi transirent? Cur Sacramenta Christi corruperint? Cur veram, puram & Catholicam Ecclesiam reliquerint, ut falsæ & idololatricæ se adjungerent? Cur Scripturâ non contenti, quæ in unicam fidei morumque regulam nobis tradita est, voluerint sapere *πρὸς ὁμολογίας*, & Traditiones *ἀγράφους* credendas nobis obtrudere, contra expressum Dei mandatum? Ad hæc nisi responderint, Quicquid de

de Infallibilitate & Antiquitate sua, de Successione non interruptâ, de Unione Membrorum sub uno Capite, & de aliis, quæ ab ipsis afferri solent Authoritatis suæ firmamentis, & Ecclesiæ suæ criteriis dixerint, superfluum erit & inutile. Nam si certum est eos à Christi fide defecisse, nos verò semper in ea mansisse, ut statuimus, & parati sumus ex Doctrinæ ipsius examine, ad quod provocamus, probare, quo jure possunt, Sponsæ Christi nomen sibi arrogare, & nos schismatis reos peragere, cujus ipsi manifestè tenentur? Patebit ulterius tantum abesse, ut Secessio nostra infami *fugæ flagitiosæ & præcipitis* nomine traduci debeat, quæ *divisionem Christi, rescissionem Sacramentorum Christi, bellum impium in ejus Membra, & negationem Promissionum ejus* induxerit; Ut contra non alia de causa ab ipsis secesserimus, quàm ut Christo indivulsè adhæreremus; ut in veræ Ecclesiæ communione maneremus, ut Sacramenta pura & incorrupta retineremus, ut genuinis ejus Membris jungeremur, & ut Promissiones soli veræ Ecclesiæ factas, falsæ & adulteræ tribui non pateremur. Patebit denique, conciliationem omnem & syncrétismum, ad quem adeò blandè nos invitare videri volunt, sub spe Reformationis alicujus, mera esse verba, & fucum, nihilque aliud quæri sub fraudulentæ pacis prætextu, quàm errorum semel receptorum non correctionem, sed incrustationem, & conscientiarum sub Ecclesiæ Papalis jugum feliciter excussum, reductionem; à qua reformationem ullam expectare, dum se infallibilem jactat, nihil aliud est quam suaviter delirare, & se ipsum sponte decipere. Absit verò ut tale quid vel cogitemus unquam vel præstemus; Absit ut pacem cum mundo, pacis cum Christo & Veritatis ejus cælestis dispendio eamus redemptum.

Sed ista fusiùs in Disputationibus exponentur, ut opus non sit diutiùs in iis immorari. Hoc unum Lectorem monere debeo, additam hîc fuisse Decadem Disputationum miscellanearum, quæ, ut multiplici Argumentorum, quæ in iis tractantur, varietate, & Quæstionum, quæ ibidem agitantur, gravitate, Sacrorum Mystis sponte se commendant: ita nec ingratas nec inutiles illis fore speramus; quod si contigerit, voti mei compos sum futurus.

INDEX DISPUTATIONUM

DE

NECESSARIA SECESSIONE

Nostâ ab ECCLESIA ROMANA &c.

DISPUTATIO I. *Status Quæstionis proponitur. Ecclesia Romana Hæreseos arguitur.* Pag. 1

II. *Quæ prima est de IDOLOLATRIA ROMANA.* 33

III. *Quæ est secunda de IDOLOLATRIA ROMANA.* 59

IV. *Quæ tertia est de IDOLOLATRIA ROMANA.* 87

V. *Quæ est de TYRANNIDE ROMANA.* 109

VI. *De ROMA BABYLONE.* 144

VII. *De ANTICHRISTI DEMONSTRATIONE.* 169

VIII. *In quâ Objectiones solvuntur.* 209

DISPU-




DISPUTATIO THEOLOGICA
 P R I M A
 DE NECESSARIA
 SECESSIONE
 NOSTRA AB ECCLESIA ROMANA,

E T

IMPOSSIBILI CUM EA SYNCRETISMO.

Respondente JOANNE JACOBO GESNERO
Tigurino.

I.  UOD apud malæ fidei possessores usu venire solet, ut solidis juris fundamentis & justis causæ præfidiis destituti, in Adversarii personam quibuscunque possunt modis invehantur, ut hoc modo suspectam & exosam illam reddendo, facilius omnem dictis ejus fidem abrogent. Id ipsum in gravissimo quod inter Nos & Pontificios agitur Religio-
 nis negotio experimur. Cùm enim facilè deprehendant, quotiescunque missis ambagibus jugulum causæ petitur, & ad examen Doctrinæ descenditur, se longè inferiores causâ cadere, nec sententiam suam ex Scriptura, quæ sola fidei est norma infallibilis, ut nos nostram comprobare possent; huc omnes ingenii nervos intendunt, ut odiosis præjudiciis, & suspicionibus sinistris nostrum agendi modum gravent, quibus infirmorum
 A præoccu-

præoccupatæ & tantùm non fascinatæ mentes, vel ad nos accedere cane pejus & angue reformident, si adhuc a nobis sunt alieni, vel si in castra nostra jam transierunt, à nobis recedere, & ad ipsos redire quacunque tandem ratione conentur.

*Præjudi-
cium fal-
sum de Se-
cessionis no-
stra ab Ec-
clesia Rom.
injustitia.*

II. Inter varia autem hæc præjudicia, nullum gravius videtur & periculosius, eo quod vulgo a *Secessione nostra ab Ecclesia Romana* peti solet, quasi ea injusta fuerit & schismatica; Nosque adeo cum Reformatoribus nostris summis illis & invictis Heroibus, Schismaticis & Turbonibus accensendi veniamus, qui viscera Matris optimæ dilaniando, & inconsutilem Christi tunicam dilacerando, sanctissimum charitatis vinculum nefarie abruperimus, nec modo temerè & sine necessitate, sed perperam & injustè ab Ecclesiâ discesserimus. Hinc nulla gratiæ, spes nulla salutis nobis extra Ecclesiam positæ reliqua dicitur esse, nisi amicâ pace Matri unicæ denuò conciliati, eò, unde summo nostro malo egressi semel sumus, postliminio redeamus.

III. Unde quisvis facilè deprehendit, quantum intersit Orthodoxos hac in parte bonæ causæ non deesse, non modò ut à se gravissimum illud crimen falsissimè sibi impactum amoliantur; Sed etiam ut pro virili, quod debent veritati testimonium ultrò perhibeant, & præjudicatorum harum opinionum, quibus variis infirmitis remora in via salutis potest injici, vanitatem demonstrantes, illorum saluti non secus ac suæ eant prospectum. Quod cum jam sæpe antea à plurimis Viris doctissimis feliciter sit præstitum; Nunc etiam omitti non debet: hoc potissimum tempore, quò Simonias istiusmodi artes, & pseudohenotica Neutralium & Politicorum consilia renovari subinde cernimus. Nec dubitamus quin multi Viri docti & pii, necessitatem istius laboris agnoscetes, pro sancto zelo suo argumentum hoc sponte sint occupaturi. Nos interea, quod ingratum fore non putavimus, breviter *σὺν Θεῷ* hic contra Pontificios demonstrandum suscipiemus, *Justissimam ac summè necessariam fuisse Secessionem nostram ab Ecclesiâ Romanâ, Et injustum ac impossibilem rebus ita stantibus cum ea Syncretismum.*

*Pax Eccle-
siæ optanda
est quæren-
da sed qua
comitem
habeat ve-
ritatem.*

IV. Atque hic antequam ulteriùs progrediamur, semel monere debemus; Nos licèt Secessionis justitiam, & Syncretismi *ἀδυναμίαν* tueamur, nihil tamen adversus Charitatem admittere, nihil adversus pacem Ecclesiæ nobis unicè à Christo commendatam Marc. 9. 50. Joann. 14. 27. eoque modis omnibus procurandam & expetendam Psal. 122. 6. 7. 8. & 133. Absit à nobis tam durus & implacabilis animus, ut qui filii sumus Principis pacis, à pace & concordia alienum pectus penitus geramus. Volumus sanè & quarimus Pacem, sed *Pacem*, quæ cum *Veritate* conjuncta sit, & in ea fundata ex præscripto Zachar. 8. 19. & Pauli Ephes. 4. 4. 5. 15. Pacem Christi, ut bene olim monuit Hilarius contra Auxent. *Speciosum quidem est*

nomen pacis, & pulchra opinio unitatis, sed quis ambigat eam solam Ecclesia atque Evangeliorum unitam esse pacem qua Christi est? Et Hieron. Epist. ad Theoph. contra errores Joh. Hieros. Volumus & nos pacem, & non solum volumus, sed & rogamus; sed pacem Christi, pacem veram, pacem sine inimicitiiis, pacem in qua non sit bellum involutum, pacem qua non ut adversarios subjiciat, sed ut amicos jungat. Hanc si nobis Adversarii offerrent, nã iniquissimi mortalium essemus, si eam rejiceremus. Sed si Pax hîc nulla, nisi cum Veritatis jactura & memorabili detrimento detur; Valeat tam infaustæ pacis non libido tantum, sed & commemoratio: Nullum dari potest bellum adeo ferum, quod non conducibilius & melius sit fucatâ istâ pace, quæ blando nomine quum arridet, insidiatur, ut hîc verè aureum *Nazianzeni* dictum usurpandum sit, Oratione 1. de pace: *Κρείσσων ἐμπαθὴς ὁμολογίας ἢ ὑπὲρ εὐσεβείας διάστασις.* *Melius est dissidium pietatis causâ ortum vitiosâ concordia, & ut idem Orat. 12. dum ad pacem suos stimulat prudenter excipiebat, Ne suspicetur quispiam, quod pacem omnem amandam & complectendam esse existimem, nam ut optimam quandam dissensionem, ita perniciosam quandam esse concordiam perspectum habeo, ἀλλὰ τὴν γε καλῶν, καὶ ὅτι καλῶ θεῷ συνάπτεισαν, qua bona est, ad bonum, & qua Deo copulat; aliàs ut ille ipse ait, κρείσσον ἐπαίνειτὸς πῖλεμος εἰρήνης χωρίζουσας Θεῶν.* *Satius est bellum laudabile pace, qua nos à Deo separat.*

V. Nostrium est ergo pacem solidam & cum veritate conjunctam, ut novissimam Christi tesseram omni modo fovere & procurare. Sed ubi ea non nisi veritatis dispendio redimi potest, nec conciliatio quæritur, sed errorum tantum incrustatio, Ecclesiæ perniciēs, & Conscientiarum sanguine Christi redemptarum servitus; speciosa ista pacis & unionis nomina, sed nomina tantum nunquam admittet vir pius; imò potiùs infamem & perniciosam in malo conspirationem à Dei Ecclesia pro virili amolietur, nec patietur unquam, ut sub insidiosæ pacis obtentu bellum ipsi veritati indicatur, Christus cum Belial, lux cum tenebris, Arca cum Dagone componatur, idolum denuò erigatur in domo Dei, & Conscientiæ iis compedibus illigentur, quibus divino beneficio semel fuerunt exolutæ.

VI. Eò verò respexisse malefida eorum consilia, qui & superiori seculo, & hoc etiam nostro Reformatas Ecclesias cum Romana confociare studuerunt, cæcusest qui non videat. Nam dum illi vel Controversias nostras imminuere & elevare subdolè, dissimulatâ sententiâ suâ, vel fucatâ & incrustatâ speciosis pigmentis sunt conati; Vel simpliciter nostrum ad suos reditum urserunt ad pacem & unionem colendam, promissâ & oblatâ à parte suâ, non abolitione eorum quæ nos offendunt, & à Communione suâ hæctenus absterrent; sed evidentiori tantum explicatione & excusatione. Vel

si Deo placet, aliqualem in ritibus externis nonnullis Reformationem sunt polliciti; nihil interim remittentes de præcipuis auctoritatis Pontificiæ fundamentis, quibus salvis manentibus, nulla vel reformatio vera, vel solida reconciliatio expectari potest aut debet. Facile colligere est quid illi artibus suis moliti sint, & etiamnum moliantur, nihil scilicet aliud, quàm ut fucato pacis prætextu nos in pristinum servitutis jugum reducant, & eundem magnæ meretricis craterem, quò virus suum terrarum incolis propinat, auro quidem & melle illitum, sed venenatum semper æterno animarum dispendio bibendum porrigant. Absit ut nostam inauspicatæ pacis amor unquam incessat, non si totus mundus lucrandus foret; *Quid enim juvat mundum lucrari, si animam perdas?* Marc. 8. 36. Pacem quidem cum omnibus colendam docuit Paulus, sed ei δυνάτὼν Rom. 12. 18. Quàm autem fieri hoc non possit, quantumvis optari debeat, certissimus magister eventus jam satis docuit, & Nos paucis demonstraturi sumus.

Secessio duplex, alia justa & laudabilis, alia injusta & culpabilis.

VII. Ut ergo facilius rem totam persequi valeamus, antequam in *hypothesi* de Secessione nostra ab Ecclesia Romana disputemus, Quædam de Secessione in *Thesi* præmittenda sunt, ex quibus de illius vel necessitate vel temeritate judicare promptum erit. Hoc autem ante omnia præstruendum est fundamentum; Quemadmodum *Martyrem causa facit, non supplicium*; Sic non quævis statim separatio crimen inducit, & Schisma facit, sed *causa*, ut bene olim notabat *Cassander de Offic. viripii*. Ut ergo duplex secessionis *causa* dari potest, vel *justa*, vel *iniqua*; ita duplex occurrat *secessio*, alia *bona* & laudabilis, alia *mala* & culpabilis. *Bona* est à falso & malo ad bonum & verum, quæ ex bono principio, zelo scilicet Dei gloriæ, & odio non hominum, sed erroris & idololatriæ ad bonum finem tendit, scilicet liberam confessionem veritatis, & puri cultus divini exercitium. *Mala* contrà, quæ ex malis principiis oritur, & ad malum finem fertur, quæ est à vero & bono ad falsum & malum. Illius exemplum extat in Setho ejusque posteris à Caïn propagine se segregantibus Gen. 4. 26. in Abrahamo à Chaldæa & patria sua divino mandato secedente Gen. 12. 1. 2. 3. Jos. 24. 3. In Profelytis ex Ethnicismo ad populum Dei accedentibus. In Apostolis aliisque fidelibus à Judaismo ad Christianismum transeuntibus. In verè fidelibus ex Babel exeuntibus; ad quam secessionem nos vocat Dominus Isa. 52. 11. 2. Cor. 6. 17. Apoc. 18. 4. Istius verò in secessione decem Tribuum sub Jeroboamo vitulos aureos in Dan & Bethel colentium, 1. Reg. 12. 23. Samaritanorum in Templo Garizim, Judæorum in Templo Heliopolitano adorantium, hæreticorum ex Ecclesia Apostolica tempore Johannis exeuntium 1. Johan. 2. 19. Carnalium illorum de quibus Judas vers. 19. *qui se ipsos segregant, Spiritum non habentes*. Utriusque meminit Paulus 2. Timot. 2. 18. 19. cum hinc quidem

dem impiam notat apostasiam Hymenæi & Phileti, qui à veritate recedebant, resurrectionem jam factam dicentes; Inde verò justam & sanctam virorum Christianorum ἀποστασίαν sigillo Dei expressam innuit, quorum est ἀπεστῆναι ἀπὸ τοῦ ἁδίκτου, quicumque nomen Christi nominat, ἀποστήτω recedat ab iniquitate. Illa est à veritate & fide ad mendacium, Ista ab errore & impietate ad veritatem & sanctitatem: Hoc demum sensu Apostasiam & abcessionem Sanctorum ab iniquitate agnoscimus, & nos Apostatas esse libenter fateamur, & de eo gloriamur.

VIII. Unde colligitur omne quidem *Schisma* separationem esse; Sed non statim omnem separationem esse Schisma. Nam licet ex vi vocis σχίσμα, Græcis & Latinis *scissura*, quamlibet secessionem videatur importare, cum partes inter se coherentes vi quadam vel dissiliunt vel divelluntur, sive de Corpore naturali, sive de mystico & politico agatur, quo sensu dixit Poëta,

Scinditur incertum studia in contraria Vulgus.

tamen ut in cæteris bene multis vocabulis occurrit, quæ jure quodam Ecclesiæ facta sunt Ecclesiastica, in usu Scriptorum Ecclesiasticorum strictiori paulò significato, non tantum pro secessione in Religionis negotio; Sed in malam partem pro *secessione*, vel *injusta* vel *temeraria* usurpatur, quo sensu Paulus 1. Corinth. 1. 11. Corinthios arguit, quod inter ipsos audiat esse schismata: Planè ut vox *idolum*, quæ quamlibet imaginem in notatione nominis designat, peculiariter in Ecclesia restricta est ad imaginem significandam, cui deferitur honos religiosus. Et ut *hæresis* primario quamlibet opinionem innuit, quam quis eligit ut verissimam, mox specialiter applicatur singulari opinioni, quam pro genio & arbitrio aliquis amplectitur & retinet, cum abhorreat tamen à norma veritatis. Sic & *schisma* quod secessionem in genere dicit, secessioni vitiosæ & illicitæ vulgò solet tribui. Verum est, strictius adhuc usurpari aliquando contradistinctè ad *hæresin*, quatenus hæc est *contra fidem*, illud verò *contra mores* propriè, & vinculum charitatis, ut loquitur Bonaventura in 1v. sent. dist. 11. quo sensu διχοματία quæ schismatici æquipollet, hæresi contradistinguitur Gal. 5. 20. Hoc sensu sæpe de eo Patres, & Augustinus in primis, quamvis ex schismate ferè postea fieri hæresin doceat contra Donatistas, unum tamen ab altero distinguit, de fide & symbolo. *Quemadmodum hæretici de Deo falsa sentiendo, fidem ipsam violant, ita schismatici secessionibus iniquis à fraterna charitate dissiliunt, quamvis ea credunt quæ credimus.* Sed laxiori sensu ambitu suo comprehendit separationem quamcunque Ecclesiasticam per doctrinæ, aut vitæ, aut utriusque corruptelas, quomodo hîc à nobis usurpatur.

Schisma non facit separationem à Pontifice Romano.

IX. Quid autem secessionem vitiosam & illicitam faciat quam Schisma vocamus, operæ pretium est cognoscere. Sanè si Adversa-

Ecclesia, quæ sacrorum communio & vinculum dixeretur, in se ipsam cum aliis communionem nec calere voluerunt, nec perire scilicet conscientia posse.

XI. Quis autem talis scissio, vel *heresis* carum & amabilem habet, *Quidam*
vel *nullam*, vel *salutem* & *beneficentiam* hoc incriminatio de civilitate. *Quidam*
Nam si nullam habet ut exigit, & non vult commemorari. *Quidam*
Sed non dicitur, vel nullam place, vel saltem commemorem. Si vo-
lo quare solidae & necessaria causa, scissio quidem est. Sed non
Schisma. Quando causa nulla occurrat legitima ut scissio sit, vel in
Doctrina, vel in Causa, vel in Regimine: Tunc scissio est *schisma*
& meriti culpandum, utique videtur quodammodo Ecclesia Romanæ,
quæ unica Corpora solvitur, & filii erant qui scissum in personali-
tatem distinctas adducit; Equidem Deus in talis non potest habere
Patrem, qui Ecclesiam in terra Matrem non agnoscit, nec aut Caput vol-
it, qui membrorum communionem hereticis & alienis. Cum vero causæ
quidem & scissio videtur aliquæ fieri, sed levis & exigua, quæ toleranda
condam egerit, cum si scissio sit, *schisma* dicitur *conventio*, & p.
Si erant quidam in aliquo loco invenit in doctrina, sed non in fun-
damentalis, qui hereticum facit. Si erant occurrat in causa superficialis &
vanus, sed tolerabilis tamen, qui conciliantur non erant scissio. Scis-
sum deformatio & corruptio quodam dicitur. Si ergo in hoc in discipli-
na administratione peccatum aliquod aut defectus occurrat, nullum est
scissum. Ut in Corpore naturali erit alius partem aliquam occupat,
pari, vel manum vel pedem, non statim dicitur volutandum est ampu-
tari, sed vel remedia curandi erit, vel tolerandum erit malum. Idem vir-
bus nature expugnetur. Sic in Corpore hoc sacro, erit alienum opinio-
num acutur diversum aliquod, non statim scissum adducendum est aut
ignis; sed sanum ducunt vel sanandum & rebaricendum, vel saltem tol-
erandum Christiani ferendum, donec Deus ipse plenam illuminatione scissum
eminentem fidei differentias reducat, juxta præceptum Pauli Phil. 2. 15. *ut*
Quotquot sunt vestri idem sentiant; Et si quis aliter sentiat, Deus hoc
ostendat vobis, etiam si sit. Amen. Et ita ad quod & hoc pertinet, quodam
modum regit. Uno verbo, nisi morbus sit letalis & contagiosus, non est
dolerendum egerit, imo ac tunc quidem, nisi egerit ultimum. Incriminatio &
tamentum vulgo arguitur Josepho Demetrius in Asia, qui non propter
dogma aliquod periculosum, civis incidit autem Ecclesiam. Sed pro-
pter factum perinde Falsum & Cæcū se sequebantur, quod nec vo-
rum erat, nec si verum fuisset posset saltem Ecclesiam dare audire. To-
lis scissio fuit Videri ab Ecclesiis Asiaticis, cum quæstio de Polychæ
non esset fundamentalis. Talis Lætanus à Graecis propter tamen

eorum de processione Spiritus Sancti; Talis *Brownistarum & Separatistarum*, & id genus fanaticorum, qui hodie sese à puriori Ecclesia segregant.

*Quanam
Secessio sit
iusta & ne-
cessaria.*

XII. Verùm ubi graves & momentosissimæ occurrunt secedendi Causæ, tum non modò *licita & iusta*, sed & *necessaria* censenda est *Secessio*. Cujusmodi autem sint graves istæ causæ, melius aliunde innotescere non potest, quàm ex principiis veræ illius Communione, quibus Ecclesia instituitur & conservatur. Cùm verò tria sint præcipua, *Doctrina, Cultus, Regimen*; Illa, quæ fidem instruit credenda proponendo, Iste, qui mores informat facienda exigendo. Hoc, quod *Doctrina* conservat, circa utriusque legitimam administrationem versando; Tres etiam primariæ causæ Secessionis istius esse possunt, *Hæresis* in Doctrina, *Idololatria* in Cultu, *Tyrannis* in Regimine. Cùm enim Hæresis fundamentum fidei exertat. Idololatria puritatem cultus penitus corrumpat, & Tyrannis verum Christi regnum destruat: Nemo sanus ibit inficias veram Ecclesiam non posse cum his corruptelis subsistere, adeoque neminem in Cœtu tali sine certissimo salutis dispendio morari posse. Si ergo vel in *Doctrina*, non modò sit error quidam levis, sed plures exitiales & capitales, qui cor salutis & fidei fundamentum petant. Vel in *Cultu*, non supersticio duntaxat, sed infamis etiam idololatria. Vel in *Regimine* non aliqua demum *ἀταξία*, sed Tyrannis durissima, & intolerabilis persecutio tum corporalis tum spiritualis. Ex eo Cœtu secedendum esse nemo negare potest. 1. Quia communionem colere nec possumus nec debemus cum hominibus, nisi quatenus potest subsistere cum communione Dei, qui à nobis supra cætera omnia diligendus est & colendus. At Communio Dei non potest haberi, ubi hæreses capitales cum Verbo Dei pugnant grassantur, vel ubi obtinet Idololatria, quæ adulterium est spirituale, vel Tyrannis in conscientias usurpatur, quæ crimen est læsæ Majestatis in Deum, & Christum unicum Ecclesiæ Regem, *αὐτοαὐτον* cum obsequio illi debito. 2. Cùm Communio ista cum hominibus non alium in finem quærat, quàm ad salutem obtinendam, ubi salus in discrimen adducitur, quod sit ex causis prædictis, ratio salutis postulat, ut talis communio deferatur. 3. Quia talis secessio veram Ecclesiæ unitatem conservat, quam Communio cum Ecclesiâ hæreticâ & idololatricâ destruit. 4. Quia ubicunque communio non potest haberi nisi injusta; justissima censenda est ab ea separatio: Sed communio cum societate, quæ fovet errores & cultus exitiales injusta est; quia nemo debet errori & idololatriæ adhærere. Ergo secessio ab ea jussè potest fieri.

XIII. Sed non tantùm iusta censenda est talis secessio; Sed etiam *necessaria & indispensabilis*. Primò propter periculum præsentissimum, cui fideles exponerentur corrumpendi fidem suam & cultum,

cultum, manendo in istiusmodi hæreticâ & idololatricâ societate : fieri enim vix ac ne vix quidem potest, ut qui cum Errantibus & Idololâtris manet, se purum ab omni corruptelâ præstet, nec quicquam labis contrahit, quantacunque utatur cautelâ. Secundò, propter liberos, qui eidem discrimini expositi manerent, imò longè majori, qualiscunque cura eorum educationis posset haberi. Cùm ergo unusquisque non modò de salute suâ Deo rationem reddere teneatur, sed etiam de salute liberorum, debet illis maturè prospicere, ne prostituantur & salutis jacturam faciant, manendo in tali societate. Tertiò, nemo sine crimine potest habere pro fratribus, quos credimus Deum non habere pro filiis, quales sunt hæretici & idololatræ. Quartò, obligatio colendi communionem cum Christianis non est illimitata, sed certis legibus adstricta; nimirum veræ fidei professionis, quæ saltem immunis sit ab erroribus capitalibus, cultûs puri & ab omni idololatriâ repurgati, & regiminis legitimi & bene ordinati: Dum istæ leges & conditiones manent, perstat etiam communio, sed ubi cessant, cessat etiam de jure communio, & locus datur justæ secessioni. Perronius non potest justitiam talis secessionis negare in Repli. lib. 1. c. 83. *Quando corruptio, inquit, est in doctrina, vel sacramentis, vel in ritibus universalibus Ecclesia, nemo potest in ea communione illius Ecclesia manere, quin participet ejus contagio.*

XIV. Eò autem justior & magis necessaria est ista secessio; quando *malum* non modò est grave & periculosum, sed absolutè *lethale*, quod non debilitat tantùm, sed mortem & exitium necessariò post se trahit. 2. *contagiosum*, quod instar gangrænæ serpit, & faciliè totum corpus potest inficere. 3. *publicum* & commune, quod non in uno vel altero tantùm deprehenditur, sed in pluribus, & in ipsa Communitate. 4. *insanabile*, quod nullis remediis potest curari; quando omnis cura, & secundùm curam remedia omnia sunt adhibita, sed frustra: Imò æger non modò noluit curari, sed in Medicos ipsos insurgit & sævit, & pios monitores ferro & flammis persequitur. Quum illi ad quos Reformationis cura spectat, quales sunt Rectores Ecclesiæ, non modò de ea non cogitant; sed illi modis omnibus se opponunt, corruptelarum autores & fautores acerrimi, qui alios ad eas recipiendas & profitendas cogunt, etiam sub anathematis poenâ. Tunc sanè quisquis de salute sua & vitâ est sollicitus, ut omnes esse debent, sibi prospicere debet sine mora, ab eo cœtu secedendo, ne morbo isto lethali & insanabili correptus pereat.

XV. Fortius verò necessitatis istius vinculum adstringitur ex Dei mandato, qui talem secessionem non semel imperat Isa. 52. 11. Propheta Judæos Babylone degentes hortatur ad secessionem, ne ejus impietatibus & sordibus inficiantur, *Recedite de medio ejus, pollutum ne attingite, purificate vos,*

2 Cor. 6. 16. *qui fertis vasa Domini. Quod Paulus applicans Ecclesiæ Christianæ 2. Cor. 6.*
 17. *16. 17. Quenam communio, inquit, iustitiae & iniquitatis, luci cum tenebris? Quis consensus Christi cum Belial, Templi Dei cum Idolis? Itaque exite e medio ipsorum, & ab ipsis secedite, pollutum ne attingite, Ego vos recipiam, id est, ab omni inquinamento tam erroris quam idololatriæ, & vitii infidelium, puros vos præstate, & ego vos in meam amicitiam & societatem recipiam. Sic Johannes in 2a vers. 9. 10. 11. vult fidelem recedere à communione & societate hæreticorum, quæ errores eorum probentur, vel dissimulando foveantur. Si quis venit ad vos, & doctrinam istam non affert, ne recipite eum in aedes vestras, nec salutem ipsum, quia qui illum salutem, communicat ejus malis operibus. Sic Apocal. 18. 4. populus Dei jubetur exire Babylone, ne erroribus & idololatriis ejus participet. Exite ex ea, popule mi, ne participando ejus peccatis, participetis ejus plagis. Hujusmodi autem extitisse nobis secedendi ab Ecclesia Romana causas, non seorsim tantum quasdam, (quod tamen jam sufficere poterat) sed conjunctim omnes in sequentibus probaturi sumus.*

*Secessio alia
 Politica,
 alia Eccle-
 siastica.*

XVI. Priusquam verò illud faciamus, notandæ sunt adhuc aliquot distinctiones, quæ ad *Statum Questionis* rectè percipiendum apprimè sunt necessariae, tum ex parte *Subjecti*, quod est *Secessio*, tum *Prædicati*, quod est *Ecclesia Romana*. I. *Secessio* alia est *Ecclesiastica* & sacra à *doctrina* & *cultu*. Alia *Politica* & civilis ab *hominibus* & *personis*. De ista non loquimur, sed de illa. Possunt pii cohabitare heterodoxis & idololatriis ut concivibus suis; Sed non possunt nec debent cum illis communionem colere in sacris, ut cum fratribus. Prima est *secessio* quoad *fidem*, altera quoad *charitatem*, illa licita est & necessaria, quia nulla est communio Christi cum Belial, luci cum tenebris: Ista verò nequaquam, quandoquidem charitas ex præscripto Legis ad omnes homines extendi debet, modò ne quid detrimenti veritas, aut fides per id patiat. Hic namque semper illud obtinere debet, *usque ad Aras*. Sic possunt fœdera pangi cum iis etiam, qui à veri Dei cognitione & cultu sunt alieni, ut Davidis, Solomonis, Machabæorum exempla docent. Sic humanitatis & charitatis officia nemini mortalium denegari possunt aut debent.

*Secessio sacra,
 alia aperta,
 alia latens.*

XVII. II. *Secessio* sacra & Ecclesiastica, Vel est *Occulta* & latens, Vel *Aperita* & patens. Illa quâ fideles sive multi sive pauci, qui in cœtu aliquo impuro & idololatræ degunt, ita vivunt hominibus obscuri, & soli Deo cogniti, ut puros se & immunes ab erroribus illis & superstitionibus tueantur; quales fuere septem mille homines illi, qui Eliæ tempore genua Baali non flexerunt; quales illi omnes pii, qui ante sublatum Euangelii vexillum per Reformationem in Papatu morabantur & gemebant. *Aperita* est eorum, qui palàm profitentur se ab illius Cœtus doctrinâ, & cultu alienos, ut Elias,

Elias, Daniel, & socii ejus, qui apertè cum idololâtris communicare re-nuebant, in quorum ordinem referre debemus sanctos illos Veritatis Tes-tes, qui ante Reformationem non tantùm in corde clàm Ecclesiæ Roma-næ errores & corruptelas detestabantur, sed & publicè eas incusârunt & oppugnârunt, & fidem suam etiam proprio sanguine obsignârunt, ut con-stitat ex *Catalogo Testium Veritatis*.

XVIII. III. Rursus *Secessio* alia est *negativa*, alia *positiva*. *Negativa*, quando cum aliquo Cœtu non communicamus, & sive clàm, sive palàm nos ab ejus fide & cultu avertimus; sed ita tamen ut nondum propterea novum cœtum constituamus, & altare altari opponamus. Qualis fuit Patrum no-strorum, qui in Ecclesia Romana corrupta olim latuerunt, non adhæren-do tamen illius erroribus. *Positiva*, quando non modò nos alienos ab ali-quo cœtu testamur, sed etiam cœtus ab illo separatos habemus, priorem Ecclesiam deferendo, & novam instituendo, quæ legibus Ecclesiasticis, Dei Verbo, Sacramentorum administratione & sacris istiusmodi separatim utatur. Cujusmodi putabatur esse secessio Rubenitarum & Gaditarum, extructo prope ripam Jordanis altari præter altare Dei: Jos. 22. Quæstio verò nostra est, non de *prima*, sed de *secunda*. Neque enim disputamus tantùm, an licita fuerit secessio illa negativa fidelium; quâ pertendimus pios omnes sese à Papatu separâsse, sic enim nunquam exivissemus ex eo; Sed An Positiva, quâ Patres nostri egressi sunt ex Papatu & novas Ecclesias passim extruxerunt, necessaria fuerit & justa.

*Alia positi-
va, alia
negativa.*

XIX. Ut verò *Subjectum* distinguendum est: Ita & *Prædicatum*, scilicet *Ecclesia Romana*, qui est terminus à quo facta est secessio. *Ecclesia* au-tem *Romana* nomine primò intelligitur ea, quæ tempore Apostoli viguit, cujusque fides ab eo celebratur Rom. 1. & quæ aliquamdiu postea in doctri-næ integritate perstitit, quo sensu de ea non disputamus. 2. Designatur ea, quæ sequioribus seculis extitit, & etiamnum extat, ab illa puritate & in-tegritate planè degenerans, & hoc modo sumitur peculiariter, Vel pro Cœ-tu qui concluditur mœnibus Romanis, Vel pro Ecclesia repræsentativa, Papâ scilicet & Conciliis, Vel pro ipso Pontifice ut Capite, Vel denique pro iis omnibus Cœtibus, qui Romano Pontifici adhærent & ab eo pen-dent ubicunque locorum sint, quæ *Ecclesia collectiva* dicitur. Quo respectu potissimùm, non exclusis tamen aliis, Ecclesiam Romanam attendimus.

*Ecclesia
Respectatur
hic non ut
vetus &
Apostolica,
sed ut nova
& Papalis.*

XX. Sed in hac rursus Eccl. Rom. consideratione, distinguendum est τὸ *Materiale*, & τὸ *Formale*. *Materiale* sunt homines ipsi quâ ta-les, qui Ecclesiam istam constituunt. *Formale* verò positum est in *Vo-catione*, secundum quam in eam societatem Ecclesiasticam convenerunt. Ut verò illa duplex potest esse, Vel quâ est à *Christo*, qui supremus est Ecclesiæ Pastor & Dominus, Vel quâ à *Papa*, qui se Vicarium ejus

*Non secun-
dum mate-
riale, sed
quo ad for-
male.*

esse falsò gloriatur. Ita duplex est istius *σχέσις* Ecclesiæ, Vel quâ ad Christum refertur, Christiani nominis & Veritatis aliquid adhuc retinendo, Vel quâ Papam respicit, illius dominio & jugo sese subijciendo. Unde colligimus in Ecclesia Romana tria hæc imprimis esse distinctè attendenda. 1. *Subjectum*. 2. *Accidens* quoddam adnatum Subjecto. 3. *Compositum* ex utroque. 1. *Subjectum* sunt homines Christiani, in quibus nonnihil est adhuc vocationis & gratiæ divinæ, potius quàm in Turcis & Judæis; ut liquet ex eo quòd symbola & sigilla fœderis non planè abstulerit Deus, quòd retineantur adhuc principia Theologiæ, tum *Essendi*, Deus unus essentiâ, trinus Personis, utraque Christi natura in Unitate personæ, tum *Cognoscendi*, Verbum scilicet Dei, quamvis multiplici adjectione & subtractione postea corruptum, quæ argumento sunt aliquid adhuc ex parte Dei remanere in illo cœtu, licet ex parte hominum nil nisi infidelitas supersit.

XXI. Secundò *Accidens* sive Adjunctum adnatum, est *Papatus*, qui in Ecclesiam multiplices corruptelas tam quoad fidem, quàm quoad cultum invexit, & meritò censetur tanquam ulcus pestilentissimum, gangræna, & carcinoma in Corpore Ecclesiæ, & totâ essentiâ differt ab Ecclesia: Ecclesia enim est Cœtus Vocatorum in unam fidem sub uno Christo. At Papatus relationem habet ad Pontificem, & ἀποστασίαν à Christo eatenus facit. Unde etsi Christianum nomen adhuc retinet, sub specioso tamen illo nomine Antichristi tyrannidem exercet, & virus ac venenum per totum Corpus diffundit.

XXII. Tertiò *Compositum ex utroque* ejusmodi est, ut quædam ex Christianismo supersint, quæ sunt institutionis Christi, multò plura verò ex Antichristianismo irrepserint, quæ sunt corruptelarum Antichristi. Quoniam enim Satan mysterium hoc iniquitatis formare non potuisset, si Christianismum directè & γυμνῇ ἡ κεφαλῇ oppugnâset & extinguere suscepisset: Ideo os Draconis cornubus & exuviis Agni operire fategit, ut faciliùs incautos deciperet. Sic ex doctrinâ Christianâ, aliquid quidem à Pontificiis retentum est, sed simul innumera alia huic doctrinæ addita sunt, quibus ita adulteratur & corrumpitur, ut omnis ejus efficacia enervetur, planè ut olim idololatræ in Judaica Ecclesia Baalis cultum cum divino conjungebant, ut *jurarent per Deum & Milchom* Ammonitarum idolum Sophon. 1. 5. & ut Achaz altare Damascenum in Templo juxta altare Dei collocavit 2 Reg. 16. 11. 12. Ita in Papatu ad principia Christianismi tot adjunxerunt depravationes & corruptelas, ut verè Templum Dei cum Idolis, lux cum tenebris, & veritas cum mendacio confociata dicantur, & ita conjuncta, ut quod malum est & exitiale, quod reliquum est boni suffocet & extinguat. Atque hoc est discrimen quod inter hanc, & alias falsas religiones, hæc-

Sophon. 1. 5.
2. Reg. 16.
11. 12.

hæreses, & schismata observari potest: Quodd *Hellenismus*, *Mahumedi-*
smus, *Judaismus*, & si quæ sunt aliæ infidelium religiones Christianismi
 fundamenta negent. *Hæreses* articulos singulares fidei lædant & pervertant:
Schismata charitatis vinculum solvant: Sed hoc *Antichristianismi* proprium,
 ut subjectum retineat, sine quo ipse constare non potest; Ut enim gangræna
 tollitur Corporis nece, & veneni nulla est propinatio crudi, sed in cibo vel
 potu; Sic nulla esset Antichristi vis, nisi Templum Dei clamaret, hac spe-
 cie populo illudendo, & hoc vinculo conscientias illaqueando.

XXIII. Ex quibus colligere licet, quid de Ecclesia Romana judican-
 dum sit. Nam quæ vocationis & veritatis divinæ residuum adhuc aliquid
 est in ea, Ecclesiæ nomen, sed latè sumptum non putamus ei absolutè de-
 negandum. Quæ verò *Papatus* spectatur, quod est accidens & adjunctum
 adnatum & adhærens illi Ecclesiæ, veram Ecclesiam esse negamus, sed Ec-
 clesiæ pestem, corruptelam, exitium, Ecclesiam ex Apostolica & Chri-
 stiana Apostaticam & Antichristianam faciens. Quæ Ecclesiam ex utroque
 compositam & compactam attendimus, eam moribundam, tabescentem,
 peste infectam & intercuntem esse dicimus. Sic quum Ecclesiæ titulum
 concedere nolumus Pontificiis, non ideo aliquid ejus vestigium apud eos
 manere inficiamur, sed ut bene Calvinus l. 4. Instit. 2. f. 12. observat, *tan-*
tum litigamus de vera & legitima Ecclesia constitutione, qua in communione
tum sacrorum, qua signa sunt professionis, tum vere potissimum doctrina re-
quiritur. Hic autem quando de secessione ab Ecclesia Romana agitur; Cer-
 tum est non intelligi secessionem ab *Ecclesia Romana*, quæ Christiana, sed
 quæ *Papali*; Non quæ aliquid veri & boni adhuc retinet à parte Christi, Sed
 quatenus mirum in modum corrupta est & adulterata per Antichristum.
 Non est desertio Ecclesiæ aut Communionis sacræ. Sed desertio tantum
 corruptionis, errorum, Apostasiæ & discessionis factæ à vera antiqua
 Apostolica & Catholica fide & Ecclesia, ejusque Capite Christo.

XXIV. Hinc patet longum latumque discrimen intercedere inter hæc *Aliud est*
 duo, quæ tamen subinde turpissimo errore confunduntur ab Adversariis, *secedere ab*
Discedere ab Ecclesia, & Discedere ab Ecclesia Romana: Nam cum Ec- *Ecclesia,*
 clesia propriè ita dicta sit societas omnium fidelium per Verbum & Spiritum *Aliud ab*
 ad communionem Christi vocatorum, procul dubio nemo potest sine gra- *Ecclesia Ro-*
 vissimo, imò certissimo salutis periculo ab ea discedere, quandoquidem *mana.*
 extra eam non potest dari salus. Sed *Ecclesia Romana* cum sit Cœtus par-
 ticularis visibilis, non modò potest sine periculo deferi, sed & debet, si
 ita corrupta est, ut fundamenta salutis in ea illibata non maneant amplius,
 nec ullus salvâ conscientia illius sacris interesse possit. Quod ergo Adver-
 sarii subinde vociferantur, salutem nostram conclamatam esse, quia Ec-
 clesiam deseruimus, absurdissimè petunt principium, & confundunt di-

stinguenda, quasi *Ecclesia* & *Ecclesia Romana* identificarentur, ita ut nemo possit ab ista secedere, quin illam simul & semel deserat. Cum contrà, ut antea dictum, contendamus, Ecclesiam Romanam per suam Apostasiam Ecclesiæ veræ & propriè ita dictæ nomine excidisse. Ita secessimus quidem ab Ecclesia Romana, ut particulari cœtu visibili, quia non potuit conscientia ejus abominationes ferre: Sed ab Ecclesia nunquam, nunquam à Catholica illa societate, quæ Corpus Christi constituit, & in qua sola obtinetur salus, nunquam à Christianismo seu veris Ecclesiis Christianis, quæ tum temporis fuerunt in mundo. Imò tantum abest ut ab iis sit discessum, ut propius sit ad eas accessum: Ita ut separatio ista sit terminus separationis & Apostasiæ, in qua Nostri cum reliquis ambulabant, atque adeò *Regressus ad Unionem*, & communionem sacram in & cum unico Capite Christo & mystico ejus Corpore: propterea enim ab errore & superstitione discessum est, ut propius ad veritatem & pietatem accederetur, & ut à corruptionibus Antichristi, ad veram fidei Christi professionem rediretur.

XXV. Sanè si nunquam à Christo secessisset Ecclesia Romana, si semper ut Sponsa Christi intemeratam fidem Sponso suo servasset, nec passa fuisset Adulterum Sponsi sui thalamum subire, & Servum solum Regis & Domini impiè occupare: Si doctrinam & cultum semel traditum purum & illibatum retinisset: Utique ab ea secedendum nunquam fuisset, sed eadem, quam cum aliis Ecclesiis particularibus communionem fovere debemus, cum ipsa etiam colenda fuisset. Sed ubi ipsa prior turpiter à Christo descivit, postquam adultera facta est & mater fornicationum, postquam ipsa salutis fundamenta subruere conata est, & cœlum terræ miscere; Quis jure queri possit, si turpiter à Christo deficientem deseruimus, & adulteræ nuntium remittentes, verum & unicum Sponsum nostrum sequi volumus, & illi æterno & indissolubili vinculo copulari? An culpa Schismatis aut divortii in eos transferetur, qui desertores deserunt. An non potius in ipsos desertores, qui prius Christum, antiquam fidem, & Ecclesiam in tam multis deseruerant? Ut in causa divortii, culpa non in maritum insonem, sed in uxorem adulteram confertur, ille quidem libellum repudii mittit, sed hæc prior jura & vinculum conjugii violavit; ille uxorem deserit, sed hæc prior maritum deseruit & Conjugium adulterio rupit.

*Status
Quæstio-
nis.*

XXVI. Ex quibus ita positis, non obscurè colligitur verus Quæstionis Status. Non enim simpliciter quæritur; An quævis secessio ab Ecclesia Romana licita fuerit & necessaria: Non disceptatur etiam, An quovis tempore secessio fieri potuerit legitimè. Sed Controversia ad hosce redigitur terminos: *An licitum fuerit & necessarium Patribus nostris superiori seculo segregare se secessione, non politicâ & civili, quoad charitatem & ejus officia, Sed sacrâ &* *Ecclesia-*

Ecclesiasticâ, quoad fidem ejusque professionem, non latente tantum & negativâ, sed *patente & positivâ*, ab *Ecclesia Romana*, non quâ Ecclesia simpliciter, vel qua Ecclesia Romana veteri & pura: sed quâ *Ecclesia Romana novitia, corrupta & impura*, id est quâ *Papali & hæretica*, quæ & ipsa secessionem primò fecit a Christo. Vel *An exius Patrum nostrorum ab Ecclesia Romana quâ tali legitimus sit, an infami schismatis nomine sit traducendus, nosque adeo qui eorum premimus vestigia, cum ipsis pro schismaticis jure haberi debeamus, quia nolumus ad ejus communionem redire, & cum ea communicare.* Posterius affirmant Pontificii. Nos verò prius tuemur.

XXVII. Assertionis autem nostræ, ut ab hoc Capite exordium ducamus, causas & rationes habemus complures gravissimas, quas quia operosum esset sigillatim referre, præcipuas tantum notamus. Primò Secessionem nostram non temerè, & sine necessitate, sed gravi aliqua de causa factam fuisse, Vel hoc unum jam luculenter probat, Quòd si unam conscientiæ vocem excipias, cætera omnia non modò eam non suaderent, sed & apertè illi repugnare viderentur. Nam cum nihil ex ea lucri & commodi secundum mundum sperare possent Patres nostri, nihil non contrà damni & incommodi expectare, utique si carnem & sanguinem consulissent, nunquam secedere debuissent. Prævidebant quippe, imò reipsa jam satis suo damno experiebantur, non posse se ab ea societate discessionem facere, quin eo ipso Magnatum & Principum indignationem, popularium & concivium malevolentiam, & omnium odium incurrerent, quin bonorum, dignitatum, amicorum, patriæ & eorum omnium, quæ dulcissima & carissima nobis in hac vita esse solent, jacturam facerent, quin denique paupertati, ignominia, exiliis, persecutionibus, tormentis, morti, & rebus quibusque dirissimis se ipsos exponerent. Certò persuasi erant contrà, se, si in Romana communione manere voluissent, nihil tale passuros fuisse, imò prospera omnia & felicia fuisse habituros. Quid ergo causæ fuit cur secedendo vitam in speciem miserrimam, & innumeris incommodis obnoxiam, jucundissimæ & florentissimæ prætulerint? Sanè vel eos planè mente captos, & insanos fuisse dicendum est, quod de tot præstantibus & doctissimis Viris, de tot hominum myriadibus, non ex compacto, sed seorsim variis temporibus & locis in unum consentientibus, quis nisi amens ipse dixerit? Vel gravissimas aliquas fuisse causas, & rationibus omnibus mundanis longè potentiores, quæ eos adegerint ad ea spernenda, & tanquam damna refugienda, quæ natura in deliciis habere solet, ad ea verò sponte eligenda & constantissimè patienda, à quibus quàm maximè abhorremus.

XXVIII. II. Tales autem causas non inanes fuisse & ludicras, vel pro cujusque arbitrio confictas; Sed veras & reales, quæ conscientiam

*Probatur
secessionem
nostram non
factam esse
temerè &
sine necessi-
tate.*

tiam ipsam urgerent, ex eo rursus liquidò constare potest: Quòd non Nobis tantum deformis & corrupta visa sit Ecclesia Romana, sed & quamplurimis Pontificiis, qui hanc Matris suæ turpitudinem diffiteri non potuerunt, quique propterea reformationem aliquam summè necessariam esse agnoverunt. Clamant hoc querelæ & gravamina Maximiliani Imperatoris, Germanorum, Gallorum, &c. in *Fasciculum rerum expetendarum ab Orthuino Gratio* congesta. Clamant Scripta Nic. de *Clemangis*, *Alvari Pelagii*, *Theod. à Niem*, *Wicelii*, *Wesseli Groningensis*, *Cassandri*, *Rayneri*, & aliorum plurium, quos vide in *Catalogo Testium Veritatis*, & *Plessai mysterio iniquit.* quibus *Vivem*, *Erasmum*, *Ferum* addimus, qui multa in Ecclesia Romana jam desiderari apertè sunt fassi, & gravissimos ejus errores & corruptelas dissimulare non potuerunt. Notum est etiam celebre *Fr. Petrarchæ* viri docti & disertissimi testimonium, qui ante annos ducentos ita Papatum & Arcem ejus graphice depingit, & alibi sæpe, & præsertim *lib. epist. sine titulo*, epist. 16. ut nominet eam *Impiam Babylonem*, *proditionum nidum*, in quo totum terrarum orbis *venenum* fovetur, *crapulis & ebrietatibus obstrictum*, *meretricem execrabilem*, in qua *luxuria undiquaque vagatur & viget*, *heresium errorumque asylum*, *carcerem ubi bonum extinguitur & quodvis malum scelestumque alitur*, *Christo ejusque Apostolis rebellem*, ut *Venerem Baccchumque Deos colat*. Et alibi, *Roma non jam civitas, sed larvarum ac lemurum domus est*, & ut breviter dicam *scelerum & dedecorum omnium sentina*, atque ille viventium infernus tanto antè Davidico ore notatus quàm fundatus aut cognitus. Notæ sunt etiam *Mantuanii* Monachi Itali querelæ, laudati etiam *Espensæo* Sorbonistæ in epist. ad Tit.

Quisquis opes sacras nummo reperire profano

Querit, eat Romam, sacra sunt venalia Roma.

Et cum alia vendant alii, inquit ex eodem *Espensæus*,
venalia nobis

Templa, Sacerdotes, Altaria, sacra, corona,

Ignes, ibura, preces, cælum est venale Deusque.

Nec solum moderatiores illi & mitiores Pontificii, sed & acerrimi Papatus defensores agnoverunt, vide *Contareni*, *Sadoleti*, *Poli*, aliorum ad emendandam Ecclesiam à Papa electorum consilium *Paulo III.* exhibitum apud *Onuphrium* in quo scribunt, ferè in præceptis collapsam esse Ecclesiam Christi, *abusus & gravissimos morbos*, quibus jampridem Ecclesia Dei laborat, & præsertim *Romana Curia*, effecisse, ut *ingravescentibus pestiferis morbis magnam hanc ruinam traxerit*: Item, *Ecclesiam ad desperationem ferè salutis laborare*. Hoc viderat *Marcellus II.* qui de Controversiis religionis componendis ac de reformatione cogitans, aliam quàm decessoribus ab emendationis nomine, ut autoritati Pontificiæ ominoso, abhorrentibus sibi esse mentem

mentem palàm profitebatur. Et hic est qui post lectionem Scripturæ & Patrum ab Anagnoste in prandio factam, post longum silentium recordatus Adriani Papæ verba, *Romano Pontifice nemo est inferior*, inquit, &c. & manu mensam percutiens: *non video quomodo, qui locum hunc altissimum tenent, salvari possint*. Onuph. in Marcello II. *Ferus* non uno in loco de hîc Ecclesiæ Romanæ corruptelis loquitur, nominatim verò in cap. 8. *Judic. Quàm multa instituerunt sancti bona intentione, quæ tamen nunc videmus partim in abusum, partim in superstitionem versa? Exemplo sunt Festa, Caremonia, Imagines, Missa, Monasteria, nihil horum ea intentione institutum fuit quâ nunc habentur, & tamen Gedeones nostri tacent, non abolent abusus, non auferunt superstitiones, &c.* Cùm verò ex hîc, ut innumera alia omittamus istius generis, ipsis Adversariis testibus, satis constet varios abusus & corruptelas & in fide & moribus in Ecclesiam Romanam irrepisse, quæ statum ejus & puritatem deformarent, facile est colligere, quam non temerè & sine gravi ratione Majores nostri opus hoc Reformationis susceperint, & ad istud peragendum secessionem sibi faciendam esse duxerint.

XXIX. Reponent hîc forsan Adversarii, *Quamvis daretur corruptam fuisse Ecclesiam diversimodè, non tamen propterea locum fuisse justæ secessionis; sanandam fuisse & corrigendam, non verò deferendam, non denudandam fuisse turpitudinem matris, si quæ fuit, sed pro virili obregendam. Reformationem quidem necessariam fuisse & potuisse postulari, sed ab iis expectandam fuisse, penes quos jus & potestas erat reformandi, non temerè à quovis suscipiendam.* &c. Sed facili negotio hoc quicquid est ratiocinii solvi potest. I. fateor lubens & concedo, non statim propter quamvis corruptionem & ægritudinem deferendam esse Ecclesiam, corrigendam esse, & mediis appositis, si pote, curandam. Sed ubi malum eò usque excrevit, ut factum sit penitus immedicabile; Ubi omnis cura facta est inanis, & omnia remedia frustra tentata sunt; Ubi ipsa non modò medicinam admittere recusât, sed & Medicos suos fugat, & ferro ac flammis persequitur; quid ulteriùs curæ & sollicitudinis impendi potest? Hunc autem fuisse Ecclesiæ Romanæ statum, res ipsa, nobis etiam tacentibus, clamat. Notum est, quantas querelas boni omnes diu fuderint super gravissimis ejus corruptelis, quàm ardentibus votis & publicè & privatim Reformationem aliquam sæpius postulaverint, & quàm sæpe promissam, frustra tamen & incassum expectaverint. Notum quantâ sollicitudine in id incubuerint, ut malis medelam aliquam afferendo, unionem semel factam conservarent, catenus ut nullam ferè pacis conditionem recusarent, præter eas, unde secutus foret omnis religionis interitus: Sed tantùm abest, ut pio zelo suo summa charitate temperato quicquam profecerint; ut contrà magis ac magis in malo suo obfir-

Hof. 2. 2.

mata in Medicos suos insurrexerit, & omnem remediorum apparatus procul à se rejecerit. Ubi ergo monita nihili fieri, & viâ mansuetudinis se nihil proficere animadverterunt Nostri, quid faciendum ipsis fuit amplius, nisi ut mandato divino olim adversus Ecclesiam Itraëliticam idololatriæ ream tradito Hof. 2. 2. *Litigate, litigate cum matre vestra, neque enim uxor mea est, dicite ei ut tollat scortationes de facie sua & ex uberibus suis*, in simili casu obsequentes, cum ea litigare inciperent, vitia ei ob oculos subicientes, & exprobrantes, ut pudore suffusa ad Deum se converteret? Sed quia nedum ut viâ istâ etiam ad correctionem adducta sit, ut ex adverso rabies ejus magis sit exasperata, eatenus ut pios monitores omni persecutionum genere sit infectata: Quid antiquius ipsis esse debuit, si salutis suæ desiderio tenerentur, quàm ut eam defererent, atque ita certissimo ejus exitio se subducerent? juxta illud Jerem. 51. 9. *Curavimus Babilonem, sed noluit sanari, eam deserite, & revertatur unusquisque in terram suam, Judicium enim ejus ad cælos usque pervenit.*

Jer. 51. 9.

XXX. 2. Falsò supponitur tanquam simpliciter & absolutè verum, Ecclesiam nunquam esse deferendam: Nam etsi sponte hoc largimur respectu *Ecclesie Catholice & Invisibilis*, quia extra eam nulla est salus: Item, respectu *Ecclesie visibilis verae & pure*, quæ genuinas Ecclesiæ Christi notas retinet: Nemo tamen dixerit hoc locum habere debere respectu *Ecclesie* cujuscunque *particularis visibilis falsæ & corruptæ*, quæ & ipsa prior defecit à Christo. Aliàs nec Paulus secedendum esse à falsis fratribus, qui diversam docent doctrinam, bene præscriberet, 1. Timot. 6. 3. 4. 5. nec Judæi à Samaritanis, nec Orthodoxi ab Arianis justè secessissent, nec Propheta fideles sic hortari potuisset, *Ne ascendatis Bethaven* Hof. 4. 15. Hæc enim *Bethaven*, si locum spectamus, nihil aliud fuit quàm *Bethel*, sed cùm nomine esset *Bethel*, idola colendo facta est *Bethaven*. Si Roma, quæ olim fuit *Bethel*, id est *Domus Dei*, sit *Bethaven*, id est, *Domus vanitatis*, quis sine crimine eò ascenderet? Cùm ergo Ecclesia Romana non aliter hîc consideranda veniat, quàm ut Cætus particularis visibilis corruptus, patet causam nullam fuisse cur ab ea secessio fieri non potuerit. Unde malè hîc arguitur à non distributo ad distributum, ab Ecclesia simpliciter & in genere, ad Ecclesiam Romanam in specie; quasi nemo possit deficere ab Ecclesia Romana, quin deficiat ab Ecclesia, & ab Ecclesia Universalî. Cùm contrà quòd magis ab Ecclesia Romana quàm tali recedimus, eò propius ad veram Christi Ecclesiam accedamus. 3. Damus obtegendos esse naves & defectus Ecclesiæ alicujus, cùm adhuc sunt tolerabiles & emendabiles, sed quum facti sunt exitiales & capitales, atque ita invaluerunt, ut eorum corrigendorum nulla spes amplius affulgeat, tum causam Christi proderet, qui illos dissimularet, & iis conniveret,

Hof. 4. 15.

XXXI. 4. Reformatio postulanda fuit quidem primò & expectanda ab iis, qui in auctoritate erant constituti, & hoc non semel, sed sapissimè præstitum: Sed cum spes suas delusas viderent Nostri, & illi penes quos potestas tum fuit, omnium maximè reformatione indigerent, nec modò de ea cogitare nollent, sed & totis viribus illi reluctarentur, An quia non potuit ab iis obtineri, miserè in errore pereundum fuit? Nonne necessitatis lex, & vocationis generalis ratio unumquemque obligabat, etiam nullo alio accedente mandato, huic operi manum admoveere? Ubi passim grassatur incendium, nonne quisque tenetur, cessantibus præsertim iis, qui ad id publicè sunt constituti, aquam undique comportare, & pro virili illud restringere? In Republica si νεμοφύλακες stertunt, si Janitores ipsi portas adventanti hosti aperiunt; An non licebit civi claves è manu proditoris eripere, & hostem irruentem repellere? Si milites vident urbem à suo Duce proditi; An fidelitatis laudem merebuntur, si taceant & quiescant? an non perfidiæ & proditoris meritò insimulabuntur, nisi protinus à Duce illo secedant, & supremi Principis auctoritatem adversùs ipsum tueantur, scelestissimis ejus conatibus obsistendo? Ea fuit piorum conditio, stertebant Rectores Ecclesiæ, imò ipsi gregem Christi miserè seducebant & hosti tradebant; Quid mirum ergo, si fideles diviniùs excitati in præsentissimo hoc periculo & summæ necessitatis casu, sibi salutique suæ prospicere ante omnia conati sint, desertores & perduelles deferendo, ut fidem intemeratam supremo Principi & Duci Christo conservarent? Sed de his postea fusiùs, cum de *Vocatione Reformationum* disputandum erit; nunc obiter notasse sufficiat, non potuisse Reformationem ab iis expectari, qui deformitatum & corruptelarum maximarum vel autores erant, vel approbatores. 5. Denique gratis semper supponitur tales abusus & corruptelas non fuisse, propter quas secedendum fuerit. Hoc ipsum enim est τὸ ἐξι-
νόμειον, cujus contrarium rationibus variis jamjam sumus probaturi, ex quibus constabit causas secedendi nobis non fuisse tantùm, vel mores Cleri corruptissimos, qui tamen multis ingens scandalum præbebant, vel disciplinæ laxatæ varios abusus, vel errores tantùm quosdam leves & tolerabiles, sed gravissimos & teter. imos complures, quos amplecti vel profiteri sine salutis dispendio non poteramus.

XXXII. Hoc ipsum verò ut demonstremus, I. De *Erroribus circa fidem* dicendum, antequam ad Cultum & Regimen descendamus. Tale autem nobis esto principale argumentum. Ab Ecclesia hæretica, & quæ multiplices errores capitales & fundamentales fovet, necessariò secedere tenemur; At Ecclesia Romana talis est. Ergo ab ea secedendum nobis fuit. Major extra controversiam est posita, quandoquidem nulla potest esse communio luci cum tenebris, veritati cum mendacio, Christo cum Belial

2. Cor. 6. 14. 15. 16. & res ipsa loquitur, salutem consistere non posse subruo ejus fundamento. Unde Paulus hominem hæreticum, & qui sanos sermones Domini nostri Jesu Christi & doctrinam secundum pietatem non retinet, fugere jubet 1. Timoth. 6. 3. 4. 5. & 2. Thessalon. 3. 14. Ergo totalis est de Minore, ut probemus tales esse Romanæ Ecclesiæ errores, qui fundamentum ipsum salutis oppugnant, & hæresin faciunt. Hoc autem facile evinci poterit, si & fundamentum ipsum respicimus, & Pontificiorum circa illud doctrinam. *Fundamentum* Religionis quum dicimus, intelligimus doctrinam omnem, quæ ita ad salutem creditu & factu necessaria est, ut absque ea nemo adultus servari possit. Quæ vox à Judæis primò est usurpata, qui præcipua Religionis dogmata hoc nomine designare solebant, ut *Maimonides* initio nobilissimi operis, quod יסוד הדת dicitur, eo usus est, יסוד הדת id est *fundamentum fundamenti, & columna sapientia hæc est, ut sciamus, quod sit Ens primum* &c. mox ab Apostolis ad mysteria Evangelica translata est 1. Cor. 3. 11. Eph. 2. 20. Heb. 6. 1. Ea verò, ut notum, metaphorica est & ab ædificiis petita; Sicut enim ista absque fundamento stare non possunt, sed corruunt illicò, ita fideles, qui sunt domus Dei, 1. Corint. 3. 6. stare nequeunt, nisi Doctrinæ isti salutari tanquam Petræ immobili innitantur, ab eaque sustententur, Matth. 7. 24. 25. Quemadmodum verò *Religio Christiana* duabus partibus potissimum absolvitur, *Fide* & *Cultu*, *Veritate* & *Pietate*; hinc duæ partes istius Fundamenti vulgò recensentur: Altera quæ *fidei dogmata* complectitur, & quæ *Evangelio* continetur. Altera quæ *morum præcepta* tradit, & *Lege* describitur: illa τὰ θεωρητικά & credenda, ista verò τὰ πρακτικά & facienda proponit. Quæ ergo in unam vel alteram, vel utramque fundamenti istius partem doctrina impingit, *fundamentalis error* dicitur, cum quo salus consistere nequit.

*Quis Error
fundamen-
salis.*

XXXIII. Verùm & hæc distinctio quædam notanda: Datur enim *Error*, qui fundamentum tantum tangit, datur alius, qui fundamentum ipsum evertit. Ille circa ipsum versatur. Iste verò contra: Est qui primò, directè, & immediatè ipsum oppugnat & convellit: Est qui indirectè tantum & secundariò illud impetit. Denique occurrit talis error, qui mediatè quidem & per consequentiam, sed necessariam, proximam, evidentem & εμφύτον, seu innatam in fundamentum fertur, Et talis, qui per Consequentiam tantum remotam, contortam, & παρρησιαστικὴν seu illatam ad illius ruinam tendit. Ut autem hæc duo longè inter se differunt, Ita pari loco non debent haberi; Sicut enim non quælibet rima in fundamento ædificium ipsum subvertit, Ita nec quilibet error circa fundamentum statim est propriè fundamentalis; Sed ille demum, qui ipsum ita impugnat, ut ipsò evertat & diruat.

XXXIV. Tales autem errores esse Pontificiorum in utramque fundamenti istius Theoretici & Practici partem asserimus. Et ut de *Theoretico*, quod ad fidem pertinet, primò dicamus, de quo nunc disputamus, mox de altero, quod ad mores sive cultum spectat, disputaturi. Quia longum esset ire per omnia, pauca speciminis ergò ex multis aliis dogmata eorum notabimus erronea, quæ in ipsum fundamentum manifestè incurrunt. Cùm verò variæ constitui possint fundamenti istius partes, nemo negabit tres hæc inter primarias & præcipuas meritò reponi, *Scripturam*, *Christum*, & *Gratiam*. *Scriptura est fundamentum doctrinae & Institutionis*, quatenus norma & basis est invariabilis fidei, quo sensu Ecclesia dicitur superstrui *fundamento Prophetarum & Apostolorum*, Ephes. 2. 20. non ratione *personæ* ipsorum, quæ fundamento & ipsa egebat, quò niteretur, sed *doctrina*, quæ ab ipsis tum in Veteri tum in Novo Testamento tradita est. *Christus est fundamentum salutis* tum acquirendæ per meritum mortis, tum conservandæ per efficaciam vitæ, siquidem teste Petro *non datur in alio salus*, Act. 4. 12. & *fundamentum aliud nemo ponere potest præter id quod positum est, quod est Christus Jesus*, 1. Cor. 3. 11. 1. Pet. 2. 4. 5. Unus enim est Princeps vitæ & Autor salutis, qui eam in *Decreto* ab æterno destitutam, in *Verbo* sæpius promissam, in *Cruce* semel acquisitam, in *Corde* subinde obsignat, donec in *Gloria* tandem impleat. *Gratia est fundamentum applicationis*, quatenus eâ nituntur omnia Dei erga nos beneficia, tam, quæ *pro nobis* à Christo, ut *Vade* parata sunt, quàm quæ *in nobis* ab ipso ut *Capite* per Spiritum producuntur, cujusmodi sunt, Justificatio, Sanctificatio, Perseverantia, &c. quo sensu gratiæ omnia tribuuntur in Evangelio Rom. 4. 16. & 11. 6. 2. Tim. 1. 9. & 1. Pet. 5. 10. Deus autor omnis gratiæ dicitur fundare fideles, peculiariter verò Heb. 13. 9. *Cor dicitur firmari gratiâ*, &c. In tria autem ista fundamenta graviter impingere Adversarios luce meridianâ clarius est.

XXXV. Nam ad primum quod attinet, quod *Verbum Dei* esse diximus, Patet quàm turpiter hîc labantur, dum omnia istius Scripturæ *θεοπνευστα* adjuncta, vel directè vel indirectè eunt eversum; *Originem* certam, quum *Occasionaliter* tantum, non ex professo traditam esse volunt: *Autoritatem* & *Αὐτοπισίαν* divinam, quum illam suspendunt saltem quoad nos à Testimonio Ecclesiæ, & ipsi Judicium Controversiarum fidei abrogant. *Perfectionem* omnimodam, quum Traditionum ἀρχαίων necessitatem urgent, quas non modò ipsi *pari pietatis affectu & reverentiâ* suscipiendas cum Scripturis decernunt, ut *Conc. Trid. Sess. 4.* sed & sæpius præferunt, adeò ut *Baronio* ad an. 53. *tanti ponderis sit Traditio, ut fundamentum existat ipsarum Scripturarum.* *Persplicitatem* & certitudinem evidentem, obscuritatis & incertitudinis eam impiè arguendo, ut

ipsis sit natus cereus & regula lesbia, quæ pro libitu huc illuc inflecti possit. *Puritatem* & integritatem, corruptionis fontes ipsos insimulando. *Finem* primum, negando esse solam normam, sed commonitorium tantum aliquod fidei & morum. *Usus* denique, lectionem ejus severè interdicens, & lucernam reponendo sub modio, ne scilicet ad illius lucem detegatur mysterium iniquitatis. Atque eò usque furor ille grassatus est, ut etiamnum hodie, ubi plenius Pontifex dominatur, capitale sit S. Scripturam, aut ullam ejus partem quacunque vulgari lingua expressam domi habere vel legere, juxta impiam Regulam *Indicis Expurgatorii*, qui Madriti excusus est an. 1612. his verbis expressam, quam nemo pius sine horrore legere vel audire potest: *Cum experimento manifestum sit, si S. Biblia vulgari lingua permittantur, plus inde ob hominum temeritatem detrimenti, quam utilitatis oriri, prohibentur Biblia cum omnibus eorum partibus sive excusa, sive manuscripta, in quacunque vulgari lingua extent, &c.* Quia verò *Pius IV.* videbatur consilio Ordinarii permittere, ut Bibliorum verborum lectio quibusdam concederetur, *Clementis VIII.* secuta observatio spem istam planè illusoriam esse docuit, dum negat ullam de novo tribui *Episcopis, vel aliis facultatem, licentiam talem concedendi, quæ ipsis hæcenus sublata fuit mandato S. R. univers. Inquisitionis, &c.* Quæ omnia, Ne quid jam, vel de *Canone, vel de sensu & interpretatione Scripturæ, Versionis vulgatæ authenticiæ, &c.* dicamus, satis ostendunt, quàm graviter impeerint in primum Caput. Quid opponant Adversarii circa singula hæc capita, ad crimen sibi impactum diluendum, Vide in *Institutionis nostræ Elenct. Part. I.*

In Christi-
sum.

XXXVI. Sed non minùs peccârunt circa secundum Caput. Quamvis enim Christum ore profiteantur, & duas ejus Naturas in una Persona agnoscant: Nonne re ipsa cum abnegant, dum Officium Mediatorium ita pervertunt, ut non possit amplius dici, quod est tamen revera, *Unus Mediator* noster apud Deum, 1. Timoth. 2. 5. Nam quo pacto illum retinere censendi sunt, qui alios Mediatore etiam Redemptionis excogitârunt, quàm Christum, Aliud purgatorium quàm ejus sanguinem, qui *purificat nos ab omni peccato*: 1. Johan. 1. 7. Aliud sacrificium Propitiatorium, quàm ejus passionem, in qua semel oblatus *ut auferret multorum peccata, æternam redemptionem nobis est adeptus*, Heb. 9. 12. 28. Aliud meritum coram Deo, quàm ipsius Obedientiam, per quam tamen *multi constituuntur justi*: Rom. 5. 19. Aliam salutis regulam, quàm ejus Verbum, licet solus sit Doctor audiendus in Ecclesia: Matth. 23. 10. & anathema nobis debeat esse, qui supra Evangelium aliquid docet, Galat. 1. 8. Aliud Orationum fulcrum, quàm ejus meritum & intercessionem, quamvis hoc officium uni illi demandatum legatur: 1. Johan. 2. 1. Aliud denique Universalis Ecclesiæ Caput, quàm ipsius

ipſius perſonam, utut conſtanter hæc prærogativa illi ſoli excluſivè ad omnes alios tribuatur, Ephel. 1. 22. 23. & 2. 20. & 4. 15. 16. Alia mitimus bene multa, quæ congeri poſſent. Sed hæc ſatis ſuperque probare poſſunt quod intendimus, graviffimos errores eſſe in ſecundum fundamentum.

XXXVII. In Tertio non major eſt difficultas. *Gratiam* enim baſim eſſe & fundamentum totius Chriſtianismi, quo poſito ponitur, & quo ſublato tollitur, nemo ignorare poteſt, qui Scripturam novit. Sive eam in Decreto reſpicias ratione *Prædeſtinationis* Dei, in qua gratia nobis data eſſe dicitur in Chriſto ante tempora ſecularia: 2. Timot. 1. 9. ſive in executione ratione *Redemptionis* Chriſti, *Gratiâ* quippe *ſervamur*, Eph. 2. 8. Tit. 3. 4. 5. ſive in applicatione ratione *Vocationis* & Regenerationis Spiritûs, quia Deus dat velle & perficere, omnis *in vultu* noſtra ab eo eſt, & gratiâ ipſius ſumus quod ſumus, Philip. 2. 13. 1. Cor. 15. 10. 2. Corint. 3. 5. Hanc autem gratiam non modò obſcurari ab Adverſariis, ſed & everti & de folio deturbari, quis ire poſſit inſicias, qui dogmata ipſorum hac in parte cognoverit? Nam ut nihil jam dicamus de *præviſione operum* & meritorum priorum, cui electionem fidelium inniti; lurimi ex ipſis ſtatuunt, quod revera liberrimam & gratuitam Dei prædeſtinationem evertit. Nihil etiam de *Operibus ſatisfactionis*, quæ Satisfactioni Chriſti perfectiſſimæ aſſuunt, quod etiam gratuitam Redemptionem tollit. Cui obſcurum eſſe poteſt *Gratiam iuſtificationis*, & *Gratiam ſanctificationis*, apud ipſos enervari, & tantum non abrogari, dum merita & opera noſtra ad illam concurrere neceſſariò debere ſtatuunt, cum iſta verò liberum Arbitrium tanquam cauſam ſociam ad minimum cooperati, ita ut præcipua diſcretionis & conversionis ratio ab illo pendeat. directè contra Paulum 1. Corint. 4. 7. Quo pacto tum in *Phariſæorum* & *Pſeudoapoloſtorum* caſtra tranſeunt, qui vel Juſtitiam propriam ſtabilire conabantur, vel opera cum fide exitiali mixturâ confundere ſatagebant, tum *Pelagianorum* & *Semipelagianorum* hæreſim pridem damnatam renovant, qui ſub ſpecioſo gratiæ nomine Idolo liberi Arbitrii litantes, ut facerent homines liberos, faciebant ſacrilegos.

XXXVIII. Hæc verò quanti in Religione Chriſtiana ſunt momenti nòrunt omnes, qui veram Chriſtianismi naturam tenent. Cùm enim eò tota dirigatur, ut homo proprii peccati & miſeriæ ſenſu deſectus, de ſe ipſo viribusque ſuis planè deſperans in uno Chriſto ſalutem ſuam quærat, quâ tandem ratione principium hoc retinere cenſendierunt, qui non patiuntur hunc honorem Chriſto tribui, ut tota ſalus noſtra in ſolidum ab ipſo pendeat, niſi in partem veniant ſimul & Operum merita & liberi Arbitrii molimina? Sanè vel hoc unum, etſi nihil aliud extitiſſet, plus quam ſufficere potuit ad ſeſſionem inſtituendam. Nam ut de *Iuſtificatione* tantum dicamus,

dicamus, quis ambigat eam & Christianismi basim esse præcipuam, & Christianorum peculium, in qua cardo consolationis & salutis nostræ unice vertitur, discrimen Legis & Evangelii continetur, veræ *evangelicæ* fundamentum proponitur, & quod omnium maximum est, Conscientiæ coram judicio Dei tranquillandæ certissima ratio habetur: Sed quis non videat pariter, ex quo Pontificiorum sententia de *Justificatione operum* obtinuit, & sub anathematis pœna in *Concil. Trid. Sess. 6.* sancita est, præcipuum hunc & fundamentalum articulum ita deformatum fuisse & corruptum, ut Christo & Evangelio nuncium remittere teneatur, qui illum amplecti & retinere satagit. Sic enim mors Christi vana & inutilis redditur, *Si ex Lege justitia, Christum frustra mortuus*, Galat. 2. 20. Aboletur Gratia, & irrita fit promissio, Rom. 4. 14. Rom. 11. 6. Evangelium in Legem commutatur, & quod *ἀντίστατον* semper judicavit Paulus, Fœdus Novum cum Veteri confunditur, Gal. 5. 3. 4. quia non extra nos in alio justitiam & salutem quærere jubemur per fidem, quod gratia docuerat, Phil. 3. 9. Rom. 10. 3. sed in nobis per propriam obedientiam, quod lex postulabat. Sic conditio fœderis Gratiæ tollitur, sic fiducia omnis salutis & consolatio perit, sic hæsitatio & tremor conscientiam peccati sui & judicii divini metu anxiam ita premit, ut instar arundinis fluctuet semper, nihilque habeat nisi vanissimum & incertissimum, quò nitatur. Quid enim in operibus suis reperiet homo nisi dubitandi & tandem desperandi materiam? Quæ cum ita sint, ut sanè sunt verissima, ipsis etiam Adversariis testibus, qui incertitudinem propriæ salutis & perpetuam dubitationem de gratiâ Dei inter præcipua fidei capita reponere solent; Quis jam facile non judicet, quàm graviter hic impeggerit Ecclesia Romana, & quàm justè *Lutherus, Zwinglius*, & alii propter hunc etiam articulum Reformationis opus sint aggressi, & de Seceffione cogitârint?

XXXIX. Quòd si ulteriùs inquirere in ejus doctrinam esset animus, Quanta hic errorum colluvies esset detegenda? Quid non de absurdissimo Transsubstantiationis & Sacrificii Missatici commento dicendum esset? De sacrilega Calicis Eucharistici detractione, De superba perfectionis & impeccantiæ fidelium præsumptione, De falsissima Pape infallibilitate, & aliis innumeris, quæ apud eos paulatim invaluerunt, & omnibus credenda proponuntur? Sed ne plura congeram, unicuique tantum præcedentibus attexere non pigebit, ex quo constabit Religionem totam Pontificiam ita dubiam esse & incertam, ut non tantum de salute sua quisque hæsitare possit & debeat, ut jam antè observatum, sed & quotidianæ Idololatriæ obijciatur periculo; imò nec ullus in ea persuaderi unquam possit se esse Christianum. Mira sanè res & incredibilis, sed tamen verissima quam nemo potest diffiteri, si memi-

memineris hoc vulgò receptum esse dogma apud Pontificios, *Intentionem Ministri esse de essentia Sacramenti*, ita ut nisi hæc adsit, nulla sit Sacramenti consecratio. Verba sunt *Concilii Tridentini*, Sess. 7. Canon. 11. *Si quis dixerit in Ministris, dum sacramenta conficiunt & conferunt, non requiri intentionem saltem faciendi, quod facit Ecclesia, Anathema sit.* At si hoc verum est, cum intentio sit arcana & occulta, de qua nemini constare potest extra hominem ipsum, nullus mortalium etiam de veritate Sacramenti persuaderi poterit. Putat ille se bonum esse Christianum & Catholicum, sed nequidem scire potest, an revera sit baptizatus, cum hoc pependit ex intentione Ministri, quam ignorat. Iste arbitrat se legitimo matrimonio copulatum esse; sed adulterium fortè committit, si intentio defuit in Sacerdote. Credit hic se devotè adorare Christum in hostia consecrata; Sed nec scire certò potest, an ibi sit verè Christus, quia nescit an intentionem habuerit consecrandi Sacerdos; Vel an Sacerdos iste habeat revera consecrandi potestatem; An Episcopus à quo fuit ordinatus habuerit intentionem id ipsum, & non aliud quid præstandi. Ita in ancipiti hæreant semper necesse est, nec unquam immunes esse poterunt à periculo crassissimæ idololatriæ. Non absimili argumento olim Donatistas urgebat August. Epist. 166 qui peccatum personale ministri sacramentum irritum reddere statuebant. Quis dixerit verò Religionem tam vanis & ruinosis fundamentis nixam ab homine pio retineri posse sine gravi salutis dispendio? Ut ergo semel primum hoc argumentum concludamus. Cum tam graviter & fœdè impeerint in *Verbum*, in *Christum*, & in *Gratiam*, illius *autoritatem* negando, istius *meritum* interpolando, hujus *efficaciam* enervando, jure colligimus fundamentales & capitales errores fovisse, atque adeò cum pertinaciter eos tuerentur, & quibusvis credendos imponerent, necessariò deferendos fuisse, si saluti consultum voluimus.

XL. Quid ad hoc argumentum excipient Adversarii? An respondebunt ista dogmata, etsi erronea fortè, non esse tamen fundamentalia & capitalia, quæ justam Secessioni causam præbere potuerint; sed talia quæ tolerari potuerint, & quibus non obstantibus, charitas inter nos integra potuerit manere? Sic sanè censet *M. Ant. de Dominis Spalatenfis Archiepisc. lib. 7. de Repub. Eccles. cap. 11.* ubi operosè conatur probare, dogmata ista, licèt falsa & erronea, non esse tamen fundamentalia. Nec multum abudere videtur *Cardinalis Richelius* in tract. *Gall. de Conversione eorum qui ab Ecclesia Romana secessionem fecerunt*, qui lib. 3. c. 1. multus est in probando plerosque articulos, quos tanquam præcipuas secessionis causas obtrudimus, non esse fundamentales, ut *Sacrificium Missæ, Transubstantiationem, Liberum Arbitrium, Invocationem Sanctorum, Cultum Imaginum, Papa Primatum*, &c. R. Sed non

difficile est respondere. 1. Petitur principium & supponitur quod est in quaestione, damus distinguenda esse fundamentalia à non fundamentalibus, ut Paulus inter fundamentum distinguit, & ea quæ illi inædificantur, 1. Cor. 3. 11. 12. In istis tolerantia alicui & charitati locum esse posse non inficiamur; Sed quoad illa negamus, quia sublato & everso fundamento, corruiere totum ædificium necesse est; sed falsissimè supponitur errores Papatus non esse fundamentales; quasi verò *Traditionum necessitas, Justificatio ex operibus, Satisfactiones & merita hominum, Sacrificium Missarum, Papa ὑπεροχή, Indulgentiarum Papalium nundinatio*, & similia, de quibus antea, quæ tam apertè in Verbum Dei, Christi Personam & Officia, Gratiæ efficaciam & beneficia incurrunt, ad fundamentum non spectent, nec in ipsum impingant. Quasi aliam normam fidei proponere quàm Scripturam, alios Mediatore agnoscere quàm Christum, aliud Sacrificium quàm Cruentum Crucis, aliam causam justificationis & sanctificationis quàm solam gratiam, non sit fundamentum aliud ponere præter id quod positum est? 2. Etsi daremus quosdam ex erroribus istis *seorsim* consideratos, non esse propriè & directè fundamentales, eatenus ut unusquisque eorum potuerit quadantenus tolerari, si Ecclesia in cæteris omnibus pura fuisset & sana; Certum est tamen eos simul sumptos, & in concatenatione & dependentia, quam habent ad se invicem, morbum facere complicatum & capitalem, qui verè lethalis sit. 3. Denique aliud est dogma aliquod non esse fundamentale re ipsa, aliud pro fundamentali obtrudi; fatemur quidem multa in Ecclesia Romana proponi, quæ de ratione fundamenti nequaquam censeri possunt aut debent, sed quia necessitatem ipsa imponit conscientis sub gravissimis pœnis ea admittendi & fidei articulis annumerandi; hoc respectu fundamentalia ipsi fiunt; Sic ne quidem ex ejus hypothesei leviter potest errare, qui in talibus impingit.

XLI. II. Excip. Aliud esse addere fundamento, aliud fundamentum evertere, potuisse quidem Ecclesiam Romanam addere nonnulla, sed non propterea tamen ab ipsa eversum esse fundamentum, retinuisse semper & retinere adhuc Verbum, ut Normam fidei, Christum ut Autorem salutis, Gratiam ut principium regenerationis. R. 1. Addi potest aliquid fundamento bifariam, vel ut *pars ædificii*, quæ illi superstruitur, Vel ut *pars fundamenti*, quæ cum illo pro fundamento teneatur; priori sensu non statim quicquid additur fundamento illud evertit; ut qui *fœnum & stipulam* addit fundamento, id est, doctrinam, non quidem hæreticam & perniciosam, sed minùs sinceram & solidam, curiosam magis quàm utilem, retinet quidem fundamentum, & propterea servandus est, sed veluti *per ignem*, id est, ægrè, operâ, & mercede speratâ, licèt non vitâ, mulctatus, 1. Cor. 3. 11. 15. Sed posteriori sensu, qui addit fundamentum

ut sit

ut sit pars fundamenti, addendo destruit, quia aliud fundamentum præter positum dari non potest. Talia sunt autem Ecclesiæ Romanæ addita-
menta, quæ non tantum fundamento superstruuntur, sed & quæ pro funda-
mento obtruduntur. 2. Qui addit fundamento, quæ sunt illi homogenea &
conformia, non evertit fundamentum; Sed qui addit *contraria* & ἀντίστα, *addendo evertit*; hujus criminis autem reos esse adversarios quis dubitet?
Spiritus Sanctus docet Scripturam talem esse normam fidei, cui nihil ad-
dendum nec detrahendum sit, & præter quam nihil sub gravissimi anathema-
tis poenâ sit admittendum Galat. 1. 8. Volunt tamen isti Traditiones ἀγέ-
ηες pari affectu & reverentiâ suscipi. Docet idem Christum unicum esse
Mediatorem nostrum 1. Tim. 2. 5. & Caput Ecclesiæ Ephes. 1. 20. Justi-
tiam ejus unicum meritum, quò justi constituimur, Roman. 5. 18. 19. ejus
Intercessionem unicum medium accedendi ad Patrem. Johan. 14. 6. 1. Joh.
2. 1. & Ephes. 2. 18. At Pontificii his non contenti, Mediatores alios, aliud
sacrificium propitiatorium, alia merita, aliud Caput commenti sunt.
Quid est fundamentum evertere, si hoc non est?

XLII. Frustra regeres, palàm tamen eos profiteri se istud retinere,
nihilque minùs quàm de eo convellendo cogitare; Quid enim juvat re-
tinere, si cum eo conjungas corruptelas exitiales quibus pervertitur? Quid
juvabit adulteram clamare se virum, cui matrimonio juncta est, pro le-
gitimo marito suo habere, si adulterum in sinum recipit, & corporis sui
illi copiam facit? An minùs ideo adulterii rea peragetur, cùm constet
protestationem esse facto contrariam? Aliud itaque est *ore tenus profite-
ri*, aliud *corde credere*, aliud nomen tenere, aliud rem ipsam & myste-
rium agnoscere. Damus eos profiteri Christum, & nomen ejus constan-
ter obtrudere; sed sincerè recipere, & illi verè adhærere, negamus, quia
verbis gloriam ejus prædicando, reipsa abnegant, dum inter se & ip-
sum salutis opus dimidiant, & quod unius Christi est ad homines trans-
ferunt. Ut ergo fundamentum ritè teneatur, tres conditiones potissi-
mùm requiruntur. 1. Ut non ore tantum, sed *corde*, non in verborum
cortice, sed in rerum & mysteriorum veritate recipiatur, *fundamen-
talia* enim, non *in verbis consistunt*, ut bene Hiero. sed *in sententia*.
2. Ut non pars tantum quædam, sed *totum* in solidum retineatur, quia
Religionis doctrina est una copulativa, quæ facit unam ac individuum
veritatis regulam, quæ nec additionem, nec detractionem ullam patitur.
3. Ut *solum* sine aliis ullis assumentis possideatur, *aliud enim fundamen-
tum nemo ponere potest præter positum*, 1. Corint. 3. 11. Unde qui unicum
non habet, planè non habet, *Christus non quemque* 1. Cor. 1. 13. vel
solus adest, vel abest, impatiens consortis, nec priorem, nec parem ferre
potest. Sic additio omnis non minùs ac detractio in materia *fidei & cultus*

ita prohibetur, ut quod est *præter*, sit etiam *contra*, Deutero. 4. 2. & 3. 32. Unde Paulus non jubet tantum fugere eos, qui *contrarias* doctrinas tradunt, sed qui *diversas*, & alias *εἰ τις ἑτεροδιδασκαλεῖ*, 1. Tim. 6. 3. 4. Vetat *sapere* non modò *contra*, sed *παρὰ* *supra* id quod scriptum est, 1. Cor. 4. 6. & anathemati subjicit, quisquis tentaverit Evangelizare *παρ' ὃ* *præter* id quod Evangelizatum fuerat ab ipso, Galat. 1. 8. Cùm ergo fundamentum sive doctrinæ, sive salutis, unicum tantum sit, ultra & præter quod nihil admitti potest, quicumque solum non retinet, omnino non retinet, sed evertit.

XLIII. Dices *non tolli veritatem exclusivarum, nec per consequens fundamentum everti, quia subordinata non pugnant, Talia autem esse dogmata ista, de quibus agitur, quæ suam Christo gloriam & *ὑπεροχὴν* semper relinquunt: Papam quidem esse caput Ecclesiæ, sed visibile tantum, secundarium & ministeriale, sed Christum esse solum Caput primum, invisibile. Mediatōres Sanctos credi, sed Intercessionis tantum, Christum solum propriè dictum Redemptionis: Opera & merita propria induci, sed quæ omnem vim suam, & efficaciam à Christo mutuuntur, qui fidelibus virtutem merendi acquisivit. Sacrificium Missaticum urgeri, sed Sacrificium Crucis manere semper solum propitiatorium, quia illud nihil aliud sit, quàm istius commemoratio & applicatio, & sic in cæteris, tantum abesse ut injuria fiat Christo, & gloria ejus imminuatur, ut magis gratia ejus commendetur & illustretur.* R. Sed hæc sunt inanes officinæ, quæ ne quicquam obtenduntur commento isti stabiliendo. 1. Quod hîc de *subordinatione* notatur merum est figmentum, quasi ulla concipi possit subordinatio inter ea, quæ planè sint opposita & adversa, nam si gloria Capitis & functio Mediatoris soli Christo sit propria & *ἀκοινωνήτος*, ut omnino fieri coguntur, qui norunt opus esse virtutis infinitæ, quod in Creaturam finitam cadere nequit, quomodo dividi poterit sine manifesto sacrilegio & aperta contradictione? Nec valet *σοφὴν φάσμακον* distinctionum positarum, quia ut natura rei eas non patitur, ita *ἀπὲρ γραφῆς* finguntur, quæ nusquam vel Capitis secundarii & visibilis, vel Sacrificii commemorativi & applicativi, vel Mediatoris Intercessionis & non Redemptionis meminit. 2. Licet Christus hominibus utatur tanquam *ministris* ad regimen externum Ecclesiæ, nunquam tamen *Capitis* dignitatem in unum quempiam contulisse dici potest, nisi caput monstruosum & biceps tribuere velimus Ecclesiæ, quæ non modò Christi, sed & Papæ vocetur Corpus. Sancti non tantum Mediatōres sunt Intercessionis, sed & Redemptionis ex sententia Pontificiorum, quia eorum *precibus & meritis* nixi remissionem peccatorum & vitam æternam petunt, vide *Breviarium Romanum* passim; & *Hortul. anim.* editum per Plant. an. 1557. in officio B. Mariæ. *precibus & meritis B. Mariæ semper Virginis & omnium Sanctorum* perducatur nos Dominus ad regnum cælorum, &c.

Sic.

Sic modò, ut *socia* Christo adjungitur, modò ut *superior* præficatur, quum orant, ut *Matrem esse se monstret*, & *jure matris Redemptori imperet*. An hoc est subordinari Christo, an non potiùs in ejus Officium involare? 3. Falsò supponitur Christum meritum nobis esse virtutem merendi, cum in Creaturam finitam & peccatricem non cadat, meruit salutem, & remissionem peccatorum, sed merendi facultatem nusquam, quid enim opus est merito nostro, ubi meritum Christi plenissimè sufficit? Quod ergo merita nostra non opponi meritis Christi, sed componi & subordinari volunt, absurdum est; nam eo ipso quo *componuntur*, *opponuntur*, gloriam capitis propriam in membra transferendo. 5. Ridicula est distinctio *Sacrificii commemorativi & applicativi*, nam commemorare rem gestam est agnoscere nos non facere quod est factum, sed tantum recolere & repetere, ne excidat illud quod fuit factum; nec applicatio potest esse oblatio, cum hæc applicatio facienda, illam oblationem præsupponat factam. Præterquam quòd applicatio fieri debet homini, sacrificium autem offerri debet Deo. Unde, ne ulteriùs pergamus, satis liquet Adversarios *ἀσύντα* velle conjungere, nec posse, quicquid profiteantur, Christum cum hisce commentis suis retinere. Paulum ipsum audiamus in simili planè negotio: Pseudo-Apostoli Christum sanè profitebantur, & dicit tamen eos *perversere Evangelium*, & *καταργεῖν αὐτὸ τῆς Χρῆστ*, quia cum fide & meritis Christi Legis opera & merita propria, planè ut hodie Pontificii, in justificatione urgebant, Galat. 1. 7. & 5. 4. Angelici veteres, qui cultum Angelorum à Platoniciis haustum introducere satagebant, Christianum quidem nomen retinebant, sed tamen quia adjuungebant Christo vero cultus objecto falsum, & adulterinum, dicuntur *non retinere Caput*, Coloss. 2. 19. Idololatræ qui claudicabant in utrumque latus, *Jehovæ nomen* retinebant: Col. 2. 19. Hof. 4. 15. sed non minùs *deservisse Deum* dicuntur vers. 11. Adeò verum est nihil componi posse hac in parte cum Verbo, vel cum Christo, & Gratia, quod non illis opponatur.

Gal. 5. 4.

Col. 2. 19.

Hof. 4. 15.

XLIV. III. Excip. In Ecclesiis Galatarum & Corinthiorum fuisse errores capitales in doctrina de Justificatione, de observatione Legis ceremonialis, de resurrectione mortuorum, nec tamen propterea communionem earum deserere jubere Paulum. Ergo licet errores essent in Ecclesia Romana capitales, non tamen statim secedendum fuisse. R. 1. Dist. Ecclesiam à Seducitoribus, qui sunt in Ecclesia, fateor quosdam fuisse in illis Ecclesiis, qui tales errores foverent; sed Ecclesiam ipsam hoc errore infectam fuisse totam negamus, cum Apostolus apertè eos distinguat, 1. Cor. 15. 12. *quomodo dicunt quidam ex vobis, non esse resurrectionem mortuorum?* & Gal. 1. 7. *sunt quidam qui vos turbant*. 2. Distingue errores privatorum paucorum, qui disseminari incipiunt in Ecclesia, nec approbantur tamen

ab Ecclesia, ab *erroribus publicis Ecclesia*, qui sunt in ἀναμῆ, & qui autoritate publicâ fanciuntur, & ita sunt confirmati, ut in leges abierint. Illi sanè exitiales quidem sunt eos foventibus & cæteris periculosi, sed non tamen fideles qui in illo cœtu versantur ad secessionem statim obligantur, quum immunes se ab iis tutari possunt. Imò Paulus testatur *oportere hæreses esse inter fideles, ut probati noscantur* 1. Cor. 11. 19. At alia ratio est istorum, quia cùm publici sint, singulos inficiunt. Jam primi generis fuisse errores illos Galatarum & Corinthiorum antea visum ex distinctione Apostoli, qui seductores à fidelibus secernit: Quòd si fideles compellare, vel de iis loqui videtur, non tam loquitur de iis, ut jam lapsis, quàm ut vacillantibus, ut eos confirmet, & adversùs seductores præmuniat; Non enim simpliciter dicit *translati estis*, sed μετατιθεσθε *transferimini*, tacitè culpam ab ipsis in impostores removendo, & bene adhuc de iis sperando, ut infrà cap. 5. 10. dicit, *confido vos nihil aliter sapere*. Sed errores Papales non fuerunt tantùm quorundam in Ecclesia; sed Ecclesiæ totius, in qua publicè docebantur & defendebantur; Non fuerunt in *initio*, quos admittere, vel rejicere liberum fuerit; sed ἐν ἀναμῆ & *fastigio*, qui autoritate publica vim legis obtinuerunt, maximè ex quo Concilium Tridentinum eos sub pœna anathematis singulis credendos obtrusit. Hactenus ergo discrimen est longè maximum inter Ecclesias illas & Romanam, ut ab illis ad hanc argumentari sit disparia planè conjungere.

XLV. Ut verò clariùs pateant errores capitales Eccl. Rom. libet hîc apponere novum Symbolum, quod à Pio IV. traditur in Bulla super forma Juramenti professionis fidei, quam juxta hanc & non aliam formam fieri, Apostolicâ autoritate districtè mandat; Ut extat in Catech. Trident. *Ego N. firmâ fide credo & profiteor omnia & singula, quæ continentur in Symbolo fidei, quò S. Romana Ecclesia utitur: videlicet Credo in unum Deum Patrem omnipotentem, factorem cæli & terra, visibilibus omnium & invisibilibus. Et in unum Dominum Jesum Christum, Filium Dei unigenitum, & ex Patre natum ante omnia secula, Deum de Deo, Lumen de Lumine, Deum verum de Deo vero, genitum, non factum, consubstantialem Patri, per quem omnia facta sunt, Qui propter nos homines, & propter nostram salutem descendit de cælis, Et incarnatus est de Spiritu Sancto ex Maria Virgine. Et homo factus est, Crucifixus etiam pro nobis sub Pontio Pilato, passus & sepultus est, resurrexit tertiâ die secundum Scripturas, & ascendit in cælum, sedet ad dextram Patris, & iterum venturus est cum gloria judicare vivos & mortuos. Et in Spiritum Sanctum Dominum & vivificantem, qui ex Patre Filioque procedit, qui cum Patre & Filio simul adoratur, & conglorificatur. Qui loquutus est per Prophetas. Et in unam sanctam Catholicam & Apostolicam Ecclesiam; Confiteor unum Baptismum in remissionem peccatorum,*

catorum, Et expecto resurrectionem mortuorum & vitam eternam. Amen.

Apostolicas & Ecclesiasticas Traditiones, reliquasque ejusdem Ecclesie observationes & constitutiones firmissimè admitto & amplector.

Item S. Scripturam juxta cum sensum, quem tenuit & tenet sancta mater Ecclesia, cujus est indicare de vero sensu & interpretatione S. Scripturarum, admitto, nec eam unquam nisi juxta unanimum consensum Patrum accipiam & interpretabor.

Profiteor quoque septem esse verè & propriè Sacramenta novæ Legis à Iesu Christo D. Nostro instituta, atque ad salutem humani generis, licet non omnia singulis necessaria, scilicet Baptismum, Confirmationem, Eucharistiam, Pœnitentiam, Extremam Unctionem, Ordinem & Matrimonium, Illaque gratiam conferre, & ex his Baptismum, Confirmationem & Ordinem, sine sacrilegio reiterari non posse, Præceptos quoque & approbatos Ecclesiæ Catholica ritus, in supradictorum omnium Sacramentorum solemnî administratione recipio & admitto.

Omnia & singula, quæ de Peccato originali, & de Iustificatione in S. S. Tridentina Synodo definita & declarata fuerunt, amplector & recipio.

Profiteor pariter in Missa offerri proprium & propitiatorium Sacrificium, pro vivis & defunctis, Atque in sanctissimo Eucharistiæ Sacramento, esse verè, realiter, & substantialiter Corpus & Sanguinem, unà cum anima & divinitate D. N. J. Christi, fierique conversionem totius substantiæ panis in corpus, & totius substantiæ vini in sanguinem, quam conversionem Catholica Ecclesia Transubstantiationem appellat. Fateor etiam sub altera tantum specie, totum atque integrum Christum, verumque Sacramentum sumi.

Constanter teneo, Purgatorium esse, animasque ibi detentas fidelium suffragiis juvari.

Similiter & Sanctos unà cum Christo regnantes, venerandos atque invocandos esse, eosque orationes Deo pro nobis offerre, atque eorum reliquias esse venerandas.

Firmissimè assero Imagines Christi, & Deipara semper Virginis, nec non aliorum Sanctorum, habendas & retinendas esse atque eis debitum honorem & venerationem impertiendam.

Indulgentiarum etiam potestatem à Christo in Ecclesia relictam fuisse, illarumque usum Christiano populo maximè salutarem esse, affirmo.

Sanctam Catholicam & Apostolicam Romanam Ecclesiam omnium Ecclesiarum matrem & magistram agnosco; Romanoque Pontifici, beati Petri, Apostolorum Principis, Successoris, ac Iesu Christi Vicario veram obedientiam spondeo, ac juro.

Cetera item omnia à sacris Canonibus, & Œcumenicis Conciliis, ac præcipue

præcipue à Sacrosancta Tridentina Synodo tradita, definita, & declarata indubitanter recipio, atque profiteor, simulque contraria omnia, atque hereses quasunque ab Ecclesia damnatas, & rejectas atque anathematizatas, ego pariter damno, rejicio, & anathematizo. Hanc veram Catholicam fidem, sine qua nemo salvus esse potest, quam in præsentî sponte profiteor, & veraciter teneo, eandem integram & inviolatam usque ad extremum vite spiritum constantissimè, Deo adjuvante, retinere & confiteri, atque à meis subditis, vel illis, quorum cura ad me in meo munere spectabit, teneri, doceri, & prædicari, quantum in me erit, curaturum. Ego idem N. spondeo, voveo, ac juro. Sic me Deus adjuvet, & hæc sancta Dei Evangelia.

XLVI. Ex quibus proclive est colligere, quantum non modò diversa sit à Scriptura Ecclesiæ Romanæ fides, innumera recipiendo præter ea quæ in ea continentur; sed & ei adversa & δις διὰ παρῶν opposita, plurima sciendo, & tanquam necessaria ad salutem obtrudendo, quæ apertè ei repugnant; nec aliud fundamentum habent, quàm in Traditionibus ἀρχαῖς; quarum nulla potest aut debet apud nos esse autoritas; quæque ideo recipere & amplecti sine præsentissimo salutis periculo non possumus, diro anathemati, quod Paulus denunciat, nos subjiciendo. Non nos latet equidem varias novissimis istis temporibus *Expositiones Doctrinæ*, ut vocant *Catholicæ* in medium prodiisse ad errorum fœdorum, quibus inquinatur, turpitudinem abstergendam, vel saltem utcunque tegendam; quasi fides ejus probè hæcenus perspecta non fuerit. Verùm qualescunque colores & pigmenta quarantur ad cruda ista dogmata incrustanda, si penitus in rei veritatem inquirimus, facilè patebit, merum esse fucum, ad fallendum compositum, quo simplicioribus imponere satagunt, quod certius constat vel ex eo, quòd quicquid Methodistæ & Elucidatores isti in medium afferant ad emolliendam falsissimorum dogmatum duritiem, non desinunt tamen obtrudere Concilium Tridentinum tanquam fidei regulam, & pro Ecclesiæ suæ infallibilitate, quæ errorum omnium fons est & mater, tanquam pro aris & focis decertare. Quod dum urgebitur necessariam SeceSSIONem nostram ab Ecclesia Romana reddet semper, & impossibilem cum ea Syncretismum, ὅτερος ἐδεῖ δεῖξαι.

F I N I S.


DISPU-

DISPUTATIO SECUNDA

Quæ Prima est

DE IDOLOLATRIA ROMANA.

Respondente MARCO MICHÆLIO Genevensi.

I. UPERIORI Disputatione diximus, Tria hæc præcipuè Se-
cessionis nostræ necessitatem, & Syncretismi impossibilita-
tem facere, *Hæresim* in Doctrina, *Idololatriam* in Cultu,
& *Tyrannidem* in Regimine; Et de *Hæresi* jam egimus, de-
monstravimusque aded tot capitales & fundamentales errores obtinere in
Papatu, ut impossibile sit eos fovere & profiteri sine præsentissimo salutis
discrimine. Sequitur jam ut de duobus aliis Capitibus disputemus; & pri-
mò de *Idololatriâ*; postmodum de *Tyrannide*.

II. Ut autem de *Idololatriâ* dicamus; Quia res est maximi momenti, *Idololatria*
& quæ sola necessitatem Secessionis nostræ abundè comprobatur, paulò ple- *justa causa*
niùs de ea est differendum. Hoc verò nobis argumentum esto primarium; *Secessionis.*
Ab illius Ecclesiæ communione & sacris necessario secedere tenemur, quæ
multiplicis Idololatriæ in cultu suo rea est; At Ecclesia Papalis hoc crimine
manifestè tenetur. Ergo. Majorem propositionem vix opus est ut probe-
mus, quando Scriptura passim *Idololatriam* damnat, tanquam fœdissimum
crimen, & cum vera Dei communione planè ἀσύστατον; hinc Paulus
1. Corint. 6. 9. idololatræ à regno cœlorum excludit, & 1. Corint. 10. 14.
jubet Corinthios fugere idololatriam, & 2. Cor. 6. 16. 17. nullam com-
munionem esse posse inter Templum Dei & Idola profitetur, ἵς συγκατά-
θεσις ναὶ θεῷ μετὰ εἰδώλων, Petrus cap. 4. 1. vers. 3. Idololatriam inter
peccata Gentilium recenset, quæ procul esse debent à Christianis, Johan-
nes 1. cap. 5. vers. ult. hoc unum præ cæteris commendat, *Filioli cavete*
ab idolis. Nec obullum aliud peccatum graviùs unquam iratus Dominus
legitur adversùs populum Israëliticum, vel ad deferendum ipsum, & libel-
lum repudii ipsi dandum, ullo alio crimine fortiùs est impulsus, ut passim
apud Prophetas videre est. Nec sanè mirum; nam si non alià re magis
mariti ira accenditur in uxorem, quàm si videat ab ipsâ violari fidem con-
jugalem; quantò justius Deus zelotypus, qui impatiens est confor-
tis, nec parem aut superiorem ferre potest, commovebitur adversùs Ec-
clesiam,

DISPUT.
II.

clesiam, quæ sacrum fœderis & conjugii spiritualis, quod cum ipsa contraxit, vinculum infami idololatriæ adulterio abruptit? Tale enim est vinculum Religionis, quæ nos soli Deo religat, quale est conjugii, Deus quippe in Scriptura se Sponsum nostrum esse testatur, Ecclesiam verò Sponsam suam, quam in uxorem sibi desponsavit Hof. 2. 2. 16. 20. Ezech. 16. 8. Ideo toties spirituale adulterium committit, quoties aliud quicquam præter verum Deum religioso cultu prosequitur, quo crimine nullum aliud gravius dari potest, nec quod acrius zelotypiam Dei in Ecclesiam accendat, ut passim apud Prophetas legitur. Hinc Thomas 2. 2. q. 943. *In peccatis, inquit, quæ contra Deum committuntur, quæ tamen sunt maxima, gravissimum esse videtur, quod aliquis honorem divinum creaturæ impendit.* Si ergo demonstraverimus Ecclesiam Romanam Papalem esse idololatricam, causæ nihil dici poterit, cur Majores nostri ab ea secedere non debuerint, & cur, rebus sic stantibus, impossibilem non dicamus cum ea Syncretismum. Quanam enim posset esse legitima consociatio? Quanam unio cum adultera, quandiu vigent & durant ipsius fornicationes? 2. Reg. 9. 22. Apo. 17. 4. Amoveat eas & redeat in gratiam cum Domino suo, & nobiscum etiam Pax erit.

III. Et si autem Majoris propositionis veritas ita evidens est, ut nemo nisi apertè Idololatra huic refragari posse videatur: Eam tamen intactam non relinquunt Adversarii; sed quibuscunque possunt modis infringere conantur; Primò *Gregorius de Valentia* lib. 2. de Idol. cap. 5. distinguere non erubescit *Idololatriam* in *licitam*, & *illicitam*, & ad tam nefarium commentum confirmandum trahere conatur locum 1. Pet. 4. 3. ubi damnantur ἀθέμιτοι εἰδωλατρῆϊσι, quod V. V. reddit *illicitos simulachrorum cultus*, quasi illicita tantum Idololatria Lege Dei vetaretur, non verò licita, quæ à suis exerceatur. & Monstrum doctrinæ, cujus ipsum Satanam pudere debuit, nedum hominem Christianum; si verò hoc credit cum sociis suis, cur tantopere laborant, ut se à crimine Idololatriæ liberent, cur adeò ex-candescunt quum Idololatræ vocantur, nonne facile se hac distinctione expedire possunt? Sed quis ferat hominis insaniam? Quasi epitheta quæ rebus significandis adhibentur, essent semper διακριτικά, non verò etiam ἁπλοῦς, ad *distinctionem* tantum, non item ad *amplificationem*; concludat ergo pari ratione peccatores quosdam dari pios, quia iudicium Dei futurum dicitur adversus *peccatores impios* Jud. 15. quasi darentur optimæ quædam abominationes, quia peissimarum fit mentio Ezech. 8. 9. quasi quædam stupra & scelera licita esse *Cicero* innueret, quia pro Milone *nefaria supra & nefaria scelera* Clodii vocat. Quis verò non videt Petrum hoc epitheto nihil aliud, quàm nefariam & infamem Gentilium Idololatriam carpere voluisse, & gravitatem tanti criminis describere?

IV. II. Excip. Idololatriam non eſſe ſufficientem Seceſſionis cauſam
 1. quia certum eſt Eccleſiam Iſraëliticam ſæpe in Idololatriam eſſe prolapſam; nec tamen vel pios ab ea ſeceſſionem ſtatim feciſſe, vel Deum hoc illis præcepiſſe. 2. Eliam non reſceſſiſſe ab Eccleſia Iſraëlitica, licèt ſe ſolum relictum eſſe putaret, qui verum Deum coleret. 1. Reg. 19. nec ſeptem illa millia, quæ genua non flexerant Baali, licèt Eccleſia illa idololatrica foret & corruptiſſima. 3. Azam, Joſaphatum, Joazum, Amaziam, Azariam, & alios Reges celebrari, quòd ambulaverint rectò pede coram Deo inſtar Davidis, qui tamen *Excelfa*, in quibus adhuc ſacrificabat populus, non ſuſtulerant, 1. Reg. 15. 14. & 22. 44. 2. Reg. 12. 3. & 15. 4. 2. Chron. 15. 17. & 23. 33. Quidni ergo potuerint *ἡττηματα* & abuſus, ſi qui erant, relinqui in Eccleſia Romana, ſalvâ tamen conſcientiâ? 4. Naamanem Syrum jam converſum ſeſe incurvâſſe in æde Rimmonis, cùm Rex coram Idolo procumberet, neque hoc à Propheta prohibitum fuiſſe, qui cum in pace dimittit 2. Reg. 5. 18. Idem ergo & nobis licere. 5. Eccleſiam Judaicam tempore Chriſti corruptiſſimam fuiſſe & in fide & in moribus, domum Dei in ſpeluncam latronum eſſe mutatam, nec tamen pios, qui in ea adhuc degebant, Zachariam, Elizabetham, Simeonem, Annam, Beatam Virginem, & alios eam deſerviiſſe. Licèt ergo concederetur, graviſſimos fuiſſe errores & corruptelas in Eccleſia Rom. non ideo ſtatim relinquendam fuiſſe.

V. Quia Exceptiones iſtæ ſubinde recurrunt apud Adverſarios, & magno apparatu identidem reponuntur, diligentius paulò ſunt excutiendæ. R. 1. Quum ſupponunt Idololatriam non eſſe Seceſſionis cauſam ſufficientem; in eo perperam principium petunt, & tanquam certum & indubitatum aſſumunt, quod eſt in quæſtione; Imò tantum abeſt ut non ſufficiat, ut vel hæc una ratio, ſi nullæ aliæ darentur, ad ſeceſſionem faciendam neceſſariò nos impellere deberet; quia nulla communio poteſt eſſe Deo cum Idolis, nec ſancto & cœleſti Sponſo cum Adultera. 2. Exempla, quæ ad exceptionis probationem afferuntur, vel falſò, vel præter rem & *ἀπερδιόριστως* adducuntur. Primò negamus pios ſub Veteri Teſtamento nullam ab Idololatriſ ſeceſſionem feciſſe, nec à Deo hoc illis præceptum; Secedebant ſeceſſione ſaltem *mentali* & *negativâ*, abſtinendo ab erroribus & idololatria; ſecedebant etiam ſæpius ſeceſſione *apertâ* & patente, per *proteſtationem* ſeriam contra tales corruptelas, & gravem eorum increpationem, qui iis ſe polluebant. Sic Moſes ſeceſſit ab Idololatriſ, cùm Levitarum miniſterio graviſſimè hoc crimen ultuſeſt, Exodi 32. Sic Prophetæ concionibus & declamationibus ſuis ſecedebant ab impuro cultu; Sic fideles praxi pietatis & vitæ ſe puros & immunes præſtabant ab iſtiusmodi ſordibus, dum *gembant propter abominationes Iſraëlis* Ezech. 9. 4. ut Lothus, qui Sodomis affligebat animam ſuam juſtam propter peccata Sodo-

DISPUT.
II.

Isa. 52. 11.

Hof. 2. 2.

mæorum, 2. Pet. 2. Nec dici potest, secessionem illam præceptam non fuisse. Nam præterquàm quòd pœna mortis in Idololatrias denunciatur Exod. 22. 20. & Deut. 17. 2. Quoties Prophetæ nomine Dei increpabant Idololatrias, toties piis secessionem ab ipsis præcipiebant, imò disertè non semel hoc præscriptum legimus Isa. 52. 11. *Discedite, discedite, Exite il-
linc, immundum ne attingitote, exite è medio ejus, &c.* Et Hof. 2. 2. *Con-
tendite cum matre vestra, contendite ipsam non esse uxorem meam, & me
non esse virum ipsius, ut amoveat scortationes suas à conspectu suo & adulteria
sua è medio uberum suorum, ne denudem eam planè, &c.* quod non semel
alibi iteratur.

VI. Dices, qualiscunque fuerit eorum secessio, certum est non fuisse
posuivam, qualis à nobis facta est, quæ coetus habuerit segregatos, & aliam
Ecclesiam erexit. R. Gratis supponitur nullos secessisse positivè, quis
dixerit è decem Tribuum numero, temporibus Regum piorum, nemi-
nem Samariam reliquisse & vitulos, ut ascenderet Jerosolymam, & ad sa-
cra in Templo facienda rediret? Deinde si talis facta non est secessio, qua-
lis Nostrorum fuit à Papatu, mirum videri non debet, quia nec fieri po-
tuit, nec absolutè adhuc, quo loco res erant in populo Dei, necessaria
fuit. 10. Deus sub V. T. uni loco cultum suum affixerat, nec alibi quàm
in Judæa notus erat, unde aliò se recipere non poterant fideles, vel Eccle-
sias novas erigere cum spe salutis, sed tenebantur ibi morari, ubi Verbum
Dei audiebatur, ubi signa salutaris præsentia habebantur, & fœdus ac pro-
missiones proponebantur. 20. Licet Idololatria sæpe obtinuerit in populo,
nunquam tamen eatenus invaluisse eam videmus, ut abiret in Legem, &
populus ad eam per vim adigeretur; aliàs septem illa millia Eliæ tempore
genua flectere Baali coacta fuissent, quod tamen negat Dominus; pertra-
hebatur quidem populus ad peccandum exemplo Regum vel Sacerdotum,
vel propriâ sponte, ut constat fuisse ad idololatriam maximè pronum &
φιλειδωλον; Sed non constat necessitatem hanc cuiquam impositam fuisse;
Imò non desinebant Prophetæ, qui tunc temporis vivebant, acerrimè in-
vehi & in Reges & in populum, & à gravissimo illo crimine eos revoca-
re. Non deerant etiam veri & puri Dei cultores, qui animum & corpus
ab istiusmodi abominationibus illibatum servarent; Sic in vituli aurei Ido-
latria non omnes eo crimine se polluisse certum est, ex eo quòd Moses
hortatur eos, ut vindictam Dei in fratres exequantur Exod. 32. 26. *Quis-
quis est Jehovæ ad me aggregator*: Sic tempore Judicum, quò corruptis-
simus erat Ecclesiæ status, excitabat subinde pios Vindices, qui eos ab
Idololatria sua avertere conabantur, sed iis non auscultabant Jud. 2. 16. 17.
Sic tempore Achabi Hobadiah præfectus Domûs Regis dicitur *timuisse Je-
hovam valde*, & occultasse centum & quinquaginta Prophetas Jehovæ
1. Reg.

Exod. 32.
26.

1. Reg. 18. 3. 4. Sic quum tempore Achazi Altare Damascenum erectum ^{DISPUT.}
est in Templo, non sublatum fuit Mosaïcum, sed remotum tantum ali- ^{II.}
quantisper, ita ut in eo sacrificia non desinerent offerri 2. Reg. 16. 14. 15. ^{1. Reg. 18.}
Tempore Ezechielis dum Principes, Sacerdotes, & maxima populi pars ^{3. 4.}
abominandâ idololatriâ se contaminabant Ezech. 8. supererant tamen veri ^{2. Reg. 16.}
fideles, *qui suspirabant in corde, & exclamabant aperte propter abomina-* ^{14.}
tiones Israël Ezech. 9. 4. quos ideo, ut à judicio quod in alios immittere
decreverat tutaretur, notâ aliquâ in fronte signari jubet. Sed jam planè
alia est ratio sub N. T. Nam Deus uni loco non ampliùs affixit Ecclesiam
suam, sed in omnes gentes extendit, ita ut ubivis coli possit in spiritu &
veritate. in omni loco suffitus & oblatio, id est, λογική λατρεία & sacri-
ficia spiritualia precum & laudum offerri possunt Nomini ejus, ut prædi-
xerat Mal. 1. Itaque liberum est & integrum fidelibus secedere ab Ecclesia
idololatrica, non tantum negativè, sed etiam positivè; maximè cùm Deus
vexillum Evangelii erexit, & ad libertatem vocavit; quomodo potior fuit
conditio nostra præ aliis fidelibus, qui ante reformationem in Papatu vive-
bant, ut suo loco plenius dicetur. Deinde non tantum liberum fuit, sed
& necessarium, quia non simpliciter superstitio & Idololatria multiplex in
Ecclesiam injecta est ut olim, sed in Legem jam abierat, & sub severissi-
ma anathematis pœnâ fuerat sancita, quod factum imprimis fuit in Conci-
liabulo Tridentino. Unde non potuit ampliùs secessio negativa sufficere,
sed necessariò, vel secessio positiva facienda fuit, ut saluti fidelium pro-
spiceretur, vel participandum idololatriæ, quod piæ mentes meritò hor-
rebant.

VII. Sic ad rationem primam patet responsio. Secunda facili ne-
gotio pariter solvitur. Nam licèt Elias non recesserit positivè ab Ec-
clesia Israëlita; non sequitur, neque Nos ab Ecclesia Papali recedere
debuisse, rationes disparitatis jam dedimus, quibus & hanc addimus,
quòd Elias peculiari vocatione ad populum illum, ut Propheta Dei
missus esset, qui resisteret impio Regi Achabo, Sacerdotes & falsos
Prophetas Baaliticos occideret, & populum idololatriæ convictum ad
veri Dei cultum reduceret. Sed quis dixerit fideles tali munere instru-
ctos fuisse in Papatu? Quis nescit vel tacendum fuisse, & silentio exi-
tiali premendam veritatem cognitam, & Christum abnegandum, vel
si quis mutire ausus fuisset ad errores & idolomanias arguendas, paratas
fuisse in eum cruces, exilia, ferrum, & flammæ, & omnis generis
tormenta, ut innumerosorum Martyrum exemplis patet. Cùm E. malum
eatenus factum esset immedicabile, ut non solum vocem monitoris au-
dire nollet Roma; sed & in monitores ipsos immaniter sæviret, quid
faciendum fuit, nisi ut fugati diris persecutionibus ab ea recederemus,

DISPUT. II. & quando sanari noluit, salutis nostræ tempestivâ & iustissimâ secessione consuleremus. Itaque non negamus Ecclesiam Israëliticam post decem Tribuum defectionem sub Jeroboamo corruptissimam fuisse & apostaticam, & veram Ecclesiam tunc temporis in regno Judæ superstitem fuisse, ubi Arca erat & Templum, ubi Sacerdotes & Levitæ legitimè vocati sacris operabantur. (quanquam fatendum est neque illam Ecclesiam, licet gravissimi peccati ream, adhuc absolutè à Deo rejectam fuisse, suos enim ad eam adhuc mittebat Prophetas, suos habebat in ea fideles & electos, suumque adhuc vocabat populum, 2. Reg. 9. 6. 9.) Sed hoc tantum volumus planè aliam esse in hoc negotio Eliæ & nostri rationem. Nec opponi hîc debet, quòd Elias interfuerit etiam sacris idololatricis, quando non ut approbator, sed ut irrisor adfuisse legitur, non qui iis communicaret, sed qui eorum impietatem & stultitiam sarcasticè traduceret 1. Reg. 18. 27. Sic adfuisse legitur Vir Dei sacro Jeroboamico, cum ipse Rex vitulis immolaret, sed eò venit missus à Deo, ut impium cultum detestaretur, iis adjectis minis, quas Deus illi mandaverat 1. Reg. 13. 1. 2. Sed aliàs nec Propheta, nec pius ullus ostendi potest, qui adoraverit in Bethel aut sacrum fecerit, quia noverant se id non facturos, quin aliquo sacrilegio se contaminarent.

VIII. Ad 3^{um} de piis Regibus, qui *Excelsa* non sustulerunt; *Re-*
 1^o. pietatem eorum quidem in cæteris laudari, sed factum hoc tamen peculiariter carpi & vituperari, ut in Salomone 1. Reg. 3. 3. *Salomon dilexit Dominum & ambulavit in statutis Davidis Patris sui, sacrificabat tantum & incensum offerebat in Excelsis.* Et in Amazia 2. Reg. 3. 3. & 14. 3. & 15. 34. *Fecit quod gratum est Deo, sed non sicut David, nam Excelsa non fuerunt remota, & populus adhuc sacrificabat in Excelsis.* Verum quidem est ante extructum Templum ibi sacra facere licitum fuisse, ut Samuel in Excelsis sacrificavit 1. Sam. 9. 12. & 16. 3. in Area Araunæ David 1. Chro. 21. 27. 28. 29. 30. Salomon & populus in Excelsis sacrificabat 1. Reg. 3. 2. 3. 4. Et variis ex locis constat Prophetis concessum esse, ut in certis quibusdam casibus extra ordinem alibi, quàm supra altare Mosàicum sacrificia præsertim Eucharistica offerrent, quod in abusum ordinarium postea traxit populus. Quia verò in eam rem seligebantur potissimum colles & loca excelsa; hinc *Excelsorum* nomen datum est iis omnibus locis, in quibus sacra Deo fiebant extra locum à Deo constitutum. Quod Gentes etiam *κακοζηλίαι* quadam imitantes, in collibus & locis excelsis fana & altaria Diis suis erigebant; Unde vox Græca *βωμὸς* ab Heb. *במה*, quod *Excelsum locum* notat, manifestè deducitur. Sed postquam semel extructum fuit Templum, non fas fuit ampliùs in Excelsis sacrificare, sed in solo Templo; Unde non carebat vitio cultus in Excelsis, sed peccatum tamen differebat à crimine Idololatra-

rum; Nam quod 2^o. loco observandum est, tolerabantur à piis Regibus Excella, non ut in iis falsi Dii & Idola colerentur, sed verus tantùm Deus; Bahalim enim & cætera Idola, quibus sacra fiebant, dicuntur destruxisse, ideoque laudantur. Peccatum ergo fuit, sed in *loco cultûs* tantùm, non verò in *objecto*. Sed Pontificii longè aliter se gerunt, nec enim peccant circa locum, quod levius esset, sed circa *Objectum ipsum & modum cultûs*, ut jamjam sumus probaturi. Itaque est hîc fallacia parium, nec ab uno ad aliud valet consequentia.

IX. Ad 4. de *Naamane Syro* ex 2. Reg. 5. 32. 1^o. Regulis & legibus vivendum, non exemplis; neque si aliquid minùs rectè ab ipso admissum est, continuò in exemplum debet trahi; & mirum est homines istos, cùm habeant in Verbo viam universalem, ac bene tritam, in qua non possunt aberrare, in particulare exemplum tanquam in angustam semitam declinare malle, in qua facilis sit error. Naaman adhuc semipaganus & *veçpuros* exiguam tantùm intelligentiæ scintillam habebat, ideo non mirum si adhuc hærebat, sed Christiani in tanta Evangelii luce, quomodo adhuc cæspitare possunt sine gravi crimine? 2^o. Si urgeatur exemplum, tantùm abest ut illis faveat, ut satis apertè adverteatur; nam publicè ille abjuravit idolorum cultum, & verum Deum agnovit; cùm inter alia vovet *se posthac sacra non facturum, nisi Deo Israelis* & 17. id autem quid aliud erat quàm publicam & omnibus notam professionem facere, se non ampliùs esse idololatram? deinde duos mulos onerat terrâ sanctâ, in qua Deum adoret, ne terræ profanæ contagione pollueretur, quod etsi superstitione non caruit, testabatur tamen eo ipso se à superstitionibus Syrorum vehementer abhorrere. 3^o. *Incurvatio* illa, de qua loquitur, non tam erat religiosus cultus idoli, quàm *officium politicum*, & civilis obedientia, quam Regi exhibere tenebatur oranti in Templo illo, sic ut esset illi scipionis loco; verba sunt manifesta; postquam enim protestatus est & 17. *se non amplius facturum sacrificium aut holocaustum Diis alienis, sed Iehovæ*, addit, *huc in re condonet Iehova servo suo, quum ingreditur Dominus meus ades Rimmonis, ut incurvet se ibi (nam is nititur manu mea) si incurvavero me in ade Rimmonis, hoc incurvare meum in ade Rimmonis, condonet quæso Iehova servo suo in hac re*. Ex quibus liquet hanc incurvationem non fuisse adorationem vel Idololatriæ simulationem, aliàs protestatio fuisset factio contraria, sed civile demum obsequium, quod Regi exhibere consueverat. Exemplum simile habet Ecclesiastica Historia apud Theodor. lib. 3. c. 15. in *Valentiniano* I. qui Iulianum Apostatam deduxit ad Fortunæ fanum. Et *Sleid.* li. 7. idem notat de *Elestore Saxonia*, qui ensen præferens Carolo V. Missam adiit, non repugnantibus Theologis, quia ad suum officium vocabatur, non ad Missam ut ad cultum divinum:

DISPUT.
II.

vinum: Hic tantum diligenter attendendum est, ne quis dubitante aut reclamante conscientia hoc faciat, satius enim aliis foret cedere munere Rom. 14. 23. Ne item ullum reverentiae signum mysteriis impiis exhibeat, quod vel in speciem consensus trahi possit, sed manifesta sit improbatio & detestatio impiorum sacrorum. Quam in rem memorabile est ejusdem Valentiniani exemplum, qui cum ædituus introeuntes aqua lustrali ethnico more expiaret, & guttam aquae lavæ suæ ab eo aspersam videret, pugnis cædit ædituum, seque inde non expiatum, sed turpi labe pollutum ait. 4^o. Eo ipso quo veniam facti postulat, agnoscit posse aliquod in eo esse peccatum, aliis nihil opus fuisset, non semel, sed bis tam sollicitè petere sibi hoc condonari, nisi alicujus culpæ reum se hoc præstando fieri videret; quis verò dicat Naamanem peccantem imitandum esse? 5^o. Responsio Prophetæ factum absolute non probat, nec ei licere affirmat, sed tantum in pace dimittit, & hoc responso abeuntem salutatur, non dicit, *Abi, sic agito, Dominus tibi propitijs erit*, Sed tantum *abi in pace*, quod perinde est ac si polliceretur, se illum prout petierat precibus suis adjuturum. Neque hic mirum videri debet, quod Prophetæ eum non arguat, nec sedulo moneat, ut ab hoc peccato sibi caveat, cum enim peccatum esse pro quo veniam rogabat non ignoraret, docendus non tam fuit, quam consolandus & confirmandus; Ideo cum dicit *Vade in pace*, videtur illi polliceri divinam opem non defuturam, quæ illum à tali lapsu conservaret; nec constat deinceps eum in eo perseverasse.

X. Ad 5^{um} de Ecclesia Judaica tempore Christi. &c. Disparem esse rationem. Primò quia licet essent multi abusus & corruptelæ in cultu Dei, erant potiùs vitia personarum, quàm doctrinæ apud omnes receptæ. Traditiones & *deverotseis* Phariseorum erant, sed observationis, liberæ & privatæ illius sectæ, non totius Religionis; Præcipuè in Templo nullum apparebat idolum, quod à laxata captivitate Babylonica horruit semper populus Judaicus. 2^o. Et si Christus abrogaturus erat cultum illum Mosaicum, nondum tamen abrogaverat, nondum Christianos cœtus publicos à Judaicis separatos cogebat, sacrificia in Templo legitimo ritu peragebantur, & nulla alia Ecclesia præter Judaicam adhuc erat constituta. At hic alia omnia; Nam & Ecclesia Papalis tota Idololatriæ plena est, Christus alibi Ecclesias puriores erexit: Ut ergo licet Christus permetteret tum audire Phariseos, modò ab eorum fermento sibi caverent fideles, tamen Christiani nomen non meritis esset is, qui obtentu dicti Christi à Synagoga Judaica non recessisset, post constitutam Ecclesiam Christianam, & ex quo Apostoli secessionem à Judæis urgebant Act. 2. 40. *Exire ex hac generatione*. Ita nec verorum fidelium nomine digni sunt, qui Phariseos hodiernos audiunt, & Ecclesias quas collegit Deus contemnunt. Babylone manse-

manferunt Judæi sine crimine, nondum solutâ captivitate; Sed quum D I S P U T. II.
tempus liberationis accessit, qui se fratribus non adjunxerant ad exeun-
dum, meritò culpandi veniebant. Dum captivitatis durant tempora, li-
cet esse captivum, postea verò non captivus, sed servus est qui manere
statuit, nec licet moram trahere sonante tubâ, *Exi e Babylone*, nisi pessi-
mè nobis consultum volumus.

XI. His verò in antecessum ad Majoris propositionis confirmationem *Ecclesiam*
& vindicias ita dictis, descendimus ad Minoris probationem, & osten- Ro. esse idololatriam ream probatur.
dere suscipimus *Ecclesiam Papalem* verè esse *idololatricam*. Non quòd
crassam Gentilium idololatriam huic affingere velimus, quasi vel Jovem,
vel Martem, vel alia exoleta & fictitia Gentium Numina adhuc veneretur.
Sed quia etsi subtiliùs, non minùs tamen verè & propriè peccatum
istud committit. Nam cum duæ potissimæ sint Idololatriæ species, Pri-
ma respectu *Objecti*, quæ damnatur præcepto primo, quando aliud quid
præter verum Deum divino & religioso cultu colitur; quomodo Idolo-
latræ erant Gentiles, qui falsos Deos colebant, & quotquot Creaturis ho-
norem & cultum Deo soli debitum reddunt. Altera respectu *modi*, quæ
secundo mandato prohibetur, quando vel verus Deus in imagine colitur,
quomodo Israëlitarum in deserto, & Jeroboam in defectione suâ, Deum
in vitulis coluerunt; Vel falsus itidem in imagine adoratur, ut simulachra
Gentilium erant falsorum Deorum. Utriusque Idololatriæ ream esse Ro-
manam sedem pertendimus.

XII. Ut ergo à prima specie ordiamur, quæ circa *Objectum* versatur. Ratione Objecti.
Sic arguimus. Qui divinum & religiosum cultum exhibet creaturis, & iis qui
naturâ non sunt Dii, Is bene dicitur & est revera Idololatra. At Ecclesia Ro-
mana talem cultum desert Creaturis, Ergo. Major ab ipsa Idololatriæ defini-
tione petitur, quia idololatria ex definitione Apostoli, nihil aliud est quàm
σεβάζεσθαι & λατρεύειν τῇ κτίσει παρὰ τὴν κτίσαντα Rom. 1. 25. nec abnuit
Thom. 2. 28. q. 94. art. 3. & in Ephes. 5. 5. qui *Idololatriam* dicit esse *cum*
honor Deo debitus, creature impenditur, quod Tertull. lib. 1. de idolol.
jam antè notaverat, *Idololatra est, qui Deos suos denegat honores & confert*
aliis. Sic errorem Collyridianorum B. Virginem religiosè adorantium *ἱδωλοποιῶν*
ἱδωλοποιῶν vocavit orthodoxa Antiquitas, ut est apud *Epiph. hære. 79.*
Sic Arianos, qui Christum, quem meram creaturam arbitrabantur, religiosè
colebant, vocavit *ἱδωλοποιῶντας τὴν κτίσιν creaturam facientes Idolum*.
Ita si probatum semel fuerit religiosum & divinum cultum Creaturis exhiberi à Pontificiis, eo ipso demonstratum fuerit esse idololatrias. *Cultus* autem
religiosus soli Deo debitus, vel est *internus* cordis, vel *externus* corporis;
Ut enim utramque hominis partem creavit & redemit, in utraq; etiam
& coli & adorari vult. Ad *internum* refertur *spes & fiducia*, quæ in solo Deo

DISPUT. collocanda est; unde ipse *fiducia nostra & spes* dicitur Psal. 71. Col. 1.

II. 27. 1. Timoth. 1. 1. Deo enim non tantum ut *primo Vero* per fidem, sed ut *summo Bono* per fiduciam & spem est adhaerendum. Cui enim cor nostrum apponimus, id nobis Deus est, unde *avari*, quia divitiis fidunt, iisque cor suum apponunt, dicuntur *Idololatrae* Eph. 5. 5. & iis Deus Mammon est Mat. 6. 24. Omnesque mundani, qui rebus secularibus & terrenis affixi sunt *adulteri* dicuntur Jaco. 4. 4. A Deo enim certum est cor ejus recedere, qui in Creatura fiduciam ponit Jer. 17. 5. fiducia cordis sacrificium est, cui confidimus ei sacrificamus Habac. 1. 16. Unde rectè *Basil.* in Ps. 17. ὡς περ ἐδὲ σέβειν ἄλλῃτι παρὰ τὸ θεὸν προσήκειν, ἕτως ἐδὲ ἅπῃ ἄλλῃ ἐλπίζειν ἢ ἐπὶ τὸ θεὸν τὸ πάντων Κύριον. *Ut non licet colere aliud prater Deum, Ita nec sperare in aliquem praterquam in Deum omnium Dominum.* Hoc non diffitetur *Bellar.* de Christo lib. 1. c. 5. *In Scripturis passim in solo Deo confidendum esse dicitur, Jer. 17. & hinc rectè probat Christum esse Deum, quoniam de eo scriptum est Psalm. 2. Beati qui confidunt in eo.*

XIII. Exterior Cultus Deo debitus *adoratione & servitute* vulgò exprimitur, utraque verò Deo soli, ut peculiaris & propria reservatur; nam de Creaturis dicitur Exod. 20. 5. *Non adorabis eas neque coles*, de Deo autem Exod. 20. 5. *Dominum tuum adorabis, ei que soli servies* Matth. 4. 10. Ubi *Maldo-*
na. in h. 1. & *Iansen.* concord. Euang. c. 15. bene observant exclusivam *so-*
lū non ad secundam tantum, sed & ad primam partem referendam esse, aliàs Tentatori adorationem postulanti minus aptè respondisset Christus; Unde etsi à Mose non sit expressa *αὐτολεξί*, implicite tamen & virtualiter continetur, tum in scopo Moysi, qui est soli Deo cultum religiosum, exclusis Diis omnibus alienis, vindicare, tum ex natura subjecti de quo agitur ibidem, quæ enim Deo reduplicativè ut Deo debentur, illa soli Deo debentur, cum quo nulla Creatura in societatem adorationis se jungere potest sine sacrilegio, nulla admitti sine idololatria. Nec alia hîc Veterum mens, *Iustinus Apol.* 2. θεὸν μὲν μόνον προσκυνῶμεν, ὑμῖν δὲ πρὸς τὰ ἄλλα χαίροντες ὑπηρετοῦμεν, *nos solum Deum adoramus, & vobis in rebus aliis latè servimus.* Ecclesia Smyrnenfis apud Eusebium li. 4. c. 15. in Polycarpi Martyris Actis se Christum Dei Filium unà cum Patre colere professà, negat exertè se *quemquam alium colere posse.* Epiph. hæres. 69. *Sancta Dei Ecclesia Creaturam non adorat.* Origen. contra Celsum lib. 1^o. Christum ait docere τὸν ἐπὶ πᾶσι θεὸν μόνον δεῖν σέβειν *summum Deum solum oportere colere.* Athan. cont. Arianos ad Adolphium ἡ κτίσμα προσκυνῶμεν, *non adoramus creaturam, absit! in Ethnicos & Arianos istud delirium competit.* Hinc Veteres, Arianos idololatriæ insimulabant, eò quòd adorarent Christum, quem tamen volebant esse Creaturam & merum hominem.

XIV. Quæ autem est adorationis ratio, eadem *religiosa servitutis*,
 quæ

quæ Deo soli vindicatur 1. Sam. 7. 3. Matt. 4. 10. *Dominum Deum tuum adorabis, & illi soli servies.* Ad hanc autem varii actus pertinent, 1. *Invocation.* 2. *Voti nuncupatio* 3. *Juramenti conceptio* 4. *Consecratio Altarium, Templorum, & festorum.* 5. *Thurificatio*, qui omnes ad Deum ita pertinent, ut ad alterum sine crimine transferri nequeant. 1^o. *Invocationem* ad solum Deum dirigi, & præceptum Dei Psal. 50. 12. & Oratio Dominica, quæ ad unum Deum nos revocat, abundè docent. Ut sanè ille solus potest esse objectum Invocationis, qui est fidei, *quomodo invocabunt eum, in quem non crediderunt?* Rom. 10. 14. Ille solus potest invocari legitimè, qui potest exaudire, Pl. 65. 2. 3. Et cum sacrificium sit omnibus hecatom- bis longè præstantius, Pl. 50. 13. 14. 15. ut sacrificium non nisi Jehovah offerri potuit, Exod. 22. 20. Ita nec oratio. 2^o. *Vota* soli Deo nuncupanda esse & Scripturæ autoritas Ps. 76. 12. Isa. 19. 21. Psal. 50. 15. & praxis San- ctorum evincit, Gen. 28. 20. Num. 21. 2. 1. Sam. 1. 21. & hoc tam verum est, ut *Bellar.* ipse non potuerit diffiteri; sed misero effugio conatur elabi *lib. 3. de Sanct. c. 9.* scilicet *cum scriberentur Scriptura, nondum cœpisse usum votendi Sanctis.* Ergo jam ex Adversarii confessione, Votorum nuncupa- tio, quæ sit Sanctis, non habet fundamentum in Scriptura, sed in mero ho- minum commento. 3^o. *Attestatio Juramenti* ad solum Deum refertur Deu- teron. 6. 13. & 10. 20. *Per nomen Domini Deitui jurabis*, Unde ipsi etiam Ethnici Θεὸν ὁρκίζον Deum juramenti arbitrum dixerunt, nec quisquam ut testis vel vindex in juramento præter eum compellari potest, solus enim potest esse testis, quòd verè juramus, solus potest esse vindex, si falsò ju- ramus, Unde cum per quem juramus, quasi Deificamus, si ita loqui licet, attribuentes ei cordium scrutationem, occultorum cognitionem, veritatis patrocini- um, falsitatis judicium, & potestatem ac potentiam perjuriam vin- dicandi. Hinc jurare per eum, qui non est Deus, est Deum ipsum relinque- re, & abnegare Soph. 1. 5. & Juramenta per Creaturas & falsos Deos di- fertè prohibentur Jer. 5. 7. Non tantum Deus præcipit, ut quicumque jurat, per *Deum amen* id est veracissimum, juret Is. 65. 16. sed ipse etiam juravit unumquemque verè Christianum per se juraturum, Is. 45. 23. ideo *Juramentum* peculiariter *Jehovæ* dicitur Exod. 22. 11. quia nomine Dei interposito concipitur. 4^o. Eadem est *Templorum, Altarium, & festorum* ratio; Ista enim solius Dei cultui in Scripturis passim deputantur; quod agnovit *Durandus* Ration. divin. offic. 1. 4. c. 39. Ad λατρείαν pertinent *Templa & Altaria, Sacerdotalia, sacrificia, festivitates, ceremonie, & hujusmodi, quæ soli Deo sunt exhibenda.* Ipse *Thomas.* 2. 2. q. 85. art. 2. cum oppositum esset *Templa & Altaria* erigi Sanctis & Angelis, re- spondet verbis Aug. de Civ. Dei lib. 8. c. ult. *Non constituimus Marty- ribus templa, sacerdotia, sacra, sacrificia, quoniam non ipsi, sed eorum*

Psal. 50. 12.

Rom. 10. 14.

Psal. 76. 12.

Deut. 6. 13.

& 10. 20.

Isa. 65. 16.

Isa. 45. 23.

Exod. 22. 11.

DISPUT.
II.

Deus, nobis est Deus. 5. Denique *Thurificationem* uni Deo deberi, quod de sacrificiis jamjam diximus, docet, quia incensum sive suffitus, est vel pars, vel species sacrificii, ut constat ex Levit. 1. 2. 3. 6. capitibus. Unde jam Propositionis nostræ probatio exurgit. Nam qui in Creaturis spem & fiduciam collocat, qui Creaturas religiosè adorat, qui eas invocatur, & per eas jurat, qui iis vota nuncupat, Tempia & Altaria erigit, festa consecrat, suffitum adolet, Is procul dubio cultum religiosum soli Deo debitum in Creaturas transfert, & sic idololatriam committit; At Ecclesia Romana hæc omnia præstat. E.

XV. Ecclesiam autem Romanam hæc omnia sancire, & præstare, ejus Constitutiones, & Praxis luce meridianâ clariùs probant, circa quatuor potissimum objecta. 1. *Sanctos defunctos*, & *Angelos*. 2. *Pontificem*. 3. *Sacramentum*. 4. *Crucem*, & *Reliquias*, quod in singulis breviter demonstramus. Et ad *Sanctos* quidem quod attinet, licet eos *honorandos* esse propter *imitationem* cultu dilectionis & societatis, qualis Conservis & Concivibus debetur, non abnuamus, Ut eorum memoriam grata & jucunda recordatione usurpemus, virtutes prædicemus, exempla sequamur, & doctrinam tueamur, *adorandos* tamen propter *religionem*, quæ soli Deo convenit, cum *Augustino* lib. de vera Religione c. ult. negamus. Verùm Pontificii longè aliter; Nam ut à Beata Virgine incipiamus, quam nos Beatam prædicamus, & ad honorem, non ad adorationem nobis datam cum *Epiphanio* profiteamur, hæref. 79. *τὸ τιμμεῖν, ὃ μὲν ἐκ τοῦ προσκύνειν ἡμῶν δοθεῖσιν*. Quem latet, non modò titulos divinos, sed & cultum divinum tum internum tum externum ei exhiberi? Quid enim aliud sibi volunt quum eam *spem Mundi* vocant, *Mater misericordie*, *vitam*, *dulcedinem* & *salutem omnium in ipsa sperantium*? in Officio *Beate Mariæ* reformato jussu Pii V. edito dicitur *Consolatio desolatorum*, *via errantium*, *salus omnium in te sperantium*. Et in Hortulo animæ impress. Antverpiæ 1557. *Ave mundi spes Maria*, *Exaudi me miserrum peccatorem*, *in tua misericordia & pietate confidentem*. Nec eam ut spem solum suam, Sed etiam ut *spem unicam* invocant, in Breviario Rom. §. sept. *Tu es spes unica Peccatorum*, *per te speramus delictorum veniam*, & *in te beatissima nostrorum est expectatio premiorum*. Eò pertinet quod in Psalterio Mariæ, quæcunque ad Deum solum dirigebantur, ad eam blasphemè transferuntur, profitentur se illi confidere, in eam sperare, Psal. 7. *Domina, in te speravi*, Psal. 30. *In te Domina speravi, non confundar in æternum*, Psal. 46. *Miserere mei Domina, miserere mei, quoniam tu es spes & Lux omnium confidentium in te*. Psal. 94. *Venite, adoremus & proci- damus ante eam*. Psal. 96. *Adorate eam Cives curiæ Paradisi*. Psal. 50. *Miserere mei, Domina, quæ mater misericordia nuncuparis, & secundum viscera*

viscera misericordiarum munda me ab omnibus iniquitatibus meis, & alia id DISPUT.
genus quæ sine indignatione legi non possunt. II.

XVI. Si ad *Invocationem* transimus, quid clarius quàm eam in precibus sæpius interpellari, quàm ipsum Deum, non solum ut Mediaticem Intercessionis, sed etiam ut largitricem gratiæ & gloriæ, protectricem à malis. Quod spectant orationes illæ, quibus se custodiæ & tutelæ B. Virginis commendant, tam in vita quàm in morte; in Offic. B. Mariæ, *Maria mater gratia, mater misericordie, Tu nos ab hoste protege, & horâ mortis suscipe.* Et quare ad eam preces non dirigerent, quando *Deum præpotentem eam divinæ Majestatis potestatisque sociam sibi ascivisse* pertendunt? ut loquitur *Viega in Apoc. cap. 12.* Constituisse eam super omnem Creaturam, & quicumque Jesu curvat genu, Matri quoque pronom supplicare, *Deum ei dedisse dimidium Regni sui*, quod duobus ajunt contineri, potentiâ & misericordiâ, potestate ergo Deo remanente, *cessisse quodammodo misericordiam Dei Matri*, Itaque *Virginem divisum habere cum Deo imperium*; Biel in *Exposit. Cano. Miss. Lect. 80.* quod *Cassand. consult. art. 21.* cum indignatione annotavit, nec nos sine horrore audire possumus. Ita aliquando ut *sociam* Christo adjungunt, interdum ut *superiorem* præficiunt, nonnunquam etiam, excluso, ut videtur Christo, ei *soli* adhærent, Ut Christum Dominum vocant, sic Mariam Dominam, Illum Salvatorem, hanc Salvatricem, Illum Mediatorem, hanc Mediaticem, Illum Regem, hanc Reginam Cœli, Illum denique Deum, hanc Deam, vid. *Offic. B. Mariæ; Bemb. epist. ad Carol. V. Hortul. anim.* Nec adæquant tantum, sed & quodammodo præficiunt. Eò enim ventum est, ut ipse fatetur *Cassander artic. 21. consult. ut Christus etiam jam in cœlo regnans matri subjiciatur.* Siquidem orant ut se *Matrem esse monstret, matrisque jure imperet*; *Breviar. Rom. & Offic. Mariæ.* Quod pertinent illa *Missal. paris. Ora Patrem, Fube Filio*; Imò & sæpe solam eam videntur in Throno locare, *unicam eam miserorum spem appellantes, nec alteram desolatorum spem agnoscetes, eique soli se commendantes.* Quid est Creaturam loco Creatoris ponere, si hoc non est? Sed ne in his diutius immoremur, qui plura voluerit adeat *Celeb. Drelincurtii* accuratum opus de *honore debito B. Virgini*, qui totum hoc argumentum solidissimè & plenissimè est executus. Videndus etiam libet *Crasseti* Jesuitæ, ante aliquot annos editus, qui Virginis cultum ad immensum extollit.

XVII. Quod de Beata Virgine, idem & in reliquis Sanctis, & Angelis observare est, quos tanquam Deos tutelares & averruncos colunt & venerantur, in iis fiduciam & spem suam collocant, per eos jurant, & vota ac preces ad eos dirigunt. Et ad Angelos quidem quod attinet, notum est eos passim invocari, non modò ut Mediatores intercessionis, sed ut largitores bonorum, & protectores

DISPUT.
II.

à malis. Sic in Hortulo animæ, *Omnes novem Angelorum ordines orant, ut dirigant cogitatus, verba & actus nostros in viam salutis & prosperitatis.* Præcipuam verò Angelo cujusque proprio devotionem exhibent tam in vita quàm in morte, ibid. *Obsecro te, Angelice Spiritus, cui ego indignus peccator ad providendum commissus sum, ut indefinenter protegas, defendas, mundes, munias me ab omni incurfu Diaboli.* Luculentiùs verò hoc ex cultu Sanctorum apud ipsos præcepto & usitato probatur, qui tanto iis exhibetur studio & fervore, ut *Espensaus* in 2. Tim. 3. fateatur *plerosque omnes apud ipsos non minùs fidere ac tribuere Divis quàm Deo, quia hunc quàm illos minùs placabilem putant & exorabilem, & Vives* in August. de C. D. lib. 8. cap. 27. ingenuè agnoscat, *se non videre in multis, quod sit di. crimen inter eorum opinionem de Sanctis, & quod Gentiles putabant de Diis suis.* Longum esset recensere orationes varias, quibus Sanctos & Sanctas compellant, non solùm ut Intercessores, sed ut protectores à malis, & largitores suis meritis gratiæ & gloriæ, vide *Hortul. Anima, & Breviaria*, ubi passim occurrunt. Nos, inquit *Biel* in expof. Canon. Missæ lect. 30. *fiducialiter ad Sanctos recurrimus, eorum memoriam venerantes, ut nos fragiles & mortales mereamur, eorum meritis & precibus ad eorum immortalitatis gloriam pervenire,* Eò spectant preces illæ variæ, quæ tum ad apostolos in genere, tum ad singulos diriguntur in Hortu. animæ, *O beati Apostoli, solve me à peccatis, defendite me, confortate me, & ad cæleste regnum me perducite; & in Breviario Romano in Aposto. festo.*

*Vos secli justi judices
Et vera Mundi lumina
Votis precamur cordium,
Audite preces supplicum
Qui cælum verbo clauditis,
Serasque ejus solvitis,
Nos à peccatis omnibus
Solve jussu quesumus
Quorum præcepto subditur
Salus & languor omnium,
Sanate egros moribus,
Nos reddentes virtutibus.*

Et ad Petrum ibi in festo Petri.

*Fam bone pastor Petre clemens accipe
Vota peccantium, & peccati vincula
Resolve, tibi potestate tradita,
Qui cunctis cælum verbo claudis, aperis.*

Idem faciliè ostendi posset de aliis Apostolis, & de Sanctis qui religiosè invocantur

vocantur. Unde jam liquet, præcipuas & primarias divini cultus partes, Ecclesiam Romanam Sanctis defunctis exhibere. Cætera quæ ad Religionis cultum pertinent, Juramenti conceptionem, Votorum nuncupationem, Templorum & Altarium erectionem, Fæstorum consecrationem, & id genus alia in honorem Sanctorum fieri, notius est, quàm ut probatione indigere videatur.

XVIII. Hæc verò omnia cultus religiosi erga Sanctos officia fundantur in eorum *Canonizatione*, quâ ex Decreto Papæ & Papalis Consistorii defunctus aliquis propter bonam famam & miraculorum evidentiam inscribitur Catalogo Sanctorum, & jubetur haberi Sanctus ab Ecclesia Romana & publicè privatimque coli & adorari, quem in finem Tempia & Altaria ei eriguntur, Missæ ei dicuntur, Christus in honorem ejus sacrificatur; Dies fæstus peculiaris ei consecratur, Pinguntur ejus Imagines in Templis & reliquiæ adorantur, quæ canonizatione contineri docet *Bell. lib. de Beatif. Sanct. c. 7.* Et ut scias magnæ molis opus esse, anxîâ hîc sollicitatione opus est, circa quam sæpe plures anni conteruntur. Imò non pauci sanctitatis candidati petitione sua excidunt, quia non habent Papam propitium. Alii bene sperare jubentur, & titulum *Beati* impetrant, qui gradus est ad sanctitatem, quasi sanctitas non esset gradus & via ad beatitatem. At nos ab Ethnicis quidem *Apotheoses* fieri olim solitas didicimus; sed ut Spiritus Sanctus ulli mortalium potestatem concesserit Sanctos faciendi & cælo inferendi; ut de aliena salute pronunciet, quasi librum vitæ legerit, qui non est certus de sua; ut ab ejus arbitrio, Sanctorum, quos Divos vocant, non veneratio solum & cultus, sed & sanctitas divinitasque pendeat, hætenus in Verbo Dei legere non potuimus, & tanquam Paganorum inventum Deo ipsi verisque Sanctis injurium bene damnamus. Videant nunc qui hæc statuunt, utri nostrum iniquiores simus Sanctis, An nos qui nolumus iis tribui cultum soli Deo debitum; An illi qui eos vertunt in Idola, & Dei amicus abutuntur ad eum ad zelotypiam provocandum. Qui si ex culmine illo gloriæ possent pervidere, quæ hîc geruntur, non modò cultum, qui eis desertur aspernarentur, sed & gravissimè talia facientibus indignarentur, & succenserent, sed de his alibi.

XIX. Sed neque in Sanctis defunctis subsistit religiosus ille Cultus, ad *Viventes* etiam transfertur, cùm Sanctissimum Dominum suum *Papam*, ut Numen quoddam adorant. Nec mirum id cuiquam videri debet: Nam si colendisunt Sancti, quos Papa autoritate sua Deificâ canonizat; Quis æquum non dixerit, ut colatur is qui Sanctos facit; iisque omnibus ipsorum opinione major est? Hoc autem apud eos receptum esse dubitare non potest, qui E. R. sacra noverit: Nam præterquàm quòd nonnunquam ipse Pontifex *Adoratione* creatur, saltem certum est recens electum *bis super Altare collocari cum mitra, primum in sacrario, deinde in Ecclesia S. Petri, idique à*

DISPUT.

II.

Cardinalibus adorari. Vid. lib. *Carem. Rom.* Nec admittit solum adorationes religiosas & oscula pedum, sed expectat & requirit, non ab inferioribus modo hominibus, sed à Principibus etiam maximis, supremisque Regibus, Ipsisque adeò Imperatoribus. In Processionibus verò super humeros hominum sublimis gestatur, ut Idola Gentium olim, succolantibus maximis quibusque, qui adsunt Principibus, & turbis populi, tanquam Numen quoddam adorantibus, ab eoque gratiam expectantibus. Titulos autem cum honoribus divinis deferri clarum est, vel ex eo, ne alia plura commemorem, quod tritum sit & Pontificiorum scriptis pervulgatum *Pontificem Rom. Deum esse in terris.* Notum est quid in honorem Sixti IV. arcui Triumphali inscriptum fuerit.

Oraclo vocis Mundi moderaris habenas,

Et meritò in terris crederis esse Deus.

Notum quid in *Glossa Juris Canonici* habeatur Extrav. Joan. XXII. ubi hæc leguntur, *Credere Dominum Deum nostrum Papam conditorem dictæ Decretalis & istius, non sic potuisse statuere, prout statuit, hæreticum censeatur,* & ne adjectionem vocis *Deum* dicat quis esse erratum typographicum, in Censuris *Glossæ Juris Canon.* Jussu Pii V. editis nihil mutatum est. Notum quid *Christophorus Marcellus* in Oratione habita coràm Julio II. in Concilio Lateranensi disertè posuerit sess. 4. *Cura denique ut salutem quam dedisti nobis, & vitam & spiritum non amittamus, Tu enim Pastor, tu Medicus, tu Gubernator, tu Cultor, tu denique alter Deus in terris.* Possemus hîc alia plura ex eorum libris congerere, ex quibus constat Pontifici honorem & cultum religiosum exhiberi, ipsumque adeò imperium & potestatem affectare in Spiritualibus & in Temporalibus super ipsos Reges & Imperatores, reclamantibus licet variis, & imprimis *Gallis*, qui strenuè sæpius libertatem suam adversus ejusmodi tyrannidem propugnârunt. Sed quia de his dicendum erit fusiùs quum de Antichristo ejusque revelatione disputabimus, sufficit hîc annotare, quod novissimè *Jesuitæ* in Thesibus in Colleg. Claromontano agitatæ publicè propugnârunt; *Pontifici eandem infallibilitatem, quam Christus ipse habuit, non tantum in questionibus Juris, sed & facti concessam esse,* quod meritò alii tanquam hæreticum & idololatricum exagitant, quia ex Papa Deum, & ex Verbo hominis Verbum Dei faciunt; Idololatria quippe, ut bene iidem observant, non tantum fit, cum Dei nomen alicui tribuitur, sed cum qualitates Deo propriæ vel cultus divinus rei creatæ transcribuntur, cum submissio fidei divinæ exhibetur verbo hominis. Itaque ex istorum sententia *quicumque profitetur se credere fide divina id, quod ideo tantum credit, quia homo dixit, hominem loco Dei statuit, in Creaturam honorem soli Creatori debitum transfert, & quantum in se est Idolum ex Vicario Christi facit.* Vide Theses *Jesuit.* & *Novam hæresim*, quæ illis ideo impingitur p. 5. 6.

XX. Ex his verò non obscure colligitur veritas minoris propositionis, DISPUT.
R. E. scil. multiplicis Idololatriæ esse ream. Non nos latet equidem, II.
varias illam distinctionem captare argutias, quibus tanquam sudariis, ut
mulier illa Proverb. 20. 20. os suum abtergit frontemque perficit, negans se in B. Virginis, Sanctorum, Angelorum, & Pontificis cultu,
idololatriam ullam committere. Sed quicquid molitur, non posse tanti
criminis notam effugere, luce meridiana clariùs demonstrari potest. I.
Negant se ulli Creatura adorationem deferre, hanc enim soli Deo deberi,
sed venerationem & reverentiam, non esse religionem, sed observantiam,
nec statim imperiti vulgi praxim & abusum Ecclesiæ ipsius sanctionibus ad-
scribendum, sic Richeli. li. 3^o. c. 4^o. Valentia. de Idol. l. 2. c. 6. &c. Sed qui
sic loquuntur, vel sub aliis tantum nominibus rem eandem retinent, & sic fu-
cum faciunt, vel aperti sunt religionis suæ transfugæ. Nam ne hic privata
Pontificiorum Doctorum scripta referam, ubi passim legitur & ex professo
traditur adorandos esse Sanctos, Crucem, Reliquias, Imagines; unde Mal-
de. homo ex Jesuitarum sodalitis nobilissimus, eorum sententiam, qui nul-
lum nisi Deo religionis honorem tribuunt, errorem esse dixit impium & impe-
ritum, in Matth. 5. 34. & Sanderus lib. 7. de visi. Monarch. inter pseudo-pro-
phetas & hæreticos, & Civitatis Diaboli membra eos censet reponendos, qui
dicunt, Crucem & imagines Sanctorum non esse adorandas. Si scripta publi-
ca, quæ doctrinam & confessionem continent Ecclesiæ Romanæ, & quo-
rum autoritas non potest in dubium à Pontificiis vocari, attendimus, hanc
adorationem frequenter ingerunt. Catechis. Trident. p. 3. c. 2. 5. 8. &
9. docet, Angelos esse à Christianis adorandos. Missale Roma. autoritate
Trident. Concil. editum feri. 6. in Paral. identidem repetit adorandam
esse Crucem, Concil. Nicæn. II. ad quod in hac Causa Tridentini Patres
Sess. 25. suos alegant, sæpius illud ingeminat, adorandas esse imagines.
Index Expurgatorius Madriti editus an. 1612. inter cætera passim deleri jubet,
quæ in scriptis Patrum observantur de adoratione solius Dei, ut ista Augustini
& Athanasii, Adorari solus Dei est, nulla Creatura adoranda, sancti hono-
randi imitatione, non adoratione &c. Quæ omnia luculenter docent, adoratio-
nem apud ipsos tribui etiam Creaturis, non tantum ex praxi, sed ex instituto.

XXI. II. Excip. *Adorationem aliam esse supremam, aliam subal-*
ternam, Illam soli Deo reservandam, istam etiam Sanctis & An-
gelis posse impendi sine idololatria nota, quia Idololatria est, cum
cultus divinus Creatura exhibetur sicut Deo, se autem cultum non
exhibere Sanctis sicut Deo, sed sicut amicis Dei, Valentia. li. 2. de
Idolo c. 1. R. 1^o hic peti principium & apertum scd & reteg; dari scil.
gradus religiosi cultus, & adorationem aliam est subalternam aliam
supremam, quod ut Controversum probari debuit, non supponi. Da-

DISPUT.
II.

ri quidem cultûs & reverentiæ civilis gradus non negamus, pro ratione gradûs excellentiæ cujusque, sed in cultu religioso non item. Gloria Dei punctum est, quod dividi nequit, & Cultum religiosum concipere est summum cultum concipere. 2^o. Hæc ipsa fuit Gentilium exceptio, in cultu Idolorum, qui distinguebant inter Numina cœlestia, terrestria, & media, inter adorationem supremam & subalternam; illam soli Deo deberi, istam Diis inferioribus & per participationem talibus: sic *Marsil. Ficinus* in arg. li. 4. & lib. 8. de Leg. *Platonem*, inquit, *universam Deorum synagogam uni subdere Regi prout vult singulis imperanti, jubere quidem primum Deum propter se adorari, sequentes verò qui participes ejus Dii quoque dicuntur, amari tanquam illi similiores, honorari etiam ut Vicarios, imò & advocari quasi Conciliatores*; Nonne hæc ipssissima est Pontificiorum Theologia. 3^o. Glossa Valentiniana, quæ negat Idololatriam committi, etsi cultus divinus deferatur Creaturæ, modò non deferatur *sicut Deo*, inera est vitilitigatio. Nam 1. contradictionem implicat, cultum divinum alicui deferri *non sicut Deo*, quia si non deferatur sicut Deo, non est cultus divinus. 2. Sic sequeretur nullam esse Idololatriam in actu externo, & neminem Idololatriam dici posse, nisi qui fatebitur se conciliare voluisse divinam planè æstimationem rei quam colit, qua ratione nulli aut paucissimi fuerunt, aut sunt idololatræ. An qui ventrem pro Deo habent Phil. 3. 19. aut nummos Eph. 5. 5. cogitant de concilianda iis rebus divinitatis opinione? Nihil minùs, imò palàm profitentur se in Deum fide recumbere, & nullum aliud Numen venerari, & tamen Idololatræ dicuntur. Sic Israëlita non fuerint Idololatræ colentes vitulum, nec Ethnici divinitatem in simulachris colentes, quia noluerunt illis cultum exhibere *sicut Deo*. Sic Patres Arianos idololatriæ insimulare non potuissent, quia adorabant Christum, qui illis merus erat homo, hunc enim cultum non illi deferebant *sicut Deo*. 3. Hoc perinde est, ac si cujuspiam uxor in adulterio deprehensa, os suum abstergeret, & negaret se adulterij ream, quia usuram corporis sui huic homini concesserit *non ut marito, sed ut mariti amico*, non conjugalem ei benevolentiam, quam soli marito debitam novit, sed *amicalem* tantum exhibendo; quis verò ferret adulteram ita se excusantem? An minuitur crimen, quamvis uxor sui copiam faciat adultero illi, non tamen ut illi conciliet existimationem, quæ in solum maritum competit; Quis etiam Idololatræ spirituale adulterium suum ita extenuantes admittat? Tam enim soli Deo proprius est omnis religionis cultus, quàm illa Marito soli conjugalis benevolentia debetur.

Latria &
dulia non
differunt.

XXII. III. Excip. *Distinguendam esse λατρείαν & δολείαν; cultum λατρείας soli Deo vindicari, δολείαν verò Creaturis etiam posse deferri: Nec novam videri debere istam distinctionem; Augustinum passim eà usum, & Veteres, qui cultum falsorum Deorum vocabant*

Idolola-

Idololatriam non Idoloduliam, quod cultus Deo proprius vocetur λατρεία, non δαλεία. Naturam rei etiam hanc docere; nam pro gradibus excellentia varium etiam esse debere cultum, Excellentia infinita deberi cultum λατρείας, humana vel civili, civilem, media vero sive donis tum gratia tum gloria medium, δαλείαν quidem Sanctis & Angelis, ὑπερδαλείαν vero B. Virgini ob singulare ἀξίωμα. R. Sed Commentum istius distinctionis ex variis confutari potest. 1. Ex vocum proprietate & primigenia significatione, quia sunt voces synonymæ, quæ obtinentur pro speciebus oppositis sub eodem genere. Hesych. exponit λατρεύειν per δαλεύειν, λατρείαν per δαλείαν. Gloss. δαλεία, λατρεία, λατρεύω, δαλεύω. Vives apud August. de Civit. Dei lib. 10. c. 11. agnoscit ex Valla, promiscuum esse earum usum apud Scriptores profanos, quod multis exemplis probari potest. Imò si vim vocum spectare volumus, minùs appositè λατρεία ad cultum Dei designandum adhiberetur quàm δαλεία, quia ista majorem qualis τῷ δέῳ, id est, servi, λατρεία minorem qualis τῷ λατρεῖ mercenarii servitutem denotat; δέῳ enim & ἐλεύθερῳ opponuntur, est enim δέῳ alterius hominis, quasi ὄλῳ ἐκείνῳ, λατρεῖς autem Hesyc. est μιδικρός ὁ ἐπὶ μιδιῷ δαλεύων, μίδιῳ ἐργάτης: Sic apud Suidam λατρεία ἡ ἐπὶ μιδιῷ δαλεία. Si E. hanc distinctionem urgere volunt Pontificii, fatendum eos minorem Deo cultum, Creaturis majorem reservare.

XXIII. 2^o. *Ex usu Scripturæ, quæ promiscuè verbis λατρεύειν & δαλεύειν utitur, ut LXX. τὸ ἔργον Hebræorum passim per alterutrum reddunt; δαλεία sæpe de cultu divino usurpatur δαλεύειν τῷ θεῷ ζῶντι 1. Thess. 1. 9. Matth. 6. 24. Nemo potest duobus Dominis δαλεύειν, Gal. 4. 8. Gentiles damnantur quòd ἰδὲ δαλεύσαντες iis, qui naturâ non sunt Dii; cur verò hoc impactum istis ab Apostolo, si hoc ex Pontificiorum Theologia licitum credidisset, modò non deferretur illis λατρεία? Sic 1. Sam. 7. 3. parate corda vestra Domino, καὶ δαλεύσατε αὐτῷ μόνῳ, sic Roman. 12. 11. & 14. 18. Ephes. 6. 7. Col. 3. 24. Unde passim fideles, & peculiariter Viri Dei vocantur δέῳι θεῷ. Vicissim λατρεία sæpe de cultu humano intelligitur Deuteronom. 28. 48. καὶ λατρεύσεις ἐκεῖ τοῖς ἐχθροῖς σὺ & servies ibi inimicis tuis. Levit. 27. 7. πᾶν ἔργον λατρευθὲν non faciendum Sabbatho, id est servile & manuale, quod sæpe repetitur 1. 23. 26. 37. & Num. 28. 18. Ergo cùm Scriptura non distinguat, neque nobis est distinguendum. 3. Ex Adversariorum confessione, Bellarminus fatetur distinctionem hanc esse ἀγράφειν, & à Schola Theologica excogitatam, licèt tum hebræa tum græca vocabula promiscui sint usûs lib. 1. de Beati. Sancto. cap. 12. Vasques adhuc expressius, nomen dulia nullus ex antiquis Patribus docet usu Ecclesiastico esse applicatum ad significandum cultum & honorem Sanctorum, disputat. 93. in 3. part. c. 1. Marti. Peresius lib. de Tradit. part. 3. considerat. 7. hanc distinctionem improbavit, teste Bellarmino.*

1. Thess. 1.
9. Matth. 6.
24.

Deut. 28.
48.

DISPUT.

11.

XXIV. 4. Sed *ex ipsa natura rei* fortius adhuc refellitur: Nam cum, uti jam diximus, unicus tantum detur cultus religiosus, qualiscunque sit cultus duliæ, si religiosus dicitur non desinit in Deum esse contumeliosus, quia Creaturam Dei perfectione induit, ei tribuens infinitam cognitionem & scrutationem cordium, & vim sublevandi animas pressas sensu peccati. Quod si in schola nuperorum Theologorum versati fuissent Ariani olim, qui idololatriæ arguebantur a Patribus & Anthropolatriæ, facile potuisset illis effugium hac distinctione, dixissent enim se Christo deferre cultum duliæ, non latræ: Sic & Joannes potuisset adorare Angelum sine crimine, & Angelus potuisset cultum illum admittere sine periculo, Apocal. 19. 20 & 22. 8. quàm proclive enim fuerat Joanni se excusare, & dicere, non colere ipsum cultu latræ, sed duliæ. Sed hæcenus inaudita fuerat novitia ista Theologia, & pro certo receptum unicum tantum cultum religiosum dari, & quidem soli Deo debitum. 5. *Ex Adversariorum praxi*; Nam licet nomen *λατρείας* deludendæ plebi removeant a cultu Creaturarum, certum est tamen rem omnem per *λατρείαν* designatam tribuere Creaturis, & ad eas vota precesque emittere, in illarum intercessione, precibus, meritis, præsidio, spem & fiduciam ponere, iis Tempia, Altaria, Imagines suspendere. In Scholis quidem nomine tenus distinguunt hunc cultum, sed in praxi nequaquam: Quotusquisque enim ex plebe Sanctos invocatur & vota nuncupat, eademque reverentiæ signa illis exhibet, quæ Deo solet reddere, qui ita fecernat ut illis quidem duliam, huic verò latræ reddat? Imo ne quidem harum distinctionum naturam percipere potest, Ne jam dicamus, quod posthac probandum erit, cum de *σαυρολατρείᾳ* agemus, Cruci ipsi latræ exhiberi. Conclusum Ergo esto, distinctionem hanc tanquam nullius commatis, merito a nobis rejici.

XXV. Neque hic opponenda est *Augustini* autoritas: Nam quam distinctionem *λατρείας* & *δουλείας* nonnunquam usurpavit, tamen neque Scripturæ usui ea promiscue utenti in religionis negotio, præjudicatum voluit, neque in eum sensum usus est, quem sequitur hodie Ecclesia Romana. Nam Augustini mens nunquam fuit, cultum religiosum distribuere in latræ & duliam, Ita ut hæc ad Sanctos, illa ad Deum pertineret: Sed *duliæ* voce designare voluit cultum civilem, quo alii alios colimus in hac vitâ, non *cultum religionis*, sed *dilectionis* & *societatis* erga præsentem, & *charitatis* erga defunctos, quos honorandos docet propter imitationem, non adorandos propter religionem lib. de vera Relig. cap. 55. *Non sit nobis religio*, inquit ibidem, *cultus hominum mortuorum*, quia si pie vixerunt, non sic habentur ut tales querant honores, sed illum à nobis coli volunt, quo illuminante letantur meriti sui nos esse consortes. Per *λατρείαν* vero intelligit Augustinus cultum religio-

sum

sum cum omnibus actibus suis tam *imperatis*, quàm *elicitis*, quales sunt actus precum, sacrificiorum, ut & templorum, dierum festorum, nostri & omnium quæ in nobis & à nobis, religiosis ritibus consecratio. Sic ille lib. 10. de C. D. c. 1. *Latriam nostri ubique S. Scripturarum positum est, interpretati sunt servitutem, sed ea servitus, quæ debetur hominibus, secundum quam precipit Apostolus, servos Dominis suis subditos esse debere, alio nomine nuncupari solet Græcè Latria secundum consuetudinem, quâ loquuti sunt, qui nobis divina eloquia condiderunt, aut semper, aut iam frequenter, ut penè semper, ea dicitur servitus, quæ pertinet ad colendum Deum. Proinde si tantummodo cultus ipse dicitur, non soli Deo deberi videtur. Dicimur enim etiam colere homines, quos honorificâ vel recordatione, vel præsentia frequentamus, &c. Ex quibus ne alia loca jam congeramus, patet Augustinum distinguere servitutem in eam, quæ soli Deo debetur, & quam docendi causâ vocat *λατρείαν*, quamque alibi vocat *servitutem religionis*, lib. 5. de C. D. cap. 15. & servitutem, quæ hominibus debetur, quam peculiariter duliâ dicit. Aliud est verò cultum in genere distinguere in *λατρείαν* & *δουλείαν*, quod facit Aug. aliud cultum religiosum ita dispefcere, quod volunt Pontificii: Aliud *λατρείαν* & *δουλείαν* genere dispefcere cum Augustino, aliud gradu tantum cum Pontificiis. Quòd si liberet hic in Veterum mentem & verba inquirere, facile esset ostendere, promiscuè eos istis vocibus usos fuisse; Sed quia non iis stamus aut cadimus; neque decet Virum Dei *νοσσην περὶ λογομαχίας*, litem de verbis non facimus, sed de rebus: parum refert *λατρεία* an *δουλεία* dicatur cultus Deo proprius, modò fixum ratumque maneat, cultum religiosum soli Deo, nulli verò Creaturæ esse deferendum.*

XXVI. Quod verò secundo loco affertur de *gradibus excellentiæ*, probat quidem distinguendum esse *cultum religiosum* & divinum, à civili & mundano, *pietatem* à *charitate*; ut duæ sunt *Excellentiæ* species, alia increata & infinita nimirum Dei, alia finita & creata, qualis est omnium Creaturarum: Sed non probat dari cultum religiosum, qui sit medius inter divinum & civilem. Nam etsi non diffiteamur, varios esse gradus Excellentiæ finitæ in Creaturis; tamen cultus species non debent juxta eos multiplicari; aliàs non jam duæ aut tres, sed innumeræ penè cultuum Creaturis debitorum species essent. Certum quidem est, ex diversis gradibus dignitatum in Creaturis conspicuarum posse oriri diversos gradus cultus & venerationis; sed ita ut semper intra limites cultus civilis maneatur, neque transitus fiat ad cultum religiosum, qui soli Deo, Excellentiæ putà infinitæ, sit debitus. Ita alio cultu Regem, alio Præceptorem, vel Patrem colo; sed utroque tamen humano & civili. Ita dispari quidem gradu illos colere possumus, qui gratiæ vel gloriæ eminentiâ sunt conspicui, sed sub eadem tamen

DISPUT.
II.

Rom. 12. 10.

cultus specie, quem cultum sociale & dilectionis vocat Augustinus. Alii *civilem* indigitant, ut contradistinguantur religioso, sed rursus civilem distinguunt, vel respectu *Civitatis mundanae*, qui complectitur officia omnia reverentiae, amoris, timoris, quae hominibus debentur, etsi sint à fide alieni; Vel respectu *Civitatis supernae*, quo honore domesticos fidei prosequimur. Quò pertinet *σεμνότης* illa, quâ nos invicem complectimur Rom. 12. 10. Item observantia illa & reverentia, quam fidelibus exhibemus juxta conditiones varias & excellentiae dotes, & gloriam eorum qui civitatem illam supernam constituunt, quo sensu *honoramus Sanctos & Angelos, charitate*, ut loquitur August. *non servitute*: Rursus *Cultus civilis* dicitur, vel *formaliter* ratione *subjecti & modi*, qui in se revera civilis est distinctus à religioso, qui exhibetur iis, qui in eadem nobiscum societate degunt, Vel *causaliter* ratione *principii*, qui propter causas merè civiles impenditur; prior oritur etiam à causis supernaturalibus, ut Regem Christiani colunt, colunt & infideles; sed hi tantum politiæ gratiâ, nec quicquam habentes prae oculis, quam potentiam illam regiam, cui civiliter subsunt: Illi verò propter conscientiam. Jam cultus qui Sanctis exhibetur, dicitur nobis *Civilis* priori tantum, non posteriori ratione. Quomodo-cunque verò vocetur vel *moralis reverentia*, vel *socialis dilectionis*, vel *officiosa charitatis*, per nos licet, modò toto genere distinguatur à religioso, qui soli Deo deferendus. Iste ad primam, ille ad secundam Legis Tabulam pertinet, prior religionis *pars*, posterior est tantum *effectus*. Quæ ergo ratio est excellentiæ Creatoris & Creaturarum: Ea debet esse ratio venerationis & cultus, qui illis debetur. At Excellentia Creatoris infinitis modis major est excellentiâ Creaturarum, Imò nulla analogia vel proportio unius, ad alterum. Idem ergo discrimen debet esse in cultu, nec creaturarum & Creatoris cultus sub unum genus reducendus; sed potius cum Creatoris cultus religiosus sit, creaturarum talis esse nequit.

XXVII. Absurda est distinctio *adorationis absoluta & relativa*, quâ hic uti solent, quasi adoratio quidem absoluta soli Deo relinquenda sit, relativa verò deferri possit Creaturis, tum Sanctis, tum eorum reliquiis. Nam præterquam quòd propriè loquendo nulla est adoratio, quæ non sit relativa, quia refertur ad objectum suum, adeoque est *ἐκ τῶν πρὸς τῇ*; Genere negato, negantur species, adoratione religiosâ negatâ creaturis, negantur etiam species ejus. Adde quòd sic excusari potuissent Gentiles in cultu idolorum, quem pertendebant relativum tantum esse, non absolutum. Denique Pontificii ipsi non pauci cultum istum pertendunt esse absolutum, non tantum relativum & respectivum, ut suo loco inferius probabitur.

XXVIII. Frustra etiam distinguunt inter *actus* Religionis *elicitos*

citos & imperatos; quasi illi soli Deo debeantur, isti etiam creaturis tribui possint. Nam actus imperati alii sunt pars Religionis, putà omnes actus qui referuntur ad primam Tabulam, quales sunt invocatio, vota, sacrificia &c. Alii sunt tantum ejus effectus, nimirum illi qui pertinent ad secundam. Istos creaturis posse & debere tribui fatemur, sed illos negamus; hinc verò, ut notum, agitur de cultu religioso qui respicit actus religionis elicitos, quos Pontificii fatentur soli Deo tribuendos, & de actibus imperatis, qui sunt pars Religionis, non de actibus imperatis, qui pertinent ad secundam Tabulam, & qui sunt effectus Religionis.

XXIX. Sed quia Pontificii varia excipere solent in specie pro Invocatione Sanctorum, ad diluendum crimen idololatriæ, quod illis propterea impingitur, vanitas exceptionum paucis est demonstranda. I. Excip. Ecclesiam cultum & Invocationem Sanctorum tanquam utilem & bonam præscribere, sed nihil ulterius addere, quasi necessaria sit, vel absolute præcepta. Sic Episcopus Condomiensis loquitur in prima Editione Expositionis Catholicæ, pag. 33. *Nihil injustius est quam objicere Ecclesiæ, quòd totam pietatem in cultu Sanctorum constituat, cum contrà non imponat privatis ullam obligationem praxim istam observandi*; Et addit ibidem, *Verba Concilii notavimus, quòd satis habet praxim istam bonam & utilem vocare, non docendo ulterius quod sit necessaria & præcepta*; Unde patet satis clarè, *Ecclesiam non alios damnare quam eos, qui ab ea recedunt per contemptum, & rebellionis ac dissensionis animo*. Sed qualiscunque sit erroris istius incrustatio, certum est sub utilitate cultus istius necessitatem includi, quod patet ex ipsis Concilii Decreti verbis de Invocatione & Veneratione Sanctorum, &c. Sess. 25. *Mandat Sancta Synodus omnibus Episcopis & ceteris docendi munus sustinentibus, ut juxta Catholicæ & Apostolicæ Ecclesiæ usum à primævis Christianæ Religionis temporibus receptum, &c. in primis de Sanctorum Intercessione, Invocatione, & Reliquiarum honore, & legitimo Imaginum usu, fideles diligenter instruant, docentes eos Sanctos unà cum Christo regnantes, orationes suas pro hominibus offerre, bonum atque utile esse simpliciter eos invocare, & ob beneficia impetranda à Deo per Filium ejus Jesum Christum Dominum nostrum, qui solus noster Redemptor & Salvator est ad eorum orationes, opem, auxiliumque confugere. Illos vero qui negant Sanctos eternâ felicitate in cælo fruente invocandos esse, vel qui asserunt eos pro hominibus non orare, &c. impiè sentire*; Et sub finem: *Si quis autem his Decretis contraria docuerit aut senserit, Anathema sit*. Quis verò ex his non colligat non modò utilitatem, sed & necessitatem cultus istius induci? Aliàs cur juberentur Doctores diligenter instruere fideles de hoc cultu? Cur dice-

DISPUT.
II.

dicerentur impiè sentire qui negant Sanctos invocandos esse, & quidem ex usu Apostolicæ & Catholicæ Ecclesiæ? Cur anathema illis denunciaretur? Cur tot præscriberentur tam sollicitè orandi formulæ? Cur indulgentiæ orantibus concederentur, negligentibus verò poenitentia injungerentur? 2. Id ipsum non obscurè confirmat *Catechismus Romanus*, qui expressè dicit confugiendum esse ad gratiam Sanctorum, & eos invocandos & colendos esse, additâ hac ratione, quòd protectionem & tutelam salutis nostræ suscipiant; *Professio fidei* venerandos & invocandos esse Sanctos per modum præcepti statuit. 3. Nullus cultus religiosus potest præscribi, quin transeat in officium debitum, quod proinde non est modò utile, sed & necessarium. 4. Idem evincit praxis constans & universalis Ecclesiæ non quorundam tantum, sed omnium Populorum, qui ubique cultum hunc usurpant, & magno studio, tanquam maximam partem Religionis suæ exequi solent; hinc *Perronius* in Resp. ad Regem M. Britannia, cultum istum non modò ut utilem, sed etiam ut necessarium urget.

XXX. II. Excipitur, *Orationes dirigi ad Sanctos eodem charitatis spiritu & fraterna societatis ordine, quò ad fratres interris viventes confugere solemus ad auxilium & opem eorum implorandum.* Sic Episcopus loquitur art. 4. Sed quis non videt vanitatem illusionis, quâ simplicioribus fucum facere conatur, dum diversissima confundit, actum putà humanum, civilem, Christianæ societatis, opis mutue inter vivos & præsentis, quæ præscribitur nobis in Scriptura, cum actu religioso invocationis, adorationis, fiduciæ, voti, sacrificii, cujus objectum non sunt viventes, sed mortui, procul à nobis nec præsentis aut essentiæ aut operatione cum scientia, cujus nec vola nec vestigium in Scriptura, imò non obscura interdictio. 2. Si eadem cultus illius esset utrobique ratio, & eodem spiritu cultus iste peragitur; Ergo poterunt ritè canonizari viventes, Tempia & altaria poterunt illis erigi, incensus adoleri, sacrificia offerri, & alia id genus quæ fiunt erga Sanctos demortuos; poterunt preces & compellationes Christianæ, quæ illis fiunt, cultus religiosi nomen obtinere, quod nemo non videt absurdum esse, imò impium.

XXXI. III. Excipitur, *Non rogari Sanctos ut causas principales, qui vel bona dent, vel liberent à malis, nec iisdem quibus ad Deum confugitur precandi formulis, maximumque esse discrimen inter modum, quò auxilium Dei imploratur & quò Sanctorum; nam Deum propriè invocari ut nostri miscereatur, sed Sanctos tantum ut pro nobis Deum orent.* Sic *Catechismus Roma.* p. 3. Tit. de Cultu & Invocatione Sanctorum, & ex eo Episcopus *Exposit.* p. 22. Sed frustra hoc effugium quæritur, quod praxi apertè repugnat. Nam si nihil aliud petitur à Sanctis, quàm ut orent pro nobis,

nobis, Cur Concilium suppliciter invocari vult, & ad eorum opem & auxilium confugi? Cur formulæ publicæ expressè petunt, ut misereri velint, ut parcant, liberent, exaudiant, imò ut deleant peccata, conferant cor contritum, corda illuminent, largiantur spiritualem gratiam, in hora mortis suscipiant, & alia id genus quæ passim in Litanis & orationibus ad Beatam Virginem & Sanctos leguntur, ut suprâ visum. Nec respondendum cum Bellarmino lib. 1. de Beati. Sanctorum c. 17. *Talia non alio animo dici, quàm ut ista beneficia nobis conferant, orando pro nobis? Itaque licere quidem quoad verba dicere, B. Petre, miserere mei, serva me, aperi mihi portam cæli, &c. modo ita intelligamus, misereri mei & salva me, orando pro me.* Quia si non aliud munus habeant Sancti, quàm orandi pro nobis, Cur præficiuntur Urbibus, Provinciis, & Regnis mundi tanquam Dii tutelares, à quibus utpote Mundo præsidentibus & Ecclesiam gubernantibus se regi & gubernari arbitrantur? Cur singulæ Artes & Vocationes, imò & morbi peculiare Patronos habent, ad quos confugiunt, qui eos profitentur, vel iis detinentur, non tantum ut precibus, sed etiam protectione & auxilio eorum juventur? Rursus si nihil aliud intendunt per cultum Sanctorum, quàm ut orent pro nobis, Cur patiuntur preces ad ipsos dirigi expressè tanquam bonorum largitores & protectores à malis; atque ita exponunt simplicem populum periculo continuo teterrimæ idololatriæ? quotusquisque enim est, qui dum jubetur orare aliquem Sanctum ut sui misereatur, & se salvet; ut peccata sua deleat, intelligat, hoc non alio sensu dici, quàm ut pro se oret apud Deum, ut talia beneficia obtineat, non verò propriè ab ipso hæc directè petat?

XXXII. IV. Denique Excip. *Nullam injuriam fieri Christo; quia quodcumque consequimur Intercessione Sanctorum, id nos reipsa per Christum solum consequi, inque ejus nomine, cum ipsi Sancti non nisi per Christum orent, nec nisi in ejus nomine exaudiantur.* Sic Episcopus post Bellarminum & Tridentinos. Sed quid juvat nomen Christi prætere, si merita & virtutes Sanctorum cum ipso obtenduntur, ad hæc aut illa beneficia obtinenda? Quis verò ignorat Sanctorum meritis inniti preces Romanas, eorumque intercessioni, merito, virtuti, accepta ferri beneficia, & invocari eorum nomen? Quin in Precibus, Juramentis, Votis, Confessionibus, Gratiarum actionibus, Missaticis sacris, Paparum Bullis, sociari nomen Virginis, & Sanctorum nomina, collateraliter cultu, nominibus Dei & Christi? Quis verò non videt hoc pacto grandem fieri injuriam Christo, qui Intercessoris & Redemptoris in Scripturis solus nomen habet, & dignitatem possidet? Ex quo facile colligere licet, Romam pari devotionis & venerationis affectu, si non majori, Sanctos æquè ac Deum & Christum colere. De quo jam olim Vergilii, Cassandri,

DISPUT. II. *Vives, Espenæi, & alii* questi erant; Nec diffiteri possunt, qui sincerè ex rei veritate loquuntur, patet ex libro *Consiliorum salutarium S. Virginis ad indiscretos sui cultores*, Colonia edito, ubi Autor fatetur Populum, Prælatos, Doctores & Prædicatores colere Virginem, ut alteram Divinitatem, Illi reddi cultum soli Deo debitum, In eam spem omnem collocari, eam supra Filium elevari, & illi dari omnem salutis nostræ gloriam.

XXXIII. Hoc verò ne cuiquam dubium sit, consulendus est antè citatus *Crasseti* liber, ubi autor fusè hoc argumentum tractat, & inter alia asserit, *Deum nullam gratiam ordinariè hominibus largiri, nisi per intercessionem Matris suæ*, probat de ea rectè dici, *omnipotentiam ad eam pertinere & in cælo & in terra: Nihil illi impossibile esse, posse eam servare desperatos, accedere ad Dei tribunal, non modò ut servam, quæ orat Dominum suum, sed ut matrem, quæ imperat Filio. Ita ut nulla creatura ullam gratiam aut virtutem acceperit, quæ non dispensata fuerit manibus misericordis istius Matris. Posse eam imperare Jesu Christo autoritate Matris. Et servare adhuc speciem autoritatis super ejus personam, super bona, & super omnipotentiam. Possè dici libere, posse quicquid potest Filius, quia cum Filius & Mater eandem carnem habeant, eandem etiam potentiam indivisim possideant, Filium per naturam, Matrem per gratiam. Hinc istas ad eam preces dirigit, ô Mater misericordia miserere mei, serva me in familia tua; si cado erige me, si aberro corrige me, & si pugno protege me, recipe animam meam in manus tuas. Alibi reddendam esse ait adorationem Religiosam B. Virgini, Sanctis, & Angelis, & alia id genus, quæ rotundè sententiam Ecclesiæ R. circa cultum B. Virginis exprimunt. Quis enim credat talem virum de argumento toties agitato scribentem, Ecclesiæ suæ fidem ignorasse, vel deditâ operâ in ea tradenda lectoribus imposuisse? vel quis sibi persuadeat librum, qui cum Examinatorum approbatione & Privilegio Parisiis excuditur an. 1679. quique publicè prostat, nec ullâ censurâ notatur, receptam doctrinam dissimulare & corrumpere? Videat jam Lector quàm belle illi conveniat cum fucatis & dolosis fidei Ro. expositionibus, quibus falsitas ejus in crustari solet.*


XXXIV. Possset ulteriùs crimen Idololatriæ Rom. in cultu Sanctorum evinci, ex Sacrificio Missatîco, quod in honorem eorum Deo offerri solet. Cùm enim honor sacrificiî ad Deum solum pertineat, & res oblata inferior debeat esse eo, in cujus honorem offertur: non potest offerri Christus in Missa in honorem Sancti, quin Sanctus eo ipso, horresco referens, major statuatur Christo, & honor soli Deo debitus in eum transferatur. Sed quia alibi de eo actum est, plura non addimus.

DISPUTATIO TERTIA

Quæ est Secunda

DE IDOLOLATRIA ROMANA.

Respondente JACOBO DU GUE Parisino.

I.  I X I M U S superiori Disputatione, *Ecclesiam Romanam* duplici nomine à Nobis Idololatriæ ream peragi, Tum respectu *Objecti*, quia religiosum iis exhibet cultum, qui naturâ non sunt Dii, Tum respectu *Modi*, quia etiam verum Deum superstitiosè & idololatricè in Imaginibus colit. Et ad primam illam idololatriæ speciem quod attinet, multiplicia esse Objecta ostendimus, quibus cultus iste religiosus deferitur, 1º. *Angelos & Sanctos*, 2º. *Pontificem*, 3º. *Sacramentum*, 4º. *Crucem & Reliquias*. De duobus primis jam actum, superest ut de duobus postremis disputemus, *Sacramenti* scilicet & *Crucis* ac *Reliquiarum* adoratione: quibus addenda erit pars tertia de *Imaginum cultu*, ut, quod nos antea facturos recepimus, demonstramus *Ecclesiam Romanam* Papalem verè esse idololatricam, adeoque legitimam fuisse nostram ab ea Secessionem, & illicitum ad eam, rebus fistantibus, reditum.

II. Ut ergo de *Sacramenti adoratione* dicamus primùm: Crassissimam hinc pertendimus à Pontificiis idololatriam committi, dum Hostiæ, ut vocant, consecratæ, sive Sacramento Eucharistiæ cultum non quemvis, sed summum, latræ ipsis dictum, qui soli Deo debetur, deferunt, & ab omnibus sub anathematis pœna deferri jubent. Cùm enim certum nobis sit & indubitatum, Sacramentum istud à Christo institutum, non aliud continere, quàm substantiam panis & vini, quæ symbola carnis & sanguinis sui esse voluit Dominus; nemo non videt talem cultum non posse illi exhiberi, quin in Creaturam adoratio soli Creatori debita transferatur, quod sine immani sacrilegio fieri non posse credimus, nec ullus opinor inficias iverit.

*Adoratio
Sacramenti
à Pontificiis
instituta.*

III. Fatemur quidem Eucharistiam, ut à Domino ad memoriam suæ mortis institutam, nobisque in amoris sui, nostræque salutis pignus datam, reverenter in religionis nostræ sacris habendam, neque unquam, nisi seriò probatâ priùs conscientia, animoque ad sinceram peccatorum confessionem & pœnitentiam, ad

DISPUT.
III.

pietatem in Deum, ad charitatem in homines comparato esse sumendam; planè eodem modo, quò Baptismum, ejusdem quoque ordinis, & ab eodem Autore traditum mysterium eos decet suscipere, qui adulti Christianissimo ritè initiantur. Agnoscimus etiam Christum Dominum in hujus Sacramenti celebratione esse adorandum, non tantum quia dum celebratio fit, in Christum toto ferri animo debet vir pius; sed etiam quia ipsa illa celebratio est actus religiosus, qui proinde ab adoratione Christi separari non potest; Unde etiam *Eucharistias* nomen; nam quisquis pius agit gratias Deo, idem adorat Deum. Sed negamus, quod volunt Pontificii, Sacramentum ipsum esse adorandum, & Christum ut sub speciebus per *μετενοίαν* latentem, esse quærendum vel colendum, quia cum merus ibi sit panis, *ἀπολατγείαν* necessariò committit, qui ad eum adorationem dirigit.

IV. Verùm ne quis arbitretur nos hîc Pontificiis imponere, audiendi sunt ipsi, ut, quid hac in parte statuant, perspicuè dignoscatur. Nolumus hîc in principium & originem istius erroris inquirere, quanquam non difficile esset demonstrare, inauditum planè fuisse & incognitum puriori Antiquitati, & sub Innocentio III. demum in Lateranensi Concilio an. 1215. inchoatum per Transubstantiationis figmentum, quod ibidem sancitum fuit; sub Honorio III. verò circa an. 1220. immediato Innocentii successore confirmatum Decreto peculiari, quò Eucharistiæ adoratio sancitur: Extat in Decretalibus Gregorii IX. titulo Celebrat. Missar. c. 10. *Sacerdotes*, inquit, *frequentes doceant plebem suam, & cum in celebratione Missarum elevatur hostia, reverenter se inclinent, idemque faciant cum eam defert Presbyter ad infirmum.* Sed quia errores isti in *ἀρχῇ* demum fuerunt in Conciliabulo Tridentino, in quo leges de iis sanctæ sunt sub anathematis pœna, & quæ hodie passim in Papatu obtinent; non aliunde certiùs Eccl. Rom. sententia, quàm ex Concilii istius verbis elici potest. Sic autem Patres postquam Transubstantiationis commentum, quod primum est erroris istius fundamentum, stabiliverunt, de Sacramenti veneratione loquuntur Sessione 13. cap. 5. *Nullus itaque dubitandi locus relinquitur, quin omnes Christi fideles, pro more in Catholica Ecclesia semper recepto, latriæ cultum, qui Deo debetur, huic sanctissimo Sacramento in veneratione adhibeant, neque enim minus est adorandum, quòd fuerit à Domino ut servetur institutum, nam illum eundem Deum præsentem in eo adesse credimus: quem Pater æternus introducens in orbem terrarum dixit, & Adorent eum omnes Angeli, &c.* Et canon. 6. subiiciunt, *Si quis dixerit, in sancto Eucharistiæ Sacramento Christum unigenitum Dei Filium non esse cultu latriæ etiam externo adorandum, venerandum, atque in Processionibus secundum laudabilem & universalem Ecclesiæ Sanctæ usum & consuetudinem solemniter cir-*

cum-

cumgestandum, vel non publicè, ut adoretur, populo proponendum, & ejus DISPUT.
adoratores idolatras esse, anathema sit. Ex quibus verbis liquidò constat, III.
 non modò Christum ipsum in Sacramento, sed totum Sacramentum proponi
 adorandum, atque adeò non simpliciter Corpus Christi, in quod panem
 ipsum converti per consecrationis verba existimant; sed etiam ipsa symbola
 & species panis & vini, sub quibus Christum contineri statuunt.

V. Nec ab instituto Praxis ordinaria abludit; nihil enim frequentius
 apud Pontificios occurrit, nihil religiosius observatur hac Sacramenti ado-
 ratione. Primò Sacrificulus quamprimùm verba consecrationis protulit,
 eorumque prolatione Creatorem suum, ut illi impiè loquuntur, creavit,
 ipse statim Hostiam à se consecratam genuflexus adorat, & similiter cali-
 cem. Postquam ipse adoraverit surgit, Hostiamque utraque manu supra
 caput suum averlus à populo magna cum reverentia elevat, populoque spe-
 ctandam, proque ipso Christo adorandam proponit, & pariter calicem:
 Dum elevatur Sacramentum, pullatur campanula, quò veluti signò datò,
 populus summa cum veneratione Sacramentum tanquam Christum ipsum
 adorat. Deinde ante receptionem, Sacramentum rursus adorat, eique
 inclinatus dicit, *Agnus Dei, qui tollis peccata mundi, miserere nobis, Et*
rursus, Domine non sum dignus ut intres sub tectum meum, quæ omnia extant
in Missal. In rit. celeb. Miss. Sect. 8. Sic in *Hortulo anima, O venerabile*
sacramentum, per te quæso, &c. Item

Ave caro Christi cara,
Immolata crucis ara,
Pro redemptis hostia,
Morte tuâ nos amarâ,
Fac Redemptor luce clarâ
Tecum frui gloriâ, &c.

Post Missam peractam, quod reliquum est Sacramenti in Sacrario asserva-
 tur, ut ad ægrotos deferatur, & in solennibus quandoque Processioni-
 bus circumgestetur. Sed præcipua istius idolomanix pars in festo, quod
 huic Panaceo Deo dicatum est, elucet. Festum hoc corporis Christi *Ur-*
banus IV. instituit circa an 1262. *Clemens* V. in Concilio Viennensi in-
 dulgentiis quibusdam locupletavit anno 1310. *Julius* denique III. in Con-
 cilio Tridentino confirmavit, Anathema iis denuncians, qui Sacramen-
 tum hoc, quod Dominum Deum & Creatorem suum indigitare solent,
 latriæ cultu adorandum & festivitate peculiari venerandum negaverit.
 Sic lege latâ Pontificii jam cultum missatici Dei omnibus imponunt, fer-
 roque & flammis persequuntur, qui secum Deum hunc suum proni
 in terram & cernui non adorârint. Huc facit etiam quòd preces &
 gratiarum actiones vulgò ad Sacramentum dirigantur; quod tempore

Disput. III. gravis alicujus calamitatis exponatur populo orandum & adorandum; nihilque sæpius apud ipsos audias hac benedictionis divinæ formulâ, *Laus sanctissimo Sacramento.*

VI. Ex hac verò sententiæ Adversariorum declaratione colligimus, non posse eos, quicquid moliantur, ab idololatriæ crimine se liberare. Primò quia Sacramentum ipsum, in quo præsentem Christum dicunt, adorari jubent, quod tamen certo certius est, meram esse creaturam, utpote symbola ipsa terrena à Christo instituta, & si credimus ipsis species seu accidentia tantum panis & vini. Secundò, quia loco Christi veri & æterni Dei Filii, quem in locum substantiæ panis per *μετέσταν* succedere falsissimè arbitrantur, nihil aliud quàm crustum & buccellam panis adorant: quæ sententia tanto fuit Averroi scandalo in Hispania degenti, ut dixerit, *inter omnes sectas nullam vidisse stultiorem Christianâ*, Papalem innuere volebat, *cujus sectatores adorant quod manducant*, quod antea jam observaverat *Theodoretus* q. 55. in Genesim, *summæ esse insanie, id adorare quod comeditur.*

VII Nihil attinet autem argumenta varia referre ad errorem hunc jugulandum. Ut quòd talis Sacramenti aditorio, quæ tamen necessitatis esse creditur, nusquam vel à Christo imperata in sanctæ Cœnæ institutione, vel ab Apostolis in ejus praxi observata legatur. Quòd nusquam à Paulo, qui tam sollicitè verba institutionis refert cap. 11. ad Corinth. vel unico verbulo sit commendata, quod tamen locus ille, si ullus unquam, exigere videbatur, ut dignitatem mysterii adversus prophanorum contemptum eò magis extolleret. Quòd in Ecclesia Apostolica nullum praxeos istius deprehendatur vestigium. Quòd ab omnium aliorum Sacramentorum, quotquot in Vet. vel Novo Test. leguntur instituta, ritibus sit alienissima, quæ nec adorata videntur, nec ad adorandum proposita. Hoc unum nobis esto instar omnium, quod propius facit ad institutum. Non posse cultu illo defungi Pontificios, quin Creaturæ cultum soli Deo debitum deferant, dum Sacramentum adorando, panem loco Christi, & species ipsas cum Christo eodem cultu venerantur & colunt, quod utrumque fœdam idololatriam involvere, cæcus est qui non videat.

VIII. Quia tamen in omnes formas se vertunt Adversarii, ut tanti criminis invidiam declinent, age videamus paulò accuratiùs quid ad incrustandum errorem hunc adferant. Primò quod *ad adorationem specierum* attinet, Excipiunt *non adorari apud ipsos Sacramentum ipsum seu species, sed Christum ipsum sub speciebus latentem, nec si adorandum dicitur in Concilio Tridentino, alio sensu hoc intelligendum esse, quàm respectu Christi solius, qui totam hujus mysterii majestatem includit: ideo esse quidem de fide, Christum adorandum esse in Sacramento, & ipsi latriæ cultum deberi, sed non esse*
pariter

pariter de fide, Sacramentum, prout sumitur pro speciebus solis Christum continentibus, latræ cultu adorandum esse. Sic Cardinalis Richelins in novissimo Opere Gallico lib. 4. cap. 3. &c. Sed quidquid dicat Cardinalis, vel plane suos hinc deserit, vel sententiam dissimulat, & nobis imponere conatur. Nam verba Concilii suprâ allata manifesta sunt, quæ nullâ sophisticâ possunt eludi, Nullus dubitandi locus relinquitur, quin omnes Christi fideles, pro more in Ecclesia Catholica semper recepto, huic sanctissimo Sacramento latræ cultum, qui vero Deo debetur, adhibeant. Nec enim minus est adorandum, quod fuerit à Domino institutum, nam illum eundem Deum præsentem in eo esse credimus, &c. Ubi disertè Patres sanciant adorandum non tantum Christum, sed Sacramentum ipsum in quo præsens dicitur; & quod ab ipso est institutum; At num Christus in se ipso præsens est, nunquid in Sacramento; Num est ipsum Sacramentum, vel nihil ad Sacramentum pertinet nisi Christus? Nonne ex ipso etiam hypothese ex Christo & speciebus constat? Itaque non tantum rem sacramenti, vel Christum in Eucharistia, sed ipsam etiam Eucharistiam adorant. Fateor fundamentum istius adorationis secundum ipsos peti à Christo, qui dicitur sub speciebus contineri; sed hoc non obstat, quin adorationem ipsam ad totum Sacramentum, & per consequens ad ipsas species externas visibiles extendant.

IX. Quod si minus nobis hac in parte creditur, consulantur præcipui ex Pontificiis Doctoribus, qui eam esse Ecclesiæ suæ mentem, & praxim non dissimulant. Audiatur ipse Bellarm. lib. 4. de Eucharistia cap. 25. *Fatemur Sacramentum ipsum esse adorandum, ut Concilium Tridentinum loquitur, nam etsi cultu latræ dicimus per se & propriè Christum esse adorandum, tamen eam adorationem, ad symbola etiam panis & vini pertinere, quatenus apprehenduntur ut unum quid cum Christo, &c. Audiatur Suarez in 3. Thom. q. 79. art. 8. Ecclesia totum Sacramentum adorat, & Concil. Tridentinum non sub nomine Christi, sed Sacramenti, docet adorandum esse hoc sanctissimum Sacramentum; & fusiùs hanc eandem sententiam explicans: Hoc totum sacramentorum potest uno actu adorari, quò primo & per se adoratur Christus, qui est unicum Suppositum hujus Sacramenti, ad quod per se tendit adoratio, coadorantur autem species tanquam Christo conjunctæ, & cum illo unum constituunt. Imo ulterius progreditur sect. 2. *Etsi species nunquam per se atque disjuncto actu adorentur, sed adoratione latræ absoluta & perfectæ ordinariè & regulariter coadorentur cum Christo, sicut caro coadoratur cum Verbo, si quis tamen velit mente disjungere quæ in re conjuncta sunt, quod possit solas species adorare; addit quidem talem adorationem non posse esse absolutam, nec latræ primariam & perfectam, sed respectivam & secundariam, qualis est imaginis, quando hoc modo**

DISPUT.
III.

do & separatim adoratur à prototypo. Non jam disputamus de commento latriæ absolutæ vel respectivæ, primariæ aut secundariæ, sed hoc tantum habemus juxta illius sententiam, species adorari cum Christo, latria perfecta & absoluta, & species solas adorari posse seorsim, latria respectiva & secundaria. Ad hos etiam accedit *Gregor. de Valent.* tom. 4 com. in 3. Thom. disput. 6. quæst. 11. puncto 2. *Quod autem nullo modo isti* (Protestantes intelligit) *consent ad species ipsas illam venerationem pertinere, in eo hæretice pugnant contra perpetuum usum & sensum Ecclesiæ, &c.* Ex quibus, ne alia jam congeramus testimonia, luculenter constat, inter ipsos non tantum Christi in Sacramento, sed Sacramenti ipsius seu specierum adorationem obtinere, quod Cardinalis negabat.

X. Quia verò vidit non satis tutum esse præsidium in hoc primo effugio, quod facile falsitatis convinci potuit ex domesticis testibus, ad secundum postea se recipit, quod Bellarminus etiam amplectitur; nimirum *Nolle*, verba sunt Bellarmini lib. 4. de Eucharistia cap. 29. *symbola externa propriè & per se adoranda esse cultu latriæ, sed solum veneranda cultu quodam minore, qui omnibus Sacramentis convenit; cultu autem latriæ per se & propriè Christum esse adorandum, & eam adorationem ad symbola etiam panis & vini pertinere, quatenus apprehenduntur, ut unum quid cum Christo quem continent, ut qui Christum in terris adorabant, non ipsum solum, sed etiam vestes quodammodo adorabant, nec enim jubebant ipsum nudari antequam adorarent, aut animo & cogitatione separabant à vestibus cum adorarent, sed simpliciter Christum, ut tunc se habebat, adorabant, tametsi ratio adorandi non essent vestes, nec ipsa humanitas, sed sola Divinitas:* clariùs verò id ipsum explicat capite sequenti, quum discrimen ostendit præsentia Dei in rebus omnibus, & in Eucharistia; *nam in Eucharistia, inquit, unum tantum Suppositum est, idque Divinum; cætera omnia ad illud pertinent, & cum illo unum quid faciunt, licet non eodem modo; ideo rectè totum illud simul adoratur: at in aliis rebus, Deus quidem est, sed non est unum Suppositum cum illis, neque dici possunt unum quid Deus & creatura, in qua est Deus.* R. Sed hæc omnia nodum stringunt potius quàm solvunt. 1. Si per cultum minorem intelligit Bellarm. æstimationem & usum reverentem & sacrum symbolorum, hæcenus nos habet assentientes; nec enim diffitemur, sacra hæc sanctè & maxima cum devotione tractanda esse. Sed si innuit cultum aliquem religiosum, qui terminetur ad ipsa symbola, & ut loquebatur *Suarezius*, *latriam secundariam & respectivam*, hoc sensu negamus cultum ullum talem illis exhibendum esse; quia cultum religiosum, qualiscunque demum, sit, uni Deo putamus deferendum, & distinctionem latriæ respectivæ & absolutæ, primariæ & secundariæ, tanquam humani cerebri figmentum, de quo scriptura

Scriptura nunquam loquuta est, procul esse jubemus. 2. Cum symbola DISPUT.
III.
 bifariam spectari possint, vel in esse suo *physico* & absoluto, quatenus sunt substantiæ quædam & res terrenæ, vel in esse *σχετικῶ* & *sacramentali*, quatenus sunt symbola & signa sacra à Deo instituta ad significandam & obfignandam Dei gratiam; priori sensu nullus illis cultus debetur, non magis quàm rebus aliis creatis; posteriori verò reverenter quidem, uti diximus, excipienda credimus, & non nisi cum serio sui examine, ne indignè & illois, quod ajunt, manibus ea tractemus; Sed religiosè adoranda negamus, quia etsi mutantur quoad usum & significationem, eadem manent tamen quoad naturam & substantiam.

XI. Quod verò secundo loco affertur de unione specierum cum Christo, ex qua fiat ut coadorentur legitimè, quatenus ut unum quid apprehenduntur cum Christo, & unum fiunt cum ipso suppositum. Non magis facit ad rem, & falsissimum est; Non negamus quidem dari unionem quandam in Sacramento inter symbola & rem significatam; Sed unionem istam merè *σχετικὴν* & *sacramentalem* esse pertendimus, non verò vel *physicam*, qualis est partium inter se ad constituendum aliquod compositum, vel *hypostaticam*, qualis est Naturarum in Christo. Itaque panis & vinum cum Corpore & Sanguinæ Christi constituunt quidem unum Sacramentum, sed nequaquam unum suppositum, quia nec essentialiter nec hypostaticè, sed relativè tantùm cum eo uniuntur. 2. Quid quòd si accidentia panis constituerent unum cum Christo suppositum, vel erunt accidentia panis, vel accidentia Corporis Christi. Non prius, quia ex illorum hypothese, esse physicum panis cessat vi consecrationis, jam destructo accidentium subiecto, ab illo non ampliùs denominationem possunt accipere. Non posterius, quia hoc pacto Corpus Christi contrariis accidentibus substabit, nam visibile erit & invisibile, &c. illud secundùm accidentia, hoc secundùm naturam & statum in quo est, quod nemo non videt esse absurdissimum. 3. Denique ex hac Pontificiorum hypothese de accidentium inhærentia in hypostasi Christi, error oritur crassissimus, Incarnationi, quæ fuit naturæ humanæ gratiofa in hypostasin Verbi assumptio, accessisse novam accidentium panis in sacra Cæna ἐννέσασθαι, contra totius Scripturæ fidem, & rationis lumen.

XII. Denique ad exemplum seu similitudinem, quâ utitur Bellarm. vestium Christi, quæ cum Christo quodammodo adorabantur. & falsissimâ eum niti hypothese, quasi qui adorabant Christum, Christi vestes etiam adoraverint. Aliud est salutare Regem purpurâ indutum, aliud salutare ipsam purpuram. Aliud adorare Christum vestitum, aliud ipsas vestes; Distingue *adorationis objectum*, quod est Christus θεῶν ὁμοιος, & *Objecti adjunctum* extrinsecum, quod fuerunt vestes; qui Christum vestitum adorabant, non qui-

DISPUT.
III.

dem jubebant eum vestibus nudari, quibus indutus fuit antequam adorarent; interim adorationem suam non terminabant ad vestes, sed ad Christum tantum. Sic etsi Christus supponeretur adorandus in Sacramento, quomodo pertendunt Pontificii, non tamen ipsum Sacramentum propterea esset adorandum. Quum verò hic quidam ad Carnem Christi confugiant, quasi eadem sit ratio specierum & Carnis, quæ coadoratur Verbo, bifariam peccant: 1. quia non est par unio utriusque, nam respectu carnis cum Verbo est unio hypostatica, sed respectu symbolorum & Christi, tantum sacramentalis & relativa, quæ proinde non potest facere unum Suppositum ut jam dictum. 2. supponitur Carnem esse proprium objectum adorationis, quod dici non potest, quando nihil creatum per se est adorabile; Persona propriè adoratur, Causa propter quam adoratur est Divinitas, Caro est illud sine quo non adoratur.

XIII. III. Effugium Adversariorum petitur à *præsentia Christi in Eucharistia*. Ubi Christus, inquit, est realiter præsens, ibi est adorandus. At Christus est realiter præsens in Eucharistia, Ergo. Major non videtur posse negari, quando certum est Deo vero deberi adorationem patriæ: At Christus ut est in Eucharistia, sive in usu, sive extra, est verus Deus, unde sequitur protinus, adorandum esse. Minor etiam, quòd Christus sit realiter præsens in Eucharistia, non potest negari; quia datur in Sacramento realis communicatio Christi, quæ præsentiam ejus realem necessariò supponit. R. Argumentum hoc non unâ parte laborat, 1. peccat *ignoratione Elenchi*, nec concludit quod est in quæstione, ex præmissis sequitur tantum, Christum in Eucharistia esse adorandum. At non quæritur jam, an Christus sit adorandus in Sacramento, sed an Sacramentum ipsum sit adorandum. Aliud enim est adorare Christum in Eucharistia; aliud adorare ipsam Eucharistiam. Non negamus Christum adorari posse & debere in Eucharistia, non ut in signis latentem, quod est *πρωτον ψευδος* Pontificiorum, sed ut spiritualiter animæ fidei ritè communicanti beneficia sua largientem, quomodo in oratione, Verbi auditione, & baptismo illum adorare tenemur, & ipsa actio sacramentalis est cultus vel pars ejusdem: nam illa beneficiorum Christi commemoratio, Dei gratiæ celebratio, sacrificium Eucharisticum, quod ibi à fidelibus offertur est ipsa adoratio: Sed non propterea sequitur ipsam Eucharistiam esse adorandam, quod volunt Pontificii. 2. Si major conceditur, dicit tantum Christum ubi præsens est esse adorandum; Sed non statim inde potest elici, illud omne in quo præsens est, esse adorandum: Sic enim pariter ratiocinari possemus, Christus in præsepi jacens adorandus fuit, Ergo & ipsum præsepe; sic omnes fideles in quibus habitat Christus, & quibuscum intimè unitur adorandi essent, imò & creaturæ omnes quæ in ipso subsistunt. At quemadmodum olim Israëlita coram Arca,

adora-

adorabant, quia symbolum erat gratiosæ Dei præsentia, sed Arcani ipsam non adorabant tamen, verum cultum suum dirigebant ad Deum, in externis hisce symbolis gratiosè sese manifestantem: Ita Christus in Eucharistiæ usu adorandus est, sed honor & cultus adorationis externis symbolis nequaquam deferri debet. 3. Minor etiam falsa est sensu Pontificio, quamvis enim non negemus Christi præsentiam realem in Cœna, non admittimus tamen præsentiam ejus corporalem sub speciebus panis & vini, sed merè sacramentalem & spiritualem, quæ non minùs realem communionem infert cum ipso; Unde neque hoc respectu potest vel debet adorari.

XIV. Sed hoc ipsum clariùs est demonstrandum; Ad alterum enim jam devenimus caput idololatriæ Pontif. in Sacramento, quatenus non tantum species externas adorari volunt; Sed panem ipsum loco Christi adorant, quo nomine eos ut ἀπολάτρευς meritò damnamus. Hoc verò ut evincamus, nolumus jam pluribus argumentis portentosum Transsubstantiationis figmentum, cui errorem hunc periculosissimum superstruunt, evertere, quod ad aliam quæstionem pertinet, & alibi fortè ex professo, si Deus dederit, tractabitur. Una nunc quidem, ad rei de qua agitur probationem, ratio nobis sufficiet, Qui panem loco Christi adorant, illi veri sunt ἀπολάτρευς, Atqui hoc præstant Pontificii: Ergo. Hoc autem eos præstare dubium esse non potest, si semel constiterit, Christum in Eucharistia per μετασίαν, ut fingunt, corporaliter & per indistantiam loci præsentem esse non posse; quod ut ex aliis multis, ita ex his perspicuè demonstrari potest.

1. Quia talis præsentia repugnat *veritati Corporis Christi*, quod finitum cum sit & circumscriptum, unicum tantum locum obtinere potest, nec sine contradictionibus multis vel ubique vel pluribus in locis simul & semel per corporalem præsentiam esse statuitur: nec exaltatio, quæ gloriam illi dedit, naturam tamen abstulit. 2. Repugnat *ascensioni ipsius* in cœlum, ubi jam est quærendus, Colossi 3. 1. 2. & unde non nisi ad judicium rediturus est, Act. 3. 21. 3. Repugnat *veritati sacramenti*, quæ signi externi præsentiam, non destructionem & annihilationem requirit; 4. *Conditioni & nature accidentium*, quæ hic statuuntur contradictoriè sine subiecto, cum accidentis tamen ratio formalis juxta omnes Philosophos sit inhærentia, & esse illorum sit inesse. 5. *Scriptura*, quæ panem & vinum etiam post consecrationem ista symbola vocat, Matth. 26. 29. *Non bibam ab hoc tempore ex hoc genimine vitis*, inquit Christus, erat tamen vinum consecratum, sic Paulus, 1. Corint. 11. 26. 28. *quotiescunque ederitis panem hunc, & peculum hoc biberitis, &c. Itaque quisquis ederit panem hunc, & vers. 28. exploret autem homo se ipsum & sic de pane illo edat*; pronomen relativum τὸν ἄπὸν τῶτον non alium post consecrationem designat panem, nisi qui fuit antea, mutatum quidem

DISPUT.
III.

quoad usum & significationem, sed non quoad substantiam 6. *Effectis & accidentibus* variis, quibus subicitur panis sacramentalis, ut vim nutriendi & inebriandi corpus habere, corrumpi & in ventrem abire, à muribus devorari, à vermibus rodi, &c. quæ talia sunt, ut nec de Christi corpore sine horribili blasphemia dici possint, nec de accidentibus solis sine gravi absurditate, sed soli substantiæ panis & vini competant. Unde, ne plura jam congeramus, luce meridiana clarius est, Eucharistiam non esse ipsissimum Christi Corpus, atque adeò, qui eam adorant, non posse alio quam artolatrarum nomine insigniri.

XV. Neque hic opponenda sunt vexatissima Institutionis verba, quibus Christus de pane dicit *Hoc est Corpus meum*, quando certum est, ut alia jam mittamus, eum in institutione hujus Sacramenti sacramentali usum esse phrasi, & nomen rei significatæ signo tribuisse, ut sacramentalem inter signum & rem significatam designaret unionem: hæc enim perpetua est Spiritus Sancti loquendi ratio, quoties de Sacramentis loquitur. Sic *Genes. 17. Circumcisio*, quæ erat signum fœderis divini, *Genes. 17. 11. Roman. 4. 11.* vocatur *fœdus*, *Genes. 17. 10. 13. Agnus Paschalis*, qui transitus fuit *παραπόρευον*, *Exod. 12. 13. 14.* dicitur *Pascha* seu transitus *ἡ. 11. 21. 43.* Baptismus lavacrum regenerationis, *Tit. 3. 5. Petra* Christus, *1. Corinth. 10. 4.* unde August. supra *Leviticum* quæst. 77. *non dixit Petra significat Christum, sed tanquam hoc esset, quod utique per substantiam non hoc erat, sed per significationem*, sic *Epist. 102. nec moveat*, inquit, quòd aliquo modo res quæ significat, nomen ejus rei quam signat accipit, quia significat Christum, &c. Sic in hoc ipso sacramento, *Calix est Novum Testamentum in sanguine meo*; ubi duplex omnino occurrit metonymia; nec enim poculum est Testamentum, sed vinum in poculo, nec vinum est Novum Testamentum, nisi sacramentaliter & symbolicè, quia sacramentum est Novi Testamenti per sanguinem Christi pacti & rati. Jam quæ ratio est calicis, eadem debet esse panis, quod alterum est istius sacramenti elementum. Itaque cum Christus dixit de pane, hoc est corpus meum, nihil aliud voluit, quàm panem esse corporis sui sacramentum.

XVI. Nec aliam Veterum purioris ævi fuisse mentem facile esset ostendere, si id nunc ageremus. Certè Tertullianus adversus Marcionem lib. 4. cap. 40. non aliter intelligit, *Christus acceptum panem & distributum discipulis, corpus suum illum fecit, hoc est corpus meum dicendo, id est figura corporis mei*. Chrysostomus in *Psal. 22.* ait, *Christum in similitudinem corporis & sanguinis sui panem & vinum nobis ostendere in sacramento*. Theodoret. dial. 1. ἀρετῆς Christus visibilia symbola corporis & sanguinis appellatione honoravit, non naturam mutans, sed gratiam naturæ adjiciens.

Basilii

Basilii magnus in Liturgia in precatione Sacerdotis consecraturi signa DISPUT.
III.
 vocat *ὑπομνήματα τῆ σωτηρίας παθού* monumenta salutaris passionis, & post
 pronunciationem verborum institutionis vocat *τὰ ἀντίτυπα τῆ ἀγίου σώ-*
ματος καὶ αἱμάτων τῆ χριστοῦ id est, *typos sancti corporis & sanguinis*
Christi. Sed omnium disertissimè Augustinus libro contra Adimantum Ma-
 nichæi discipulum cap. 12. *Non dubitavit Dominus dicere hoc est cor-*
pus meum, cum signum daret corporis sui: Et Epist. 23. ad Bonifac. Si, in-
 quit, *sacramenta quandam similitudinem rerum, quarum sacramenta sunt,*
non haberent, omnino sacramenta non essent; ex hac autem similitudine ple-
rumque etiam ipsarum rerum nomina accipiunt, sicut ergo secundum quen-
dam modum sacramentum corporis Christi corpus Christi est, sacramentum
sanguinis Christi sanguis Christi est, ita, &c.

XVII. Cum verò ex his satis superque liqueat, panem semper manere
 panem, nec converti in corpus Christi, inde sponte sequitur non posse
 sine grandi idololatriæ crimine adorari & coli. Verùm hîc reclamant acriter
 Adversarii, & primò gravem sibi fieri injuriam queruntur, quòd ἀπει-
 λατικῶς rei peragantur, quando ex suâ sententiâ panem remanere amplius
 negant, & Christum ipsum sub speciebus latere inclusum statuunt, itaque non
 se ad panem, sed ad Christum adorationem suam terminare. Sic Bellarmi-
 nus excusat, sic Richelius & alii, Antonius verò de Dominis Episco-
 pus Spalatenfis libro 7. de Rep. Eccles. c. 11. jam ad Pontificios reditu-
 riens peccatum minuere conatur, & quamvis sacramenti cultum impro-
 bet, tamen crimine idololatriæ eum nititur liberare, quia, inquit, *per*
rectam intentionis directionem, qui docent panem non amplius esse panem,
sed corpus Christi; illi profecto panem non adorant. Sed solum ex suppo-
sitione licet falsa Christi corpus verè adorabile adorant; & paulò post, quòd
si scirent sub speciebus illis panis & vini non latere verum Christi corpus,
certe nullam illis exhiberent adorationem, tota ergo mens adorantium ad
solum Christi corpus vivum, & non ad aliquid aliud dirigitur, &c. Ita
si peccatum est, errorem tantum esse in intellectu, non vitium in volunta-
te. &c. Verùm quasunque in formas se vertant, crimen impactum decli-
 nare nequeunt. 1. Falsâ hypothesi nititur tota hæc ratiocinatio, quasi bo-
 na intentio, vel falsa suppositio liberent à peccato; cùm certum tamen
 sit utramque non sufficere: sanè si illa intentio vel negatio panis, panem
 reipsa everteret, non verbò tenus tantum, & κατὰ δόξαν posset tolli pecca-
 tum; sed non spectamus hic quid dicant vel sentiant, sed quid Christus
 instituerit, & quid sit ex rei veritate. Non adorent ergo panem Ponti-
 ficii ex sua intentione, quia credunt Christum esse, adorant tamen ex
 rei veritate, atque ita idololatriam saltem materiale committunt.
 2. Hoc effugio facilè se tuerentur omnes idololatræ; quod non
 I 3 possunt

DISPUT.
III.

possunt tamen; nemo enim est, qui ex falsa aliqua hypothese non peccet. Israëlitarum intendebant sanè verum Deum, qui eos eduxerat ex Ægypto, colere in vitulo, non ideo tamen minùs idololatram. Non ideo minùs idololatram Jeroboami posterì, qui Deum Israëlìs in vitulis adorabant, vel Ethnici, qui creaturas pro veris Diis colebant, vel illi qui Solem colebant existimantes esse Christum, ut habet *Augustin.* præfat. in Psalm. 93. & lib. 20. contra Faust. c. 2. §. 6. Sic si quis Antichristum pro Christo adoret, an minus idololatra erit, quia intentionem habet solum Christum adorandi? Nequaquam; Intentio enim ut recta sit, dirigi debet ex Verbo Dei tantùm, non verò ex mero mentis arbitrio, nec error mentis excusat vitium voluntatis.

XVIII. Nimirum *ignorantia* quædam est excusatione digna, alia est culpabilis, & quæ crimen aggravat potiùs, quàm minuit. Quum *involuntaria* est, & circa ea quæ sunt *falsa*, & quæ ita sunt obscura, ut quantavis adhibitâ diligentia percipi non possint, veniam sanè meretur: At si *voluntaria* est & ἐπίπτατος & in rebus juris, quas ex officio tenemur nosse, & quæ luculenter nobis revelatæ sunt, tantùm abest ut excuset, ut gravio rem reatum inferat. Jam hîc quum Pontificii profitentur se credere panem esse Christum, & ignorare esse panem, non est ignorantia prioris ordinis, sed posterioris, quia & hoc scire tenentur ex officio, & possunt ex Verbo, cùm tot argumentis in Scriptura hoc demonstraretur, ut, nisi sponte cæcutire vellent, facilè id agnoscerent; Itaque peccato suo ignorantiam prætexere non possunt, quia ignorantia voluntaria est & affectata, quæ propriâ culpâ accersita est, & quam non ægrè à se dispellere possent, si oculos mentis ad lucem Verbi aperire vellent. Neque hîc reponendum est, hoc peccatum, si quod sit, esse tantùm errorem intellectûs, non vitium voluntatis, nec enim peccare voluntatem, cùm cultum exhibet rei illi, quam intellectus Christum esse judicat; imò peccaturam si non adoraret, ex quo intellectus ita judicavit. Nam ex hac hypothese sequeretur nullum peccatum posse esse in voluntate & praxi, quando nullum datur, quod non oriatur ex errore aliquo intellectûs, nec enim voluntas malum unquam appeteret, nisi intellectus judicaret esse bonum, quippe malum sub ratione mali appeti non potest; etsi ergo voluntas semper ad bonum fertur, non ideo minùs peccat, cùm bonum apparens, quod revera est malum, amplectitur, quia intellectus bonum illud falsò judicavit: error itaque erit in intellectu fateor, sed non minùs in voluntate, quæ cæcum ducem sequitur. Ita idololatra qui lignum, aurum, vel aliud quid tanquam Deum adorat, errat quidem graviter in intellectu, qui falsa illa persuasionem imbutur, sed non minùs peccat voluntate, in cultu quem creaturæ exhibet, qui soli Creatori debetur: hoc vidit *Tolet.* lib. 4. de instr. Sacerd. cap. 14. *Idololatria*, inquit,

inquit, non est, nisi error in intellectu præcedat, quò dignum honore iudicamus Deum falsum, cui idololatra se prosternunt. DISPUT.
III.

XIX. Sed libet Adversarios ulterius urgere, & ex propria hypothesi eos convincere; dicunt se non panem, sed Christum adorare: At nunquam certi esse possunt, Christum revera adesse, quia Christus non potest adesse nisi per consecrationem: Sed nunquam certò iis constare potest factam esse consecrationem; quandoquidem multi sunt defectus, in quibus potest impediri ex ipsorum sententia, & transubstantiario non fieri: notavit hoc Suarezius in 3. Tho. q. 39. art. 8. disp. 65. *Multe sunt causæ propter quas hoc potest accidere, ut si Sacerdos non sit baptizatus, vel non habeat intentionem, vel non ritè ordinatus, quod pendet à multis aliis causis, in quibus fere in infinitum progredi possumus; Sic Biel Section. 49. in Can. Miss. Quia non potest esse eadem certitudo neque celebranti, neque populo circumstanti, de conversione panis in corpus Christi propter defectum aliquem impediens & contingere potentem, ut quod fortè celebrans non est Sacerdos, siquidem nullus celebrans potest evidenter scire se esse baptizatum, aut legitime ordinatum, similiter propter defectum cuiusvis necessario requisiti ad consecrandum, utpote debita intentionis, aut errorem commissum in forma vel in materia, & multò minus circumstantes infallibiliter scire possunt sub hostia fore Christum, ideo adoratio fieri debet sub conditione habituali tacita, vel actuali expressa, tali scilicet si servata sint omnia ad consecrationem necessaria.* Quid quod ne quidem ipsi conveniunt in accessoriis, & facile contingere potest, ut aliquod istorum requisitorum desit, varios enim casus enumerant, in quibus Transubstantiatio impeditur, ut si panis non fuerit extritico, si aquæ plusculum vino admixtum fuerit, si vinum accescat, si 13. panibus oblati intentio feratur in 12 tantum, in quo casu nullus omnino consecratus censetur, si defuerit nonnullorum verborum essentialium recitatio; si qui offert Sacerdos non est, & non legitime ordinatus, &c. uno verbo præsentiam Christi in hostia pendere volunt à legitima consecratione, legitimam consecrationem à qualitate Sacerdotis, pronuntiatione verborum, & intentione consecrandi; Nam intentionem Ministri esse de essentia sacramenti vult Concilium Tridentium Sess. 7. Can. 11. Jam quis certus esse potest vel de intentione Sacerdotis, quæ nemini nisi soli Deo potest esse certa, vel de legitimo Baptismo, & Ordinatione? An ritè ab Episcopo ordinatus, Et an Episcopus iste rursus ab alio bene sit ordinatus? quis certus de legitima pronuntiatione verborum, & an ex parte materiæ vel formæ omnia requisita observata sint, nihilque omnino desit? Unde cum impossibile sit, vel Sacerdoti celebranti, vel populo communicanti hæc nosse, impossibile est
à pe-

DISPUT.
III.

à periculo præsentissimo idololatriæ liberari; nec unquam ullus certus esse poterit Deum esse quem adorat, quod tamen ad legitimam adorationem requiri certissimum est, nam ex Paulo *quicquid sit sine fide peccatum est* Rom. 14. 23.

XX. Non me latet equidem Adversarios, qui sentiunt se urgeri hoc argumento, à quo nunquam tamen se expedient, varia captare effugia, ut vim ejus clevent. Alii quippe confugiunt hic ad *adorationem hypotheticam*, ut audivimus ex Biele, unde Bonaven. in 3. sent. dist. 9. art. 1. q. 6. *sufficit quod adorans in habitu hanc habeat conditionem, videlicet si consecratio debito modo facta est*, &c. Sed quis non videt hanc adorationem impiam esse & absurdam; nam omnis vera adoratio nititur fide, Ro. 10. 14. & accedentem ad Deum oportet credere Deum esse Heb. 11. 6. Jam qui hæsitat, utrùm id quod adorat Deus sit, An accedit illa fide prædictus? An non cum Samaritanis colit quod nescit, & cum Atheniensibus nescit quid colat, & ἀγνώτω Θεῶν sacra facit? quasi verò hoc ludibrium Majestati suæ fieri Deus patiatur à creatura, ut invocationem talem concipiat, *Adoro & colote si Deus es*. Sanè si conditio illa ita conciperetur de futuro; ut diceret homo de objecto, quod adorandum proponitur, *adorabote, si es Christus*, nec adoraret, antequam certior esset factus de veritate, posset fortè extra culpam constitui: Sed quum concipitur de præsentī, *adoro te si es Christus*, & non obstante dubitatione sua actū homo adorat, inexcusabilis est. 2^o. Alii humanam certitudinem hic sufficere arbitrantur, sed licèt ea in rebus humanis possit sufficere, in divinis non item, ubi divina requiruntur argumenta. Deinde hæc certitudo sequitur humana argumenta, sensus, rationem, testes, &c. Atqui Transubstantiationem humana nulla adstruunt argumenta, sed omnia evertunt, sensus repugnant, repugnat ratio, horret animus. Denique quando nihil est periculi in re facienda, nec vel Deus lædi, vel proximus offendi potest, sufficiunt humanæ πληροφορίας argumenta, At quum gravissimum subest peccati in Deum & proximum periculum, quis non dixerit, piam mentem divinam πληροφορίαν ex Verbo Dei petere debere, ne turpiter in iis, in quibus salus nostra vertitur, impingat?

XXI. Denique licèt, daremus Pontificios non peccare adorando sacramentum, quod Christum esse falsò arbitrantur; non possunt tamen dif-
fiteri eos, qui certò in conscientia persuasi sunt non Christum ibi, sed merum panem esse, revera ἀπολατρείας crimen commissuros si illum adorarent. Quænam E. hæc Tyrannis est Papæ, nos cogere velle ad istam genuflexionem & adorationem, & ni faciamus, ferro & flammis tanquam atheos scelestissimos mortalium persequi; An non est manifestè nos ad idololatriam propellere; & tam grande peccatum nobis præcipere? Fidem Dei & hominum appellamus, num æquum sit à nobis postulare, quod sine tam immani scelere

Iere dare non possumus? Itaque hæc una ratio, etsi aliæ nullæ suppeterent, abundè sufficeret ad necessitatem secessionis & syncretismi impossibilitatem evincendam, quando sic apud nos statuimus, hoc objectum quod nobis adorandum præcipitur, nihil aliud quàm meram creaturam esse, & quæ proinde à nobis sine idololatria coli non potest.

DISPUT.
III.

XXII. Sed non desinunt ipsi colores quærere, quibus peccatum suum deleant, vel saltem incrustent & minuant. Addunt iterum, Si quod sit peccatum suum, quod non fatentur, non tale esse tamen quod secessionem inferre debeat, quando communionem colere non detrectemus cum Lutheranis, qui eundem præsentia realis & corporalis Christi in Cœna errorem secum foveant; Vel ergo secedendum esse planè ab illis, Vel non impossibilem esse & illicitum ad se accessum. R. Hæc est exceptio πολλοῦ ὀνόματος, quæ in omnium fermè Adversariorum ore versatur, & quam, licèt abundè à Nostreis responsum sit, subinde tamen regerere non desinunt, quasi Achilleum aliquod & invictum argumentum. Verùm vanitas istius ratiocinii facilè deprehendetur, si sequentia attendimus. I. Non negamus fraternitatem non semel à Nostreis oblatam esse Protestantibus, quos Lutheranos vocant, quia licet errores quosdam foveant, tales tamen eos non credimus, qui fundamentum ipsum fidei & salutis evertant, in quibus proinde ferendis tolerantia Christianæ & fraternæ charitati locus esse potest & debet ex præscripto Pauli Philip. 3. 15. Rom. 14. 1. Certè si symbolica Scripta & Confessiones publicas utrinque respiciamus, ex quibus de Ecclesiarum sententia ritè judicari potest, (nec enim privatorum Doctorum opiniones & κυρίας διέξαις si quæ sunt attendimus) patebit facilè hæcenus per Dei gratiam in fundamentalibus Capitibus consensum mansisse, dissensum tantùm in quibusdam levioribus & minoris momenti esse, quæ salvâ charitatis compage tolerari possunt. II. Negamus eandem esse Pontifici rationem, nam ut cæteros errores gravissimos & capitales, quos errant, de quibus actum Disputatione primâ, mittamus; & qui necessitatem secedendi nobis imposuerunt, à quibus abhorrent Lutherani, qui in Protestantismo contra Papismum nobiscum conveniunt; Certum est longum latumque discrimen intercedere inter sententiam Lutheranorum circa Sacramentum, quam ferri posse dicimus, & Pontificiorum errores sive Theoreticos sive Practicos, quos meritò damnamus. Primò etsi statuunt præsentiam aliquam Corporis Christi in Cœnâ, Nobiscum tamen negant constanter, & fortiter impugnant contra Pontificios Transubstantiationis monstrum, sacrilegum Missæ sacrificium, absurdam solarum specierum, destructâ panis substantiâ, præsentiam, Communionem mutilam sub unâ specie, Theatralem sacramenti circumgestationem, asservationem, repositionem, & alia innumera,

DISPUT.
III.

quæ Adversarii congerunt. Secundò licet præsentiam aliquam Christi necessariam velint, nolunt tamen fieri per *μετσίαν* & ex vi verborum sacramentalium, ut Pontificii, & ejusmodum *ἀπρίαν* & inexplicabilem fatentur, & quum ita se explicant, ut facilè pateat eos puriorem habere mentem quàm linguam; præsentiam quippe talem innuunt, quæ *non sit per & propter quandam essentia humanæ immensitatem, sed propter purissimam cum λόγῳ unionem*; ut loquitur Gerhardus *loc. com. de Attrib. div. sect. 182.* & disertè profitentur se talem credere præsentiam, quæ non destruat tamen essentielles naturæ humanæ proprietates *Confess. Orthod. cap. 6.* talem quæ panem in esse suo physico integrum linquat, nec ullam conversionem inferat quæ doctrina est Pontificiorum, quæ congeriem absurditatum gravissimarum post se trahit.

XXIII. Sed quod caput rei est, apud Pontificios non tantùm sunt errores multi *theoretici* graves & intolerandi circa sacramentum; Sed præcipuè *præctici*, quia venerationem & cultum sacramenti nobis præscribunt, & sub pœnâ faciunt, quem tamen idololatricum esse credimus. At Lutherani quocunque tandem modo errent circa sacramentum, errant tantùm theoreticè, non practicè; nihil enim est in eorum praxi & cultu, quod nos ad idololatriam impellat; Licet enim Christum præsentem esse velint in sacramento, tamen adorationem sacramenti nec ipsi indicunt, nec aliis imponunt; idèò nulla potest illis affingi idololatriæ, quam severè damnant, suspicio, nec quicquam obstat, quo minus, salvâ conscientia, vel illi in communionem nostram recipi, vel nos cum illis, si eodem modo sint erga nos animati quò nos erga ipsos, communionem colere possimus, quod cum Pontificiis fieri nequit.

XXIV. Neque hîc audiendi sunt Adversarii, quum reponunt; Etsi hanc adorationem non præcipiant, eam tamen ex eorum sententia sponte sequi, ideoque longè graviùs peccare Lutheranos non adorantes, Pontificiis adorantibus, *Quis enim, inquit, majus crimen esse dicat in Catholicis, Jesum Christum in Eucharistia præsentem adorantibus, quàm in Lutheranis, Christum quem præsentem credunt, suo honore privantibus.* Nam primò falsò supponunt ex præsentia Christi in Sacramento, quam statuunt Lutherani, sequi sacramenti adorationem: nam licet credant Christum esse in sacramento, non propterea credunt esse ipsum sacramentum, quia panem semper manere panem confitentur, multò minùs sacramentum ipsum adorandum statuunt, nec ulla ratione id ex eorum hypothese potest elici; nam non statim adorandæ sunt res, in quibus Deus præsens est, ut antea diximus. Secundò gratis etiam supponitur ex positione præsentia realis & corporalis Christi in pane, sequi necessitatem adorationis Christi in pane, ut enim ex præsentia Dei in lapidibus vel arboribus, &c. non sequitur externo aliquo cultu sta-
tim

tim eum ibi esse adorandum, sed demum ubique radios aliquos præsentia suæ vel in gratia vel in gloria patefacit; Ut ex præsentia Divinitatis Christi in baptismo, non sequitur Christum esse in aquis baptismi adorandum; Ita nec si esset in signis Eucharistia, statim sequeretur ibi cum illis esse adorandum; quia ibi invisibiliter corpus ejus lateret absque ullo divina Majestatis radio, nec ut vivum, sed ut mortuum proponeretur, sed in cælo demum adorandus est, ubi vult quæri, & ubi vivit & gloriosè se nobis manifestat. Quod pertinet formula Veterum, quæ in ipso Can. Missæ retinetur adhuc speciali providentiâ Dei, *sursum corda*, quæ docet Christum non in pane, sed in cælo quærendum esse. Non debet ergo vitio verti Lutheranis, si adorationem suam non dirigant ad Christum in Eucharistia latentem invisibiliter, sed ad cum gloriosè in cælis regnantem. 3. Etsi hoc ex ipsorum dogmate consequeretur, non posset tamen hoc legitime ipsis imputari; Quia consequentiam hanc nec vident nec admittunt; Imò disertè protestantur se ab ea quàm maximè abhorrere. Quis verò dixerit illi, qui thesim aliquam tueretur, statim omnes consequentias, quæ inde deduci possunt, sive verè sive probabiliter tantùm, licèt eas non agnoscat, nec probet, posse aut debere impingi? Cùm ergo certum sit Viros fratres adorationem Sacramenti, pro qua Pontificii, ut pro aris & focis pugnant, constanter detestari, neque adorationem Christi in pane, sed in cælo agnoscant, aut videant hanc ex sententia sua sequi, quam alii eliciunt; nemo non videt, aliam planè ipsorum & Pontificiorum hic esse rationem.

XXV. Crimen ergo Pontificiorum non in eo est, quòd Christum adorent, Sed 1. quòd non adorent eo modo, quò præcepit Deus, 2. quòd species cum Christo adorent, 3. maximè quòd pro Christo sacramentum & panem, id est, id quod revera non est Christus, adorent. Neque valet ipsorum intentio & cæca fides, quia ut antè diximus, erronea intentio non excusat. Itaque peccant hic Pontificii, non tantùm in *loco* cultûs, quia quærunt & colunt Christum ubi non est quærendus, scilicet in signis sacramentalibus, sed etiam in *Objecto*, quia adorant hostiam pro Christo, quæ re ipsa Christus non est, quicquid illi statuant. Denique etsi Lutherani non adorant sacramentum, vel Christum in pane, non privant tamen eum debito honore, adorare enim non desinunt Christum in Eucharistia usu, ut passim testantur. Sic & Reformati, utut sacramenti adorationem, tanquam crimen longè maximum, averfentur, non denegant tamen Christo cultum debitum in hujus sacramenti celebratione, imò quocunque tandem modo communicent, sive stando, sive sedendo, sive genuflectendo, ut à variis sit diversimodè; certum est Christum ab omnibus adorari, non ut in pane latentem, sed ut in cælo sedentem. Quæ omnia, ne ulterius quid addamus, satis superque docent, perperam

DISPUT.
III.

nobis imponi, quòd cum Lutheranis syncretismum inire non recusemus, nolimus verò cum Pontificiis, cùm tam memorabile inter utrosque discrimen intercedat.

XXVI. Atque ita executi sumus paulò fusiùs, quæ pertinebant ad Sacramenti adorationem: Sequitur jam *Crucis* cultus, qui paucioribus verbis à nobis absolvetur. De *Cruce* autem hìc quum loquimur, non sumimus eam, vel *metonymicè* pro *Christi passione* & Christo crucifixo, quo sensu, 1. Cor. 1. 18. Evangelium dicitur *sermo Crucis*, id est, de Christo crucifixo, 1. Cor. 2. 2. & alibi non vult gloriari Paulus nisi in *cruce Christi*, Galat. 6. id est, in ejus morte & passione, 2. pro mortis Christi prædicatione, ut 1. Corint. 1. 17. *ne irrita reddatur crux Christi*, & Galat. 6. 12. *ne ob crucem Christi*, id est, Evangelium, quod crucem Christi prædicat, *persecutionem patiantur*. Nec eam usurpamus *improprie*, quo modo afflictiones fidelium vocantur *crucis*, quia ita Christo crucifixo conformes fiunt. Matth. 10. 38. Sed *proprie* pro instrumento Dominicæ passionis, tum pro ligno illo, in quo affixus fuit Salvator, tum pro imagine ejus sive picta sive sculpta. In hujus autem veneratione *Crucis* manifestam pertendimus à Pontificiis committi idololatriam. Siquidem recepta est apud ipsos sententia, *latriæ* cultum, qui soli Deo debetur, *Cruci* ejusque imagini exhibendum esse, Thomas. p. 3. q. 25. art. 4. *Si loquamur de ipsa Cruce, in qua Christus crucifixus est, utroque modo est à nobis veneranda, uno scilicet modo, in quantum representat nobis figuram Christi extenti in ea, alio modo ex contactu ad membra Christi, & ex hoc quòd ejus sanguine est perfusa, unde utroque modo adoratur eadem adoratione cum Christo, scilicet adoratione latriæ, & propter hoc crucem alloquimur, & deprecamur quasi ipsum Crucifixum: Si verò loquamur de effigie crucis Christi in quacunque alia materia, putà lapidis vel ligni, argenti vel auri, sic veneramur crucem tantum ut imaginem Christi, quem veneramur adoratione latriæ.* Ad Thomæ sententiam accedunt plerique Scholastici, Bonavent. ætate suppar Thomæ, idem iisdem rationibus probat in 3. sent. dist. 9. q. 4. Alex. Alens. Bonaventuræ præceptor. p. 3. q. 3. Biel in expo. Miss. sect. 49. 50. Andrad. l. 9. pro Conc. Trid. & alii plures, quos vide citatos apud Valent. Tom. 4. disp. 1. q. 24. unde Vasques in 3. Tho. disput. III. c. 2. dicit Catholicam fidem & doctrinam esse, Quòd non solum *crux illa, in qua Christus mortuus est, sed & quacunque Crucis figura, vel in materia permanentè sculpta, aut depicta, vel in aère, aut manu, aut digito expressa, exosculanda & adoranda est.*

XXVII. Nec alia est praxis ordinaria; Cultum quippe *latriæ* soli Deo debitum tam internum quàm externum illi tribuunt, *internum* quidem, quia spem salutis in ea ponunt; & Thomas inde probat cultum *latriæ* deberi *cruci*, quoniam in illa salutis spem ponunt, Illi, inquit, p. 3. q. 25.

art. 4.

art. 4. exhibemus latria cultum, in quo ponimus spem salutis, sed in Cruce Christi ponimus spem salutis; cantat enim Ecclesia Dominicâ passionis Domini in hymno. O crux ave spes unica, E. crux Christi adoranda est adoratione latria. Ne autem, quod quidam hîc excipiunt, hæc verba de Crucifixo metonymicè intelligenda putemus, non verò de ipsa cruce, manifestum est ex integro hymno, & præsertim ex verbis præcedentibus, hæc non nisi ad ipsum lignum crucis dirigi posse, sic enim habent in *Brevi. Rom. Domini. passio.*

*Arbor decora & fulgida
Ornata Regis purpurâ
Electa digno stipite,
Tam sancta membra tangere,
Beata cujus brachiis
Seculi pendit pretium
Statera facta corporis
Prædamque tulit Tartari.
O crux Ave spes unica,
Hoc passionis tempore
Auge piis justitiam
Reisque dona veniam.*

Ubi nemo non videt crucem seorsim à Christo compellari. Non meliùs elabuntur, qui dicunt has laudes figuratè ad crucem referri per prosopopœam, Poëtis & Oratoribus satis familiarem; nam ut bene notat *Vasques* in 3. Tho. q. 25. disp. 109. cap 4. Quamvis per figuram prosopopœam sæpius cum re inanimata loquamur, ineptè tamen etiam si figuratè ab ea peteremus salutem & gratiæ augmentum, nec prosopopœa liberat eos à crimine idololatriæ, sine cujus criminis reatu nemo potest ita alloqui imaginem, aut ejusmodi rem aliquam, ut ei religiosè supplicet, & ab ea veniam peccatorum petat, quæ tamen isti non verentur petere à lignea cruce.

XXVIII. Spem autem & fiduciam collocare ipsos in cruce, tum quoad adeptionem bonorum, tum quoad liberationem & protectionem à malis, probant verba *Pontificalis Rom.* quibus Episcopus utitur in benedictione novæ crucis, parte secundâ, titulo de Benedict. novæ crucis: *Ita quasi sumus accipias istam crucem, quemadmodum & illam quam manibus amplexus es, & sicut per illam Mundus expiatus est à reatu, ita offerentium famulorum tuorum anima devotissima hujus crucis merito careant omni perpetrato peccato. Et rursum, Oramus te Domine sancte Pater omnipotens, sempiternus Deus, ut digneris benedicere hoc lignum crucis tue, ut remedium salutare*

DISPUT.
III.

*generi humano sit, soliditas fidei, bonorum operum profectus & redemptio animarum, sit solamen ac tutela contra sava jacula inimicorum per Dominum nostrum. Accedit externus patriæ cultus tum signi tum facti, signi quia eam adorant: Nam in Pontifi. ubi suprà, 1^o Pontifex seu Episcopus quivis, flexis ante crucem gentibus ipsam devotè adorat & osculatur, vexillo enim Crucis omne genu, & omnis lingua constitetur. Præcipuè verò in die Parasceves solent flectere genu cruci, eamque osculari. Ubi enim Papa aut Sacerdos detegit paulatim crucem, eamque populo ostendens, ait, Ecce lignum crucis, cui respondent Capellani, in quo salus Mundi pependit, deinde Cantores perficiunt, venite adoremus; Ad ea verba procedit Papa, exutis calceis per unum ex Scutiferis, & genu ter flexo adorat, & osculatur, post Papam Cardinales, Imperatores, Reges, si adsint, tum Episcopi &c. ita à summo Pontifice ad infimum Caudatarium omnes crucem adorant & osculantur. Vid. lib. *Ceremoniarum Romanarum* feria 6. maj. hebdo. *Facti* etiam cultum exhibent, templa, festa, aras ei consecrando, incensum illi adolendo, & suaves odores offerendo, teste *Bellar. cap. 13. lib. 1. de Triumphan. Eccles. Suaves odores etiam cruci offerimus in Ecclesia.* Jam incensum adolere sacrificium Deo proprium est. Unde Israëlità notantur abominandæ idololatriæ crimine Eze. 8. 11. quòd quisque in manu sua thuribulum haberet, quò imaginibus suis adolerent. Et in primitiva Ecclesia, veteres Christiani mortem subire maluerunt, quàm aliquot grana thuris in honorem Cæsaris apponere, qui enim id faciebant, putabantur sacrificare. Hoc verò clariùs patet ex sacrificiis spiritualibus orationum & laudum, quibus eam colunt, ut passim in Breviariis leguntur: *Crux splendidior cunctis astris, mundo celebris, hominibus multum amabilis, sanctior universis, qua sola fuisti digna portare talentum Mundi &c. salva presentem catervam in tuis hodie laudibus congregatam &c.* In Breviario Rom. in Festo Inventio. & Exult. S. Crucis, & alibi, *Crux Christi salva nos, Crux Christi defende nos*, in Horulo animæ.*

XXIX. Hæc verò omnia clamant, nobis etiam tacentibus, Cultum omnem, qui Deo debetur, in Crucem transferri: Quòd si hoc non est idololatriam crassam committere, non video quid sit idololatria. Nam cum nemo neget crucem istam lignum esse & stipitem, nemo negare potest cultum religiosum illi exhibitum in rem creatam transferri: nec eos excusare potest quod ajunt, Primò *Illum honorem, qui exhibetur cruci, referri ad rem significatam cujus est signum, non ad ipsam crucem in se.* Quia nec Crux Christi signum potest dici, & ex dictis patet cultum istum directè referri ad Crucem ipsam; Unde Thom. loc. cit. testatur, etiamsi ratione ipsius Crucifixi reverentia ista Cruci exhibeatur, tamen ob eam causam crucem eos adorare eadem adoratione cum

cum Christo, & propter hoc eos crucem alloqui & deprecari quasi ipsum DISPUT.
III.
Crucifixum. Non quod addunt secundò, *Cultum qui per se & propriè debetur imaginì crucis, non esse latriæ cultum propriè, sed quendam multo inferiore, qui analogicè & reductivè referatur ad latriam, tanquam imperfectum ad perfectum*, Bellarminus lib. 2. de Eccles. triumph. c. 25. nam etsi hoc concederetur respectu imaginis Crucis, sequeretur semper ipsam Crucem ut prototypum latriæ per se & propriè esse adorandam. Sed in sequentibus quum de Imaginibus disputabimus, docebimus cultum nullum talem reductivum & analogicum dari posse sine idololatriæ participatione. Nec denique quod tertio subiiciunt cum *Gregorio de Valentia*, qui fidentius quàm Bellarminus & magis rotundè adorationem Crucis adstruit, *se deferre cultum latriæ imaginibus Christi, & Crucis, sed non sicut Christo*. Nam sic impurissimum scortum posset se tueri quum facit copiam corporis sui adulteris, iniquè secum agi, si adulterii condemnetur, quoniam non eodem facit animo atque affectu, quò se consociat viro suo.

XXX. Nihil attinet autem, ut rationes varias fusiùs excutiamus, quibus idololatricum hunc cultum adstruere conantur, quanquam facillimum esset earum vanitatem retere; & commemorasse, eas refutasse est. Quid enim afferre possunt, quod tantam dignationem Cruci conciliet, ut adoranda sit? An *contactum Christi*, quasi per eum, virtutem aliquam aut sanctitatem inhærentem habuerit, quæ tali cultu digna sit? Sed alia multa Christum tetigerunt, quæ nullam tamen ex eo sanctitatem duxerunt, ob quam ab hominibus religiosè colerentur; nec ullus nisi absurdissimè dixerit, rem inanimatam posse ex contactu personæ sanctitatem aliquam inhærentem, & virtutes morales habere, quarum respectu aliquo cultu digna censetur. Præterquàm quòd hoc Crucem Christi tantum respiceret, non imagines Crucis, quibus tamen idem hodie honor deferitur. An afferent secundò usum Crucis ad Redemptionem hominum, quòd ea fuerit electa & honorata à Christo, ut esset Altare sacrificii, scala ad Regnum, & instrumentum liberationis nostræ, quò Diabolum vinceret ac de eo triumpharet? Sic sanè *Bellarminus* ratiocinatur; sed quàm frigidè quivis videt. Nam 1. etsi hoc daretur, non valeret tamen consequentia quæ hinc elicitur ad adorationem; quia triplici ista phrasi significaretur tantum usus Crucis, nulla autem qualitas inhærens, adoratio autem refertur ad aliquid non propter usum, sed propter naturæ *ὡραγωγίαν* & eminentiam, 2. dist. *Crucem materialem*, à *mystica*, & lignum, à merito passionis ejus, qui illi affixus est; elogia hæc non priori, sed posteriori dicuntur respectu, nec nisi perperam Cruci ista tribui possunt, quæ ad passionem pertinent. Non est *Altare sacrificii*, nam altaris est sanctificare illud,

- DISPUT. II. illud, quod in ipso offertur, Matth. 23. 17. An verò Crux sanctificavit carnem Christi? An non potius caro sanctificavit crucem, & è ligno maledicto fecit lignum vitæ benedictum? Itaque Christus ipse fuit omnia, *Sacerdos* in persona, *Sacrificium* in natura humana seu carne, *Altare* in divina, unde se ipsum dicitur *per Spiritum æternum obtulisse*, Hebr. 9. 13. Si verò à quibusdam ita Crux vocata est, impropria fuit & minùs accurata locutio. Non *scala ad Regnum*, nec enim per Crucem simpliciter, sed per mortem Crucis aditum sibi ad regnum fecit; frustra confirmatio petitur ex Joa. 12. 32. *Si exaltatus fuero è terrâ, omnia traham ad me*; hæc quippe verba non crucem, sed mortem in Cruce notant, ut Christus optimus sui interpretes docet, Luc. 24. 26. *Nonne oportuit Christum omnia hæc pati, & sic ingredi in Regnum?* Denique perperam dicitur *liberationis instrumentum*; aliud enim est *instrumentum passionis* Christi materialiter spectatæ, aliud *instrumentum redemptionis*. Crux prius potest dici, non posterius, non per Crucem, sed per Crucifixum redempti sumus & salvati, nec aliud evincunt loca, quæ in eam rem laudantur, Col. 2. 14. ubi in Cruce triumphasse dicitur de Principatibus, &c. affixo ibi chirographo nobis adverso, & 1. Petr. 2. 24. *portasse peccata nostra super lignum*; Notum quippe, hæc de Cruce non posse dici propriè, quid enim Crux materialis conferre potuit ad peccatorum expiationem? sed de Crucifixo, qui per mortem Crucis hanc insignem de Diabolo reportavit victoriam, & peccata nostra delevit. Unde patet quàm falsò & injustè ut Crucis Christi ofores traducamur, quia cultum illi nullum exhibere volumus, hunc soli Crucifixo reservantes. Non est, crede mihi, verus discipulus Crucis, qui eam præ oculis depictam habet, vel in manibus gestat ac colit; sed qui in corde penitus insculptam gerit, & qui ita Christum Crucifixum veneratur & diligit, ut cum eo totus crucifixus sit, Galat. 2. 20. & vers. 24. hoc verè est in Cruce Christi gloriari. Galat. 6. 14.

XXXII. Unum superest quod urgent etiam Adversarii, Ecclesiæ scilicet veteris praxim, apud quam *Crucis signum*, & *cultum* in usu fuisse ab initio pertendunt; Unde Christiani *Religiosi crucis* dicti, & *Gentiles* ipsis adorationem crucis objiciebant, ut constat ex *Tertulliano* & *Minutio Felice*, quod non fecissent tamen, nisi aliquem cultum illi exhibuissent. R. Frustrà hîc patrocinium Ecclesiæ veteris advocatur: Certum est Ecclesiam Apostolicam nullum cruci cultum exhibuisse, nullum sanè vel in Actis vel in Epistolis Apostolicis ejus extat vel minimum vestigium. At si idem cum Pontificiis statuissent, nonne summâ diligentia lignum hoc abstulissent, & asservassent, nonne venerationem hanc populo Christiano commendassent in Scriptis suis, & exemplo suo docuissent, de quibus omnibus altum apud ipsos silentium? 2. Si de Ecclesia

Ecclesia Christiana sermo est, probari non posset ante Constantinum M. DISPUT.
III.
ullam apud Christianos in usu fuisse Crucis imaginem pictam aut fabricatam ex ligno, auro, similive materia; ipse quippe primus perhibetur permotus visione cœlesti, quæ victoriam in signo crucis portendebat, cum his verbis ΕΝ ΤΕΤΡΑ ΒΗΛΑ Vexillum Imperiale, *Labarum* dictum, in formam crucis confecisse, ut observat *Euseb.* lib. 1. de *vita Constan.* cap. 22. 23. & *Sozome.* lib. 1. *hist. cap.* 4. Ita primis Christianis ne visa quidem unquam erat crux, nedum ut esset adorata. Nec ex illa prima ætate Christianismi ad annum Domini 300. quemquam Adversarii profuerunt vel habent, qui crucis adorationem vel commendet, vel memoret, ut observat *Dallam* lib. 1. de *Relig. Cultus objecto* cap. 8. Non quidem diffitemur signum crucis, sed ἀνύπακτον, & in aëre certo digitorum motu formatum, jam antea in usu fuisse, ut liquet ex *Tertull.* de *coro. mili.* cap. 3. *ad omnem progressum atque promotum, ad omnem aditum & exitum &c. quacunque nos conversatio exercet, frontem crucis signaculo terimus.* Sed id absque lege Scripturæ & Apostolica traditione fiebat, ex sola consuetudine & traditione non scripta, ut fatetur ibidem *Tertullianus.* Verum hoc signo usi Veteres, non ut adorando, nec ut operativo ex opere operato, quod vult *Bellarmin.* lib. 1. de *Imaginib.* cap. ultimo; Sed tantum ut signo discretivo Christianitatis & tesserâ, quâ se invicem Christiani internoscerent, & ut quod probro vertebatur, quod Christum crucifixum sequerentur, illi gloriæ adscriberent; quod bene observat *Andreas Masius* in *Jos.* 22. ubi ostendit ex *Lactantio*, *Tertulliano*, *Nazianzeno*, *Basilio*, ob eam causam hoc monumentum tantâ veneratione habitum apud vetustissimos Christianos, non ut adoraretur, sed ut testimonium esset Christi crucifixi.

XXXIII. Nec desunt loca diserta Veterum, quibus constat, quàm alieni fuerint à Crucis adoratione; quæ omnia recensere non patitur instituti nostri ratio: unus vel alter locus nobis erit instar omnium. *Octavius* apud *Minutium Felicem* respondens *Cæcilio*, qui inter turpia & nefanda, quæ apud suos de Christianorum cultu & religione spargi & jactari tradit, *Crucis* quoque cultum memorat, ad hanc calumniam reponit. *Cruces nec colimus, nec optamus, vos planè qui ligneos Deos consecratis, cruces ligneas, ut Deorum vestrorum partes; forsitan adoratis.* *Ambrosius* in *Orati. funeb. Theodo.* ubi de inventione crucis loquitur, *Helena*, inquit, invenit titulum, Regem adoravit, non lignum utique, quia hic gentilis est error & vanitas impiorum. Frustrâ verò hîc laudatur versus *Lactantio* tributus in carmine passionis, *Flecte genu, lignumque crucis venerabile adora*, quod *Bellarmin.* affert lib. 2. de *S. Imag.* cap. 12. Nam *Viri docti* pridem observârunt Carmen esse supposititium, ut observat *Michael Thomasius* in notis ad *Lactan.* & ex eo *Possevinus*, qui ne-

DISPUT.
III.

gant hoc carmen in ullis Codicibus antiquis inveniri. Nec nos movere debet, quòd hoc impactum dicatur Christianis à Gentibus; Nam à calumniis & criminationibus Ethnorum non procedit argumentum. Quis enim nescit, quàm multa Christianis ab iis objecta falsissimè fuerint, ut Capitis Asinini adoratio, adoratio Solis, Ononychitis, & similia, quæ leguntur apud *Tertull.* in Apolog. ? Eiusdem commatis est objectio ista, quam constanter illi refellunt. Vid. *Tertull.* Apol. cap. 15. 16. 17. ubi non magis illas de Capite Asini, de Sole, de Ononichyte, quàm hanc de cruce appellat *falsam opinionem*: Ideò æquè mentitos Ethnicos cum dicerent crucem à Christianis coli, quàm cum asini caput, & reliqua. Idem testatur *Minutius Felix* in *Octav.* *Cyrillus* lib. 6. cont. *Julia.* *Celsus* sanè, qui acerrimus fuit Christianorum adversarius, crucis cultum Christianis nusquam objecisse reperitur in eo quem adversus Nostros composuit libello, quem Origenes solidè confutavit, quod argumento est, non fuisse suo tempore adoratam Crucem. Si enim jam tum adorata fuisset, qui Christi crucifixi cultum tam acriter & toties Nostri's objicit, Cur is Crucis cultum, qui multò absurdior & tetrior videtur, ne semel quidem objecisset?

XXXIV. Fatendum est sequentibus seculis, gliscente paulatim superstitione, post Constantinum Magnum, Crucis imagines paulatim in Christianorum Orationaria introductas fuisse, maximè ex quo invaluit traditio de inventa ab Helena Constantini matre, verà Domini Cruce, circa annum 326. Cujus vanitatem multa tamen evincunt, maximè quòd nemo reperitur eorum, qui Helenara viderunt, iisdemque cum ea temporibus vixerunt, qui ejus meminerit: Eusebius imprimis, qui illi familiaris erat, quique de vita Constantini opus conscripsit, in cujus parte tertià multis Helenæ pietatem laudibus effert, & illud ipsum iter ejus in Judæam, in quo Crucem Dominicam ab ea repertam fuisse volunt, describit, resque in eo gestas narrat; sed de Cruce Domini repertâ, non modò nullum verbum facit, sed nihil quicquam, quod eò referri possit, innuit. Quod occasionem procul dubio dedit Gelasio Pontifici Romano I. an. D. 494. scriptum hoc de Inventione Crucis inter libros Apocryphos & cum cautione legendos, referendi in Decreto de libris Apocryphis, apud Gratianum Distinct. 15. Quod verò assertur à Bellarmino lib. 2. de Imag. cap. 27. de Chronico Eusebiano, quod in vulgatis Hieronymianæ interpretationis Codicibus ad an. 16. Constantini refert, *Helenam Constantini matrem divinis monitam visionibus beatissimum Crucis lignum, in quo salus Mundi pependit, apud Hierosolymam reperisse*, non evincit, hæc revera esse verba Eusebii, quæ in Græca editione Scaligeri non occurrunt, nec in accuratioribus Codicibus Latinis; sed ostendunt tantùm à mala manu post Autoris mortem inserta fuisse ex Ruffino,

Ruffino, ut non sine ratione conjicit *Scaliger*, quia eadem fermè verba leguntur apud Ruffinum, in Historia Ecclesiastica, quo loco, sermone de Helena instituto: *Divinis, inquit, admonita visionibus Hierosolymam petit, atque ibi locum in quo sacrosanctum Corpus pependerat affixum, ab incolis perquirat, tum purgato loco, tres confuso ordine reperit Cruces.* Quam traditionem Ruffinus, & post eum Ambrosius, Paulinus, & alii sequentium seculorum Scriptores, referunt, non à certis Autoribus, & oculatis rei gestæ testibus acceptam, sed ex incertis, & temerè ab aliquo reliquiarum studio confictis rumoribus haustam, ut omnino sit verisimile.

XXXV. Licèt autem hæc traditio Crucis Imaginum usum longè fortiùs in Ecclesias introduxerit, repugnantibus licèt variis Viris piis, qui huic erroris gliscenti se opponebant, ut patet ex Epiphaniï epistolâ ad Joannem Episcopum Hierosolymitanum: Certum est tamen nondum tam fuisse adorationis objecta, quàm mystica quædam insignia, & fidei Christianæ symbola, quæ ad memoriam, non verò ad cultum proponebantur. Donec sequentibus temporibus, res in apertum abusum mutata est ab iis, qui aliquem Cruci honorem & cultum deferre cœperunt, ut *Julianus* apud Cyrillum Alexandrinum lib. 6. illis opponit circa annum D. 462. non diffidentibus illius seculi Scriptoribus. Qui cultus inveteratâ consuetudine confirmatus est, non sine multis certaminibus, & tandem seculo octavo exeunte, sancitus in Pseudonicæna Synodo an. D. 797. Atque hæc de *Crucis Cultu* dicta sunt. Superest ut de *Reliquiarum* veneratione & cultu aliquid etiam dicamus, quod non minimum est Romanæ Idololatriæ argumentum.

XXXVI. *Reliquiarum* autem nomine, non sola Sanctorum defunctorum corpora apud Pontificios notantur, sed omnia quæ ipsorum fuere, dum viverent, ossa nimirum, carnes, sanguis, dentes, ungues, capilli, cineres, vestimenta, togæ, tunicæ, interulæ, pallia, caligæ, crepidæ, calcei, cingula, pectines, cilicia, flagella, & alia id genus quæ commemorare nihil attinet. Hisce verò omnibus religiosum cultum deferri res ipsa clamat, & praxis publica clarè evincit. Constat quippe corpora vel ossa Sanctorum, & quæcunque ad illos putantur pertinuisse, ex sepulchris eruta elevari, & in conspicuo loco, imò sæpe supra altare collocari, auro, argento, serico exornari; In Processionibus & supplicationibus Reliquias istas circumferri, à populo tangendas, osculandas vel spectandas, coram illis gestu & animo adorabundos procidere: In illis gratiam & beneficia Dei quæri; Eis pretiosa dona offerri; Ad loca ubi reliquiæ esse putantur, religiosas peregrinationes suscipi; In altari includi ad sanctitatem Eucharistiæ conciliandam; In collo ex devotione & fiducia ad Deum & Sanctos portari; Tactis reliquiis juramenta fieri; Et tali religiosæ venerationi reliquiarum gra-

Reliquiarum cultus.

DISPUT.
III.

tiam, beneficia, efficaciam precum apud eas fufarum, & remissionem peccatorum obtineri, quæ omnia luce meridianâ clariùs docent religioſe eas coli.

XXXVII. Ne verò hoc ipsis falſò & perperam à nobis impingi querantur, quod ſubinde facere ſolent, graviter ſuccenſendo Doctõribus noſtris, imò & mendacii eos accuſando, dum Reliquias ab ipsis adorari & divinis honoribus affici ſcribunt, ut *Bellarminus* lib. 2. de Reliquiis & Imagi. Sanctõr. c. 2. 3. *Nos, inquit, Reliquias honoramus & oſculamur, ut ſacra pignora Patronorum noſtrorum, ſed nec adoramus ut Deum, nec invocamus ut Sanctos.* Videamus an non juſtè hoc ipsis tribuatur. Primò adorationem iſtam ſancitam & approbatam fuiſſe in Concilio Nicæno II. patet ex verbis Actionis IV. *Oſſa, cineres, pannos, ſepulchra denique adoramus, illis tamen non ſacrificamus.* Concilium Tridentinum eodem ſenſu cultum iſtum confirmat Seſſ. 25. Decreto de Invocatione Sanctõr. Mandat Episcopis ut doceant, *Martyrum & aliorum Sanctõrum cum Chriſto viventium corpora à fidelibus eſſe veneranda, per quæ multa beneficia hominibus à Deo præſtantur; Tum eos omnes damnandos eſſe pronuntiat, qui affirmant Sanctõrum reliquiis venerationem atque honorem non deberi, vel eos aliæque ſacra monumenta à fidelibus inutiliter honorari, & eorum opis impetrandæ cauſâ, Sanctõrum memorias fruſtrâ frequentari, prout eos jam pridem damnavit & nunc etiam damnat Eccleſia.* Ubi licèt ſubdolè & callidè more ſuo agens Synodus, abſtineat quidem ab adorationis voce, & ſolius venerationis & honoris meminerit, ſuperſtitionis ſuæ dedecus ſub vocabulorum iſtorum ambiguitate tegens, non aliam tamen eſſe ejus mentem, quàm cultum religioſum Reliquiis debitum præſcribere, vel ex eo patere poteſt, quòd damnet eos qui *affirmant Sanctõrum reliquiis venerationem atque honorem non deberi*, quibus verbis dubium non eſt, quin perſtringat Doctores noſtros, non quòd honorem debitum Sanctõrum & fidelium corporibus denegemus, qui conſiſtit in honeſta ſepultura & pia cuſtodia, quem à Nobis illis deferri ſat notum eſt, ſed quòd venerationem, & religioſum honorem illis reddere recuſemus; quod ex eo etiam colligitur, quando addunt talem eſſe venerationem, per quam ſacra monumenta à fidelibus frequentantur, & eorum opis impetrandæ cauſâ memoriæ Sanctõrum frequentantur, quod religioſum cultum omnino importat.

XXXVIII. Hoc verò candidiùs & apertiùs exponit Vaſques in 3. Tho. quæſt. 35. diſputat. 112. *Apud Catholicos, inquit, veritas indubitata eſt, reliquias Sanctõrum, ſive fuerint partes ipſorum, ut oſſa, carnes, & cineres, ſive res alia qua ipſos tetigerunt, vel ad ipſos pertineant, adorandas & in hoc honore ſacro habendas eſſe.* Et diſp. 113. init. *Cinctoria & ſudaria Pauli, ait, adorationis cultu fuiſſe veneranda, &*
ſic

fic passim loquitur. *Valdensis* ex Damasceno statuit non modò lignum Crucis Domini, sed etiam sepulchrum, præsepe, clavos, lanceam, vestes, Sion & Golgotha loca esse adoranda, & eos veluti hæreticos refutat, qui Deum quidem in his rebus aut locis adorari concedunt, res verò ipsas, vel loca adoranda negant, Doctrinal. p. 3. Tit. 13. cap. 120. & alibi c. 121. *Omnes Dei Sanctos & eorum reliquias esse suis gradibus adorandas.* Nec aliter loquuntur hodie *Jansenista*, patet ex responso ab ipsis dato super miraculis, quæ edita ferebantur à sancta Spina apud Ecclesiam Portus Regii, ubi vindicantes ea ab obrectatorum calumniis non semel dicunt, Sacram illam Spinam, quam ex corona Domini spinea decerptam jaçant, adorari. Et magnam mortalium catervam adire Ecclesiam illam suam ad Spinam adorandam. Et Sanctas Moniales cum profunda veneratione spinam Dominica corona adorare, & sic passim loquuntur p. 15. 18. 22. Eò pertinet etiam quòd Catechesis Tridentina in tertium præceptum, quod ipsis est secundum, probat juramenta per reliquias, *Ad faciendam*, inquit, *fidem, per res creatas juramus, ut per sacra Dei Evangelia, per Crucem, per Sanctorum reliquias & nomen.* Qui honor ad latriæ cultum pertinet, siquidem eum per quem juramus adoramus, testem conscientiæ & ultorem imprecamur si fallimus. Huc facit quòd in legibus Ecclesiæ Romanæ, quæ in Pontificali habentur, nullum Altare consecratur absque reliquiis, unde Capite de Consecratione Altaris, altare dicitur dedicari in honorem Sancti, cujus reliquiæ includuntur altari, quasi reliquiæ sanctitatem aliquam altari & rebus, quæ illi imponuntur, possent conciliare. Ex quibus omnibus non obscurè colligitur, Reliquias non modò magno esse apud Romanos in pretio, sed cultum sacrum illis exhiberi. Quomodocunque autem vocare libeat cultum illum, sive *adorationem*, quod candidius & rei ipsi planè consentaneum, sive *venerationem*, quod tanquam commodius, ad obumbrandam cultus istius turpitudinem, retinent, parum refert, modò constet esse cultum religiosum, qui defertur creaturis mortuis, rebusque corporeis & inanimatis; quod nemo non videt esse crassissimam idololatriam.

XXXIX. In eo sanè miram fraudem Satanæ observare est, quâ ludificatur populos, dum occultantur divina Apostolorum Scripta, ex quibus tela petuntur ad errorum & idololatriam confodiendam, ostentantur & adorantur eorum reliquiæ. Et cum Christus in Verbo suo, Sacramentis, & aliis gratiis spiritualibus quærendus esset, abducitur plebs Christiana ad fascias, vestes, subuculas, & alia id genus argumenta, in quibus frustra quæritur. Cumque Sanctorum vita diligenter meditanda & imitanda foret; studium omne ponitur in contemplandis & colendis eorum ossibus & reliquiis. Quò non modò nihil vanius, sed nihil magis impium & in

DISPUT.
III.

Deum, unicum adorationis & cultûs omnis religiosi objectum, magis injurium dici potest. Nec inanis cavillatio Bellarmini, quâ putat optimè rebus suis cavisse, dum negat se reliquias *adorare ut Deum*, nec *invocare ut Sanctos*, potest quicquam illum juvare: Quia ut antè sæpius dictum, cultus religiosus unicus est, qui in alium quàm Deum transferri non potest, nec ulla religionis adoratio dari potest vera & genuina, quæ alterius sit quàm Dei.

XL. Rationes ad jugulandum hunc errorem referre nihil attinet, quæ alibi à nobis propositæ sunt, Institut. Part. II. Loc. XI. Quæst. 8. Sufficit ostendisse religiosum cultum in Ecclesia Romana Reliquiis deferri, ut inde constet, legitimè nos propterea Idolatriæ ream illam peragere. Quod si liberet, fraudes & imposturas innumeras referre, quæ in Reliquiarum usu passim occurrunt, sive dum fictæ & suppositæ pro veris & genuinis obtruduntur, quod innumeris exemplis ostendi posset; sive dum varia loca de iisdem gloriantur, & acriter inter se contendunt; sive dum reliquæ proponuntur eorum Sanctorum, qui nunquam fuerunt in vivis, & meræ sunt larvæ & humani cerebri figmenta, quales sunt reliquæ Christophori, Longini, Ursulæ, Trium Regum, Margaretæ & sim. sive dum aliæ id genus artes veteratoris adhibentur, ad miserum popellum decipiendum, quàm latus hîc se aperiret scribendi campus. Consulat qui voluerit eximium *Calvini* Tractatum in *Admonitione de Reliquiis*, *Hospinianum* de Reliquiarum origine, *Chamierum* lib. 16. de Antichr. c. 12. ubi agit de Imposturis Reliquiarum, & *Dallaum* de Reliquiarum cultu. Nostrium interea est gratias immortales agere Deo, qui nos liberavit à duro hoc idololatriæ tam fœdæ jugo, in quo non modò à Deo averfi sunt homines, ut rebus vanis & caducis adhæreant: sed etiam execrabili sacrilegio res omni sensu carentes adorant loco Dei in secula benedicti: Ut nunc liceat nobis Deum colere in spiritu & veritate, & rejectis vanis & falsis Sanctorum reliquiis, vera verorum Sanctorum dogmata retinere, & profiteri.

F I N I S.

DISPU-

DISPUTATIO QUARTA

Quæ Tertia est

DE IDOLOLATRIA ROMANA.

Respondente STEPHANO DUMAS Cologniacensi.

UAMVIS ea sit Controversiarum, quæ Nobis cum Pontificiis intercedunt, ratio, ut nulla sit quæ suum pondus non habeat ad Veritatis illustrationem, quæque adeò diligenti examine non indigeat; Nemo tamen, ut opinor, inficias iverit, istam, quam præ manibus nunc habemus, *De Secessionis nostræ ab Ecclesiâ Romanâ necessitate, & impossibilitate eâ Syncretismo*, Quæstionem, gravissimam esse præ cæteris omnibus momenti, eò vel maximè, quòd in aliis de unico tantùm agatur Doctrinæ Capite; Hic verò de omnibus simul, quæ justam secedendi nobis causam præbuerunt. Unde cum magnopere intersit, cum aliorum, tum Juventutis nostræ Sacris initiatæ, quid de re totâ secundùm Verbum Dei tenendum sequendumque sit, mirum videri non debet, si ad ejus Tractationem iterum nos accingimus, ut sententiæ nostræ fundamenta plenius aperiantur, & ab Adversariorum cavillis vindicentur.

II. Accedit etiam temporis, in quo versamur, ratio, quod si unquam non utilem modò, sed necessariam planè facit Argumenti istius Tractationem. Nam præter gravia quæ quotidie videmus scandala ab iis data, qui non satis perspectâ Secessionis nostræ necessitate, vel metu territi, vel promissis illecti, tristissimo casu *καὶ ὑπὸ τῆς πίστεως*, & infami apostasiâ ad Papismum deficiunt. Notum est quàm varii ubique de Religionis Syncretismo etiam hodie misceantur sermones, & quanto molimine renoventur à plurimis periculosa Syncretistarum artes, & malè sana consilia, ut quædam vel inter Christianos omnes si fieri posset; vel inter Nos & Pontificios saltem fidei institueretur conciliatio. Unde nihil frequentius solent ingerere, quàm temerariam & injustam fuisse nostram ab Ecclesiâ Romanâ Separationem, & facilem cum ea Syncretismum, si animi vero pacis Christianæ, quam unice commendavit nobis Christus, & modis omnibus procurandam injunxit, studio incenderentur.

III. Atque

DISPUT.
IV.

III. Atque ea de causa Emissarii, & Sinones Romani, Profelytis juxtà cum Pharisæis terrâ marique faciendis unicè intenti, ut Controversiarum pondus facilius imminuant & elevent, quasi non tantum esset inter Nos diffidium, quod commodè componi non posset, fidei Romanæ non tam Defensores, quàm Mangones & interpolatores agunt, propudiosa dogmata sua subdolè velando, & excusando, & scdam Papisimi novitatem, novis quotidie, sed verè veteratoriis artibus incrustando; Imò ad instar Principis tenebrarum se in Angelum lucis transformantis nobiscum loqui, & nobiscum ferè sentire simulant, gravèmq; sibi injuriam fieri queruntur, quòd sibi errores varii præter rei veritatem in dogmatibus & cultu affingantur. Planè sicut Hyænæ humanas æmulantur voces homines illecturæ, quos illectos & attractos devorent; Ita Seductores isti Sanctorum linguam conantur mutuari, ut simplices & incautos ad castra sua pelliciant, & pellectos tandem gehennæ filios reddant, & miserè perdant. Ne ergo per τὴν μεθοδεῖαν τῆς πλάνης imponi nobis sinamus, & omni vento doctrinæ circumferamur per κυβεῖαν & πανουργίαν ἀνθρώπων, larva illis semel detrahenda, ut constet falsissimè nobis impingi Schismatis & diffidiorum, quibus laborat hodie Christianus Orbis, crimen, & insidiosissimè Pacis nomen obtrudi, ubi mera quæritur Errorum incrustatio, & impia ac damnabilis Religionum σύγκρασις & confusio.

IV. Gravissimo sanè se obstrinxisse crimine eos non diffitemur, qui sacris istis diffidiis occasionem primi præbuerunt, quibus factum ut simplex & ὁρθόδοξος ut olim Christi, sic Veritatis tunica discerperetur: Sed quod nobis impingunt Adversarii crimen, id jure meritò in Accusatores retorquemus, quomodo Elias qui ab Achabo reus conturbati Israël's peragebatur, impium Regem hoc ipso crimine teneri certissimè evincebat, utpote qui veram abjecisset Religionem, & nefandos Bahalis cultus induxisset 1. Reg. 18. 17. 18. Ita quid proclivius quàm demonstrare, nequaquam à nobis malum hoc profectum esse, qui Christi doctrinam intemeratam ret nemo & sequimur; sed ab iis ortum, qui cœlestem & divinam hanc doctrinam impiis hominum commentis multifariam depravârunt, & abjecto vero Dei cultu impuros & idololatricos in Ecclesiam Christianam introduxerunt. Quòd si præjudiciis non excæcarentur illi cum quibus negotium nobis est, facile de re totâ judicium fieri posset, si sedulò inquireremus, quinam à Religione Christianâ & Apostolicâ defecerint, quod per collationem doctrinæ ab utrisque traditæ cum doctrinâ Apostolicâ faciliè deprehendi posset. Verùm quia satis intelligunt Adversarii, sic malè rebus suis consultum fore, & luce meridiana clarius evasurum, abjecisse se fidem semel Sanctis traditam, & deflexisse à vero Christianismo, Compendium hoc ipsis non placet;

& aliâ

& aliâ rem aggrediuntur viâ, quum relicto Doctrinæ examine, ad Eccle- DISPUT.
siæ autoritatem nos abducere satagunt, & quasi hoc illis privilegium pro- IV.
prium esset, Schismatis reos paragere non dubitant, quotquot ab Eccle-
sia Romana, quacunq; tandem de causa Secessionem faciunt.

V. Hac arte usi sunt præ cæteris *Perronius & Richelius* Cardinales, ut legitimum fugerent congressum, & jugulum causæ declinarent. Nec aliò respicit Tractatus Gallicus novissimè editus Parisiis, de *Præjudiciis legitimis adversus Calvinistas*; In quo Author aliorum vestigia premens, & crambem sapius recoctam nobis reponens, magno molimine duo præ cæteris demonstrare conatur. Primò, tutissimum & compendiosissimum veram Religionem à falsa secernendi medium esse, non *Viam rationis & discussionis*, quam urgere solemus, ut dogmata, quæ in hoc vel illo Cœtu proponuntur, expendantur & discutiantur ex Scripturæ Sacræ nor- Via discus-
sionis &
submissio-
nis quomodo
differant.
mâ: Sed *Viam submissionis & Autoritatis*, ut vocant, ut in suprema Ec-
clesiæ autoritate acquiescamus, fidemque nostram illi tanquam normæ certæ & infallibili subjiciamus, quam non alibi quàm apud Ecclesiam suam reperiri pertendit. Secundò, tot præjudiciis Religionem & fidem nostram gravari, ut, si nullum aliud à doctrinæ falsitate suppeteret argu-
mentum, sufficerent tamen ad eam rejiciendam, & nos etiam inau-
ditos condemnandos; qualia sunt Vocationis & Missionis defectus, Se-
cessio schismatica à vera Ecclesia, Mores corrupti Reformatorum, &
Tumultus ac bella hac occasione exorta, Dissidium quod inter Nos & Luthe-
ranos natum, & alia id genus, quæ injustitiam causæ nostræ tam apertè vi-
dentur prodere, ut non opus sit penitiori doctrinæ indagine.

VI. Verùm, ut aliquid obiter & *ὡς ἐν παρόδῳ* de tali consilio di- Viam sub-
missionis à
Pontificiis
malè urge-
ri.
camus, Nec enim nostri nunc est instituti hoc argumentum fusius exe-
qui, vel falcem in alienam messiem immittere. Quicquid ab Authore
istò speciosè & dubdolè obtendatur ad nobis invidiam constandam, &
suspectam ac exosam omnibus reddendam fidem nostram; Si penitiùs
methodus ista expendatur, patebit clarissimè nihil absurdius eâ dari pos-
se & iniquius, nihil quod certius malæ & periclitantis causæ præbeat ar-
gumentum. Quis enim, nisi qui sponte cæcutire voluerit, non facilè
animadvertet, hæc omnia eò tendere, ut omisso Doctrinæ examine, ad
quod semper provocavimus, & à quo certum est Religionis veritatem
unicè pendere, in aliis quæstionibus hæreamus, quæ & minùs sunt ne-
cessariæ, & longè intricatiores; At si seriò persuasi sunt de fidei, quam
profitentur veritate; Cur declinant ejus examen? Cur tot diverticula &
ambages quærunt? Cur non deveniunt statim ad causæ jugulum, &
momentosissimæ quæstionis cardinem, quo semel discusso cætera
omnia facilia sunt & expedita; Nam si demonstrare possint, se

DISPUT. IV. doctrinam Christi & Apostolorum mordicus retinere, quis denegare illis poterit veræ Ecclesiæ nomen; At si contrà constare potest eos miserè illam corrupisse, quis hunc illis titulum, nisi perperam tribuat; Sed alia sedet sententia menti, credunt sibi sufficere solum Ecclesiæ quò glorian-
tur nomen, ut hanc fraudibus suis nubem objiciant: Planè ut hostes, qui in aperto campo consistere nequeunt, in silvas & dumeta se condunt, ut salebris, quarum nullus exitus, arceant persequentes, & excitato pulvere, & objectis impedimentis sui conspectum furentur, & aciem prohibitu commutent: Ita isti Ecclesiæ Authoritatis speciosum nomen obtendentes, putant se faciliùs posse latere, & tela omnia declinare. Nec abs re, qui in aliis liberaliores videntur, in hoc tamen pertinaces sunt, Crede, inquit, ut libet, modò te Ecclesiæ committas & subicias, fidemque captivam dedas: norunt enim Viri sagaces, ea quæ antea videbantur concessisse, statim se recepturos, quando ipsos animos Ecclesiæ falsibus submiserint.

VII. Dum verò *Viam Authoritatis* hic sequendam necessarò præscribit Author, quis audacem & temerariam istam disputandi rationem ferre queat? ubi gratis supponuntur varia tanquam ἀναμφισβήτητα quæ tamen inter Nos maximè controvertuntur. Primò, dari supremam aliquam Authoritatem in Ecclesia, cui fideles teneantur sine ulteriori examine sese submittere. At quipotuit Author ignorare, hoc ipsum esse τὸ κρινόμενον, de quo inter Nos disceptatur, quod probandum fuit, non ita præfidenter supponendum; quasi ex quo loquutus est acclamandum esset αὐτὸς ἔφα, & ne mutire quidem liceret: At solidè tamen Nostri hæcenus fictitiam esse supremam illam authoritatem Ecclesiæ demonstrarunt, & neminem nisi Deum in Scriptura loquentem ut Judicem summum & infallibilem in Ecclesia esse audientium; Ecclesiæ autem aliquam non denegandam Authoritatem, sed Doctōris, non Judicis, consilii, non imperii, & Ministerialem, non absolutam, quæ non ulterius obliget, quàm quatenus Verbo conformis apprehenditur. Secundò Ecclesiam, penès quam suprema illa Authoritas residet, non aliam esse quàm Rom. ut ita sedeant in propria causa Judices, cùm tamen de hoc ipso tota lis nostra sit, & constanter à nobis semper negatum sit, posse eam Ecclesiam Christi veram vocari, quæ doctrinam Christi non habet, qualiacunque obtendantur ejus alia prrilegia. Tertò supponitur insuper, fideles posse & debere in autoritate illa suprema acquiescere, non inquirentes ulterius in ejus fidem & doctrinam. Verùm quis nescit hoc etiam esse πρῶτον ipsorum ψεῦδος & fidem illam cæcam & implicitam Carbonarii pridem profligatam, ut Scripturæ adversam, & conditioni fidelium injuriam; Nam si sine ulteriori examine doctrinæ fideles sese authoritatì Ecclesiæ subjicere tenentur,

Cur Isaias *ad Legem & Testimonium* fideles amandat cap. 8. 20. ut *falsitatem* ariolorum cum veritate Oraculorum cœlestium conferant? Cur Christus Judæos ad Scripturas investigandas revocat, Joh. 5. 39. ut de veritate Vocationis & Doctrinæ suæ persuaderentur? Cur Beroënſes auctoritati Pauli non acquiescunt, sed sermones ejus cum Scripturis conferunt, ut viderent an res ita se haberent? Act. 17. 11. Cur Paulus provocat ad fidelium Judicium, *Judicate vos ipsi quod dico?* 1. Cor. 10. 15. Cur Johannes vult explorari spiritus, an sint ex Deo? 1. Johan. 4. 1. Frustrâ sanè & absque ratione, si via ista Authoritatis sufficit ad fidem stabiliendam. Sed alia est mens fidelium, ut enim sunt oves Christi λογικαί, non bruto & cæco debent ferri instinctu ad id omne recipiendum quod obtruditur, sed ut fide suâ vivere debent, ita lumine Spiritûs pollent, ut omnia dijudicent, 1. Cor. 2. 15. & cibos salutes à venenatis, aquas corruptas à puris, & Verbum Dei à traditionibus hominum secernant. Non quòd *Judicium decisionis* ipsis tribuamus, quod eorum est, qui publicâ auctoritate sunt instructi, sed quòd *Judicium privata discretionis* illis ex dono fidei competat.

VIII. Sed non in eo tantùm commenti istius absurditas patet, quòd gratis supponat ea, quæ in controversiam veniunt; Ex eo etiam non obscurè colligitur, quòd dum compendiosissimam viam se putat Author invenisse, non aliam intricatiorem & magis difficilem, ne dicam planè impossibilem obtrudere potuit. Nam cùm Via Authoritatis necessariò supponat, nobis debere esse persuasum, Authoritatem talem esse legitimam & supremam, veræ Ecclesiæ, non falsæ, ut aliquem apud nos obtineat locum, debet mens nostra in eam inquisitionem primò incumbere, ut hoc habeat perspectum, hoc autem intricatissimum & difficillimum esse nemo potest diffiteri, qui noverit Pontificios veritatem Ecclesiæ ab Antiquitate & Successione non interruptâ personarum metiri, quod non modò accuratam historiæ omnium sæculorum à Christo nato notitiam postulat, sed & tot difficultatibus involvitur, ut mens nihil certi inveniat, ubi tutò quiescere possit. Adde quòd cùm tota auctoritas Ecclesiæ Verbo ipso nitatur, ut ipse Author agnoscit p. 16. dum eam à Scriptura arcessit; Quis non videt primò veritatem & αὐθεντίαν Verbi tenendam esse, antequam de auctoritate Ecclesiæ persuadeamur, & sic viam discussionis semper præmittendam esse, viæ auctoritatis? Atque eò magis hoc necessarium est, quòd cùm nemo diffiteri possit Verbum esse Ecclesiæ fundamentum, à quo formam suam & esse specificum obtinet Eph. 2. 20. ordo naturalis postulat, ut de Doctrina primò inquiremus, quàm de Ecclesia, cùm non aliud certius Ecclesiæ γνωρίσμα peti possit, quàm à doctrina quam profitetur. Hoc vidit

DISPUT.

IV.

Hieronymus in Ps. 133. *Ecclesia ibi est, ubi fides vera est; Sed Augustinus* inprimis, qui passim adversus Donatistas disputans, Ecclesiam non aliunde quàm ex Scriptura cognosci posse non semel profitetur, lib. de Unitate Ecclesiæ c. 11. *Inter nos & Donatistas quæstio est ubi sit Ecclesia, quid ergo facturi sumus, in verbis nostris quasituri, an in verbis Capitis sui Domini Jesu Christi, puto, quòd in illius verbis potius querere debemus, qui Veritas est & optimè novit Corpus suum, & cap. 3. Non audiamus hæc dico, sed audiamus hæc dicit Dominus, sunt certè Libri Dominici, quorum authoritati utrique credimus, utrique servimus, ibi quæramus Ecclesiam, ibi discutiamus causam nostram, & paulò post, in Scripturis Canonicis quæramus Ecclesiam, c. 16. utrum isti Ecclesiam teneant non nisi Divinarum Scripturarum Canonicis Libris ostendant.*

IX. Neque hîc reponendum cum Authore, Capite 14. *Viam discussionis* longam esse, & difficilem, quæ accuratam omnium controversiarum disquisitionem & examen, & linguarum originalium cognitionem postulat, quamque ideo paucissimi possunt insistere. Sed *Viam authoritatis* brevem & expeditam, quæ omnibus etiam maximè rudibus & imperitis patet. Nam si bene calculos ponimus, contraria hîc esse omnia, & nihil facilius & tutius nostrâ, nihil verò periculosius & impeditius eâ, quam Adversarius sequitur viâ, nullo negotio deprehendemus. Ut enim de nostrâ dicamus primùm, falsò supponit Author à singulis fidelibus controversiarum omnium examen vel linguarum originalium notitiam requiri, ut persuadeantur de fidei veritate. Cùm enim Scriptura perspicua sit in rebus ad salutem necessariis, & possit ab unoquoque fidei, qui oculos mentis illustratos habet, & legi cum studio, & intelligi cum fructu, quid obstat quominus ad eam normam componentes præcipuas, quæ inter Nos & Adversarios agitantur, controversias, dijudicent faciliè à quorum partibus stet Scriptura? v. g. Quæritur inter nos, An Sancti sint invocandi, & an Imaginibus cultus aliquis sit exhibendus? Si Scripturam consulimus, faciliè tota lis componetur, quando non semel Deum solum adorandum & invocandum præscribit Psal. 50. 12. Matt. 4. 10. Isa. 42. 8. & in Lege expressè omnem Imaginum cultum prohibet Exod. 20. Quæritur, An præter Sacrificium Christi, necessarium adhuc sit Sacrificium Missaticum? Quid facilius erit fidei, quàm ex Scripturâ respondere, non modò inutile, sed & injurium Christo esse aliud omne sacrificium ἁγιασµὸν? siquidem Christus *unicâ oblatione* ἑφάπαξ factâ sanctificatos perfectè consummavit, & peccata omnia eorum expiavit Heb. 9. 28. & 10. 12. 14. Quæritur de Justificatione nostrâ, An sit ex operibus, An ex fide? Sed uno verbo res expeditur, si Paulum audias, qui toties fidei justificationem tribuit & operibus denegat, Rom. 3. 27. Galat. 2. 16. Quæritur, An opera merean-

Ps. 50. 12.

Matt. 4. 10.

Heb. 9. 28.

mereantur, vel ex condigno vel ex congruo? Quid opus magnâ disqui- DISPUT.
 sitione post verba Pauli, *Si ex gratia, non ex operibus, alias gratia non* IV.
est amplius gratia, &c. Rom. II. 6. & alibi *donum Dei vita aeterna* Rom. II. 6.
 Rom. 6. 23 &c. Quæritur de Communionem sub utraque specie, Quis Rom. 6. 23.
 locus ambigendi post vocem Christi, *Bibite ex hoc omnes*? Quæritur de
 Viribus liberi arbitrii, An supersint adhuc quædam in homine post peccat-
 um, quibus se præparet ad gratiam? Sed verbo Paulus rem expedit,
 quum nos mortuos in peccatis vocat, Eph. 2. 1. qui ne cogitare quidem
 quicquam boni possumus 2. Cor. 3. 5. Ita si per alia Controversiarum ca-
 pita, quæ fundamentum fidei spectant, ire volumus, facile demonstrari
 posset, ea ita clarè proponi, ut nullo negotio à fidei agnoscenda veritas,
 nihil ut opus sit vel linguas originales consulere, vel operosam de Scripturæ
 integritate, & de Libris Canonicis quæstionem discutere; Cum in hoc
 saltem negotio consensus sit inter Nos & Adversarios, Libros ex quibus
 similia loca petimus esse Canonicos, & nullam hic inter fontes & versiones
 quibus utimur esse discrepantiam. Verum si de *Via autoritatis* loquimur,
 quid difficilius & magis intricatum occurrere potest? quando nemo illi se
 subijcere potest, qui non habeat perspectum eam legitimam esse & in Verbo
 fundatam; & Ecclesiam, quæ illâ gloriatur, veram; quod non modo ipsius
 Scripturæ, sed & totius Antiquitatis, ex hypothesi Adversariorum, dis-
 cussionem & cognitionem postulat, atque ita non compendiosam, sed
 longissimam omnium viam præscribit.

X. Sed si in hoc Capite fraudulenter agit Author, ut simplicioribus
 imponat; Non æquiores se præbet in altero, quod tanto apparatu urget,
 dum *Præjudicia* varia conquirat, quibus Religionis nostræ innocentiam, si
 potest, obruat, quod non modo à justitia, sed & à sinceritate alienissimum
 est; Nam si ipsi Philosophi præjudiciis ante omnia liberandam esse mentem
 fanciunt, ut clara rei cognitio habeatur, & de ea judicium rectum & sanum
 ferri queat, Quis credat in Religionis delectu, quæ res omnium est maxi-
 ma & gravissima, præjudiciis agendum esse, potius quàm rationibus ab
 ipsius rei naturâ petitis? cum istæ argumenta necessaria certa nobis sup-
 peditent, quibus mens tutò possit acquiescere; illa verò tantum to-
 pica & probabilia, quorum non alia vis est, quàm causæ, propter
 quam afferuntur, gratiam aliquam conciliare, adversam verò suspectam
 & exosam reddere: Quis verò nescit causas magis speciosas non semper
 esse meliores? & hanc esse Veritatis sortem, ut non rarò præconceptis
 opinionibus obscuratur & opprimatur? Maxime si, quod intendit Au-
 thor, ex præjudiciis de Causæ veritate fieret judicium, & inauditi, qui
 eam sustinent, condemnarentur; quò quid iniquius dari possit, vix di-
 ci potest. Nam si in foro civili inauditus nemo damnatur, quantacun-

*In Religione
 non agen-
 dum est per
 Præjudicia.*

DISPUT.

IV.

que sint adversus ipsum præjudicia, quæ malum iniquitas est, ut causam dicere prohibeamur, & vel ex solo nomine inauditi condemnemur? Gravissima nobis intentatur accusatio Schismatis, quod ab Ecclesia secessionem fecerimus; Nec minus crimen ἀπεστατίας à nobis Adversariis impingitur, quod à veritate Christi defecerint: Quis tandem potest esse legitimus modus componendæ istius litis momentosissimæ? nisi ut utraque pars audiat, vel ad sustinendam accusationem, vel ad sui defensionem: hoc tamen non potest ferre Author, qui nullum non movet lapidem, ut nos etiam inauditos præjudiciis obruat; & indignos ostendat quorum ulia habeatur ratio, vel ad purgandum crimen nobis impactum, vel ad accusationis capita probanda. Utrum innocentia, an mala conscientia postulante accusatio audiat, neve defensioni detur locus? An Veritas lucem fugit & tenebras quærit? imò omnibus se conspiciendam præbet, & nihil impensius optat quàm videri, quia novit se non posse videri quin diligatur. Erroris est & malæ fidei, se in tenebras abdere, nec Adversarii vel accusationem vel purgationem audire velle, ne hinc accusationis veritas, inde verò defensionis pateat innocentia.

XI. Sic equidem Ethnicos olim cum Christianis egisse legimus, ut vel ex solo nominis præjudicio inauditos damnarent, quod *Tertullianus* Apol. c. 1. & 2. gravissimè in ipsis perstringit. *Respondendi, altercandi facultas aliis patet, quando nec licet indefensos & inauditos damnari; sed Christianis solis nihil permittitur loqui, quod causam purget, quod veritatem defendat, quod judicem non faciat injustum, sed illud solum expectatur quod odio publico necessarium est, confessio nominis, & non examinatio criminis.* Et ibidem, *malunt nescire, quia jam oderunt, adeò quod nesciunt præjudicant id esse, quod si sciant odisse non poterant.* Quid verò hîc veritas? *nihil de sua causa deprecatur, inquit c. 1. quia nec de conditione miratur, scit se peregrinam in terris agere, intra extraneos facile inimicos invenire.* Caterum genus, spem, sedem, gratiam in cælis habere, unum gestit interdum ne ignorata damnetur, *Quid hic deperit legibus in regno suo dominantibus, si audiat? An hoc magis gloriabitur potestas earum, quò etiam inauditam damnabunt veritatem? Caterum inauditam si damnent, præter invidiam iniquitatis, etiam suspicionem merebuntur alicujus conscientie, nolentes audire, quod auditum damnare non possent.* Quis verò dixerit Christianos cum Christianis adeò injustam agendi rationem sequi, ut ex præconceptis opinionibus sine ulteriori Doctrinæ examine damnare eos sustineant; Vix hoc in animum suum inducere quis potuisset, præsertim de iis qui hactenus moderatiores cæteris videri voluerunt, nisi expressè hoc non semel Author repetiisset.

XII. Quòd si in *Prajudiciorum* istorum, quæ tanto cum apparatu urgentur, Examen descendere vellemus, quàm facilè demonstrari posset, ea vel falsissima esse, & per meram calumniam nobis afficta, vel si quid veritatis habent, ad causæ momentum non pertinere. Nam quod de *Vocationis defectu* dicitur, suo loco, cum bono Deo, à vero procul esse ostendemus. Si verò *dissidium* aliquod inter Nos & *Lutheranos* ortum est. Si *bella & tumultus* occasione Reformationis variis in locis nati sunt, quod Adversariorum furori, non ipsi Religioni tribuendum est. Si *Reformatores* humani aliquid sunt passi, ut ab ipsis humani nihil alienum fuit, (quamvis ea quæ ipsis impinguntur crimina, jam sæpius à Nostis nullum nisi in Calumniatorum mentibus fundamentum habere demonstratum sit) quid hæc omnia ad causam nostram pertinent? An propterea certò concludi potest, vel falsam esse quam prædicamus Doctrinam, vel veram quâ gloriantur ipsi Ecclesiam? Unum, fateor, ab Authore præjudicium affertur, quod si verum esset, causam non dicimus, quin meritò rei peragamur: Quum *Schismaticos* nos esse pertendit, quòd ab Ecclesia Secessionem fecerimus cap. 7. Hactenus sanè non recusamus herbam porrigere, & crimen fateri, si verum sit nos à vera Ecclesia secessisse, cum extra eam non detur salus. Sed si Ecclesiam impuram & idololatricam reliquimus, ut in vera maneremus, si Papatum tantum & errores ejus abjecimus, ne participes peccatorum ejus, consortes essemus poenarum. An vitio nobis verti debet, quòd salutis nostræ prospectum voluerimus, & voci divinæ morem gesserimus? Hoc verò est quod inter Nos quæritur, ad quod unum Controversiæ nostræ omnes revocandæ essent, si candidè agere vellent Adversarii. Nam si evincere possunt, se doctrinam Christi puram & intemeratam semper servasse & etiamnum servare, nullamque nisi Christi vocem apud se audiri, agnoscimus ultrò, veræ Ecclesiæ nomine posse ipsos gloriari, & non nisi injustè ab illis secedere quemquam posse. Sed si ex adverso demonstramus clarissimè ipsos à Christo defecisse, cur ægrè ferunt nos ab ipsis secedere velle, ut Christo Capiti & Sponso nostro indivulsè adhæreamus?

XIII. Scio hîc Authorem reponere c. 7. licèt hoc daretur, Ecclesiam Romanam & erroneam & impuram fuisse, non necesse tamen fuisse propterea ab ea recedere, suffecisse *secessionem negativam*, ut abstineremus à cultu, quem idololatricum credebamus; sed non necessariam fuisse *secessionem positivam*, quæ novam Ecclesiam novumque Ministerium sine vocatione institueret. Verùm in eo graviter fallitur, & fallit Adversarius, quasi sola secessio negativa potuerit hîc sufficere. Nam cum Deus nobis colendus sit non *negativè* tantum, abstinendo à falso cultu, sed & *positivè*, verum cultum ab ipso præscriptum illi exhibendo, nec cultus debeat tantum

DISPUT.

IV.

1. Cor. 6. 20.

internus esse, sed & externus, ut eum glorificemus & animo & corpore 1. Cor. 6. 20. ut utriusque & Creator & Redemptor est, quis non videt impossibile nobis fuisse hoc defungi officio in Ecclesiæ Romanæ communione manentibus? maximè ex quo Romana Ecclesia sub anathematis pœna, non vult modò credi quod docet, sed & præstari quæ jubet. Fateor olim Patrum nostrorum temporibus ante Reformationem, quosdam primâ illa secessione contentos fuisse; tum quia nondum cogeantur sub Anathematis pœna subscribere omnibus erroribus Papalibus, tum quia nulla dum patebat ad egrediendum via. Sed postquam erectum fuit vexillum Evangelii variis in locis, & populus ad libertatem vocatus, postquam patuit latissima ad exeundum porta, & Roma ipsa toties de Reformatione interpellata, non modò errores & abominationes suas non abjecit, sed auxit, & jugum tyrannidis non uno modo aggravavit, ferro flammaque in nos sæviendo: Nonne ingratißimi fuissetus mortalium, nisi hoc Dei beneficium nobis oblatum amplexi fuissetus, & Romam nos fugantem Anathematis, Excommunicationibus, & persecutionibus suis fugissetus, ut Deum alibi possemus purè ut jubet colere, & sic salutis nostræ prospicere?

XIV. Atque ex his, ut è diverticulo redeamus in viam, nisi fallor, facile colligitur necessariam fuisse Secessionem nostram, & vanum esse & impossibilem, qui urgetur à variis cum Pontificiis Syncretismum, nec alium finem habere, qualiscunque obtendatur prætextus, quàm ut Nos antiquo servitutis iugo subiciat, & Romæ mancipia reddat. Nam cum pertendamus errores, quos Ecclesia Romana fovet quamplurimos, non esse leves & minoris momenti, circa quos potest tolerantia inter dissentientes locum habere Philip. 3. 15. sed gravissimos & capitales, qui fundamentum ipsum Veritatis & Salutis petunt, nemo non videt necessariò nobis ab ea secedendum fuisse, si salutis nostræ prospectum vellemus, ex præscripto Apostoli 2. Cor. 6. 17. *Exite è medio ipsorum & separate vos, immundum ne attingite, & ego recipiam vos*, & ex mandato Dei Apocal. 18. 4. *Exi Babylone, popule mi*: Et reditum ad eam non modò difficilem, sed & planè impossibilem esse, nisi ipsa, abjectis erroribus, & superstitionibus impuris, quibus à puriori doctrina defecit, in gratiam cum Christo redeat, & Religionem Christianam pristino Apostolicorum temporum nitore restituat.

XV. Hoc autem non sine ratione à Nobis asseri, & jam antè in Disputationibus præcedentibus luculenter demonstravimus, & ulterius adhuc demonstraturi sumus. Cum enim ad tria potissimum Capita corruptelæ omnes Ecclesiæ Romanæ referri possint, *Hæresim* in doctrina, *Idololatriam* in cultu, & *Tyrannidem* in regimine: De hæresibus diximus jam Disputatione primâ. De Idololatriâ etiam in sequentibus verba facere cœpimus. Verùm quia tanti momenti res est,

est, ut vel ex hoc uno articulo, licet in cæteris omnibus consensus esset, Se-
cessionis nostræ necessitas, & Syncretismi ἀδυναμία penderet, paulò fusiùs
de eo dicendum, ut constet verissimè idololatriam à nobis ipsis impingi, &
quicquid comminiscantur ad diluendum hoc crimen, non posse eos pur-
gare.

XVI. Cùm verò duplex Idololatria distinguatur vulgò, alia respectu
Objecti, quum aliud quid præter Deum colitur; Alia respectu *Modi*,
quum verus Deus quidem, sed alio, quàm quo præscribit modo, colitur. De
primâ jam diximus, & demonstratum dedimus, Ecclesiam Romanam respectu
cultûs quem defert Angelis, Sanctis demortuis, Pontifici panis Eucharisti-
co, & Cruci, non posse ab idololatria liberari. Nunc ad aliud Caput deve-
niendum, quod εἰκονολατρεία spectat, ex quo constare poterit hæc etiam ra-
tione ream meritò à nobis peragi. Ne verò queri possint, quicquam à nobis
ipsis impingi præter ipsorum mentem, ostendemus, Primò nihil à nobis fal-
sò ipsis affingi, & imponi, quod monumentis authenticis & ipsâ praxi apud
ipsos receptâ liquidò non constet. Deinde vanitatem demonstrabimus
subterfugiorum, & subtilium distinctionum, quas propudio suo velando vel
excusando obtundunt.

XVII. In Ecclesia Romana vigere εἰκονολατρείαν, quicquid privati qui-
dam Doctores protestentur, ut turpitudinem hanc à se amoliantur, vel sub-
dolè dissimulent, multa probant. Primò Concilii II. Nicæni inter Oecume-
nica à Pontificiis relati, sanctio: quod ab Irene Leonis IV. viduâ, & Con-
stantino ejus filio, adversus Synodum Constantinopolitanam anno 754. sub
Constantino antea congregatam, in qua Imaginum cultus damnatus fuerat;
primò Constantinopoli indictum, mox Nicæm translatum fuit; In quo de-
cretum, referente Zonara, τὰς σεπτὰς εἰκόνας προσκυνεῖσθαι καὶ σέβασθαι
venerabiles imagines adorandas & colendas esse. Sic scilicet ambitiosissima
fœmina Imaginum cultrix, promovendæ idololatriæ, simul & asserendo sibi
imperio ex devinctis sibi idololatriis, non aliud medium aptius invenit, quàm
indictionem Synodi, in quâ ut faciliùs voti compos fieret, *Tarasium* Laicum
Secretarium sibi addictissimum & magnum Iconolatram, in locum *Pauli*
Patriarchæ insignis Præfulis Iconomachi, substituit. Fateor huic Pseudosyno-
do masculè se opposuisse *Carolus Magnus* in Occidente, tum in *Capitulari*
suo, quod triennio post quatuor libris adornavit, ubi nervosè & solidè refel-
lit quæcunque à Nicænis Patribus ad Cultum Imaginum adducta erant.
Quod tantopere urit Adversarios, ut ausi sint illud in crimen falsi accersere,
tanquam scriptum aliquod ὑπεβολιμάτων ab aliquo Nostratum obrusum;
Verum impudentem calumniam Viri docti jam diu detexerunt, indicato si-
mul & evictò editore Pontificio *Johanne Tilleto Episcopo Meldensi*. Tum
etiam in Concilio Francof. 300. Episcoporum, quod congregavit an. 794. in

DISPUT.
IV.

quo Patres Synodi Nicænæ quoad cultum Imaginum expressè damnant, & solius Dei adorationem fanciunt: Quod confirmatum fuit in Synodo Parisiensi sub Ludovico Pio Caroli M. filio, anno 825. cui assensum præbuerunt *Jonas Aurelianensis Episcopus, Agobardus, Walafridus Strabo, Hincmarus Rhemensis Episcopus*, alique plures. Sed hæc omnia non obstituerunt, quo minus Ecclesia Romana Synodum Pseudo-Nicænam receperit, & Concilium Tridentinum postea eam approbaverit & confirmaverit.

XVIII. II. *Concilium Constantinopolitanum IV.* anno 869. quod censetur à Romanis Oecum. VIII. In quo Adrianus II. cultum Imaginum curavit denuò approbari, & restitui. Memoranda imprimis sunt, quæ Canone III. extant verba, *Sacram Imaginem Domini nostri Jesu Christi adorari decrevimus æquo honore cum libro sanctorum Evangeliorum*. Paulò post imprecatio concipitur in eum, qui non adorat imaginem Christi, *Qui non adorat Imaginem Christi Salvatoris, non videat faciem Christi in secundo ejus adventu*, & ibidem, *Veneramur & adoramus Imaginem Matris ipsius impollutæ, & S. Angelorum & omnium Sanctorum, qui aliter fanciunt, sint Anathema*. III. *Concilium Tridentinum*, quamvis enim instar Apollinis ægis, hîc, ut alibi ambiguus & obliquus studuerit in hoc articulo verbis, ut utramque dissentientium opinionem, tam eorum qui tantum relativum cultum urgebant, quàm eorum, qui adorationem obiectivam ad Imagines ipsas directam tuebantur. Canon tamen, quem de honore, & veneratione Imaginum Sessio. XXV. edidit, exerte ut jam dixi, confirmando Concilium Nicænum II. cujus Decretum profitetur se amplecti, satis testatur non aliam fuisse ipsi sententiam, *Imagines Christi, Deiparæ Virginis, & aliorum Sanctorum in Templis præsertim habendas, & retinendas, eisque debitum honorem, & venerationem impertiendam, non quòd credatur inesse aliqua in iis divinitas, &c.* Sed quoniam honos qui eis exhibetur refertur ad prototypa quæ illa representant, ut per imagines quas osculamur, & coram quibus caput aperimus Christum adoremus, & Sanctos quorum illa similitudinem gerunt veneremur; Id quod Conciliorum, præsertim verò secunda Nicænæ Synoda Decretis contra oppugnatores Imaginum est sancitum. IV. *Thomas*, qui cultum latræ ligno Crucis deberi ex celebri hymno, qui Sabbatho ante Dominicam passionis cantillatur, probat p. 3. q. 25. art. 4. quod confirmatur ex *Breviariis & Missalibus*, quæ hunc cultum passim præscribunt: Ubi non omittendum quod in magno die Veneris præstari solet, quod infamen hanc εἰκονολατρίαν clarissimè demonstrat; Dum Sacerdos Crucem velatam è manu Diaconi accipiens, eandemque paulatim detegens, sic effatur: *Ecc lignum Crucis, & choro accinente & respondente, Venite adoremus*, confestim quotquot ibi adsunt in genua prosteruntur, donec planè denudata & ad locum

locum certum prope altare delata, Sacerdos cum reliquâ turbâ populi, *flectis genibus, trina vice adorant Crucem*, ut loquitur Missale. Memorabilis est consecratio Imaginis B. Virginis in Cæremoniali Rom. ita sonans. *Sanctifica Deus hanc formulam B. Virginis, ut tuis fidelibus salutaris auxilii opem ferat, tonitrua aut fulmina, si invaluerint nocentia, celerius expellantur, pluviarum quoque inundatio, aut civilium bellorum commotio, seu Paganorum devastatio, ad præsentiam ejus comprimantur*: Eadem est ratio consecrationis Agni Dei, quæ ibidem legitur, *Sicut Agnus innocens J. Christus in ara crucis immolatus protoplastum nostrum de diabolica potestate eripuit*: Sic isti Agni immaculati virtutem istam accipiant, quos consecrandos offerimus in conspectu divina Majestatis. Tu eis benedicere, sanctificare & consecrare digneris, ut tuâ largâ benedictione sanctificati eandem virtutem accipiant, contra omnes diabolicas verſutias, & fraudes maligni Spiritûs, ut illas devotè super se ferentibus nulla tempeſtas eiſdem prævaleat, nulla adverſitas domineatur, nulla aëris peſtilens, nulla aëris corruptio, nullus morbus caducus, nulla maris procella, nullum incendium, neque ulla iniquitas dominantur iis &c. Nec obscurum est, vulgò tanquam præſentiſſimum adverſus varia mala remedium eos geſtari.

XIX. Quamvis verò multiplex ſit diſſenſus inter Doctores de modo adorationis, & cultûs Imaginum, & Babelis iſtius myſtica operarii diverſis magis linguis loquantur, quàm priſcæ Babelis ædificatores; Quorum diſſidia noſtrum non eſt nunc referre vel expendere, dum alii volunt Imagines adorari per ſe & propriè, ut terminent ipſam adorationem; Alii tantùm analogicè & reductivè ob exemplar & prototypum; Alii adorari cultu diverſo, & inferiori à cultu Prototypi, Alii eodem, ut Trinitatis quidem Imagines latrâ, Sanctorum duliâ, B. Virginis hyperduliâ colantur, quæ receptiſſima eſt apud Adverſarios ſententia, pro quâ *Bel-larminus* lib. 2. c. 20. citat totam ferè Scholaſticorum familiam, *Alexandrum, Thomam, Cajetanum, Bonaventuram, Marſilium, Almaynum, Carthuſianum, Capreolum*, & alios plures; Certum eſt tamen in eo omnes convenire, quòd adorandæ ſint Imagines: Et hoc ipſum, ſi nihil aliud evinceret, quotidiana praxis apud ipſos recepta ſatis comprobaret. Quis enim nescit cultum & venerationem, quæ illis paſſim exhibetur? Dum populus coram Imaginibus procumbit adorabundus; Dum eaſdem oſculatur, illi thura adolet, & Tempa erigit, illas ſolemni & religioſâ Proceſſionum pompâ circumferre ſolet, & coram iis circumlatis, in genua ſubſidere.

XX. Ad hunc Errorem jugulandum poſſent afferri omnia illa Scripturæ loca, quæ in Religionis negotio vctant Imagines non modo adorare, ſed & facere & habere. Sed ſola Dei Lex nobis eſt

DISPUT. instar omnium, quæ disertissimè loquitur Præcepto secundo Exod. 20. 4.
 IV. Non facies tibi sculptile, neque ullam similitudinem eorum quæ sunt in Cælo
 Exod. 20. 4. desuper, & quæ in terra deorsum, & quæ in aquis sub terra, non adorabis
 ea, neque coles, cui respondent verba Levit. 26. 1. Non facietis vobis Idolum
 neque sculptile, neque vobis erigetis Statuam, vel lapidem figuratum
 in terra vestra, ut prosternatis vos ante eum. Ubi clarum est summum Legis-
 latorum, qui in primo mandato Cultus objectum sanciverat, ut nullus
 præter Deum solum adoraretur; in hoc modum Cultus ipsius præscribere,
 ne scilicet colatur in imagine vel similitudine ulla, ideoque duo vetat, ima-
 gines facere, & factas colere vel adorare: Quia verò sub variis imaginibus
 solebant Gentiles Numen repræsentare, modò rerum terrenarum, modò
 etiam aquatilium, omnes quæcunque tandem illæ sint prohibet, ne quis
 putet unam magis quàm alteram Deo convenire. Quàm malè habeat
 Pontificios istud mandatum, vel ex hoc uno colligi potest, quod com-
 modiores non putarint viam elabendi dari posse, quàm si totum sacrilegâ
 audaciâ expungerent, tertium loco secundi reponentes, & decimum de
 concupiscentia in duo perperam dispelcentes, ut factum in Breviariis, Offi-
 ciis, horisque precatoriis, quæ populi manibus teruntur, in quibus Legis
 hæc verba non leguntur, quod utique nunquam ausi fuissent, nisi præceptum
 hoc sibi vehementer adversari cognovissent.

XXI. Quia verò non possunt verba ipsa è Lege delere, varia captare so-
 lent effugia, quibus teli istius vim quacunque ratione declinare conantur.
 Primò non pauci facilè se expedire posse putant, negando ullum à se cul-
 tum Imaginibus deferri, neque in Templis, vel uspiam alibi proponi ad
 cultum, sed ad historiam tantum & monumentum rerum præteritarum,
 adeoque non adorari ipsam imaginem, sed tantum coram imagine co-
 lendum esse ipsum exemplar, quò pertinet Distichum relatum Sabel-
 lico:

*Nam Deus est quod imago docet, sed non Deus ipsa,
 Hanc videas, sed mente colas quod cernis in ipsa.*

Hanc fuisse sententiam Gregorii Magni patet ex epistola ad Serenum Mas-
 siliensem Episcopum, qui Imagines in Ecclesia confregerat, eò quòd
 quosdam eas adorare conspexisset, ubi laudat eum quòd cultum damnaverit,
 sed reprehendit quòd Imagines fregerit, l. 9. ep. 9. *Quòd ea adorari vetuisses
 omnino laudavimus, fregisse vero reprehendimus, aliud est picturam adora-
 re, aliud per picturam historiam, quid sit adorandum addiscere.* Eadem fuit
 mens Durandi in 3. sent. distin. 9. q. 2. Gersonis, Holchori & aliorum:
 Sic moderatiores ex Pontificiis negant à se coli, & adorari Imagines,
 sed

sed tantum exemplar quod repræsentant. Crediderim ego erubescere eorum Doctores apud Discipulos, nec audere profiteri id quod in Scriptis non verentur asserere; & hoc *Bellarmin.* non obscure insinuat, quum agnoscit posse imagines adorari cultu latriæ, modò sit cultus latriæ per accidens, & improprius; Sed idem in modo loquendi non vult efferri in vulgus & in concione ad populum lib. 2. c. 22. Nempe sic loqui amant quos pudet suæ sententiæ: At vir bonus nunquam abscondet mentem suam, vel erubescet vera loqui, maximè quum agitur de informandis fidelibus, in iis, quæ ad cultum Dei pertinent, alias nefas esset dicere quod facere tamen licebit. Verùm ut mittamus nunc quod ista sententia de Imaginibus retinendis habet saltem ad usum historicum, non modò sine Dei Verbo, sed & contra ipsum Legis præceptum, Contra praxim Veteris Ecclesiæ, ut fusè docet *Cassander* Consul. art. 21. Contra Antiquorum Conciliorum decreta, *Eliberini* nominatim Can. 36. *Placuit picturas in Ecclesia esse non debere, ne quod colitur, aut adoratur, in parietibus depingatur*: Certum est, utut placeat nonnullis apud Pontificios, non esse tamen communem & receptam in Eccl. Romanâ, quod non modo patet ex Bellarmino & aliis Scholasticis, qui eam constanter rejiciunt, tanquam temerariam & hæreticam, adeò ut Baronius insaniisse eos dicat qui sic censuerunt. ad a. 794. & Sirmundus to. 2. Conci. Galli. vocet hanc *hæresim Gallorum*. Sed præcipuè ex Canone Concilii Tridentini suprâ citato, qui cultum Imaginum expressè sancit. Ne jam de praxi loquar; quam nemo, nisi cui periiit frons, potest asserere esse immunem ab Imaginum cultu.

XXII. Misiâ ergo hac Exceptione, quam falso niti fundamento oculatiores satis cernunt, ad secundam pergimus, quæ ab aliis obtenditur. *Præceptum* scilicet de Imaginibus non colendis esse *positivum*, non *naturale*, Legem quippe positam esse ad tempus Judæis ad idololatriam pronis, quibus Deus anam Idololatriæ Gentium, cum quibus habitabant, imitandæ amputare volebat, non item nobis Christianis. Sic *Vasquezius*, *Lorinus*, & post eos *Hugo Grotius* papizans. Sed hoc est desperatæ causæ argumentum, cui opponimus; Primò communem inter Primarios Doctores Pontificios sententiam, quâ statuunt omnia præcepta Decalogi esse juris moralis perpetui & indispensabilis. Secundo, si esset præceptum merè positivum, ostendi deberet illud abrogatum fuisse sub Novo Testamento; Sed tantum abest ut illius mutationis vel tenuissimum extet vestigium, ut multa occurrant quæ illius perpetuitatem probent, quando non semel ab Apostolis repetitum est, & Ecclesijs Gentilium datum Act. 15. 20. 1 Cor. 10. 7. 1. Joan. 5. 20. & alibi sæpius. Tertiò, tantum abest ut Judæos solos lex illa obligasse censenda sit, ut ex Paganis prudentissimi quique facti sint

DIAPHR.
IV.

cultum, qui Numini per Imagines exhibetur, minus cultum esse, & *primus*, qui *simulachra Deorum* putant, *Constatibus suis & merum demisse, & errorem addidisse*, ut habet *Varro* apud *Augustinum* lib. 4. de *Civitate Dei* cap. 21. Sic *Romæ* olim *Templa simulachris* caruisse per annos 170. *Varro* ibidem docet, & apud *Clementem Alexandrum*, in *Protreptico* videre est, *Lycurgum Spartiatis* prohibuisse imagines notat *Alexander ab Alexandro* lib. 2. cap. 22. & *Perlas ac Lydios* imaginibus caruisse observat *Origenes* lib. 8. contra *Cellum*; Unde *Gentiles* redarguit *Paulus*, qui Imaginibus utebantur contra *1o Thimotheum* 2o *Timotheum* Rom. 1. A.C. 14. & 17. Cum ergo præceptum hoc lumine naturæ notum sit, ex coliquet non esse Cærimoniale, sed Morale. Quamvis denique, ratio addita ipsi præcepto hoc evincit, cum enim sit moralis & perpetua, petita à *Majestatis* immensis & invisibili *Dei* *Deuter.* 4. 16. *Isa.* 40. 18. A.C. 17. 29. Cuius cultus nequaquam convenit *Joan.* 4. 24. Rom. 1. 25. Et ipsam morale debet esse & perpetuum, quod non minus *Christianos* quam *Judæos* spectat. Imò tantò propius illos, quò purior & magis abstractus à rebus corporeis & sensibilibus debet esse sub *Evangelio* cultus noster, & remotior ab *Ethnicorum* ritibus, ne idololatriam paganam per *Evangelium* profligatam per positum revocare videamur. *Nam est dictum*, inquit *Lactantius* lib. 2. cap. 18. *quæ Religio nulla sit, ubiunque simulachrum est.*

XXIII. III. Exceptis communior est Legem prohibuisse *Idola*, sed non *Imagines*. *Idola* esse rerum non existentium, quæ erant sola *Gentium* Numina; *Imagines* verò rerum existentium, sic *Bellarminus* & *Vasquez*, &c. Sed facilissima tamen est, licet à plerisque vulgò afferatur, responsio. Nam quod obtruditur discrimen inter *Idolum* & *Imaginem* vanum est & fictitium, siue nomenclatio rei, siue natura & usus attendatur. Et ad nomenclationem quidem quod attinet, nec apud *Hebræos*, nec apud *Græcos*, nec apud *Latinos* discrimen tale occurrit? Nam voces *עִלְוִן* quæ occurrunt in hoc mandato, promiscuè de quavis effigie sculpta, vel *Imaginem* seu similitudine usurpantur, *Chaldæi* reddi per *עִלְוִן* & *עִלְוִן* quod non potest aliter verti quam per *Imaginem* & *Similitudinem*. LXX. modo vertunt *עִלְוִן* per *עִלְוִן* ut hic, modo per *עִלְוִן* ut *Lev.* 16. & *Deut.* 5. 8. per *עִלְוִן* *Isaia* *Deut.* 4. 6. modò etiam per *עִלְוִן*, ita *Isa.* 40. 18. & 20. *Isaia* *Isaia* *Isaia*, *Isaia* *Isaia*, *Isaia* *Isaia*, imò et si diceremus *עִלְוִן* per *עִלְוִן* contradiscere ad *Imaginem* posse verti; At vox *עִלְוִן* generaliter omnem *Imaginem*, & *Similitudinem* damnet, *Græcis* *εἰδωλον* & *εἰδωλον* pro eodem samantur *Glossæ* *εἰδωλον*, sic *Diod.* lib. 16. *Philippi* *εἰδωλον*, vocat eius *Statuam*, *Plutarchus* in *Antonio* *Cæsaris* *Idolum* vocat, & *Idolum Alexandri* apud *Ælianum* lib.

12. cap. 64. Lucia. dialog. Diogenis & Hercules : *ἰδὼν δὲ εἰδωλὸν* DISPUT. IV.
εἶπε autē quod repetit postea per *εἰδωλὸν* : Sic Patres Græci τὰ εἰδωλὰ
 & τὰ εἰκαστά de Simulachris Gentilium, quæ ad idololatriam prostrabant,
 indifferenter usurparunt : Latini verò *Idola* & *Imagines* promiscuè po-
 nunt, Cicero lib. 1. de finib. *Imagines* & *Idolum* eo tantum vult dif-
 ferre, quod alterum Græcum, alterum Latinum sit, *Αἰμί*, *Ἰμάνε*,
Imagines, *quæ Idola nominantur* : Ita si originitio vocum attendatur, nul-
 lum potest inde exculpi tale discrimen.

XXIV. Sed non melius id potest elici ex *rei naturâ* ὅτι ἔστιν : Quam-
 vis enim fatendum sit plerumque Imaginem latius patere Idolo, & in
 bonam partem non raro sumi, ita ut omne quidem Idolum sit Imago ;
 Sed non omnis Imago vicissim Idolum, nisi quum illi aliqua Divinitatis
 relatio accedit, sive quoad repræsentationem, sive quoad cultum : Ta-
 men certum est nunquam ita inter se distingui, quasi *Idolum* sit tantum
τὸ εἰδωλόν seu *non existentium*, *Imago* verò τὰ ἐξοικειωμένα rerum
existentium. Primò quia non modò Imagines, sed res quælibet creatæ Idola
 sunt, quando religiosus cultus illis exhibetur : Sic Imago Serpentis ænei,
 quæ Christum repræsentabat, facta est Idolum quando Judæi illi incen-
 sum adolebant. Sic Statua Nebucadnezaris Idolum fuit, licet esset rei ve-
 ræ, quando posita est ad adorationem. Secundò pleraque Gentium Idola
 non rerum falsarum, sed verè existentium Imagines fuerunt, vel Astro-
 rum, vel Hominum. Tertiò Deus in secundo præcepto damnat non tan-
 tum Imagines rerum falsarum, sed etiam rerum omnium existentium sive in
 cælo, sive in terra, sive in aquis, unde expressè dicit rerum quæ sunt in *Cæ-
 lis*, non verò quæ non sunt, ut dicendum erat ex mente Adversario-
 rum. Quartò Scriptura *Idola* vocat *Imagines* in eum finem effectas, ut
 verus Deus per eas repræsentaretur & coleretur, patet clarissimè, Pri-
 mò ex *Vitulo Aureo* qui *Idolum* vocatur Act. 7. 41. & ejus Cultores Act. 7. 41.
 Idololatræ ; Quia tamen factus est ad veri Dei repræsentationem, unde
 Aaron Exod. 32. 5. vocat ejus festum, *Jehovæ*, *Cras erit festum Jeho-
 væ*, & dicitur *Deus qui eduxit ipsos ex Ægypto* 3. 4. Quis vero cre-
 dat tam vecordes fuisse, ut putarent Vitulum ex inauribus suis recens con-
 flatum post exitum ex Ægypto, ipsos ex Ægypto eduxisse ? Secundo *I-
 dolum* Micæ Jud. 17. 5. erat Imago veri Dei, quia dicit se consecrâsse Jud. 17. 5.
 hoc argentum Jehovæ, sperat Jehovah sibi benefacturum quod sit ipsi
 Levita pro Sacerdote 3. 12. 13. Tertiò *Vituli Jeroboam* 1. Reg. 12. 28. 1. Reg. 12.
 non ad falsos Deos, sed verum Deum Israël's repræsentandum destina-
 bantur ; Nec enim in animo habuit abstrahere à vero Dei cultu popu-
 lum, sed tantum à loco cultûs, ne Hierosolymam ascenderet Populus
 ad Templum Dei, ubi erat Arca, atque ita ad Regem Jada revertis

DISPUT. à se deficeret: Atque hoc inter idololatriam Achabi, & Jeroboami cætero-
IV. rumque Regum Israëlîs discrimen intercessit, quòd ille contra primum præceptum, quod est de objecto cultûs divini, alienum Deum, Baalem scilicet colendum proposuit, Jeroboam verò & alii contra secundum præceptum, quod est de modo cultûs, Jehovah Deum verum per Imagines coluerint, Ille abstraxit à *veri Dei cultu*, alii vero à *vero cultu* Dei; Unde dicitur fecisse Achab quod malum videbatur in oculis Jehovah, plus quàm omnes qui fuerant ante ipsum; Nam cùm leve ei visum esset ambulare in peccatis Jeroboami, Baalem Sidoniorum Deum tum ipse coluit, tum aliis colendum proposuit 2. Reg. 16. 27. Ex quibus constat manifestè, Idolum non de re falsa tantùm, sed de re vera etiam dici.

1. Cor. 8. 4. XXV. Nec obstat quod Apost. 1. Cor. 8. 4. *Idolum dicit nihil esse in mundo*, Hoc enim non absolutè & simpliciter debet intelligi *subjectivè* ratione *existentia* vel *objectivè* ratione *representationis*, quod vel non sit res quædam subsistens, vel rem falsam repræsentet: Nam plerique Gentium Dii homines erant, vel aliæ creaturæ. Sed *nihil* ratione *efficaciæ*, quod nihil habeat Divinitatis, nihil virtutis ad faciendum aliquid boni, vel mali, atque adeo nihil efficaciæ ad sanctificandos vel polluendos homines, quo
1. Cor. 7. 19. videtur potissimùm Paulus respicere; Eodem sensu 1. Cor. 7. 19. *Circumciso nihil esse dicitur*, id est nullam habere virtutem ad salutem, ut exponitur Gal. 5. 6. Ita quum in Veteri Testamento Idola Gentium dicuntur אֱלִילִים vel אֱוִנִים id est *vanitates*, hoc intelligendum tantùm respectu naturæ & virtutis divinæ, quâ fallunt expectationem suorum Cultorum, nec quicquam illis prodesse possunt.

XXVI. IV. Exceptio est Bellar. & aliorum, qui pertendunt prohiberi *Imagines*, non quasvis, sed tantùm *quæ habeantur pro Diis*, se autem Imagines nec pro Diis habere, nec pro Diis colere. Sed quocunque modo crimen suum dissimulare conentur, excusare non possunt tamen. Primo verba Legis non possunt pati hoc glossema, Lex enim prohibet imagines colere, & se coram illis incurvare. At aliquid colere, & coram eo se prosternere, non est statim illud habere pro Deo; nam & Pontificii Sanctos & Angelos colunt, coram illis procumbunt, nec tamen eos volunt habere pro Diis. 2. Si valeret exceptio de non *colendis Imaginibus pro Diis*, ageretur hic tantùm de *objecto* cultûs, & sic confunderetur præceptum primum cum secundo, cùm tamen certum sit ea inter se differre, quod in primo agatur de objecto cultûs, seu de non colendis Diis alienis, in secundo vero de ejus modo, id est de non colendo vero Deo in Imagine vel per Imaginem. 3. Si hoc admittitur, pluri mi Idololatræ facilè excusari possent; Nec Idololatræ fuissent Israëlîtæ in Vitulo Aureo, quem non putabant Deum esse, sed ejus tantùm simulachrum; Nec Jeroboam Vitulos conslando in Dan, & Bethel; Nec cultores

tores Serpentis ænei, quem non habebant pro Deo, licet incensum ei adolerent; Nec Christiani ipsi dicendi fuissent Idololatræ, qui coacti Idolis vel sacrificabant vel adolebant, licet Idola pro Diis non haberent. Nec Ethnicis ipsis, si non omnibus, saltè plurimis hoc crimen impingi posset, qui sæpe profitentur se non habere Idola sua pro Diis, Celsus apud Origen. lib. 7. p. 384. τίς γὰρ ἄλλος εἰμὴ πάντα νήπιον ταῦτα ἔχειται Deos, quis nisi plane infans hæc scil. Simulachra putat esse Deos? Arnob. lib. 6. Ethnicos loquentes inducit, Erras & laboris, nam neque nos ara neque auri argentique materias esse per se Deos, & religiosa censemus Numina, sed Deos ex his colimus. Eodem modo loquuntur Ethnici apud Lactantium lib. 2. c. 2. *Que amentia est aut ea fingere, quæ ipsi postmodum timeant, aut timere quæ finxerunt. Non ipsa, inquit Ethnici, timemus, sed eos ad quorum imaginem ficta, & quorum nominibus consecrata sunt.* August. in Ps. 113. hoc Ethnicorum commentum refert & refellit, videntur, inquit, sibi purgationis esse religionis, qui dicunt nec Simulachrum, nec Damonia colo, sed per effigiem corporalem ejus rei signum intueor, quam colere debeo. Item, non hoc visibile colo, sed Numen quod illic invisibiliter habitat. Qui ipsissimus est Pontificiorum sermo: An minùs tamen propterea Idololatræ censendi sunt Ethnici? Ita licet Pontificii imagines non pro Diis colerent, non haberent tamen, quo sese ab Idololatriæ crimine purgarent.

XXVII. Nec melius possunt elabi per quintam Exceptionem, quæ distinguit *Cultum absolutum*, & *relativum* seu *respectivum*, Idololatræ esse, qui Imaginibus *cultum* deferunt *absolutum* & propter se; non verò qui *respectivum* tantùm & propter aliud scilicet prototypum. Nam primò falsò supponunt, se cultum relativum tantùm Imaginibus tribuere, cùm contraria sententia vulgò recepta sit, Imagines scilicet Christi & Sanctorum venerandas esse, non solum per accidens vel improprie, sed etiam per se & proprie, ita ut ipsæ terminent venerationem, ut in se considerantur, & non solum ut vicem gerunt exemplaris, ut Bellarm. fusè docet lib. 2. de Imag. cap. 20. & 22. & probat ex Concilio Nicæno. Secundò, jam visum Idololatræ veteres tam Gentiles quàm Israëlitas reos peragi non ob cultum tantùm absolutum, sed etiam propter relativum & analogicum, nec Simulachra fuisse illis proprium adorationis objectum, sed Deum quem in Simulachris colere se profitebantur, ut demonstratum fuit tum in idololatria vituli aurei, tum Vitulorum Jeroboami, & plerorumque apud Ethnicos. Tertiò distinctiones illæ inanes ad deludendam plebem excogitatæ, sunt folia ficulnea, quæ pudenda Romæ tegere nequeunt, imò captum non modò miseri & rudis vulgi, sed & doctiorum superant, quod ingenuè confitetur Bellarminus respectu distinctionis latræ *absolutæ*

DISPUT.
IV.

luta & relativa, dum ait, *qui defendunt Imagines adorari latrâ, coguntur uti subtilissimis distinctionibus, quas vix ipsimet intelligunt, nedum populus imperitus*, lib. 2. cap. 22. Et sanè quotusquisque tales distinctiones in ipsa praxi observare potest, ut partiatur suam mentis intentionem, & quidem absolutum & proprium tribuat prototypo, relativum autem tantum improprium & analogicum Imagini, huic cultum latrâ, illi cultum dulæ, alteri cultum hyperdulæ? Quis contrà non videt, Pontificios coram Imagine prostratos eundem cultum illi exhibere, quem prototypo redderent? Nec aliter intelligunt, qui cum *Thoma* Imagines eodem cultu cum prototypo colendas censent, quam fuisse Concilii Tridentini mentem, *Andradius*, *Naclantus*, *Soto*, qui & ipsi pars Concilii fuerunt, testantur.

XXVIII. Cùm ergo liqueat vana esse & falsa quæcunque captant effugia, ad vim fulminis Legalis declinandam, Quid superest, nisi ut concludamus, Ecclesiam Romanam & quoad dogma & quoad praxim bene à nobis Idololatriæ ream peragi, adeoque Secessionem ab ea ita esse necessariam, ut nemo, salvâ conscientiâ, vel in ejus communione manere & ejus sacris interesse, vel ad eam redire queat. Quod si locus esset de Patrum & purioris Antiquitatis sententiâ super hoc argumento differendi; Quam proclive esset ostendere Imaginum cultum, vel incognitum fuisse in primis Christianismi seculis, vel apertè damnatum? Nam si hoc apud ipsos receptum fuit, Cur toties perstringunt, & falsè irrident Simulachra & Imagines Gentilium earumque cultum? ut videre est apud *Tertull.* Apol. cap. 22. *Minutium Felicem* in Octavio, *Lactant.* lib. 2. cap. 2. 14. 17. 18. *Athanasium* contra Gentes, & alios passim. Cur Gentiles hisce Christianorum sarcasmis respondentes, nunquam regerunt ipsis suum Imaginum cultum? Quod non omisissent procul dubio, si tale quid apud ipsos observâssent. Cur contrà, Carentiam Altarium, Templorum & Imaginum illis ut crimen objiciunt? Cur *nullas Aras habent*, inquit *Cæcilius* apud *Minutium Felicem* pag. 6. *Templa nulla, nulla nota Simulachra*; & apud *Orig.* lib. 8. *Celsus* ait nos *Altarium, Templorum, & Statuarum Dedicaciones fugere*, & apud *Arnob.* lib. 6. *Consuevitis crimen nobis maximum impietatis assignere, quòd neque Aedes sacras venerationis ad officia construamus, non Deorum alicujus Simulacrum constituamus*, &c. Cur vero Christiani ut se ab illo crimine purgent, nunquam reponunt falso hoc sibi impingi, siquidem & ipsi habeant Altaria & Simulachra. Sed ex adverso respuentes omnem Altarium & Imaginum corporearum usum & cultum, alia sibi Altaria esse, mentes scilicet fidelium, unde *ewolâx* ad Deum ascendit, Alias Imagines, virtutes nempe Christianas, sic *Orig.* contra *Celsum* lib. 8. pag. 400. *Pro Aris nobis est mens sua cuique, ex qua sursum feruntur*

tur verè ac spiritualiter suffitus suaveolentes, preces cum purâ conscientia; Simulachra autem Deo dicanda sunt, non fabrorum opera, sed à Verbo Dei dedolata formataque in nobis, videlicet vir.utes ad imitationem Primogeniti totius creatura, &c. Sic Minutius Felix, *Quod simulachrum Deo fingam, cum si rectè existimes, sit homo ipse Dei simulachrum*, &c. Cur Patres Hæreticis variis ut Gnosticis & Carpocratianis hunc tanquam errorem crassissimum exprobrant, quod venerarentur Imagines Christi, Apostolorum, Moïsis, &c. Ut Irenæus adversus Gnosticos lib. 1. c. 24. Epiphanius contra Carpocratianos in Panario lib. 1. Tom. 2. Hæres. 27. Perperam sanè, si & ipsi imagines coluissent.

XXIX. Sed tantùm abest ut eas coluerint, quin potiùs damnârunt expressè, ut colligere licet ex ipsorum Scriptis; loca referre non patitur Theſium brevitatis, sed consuli possunt *Origenes* contra Celsum lib. 3. pag. 135. & 139. & lib. 7. pag. 333. 386. 387. *Arnob.* contra Gentes lib. 6. pag. 671. *Lactan.* lib. 2. c. 18. 19. *Epipha.* in Epist. ad Joh. Hierosolym. quam Hiero. Latinitate donavit tom. 2. pag. 161. *August.* Epist. 119. ad Janu. c. 11. de fide & Symbolo C. 7. in Psal. 113. conc. 2. de Consensu Evangelist. lib. 1. cap. 10. de Civ. Dei lib. 4. cap. 31. Quibus addi possunt *Concilia* varia, ut *Elibertinum* in Hispania, quod juxta Baronium incidit in annum 305. quod expressè Imaginum Usus & Cultum prohibet Can. 36. de quo antea Th. XXI. *Constantinopolitanum* 338. Episcoporum sub Constantino Copronymo & Leone, anno 757. Ubi decretum, juxta secundum divinæ Legis præceptum, nec faciendas esse Imagines, scilicet ad Cultum religionis, nec adorandas, aut si adorationi prostitutæ fuerint, demoliendas esse & confringendas; *Francofurtense* & *Parisiense* de quibus suprâ. *Decreta* quin etiam varia ab Imperatoribus & Principibus adversus Imaginum cultum facta, imprimis à Valente & Theodosio, aliisque qui pium ipsorum zelum sequuti sunt, reclamantibus licèt Rom. Pontificibus acerrimis Imaginum Patronis: Quot vero quantæque ab 8. seculo rixæ super Imaginum erectione & cultu excitatæ fuerint inter Iconoclastas, & Iconolatrias, tum in Oriente, tum in Occidente, fusè referunt *Plessæus* in Historia Papat. *Chamierus*, *Forbesius Instrukt. Hist. Theol.* *Chemnicus*, *Molinaus*, *Dallaus*, & novissimè *Spanhemius*, qui hoc argumentum plenissimè est executus in *historia Imaginum restitutâ*, paucis à mensibus editâ.

XXX. Cùm ergo ex dictis pateat Imaginum cultum, non modo in Scriptura, vel puriori Antiquitate locum nullum habuisse, sed & expressè damnari tanquam Idololatricum: Non posse fidelem illi adherere sine certissimo salutis discrimine, adeoque vel solam hanc rationem Secessionis necessitatem nobis imposuisse, proclive est colligere. Nec movere Nos debent quæ à Pontificiis hîc

DISPUT.
IV.

Psal. 99. 5

Jer. 10. 3.
Habac. 2. 18.

in subsidium laborantis causæ afferuntur, quæ nullam vim habent ad Erroris confirmationem: Non *Imagines Cherubinarum* ad Arcam positæ; nam præterquam quòd remotæ erant à populi conspectu, adeoque non ad cultum, sed ad ornatum & symbolum tantum positæ; Non fuerunt *Imagines personales*, alicujus suppositi repræsentativæ, sed *figura Symbolica, & Emblematica* officii & usûs Objecti quod adumbrabant. Non *Adoratio*, quæ fiebat ad Arcam: Quia nec Arca Imago fuit, sed symbolum tantum Dei præsentis, Nec coram Arca procumbebat populus, quasi ipsa per se esset veneratione digna, sed coram Deo quem præsentem adesse Arca illa testabatur; Nec Psal. 99. 5. dicitur adorandum scabellum pedum Dei, sed *ad scabellum*, ut notetur *locus cultûs*, non verò *objectum*: Non *Visiones Dei* variæ sub specie corporea, & *locutiones Anthropopathica* quæ in Scriptura occurrunt. Quia aliud est metaphoricè de Deo loqui ad captûs nostri modulum; Aliud verò speciem ejus visibilem quasi veram & propriam pingere & omnium oculis subjicere. Aliud essentiam ipsam Dei aut Personas propriè repræsentare, Aliud opera & externam gloriam, seu præsentiam aliquo simbolo ad momentum quadantenus adumbrare. Adde quòd Deus potuit in Verbo quibuscunque signis placuit, sui præsentiam designare, sed nefas est contra ejus mandatum expressum eum in simulachro repræsentare, multò minùs colere. Non *Serpens æneus*, qui fuit typus Christi, sed non imago, & qui tantum abest, ut religiosè coli debuerit, ut contra ipsum jussit comminui Ezechias, licèt Dei jussu formatus fuisset, & multa miracula per ipsum essent præstita, statim atque populus cœpit ei adolere 2. Reg. 14. Nec elevatio ejus Erectionem ad cultum notabat, sed typicam passionis Christi repræsentationem Jo. 3. 14. Non denique *Dei recordatio*, quasi *Imagines sint libri Idiotarum*, qui ipsis in memoriam Deum revocent, eosque officii sui moneant: Nam longè alia mens est Spiritûs Sancti, qui *Lignum vanitatis Doctorem* pronunciat apud Jeremiam cap. 10. 3. & *conflatile Doctorem mendacii* apud Habac. 2. 18. Alii sunt libri, Aliæ *Imagines* quas sine periculo intueri possumus; *Liber Nature*, in quo expressa sunt virtutum Dei vestigia, ubi quot sunt *Creaturæ*, tot *Doctores*, qui nos monent officii nostri. *Liber Scripturæ*, in quo contemplari licet Christum vivam Patris Imaginem, & Sanctorum exempla nobis ad Imitationem proposita. Quid opus aliis libris mutis, qui non modò inutiles, sed & noxii & periculosi? per quos, ut observat *Polydorus Virgilius* de Invent. rerum lib. 6. cap. 13. *Eo insania deventum est, ut hæc pars pietatis parum differat ab impietate*. Sic Gerson in Regulis moralibus, *Nisi pia intentio*, inquit, *excusaret multos simplices, Idololatriæ censerentur*; Bellarminus ipse periculum esse non diffitetur, nisi adsit institutio lib. 2. cap. 8. Absit verò à nobis ut mutos istos *Doctores* unquam sequamur, qui non

non alia de causa populo obtruduntur, quàm ad eum à Scriptura abducen-^{DISPUT.}
 dum, quam meritò Ecclesia Romana fugit, & exhorrescit ut fures lucem,
 & fontes Lagem. Absit ut summâ in Deum injuriâ, summo Religionis
 Christianæ dedecore, & Judæorum ac reliquorum infidelium scandalo per
 μηχανάσθην διάνοιαν *mentem scortantem*, ut loquitur *Epipha. Idola ulla ze-*
lotypia in Templum ejus inducamus: Quin potiùs unico Doctore Christo
 contenti, eum in Verbo audiamus, & cùm non aliter legitimè se coli possè
 doceat, quàm in spiritu & veritate, hunc illi Cultum præ cæteris omnibus ac-
 ceptum semper exhibeamus, nec unquam patiamur fidem vel praxim ullâ
 erroris vel Idololatriæ labe infici. Γένοιτο.

I. JOH. V. 20. Τεκνία φυλάξατε ἑαυτὰς ἀπὸ τῶν εἰδώλων.

F I N I S.


DISPUTATIO QUINTA

Quæ est

DE TYRANNIDE ROMANA.

Respondente RENATO LA CHARRIÈRE

Privatensi.

I.  T vera Christi Ecclesia tribus præcipuè partibus constituitur,
 & totidem veluti characteribus internoscitur, *Veritate, Pie-*
tate, & Libertate, Veritate in *Doctrina*, Pietate in *Cultu*,
 & Libertate in *Regimine*: Ita falsa tribus potissimùm notis
 distingui solet, *Hæresis*, quæ Veritatem evertit, *Idololatriâ*, quæ Pietatis
 & Cultûs puritatem corrumpit, & *Tyrannide*, quæ Regiminis suavitatem
 & libertatem opprimit. Quemadmodum enim *Spiritus Christi*, qui à Capite
 totum Corpus mysticum pervadit & vivificat, triplicem solet nomenclatio-
 nem fortiri à triplici, quem in nobis producit, effectu, *Spiritus veritatis*
 Joh. 14. 17. & Sapientiæ Eph. 1. 17. qui mentes nostras illuminat ad cogni-
 tionem Veri, *Spiritus Sanctitatis* Ps. 51. 13. qui corda sanctificat & impellit
 ad praxim Boni, & *Spiritus libertatis & adoptionis* 2. Cor. 3. 17. qui homines à
 O 3 peccati

DISPUT. peccati & Diaboli servitute liberat, & in regiam filiorum Dei dignitatem
 V. evehit. Sic Spiritus Diaboli & Mundi, qui in falsâ Ecclesiâ regnat, tri-
 bus nominibus solet in Scripturâ designari ad exitalia ejus effecta conno-
Joan. 8.44. tanda, *Spiritus mendacii*, Joh. 8. 44. qui omnium errorum & hæresium
Matth. 10. est author, *Spiritus immundi*, qui ad omnis generis sordes nos incitat,
 3. *Matt. 10. 3. & 12. 43. & Spiritus homicida*, qui Tyrannide & sævitiâ
 1. *Joan 3.* ubique grassatur 1. *Joan. 3. 12.*

II. Hæc tria autem ita sunt gravia & periculosa, ut si unum vel alte-
 rum duntaxat in Cœtu aliquo, qui Ecclesiæ nomine gloriatur, obtineat,
 necessariò ab illo nobis sit secedendum, nec ulla possit cum illo commu-
 nio coli. Nam si testatur Apostolus, nullam communionem esse posse
 luci cum tenebris, Templo Dei cum Idolis, & Christo cum Belial;
 Quis dixerit in eâ Ecclesiâ fidelem manere posse, quæ vel hæresim ali-
 quam docet, vel Idololatriam fovet, vel Tyrannidem usurpat? Jam si
 tria ista seorsum singula justam & necessariam secedendi causam præbent;
 Quid fieri putandum est, quando omnia velut agmine factò simul con-
 currunt, & monstrosus Corpus ex hæresi teterrimâ, crassissimâ Idolola-
 triâ, & Tyrannide durissimâ conflatum constituunt; Hæc autem non
 seorsum tantum, sed conjunctim in Ecclesia Romana occurrere antea di-
 ximus, & quoad duo prima capita probavimus. Tertium nunc superest
 de *Tyrannide*, quam durissimam & intolerandam in Papatu vigere osten-
 suri sumus, adeoque cum libertate Christiana planè ἀσύσπαστον.

III. Hoc verò ut demonstramus, non aliò opus nobis est Argumen-
 to, quàm ut beatum Ecclesiæ Christianæ statum, & libertatis, quam illi
 acquisivit Christus, suavitatem, conferamus cum tristi Ecclesiæ Romanæ
 conditione, & multiplici jugo, quod imposuit ipsi Antichristus. Christus
 sanè in eum præcipuè finem venit, ut libertatem nobis acquireret; Propterea
 ἡμῶν noster & Redemptor vocatur, qui durissimâ pressos servitute liberare
 debuit, & Jubilæum Euangelicum promulgare, in quo non modò datur
 ἀφεσις seu remissio debitorum, ἀποκατάστασις & restitutio hereditatis cœlestis,
 quâ in Adamo excideramus, sed & liberatio & manumissio servorum, quæ
 tria fuerant Jubilæi legalis privilegia, quæ in Euangelicum potiori jure &
 longè nobiliori ratione quadrant. Quò pertinent verba ipsius Christi apud
 14. 61. 1. 2. *Isa. 61. 1. 2.* ubi mentio fit anni beneplaciti, in quo Unctus Domini debuit
 prædicare *servis libertatem, & captivis carceris aperturam*. Ut autem
 multiplex erat servitutis Jugum, quò premebamur, *Servitus Legis, servitus*
Peccati, servitus Mortis. Lex maledictionum fulmine & rigidâ cæremonia-
 rum observatione in homines regnabat; Peccatum reatu & dominio eos
 sibi mancipabat. Et Mors terroribus & pœnis Tyrannidem in eos exer-
 cebat. Ita Christus à triplici hoc jugo nos liberat; A *Legis servi-*
tute,

tute, quia factus ipse est pro nobis κατὰ ἡμᾶς, ut à maledictione Legis nos liberaret Galat. 3. 13. & finis ac complementum est Legis in iustitiam omni credenti Rom. 10. 4. ut non amplius simus sub Lege sed sub Gratia Ro. 6. 14. & mortui simus Legi Ro. 8. 5. & 6. Gal. 2. 29. *A Peccati iugo*, quia factus est peccatum pro nobis, ut essemus iustitia Dei in ipso 2. Cor. 5. 21. & factus in similitudinem peccati & pro peccato damnavit peccatum in carne Rom. 8. 3. *A Mortis imperio*, quia per mortem destruxit eum qui habebat imperium mortis, ut liberaret eos qui metu mortis per totam vitam erant obnoxii servituti Hebr. 2. 14. Quod Apostolus admirabili brevitate complectitur Rom. 8. 2. *quum Legem Spiritus & vita quæ est in Christo*, dixit ipsum liberasse à lege peccati & mortis: Nam quod Christus meritò suò nobis acquisivit, id ipsum Spiritus efficaciam nobis applicat, qui propterea distinguitur à Spiritu servitutis ad timorem, qui sub Lege vivebat, & Spiritus adoptionis & libertatis vocatur, Rom. 8. 15. & 2. Cor. 3. 17. Hic enim ut Spiritus gratiæ nos liberat à Lege per justificationem, ut Spiritus sanctitatis nos liberat à peccato per regenerationem, ut Spiritus vitæ & gloriæ nos liberat à miseria & morte per glorificationem.

DISPUT.
V.
Gal. 3. 13.
Rom. 6. 14.

Heb. 2. 14.
Rom. 8. 2.

Rom. 8. 15.
2. Cor. 3. 17.

IV. Quamvis verò dulcissima illa & verè aurea libertas, quam Christus nobis attulit, suis limitibus circumscribatur, & non sit quilibet agendi effrænis licentia, quod vellent Libertini, sed suam semper habeat Legem & jugum cui fideles subjicit, sed Legem suavem Christi & Jugum leve, Matth. 11. 18. & Galat. 2. 19. unde Apostolus hortatur eos, ne libertatem ad quam vocati sunt, trahant in licentiam carnis cap. 5. vers. 13. & Petrus ita liberos esse monet, ut sint semper Dei servi 1. Pet. 2. 13. Ita tamen eos eximit ab omni peccati vinculo & nexu, ut nullo amplius vel Ceremoniarum legalium, vel Traditionum quarumlibet humanarum iugo subesse possint & debeant, sed conscientia soli Deo obnoxia, ab eo etiam solo pendeat, & illi stet vel cadat. Quò spectant varia illa Pauli loca, in quibus seriè fideles monet, ut maneant in libertate, quam acquisivit ipsis Christus, nec pristino servitutis iugo denuò implicentur Gal. 5. 1. ut pretio redempti ne fiant servi hominum 1. Cor. 7. 23. Ne quis eos damnet in cibo & potu, vel dierum & sabbathorum discrimine, vel eos præceptis oneret ne comedat, ne gustat, ne tangeat, quasi adhuc viverent in mundo Col. 2. 16. 20. Unde si quis non jugum illud pristinum semel contractum revocare, sed aliud longè gravius & intolerabilius conscientiam imponere satagit; Ille nec Christum tenet, vel Spiritum ejus novit, nec cum illo partem ullam habere censendus est. Quænam enim Tyranno par esse potest cum legitimo Principe, servituti durissimæ cum dulcissima libertate, & Synagogæ Diaboli cum Ecclesia Christi?

Gal. 5. 13.
1. Pet. 2. 13.

Gal. 5. 1.
1. Cor. 7. 23.
Col. 2. 16.

DISPUT. V. Hoc autem Ecclesiæ Rom. esse crimen pertendimus, gravissimis adducti rationibus. Prima petitur ex *Primatu Papæ*, & Monarchiâ, quam sibi in totam Christi Ecclesiam ut Oecumenicus Pontifex arrogat, adeo ut nulli prorsus potestati quæcunque tandem illa sit, Civilis aut Ecclesiastica, obnoxius sit, ne tum quidem quum officio minimè fungitur. Canone *Si Papa* (verba sunt Gratiani distinct. 40.) *sua & fraternæ salutis negligens deprehenditur, inutilis & remissus in suis operibus & insuper à bono taciturnus, quod magis officit sibi & omnibus, nihilominus innumerabiles populos catervatim secum ducit primo mancipio gehennæ, cum ipso plagis multis in æternum vapulatu- ros, hujus culpas istic redarguere præsumit mortalium nullus, quod cunctos ipse judicaturus, à nemine est judicandus: & Causâ nonâ quæstione tertiâ, Aliorum hominum causas Deus voluit per homines terminari; sed Sedis istius Præsulem suo sine quæstione reservavit arbitrio &c.* Huic verò ab omni potestate sic exempto, reliqui omnes absque ullâ exceptione subji- ciuntur; Ita ut subjectio ista inter præcipuas Ecclesiæ notas recenseatur, imò statuatur esse de necessitate salutis. Sic enim Bonifacius VIII. in Extravag. de Major. & Obed. C. *Unam sanctam*, audacter & impiè definire aususest. Porro subesse Romano Pontifici omni humana Creature declaramus, dicimus & pronuntiamus esse de necessitate salutis. Imò tales volunt ejus esse sententias, ut contra eas ne hiscere quidem cuiquam liceat, apud Gratian. Causâ 17. qu. 4. *Nemini de Sedis Apostolica judicio judicare aut illius sententiam retractare permisum, videlicet propter Romanæ Ecclesiæ primatum, Christi munere in beato Apostolo Petro divinius collatum: Et ut cumulus perficiatur impudentiæ, summus Pontifex asseritur apud Glossatorem in Cap. quanto personam habere cæleste arbitrium, & ideo naturam rerum mutare, substantialia unius rei applicando alii, & de nullo posse aliquid facere, & sententiam quæ nulla est, facere aliquam, in his quæ vult illi esse pro ratione voluntatem, nec esse qui ei dicat, cur ita facis? posse enim supra jus dispensare, & de injustitia facere justitiam, corrigendo jura & mutando, demum plenitudinem obtinere potestatis. Ita jurisdictionem hanc tam latè patere contendunt, ut nihil sit in toto mundo ad Religionem pertinens, quod ex ejus nutu ac imperio non pendeat.*

VI. Nec abludit communis Doctorum sententia, qui supremam illam Pontificis auctoritatem tanquam præcipuum Ecclesiæ fundamentum obtendere solent; Audiatur vel unus Bellarm. lib. 3. de Eccl. milit. cap. 12. *Tenemur omnes sub periculo æternæ mortis verè Ecclesiæ nos adjungere & in illa perseverare, id est, Capiti ejus obedire, & cæteris membris communicare.* Et cap. 5. *Nemo potest, etiamsi velit, subesse Christo, & communicare cum Ecclesia cælesti,*

qui non subest Pontifici, & non communicat cum Ecclesia militante, &c. Imò eò usque progreditur impietas Cardinalis ut asserat lib. 4. de Pontif. c. 5. Quòd si Papa erraret praeiudiciò vitia, vel prohibendo virtutes, teneretur Ecclesia credere vitia esse bona & virtutes malas, nisi vellet contra conscientiam peccare, quod sine horrore nemo pius legere potest. Sic Joan. de Capistrano de Papæ Ecclesiæ autoritate, Papa Rom. sine comparatione major est omnibus, nec superiorem habet in terris, sed ipse est super omnes, tanquam qui de cælo venit Joannes Baptista, verba enim illa, qui de Cælo venit super omnes est, intelligi possunt de Summo Pontifice, omnia enim Petro subiecit Dominus, Ergo nihil exclusit, nec Imperatorem, nec Patriarchas, &c. Quò spectat etiam illud Nicolai Papæ in Epist. Nec ab Imperatore Pontificem, nec à Rege judicari posse, quoniam non est servus supra Dominum. Posset hoc luculentius confirmari ex intoleranda Rom. Pontificis superbiâ, ut supra τῶν ὑπερῶν sese efferat, non modò quod in terris nominatur, quales sunt Reges & Imperatores, sed & in cælis celebratur, quales sunt Angeli & Sancti, imò & in Templo Dei sedeat tanquam Deus, supremam sibi in Ecclesia potestatem vindicans, & Christo Domino se æquans. Verùm quia ista commodiùs poterunt pertractari in sequentibus; quum de Characteribus Antichristi sumus disputaturi: Sufficiet nunc *Primum* istum & summam totius Ecclesiæ Monarchiam attingere, tanquam certissimam Tyrannidis Romanæ notam, quam fugere genuini omnes Regni Christi subditi tenentur.

VII. Non diffitemur equidem memorabilem à Christo, Apostolis cæterisque Viris Dei, quorum operâ uti voluit ad Ecclesiam gubernandam, concessam esse potestatem, ut *Claves* Regni cælorum tum *Scientia*, tum *Regiminis* administrarent, & ligarent & solverent in Terris, quod ligatum & solutum esset in Cælis. Verùm eam omnem potestatem qualiscunque sit, ministerialem tantùm esse & subalternam, non absolutam & supremam contendimus, quæ Servos & Ministros deceat, non Domines, ne gloria quæ Christo soli competit, & quam ut impatiens consortis testatur se alteri dare non posse, in hominem mortalem & peccatorem impiè transferatur. Et si Rom. Pontifices intra justos potestatis istius & ministerii terminos sese continuissent, si claves istas mysticas ritè & ut par est semper tractassent, tum puræ doctrinæ præconio, tum sanctæ & bene constitutæ disciplinæ exercitio, debuissent sanè fideles ex Christi præscripto illis obtemperare; nec eorum obsequium sine crimine detrectare potuissent. Verùm quum relicto ministerio Dominium & Magisterium sacrilegè usurpârunt, & qui Ecclesiam ut Virginem puram soli Sponso Christo aptare debuerunt, sibi subicere, & infami adulterio legitimi Sponsi thorum invadere tentârunt; quum illi qui ad obsequium unius Chri-

DISPUT.
V.

sti conscientias captivare tenebantur, ipsi sibi mancipare ausu inaudito & planè intolerando moliti sunt; Quis non fateatur gravissimum esse Tyrannidis jugum, quod nemo subire potest, nisi qui legitimum Christi jugum & dominium excusserit.

VIII. Nam ut nihil nunc dicamus de Monarchiæ istius naturâ, quæ talis est, ut nemo mortalium tanto oneri par esse possit, multò minus quàm respectu Monarchiæ universalis in mundo, quàm tamen negant dari posse saniores Politici: Si Scripturam audimus, tam procul est ab ullo Primatu & Monarchiâ in Ecclesia instituendâ, ut eam expressè non semel ut tyrannicam & Christo injuriam damnet. Cur enim aliàs Christus discipulis de Primatu contententibus, tam sollicitè omne dominium interdixisset? Luc.

Luc. 22. 23. 22. 23. 24. *Reges Gentium dominantur eis, & qui potestatem habent in eas benefici vocantur, Vos autem non ita, sed qui maximus est inter vos, sit sicut minimus, & qui princeps est, sicut qui ministrat.* Cur Petrus tam expressè vetat Pastores, ut *συμπεριβούτερες* ipsum *κατακυριεύειν τῷ κυλήρων* 1. Pet. 5. 3.

1. Pet. 5. 3. Cur Paulus se non dominari fidei Corinthiorum testatur, sed servum esse

2. Cor. 1. 24. ipsorum propter Christum 2. Cor. 1. 24. Cur inter ministeria sacra, Pastores quidem & Doctores post Apostolos & Evangelistas; at nec Papam nec

1. Cor. 12. Cardinales recenset, 1. Corint. 12. Ephes. 4. 11. Cur toties idem unicum esse Dominum 1. Corint. 8. 6. unicum Caput Ecclesiæ, Ephes. 1. 22. & cap. 4. vers. 15. declarat? Et sanè si eidem Regno duo non possunt dari Monarchæ vel coordinatè vel subordinatè, citra evidentem contradictionem. Si unum Corpus duo Capita habere nequit, nisi sit monstruosum, Quis dixerit in Regno Ecclesiæ duos esse Reges, & duo in Corpore hoc mystico Capita?

ἐκ ἀγαθὸν πολυκοιρανίᾳ εἰς κειρανὸς ἔσω, εἰς βασιλεὺς.

Nec huic incommodo remedium afferri potest per σοφὸν Φάρμακον Capitis Primarii & Secundarii, injuriam fore Christo, si Papa diceretur Caput primarium, & quoad internam potestatem; sed posse dici optimè Caput secundarium cum Christo & sub Christo, quemadmodum non fit injuria Regi, si dicatur Prorex esse Caput Regni sub Rege, quin potius ejus augeatur gloria, quia semper Rex præsumitur esse nobiliori modo Caput. Nam primò distinctio est ἀσύσσωτος, siquidem qui Caput dicit & quidem supremum, diciteo ipso primum, quod supra se superius non agnoscit, nec unquam visum nec auditum, Corpus unum bene constitutum duo habere capita, unum primarium, alterum secundarium. 2. Falsò etiam supponitur, Papam dici Caput quoad externam directionem; cùm internam etiam potestatem sibi vendicet, leges ferendi conscientiæ obligativas, ut postea dicitur.

dicitur. 3. Exemplum quod affertur de Rege & Prorege, ad rem non facit, quia licet possit à Rege Prorex vel Præfectus constitui, qui Regis nomine gubernet, nemo tamen dixerit eum Regem posse vocari, & si quis ex subditis Regem appellet & salutet, vel si Regis nomen & autoritatem ipse sibi vendicat, tantum abest ut toleretur, quin potius ut reus Majestatis damnabitur. Ita possunt in Ecclesia Rectores & Ministri à Christo constitui, qui sub eo Ecclesiam gubernent; sed immanis fieret Christo injuria, si honorem Regis & Capitis soli Christo debitum invaderent. Uno verbo cum Christus sit Monarcha, Caput & Sponsus Ecclesiæ, qui profitetur se illis affuturum semper; nec Vicarium nec Socium ferre potest, sic enim Monarcha non esset *μὲν*, & Corpus esset biceps, & Sponsus admitteret thori socium, quod non est ferendum. Unde Gregorius I. titulum Pontificis Oecumenici ceu Antichristianum & omnino Tyrannicum detestabatur epist. 38. ad Johannem Constantinopolitanum l. 6. epistol. *Ego fidenter dico, quia quisquis se universalem Episcopum, vel Sacerdotem vocat, vel vocari desiderat, in sua elatione Antichristum præcurrit.*

IX. Cum verò maximum sit Primatus istius momentum, utpote à quo tota Religio Romana pendet, tantæ Autoritatis procul dubio leve non debet esse fundamentum. Sed licet magno molimine passim urgeatur, facile tamen observare est, aquam ipsis hac in parte hærere, nec invenire quomodo Nostris satisfaciant, quum tanti Principatus, quem Papa sibi sumpsit, petunt ex Verbo Dei fundamentum. Imò non obscure colligi potest molestissimam Pontificiis semper visam fuisse quæstionem, quam declinare subinde conati sunt, quia satis intelligebant autoritatem istam nullâ divinâ institutione subnixam, nullo legitimo fultam esse argumento. Unde Paulus III. coacto Concilio Tridentino, Legatos suos præcipuè de hoc articulo monuerat, ne unquam quacunque de causa ad disputationem Papæ veniretur, ut patet ex hist. Conc. Trid. l. 2. Et Pius V. instaurato hoc Concilio, subito metu percussus fuit, ne autoritas Pontificia in discrimen veniret, si de eo disceptare tur; adeò ut de Concilio inhibendo non semel cogitaverit, nisi à tam damnofo consilio dimoveri se passus fuisset, ut refert III. Thuanus Tom. 2. l. 32. ad ann. 562.

X. Scio subinde afferri ad malæ causæ præsidium decantatissima Christi ad Petrum verba Matth. 16. 18. *Tu es Petrus & super hanc Petram ædificabo Ecclesiam meam* &c. Quasi hinc clarissimè constet, Petrum non modò fuisse à Christo constitutum Ecclesiæ fundamentum, sed etiam Principem & Monarcham cum Successoribus suis. Verùm nihil vanius & falsius hoc figmento. Primò quia perperam & gratis supponitur *Petram*, de qua Christus loquitur, esse ipsam personam Petri; Cum variis rationibus demonstrari queat, non posse nec debere hoc ad Petrum ipsum referri, 1. quia *Petra* hic expressè distinguitur à Petro, *ὅς ἐστ,*

*Primatus
Papæ non
probat ex
Matth. 16. 18.*

- DISPUT. Πέτρος καὶ ἐπὶ αὐτῇ τῇ πέτρῃ; At si Petrum voluit designare, cur non eandem vocem retinet, sed aliam diversi generis usurpat? Nec obstat quòd Syriacè loquutus sit Christus, apud Syros autem ܡܬܢܐ promiscuè usurpari & pro Petro & pro Petra, sine generis mutatione: Nam licèt Christus Syriacè loquutus sit, & eà linguà *Petrus* & *Petra* eodem sono efferrantur, notum tamen non idem servari genus; nam quum ponitur pro *lapide* fœmininum est, quum pro personâ masculinum; Adde quòd Matthæus Græcè scribens, non tam sollicitè distinxisset inter Πέτρον & πέτραν, nisi ad exprimendam Christi mentem, ne quis Petrum talem Petram esse arbitretur, sed ab ea Petra Petrum fuisse donominatum constaret. Ut verò non potest idem esse nomen & denominatum, Ita nec Petra nomen, unde Petrus denominatur, potest idem esse cum ipso. Aug. tract. 124. in Joh. *Ecclesia fundata est super Petram, unde & Petrus nomen accepit, Non enim à Petro Petra, sed Peirus à Petra; sicut non Christus à Christiano, sed Christianus à Christo vocatur.* Secundò Petrus non potest esse Petra, de quâ hîc agitur, quia pars est & membrum Ecclesiæ, quæ super eum est ædificanda, unde vel super se ipsum ædificaretur, vel debet à Petra distingui. Tertiò firmitus adhuc hoc ipsum colligitur ex natura rei quæ hîc promittitur, ædificatione scilicet Ecclesiæ; At cùm Paulus testetur 1. Cor. 3. 11. nullum aliud fundamentum poni posse præter Christum, hoc in Petri personam sine sacrilegio transferri non posset. Quartò nullus melior interpret dari potest ipso Petro, qui hoc non ad se, sed ad solum Christum refert primæ
1. Cor. 3. 11. 1. Pet. 2. 4. 5. Nec obstat potest pronomen demonstrativum αὐτῇ, *super hanc petram*, quod videtur referendum ad proximè antecedens, ut sit positum loco relativi, ut vult *Maldonatus*, quasi dixisset, Tu Petra es, super quam ædificabo Ecclesiam meam. Nam primò non est necesse, paulò antè eam Petram fuisse nominatam ab ipso Christo, sed sufficit de ea fuisse jam factum sermonem; ut omnino factus fuit, si Petra ad confessionem Petri, vel ad Christum quem confessus erat, referatur. Deinde quis nescit istiusmodi pronomina non semper ad proximè & immediate præcedens, sed aliquando ad remotius referri, quando rei natura hoc exigit? Vide Act. 2. 22. 23. & 3. 15. 16. 2. Thessal. 2. 8. 9. Ita licèt hoc referamus vel ad Christum, vel ad Confessionem & Fidem Petri, nihil inde coacti exurgit, sed sensus optimè fluet, maximè si addimus, in nomine Petri Petram posse dici includi, quasi Christus dixisset, Tu diceris Petrus à me Petra, super quam ædificabo Ecclesiam meam. Nec novum est relationem fieri aliquando ad vocem in præcedente aliqua dictione latentem, ut Joh. 8. 44. de Diabolo loquens Christus ὁ ἰσχυρὸς ἐστὶ καὶ ὁ πατὴρ αὐτοῦ, quid αὐτοῦ? nempe ἰσχυρὸς, quod latet in voce ἰσχυρὸς. Quid si dicamus pronomen hoc non sumendum esse ἀναφορικῶς, sed δεικτικῶς de loquentis

quentis persona? quomodo Joh. 2. 19. *soluite templum hoc* Christus dicit suum corpus indicando, vel palmâ pectus percutiendo, Domino nostro vocem suam gestu adjuvante. Sic potuit Christus se ipsum designando dicere, super hanc Petram, à qua tibi nomen Petri inditum, ad significandam firmitatem tuam in fide, & operam in Euangelii ministerio olim præstandam, ædificabo Ecclesiam meam; quod commodè interpretatur Augustinus *super me*, inquit, *ædificabo te, non me super te.*

XI. Atque hinc jam patere potest, quid per *Petram* designare voluerit Spiritus S. nimirum ipsum Christum, quem ore confessus fuerat Petrus, & quem corde crediderat, qui verè est πέτρα ἀδάμαντις & rupes seculorum, contra quam nec venti tentationum, nec fluctus decumani persecutionum mundi quicquam possunt, ut sæpissimè eo nomine venit in Scriptura, Deutero. 32. 4. Psal. 18. Isa. 26. 4. Matth. 7. 24. Atque ita facile conciliantur variæ Veterum sententiæ super hoc argumento. Quidam de Christo ipso exponunt, ut *Augustinus* de verbis Domini secundùm Matth. Sermon. 13. *Super hanc Petram quam confessus es, super hanc Petram quam cognovisti dicens, Tu es Christus Filius Dei vivi, ædificabo Ecclesiam meam*, quod confirmat alibi sæpius, Tract. 124. in Joh. & de Trinitate lib. 2. cap. 17. Retract. lib. 1. cap. 24. *Ambrosius* Serm. 85. *Rectè ergo quia Petra Christus, Simon nuncupatus est Petrus, ut qui cum Domino fidei societatem haberet, cum Domino haberet nominis Dominici unitatem, ut sicut à Christo Christianus, sic à Petra Christo Petrus Apostolus vocaretur.* Hilar. de Trinit. lib. 2. *Unum ergo est immobile fidei fundamentum, una hac felix Petra Petri ore confessa, Tu es Filius Dei vivi.* Sic Theodoretus in Psal. 47. Hieron. ad Matth. cap. 7. Alii de confessione & fide Petri, Chrysost. in h. l. ἐπὶ ταύτῃ τῇ πέτρᾳ τῆς ἐκκλησίας τῆς ὁμολογίας, *super hac Petra id est fide confessionis.* Theoph. pariter αὐτῇ ἡ ὁμολογία, ἢ ὡμολόγησις, θεμέλιον μέλλει εἶναι τῶν πιστευόντων, *hæc confessio, quam confessus es, fundamentum erit credentium.* Hilarius 6. de Trinit. *Super hanc igitur confessionis Petram, Ecclesia ædificatio est.* Quod omnium optimè exponit Basilii Seleuciæ in h. l. *Hanc confessionem cum nominasset Christus Petram, Petrum nuncupat eum, qui primus illam est confessus, donans illi hanc appellationem, tanquam insigne & monumentum huius confessionis; hæc enim est revera pictatis petra, hæc salutis basis, hic fidei murus, hoc veritatis fundamentum, fundamentum enim aliud nemo ponere potest præter id quod positum est Iesus Christus.* Sic Isidor. Pelusi. lib. 1. epist. 235. Cyrill. lib. 4. Dial. cum Hermia. Theod. lib. 2. in Cant. Licet verò verbis differant, sensu tamen & reipsâ conveniunt duæ istæ sententiæ, & ut loquitur Augustinus, *locutionum fuit diversitas, non sententiarum*, Sive enim ad Confessionem & fidem referamus cum Chrysostomo; Sive ad rem vel personam confessione designa-

DISPUT.
V.
Joh. 2. 19.

Quid per
Petram in-
telligatur?

Deut. 32. 4.
Ps. 18.
Is. 26. 4.
Matth. 7.
24.

DISPUT. V. tam, Christum scilicet ut Augustinus & alii, res eodem redit; quia neque confessio, neque fides per se conferunt ad ædificationem Ecclesiæ, nisi metonymice ratione *objecti*, nimirum Christi, quem amplectuntur. Imò si qui ex Patribus ad Petrum referunt, non tam attendunt ejus *personam*, quam *fidem* & *doctrinam*, quæ sæpe in Scriptis eorum metonymicè *Petrus* dicitur, quæ fuit & est hodieque, ac semper erit firmissimum Ecclesiæ fundamentum.

XII. Nec sic sentiunt tantum Patres, sed quamplurimi nec ignobiles ex Adversariis, quorum alii de Christo, alii de fide & confessione Petri Petram interpretantur, Lyranus, *super hanc Petram, quam confessus es, id est super Christum*. Glossa interl. *Petram* exponit *Christum in quem credis*. Et ordinaria, *Petrus à me Petra, ita tamen ut mihi retineam dignitatem fundamenti, Tu super me ordinabis lapides multos*. Sic Cardinalis de Alliaco, Joan. Arboreus Theosoph. lib. 5. cap. 5. Peregrinus in Daniele cap. 2. ubi docet Christum lapidem dici, tum ob alias rationes, tum quia est *Petra, super quam est fundata Ecclesia*, &c. & huc pertinet illud vulgatum.

Petra dedit Petro, Petrus diadema Rodolpho.

Alii malunt ad fidem & confessionem Petri referre; Glossa ordi. Decretorum distinct. 19. Capite *Ita Dominus*, Et super hanc Petram, *Per hanc distinctionem non credo Dominum aliud demonstrasse, quam hæc verba, quæ Petrus respondit Domino, quum dixit, Tu es Christus Filius Dei vivi, quia super illo articulo fidei fundata est Ecclesia, super se ipso fundavit Dominus Ecclesiam*. Sic Adrianus I. in Epist. ad Episcopos Gallicie & Hisp. quæ est in Actis Concilii Francofurtensis, *super hanc Petram quam confessus es, & à quâ vocabili sortitus es dignitatem, super hanc soliditatem fidei Ecclesiam meam edificabo*; Joannes de Turre Cremata de summa Ecclesiæ lib. 2. cap. 10. *Ecclesia est fundata super Petram id est fidem Christi*, &c. Sic Dionysius Carthusi. in h. l. Gorranus, alii, & præcipuè Ferus, qui optimè loci sensum reddit, *Et hoc claret, quod Christus Ecclesiam suam non super Petrum aut quemcunque alium hominem edificavit, alia igitur Petra inquirenda est, Petra ergo primariè Christus est, cui tota Ecclesia superædificata est. Deinde quia per veram fidem Christo conjungimur & sic quodammodo petra scimus, si sic loquimur; Et ipsa igitur fides Christiana & veritas Evangelica firma & inconcussa petra illa est, super quam Christus edificavit Ecclesiam suam*.

XIII. Duo præcipuè huic sententiæ opponuntur. Primum, Christum de re futura loqui *edificabo*. At non ædificanda erat aut ædificari tunc cœperat Ecclesia, sed fuerat jam olim ædificata; Itaque ita loquutum esse, quia nondum constituerat Petrum fundamentum. Verum nihil hîc est quod nos morari debeat: Nam

ita ædificata erat jam Ecclesia super Christum, ut adhuc ædificanda esset in posterum, & quidem peculiari ratione, non ut Ecclesia particularis Judaica, qualis fuerat antea, sed ut Ecclesia Christiana Catholica per totum orbem dispersa, quæ post Pentecostem demum propriè cœpit ædificari ministerio Apostolorum. Potuit ergo in futuro loqui Christus, etsi de Petro non cogitaret. Imò ex hypothesi Adversariorum non constituendus erat tantum in fundamentum Ecclesiæ, sed ex verbis, *Tu es Petrus*, expressè jam constituebatur de præsentī.

DISPUT.
V.

XIV. Alterum, Quòd positā istā sententiā nihil hīc Petro singulare tribuatur: cū tamen verba Christi apertè hoc videantur connotare; nam in præmium eximiæ quam ediderat confessionis statim addit, *Et ego dico tibi, Tu es Petrus* &c. quasi diceret Tu me Christum confessus es, Et ego vicissim pro illa tua libera confessione hoc tibi repono, Tu es Petrus &c. At si Petra de Christo intelligitur, quid hoc ad Petrum attinet, quænam merces propria Petro rependitur, quis honor defertur? Sed frustra hoc urgetur. Primò quia Petrus non suo tantum, sed & aliorum nomine respondet, in signum & argumentum unitatis fidei omnium; Ut Christus non Petrum solum, sed omnes interrogaverat, *Et vos quemnam dicitis esse me?* *ψ. 15.* Ita responsio Christi quæ additur ad omnes spectat, ratione doctrinæ communis & æqualis Apostolatūs, quasi diceret, In vicem confessionis quam edidisti, Tibi vicissim dico, quòd, sicut cognomen Petri tibi imposui in signum firmitatis fidei quam tibi daturus sum, & Apostolatūs ad quem te voco, faciam ut doctrina istius fidei à te prædicata, sit fundamentum Ecclesiæ meæ, & authentica ac *θεωρεως* & veritas, ad quam cæteræ omnes doctrinæ componi debent. Secundò licèt daremus, Christum aliquid singulare Petro promittere, An propterea dicendum esset, illum constitui Monarcham & Caput Ecclesiæ? Nonne satis magna Petro rependitur merces pro edita confessione, quòd beatus prædicetur, quòd Petri nomen ei inditur ad præsignificandam ipsius in fide constantiam, Luc. 22. 32. & fidelem quam in Euangelii Ministerio præstiturus erat operam, quòd Doctrina ejus Ecclesiæ fundamentum statuitur, quòd claves Regni cœlorum illi promittuntur; An verò tot tantæque privilegia ita sunt exigua, ut nihil retributum Petro dici possit, nisi Monarcha Ecclesiæ constituatur; Scio hoc etiam ad singulare Petri privilegium à quibusdam Viris doctis post Tertull. lib. de Pudic. cap. 21 referri, quòd primus Ecclesiæ Christianæ fundamenta jecerit, tum inter Judæos Act. 2. 14. tum inter Gentes Act. 10. 34. & 15. 7. atque eatenus dici ædificandam Ecclesiam super ipsum, quia primus omnium hoc efficere debuerit & ut scitè Tertullian. *primus clavem imbuat.* Quo sanè sensu aliquid

Act. 2. 14
10. 34
15. 7.

Disput.
V.

quid singulare Petro præ cæteris tributum esset, sed quod ad Successores ejus, si qui essent, utpote merè personale, pertinere non posset. Verùm licèt facilè concedam, hanc prærogativam Petro concessam fuisse; nescio tamen an commodè ex isto loco adstrui posset, ubi agitur non tam de fundatore & Architecto, qui ædificium debet instruere & fundamentum jacere, quàm de fundamento ipso, cui debet superstrui; Nec unquam similis locutio vel apud sacros vel apud profanos Authores facilè invenitur, in quo domus super Architectum ædificata legatur, quamvis sæpe hic vel ille dicatur domum ædificasse & fundamenta ejus jecisse. Nec locus qui affertur ex Apoc. 21. 14. ubi nomina Apostolorum dicuntur inscripta duodecim fundamentis Civitatis, hoc evincit, vel qui petitur ex Eph. 2. 20. ubi Ecclesia dicitur *superstrui fundamento Prophetarum & Apostolorum*. Nam, ut jam suprà insinuavimus, hoc non ad personas, sed ad doctrinam referendum est, quasi dicat Apost. fidem Ephesiorum niti autoritate utriusque Testamenti, ut explicat *Justinianus*, & doctrinâ tum Prophetarum tum Apostolorum; id enim de personis Prophetarum intelligi non posse, satis ex ipsorum commigratione ad Deum constat. At Moysen & Prophetas adhuc habemus, ut ait Abraham ad epulonem Luc. 16. quia eorum doctrina libris Veteris Testamenti consignata nunc etiam locum obtinet, unicum autem dicitur fundamentum quoad consensum & doctrinam, quamvis multiplex sit quoad personas.

XV. Quamvis verò daremus, quod non concedimus tamen, hanc Christi promissionem ad Petri unius personam respicere, ne sic quidem evincerent Adversarii, Pontifici hoc jus competere, quandoquidem longissimè distat à Petro Papa, nec ab illo ad istum ulla potest duci consequentia. Nam, ut nunc non dicamus non posse Successorem ejus censeri, cùm incertum sit an Petrus Romæ fuerit, imo gravissimis argumentis demonstrari posset, si id nunc ageremus, Petrum Romam nunquam vidisse. Quis non videt privilegium quod hic Petro confertur, singulare esse quod ad alium extendi nequit? vel munus Apostolicum respicere, quod extraordinarium fuit, & proprium personis Apostolorum, adeoque ἀδικοδοξον, ut enim illi soli δόκοντες οὐκ ἐσθλόντες fuerunt, & infallibiles in doctrina; Ita soli potuerunt fundamentum esse Ecclesiæ respectu doctrinæ.

XVI. Porro licèt *Claves* Petro dicantur traditæ, non inde sequitur Principem & Monarcham constitutum fuisse Ecclesiæ. Primo quia claves *sunt ministerii*, quæ dantur Oeconomis & Servis, 1. Cor. 4. 1. 1. Cor. 4. 1. qualis fuit Eliakim Is. 22. 20. Non *claves Domini*, quæ dantur Regi & Principi, quo sensu Christus dicitur Apoc. 3. 7. *habere clavem Davidis qui claudit & nemo aperit, & qui aperit & nemo claudit*. Secundo Claves istæ non soli Petro fuerunt datæ, sed

sed in persona Petri unitatis significandæ gratiâ, ut Veteres observârunt, DISPUT.
 omnibus Apostolis, imò & singulis Ecclesiæ Ministris, unde quod hîc V.
 Petro vindicatur, aliis promittitur, Matth. 18. 18. *Amen dico vobis, Matt. 18. 18.*
quæcunque ligaveritis in terris, ligata erunt in cælis, & Joan. 20. 23. *Quo-* Joan. 20.
rum remiseritis peccata remittentur eis, quorum retinueritis retenta erunt. 23.
 Quod attinet verò *Triplex pascæ*. Joan. 21. 15. &c. illi à Christo com- Joan. 21.
 missum, nullum primatum vel dominium potest conferre, sed tantum 15. &c.
 ejus ministerium confirmat, & trinæ abnegationi, in quam lapsus fuerat,
 triplicem opponit amoris stipulationem, triplicemque in munus restitu-
 tionem, ut pasceret cum cæteris, non præ cæteris, inter cæteros ut so-
 cius, non supra cæteros ut Monarcha. Ex quibus, ne diutius in hoc ar-
 gumento immoremur, colligitur clarissimè, Petrum nullum sibi vindicare
 potuisse principatum vel Primatum in Ecclesia. Quod si Primatus aliquis
 illi tribuendus venit, quo sensu *primus* vocatur, Matth. 10. 2. & sæpe à Matt. 10. 2.
 Patribus *Princeps Apostolorum*, est tantum *Primatus ordinis*, vel *Prima-*
tus honoris & existimationis propter dotes eximias, quibus præditus erat,
 quo sensu Jacobus & Joannes cum ipso vocantur columnæ, Gal. 2. 9. & Galat. 2. 9.
 præcipuè ob zeli ardorem & *δυσμείνεια*, quâ impulsus sæpe primus inter
 Apostolos & omnium nomine Christo respondebat: Sed non fuit *Primatus*
Authoritatis vel *Jurisdictionis*, de quo disputamus, & quem Tyrannicum
 esse meritò statuimus.

XVII. Ex hoc porrò Primatu varia Pontificiæ Tyrannidis Capita exur- Papa ex
 gunt, sed Tria ista præ cæteris, Quod in Imperatores & Reges potesta- Primatus
 tem sibi arroget. Quod in animas & conscientias sibi jus competere cre- potestatem
 dat. Quod in Corpora & facultates hominum sibi omnia licere putet. Et in Reges
 ut de *Regibus* dicamus primùm, Quis nescit Rom. Episcopos, qui per usurpat.
 multa secula subiecti fuerant Imperatoribus, cadente Imperio Romano,
 per ejus ruinas gradum sibi fecisse ad id dignitatis fastigium, quod formi-
 dabiles & tremendos eos reddidit Principibus & Regibus Terræ, eate-
 nus ut postquam locupletati fuerunt eorum liberalitate, hanc retulerint
 ipsis gratiam, ut intolerandâ superbiâ super ipsos Caput extulerint, & sce-
 lere inaudito eorum colla impiè premere & sibi subicere ausi sint. Nam
 ut nunc nihil dicamus de *Osculo pedum*, quod ad morem Rom. Impera-
 torum invexerunt superbissimè, ut in Concilio Rom. sancitum sub Gre-
 gorio VII. teste Baronio ad ann. 1076. Nihil etiam de contumeliis innu-
 meris Regibus & Imperatoribus sæpius illatis, ut quod refert Matthæus Pa-
 ris de Henrici II. Angliæ Regis flagellatione, & quod ab aliis narratur de
 Frederico Ahenobarbo, cui ad pedes Alexandri III. provoluto Vene-
 tiis ad obtinendam Othonis filii captivi libertatem, superbissimus
 Pontifex cervicem pede premens, hæc dicitur intonasse, *super aspidem*

DISPUT.
V.

& basilicum ambulabis, & conculcabis Leonem & Draconem, ad quem Fridericus, Non tibi, sed Petro hoc dictum est, regessit Papa & mihi & Petro. Hæc gesta sunt anno C. 1177. referente Bessarione apud Baronium, Stellâ de vitis Pontificum, Hieronymo Bardi Florentino, qui de rebus Venetis Italicè scripsit accuratissimè & historiam hanc fusè describit, in exemplum scilicet humilitatis Apostolicæ. Sed ista exigua sunt præpotestate, quam sibi arrogant in Cæsarum & Regum coronas & vitam, quasi penès ipsos sit Reges deponere & Solio deturbare, Regna transferre vel prædæ exponere, Subditos fidelitatis juramento exsolvere, aliaque id genus quamplurima præstare, quæ Principum Majestati & securitati sunt perniciosissima. Ne verò tantum crimen gratis videamur impingere Adversariis, paucis ostendamus, hoc non modò præcipuorum Doctorum inter ipsos calculis, imò & variis Conciliorum Decretis, & Pontificum placitis esse sancitum, sed etiam exemplis nimis multis teterrimis confirmatum.

XVIII. Papam potestatem habere Reges exauthorandi, & subditos à fidelitatis juramento liberandi, adeò communiter receptum est inter ipsos, ut *Bellarminus, Baronius, Perronius* hanc vocem esse pertendant totius Ecclesiæ Catholicæ, & *Bellarminus* in præfatione libri adversus Barclaium vocet eam *Causam universæ Ecclesiæ, & sententiam Ecclesiæ Catholicæ*, quam etiam magnâ Authorum nube confirmat. *Concilium Lateranense* sub Innocentio III. anno 1215. hæc expressè habet, *Si Dominus temporalis monitus terram suam purgare ab hæretica pravitate neglexerit, per Metropolitanum, & Comprovinciales Episcopos Excommunicationis vinculo innotetur; Si satisfacere contempserit intra annum, significetur hoc Summo Pontifici, ut intimos ejus Vassallos ab ejus fidelitate denunciaret absolutos, & terram exponat Catholicis occupandam.* Lugdunense pariter sub Innocentio IV. Fridericum II. Imperiò spoliât. Huc pertinent Dictatus Papæ Gregorii VII. inter quos isti etiam recensentur, *Quod solus uti possit Imperialibus insigniis. Quod solius Papa pedes omnes Principes deosculentur. Quod unicum est nomen in mundo, Papa videlicet. Quod illi liceat Imperatores deponere. Quod à fidelitate iniquorum subiectos possit absolvere.* Et Canones varii, præsertim *Gelasii, Alius item Romanus Pontifex Zachariam Regem Francorum, non tam pro suis iniquitatibus, quam pro eo quod tanta potestati erat inutilis, à Regno deposuit, & Pipinum Caroli Imperatoris Patrem in ejus locum substituit, omnesque Francigenas à juramento fidelitatis absolvit, &c.* Et Gregorius VII. Rom. Synodo Præsidens, *Nos Sanctorum Antecessorum nostrorum statuta tenentes, eos, qui excommunicati fidelitate aut sacramento constricti sunt, Apostolicâ autoritate à juramento absolvimus, &c.* Et Canonistæ eò usque progrediuntur, ut ex Papa Regem faciant, &

ex Regibus totidem Vassallos & subditos Papæ. Licet verò Bellarm. videatur non usquequaque probare hanc Canonistarum sententiam, tamen hanc Papæ in Reges Potestatem fortiter adstruit, & variis Doctorum Testimoniis confirmat, Italicorum, Gallorum, Hispanorum, Germanorum, Anglorum, quorum loca legi possunt in libro contra Barclaium, quibus addit, *Si hac non est Ecclesia Catholica vox, ubi obsecro eam inveniemus? & si est, ut verissime est, qui eam audire contemnit, ut Barclaius fecit, an non ut Ethnicus & Publicanus, & nullo modo Christianus habendus erit? Si non habet Pontifex Summus potestatem in terris disponendi de temporalibus, usque ad depositionem Principum eorum, qui vel ipsi hæretici sunt, vel hæreticis quoquomodo favent, Cur in editione hujus Canonis nullus ex tanto numero reclamavit? Cur ne unus quidem, ex tot Imperatorum, & Regum Oratoribus mutire ausus fuit? Nondum videlicet parafiti Principum temporalium exorti fuerant, qui ut regna temporalia stabilire videantur, regnum æternum iis, quibus adulantur, eripiunt. Jesuitæ sanè omnes, ut præcipua Papatûs columnina pedibus eunt in eam sententiam. Imò si quis eam negare sustineat, eo ipso in hæresim incurrere pertendunt. Schulkenius pro Bellarmino contra Barclaium, hæreticum vel certè erroneum est & temerarium dicere, Pontificem ut Pontificem, & ex jure divino non habere potestatem privandi Principes seculares suo Principatu, quando id bonum spirituale, sive ingens necessitas exigit. Idem & Lessius tuetur, Eudemone-Johannes in Epist. monitoria ad J. Barclaium rotundo ore pronunciat sine controversia non Bellarmini modò, sed Pauli etiam Summi Pontificis & Catholicorum omnium judicio hæresim esse. Bellarm. in Respons. ac Apol. pro Juram. pag. 638. Probabimus in hoc eodem juramento non agi de sola civili obedientia, sed agi de fide Catholica, & paulò post, Quæritur abnegatio fidei Catholica, & ut obediat homini contra obedientiam Dei. Perronius multus est in hoc capite probando in Cœtu Ordinum Regni anno 1615. ubi itum est in eam sententiam, reclamantibus Delegatis Populi, Papam posse adimere Regna, & Regem exauthorare. Consule pag. 600. 602. 620. 621. 634. opusculorum. Plura possent Jesuitarum testimonia afferri huc pertinentia ex Azorio in Institut. Moral. Avilâ de Censuris, Beccano in Controversia Anglicana, Clari Bovarscii aut Scribanii Amphitheatro. Jo. Osorio, Jo. Mariana, Eman. Sà, Salmerone, Valentia, & aliis non paucis, qui Papalem Monarchiam mordicus defendunt. Stapletonis verba Controv. 3. de primar. subjecto potestatis Eccles. q. 5. art. 2. expressa sunt: *In casu peccati mortalis, & maxime hæresis, potissimum, quando in publicum aliquod, & magnum Ecclesia detrimentum vergit; Rom. Pontifex, tanquam supremus Ecclesia Pastor, ad Ecclesia conservationem, & punire quosvis Principes potest, & si rei necessitas exigit, regnò privare.**

DISPUT.
V.

XIX. Papæ autem potestatem competere Reges deponendi, variis ex causis censent, quales sunt crimen hæreseos, Bell. de R. P. lib. 5. cap. 7. *Non licet Christianis tolerare Regem infidelem vel hæreticum, si ille conetur pertrahere subditos: at judicare an pertrahat ad hæresim, pertinet ad Pontificem.* Bannes in 2. 2. q. 12. art. 2. §. circa ult. Concl. *Ecclesia non tantum privat dominio in subditos Principes apostatas perfecte, verum illos, qui lapsi sunt aliquo pacto in hæresim.* Tolerantia hæreticorum, & negligentia in iis excindendis. Grego. IX. Decr. lib. 5. tit. 7. cap. 16. *Absolutos se noverint à debito fidelitatis dominii, & totius obsequii, quicumque lapsis manifestè in hæresim aliquo pacto quacunque firmitate vallata tenebantur adstricti.* Hinc Excommunicationis contrahit pœnam, qui cum Excommunicato communicat. Caus. 11. q. 3. *Excommunicationis contrahit pœnam, qui excommunicatis communicat.* Raymundus in summa lib. 1. tit. de hæreti. l. 7. *Index vel potestas secularis, non solum propter hæresim suam, sed etiam propter negligentiam contra hæresim extirpandam, potest non solum excommunicari ab Ecclesia, sed etiam deponi.* Quo pertinet Decretum Concilii Lateranensis, *Si Dominus temporalis, &c.* de quo thesi præcedenti. Inutilitas, insufficientia, ignavia, ætas ad regendum inepta, prodigalitas, & aliæ id genus, quarum cognitio ad solum Pontificem pertinet, Bannes in 2. 2. q. 10. Art. 10. 4. Concl. *Quando utendum sit hac potestate, relinquitur ejus dominio vel judicio, & Ballarm. lib. 5. de R. P. cap. 7. Pontificis est judicare, Regem esse deponendum, vel non.* Imò tantam esse ejus potestatem pertendunt, ut etiam sine culpa possit Regna transferre. Bozius lib. 17. de signis Ecclesiæ, *In quo elucescit autoritas Papæ, qui potest justis de causis, vel sine causa, ab aliis in alios, jura maxima, qualia sunt imperii, decreto suo transferre.*

XX. Nec verbis tantum dira hæc Tyrannis fancita fuit; sed exemplis innumeris confirmata. Referunt Pontificii Scriptores ad perpetuam Pontificis sui gloriam, Gregorium II. parte imperii multâsse Leonem III. Imperatorem; Zachariam deposuisse Childericum Francorum Regem, & Pipinum in ejus locum substituisse; Leonem III. Imperium à Græcis ad Romanos transtulisse; Gregorium VII. Henricum IV. Imperatorem deposuisse, aliumque eligi jussisse; Innocentium III. Othonem IV. & Innocentium IV. in Concilio Lugdunensi Fridericum II. ab Honorio III. excommunicatum deposuisse, ut testatur Bellar. de Rom. Pontif. l. 5. c. 8. Notum etiam quid Julius II. adversus Ludovicum XII. tentaverit, quo pacto ei Imperium abrogârit, & Galliam interdicto subjecerit, cui tamen Rex, Optimatum Regni & Episcoporum consiliò strenuè se opposuit, imò superatis Alpibus ad Ravennam delevit copias Papæ, jussitque cudi nummos aureos, qui etiamnum videntur cum hoc elogio in ambitu,

ambitu, *Perdam Babylonis nomen.* Idem Julius circa idem tempus Regnum Navarra Johanni Albretano ademptum dedit Ferdinando Castiliæ Regi, qui regnum illud invasit non alio jure, quam quia sic visum est Pontifici. Sed ne præterita refricemus tempora, Quis nescit Henricum III. Galliæ Regem, diris Papalibus à Sixto confossum, fidem subditorum, mox & vitam amisisse nefandâ Jacobi Clementis Dominicani manu? Et Henricum IV. ad quem consanguinitatis jure Regni successio pertinebat, declaratum fuisse inhabilem ad succedendum in Galliæ Regnum? Ad quod quando pervenit, diræ Papales in eum repetitæ sunt à Gregorio XIV. Sed Curia Parlamenti, quæ tunc Turone agebat, Pontificalem Bullam jussit manu Tortoris publicè cremari an. 1591. & solemnè Senatusconsulto *Bullæ Papales declarantur abusivæ, seditiosæ, impiæ, & imposturis plenæ.*

XXI. Licet verò hoc jam sit in se inauditum & intolerandum, longè gravius tamen & dirius animadvertet, qui ad tam injustæ potestatis tristissima effecta respexerit. Hoc enim semel posito, Papam sibi arrogare potestatem deponendi Reges, transferendi coronas, subditosque à jramento fidelitatis liberandi; nemo non videt sponte sequi, Pontifices non improbare talium Regum neces, imò eos morti addicere. Nam qui potestatem sibi vindicat Regem de Solio deturbandi, eo ipso statuit post latam sententiam desinere esse Regem, & ad privatos redigi: Quòd si retinere dignitatem velit, non posse nisi per vim & latrocinium, tanquam Tyrannum & usurpatorem. Tales autem hostes publicos generis humani haberi, & jure posse à quolibet occidi; Quia *In reos Majestatis & publicos hostes, omnis homo miles est*, ut ait Tertullianus. Ita qui vult Regem pelli è Regno; vult quoque eum occidi, spoliatur enim eum eâ autoritate, quæ vitam ejus tuetur & sacram facit. Unde Papa Urbanus Cano. Excommunicat. declarat eos pro homicidis non habendos, qui excommunicatos occiderint. Suarez. lib. 6. de fi. c. 4. *Incipit esse tyrannus in titulo, quia non est legitimus Rex*; quippe ideo occidi potest, ut Emanuel Sà notat in verbo Tyrannus, *Occupantem tyrannicè potestatem, quisque de populo potest occidere, si aliud non sit remedium, est enim publicus hostis.* Quod solidè demonstrat Rex magnæ Britanniæ in libro contra Cardinalem Perronium. Possent huc congeri, si id nunc ex professo ageremus, innumera, ipsos etiam inter Pontificios testimonia, qui immensæ istius potestatis quam Pontifices sibi arrogant, injustitiam, & perniciem demonstrant; inter quos eminent *Barclains, Widringtonus, Budaus de Asse lib. 4. Carol. Molinaus contra parvas datas, Joannes Tilletus, Claudius Fauchetius de libertate Gallicana. Petrus Pitheus, Antonius Hotomannus, Joann. Aveninus, Joannes Cuspinianus, Duarenus lib. 1. de Sacra Ecclesiæ ministeriis & benef. cap. 4.*

DISPUT. V. Et quotquot adversùs Jesuitas scripserunt super hoc argumento. Nec omittenda varia Arresta Curiae Parisiensis, & aliarum, quæ hanc Pontificum tyrannidem atrò lapillò notant, eatenus ut Pontificem tanquam Regni hostem, rebellium fautorem, & immanis ac detestandi parricidii contra Henricum III. patrati reum damaent, verba sunt Thuani lib. 101. *Eodem Senatusconsulto Gregorius se pro Pontifice hujus nominis XIV. gerens, publicæ pacis, Unionis Ecclesiæ Catholice Apost. Rom. Regis Regnique hostis, Conjuratæ Hispanice princeps, rebellionis fautor, immanis detestandi & inhumani parricidii per prodicionem contra Henricum III. Christianissimum & verè Catholicum Regem patrati reus declaratur.* Idem li. 114. refert Orationem Præsidis Forgeti, qui testatur ab hoc errore veluti projectas in Regnum fidas, quibus digladiaremur inter secives. Inde perniciofa de Regno ad prædam exponendo & exteris prodendo agitata consilia, ab his iniitiis detestandam conjurationem contra Christianiss. & verè Catholicum Regem Henricum III. initam cœpisse, ipsumque tandem abominando parricidiò occisum. Inde flammam, sanguinem, cades, sacrilegia latrocinia, vim publicam, immanitatem, monstra, prodigia, & malorum iliadas miserum regnum jam septennium integrum exercere. Nec sine causa ita ratiocinabatur, sciebat scilicet ex Bulla Pii IV. editâ anno 1558. *Reges & Principes, quos pro hæreticis habere voluerit Pontifex, eo ipso absque aliquo Juris aut facti ministerio suis Regnis & Ducatibus privatos existere, Regnaque, Ducatus, Dominia, & bona publicari, & effici juris & proprietatis eorum, qui illa primò occupaverint, si in sinceritate fidei & unitate Sacre Romana Ecclesiæ ac sub Romano Pontifice obedientia fuerint &c.* Imò & interficere licere, Cum ex Directorio Inquisitorum p. 3. *hæreticos propriâ authoritate capere, spoliare ac interficere liceat, &c.* Quod autem de hæreticis dicitur, Idem & de Excommunicatis statuitur, *Cano. Excomm.* suprâ citatò. Hanc sanè Jesuitarum esse mentem, quorum sectâ nullam sæviorem in Reges & Principes esse, non modò exemplis, sed & testimoniis quamplurimis probari posset, si id nunc ageremus; ex quibus clarè pateret, tantorum scelerum vel Authores vel approbatores fuisse, adeoque rorundo ore eos non semel pronuntiare, non modò licitam, sed & justam esse eorum Regum necem, qui à P. R. excommunicati & Regnò privati fuerunt, & Pontificem id juris in ipsos habere. Videatur *Mariana* li. 1. de Rege & Regis institutione c. 6. & 7. *Bellarminus* in Barclaium c. 7. & l. 5. de R. P. c. 3. *Baronius* ad an. 800. f. 10. *Suarez.* li. 6. adversùs Regem M. Britannix c. 4. & alii non pauci.

XXII. Hanc verò communem & receptam apud ipsos esse sententiam non semel agnovit Curia Parisiensis, & apertè testata est; quando

quando restitutioni jesuitarum apud Regem intercedebat, ut Thuanus refert variis in locis, & imprimis libro 132. ubi Harlaeus *Jesuitas* ostendit, *votum universale*, & *doctrina capita secum consentientia omnes habere*, ut præter Pontificem superiorem nullum agnoscant, eique fidem & omnimodam obedientiam præstent, idque fixum & ratum credant, Pontificem potestatem habere Regis extra communionem Ecclesie ponendi; Regem autem excommunicatum tyrannum esse, & subditos contra eum impune insurgere, ipsorum unumquemque, qui vel minoribus Ecclesie Ordinibus sit initiatus, quodcunque crimen admiserit, in læsa Majestatis crimen non posse incurrere, quippe qui minime sint amplius Regis subditi, nec jurisdictioni ejus subiecti. Ita Ecclesiasticos per illorum doctrinam à seculari potestate eximi, manus cruentas licere impune sacrosanctis Regibus asferre. Hoc eas & libris editis asferere, & eorum qui contrà sentiunt rectam sententiam damnare &c. Sorbona non semel impiam istam doctrinam damnavit, imprimis in Censura Propositionem Santarelli circa Regum à Pontificibus depositionem & ejus causas, anno 1626. 4. April. *Facultas improbat & damnat doctrinam his propositionibus, & horum capitum corollariis contentam, tanquam novam, falsam, erroneam, Verbo Dei contrariam, Pontificia dignitati odium conciliantem, Schismati occasionem præbentem, supremæ Regum authoritati à Deo solo dependenti derogantem, Principum infidelium & hæreticorum conversionem impediendam, Pacis publicæ perturbationem, Regnorum, Statuum, Rerumque publicarum eversionem, subditos ab obedientia & subjectione avocantem, & ad factiones, rebelliones, seditiones, & Principum parricidia excitantem.*

XXIII. Hoc verò Exempla nimis multa Regibus funestissima testata sunt sæpius. Præter ea quæ antea notata sunt, quid non dici posset de ferali tragœdiâ à Gregorio VII. Hildebrando dicto, in Henricum IV. Imperatorem inchoatâ, & ab ejus successoribus continuatâ; de Victore III. Urbano II. & Paschali III. eò usque ut proprios filios in Patrem, ab ipsis excommunicatum & diris devotum armârint, qui persequi ipsum crudeliter non destiterunt, donec miserè periret, corpore ipsius per quinquennium infepultò manente in cellâ quâdam ædis desertæ, Pontifice id sepeliri vetante, ut referunt *Sigonius* lib. 9. & *Krantzius* lib. 5. Quid de Alexandri III. in Fridericum Imperatorem latâ excommunicatione? De Friderici II. gravibus certaminibus cum Honorio III. Gregorio IX. & Innocentio IV. qui anathematibus illum feriendo, & ab Imperio deponendo, funestissima bella in Italia & Germania excitârunt, in quibus longo tempore omnia seditionibus, cædibus, & furoribus immanibus repleverant? Quid de Ludovici Bavari optimi Imperatoris durissimis persecutionibus à Johanne XXII. Benedicto XII. Clemente VI excitatis, qui eum tanquam hæreticum &

schisma-

DISPUT.
V.

schismaticum diris devotum Imperio spoliârunt, Status ejus in prædam exposuerunt, hostes adversùs illum intus & foris suscitârunt, atque ita effecerunt tandem, ut violentâ morte interiret? Denique quid non referendum esset de Pontificum fulminibus & diris adversùs Reges Galliæ sæpius vibratis, ut Bonifacii VIII. adversùs Philippum Pulchrum, Benedicti XIII. adversùs Carolum VI. Julii II. adversùs Ludovicum XII. & aliorum id genus, quæ memorare longum nimis foret?

XXIV. Sed ne vetera repetamus quæ sunt innumera, sufficiat obiter notâsse, quod sæculo præterito & hoc nostro præstitum sit tam à Gregorio XIII. Sixto V. & Gregorio XIV. qui nihil omiserunt ad perdendum Henricum III. & IV. & Regnum evertendum. Nota est Bulla Fulminatoria Sixti V. adversùs Henricum Borbonium Regem Navarræ, & Principem Condæum lata anno 1585. in qua uterque tanquam Sectarii & in errorem relapsi, Sectariorum fautores ac defensores publici & manifesti, divinæque Majestatis rei, & fidei Catholicæ hostes proscribuntur, & Navarrum quidem omni jure, quod in Navarræ Regno sibi competere contendit, & ea parte, quam nunc occupat, simul & Benearni Principatu excidisse: Condæum autem & utriusque Successores omnis Principatûs & potestatis jure in præsens & in posterum pariter excidisse, indignosque eos esse & eorum Successores, qui in ullum Principatum, & speciatim Regnum Franciæ succedant, hæc sententia pronuntiatur, Subditique obsequii sacramentô solvuntur, &c. Notum fulmen depositionis ab eodem in Henricum III. vibratum ob cædem Cardinalis Guisiani, quod Regis parricidium à *Jacobo Clemente* Monacho Dominicano pauldò post est consequutum anno 1589. Parique conatu, sed dissimili eventu Henricus IV. post Pontificis excommunicationem sauciatus est à *Jacobo Castello* Jesuitarum alumno anno. 1594. & anno. 1610. à *Ravalliac* Jesuitarum itidem pullo nefariè occisus, qui horrendâ istâ doctrinâ imbutus, Pontificem posse excommunicare Principes, Subditos solvere sacramentô fidelitatis, Reges tyrannos, quibus non placeret Novatorum excidium, hos insidiis, ferrô, venenô petere, non permissum tantùm, sed & laudabile, scelus istud execrandum perpetrare non dubitavit. Post Pii V. diras, Elizabethæ Reginæ cædes sæpe, sed frustra tentata est. Nec mitius actum cum Rege Jacobo ejus Successore in conjuratione sulphurea anno 1605. in qua cuniculis actis sub Palatio Westmonasterii, ubi Parlamentum congregari debuit, & pulvere nitrato oppletis, parum absuit, quin Rex cum Familia Regia, & totius Regni flore funestissimè uno ictu periret, nisi Deus clementissimus hoc infernale consilium maturè satis detexisset, de qua Thuanus ita loquitur lib. 135. *Conjuratio omnium, quæ nostri & præci avi temporibus memorantur, consilio*

consiliò, audaciâ, immanitate maximè admirandâ, nam fando ubique ac- DISPUT.
ceptum, & famâ ad posteros transmissum, multos Principes fraude casos, V.
Respublicas insidiis petitis fuisse: At nulla tellus, nulla atas tale conspira-
tionis monstrum unquam aluit, in qua Rex cum Regina, Parentes cum omni so-
bole, Ordines totius Regni, totum denique Regnum, & in eo innumeri inno-
centes, ut paucorum furiosorum libidini litaretur, uni exitio uno momento disti-
narentur &c. Quæ omnia consecraria esse impii dogmatis de supremâ Pa-
pæ Potestate in Reges, non est obscurum, quod ibidem Illustrissimus Præ-
ses rectè observat. Quàm verò istiusmodi scelera non displiceant Pontifici-
bus, exemplum memorandum habemus in Sixto V. Pontifice, in Oratione
ejus habitâ in Consisterio Papali anno 1589. super cæde Henrici III.
excusâ Luteriæ anno 1590. apud Nicolaum Nivellium & Rollinum Theo-
doricum cum approbatione Doctorum, ubi factum Clementis Operi assum-
ptæ à Domino carnis, & resurrectionis ejusdem mysterio, ab Habacuco
Vate prædicato, propter magnitudinem & rei admirationem confert, & sub
finem judicat Regem indignum his officiis, quæ Imperatoribus & Regi-
bus exhiberi solent, quippe S. Scripturæ autoritate prohiberi, ne quis pro
eo, qui in peccato ad mortem, hoc est in Spiritum S. admissio, quale
Regis peccatum fuit, moritur, preces faciat, & Orationem sit claudit, Pro-
pter hæc & similia manifesta impenitentia indicia, decrevimus pro ipso non esse
celebrandas exequias, &c. Thuan. lib. 95. Quod si seriò animadvertere vel-
lent Reges & Principes, viderent, quantum è re sua esset, sese maturè jugo isti
iniquissimo subducere, & Papam res suas habere jubere, ut tutius & securius
vivere possent. Sed ad alia nunc pergamus, & ostendamus in *Animas & Con-*
scientias eandem Tyrannidem non unâ ratione obtinere.

XXV. Primò quis non gravem Tyrannidem agnoscat in eo, quòd, *Tyrannis*
cùm Scriptura S. sit Fax veritatis, Pabulum vitæ, Testamentum Pa- *Romana in*
tris, Contractus fœderis nobiscum à Deo initi, Semen regenerationis, *Conscien-*
& Epistola Dei ad nos, quæ in eum finem data est, ut sedulâ & jugi *tias.*
meditatione legatur & investigetur, Psal. 1. 2. Joh. 5. 29. Col. 3. 16.
Ita severè tamen ejus lectio interdicitur Populo, ut nefas sit vel Scri-
pturam domi habere, vel legere. Quod enim olim Pius IV. Regulâ 4.
consilio Parochi permisisse videbatur, ut Bibliornu verforum lectio qui-
busdam concederetur, Clementis VIII. observatione revocatur; ut me-
rum fucum esse videas; quo simplicioribus imponitur, dum negat ul-
lam Episcopis vel Inquisitoribus hoc concedendi potestatem fieri, imò
illam iis jam antè sublatam fuisse: nec alia ratio prætexitur, quàm
quòd vernaculâ linguâ libet sit exaratus; scil. fraudi Christo est, si popu-
lariter loquitur. O miseros, qui lucem fugiunt, vitam horrent,
cibum calcant, quorum princeps cura est Verbum Domini ejicere,

DISPUT.
V.

Clypeum fidei piis eripere, & Lucernam sub modium reponere. Sed mirari desine tam audax facinus; Ut fures oculos ante petunt lucemque prius extinctam cupiunt, quàm scelus suum perpetrent: Ita boni isti viri Verbi facem furripiunt, ut facilius regnare possint in tenebris, & pestiferam luem disseminare. Quàm horrendum verò illud, quòd sacratissimus iste veritatis Divinæ Codex, immota fidei regula & canon, consolationis fulcrum, non modò proscribitur impiè, ne in oculos hominum veniat, sed, horresco referens, ardentibus rogis sæpius addictus est. Hic scilicet honor est, quò Divina Christi Oracula afficiuntur, hoc medium, quò errantes in viam reducere satagunt, & fidem ipsis suadere conantur! quasi Scriptura salutis magistra hæreticæ pestilentix vehiculum esse posset. Licet autem nonnulli videantur in alia omnia ire, lectionem Scripturæ Sacræ non improbant, & Versionem ejus in lingua vernacula adornantes; Quantas tamen turbas excitavit novissima Jansenistarum Novi Testamenti Versio, nemo est qui nesciat, & si quid de rigore illo quidam remittunt; certum est tamen non omnibus placere, & in pluribus locis, ut in Italia, Hispania, & alibi, idem interdictum severissimè observari.

XXVI. Unde nihil mirum jam videri debet, si nihilo mitiùs aliorum Scripta tractentur. Longum esset impias eorum artes hinc persequi, sed qui eas cognoscere voluerit, adeat *Indices Expurgatorios* varios antehac editos, & novissimum, qui in lucem prodiit Madriti anno 1667. ubi immanis Inquisitorum audacia in corrumpendis doctissimis & piissimis quibusque, quæ veterum quæ recentiorum lucubrationibus, patet. Eò quippe processit furor, ut in ipsos libros, non secus ac in veritatis Professores agatur, non ratione, sed manu, non stylo, sed ferro, non scriptis, sed proscriptionibus. Pacem enim nullam putant, nisi vastitatem fecerint, damnant quia oderunt, oderunt quia ignorant, & malunt nescire, quia odisse volunt, quàm id scire, quod, si sciant, odisse non poterant, ut scitè de Ethnicis loquebatur *Tertullianus*, metuunt scilicet, ne Lux veritatis Ægyptiacas tenebrasque artes & prodat & perdat. Ideo quicquid inerat masculi & sinceri in omnium gentium generumque Scriptoribus, quicquid Tyrannidis suæ sævitiam, Superstitionis fœditatem, & Curia Rom. corruptionem perstringebat, consilio sanè audacissimo, sed consultoribus pessimo, novacula sua & falce expurgatoria præcidere ausi sunt. Nemini parcitur; Alii in totum arcentur & damnantur, & fronti inustò cauteriò nigrum præfigitur Theta; Alii, ut dubiæ & suspectæ fidei, obelo interpunguntur. Alii cum expurgatione permittuntur, ut nihil jam vel Patres vel Scriptores alii loquantur, quod non sapiat ad Papæ palatium. Et ne quis putet hæc ab iis clàm fieri, & in occulto, ut incautos decipiant

piant, juxta vetus illud *si non caste, saltem cautè*, aperte agunt & tanquam de re bene gesta gloriantur. Testem habemus omni exceptione majorem, *Augustinum* Venetiis apud Juntas excusum in quarto, anno 1584. qui penes nos est, in quo qui editioni præfuerunt, testantur in ipsa libri inscriptione, *se præter locorum multorum restitutionem secundum collationem veterum Exemplarium, curasse removeri illa omnia, quæ fidelium mentes hæreticâ pravitate inficere possent, aut à Catholica Orthodoxa fide deviare.* Eâ verò specie plagia quælibet, furta, & corruptelæ obvolvi possunt, ne posthac Patres quicquam amplius Rom. Curix molestum sonent.

XXVII. Sed tempus est, ut ad *Potestatem* transcamus, in qua sævissimam etiam Tyrannidem in animas exercet Ecclesia Romana. Cùm enim Christus se unum Doctorem & Legislatorem esse profiteatur, penes quem servandi & perdendi potestas est posita Jac. 4. 2. qui solus proinde imperium habet in animas, & à cujus nutu pendere debemus: Isti novos & quidem à Christo institutos pertendunt esse se Nomothetas, qui non modò constitutionibus Ecclesiasticis prospiciant, ut omnia decenter & ordine fiant in Ecclesia, quod ad omnes legitimos Ecclesiæ Rectores pertinet ex mandato Pauli 1. Cor. 14. 40. Sed qui infallibiles se jactent, & jus sibi arrogent Leges ferendi conscientijs, quæ pro necessario & vero Dei cultu ingeruntur, quasi maxima Religionis & pietatis pars in earum observatione sita sit. Longum esset earum catalogum texere, & vanitatem ac impietatem describere; Sed quis non videat jugum esse *αβδαυτον*, quod conscientijs imponitur, & quò miserè torquentur?

XXVIII. Ut verò ex innumeris unam vel alteram tantùm attingamus; Quis ad *Confessionis auricularis* institutum attendere potest, quò quisque adultus baptizatus tenetur semel saltèm in anno peccata omnia sua cum omnibus eorum circumstantiis confiteri in autem Sacerdotis, ut eorum remissionem obtineat; qui non fateri cogatur gravem esse conscientiarum carnificinam, Tyrannidis & rapacitatis Pontificiæ organum, arcana Principum & familiarum rimandi machinam, & scelerum ac impuritatum scholam? Quis *Vota Monastica* expendit, qui idem Tyrannidis jugum non animadvertat, non modò dum nemini licet sacris operari, nisi qui volens nolens cælibatûs legem sibi imposuerit, sed & dum tanta istius voti necessitas creditur, ut capitale sit illi renunciare, & tanquam votifragi traducuntur, qui libertatem Evangelicam amplectuntur, cùm tamen in turpi voto mutandum sit decretum, & satius sit matrimonium, quod inter omnes est *τίμιον* Heb. 13. 4. contrahere, quàm uri 1. Cor. 6. 9. ? Quis denique tot *Festa, Jejunia, Vigilias, & Caremonias*, partim ex Ethnicismo, partim Judaïsimo derivata, quibus conscientix velut gravissimo onere premuntur, &

DISPUT.
V.

& tantum non opprimuntur, intuetur, qui intolerandam hanc Tyrannidem non debeat; Conquerebatur suo tempore *Augusti. Epist. 119. ad Janua.* quod neglectis Dei præceptis, tam multis præsumptionibus plena essent omnia, ut gravius corripere, qui per octavas suas terram nudo pede tetigerat, quam qui mentem violentiâ sepelierat; Conquerebatur Ecclesiam, quam Dei misericordia liberam esse voluit, servilibus oneribus sic premi, ut tolerabilior fuerit conditio Judæorum. Si hoc seculo sanctus ille Vir vixisset, quibus querelis deplorasset eam, quæ nunc in Ecclesiam insecta est, servitutem? Si vidisset innumeris illis ritibus, partim ineptis & inutilibus, partim impiis & falsis, omnibus sanè fictitiis & merè humanis, totum Dei cultum corrumpi,

XXIX. Sed gravius hoc est longè & intolerabilius, quod non modò Leges istæ feruntur conscientis, sed & tanto rigore urgentur, ut Legis divinæ violatio nihil videatur esse præ illarum transgressione. Et sanè quis nescit, longè majorem reatum apud Sacrificulos Pontificios contrahere, qui carnem die Veneris gustaverit, quam qui linguam blasphemam adversus Deum extulerit? Qui auricularem confessionem anno vertente prætermiserit, quam qui nequissimam vitam in totum annum produxerit? Qui votivam peregrinationem non persolverit, quam qui in promissis omnibus fidem fefellerit? Qui Idolum sine honore præterierit, quam qui homines contumeliosè tractaverit? Qui sacris operans, legitimo se copulaverit matrimonio, quam qui mille fordibus corpus scædârit? Qui non demurmuraverit certis horis, & ad globulos, certa sine sensu verba, quam qui legitimam orationem animo nunquam conceperit? Quid est irritum facere propter suas traditiones Dei præceptum, si hoc non est; Quum observationes mandatorum Dei frigide tantum & perfunctoriè commendantes, suorum exactam obedientiam non minùs anxie urgent, quam si totam pietatis vim in se continerent; Quum divinæ Legis violationem levibus satisfactionum multis ulciscetes, unius sui Decreti vel minimam offensionem nullâ leviori poenâ plectunt, quam carcere, exilio aut gladio. Sic cœlestia Dei Oracula vilescunt præ verbis hominum, & Lex summi Numinis mandatis infirmorum mortalium postponitur.

*Tyrannis
Ecclesia
Rom. in
Corpora.*

XXX. Plura possent afferri istiusmodi, quibus sævâ tyrannide in Conscientias Roma grassatur; Unde non mirum si in Corpora etiam sæviat, & Imperium suum ferro & flammis, aliisque injustissimæ violentiæ mediis stabilire conetur. Nec obscura sunt ejus rei documenta. Quis enim ambigendi locus esse potest, post ea quæ superiori seculo & hoc nostro contigerunt? Consulantur Martyrologia, & evolvantur Annales rerum à tribus seculis gestarum, & clariùs hoc constabit, quam ut probatione indigeat. Nam ut nihil nunc dicamus de *Joh. Wiclefo*, qui ante 350. annos ausus est Romæ bellum palam

palàm indicare, & cuius, immani crudelitate, quadragesimo demum post mortem anno, cremata sunt ossa Oxoniæ. Nihil etiam de *Johanne Husso*, & *Hieronymo Pragensi*, qui violatâ publicâ fide Constantiæ ex Pseudo-Synodi decreto, execrabili perfidiâ, non tantùm durissimo catcere aliisque tormentis vexati sunt, sed & vivi sunt ustulati circa ann. 1416. Nihil de pluribus aliis ex diversis Orbis terrarum Regionibus divinitus ad iustaurandum Christianismum selectis Martyribus. Quis nescit quot & quantæ perpetratæ fuerint cædes, non paucorum, sed innumerorum fidelium? Quàm immanes contra Albigenes, Valdenses, Lohardos, Lutheranos, Reformatos, sese Erroribus & Tyrannidi Ecclesiæ Romanæ opposcentes, suscitata persecutiones, editæ strages, & carnificinæ horrendæ in præcipuis Europæ Regnis & Provinciis? Horret animus cogitare & recensere proscriptiones, exilia, carceres, bella, lanienas, & sævissima tormenta, quibus in fideles Christi servos, & Christianorum myriadas sævitum est, non alia de causâ, quàm quia conscientiam Idololatriæ crimine pollueret detrectabant, & characterem Bestiæ, vel admittere volebant, vel ampliùs ferre. Vidit hoc nimium & sensit, proh dolor! Hispania, Italia, Gallia, Anglia, Germania, Belgium, & totus penè Orbis Christianus. Clamat adhuc tot innocentium sanguis, quò non urbes modo, sed & campi toti maduerunt. Sed præstat hæc silentii sipariò tegere, quàm ea referendo infandum renovare dolorem. Utinam verò hæc fuissent tantum; nec nostra ætas, nostrum hoc seculum tristissima istiusmodi vel vidisset jam, vel videret etiamnum exempla. Sed Satan antiquum semper obtinet; Imò procedente seculo duplicari videtur ejus rabies, dum Tyrannidis suæ spatium contrahi videt. Quòd si recensenda essent plurima crudelitatis istius argumenta, Quid non dicendum esset de dirissimis, quæ quinquaginta abhinc annis, vel in *Rhatia* & *Valle Telina*, anno 1620. vel in *Hibernia*, anno 1645. vel in *vallibus Pedemontanis*, anno 1655. perfidiâ plus quàm Punicâ, & barbarie plus quàm belluinâ contigerunt, lanienis? Et de luctuosissima Ecclesiarum illarum antiquissimarum dissipatione & clade, quæ novissimè contigit, non aliam ob causam, quàm propter Religionem, quia noluerunt puriorem fidem à piis Majoribus traditam, & ab ipsis Apostolorum temporibus constanter inter ipsos receptam & creditam, ejerare, ut se Papali tyrannidi manciparent; quarum miserabiles supersunt reliquæ, piorum omnium amore & charitate dignissimæ, partim ex inaccessibleis montium jugis, & abditis rupium antris elapsæ, velut *titiones ex igne erepti*, partim ex tetris, quibus à pluribus mensibus injustissimè inclusæ tenentur, carceribus, brevi liberandæ dicuntur, de quibus sine lachrymis, & tenerrimo tantæ ipsarum calamitatis sensu cogitari non potest. Quid rursus dici non posset de compluribus aliis crudelissimis persecutioibus, quæ

DISPUT. in Bohemia, Palatinatu, Hungaria, & alibi passim in Protestantæ motæ
 V. sunt antea, & quæ quotidie moventur? In Gallia imprimis, ubi in tantum exarsit persecutionis exquisitæ æstus adversus pios fratres, ut nullam quietem sibi dederit Clerus Romanus, hostis ipsorum & πονηρῶς, donec obtinuerit ultimum Ecclesiarum illarum florentissimarum excidium, per absolutam *Edicti Nannetensis*, Octob. 18. 1685. factam abrogationem, sub cujus fide publica, tanquam *Edicti perpetui & irrevocabilis, & legis Regni fundamentalis*, ut appellatur subinde, hætenus pacatè quoad libertatem conscientiarum vixerant; licet non parum illud jam variis modis quotidie artibus Adversariorum vaserimislabeffectaretur. Exinde enim, ut abyssus abyssum invocat, factum, ut Privilegia omnia, Reformatis concessa, ablata sint, Tempia eorum diruta, Scholæ & Academiæ clausæ, Pastores in exilium pulsi, vel in carceres coniecti, Greges Dominici dispersi, & huc illuc disiecti, Libertas exercitiorum, conscientiarum penitus crepta, & alia id genus in afflictissimos fratres decreta & exercita, quæ ut nimis in vulgus nota omittimus, quæque lachrymis potius sanguineis deflenda, quàm verbis sunt exprimenda. Sic scilicet, quos simul & semel delere non potuit Antichristi crudelitas, sensum conficere conatur; Et quod lanienis, bellis, ferro & igne, aliisque sævitæ generibus, quæ corpora & bona tangunt, assequi non potuit; Idem ipsum subtiliore quidem, sed periculosiore ratione aggreditur, non corpora ipsa tantum & bona ac facultates, sed fidem & Religionem ipsam, & Religionis caput & arcem, Veritatis scilicet thesaurum, & Conscientiarum libertatem, rebus quibuscumque pretiosissimis longè cariorem, impetendo.

Inquisitionis
 Hispanicæ
 crudelitas.

XXXI. Possemus ulterius sævam istam Tyrannidem confirmare ex nefaria *de propaganda fide & extirpandis hereticis Congregatione*, quæ in id unum intenta est, ut quacunq; tandem ratione lucem veritatis in Ecclesia coruscantem extinguat, & fideles Christum profitentes perdat. Tum ex sanguinolentis consiliis, quæ Papa per Emissarios suos solet suggerere Principibus sibi addictis in eos, qui durissimo ipsius iugo colla nolunt subdere, quorum exempla nimis multa afferri possent. Sed sufficiat nunc unam *Inquisitionem Hispanicam* memorare, quæ omnium clarissimè hoc ipsum evincit. Quid enim iniquius & crudelius facerrimo hoc Tribunali, in quo, Magistratu Politico excluso, & cui nihil aliud relinquitur præter executionem istius carnificinæ, Inquisitores simul Actores, Testes, & Judices esse solent? Ubi verè, si uspiam, τὰ βάνη Satana occurrit. Cujus arcana, horribilesque processus Inquisitorum, & pœnarum ac tormentorum modos, si quis penitus cognoscere cupiat, adeat *Raynoldum Gonsalvum Montanum* in peculiari tractatu Latino, *Eymerici Directorium Inquisitorum* cum Commentariis Francisci Pegnæ, &

Lucer-

Lucernam Inquisitorum autore *Bernardo Comensi* cum notis ejusdem *Pegnæ*, qui fusè quicquid huc pertinet exequuntur, & Tribunalis istius plus quam *Busiridei* diritatem exponunt. Unde non mirum si omnibus exosum semper fuerit, & tot tantæque excitatæ sint turbæ, sive in Regno *Neapolitano*, sive in *Belgio*, sive alibi, quoties de eo erigendo cogitatum, quod non semel observat *Thuanus* nominatim lib. 3. ad annum 1543. p. 81. Tunc temporis, inquit, jam in Italia multos clàm *Lutheri doctrinam* amplecti rumor erat, sensimque latius serpere malum, quàm ut diutius ferri deberet, ei non aliter posse occurrì dicebat *Toletanus*, quàm si ex laudabili Ecclesiæ decreto lex in regno stabiliretur, quæ quoniam severissimè in capita & fortunas hominum, prave de religione, ritibusque atque institutis Ecclesiæ sentientium, inquirat, Inquisitionis nomen sortita est. Ejus horror & odium ingens jam ab illo tempore, quò *Ferdinandus*, Ejectis ex *Bætica Mauris*, Catholicici titulum adeptus, ut reliquias *Judaica* & *Mahumetana* pestis in Hispania exstingueret, illam sævissimè in Regnis suis per *Dominicanos Fratres* exercuerat; augebat horrorem perversa & præpostera judiciorum forma, quæ contra naturalem æquitatem, & omnem legitimum ordinem in jurisdictione illa explicanda observatur, tum etiam immanitas tormentorum, quibus plerumque contra veritatem quicquid delegatis iudicibus libebat à miseris & innocentibus reis, ut se cruciatibus eximerent, per vim extorquebatur; quò fiebat ut non tam pietatis tuenda causâ eam inventam dicerent, cui aliâ viâ satis ex antiqua Ecclesiæ disciplina prospectum esset, quàm ut eversis istâ ratione etiam omnium fortunis, liberis capitibus periculum crearet &c. Et lib. 23. ad annum 1559. narrat, quo pacto *Philippus* in Hispaniam veniens à Sectariorum castigatione initium fecerit; Et cum antea singuli aut plures, ut casus tulerat, ob pravas de Religione opiniones post condemnationem mox carnifici traderentur, in ejus adventum servati passim totâ Hispaniâ damnari, & Hispalim ac Pinciam deducti sunt, quibus locis theatri pompâ ad supplicium producerentur, ibidemque complurium nomina utriusque sexûs recenset, qui crudelissimè ex Inquisitorum sententiâ ultimò suppliciò sunt affecti. Possunt etiam videri apud *Burgundum* in histor. Belg. lib. 2. Leges Inquisitionis Belgis impositæ, uti eas *Carolus V.* anno 1550. in unum corpus omnes contraxit; & hanc tabulam populo proposuit, ut vel ex hoc uno Tyrannidis istius immanitas pateat. Primi articuli in Reformatorum aliorumque Apapistarum capita scripti, sic se habent: Extra Theologos ab Universitate admissos de Scripturarum sensu sermonem controversiamque nemo misceto. Proferendi, disserendi, concionandi illicita jus non esto. Qui secus faxit perduellis esto, ex die criminis instabilis esto, alienandi facultatem ne habeto. Penarum gradus sunt; Pœnitentiâ duci, si viri, gladiò pleuntur.

DISPUT. V. *plectuntur. Fœmina in terram vivæ defodiuntur. Contumaces igne cremantur, bona universorum in fœdum rediguntur, &c.* Alia sunt plura istius generis, quæ sine horrore mens pia legere non potest. Quod si plena detestandæ istius praxeos notitia haberi posset, quam non sine causâ Carnifices isti summo studio occultare conantur, facillè mihi persuadeo neminem fore cui cor sit, non dicam Christianum, sed humanum tantum, qui ad talia portenta horrore totus non percelleretur. Si de Turcis vel Paganis ageretur, qui veri Dei cognitione destituuntur, minùs mirum esset eos tale quid adversus nos moliri; licèt vix arbitrer apud Turcas & Paganos tantæ immanitatis exempla occurrere posse. Sed quis unquam credidisset Christianos in Christianos ipsos ita sævire, non alia de causa, quàm quia Christi veritatem profitentur, nec alias Leges, quàm quas ipse nobis in Verbo præscripsit, sequi volunt? Siccine ergo Christus Dictatoriâ potestate Ministros suos instruxit, qui de vita & fortunis hominum pro libitu statuerent? Siccine ad fidem & Religionem voluit eos adduci? At Christus fidem quidem persuaderi vult, sed non imperari, ut Doctoribus, non Draconibus, Pastoribus, non Tortoribus, Verbis, non Verberibus, ad id opus sit; vult ut efficacissimâ veritatis demonstratione, & armis spiritualibus, non carnalibus, 1. Cor. 2. 2. & 10. 2. peccatores à fide devii invitentur, flectantur, & suavi quadam ac gratâ violentiâ & *πειθαρχία* ad Christum ducantur. Sed ubi unquam permissum vel injunctum est, vel à Christo, vel ab Apostolis, ut ad fidem homines sub capitalibus pœnis, & tormentis, morte ipsâ gravioribus, cogerentur. An hæc spirant Spiritum Christi, Agni Dei mitissimi, An non potius Draconis infernalis genium, qui mendax & homicida fuit ab initio?

XXXII. Ex quibus omnibus, ne diutiùs in hoc argumento immoremur, luce meridianâ clariùs patet; quod antea demonstrandum suscepimus, Ecclesiam Romanam gravissimo tyrannidis jugo conscientias onerare, quod cum libertate Christiana planè est *ἀσέβεια*; Unde & sponte fuit sententiæ nostræ invicta probatio. Nimirum & Majores nostros justissimam, & summè necessariam habuisse ab ea secedendi causam, & Nos nullam rationem habere hodie, quocunque demum prætextu, ad eam redeundi & Syncrètismum cum ea ineundi. Et sane si Deus expressè vetuerat olim, ne Israëlita, semel ab Ægyptica servitute liberati, de reditu in Ægyptum cogitarent Deut. 17. 16. Jerem. 42. 15. Si semel egressos è captivitate Babylonica noluit iterum ad eam se conferre; sed in perpetuum ab ea se junctos manere, ne ejus sordibus ampliùs inficerentur Is. 52. 11. Quantò magis necessarium est à Romana Tyrannide, Ægyptiacâ & Babylonica longè crudeliori, semel liberatos, de ejus jugo iterum subeundo nunquam in æternum cogitare? cum hic non Corpora tantum, sed Corda, non Facultates, sed Conscientiæ in servitutem addicantur?

XXXIII. Atque hinc proclive est colligere, quid judicandum sit de eorum Consilio, qui jam olim de *Syncretismo* cum Pontificiis ineundo cogitârunt, & de illis qui nunc etiam idem saxum volvere dicuntur, & cum in finem Emisarios huc & illuc missitare, qui per varias Regni provincias circumcursent, Verbi Ministros privatim conveniant, humaniter compellent, & multa polliceantur quæ ad Controversias aut minuendas, aut dirimendas, aut amicè leniendas prodesse possent, modò ipsi tam salutari consilio aurem præbere & subscribere non recusent; Imò eò usque progredi feruntur, ut summa Capita operis Henotici, quod moliuntur, variis articulis expressa exhibeant, quibus Errorum variorum & Superstitionum reformatio videtur promitti, quales sunt v. g. *Imaginum è Templis ablatio, Communionis sub utraque specie restitutio, Liturgiæ reformatio, & in linguam vernaculam versio, maxima Cœnobiorum partis suppressio, & ad trigessimum usque ætatis annum Votorum Monasticorum dilatio; Indulgentiarum moderatio, aliorumque rituum & Caremoniarum minùs necessariarum mutatio.* Et alia non pauca id genus, quæ in Cœtu generali Doctissimorum utriusque Communionis Theologorum debeant approbari, & Confessione generali, quæ Capita fidei, de quibus consensus est inter partes, omisissis iis in quibus dissensus, contineat, exprimi. Quæ quidem magna cum ostentatione possunt obtendi; Sed ut facile conjicere licet, incassum, ut neutri dissidentium parti placitura sint hæc molimina. Non Adversariis, quia plus justo ex illorum mente nobis conceditur. Non Nostreis, quia non satis. Illi querentur Ecclesiam suam infallibilem erroris argui. Isti verò non ferent præcipuos & capitales errores semper retineri: Ita non potest non irritus esse omnis iste conatus. Sed si quis penitius ad rei veritatem attendat; non obscurè deprehendet hæc omnia non alio fine tentari, quàm ad laqueos conscientiarum nectendos, & simpliciores, sub eximio pacis, sed subdolæ & insidiosæ nomine illis imponendo, in servitutis pristinæ jugum reducendos. Dum enim Roma Primatum & Tyrannidem suam retinebit, quæ dominari vult & non corrigi, quis locus potest esse Syncretismo? Unde non mirum si Ecclesiæ Reformatæ adeò ab eo consilio, quod *Samaritanismus* & Religionum farraginem potius quàm veram & sinceram Evangelii inducit, alienas semper se præbuerint, utut zelum bonæ, & quæ Deo grata esset, pacis præ se ferentes, molitiones illas repudiaverint; Et si quis esset inter Evangelii Ministros, qui illis vel palàm vel clanculùm faveret, exautorationem severissimè sint interminatæ.

XXXIV. Non sanè quòd Pacem toto pectore non exosculemur; Verùm Pacem veram & solidam quærimus, quæ indissolubili cum Veritate conjuncta sit vinculo, quando tam arcte duæ istæ Patris luminum, qui & prima Veritas est, & summa Charitas, filiæ,

DISPUT.
V.

*Frustrà
Syncreti-
smum cum
Roma hodie
urgeri.*

DISPUT. sunt connexæ, ut neutram habere possit, qui alterutram negligit, & utramque perdat, qui utramvis non servat. Nec alia de causâ divinus

V. Pf. 85. 11. & Zacharias Veritatem
Zach. 8. 19. & Pacem amare jubet, c. 8. 19. & Paulus Eph. 4. 15. τὸ ἀληθεύειν ἐν
Eph. 4. 15. ἀγάπῃ tam sollicitè commendat, quàm ut utriusque sanctum & constans
connubium doceant, ut nec Veritatem sine Pace, nec Pacem sine Veritate sectemur. Hactenus sanè Pax modis omnibus quæratur à nobis & optetur, & si quis alienum se ab ea ostendit, nunquam vel Dei pacis filius, vel Christi Principis Pacis frater & membrum haberi poterit. Verùm si pacem obtinere non possumus sine Veritatis dispendio, quâ nihil prius, nihil antiquius nobis esse debet, ad cujus defensionem Majores nostri tot sunt labores passi, tot ærumnas sustinuerunt, totque martyria subire promptissimè non recusârunt; Quis injustissimæ Pacis δῶρον ἂν δῶρεν non aversetur, & pacem internam & æternam cum Deo, externæ & temporali cum hominibus, qualiscunque demum sit utilitatis & commodi, non præferat lubens? Imò si totus mundus lucrandus esset, exitialis ista mixtura nunquam esset facienda. Hiero. ad Theoph. *Volumus & nos pacem, & non solum volumus, sed rogamus, sed pacem Christi, pacem veram, pacem sine inimicitiis, pacem in qua non sit bellum involutum, pacem, que non ut Adversarios subjiciat, sed ut amicos jungat; Quid dominationem pacem vocamus, & non reddimus unicuique rei vocabulum suum?* Aliàs cum Nazianzeno censemus melius esse laudabile bellum pace, que nos à Deo separat.

Vanitas
Consilii
Henotici de
monstratur.

XXXV. Hanc autem & non aliam urgeri Pacem, Hypsæa cæcior est, qui non videt. Primò quia qui hoc opus aggredi dicuntur, se eo ingerunt non vocati, nullaque ad id suscipiendum facultate à Partibus dissidentibus donati, præsertim ab iis, sine quorum nutu & consensu quæcunque vel offerunt, vel promittunt, irrita esse necesse est. Quid enim proderit magno molimine Syncretismum urgere, & pacem offerre, insciis vel invitis illis, quorum præcipuè hîc res agitur? nisi Pontifex, quem Ecclesiæ suæ Caput esse volunt, Bullâ aliquâ vel Diplomate hoc quicquid est negotii calculò suò approbet? Ostendant verò nunquid Papa consensum huic operi præbeat, vel ut Patriarcha fiat in Regno, qui à solo Rege pendeat, vel ut cætera quæ promittuntur reipsa impleantur? Cùm verò nihil tale hactenus fecerit, nec unquam sit facturus; Quis non judicet dolum malum & fraudem hîc subesse, ut, si quod intendunt, assequi non possint, quæcunque molientur aut gerent, semper improbari possint ab ea potestate, cui sunt obnoxii? Secundò si sincerè & bonò animò feruntur; Cur non apertè & viâ regiâ incedunt, sed clanculum & per cuniculos rem gerunt? Cur privatim Pastores conveniunt, & nonnullos, aliis insciis, compellant?

lant? Cur subscriptionem ab illis exigunt, & silentii arcanum tam sollicitè commandant, ne res ad Synedriorum cognitionem statim veniat? Cur præcipuè magnis pollicitationibus eos, quos alloquuntur, permovere conantur, imò, horresco referens, pecuniâ etiam, ut ferunt, oblata, si quæ occurrerent venales animæ, quæ pessimis hisce artibus ad bonæ causæ prodicionem allici possent; Hæc sanè nimis demonstrant, anguem hîc in herba latere, & mysterium aliquod subesse; sed mysterium iniquitatis, ut faciliùs blando, sed fallaci pacis nomine incautos inescare possint.

XXXVI. Hoc verò clariùs adhuc colligitur ex speciosis, quas offerre dicuntur, variorum Errorum & Rituum superstitiosorum reformationis promissionibus. Nam si vera sunt quæ referuntur; Quis non miretur eos, qui antea omnem Ecclesiæ reformationem, toties à Principibus expetitam, semper aversati sunt, & quidem eo rerum statu, illisque temporibus, quæ illam suadere poterant; nunc, dum impotentius in nos & voce & scripto debacchantur, dum odium ipsorum quotidie magis exardescit, dum omnia ex voto illis succedere videntur, de corrigendis tamen erroribus suis cogitare, & prætensæ ἀναμαρτυρίας dogma, quod tanto molimine aliàs propugnârunt, hâc ratione eversum ire? Quis verò non videt, promissiones istiusmodi inanes esse & ludicras, quæ bona verba præ se ferre videntur, sed verba tantùm, simplicioribus irretiendis apta, quæ ad effectum perducere & reipsa impleri nunquam poterunt; Nam præterquam quòd, qui talia pollicentur, præstare non possunt quod promittunt, nullâ autoritate ad id instructi; licèt sincerè agerent, quis potest certitudini locus esse apud eos, qui teterrimum istud dogma tuentur, & tam sæpe in praxim deduxerunt, *Promissam hæreticis fidem non esse servandam*? Nonne si quid promissum esset, & datum, posset ad Pontificis libitum primâ oblata occasione rescindi? Quomodo Moravis olim fuerat concessum, ut sacra sua non Latinè, sed Sclavonicè peragerent, sed ademptum postea Papæ arbitriò, teste *Bellarmino* lib. 2. de Verbo Dei cap. 16. & Bohemis indulta fuerat à Concilio Basiliensi Communio sub utraque specie, unde dicti fuere *Calixtini*, sed hoc etiam ipsis postea negatum. Quòd si velint nobis persuadere, se bonâ fide, & non malo animo hoc polliceri; manum ergo operi admoveant, prædictos errores reformare incipiant; Tollant è Templis Imagines & earum cultum, quod sanè maximum paci obstaculum semper attulit; reddant Communionem sub utraque specie à Christo institutam, & toties à Principibus & Populis expetitam, Vernaculam linguam in Sacris adhibeant, ne populus serviat Deo ignoto cum Atheniensibus, sed adoret quod cognoscit Joh. 4. 22. Infamem Indulgentiarum nundinationem, & rerum sacrarum venalitatem, quæ Simonem magum autorem habet, non Simonem Petrum, tollant; Vota Mo-

DISPUT.
V.

nastica abrogent, Sacramenta reducant ad antiquum numerum, usum & modum, prout à Christo liquet instituta fuisse, & ab Apostolis celebrata. Vigilias, Jejunia, Peregrinationes, & alios id genus errores complures, & ritus voluntarios, non ludicos modò & pueriles, sed impios & idololatricos corrigant. Tunc æquius judicium de toto hoc consilio ferri poterit. Sed dum nihil minus quàm hæc in animo habere Romam palàm est; dum contrà superstitio quotidie augetur, & errores veteres magis magisque confirmantur. Quis, nisi qui sponte voluerit se ipsum decipere, non adducitur ad credendum, inanes esse & falsas tales omnes promissiones, quæ speciosè quidem obtruduntur ad illaqueandos infirmos, sed quæ irritæ semper futuræ sunt, ut fuerunt hæctenus aliæ omnes, quæ in simili negotio dari potuerunt?

XXXVII. Verùm demus etiam præstari quod promittitur. An propterea confecta res erit, & Reformati poterunt vel debebunt aurem præbere consiliis istis Henoticis? Nihil minus; Quippe si accuratè rem putamus, videbimus quidem nonnulla emolliri, & in speciem corrigi; Sed minutiora & levioris momenti, quæ ad ritus externos & regimen potissimùm pertinent. Sed nihil remitti tamen de præcipuis & capitalibus Erroribus. Nihil de authoritatis Pontificiæ fundamentis, quæ ut justam Secessioni causam ab initio præbuerunt, ita rebus semper sic stantibus Syncretismi ἀδυναμίαν evincunt. Quid enim juvabit Communionem sub utraque specie obtinere, Sacra vernaculâ linguâ peragere, Imagines è Templis tollere, & alia id genus mutari vel incrustari; Si retinetur semper Transubstantiationis figmentum, Idolum missaticum, Meritum operum, Satisfactionum humanarum necessitas, purgatorii doctrina, Traditio ἀρχαίων, Cultus & veneratio Sanctorum, Tyrannicus Pontificis Primatus, & cætera istiusmodi, quæ, salvâ conscientiâ, nunquam, vel recipi vel observari à nobis poterunt? Hæc sanè talia sunt, ut etiam singula secedendi necessitatem nobis imponerent, quantò magis dum omnia huc agmine facto concurrunt? De Veritate Dei non est transigendum, eam non habet, qui totam non habet; ut Christus non μετέβη I. Cor. I. 13. Ita nec Veritas ejus; pura debet esse, & integra, nec contrarii mixturam ferre potest, unde frustra sunt qui eam cum mendacio componere satagunt.

XXXVIII. Ut ergo rem in pauca contrahamus, Dicimus veram & salutarem *Unionem* Christianorum rem esse quidem optimam, quæ à singulis optari debeat; Sed quæ tamen, rebus sic stantibus, sit impossibilis; & a nemine verè pio & cordato sperari possit. Nam nec Romana Ecclesia parem admittit, nec Reformatæ possunt agnoscere superiorem, Illa leges dare ut Domina, & non accipere ut Soror & Socia vellet, & se gravari putat nisi dominetur,

καὶ εἰ μὴ τυραννεῖ πάντων ὑβρίσεις δοκεῖ, Istæ verò jugum ullius ferre nec volunt nec debent. Fateor sanè nunquam pacem repudiandam esse, si æquis conditionibus offeratur, & sine pietatis & veritatis dispendio; sin verò nihil aliud quæritur, quàm ut ad eadem vincula, servitiúmque quod evasimus, sub prætextu reconciliationis trahamur, bellum tali pace melius, & dissidium tali unitati longè anteponendum. Non nego etiam aliquid boni expectari posse, si Roma seriò de sui reformatione cogitaret, & quemadmodum justam nobis à se recedendi causam dedit, daret etiam causam ad se redeundi, & quidem priori contrariam. Sed quamdiu ipsa *infallibilitatis* opinione ebria, antiquum semper obtinebit, & eosdem errores fœdissimos, crassissimam Idololatriam & Tyrannidem durissimam propugnabit; quamdiu necessariò volet credi sub Anathematis poenâ quicquid definitum est in Concilio Tridentino, & quicquid Papæ libuerit de omnibus quæstionibus Theologicis pronunciare. Uno verbo, quamdiu stabit Papa, qualis à suis habetur, & qualem se haberi vult, frustrà erunt qui de reconciliatione loquentur; Et meritò conjicias, si sint adhuc è Nostreis, eos nihil aliud in animo habere ejusmodi consiliis, quàm ad turpem Apostasiam viam sibi præstruere, defectionem suam hoc tectorio incrustando, ut majore cum prætextu & plausu in castra hostium transeant, quod in *Nigrino*, *Codurco*, *Milleterio* & aliis visum. Si verò sint ex Adversariis, eos meras nobis struere insidias, & equum Trojanum Papisticis erroribus refertum Ecclesiis Reformatis obtrudere, ut jure *Danaos timere* debeamus *etiam dona ferentes*.

XXXIX. Frustrà verò obtenderetur *Conventus* aliquis utriusque Communionis Theologorum, in quo omnia accuratè deberent expendi, & sanciri. Nam si tale quid proponi deberet, in *Concilio* generali libero & legitimo excutiendum esset, ad quod liber accessus daretur omnibus quorum interest, & cujus unica norma & regula esset Scriptura Sacra & vox Spiritûs Sancti supremi Judicis in Scriptura loquentis, quod in Veteribus Conciliis fuit factitatum, ubi in medio Consessûs Thronus fuit unà cum libro Evangelii, vice Christi, ut observat Baronius ad a. 325. An verò tale Concilium expectari possit hodie, Synodi Tridentinæ experientia nimis docuit, quæ cum ex voto piorum omnium libera expectaretur, ad omnia expendenda ex solo Dei verbo, & Ecclesiam reformandam in Capite & Membris, nulla tamen visa est iniquior, & ad Pontificum arbitrium magis mancipata, quod, præter alios, Celeberrimus *Heiddeggerus*, in aureo quod novissimè edidit, *Anatomes Concilii Tridentini* Opere, pluribus argumentis solidissimè demonstravit. Et hoc, vel ex sola Papæ per Legatos suos præsentia, patere potest; Unde Cardinalis Lotharingus graviter querebatur, *Concilium minime liberum esse, cum neque tractare, neque decerni quicquam*

DISPUT. possit, nisi quod Legatis placeat, & Legati nihil nisi de voluntate Papæ faci-
 V. ciant, apud Suavem Polanum lib. 7. pag. 596. Et notum fuit Proverbium illo tempore jactatum, *Spiritum illum sanctum, qui Tridentina consilia gubernat, in mantica clausum, subinde Romam mitti.* Ipsa quin etiam Synodus Sess. 25. cap. 21. servitutem suam satis testatur, quum declarat, *omnia & singula, sub quibuscunque clausulis & verbis, quæ de morum Reformatione & Ecclesiastica disciplina sub Paulo III. & Pio IV. in sacro Concilio statuta sunt, ita decreta esse, ut in his salva semper autoritas Sedis Apostolica & sit & esse intelligatur.* Quod si tale Concilium proponitur, ut nullum aliud hoc rerum statu expectari potest, in quo nihil sanciat nisi salvâ Apostolicæ Sedis Autoritate; quid aliud quàm ludibrium debent, qui talia vel in animo habent, vel aliis suadere conantur?

XL. Unde nulla tutior & compendiosior sese ab his laqueis extricandi, quos Pacificatores isti subdoli cum Henoticis suis consiliis nectunt, via datur, quàm si generosè ea respuamus, & maneamus in Veritate & Libertate, quam Christus nobis peperit, nec patiamur nos iterum sub pristina servitutis jugum reduci. Sic non melius poterunt à nobis dimitti, quàm
 2. Reg. 9. 21. olim à Jehu dimissus est Joram, quærens an non pax esset ipsi, 2. Reg. 9. 22. *Quæ pax potest esse, inquit Jehu, quamdiu durant matris tuæ Jezebel scortationes & præstigia?* Quæ pax potest esse vobiscum, dum mater vestra aureò scortationum poculò populos dementat, & per scdissimos errores & Idololatrias se cum adulteris polluere pergit? An non stultus esset, qui marito, post uxori missum repudium ob impudicos mores, suadere conaretur, ut talem reciperet, qualem repudiavit, non repromissâ ex parte uxoris antè actorum pœnitentiâ, & vitæ prioris emendatione? Sed longè stultior est, qui nos in gratiam redire jubet cum ea Ecclesia, à quâ ceu meretrice divortium facere coacti sumus ob impuritatem ejus rituum & pravitatem dogmatum, qui nobis non etiam spondeat pro ea mutationem in melius, purioremque in posterum cultum cum reformatione priorum Errorum. Redeat ergo primò in gratiam cum Christo, & pacem cum ipso faciat, & nos faciles ad pacem cum ipsa redintegrandam inveniet.

XLI. Qui secus fecerint, & aures nefariis consiliis præbere non recusarint, gravissimo sese coram Deo crimine obstringent, in gratiam divinam Ingrati, Contumeliosi in labores Patrum, & cineres Martyrum, qui suo sanguine nobis hanc quâ fruimur libertatem pepererunt, Veritatis hostes, Ecclesiæ Pestes, & Christi ipsius proditores. Faceat à nobis tam infau-
 1. Reg. 18. 21. 1. Reg. 18. 21. ut pro genuinâ linguâ Canaan, Ascdodicè loquamur; Vel in ejusmodi formulas ambiguas & flexiloquas consentiamus, sub quibus hæreticus potest latere sensus, quales olim in Ariminenſi Concilio, Edictis Con-

Constantii, & Zenonis Henotico improbavit pia Antiquitas. Quin imò DISPUT.
V.
2. Cor. 6.
14. 15. 16. memores dicti Apostolici 2. Cor. 6. 14. 15. 16. nullam esse communio- nem Christi cum Belial, Lucis cum tenebris, Justitiæ cum iniquitate, & Templi Dei cum Idolis, maturè ab ipsis secedamus, non tam corpore, quàm animo & affectu, ne immunditiem ullam vel erroris, vel vitii contrahamus. Nec à generoso hoc instituto amovere debent nos, vel hominum Mandata, vel Promissiones, vel Minæ: Ita enim vox hominum est audienda, ut semper obtineat illud Apostolicum, *Satius est Deo obedire, quàm homini- bus*. Quid etiam proderit homini totum mundum lucrari, si animam suam & salutem perdidit? Ecquid verò damni dari potest, quod sit con- ferendum, vel cum tremenda Dei maledictione, & Patris abnegatione, in quam incurrunt infames illi Emansores, quos Crucis Christi pudet, & qui φιλήδονοι potiùs, quàm φιλέθιοι, cum Dema Christum deserunt & præ- sens seculum amant; Vel cum gloriosissima remuneratione, quæ fortes Christi Athletas & fideles discipulos manet? Pellantur in exilium, Deus ipsos excipiet. Honoribus & dignitatibus spoliuntur, Regnum ipsis dis- ponet, & coronam incorruptibilem largietur. Pro retrimenti mundi, & despectissimis mortalium habeantur, At Pater cœlestis in dilectorum filiorum censum recipiet. Persecutioni objiciantur & maledicantur ab omnibus, Ipse colliget in sinum suum, & benedicet; Morri ipsi addican- tur, At ipse Princeps vitæ immortalitatem concedet, & dabit ut à morte transeuntes ad vitam, æterna secum felicitate fruantur.

2. COR. VI. 17. Ε'ξέλθετε ἐκ μέσων αὐτῶν, καὶ ἀφορίσθητε, λέγει Κύριος, καὶ ἀκαθάρτα μὴ ἅπτεσθε, καὶ γὰρ εἰσδέξομαι ὑμᾶς, καὶ ἔσομαι ὑμῖν εἰς πατέρα, καὶ ὑμεῖς ἔσεσθέ μοι εἰς υἱὸς καὶ θυγατέρας, λέγει Κύριος παντοκράτωρ.


F I N I S.

DISPU-

DISPUTATIO SEXTA

DE ROMA BABYLONE.

Respondente HENRICO WASERO Tigurino.

I.  ACTENUS *Secessionis nostræ* ab Ecclesiâ Romanâ *Necessitatem* tribus præcipuè ex Capitibus, quæ totidem suppeditârunt nobis Argumentorum Classes, demonstravimus; *Hæresi* scilicet in Doctrina, *Idololatriâ* in Cultu, Et *Tyrannide* in Regimine. Quartum nunc succedit principale Argumentum non minoris momenti, petatum ab ipsâ *Dei jubentis Voce*, quæ hanc piis omnibus necessitatem imponit in illustri Oraculo, quod extat Apoc. 18. 4. *Et audiavi etiam vocem è cælo dicentem, Exite ex ea Popule mi, ne participes suis peccatorum ejus, & ex plagis ejus accipiatis.* Nam si semel probatum fuerit Babylonem istam, ex qua exire jubemur; non aliam esse quàm Romam Pontificiam, eo ipso demonstratum erit, *Necessariam* fuisse nostram ab ea *Secessionem*, & *Impossibilem* cum ea *Syncretismum*. Quia verò Oraculum istud maximi est in hac causa ponderis, ad Veritatis quam tuemur confirmationem, paulò accuratius illud expendere hâc Disputatione constituimus, sub quatuor præcipuarum, quas complectitur, partium Examine; Ut Primò videamus *Quanam* sit *Babylon* ex qua exire jubemur. Secundo *Quis* exire debeat, *Populus Dei*. Tertiò *Quomodo* & *Quando* exire teneatur. Quartò *Quare* exeundum sit, ad vitandam participationem peccatorum ejus & pœnarum.

II. Apud omnes quidem est in confesso, Babylonem istam, de qua loquitur Joannes, tum hoc capite 14. tum cap. 17. non esse propriè, sed *figuratè* intelligendam; Non de Babylone mundanâ, quales binæ fuerunt, una in Chaldæa, altera in Ægypto; Sed de *Babylone mystica*, quæ novissimis temporibus debuit Hominem Peccati & Magnam Meretricem in sinu suo fovere. Nam licet olim idem mandatum datum fuerit Populo Judaïco, ut maturè se exitio Babylonis Assyriæ, in qua captivus detinebatur, subduceret, ab ea exeundo. Is. 48. 20. Jer. 50. 8. & 51. 6. Zach. 2. 6. 7. Et Spiritus Sanctus eò hîc manifestè alluserit, verba vetera mandato novo

novo accommodando; quia ut Israël secundum carnem fuit typus Israël secundum Spiritum; Ita captivitas Israël secundum carnem in Babylone, fuit typus captivitatis Israël secundum spiritum in Babylone mystica; Certum est tamen veterem illam Babylonem non hic respici, sed novam quandam, quæ sub Novo Testamento ad illius instar erigi debuit; Et hæcenus consensus est inter omnes. Verum quando ulterius quaritur; Quænam ergo sit illa Babylon, ex qua secedere jubemur, hic mira est sententiarum diversitas; Et non minus est inter Babylonis istius mysticæ operarios opinionum divortium, quàm apud Babelis terrenæ ædificatores linguarum confusio, ut ostendant Romam Papalem non posse per ipsam intelligi, quod tamen pertendimus, gravissimis ducti rationibus, ut in sequentibus patebit.

III. Sunt ergo nonnulli, qui per Babylonem non certam aliquam Urbem, vel Statum significari putant, sed *universam impiorum multitudinem*, quæ sit veluti Diaboli Civitas, opposita Civitati Dei: qua in sententia sunt *Stapletonus*, *Sanderus* de visibi. Monarch. lib. 8. c. 8. *Malvenda* de Antichristo lib. 4. cap. 2. & 7. post *Veteres* nonnullos *Ambrosium*, *Anselmum*, *Rupertum*, *Aretam*, & alios. Sed nihil est hoc commentò frigidius, quod propterea à Pontificiis plerisque rejicitur, *Bellarmino*, *Suarezio*, *Ribera*, *Viega*, & aliis, qui fatentur Civitatem aliquam denotari, non verò Impiorum multitudinem. Et sanè rationes sunt plures gravissimæ, quæ hoc suadent. Primò quia Babylon ista, quæ eadem est cum Meretrice magna Apoc. 17. 1. 5. quæ hoc nomine insignitur, disertè *πόλις* vocatur, & non tantum *πόλις*, sed cum articulo *ἡ πόλις ἡ μεγάλη* *Urbs illa magna* Apoc. 18. 10. 16. 5. 18. quæ inter alias civitates numeratur Apoc. 16. 19. quod fieri non posset, nisi certa quædam Urbs designaretur. Secundò de ista Babylone ea dicuntur, quæ ad universam Impiorum multitudinem pertinere non possunt; Ut quod *insideat septem montibus* Apocal. 17. 9. quod *imperium habeat in Reges terra* c. 17. 18. quod *sedeat super aquas multas*, id est Populos & Gentes, ut exponitur c. 17. 1. 15. quod *incolas terræ vinò scortationis inebriet* cap. 17. 2. Nunquid enim multitudo Impiorum Regnum habet in Reges terræ; cùm contrà Reges terræ imperium habeant in Impiorum multitudinem? Nunquid potest dici sedere super multos Populos, id est super se ipsam, quæ inanis esset *Φλυαγία*? Nunquid mundus dicitur inebriare incolas terræ, qui sunt ipse mundus à Meretrice inebriatus? Tertiò illa Babylon intelligitur, cujus excidium Reges qui cum illa scortati, & negotiatores qui cum illa negotiati sunt, & reliqua Impiorum turba, qui supremæ illi & finali Babylonis vastationi superstites futuri sunt, plancturi sunt *ἀπὸ μακρόθεν ἐσκήοτες* propter metum cruciatûs ejus Apoc. 18. 10. 15. 17. At si universitas significaretur Impiorum, illa multitudo

Babylon non est multitudo impiorum.

Apoc. 17. 1.

18. 10. 16. 5.

18. 10.

16. 18.

16. 19.

17. 9. 15.

17. 1. 18.

18. 10.

15. 17.

DISPUT. VI. Babylonis excidio superstes esse non posset, nec procul ab ea stare. Præterquàm quòd finale omnium reproborum exitium, non erit ante finem sæculi, atque adeò longè posteriùs huic Babylonis excidio: Nec verisimile est Spiritum Sanctum toties tamque accuratè & prolixè Joanni revelare voluisse, quod neminem latebat, nec revelatione opus habebat, Impios scilicet universos in fine mundi in æternum exitium ruituros.

Romam esse
Babylonem
probat ex
Adversariis.

IV. Rationum istarum vim senserunt saniores ex Adversariis, qui coacti sunt fateri, non tantùm certam quandam Urbem hîc designari; sed Urbem istam non aliàm esse quàm *Romam*. Ne verò ad nos accedere videantur propterea, volunt *Romam* esse non Christianam, sed *Ethnicam* idola colentem, & Christianos persequentem. Sic *Bellar.* lib. 3. cap. 13. de Romano Pontifice, ait, *melius suo judicio per Meretricem intelligi Romam*, Et lib. 2. cap. 2. *Joannes passim in Apocalypsi Romam vocat Babylonem, ut Tertullianus observavit, & apertè colligitur ex cap. 17. Apocalypsis, ubi dicitur Babylon magna sedere super septem montes, & habere imperium super Reges Terræ. Nec enim alia Civitas est, quæ Joannis tempore imperium habuerit super Reges Terræ quàm Roma, & notissimum est supra septem colles Romam edificatam esse.* Sic *Cæs. Baron.* ad a. C. 45. n. 18. *certissimum esse, ait, hoc nomine Romanam Urbem significari.* *Vigeas in Apoc. 17. Existimamus nomine Babylonis Romanam Urbem significari in hoc Apocalypsis opere, ubi toties Babylon nominatur: Et paulò post: Et verò Joannes clarissimis argumentis Romam videtur indicasse, quum dixit, mulierem sedere super septem montes, imò omnia quæ in his capitibus memorantur, in Romanam Urbem aptissimè quadrant.* Quos sequuntur *Ribera, Gagnaus, Sixtus Senensis*, & alii non pauci; quod ideo observamus, ut os occludamus iis, qui dum Petrum volunt per Babylonem Romam figuratè intellexisse, ubi propriè & sine figura loquitur 1^a cap. 5. v. 13. nolunt tamen Joannem, quem hîc figuratè locutum esse constat, per Babylonem Romam notasse, ne causa Pontificis sui ulum inde detrimentum patiat, quod alii vi veritatis victi agnoscere coguntur, sponte fatentes, non de alia, quàm de Româ Joannem hoc in loco loqui.

Ex Apoc.
17. & 18.

cap. 17. 9.

V. Nec mirum hoc videbitur rem ipsam accuratiùs perpendenti; talis quippe fit Babylonis descriptio à Joanne cap. 17. & 18. ut non alteri quàm Romæ competere queat. Quanquam autem nulla est nota, quæ aptissimè non quadret in Romam, duæ tamen sunt, quæ ita propriè & perspicuè Romam describunt, ut nullum dubitationi locum relinquere videantur. Prima habetur v. 9. ubi Mulier dicitur *sedere super septem montes*, quod nemo ex Adversariis, vel tam ignarus est ut nesciat, vel tam impudens, ut neget Romæ apprimè convenire; sitam enim super septem montibus fuisse, Et

res ipsa clamat, & Scriptores loquuntur. Nam ad hunc usque diem Roma in ambitu suo septem montes includit, *Palatinum* scilicet, *Capitolinum*, *Quirinale*, *Caelium*, *Esquilinum*, *Viminale*, *Aventinum*; hinc Roma *ἑπτάκοις* *septicollis* dicta, & apud *Plutarchum* mentio fit *septimontii*, festi nimir. quod celebrabant Romani, quia addito urbi septimo colle, Roma *septicollis* dicta est. *Varro* de Lingua Latina lib. 5. *Dies Septimontium* nominatus ab his septem montibus, in quibus sita urbs est, Unde *Virgil.* Georg. 2. sub finem,

*Scilicet & rerum facta est pulcherrima Roma,
Septem qua una sibi muro circumdedit arces.*

Et *Ovidius* Trist. lib. 3. Eleg. 4.

*Sed qua de septem totum circumspicit orbem
Montibus, Imperii, Roma, Deumque locus.*

Horatio Dii Tutelares Romæ dicuntur

Dii, quibus septem placuere colles.

Cum ergo constet Romam super septem montibus sitam esse, liquidò patet, non alibi quærendam esse Babylonem mysticam, cui hoc tribuitur.

VI. Sed clariùs adhuc hoc colligitur ex altero Urbis istius charactere, qui à primo non est separandus, qui *ῥ. 18.* indicatur, quum Urbs illa magna dicitur *Regnum habere super Reges terra.* Quis enim nescit Romam Joannis tempore, fuisse *Βασιλεὺς τῶν πόλεων*. Orbis Dominam, Caput Mundi, Reginam Gentium? de qua *Martial.* lib. 13. Epig. 8.

*Terrarum Dea, gentiumque Roma,
Cui par est nihil, & nihil secundum.*

Ammianus Marcellinus lib. 14. cap. 5. *Romam*, dicit, *per omnes quosquos sunt partes Terrarum, ut Dominam suspici & Reginam.* *Virgil.* *Romanos rerum Dominos* vocat & *Populum latè Regem.* *Horat.* *carm.* lib. 4. od. 4. *Dominam & potentem & Principem Urbium.* Et plane peregrinum esse oportet in veteri historia, qui non fatetur, nullam aliam præter Romam Mundo tunc imperitasse, & Reges etiam dominio suo subjecisse, adeò ut Romanum Imperium *ἡλὴς & διευμένης* totius mundi nomine sæpe veniat in Scriptura. Hinc factum, ut Veteres plerique Romam, Babylonem sine interpretati; *Tertull.* adversus Judæos, Et lib. 3. contra Marcionem, cap. 13. Sic & *Babylon*, inquit, apud *Ioannem nostrum* Romana Urbis figuram portat, proinde & magna, & Regno superba & Sanctorum debellatrix. Ita *Hiero.* ad *Algasi.* In fronte purpurata Meretricis scriptum esse dicit nomen *Blasphemie*, id est *Roma aterna.* *Augustin.* *Romam* nunc secundam *Babyloniam*, nunc alteram *Babylonem*, nunc Occidentalem *Babylonem* appellat, de Civitate Dei lib. 18. cap. 2. 22. 27. *Condita est Roma velut altera Babylon, & velut prioris filia Baby-*

DISPUT. VI. *lonis, per quam Deo placuit orbem debellare terrarum. Et fatetur Andreas Cæsariensis, ea quæ dicuntur Apoc. 18. de Babylone, quæ est apud Romanos, intelligenda esse iuxta veterum Ecclesiæ Doctorum sententiam.*

Sed non Paganæ est, sed Christiana. VII. Verùm non satis est agnoscere Romam hîc per Babylonem designari, nisi ulteriùs probatum demus, *Romam non Paganam* intelligi, quæ Imperatoribus Ethnicis fuerit subiecta, quod contendunt Adversarii, sed *Christianam*, quæ Papæ. Hoc verò non unâ ratione evinci potest. Primò quia Joannes non loquitur de rebus clavis & apertis, sed de obscuris & occultis; Ideo ubi de Babylonis, tum Idololatriâ, tum persecutione Sanctorum agit c. 17. 5. 6. 7. *prophetiam* proponit, *mysterium* notat, summaque ipse admiratione capitur. At si nihil aliud sibi voluit, quàm Romam Ethnicam & Idololatriæ deditam, & Sanctorum sanguine ebriam fuisse; Quid hîc quæso propheticum, quid mysticum, quid admiratione tantâ dignum fuisset? An ignota fuit unquam vel Romæ Ethnicæ Idololatria, vel barbara in Sanctos crudelitas? Quorsum ergo tam sollicitè describere opus fuit, & quidem figuratè & mysticè, quod omnibus satis erat perspectum? sed cùm Romam ad Christum conversam, seque omnium Ecclesiarum matrem & magistram indigitantem, sibi hac visione repræsentatam intelligeret, non potuit non mirari, *Sedem*, quam vocant *Apostolicam*, non modò ipsam *Apostaticam* factum iri; sed in tantum etiam à pristinâ pietate degeneraturam, ut omnium in Christiano orbe, tum superstitionum, scortationumque mater & magistra, tum persecutionum adversùs sanctos Dei Martyres causa extitura, & ipsius Antichristi sedes futura esset. Secundò Joannes de illa Babylone loquitur, quæ *Meretrix* dicitur, & cum qua scortati sunt Reges terra, cujus vinò inebriati sunt ejus incolæ cap. 17. 2. & 18. 3. Id est, quæ idololatriâ, quæ scortatio est spiritualis, totum orbem implevit; Et cujus approbatores & defensores ac socios, Reges varios & Principes habuit. Sed hoc Romæ Ethnicæ convenire nequit; Præterquàm enim quòd *Meretricis* nomen adulterum & apostaticum notat statum, & supponit præcedens aliquod pactum & connubium; quo sensu Isâ. 1. 21. de Jerosolyma loquens, *quomodo Civitas fidelis est facta meretrix?* quod de Ethnicorum Cœtibus dici nequit; qui in fœdus nunquam cum Christo ingressi sunt, quippe per consequens non possunt dici illi fidem fregisse, quam nunquam illi dederunt; sed tantùm de Ecclesiis corruptis, quæ priùs Christo copulatæ, fidem datam perfide abruperunt, qualis fuit Romana, quæ dum Sponsam se Christi jactat, sese adulteris per idololatriam prostituit. Certum est veterem Romam, non artibus meretriciis, & lenociniis usam esse ad alliciendos Populos; sed vi armorum, & prudentiâ politica, virtuteque bellicâ illos subegisse; Nec aliis regionibus, quamvis

quamvis à se devictis, Religionem suam imposuisse, sed ipsam potiùs ab iis accepisse; & Numina peregrina in triumphum deportasse, & illis Tempia extruxisse. Hinc *Leo* de Petro & Paulo Serm. I. *Hac civitas*, inquit, *ignorans suæ profectionis Authorem, cum pene omnibus dominaretur Gentibus, omnium Gentium serviebat erroribus, & magnam sibi videbatur assumpsisse Religionem, quia nullam respuebat falsitatem.* Sed hoc novæ Romæ apprimè convenit, quæ, ut ex Sponsa Christi facta est adultera, alteri præter Christum, qui se Vicarium Christi & Sponsum profitetur, se jungendo; ita, ut mater scortationum & abominationum, terram fornicatione suâ corruptit, & superstitiones suas, & idololatricos cultus omnibus, sub pœnâ fulminis, etiam invitis obtrusit.

VIII. Tertiò illa Roma per Babylonem est intelligenda, quæ occidisse dicitur, & facta domicilium *Damoniorum*, & custodia omnis spiritûs immundi &c Apoc. 18. 3. At hoc excidium vel casus Romæ Ethnicæ competere nequit, nisi excisam fuisse dicas, quum facta est Christiana, & desiit esse Pagana, quod nemo dixerit; multò minùs poterit dici facta *Domicilium Damoniorum*, cum fuerit habitaculum Ecclesiæ verorum Christianorum. Rursus quando cecidisse dicemus hanc Babylonem? Num quando desiit persequi Christianos? Num quando Constantinus in Imperio constitutus Christianos lædi prohibuit? Num sumpsit tum Deus de Roma pœnas, quando pia & Christiana facta est? At hoc summi amoris, non Dei odii testimonium fuit. Scio quosdam hoc Romæ excidium referre velle ad cladem, quam ab Herulis, & Gothis passa est initio quinti seculi. Sed multa sunt quæ hoc effugium vanum esse ostendunt; 1. Quia Gothica clades licet magna, non fuit tamen ultimum, & finale Romæ excidium, de quo loquitur Joannes, ut colligi potest ex v. 22. 23. ubi ultima, & nunquam reparanda Romæ desolatio graphicè describitur, quod bene observat Suarez lib. 5. cap. 7. num. 11. *Desolatio Roma que predicatur Apoc. 18. erit sempiterna, ideoque certum videtur Oraculum illud in nullo precedentium excidiorum Roma impletum fuisse.* Et cap. 21. num. 6. *Prophetia illa nondum impleta est, nondum enim Roma fuit penitus extincta; Nam licet aliquas graves calamitates, & clades non modicas sub Gothis & Vandalis passa sit, per illas tamen non est impleta illa Ioannis Prophetia dicto cap. 18. quia per illa excidia factum non est, ut amplius non inveniat.* 2. Clades Gothica Romæ non contigit dum erat Ethnica, sed postquam ad Christum conversa fuerat, nec amplius Christianos persequabatur. 3. Excidium de quo Joannes, à Populo Dei, postquam è Babylone exierit, inferendum fuit; sic enim loquitur v. 4. *Audivi vocem à Cælo dicentem, Exite ex ea Popule mi, ne participes sitis peccatorum &c. Reddite ei sicut & ipsa reddidit vobis.* Et hæc Gothicæ cladi haudquaquam conveniunt;

DISPUT. VI. Illa enim non à Populo Dei è Babylone egresso, sed Populo Dei ab illuvione barbarica, Arianâ peste infectâ, infligebatur. Denique Babylonis excidium Regibus terræ, & impiis omnibus luctus, piis verò gaudii & exultationis, materiam præbiturum est. At contrâ clades illa, quâ Barbari Romam affecerunt, piis doloris, impiis lætitiæ causa fuit.

IX. Quartò de eâ Roma loquitur Joannes, qualis futura erat, sub ultimo Capite, qui Rex octavus, Et unus è septem dicitur; sic enim ait cap. Apoc. 17. 10. *Septem capita sunt septem Reges, quinque ceciderunt, unus est, & alius nondum venit, Et quum venerit, sportet eum ad exiguum tempus manere, Et bestia qua erat & non est, octavus est, & unus ex septem, & in exitum abit.* Quòd si nobis repræsentare voluisset Romam Ethnicam, non descripsisset illam, qualis futura erat sub octavo Rege, sed qualis tunc fuit sub sexto Capite, quod fuit Imperatorum. Nam ut Doctiores bene observârunt, hæc Romano statui apprimè congruunt, Et *septem Capita* aptè referantur ad septem Capita Regiminis, quibus ille Status successivè subiectus fuit, *Reges* scilicet, *Consules, Dictatores, Decemviros, Tribunos militum consulari potestate, Imperatores, Patriarchas*, & horum quinque jam fuerant & ceciderant Joannis tempore; *Sextum* nimirum Cæsarium Imperium erat; *Septimum* nondum venerat, & exiguo tempore durare debuit, Ecclesiasticum scilicet regimen Patriarcharum, ex quo Imperium Româ Constantinopolim translatus est; Eos enim Romæ dominatos esse notat *Socrates* lib. 6. cap. 11. licet illorum regimen Imperatoribus semper fuerit subordinatum. *Octavum* denique, est Bestia, quæ designat Antichristum, qui quidem censetur Octavus, propter illius summum & absolutum imperium, diversum à prioribus, simul tamen Septimus, quia ex Patriarchâ Pontifex factus est œcumenicus, & parem gloriam habiturus erat illi magnificentiæ, quam magna illa Civitas obtinuit tum, cum maximè floureret & triumpharet.

X. Quintò, Ea Roma est Babylon, quæ *nundinatur animas hominum* Apoc. 18. 18. At nundinationem animarum Roma Ethnica non exercuit, sed Papalis exercet scœdissimè, tam vivorum quàm defunctorum, ut cuius notum. Imò totum Regnum Pontificum mera est mercatura & nundinatio, ubi omnia, etiam sanctissima, venum exponuntur, *Colum est venale, Deusque*, inquit Mantuanus. Vide *Taxam Cancell.* Sextò, ea Roma intelligitur, ex qua postremis temporibus exire jubetur Populus Dei: At nusquam Spiritus Sanctus iussit fideles Româ Ethnicâ secedere, nec Christiani unquam legantur vi huius præcepti Romam Ethnicam deseruisse; sed ibidem semper, etiam sævientibus persecutionibus, constantes perseverârunt. Septimò si propter idololatriam Ethnicam sic dicta est Roma; Cur Patres post illam sublatam, eam non

non desinunt vocare Babylonem? Cur Marcellam *Hieronymus* abstrahere Româ cupit Ep. 17. quod sit Babylon, unde populus Dei exire jubetur? Cur ipse noluit diutius morari Romæ, quod Babylon esset, *Ora*, inquit ad Afellam, *ut de Babylone Ierosolymam regrediar*? Cur tot inter ipsos Pontificios hoc nomine illam designant? *Episcopi Belgici* in Epistola ad Nicolaum Primum apud *Aventinum* lib. 4. *Annal. Boio.* dicunt Romam esse, quæ à sacris Vatibus Babylonia vocatur; *Clerus Leodiensis* in Epist. contra Paschalem II. idem profitetur apud *Aventinum* lib. 5. *Petrus Blasensis* Epist. 44. & alii, & inter eos præcipuè *Petrarcha*, qui passim Romam vocat *Babylonem meretricem, matrem idololatriarum & scortationum* &c. Nec alia fuit mens Ludovici XII. quum temerè & injuriosè à Julio II. Pontifice proscriptus, moribundi senis inanes diras contrariâ obnunciatione generosè revicit, cæsô etiam nummô, qui titulos Regis Franciæ Regniq[ue] Neapol. ex una parte, & insignia Franciæ ex altera referebat cum elogio, *Perdam Babylonis nomen*, quales adhuc hodie multi reperiuntur.

XI. Frustrâ verò Ballar. contendit intelligendam esse Romam Ethnicam, quia Johannes loquitur de ea, quæ tenebat imperium super Reges terræ, & quæ erat ebria de sanguine Sanctorum, & de sanguine Martyrum Jesu cap. 17. 6. & 18. 24. hoc verò locum non habere nisi in ea Roma, quæ regnantibus Nerone & Domitiano Martyres trucidabat. Nam ad Imperium quidem quod attinet, satis est Romam tunc imperium habuisse in omnes gentes, cùm hoc scriberet, quod innuere voluit, ut disertius Urbs notaretur, quam indicabat, nullûsque esset dubitandi locus. Deinde quis nescit Romam Papalem adhuc esse locupletissimam & potentissimam, Orbis Reginam, quæ quod *non possidet armis, religione tenet*? Quid enim aliud volunt ista Elogia, *Omnia Regna Constantinus Papa dedit*, Distin. 96 cap. 14. *Constantinus. Per Papam omnes Reges regnant.* Bozius de Jure natu. & Div. Eccl. lib. 1. cap. 6. *Papa est mundi Dominus.* idem lib. 5. cap. 19. ita ut omnes Reges sint *Papæ Vassalli*, si Iesuitis creditur. *Steuch. de Donati. Constan.* & jus habet transferendi regna, & dandi quibus vult *Decret.* lib. 1. tit. 6. cap. 34. de Electione. Ita quod de persecutione Sanctorum & sanguine Martyrum dicitur, non ad Ethnicos Imperatores, sed ad Antichristum referendum est. Quamvis enim non dubium sit, quin Roma Ethnica Christianos etiam sit persecuta; tamen cùm agatur de persecutione, quæ excitatur à Meretrice, quæ nomen Mysterii in fronte gerit, quæ dum ex una parte poculô aureô scortationum Populos dementat, fraudibus & lenociniis in errorem inducendo: ex altera, inaudita violentiâ in fideles Christi Servos grassatur, patet ad Romam Ethnicam hoc haudquam pertinere: sed ad Pontificiam, cujus immanem crudelitatem & dirissimas

DISPUT. VI. dirissimas persecutiones, utinam pii non sensissent sapius, & non sentirent etiamnum hodie; Sed res ipsa nimis clamat, & historiæ loquuntur, ut superiori Disputatione probatum est; ut ista vix ac ne vix quidem explicatione egeant; Non magis ac illa, quæ adduntur, quum Mulier dicitur *purpurâ & coccô amicta, aurô & lapidibus pretiosis & margaritis inaurata*, Quodd in fronte scriptum gerit nomen *Mysterium*, quod in Romani Pontificis tiara scriptum fuisse testes *ἀντίωται* referunt, & alia id genus, de quibus alibi fusiùs dicendum erit.

XII. Scio duo adhuc objici ab Adversariis adversùs sententiam nostram. Primum, non posse intelligi Romam Christianam, sed Paganam, *Apoc. 17. 6.* quia *Apoc. 17. 6. decem cornua*, id est decem Reges, qui potestatem suam tradituri dicuntur Bestiæ, & cum Agno pugnaturi *ψ. 13. & 14.* quia vires suas & jus Imperii conferent ad Romanæ Sedis & Religionis tutamen, adversùs Christi doctrinam & Sanctos ejus testes; Idem postea *ψ. 16.* dicuntur *Bestiam averfaturi, & desolatam eam & nudam reddituri, carnes ejus manducaturi, & igne eam concrematuri.* At quomodo, inquit Bell. lib. 3. de Rom. Pont. c. 13. *erit sedes Antichristi, si eo ipso tempore debet à Regibus istis everti & comburi?* Sed nodus facile solvitur, si distinguantur tempora. Primò enim daturi sunt potestatem suam Bestiæ per illusionem falsæ pietatis, & dementationem vini scortationis, quò inebriari debuerunt. Sed postquam ab errore suo & spiritali ebrietate erunt expergefacti, tunc amore in odium verso, averfabuntur summè quam maximè deperibant; Deo justissimo judicio suo hoc ita dispensante, ut à propriis amaliis deleatur, *Deus enim*, ut subjicitur *ψ. 17. dedit in corda eorum, ut faciant quod illi placitum est.* Alterum petitur ex hypothesi Pontificiorum de duratione Anti-Christi per 1260. dies, id est, tres annos cum dimidio; Nam si brevi hoc tempore tantum durare debuit, quomodo Roma hodierna Christiana, quæ à tot seculis jam duravit, potest esse Babylon Apocalyptica, & sedes Anti-Christi? Sed demonstrata semel falsitate istius hypothese, quæ dies naturales supponit pro prophetis; & tres annos cum dimidio, pro mille ducentis & sexaginta annis, cadit vanitas istius figmenti, ut in sequentibus sumus probaturi.

XIII. Sic ostensum fuit Veterem Romam Ethnicam, per Babylonem non posse designari: De hac veritate convicti aliquot ex Pontificiis, aliud effugium captant, ut Roma quidem intelligatur, qualis futura erat sub finem mundi tempore Antichristi. Verùm non Roma Christiana, & Papæ subjecta, sed Pagana & ad Ethnicismum relapsa, quod somniavit *Viegas, Lessius, Ribera*, cum aliis nonnullis. Sed hoc etiam *κρησφύγετον* proclive est eripere Adversariis, siquidem eadem facilitate rejicitur commentum, quâ proponitur; cum hæc interpretatio nullum in Scriptura

in Scriptura fundamentum habeat, nullum in Patrum monumentis vestigium, nulla rationum momenta, sed meras conjecturas & vanas divinationes. Unde *Lessius* ipse dum eam commendare studet, nihil afferre potuit, nisi quod *non debet alicui incredibilis videri* in Apoc. c. 17. & 18. At non quæritur, an factum aliquod non incredibile debeat videri, sed an probari aliquo argumento possit reipsa contigisse; At unde probabunt nobis Romam sub Antichristo ad Ethnicismum reversuram? Imò nonne Apostolus testatur *Antichristum in Templo Dei*, id est Ecclesia *sessurum*, quod dici non posset, si ad Ethnicismum sub eo relapsura erat? Hinc plerique ex Pontificiis hoc respuunt figmentum, tum *Justinianus* in 2. Theff. 2. ubi de eo dicit, *quid hoc est quàm divinare*. Suarez. l. 7. 10. *Non video unde probari possit* Malvenda ut incredibilem detestatur, Alcazar in Apo. 17. & 18. ad eos accedit.

XIV. Hoc verò semel posito, Romam Christianam & Pontificiam hîc connotari; Inquirendum jam est ulterius, quare Spiritus S. sub Babylonis nomine illam describere voluerit, & quæ sit istius locutionis ratio & fundamentum. Primò mirum videri non debet si ænigmaticè & figuratè loquitur, cùm hîc non historiam scribat, sed prophetiam, quæ obscurior solet esse, & variis figurarum involucris tecta; Ita tamen velata est & operta, ut mysterium sub hoc velo latens penitiùs rem attendenti non difficile sit agnoscere; Quando tanta est inter Romam & Babylonem similitudo, ut cæcum esse oporteat, qui eam non videt. Audiat *Orosius* histor. lib. 2. c. 2. *Ecce, inquit, similis Babylonia ortus & Romæ, similis potentia, similis magnitudo, similia tempora, similia bona, similia mala, &c. Babylon eo anno sub Prefecto Arbaeto dehonorata est, quò Roma sub Proco Rege, ut propriè dixerim seminata est; Babylon novissimè eo tempore à Cyro Rege subversa, quò primum Roma à Tarquiniorum Regum dominatione liberata est. Si quidem sub una eademque convenientia temporum illa cecidit, ista surrexit, illa tunc quasi moriens dimisit hæreditatem, hæc verò pubescens, tunc se agnovit hæredem: tunc Orientis occidit imperium, & ortum est Occidentis.*

XV. Sed ut hoc clariùs pateat, quædam collationis capita attingenda sunt; Non tam ea quæ Urbis magnitudinem & gloriam, quàm quæ Peccata & Pœnas spectant. Multa quidem Ecclesiæ ab ejus incunabulis damna sunt à Mundo illata, Ægyptus nascentem suffocare; Babylon adultam opprimere & corrumpere; Antiochus provectam extinguere conarsi sunt. Sed quæ distincta fuerunt temporum intervallis persecutionum exempla, omnia, ut solent morbi omnes in senectutem confluere, collecta in Ecclesiæ novissimam ætatem ingruerunt: quippe quod sævitia Pharaonis, factus Babylonis, Antiochi furor designaverat, ad unius Antichristi componendam

DISPUT. VI. ponendam immanitatem cœunt. Hinc ejus sedes, modò *Ægyptus* propter servitutis duritiem, modò *Sodoma* dicitur, propter impuritatum fœditatem Apoc. 11. 8. Vicit tamen cætera *Babylonis* nomen. Nam aliæ suas artes, suas scelerum formas singulæ contulerunt, Babylon imperium, statumque cum Ecclesiæ Captivitate conjunxit & produxit. Adde quòd germanæ utriusque dotes Tyrannis, & Idolomania. Omnium utraque scortationum metropolis & impietatis officina. Hòc differunt quòd altera Corporum exitiò intentata, carnificinæ & excidio Animarum non adedò intentata fuit. Hic Nimrod robustus animarum Venator. Hinc linguæ, fideique sanctæ nata oblivio, & omnium linguarum ac rerum processit confusio. Hinc barbaries in Religionem infusa, Veritas oppressa, Templum Dei fœdissimâ Idololatriâ pollutum, divina pietatis instrumenta miserrimâ captivitate, vel sepulta, vel ad nefarios & profanos usus traducta; Sacramenta impiis superstitionum commentis commutata; Omnia sacra turpissimo quæstu contaminata, Euangelium anilibus fabulis obrutum, Conscientia Traditionum laqueis & legum humanarum vinculis constricta; Et Populus Dei dirissimæ servitutis jugo oppressus.

XVI. Longum foret sigillatim omnia persequi, sed paucis rem notâsse sufficiet. Vetus Babylon Jerosolymam, & Templum Dei vastavit, Nova Ecclesiam Christianam, quæ Dei vivi Templum est, corripit. Illa Populum Dei captivum abduxit, & sub gravissimo Tyrannidis jugo gementem diu detinuit. Ista Ecclesiam Christi captivam sub durissimâ servitute detinet. Illa fastu intolerando sese supra cætera mundi Regna extulit, quasi omnibus superior esset & nulli secunda, *Dixisti*, inquit Isa. 47. 2. *in seculum ero Domina*, & v. 10. *confisæ es malitiatuæ, dicens nullus videt me, sapientia & scientia tua ipsa evertit te, ut diceres cum animo tuo. Ego sum & nulla præter me amplius*. Ista non aliter. *In corde suo dicit, sedeo Regina, nec sum vidua, nec* Apoc. 18. 7. *videbo luctum* Apoc. 18. 7. dum se jactat æternam, infallibilem, Mundi dominam & Pontificem suum supra Reges & Principes, atque adedò supra *πάντες βασιλεις* effert. Illa rapinis & injustitiâ celebris fuit, quâ ad se mundi opes per fas & nefas pertrahere est conata Jer. 51. 34. 35. *Exedit me, quavit me Nebucadnezar Rex Babylonie, statuit me ut vas inutile, deglavit me ut draco, implet ingluviem suam deliciis meis &c.* Istam eodem rapacitatis & avaritiæ crimine teneri, non diffitentur, qui in ejus sinu vivunt, *Mantuan.* ad falco. de colloq. inopum cum falcone.

Obrinet expulsâ probitate pecunia Romam,

Nec Deus in tota possidet urbe locum;

Quot sunt Romæ homines, tot sunt per compita fures,

Quosve canes speras experire lupos.

Vide etiam *Petr. Blasensem* in Epist. 144. 145. 146. Illa præstigiis & magicis artibus dedita fuit, ut hoc illi non semel à Prophetis exprobratur

probratur. Has verò in ista nimis obtinere jam diu compertum est; cùm DISPUT.
non paucis ex pontificibus crimen hoc impactum sit, ut *Sylvestro II.* VI
Benedicto IX. Gregorio VII. aliisque. Videatur *Platina* in vita Sylvestri
II. *Io. Stella* in fasciculo rerum expetendarum, *Benò* in vita Hildebrandi.
Illa nominis etymo. *confusionem* notat. Ista non nomine, sed re ipsa mera
confusio est, non linguæ tantùm, sed & doctrinæ, *turbat, omnia, miscet-*
que, inquit *Patrarcha li. Epist. sine titulo epist. 13. industria, quam putas ob*
causam, nisi ut circulatorum more, vel perplexo loto, vel confuso vulnere li-
centius fallat, & fraus sub proprio umbraculo turbata Reip, delitescat? Et ille
quidem pro qualitate propositi artibus utitur non novis; Nam & in fruticoso
gaudet aucups, piscator in turbido, fur in tenebris, &c. Illa *malleus* fuit & virga
in manu Domini ad conterendas gentes, & Dei populum *Isa. 10. 5. Jer. 51.*
20. Istâ Deus utitur ad affligendum Mundum & Ecclesiam. Illa *Tyrannide*
& *Idololatriâ* illustris fuit; Istam utriusque non minùs ream esse, superiori-
bus Disputationibus ostensum fuit. Illa denique gravissimas criminum suo-
rum pœnas dedit ex justo Dei judicio *Jer. 51.* illam non leviores manere
Spiritus S. testatur *Apoc. 18.*

XVII. Ne verò videamur quicquam Romæ affingere ex Nobis, da-
mus Testes domesticos, & malumus id ipsum aliorum, quàm nostris ver-
bis, exprimere. *Petrarcha* multus est in describendo corruptissimo ejus statu
suo tempore, *O fons dolorum,* inquit p. 1. *Cant. 106. 107. 108. domi-*
cilium irarum, Schola errorum, Templum haresum, olim Roma, nunc Ba-
bylon falsa & nequam, cujus causâ tantum lacrymarum funditur & suspi-
riorum, officina fraudum, claustrum irarum, In qua bonum interit, & ma-
lum creatur & oritur; Viventium inferne & cruciatus, Nide proditorum
in quo latitant quæcunque mala per orbem terrarum hodie sparguntur, Vini
serva otii, & epularum, in qua libido suos extremos edit conatus, & lu-
culentiùs adhuc lib. Epist. sine titulo Epist. 7. 8. Quicquid de Assyria,
vel AEgyptia Babylone, quicquid de quatuor labyrinthis, quicquid denique de
averni lumine, deque tartareis silvis, sulphureisque paludibus legistis, huic
Tartaro admotum, fabula est. Hic turrificus simul & terrificus Nimrod, hic
Pharetrata Semiramis, hic inexorabilis Minos, hic Rhadamantus, hic Cer-
berus universa consumens, hic Tauro supposita Pasiphaë, mixtumque genus
quod Maro ait, prolesque biformis, Minotaurus inest Veneris monumenta ne-
fanda. Hic postremo, quicquid confusum, quicquid aërum, quicquid hor-
ribile usquam est, aut fingitur, aspicias, &c. Et *ibid. Hic verò non*
tam civitas, quàm larvarum & lemurum domus est, & ut breviter
dicam, scelerum atque dedecorum omnium sentina, atque viventium in-
fernus. Vide etiam *Epist. 15. 16. 17.* Ubi idem argumentum persequitur,
quas brevitatis studiò omittimus. Addamus etiam illustrissimi inter Pon-

DISPUT. VI. tificios Cardinalis Baronii suffragium, qui ad ann. 912. Romæ corruptelas & sordes nefandas fatetur, *Quæ tum facies S. Romana Ecclesia, quam fœdissima, Cum Roma dominarentur potentissima ac sordidissima meretricies, quarum arbitrio mutarentur Sedes, darentur Episcopi, & quod auditu horrendum & infandum est, intruderentur in sedem Petri, earum Amassi Pseudo-pontifices, quos postea monstra vocat. Quorum quantus fuerit numerus, exponit Genebrardus, licet nobis inimicissimus a. m. 4987. Seculum hoc, inquit, uno infelix, quod per annos fere centum quinquaginta à Ioanne VIII. Pontifices à virtute Majorum defecerint, Apotactici, Apostaticque potius quam Apostolici. Qui talia vellet operose congerere ex Bernardo, Sigeberto, Platina, Sigonio, Fasciculo temporum, Uspergens, Theodorico à Niem, Mantuano, aliisque, posset ingens inde volumen conficere, & Romæ cum Babylone similitudinem deprehendere; Unde mirum nemini debet videri, si Joannes illam istius nomine designare voluerit, quando non potuit alio significantius statum ejus ac conditionem nobis describere.*

XVIII. Cùm ergo ex his constet, Romam Pontificiam veram esse mysticam Babylonem, ex qua egredi nos jubet Spiritus Sanctus, nemo non videt justissimam fuisse & summè necessariam nostram ab ea Secessionem, ut Voci cœlesti pareremus, & salutis nostræ iremus prospectum. Quod clarius patebit, postquam visum fuerit, *quinam* teneantur exire, & *quomodo*. Prius innuit Joannes, quum *Populum Dei* compellat, *Exite ex ea Popule mi*. Ut ostendat, non ad omnes, quotquot Babylone fuerint, exitum hunc spectare, sed ad eos tantum qui *Populi Dei* singulari prærogativâ gaudent; Ut solus Abraham ex Ur Chaldæorum evocatur; solus Israël ex Ægypto; soli Judæi ex Babylonia. Licet enim omnes possint vocari populus Dei, generali nomenclatione, ratione Providentiæ; tamen strictiori significatione *Populus Dei* vocatur sola *Ecclesia* ratione fœderis Gratiæ, quia cum ea pactum speciale iniit, in quo testatur se fore Deum nostrum, petitque vicissim ut *simus ejus Populus*; Populus ergo Dei dicitur, non ratione *Creationis*, sed *Redemptionis*, Non respectu *Providentiæ*, sed respectu *Prædestinationis*, quia à Deo electus fuit ab æterno, à Christo redemptus, à Spiritu Sancto vocatus in tempore, ut esset λαός περιέκοι, *populus peculii* 1. Pet. 2. 9. & Tit. 2. 14. Ut verò appellatio ista honorifica, *beneficium* à parte Dei longè maximum importat, nimirum communionem cum Deo, & communicationem gratiæ & gloriæ, & omnimodæ felicitatis; Ita *officium* postulat ab homine strictissimum, omnimodum scilicet cultum & obsequium; quod in eo potissimum locum habere debet; ut quemadmodum Deus illum præ cæteris omnibus dilexit, & ab illis se crevit, ut esset illius Deus: Ita ipse vicissim ab omnibus aliis se

se separare teneatur, ut Deo suo soli adhæreat, nec patiatur fidem suam, vel cultum ullâ vel erroris vel idololatriæ, quæ cum Deo est *ἀνυπόστατος*, labe infici. Unde fuit Seccessionis quæ hîc præscribitur necessitas, & Mandati divini iustitia; Cùm enim Babylon ista pessimè corruerit totum Dei cultum, & Populus Dei sub gravissimo ibi detineatur servitutis iugo, ubi non potest sine præsentissimo salutis periculo manere: Quis non videt summam illi & indispensabilem imponi eo ipso exeundi necessitatem?

XIX. Ut verò exeundi ex aliquo loco mandatum, supponit necessario moram ibidem præcedentem; bene inde colligimus, si Populus Dei exire Babylone tenetur; Eum ibi antea fuisse, adeoque rectè dici Ecclesiam in Papatu latuisse. Non quòd Papatus vera sit Ecclesia, cùm contrà sit ejus pestis & corruptio. Sed quia Deus voluit aliquamdiu fideles suos in eo conservare. Quomodo Judæi, qui tunc temporis Populus Dei erant, captivi fuerunt Babylone; nec tamen dici potest, Babylonem propterea veram fuisse Ecclesiam. Atque hinc non obscurè liquet, quid responderi possit ad Quæstionem vexatissimam, quam identidem Adversarii Nobis oggerunt, *Ubinam esset vera Ecclesia ante Lutherum & Calvinum si non fuit Romana?* Quid enim, si ab iis vicissim quæramus, Ubinam vera fuerit Ecclesia Dei tempore captivitatis Babylonicæ, si Babylon non fuit? Respondebunt procul dubio; Non fuisse Babylonem, sed in Babylone captivitate oppressam. Quidni & Nos pariter dicamus, Ecclesiam fuisse in Papatu, sed captivam. Porro ut quæstio ista potest intelligi, vel *de personis*, vel *de sede & loco*; Ita diversimodè responderi potest. Nam respectu *personarum*, bene respondetur Ecclesiam fuisse in omnibus & singulis Fidelibus & Electis, qui tunc temporis vivebant, qui licèt hominibus & Mundo ignoti, Deo tamen erant notissimi; quomodo septem millia qui tempore Eliæ genua Bahali non flexerant. Ita respectu *loci & sedis*, dicimus, non fuisse certo loco alligatam; sed diversam sedem, modò hîc, modò illic juxta dispensationem Dei fuisse sortitam; Vel extra Papatum, in Cœtibus variis, qui nullam cum Roma communionem habuerunt; Vel in ipso Papatu, non quidem quoad communionem internam cum eo, sed quoad communionem externam & visibilem, quia in medio Papatûs vixit, non conjunctim & simul, sed sparsim per Regna, Provincias, ac familias, in quibus Deus Populum suum, & Electos suos habuit, quos in mediis Papatûs tenebris voluit conservare, ut totidem *φωστῆρας* & Testes veritatis, qui contradicerent Papatûs erroribus, & Veritati testimonium perhiberent. Fateor quidem conditionem istius Ecclesiæ miseram fuisse & afflictam; non tantùm, quia obscura fuit & splendore suo destituta, quod adumbratur imagine Mulieris fugientis in desertum Apocal. 12. & quia exigua fuit numerò, & ad magnam *Αποκ. 12.* paucitatem

DISPUT. VI. paucitatem redacta; sed etiam quia non potuit non, in Papatu manendo, variis ejus abusibus participare, licet fundamentum salutis semper retinuerit. Verum dubitare non debemus, quin ibidem semper aliquem sibi Populum servarit Deus, quem Spiritus efficaciam, & Verbi ministerium sustentavit: Et vel ex hoc uno luculenter colligitur, quod exire è medio Babylonis jubetur; Nec enim juberetur exire, nisi fuisset adhuc in ea.

Quanam
Secessio im-
petretur?

Is. 48. 20.
Jer. 51. 6.
Zach. 2.
6. 7.

XX. Dum autem exire populus jubetur, *Secessio* imperatur, cujus *modus & ratio* tertio loco jam venit expendenda. Cum verò *secessio* duplex possit distingui, alia *localis & politica* quoad sedem, alia *spiritualis & mystica* quoad fidem; primam Judaico populo olim imperatam fuisse, extra controversiam positum est, ut relictâ Babylone, Judæam repeteret, & libertate pristina frueretur; quod respiciunt loca antè citata Isa. 48. 20. Jerem. 51. 6. Zaca. 2. 6. 7. Sed secundam Populo Christiano imponi, non minus clarum est; Ut enim Ecclesia migraverat non *manibus*, sed *moribus*, & mutaverat, non *sedem*, sed *fidem*; non *nomen*, sed, proh dolor! *Numen*: Ita non agitur propriè de *secessione politica & civili*, quod ad habitationem & hospitium. Sed de *secessione sacra & mystica*, quoad Religionem, per quam fiat, ut nullam in sacris cum ea communionem amplius colamus. Rursus cum *Secessio sacra* sit vel *cordis*, vel *oris*, vel *latens & negativa*, per rejectionem errorum internam, quum quis se purum & immunem præstat à cultu idololatriæ, non communicando cum ipso, quod fecerunt septem millia tempore Eliæ. Vel *patens & positiva* per apertam veritatis professionem, quum palàm nos testamur alienos ab erroribus & superstitionibus alicujus Ecclesiæ, Imò & Cœtus segreges ab ea institui-mus, & puriorem Dei cultum seorsim profite-mur, quomodo Gentiles ab Ethnicismo secedebant ad Christianismum. Hic non alterutram tantum, sed utramque simul præscribi certum est: quomodo Judæi apertè Babylonem delinquere tenebantur, ut Jerosolymam se reciperent. Atque hoc clarè insinuat Isa. 52. 10. *Discedite, discedite, Exite illinc, immundum non attingite. Exite è medio istius, purgate vos portantes vasa Domini*, ibi enim ad utrumque exitum respicit *typicum* ex Chaldæa, & *mysticum* ex Babylone spirituali; Unde Paulus hoc loco utitur 2. Cor. 6. 16. 17. ad insinuandam Secessionis ab impuro impiorum Cœtu necessitatem, *Quapropter exite è medio ipsorum, inquit Dominus, impurum ne attingite, & ego vos recipiam*. Sic Act. 2. 40. Eadem secessio aperta & positiva à Judaismo ad Christianismum Judæis imperatur à Petro, *Servamini ex hac perversa generatione*. Nec aliter fieri potest, si saluti nostræ consultum volumus; ut geminum hic scopulum æquè periculosum declinemus, Alterum *hypocritarum*, qui corpore Babylone egrediendo, animo semper & corde ibidem manent, Alterum verò *Pseudo-*

Nicodemitarum, qui se corde secedere profitentur, licet corpore adhuc DISPUT. VI.
ibi hæcant.

XXI. Et ad Seceſſionem cordis quod attinet, Cùm nulla poſſit eſſe communio inter lucem & tenebras, Errorem & Veritatem, Templum Dei & Idola? Et Deus cor noſtrum ſuper omnia poſtulet; Nemo non videt, *Seceſſionem cordis* hîc primò requiri, ut omnem errorem & impietatem abnegantes, puro corde & fide *ἀντανεῖται* Deum veneremur & colamus. Aliàs quid juvaret ore tenus ad Deum accedere, ſi cor ab eo remotum ſemper manet? Quid juvaret veritatem extrinſecùs profiteri, dum peſtiferi & exitiales errores in mente fœventur? Quid prodeſſet Jeruſolymæ civem ſe jactare, & Babylonem corpore reliquiſſe; ſi animus in eam ſemper converſus eſt, imò ſi Babylon cordi ſemper hæret infixæ? Satiùs omnino foret nunquam ex ea egreſſum eſſe, quàm ejus odium hypocriticè ſimulando, prònum erga ipſam affectum ſemper habere: Unde non mirum, ſi tales Vertumni, Proteo quovis mutabiliores, qui Religionem propriis commodis accommodare volentes, Chriſtum videntur amplecti, quum è re ſua hoc eſſe vident; Iidem tamen ſubinde, quum ſibi utiliùs fore judicant, ad Babylonem relabantur, quia ex ea nunquam ſeriò & ſincerè fuerant egreſſi, de quibus impletur quod ait Petruſ, *Canis ad vomitum revertitur, & ſus ad volutabrum* c. 2. ſecundæ *ψ.* 22.

XXII. Sed ita Seceſſio cordis ante omnia requiritur; Ut neceſſaria 2. Pet. 2. 28.
etià ſit *Seceſſio oris & corporis*. Nam ut corde creditur ad juſtitiam; Ita ore fit confeſſio ad ſalutem Rom. 10. 10. Et ut Chriſtus Corporis, non minùs ac Animi Redemptor eſt; ſic in utroque vult glorificari 1. Cor. 6. 20. non modò per internam veritatis cognitionem & amorem, ſed & per externam & apertam ejus profeſſionem; ne ullam ampliùs cum Cœtu idololatræ communionem habeamus, ut ſacris ipſius interſimus, & errores amplectamur, quod eſſet *characterem Beſiæ ſumere* & eam adorare Apoc. 14. 9. Nec alià de cauſâ veri fideles proponuntur toties in hoc libro *obſignati in frontibus* Apoc. 7. 3. quàm ut neceſſitas profeſſionis externæ innuatur, non minùs ac fidei internæ, quia Chriſtus damnat, non modò eos qui non crediderint corde, ſed etià qui ore abnegarint Luc. 12. 9. Quod Pſeudo-Nicodemitarum vanum commentum jugulat, qui ſe-ceſſionem mentalem jactant, dum externam fugiunt, ſeque ſatiſfeciffe putant mandato Dei, quum Errores & abuſus Papales corde averſari ſe fingunt, dum Babylone ſemper manent, & corpus idololatræ cultu polluant, quaſi Deus alterâ hominis parte contentus eſſet, nec cultum externum corporis, non minùs ac internum animi requireret. At diviſionem iſtam minimè ferendam eſſe non ſemel proteſtatur; Nec poteſt pati, ut Corpus, quod ad imaginem ſuam condidit, quod per Chriſtum Apoc. 14. 9.
Apoc. 7. 3.
Luc. 12. 9.
cedemir,

DISPUT.
VI.

redemit, quod in Templum Spiritûs S. consecravit, idolis polluat, vel spiritali scortatione contaminetur; Non potest ferre, ut Christianus, filius Dei veritatis, infamis mendacii crimine se obstringat, simulando corpore, quod animo improbat, & divortium exitiale inter linguam & cor faciendo; An Vir uxorem suam pudicam & castam dixerit, quæ cor quidem servare illibatum marito profiteatur; interim corpus adulteris nefanda libidine prostituat? Ita an Christus pro fidei Sponsa, & casta virgine habiturus est, quæ partiri voluerit inter se & mundum, & Cor quidem dare se Christo profiteatur, dum Corpus mundo & idolis prostituit?

XXIII. Neque hic reponendum; *Non statim Babylonis peccatis infici, quotquot in ea manent, cum libertas quidvis pro arbitrio credendi, modo in ejus communione externa maneat, iis qui ad eam accedere voluerint, promittatur*: Nam licet blando isto sermone non raro uti soleant Babylonis mancipia; Non difficile tamen est dignoscere, inania tantum verba esse, & escam periculosam, quâ incautos inescare satagunt. Quid enim juvat *Libertas credendi* quod libuerit, si necessitas semper imponitur profitendi quod conscientia repugnat? Non potest, fateor, cogi conscientia, sed potest opprimi; Nam quicquid sit, si communionem externam fovemus cum illa; Si sacris ipsius intersumus, saltem corpore; Si ejus fidem externè profiteamur, Nonne characterem ejus sumimus, & Christum abnegamus? Nonne dissimulamus veritatem agnitam, & mendacium simulamus? Nonne ejus jugo collum subdinus, & peccatis ejus participamus? Taceo quòd falsò talis libertas promittitur, cum nihil minus in animo habeant, qui ita loquuntur; Et contrarium ex ipsâ praxi pateat; Quis enim nescit, neminem in communionem ejus recipi, vel in ea degere posse, qui Missatice Sacrificio interesse non debeat, id est, coram Idolo genua flectere? quique Papæ auctoritatem agnoscere non teneatur, & Decretis Ecclesiæ acquiescere? Quod unum, si nihil aliud esset, gravissimum tyrannidis jugum, cum libertate Christianâ planè ἀντίστατον importat; siquidem, hoc semel posito, tenebuntur omnes cæcâ obedientiâ recipere, quod Papæ libuerit ad credendum vel præstandum imponere; quod nemo non videt verum & legitimum esse positivæ Seccessionis, quæ hîc præscribitur, motivum & fundamentum, *Mandato præsertim divino* accedente.

XXIV. Quando autem *Mandatum* illud factum sit, nunc inquirendum; ut constet non tantum de modo Seccessionis, sed etiam de *Tempore*. *Vocem* quidem cœlitus auditam narrat Joannes; non quòd tunc temporis efferri debuerit, vel impleri, sed hic *auditus propheticus* designatur, ut suo tempore implenda prænunciaretur. Quamvis verò non ita proclive sit designare Temporis momentum, quò Vox ista cœlestis debuerit audiri, vel audita fuerit; Non

obscuri

obscuri tamen sunt characteres, quibus hoc dignoscatur; Siquidem hic mentio fit Babylonis, non modò stantis, sed & ad occasum vergentis & jamjam casuræ. Unde patet, non statim natâ Ecclesiâ, Oraculum hoc locum habere debuisse, sed tantùm post revelatam Babylonem; Neque verò statim initio Tyrannidis Babylonicæ, sed postquam hæc Tyrannis diu duravit, & casui proxima erat; quod ad Reformationis tempus pertinere non diffitebuntur, qui rem seriò & absque præjudicio expendere voluerint: Quum Christus Angelicæ tubæ sonitu, nimirum per fideles Servos suos, qui non ratò *Angelorum* nomine veniunt, annum beneplaciti, & liberationem à captivitate tristissimâ ptopulavit. Quomodo olim publicâ voce Judæico Populo Captivitatis solutionem, & reditum in Patriam per Cyrum denunciari jussit. Nimirum qui luxuriantem castigare voluerat Ecclesiam Deus, in triste exilium pellendo, ubi inter hostes delitescere debuit; noluit tamen eam deserere, sed illi afflictæ propitius adfuit, & tempore præstituto septuaginta annis elapsis, Cyrum excitavit, qui libertatem Judæis attulit, & Edicto promulgato *Jerosolymis dixit, readificantor, & Templo, fundator* Isa. 44. 23. Esd. 1. Ita in novissimâ hâc captivitate, Israëllem secundùm Spiritum Babylone latentem & gementem non deseruit; Audivit ille captivorum gemitus, Vidit conscientiarum tyrannidem, & tristissimum Ecclesiæ in spiritûs immundi domicilium commutatæ spectaculum, nihilque jam superesse, nisi ut Christi nomen deleteretur. Suo itaque tempore suppetias illi tulit, Cyrus vocavit, Imò ipse Rex Regum, Dominus Dominantium, Cyrus noster, (Solem enim Persæ Cyrum vocant, si *Plutarcho* credimus in Artaxerxe, *Κῦρον γὰρ καλεῖσιν οἱ Πέρσαι τὸ ἥλιον*) Sol ille justitiæ, luce nova tenebras discussit, & Spiritualis Libertatis solemne velut Edictum cœlitus promulgavit.

DISPUT.
VI.

Is. 44. 23.
Esd. 1.

XXV. Quia verò plurimum intererat hoc ab omnibus intelligi; Ideo non submissâ, sed clarâ & altâ voce, Angelicarum tubarum sonitu, qui homines veterino peccati, & vino scortationis Babylonicæ sepultos excitaret, denunciari hoc voluit. Unde tres sibi invicem succedentes mittit Angelos, qui præconium hoc certius confirmarent: Quod jam cap. 14. insinuaverat, postquam de 144. millibus *obsignatorum* egerat, id est, de veris fidelibus, qui se puros ab idololatriâ servaverant, *non se polluendo cum mulieribus* &c. v. 4. Primus ponitur v. 6. *ἐν μεσσηράνῃατι* volans, & *Evangelium æternum* antea sepultum incolis terræ afferens. Quod in fidelibus Dei Servis impletum, quos Deus post Antichristi revelationem subinde excitavit ad Veritatis conseruationem & defensionem, ut ex *Catalogo Testium Veritatis* patet; præcipuè verò novissimis seculis, appetente jam Reformationis tempore, ut via illi paulatim pararetur. Ut factum à *Waldensibus*, & *Albigensibus*

Act. 14

v. 4.

6.

DISPUT. circa duodecimum seculum, anno 1170. postea à *Wiclefo* declinante de-
VI. cimo quarto circa annum 1360. & à *Ioh. Hussa* & *Hiero. Pragensi* circa
 initium decimi quinti, confirmatum est. Secundus & tertius introducun-
Apo. 14. 8. tur ꝑ. 8. & 9. casum Babylonis describentes, & pœnas denunciantes ejus
9. Cultoribus. Quod tum impletum est, quum magni Viri Dei potenti vo-
 ce instar tubæ Angelicæ, ab initio Reformationis Papatûs fundamenta
 masculè subruere cœperunt, tum voce, tum scriptis, hominesque ab Ido-
 lomaniâ Romanâ abstrahere, & ad Christi Euangelium revocare studue-
 runt; quod in *Luthero*, *Zwinglio*, *Oecolampadio*, *Bucero*, *Calvino*, &
 aliis Heroibus observatum fuit. Quod autem cap. 14. jam attigerat Spi-
 ritus Sanctus, ulterius cap. 18. exequitur, & clariùs, tum de excidio Ba-
Apo. 18. 2. bylonis, non inchoato tantùm, sed consummato vaticinatur ꝑ. 2. 3. tum
3. 4. 5. de necessaria fidelium à Babylone secessione. Ideo non tantùm denuntiat
 pœnas Bestiæ cultoribus, quod fecerat cap. 14. sed hortatur insuper pios
 omnes in ea degentes ad secessionem, ne contaminati illius peccatis, pœ-
 nis ejus involvantur, & ruinâ opprimantur ꝑ. 4. 5. Hoc verò eodem Euan-
 gelii præconio impletum esse, ita per se patet, ut magnâ probatione non
 sit opus. Quis enim ignorat eximios illos Dei Servos in id præcipuè in-
 cubuisse, ut fideles à Babylone ad Jerosolymam, à Papa ad Christum,
 ab Errore & superstitione, ad Veritatem & purum Dei cultum deduce-
 rent? Nec eo tempore tantùm vox ista audita est, sed exinde continuò
 in Orbe Christiano sonuit, & etiamnum hodie resonat, & ad fideles Ba-
 bylone adhuc latentes dirigitur, ut de salute suâ etiam solliciti, maturè
 se Babylonis iugo & exitio subducant, ne peccatorum ejus participes, sint
 etiam pœnarum socii.

XXVI. Hæc quippe ratio Mandati gemina proponitur, *Ne participes*
peccatorum ejus ex plagis accipiat. Fateor vel solam Babylonis mentionem,
 Seccessionis istius necessitatem satis inducere; cùm impossibile sit Civem esse
 simul Jerosolymæ & Babylonis. Sed ut fortiùs adhuc mandati istius justitia
 cognoscatur, duplici hac ratione fulcire eam voluit Spiritus Sanctus, quæ
 justior & gravior nulla dati potuit. Cùm enim summo quisque salutis &
 felicitatis ducatur desiderio, ea verò sit alienissima, imò planè ἀνόματον
 cum duobus maximis, quæ hîc notantur malis, *Culpæ* scilicet & *Pœnæ*,
 Quis non videt ineluctabilem illis omnibus, qui salutis suæ sunt studiosi,
 imponi necessitatem eam deferendi societatem, quæ talium peccatorum &
 pœnarum consortio eos involvit? Atque eò magis, quòd ut peccata ista
 non levia sunt & minuta, quæ cum fide & salute possunt utcumque sub-
 sistere; Sed gravia & teterrima, quæ fidem Christi, & puriorem Dei cultum
 penitus corrumpunt: Ita pœnæ, quæ illa manent, non castigatoriæ sunt &
 medicinales, à quibus felix datur exitus, quales in fideles sæpe cadunt;
 sed

ſed ultrices & horrendæ, quæ ultimum fontibus exitium ſunt allaturæ, quas nemo ſalutis ſuæ cupidus fugere non tenetur.

XXVII. Atque cā potiffimū ratione moti fuerunt ſuperiori ſeculo Majores noſtri, quum Babylonem generosè reliquerunt, ut Jerofolymam corruptam reſtaurarent, & Reformationis Operi manum admoverent. Quid enim aliud eos permovere potuit, ut, relicta Patria, Parentibus, amicis, bonis, & rebus quibuſque chariſſimis, quibus fruebantur, & frui poterant dulciſſimè, ſi Babylone manſiſſent; de mutandis ſedibus cogitarent, & de Papatu deferendo, & vexillo Euangelii ſequendo conſilium inirent; quod indignationem Principum, Concivium odium; totius penè mundi furorem in ipſos concitabat, & non modò bonorum jacturæ, ſed & mille ærumnis & Crucibus, adeòque propriæ vitæ periculo eos exponebat? Quid, inquam, eos adeò potenter afficere potuit, niſi Conſcientiæ ipſius Vox, & divini Mandati juſtitia, Salutisque, quæ rebus omnibus pretioſiſſimis, imò & vitâ hac temporali carior piis omnibus debet eſſe, deſiderium; Nam ſi ullum dari potuiſſe credidiſſent pacis vel conciliationis cum Babylone medium; Næ inſani & mente capti fuiſſent, ſi illud moleſtæ, & triſtiſſimæ ſeceſſioni non prætuliffent; Ut Superiorum favorem, Æqualium amorem, & dulciſſima quæque, quibus antea gaudebant bona, retinere poſſent. Verūm, quia ſe talia poſſidere non poſſe, ſalvâ conſcientia, & Chriſti fide, perſuaſiſſimum habebant; maluerunt cum Paulo omnium jacturam facere ut Chriſtum lucrarentur; & ſuorum odio & furori ſe exponere, ut amorem Chriſti illibatum ſibi ſervarent.

XXVIII. Porro quæ ratio Seceſſionis neceſſitatem illis impoſuit, Eadem, rebus ſemper ſic ſtantibus, Syncretiſmi ἀδυναμίαν evincit. Nam ſi exire jubetur Dei populus ex Babylone, quo tandem pacto, vel in ea adhuc manere, vel ad eam redire, & quocunque demum prætextu cum ea συζητῆσαι poſſemus, niſi cœleſti voci rebelles, & in propriam ſalutem injuri? quicquid enim prætexatur, ad exitialem illam ἐνωσιν faciendam; quicquid dicatur ad Errores incruſtandos, tegendamque ejus turpitudinem, Babylon ſemper eſt, cum qua ſacrum commercium nulum nobis intercedere poteſt, niſi cum ea perire volumus. Quòd ſi Lothus Sodomis non modò exire jubetur promptiſſimè, ne deteſtandæ Urbis involveretur excidio; ſed & prohibetur retrorſum ad eam reſpicere ſemel egreſſus, Gen. 19. 14. 17. quod cūm uxor ejus detrectaſſet, crimen graviſſimâ poenâ luit, in ſalis ſtatuam converſa. Si nefas erat Iſraëli-
tas ex Ægypto ſemel liberatos, iterum eò redire, vel peponum, & cœparum, ſimiliumque ejus deliciarum deſideriò capi, quod malè ceſſit Iſraëli-
tis murmurantibus Numer. 11. 3. & 14. 3. 4. Deut. 17. 16. Si Judæi ex ca-
ptivi-

DISPUT. VI. pravitare Babylonica reduces, sub pristinae servitutis jugum redire sine crimine non potuerunt. Quando gravior poena eos manere censenda est, qui suavissimae, quam fruuntur, libertatis obliti, vellent ferreum, quod antea tantum non opprimebantur Tyrannidis jugum sponte subire, & exitialem Babylonis amicitiam, salutaris cum Christo communionis dispendio quærere? Nam praeterquam quod *Samaritanismus* ille, seu Religionum mixtura Deo semper fuit summè exosa, qui consortis impatiens, nec parem nec superiorem in Cultu ferre potest; ut toties hoc illis exprobrat, qui claudicare volebant in utrumque latus, & Dominum colendo, Diis etiam suis servire 1. Reg. 18. 21. & 2. Reg. 17. 33. Ut veterat agrum conferri diversis seminibus, & vestem contextam ex lana & lino gerere, Levit. 19. 19. eo ipso mixtiones omnes in cultu divino adulterinas esse symbolicè innuens; Et Paulus periculosam illam σύγκρασιν non semel damnat 1. Cor. 10. 21. & 2. Cor. 6. 14. 15. 16. 1. Tim. 6. 5. Heb. 13. 13. 2, Jo. 10. Accedit etiam salutis nostrae ratio; Nam quicumque sic ἀμφότερος est, revera ἰδέτερος ἐστὶ; qui utramque Religionem sociare pertendit, neutram habet: Nec bene conveniunt, vel in una sede morantur, Arca Dei cum Dagone, Veritas cum Mendacio, Christus cum Belial, & Templum Dei cum Idolis. Unde magnam olim laudem consecuti sunt *Athanasius* & *Hilarius*, qui dum totus orbis ingemiscebat, & Arianum se esse mirabatur, secessionem & exilia sancto & verè generoso consilio, huic pestiferæ Unioni, & maledictæ concordiae alacres prætulērunt.

XXIX. Ita demonstratâ *Secessionis* nostrae Necessitate à divino *Mandato*, unum superest, ut paucis respondeamus nonnullis, quæ afferri adhuc possunt, ad vim Argumenti nostri infringendam, exceptionibus. Prima petitur ex *Allegorico* loquendi *Sermone*, ex quo nihil certi posse colligi contendit *Perronius*, tum quia subobscurus esse solet, tum quod ex Canone recepto, *Theologia Allegorica non sit Argumentativa*. Secundò, licet daretur, inquiunt, Ecclesiam corruptam fuisse, non propterea ab ea recedendum fuisse, fuisse corrigendam, sed non fuisse deserendam, ne unitas ejus laceraretur. Tertiò, si quæ *Secessio* postulabatur, non statim fuisse positivam, & externam, quæ jus tribueret novas Ecclesias novumque Ministerium erigendi, quod sine peculiari vocatione nemo aggredi debet; sed sufficisse negativam, & internam. Quartò, Patres ante Reformationem Babylone manentes potuisse servari, & re ipsa servatos esse ex nostra sententia; Sic & nos eorum exemplò posse servari, etsi Babylone maneamus.

XXX. Facilè tamen ad omnia respondetur. Ad 1. Resp. distinguendam esse Interpretationem *Allegoria*, quæ non potest aliunde confirmari, nec aliâ ratione nititur, quam mero arbitrio Interpretis;

pretis; Ab ea quæ partim ex Scriptura apertè confirmatur, partim ex ipso eventu intelligitur: Fateor prioris Allegoriæ sermonem esse subobscurum, & hoc sensu verè dici, Theologiam Allegoricam non esse Argumentativam. Sed quoad posteriorem aliter se res habet; aliàs Apostolus, qui toties ex allegoria argumentatur, non solidè ratiocinatus fuisset: Nec Ioannes Apoc. 1. 3. beatos diceret, qui legunt & audiunt, quæ in hac prophetia proponuntur, quæ maxima ex parte allegorica sunt. Jam mandatum exeundi Babylone ita est allegoricum, ut ex ipsâ Scripturâ luculenter confirmetur, & ex ipso eventu clarissimè comprobetur, ut antea visum.

XXXI. Ad 2. R. Hoc non tam contra nos, quàm contra Spiritum Sanctum dici, qui expressè jubet exire. Fateor, si Babylon sanari potuisset vel voluisset, non fuisse deferendam, sed corrigendam: Sed quia curavimus Babylonem, & noluit ipsa curari; Imò non modò Medicum recusavit; sed in Medicos suos insurrexit, & ferro & flammâ eos persecuta est, quid supererat, quàm ut eam tanquam insanabilem & desperatam relinqueremus, & saluti saltèm nostræ prospiceremus? ut hîc verè impletum sit, quod olim de veteri Babylone Jeremias dixerat Jer. 51. 9. *Curavimus Babylone, & noluit sanari, eam deserite, & revertatur unusquisque in terram suam; Iudicium enim ejus ad Cœlos usque pervenit.* Eum autem statum fuisse Romæ, eam pervicaciam & obstinationem adversus piorum monita, & vota, qui Reformationem petebant; Nemo est qui nesciat; ut non tam fugere illam debuerimus, quàm ab ipsa fugati fuimus, non tantùm Anathematum fulminibus, sed etiam cædibus & lanienis, ut ostensum fuit Disput. 1. Thef. 26. 27. 28. Ubi plura de hoc Argumento. Frustrâ regeritur, non deferendam esse Ecclesiam, *extra quam nulla est salus*, vel unitatem ejus lacerandam. Nam aliud est *Ecclesiam veram* deferere, extra quam non est salus; Aliud *Ecclesiam Romanam*, quæ hoc nomine indignam se præstitit; Aliud sanctam Unitatem Corporis Christi, quæ veritate nititur, lacerare, quod impium; Aliud Unionis falsæ, quæ in errore fundatur, vinculum abrumpere, ut veritatem & pacem Christi retineamus, quod summè laudandum.

XXXII. Ad 3. R. gratis supponi Secessionem tantùm internam & negativam requiri; cùm externa etiam & positiva hîc præscribatur. 1. Quia Israëlita non tantùm corde exire debuerunt Babylone, sed etiam externè & positivè Jerosolymam repetendo, & altare Dei & Templum instaurando. 2. Quia Deus non tantùm cultum internum, sed & externum postulat 1. Cor. 6. 20. 3. Quia Secessio non imperatur uni vel alteri, sed toti *populo*, id est, Cœtui fidelium, qui non potest carere cultu externo & publico; aliàs sequeretur vel cultum externum & publicum non

DISPUT. VI. esse necessarium, vel cultui idololatrico saltè externè licere participare; quod utrumque vel cogitare impium. Nec hìc opponi debet defectus legitime vocationis; Nam praterquam quòd vocatio ordinaria plerisque non defuit; Alia est ratio *Ecclesiæ constituta & stantis*; Alia *restituenda & corrupta*. In illa, fateor, Ministerium neminem suscipere debere, qui non sit ex ordine recepto vocatus: Sed in ista res aliter se habet; multa enim, quæ aliàs non licerent in ordine constituto; rebus perturbatis, & in casu necessitatis, quæ non habet legem, facile permittuntur. Quòd eo justius hìc potest locum habere, quòd radix authoritatis, qua vocatio Pastorum nititur, non est penès Rectores Ecclesiæ: sed penès ipsam Ecclesiam; quæ proinde ipsa sibi in tali casu potest suos Pastores instituere, si aliter fieri nequit, potius quàm ut sinat oves Christi palantes sine Pastoribus & pabulo interire.

XXXIII. Ad quartam de *Patribus ante Reformationem*. R. 1. Legibus, non Exemplis vivendum esse; Nec tam nos esse debere sollicitos de eo, quod ante nos præstitum est, quàm de eo quod præstari reipsa debuit. Itaque si Patres peccassent, vel humani quid essent passi, Babylone manendo; Non statim eos sequi teneremur, si clariùs de voluntate Dèi nobis jam constet. 2. Alia fuit Patrum conditio, alia nostra, ut aliud est *Captivitatis*, aliud *Libertatis* tempus. Babylone sine crimine manserunt Judæi, nondum solutâ captivitate: At gravi reatu se obstrinxerunt ii, qui sese fratribus non adjunxerunt, cùm Deus eos ab hac servitute vocavit. Dum Captivitatis durabat tempus, licuit esse captivum; Sed postquam Deus libertatem cœlesti voce promulgavit, non *Captivus*, sed *Servus* est qui manere statuit; Nec licet moramnectere, Angelo præeunte, & sonante tubâ, nisi miserè perire malumus, quàm maturè imminenti exitio nos subducere. Potuerunt ergo Patres, quos sibi Deus Babylone servabat, secedentes à superstitione, non secedere tamen à superstitiosis, quia nondum videbatur captivitas soluta; Necdum Dominus exeundi rationem ipsis patefecerat, vel locum quò se reciperent præparaverat: Sed ex quo novissimis hisce temporibus Dominus Evangelii sui Signum extulit, & altâ voce proclamari jussit, *Exite Babylone Popule mi*: Ex quo viam antea clausam aperuit, & complanavit; ad Signum hoc non accurrere, huic invitationi non obtemperare, Babylone Jerosolymam non ascendere, rebellio est in Deum, manifestus gratiæ Divinæ contemptus; quia non invitos, sed cum voluptate Babylone agere se testantur, qui inde non discedunt, & non ampliùs captivi sunt, sed mancipia Babylonis, qui communionem cum ea colunt,

XXXIV. 3. In eo etiam differt conditio nostra à conditione Majorum, Quòd antea, licet graves essent errores & abus,

fus, vel nondum erant capitales, & mortiferi, vel nondum in leges abie-
 rant, & sub Anathematis pœnâ erant sanciti, ita ut cogerentur quotquot
 ibidem manebant eos profiteri: poterant ergo per secessionem negativam
 immunes se ab illis præstare, & in pabulo quod illis proponebatur, ve-
 nenum à salutari cibo secernere. Sed ex quo Errores fuerunt in ἀμῆ, non
 modò graves, sed lethales, contagiosi & immedicabiles; Ex quo in Le-
 ges abierunt, & sub Anathematis pœnâ sunt sanciti, quod factum fuit
 potissimum in Conventu Tridentino; Quis, salvâ conscientiâ, post co-
 gnitam veritatem, ibi hæreere posset, cùm nemo sine idololatriæ crimine
 sacris ejus interesse queat? 4. Licet non dubitemus, quotquot ex populo
 Dei Babylone manserunt ante Reformationem, servatos esse per Dei mi-
 sericordiam: Non sequitur tamen propterea nobis liberum esse & inte-
 grum, hodie in tanta Euangelii luce, ubi datur facilis & publica Deum
 purè colendi ratio, ibidem morari; Quia non tentandus est Deus, vel
 spernenda quam nobis offert gratia. Quamvis ergo nonnulli servari po-
 tuerint in illa Communione, & reipsâ servati sint, sed ægrè & veluti per
 miraculum, in tanta & tam gravium errorum multitudine; perperam inde
 colligitur ibidem pios posse & debere semper manere sine salutis periculo,
 & non quærendam esse aliam communionem puriorem, in qua non mo-
 dò salus obtineri aliquando possit in certis casibus, sed ubi via salutis cer-
 ta sit & infallibilis, modò fidei puritati vitæ sanctitas respondeat. Sic quam-
 vis illi, qui in aëre contagioso, & urbe, in qua pestis grassatur, manent,
 quia nulla illis ad secedendum via patet, possunt tamen à contagio præ-
 servari: non ideo sequitur omnibus, etiam iis, quibus exire inde licet,
 ibidem manendum, imò temeritatis & insanix, addo etiam propriæ mor-
 tis reus esset, qui hoc tentaret, quia se præsentissimo salutis periculo spon-
 te exponeret. Ita dum nullus alius locus Majoribus nostris sese offerebat
 præter Ecclesiam Romanam variis modis corruptam: Nec ulla patebat ad
 exeundum via, potuerunt ibidem tantisper manere, donec porta ipsis ad
 secedendum aperiretur. Sed postquam Deus occasionem præbuit, sese
 liberandi ab erroribus capitalibus & crassissimâ idololatriâ, quibus cœlum
 Ecclesiæ Christianæ infectum erat, & Ecclesiam puriorem, in qua salu-
 briore licet nobis aëre frui, inveniendi, magno crimine obstringeremur,
 & indigni essemus tam eximiâ Dei gratiâ, si illuc quantò ocyùs nos non
 reciperemus & pestem alibi grassantem fugeremus, salutiq; nostræ non
 temporali, sed æternæ consuleremus. Nec tolerantia Dei in certo tempore,
 potest vel debet esse regula tolerantix ejus in omnibus aliis.

XXXV. Si jam quæritur. Quid porrò judicandum sit de il-
 lis, qui in Ecclesiâ Romanâ manent. R. Nostrum non esse judicare
 de personis, sed tantùm de fide. Nec ii sumus, qui limites ponere
 velimus

DISPUT. VI. velimus misericordiæ & potentiæ Dei, cujus manus nunquam est abbreviata, ut non possit per vias mirabiles & ἀνεξίτηλας ab errore suos liberare, & servare quotiescunque voluerit ὡς διὰ πυλῶν. Duo tantum ut indubitata firmiter teneri volumus. Primò Neminem citra grande vulnus conscientiæ & salutis periculum, posse, cognitâ semel veritate, vel in Papatu manere, vel ad illum deficere. Quia fieri hoc non potest sine gravissimis peccatis, quæ cum salute sunt ἀσύστατα, putâ, *Dissimulatione veritatis, Simulatione mendacii, Participatione errorum & sordium Ecclesiæ Romanæ, Christi abnegatione, Tentatione patientiæ Dei, Rebellionione aperta adversus ejus mandatum, & cum Scandalo infirmorum*, aliisque id genus, quæ iram Dei in homines accersunt. Secundò Neminem formaliter Pontificium, id est, qui Papatûs errores & cultum profitetur, & retinet, & in eo statu moritur, esse in via salutis, quia ex regula Spiritûs Sancti, *Idololatræ non possunt heredare Regnum Dei* 1. Cor. 6. 10. *Timidorum pars est in stagno ignis & sulphuris, quæ mors est secunda*, Apoc. 21. 8. *Et quisquis characterem bestię sumit, bibere debet ex vino iræ Dei* Apoc. 14. 8. Non placet, fateor, hic sermo multis, quibus Pax cum Româ longè rebus suis conducibilior videretur: Sed nostrum non est pacem promittere, ubi Deus maledictionem interminatur, vel spem salutis conciliare, quum ipse eam præscindit. Si cui ergo chara est sua salus; Nihil antiquius habere debet, quàm Deum vocantem sine mora sequi; Non hîc cum carne & sanguine conferendum, cui nunquam hora videbitur commoda exeundi, & Templum ædificandi, cum Judæis profanis Aggæ. 1. 2. Sed Deus solus audiendus, ut, omnibus superatis obstaculis, amorem Salutis affectibus quibusque mundanis, pacem Dei paci hominum, & mandatum ejus quibusvis mundi promissioni- & illicitis generosè anteponamus. Alias *quisquis patrem, matrem, filios, & filias, uxorem supra me*, inquit Christus, *dilexerit*, imò qui non eò usque processerit ut odio etiam habeat, id est, promptè propter me relinquat, *non est me dignus*. Sed contra, *Quisquis reliquerit domos, aut fratres, aut sorores, aut patrem, aut matrem, aut liberos, aut agros, causâ Nominis ejus, centuplum accipiet, & vitam æternam possidebit*. AMEN.

FINIS.


DISPUTATIO

DISPUTATIO SEPTIMA

SIVE

ANTICHRISTI DEMONSTRATIO.

Respondente MARCO WERDMYLLERO*Tigurino.*

I.  ICET Ecclesiam in terris militantem varii semper exercuerint hostes, à quibus innumera passa est mala; Alii aperti & detecti, pro hostibus Christiani nominis pacem se gerentes; Alii tecti & dissimulati, Christum sub ipsius nomine oppugnantes: Nullum tamen Satan, & per hoc ille salutis nostræ adversarius, pestilentiorum & diriorum unquam ipso Antichristo excitavit, qui cæterorum artes & fraudes conjungendo, Christi doctrinam & Regnum oppugnare, & infami Apostasia ab ipso deficere debuit. Hinc fit ut ex omnibus, quæ inter Nos & Pontificios agitantur Controversiis, nulla majoris momenti ad Secessionis nostræ justitiam & necessitatem compendiosissimâ viâ confirmandam, occurrat, eâ, quæ de Antichristo agit. Cum enim certò certius sit, Christo è diametro ipsum opponi, nec ullam cum eo communionem dari posse; si semel constiterit, Pontificem, qui Catholicæ obtruditur Ecclesiæ, ut omnium Controversiarum Judex, Conciliorum Præses, Regnorum Dispensator, Ecclesiæ Sponsus, & Christi Vicarius, esse Antichristum illum magnum, quem delineat Scriptura, promptum erit cuilibet colligere, necessariò ab eo ejusque societate secedendum nobis fuisse, nullumque deinceps dari posse cum eo Syncrètismum.

II. Hoc est autem, quod probare nunc suscipimus, & quod *Quinta* & ultimæ *Demonstrationis* locum obtinebit, in eo, quod versamus argumento. Et eò diligentius hoc nobis est exequendum, quò majori studio & conatu Adversarii tenebras hîc nobis offundere, & Antichristum alienis coloribus depingere satagunt, ut longissimè abeant à Papæ sui vultu. Hinc falsi characteres sunt affecti Antichristo, quibus Christiani in errorem inducantur. Ut Messiae falsas notas Judæi apponunt, ut à salutarî Christi cognitione

DISPUT. VII. nos abducant. Verùm si penitiùs rem attendimus, nihil facilius est, quàm caliginem, quæ hîc obducitur, excutere, & ex Verbi divini luce hoc iniquitatis Mysterium propalare. Quod ut commodiùs fiat, duo nobis præstanda esse censemus; Ut primò in thesi, *Qualis* debuerit esse Antichristus, quem quærimus, probemus; Secundò, *Quis* ille sit in hypothesis, intento velut digito demonstremus. Prius Characteres & notas genuinas Antichristi oculis subjiciet. Posterius earum applicationem docebit, & in quo subjecto deprehendantur. Illud ex Scriptura petendum erit; Hoc verò ex eventu & experientia.

Quotupli-
citer sum-
tur vox
Antichristi.

1. Joan. 2.
18.

III. Antequam verò ad rem ipsam accedamus; duo de Nomine præmittenda sunt. Primò *Antichristi* vocem, modò communiter sumi, pro quovis Christi Adversario, qui quacunque ratione Christo se opponit, vel quoad unum doctrinæ caput, vel quoad plura; Et in Scripturæ usu, non tam quemlibet Christi hostem, quàm larvatum & domesticum designare, quo sensu Joannes testatur suo tempore plures jam fuisse Antichristos, 1. Joan. 2. 18. hoc nomine hæreticos illos indigitando, qui vel Divinitatem Christi, vel illius Incarnationem negabant. Modò singulariter & δεικτικῶς, ibidem pro insigni quodam Christi Adversario, cui κατ' ἐξοχὴν hoc debetur nomen, & in quem characteres varii concurrunt, qui sparsim tantùm reperiuntur in aliis. Et hoc sensu de eo nunc disputamus. Secundò Antichristi nomenclationem duo dicere. 1. *Hostem* & *Æmulum* Christi. 2. Ejus *Vicarium*; Utrumque enim vis præpositionis ἀντί importat, quæ in compositione nunc *pro*, nunc *contra* significat; Modò *vicem* & substitutionem, ut ἀντίπατρις *Proconsul*, qui vicem Consulis gerit, ἀντίδειπνος apud *Lucianum* Conviva quasi vicarius, alterius nempe locum supplens, qui invitatus non venit, ἀντάδελφος qui est vice fratris, ἀντίψυχος, qui vice alterius mori cupit, & similia. Modò *Oppositionem* & contrarietatem, ut ἀντικείμενος, ἀντίδικος, ἀντίπαλος &c. Utraque significatio hîc locum habere debet. In eo enim Antichristus se prodit magnum Christi Adversarium, quatenus se æquat Christo ut æmulum; & se locum Christi tenere in terris profitetur, ut Christi Vicarium. Nec alia de causa Satan pro Christi Vicario eum obtrudit, quàm ut faciliùs sub illo schemate & histronia Christum oppugnet: Ita prior *Vicariatus* expositio est fundamentum posterioris, & posterior *Oppositio* nis, prioris finis & scopus.

IV. Hujus Antichristi propriè & ἀντονουασιῶς sic dicti adventum jam olim à Spiritu Sancto prophetice Ecclesiæ prædictum esse, utrique agnoscimus, idque tum à Paulo in 2. ad Thessal. 2. tum à Joanne in Apoc. 13. 17. 18. sub specie modò *Meretricis*, modò *Bestia*, imò & ab ipso Daniele jam sub Veteri Testamento, sed

sed sub Typo Antiochi Epiphani, cujus in Ecclesiam Judaicam Tyrannidi, Antichristi grassatio in Ecclesiam Christianam respondere debebat. Sed in eo dissensus est maximus; quòd Adversarii Pontificem suum Antichristum à Viris Dei designatum & descriptum dici posse præfractè negent. Nos verò in nullum alium ejus notas aptius competere constanter statuamus. Quod dum asserimus, non putandum hoc à nobis fieri ullo maledicendi studio, prout qui illius partes sequuntur, hæreticos nos aeternum damnatos quotidie criminantur, & sexcentis impetunt calumniis; sed merà nos defendendi necessitate, ut Conscientiis, nobis id juxta Dei verbum dictantibus, satisfaciamus, & Secessionis nostræ ab Ecclesia Romana, justitiam & necessitatem evincamus; ne frustra vel levi quadam de causa Majores nostri communionem, in qua nati & educati fuerant, reliquissè videantur; Nòsque omnem ad Romam reditum, vel cum ea Syncretismum respuere censeamus.

V. Hæc est communis & constans Protestantium sententia, pluribus ipsorum Confessionibus expressa; *Helveticâ* Art. 17. *Belgicâ* Artic. 36. *Scoticana* in Comitii Regni firmatâ anno 1581. cui Regia Majestas ejusque Familia, alique varii ad Dei gloriam, bonorumque omnium exemplum subscripserunt. *Bohemicâ* editâ anno 1535. art. 8. *Anglicâ* Ivelli, anno 1562. cui suffragantur Academia Oxoniensis & Cantabrigiensis, cum doctissimis Episcopis & Theologis, & qui unus potest esse instar omnium *Jacobus VI.* Rex in Apologia suâ pro Juramento Fidelitatis, & in alloquio suo ad Cæsarem, Reges, & Principes. Quid verò Ecclesiæ Gallicanæ hætenus crediderint, satis testatæ sunt in Synodo Nationali Vapincensi, anno 1604. ubi articulum huc spectantem unanimi consensu, qui Confessioni suæ adjiceretur, hisce conceptum verbis condiderunt: *Cum Episcopus Romanus, erectâ sibi in Orbe Christiano Ecclesiæ Monarchiâ, sibi arroget Principatum in omnes Ecclesias & Pastores, usque adeo inflatus, ut Deum se ipse appellet*, Can. satisf. Dist. 96. L. 1. Sac. cærem. cap. de Bened. Ensis; *velit adorari* Concil. Lateran. ult. sess. 1. 3. 9. 10. *ipse sibi tribuat omnem potestatem in cælo & in terra, res Ecclesiasticas ad libitum componat, condas articulos fidei, auctoritatem Scripturæ velit pendere à sua, eam ad libitum interpretetur, animarum mercaturam exerceat, liberos adstrictos votis & juramenti exolvat, novos Dei cultus instituat, & quod ad Civilia attinet, legitimam Magistratuum auctoritatem conculcet, dans, adimens, & transferens Regna; Credimus & asserimus eum esse verum & germanum Antichristum filium perditionis* 2. Thess. 2. 3. *prædictum in Dei Verbo* Zach. 11. 16. 17. 1. Joan. 4. 3. Apoc. 13. 11. *Meretricem purpuratam* Apocal. 17. 1. *insidentem septem montibus in magnâ Civitate* Apoc. 17. 9. *obtinentem regnum in Reges terræ* Apocal. 17. 18. & *expectamus, donec Deus, prout promisit, & jam*

Communis
Protestan-
tium est sen-
tentia, Pa-
pam esse
Antichri-
stum.

DISPUT. VII. *cæpit, eum fractum & victum Spiritu oris sui, tandem deleat fulgore adventus sui* 2. Theſſal. 2. 8. Non diverſam hinc abire *Auguſtanam* Confeſſionem patere poteſt, velexeo, quòd notas & ſigna Antichriſti Papæ tribuat præſertim abuſu 1.2.3.5.7. Quòd Apologia illius Confeſſionis in iſdem Comitiiſ Auguſtaniſ Cæſari oblata communi nomine Confeſſorum, diſertè Papam Antichriſtum profiteatur loco de Eccleſia p. 149. de Conjugio Sacerdotum p. 240. 241. de Traditionibus humanis p. 208. 209. ut ſolidè probatum dedit *Nicolaus Hunnius* in depulſione Accuſa. Jeſuit. cap. 3. Bellarminus conſenſum omnium Proteſtantium in hac ſententia agnoſcit lib. 3. de P. R. cap. 1. *Similia docent omnes hæretici hujus temporis, ac præcipuè Lutherus, Magdeburgenſes, Illyricus, Muſculus, Beza, Bullingerus &c.*

V1. Ne verò gratis hoc aſſerere videamur, jam oſtendendum Characteres omnes, quibus Antichriſtus in Scriptura deſcribitur, ita Romano Pontifici convenire, ut nemo poſſit ad eos attendere, quin facilè in illis tanquam in ſpeculo Papam ipſum intueatur. Licèt autem varii vulgò recenſcantur, poſſunt tamen ad hos tres præcipuos referri, qui non ſeorſim, ſed ſimul ſunt ſpectandi: *Locum, Tempus, & Perſonam.* In quibuſdam locis Spiritus Sanctus *Locum* ſeu ſedem, in quâ ſeſſurus fuit designat. In aliis *Tempus*, quò exeri debuit indicat. In cæteris varias *Perſonæ* qualitates & actiones, quibus inſignis eſſe debuit, deſcribit. Et ad *Locum* quidem quod attinet, designatur duplex, *Communis & Singularis.* *Communis* dicitur eſſe *Templum Dei* apud Paulum 2. Theſſ. 2. 4. quum homo peccati dicitur ſeſſurus in Templo Dei ut Deus. Quod non de alio, quàm de Templo myſtico, id eſt *Eccleſiâ*, quæ paſſim hoc nomine venit in Scriptura Eph. 2. 21. 1. Corint. 3. 16. 2. Cor. 6. 16. 1. Tim. 3. 15. 16. intelligendum eſſe liquidò conſtat. Scio *Templum Dei* non rarò ſumi pro Templo Hieroſolymitano, Deo inter Judæos ſacro; Matth. 23. 16. & Luc. 1. 9. Sed non poteſt hoc ſenſu hîc uſurpari, quicquid Pontificii, ut ſaveant fictitio ſuo Antichriſto è Judæiſ oriundo, garriant, & poſt eos *Grotius* in hunc locum, qui peſſimâ fide verba Pauli aliò detorquere conatur, ut Pontifici Romano palpum obrudat. Nam Paulus loquitur de illius Templi profanatione, quæ & metuenda eſſet Chriſtianis & fugienda. Sed ad illos pertinebat Templi Hieroſolymitani deſolationio. Imò optanda erat potiùs Chriſtianis, quàm formidanda, ut ita Cæremoniæ legales penitus abrogarentur, & Chriſti prædictio ſuum haberet complementum: Nec ullum mœrorem concipere poterant ex tali profanatione, utpote qui ſcirent & abominationem deſolationis juxta Daniele & Chriſtum Templo inferendam, & illud brevi diruendum; imò id avidè exſpectabant. Atque hîc ſecundò patet, non poſſe hîc Templum Hieroſolymitanum intelligi, quia ex Chriſti vaticinio

Locus An-
tichriſti
communis,
Templum
Dei 2.
Theſſ. 2. 4.

Eph. 2. 21.

Matth. 23.
16.

Luc. 1. 9.

vaticino Matt. 24. 2. à Romanis funditus fuit destruendum, ut ne lapis DISPUT.
quidem super lapidem esset relinquendus, sed in perpetuam solitudinem VII.
esset redigendum, nec unquam deinceps instaurandum. Quod cum Ju- Matt. 24 27
lianus Apostata in odium Religionis Christianæ tentasset cum Judæis, te-
meritatis & impietatis suæ pœnas dederunt; Nam titanicum opus, quod
nefario ausu inceperant, tetræ motu, & ultricibus flammis deferere coacti
sunt, ut referunt *Socrates* lib. 3. cap. 20. *Sezomenus* lib. 5. cap. ult. &
alii. Tertiò licet domus Hierosolymitana in Vet. Testamento sæpius
Templum Dei dicatur, tamen post mortem Christi, & Cæremonia-
rum impletionem & abrogationem, nec Templi Dei veritatem, nec no-
men retinere potuit. Quartò Antichristus, de quo hîc agi non negant
Pontificii, non debuit Hierosolymis sedere, sed Romæ, ut jamjam vide-
bitur, nec inter Judæos, sed in Ecclesia Christiana, utpote qui non aper-
tè, sed hypocriticè & tectè Christum oppugnaturus erat.

VII. Antichristus ergo dicitur *sessurus in Templo Dei*, quia in
Ecclesia dominationem & imperium usurpaturus erat, ut *Thomas* no-
tat, vel primam sedem arrepturus, ut *Theodoretus*. Sedere enim Dei
regnare est: Ita innitit Apost. ipsum dominationem suam exerciturum,
non quemadmodum Tyranni olim in Ecclesiam Dei, id est, contra
eos qui fidem profitebantur, ipsi interea in infidelitate perseverantes:
sed in Ecclesia regnaturum, id est, intra Ecclesiam, ut non exter-
num sit bellum, sed intestinum potius, & quasi civile. Neque negli-
genda est Augustini observatio l. 20. c. 19. de Civ. Dei, qui vult dici
sessurum non tantum *in Templo*, sed ut Græcè habetur *εις ναὸν Θεοῦ in*
Templum Dei, tanquam ipse sit Templum Dei, quod est Ecclesia, sicut
dicimus, sedet in amicum, id est, velut amicus, &c. licet enim præpo-
sitio *εις* pro *in* possit aliquando poni, tamen nihil obstat, quominus
genuinam & primariam ejus significationem retineamus, maximè cum
agatur de Antichristi Tyrannide, quam non tantum in Ecclesia, sed &
adversus Ecclesiam exerciturus erat.

VIII. Hoc autem Pontifici Romano convenire, res ipsa clamat;
Nam ut Christianum se profitetur, imò suum Corpus, Ecclesiam Chri-
stianam, Catholicam & Apostolicam vocat: Ita in Templo Dei bene
sedere dicitur; Tum quia in Ecclesia Christiana sedem suam fixit.
Tum quia in omnem Ecclesiam Primatum sibi arrogat; Et Ecclesiæ no-
men, privilegia, & autoritatem omnem ad se trahit, quasi ipse solus
cum suis esset Templum Dei, quod est Ecclesia; Reliqui autem Chri-
stiani pro hæreticis & schismaticis essent habendi. Tum denique quia
ita regnat in Ecclesia, ut Ecclesiam ipsam destruat & oppugnet. Et ut
Oraculo eventus respondeat, verbum ipsum *sedendi* retinuerunt, ad

DISPUT. VII. dominium suum designandum; *Sedere* enim in Ecclesia, proprium est Pontificum, quorum quisque tamdiu *sedisse* dicitur, quamdiu illam obtinuit dignitatem, quæ etiam antonomasticè *Sancta Sedes* dicitur. Licet verò dicamus Pontificem sedere in Ecclesia Dei, non inde sequitur Ecclesiam Romanam esse veram Ecclesiam; Nam distinguendus hic est *sensus compositus & divisus*, & *denominatio antecedens & consequens*. Quum Antichristi sedes dicitur esse Ecclesia, hoc non intelligendum in sensu composito, quasi posset simul esse Ecclesia Christi & Antichristi, quod *δύσαστον*: Sed in *sensu diviso*, ut innuatur eam, quæ antea fuerat Ecclesia Christi, factam fuisse sedem Antichristi. Quomodo apud Isa. cap. 1. 21. *Civitas fidelis dicitur meretrix*, quia quæ olim fuerat fidelis, facta est meretrix per suam Apostasiam. Ita *cæci videre* dicuntur, *surdi audire*, *claudi ambulare*, non quia tales in sensu composito, sed qui tales antea fuerant in sensu diviso. Sic Romana Ecclesia, quæ debuit esse sedes Antichristi, potuit esse vera antea, quum ejus fides annuntiabatur in toto mundo, & aliquot seculis deinceps, quamdiu sanam doctrinam retinebat, & hæreses oppugnabat, Et tum temporis negamus fuisse sedem Antichristi: Verum quum progressu temporis à veritate defecit, & alienam doctrinam induxit, tum desiisse esse Christi Ecclesiam, & factam esse Antichristi sedem dicimus.

Locus singularis Babylon Romæ. IX. *Locus singularis* est *Babylon*, Urbis magna *ἐπτάλοφος*, quæ tempore joannis imperium obtinebat in Reges terræ; & quæ poculò scortationum omnes populos debuit inebriare, & ebria esse sanguine Sanctorum. Sed soli *Romæ* hoc convenire Disputatione præcedente demonstratum fuit, Et quidem non Paganæ vel ad Ethnicismum relapsæ, sed Christianæ, & ad Apostasiam delapsæ, ut nihil opus sit ulterius in eo probando immorari. Unum tantum superest dubium expediendum, quod hic movetur à *Bellarmino*, *Lessio*, & aliis, Sedem scilicet Antichristi non fore Romam, sed Hierosolimam, quia in Urbis magnæ plateis corpora duorum Testium dicuntur jacere, quæ *vocatur spiritualiter Sodoma & Egyptus*, ubi & Dominus eorum crucifixus est. Apoc. 11. 8. At non Romæ, sed Hierosolymis Christus est crucifixus. Verum gratis supponitur, per magnam illam Civitatem intelligendam esse Hierosolimam, quæ nusquam in Apocalypsi Civitas magna in sequiorem sensum dicitur: Sed hoc aptissimè Civitati Romanæ convenit, quæ, ut alibi mysticè vocatur *Babylon*, urbs illa magna; Ita hic spiritualiter dicitur *Sodoma*, propter nefandas foeditates ibi grassantes, & *Egyptus*, propter cæcitate, idolomaniam, & crudelitatem. Nec obstat, quod Dominus ibi crucifixus dicatur: Hoc enim trifariam potest intelligi. 1. *Proprie* de

de ipso Christo, quia in Ditione Romana & auctoritate auspiciisque Romanæ civitatis crucifixus est; sic enim civitas Romana Urbis Romæ mœnibus non includitur, sed ad Provincias omnes illius imperio subiectas extenditur. 2. *Myſticè* in membris Christi, quorum passiones suas reputat Christus. Act. 9. 4. 5. Colof. 1. 24. 3. *Spiritualiter* ratione peccatorum, quibus impii Apostatæ dicuntur ab Apostolo Hebr. 6. 6. *sibi crucifigere Filium Dei*, id est, quantum in se est. Jam Roma magnæ illius Apostasiæ caput est, ut postea dicemus; Ibi igitur imprimis Christus spiritualiter crucifigitur. Ne jam dicamus, quotidie cruci quodammodo affigi ab ipsis in Missa, dum quotidie offerri in Sacrificium propitiatorium pro peccatis viventium & mortuorum contendunt.

Act. 9. 4. 5.
Col. 1. 24.
Heb. 6. 6.

X. Sic inventâ Sede Antichristi, nunc *Tempus* ejus revelationis, quod in ea sessurus erat, attendendum est, Circa quod non minùs acriter controvertitur. Pontificii enim *Tempus* ejus adventûs rejiciunt ad finem usque mundi: Et quemadmodum Judæi nondum exhibitum Christum esse contendunt; Ita isti venturum adhuc Antichristum somniant, & demum sub mundi finem grassaturum. Nos verò Antichristum jam ortum esse & manifestatum, non verò sub finem tantum mundi revelandum pertendimus. Quia Paulus jam suo tempore gliscere cœpisse testatur. 2. Theſ. 2. 6. quum ait, *myſterium iniquitatis*, ἡ δὲ ἐνεργείῃς jam operari, & 1. Joan. 2. 18. jam tunc Antichristos esse in mundo; quod dici non posset, nisi jam tum horrendæ istius Apostasiæ fundamenta jacta fuissent. Fateor quidem hoc clàm factum fuisse & opertè, ut non facile sit primum ortûs momentum observare, Satanâ, hujus Myſterii architecto, sensim per varios antambulones, & doctrinæ corruptelas sternente fundamenta istius Tyrannidis. Ideo *Myſterium* dicitur *iniquitatis*, oppositum *pietatis Myſterio*, quod Christi ortum & revelationem docuit; Ut ortus ejus *μυστηρίως*, atque adèò occultus & latens, non apertus & patens indicetur. Verùm hoc non impedit, quominus reipsa jam revelatus sit, ut ex eventu patet, & clarissimè ex infrà dicendis constabit. Nec mirum videri debet, si quemadmodum rerum variarum initia latent, incrementa patent; ut corruptionis Rerum-publicarum, scientiarum, linguarum, & similitum, principia sunt exigua & operta, progressus verò & incrementa majora & aperta; Sic & corruptæ Ecclesiæ. Unde Antichristi ortus obscurior fuit, ex divina dispensatione, quia debuit esse *μυστηρίως*, ut primò *conceperetur* filius perditionis, quàm *nasceretur* & *revelaretur*.

Tempus re-
velati Anti-
christi.

2. Theſſ. 2. 6
1. Joan. 2.
18.

XI. *Tempus* autem istius *revelationis* Scriptura refert ad periodum sublatis à medio τῷ κατέχοντι, scilicet *dissipati Imperii Romani*. Sic enim Paulus 2. Theſſal. 2. 7. 8. καὶ νῦν τὸ κατέχον ἔσται, Et

2. Theſſ. 2.
7. 8.

DISPUT.
VII.
quid sit
ὁ κατέχων?

Et nunc nostis quid impediatur, nam mysterium iniquitatis jam operatur, μόνον ὁ κατέχων ἄρτι ἕως ἐκ μέσων γένηται, καὶ τότε ἀποκαλυφθήσεται ὁ ἀνομιμῶν, Tantum ut qui tenet nunc, teneat, donec de medio fiat, tunc revelabitur Impius &c. Hic ergo videndum imprimis quis sit iste ὁ κατέχων, qui Antichristi manifestationem impediēbat. Duobus modis exponi potest, vel quasi ὁ ἐμποδίζων & κωλύων, ille qui impedit & obstat, quomodo exponit Chrysost. & post illum Oecumenius, vel ὁ κρατῶν qui obinet Imperium sive imperat, ut vult Augustinus. Utraque significatio locum hic habet. Quippe Imperator tenendo imperium Romæ, detinuit sive impedivit revelationem Antichristi. Quomodo enim Romæ dominari potuit Antichristus, quamdiu Rerum potiebatur Imperator; Debit ergo ὁ κατέχων sive Romanus Imperator de medio auferri, antequam revelaretur Antichristus, & ut via illi sterneretur. Hoc verò Paulus exprimit modò in genere neutro per τὸ κατέχων ψ. 6. ut notet Imperium Romanum, modò in masculino ψ. 7. μόνον ὁ κατέχων, ut designetur ipse Imperator: Nec negligenda est vis vocis μόνον, tantum qui nunc obstat, donec è medio tollatur, quasi hoc unicum esset obstaculum, quò semel sublato, Antichristus esset revelandus. Hanc autem & non aliam esse Pauli mentem, ut per τὸ κατέχοντα intelligatur Romanus Imperator, colligimus ex Apo. 17. ubi Tempus revelati Antichristi refertur ad tempus dissipati Imperii in decem Reges designatos per decem cornua, qui Regnum cum Bestia partituri erant, ψ. 12. 13. Quod ex eo confirmatur, quòd Antichristus ultimum Bestiæ Caput statuitur, quod nisi decedenti sexto Capiti scilicet Imperatorum, quod tum erat, & è medio sublato, succedere non potuit. Nec alia fuit Veterum sententia.

XII. Quamvis enim nonnulli τὸ κατέχοντα referant ad Spiritum & gratiam, quæ impedire potuit istam Apostasiam. Alii ad Decretum Dei, quod cuique sua præfixit tempora: Tamen longè plures nobis hic adstipulantur. Scholia Græca exponunt per Romanorum Thronum, Imperium nunc impediens, τῷ τέτιν ὁ Ῥωμαίων Θρόνῳ καὶ βασιλείᾳ οὐκ ἐμποδίζεσθαι, εἰς τὸ πάντοτε αἰὶν φησὶ καὶ τέλῳ λάβῃ, τῷ δὲ ἀποκαλυφθῆσθαι ὁ ἀνομιμῶν, τῷ τέτιν ὁ ἀνιχνεύσθαι. Sic Tertullian. de resurrect. carnis, cap. 24. *Tantum qui nunc tenet, teneat, donec de medio fiat, Quis nisi Romanus Status, cujus abscissio in decem Reges dispersa Antichristum superduccet, & tunc revelabitur iniquus.* Atque eadem de causâ Apolog. capite 32. *Est & alia major necessitas, inquit, orandi pro Imperatoribus, etiam pro omni statu Imperii, rebusque Romanis, quod vim maximam universo orbi imminentem, ipsamque clausulam seculi acerbitates horrendas comminantem Romani Imperii commeatuscimus retardari. Itaque nolumus experiri & dum precamur differri, Romana diuturnitati favemus.* Hinc alibi testatur, fideles orare pro mora finis, non pro dilatione finis mundi, quod

quod perperam quidam voluerunt, sed pro *mora finis Imperii Romani*, cuius dissipationem secutura erat Antichristi Revelatio. Cyrillus Hierosol. Catech. II. Εἴρεται δὲ ὁ ἀπείρημένος Ἀντιχρῖστος ἐπὶ, ὅταν πληρωθῶσιν αἱ καιροὶ τῆς Ῥωμαίων βασιλείας. *Venit autem praedictus ille Antichristus, cum completa fuerint tempora Romani Imperii.* Chrysost. in hunc locum expresse hoc refert ad ἀρχὴν τῶν Ῥωμαίων, & vult sic obscurè Paulum loquutum fuisse, quia nollet frustra inimicitias suscipere, & inutilia pericula: Chrysostomum sequuntur in h. l. Oecumenius & Theophylactus, in ea verba, *Tantum ut qui tenet, teneat. Hoc est, inquit, Romanum Imperium tolletur e medio, tunc effecturus est ille, nempe Antichristus.* Ambrosius in 2. Thess. 2. *Et tum revelabitur iniquus, post defectum, inquit, Regni Romani, appariturum Antichristum dicit Apostolus.* Hieron. ad Algasi. quaest. 11. ita exponit, *Tantum ut Romanum Imperium, quod nunc universas Gentes tenet, recedat, & de medio fiat, & tunc Antichristus veniet, quod confirmat in Jer. cap. 25. Et ad Gaudentium cum intelligeret Romam raptam, unoque, ut ipse ait, hausta incendio, Imperium occidentale ad occasum vergere, qui tenebat, inquit, de medio sit, & non intelligimus Antichristum appropinquare?* Augustinus lib. 20. de Civit. Dei cap. 16. licet fateatur se nescire quid illud sit quod detinuit, tamen verba illa, *tantum qui modo tenet, teneat*, rectè exponi posse existimat de Imperio Romano, *tantum qui modo imperat, imperet, donec de medio fiat, id est, de medio tolla ur, & tunc revelabitur iniquus, quem significare Antichristum nullus ambigit.* Sedulius in 2. Thess. 2. *Qui nunc Rex Romanorum tenet Regnum, teneat Regnum suum, donec de medio fiat, id est, donec Regnum, quod nunc tenet, de medio auferatur, priusquam Antichristus reveletur. Hoc de Imperio Romano dictum est, & propterea Paulum non id aperte scribere voluisse dicunt, ne calumniam incurreret, quod Romano Imperio male optaverit, cum speraretur aeternum.* Idem agnoscunt Anselmus, Glossa Interlinearis, Lyranus, Thomas, & alii non pauci ex Adversariis.

XIII. Hoc verò semel posito, probandum superest, Oraculum hoc jamdiu impletum esse, hoc est, dominium Imperatorum, quod revelationem Antichristi impediēbat, e medio sublatum fuisse, atque adeò Antichristum, eò sublatō, jam inde revelatum fuisse. Quamquam probatione opus esse haudquaquam videretur, cum eventus ipse, & rerum experientia hoc, nobis etiam tacentibus, clamet. Scio reclamare hīc Adversarios, & nondum sublatum esse Romanum Imperium contendere, ac proinde adhuc expectandum esse Antichristum. Verum facili negotio scrupulus tollitur, si distinguamus *Vetus Imperium & Novum*; ordinem scilicet Veterum Imperatorum, qui in Augustulo intercidit, ut jamjam videbimus, & seriem Novorum, quæ in Carolo Magno ini-

DISPUT. VII. tium sumpsit. Fateor quidem, Imperium novum adhuc superesse quod nomen prioris, & qualemunque imaginem ejus retinet, sed vetus Romanum jam diu desit. De hoc autem Paulum loqui multa probant; Primò, quia loquitur de eo Imperio, quod tunc stabat, quòdque Revelationem Antichristi impediēbat, non de eo quod futurum erat, *qui tenet*, inquit, non qui tenebit; At novi Imperatores qui nondum fuerunt, neque tunc tenere potuerunt Imperium, nec detinere Antichristum, sed Veteres, qui tum Rerum potiebantur. 2. Agit de illo Imperio, quod impedire potuit manifestationem vel dominium Antichristi; At quomodo nudus titulus & nomen Imperatoris in Germania potuit impedire dominationem & revelationem Antichristi Romæ, vel Hierosolymis, ubi Pontificii eum collocant, & ubi Imperator nihil habet Juris? 3. Imperium quod revelationem Antichristi impedire debuit, fuit sextum Caput Bestiæ seu status Romani apud Joannem: At Imperatores novi, nec sunt Capita Romani status, sed Germanici, nec possunt dici sextum Caput, sed tantum ejus imago quædam & umbra, quam secunda Bestia, id est Antichristus faciendam curat, factam animat, animatam loqui facit. 4. Imperium de quo loquitur Paulus dividendum erat in decem cornua, seu decem Reges: At novum tantum non est, ut in decem segmenta, quæ Regna dicantur, dividi queat; nec unquam expectandum est, ut ex ejus divisione decem Reges oriantur. 5. Imperatores, de quibus Apostolus, Antichristum præcesserunt, ejusque revelationem impediverunt, iisque succedit Antichristus secunda Bestia Apoc. 13. omnem eorum potestatem exercens. Novum verò Imperium imago est prioris Bestiæ sive Imperii & status Romani, quam Antichristus faciendam curat, & factam loqui facit. Ideo eò omnino debet esse antiquior, utpote ejus author. 6. Pontificii non pauci vi veritatis victi ad nos hîc accedunt; Faber Stapulensis, *ubi nunc quæso Romana Monarchia? ubi quis in ea mundi regit habenas? Cùm videamus Monarchia caput ab ea deficere*, & Salmero omnium clarissimè, *Imperium Romanum jam diu eversum est; nam qui nunc est Imperator Romanus, levissima est umbra Imperii antiqui, usque adeò, ut ne quidem urbem Romæ possideat, & jam per multos annos Romani Imperatores defecerunt. Justinianus, Pridem Romanum Imperium in eas angustias redactum, ut vix tenuem quandam umbram Imperii teneat.* Baronius ad an. 476. par. 1. cùm videret non tantum Imperatorem esse Græcum, sed ne Consules quidem Romanos, Sic, inquit, *Occidentale Imperium, quod erat Romanum, penitus collapsum est & devolutum ad Barbaros.* Barradius in Concordiam Tom. 1. lib. 4. cap. 4. Judæis negantibus Christum venisse, quia Imperium Romanum adhuc stet. Respondetur, inquit, *non extare Romanorum Monarchiam ut est compertum.*

XIV. Cùm ergo vetus Imperium necessariò sit intelligendum, inde manifestè colligitur, cò sublatò, Antichristum etiam revelandum fuisse: Et sanè prædictioni adamussim respondit eventus. Ex quo enim Imperium in Occidente labefactari cœpit, innotescere cœpit Rom. Pontificis Tyrannis, & magis ac magis retegì; Et per quos gradus descenderunt Imperatores, per eos ascenderunt Pontifices Romani. Tres autem possumus præcipuos notare gradus sublatis à medio Imperii. Primus est quum sedes Imperii à veteri Roma ad novam seu Constantinopolim translata est à Constantino A. C. 331. quia tunc sedem Pontifici vacuam reliquit, imò si ipsi Pontificiis fides est habenda, Urbem Pontifici concessit, *decernens in ipsa urbe utriusque Potestatis Monarchiam Romanis Pontificibus* Dist. 96. c. *Constantin.* Secundus, quum post divisionem Imperii in Orientale & Occidentale, non modò Imperatores Occidentis, relictâ Româ, sedem Ravennæ, vel Mediolani posuerunt, & sic è medio secesserunt, vel discesserunt, sed etiam è mundo sublatis sunt anno Christi 475. quando, eversò per Gothos Occidentali Imperiò, ordo ipse Imperatorum, qui revelationem Antichristi potissimum impedièbat, in Augustulo II. planè intercidit, qui abdicare se coactus est ab Odoacro Rege Herulorum; Nec ullus Romæ, vel in toto Occidente Imperator postea fuit per annos 325. donec novum Imperium tanquam veteris imaginem Romanus Pontifex in Occidente crexit. Quamvis enim Gothi per septuaginta annos & amplius in Italia vi & armis regnârint, non tamen Romani Reges audiverunt, nec inter Romani statûs Capita, sed inter Romani potiùs nominis & Imperii hostes numerandi sunt. Tertius, quum Græci Imperatores, qui Romam cum reliqua Italia Bellisarii primùm, deinde Narsetis operâ è Gothorum manibus recuperârunt, illis ex Italia expulsis anno 552. quicquid juris habuerunt in Italia & Roma, Paparum artibus amiserunt, A. C. 727. qui varia ἀξιώματα Imperatoribus extorquendo, & titulum Oecumenici Pontificis à Phoca parricidâ tandem impetratum usurpando, & summum in Ecclesia primatum sibi arrogando, in Occidente tyrannidem suam exercuerunt, & auxerunt, successivè per varios gradus ad supremam illius potestatis, quod etiamnum hodie obtinent, culmen grassati sunt.

XV. Nec enim Mysterium hoc simul & semel unico temporis momento vel perfici potuit, vel debuit revelari; sed paulatim & successivè, ita ut sub variis gradibus Antichristum hîc spectare possimus; Vel ut *Conceptum* tantùm, jam ab Apostolorum tempore quò mysterium iniquitatis incipiebat operari; Satanâ ei præludente, tum Neronianis persecutionibus, tum pluribus hæresibus à falsis Doctoribus excitatis, tum contentionibus variis subnascentibus in Ecclesia per φιλοσοφείοντας, qualis erat *Diotrephes* primatum ambiens 3. Joan. 9. Vel ut *Nascentem & revelatum*,

DISPUT. VII. qui exeri cœpit circa an. 606. in Bonifacio III. qui à Phoca Cæsaricidâ, non modò Oecumenici Patriarchæ titulum, quem Mauritius Constanti-
nopolitano concesserat, obtinuit, sed etiam ut Sedes Romana omnium Ec-
clesiarum Caput esset, atque ita spiritualem Monarchiam invasit; Vel ut
Crescentem & adultum jam factum, à Bonifacio III. usque ad Benedictum
IX. vel Gregorium VII. circa seculum decimum, qui Monarchiam tem-
poralem sibi arrogavit; Vel ut *florantem & ἐν δόξῃ* in teterrimis Papatûs
tenebris à Gregorio VII. usque ad Lutheri Reformationem; Vel *ἐν πα-
ρακμῇ* ut *decrecentem & cadentem* ab illo tempore, quò visa sunt ejus fun-
damenta paulatim subruî Evangelicæ tubæ sonitu, donec penitus conficia-
tur in illustri Christi adventu. Duæ enim istæ periodi notantur destructio-
nis ejus à Spiritu S. Prior inchoata per *Spiritum oris Christi*, id est, per Ver-
bum Evangelii, quod à tempore Reformationis in mundo resonare debuit.
Posterior consummata & plena in *illustri apparitione Christi*, 2. Thesal. 2. 8.
sic enim per *ἐπιφανείῃ τῇ παρρησίᾳ* designatur *παρουσία ἐπιφανής*; illustris
nimirum adventus antonomastrictè, qualis illustrior dari nequit eò, qui ali-
quando futurus est in decretorio illo die. Ut enim per varios gradus ad im-
pietatis suæ fastigium perventurus erat; Ita paulatim minuendus erat & at-
terendus, restitutâ in integrum Veritate Evangelicâ, & quasi miraculosè
excitatis è mortuis duobus Testibus Christi. Nec Oraculo eventus defuit:
Quantum enim prædicatione Verbi divini accisâ sint ultimis istis tempori-
bus vires Antichristi, quantam cladem Imperium Papale ex Reformatione
acceperit, & in dies accipiat, cuivis notum est, & de eo non semel queritur
Bellarmin. præf. in 1. Tom. Controv. & lib. 3. de Rom. Pont. c. 21. *Ab eo,*
inquit, tempore, quò per vos Papa Antichristus esse cœpit, non crevit ipsius
imperium, sed semper magis ac magis decrevit.

Persona
Antichristi
qualis.

2. Thes. 2. 3.
1. character
Apostasia.

XVI. Tertiò diximus Personam Antichristi hîc esse attendendam,
ut videamus, qualis esse debuerit, & quibus Characteribus à Spiritu
Sancto describatur. Plures commemorantur, sed præcipuos & insignio-
res tantum notamus. Primus est *Apostasia*, quæ à Paulo ei tribuitur 2.
Thess. 2. 3. *ἐὰν μὴ ἔλθῃ ἡ ἀποστασία πρῶτον. Nisi venerit defectio prius,*
ac revelatus fuerit homo peccati; Sive Apostasia notet hîc ipsum Apostatam,
abstracto posito pro concreto, ut scelus pro scelesto, quod volunt *Chryso-
st.*
Theodor. Oecumen. Hier. & alii; Sive in concreto sumatur, ut *August. nisi*
venerit refuga primum. Nec diffidentur Pontificii Bell. l. 3. de Pont. Rom.
cap. 2. *Per Apostasiam,* inquit, *apud Paulum ipse Antichristus intelligi po-
test;* Hoc enim docent communi consensu Interpretes Græci & *Augustin.* Sic
Suarez, Malvenda, & alii. Defectio ergo hîc singularis, & insignis quædam
intelligitur, quæ non potest dici *Politica*, ut Pontificii vellent, ab Imperio
Romano; tum quia hoc nihil faceret ad negotium Religionis, de quo
hic

hic agitur, tum quia notatur Apostasia talis antonomastice ἡ ἀποστασία, quæ DISPUT.
VII.
non de alia, quàm de defectione à Deo ejusque fide & Religione, quam semel quis professus fuerat, intelligitur. Paulus ipse se ipsum explicat 1. Tim. 4. 1. *Spiritus*, inquit, *desertè dicit*, quòd *posterioribus temporibus ἀποστασόνται* ἑνὲς τῆς πίστεως, *deficient*, seu *Apostasiam facient quidam à fide*. Adstipulantur nobis hic Patres plerique, *Chrysost. Theophyl. Oecumen. Theodor.* quorum hic ἀποστασίαν vocat τὴν ἀπὸ Θεοῦ ἀναχώρησιν, *Secessionem à Deo*. Sic *Aug.* de Civit. Dei l. 20. cap. 19. *Primas.* in hunc loc. *Cyrillus Hieros.* Catech. 11. Ex Pontificiis *Thomas, Lyranus, Alcazar, Suarez* tom. 2. q. 59. art. 6. dist. 34. *Licet plerique Latini interpretentur de defectione Rom. Imperii, tamen proprius intelligitur de defectione à Christo &c.* Unde colligitur hic agi à Paulo de defectione à fide antea receptâ, non autem de quavis; nam sic omnes hæretici, qui in uno vel altero capite deficiunt à fide, sunt Apostatæ; Sed de insigni quadam quasi Catholica, cujus Caput & Princeps futurus erat Antichristus, ut si non omnia, saltèm quamplurima, eaque præcipua fidei capita evertantur. Ea enim vis & emphasis articuli esse videtur, qui hic adhibetur.

XVII. Quamvis verò magna & insignis intelligatur Apostasia; non statim intelligenda est omnimoda defectio à fide, abnegatio publica Christianismi, & alterius cujuslibet religionis, exceptâ illâ ipsâ Antichristi, ut vellent Pontificii, ad vim argumenti nostri retundendam, quia nulla talis sit defectio in Papismo. Nam sufficit ad Apostasiam defectio à fide memorabilis, licet non sit totalis ejus abnegatio, quomodo vox ἀποστασίας respondet verbo Hebræo מרד quod rebellare significat, quo sensu Rubenitæ & Gaditæ propter erectum Altare prope ripam Jordanis dicuntur *apostatasse vel rebellasse adversus Dominum*, Josu. 24. 18. 19. non quòd absolutè egerâsse eos crederent Josu. 24.
18. 19.
Religionem, sed quia alibi, quàm in loco constituto à Deo, sacra facientes, separabant se à fratribus, & rebelles erant mandato Dei. Sic datur vera defectio à fide, etiamsi non abnegetur absolutè Christianismus, si errores capitales, & idololatrici cultus maximè in eum inferuntur: Idololatria enim in Scriptura sæpissimè per apostasiam & defectionem designatur. Deinde tantum abest ut Apostasia Antichristi debeat esse abnegatio totalis Christianismi, ut contra fessurus dicatur in Templo Dei, id est, Ecclesiâ Christianâ, ut in ea exerceat tyrannidem suam, eoque nomine fucaturus detestandam suam Apostasiam.

XVIII. Hic autem Character, si quisquam alius, in Pontificem Romanum competit. Nec operosa probatione ad id opus est, quando res ipsa docet Catholicæ istius Apostasiæ caput esse & Principem, & defecisse eum verissimè à fide Christi, partim per Errores & hæreses innumeras introductas in Dogmatibus, partim per superstitiones imperatas in Cæremoniis, partim per Idololatriam stabili-

DISPUT. VII. litam in cultu, ut antea visum Disput. I. II. III. IV. Bellarminus lib. 3. de Pontifice Romano cap. 2. hic reclamatur. *Et si*, inquit, *daremus Calvino generalem Apostasiam à fide, & multis annis jam durantem esse Regnum Antichristi, non continuo sequeretur Papam esse Antichristum, nam adhuc quaestio tractanda esset, quinam à fide & Religione Christi defecerint, Nosne, an illi; Nos verò conditionem lubentes accipimus, ut apud quos Apostasia ista invenietur, illi ad Antichristum pertinere censeantur.* Expendatur ergo seriò utrinque quinam retinuerint fidem Christi, & quinam ab ea defecerint. Nam si demonstrare possunt Adversarii, Nos Christi fidem reliquisse & apostatasse à veritate, causam non discimus, quominus hæc Antichristi nobis impingatur nota. Sed si vicissim luce meridiana clarius ostendere possumus, istius criminis ipsos reos esse, Ecquid queruntur injuriam sibi fieri, quum hoc illis exprobratur? Hoc autem collatio doctrinæ utrinque traditæ facile evincit. Christus solam Scripturam Θεόπνευστον à nobis recipi vult in Regulam perfectam fidei & morum; Papa negat Scripturam solam esse adæquatam fidei regulam, nisi illi assuantur Traditiones ἀγράφοι, quæ pari pietatis affectu & reverentiâ cum Scriptura sint suscipiendæ & venerandæ. Christus Verbum suum vult esse ἀλόγωτον quod ab homine auctoritatem non accipiat; Papa vult Verbi auctoritatem quoad nos dependere ab Ecclesia. Christus nullum alium agnosci vult Controversiarum Judicem summum, quàm Deum in Scriptura loquentem; Papa hoc munus sacrilegè sibi arrogat. Christus unum se à Patre datum Mediatorem docet, qui solus sit via, veritas & vita, sine quo nemo ad Patrem venire queat; Papa innumeros nobis obtrudit Mediatores, qui viam nobis in cælum aperiant. Christus nullum aliud sacrificium quàm suum, nullum aliud meritum, nullam satisfactionem nobis remissionem peccati & salutem obtinere testatur; Papa merita & satisfactiones humanas urget, & novum sacrificium propitiatorium missaticum procudit. Christus solâ fide & gratiâ salvari homines statuit; Papa etiam operibus. Christus duo tantum Sacramenta instituit; Papa septem. Christus neminem nisi Deum solum, Objectum cultûs & adorationis esse sancit; Papa etiam Creaturas. Christus unicum Ecclesiæ Caput & Sponsum se proficitur; Papa hoc etiam sibi tribuit. Christus se Magistratui subjicit, & servos suos subjici jubet; Papa sibi Magistratus, Principes & Imperatores subjicit. Ne jam innumera alia observemus doctrinæ capita, in quibus dissentiant à nobis. An verò qui talia docent ac propugnant dogmata, possunt dici fidem Christi retinere; An non meritò defectionis & Apostasiæ rei peraguntur?

XIX. Ad hanc Apostasiam insignem confirmandam, facit in 1. Tim. 4. 1. primis locus Apostoli 1. ad Tim. 4. 1. 2. 3. ubi loquens de Apostasia novissimorum temporum, ait, *Spiritum expresse dicere, postremis*

postremis temporibus quosdam à fide defecturos, attendentes spiritibus erroneis, & doctrinis Dæmoniorum, per hypocrisim falsiloquorum, canteriatam habentium conscientiam, prohibentium inire matrimonium, & jubentium abstinere à cibis &c. Verba sunt memoratu dignissima, quibus Paulus prophetiam tradit de magna quadam Ecclesiæ Christianæ visibilis novissimis temporibus futurâ Apostasiâ, defectione à fide, seu magno Pietatis mysterio, versu ultimo capitis præcedentis descripto; Cujus primò generalem dat descriptionem, quum ait quosdam defecturos à fide, attendentes spiritibus *πλάνοις* erroneis & seductoribus, vel ut alii legunt *πλάνης* erroris; Sive per spiritus intelligantur Dæmones ipsi, qui spiritus mendaces non semel vocantur 1. Reg. ult. Sive falsi Doctores & Prophetæ, à Dæmonibus seducti & impulsii, qui sic etiam designari non raro solent 1. Joan. 4. 1. & seq. Sive, quod non minùs commodum, doctrinæ ipsæ erroneæ & falsæ, quomodo vox spiritûs sumitur 1. Cor. 14. 32. 1. Joan. 4. 1. 2. 3. *Ne credite cuivis spiritui*, id est, cuivis doctrinæ, & ibidem *Spiritus Dei & Spiritus Antichristi* pro doctrina Dei vel Antichristi ponitur. Mox in specie designat cujus generis doctrinæ istæ sint futuræ, nimirum *διδασκαλίαι δαιμονίων* doctrinæ Dæmoniorum, quibus certò certius est innui præ cæteris cultum Idololatricum, in quo scilicet essentia & anima ingentis istius Apostasiæ meritò collocatur, & quæ præcipuus est character, quò ab omnibus aliis blasphemiiis, sectis & hæresibus cujuscunque ætatis & temporis secernitur; Ut enim juxta Apostolum, amplecti fidem Christianam est convertere se ab Idolis ad Deum verum & vivum 1. Thess. 1. 9. Ita *descere à fide* est convertere se ad Idola, relicto Deo vivo, & Filio ejus Jesu Christo. Unde passim in Apocalypsi Babylon mystica, sub caractere *Meretricis*, & *Matris fornicationum*, id est Idololatriarum describitur. Porro non sine ratione tales Idololatriæ vocantur *Doctrina Dæmoniorum*, tum *originaliter & activè*, quia Diabolus earum est author & inventor, ab eo enim tanquam Spiritu erroris & Patre mendacii, omnes falsæ doctrinæ, idololatria imprimis, ortum ducunt; tum *objectivè & passivè* pro materia & objecto harum doctrinarum, quia doctrinæ istæ versantur circa cultum Dæmonum ex mente Ethnicorum, ut non sine ratione exponit *Josephus Medus* in h. l. & post eum alii, quomodo *doctrina Domini* dicitur, id est, de Domino, & *doctrina baptismatum, & impositionis manuum*, id est de illis Heb. 6. 2. Sic notabitur Idololatræ Gentilium Theologia de Dæmonibus apud Christianos restituenda. Dæmones autem apud Ethnicos erant Deastri, sive Dii inferiores, & inter summos Deos & mortales homines medii, ut expressè Plato in Symposio, & Plutarchus de defectu Oraculorum notant, qui censebantur Advocati seu Mediatores hominum, sine quibus non licuit

1. Cor. 14.
32. 1. Jo.
4. 1. 2. 3.

Act. 13.
12. Tit. 2.
10. Heb.
6. 2.

hominibus

DISPUT. VII. *hominibus ad deos summos accedere, ut Plato ibidem ait: qui ultro citroque portant, hinc hominum petitiones & merita, illinc Deorum dona atque suppetias. Neque enim pro Majestate Deum caelestium fuerit hac curare, inquit Apulejus de Dæmonio Socratis. Et rursus, Cuncta Caelestium voluntate, numine & autoritate fiunt, sed Dæmonum obsequiò, operà, & ministeriò. Plura de ista Theologia Gentilium vide apud Plutarchum de defectu Oraculorum, Apulejum locò citatò, Jamblichum de Mysteriis, & præcipuè Augustinum lib. 8. de C. D. Nec sine ratione doctrina illa Dæmoniorum dicitur, non modò objectivè, quia Dæmones erant objectum istius cultûs; sed etiam terminativè, quia ad Dæmonem ipsum, spiritum malum, totus ille cultus referebatur, quod Apostolus 1. Cor. 10. 20. clarè ostendit, quum ait: *Quae immolant Gentes*, infideles scilicet in suis sacrificiis, *Dæmonibus immolare*, id est, malis spiritibus, non quidem intentionaliter, putabant enim se veros Deos colere, sed reipsa & quoad eventum: quia omnis potentia quæ se exerebat in illo cultu, sive in reddendis oraculis, sive in præstandis interdum beneficiis, exerebatur operà Dæmonum, qui simulacris affidebant, & in iis colebantur Psal. 96. 5. Unde Paulus ibidem mentionem facit *calicis Dæmoniorum* oppositi *poculo Domini*, quod à Domino institutum in honorem Domini bibeatur, ubi contrà calix Dæmoniorum in eorùm honorem bibeatur, quò vinum idolo, & per hoc Dæmoniis consecratum erat. Hæc verò omnia quæ in Theologia Gentili locum habebant, in Sanctorum & Angelorum cultum cum aliis Idololatriæ partibus in Ecclesiâ Romanâ usitatis, apprimè quadrare, cæcus est qui non videat, ut fusè à Doctissimo *Medo* est demonstratum, & novissimè à Celeberrimo Theologo *D. Jurieu*, in complemento Prophetiarum solidissimè est confirmatum.*

XX. Sed Paulo non satis est dare descriptionem istius Apostasie, addit postea ad clariorem ejus cognitionem, descriptionem *personarum & mediorum*, à quibus & per quæ defectio ista erat introducenda, quum subjicit, illos qui defecturi erant à fide, & spiritibus erroneis adhæsuri, hoc facturos *ἐν ὑποκρίσει ψευδολόγων κεκαυτερισμένων τὴν ἰδίαν συνείδησιν, κωλύοντων γαρμεῖν, ἀπέχεσθαι ἐρωμάτων* *Per hypocrisim falsiloquorum, cauteriatam habentium conscientiam, prohibentium inire matrimonium, & jubentium abstinere à cibis*, quæ verba *intransitivè* quidem solent vulgò exponi cum relatione ad personas superiore versu expressas, nimirum eas fore falsiloquas per hypocrisim, cauteriatam habituras conscientiam, prohibituras matrimonium contrahere, & præcepturas abstinentiam à cibis. Sed syntaxis repugnat, quia personæ defecturæ *ψ.* 1. exprimuntur in casu recto, at personæ designatæ hoc *ψ* in genitivo; longè commodiùs ergo *transitivè* sumuntur ut genitivi ille regantur à verbis *ἐν ὑποκρίσει*, ut exprimat medium sive modus, quò doctrinæ illæ Dæmoniorum in-

introducendæ erant, & quò seducere debebant homines, ut iis attenderent, nimirum *hypocrisis*, & *mendacio*, ἐν ὑποκρίσει ψευδολόγων per *hypocrisim* vel fraudem *falsiloquorum*. Cum enim mirum videri meritò posset, quâ tandem ratione Christiani non modò rationis, sed & Verbi luce præditi, possent assensum præbere doctrinis adeò falsis & exitiis, quales erant doctrinæ Dæmoniorum, ostendit Satanam duobus potissimum usurum mediis ad commendandas & persuadendas per ministros suos tales doctrinas, *hypocrisis* scilicet & *mendacio* seu fabulis; illa devotionem & pietatem præ se fert, istud miraculum, quibus duobus facile capiuntur homines. Utroque autem isto medio doctrinas istas erroneas Dæmoniorum introductas & confirmatas fuisse in Ecclesiâ Christianâ, hospitem planè esse oportet in historiâ Ecclesiasticâ qui nescit. Hinc enim ficto humilitatis & pietatis velo, cultus Idololatricus sanctarum Reliquiarum, & Imaginum invaluit; Inde verò falsis miraculis & prodigiis mendacibus, Legendis fabulosis, Scriptis ementitis & supposititiis magis ac magis in cordibus hominum radicans est, per artes & fraudes innumeras Impostorum ψευδολόγων, qui qualemunque pietatis & humilitatis speciem per hypocrisim suam præ se laturi sunt, intus tamen nihil nimis sunt futuri, quàm quod videbantur, cauteriatam quippe conscientiam sunt habituri, id est, parum sanam, pollutam & contaminatam, & impurissimis criminum, quorum conscii sibi sunt, notis veluti quodam cauterio inustam, atque adeò duram, callosam & ἀναισθητον. Quò spectat etiam quod apponitur, de *prohibitione matrimonii*, & *interdictione ciborum*, quæ fieri debuit ab istis ψευδολόγοις, ut pressius designetur character eorum, qui tales doctrinas introducturi erant; Et ita ostendatur non modò Legem Cœlibatûs & Jejuniorum, inter eas doctrinas meritò reponi, quæ dæmonem autorem habent, & divinæ institutioni repugnant. Sed à talibus hominibus potissimum invectas esse in Ecclesiam Christianam. Ut sanè eventus vaticinio apprimè respondit. Notum quippe Idololatriam in Ecclesia ortam esse eodem tempore, quò Legem cœlibatûs & vitæ monasticæ, & iisdem authoribus, Paulo scilicet & Anthonio, Monachorum Patriarchis in quarto seculo.

XXI. Nihil autem opus est diu immorari in vaticinii istius complemento investigando, cum res ipsa clamet, quæcunque de apostasi istâ novissimorum temporum à Paulo dicuntur, in Ecclesia Romana deprehendi: Tam quoad defectionem à fide, spiritus erroneos, doctrinas Dæmoniorum in multiplici idolomania, quæ in ea obtinet, quàm quoad hypocrisim falsiloquorum, qui cauteriatam habent conscientiam, & qui Leges Cœlibatûs & Jejuniorum introduxerunt. Quæ omnia non in alium quàm in Pontificem, & Ecclesiam Romanam quadrare certum est. Nobis sanè constat tribui non posse, qui nec à fide semel Sanctis traditâ defecimus, nec doctrinas

DISPUT. VII. erroneas & idololatricas induximus, nec conjugium, cuiquam interdiximus, nec usum ciborum vetuimus. Sed de Adversariis quis dubitet, quos ista præstare clarum est? Nec juvat eos, quòd alii etiam Hæretici, in quos Apostasiæ istius invidiam derivare solent, putà, Tatiani, Encratitæ, Marcionitæ, & Manichæi, matrimonium & ciborum quorundam usum damnârint. Nam accusatio aliorum ipsos excusare non poterit, nisi ostendant se nec matrimonium, nec cibos vetare: præterquàm quòd Textus Pauli aliò respicit, quàm ad veteres illos Hæreticos, quia loquitur de Apostasiâ, quæ novissimis Temporibus demum oritura esset, non primis illis Ecclesiæ Christianæ seculis. Deinde agit de iis, qui potestatem habituri erant jubendi abstinentiam à cibis, & prohibendi matrimonium; At Hæretici isti docere quidem poterant & damnare talia; sed non poterant jubere, non cogere, quod faciunt Pontificii. Nequicquam etiam hîc opponitur, Paulum loqui tantùm de quibusdam, τινές, inquit, ἀποσύκοι ται. Nam præterquàm quòd Apostolus potuit respicere ad initium & primam istius Apostasiæ periodum, in qua certum paucos adhuc istis falsis doctrinis fuisse imbutos: Constat pronomen hoc non excludere multitudinem, sed tantùm universalitatem, ut innuatur non omnes absolute & sine exceptione istius apostasiæ reos fuisse, quia Deus suos semper habet, quos ab errore immunes servat. Talem usum esse in Scripturâ istius pronominis patet ex variis locis, ubi τινές pro multis ponuntur, Jo. 6. 60. collato cum 64. Rom. 11. 17. colla. cum 1. 32. 1. Cor. 10. 7. 8. 9. collato cum Exo. 32. 3. Num. 14. 1. & 25. 4.

2. Chara-
cter, Chri-
sti Adver-
sarius.

XXII. Ex hac porrò Apostasia oriuntur duo alii Characteres Antichristi à Paulo notati: *Oppugnatio Christi*, & *Elatio*, quòd sit ὁ ἀντικείμενος, & ὁ ὑπεραίρέμενος, *Hostis*, & *Æmulus*. Hostis debuit esse Christi, qui ejus doctrinam oppugnaret, sed non apertus & patens, qui γυμνῇ, quod ajunt, κηΦαλῇ Christum impeteret; sed dissimulatus & latens, qui dum se ἀντιχριστὸς esse profitetur, revera ἀντιχριστὸν se proderet, & sub prætextu vicariatûs auctoritatem Domini sui usurparet, & eum de Solio deturbaret. Hinc Apostasia ista vocatur μυστήριον τῆς ἀνομίας, & in fronte Babylonicæ meretricis inscriptum est nomen *Mysterium* Apoc. 16. 5. quia mystica debuit esse Antichristi impietas, id est, pietatis nomine palliata, ut bene habet Glossa; quia per cuniculos in Ecclesiam irrepere debuit, & in ea specioso Religionis & pietatis obtentu, dominium suum stabilire. Quò spectat etiam aureum Babylonicæ meretricis poculum, quò homines superstitionibus, sub specioso prætextu pietatis, mandatis, & mysteriorum nomine commendatis dementat. Propterea proponitur veniens, eum omni fraude injustitia, sive iniquitatis seductione

Apoc. 16. 5.

2. Thess. 2.

10. 2. Joan.

7.

2. Th. 2. 10. Tanquam πλάνος, *Impostor* & *Seducitor* 2. Joan. 7. qui oculatissimis etiam possit imponere, qui incolas terræ debeat seducere. Apoc.

13. qui sit *ψευδολόγος ἐν ἱεροῖς* 1. Tim. 4. 1. Atque adeò qui callidâ DISPU-
 pietatis simulatione & Christianismi professione faciliùs homines seduce- VII.
 ret, & à Christo abduceret. Nam si aperto Marte Christum oppugnaret, 1. Tim. 4. 1.
 quis non statim Christi hostem agnosceret? Quodnam hîc esset myste-
 rium, quænam sapientia, agnoscere Antichristum? Ita Antichristus,
 non manifestus Christi hostis esse debuit, sed occultus & clandestinus,
 qui sub nomine Christiano Christum oppugnaret, & sub *cornibus Agni* Apoc. 13. 11.
 Draconis blasphemias eructaret. Quomodo proditoribus & Apostatis,
 qualis est Antichristus, in more positum est, Regis sui nomen & autho-
 ritatem præ se ferre, ut subditos faciliùs decipiant, Pseudoprophetis,
 qui lupi sunt rapaces, ovium pelles inducere, & Satanæ in Angelum lucis,
 & ministris ejus in ministros justitiæ se transformare. 2. Cor. 11.
 14. 15.

XXIII. Pontificem autem talem esse Christi *Adversarium*, quis ne-
 gare sustineat, dum mysterium hoc iniquitatis *δις διὰ πᾶσιν* oppositum
 mysterio pietatis, attendit. Nec opus est multis hanc oppositionem de-
 monstrare, quæ in antecedentibus tum quoad fidem, tum quoad cultum,
 tum quoad regimen abundè probata est; quod ulteriùs posset ostendi ex
 recensitione innumerorum errorum tam veterum, quàm novorum, quibus
 se Apostatam esse luculenter testatur. Sed sufficiat nunc observâsse, quo-
 modo Christo adversetur quoad ejus *Officium Mediatorium*, tum in genere
 per alios Mediatore & Intercessores, quos illi adjungit, tum in specie quo-
 ad *Prophetiam* per Traditiones *ἀρχαῖας*, & auctoritatem infallibilem,
 quam sibi vendicat. Quoad *Sacerdotium* per Sacrificium Missaticum & Sa-
 tisfactiones humanas. Quoad *Regnum* per potestatem & Imperium quod
 usurpat in terris. Ita autem Christo adversatur, ut non sit aperta oppugna-
 tio, qualis est Judæorum aut Mahumetanorum; sed *μυστηριώδης* & occulta,
 larvâ Christianismi velata, & sub prætextu Vicariatûs. Quod diffiteri non
 possunt Adversarii, qui pertendunt, ideo Papam non posse Antichristum
 dici, eò quòd nomen & Religionem Christi, se autem ejus servum & vi-
 carium profiteatur; Quasi non possit Christum verbis profitendo reipsa ab-
 negare, & sub pietatis velo, impietatis venenum propinare.

XXIV. III. Antichristus debuit ita esse *ἀντικείμενος* Christum op- 3. Chara-
 pugnando, ut debuerit etiam esse *ὑπεραρόμενος* ejus gloriam æmulando, & cter, æmu-
 ei se conferendo, imò etiam præferendo, sic enim Paulus 2. Thessal. 2. 4. lus Christi.
 2. Thess. 2. 4.
 ὁ ἀντικείμενος καὶ ὑπεραρόμενος ὅτι πάντα λογίζων Θεὸν ἢ σέβασμα ὡς
 αὐτὸν εἰς τὸ ναὸν τοῦ Θεοῦ ὡς Θεὸν κατίσαι; *Qui est contrarius & se extollens*
super omnem qui dicitur Deus aut Numen, adeò ut in Templo Dei sicut Deus
sedeat, præseferens se esse Deum. Sensus est, Hominem illum peccati, Fi-
 lium perditionis, eò superbiæ perventurum, ut terræ filius cùm sit, se efferat
 super id omne, quod dicitur Deus, id est, tum super *Reges & Principes,*

DISPUT. VII. qui in Scripturis Dii vocantur Psal. 82. 1. 6. Joan. 10. 34. tum supra Augustam illam *Imperatorum* Majestatem, qui σεβαςι olim vocabantur, ut sæpe in Numismatibus Augusti occurrit, quare autem dictus sit σεβαςις, docet Dionis abbreviator; volebat, inquit, *Romulus vocari, sed invidie declinandæ causâ, ne Regis ullius nomen affictum videretur, maluit dici Augustus*, ως πλεῖον τι ἔχει καὶ ἀνθρώπων ὢν, πάντα γὰρ τὰ ἐντιμώτατα καὶ ἱερότατα *Αυγυστὰ* ἀποκαλεῖται ἐξ ὧν καὶ σεβαστὸν αὐτὸν ἐκκληίζοντες ἀποσειπὼν ὡς ἐπὶ τοῦ σεπτὲν, *Tanquam aliquid esset supra hominum conditionem, nam quæ in honore & cultu sunt, ea Augusta vocantur, unde qui Gracisabant σεβαστὸν vocabant, quasi sanctum Dei*. Dio. lib. 53. Nec super eos tantum Antichristus se efferre debuit, qui in terris vocantur Dii, sed & super eos, qui in cœlis divi indigitantur, *Angelos & Sanctos*, imò eo usque, ut in Templo Dei sedeat tanquam Deus, supremam, universa'em, ac planè divinam in Ecclesia potestatem sibi vindicans; & ita se gerens, ac si Deus esset in terris.

XXV. Quod si à Thesi ad Hypothesim descendimus, cui aptius ista quadrant quàm Pontifici, in Primatu & Dominio tum temporali, tum spiritali, quod sibi arrogavit? Quis nescit, eum supra Reges & Principes, imò ipsos Imperatores se efferre, dum sibi jus arrogat eos instituendi, & destituendi ad libitum, absolvendi subditos illorum à Juramento fidelitatis, & ipsorum Regna ad alios transferendi? ut fusè ostensum Disp. V. Nonne se effert supra Angelos, quorum se judicem constitutum esse jactitat, qui habeat jus illis imperandi, cui subesse teneantur? *Innocentius IV. in C. Canonum, Conditori Canonum & Vicario Creatoris subdita est omnis creatura, ejus potestas est major omni potestate creatâ, se extendens ad cœlestia, terrestria, infernalìa, ut ei genua cuncta curvantur &c.* Anton. summ. p. 3. l. 22. c. 5. *Clemens VII. in Bulla super Anno Jubilæo beatis Angelis mandat, ut animas eorum, qui postquam peregrinandi causâ Romam venire proposuissent, in via fortè confessi morerentur, in cœlum rectâ transferrent, Proxus mandamus Angelis Paradisi, quatenus animam à Purgatorio penitus absolutam in Paradisi gloriam introducant, apud Balæum in vita Clementis VI. Nonne se effert supra Sanctos, quando eorum ἀποθέωσιν à se pendere vult, ut quos velit vel catalogo Sanctorum adscribere possit, vel ex hoc libro vitæ dispungat? atque ita Papa Deus Pontificiorum Deificus, ut Tertulliani verbum usurpem, pro arbitrio suo, non modò de veneratione & honore, qui Sanctis debetur, sed etiam de sanctitate & divinitate statuit, ut nisi homini Deus placuerit, Deus non sit, ut ait Tertullianus Apol. c. 5. Quod si cætera Ecclesiæ Romanæ σεβάσματα attendimus, Imagines Crucis, Reliquias Sanctorum, Altaria, Sacramentum ipsum Altaris, quod vulgò Corpus Domini dicitur; Nonne se super illa effert, quando eorum consecrationem*

tionem & cultum à se pendere contendit? Et ita ea consecrat, ut honori suo inserviant, atque ut ita dicam famulentur: Hinc Imago Crucis in Processionibus, Pontifici, ut ejus Insigne honoris, præfertur, & ipse Deus missaticus jumento ante ipsum vehitur ex *Carem.* lib. 1. dum ipse humeris Principum sublimis effertur.

DISPUT.
VII.

XXVI. Verùm hæc levia sunt, præ superbia, quâ se gerit pro Deo, sedens in Templo Dei ut Deus, & ostentans se esse Deum. Licet enim vix credibile sit dari posse hominem, qui eò usque dementiæ procedat, ut se gerat pro Deo, & nomen & auctoritatem Dei atque honorem sibi arroget; Inventus tamen est, qui & nomine & re se pro Deo gerit, quatenus denominationes soli Deo proprias, & honores debitos, non tantum tribui sibi permittit, sed & imperat. Et ad *Nomina* quidem quod attinet, negari non potest, passim in Pontificiorum Scriptis *Papam Deum* vocari: ut suprà jam visum Disput. III. Glossa Juris Canonici Extr. Joan. XXII. expressè *Papam Dominum Deum nostrum* vocat; Nicolaus Papa, ut à Gratiano citatur Dist. 69. cap. 7. *Satis evidenter ostenditur à seculari potestate, nec ligari prorsus, nec solvi posse Pontificem, cum nec Deum posse ab hominibus judicari, manifestum sit.* Stapleto. in Præfat. ad Gregor. XIII. Princip. Doctrin. *Papam optimum, maximum, & supremum Numen in Terris nominat.* P. Blond. l. 3. Romæ instauratæ, *Omnes Principes orbis terrarum, inquit, Pontificem ut Deum summum honorant & colunt.* Unde apud Canonistas passim legas voces istas impias; *Quod sententia Pape, & sententia Dei sit una sententia. Unumque tribunal inter Deum & Papam; Quod nulla possit esse ab eo ad Deum appellatio, quia una sit Curia Dei & Pape; Quia Pontifex tanquam Deus judicat, ideo nihil contra ejus sententiam opponi possit.* Augustin. Triump. quæst. 6. 1. Tiber. Deci. vol. 3. respon. 14. num. 57. Menoch. conf. 51. num. 13. *Quod divinam habeat dignitatem. Quod, quicquid vel approbat vel reprobat, id omnes vel approbare vel reprobare debeant.* Gloss. dist. 19. *Quod nemo ei debeat dicere quid facis? Etiam si innumerabiles populos unâ secum in infernum præcipites abducat.* Dist. 40. *Quod omnes mortales sibi habeat subditos, omnisque ei subsit humana creatura.* Extra. De Major. C. Unam sanctam, & innumera id genus, quæ referre longum nimis foret. Nec ad excusandas impias istas blasphemias dici potest, esse oratorias aut panegyricas ὑπερβολὰς, quæ pro dogmatibus non sint sumendæ. Nam præterquàm quod istæ à Doctoribus maximè approbatae sunt profectæ, & ipsorum Conciliis, Juri Canonico, & libris usualibus insertæ, quis nescit, talia Elogia Papis tributa fuisse ab eorum adulatoribus, illis non modò non invitis & recusantibus, sed

DISPUT. VII. approbantibus, nec unquam ea curâsse tanquam blasphema & Christo contumeliosa ex libris suis deleri, cùm tam seduli sint in bonis authoribus per Indices suos Expurgatorios mutilandis. Ut verò Dei nomen sibi vindicant, ita & Christi Domini titulos & attributa sibi arrogant. Nec diffitetur *Bellarminus* de Concil. Authorit. l. 2. c. 17. *Nomina omnia, inquit, quæ in Scripturis tribuuntur Christo, unde constat eum esse supra Ecclesiam, eadem omnia tribuuntur Pontifici.* Hinc si Christus dicitur *Caput, Sponsus, Fundamentum, Supremus Pastor Ecclesie, Principium fidei, Dominus Domus Dei, Leo de Tribu Juda, Radix David &c.* Apud omnes est in confessio, hæc Pontifici non minus tribui. Frustrâ hic opponitur, Papam nihilominus se *Servum servorum* vocitare; Quid enim juvat fictâ humilitate se *Servum Servorum* dicere, si reipsa Domini Dominorum auctoritatem intolerandâ superbiâ sibi arrogat? Quò spectat *Trevirensis Præfulum* querimonia de *Nicolao* apud *Aventi. Annal. 4. Tu Pontificis quidem personam præ te fers, at tyrannidem agitas, sub habitu Pastoris lupum sentimus. Titulus parentem mentitur, tu te factis Jovem ostentas. Cum sis Servus Servorum, Dominus Dominorum esse contendis &c.*

XXVII. Sed parum esset nomina tribui, nisi reipsa auctoritatem & potestatem soli Deo & Christo propriam sibi vindicaret: Verùm quis ambi-
gendi locus esse potest, post ea quæ præstare solet, & quæ ipsi vulgò tribuuntur? An non ille se gerit pro Deo, qui gloriatur se omnem potestatem consequutum in cælo & in terra? Qui jus habeat condendarum legum & imperandarum conscientiiis? Qui se infallibilem & ἀναιμάτητον jactet, Scripturæ Sacræ Interpretem summum, & supremum Controversiarum Judicem, à quo non liceat provocare? Qui ex peccato possit facere non peccatum, & contrâ, & absolutâ potestate possit quicquid vult? An non se gerit pro Deo, qui se totius Orbis Dominum & Monarcham jactat, qui triplex Regnum obtinet, cœlestium, terrestrium, & subterraneorum, in cujus signum Tiara Papalis triplici Coronâ ornata est, quod *Regnum* appellatur? Qui summum habeat in Reges & Principes, & Imperatores ipsos Imperium, & in Spiritualibus & in Temporalibus, ut possit ipsos de Solio deturbare quandocunque libuerit, & Regna transferre? An non se effert etiam supra Deum, Qui Scripturæ Auctoritatem omnem à sua suspendit, Qui jus sibi tribuit dispensandarum & abrogandarum Legum divinarum & humanarum, ut in juramentis & votis, in gradibus consanguinitatis, & in plerisque Legis præceptis, imò possit dispensare contra auctoritatem Apostoli, quia sit major Apostolo, imò contra Vetus Testamentum, eò quòd sit major omnibus ejus authoribus? Qui mandata Christi varia abrogat, opposita illis introducit, & dispensandi de institutis Christi facul-

facultatem sibi transcribit? Qui denique peccata in se & Regimen suum admissa majoribus pœnis plectit, quàm admissa in Christum? Quid est verò pro Deo se gerere, si hoc non est? DISPUT. VII.

XXVIII. Ita Pontifex verè se prodit, ἀνθρώπων ἀμαρτίας, υἱὸν ἀπωλείας & ἀνομον, *Hominem peccati, filium perditionis, exlegem*, quod Paulus Antichristo tribuit ψ. 3. *Homo* quidem *peccati* rectè dicitur, tum quia ipse peccator est insignis, licet *Sanctitatis* titulum usurper; nec dissimulant Pontificii Scriptores, dum gravissima Paparum scelera describunt, tum quia aliis est peccandi author. *Filius* etiam *perditionis* non modo *passivè*, quia perditioni devotus est instar Judæ, qui osculo prodidit Dominum, Joan. 17. 12. sed & *active*, quia alios in idem perditionis barathrum secum abducit, adeoque & אכרין & πολλὰ κατ' ἐξουσίαν Apoc. 9. 12. Denique ὁ ἀνομὸν & antonomalticè qui *Exlegem* se ostendit, omnibus scilicet legibus solutum, qui à nemine judicandus sit, licet de omnibus judicet, qui sibi licere putat quicquid libet, ut sua illi pro lege sit voluntas, ut nec in personam, nec in facta ipsius omnino sit inquirendum; sed acta illius, qualiacunque, pro licitis, & ipse, qualiscunque, non modò pro sancto, sed etiam pro sanctissimo, imò ipsa *sanctitate* habeatur, *Papa legi non subjacet ulli*, inter casus Papales apud Hostiensem, *Habet Potestatem eminentissimam, plenissimam, absolutam & illimitatam, cui nihil resistit, per quam omnia super jus, extra jus, & contra jus potest, quia est quasi Deus in terris* &c. Tiber. Deci. 1. 3. resp. 14. Bertachi repert. dictione Papa, Glossator Gratiani Causa 9. Quæst. 3. Canone *Nemo. Concilium non potest Papam judicare: Unde si totus mundus negotiaret in aliquo negotio contra Papam, videtur quod sententia Papæ standum esset*. Quia ut in illo Canone legitur, *Neque ab Augusto, neque ab omni Clero, neque à regibus, neque à Populo Index judicabitur*. Unde impia illa quidlibet audendi libido. Dist. 40. Canone. *Si Papa. Hujus culpas istic redarguere presumit mortalium nullus, quia cunctos ipse judicaturus, à nemine est judicandus*.

Apoc. 9. 12.

XXIX. Ad istam Antichristi ἀνομίαν, pertinet etiam foeda *Idololatria*, cujus reus esse debuit, & propter quam ejus sedes nomine *Meretricis, scortationum matris*, indigitari solet apud Joannem. Quia verò hanc sedi Romanæ justissimè impingi Disp. II. III. & IV. probavimus, non est, quòd actum agamus. Pergimus ad *Quintam* notam, quæ *Numerum* 5. Nota, & *Characterem* Bestiæ spectat, de quo Apocal. 13. 16. 17. *Et facit omnes*, inquit Joannes de secunda Bestia, *parvos & magnos, divites & pauperes, liberos & servos, ut det iis Characterem in manu sua dextera, aut in frontibus suis, & ne quis possit emere aut vendere, nisi qui habeat Characterem, sive nomen Bestiæ, sive numerum nominis ejus; Hic sapientia est, qui intelligentiam habet, computet numerum Bestiæ, numerus enim hominis est,* Character & numerus Apo. 13. 16. 17.

DISPUT. VII.

est, & numerus ejus 666. Nolo jam penitiùs inquirere, quid per priorem Bestiam intelligendum sit, An Imperium Romanum vetus sub Imperatoribus Paganis, ut non paucis placet. An verò Imperium Antichristi, quod postea plenius describitur, ut aliis plerisque videtur. Quod Bellarminus agnoscit lib. 3. de Ponti. cap. 15. *Idem, inquit, Antichristus per duas bestias exprimitur, per unam, ratione regia potentia & tyrannidis, quâ coget homines violenter; per alteram, ratione magica artis, quâ callide homines seducet.* Hoc tantum observasse sufficiet, tanquam extra controversiam positum; Posteriores Bestiam ex terrâ ascendentem Antichristum designare, non tam respectu potestatis temporalis, & ut Monarcham & Principem terrenum, quàm ratione potestatis spiritualis, & ut Pseudopphetam & Seducatorem, quod notat Bellarm. loco citato, qui debuit Characterem imprimere in fronte & dextera suis omnibus & singulis, nullo prorsus excepto, cujuscunque fuerint gentis, conditionis, sexûs, & ætatis, quo quasi symbolo & tessera solenni suæ in universos potestatis, adoratores omnes suos insigniet. In quo Diabolus, ut Dei simia Christum imitatur; Ut enim Christus dicitur suos omnes signare in frontibus sigillo Dei cap. 7. ut hâc notâ à filiis seculi discernerebantur; Ita Bestia suos sectatores, aliquo etiam Characterem obsignare voluit.

XXX. Quis autem sit Character iste dissentiant Interpretes, Certum est quidem Spiritum Sanctum hîc alludere ad Veterum morem, qui stigmatibus notabant in manu, vel qui militiæ nomen dabant, Unde apud Veget. l. 2. c. 5. *militēs dicuntur scripti victuris in cute punctis;* Vel qui ad publicas operas destinabantur, Vel qui servitio addicti erant, quibus stigmata in fronte inurebantur, non modò ad contumeliam & pœnam, sed & ad distinctionem, ut servi dignoscerentur ex Dominorum suorum stigmatibus ipsis impresso, & *inscripti* vel *litterati* & *συγραμματοί* dicebantur. Verum non inde sequitur quod vellent Pontificii, esse Characterem visibilem frontibus vel dexteris impressum, quod ænigmatico & Prophetico stylo parum convenit. Sufficit ut tessera aliqua detur illius communionis, sive cum *Dionysio Carthusiano & Alberto Magno* intelligamus *Vitam & Doctrinam Antichristi Conformitatem*, sive cum *Thoma* professionem *illiciti cultûs*, quâ Antichristi sequaces ab aliis distinguantur, & quâ se ei tanquam Sacramento militari & voluntariâ servitute subiciant, ad ipsius auctoritatem subeundam & promovendam professione & opere. Eò enim refertur, quod de Characterem impresso *fronti & dextera* dicitur, *in fronte* propter professionem, *in manu* propter operationem. Ut *Augustinus* de Civit. Dei lib. 20. cap. 9. *Primasius* in Apoc. c. 13. & alii notant:

2. Tim. 2.

19. Eph. 4.

30.

Quomodo Christus suos obsignat; partim characterem interno, Spiritu scilicet & fide per charitatem efficaci 2. Tim. 2. 19. Ephes. 4. 30. partim externo,

externo in fronte Ezech. 9. 4. Apoc. 9. 4. per fidei *professionem*, In manu per *operationem*, ut profitentes publicè veritatem, non pudeat ipsos Euangelii Rom. 1. 16.

DISPUT.
VII.
Ezech. 9. 4.
Apoc. 9. 4.

XXXI. Quo posito, non difficile est *Characterem* istum apud Pontificios invenire. Nam ut nihil dicamus de *Signo Crucis*, quò perperam Pontificii à Reformatis volunt jam dignosci, quod manu dextrâ fronti solent imprimere. Nihil etiam de *Confirmationis Chrismate*, quod omnes debent ab Episcopo suscipere in fronte, & cujus tantam esse necessitatem dicunt, ut *Christianus nunquam esse possit, qui Confirmatione Episcopali non fuerit Chrismatus*, De Consec. dist. 5. A. Ut Jejun. Nihil etiam de *Sacramento Ordinis*, in quo Character dicitur imprimi per unctionem in capite & manu dextrâ, qui vocatur *indelebilis*, absque quo nullum possideri potest Beneficium. Quis nescit neminem in communionem Rom. recipi posse, qui Papæ non subjiçatur, ita ut illi subesse sit de necessitate salutis? Quò spectat professio fidei Romanæ à Pio IV. edita, quâ novum Symbolum Romanum, quò tanquam Character insigniuntur Romani, & per quod solemne obsequium tenentur Papæ vovere & promittere, ex Decreto Concilii Tridentini, continetur in Bulla Pii IV. super forma Juramenti Professionis fidei, de qua supra Disp. I. *Ego N. firma fide credo & profiteor &c.* Qui ergo tali juramento se obstringit; Qui expressè profitetur subjectionem & fidem Papæ & communionem cum eo; Qui Religionis cultum observat juxta Traditiones Romanæ Sedis, quales sunt Sanctorum, Imaginum, Reliquiarum cultus, Adoratio Crucis & Eucharistiæ, frequentatio Missarum, Peregrinationes ad loca sancta &c. is Characterem Romanum habet. Quo sensu Author 2. lib. Maccab. cap. 4. v. 10. observationem rituum Gentilium vocat ἰὼν ἐλληνικὸν χαρακτῆρα, *Græcicum Characterem*, quò scil. Religio Græca seu Gentilis dignoscebatur. Ita *Professio Papiismi*, ad quam suos omnes stipulatione communi, vel juramento singulari obstringit Papa, bene *Character Latinus* dicitur.

2 Macab.
4. 10.

XXXII. Quod verò dicitur Antichristus prohibiturus, *ne quis emat vel vendat, qui non habuerit characterem*, suam etiam in Regno Pontificio veritatem ita clarè obtinet, ut non tam ista prædictio rei futuræ, quàm historia jam gestæ videri possit. Testis hîc nobis sit *Gregorius VII.* qui author Guliel. Conquestori fuit, *ne aliquem in sua potestate aliquid emere & vendere permetteret, quem Apostolica Sedi inobedientem deprehenderet*, apud Bertold. append. ad Herm. Contr. anno 1084. *Alexander III.* qui in Synodo Turonensi contra eos, qui se à subjectione Rom. Sedis subdlexerant, decernit, *ne ubi cogniti fuerint, receptaculum quisquam eis in terra sua præbere, aut præsidium impertiri præsumat, sed nec in Emptione, aliqua cum iis communio habeatur &c.* apud Gulielm. Neubrig. re-

DISPUT.
VII.

rum Anglic. l. 2. cap. 15. Item in Conc. Later. contra Albigenſes habitò, *Eos & defenſores eorum & receptores anathemati decernimus ſubjacere, & ſub anathemate prohibemus, ne quis eos in domibus, vel in terra ſua tenere vel fovere, vel negotiationem cum iis exercere præſumat* Decret. Greg. 1. 5. c. 7. c. 8. Martinus V. optimus hujus oraculi interpres & *πρακτικὸς* in Bulla Damnationis errorum Wicleſſi & Huſſi annexâ Actis Concilii Conſtantienſis diſtinctè prohibet, *ne hujusmodi homines domicilia tenere, Larem fovere, contractus inire, negotiationes & mercantias quaſlibet exercere, aut humanitatis ſolatia cum Chriſti fidelibus habere permittantur.* Talis fuit Bulla Pauli III. adverſus Henricum VIII. Angliæ Regem, quòd Pontificis jugum excuſſerat, Chriſtianis omnibus interdicentis, *ne cum Henrico ejuſque Subditis commercia haberent, aut contractus inirent &c.* Sic comprobata eſt etiam ad literam veritas hujus Prophetiæ juxta Carthuſiani expoſitionem, *Chriſtiani, inquit in hunc locum, tunc, id eſt tempore Antichriſti, velut excommunicati vitabuntur, Et mutuò vendere ac emere non licebit apertè, niſi ſignatis Characterè Antichriſti.* Notum quinetiam hæc apud Pontificios obtinere hodie, & factis ipsis nimis comprobari cruda dogmata. *Licere hæreticum bonis ſuis ſpoliare, Cauſ. 15. quaſt. 4. Gloſſa, Patrem filium hæreticum teneri exhæredare. Propter hæreſim patris filios eſſe ſui juris. Uxorem viro hæretico benevolentiam reddere non teneri, apud Simanchum, Subditis licere Domino hæretico negare obſequium. Non licere Chriſtianis tolerare Regem hæreticum, ſi conetur ille pertrahere ſubditos ad ſuam hæreſim. Apud Bellar. lib. 5. de R. P. cap. 7. Hæreticus autem illis eſt, quilibet vel maximè Orthodoxus, cujus fides cum Papæ, & Eccleſiæ Rom. fide non conſpirat.*

Nomen &
Numerus
Beſtiæ.

XXXIII. Characteri additur *Nomen, & Numerus Beſtia*, Quomodo-
cunque autem intelligatur, ſive exegeticè & copulativè, ut tria iſta jungan-
tur, tanquam tria nomina ejuſdem rei, ut poſterius ſit ἐξηγητικὸν prioris: ut
non paucis placet, & videtur ſatis clarè inſinuari loco citato cap. 17. 13. ubi
iſta conjunguntur, *nemo poteſt emere vel vendere, niſi qui habuerit τὸ χαρακ-
γμα, ἢ τὸ ὄνομα τῆς θύρας, ἢ τὸ ἀριθμὸν τῆς ὀνόματος αὐτοῦ*, Characterem, aut no-
men Beſtiæ, aut numerum nominis ejus, id, eſt, nomen hunc numerum ha-
bens; Unde alibi mentio ſit ſimpliciter characteris cap. 14. 9. vel characteris
nominis beſtiæ 7. 11. vel characteris & numeri nominis cap. 15. 3. Sive
diſtinctè, quaſi res diverſæ, ut aliis magis probatur, & *Character* quidem in
genere notet profeſſionem cultûs Antichriſtiani; *Nomen* verò propriam Be-
ſtiæ appellationem, quâ Beſtia ab aliis beſtiis diſtinguatur, *Numerus* verò
Nominis nomen tali numero expreſſum. Certum eſt rem eòdem redire, ni-
mirum ut proponatur nota ſingularis Antichriſtianismi, prout profeſſione,
nomine, & numero iſto designatur. *Nomen* autem hoc non proprium & per-
ſonale

sonale notat, sed mysticum seu Gentilitium & commune, quod non aliud est quàm nomen *Romani* seu *Latini status*, cujus ultimum Caput debuit esse Antichristus; de quo dubitari non potest, si Nomen istud numerum Bestiæ comprehendat; Numerus dicitur *numerus Nominis*, quia literæ, ex quibus nomen constat, numerum illum complectuntur, juxta Hebræos & Græcos, qui literis suis, pro numerorum notis sæpe utuntur. Dicitur etiam *numerus hominis*, vel quia ejus computatio hominibus est nota, & inter eos non rarò usitata, quam humani ingenii vis assequi possit, quomodo *mensura hominis*, Apoc. 21. 17. est quæ hominibus usitata est & obvia, & *calamus hominis* Isa. 8. 1. qui ab hominibus usurpatur & intelligitur. *Apoc. 21. 17. Isa. 8. 1.* Vel quia hominis intellectum habentis proprium est numerare. Exprimi-
tur autem *Nomen* hoc, & *Numerus*, vel tribus vocibus integris, ἐξ ἑνὸς τοῦ ἐξ, ut habet Regium exemplar *Montani*, vel tribus numeralibus χ, ξ, ς, quarum χ Græcis notat 600. ξ. 60. ς. 6. ut numerus totalis sit 666. Quam computandi rationem non modò Nostri sequuntur, sed & Pontificii fere omnes, Unde *Suarez*, lib. 5. cap. 19. num. 11. *De nomine Bestiæ omnes docent tale futurum esse, ut ex literis constet, quæ ad rationem numerorum juxta Græcæ lingua consuetudinem redacta numerum 666. contineant.* Nec recens est iste computus, quando *Irenæus* ipse Polycarpi discipulus, testatur lib. 5. c. penult. eos, qui *Ioannem de facie ad faciem viderant, docuisse, quod numerus nominis Bestiæ secundum Græcorum computationem, per literas, quæ in eo sunt, sexcentos habebat & sexaginta sex.*

XXXIV. Licet autem difficile fuerit ante adventum Antichristi mysterium Numeri istius assequi, ut *Irenæus* ferebatur rem arduam esse ante Prophetiæ complementum certò statuere quod illud nomen sit, certius & sine periculo esse affirmando sustinere adimplerionem Prophetiæ, quàm suspicari & divinare nomina qualibet. Interim non obscurè colligi potest ex rerum eventu, si receptam & communem computandi rationem per literas numerales sequamur. Nolumus hic immorari in recensendis & refellendis variis Interpretum sententiis, qui numeri istius mysterium conati sunt aperire. Obiter tantum notamus parum appositam & plane alienam videri nobis eorum sententiam, qui volunt istud nomen & numerum Bestiæ non tam in literis, quàm in doctrinis consistere, nec tam literalem computandi rationem respici, quàm res, Doctrinas & praxes Antichristianas, ex quibus Bestiæ sive Antichristi sequaces dignoscuntur, numerumque finitum poni pro indefinito, eoque magno, ut significetur errores & blasphemias Antichristi nec leves nec paucas esse. Sed longè alienius est Grotii commentum, qui pertendit hoc loco designati *Trajanum* cujus nomen notissimum erat *Ulpinus*, ΟΥΛΠΙΟΣ, quod nomen facit numerum 666. Si in fine scribes non Σ quod valet ducentos, sed ς

DISPUT. VII. quod pro numero senario semper ponitur. Cur enim Trajanus hic designaretur potius, quàm multi alii Cæsares, qui Trajano peiores fuerunt, & Ecclesiæ nocentiores? Rursus cur tertia potius persecutio hîc notaretur, quàm alia aliqua? Tertiò ejusdem est numerus & nomen & character. At character non est Trajani, ut Grotius ipse fatetur, & res ipsa docet. Denique cur numerus hîc quæritur non in nomine *Trajanus*, sed in prænomine *Ulpius*, quod multis commune erat? eoque magis quòd ΟΥΛΠΙΟΣ non valet 666. nam sigma finale quocunque modo scribatur, sive Σ sive σ sive ς sive C semper valet 200. Sic Ο notat 70. Υ 400. Δ 30. Π 8. Ι 10. Ο 70. C. 200. quæ summam faciunt 860.

XXXV. Missis ergo istis sententiis, communiorem & vulgò receptam retinemus, quæ Pontificem & statum ac Imperium ejus rectè describi vult. Hoc verò quomodocunque computetur sive græcè sive hebraicè, ut duæ sunt linguæ, quibus dedit Deus Oracula sua & Prophetias, ac Mysteria sua includit, res eòdem redibit. Nam si græcis literis computatio fieri debeat, quod fit valde verisimile, quia græcè scripta est Apocalypsis, & ad Græcos; non aliud convenientius occurrit, quàm nomen Λατίνος, ut conjiciebat Irenæus; Si verò Hebraicis Characteribus nomen istud numerari debuit, erit vel רומית *Romana* scilicet *Sedes*, vel רומניש. *Romanus*, ut *Joh. Foxus* arbitratus est. Quæcunque enim de nomine illo dicuntur, istis nominibus propriè conveniunt. Nam *Romanus* vel *Latinus*, nomen est prioris Bestiæ, & tale, quod Papa, cui omnes aliæ notæ Bestiæ ibidem additæ conveniunt (nimir. quòd tota penè terra eam secuta sit mirabunda, quòd supra capita sua habeat nomen blasphemix, quòd loquatur grandia & blasphemata, quòd potestatem habeat in omnem gentem & linguam &c.) omnibus imponit, quod denique continet numerum 666. ut ex sequenti schemate patet.

λ	30	γ	200	γ	200.
ω	1	י	6	מ	40
τ	300	מ	40	ע	70
ε	5	י	10	ב	30
ι	10	י	10	ו	6
ν	50	ת	400	ש	300.
θ	70				
ς	200		666		666
	<hr/>				
	666				

Sic optimè *Pontifex Romanus*, ejusque *Sedes* designatur. Is enim verè *Latinus* est, qui Latini Imperii Reliquias & Sedem antiquam obtinet.

obtinet, Cultumque publicum, non alio sermone quàm Latino peragi patitur; nec alio Diplomata & Decreta sua emittit. Imò *Ecclesia Romana* Græcis appellatur *Latina*, & hæc distinctio adeò insignis erat, ut in Generalibus Conciliis Occidentales Patres seu Episcopi, *Latini*, reliqui verò *Græci* discriminatim appellarentur; tam accuratè eventus cum Vaticinio consentit. Sedem etiam ejus Romam esse, res est in propatulo. Ex qua interpretatione commodus oritur sensus, nihil ut opus sit recurrere ad subtile quidem & ingeniosum ac abstrusum Clarissimi *Potteri* inventum, sed nescio an æquè sit solidum, & ex mente Spiritûs Sancti, quò pertendit computum istum fieri debere & numerum inveniri posse per extractionem radicis quadratæ numeri 666. qui sit numeri 25. per se multiplicati cum fractionibus 41. quomodo numerus 144. qui numerus est Cœtus virginum & novæ Jerusalem derivatur ex radice quadrata 12. per se multiplicatâ; qui numerus passim recurrit in descriptione Jerosolymæ cœlestis, cui 12. fundamenta, 12. Portæ, 12. Angeli, 12. Tribus &c. tribuuntur in Apo. ut numerus 25. in Papatu passim obtinet. Relictâ ergo suo loco sententia ista, sufficit ad institutum nostrum, numerum Bestiæ præcisè inveniri in nominibus prædictis.

XXXVI. Frustrâ Bellarm. & alii hîc reponunt, nomen *Latinus* ut significat *Romanum*, non scribi per *ei*, sed per simplex *Iota*, & tunc non reddere illum numerum. Nam præterquàm quòd Irenæus, qui Græcè procul dubio meliùs novit, & Græcè etiam scripsit, hoc habet, *Λατῖνος* nomen, inquit, *valde verisimile est, quoniam verissimum Regnum hoc habet vocabulum, Latini enim sunt qui nunc regnant; jamdiu observatum est, Græcos literam ι in Diphthongum ει convertere solitos fuisse, quum eam ante producebant, ut αἰωνεῖος, Σαβεῖος, Λατῖνος, Antoninus, Sabinus, Latinus, ut Celeb. Scaliger notat animadv. in Euseb. Chron. p. 106. Et notum est Veteres Romanos, pro ι. longo quò nunc utimur, Diphthongum ει usurpasse, ut *queis*, *preimus*, *capteivei*, apud Plautum, &c. sic in Ennio, *Quamprimum Cæseti, populei tenuère Latineî*. Non meliori cum ratione additur, multa alia nomina dari, quæ eundem numerum exhibent, ut *Τεῖταν*, *Δαμπετης*, *Ἑβάντας*, *ἑ Νικητης* & sim. Nam nos non ex solo nomine Bestiæ argumentamur, sed ex nomine aliis Bestiæ notis conjuncto, quod de aliis nominibus dici non potest. Adde quòd solum hoc nomen *Latinus* vel *Romanus* est nomen prioris Bestiæ: frustrâ verò quæritur aliud quodvis nomen continens numerum 666. nisi etiam Bestiæ illius nomen sit. Denique malè pertendit etiam Bellarmin. si *Latinus* sit nomen Antichristi, *debere ei esse proprium*, & *usitatum maxime*, *At neque proprium esse nomen Papæ, sed commune, nec usitatum, quia nunquam se Papæ Latinos vocant*. Quia supponit nomen hoc esse debere proprium Antichristi, cùm sit nomen prioris Bestiæ, quæ*

DISPUT. Romanum statum designat, ideoque nomen gentile & commune, non
VII. proprium.

VI. nota
Antichristi, XXXVII. VI. Antichristi nota respicit ejus effecta & opera, qualia
ejus effecta sunt imprimis *Miracula & Signa*, quæ illi tribuuntur, *cujus Adventus,*
& *Miracula* inquit Paulus, 2. Thess. 2. 9. *erit in omni virtute, & signis & prodigiis.* Ita Apocal. 13. 13. *Et faciet Signa magna,* confirmatur ex Matth.
2. 9.
Apoc. 13. 13 24. 24. *Exorientur Pseudo-Christi & Pseudo-Propheta, edentque magna*
Matth. 24. 24 *signa & prodigia &c.* quod Bellarminus, Malvenda, & alii ad Antichristum referunt. Qualia autem futura sint Paulus explicat, quando
ea vocat *τέρατα ψεύδους* prodigia mendacii, quod potest intelligi, ut bene observat Bellarmin. lib. 3. de Pontifice Rom. cap. 15, *Vel originaliter,*
ratione efficientis, quia sunt à Satana mendacii Patre, qui nulla potest vera miracula edere, quod Paulus ibidem notat, dum ait adventum Antichristi fore cum efficacia Satanae in omni virtute & signis mendacii:
Vel formaliter, ratione naturæ, quia vel fabulosa erunt & præstigiosa, vel figmenta mendacium hominum, vel portenta fallacium spirituum, unde dicuntur fieri in conspectu hominum, Apoc. 13. id est, ut apparentia & oculos hominum perstringentia, non solida & vera, ut vera miracula. Vel denique terminative, ratione finis, quia ad stabiliendum mendacium tendunt, & sunt comparata, ὅτι πρὸς ψεύδους ἄγχοι. Non alia enim de causa Antichristus signa ista patraturus est, quàm ut mendaciis suis fidem conciliet, & à Veritate ad Errorem homines abducatur, ut Chrysost. & August. interpretantur.

XXXVIII. Non difficile verò est complementum apud Pontificios deprehendere. Quis enim ignorat *Miraculorum* ostentationem ab aliquot seculis propriam esse Latinorum; nec ulli jam Religioni præter Papisticam competere? Judæi enim miraculis destituuntur, Turcæ religionem suam, non virtute miraculorum, sed vi & armis propagandam esse profitentur; Orthodoxi solis miraculis Christi & Apostolorum contenti, alia nulla quærunt. Et quamvis nascenti Ecclesiæ necessarium fuisse usum miraculorum censeant, ut per ea infideles ad fidem converterentur; conversis tamen, & fidem in Ecclesia confirmata profitentibus, miraculis non esse opus credunt, ut qui adhuc prodigia, ut credat, inquit, magnum sit ipse prodigium, qui mundo credente non credit, ut ait Augustin. de Civit. Dei lib. 22. cap. 8. Et qui propter miracula jam facta non credit, multo minus crederet, etsi alia nova miracula illi proponerentur: ut bene Stella in Luc. 2. 29. observat. At Pontificii de miraculis suis gloriantur, imò ea inter præcipuas Ecclesiæ notas reponere solent. Hinc nullus Sanctus apud illos habetur, qui miraculis non inclaruisse dicatur: Nullæ reliquæ, nulla insigniora simulachra ad quæ peregrinationes fieri solent, quæ miraculorum famâ

famâ non celebrentur. Sed qualiacunque hîc miracula obtrudantur, dicimus esse τέρατα ψεύδους, 1. quia ad erroris & mendacii confirmationem adhibentur, ita ut vel hoc solum falsitatem ipsorum satis possit arguere, licet de cætero aliquid veri haberent, quia nos abducunt à Christi veritate ad mendacium. 2. Quia maxima ex parte meræ sunt illusiones, imposturæ & præstigiæ vel malorum spirituum, vel impiorum hominum, ad quæstum adornatæ, ut multis exemplis probari possent. 3. Quia si verialiquid subest, hoc non superat totius naturæ vires, sed referendum est vel ad portenta Dæmonum, vel ad Prodigia Magorum, ut facillimum esset imposturas & vanitatem talium Miraculorum retegere, ut à variis factum est. Sed præstat audire Testes domesticos, qui de gravissima hac fraude conquerruntur. *Aliquando fit in Ecclesia*, inquit Lyranus in Dan. 14. *deceptio populi maxima in miraculis fictis à Sacerdotibus, vel eis adhaerentibus, propter lucrum temporale.* Sic Biel in Can. Miss. C. 49. dicit, *Miracula fieri hominibus ad imagines confluentibus, nonnunquam operatione Dæmonum, ad fallendum inordinatos cultores, Deo permittente, exigente talium infidelitate.* In Sacramento, inquit Alex. de Hales in 4. sent. q. 53. *apparet Caro interdum humanâ procuratione, interdum operatione diabolica.* Huc pertinet Melchioris Cani ingenua confessio, qui lib. 2. Loc. Theol. prolixè queritur, res gestas Sanctorum, falsis & commentitiis fabulis contaminari; *Nostri*, inquit, *Plerique vel affectibus inserviunt, vel de industria quoque ita multa confingunt, ut eorum non solum pudeat, sed etiam tædeat;* addit, tales rationes inventas esse, aut ad quæstum, aut ad errorem, Et post alia multa huc pertinentia subjicit de *Legenda Aurea*: In illa, inquit, *miraculorum monstra sæpius legas, quam vera miracula, hanc homo scripsit ferrei oris, plumbei cordis, animi certè parùm severi & prudentis.* Hujusmodi multa suppeditant libri Legendarum, Speculum Historiale Vincentii, Antonii, Conformitates Francisci &c. Eò pertinent Statuarum in Ecclesiis progressiones, stationes, risus & varii motus, Animarum eriam Lachrymæ, Suspiria, Confessiones, Christi, Mariæ, Apostolorum crebræ visiones, morborumque fictæ sanationes, & mille mendacia & ludibria hujus generis, quibus ad Regnum suum stabiliendum usus est Pontifex. Hinc enim Idololatria multiplex in Ecclesiam irrepfit; hinc Statuarum adoratio, hinc Missarum celebratio, & vota pro mortuis, Purgatorii flammæ, & Indulgentiarum nundinatio; hinc denique innumerabilium fallacium inventio manavit; Et nisi in Pontificiis implenda fuisset Prophetia Pauli, quòd *Deus missurus sit in eos efficaciam erroris, ut credant mendacio* 2. Thess. 2. 11. planè incredibile videretur homines ratione pollentes, & luce Euangelii illustratos, ita dementari potuisse, ut in errores tam fœdos, miraculis tam crassis & putidis abduci se

DISPUT. VII. paterentur. Huc pertinent *Impostura & fraudes*, quibus Pontifices Imperium suum promovere, & confirmare fategerunt, sive in falsandis & corrumpendis Authoribus, sive in Revelationum figmentis, sive in Imposturis circa Sanctos & Reliquias, sive in fabulis innumeris, quibus totus Papatus nititur, ut fusè à Nostreis est probatum. *Chamiero* imprimis lib. 16. de Antichristo à cap. 9. usque ad 14. & *Celeb. Jurien* in Præjudiciis p. 12. 13. 14. & seq.

XXXIX. *Fraudulentiam & Deceptionem* Antichristi in Signis & Miraculis, Excipit *Crudelitas & Violentia*, quæ se exerere debuit in Tyrannico imperio, & verorum fidelium Persecutione, secundum quam describitur per *Bestiam*, cui data est potestas bellum faciendi Sanctis, & eos vincendi Apoc. 14. per *Mulierem ebriam sanguine Martyrum* Apoc. 17. de qua dictum Disp. V. & VI. His adde *Luxum & Divitias*, quando per *Mulierem amictam purpura & cocco, & inauratam auro & margaritis* describitur Apoc. 17. 4. in qua omnes qui habebant naves in mari dicuntur facti divites ex ejus copiis 18. 16. 19. Hæc verò ubi melius impleta reperias, etiam quoad literam, quàm in Rom. Pontifice & ejus Curia? Quis potest *Petri patrimonium* attendere, quò & Petro illuditur, & toti Orbi, & *Luxum* ingentem *Aulæ & Curia Pontificiæ*, *Thesauros* omni divitiarum genere fæctos, *Reditus* immensos, & alia id genus, qui non fateri cogatur, non alios melius *Mulierem* illam *purpurâ & cocco amictam*, quæ se jactat *Reginam* luctûs omnis expertem, nobis exhibere? Ne jam loquamur de venalitate Officiorum Ecclesiasticorum, de Annatarum, Pallii Episcopalis, Dispensationum, Jubilæorum, Indulgentiarum nundinationibus, de *Taxa Cancell.* ubi omnia venum exponuntur: aliisque artibus innumeris, quibus opes undiquaque per fas & nefas corradere solet, & totum penè orbem terrarum sibi obnoxium & tributarium facit.

XL. Possent alia plura adhuc addi argumenta ad sententiæ nostræ confirmationem, imprimis quæ ex collatione *Antiochi & Antichristi* ex *Daniele* peti possunt; Sed de his alibi dicendi erit locus, & quæ hæcenus allata sunt sufficere possunt, si ritè expendantur, ad evincendum notas eas, quibus Antichristus ejusque Imperium & status nobis à Spiritu Sancto describitur in Scriptura, non alii cuiquam melius quàm Pontifici Romano convenire. Qui plura voluerit, consulere potest magna ex Nostreis Nomina, & Viros undequaque doctissimos, qui Quæstionem hanc ex professo tractârunt, & uno ore idem pronuntiârunt; quales sunt inter cæteros *Sereniss. M. Rex Britannia Jacobus*, in Opere suo *Regio & Apologia* ad Principes. III. *Plessæus* in Historia Papatûs, *Whitakerus*, *Junius*, *Danaus*, *Chamierus*, *Molineus*, *Vignerius*, *Powelius*, *Downanus*, *Maresius*, *Medus*, alique non pauci, & novissimè *Eruditissimus Theologus & de Ecclesia*

Dei in bonâ causâ tuendâ optimè meritis, Frater in Christo conjunctissimus D. *Jurieu* in lib. *Præjudiciorum contra Papatum*, & in *Complemento Prophetiarum* ante annum evulgatò part. 1. ubi hoc argumentum ea accurate & soliditate exequitur, ut post ejus mensem vix ulli specilegio locus datur.

XLI. Sed ut pressius urgeamus Adversarios, libet hîc nonnulla ex ipsis Pontificiis in medium asferre testimonia, qui ingenuè agnoverunt Antichristum in Papa, & ejus Sedem in Sede Romana inveniri. Gregorius I. Pontifex ipse circa annum 600. non obscure hoc insinuavit adversus Joannem Constantinopolitanum, qui titulum *Oecumenici* quem Papa proprium sibi esse voluit, usurpabat, in Epistola ad Mauritium Imperatorem lib. 4. epist. 30. *Ego autem fidenter dico, quod quisquis se Universalem Sacerdotem vocat, vel vocari desiderat, in sua elatione Antichristum præcurrit, quia superbiendo ceteris se præponit, &c.* Et epist. 36. *Rex superbia propè est, & quod dici nefas est, Sacerdotum præparatus est ei exercitus, quia cervici militum elationis, qui ad hoc positi fuerunt, ut ducatum præberent humilitatis.* Circa finem seculi decimi luculentum extat testimonium *Arnulphi* Episcopi Aurelianensis in Synodo Rhemensi, qui miserimum Ecclesiæ sui temporis statum deflens, *O lugenda*, inquit, *Roma, qua nostris Majoribus clara Patrum lumina portavisti, nostris temporibus menstrosas tenebras futuro seculo fumosas effudisti.* Et post mentionem factam variorum Pontificum corruptissimorum, quales fuerunt Octaviani, Bonifacii, aliaque id genus monstra hominum, ut vocat, qui Sedem à centum annis occupabant, concludit tandem, *Quid hunc, Reverendi Patres, in sublimi Solio residentem, veste purpureâ & aureâ radiantem, quid huic, inquam, esse censetis? Nimirum si charitate destituitur, solâque scientiâ inflatur & extollitur, Antichristus est in Templo Dei sedens & se ostendens tanquam sit Deus.* Hæc erant secula ferrea & plumbea, de quibus Baronius ad annum 900. queritur, in quibus impotentissimæ dominabantur meretrices Theodora & Marozia, & monstra in Sedem intrudebant, & Genebr. in lib. 5. Chroni. fatetur, *Per annos ferè 150. Pontifices circiter quinquaginta à Joanne scilicet VIII. usque ad Leonem IX. à virtute Majorum prorsus defecisse, Apotacticos, Apostaticosque potius quàm Apostolicos.* Gregorii VII. tempore, quò Imperium Antichristianum ad æp̃m pervenit, quod contigit seculi undecimi initio, non pauci illorum temporum idem aperte testati sunt, referente Aventino Annal. lib. 5. *Plerique pro concione, inquit, Gregorio maledicunt, Hildebrando male præcantur, ipsum Antichristum esse prædicant, pietatis sub specie, inquebant, debacchatur, honestis nominibus bonum publicum simulat, Titulo Christi, negotium Antichristi agit; In Babylonia in Templo*

DISPUT. VII. *Dei sedet, super omne id, quod colitur, extollitur, quasi Deus sit, se errare non posse gloriatur &c.* Fridericus II. Imperator de Pontifice non aliter loquitur seculo decimo tertio apud *Petrum de Vineis* lib. 1. Epist. ubi asserit, *Papam esse Bestiam à mari egredientem, magnum Draconem mundum seducentem, & Antichristum &c.* quod confirmat in Epistola ad Germaniæ Principes apud *Aventinum* lib. 7. Memorabile imprimis est testimonium *Eberardi Salisburgensis Episcopi*, qui in *Conventu Ratisbonensi* multis probat omnes characteres Antichristi in Papa inveniri, apud eundem lib. 7. Præfatus Christum tesseram nobis, quæ à cæteris dignosceremur, studium pacis reliquisse, *Summo opere*, inquit, *admonuit quoque, uti falsos Christos, falsos Prophetas vitaremus, qui tecti pelle ovium, nimirum Christiano nomine, atque Pontificio titulo, nobis dominari atque illudere cuperent. Quos ex spinis atque operibus nimirum avaritiâ, luxu, contentione, odio, invidiâ, bellis, dominandi libidine, ambitione cognosci oportere. Quidnam apertius hisce verbis, quàm Babylonis Phariseos atque Scribas cælestis Imperator indicavit? sub Pontificis maximi titulo, Pastoris pelle lupum fævissimum, nisi cæci sumus, sentimus &c.* *Hildebrandus* ante annos centum & septuaginta, primus specie Religionis Antichristi Imperii fundamenta jecit, hoc bellum nefandum primus auspicatus, quod per successores usque continuatur &c. *Qui Servus Servorum est, Dominus Dominorum, ac si Deus foret, esse cupit, sacros cœtus, atque Concilia fratrum, imò Dominorum suorum aspernatur &c.* *Ingentia* loquitur, quasi Deus esset, nova consilia sub pectore volutat; ut proprium sibi constituat Imperium, *Leges commutat, suas sancit, contaminat, diripit, fraudat, occidit, perditus homo ille, quem Antichristum vocare solent, in cujus fronte contumelia nomen scriptum, Deus sum, Errare non possum, in Templo Dei sedet, longè latèque dominatur, & alia plura id genus habet, quæ ibidem legi possunt. Longum foret referre omnia testimonia, quæ sequentibus seculis de hac veritate prodierunt, sive apud Petrarcham, Marsilium Patavinum in defensore Pacis part. 2. Nicolaum de Clemangis de corrupto Ecclesiæ statu, Alvarem Pelagium, Theodoricum à Niem, Mantuanum, Vesselum, Groningensem, & alios non paucos, quæ ut ab aliis collecta jam omittimus; hoc unum nobis sufficiat hinc observâsse, non novitiam, & inauditam esse Nostrorum de Antichristo sententiam, sed à multis seculis in ipsius Ecclesiæ Romanæ sinu cognitam & sæpius propositam.*

XLII. Non desinunt tamen Adversarii in contrarium niti, & nihil non moliri ad veritatem istam clarissimam obscurandam, his potissimum rationibus fulti. Primò Antichristum hominem, singularem & unicum futurum, qui sub finem mundi demum revelandus sit, post *Matt. 24. 2.* prædicationem Euangelii per totum orbem, *Matt. 24. 2.* & Imperii Ro.

Romani desolationem, & per tres annos cum dimidio sit duraturus. Secundò futurum origine Judæum, qui instauraturus sit Templum, & restitutus Circumcisionem, Sabbathum, & alias Cæremonias Legales. Tertiò Henochum & Eliam venturos, qui se ipsi opponant, qui per *duos Testes* designentur de quibus Apoc. 11. Quartò abnegaturum Christum ejusque Incarnationem 1. Joan. 2. 19. & oppugnaturum omnia Salvatoris nostri instituta. Quæ cum de Papa dici nequeant, non debere etiam ipsum Antichristum censerì. Quintò Patres hic procul à nobis abire; Et non paucos esse, qui locum Pauli de Caligula & Simone Mago, & Apocalypsim de Trajano, Apollonio, & Domitiano intelligendum censeant.

XLIII. Nam ad primum quod attinet, falsò supponitur Antichristum debuisse esse unam Personam singularem, Cum *successivè* tantum & *representativè* una, non *numericè* unica dici possit: Quomodo *ὁ καὶ λέγων* apud Paulum Rom. Imperatorem in communi denotat, seu statum Imperii, non unum aliquem Imperatorem in singulari. Sic *unus* aliquando significat unum certum individuum, sive unicum hominem singularem, aliquando unam in Corporis Civili vel Ecclesiastico personam nunquam morientem, quæ non est homo unicus singularis, sed singularium hominum continuata in eodem statu sibi invicem succedentium series. Quo posteriori sensu tantum non priori dicimus Antichristum esse unum. I. Quia mysterium Antichristi jam tempore Apostoli operabatur 2. Thessal. 2. quod oportuit retinere ne revelaretur, quod dici non potuisset, si unica demum futura erat persona. II. Quia debuit esse Author & Caput insignis & quasi catholice Apostasie ex 2. Thess. 2. 3. Apoc. 13. 16. quod non est opus unius hominis, aut unius seculi, sed plurium. III. Quia quæ in Scripturis sub typis Bestiarum mysticè describuntur, non sunt singularia individua, sed singuli bestialium hominum status; Sic *quatuor Bestiæ*, Dani. 7. sunt quatuor Regna, Assyrium, quod per Leonem, Persicum, quod per Ursu, Macedonicum, quod per pardum, & Romanum, quod per bestiam terribilem notatur. Sic c. 8. *Aries* notat Reges Medorum & Persarum. *Hircus* Reges Græcorum. IV. Septem capita Bestiæ septicipitis, non sunt septem Principes singulares Rom. statûs, sed totidem Principatus, seu præcipuæ Regiminis formæ quæ obtinuerunt. Antichristus verò debuit esse ultimum istius Bestiæ caput, non ergo unicus & singularis Princeps, sed Principatus & Imperium. V. Quia statuejus vocatur *Babylon*, & *Civitas magna*, quæ à pluribus, sibi succedentibus regi debuit, quorum gesta non cadunt in unius hominis vitam, ut Spiritus Antichristi non in uno clauditur Individuo, sed in multa extenditur 1. Joan. 2. & 4. Denique quia revelandus fuit sublato Romano Imperio, & abolendus tantum illustri adventu Christi,

DISPUT. VII. sti, quod durationem non unius hominis, sed plurium necessariò postulat.

XLIV. Nec contrarium evincitur, Vel ex loco Joan. c. 5. 43. ubi Antichristum volunt designari per *ἄλλον*, qui venit nomine suo. Quia hoc notat indefinitè quemlibet, qui suo nomine, non missus à Deo, venit, utcunque missionem divinam prætendat, non unum singularem. Maldonatus *quisquis alius*, Salmero, *De quocunque potest intelligi*. Janse-
 nius *sapius hoc impletum fuisse* ait. Vox *ἄλλος* nunquam individuum certum notat, nisi addito articulo, vel ex diserta circumscriptione Mat. 5. 39. obverte illi *καὶ τὴν ἄλλην*, id est alteram Joan. 20. 8. *ἑ ἄλλος μαθητὴς alius ille discipulus* Matt. 4. 21. vidit *ἄλλες δύο ἀδελφές alios duos fratres*. Antithesis verò nihil concludit; etsi enim ego & alius opponantur, & ego significet unam certam & individuum personam, non est necesse per alium intelligi pariter unum definitè, Joan. 21. 18. *Alius te cinget*, hîc *alius* non unum definitè, sed indefinitè notat 1. Cor. 3. 10. *Ego ut peritus architectus fundamentum posui, alius vero superadificat*, id est quisvis indefinitè. Unus etiam multis opponitur, Pastor bonus, furi-
 bus, lupis. Nec si Christus unicus est, unicus propterea debet esse Antichristus illi oppositus. Quia Christus Caput Ecclesiæ suæ unicus est, quia immortalis, ac proinde sacerdotium habet *ἀδιάδοχον*; Antichristus caput suæ Ecclesiæ, non est unicus aliquis homo immortalis, sed singulorum quorundam mortalium in eadem Sede successio. Nequicquam etiam unitas numerica & individualis Antichristi colligitur ex articulo præpositivo qui apponitur ab Apostolo 2. Thess. 2. 3. & 8. *ὁ ἄνθρωπος ἀμαρτίας, ὁ ἄνομος*; Quia sæpe articulus indefinito subjecto præponitur, non minùs ac definito; Mat. 12. 35. *ὁ ἀγαθὸς ἄνθρωπος, ὁ πονηρὸς ἄνθρωπος* indefinitè de quolibet homine bono aut malo, non definitè de unico Marc. 2. 27. *ὁ ἄνθρωπος* homo non est propter sabbatum, sic sæpe alibi. Rursus si articulus aliquid certi & definiti significat, non est statim unicum individuum, sed id de quo expressè & determinatè est sermo, ne aberret animus & vagetur oratio, sive sit singularis persona, sive genus quoddam aut species, quomodo *ὁ κατέχων* non unicum Imperatorem, sed Imperium Romanum in genere notat, & *ὁ βασιλεὺς* in Regno, non individuum, sed certæ alicujus regionis Regem notat. Denique articulus sæpe non tam apponitur *διακριτικῶς*, quàm *δεικτικῶς* & *ἐξαίρετως* ad significandum id quod in unoquoque est magis insigne & notabile, sive in bono sive in malo, quod de eo κατ' ἐξοχὴν dicitur, ut *ὁ πειράζων, ὁ πονηρὸς*, Diabolus vocatur, licèt homines etiam mali & tentatores dentur. Hoc sensu rectè *ὁ ἄνομος* & *ὁ ἄνθρωπος ἀμαρτίας* dicitur Antichristus.

XLV. Gratis etiam fingitur, Antichristum sub finem tantum mundi tevelandum; Cum jam Pauli tempore nefandi istius mysterii tela texeretur, & eventus doceat jam impleta esse quæ de ipso prædicta fuerant. Neque hoc vel ex prædicatione Euangelii per totum orbem, de qua Matth. 24. colligi potest, quia non agitur de adventu Antichristi, sed vel de fine seculi, vel de excidio Jerosolymitano, ante quod debuit Euangelium prædicari per totum orbem, quod suo tempore jam contigisse Paulus testatur Col. 1. 5. Vel de desolatione Imperii Romani, quam jam ante multa secula contigisse supra probatum est. Vel ex eo quod *novissimis temporibus* excitandus dicitur. Quia notum est diversimodè novissima tempora in Scripturâ usurpari, aliquando pro *fine temporis*, quo sensu ἡσχάτη ἡμέρα ultima dies notat diem resurrectionis & finem mundi. Joann. 6. 39. & 11. 24. 1. Pet. 1. 5. aliquando pro tractu aliquo & *duratione temporis*, quomodo tempus Novi Testamenti à primo Christi adventu usque ad secundum solet designari per *tempora novissima* absolute, passim in Novo Testamento Act. 2. 17. Hebr. 1. 1. 1. Pet. 1. 20. quia est ultima Dei dispensatio, post quam nulla alia expectanda est, sed sola æternitas. Sed quia duratio illa varias debuit habere periodos; ideo ultima periodus specialiter & comparatè vocatur *novissimum tempus*, id est, temporum ultimorum novissimum, quo sensu Paulus 1. Tim. 4. 1. dicit apostasiam fore *novissimis temporibus* ἐν ὑστέροις καιροῖς, & 2. Pet. 3. 3. ἐπ' ἡσχάτων τῶν ἡμερῶν extremis diebus venturos irrisores. Sed ista novissima tempora non statim immediate & paucis tantum annis ultimum judicium sunt præcessura, sed designant memorabile aliquod temporis intervallum, quod finem mundi præcedere debuit: Unde licet Antichristus oriturus diceretur tantum novissimis diebus, non statim inde colligi potest, quod paucis demum annis finem mundi præcessurus sit, ut vellent Pontificii; sed tantum quod in periodo temporis ultima sit manifestandus.

XLVI. Hoc verò certius confirmabitur, cum responsum fuerit ad objectionem Adversariorum de *duratione Antichristi*, quam tribus annis cum dimidio circumscribunt ex Apo. 12. 6. ubi mulier dicitur mansura in deserto per mille ducentos & sexaginta dies, & c. 13. 5. ubi bestię dicitur data potestas bellum faciendi Sanctis per 42. menses. Sed perperam ista exponuntur, quasi historicè de diebus naturalibus ageretur secundum literam, cum certum sit ista intelligenda esse mysticè ex stylo Prophetarum de *diebus propheticis*, qui totidem sunt anni, quo sensu 70. septimanæ Danielis ponuntur pro septimanis, non dierum, sed annorum. Nec res obscura est, si ea quæ Antichristus peragere debuit, attendantur, quæ tantillo temporis spatium perfici non potuerunt. Debuit scilicet ex sententia Pontificiorum totum orbem subigere, Christianos omnes profligare, Cultum omnem Religionis

DISPUT.
VII.

Matth. 24.

1. Tim. 4. 1.

Joan. 6. 39.

1. Pet. 1. 5.

Act. 2. 17.

Heb. 1. 1.

1. Joan. 2.

18.

1. Pet. 1. 20.

1. Tim. 4. 1.

2. Pet. 3. 3.

Apo. 12. 6.

& 13. 5.

DISPUT.
VII.

Christianæ abolere, Jerosolymam cum Templo denuo extruere, Gog & Magog secum jungere, & alia idgenus, quæ tam brevi intervallo posse peragi nemo dixerit. Et cum ex rei veritate testetur Spiritus Sanctus, quod Regna decem eodem tempore oritura sint cum bestia, 2. Populi & nationes innumeræ eam sint adoraturæ. 3. quod bellum gerere cum Sanctis debeat, & eos vincere. 4. quod omnes terræ incolas ad sui cultum compellere debeat, non armorum vi, sed seductionis artibus. 5. quod Meretrix tam diu insidere debeat bestię, donec vinò scortationis ejus inebriatis omnibus terræ incolis cum ea scortentur Reges, & Mercatores opibus deliciarum ejus ditescant, quis non videt hæc omnia opus esse non duorum vel trium annorum, sed longè majoris spatii? quomocunque tempus hoc intelligatur, vel indefinitè, ut quibusdam videtur, vel definitè, ut aliis placet.

XLVII. Quod ulterius affertur de *origine Antichristi*, quod sit futurus Judæus, ex Tribu Dan oriundus, merum est figmentum à nonnullis Veterum sine ulla ratione excogitatum, cui ne ipse quidem Bellarminus multum tribuit. Nam si Judæus debuit esse, quomodo diceretur per Apostasiam defecisse à fide, quam nunquam habuit, & sedere in Ecclesia, in qua nunquam fuit? Quàm autem sit futile & infirmum, quod dicitur ex Tribu Dan oriundus, quia Apo. 7. 4. non fiat mentio istius Tribus inter 144. mille signatos, res ipsa docet; nec diffitetur Emanuel Sà, quum ait non posse dici cur omiſſa sit. Quod verò pertendunt Antichristum Hierosolymis sedem suam habiturum, & ibi instauraturum Templum, & restitutum Cæremonias legales; Repugnat verbis Christi, qui Templum Hierosolymitanum nunquam esse denuo ædificandum docet Mat. 23. 38. & 24. 2. Lu. 19. 44. & Scripturæ, quæ cultus Levitici abrogati semel per Evangelium, restitutionem nuspiam tradit. Templum ergo, in quo sessurus dicitur Antichristus, non potest esse Templum Hierosolymitanum æternæ desolationi devotum, sed Ecclesia Dei, quæ passim hoc nomine venit in Scriptura, quam erat invasurus, & facerrimam suam sedem in illa collocaturus, ut supra probatum est.

XLVIII. Non melioris est commatis fabula de *Enocho & Elia*, qui è Paradiso in orbem redituri sint sub finem mundi ex Gen. 5. 24. & Malach. 4. 5. & publicè se opposituri Antichristo, & ab eo interficiendi, sed tri-duo pòtè cunctis videntibus resurrecturi, & in cælum assumendi Apoc. 4. 5. Apoc. 11. 3. 11. 3. meram enim fabulam esse, velex eo constat, quod altum de eo sit in Scriptura silentium, quæ de eorum translatione in Paradisum planè tacet. De Enocho quidem dicit, quod postquam ambulavit cum Deo, id est, piè & sanctè in mundo vixit, non visus sit amplius, quia Deus eum ad se recepit, nimi. in cælum, ne videret mortem. Nec Eccl. 44. 26. locus Ecclesiastici 44. 26. aliud docet, Vulgata quidem Versio habet, quòd

quòd *translatus sit in paradysum*, ut det Gentibus *pœnitentiam*; sed Græ-
ca aliter sonant, dicitur tantùm quòd μεταβήν ὑπὸ δειγμὰ μεταβίαις ταῖς
γενεαῖς, ut esset *exemplum pœnitentiæ generationibus posteris*, ut hoc ex-
emplo sapere discerent, & pari gloriâ fruerentur. Elias verò expressè
dicitur in *Cælum translatus* 2. Reg. 11. 11. ubi mortalitate exutâ, im-
mortalitatem induit, nec ulterius morti obnoxius esse potuit, ut vel
neci possit tradi ab Antichristo, vel resurrectione opus habeat. Nec hoc
commentum potest ex Apoc. 11. 3. elici, ubi mentio fit *duorum Testium* Apoc. 11. 3.
occisorum, & postea vivificatorum: Quia Testes isti non alii sunt,
quàm pauci illi pii Evangelicæ veritatis assertores, ante tempora Refor-
mationis divinitus excitati ad resistendum Antichristo, qui in primis Re-
formatoribus reviviscere visi sunt. Nec *Elias* personalis, sed *mysticus*,
apud Malachiam intelligitur, qui jamdudum venit in persona Joannis
Baptistæ ex Christi declaratione Matt. 11.

Matt. 11.

XLIX. Ad quartum g. *Abnegationem* Christi & ejus oppugnationem
esse vel *apertam & explicitam*, quoad externam professionem, vel *im-
plicitam & occultam*, quoad rei veritatem. Antichristus debuit abnegare
Christum non primo, sed secundo modo, dissimulatus Christi hostis
esse debuit, qui prætenso Christi nomine, dominaretur in Ecclesiam ip-
sius, & Christi Personam, Officia, & Beneficia reipsa oppugnaret.
Non ergo hic expectandum, ut Antichristus se Christi hostem profitea-
tur, sed ut talem se reipsa exhibeat, nec ut se Christum jactet, quod
faciebant Pseudochristi, sed ut revera quæ Christi sunt sibi vindicet,
quod Papam facere suprà probatum est. Quod Augustinus in hunc lo-
cum bene observat, *Non attendamus ad linguam, sed ad facta*. Item
*magis mendax est Antichristus, qui ore profitetur Jesum Christum, & fa-
ctis negat*. Cùm ergo Papa triplex Officium Christi ad se rapiat, ejus
Euangelium suis Traditionibus, & ejus Redemptionem suis Indulgentiis,
Purgatorio, Missis, Meritis pessundet, etsi ore profiteatur adhuc Je-
sum esse Christum, tamen illum unâ cum Patre factis & operibus ne-
gasse censendus est. Porro quod addunt Pontificii *Antichristum abolitu-
rum Sacrificium Missaticum, & baptismi abnegationem* introducturum,
nuspian dicitur. De Antiocho quidem prædicitur apud Daniele c. 11. Dan. 11. 31.
31. quòd *sacrificium jube*, quod sub Lege quotidie offerebatur, esset ab-
oliturus, quod re ipsa etiam præstitit. Cui hac in parte optimè respon-
det Antichristus, non quidem Sacrificium Missaticum abolendo, sed per
ejus institutionem & observationem idololatricam, tollendo jube sacrifi-
cium Ecclesiæ, infringendo scil. vim & efficaciam sacrificii à Christo pro
nobis semel oblatis, & spiritualem & rationalem Novi Testamenti cul-
tum à Deo institutum evertendo, ad introducendum cultum idololatri-
cum

DISPUT. VII. cum *Dei Maozim*, de quo Angelus loquitur apud Daniele c. 11. 38. quod ut à plerisque intelligitur respectu *Antiochi de Jove Olympio*, qui *Dan. 11. 38.* Deorum princeps & potentissimus habebatur, quem in Templo Hierosolymitano posuit, ut populum ad illius cultum cogeret 2. Macab. 6. 2. Ita respectu *Antichristi* non incommodè refertur ad Idololatriam Romæ tum erga Deum Missaticum, qui revera ignotus erat Patribus, tum erga Angelos & Sanctos, quos tanquam Protectores & Auxiliatores, ac *ὑπερασπιστὰς* colunt, & honorant, auro, argento, & rebus pretiosis, id est, magnificè & cum externa pompa ac donariis amplissimis, ut solenne est apud Pontificios, quomodo vox *πῦρ* quæ hîc occurrit vertitur à 70. per *ὑπερασπιστὴν*, & à Vulgato per *protectorem*, Psalm. 27. 1. & 28. 8. & 31. 3.


L. Ad quintum de *Patribus* &c. non fuisse Prophetas, sed Interpretes, proposuisse tantum quid suspicabantur, non quid cerè esset statuendum, ut Aug. lib. 20. de Civitate Dei cap. 19. observat: Nec mirum, si rerum eventu facem vaticiniis nondum præferente sæpe fluctuârint, & multa hîc à veritate aliena conjectârint; cùm constet omnibus, longè facilius esse impleta observare, quàm implenda prædicere, quia hoc est revelationis divinæ, quæ paucis competit, illud verò experientiæ in medio positæ. Unde si nusquam Patres in controversiis debent sedere Judices, multò minùs in hac, quàm in aliis quibusvis, quæ non illorum, sed nostrorum fuit temporum. Quòd si qui sint inter Doctos, qui loca Pauli & Joannis alio detorquere conati sint in gratiam Pontificis, quod præ cæteris *Hugo Grotius*, vir eruditione conspicuus, sed dubiæ semper in Religione fidei, novo & hæctenus inaudito commento tentavit; Præterquàm quòd ab ipsis Pontificiis non recipitur, qui loca nobiscum de Antichristo intelligunt: Talis figmenti vanitas abundè à Nostreis demonstrata est, & præ cæteris solidissimè à Celeb. *Maresio*, ut non opus sit in eo refellendo nunc immorari. Cùm verò ex dictis liqueat, Nobisque sit persuasum, Papam esse Antichristum, summè necessariam fuisse nostram ab ejus communione *Secessionem*, & impossibilem planè, rebus sic stantibus, nostrum cum ea *Syncretismum* esse meritò concludimus.

F I N I S.

DISPUTATIO OCTAVA
ET ULTIMA,

In qua Objectiones solvuntur.

Respondente EMANUELE WURSTEMBERGERO
Bernensi.

I. ERSATI fuimus hactenus in Examine præcipuorum Argumentorum, quibus nostræ ab Ecclesiâ Romanâ Seccessionis Necessitas, & Syncretismi cum ea ἀδυναμία adstruitur, & justissimas ac gravissimas causas Majores nostros habuisse ab illa exeundi; Nos verò nullas ad eam redeundi habere posse probatum dedimus. Ordo jam postulat, ut ἀνασκευὴν etiam instituamus Rationum præcipuarum, quibus οἱ ἐξ ἐναντίας contra Seccessionem & pro Syncretismo pugnant. Nec enim defuerunt superiori seculo, vel defunt hoc nostro tam Theologi quàm Politici, qui Seccessioni nostræ temeritatis & injustitiæ crimen impingunt, quique sub specioso pacis prætextu, sed revera ut rebus suis & commodis consulant, nostrum ad Romam reditum urgere non desinunt, & honestum in speciem, sed reipsa turpissimum & exitiale Syncretismi consilium suadere conantur.

II. Quia verò multiplici Argumentorum genere utuntur, Ea in duos ordines dispescemus. Primò expendemus illa, quibus Seccessionem nostram injustam, & temerariam, atque adeò verè Schismaticam fuisse probare contendunt. Secundò excutiemus alia, quæ Syncretismum, ut justum & possibilem commendant. Et ut de prioribus dicamus primùm; Ex eo potissimùm Schismaticam esse Seccessionem nostram evincere satagunt. Primò, Quòd ab Ecclesiâ verâ defecerimus. Si à verâ Ecclesiâ, inquiunt, nemo potest secedere sine Schismatis nota, non potuimus ab Ecclesia Romana secedere, quin in Schismatis crimen incideremus, quia vera fuit Christi Ecclesia: Veram autem fuisse probant 1. Quia retinet præcipua veræ Religionis fundamenta, quibus fides nostra superstruitur, & salus constat, putà Verbum Dei & publicam ejus prædicationem, Symbolum Apostolicum, Decalogum, Orationem Dominicam, quibus continetur summa credendorum & faciendorum. 2. Retinet Sacramentorum, & Baptismi imprimis usum,

DISPUT. VIII. qui quoad substantiam saltè integer servatur, ex nostra etiam hypothesi.
 3. Quia fuit olim vera Ecclesia, Ergo & nunc esse debet, alias evanuisse promissio Christi, firmitatem Ecclesiæ adversus Inferorum portas spondentis. 4. Si Ecclesia Romana defecisset à pristina Majorum fide, ostendi possent Authores, & tempora ac momenta, quibus introductæ sunt tales corruptelæ & factæ mutationes, quod cum fieri nequeat, non posse dici ullam talem factam esse mutationem.

I. Obiectio
 de Schismate
 12.

III. Sed non difficile est nodos istos solvere. Primò damus libenter Adversariis, ab Ecclesia vera nunquam esse secedendum, & meritò in Schismatis crimen incurrere, qui veram Ecclesiam quocunque demum prætextu deserunt. Cum enim unica sit Ecclesia, extra quam nulla est salus, ut nulla fuit extra Arcam, quæ illius fuit symbolum; Nec possit Deum habere Patrem in Cœlis, qui Matrem Ecclesiam in terris non habeat; Nemo potest ab ejus communione recedere, quin eo ipso à Communionem Dei & Christi sese separet, atque adedò ab omni salutis participatione exclusus maneat. Sed negamus propterea ab Ecclesia Romana non fuisse secedendum, quia supponitur *πρωτον* hoc *ψευδος*, quod in tota hac Disputatione subinde recurrit, Ecclesiam Romanam unam, esse veram illam Ecclesiam, quæ nunquam debet deferi. Cum verò hoc falsissimum esse in præcedentibus variis rationibus sit demonstratum; Ex eo etiam liquet nec injustam, nec temerariam fuisse aut schismaticam nostram ab ea separationem; *Schisma enim non facit separatio, sed causa*, ut bene monet *Cassander l. de off. viripii*, Et ut vera Ecclesia deferi non potest sine schismate; Ita in falsa & apostatica nemo potest manere sine crimine: Ut non quævis Secessio in Religionis negotio est vitiosa & culpanda, & quædam non modò licita est, sed & necessaria & indispensabilis. Ita non quævis communio Ecclesiæ est probanda, sed ea demum, quæ potest consistere cum communione Christi & fundamento salutis. Si ergo nobis sit persuasum, ut est persuasissimum, talem esse communionem Ecclesiæ Romanæ hodiernæ; Nemo non videt, necessariò nobis ab ea secedendum fuisse, ut salutem nostram iremus prospectum.

IV. Verùm ut facilius cavillationes Adversariorum, quas hoc in negotio necere solent, discutiamus; Observandum Ecclesiam posse spectari, Vel respectu *fidei*, & quoad *statum internum* & invisibilem, quatenus est Corpus Christi mysticum, & Cœtus verorum Fidelium & Electorum, sine ulla hypocritarum & profanorum mixtura. Vel quoad *statum externum* & visibilem & respectu *professionis*, quatenus est Cœtus vocatorum, qui eandem Fidem & Religionem profitentur. Priori respectu certum est, Secessionem omnem ab Ecclesia illa, quæ est Corpus mysticum Christi, esse injustam & illicitam, quia necessariò post se traheret Secessionem om-

nnem

mnem à Christo, & salutis privationem. Sed posteriori damus non esse ab-
rumpendum temerè vinculum Communionis externæ cum Cœtu aliquo
visibili vocatorum, dum fundamentum salutis, sive quoad fidem, sive
quoad cultum retinet. At si contingat, ut Cœtus ille quoad majorem sui
partem, relicta puriori fide, Errores capitales foveat, & Idololatriam in cul-
tu præcipiat; Nec modò Monitores spernat, sed ferro & flammis eos per-
sequatur, & adeosdem errores profitendos & cultum Idololatricum præ-
standum per vim adigat: Separatio non modò licita est, sed justa, necessaria
& indispensabilis, quia non possemus in communionem talis Ecclesiæ Apo-
staticæ manere, nisi nuncium remittendo Christo, & ejus veritati, quo
nullum gravius crimen dari potest. Hunc autem fuisse statum Ecclesiæ Ro-
manæ, è qua Majores nostri exierunt, hætenus pluribus argumentis con-
firmavimus. Unde si ab ea facta fuit secessio, non tam fuit secessio ab Ec-
clesia, quàm Seccessionis terminus, & ad veram Ecclesiam Christianam, imò
antiquam illam Romanam, cujus fides toto orbe celebrabatur, à qua ho-
dierna defecit, regressio.

V. Nec huic verissimæ sententiæ intercedere possunt, quæ pro veritate
Ecclesiæ Romanæ afferuntur rationes. Non prima, quòd *retineat veræ
Religionis fundamenta*. Nam 1. Non statim qui retinent utcumque veræ
Religionis fundamenta, vera sunt Ecclesia; Jeroboam non evertit omnia
Religionis fundamenta, qui tamen Israël Defectionis fuit Author. Pha-
risæi retinebant plurima Religionis fundamenta; nec tamen poterant dici
vera Ecclesia. Pseudopostoli profitebantur se Christianos & se doctrinam
Christi observare gloriabantur, qui dicuntur tamen non retinere caput
Col. 2. 19. & excidisse à Christo Gal. 5. 3. Italicè Ecclesia Romana
retineat varia Religionis fundamenta, non propterea veræ Ecclesiæ no-
men potest sibi arrogare. Nec mirum, quia cornua Agni debuit re-
tinere Antichristus, ut faciliùs simplicioribus imponeret. Nec Satan
iniquitatis Mysterium concipere & edere potuisset, nisi mysterii pieta-
tis fucò palliatum; Nec homo peccati se Apostatam & Filium Perditio-
nis, ac verum Antichristum prodidisset, nisi in *Templo Dei*, Ecclesiâ
scilicet Christianâ, quæ doctrinam Christi retinere se profitetur, sedem
suam locasset. Ideo *Ecclesia Romana* sub duplici *exceſſu* potest spectari,
vel quâ *Christiana*, vel quâ *Papalis*, vel quâ aliquid adhuc veri reti-
net ex parte Christi, vel quâ recepit errores & corruptelas Antichri-
sti. Seccessio non facta est ab ea ut Christianâ, hætenus enim cum ip-
sa sentire & credere nos profitemur quod ex Verbo Dei retinet, sed quâ
Papali, quia nolumus admittere errores & idololatrias veræ doctrinæ fu-
perinductas.

Col. 2. 19.
Gal. 5. 3.

VI. 2. Aliud est fundamentum *retinere ore tenus* & quoad professio-
nem.

DISPUT. *nem.* Aliud corde & quoad veritatem, Aliud retinere utcunque, Aliud
 VIII. purum & illibatum servare absque ulla contrarii mixtura. Aliud retinere
 ex parte; Aliud integrum & solum, sine ulla additione vel detractiōe.
 Damus Ecclesiam Romanam retinere fundamentum priori sensu, sed ne-
 gamus posteriori. Quid verò juvat substantiam Religionis & fundamen-
 tum nomine tenus profiteri, si reipsa adulteres & corrumpas erroribus
 variis capitalibus? ut licet aurum & argentum in improba & adulterina
 moneta remaneant; non minùs tamen illa rejicitur, quia cupro & stanno
 miscentur. Quid juvat fundamentum habere, si illud vel alio fundamen-
 to subvertas, aut illi idolum imponas? *Veritas fundamenti ex unitate ejus*
& integritate pendet, ubi unicum & totum non habetur, ibi omnino
 1. Cor. 1. 13. non habetur. Ut Christus non dividitur 1. Cor. 1. 13. Ita nec Evan-
 gelium ejus, *nullum aliud fundamentum poni potest præter positum, Chri-*
 1. Cor. 3. 11. *stum Jesum* 1. Cor. 3. 11. Unde evertitur non modò detractiōe & op-
 positione directâ, sed & additione, maximè si additio illa sit corruptiva
 fundamenti, tunc enim quod additur, & apponitur, opponitur, &
 quod videtur tantum præter, est etiam contra: hinc Paulus vetat nos sa-
 1. Cor. 4. 6. pere *παρ' ὃ γέγραπται, præter id quod scriptum est, 1. Cor. 4. 6. & ana-*
 themate percutit eum, qui voluerit *euangelizare παρ' ὃ præter id, quod*
 Gal. 1. 8. *euangelizatum est* Gal. 1. 8. Hoc autem in Ecclesiâ Romanâ locum ha-
 bere quis non videt? quæ hic peccat non modò detractiōe, negatâ suffi-
 cientiâ & integritate Scripturæ, inducto secundo Decalogi præcepto, ab-
 lato laicis calice Eucharistico &c. Sed etiam additione, Articulos fidei
 multiplicando pro lubitu, & ea dogmata proponendo, quæ cum arti-
 culis fundamentalibus planè sunt ἀνύστατα. Sic fundamentum fidei est
 Scriptura Sacra: sed quàm miserè illam corrumpunt, sensum ejus per-
 vertendo, Auctoritatem, Perfectionem, Perspicuitatem, Integritatem
 &c. vellicando, & Traditiones ἀγράφαι, quæ pari pietatis affectu sint
 cum ea recipiendæ, addendo? Fundamentum est Christus, Mediator
 noster unicus apud Deum: Sed quomodo illum retinent, qui alios Me-
 diatores cum ipso nobis obtrudunt, aliud caput & fundamentum Ec-
 clesiæ, alia merita, aliud sacrificium propitiatorium, aliam intercessio-
 nem, aliud purgatorium &c. Quid est evertere fundamentum, si
 hoc non est? Ita si de Cultu Dei agitur, licet fateantur Pontificii Deum
 esse colendum, quia tamen huic fundamento multiplex imponunt ido-
 lum in variis objectis cultûs religiosi, quæ hic proponuntur, meritò censentur
 hac in parte etiam addendo illud evertere. Frustrâ etiam dicitur apud ipsos
 remanere Symbolum Apostolicum, Oratio Dominica, & Decalogus, si verba
 profitendo genericè, genuinum sensum tamen & veritatem specificè non
 retinent; quod faciliè ex singularum partium inductione colligi posset, si id
 nunc ageremus.

VII. 3. Si nomen veræ Ecclesiæ non est denegandum illi Cœtui, qui retinet veræ Religionis fundamenta, non possunt negare Adversarii, Ecclesiam nostram veram esse, utpote quæ ex ipsorum etiam confessione talia fundamenta retinet. Nihil enim à nobis creditur quod ad articulos *affirmativos*, quod ab ipsis Pontificiis non recipiatur, licet non assentiamur illis omnibus, quæ credenda nobis imponunt. Unde Controversiæ, quæ nobis cum illis de Religione intercedunt, non versantur circa ea quæ credimus, talia enim sunt, ut de illis omnes veri Christiani tum veteres tum recentiores consentiant, & quæ nobiscum unâ fide suscipiunt & consentiunt, (quod satis demonstrat, ut hoc obiter dicam, quàm falsa sit & impudens eorum accusatio, qui Religionem nostram vel novam ac recentem, vel privatam ac singularem esse criminantur) sed tantum circa alia doctrinæ capita, quæ illi statuunt, nobisque invitis credenda obtrudunt. Sic non quæritur inter nos, An Christus Jesus sit noster apud Deum Mediator, vel, An ejus mors sit sacrificium pro peccatis nostris, quæ nostra est fides: Sed, An præter Christum dentur alii Mediatores, & præter sacrificium Crucis, detur aliud sacrificium propitiatorium incruentum, quod statuunt, Nos negamus. Non quæritur, An Deus sit adorandus, quod agnosco: Sed An adoranda sit hostia, quod nego. Non quæritur, An Christus sit Caput Ecclesiæ, quod utrinque est in confesso: Sed, An præter Caput istud primum, Pontifex possit esse Caput secundarium, quod sanciunt Adversarii. Ita si cætera controversiæ Capita persequimur, facile est demonstrare; Non agi de *articulis positivis & affirmativis*, quibus quid nos credamus definitum est & expositum. Sed de *articulis negativis & exclusivis*, quibus non quid credamus, sed quid non credamus explicatur, quodque ab Adversariis est additum. Cum ergo totalis nostra cum Pontificiis, non sit de ullis fidei nostræ Capitibus, quæ nobiscum omnia consentiunt, sed de ipsorum tantum placitis, quæ Nos non possumus admittere, quia cum Verbo Dei pugnare censemus: Ex eo colligitur clarissimè, Argumentum quò utuntur, ad veritatem Ecclesiæ suæ demonstrandam, non minori, sed potiori jure Nostræ veritatem suadere, atque adeò Adversarios hac in parte non posse juvare.

VIII. Quod verò de fundamentis Religionis dictum est, Idem etiam applicandum est *Sacramentorum administrationi*, quæ secunda est Adversariorum ratio. Fateor veram Ecclesiam eam esse, quæ cum purâ Verbi Dei prædicatione habet conjunctam legitimam & incorruptam Sacramentorum administrationem; Et si hoc apud Romanos obtineret, nemo negare posset ipsis veræ Ecclesiæ nomen. Sed quia Sacramenta ista miserè corrumpunt, non modò quinque spuria addendo, sed ea quæ à Christo sunt instituta,

DISPUT.
VIII.

Baptismum, & S. Cœnam variis modis vel substantialiter vel accidentaliter adulterando: Ideo ex hoc etiam crimine defectionem eorum colligimus. Ad *Baptismum* verò quod attinet, licet plures corruptelæ in eum introductæ sint, quia tamen ejus substantia illæsa mansit in Papatu per Dei gratiam, non rebaptizamus quotquot ad nos à Pontificiis accedunt. Sed verus Baptismus non statim facit veram & puram Ecclesiam. Vera Circumcisio & sacrificia Uni Deo consecrata erant in Ecclesia decem Tribuum, non ideo erat vera. Ecclesia hæretica verum potest habere Baptismum, ut agnoscunt Patres, nec tamen minùs propterea falsa est Ecclesia. Nec hoc possunt diffiteri Pontificii, etiam ex sua hypothefi, dum Baptismum nostrum agnoscunt esse verum, semel administratum non iterando, qui tamen Ecclesiæ veræ nomen nobis tribuendum esse acriter negant.

IX. Ad Tertium R. licet Ecclesia Romana fuerit olim vera Ecclesia, quum ad eam scripsit Apostolus, & fides ejus toto celebrabatur orbe; Non sequitur eam veram esse etiamnum hodie; Quasi privilegium infallibilitatis illi competat, ut nec erraverit unquam, nec errare potuerit, quod falsissimè hîc semper supponunt. Neque hîc reponendum, sic inanes fore promissiones Ecclesiæ factas, Quòd supra petram sit ædificata, quodque portæ Inferorum adversus ipsam non sint prævalituræ. Hæc enim & similia elogia Ecclesiæ Catholicæ & invisibili Electorum competunt, quæ nec deficit unquam, nec deficere potest totaliter. Sed malè ad Cœtum aliquem visibilem particularem applicantur, cùm nullus talis detur, qui deficere non possit, & non paucos defecisse exemplis variis probari possit, & in Veteri & in Novo Testamento. Non quòd veri fideles & electi unquam possint deficere vel totaliter vel finaliter: Sed quia Cœtus visibiles, in quibus degunt electi, possunt corrumpi eatenus, ut nec pura amplius obtineat Verbi prædicatio, nec legitima retineatur Sacramentorum administratio. Aliàs si ratio allata valeret, sequeretur, neque Ecclesiam Israëliticam potuisse unquam deficere, & fieri meretricem, quia fuerat antea vera Ecclesia; & Ecclesias Asiaticas, quæ olim fuerunt veræ Ecclesiæ Christi, esse etiamnum hodie tales, quod nemo non videt esse absurdissimum.

X. Verùm dices, Si aliqua hîc mutatio contigit, debent ergo designari Auctores, per quos, & temporum momenta, quibus facta est. Sed nulla est ratio quæ nos eò adigat; Quasi in infelici seculi hujus conditione, in quo quotidie omnia in pejus ruere videmus, ac retro sublapsa referri, variæ non occurrant subinde mutationes, quarum neque tempus, neque locus, neque primi Auctores accuratè observari possunt? Quis enim ignorat Satanæ hunc esse astum, ut non interdiu sed noctu dormientibus hominibus &

non

non advertentibus Zizania sua serat? Quis nescit hanc esse Novatorum DISPUT.
 artem, ut faciliùs venenum suum & errores insinuent, ut non apertè VIII.
 & palàm, sed clàm & subdolè agant? ut difficile sit, ne dicam impossi- Matt. 13-
 bile, prima momenta notare, quibus Corruptio aliqua cœpit, licèt tam
 sit aperta ut negari nequeat. Verùm quid opus Auctores, vel tempora in-
 dicare, modò de rei veritate constet? An ut probem te peste correptum
 esse, vel aliquo alio morbo, necesse est ut doceam, quo momento exitia-
 lis illa lues cœperit grassari? nonne sufficit ut ostendam indubitatis argu-
 mentis, te gravi hoc & lethali morbo laborare? & nonne ludibrium debe-
 ret, qui de principio morbi potiùs cogitaret, quàm de remedio salutari,
 quod adhiberi debet ad ejus curationem? An ut demonstrem te senem esse,
 opus est ut doceam, quo momento cœperint primæ apparere rugæ in facie,
 aut vires tuæ inclinari & temperamentum corrumpi? Nonne hic satis est,
 ut conferam corpusculum tuum jam exangue & humicernuum cum corpore
 tuo olim vegeto & florenti, ut evincam magnam in te factam fuisse muta-
 tionem? Licèt ergo talium corruptelarum originis momentum indicari
 præcisè non posset, non propterea sequeretur eas nullas esse, vel falsò à no-
 bis Ecclesiæ Romanæ tribui; quia non quæritur hic, quando talis facta
 fuerit corruptio: Sed an revera talis deprehendatur, quod non ex historiæ
 veteris monumentis, sed ex statûs præsentis consideratione colligi potest.
 Nec alia fuit Christi Domini nostri in redarguendis erroribus Scribarum
 & Phariseorum agendi ratio. An ille vel Auctores, vel locos, vel tem-
 pora, quibus tales errores investi erant in Ecclesiam, recenset, quo ta-
 men nemo meliùs hoc præstare potuit, qui omnia mutationum momen-
 ta noverat accuratissimè? Nihil minus, imò solâ Scripturâ contentus ad
 primum principium provocat, *Ab initio non fuit sic*, Matt. 19. 8. vel Matt. 19.8.
erratis nescientes Scripturas Matt. 22. 29. Cur ergo ad scrupulosam istam Matt. 22.29
 temporis & cæterarum circumstantiarum notationem, quæ nihil ad rem
 faciunt adstringeremur, sufficit nobis ut ostendamus doctrinam Aposto-
 lorum à doctrina, quæ nunc obtinet in Papatu di: διὰ πασῶν dissidere,
 & statum hodiernæ Ecclesiæ Romanæ multum differre ab antiqua, atque
 adeò ab initio non fuisse sic.

XI. Regeres fortè, facilem esse istam Temporis & Auctorum muta-
 tionum designationem, quia ejusmodi mutationes in re tanti momenti
 fieri nequeunt sine magnis motibus; Quando agitur de mutanda veteri
 fide, pro qua ut aris & focis disceptatur, & de nova & contraria intro-
 ducenda. Sed neque hoc majoris est ponderis. Quis nescit mutationes
 istiusmodi non semper magno cum apparatu & γομῇ τῇ κεφαλῇ, sed
 sæpius & ordinariè paulatim & sensim fieri, ita ut vix ac ne vix quidem præ-
 cisè singuli earum gradus distinctè observari queant, maximè quum tales

DISPUT. mutationes non fiunt statim per veteris Doctrinæ abrogationem, quod posset hominum animos commovere; Sed per novæ nondum creditæ introductionem. Non per Errorum crassiorum, qui in sensus facile possunt incurere, propositionem; sed per occulti & à sensibus remoti dogmatis alicujus insinuationem. Non per publicam professionem inter omnes; sed per clanculariam & privatam intra paucos disseminationem. Non per cognitionem claram & distinctam; sed per cognitionem obscuram & confusam, quod hîc contigisse constat: Tunc enim facile imponitur hominibus, & insensibilis potest fieri mutatio. Hîc itaque distinguenda sunt *Errorum initia* & *primi gradus* ab eorum *incrementis* & *augmentis*, tacita eorum & subdola inter paucos communicatio, & publica ac aperta eorum professio. Fateor posteriori sensu posse varios animorum motus excitare in Ecclesia, & dissidia ac contentiones parere; quod nimis contigisse omnium seculorum experientia testatur. Sed non par est ratio initii & primorum graduum eorum; Ita enim sensim ac sine sensu fieri solent, ut non possint facile observari; Satanâ hac arte subdolè utendo, ut incautos decipiat, & feliciùs ac commodiùs venenum suum exitiale instillet, & infelix lolium serat, dum homines citiùs immedicabile vulnus sentiunt, quàm ut sciant se accepisse.

II. *Objectione
petita à de-
fectu Suc-
cessionis &
Vocationis.*

*Successio
personalis
vel localis
non est ne-
cessaria, sed
tantum do-
ctrinalis.*

XII. II. Contra Secessionem nostram sic pugnant. Ab ea Ecclesia sine crimine non possumus secedere, quæ perpetuam & non interruptam habet successionem, ut ad eam nos recipiamus, quæ omni destituitur Vocatione legitima: Nam si aliquam habuissent primi nostri Reformatores, vel fuisset *Ordinaria* vel *Extraordinaria*; Ordinariam non fuisse res ipsa clamat, quia nullum adhuc Ministerium inter nos erectum erat; Nec extraordinariam, quia miraculis debuissent eam confirmare, quod non fecerunt tamen; Cùm E. nullam missionem habuerint, nullam etiam Ecclesiæ reformandæ auctoritatem habuisse; atque adeò nullas Vocationis suæ notas dare posse, quod tenentur tamen ut audiantur; veram enim eam Ecclesiam esse non posse, quæ falsam missionem habet. Ut responsio clariùs pateat, quia duplex difficultas hîc attingitur, prima de *perpetua Successione*, altera de *Reformatorum nostrorum Vocatione*, quas ad ravim usque solent nobis objicere, paulò distinctiùs de utraque nobis est agendum. Et ut de *Successione* perpetua dicamus primò. Cùm multiplex possit esse *Successio*, Vel *Personarum* & *locorum*, Vel *Doctrinæ* & *Rerum*, Vel *naturalis* ratione carnis, Vel *politica* ratione munerum, Vel *spiritualis* ratione fidei; Videndum quænam hîc *Successio* debeat obtinere. Et naturalem quidem ac politicam nemo dixerit locum hîc habere debere, ut nec personalem & localem. Nam ita Judæi increduli & profani succedebant piis Patribus, dum ab ipsis oriundi erant. Scribæ & Pharisei succedebant veris Doctoribus, qui tamen seductores erant

erant & veritatis hostes acerrimi. Sic Arriani succedebant Orthodoxis; DISPUT. VIII.
 sic tenebræ luci, morbus sanitati, Tyrannus pio Principi succedit. Sola
 ergo hic *Successio fidei & doctrinæ* attendenda est, absque qua cætera omnes
 successiones vanæ sunt & exitiales. *Cathedra successio nihil successio-
 nis præter nomen habet, sed idem sentiendi successio veritatem*, inquit
 Gregor. Nazianz. in Matt. 23. Illi demum in Cathedra Moïsis sedent, qui
 doctrinam Moïsis docent; Nec habent hæreditatem Petri, qui fidem ejus
 non tenent. Quamvis ergo Ecclesia Romana successionem vel persona-
 lem, vel localem haberet, frustra esset, nisi successionem doctrinæ &
 veritatis, quâ ipsam destitui pertendimus, haberet. Ne jam dicamus
 Successionem etiam personalem sapissimè in Papatu interruptam esse per
 schismata & dissidia horrenda, quibus laboravit, & per simoniacam va-
 riorum Pontificum in Sedem illam pestilentia intrusorem, quæ inanem
 esse ipsorum de Successione non interrupta gloriationem evincunt. Sed
 si apud nos Apostolica doctrina retinetur illibata; cur Successionis præ-
 judicio gravare nos volunt, cum penès nos veræ & legitima, non penès
 ipsos sit Successio. Quod si negare velint Adversarii, ad examen Do-
 ctrinæ veniendum erit, quod tanto molimine refugiant.

XIII. Ad *Vocationem* verò *nostram* quod attinet, varia sunt, quæ *Quanta sit
 hinc reponi debent. Primò perperam & sine ratione notæ Vocationis necessitas
 nostræ petuntur: Nec enim multum refert, ut populus de ea inquirat, questionis
 modò illi constet de veritate Doctrinæ, quam proponimus. Sanè si de Vocatione
 fidem nostram vellemus pendere à vocatione Pastorum, necesse esset de
 illius veritate persuaderi; sed alia longè est mens nostra. Nec enim sic
 procedimus, Vocatio nostra est legitima, ergo Doctrina nostra vera est;
 & audiendi sumus. Sed contrà, Doctrina nostra vera est; ergo au-
 diendi sunt, qui eam docent, ut veritas Missionis & Ecclesiæ pendeat
 à veritate Doctrinæ, non contrà. Nec enim falsa potest esse Ecclesia,
 quæ veram & salutarem Christi doctrinam retinet, licèt de cætero vo-
 catio Pastorum aliquid minùs ordinati haberet. Et ut Ministerium est
 propter doctrinam, non doctrina propter ministerium; Ita inquisitionem
 Ministerii præcedere debet inquisitio doctrinæ. Quod non ideo
 à nobis dicitur, quasi quæstionem hanc planè fidelibus inutilem & non
 necessariam censeamus. Fatemur enim hoc non parum conducere ad
 boni ordinis conservationem, & legitimorum Pastorum à falsis &
 adulterinis discretionem. Sed tantum ut ostendamus, primariam aut
 præcipuam esse non debere, quæ nos sollicitos habeat; sed secunda-
 riam tantum & minùs principalem, quæ supponat semper veræ doctrinæ
 inquisitionem; Illa enim est tantum *Necessitas ordinis*, sine quo salus po-
 test obtineri; sed ista est *Necessitas medii*, sine quo non pervenimus ad
 salutem,*

DISPUT. salutem. Secundò meritò suspecta nobis esse debet hæc agendi ratio, cùm
VIII. auctores habeat Pharissæos, qui ita cum Christo agere solebant, ut in ejus
Matt. 21. Vocationem non semel inquirerent. *Quâ auctoritate*, inquit, **Matt. 21.**
33. *facis ista, & quis tibi dedit istam auctoritatem?* Tertiò Pontificios
 minimè omnium decebat hanc Quæstionem nobis movere, quam longè
 potiori jure in ipsos possumus retorquere; ostendant enim & ipsi vicissim
 Vocationis suæ veritatem, quâ auctoritate Pontifices, Cardinales, Sacer-
 dotes &c. talia munera usurpârint & exerceant, quorum nulla institutio,
 nullum exemplum in Scriptura potest deprehendi?

*Reformato-
 res nostros
 non caruisse
 Vocatione,
 præbatur.* **XIV.** Sed ut pressius Quæstionem propositam attingamus, quatenus
 primos nostros Reformatores spectat; Dicimus quartò distinguendos esse
 Eos, qui publico in Ecclesia Romana Ministerio fungebantur, ab aliis
 qui merè privati fuerunt. Et ad illos quidem quod attinet, ut quampluri-
 mi fuerunt, qui ad hoc opus se accinxerunt Archiepiscopi, Episcopi, &
 Presbyteri, in Anglia, Germania, Gallia, Helvetia, & alibi, non potest de
 eorum Vocatione dubitari, quando ipsam ab Ecclesia Romana habuerant;
 Aliàs fateri cogentur, vel suam Vocationem nullam esse & falsam; Vel
 si vera est, Nostros, qui eâ instructi opus Reformationis sunt aggressi,
 non sine vocatione hoc fecisse. Neque hîc reponendum 1. Si veram
 vocationem habuerunt, eo ipso veram fuisse Ecclesiam, quæ illis eam
 contulit, nec enim falsam Ecclesiam posse dare veram vocationem. Nam
 si Baptismus verus potest esse in Ecclesia falsa & hæretica, ut suprà vi-
 sum, quidni etiam Vocatio? Nam ubi est baptismus verus, ibi debet
 esse legitima administrandi potestas, ubi est illa potestas, ibi est etiam
 vera vocatio. Nemo sigilla tractare potest, nisi sigillorum Custos. Ne-
 mo Custos, nisi vocatus; Ita nemo Sacramenta, quæ sigilla sunt fœder-
 is, potest administrare, nisi cui tabulæ fœderis sunt commissæ. Nec
 semper verum, Vocationem veram, supponere Ecclesiam veram. Cer-
 tum quidem est, ubi nulla est vocatio, ibi nullam esse veram Eccle-
 siam; Sed non continuò sequitur, ibi esse veram Ecclesiam, ubi est
 aliqua vocatio. Nam Ecclesia Judaica tempore Regum Idololatrarum,
 non erat vera Ecclesia, sed non destituebatur tamen vocatione ordina-
 riâ. Ecclesia Arriana & Nestoriana non erat vera Ecclesia, & voca-
 tionem tamen veram habuit; Novatianis & Catharis conversis idem
 servabatur locus, in quo fuerant antequam ad Orthodoxos accede-
 rent. Unde Canon sextus Ecclesiæ Africanæ sancit, *τὰς κληρικὰς τῶν
 Δονατιστῶν ἐν τῷ κλήρῳ τῆ καθολικῆς ἐκκλησίας ἀναδέχεσθαι ἢ ἐν ταῖς ἰδίαις
 ἡμεῖς μένειν*, *Ut recipiantur Clerici Donatistæ in Clero Ecclesiæ Catho-
 licæ, aut maneant in propriis dignitatibus.* Quod fusè persequitur *Hie-
 ronymus* in Dialogo adversus Luciferianos. Missio ergo inter eos
 esse

esse potest, qui tamen vera Ecclesia non sunt, sed Ecclesiæ aliquid retinent, vel Ecclesiæ serviunt; per quos ut doctrinæ pars, ita etiam vocationis non nihil ad eam doctrinam prædicandam derivatur. Missio non oritur ab Ecclesia ut fonte & principio, sed à Deo per homines etiam malos; Ut diplomata Regia per eum etiam feruntur, qui nihil regium in se habet. Sic ab Ecclesiæ Rom. auctoritate non pendet vocatio, etiam per manus Ecclesiæ Romanæ transmissa; Nec Ecclesiæ, sed Christo, quod in vocatione supererat boni, acceptum ferri debuit, ut aqua per canalem delata, non à tubulo, sed à fonte est derivanda.

XV. 2. Dices, Nostros quidem Vocationem habuisse ab Ecclesia Romana, sed omni illo jure excidisse, quia ab Ecclesiæ Romanæ doctrinâ, ad cujus defensionem vocati erant, defecerunt. Sed tantum abest, ut illos excidisse vocationis suæ jure dici debeat; ut contrâ certum sit, eos vocationem suam ad proprium & legitimum suum finem retulisse, & sic ritè officio suo defunctos fuisse. Nimirum hîc distinguendus est accuratè *finis primarius Dei & Christi vocantis*, & *finis secundarius* hominum, quorum ministeriò Deus usus est ad vocationem illam conferendam. Fateor non fuisse finem & intentionem eorum, qui ipsos ordinaverant, ut doctrinæ receptæ se opponerent, sed potius ut eam docerent & defenderent, sed respexerunt illi, quod facere omnino tenebantur, ad finem primarium Dei vocantis, Christi institutionem, & muneris sui primævam obligationem & naturam; nimirum ut Evangelium purum prædicarent, & doctrinam à Christo & Apostolis traditam illibatam retinerent & populo traderent. Nec aliter sese gerere potuerunt, nisi hominibus potius quam Deo obedire vellet, & juramentum, quò se Deo vocanti obstrinxerant ad propugnandam & prædicandam veritatem, violarent & rescinderent, ut fidem datam hominibus de propagando mendacio servarent, quod impium est vel cogitare. Si ergo à fine ordinatorum aliquo modo deflexerunt, non fuit Vocationis abusus & corruptio; sed potius correctio. Et si aliter fecissent, in Deum, in proximum, in populi Christiani salutem, atque adeò in se ipsos, officiumque suum graviter peccassent. Nec culpandi veniunt, sed laudandi, qui resectis sordibus & corruptelis ab hominibus additis, retinent bonum quod à Christo est institutum, & ad legitimum ordinem omnia revocant.

XVI. Quò verò res clarior evadat, *Vocatio* iterum est distinguenda, Alia quæ *suâ institutione falsa est*, ut Vocatio Judæorum, Mahumedanorum, & aliorum infidelium, quæ directè tendit ad propagationem Idolatriæ & Impietatis. Alia, quæ institutione suâ quidem sancta est & legitima, sed quæ *abusu hominum corrupta* degeneravit, qualis est Vocatio Pontificiorum. Illa penitus excindenda est & abjicienda, quia nihil

DISPUT.
VIII.

boni in ea deprehenditur. Sed ista corrigenda & reformanda juxta intentionem primarii Auctoris, ut sublatis corruptelis sola Christi institutio & usus maneat. Quod dum facere conati sunt Nostri, non repugnâsse Vocationi, sed illi potius respondisse censendi sunt: Ita enim ad hoc tenebantur, ut nisi præstitissent, perjurii crimine adversus Deum sese obstrinxissent. Fateor quidem Vocationem istiusmodi, quæcunque tandem sit, etiam corruptissimam, si ad Dei Verbum docendum tendat, inutilem esse ad conciliandam Errori auctoritatem, vel homini in errore manenti gratiam, vel Ecclesiæ per illam prædicationem salutem; Adstringit tamen Vocatum, ut munus suum religiosè & sanctè obeat, & licèt passim omnes aliò munus illud convertant; ille tamen si conscientiam suam audit, tenetur ad veritatem indagandam, agnitam amplectendam, pestem arcendam, & salutem gregis procurandam. Quia ipsa Ecclesiæ prima intentio & scopus hoc postulat, hoc ipsa rerum necessitas exigat; hoc Deus ipse, cui magis obediendum quàm hominibus, præcipit; hoc Vocationis ratio petit. Nam si omnes & singuli Christiani, quæ tales, oblata occasione, urgente necessitatis casu, Verbum Dei fratribus annunciare tenentur; multò magis, qui ad id hominum consensu vocati sunt. Nec hujus agendi modi exempla varia defunt, sive in Repub. sive in Ecclesia, sive in familia. Si quis Tyranni auctoritate in Senatum cooptatur, eo procul dubio sine ut tyrannidem magis magisque confirmet & illi inserviat, Et poenitentia postea ducitur; Nonne agnitum Tyrannum ex ratione muneris tenebitur deferere, imò etiam persequi? In Ecclesiâ Israëlita Sacerdotes Levitici, qui ad idola deflexerant, non opus habebant novâ vocatione, ut ad reformationem Ecclesiæ sese accingerent, sed legitimo tantùm vocationis exercitio: Ita si qui inter Arrianos, Nestorianos, & Donatistas, Episcopi fuerant, poterant legitimè, imò tenebantur ex vi muneris errorem abjicere & veritatem profiteri. Si servi cum fure, vel Oeconomi cum Adversario colludunt ad Dominum prædandum; nonne licebit ipsis suum errorem castigare, & ad meliorem frugem redire, ut Domino suo fideliter inserviant? Sic neque censendi sunt vocatione sua excidisse, vel nova opus habere vocatione, qui ad sacrum munus vocati erant, ut mendacio obniterentur & profiterentur veritatem. Regeres, Sed obstrinxerunt se Romano Pontifici, cui fidem datam frangunt. & Obstrinxerunt se Pontifici, fateor, sed priùs Deo, & propter Deum illi: Ita si fidem datam Pontifici deprehendunt αὐτῶν esse cum fide Deo data, illam abruptere debent, ut istam inviolatam servant. Ita Centuriones in castris fidem Regi & Duci pollicentur, sed primò Regi, dein Duci propter Regem; si verò agnoscant Ducem proditiōis reum esse,

& res.

& res novas moliri contra Regem, eodem illo, etsi implicito juramento Ducem non tantum deferere, sed & oppugnare tenentur. In malè promissis rescindenda fides; Quæ impia sunt, nec promitti debuere, nec, si promissa sunt, sine impietatis crimine præstari queunt.

XVII. Non potest etiam eorum Vocationem irritam reddere, Vel quòd *Excommunicati fuerint*: Nam Excommunicatio injusta ut brutum fulmen, non eos feriit, nec suum illis potuit auferre Ministerium: Non magis quàm Apostolis nocuit excommunicatio Synedrii Judaïci, & Athanasio aliisque Orthodoxis excommunicatio Arrianorum, quod Canones ipsi Pontificii sanciunt. *Caus. 24. Can. Ait Cælestinus*: Vel quòd *Episcopi non fuerint*, sed tantum Presbyteri, qui nullum jus vocandi habuerint: Nam præterquàm quòd non defuerunt etiam Episcopi & Archiepiscopi varii, qui Reformationi manum admoverunt; Cùm nullum sit inter Episcopum & Presbyterum ex jure Divino discrimen; non major illi potest, quàm isti competere vocandi potestas. Vel denique quòd *reordinentur* jam, qui veniunt ex Papatu, quod non fieret, si legitima eorum agnosceretur Vocatio. Nam quod potuit sufficere in Ecclesia corrupta ad eam reformandam, non sufficit in Ecclesia restituta & reformata: Vocatio eorum vera fuit & legitima quoad *substantiam*, sed diversimodè inquinata quoad *modum*, Ita repurganda est à suis sordibus, & nitori suo restituenda, ut retinendo quod superest veri & boni à Christo instituti, respuatur quicquid falsum est & Antichristianum.

XVIII. Ex quibus colligitur Reformatores nostros, qui in Papatu ordinati fuerant, non caruisse Vocatione, quum magnum hoc opus sunt aggressi. Sed quia non illi modò, sed alii non pauci, qui nullo inter Pontificios publicoungebantur munere, in eo etiam laborarunt; Videndum quo jure & qua vocatione instructi id susceperint. Hic autem ante omnia observare licet, Quòd licet Vocatio ordinaria necessaria sit in Ecclesia ad vitandam ἀταξίαν, ut omnia fiant in ἐὺσχημόνως κατὰ τάξιν I. Cor. 14. 40. non tamen eò usque absolutè & simpliciter sit necessaria, quasi non liceat privato in ullo casu, vel Verbum prædicare, vel de Ecclesia restituenda cogitare. Nam cùm vocatio generalis Christianorum, & charitatis lex hoc unicuique imponat, ut quibuscunque potest modis salutem suam & proximi promoveat: mirum videri non debet, si occasione oblata quis utatur ad hoc opus exequendum. Maximè si summæ cujusdam & ineluctabilis necessitatis ratio hoc videtur exigere. Nam necessitas multa facit, quæ remota necessitate fuissent culpanda, Ubi nulla urget necessitas, constituta Patrum inviolata servantur, inquit Gelasius. Sed in casu necessitatis, ubi aliter fieri nequit, nullam habet

Qualis
fuerit vo-
catio Laico-
rum.

DISPUT. VIII. *Legem necessitas, & ipsa sibi Legem facit* ut habetur in Decreto Gratiani Caus. I. q. I. cap. *Remissionem*, ubi agitur de Baptismo, quem conferri posse à Simoniano conceditur, non autem Ordines, nimirum quia alia sunt *Sacramenta necessitatis*, alia *dignitatis*. Sic multa licent & laudantur in maximâ Reipublicâ perturbatione, quæ aliàs in statu pacato & bene ordinato non licerent, nec legitimè fierent. Si in Regno conjuratio fit adversus Principem, & si illi, quorum munus erat Conjuratoribus sese opponere, non modò non faciunt, sed ipsi vel stertunt, vel in Conjuratorum partes trahuntur; Nonne licebit bonis & fidelibus Subditis, quantumvis privatis, proditoribus resistere, de auctoritate ipsos deturbare, facere quæcunque necessaria videbuntur ad conjurationem illam dissipandam, & cæteros in obsequio Principis continendos? Sanè quod seditionis & criminis læsæ Majestatis nomine notaretur, si fieret contra Regis ministros, auctoritate sibi concessâ legitimè utentes; Si de proditione constiterit, non crimen, sed actio heroïca censeretur, & obedientiæ exemplum eò nobilius, quò minoris est auctoritatis ille, qui id exequi voluit. Ita si milites hostem in se irruere vident, Duce suo stertente vel languente ad Imperia, vel etiam urbem prodente; An non licebit ipsis Claves proditori eripere, & ad signa etiam nullo vocante convenire? Cùm res ipsa vocat, quid voces, si desunt, moramur? Imò si obedientiæ specie silent & quiescunt, immemores juramenti, perfidiæ & proditionis insimulantur; sola scelorum conscientia inquinat; illam verò nemo purgat, nisi malo pro virili obnitatur. Licet in specula non sis, nec in excubiis, si tamen incendium vides, & vigiles dormire vel silere animadvertis, si non exclamas, reus es; quisque enim incendio grassanti obviam ire pro virili tenetur. Huc referri potest P. Scipionis consilium laudatum à Valerio lib. 5. cap. 7. qui, cum ex Ærario pecuniam ad necessarios usus Reipubl. promi oporteret, idque Quæstores, quia lex prohibebat, agere recusarent, privatus claves poscit, & legem utilitati & necessitati cedere coëgit. Pontificii ipsi in casu necessitatis potestatem baptizandi concedunt laïco & mulieri, & privato fieri posse confessionem, si desit Sacerdos. Joh. Hier. Albanus de Potestate Papæ & Concilii, Si Papa in hæresim incidat, & Prælati officium facere negligant, Laïcos de Ecclesiæ Reformatione consilium inire posse fatetur. Distinguendus ergo hic venit duplex *Ecclesiæ status*, vel bene *ordinatus & constitutus*; vel *confusus & perturbatus*. Fateor in priori non licere privato laïco sacra tractare, neminemque sine prævia vocatione legitima Ecclesiæ clavum & regimen invadere debere. Sed alia est ratio posterioris: Nam in perturbato Ecclesiæ statu, sat juris est cuique ex vocatione generali, & charitatis lege ad rejiciendos errores, & veritatem amplectendam & profitendam. Et si, ut bene Jurisconsulti ob-

servant,

servant, *nulla datur obligatio ad illicita*; Quis dixerit fideles ad mendacium propugnandum obligatos fuisse? Quis non contrà fateatur, indispensabilem illis necessitatem fuisse impositam mendacium rejiciendi, & veritatem publicè defendendi? Hæc verò fuit temporum illorum ratio: Ita omnia erant perturbata, ut Rectores Ecclesiæ, quorum erat Erroribus grassantibus sese opponere, & lupos ab ovili Domini arcere, non modò non facerent, sed & ipsi in lupos conversi gregem Dominicum vastarent, & Christi legitimi ac unici Regis auctoritatem nefariè usurparent, & si qui de officio monere eos vellent, non tantùm non audirent, sed ferro flammisque persequerentur. Quid hîc faciendum fuit Majoribus nostris, qui gravissimum hoc malum perspectum habebant? An manendum illis fuit sub jugo illo Antichristi dirissimo, ubi pereundum illis fuisset necessariò? An non licuit, postquam omnem spem Reformandæ Ecclesiæ viderunt decollatam, maturè se ab exitio præsentissimo subducere, & salutis suæ per justam secessionem prospicere? Ni hoc fecissent, summo se obstrinxissent scelere, & in Deum ingrati & injurii, certissimam in se perniciem accersivissent.

XXI. Uno verbo, si unusquisque ad profitendam veritatem necessariò obligatur, nec jus ullum habet ad mendacium retinendum & docendum, quisquis mendacium docet, nullam ad id missionem legitimam potest habere. Contrà qui Veritatem prædicat, non modò jus & vocationem habet eam proponendi, sed & ex officio indispensabili tenetur. Ita quamdiu Rectores Ecclesiæ docent veritatem quam Christus tradidit, jus habent illud præstandi, nec potest in dubium vocari eorum Vocatio. Sed si mendacium docent, impossibile est eos ad id vocari à Christo. Ut ergo agnoscatur, à quorùm partibus stet legitimè Vocatio & Missio, non ad formulas externas ordinationis, quæ nihil est sine veritate, attendendum est: sed respicienda est unicè Veritas, nam ut qui pro veritate militat, ex Deo est, & ad id ab ipso vocatur: Ita qui eam oppugnat, non potest à Deo esse, nec ab ipso ad id vocari. Quod non ideo dicimus, quasi vellemus liberum esse & integrum cuivis sese ingerere omni tempore & casu ad functiones Ministerii publici. Scimus Deum esse Deum ordinis non confusionis, nec ordinem, semel in Ecclesia sancitum, sine absoluta necessitate esse violandum. Sed hoc tantùm volumus, veritatem non propter ordinem datum esse, sed ordinem propter veritatem, atque ita ordinem veritati cedere debere, non veritatem ordini, quum veritas & ordo non possunt simul subsistere. Dum ergo qui ex ordine recepto vocantur ad veritatem docendam, ritè officio suo funguntur, nemini licet eos turbare, vel intrudere se in Ministerium. Sed si eo miserè abutantur, & tantùm abest ut doceant veritatem, persequuntur eos, qui eam sequuntur, & mendacium

per-

DISPUT.
VIII.

persuadere conantur; Nemo est qui jus non habeat illis resistendi, & veritatem pro virili promulgandi & amplectendi, à quocunque nobis proponatur: Nec ulla datur circumstantia locorum, temporum, personarum, quæ impediatur, quo minus obligeamur ad veritatem sequendam, & quæ efficiat, ut debeamus sequi eos qui eam oppugnant, quacunque jacent se instructos esse vocatione. Aliàs dicendum esset, vel eos, qui ordinationem non acceperunt juxta ritus receptos, non posse veritatem unquam docere, vel veritatem non esse amplectendam, quoties ab iis proponitur, qui ordinationem non habent, quod utrumque & sanæ rationi, & experientiæ repugnare certum est. Rursus, si ex necessitate missionis pro Ecclesiâ Romanâ quis pugnaret, dicendum erit. Vel nullos ex iis, qui missionem habent posse errare: Vel licet errant, non minùs sequendos tamen esse, quod utrumque etiam pietati, & rationi adversari nemo non videt. Hunc autem statum esse controversiæ inter Nos & Pontificios proclive est cuiusvis agnoscere. Donec ergo non demonstrant nobis, Veritatem penès se esse, & mendacium penès nos, non possunt obtendere nobis defectum Missionis, qui pertendimus, Veritatem à partibus nostris stare; & Mendacium apud Adversarios. Sic necesse est ad Examen Doctrinæ venire, ut constet quibusnam jus competat prædicandi.

XX. Verum quidem est neminem prædicare debere, nisi mittatur
Rom. 10. 15. ex Rom. 10. Sed non semper externè & mediâtè ab hominibus fit missio, sed aliquando internè & immediâtè à Deo. Quum tolerabilis est Ecclesiæ status, nullaue urget necessitas, *ἐν ταῖς* ratio, fateor, postulat, ut ordo receptus, qui à Deo institutus est, & hominum ministeriò peragitur, servetur. Sed in casibus summæ & ineluctabilis necessitatis, & in deplorato rerum statu, qualis iste fuit, quum nullus ampliùs locus ordini relictus est; Necessitatis lex, seu potiùs Deus ipse, qui homines in istam necessitatem compulit, non modò non vetat, sed etiam præcipit & potestatem dat ea procurandi, quæ faciunt ad salutem propriam, & proximi ædificationem, etiam cum ordinis illius neglectu, si modo ordinario & consueto haberi non possint. Sic si aliquis in remotissimas orbis terrarum plagas tempestate delatus esset, inter populos planè barbaros, apud quos nullum esset Christianæ Religionis vestigium; An sacrilego silentio premere debebit mysteria Evangelica; Nonne ex charitatis lege tenebitur Infidelibus illis convertendis operam dare, & si labori ipsius Deus eatenus benedicit, ut plures adducat ad fidem; An non licebit ipsi Cætum colligere, Ecclesiam constituere, & Pastoris ordinarii ex ipsorum voto apud ipsos fungi officio? An Patriam repetere priùs tenebitur, ut juxta ritus receptos consecratur? Quid si in Patriam redeundi denegatur illi facultas, an satiùs esset pati potiùs lumen Evangelii
 ex-

extingui, & gregem dissipari, quàm ut Pastoris munere fungeretur, & DISPUT.
VIII.
tam insigne opus defereret?

XX. Rem autem non modò ita se habere posse, sed & contigisse sapius testatur historia Apostolica & Ecclesiastica. Sic Act. 8. Fideles post mortem Protomartyris Stephani, huc illuc vento persecutionis dispersi, Evangelium prædicant, & multos ad fidem adducunt A. 8. 4.
Apollos edoctus viam Dei per Priscillam & Aquilam, nullâ aliâ munitus A. 11. 19.
vocatione, Judæos convincit per Scripturas demonstrando Jesum esse Christum cap. 18. 25. 26. Sic Theodor. lib. 1. cap. 22. refert tempore Constantini M. *Ædesum* & *Fruventium* fratres delatos in Indiam, & à Barbaris longâ servitute detentos, multos ex illis, & Regem præ cæteris ad fidem Christi convertisse, & ita cœpisse Cœtus cogere, Ecclesias instituere, ut istic cultui sacro vacarent. Idem cap. 24. narrat, fœminam captivam inter Iberos conversionis ipsorum fuisse causam, Reginâ primùm ad fidem Christi adductâ, & per Reginam Rege, & sic Rex *Apostolus gentis suæ factus est*, inquit Ruffinus lib. 10. cap. 11. Et quum Valentis tyrannide duo Macarii Ægyptius & Alexander Monachorum Patres in Insulam Paludium relegati essent, exilii necessitate in beneficii occasionem versâ, brevi effecerunt, ut Insulares baptismo consecrarentur, *Theod.* lib. 4. cap. 1. 18. 25. 26.
Plurima possent afferri exempla ejusmodi hominum privatorum, quorum operâ conversi sunt ad fidem Christi plurimi. An mirum ergo videri debet, si quidam ex Reformatoribus nostris in eo statu constituti, tale quid fuerint aggressi, summâ id exigente necessitate, quum nulla alia apparebat vel libertatis vel salutis via? Maximè cum dona illa eximia & singularia, quibus eos instructos Deus voluit, rara eruditio, ingenii acumen maximum, judicium subactissimum, constantia & patientia invicta, zelus ferventissimus, & alii motus heroïci & planè extraordinarii, quibus Reformationem cœperunt, promoverunt, & tandem perfecerunt, adversus omnes contradicentium artes & molimina, fuerint veluti sigilla authentica divinæ eorum Vocationis: cum neminem lateat, magna illa dona nunquam à Deo conferri, nisi ad magnum & extraordinarium aliquod opus; Quibus adde successum admirabilem & planè stupendum, quem Deus eorum laboribus largitus est, in quo Providentia prorsus singularis & admirabilis ita apparet conspicua, ut neminem latere possit, nisi eos, qui fascinò superstitionis & odio veritatis sunt excæcati. Denique si quid desiderari potuit in hac prima vocatione, facilè suppletum fuit, tum Ecclesiæ consensu & succedente approbatione, tum auctoritate publicâ Magistratuum & Populorum, ut hic nihil habeant, quod carpere possint Adversarii, nisi doctrinam à Nostreis traditam falsam esse & corruptam, quod in æternum nunquam sunt demonstraturi, ostendant.

DISPUT.
VIII.

XXI. Dices fortè varias illas corruptelas, quas in Ecclesia Romana fuisse pertendimus, potuisse quidem Majoribus nostris occasionem dare eas rejiciendi, & se ab illis immunes præstandi per *Secessionem negativam*: Sed non statim jus potuisse conferre Cœtus segreges cogendi, & novum Ministerium in illis instituendi, quod sine auctoritate publica fieri non potuit; nisi velimus ἀταξίαν inducere in Ecclesiam. Verùm facile est hoc telum repellere; nam ut non dicamus hoc locum non habere in illis Ecclesiis, quæ ab Episcopis, Presbyteris, & aliis Romanæ Ecclesiæ Rectoribus reformatæ sunt; Quæ rationes Secessionis negativæ necessitatem imposuerunt fidelibus; Eadem Secessionem positivam & patientem exigunt, ut Conventus fiant publici, ubi Verbum prædicetur, & Sacramenta administrentur: Nec tantùm hoc jus censendum est, cujus usus penès ipsos positum sit, sed officium & obligatio arctissima, & quæ, nisi absoluta sit impossibilitas, est indispensabilis. Hoc natura fidei exigit, quæ ut corde retinetur, ita per confessionem apertam declaratur. Hoc pietas postulat, quæ cultum non tantùm internum cordis, sed & externum corporis complectitur. Hoc Charitas jubet, ut salutem proximorum non minùs ac nostram sedulò promoveamus. Aliàs nisi hoc liceret, quid tandem illis fidelibus præstandum foret? an perstare deberent in Communione Romana erroneâ & idololatricâ? Sed hoc conscientia ipsorum non patitur, quia ore negarent, quod corde credunt. An potiùs deberent manere sine Pastoribus & ullo cultu externo, & expectare, donec Deus alios extra ordinem excitaret, quàm ut jus sibi arrogarent congregandi Ecclesias & creandi Pastores? Scio quidem hoc satiùs visum *Auctori Præjudiciorum* cap. 7. pag. 155. sed nihil dici potuit absurdius & magis inconsideratè. Quid enim? An satiùs erit dispersos manere fideles tanquam oves palantes sine Pastoribus, & sine cultu ullo externo manere, atque ita pati lucem Euangelii, fidem & pietatem intercidere, quàm Cœtus publicos cogere, & Pastores præficere, qui illis præsent; An satiùs erit, quod præcipuum est omittere, & sine quo Ecclesiæ societas stare nequit, quàm non observare ordinem aliquem receptum, quum eò res devenit, ut observari nequeat? An satiùs erit Religionem omnem de mundo tolli, vel saltèm ex aliqua regione, quàm Verbi Præconium aliquod habere, quantumvis citra ritus consuetos, quia usurpari non possunt; Non crediderim quemquam pium & fidelem hoc apud se facillè statuere posse. Imò quivis videt gloriam Dei & salutem fidelium exigere contrarium; nullâ præsertim lege id prohibente: Et si maximè aliqua daretur, casu necessitatis exceptionem & dispensationem à Lege faciente. Neque hîc reponendum, ad Privatos & Laicos non pertinere publicam Ministerii institutionem; Ita non potuisse

potuisse vocari & mitti Pastores nisi à Pastoribus. Nam licèt hoc in Eccle- DISPUT.
 sia constituta & bene ordinata obtineat; Non ideo debet semper locum ha- VIII.
 bere in Ecclesia corrupta & restituenda. Et hoc eò facilius admitti debet,
 quòd certum sit & indubitatum, ut pluribus ostendi posset, si instituti
 nostri ratio id pateretur: Jus Vocationis Pastorum, quod à Christo da-
 tum est Apostolis, & per eos Ecclesiæ; non pertinere ad solos Pastores,
 seu *Ecclesiam representativam*; Sed *primario* & *radicaliter* residere in so-
 cietate fidelium, seu *Ecclesiâ collectivâ*, quæ illud quidem ad meliorem
 ordinis observationem in Pastores seu Synedrium transtulit; ita tamen ut
 illo se penitus non abdicârît, quin nomine & auctoritate suâ semper
 exerceatur, & quin possit eò uti, quando illi, quibus hoc commisit,
 perperam eo abutuntur ad mendacii propagationem; ut solidissimè hoc,
 ut cætera omnia, exequitur Celeber. *Claudius* in eximio Opere *Defen-*
sionis Reformationis, non ita pridem edito gallicè, P. IV. cap. 3. & 4. Vi-
 de etiam quæ à nobis dicta sunt *Institu. Elenct.* P. III. Loco 18. Quæst. 24.
 de jure vocationis Pastorum. Licèt ergo Pastores Euangelici vocationem
 non habuerint ab aliis Pastoribus, (quod de quibusdam tantùm dictum vo-
 lumus, plerique enim, ut diximus, à Pontificiis ordinati erant) non mi-
 nùs tamen legitimè potuerunt vocari ab Ecclesia in casu extremæ necessita-
 tis, quem ponimus.

XXII. Frustrà ergo pertendunt Pontificii, non potuisse Laïcos Mini-
 sterium obire, vel alios ad Ministerium vocare, dando illis auctoritatem,
 quam non habebant. Pari enim ratione dici posset Populum, qui Rege
 destituitur, non posse unquam Regem sibi eligere, quia sic auctoritatem
 supremam communicaret alteri, quam non habet, vel Cardinalium colle-
 gium, quod caret Pontifice, non posse creare Pontificem, quia nemo ex
 ipsis auctoritatem Pontificiam obtinet. Sed ut facilè respondebitur, Et
 Populum & Cardinales, licèt Rege & Pontifice destituantur, habere tamen
 jus eligendi: Ita de Laïcis dicendum est, eos, licèt Pastores non sint, ha-
 bere tamen jus eos eligendi, quia quamvis Ministerium non habeant quoad
 usum & exercitium, habent tamen quoad jus collationis ex institutione
 Christi, qui Ecclesiam voluit hoc jure donare, Ut sanè auctoritas ministe-
 rialis propriè & primariò non est Pastorum, qui eam exercent, sed Corpo-
 ris Ecclesiæ, ad cujus ædificationem Ministerium instituitur, & societatis
 fidelium, qui sunt pars potissima & essentialis Ecclesiæ, & ad quam ideo
 præcipuè pertinent promissiones Christi, & gratiæ, quas communicat Ec-
 clesiæ suæ; inter quas auctoritas ministerialis locum primarium obtinet, ut
 quæ imprimis est necessaria ad ejus ædificationem. Hoc tamen ita intel-
 lectum volumus, ut locum demum habeat in casu summæ necessitatis,
 ubi Pastores legitimi desunt, & Ecclesiæ status est corruptus, vel pertur-

DISPUT. batus; aliàs ubi omnia sunt bene ordinata, non possunt legitimè laici vel
VIII. Ministerii partes assumere, vel alios ad illud vocare, quia hoc esset ordinem bene positum sine necessitate violare.

*Qualis sit
 Vocatio Re-
 formatio-
 rum, Ordina-
 ria, an
 Extraordi-
 naria.*

XXIII. Atque hinc non obscurè colligitur, Qualis dicenda sit illa *Vocatio*, An *Ordinaria*, An *Extraordinaria*. Nam juxta varios vocum istarum sensus potest dici, vel *Ordinaria*, vel *Extraordinaria*, vel ex utraque mixta. Si *Ordinarium* dicitur, quod ordini primitus & divinitus instituto est consentaneum; potest dici *Vocatio Ordinaria*. Sed si æquivocè pro eo sumitur, quod inveteratâ consuetudine, qualiscunque ea sit, publicè est receptum; *Extraordinaria* dicenda erit, quia plurimum absuit ab ea consuetudine & more, qui in Ecclesiâ Romanâ inoleverat. Rursus *ordinaria* potest dici quoad *τὸ materiale*, sive functiones ordinarias Ministeriâ Christo instituti, Verbi scilicet præconium, & Sacramentorum administrationem. Sed *Extraordinaria* quoad *τὸ formale*, seu electionem & consecrationem, atque adeò illius *exercitium* & applicationem, quatenus eos Deus extra ordinem suscitavit, & donis heroïcis & extraordinariis instruxit ad Antichristum debellandum. Tertiò *Ordinaria* quoad *usus* perpetuum & indispensabile, quod fidelibus competit, Errores & Idolatriam rejiciendi, & Veritatem profitendi; Imò quoad officium, quod tum fideles, tum Pastores ipsos spectat ex Christianismi Lege, sese ab Antichristi jugo subducendi, & Christo legitimo Domino fidem & obsequium addicendi. Sed *Extraordinaria* quoad *modum*, quia non facta est interventu Ministerii ordinarii, (loquor de Laicis, qui manum Reformationi adhibuerunt) sed præter ordinem receptum, propter casum summæ necessitatis fieri debuit. Denique potest dici *Extraordinaria*, Non ratione *Doctrinæ*, quasi nova doctrina prædicata sit, Vel ratione *Muneris* quasi officium merè novum usurpârint, cujusmodi fuit munus Apostolicum. Sed ratione *Actûs vocandi*, quia non consueto modo factus est, non neglecto ordine, sed quia violatus erat & corruptus, non observato. Vide quæ fusiùs dicta sunt Instit. P. III. Loc. 18. Q. 23. & 25.

XXIV. Si verò Extraordinariam censemus eo sensu fuisse, non continuo sequitur, *miraculis* eam debuisse confirmari. Nam quævis vocatio extraordinaria non habet miracula, ut in variis Prophetis, & Joanne Baptista visum, qui, licet vocati extraordinariè, nulla tamen fecisse leguntur miracula. 2. Alia est Ecclesiæ de novo constituendæ: Alia Ecclesiæ Reformandæ & restituendæ ratio. Nam ad primam Christianismi constitutionem, ubi abrogandus fuit Dei cultus antiquus per Mosem institutus, & novus instituendus, & Gentes ab Idolis ad verum Deum convertendæ; opus fuit immediatâ & planè extraordinariâ vocatione, quæ per miracula debuit confirmari, ad fidem eò magis adstruendam prædicationi

dicationi Apostolorum; Deo illis testimonium perhibente signis & prodigiis &c. Heb. 2. 4. At ubi nova doctrina non proponitur, sed quæ corrupta fuit & obscurata, repurgatur tantum, & illustratur, ut in Reformatione factum; Non opus fuit miraculis novis, sed solâ Verbi prædicatione; Eadem enim miracula, quibus Christus & Apostoli suam confirmârunt doctrinam, nostram etiam, quæ eadem est, confirmant. Ne jam dicamus successum admirabilem Reformationis, & conversionem Mundi tantum esse miraculum, ut qui, mundo credente, prodigia adhuc quærît, ipse sit prodigium, ut loquebatur Augustinus.

XXV. III. Objectio contra Secessionem petitur ab Exemplis variis tum Veteris tum Novi Testamenti, ex quibus patet, fideles ab Ecclesiâ corruptâ non statim secessisse. Sic in Veteri Testamento Moses & Prophetæ idololatricis temporibus nova non erigebant altaria, ut ordinaria celebrarentur sacrificia. Fideles non secedebant ab Ecclesiâ, quamvis idololatrica, ut Cætus separatos ab ea cogerent, & novum Ministerium instituerent. Tempore Christi Ecclesiâ Judaica corruptissima fuit; Nec videmus tamen Simeonem, Zachariam, Annam &c. eam deseruisse. Nicodemus, qui Discipulum Christi se proficitur, non secedit à Judæis, & noctu tantum ad Christum accedit. Paulus ipse legitur Ritus & Cæremonias Judaicas, etiam post earum abrogationem, observâsse, circumciso Timotheo Act. 16. nuncupato voto & suscepta purificatione Act. 21. Patres ante Reformationem potuerunt manere in Ecclesiâ Rômana, & in ea salvari, quidni & nobis idem præstare liceat?

III. Obje-
ctio ab
Exemplis
Veteris &
novi Testa-
menti.

XXVI. Ad hoc verò in genere Respondemus, Leges hic attendendas esse, non Exempla. Nec enim, quod ab hoc vel illo fideli factitatum est, statim potest aut debet in imitationem trahi. Itaque licet nonnulli in Ecclesiâ corrupta versantes de Secessione non fuerint solliciti; Non sequitur idem à nobis sine vitio præstari potuisse. Nontam respicere debemus quid ante nos factum sit, quàm quid nobis ex officio agendum incumbat. 2. Ad Exemplum Moïsis & Prophetarum & cæterorum fidelium Veteris Testamenti, vide quæ dicta sunt Disp. II. Th. 6. 7. 8. 9. 10. Paucis observamus, Fideles tunc temporis secessisse ab Idololatriis saltèm negativè, ut patet in 7000. qui genua non flexerunt Bahali. Imò non paucos etiam secessisse positivè, ut Eliam, qui in desertum secedit, ne idololatria pollueretur, Mosem & Levitas, qui ultionem sumunt de Idololatriis Exod. 32. 26. & Prophetas, quoties invehebantur in peccata populi, & idololatriam illi suam exprobrabant. Deinde, alia fuit temporis illius, alia istius ratio. In illo Deus cultum suum ita uni loco addixerat, ut nefas esset aliò convenire, vel sacra facere. Sed jam ubivis possumus puras manus ad Deum attollere, & Deum

DISPUT. addorare in spiritu & veritate Jo. 4. 23. & 1. Tim. 2. 9. Tertiò licèt idololatRIA obtineret inter Israëlitas, dum populus ad Regum exemplum componebatur; non tamen eatenus invaluerat, ut in legem abiret; ita ut populus per vim ad eam adigeretur. Quod etiã locum habere debet respectu Ecclesiæ Judaicæ tempore Christi, quæ ut ut varios abusus & corruptelas haberet, sola tamen adhuc erat Ecclesia, solum Templum, in quorite sacra fieri poterant; Ideo in ea poterant fideles adhuc sine crimine manere; Imò & debebant ad instar Christi cultum Mosaiicum observare, & ipsos Pharissæos docentes, & in Cathedra Moysis sedentes, audire; modò ab eorum fermento sibi caverent. Sed ex quo Christus cultum Mosaiicum abrogavit, & Evangelicum instituit; Ex quo Ecclesiam Christianam fundavit; Christo renunciaret, qui vellet adhuc τῇ σκηνῇ λατρεύειν, Heb. 13. 10. retinendo cultum Mosaiicum.

XXVII. Ad exemplum *Nicodemi* R. Nicodemi timiditatem, quum Joam. 3. 1. noctu venit ad Christum Joam. 3. 1. non posse hîc favere Neutralium, & Pseudo-Nicodemitarum tepori; quia si ab initio aliquam pusillanimitatem exhibuit, quæ culpanda omnino fuit, eam tandem contemptis omnibus periculis generosè superavit, quum se junxit Josepho Arimatheensi ad Domini sepulturam Joam. 19. Hîc itaque distinguendus nobis *Nicodemus Judæizans*, & adhuc Neophytus, & *Nicodemus Christianus* & confirmatus; Ille ignorantia adhuc detentus timet, & noctu tantum ad Christum venit: At postquam fide illuminatus fuit, palàm & interdiu confitetur, idque tempore magis formidoloso, quàm fuisset antea, in morte scilicet Christi, quum ipsi discipuli fugiebant, & omnia desperata videbantur: Tunc fidem profitetur coram omnibus, non refugit odium, probum & infamiam non metuit, persecutiones non reformidat. Hoc scilicet est Nicodemizare, si Nicodemum Christianum aspicimus. Cur ergo isti, quod fecit Nicodemus, ignorantia suæ tempore imitari volunt, exemplum autem, quod fide jam donatus prodit, dissimulant ad se pertinere?

XXVIII. Ad *Paulum* quod attinet, Cæremonias adhuc observantem R. discrimen esse longè maximum in Exemplis. Nam Cæremoniæ illæ Legales, quas Paulus observabat, erant à Deo institutæ: At ritus Papales sunt humanitus conficti, & in Ecclesiam introducti. Cæremoniæ illæ, licèt jam abrogatæ essent de jure per mortem Christi, nondum tamen erant de facto. Itaque tempore Apostoli indifferentes erant & mediæ, usque dum plenè abrogarentur, nec dampnabantur in Evangelio, nisi quatenus cum opinione necessitatis & meriti observabantur. At ritus Papales sunt illiciti, & Verbo Dei damnati, quibus proinde nunquam licet communicare. Tria ergo hîc *Cæremoniarum* tempora distinguenda: Primum, quò *vivæ* & necessariæ erant ex ordine Dei. Secundum, quò factæ sunt

sunt *mortue* & *adiaphoræ* post mortem Christi, quæ finem umbris im-
posuit. Tertium, quò *mortifera* sunt & exitiales, post prædicationem
plenam Euangelii. In primo debebant retineri; In secundo poterant usur-
pari, modò id fieret ex charitate. In tertio nefas est iis ampliùs uti. Hinc
factum ut Apostoli in secundo hoc intervallo cæremoniis Mosàicis non-
nunquam usi legantur per Christianam *συγκατάβασις*, ut Judæis infirmis
se se accommodarent, & Synagogam honorificè sepelirent; quod præci-
puè Paulum fecisse observamus, qui omnia omnibus & Judæis Judæum se
faciebat, ut aliquos lucraretur, 1. Cor. 9. 20. Sed tum demum, quum
res illi erat cum fratribus infirmis; Nam alibi quum agendum illi fuit cum
Pseudo-Apostolis, constanter eas repudiat, ne ad momentum quidem
ipsis cedit Galat. 2. 9. Unde qui voluit circumcidi Timotheum Act. 16. 3.
noluit tamen circumcidi Titum Gal. 2. 3. Idem de Tonsura & purificatione
Pauli Act. 18. & 21. 26. dicendum. Hæc enim usurpat ut res medias ex
charitate, sociis suis se accommodando, ne videretur Mosis Legem velle
pervertere. Sed quid hoc ad Idololatriam Papalem? quasi nihil differant,
Tondere se, & Genua flectere coram Idolo. De Patribus ante Reforma-
tionem dictum Disp. VI. th. 32. &c.

1. Cor. 9. 20.

Gal. 2. 9.

Act. 16. 3.

Gal. 2. 3.

Act. 18. &
21. 26.

XXVIII. Non omittenda est hîc objectio, quæ solet identidem
adversus Secessionem nostram, ut schismaticam & injustissimam fieri, quæ
petitur ex *Schismate Donatistarum*, quasi rei simus criminis, quod me-
ritò illis impingitur. Sed quis non videt longum latumque discrimen in-
tercedere inter nos & ipsos in hac parte? Primò quia Donatistæ non ac-
cusabant Ecclesiam, à quâ secessionem fecerant, ullius erroris in doctri-
na, vel depravationis in cultu. Nam quoad validitatem vel invalidita-
tem baptismi hæreticorum, agnoscebant utrinque, non esse causam
sufficientem separationis, nec super illam secessionem suam fundabant
Donatistæ. ut Augustin. non semel observat cont. Cresco. lib. 2. cap. 3. &
epist. 48. Sed tantum, quòd inter Episcopos suos retinerent *Traditores*,
vel ordinatos à Traditoribus, id est, qui libros sacros tradiderant perfec-
toribus comburendos. Quales erant *Cæcilianus*, qui accusabatur, quasi
tempore persecutionis libros sacros tradidisset comburendos, quod tamen
falsum erat; Et *Felix Aptungitanus*, qui Cæcilianum ordinaverat in *Men-
sori* locum. Verùm quis ignorat, nos Ecclesiæ Romanæ impingere va-
rios errores gravissimos, & idololatrias crassissimas, quæ cum salute con-
sistere nequeant? 2. Donatistæ sese ab Ecclesiâ segregaverant, secessio-
ne voluntariâ, nulla ad eam vi vel persecutione adacti, Ecclesiâ ipsi
identidem communionem suam & pacem offerente. Sed hîc volun-
taria non fuit, sed coacta Secessio nostra; Ecclesia Romana ipsa nos à se
separavit, nos proscripsit, & anathemate feriit, quia volebamus retinere
& pro-

DISPUT. & profiteri ejus errores, & etiamnum hodie, quo præ se fert velle nos ad
VIII. se revocare, oppugnat doctrinam nostram, ut hæreticam, & ad ejus ejerationem cogit quotquot ad ipsam accedunt. Quis non videt duas istas differentias reddere secessionem Donatistarum schismaticam & injustam, & nostram non modò innocentem, sed & absolutè necessariam? Peccatum quod Ecclesiæ impingebatur à Donatistis; fuit factum Cæciliani, quod nec probatum à Donatistis, nec confessum ab Orthodoxis, atque adeò verum non erat; nec si verum fuisset, poterat justam secessioni causam dare, quia factum erat merè personale, cujus Ecclesia Catholica non erat rea, nec Donatistæ obligabantur ad illud probandum vel sequendum, si voluissent ad eam redire. Verum Nos, qui accusamus Ecclesiam Romanam variorum errorum, qui certò persuasi sumus esse idololatriæ ream; Nos qui accusamur ab Ecclesiâ Romanâ hæresis: Quomodo possumus ad eam redire sine salutis aperto discrimine, coacti quippe profiteri doctrinas, quas falsas & hæreticas credimus, cultum observare, quem scimus esse illicitum, & ejerare doctrinas, quas verissimas esse ex Dei Verbo persuasissimum habemus.

*Pro Syncretismo
 urgetur. 1. Pax
 Ecclesiæ.*

XXX. Sic contra Secessionem disputant. Videndum jam quid pro Syncretismo soleat afferri. Varia enim etiam proponuntur in eam rem argumenta. Primum petitur à *Pace Ecclesiæ*, quæ toties nobis commendatur à Christo. Nam si pacem cum omnibus quærere & procurare debemus, si proximum etiam errantem diligere tenemuri. Quidni Syncretismum cum eo fovere poterimus? *R.* *Speciosum quidem est nomen Pacis*, inquit Hilarius, *& pulchra opinio unitatis, sed quis ambigat eam solam unicam esse Ecclesiæ pacem, quæ Christi est?* Quòd si talis pax per Syncretismum haberi queat, ultrò largimur modis omnibus esse quærendam. Sed si sine præjudicio veritatis & pietatis obtineri non potest; Quis dixerit pacem talem optandam esse, vel quærendam? Fateor, si pacificandæ Ecclesiæ vera & seria fieret mentio, nullum pium esse debere, qui libenter aures animùmque non accommodaret. Nemo enim est vel mediocri pietatis sensu præditus, quem non excruciet fœda hæc & horrenda Corporis Christi laceratio. Sed si hoc prætextu homines astuti se insinuant, ut à sincerâ Christi doctrinâ nos abducant, quis vellet pacem hominum redimere, Pacis divinæ dispendiò? Optandum sanè super omnia, ut pax cum omnibus colatur, sed *ei δυνατόν*, inquit Paulus Rom. 12. si gloria Dei, si ratio Veritatis & salutis nostræ hoc patitur, si pax divina non rescinditur; quod hîc fieri non posse, rebus sic stantibus, persuasum habemus. Nec aliter de *Proximi dilectione* ratiocinari debemus. Eatenus sanè proximum diligere temur, ut nihil omittamus ex iis, quæ possunt facere ad promovendam ejus salutem, errantem convertendo ad veritatem, infirmum & docilem cum omni lenitate tractando,

tractando, Rom. 14. 1. Gal. 6. 1. Sed semper meminisse debemus hoc fieri ^{DISPUT. VIII.}
debere *usque ad aras*, id est, ut amor Dei & obedientia illi debita non læ- ^{Rom. 14. 1.}
datur, quod fieret tamen, si eam extenderemus usque ad Syncretismum ^{Gal. 6. 1.}
cum hostibus Christi, & cum illis, qui errant fundamentaliter, quod ex-
pressè Paulus vetat 2. Cor. 6. 16. 17. dum *fideles* cum *fidelibus consociari* ^{2. Cor. 6. 16.}
prohibet.

XXXI. Secundò Paulus docet communionem coli posse cum fratribus
errantibus, quum vult fratres infirmos tolerari Rom. 14. 1. Phil. 3. 14. 15. ^{Rom. 14. 1.}
nec abnuat etiam graviter errantes posse servari, quum ostendit eos, qui ^{Phil. 3. 14.}
fundamento superædificant sœnum, stipulam &c. posse tamen, licet ægrè, ^{15.}
servari, *ὡς διὰ πύγος* 1. Cor. 3. 12. 13. Unde colligunt, nihil ob stare quo- ^{1. Cor. 3.}
minus communionem colamus cum Pontificiis, etiam ex nostra sententia, ^{12. 13.}
errantibus. R. Ut solvatur difficultas, distinguendi sunt *Errores*, ut & *Articuli*
fundamentales, à *non fundamentalibus*: Ut enim non omnes veritates
sunt ejusdem necessitatis: Ita nec omnia vulnera, quæ veritati insiguntur,
statim sunt lethalia. Nec omnis morbus statim est fonticus. Hinc error du-
plex potest distingui; Alius *Capitalis* & *fundamentalis*, qui cor ipsum Re-
ligionis & fidei petit, & qui articulum aliquem fundamentalem oppugnat
& evertit. Alius levior & *non fundamentalis*, qui veritati quidem in Ver-
bo revelatæ repugnat, sed minus necessariæ, & qui non statim errantem
salute privat. Fateor posse communionem coli cum Errantibus posteriori
sensu: Sed negamus priori, de quo hic potissimum quæritur; cum Erro-
res Pontificiorum sint capitales & fundamentales, ut suprà visum. Un-
de loca Pauli aliena sunt, utpote quæ agunt de fratribus infirmis, qui er-
rant in rebus levioris momenti, quales erant illi, qui tunc non satis adhuc
edocti de natura libertatis Christianæ, Cæremoniarum usum nondum po-
terant abjicere. Tales, fateor, tolerari possunt, non ut probentur & ado-
ptentur eorum errores; sed ut, non obstantibus illis, charitas Christiana
cum illis foveatur, donec majori luce à Deo donentur ad fidei confirmatio-
nem. Quò spectant verba aurea Pauli ad Philip. 3. 14. 15. *Quotquot sumus* ^{Phil. 3. 14.}
perfecti, idem sentiamus, & si quid aliter sentitis, Deus vobis revelabit, Interim ^{15.}
in eo ad quod pervenimus eodem incedamus Canone. Sed malè & perperam hæc
referas ad eos, qui Capitales & fundamentales foveant Errores, qui cum vera
in Deum fide & salute sunt *ἀσύνετοι*; quod Pontificios præstare credimus.

XXXII. Non magis appositus est alter, quò utuntur, locus ex
1. Cor. 3. 13. 14. Nam certum est Paulum non loqui de illis, qui erra- ^{1. Cor. 3.}
bant fundamentaliter; cùm dicat eos retinere fundamentum, & salutis ^{13. 14.}
tandem fieri compotes. Sed de aliis, qui leviùs errando, & Doctorum
officiò non ritè defungendo, mercede speratâ, sed non statim salute
multari debebant, servandi *ὡς διὰ πύγος*, id est ægrè & non sine difficultate,

DISPUT. animam pro spolio habentes, ductâ scilicet loquutione ex communi apud
 VIII. omnes diverbio, quò is, qui ægrè servatur, dicitur *ereptus quasi ex incendio*, *δαλὸς σωθεὶς ἐκ πυρὸς*. Nimirum Apostolus ibi agit de Doctoribus & Ministris Evangelii, quos Architectis comparat, qui debent fundamento semel ab Apostolis posito superstruere doctrinam Evangelicam ad ædificationem fidelium. Ex iis verò alii fideles & genuini Doctores sunt, qui veram, salutarem, & ipsi fundamento homogeneam & convenientem doctrinam superædificant, quæ nomine *auri, argenti, & lapidum pretiosorum* venit, allusivè ad Is. 54. 11. ubi Ecclesia dicitur fundanda *sapphis & lapidibus pretiosis*. Alii verò minùs probæ notæ, dicuntur fundamento superædificare *fœnum, lignum, & stipulam*, id est doctrinas, non quidem absolute hæreticas & exitiales; sic enim servari non possent; Sed *vanas, curiosas, & inutiles*, heterogeneas, & parùm respondentes fundamenti præstantiæ. Bene ergo hinc concluderis, in sinu Ecclesiæ posse dari tales Doctores, qui non ritè per omnia muneris sui partes impleant; Sed malè colliges communionem coli posse cum iis, qui errant fundamentaliter.

XXXIII. Hoc tamen Tertio evincere conantur ex *Lutheranorum* Exemplo. Nam si cum illis Syncretismum inire non recusamus, qui non minùs graviter errant in articulo de Cœna, Pontificiis, quidni poterimus illum cum Pontificiis pariter inire? Licèt verò de hoc Argumento quædam jam dicta sint Disp. III. th. 22. &c. Quia tamen nihil firmè est, quod toties, & tanto cum ardore à Missionariis, & aliis Pontificiæ Communionis hominibus objici soleat & urgeri, adeò ut hinc animi injusto & pertinaci in E. R. odio incensi nos insimulent; ut qui ab ea secessionem fecerimus, & in ea pertinaciter perseveremus; cum non detrectemus Lutheranorum communionem, à quibus haud minùs tamen justas, minusque idoneas rationes secedendi habemus: æquum est ut de hoc etiam paulò plenius agamus. Primò fatemur votum hoc fuisse semper Reformationum, ut communionem colere & syncretismum inire possent cum Protestantibus, qui nomen à summo Dei Viro Luthero ducere solent, ut infelix illud dissidium tolleretur, quò mirum quantum nascentis Evangelii propagatio est inhibita, infirmis scandalum præbitum, & hostibus veritatis insultandi, & de dissidiis nostris triumphandi data est ansa; atque in eum finem fraternitatis dextram non semel parati fuerunt porrigere iis, qui eodem pacis & charitatis studiò agerentur. Cujus insigne testimonium esse potest Decretum Synodi Carentonienensis an. 1631. de quo toties mentio fieri solet ab Adversariis. Sed ab ipso Reformationis tempore non semel hoc se optare Nostri sunt professi, & datâ occasione consilia Irenica urserunt; quod fecerunt imprimis varii Principes & Theologi Reformati, ut patuit imprimis ex Legatione, quam in eum finem instituit Henricus IV. verè magnus, tunc Rex

Navarrae, & adhuc noster, ad Principes Germaniæ a. 1583. approbante Synodo Vitriacensi. Et non ita pridem ex Celeb. Viri *Joh. Dura* laboribus, qui Opus hoc saluberrimum magno studio & indefessâ diligentia promovere conatus est, luculenter liquet. Nec difficile esset ostendere, vulnus hoc non esse immedicabile; cum consensus iste Evangelicorum non semel fuerit initus. Ut ex Colloquio Marpurgensi inter Lutherum & Zwinglium & alios habito a. 1529. patet, in quo agnitum fuit, in cæteris omnibus capitibus consensum esse, dissensum tantum in unico articulo de Cœna Domini, eoque non toto. Sic in Conventu Wittembergenſi, an. 1536. Maji 21. fuit inita concordia in communi formulâ à Melanchtone scriptâ, & subscriptâ à Theologis utriusque partis, qui ibi aderant. Quibus adde quæ in Conventu Sweinfurtenſi, a. 1532. Witebergenſi, a. 1536. Smalcaldico, a. 1537. & inter Saxones & Helvetios acta sunt a. 1537. & 1538. ubi ipse Lutherus suis ad Helvetios datis 1. Dec. a. 1537. pacem urget & optare se summopere testatur: *Erunt tam apud vos quam apud nos aliqui, quibus concordia hac parum probabitur, sed suspecta erit. Si tamen nos utrinque, quibus illa cordi est, serio seduloque instabimus, Clementissimus Deus & Pater utique gratiam suam dabit, ut & alii paulatim mitescant, & aqua turbida confidant: & postea, Cum primis vero obnixè vos rogatos volo, ita de me existimetis, tanquam de eo, cui res tota summè sit cordi, quique quantum omnino mearum erit virium, nihil eorum sim intermissurus, quæ ad concordiam promovendam pertinebunt. Novit id Deus, quem testem invoco super animam meam &c.* Tum de capite controverso agens, *Verum tamen, si non omnino satis rectè mentem mutuo percepimus, hoc in præsens optimum sit, ut invicem amici simus, & optima quaque mutuo de nobis invicem polliceamur, donec gluma & aqua faculenta tandem subsidat.* Sic in Polonia Evangelici consensum Sendomiriæ inierunt, an. 1570. & Bohemiæ Ordines, an. 1575. exemplo Polonorum, qui Hussiticam, Bohemicam, & Augustanam Confessionem sequebantur, unanimes in communem fidei formulam convenerunt; quam Imperator Maximilianus tunc ratam habuit & securitate donavit. Ne jam loquamur de civili unione Principum & Ordinum Evangelicorum in Imperio, per quam ipsi Reformati agniti sunt *Socii Confessionis Augustanae*, ut in Conventibus Monasterienſibus & Osnabrugensibus fuit declaratum. Quæ omnia, non impossibilem, sed facilem fore syncretismum, si utrinque spiritu charitatis & pacis agerentur fideles, ostendunt; Ut Theologi *Marpurgenses & Rintelenses* non ita pridem, in *Colloquio Cassellano* auctoritate Serenissimi Principis Wilhelmi Hassiæ Landgravii inito, agnoverunt. Cujus conclusionem hic subjicere non piget. *Ex his ita ultro citroque actis, cognitis & perpensis, atque declaratis, inquirunt, eum constet, circa ea quæ fundamentum fidei & salutis constituunt, plenum esse*

DISPUT.
VIII.

consensum, quæstiones autem controversas fundamentum istud minimè attingere, minisque multò tollere & evertere, convenit utrinque, ne altera pars alteram, propter dissensum in prædictis quæstionibus residuis traducat, convitiis proscindat, aut damnet, sed se mutuo sincerâ & fraternâ charitate complectantur, utrique parti addicti etiam ad hoc disponant, quo se invicem pro ejusdem veræ Christi Ecclesiæ Catholicae membris, veræque salvificæ in Christum fidei consortibus, atque vitæ æternæ coheredibus agnoscant.

XXXIV. Quamvis verò Syncretismum cum fratribus Lutheranis iniri posse censeamus; Non sequitur eundem posse iniri cum Pontificiis. Quia longum latumque discrimen intercedit inter utrosque. Isti impingunt in fundamentum multipliciter; Sed illi nobiscum in eo conveniunt. Consentiant in Protestantismo formali contra Tyrannidem, Idololatriam, & hæreses multiplices Ecclesiæ Romanæ. Nobiscum averfantur Cultum Imaginum, & Invocationem Sanctorum, Purgatorium, Satisfactiones humanas, Merita operum, Transubstantiationem, Sacrificium Missæ, Adorationem Hostiæ, Primatum Papæ, & infallibilitatem Ecclesiæ. Eadem nobis est regula fidei & morum sola Scriptura Canonica. Idem unicus Mediator apud Deum Christus Θεάνθρωπος. Eadem Justificatio per fidem ex meriti & satisfactionis Christi gratuita imputatione, & alia innumera, quibus à Pontificiis dissidemus, & quæ locum Secessioni nostræ dederunt. Quòd si alia quædam doctrinæ Capita retinent, quæ nos veritati non satis consentanea credimus; & pauca sunt præ illis, in quibus consentimus mutuo, si Symbolica scripta, & Confessiones publicas, ex quibus de Ecclesiæ fide nobis est judicandum, respicimus: (nam *κρίσις δόξας* & singulares Doctorum privatorum opiniones attendendas non credimus) & non ejus momenti, quæ conscientiam possint inficere, & salutem ipsam evertere. Quòd si res Ecclesiæ Rom. in eo essent statu, si bonâ fide illi crederent, quod Lutherani credunt, & rejicerent quod rejiciunt, facilè tolerantia Christiana illis à nobis non secus ac istis offerretur; Sed cum nemo non videat diversissimam esse utrorumque hac in parte sententiam; nemo etiam mirabitur, si dum istis offerre soleamus syncretismum; illis tamen denegamus.

XXXV. Verùm quicquid sit, inquires, errant Lutherani graviter cum Pontificiis, vel in hoc uno artic. de *Præsentia reali Corporis Christi* in Cæna; Si ergo ab istis propterea secedendum esse nobis putamus; Cur non pariter ab illis? Vel si cum illis possumus communionem colere, quidni etiam cum istis? R. Fateor dogma hoc Lutheranorum tale esse, quod à nobis probari non possit; Sed negamus ejusdem esse momenti cum Erroribus Pontificiorum circa hoc Caput. 1. Quia Pontificii non errant solum in præsentia reali Corporis Christi; Sed in Transubstantiatione, Sacrificio Missæ, Adoratione Hostiæ, Substractione Calicis, & aliis, quæ gravia sunt & capitalia, quæ illi

illi constanter nobiscum rejiciunt. 2. Error Lutheranorum est merè *theoreticus*: qui mentem quidem falsâ opinione imbuunt, sed qui conscientiam propterea non inficit, ut aliquid in cultu admittatur, quod idololatriam sapiat: Licet enim Christum præsentem esse velint in Sacramento, tamen Adorationem Sacramenti nec ipsi agnoscunt, nec aliis imponunt, sed apertè impugnant. *Primò dicunt*, sic loquitur Chemnitius in Exam. Conc. Trident. p. 2. de Veneratione Sacramenti, de Pontificiis, *Ipsum Sacramentum Eucharistia, seu totum illud, quod à Domino ut sumatur institutum est, esse cultu latræ adorandum. Atqui Eucharistia juxta dictum Irenæi, constat duabus rebus, terrenâ & cælesti. Essent igitur etiam terrena elementa panis & vini in Eucharistia cultu latræ adoranda, quod à manifesto idololatria seu ὀρθολατρείας crimine excusari & defendi nullo modo posset*: Et postea. *Ad cavendam igitur idololatriam disertè distinguendum est. Christus Deus & Homo in divinâ & humanâ naturâ in actione præsens adoretur, substantia vero vel species elementorum panis & vini non adorentur, ne præter Creatorem etiam creaturam colamus*, &c. Sed Pontificii non hîc modò *theoreticè*, sed & *practicè* etiam errant, & quidem gravissimè, dum adorationem hostiæ & credunt ipsi & exhibent, & tanquam summè necessariam sub pœna anathematis omnibus imponunt. 3. Lutherani hîc falluntur respectu *loci*, dum putant Corpus Christi ibi esse, ubi non est revera. Sed non quoad *Objectum*, ut pro Corpore Christi aliud aliquod subjectum, substantiam putâ panis accipiant, quia volunt semper manere panem distinctum à Corpore Christi. Sed Pontificii non modò peccant resp. *loci*, sed & *objecti*, dum non tantum Christi Corpus ibi esse localiter pertendunt; sed ipsum panem in Corpus Christi mutatum statuunt; atque ita dum credunt se adorare Christum, re ipsa nihil aliud quàm panem adorant, & sic meritò in ὀρθολατρείας crimen incurrunt. 4. Pontificii adorationem hostiæ non modò in usu Sacramenti fanciunt; sed etiam extra usum seu extra illam actionem imperant, putâ quum panis in Processionibus circumgestatur, & in repositione includitur, ut tunc populo adorandus proponatur. Sed Lutherani licet cultum Christi in usu Sacramenti agnoscant, extra illum tamen peculiarem cultum aut adorationem ad panem circumgestatum vel repositum statui non posse sine manifesta idololatriâ profitentur. *Quid aliud possumus*, inquit ibid. Chemn. *juxta normam Verbi divini judicare, quàm talem cultum non esse χειρολατρείαν*, sed ὀρθολατρείαν. 5. Licet præsentia realis dogma varia absurda post se trahat; quia tamen Lutherani ea non agnoscunt, & ab his abhorre se profitentur, & testantur se credere præsentia istius modum esse planè ἀεὶ ἄγνωστον & inexplicabilem, qui non obstat, quo minus Corpus Christi, saltèm *quoad actum naturæ*, ut ajunt, unicuique locum eumque circumscriptivum occupet: quia Naturarum in Christo veritatem & distinctionem expressè nobiscum consentitur. Non statim pos-

DISPUT. sunt aut debent illis impingi omnes illæ, quæ ex hoc ipsorum dogmate pos-
VIII. sunt elici consequentiæ, quasi de illorum essent fide. Ut non possunt justè nobis adscribere portentosa illa dogmata, quæ ex nonnullis quorundam Doctorum nostrorum verbis malè intellectis solent perperam colligere. Sed Pontificiorum alia est ratio: nec enim, qui tribuuntur illis *Error*es solum sunt indirecti, & per consequentias educi, sed *directi* & *formales*, quos non modò non rejiciunt, sed quos omnibus credendos obtrudunt, v.g. Sacrificium Missæ, Transubstantiatio, Adoratio Hostiæ, Cultus Imaginum, &c.
 6. Syncretismus, quem optamus cum Lutheranis, talis est, ut per eum nihil decedat nobis de ea veritate, quam profitemur, utpote qui in sola fraterna tollerantia consistat, donec Deus ulterius errantes illuminet ad plenum consensum ineundum, in iis in quibus dissidemus. Sed Roma, quæ se Dominam & infallibilem jactat, nullum potest Syncretismum admittere, nisi in ejus verba juremus, & illius jugum subeamus. Absit verò ut tale quid vel cogitemus unquam, vel præstemus. Maneamus in libertate, in quam Christus nos afferuit, ne sub reconciliationis prætextu, redeamus ad compedes, & sub jugum durissimæ servitutis, sub quo antea detinebamur, denud mittamur. Et si nostrum ad se reditum obtinere vult Roma, redeat primò in gratiam cum Christo, & eum solum regnare patiatur; & nos faciles experietur in ineundo consensu. Sed hoc optare facilius est quàm sperare: nisi Deus, qui hominum corda in manu sua habet, potenter ea Spiritûs sui virtute flectat, quod piorum omnium votum esse debet.

XXXVI. Cùm ergo ex iis omnibus, quæ à Nobis hæctenus disputata sunt, constet, Romam quamplurimis exitiis hæresibus doctrinam Christianam corrupisse, & in cultu crassissimarum superstitionum & idololatriarum, quæ cum salute planè sunt *inimicæ*, ream esse; atque adeò sedem esse Imperii tyrannici & Antichristiani, & insignis Apostasiæ, quæ novissimis temporibus contingere debuit, à quâ proinde Sp. S. pios omnes secedere jubet, si salutis suæ consultum volunt. Quid superest, nisi ut concludamus, necessariam omnino fuisse Patrum nostrorum ab eâ Secessionem, & impossibilem, rebus sic stantibus, nostrum ad eam reditum & cum eâ Syncretismum, qui totius istius Disputationis scopus fuit & finis. Faxit Deus Opt. Max., qui nos ad gloriosam Regni sui libertatem vocavit, ut in hoc pio proposito magis magisque confirmati, posthabitis & spretis promissis & minis omnibus, quibus vel nos inescare & ad se allicere, vel à fide Christi detertere & avertere Babylon conatur; Christo unico Capiti & Sponso nostro indivulsè adhæreamus, Illum ita constanter præ omnibus amemus, colamus, & sequamur, ut nihil ab ejus communione avellere unquam nos possit; donec ad communionem ejus gloriæ in cælos translati, cum eo in æternum felices vivamus. Amen, Amen!

F I N I S.

I N.



I N D E X

LOCORUM S. SCRIPTURÆ,

Quæ vel illustrantur & explicantur, vel
vindican- tur.

Prior Numerus Paginam, Posterior Paragraphum notat.

GENESIS.

Caput V. Vers. 24. Pag. 206. §. 48.

EXODUS.

C. XX. 4. 100. §. 20.
v. 5. 42. §. 13.
C. XXII. 11. 43. §. 14.
C. XXXII. 26. 36. §. 6.

NUMERI.

C. XXVIII. 18. 51. §. 23.

DEUTERONOMIUM.

C. VI. 13. 43. §. 14.
C. X. 20. 43. §. 14.
C. XXVIII. 48. 51. §. 23.

JOSUA.

C. XXIV. 18, 19. 181. §. 17.

I. REGUM.

C. III. 3. 38. §. 8
C. XII. 28. 103. §. 24
C. XIII. 1, 2. 38. §. 7
C. XVIII. 3, 4. 37. §. 6
v. 27. 38. §. 7
v. 21. 142. §. 41

II. REGUM.

C. III. 3. 38. §. 8
C. V. 17, 18, 19. 39. §. 9
C. IX. 6, 9. 38. §. 7
v. 22. 142. §. 40
C. XI. 11. 207. §. 48
C. XIV. 3. 38. §. 8
C. XV. 34. 38. §. 8
C. XVI. 11, 12. 12. §. 22

PSALMI.

Pf. L. 12. 43. §. 14
Pf. LXXVI. 12. 43. §. 14
Pf.

INDEX LOCORUM S. SCRIPTURÆ.

PL. XCIX. 5.

108. §. 30

MALACH.

ISAIAS.

C. IV. 5.

206. §. 48

C. I. 21.

148. §. 7. &

ECCLESIASTIC.

174. §. 8

C. VIII. 1.

195. §. 33

C. XLIV. 26.

206. §. 48

v. 20.

91. §. 7

C. XLV. 23.

43. §. 14

MATTHÆUS.

C. XLVII. 2, 10.

154. §. 16

C. IV. 10.

42. §. 13

C. LII. 10.

158. §. 20

C. VI. 24.

42. §. 12. &

v. 11.

9, 10. §. 15. &

51. §. 23

136. §. 32

C. LIV. 11,

C. X. 2.

121. §. 16

C. LXI. 1, 2.

234. §. 32

C. XI. 5.

174. §. 8

C. LXV. 16.

110. §. 3

C. XVI. 18, 19.

115. & seqq.

43. §. 14

C. XVIII. 18.

121. §. 16

JEREMIAS.

C. XIX. 8.

215. §. 10

C. X. 3.

108. §. 30

C. XXI. 33.

218. §. 13

C. LI. 9.

18. §. 29. &

C. XXII. 29.

215. §. 10

165. §. 31

C. XXIII. 38.

206. §. 47

v. 34, 35.

154. §. 16

C. XXIV. 2.

173. §. 6. &

206. §. 47

v. 24.

198. §. 37

DANIEL.

C. XXVI. 29.

67. §. 14

C. XI. 31, 38.

207. §. 49

LUCAS.

HOSEAS.

C. XII. 9.

159. §. 22

C. XXII. 23, 24.

114. §. 8

C. II. 2.

18. §. 29

C. IV. 11, 15.

29. §. 43

JOHAN.

v. 15.

18. §. 30

C. II. 19.

117. §. 10

C. III. 1.

230. §. 27

C. V. 39.

91. §. 7

v. 43.

204. §. 44

C. VI. 39.

205. §. 45

v. 60, 64.

186. §. 21

C. XII. 32.

80. §. 30

C. XX. 23.

121. §. 16

C. XXI.

HABACUK.

C. II. 18.

108. §. 30

SOPHON.

C. I. 5.

12. §. 22

INDEX LOCORUM S. SCRIPTURÆ.

C. XXI. 15.	121. §. 16	V. 40.	131. §. 27
V. 18.	204. §. 44	C. XV. 12.	29, 30. §. 44

ACTA APOST.

II. AD CORINTH.

C. II. 17.	205. §. 45	C. I. 24.	114 §. 8
V. 40.	158. §. 20	C. VI. 14, 15, 16.	20. §. 32. &
C. VII. 41.	103. §. 24		143. §. 41
C. VIII. 4.	225. §. 20	V. 16, 17.	10. §. 15. &
C. XI. 19, 20.	225. §. 20		158. §. 20. &
C. XVIII. 25, 26.	225. §. 20		233. §. 30

EPIST. AD ROMAN.

AD GALAT.

C. X. 14.	43. §. 14	C. I. 7.	29, 30. §. 43. 44
V. 15.	224. §. 20	V. 8.	212. §. 6
C. XI. 17, 32.	186. §. 21	C. II. 3.	231. §. 27
C. XII. 10.	54. §. 16	V. 9.	121. §. 16. &
C. XIV. 1.	233. §. 31		231. §. 27

I. AD CORINTH.

C. I. 11.	5. §. 8	C. IV. 8.	51. §. 23
C. III. 10.	204. §. 44	C. V. 3.	211. §. 5
V. 11.	21. §. 34. &	V. 4.	29. §. 43
	116. §. 10. &	V. 13.	111. §. 4
	212. §. 6	C. VI. 14.	80. §. 30

AD EPHESIOS.

C. II. 20.	21. §. 32. &	C. II. 20.	21. §. 32. &
	120. §. 14	V. 21.	172. §. 6
	233. §. 32	C. V. 5.	42. §. 12
	120. §. 16		
	28. §. 42. &		

AD PHILIPP.

C. VI. 20.	159. §. 22	C. III. 14.	233. §. 31
C. VII. 19.	104. §. 25	V. 15, 16.	7. §. 11
C. VIII. 4.	104. §. 25		
C. IX. 20.	231. §. 27		
C. X. 4.	68. §. 15		

AD COLOSS.

C. VI. 20.	159. §. 22	C. II. 14.	80. §. 30
C. VII. 19.	104. §. 25	V. 19.	29. §. 43. &
C. VIII. 4.	104. §. 25		211. §. 5
C. IX. 20.	231. §. 27		I. AD
C. X. 4.	68. §. 15		

C. VI. 20.	159. §. 22		
C. VII. 19.	104. §. 25		
C. VIII. 4.	104. §. 25		
C. IX. 20.	231. §. 27		
C. X. 4.	68. §. 15		
V. 15.	91. §. 7		
V. 20, 21.	184. §. 19		
C. XI. 26, 28.	67. §. 14		
C. XIV. 32.	183. §. 19		

INDEX LOCORUM S. SCRIPTURÆ.

I. AD THESSAL.

C.I.9. 51. §. 23

II. AD THESSAL.

C.II.3. 180. §. 16. &
191. §. 28. &
204. §. 44
v.4. 172. §. 6, 7, 8. &
187. §. 24
v.6. 175. §. 10
v.7, 8. 175. §. 11, 12, 13. &
204. §. 44
v.8. 180. §. 15
v.10. 186. §. 22

I. AD TIMOTH.

C.IV.1. 187. §. 22. &
205. §. 45
v.1, 2, 3. 182. §. 19. & seqq.
C.VI.3, 4, 5. 18. §. 30. &
28. §. 42

II. AD TIMOTH.

C.II.18, 19. 45, §. 7

AD HEBRÆOS.

C.I.1. 205. §. 45
C.VI.6. 175. §. 9

JACOBUS.

C.IV.4. 42. §. 12

I. PETRI.

C.I.5. 205. §. 45
C.II.4, 5. 21. §. 34. &
116. §. 10
v.13. 111. §. 4
v.24. 80. §. 30
C.IV.3. 34. §. 3
C.V.3. 114. §. 8

II. PETRI.

C.II.22. 159. §. 21
C.III.3. 205. §. 45

I. JOANNIS.

C.II.18. 170. §. 3. &
175. §. 10
C.IV.1. 91. §. 7
v.1, 2, 3. 183. §. 19

II. JOANNIS.

v.7. 186. §. 22

III. JOANNIS.

v.9, 10, 11. 10. §. 15

APOCALYPSIS.

C.III.7. 120. §. 16
C.VII.3. 159. §. 22
v.4. 206. §. 47
C.XI.3. 206. 20. §. 48
v.8. 174. §. 9
C.XII.6. 20. §. 46
C.XIII.

INDEX LOCORUM S. SCRIPTURÆ.

C. XIII. 5.	205. §. 46	v. 6, 13, 16.	152. §. 12
v. 13.	198. §. 37	v. 10.	150. §. 9
v. 16, 17.	191. §. 29, 30	v. 18.	147. §. 6
	31, 32, 33	C. XVIII. 2-5.	162. §. 25
C. XIV. 6.	161. §. 25	v. 3.	148. §. 7, 8
v. 8, 9.	162. §. 25	v. 4.	10. §. 15. &
v. 9.	19. §. 22		144. §. 1. & seqq. &
C. XVI. 5.	186. §. 22		149. §. 8
C. XVII. 1, 2, 9, 15, 18.	145. §. 3	v. 7.	154. §. 16
v. 2.	148. §. 7	v. 10, 15, 16, 17, 18.	145. §. 3
v. 4.	200. §. 39	v. 18.	150. §. 10
v. 5, 6, 7.	148. §. 7	v. 24.	151. §. 11
v. 6.	151. §. 11	C. XXI. 14.	120. §. 14
v. 9.	146. §. 5	v. 17.	195. §. 33



INDEX RERUM

Quæ in Disputationibus istis tractantur.

A.

A Doratio soli Deo competit. pag. 42
§. 13

Eam Pontificii etiam creaturis deferunt. 49. §. 20

Adoratio non potest distingui in supremam & subalternam. 49. §. 21.

Nec in absolutam & relativam. 54. §. 27.

Adoratio sacramenti à Pontificiis instituta. 59. §. 2. & seqq.

Modus, quo in celebratione Missæ peragitur. 61. §. 5

Refutatur ut idololatrica. 62. §. 7 & seqq.

De adoratione hypothetica quid sentiendum? 72. §. 20

Adoratio Crucis, vide Crux.

Adoratio Reliquiarum, vide Reliquiæ.

Adoratio Sanctorum, vide Sancti.

Altaria non nisi Deo sunt erigenda. 43. §. 14.

Angeli à Pontificiis idololatricè invocantur. 45. §. 17

Antichristi vox quotupliciter sumatur. 170. §. 3.

Antichristi nota & characteres generales competunt Papæ. 172. §. 6. & seqq.

Tam quoad locum. 172. §. 6. & seqq.
Quàm quoad revelationis tempus.

175. §. 10. & seqq.

Antichristi καλέσθαι quis? 176. §. 11. 12. 13

Antichristi revelatio varios habet gradus. 179. §. 15

Antichristi persona qualis? 180. §. 16

Antichristi varii characteres. 180. usque ad p. 200.

Antichristus non debuit esse persona aliqua singularis. 203. §. 43. 44

Non debuit tantum sub finem Mundi revelari. 205. §. 45

Antichristi duratio. 205. §. 46

Antichristi origo. 206. §. 47

Antichristus an Enochum & Eliam sit interfectorus? 206. §. 48

Antichristus an & quomodo Christum sit abnegaturus & oppugnaturus? 207. §. 49

Apostasia Antichristi qualis esse debuerit? 180. §. 16, 17, 18.

Auctoritatis via in Ecclesia est vana, temeraria, injusta, difficilis, imò impossibilis. 90, 91. §. 7. 8

Augustini auctoritas frustra prætexitur distinctioni Cultûs divini in latrariam & duliam. 52. §. 25

B.

Babylon Apocalypica non est multitudo impiorum. 145. §. 3

Per Babylonem intelligi Romam probatur ex Adversariis. 146. §. 4

Babylone designari non Romam paganam, sed Christianam, probatur. 148. 149. §. 7, 8, 9, 10.

Refutatis Pontificiorum objectionibus. 151, 152. §. 11. 12
Baby-

Babylonis & Roma collatio. 153.
 154. §. 15. 16.
Quenam secessio è Babylone impere-
tur? 158. §. 20. & seqq.
Bestiæ character, nomen & numerus
quis? 191. 197
 C.
Canonizatio Sanctorum, vide Tit.
Sancti.
Caput Ecclesiæ non potest distingui in
primarium & secundarium. 114.
 §. 8.
Christus est fundamentum salutis. 21.
 §. 34.
Quod Pontificii doctrinâ praxique
suâ destruunt. 22. §. 36
Christi presentia in Eucharistia non
potest esse per petrolov. 67. §. 14
Christus an & quomodo abnegandus
ab Antichristo? 207. §. 49
Communio Christianorum limitata est.
 9. §. 13.
Communio an possit coli cum fratri-
bus errantibus? 233. §. 31
Concilium Tridentinum iniquissimum
fuit & Papæ mancipatum. 141.
 §. 39.
Consecratio sacramenti dubia est apud
Pontificios. 71. §. 19
Crucis homonymia. 76. §. 26
Cruci, ejusque imagini latriæ cultum
deferunt Pontificii. 76. & seqq.
 §. 27. 28
In ea spem & fiduciam suam collo-
cant. 77. §. 28
Ei aras consecrant, incensa adolent,
preces deferunt. 78. §. 28
Crucis cultus idololatricus est. 78. §. 29
Frivole à Pontificiis excusatur. 79.
 §. 30.

Crucis cultus an fundetur in praxi
Ecclesiæ veteris & primitivæ? 80.
 & seqq. §. 32, 33, 34.
Quando demum fuerit sancitus? 83.
 §. 35
Crucis inventio quo loco sit habenda?
 82. §. 34.
Cultus civilis multiplex. 54. §. 26
Cultus religiosus est internus & ex-
ternus. 41. §. 12
Non potest dispesci in latriam & du-
liam. 50. & seqq. §. 22. 23. 24
Qualis sit distinctio cultus in absolu-
tum & respectivum? 105. §. 27
 D.
Dæmoniorum doctrina quanam sit
apud Paulum? 182. §. 19. & seqq.
Discussionis & submissionis via quo-
modo differant? 89. §. 5
Donatistarum secessio injusta fuit. 7.
 §. 11.
Longissimè distat à nostra. 231.
 §. 28
Dulia & latria non differunt. 50. &
 seqq. §. 22, 23, 24.
 E.
Ecclesia vocatur populus Dei. 156.
 §. 18.
Ecclesiæ pax optanda, sed qua comi-
tem habeat veritatem. 2. §. 4. &
 137, 138. §. 34.
Ecclesiæ pax non facit pro ineundo
Syncretismo inter nos & Pontifi-
cios. 232. §. 30
Ecclesiæ Christiana libertas in quo
consistat? 110. 111. §. 3. 4
Ea destruitur à tyrannide Romana.
vide Tyrannis.
Ecclesiæ unio est vel interna vel ex-
terna. 6. §. 10
 Hh 3 Ecclesiæ

INDEX RERUM.

Ecclesiæ unitas unde petenda? ibid.
Ecclesiæ falsæ quibusnam notis distinguantur? 109. §. 1
Ecclesiæ nostræ ubi fuerit ante Lutherum & Calvinum? 157. §. 19
Ecclesiæ caput non est duplex, primum & secundarium. 114. §. 8
Ecclesiæ Romana, vide Romana.
Ἐικονολατρεία, vide Idola. Imagines.
Elias & Enochus an sub finem Mundi sint in hunc orbem redituri? 206
 48
Elie exemplum non evertit necessitatem secessionis nostræ ab Ecclesiæ Romana. 37. §. 7
Errores alii sunt fundamentales, alii non fundamentales. 233. §. 31
Error fundamentalis quisnam? 20. §. 33. & 233. §. 31.
Errores alii privati, alii publici. 29, 30. §. 44.
Eucharistia. Ex præsentia Christi in Eucharistia non infertur adoratio Sacramenti ipsius. 66. §. 13
Christus in Eucharistia per μεταστροφήν & corporaliter præsens esse nequit. 67. §. 14.
Excelsa quid fuerint in V. T. 38. §. 8
 F.
Festa in solius Dei honorem sunt instituenda. 43. §. 14
Fundamentum fidei quid sit? 20. §. 22.
Ad fundamentum retinendum quænam requirantur conditiones? 27. §. 42.
Fundamenti theoretici tres partes, Scriptura, Christus, Gratia. 21. §. 34.
In quas Ecclesiæ Romana impingit. 21. & seqq. §. 35, 36, 37.

Fundamento quomodo quid possit addi? 26. §. 41
Fundamento addit & detrahit Ecclesiæ Rom. pro libitu. 212. §. 6
Fundamentalis error quis? 20. §. 33. & 233. §. 31.
 G.
Gratia quomodo ingrediatur fundamentum fidei? 21. §. 34. & 23. §. 37.
 H.
Hæresis differt à schismate. 13. §. 22
 I.
Idololatriæ definitio. 41. §. 12
Idololatria nulla est licita. 34. §. 3
Idololatria est justa causa secessionis. 33. §. 2. & seqq.
Idololatria rea est Ecclesiæ Romana. 41. §. 11. & seqq.
Ratione Objecti. 41. §. 12. & seqq.
Quoad B. Mariam Virginem. 44. §. 15, 16.
Quoad Angelos & Sanctos defunctos. 45. 46. §. 17
Respectu Papæ ipsius. 47, 48. §. 19
Respectu Sacramenti quod adorat. 59. & seqq. §. 2-5
Respectu Crucis. 76. §. 26, 27, 28
Respectu reliquiarum. 83. §. 36, 37, 38
Ratione modi cultûs. 97. & seqq. §. 16. & seqq.
Idolorum cultum in Ecclesiæ Rom. obtinere ostenditur ex Conciliorum decretis. 97. §. 17, 18. ex Doctorum scriptis, ipsaq; praxi. 98, 99. §. 18
Idolorum cultus refragatur Legi divine. 100. §. 20
Idola & imagines non differunt. 102. §. 23.

Ignorantia

Ignorantia alia est excusabilis, alia inexcusabilis. 70. §. 18.
 Imagines & Idola sunt unum idemque. 102. §. 23
Præceptum II. de Imaginibus est morale, non positivum. 101. §. 22
Eo prohibentur Imagines quævis. 104. §. 26
Imaginum cultus Patribus vel inognitus fuit, vel apertè damnatus. 106. 107. §. 28. 29
Argumenta pro Imaginum cultu refutantur. 108. §. 30
Plura de Imaginibus, vide Tit. de Idololatria.
 Inquisitionis Hispanica crudelitas. 134. 135. 136. §. 31
 Institutionis S. Cænæ verba explicantur. 68. §. 15. 16
 Intentio Ministri nequit esse de essentia sacramenti. 71. §. 19
 Invocatio soli Deo competit. 43. §. 14
Invocatio Sanctorum, vide Sancti.
 Juramenti attestatio soli Deo competit. 43. §. 14
 Justificationis articulus à Pontificiis penitus deformatur. 24. §. 38
 L.
 Laïcorum vocatio qualis fuerit? 221 §. 18. & seqq.
Laïcis competit jus eligendi Pastores. 227. §. 21. 22
 Latinorum secessio à Græcis fuit injusta. 7. 8. §. 11
 Latria & Dulia non differunt. 50. & seqq. §. 22. 23. 24
Latria non potest dispesci in respectivam & absolutam. 64. §. 10. & 105. §. 27.
 Libertas Ecclesiæ Christiana in quo con-

sistat? 110. 111. §. 3. 4
 Destruitur à tyrannide Pontificia, vide Tyrannis.
 Lutheranorum syncretismus cum Reformatis non est impossibilis. 235. §. 33.
 Fraternitas Lutheranis oblata non tollit necessitatem secessionis nostræ à Communione Romana. 73. §. 22
 Nec evincit, posse inter Nos & Pontificios syncretismum iniri. 234. §. 33. 34. 35.
 Lutheranorum sententia circa sacramentum & realem præsentiam corporis Christi differt quam maxime ab erroribus Pontificiorum. 73. 74. §. 22. 23. 24. & p. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.
 M.
 B. Mariæ Virginis titulos cultumque divinum externum & internum tribuunt Pontificii. 44. 45. §. 15. 16
 Miraculorum ostentatio soli religioni Papiistica competit. 198. §. 38
Miracula Pontificiorum sunt regeatæ ψεύδεις. 199. §. 38
 Missio Pastorum pro diversæ Ecclesiæ statu est distinguenda. 221. & seqq. §. 18.
 N.
 Naamanis Syri exemplum non facit contra necessitatem secessionis nostræ ab Ecclesiæ Romana. 39. §. 9
 Nicodemi exemplum non facit contra secessionem nostram. 230. §. 27
 Numerus bestia quis? 194. §. 33. competit Papæ R. 195. 196. §. 34. 35. 36.
 P.
 Papam Rom. Pontificii ut Deum adorant, ei titulos & honores divinos deferunt. 47. 48. §. 19
 Papæ Rom. quantam Pontificii tribuant

- buant auctoritatem & potestatem?*
112. & seq. §. 5. 6. 7
- Papa potestas monarchica est tyrannica & Scriptura adversa.* 114. §. 8.
- Papa Primatus non probatur ex loco*
Matth. 16. v. 18. 115. §. 10. 16.
- Papa ex Primatu potestatem in Reges usurpat.* 121. §. 17
- Papa Reges exauctorat, & subditos à juramento fidelitatis liberat.*
122. §. 18
- Papa Reges deponit.* 124. §. 19. 20.
eos morti addicit. 125. §. 21. 24.
- Papam esse Antichristum communis est Protestantium sententia.* 171. §. 5.
- Pape competunt omnes Antichristi nota.* à 172. §. 6. & seqq. usque ad 200.
- Papam plurimi Pontificiorum testantur esse Antichristum.* 201. 202. §. 41.
- Pauli Ap. Judaicas caerimonias observantis exemplum non facit adversus necessitatem secessionis nostrae.*
230. §. 28
- Pax Ecclesiae querenda, sed qua comitem habeat veritatem.* 2. §. 4. & 137. 138. §. 34.
- Pax Ecclesiae non facit pro ineundo syncretismo inter Nos & Pontificios.* 232. §. 30
- Persecutiones fidelium ab Ecclesia Rom. excitata.* 133. 134. §. 30
- Petrus Ap. non fuit constitutus Monarcha Ecclesiae.* 115. & seqq. §. 10.
- Phrases sacramentales signo tribuunt nomen rei significatae.* 68. §. 15
- Pontifex Romanus, vide Tit. Papa.*
- Pontificiorum Religio dubia est & incerta.* 24. 25. §. 39
- Pontificiorum errores sunt fundamentales.* 25. §. 40. *in Christi gloriam & σωτηρίαν injurii.* 28. 29. §. 43.
- Pontificii sunt ἱερωατρεῖς.* 67. & seqq. §. 14.
- Pontificia Religio est idololatrica, vide Tit. Idololatria, item Adoratio, Crux.*
- Potestas νομοθετικὴ Ecclesiae Rom. est tyrannica.* 131. 132. §. 27. 29
- Præjudicium falsum de Secessionis nostrae ab Ecclesia Romana injustitia.*
2. §. 2
- Non est agendum per præjudicia in negotio Religionis.* 93. 94. §. 10. 11.
- Præjudicia, quibus Reformati à Pontificiis gravantur, aut falsa sunt, aut nullius momenti.* 95. §. 12.
- Præsentia Christi in Eucharistia non infert adorationem Sacramenti.* 66. §. 13.
- Christus non est præsens in Eucharistia per indistantiam loci & corporaliter.* 67. §. 14
- Profectio fidei Ecclesiae Rom.* 30. §. 45.
- R.
- Reformati semper optârunt Syncretismum cum Lutheranis.* 234. §. 33.
- Reformatorum & Lutheranorum syncretismus est possibilis.* 235. §. 33.
- Reformationis quanta fuerit necessitas?* 19. §. 31. & 222. §. 18. 19.

Reformatores nostros non caruisse Vo-
catione probatur. 218. §. 14
Nec excidisse vocationis jure per se-
cessionem suam. 219. §. 15
Excommunicatio eorum vocationem
irritam non reddidit. 221. §. 17
Vocatio eorum num fuerit ordinaria
an extraordinaria? 226. §. 23
An miraculis debuerit confirmari?
226. §. 24
Reges ex auctorandi potestatem sibi su-
mit Papa. 122. §. 18. ut & Reges
deponendi & morti addicendi.
124. & seqq. §. 19. 24
Regum Hebraorum, excelsa non aufe-
rentium exemplum, non evertit ne-
cessitatem secessionis nostrae. 38. §. 8
Religionem veram à falsa discernendi
qua sit via tutissima & compen-
diosissima? 89 & seqq. §. 5. 9
In Religione non est agendum per
præjudicia. 93. §. 10. 11
Religionis actus elicitī & imperati.
55. §. 28
Reliquiarum cultus divinus in Papatu
viget. 83. & seqq. §. 36. 37. 38.
39
Roma per Babylonem designatur, vide
Tit. Babylon.
Romana Ecclesia alia vetus est &
Apostolica, alia nova & Papalis.
11. §. 19
Consideratur vel quoad rō materiale,
vel quoad rō formale. 11. §. 20
An Ecclesia Romana competat ti-
tulus Ecclesiae? 13. §. 23. & 173.
174. §. 8
Aliud est discedere ab Ecclesia, aliud
ab Ecclesia Romana. 13. §. 24. &
165. §. 31

Romana Ecclesia quamplurimis
Pontificiorum corrupta visa est.
16. 17. §. 28. & 155. 156. §. 17
Ejus corruptio fuit immedicabilis.
17. §. 29.
Romana Eccl. impingit in Verbum
Dei. 21. §. 35 in Christum. 22. §. 36
in Gratiam. 23. §. 37
Romana Ecclesia est idololatrīca
quoad objectum & quoad modum
Cultūs. 41. §. 11. & seqq. 97. §. 16.
& seqq. vide Tit. Idololatria, Ad-
oratio, Crux, Reliquiæ &c.
Romana Ecclesiae Tyrannis, vide
Tit. Tyrannis.
Syncretismus Reformatorum cum
Ecclesia Romana, vide Tit. Syn-
cretismus.
Quid de Patribus nostris, qui in Ec-
clesia Romana communione ante
Reformationem vixerunt, censen-
dum? 166. 167. §. 23. 24
Quid judicandum de iis, qui nunc in
Eccl. Rom. manent. 167. 168. §. 35
Romanam Ecclesiam veram esse Ec-
clesiam falso jactant Pontificii.
209. & seqq. §. 2-11
Romanam sedem esse Antichristia-
nam fatentur plurimi ex Adver-
sariis ipsis. 201. §. 41
Romana Ecclesia an & quomodo re-
tineat fundamentum? 212. 213.
§. 5. 6
Romana Ecclesiae non competit pri-
vilegium infallibilitatis ex pro-
missione Christi. 214. §. 9
Romana Eccl. errores sensim irrepse-
runt. 214. 215. §. 10. 11
Rom. Imperium vetus est & nō lexus
Antichristi. 176. §. 11. & seqq.

INDEX RERUM

- Tres gradus sublatis à medio Imperii Romani.* 179. §. 14
- S.
- Sacramentum. Intentio Ministri non est de essentia Sacramenti.* 25. §. 39.
- Sacramenti adoratio à Pontificiis est instituta.* 59. §. 2. & seqq.
- Sacramentum ipsum ejusque species adorant Pontificii.* 62. 63. §. 8. 9. vide Tit. Adoratio.
- Sacramentales phrasæ.* 68. §. 15
- Sacrificii commemorativi & applicativi distinctio futilis est.* 29. §. 43.
- Sancti honorandi sunt, non adorandi.* 44. §. 15
- Sanctis religiosum cultum deferunt Pontificii.* 46. §. 17
- Sanctos invocant tanquam causas principales, & bonorum largitores.* 56. §. 31.
- Sanctorum invocationem ut necessariam præscribunt Pontificii.* 55. §. 29.
- Sanctorum invocatio Christo est injuria.* 57. §. 32
- Sanctorum Canonizatio.* 47. §. 18
- Schisma quid sit? §. & seqq. §. 8, 9, 10*
- Schisma ab hæresi differt.* 5. §. 8
- Separatio à Pontifice Romano non infert schisma.* 5. §. 9. 10. & 210. §. 3.
- Schisma temerarium & injustum quodnam? §. 7. §. 11. & 210. §. 3*
- Pontificii sunt schismatici, non autem Reformati.* 88. §. 4. 95. §. 12
- Scriptura Sacra fundamentum est doctrinæ Christianæ.* 21. §. 34
- Interdictio lectionis Scriptura Sacra est tyrannica.* 129. §. 25
- Secessio alia justa & laudabilis, alia injusta & culpabilis.* 4. §. 7
- Secessio injusta & temeraria quanam? §. 7. §. 11*
- Secessio quanam justa & necessaria? §. 8. & seqq. §. 12. 13. 14. 15*
- Secessio alia Politica, alia Ecclesiastica.* 10. §. 16. & 158. §. 20
- Secessio Ecclesiastica alia latens, alia patens.* 10. §. 17. & 158. §. 20
- alia negativa, alia positiva.* 11. §. 18. & 158. §. 20
- aliud est secedere ab Ecclesia Romana, aliud secedere ab Ecclesia.* 13. §. 24. & 165. §. 31
- Status Questionis quoad necessitatem secessionis nostræ ab Ecclesia Romana proponitur.* 14. §. 26
- Secessionem nostram non esse factam temerè & sine necessitate probatur.* 15. & seqq. §. 27. & seqq.
- Secessionis justa causa est idololatria.* 33. & seqq. §. 2. & c.
- Qualis fuerit secessio piorum Veteris Testamenti ab idololatriis? §. 35. §. 5. & 229. §. 26.*
- non debuit necessario esse positiva.* 36. §. 6. & 229. §. 26
- Exceptiones quedam adversus necessitatem secessionis nostræ, petitam ab idololatria Ecclesia Romana, discutuntur.* 35. & seqq. §. 4-10

Secessio-

INDEX RERUM.

Secessionem negativam ab Ecclesia Romana non suffecisse ostenditur. 95. §. 13. & 165. §. 32. & 226. §. 21

Quanam secessio è Babylone à Deo imperetur? 158. & seqq. §. 20. 21. 22. 23

Objectiones contra secessionem nostram allatae refutantur. 209. & seqq. §. 2-29

Secessio nostra à schismatis crimine vindicatur. 210. & seqq. §. 3

Defectus successionis & vocationis non facit adversus secessionem nostram. 216. & seqq. §. 12. & seqq.

Secessionis nostra necessitas non evertitur Nicodemi exemplo. 230. §. 27

Nec Pauli, caerimonias Judaicas observantis. 230. §. 28

Sedere in Templo Dei quomodo dicatur de Antichristo? 173. 174. §. 7. 8

Serpens aneus non facit pro excusando Imaginum cultu. 108. §. 30

Servitutis religioſe varii actus. 43. §. 14

Submissionis & discussionis via quomodo differant? 89. §. 5

Submissionis via perperam urgetur à Pontificiis. 89. §. 6

Successio multiplex datur. 216. §. 12

Successio doctrinalis necessaria est in Ecclesia, personalis vel localis non item. 216. §. 12

Syncretismus Reformatorum cum Lutheranis est possibilis. 235. §. 33

Syncretismum obtulerunt Reformati Lutheranis. 234. §. 33

Syncretismus cum Ecclesia Romana est impossibilis. 96. §. 14. & 140. §. 38. & 163. §. 28. & 236. §. 34

Syncretisticorum Consiliorum vanitas demonstratur. 138. & seqq. §. 35, 36, 37

Hinc frustra Syncretismus cum Roma hodie urgetur. 137. §. 33

Conventus Theologorum Reformatorum & Pontificiorum an Syncretismi opus promovere possent? 141. §. 39

Argumenta Pontificiorum pro ineundo cum ipsis Syncretismo refelluntur. 232. §. 30. & seqq.

Ex Syncretismo Lutheranis oblato non sequitur, posse cum Pontificiis iniri quoque Syncretismum. 234. & seqq. §. 33. 34. 35

T.

Templa soli Deo consecranda. 45. §. 14

Thurificatio debetur soli Deo. 44. §. 14

Tyrannis Romana probatur ex Primatu Papa. 112. §. 5. & seqq.

Tyrannis Papa respectu potestatis, quam sibi sumit in Reges. 121. & seqq. §. 17. 24. vide Tit. Papa, Reges.

Tyrannis Romana in conscientias. 129. §. 25

Tyrannis Rom. ex potestate vomubelici elucet. 131. 132. §. 27. 28. 29

Tyrannis Ecclesia Romana in Corpora. 132. & seqq. §. 30

Tyrannis Rom. in Inquisitione Hispanica. 134. & seqq. §. 31

INDEX RERUM

V.

Victoris secessio ab Ecclesiis Asiaticis
fuit injusta. 7.§.11

Unio inter Ecclesias est vel interna vel
externa. 6.§.10

Unio inter Symbola Sacramentalia
& rem significatam qualis? 65.
§.11

Vocatio duplex, alia suâ institutione
falsa, alia legitima quidem, sed
abusu hominum corrupta. 219.
§.16

Quanta sit necessitas questionis de
Vocatione Pastorum? 217.§.13

Reformatores nostros non caruisse
Vocatione probatur. 218.§.14

An illa ordinaria fuerit, an vero
extraordinaria? 226.§.23

An miraculis debuerit confirmari?
226.§.24

Non fuit irrita reddita per fulmen
Excommunicationis. 221.§.17

Vocatio vera non semper supponit Ec-
clesiam veram. 218.§.14

Vocatio Laicorum qualis fuerit?
221.§.18. & seqq.

Vota soli Deo nuncupanda sunt. 43.
§.14

FINIS.



D E C A S
DISPUTATIONUM
MISCELLANEARUM,

Variis Temporibus Habitarum,

QUARUM CATALOGUM SEQUENS

Pagina exhibet.

THE

LIBRARY

OF THE

UNIVERSITY OF

CHICAGO



LECTORI S.



I quas hic vides *Disputationes*, LECTOR Amice, eo consilio primum conscriptæ fuissent, ut in volumen aliquod collectæ publici juris fierent, & iusti tractatus loco esse possent, major forte in eis ἀντίθεσις, majus certè ac diligentius paulo adhibitum fuisset studium, ut opus accuratius, excultiusque prodiret. Sed cùm nihil minus in animo haberem quàm ab initio de illis parandis cogitavi; Et id tantùm apud me statuerem, ut studiosæ Juventuti Nobis commissæ informandæ, & exercendæ pro more in Academiis vulgo recepto inservirent; Mirum tibi haudquam videri debet, si non pauca in iis jure desideres; Plura forte & ipse requiro, quæ nisi vis major obstitisset ab omni editione procuranda detertere me debuerant: Et sanè cùm in immensa illa qua ferme obruitur Orbis literatus hodie Scriptorum copia, tam rari occurrant Libri qui usquequaque Lectoribus placeant, tot contra reperiantur qui tristia experiuntur fata, sive quod novitatis lenocinio quo plerique allici solent destituantur, sive quod per summum quod ubique ferme obtinet scribendi cacoëthes cruda & indigesta à variis in publicum propellantur studia, & ea promantur quæ vel penitus premenda fuerant, vel nonum certe aut decimum in annum condenda; Quis tenuitatis suæ sibi conscius satius non judicet latêre, & serio expendere quid valeant humeri, quid ferre recusent, quàm in medium temere prodire, & Lectori negotium facessere? Ego certè hac potissimum ratione ab ista scriptione, ut ab omni alia alienum me hætenus fuisse libens profiteor, quod non ignorant qui menorunt. Accedebat & altera, quòd cùm

perspe-

P R Æ F A T I O.

perfectum esset, quamplures Viros Celeberrimos & Veteranos Theologos hoc argumentum ita solidè pertractasse, ut post eorum messem vix ulli spicilegio locus esse possit; Non ita mihi suffenus esse potui, ut arbitrarer ex Opere hoc tumultuario, & Velitationibus istis Academicis, quæ nec excultæ ingenio, nec elaboratæ sunt industria, multum utilitatis & fructus ad Ecclesiam redire posse; Verùm cùm a variis non planè improbatos fuisse hosce nostros conatus intelligerem; Nec amplius mei juris essent quæ jam in publicum emissæ erant; effecerunt amicorum & eorum qui apud me plurimum possunt hortationes & desideria, ut primum hunc ingenii fœtum, & hoc quicquid est operis petenti Typographo quamvis ægrè permitterem.

Non est porro quod quæras cur hoc argumentum potius quàm quodlibet aliud selectum fuerit; Præterquam quod enim non sponte à me susceptum, sed à piis studiosis ad συζήτησιν propositum; si rem ipsam expendis, facilè mecum fateberis nullum aliud in tota Theologia nostra momentosius esse, & cujus cognitio fidelibus magis sit necessaria; Nullum sane quod majori impetu Satan hostis ille ἄσπονδος salutis nostræ evertere semper sit conatus: novissimisque imprimis hisce temporibus per pestilentissimos hæreticos, qui ut Religionem Christianam pessundarent, duo primaria ejus fundamenta *Divinitatem* Domini nostri Jesu Christi, & ejus *Satisfactionem* convellere omni ope faterentur. Optandum equidem fuerat, ut hujusmodi monstra ab ipso ortu necarentur, nec tam infausti fœtus nanciscerentur qui obstetrices manus illis porrigerent; Sed cùm nimis latè venenum hoc serpere jam satis constet, & exitialia hæc scripta plurium manibus hodie terantur; Æquum etiam fuit alexipharmaca subinde parari, quibus Juniores adversus luem istam pestiferam præmunirentur, & animi piorum in veritate magis magisque confirmarentur. Hoc consilio Viri Doctissimi, quos Deus subinde excitavit ut Orthodoxæ Veritatis in Ecclesia essent πρῶτοι fortissimi, in eo hæctenus operam suam utilissimè collocarunt; Horum & nos prementes vestigia licet

P R Æ F A T I O.

non passibus æquis, haud abs re nos facturos sumus arbitrati, si in propugnanda ista Veritate adversus ignita Satanæ tela nostram qualemcunque explicaremus industriam.

Cùm autem Tria vulgo de SATISFACTIONE CHRISTI quæri possint. I. An *Necessaria* fuerit. II. An *Vera*. III. An *Perfecta*. De tribus istis Quæstionibus distinctè agendum Nobis esse duximus; In duabus Prioribus cum Socinianis; In Postrema cum Pontificiis manus conferendæ fuerunt. Sed ita tamen in iis sumus versati, ut primam & tertiam de *Necessitate* & *Perfectione* brevius absolverimus; Secundam verò de *Veritate* quæ ampliorem explanationem requirere videbatur, quamque majori molimine impetunt Adversarii fufius paulò sumus persecuti, & nihil quantum quidem à nobis fieri potuit ex iis omiserimus quæ tum ad Veritatis confirmationem, tum ad Erroris confutationem facere poterant, non modò objectiones contrarias solvendo; sed & argumenta orthodoxa à strophis & cavillis τῶν ἐξ ἐναντίας vindicando, additis etiam variis currente prælo quæ ad argumenti illustrationem pertinere videbantur. Si quid porro à Nobis hîc sit præstitum, Tuum erit, Candide Lector, iudicium; Nobis sat fuerit, nostrum hac in parte tibi in asserendo gravissimo hoc Religionis nostræ mysterio probasse studium. Hoc ergo æqui bonique consule, & conatibus nostris in posterum fave. *Vale.*





I N D E X


DISPUTATIONUM MISCELLANEARUM.

DISPUTATIO I. <i>De Libro Vitæ.</i>	Pag. I
II. <i>Quæ Prior est de Scripturæ Sacræ Auctoritate ad- versus Pontificios.</i>	39
III. <i>Quæ Posterior est de Scripturæ Sacræ Auctori- tate.</i>	52
IV. <i>De bonorum Operum Necessitate.</i>	73
V. <i>De Tribus Testibus Cælestibus, ex I. JOANN.</i> 5. 7.	92
VI. <i>De Spiritu, Aqua, & Sanguine in Terra testan- tibus, ex I. JOAN. 5. 8.</i>	112
VII. <i>De Baptismo Nubis & Maris, ex I. COR. IO.</i> 1. 2.	131
VIII. <i>De Manna, ex I. COR. IO. 3.</i>	148
IX. <i>De Petra Christo, ex I. COR. IO. 4.</i>	165
X. <i>De Serpente Æneo.</i>	179



EXERCITATIO THEOLOGICA
D E
LIBRO VITÆ.

Respondente MARCO MICHAËLE MICHAËLIO
Genevensi.

I.  UM frequentissima *Libri Vitæ* in Scripturis occurrat mentio, & graves de eo moveri soleant quæstiones, quæ ad Electionis immutabilitatem & certitudinem illustrandam non parum faciunt; fructu suo non carituram esse apud Veritatis Studiosos operam nostram sumus arbitrati, si brevem de eo institueremus disceptationem. Quod ut commodius exequi possimus; Tria hîc potissimum expendenda venient. I. Quid per Librum vitæ intelligendum sit, & quo sensu Deo tribuatur. II. An quisquam ex eo deleri possit. III. An & Unde constare queat, nos in hoc libro esse scriptos.

II. Et ad primum quidem quod attinet; Quid sit *Liber* iste, & quo- *Quotuplex
Liber Deo
tribuatur.*
tuplex, non convenit inter omnes. Quidam plures, quidam pauciores ejus species constituunt. *Sixtus Senensis* Biblioth. sanctæ lib. 2. cui placuit ista minutiùs distinguere; quintuplicem facere voluit ad instar *Pentateuchi*, & Volumen unum in quinque quasi Tomos distribuere. Primus illi est ספר חיים *Liber viventium*, sive prædestinatorum Catalogus, in quo quicumque ad vitam electi sunt, conscripti censentur, de quo Paulus Phil. 4. 3. & Apoc. 17. 8. & 21. 27. Secundus est *Liber mandatorum*, qui κατ' ἐξοχὴν Scriptura dicitur, eo nomine rectè insignita; tum quia promissiones vitæ æternæ unà cum præceptis ad vitam æternam consequendam necessariis continet, quo sensu passim vocatur λόγος ζωῆς *Verbum vitæ & Doctrina salutis*. Tum etiam quia Christus, qui verus Deus est & vita æterna, totius Scripturæ centrum est & finis. Tertius illi est *Liber*

DISPUT. *Liber vitæ Agni*, de quo Apoc. 13. 8. *Adorabant bestiam omnes incola*
 I. *terra, quorum nomina non sunt scripta in libro vitæ Agni; &c.* Ita dictus, non quòd sit Liber ab Agno descriptus, sed quòd ipse Agnus ad normam vitæ nobis proponatur, veluti Liber quidam illustris & conspicuus, non papyro aut membranis, sed in ipsa Christi carne & membris aptatus, non atramento miniove, sed pretioso & incontaminato ejus sanguine conscriptus, in quo quilibet Christianus potest uno velut intuitu legere & ediscere, quæcunque ad piam & verè Christianam vitam necessaria, innocentiam singularem, profundam humilitatem, perfectissimam obedientiam, patientiam incredibilem, ardentissimam charitatem, & cæteras virtutes ad æternæ beatitudinis aditum maximè necessarias; ad quem librum pertinere posset, quod Christus dicitur apud Petrum primæ cap. 2. 21. reliquisse *ὑποχρεαµένον* ut sequamur ejus vestigia. Quartus vocatur *Liber vitæ præteritæ*, seu liber vitæ uniuscujusque, in quo scilicet singulorum dicta & facta reponuntur, ut de illis rationem reddant in die judicii, de quo vult intelligi locum Apo. 20. 12. ubi ex August. lib. 20. de Civ. Dei, cap. 14. putat legendum, non tantum ut habetur vulgò, & *liber alius apertus est, qui est liber vitæ*, sed *liber alius apertus est, qui est liber vitæ uniuscujusque*, ut notetur vis quædam divina, cujus virtute in die judicii ita reducentur unicuique in memoriam præterita gesta sua, & ante oculos mentis ponentur, ut nulli tunc licitum futurum sit vel ignorare, vel dissimulare, vel abscondere peccata sua. Quintus & ultimus est *Liber vitæ æternæ*, beata scilicet & æterna Christi præsentia, apud quem est fons vitæ Psalm. 36. & in cujus visione habebimus lumen vitæ, & assiduam, ut ita dicam, Libri vitæ lectionem; ita ut quidquid in primo Prædestinationis libro sancitur: In secundo Scripturæ promittitur; In tertio Agni exercetur; In quarto Judicii determinatur; In hoc ultimo tandem certissimè complendum sit & revelandum.

III. Quamvis autem non diffiteamur, quædam hîc à Senensi appositè recenferi ad librorum divinatorum evolutionem; sunt tamen non pauca, quæ meritò hîc desiderantur, dum vel sine necessitate quosdam multiplicat, vel sine ratione alios omittit. Quis enim ignorat Providentiæ librum amplissimum, cujus tamen nulla hîc apud ipsum mentio? Quis non videt iterum, perperam distingui Librum primum Prædestinationis, à Libro ultimæ gloriæ & felicitatis, qui titulo tantum, non re ipsa differunt? Ut nihil jam dicam vel de subtili, sed parum solida Libri Agni expositione, cujus nullum in Scriptura verum occurrit fundamentum, vel de Libro vitæ præteritæ commento, quem sine ratione ex loco Apoc. exculpere conatur, contra omnium probatorum Codicum fidem, qui legunt simpliciter *βιβλίον αἰλοῦ ἡνεώχθη, ὃ ἐστὶ τὸ ζῶντος*, qui est liber vitæ, non verò *τὸ ζῶντος ἐν αἰσ* liber vitæ uniuscujusque, ut contendit.

IV. Ut ergo enucleatius rem totam persequamur, quædam in genere DISPUT.
 de *Libris Dei* præmittenda sunt, ex quibus facilius ad cognitionem *Libri*
vite, de quo nunc agimus, pervenire poterimus. Librorum Dei sæpe
 Scriptura meminit, sed non semper eodem sensu. Nos cæteris distin-
 ctionibus missis in duos ordines eos tribuimus. Alii sunt *externi*, qui à
 Deo quidem sunt *originaliter*, sed non in Deo *subjectivè* continentur.
 Alii *interni*, qui & à Deo sunt, & in Deo, quorum ipse non tantum est
 efficiens & principium, sed etiam, ut ita dicam, subjectum. Externi
 rursus varii, sed potissimum triplices, pro triplici Dei scriptione: 1. Liber
Mundi seu *Creaturarum*. 2. Liber *Scripturæ*. 3. Liber *Conscientiæ*.
 Primum scripsit in Mundo per opera; Secundum scripsit in Ecclesia per
 Verbum; Tertium exarat in corde per Spiritum.

V. Primus *Liber Dei* est *Liber mundi*, totius sc. hujus Universi opifi-
 cium, in quo velut in libro amplissimo, magnis quidem & crassis, sed
 speciosissimistamen & magnâ arte incisis characteribus ita se ipsum descri-
 psit Deus, ut aperire oculos nequeant homines, quin aspicere eum cogan-
 tur. Licet enim essentia ejus sit incomprehensibilis, & humanos sensus pro-
 cul effugiat, tam illustres tamen, tamque claras gloriæ suæ singulis operibus
 suis notas insculpsit, ut sublata sit omnis quantumlibet rudibus & stupidis
 ignorantia excusatio. Quidenim est conspicuum hujus mundi Theatrum,
 quàm *παρδευτήριον ἢ θεογνωσίας, καὶ ψυχῶν λογικῶν διδασκαλεῖον*, ut
 magnificè exprimit *Basilius*. Eò respicit procul dubio Paulus, quum Rom. Rom. 1. 19.
 1. 19. 20. dicit *τὰ ἀόρατα αὐτῷ ἀπὸ κτίσεως κόσμου τοῖς ποιήμασι νοεῶν*
καθορᾶσθαι, *invisibilia ejus à creatione mundi operibus conspecta videri*,
 scil. velut in libro, qui nobis legendus proponitur. Nec abludit Scriptura,
 quum sub *Libri* metaphora de Creaturis, & in specie de Cælo loquitur. Isa. Is. 34. 4.
 34. 4. Apoc. 6. 14. Sed imprimis Ps. 19. ubi non solum *ἡ ψη* seu vox & sonus
 creaturis tribuitur, sed etiam *ἡ ψη* seu *linea*, qualis nempe duci solet in libris
 scribendis Is. 28. 13. Unde dicuntur cæli *מספרים* *enarrantes* gloriam Dei, Is. 28. 13.
 quia in se ipsis velut in libro, qui *מספר* dicitur, laudum divinarum materiam
 nobis suppeditant, ut hîc revera Creaturæ sint instar librorum, quæ utut
 mutæ videantur, in quibus nec loquela nec sermo sit, omnes tamen vocales
 sint re ipsa, *quarum vox ubique audiatur*, Ps. 19. 3. nec sursum tantum Cæli
 gloriam Opificis prædicent, sed & deorsum Terra, in qua magnificum ejus
 nomen conspicitur, imò præsentem clamat quælibet herba Deum.

VI. Ita Deus in schola naturæ homines, non Verbo, sed Opere erudire
 voluit, & ut bene Tertull. *Præmisit naturam magistram, submissurus & Pro-*
phetiam, quo facilius credas Prophetia discipulus naturæ. Verum quia li-
 ber iste per peccatum mirum in modum obscuratus, & tantum non
 deletus fuit, ita ut ad salutem sufficere nequeat; addidit Deus *Librum*

DISPUT. I. alterum *Scriptura*, in quo clarè & distinctè, non modò potentiæ & divinitatis lineamenta nobis expressit, sed insuper voluntatis & gratiæ testimonia indubitata reliquit, unde passim *Liber Dei*, *Liber Legis*, *Liber fœderis*, *Liber Domini* vocatur Exo. 24. 7. Heb. 9. 9. Is. 34. 16. Utrumque librum nobis aperit Psaltes Ps. 19. ut ostendat, utrâque viâ Deum se nobis patefecisse, & à creaturarum contemplatione ad Verbi lectionem esse transeundum, ut cognitio Dei salutaris possit haberi. Fateor *Scripturam* & *Librum Dei* singulari ratione vocari posse *Tabulas illas*, in quibus propriis digitis Legem suam exarare voluit, quæ אלהים כתיב Exo. 32. 16. *opus Dei* & כתיב אלהים *Scriptura Dei* Exo. 32. 16. vocantur; Sed hoc non obstat, quominus Verbum illud, quod speciali Dei jussu & inspiratione per Viros θεοπνευστας scriptis consignatum est, *Liber Dei* verissimè dicatur, quia ejus solus auctor est & causa principalis, licèt usus sit hominum ministeriò in eo promulgando.

3. *Liber Conscientia* VII. Tertius *Liber* externus est *Liber Conscientia*, in quo Deus jam ab initio cognitionem sui & Legem naturalem impressit, & quod sui juris est & nostri officii docuit; ita ut singuli, si eum audire & attentè expendere velint, facilè non tam hominem, quàm Deum ipsum loquentem animadvertant. In *statu instituto natura*, *Liber* iste integer fuit & nullâ liturâ notatus. In *destituito peccati*, corruptus quidem fuit & miris modis fœdatus, sed mansit tamen ad hominis convictionem & ἀναπολογία, *Gentes enim ostendunt opus Legis scriptum in cordibus suis, testimonium reddente conscientia ipsorum, & cogitationibus vicissim accusantibus & excusantibus*, Rom. 2. 15. 2. 15. In *restituito gratia* renovatur & reformatur in fidelibus per Spiritum, ad eorum sanctificationem, quippe qui Legem digito suo non in tabulis lapideis, ut olim, quæ confringi possint, sed carneis cordis inscribit, 2. Cor. 3. 4. Cor. 3. 4. juxta promissionem fœderi novo annexam, *Inscribam Legem meam cordibus ipsorum, & ero Deus illorum, & illi erunt mihi in populum*, Jer. 31. In *statu denique præsinito gloria* *Liber* iste perficietur in Beatis, super quos *scripturus* dicitur Christus *nomen Dei sui*, ut sciant se esse ejus filios, *nomen Civitatis Dei Jerusalem cœlestis*, ut norint se esse ejus incolas Apoc. 3. 11. & cives, & *nomen suum novum*, ut agnoscantur ejus membra. Apoc. 3. 11.

VIII. Sic fuerunt *Libri externi Dei*; Alii sunt *interni*, qui ita dicuntur, non propriè, quasi Deus, qui omnia uno intuitu in se ipso disponit & videt, opus habeat libris ad instar hominum, vel ad memoriæ subsidium, vel ad rerum certitudinem confirmandam, sed ἀνθρωποπαθῶς & figuratè ad denotandam rerum omnium, tum præfinitionem certissimam, tum infallibilem præscientiam. Quomodo libris utuntur homines, illisque acta aut agenda inscribunt, partim ad sublevandam memoriam, partim ad inviolatam & perpetuam rerum certitudinem. Ut hîc mens Dei æterna sit instar libri,

in quo per decretum quæcunque futura sunt, inscribit, & per præscien- DISPUT.
 tiam legit & cognoscit distinctissimè, quasi in libro exarata. Licet autem I.
 unicum tantum sit decretum & unica Dei scientia, ut omnia in ipso sunt
 simplicissima, tamen ratione modi nostri concipiendi, & pro objectorum
 diversitate, multifariam distingui potest.

IX. Hinc ut triplicem diximus concipi posse Librum Dei externum, *Liber inter-*
 Triplicem etiam facere possumus Librum internum. Primus est *Liber* *nus Dei*
Providentiæ; Secundus *Liber Judicii*; Tertius *Liber Vitæ* seu Prædestina- *triplex.*
 tionis. *Liber Providentiæ* est universalis & amplissimus, qui omnes omnino
 creaturas complectitur. *Liber Judicii* contractor, qui ad creaturas tan-
 tum intelligentes & rationales pertinet. *Liber Vitæ* strictissimus, qui so-
 los electos & fideles respicit. Primus Naturæ dispensationem. Secundus
 Legis æconomiam. Tertius supernaturalem gratiæ ordinem nobis exhi-
 bet. In illo Deus notat, quid facere decreverit in mundo per potentiam.
 In isto quid hominibus reddere velit per justitiam; In hoc quid fidelibus
 dare ex misericordia constituerit.

X. *Liber* primus *Providentiæ* dicitur, qui creaturarum omnium causas, *I. Liber*
 actiones, cursus & effectus complectitur, in quo decreta de rebus extra Deum *Providen-*
 futuris continentur; Ubi fixus & immotus assignatur unicuique vitæ ter- *tia.*
 minus, quem nemini vel accelerando vel producendo refingere licet, qui à
 nonnullis liber vitæ præsentis seu liber viventium dicitur. Ibi principium
 ortûs & interitûs cujusque notatur, Imperiorum incrementa & decrementa,
 totius Orbis administratio, causarum secundarum ordinata series, imò re-
 rum etiam minimarum eventus ita præscribuntur, ut ne passeris quidem vel
 capilli casus hanc Dei providentiam fugiat. De hoc libro Psal. 139. 16. agi- Psal. 139. 16.
 tur, ubi Psalter loquens de sui formatione in utero. *Informem massam meam,*
inquit, viderunt oculi tui, id est cùm nondum in utero matris bene formatus
 essem, & *in libro tuo* nimirum Providentiæ & Præscientiæ *omnia scripta*
erant. Ita libi Psal. 56. 9. proficitur *Deum numerare fugas suas*, & la- Psal. 56. 9.
ebrymas suas esse in registro ipsius, id est, Deum accuratam earum notitiam
 & curam habere. Unde bene inferas, omnia infallibiliter & necessariò eve-
 nire, quia ita præstituta sunt ab æterno; sed malè tamen inde colligas, liber-
 tatem hominum vel rerum contingentiam de mundo tolli, ut Sociniani per-
 peram arguantur; quia hæc Dei scriptio non tantum versatur circa res ipsas,
 sed & circa earum modos, ut dum eventus certam futuritionem infert, nul-
 lam tamen rerum naturæ vim afferat, sed causas secundas ineffabili quidem
 & occultâ, sed tamen verissimâ ratione juxta suos modos agere sinat.

XI. *Liber* alter internus dictus nobis est *Liber Judicii*, quia *2. Liber*
 in eo scribuntur, quæ ad Creaturarum rationalium gubernationem *Judicii.*
 & judicium spectant, ubi adversa & prospera, bona & mala earum

DISPUT. notantur, ex quibus judicandæ veniunt. Ut enim nihil in rerum natura
 I. contingere potest, quod à Deo non sit præstitutum; Ita nec in hominum
 societate quicquam boni vel mali potest fieri, quod ab ejus decreto vel
 effectivo vel permissivo non pendeat, nihil quod ejus æternam præscien-
 tiam fugiat, & quod coram ipso scriptum non sit; hinc ut peccatum dicitur
 scriptum stylo ferreo in corde peccatoris, Jer. 17. 1. sic scriptum pariter
 if. 65. 5. perhibetur coram Deo, If. 65. 5. *hoc scriptum est coram me*, ait Domi-
 nus, ut significet se illud probè nosse, ejusque se perpetuò recordari.
 Non aliter de bonis operibus est statuendum, ea scilicet omnia ita scripta
 esse coram Deo, ut eorum nunquam obliviscatur, sed memor sit futurus
 in judicio suo, ut rependat illis, si non *propter* ea, quia nullum est meri-
 tum, at *secundum* ea. Quò videtur respicere ספר זכרון *Liber memoria*,
 Mal. 3. 16. de quo Malac. 3. 16. qui dicitur *conscriptus coram Deo pro timentibus ipsum*,
 ut innuatur Deum recordaturum pietatis ipsorum suo tempore, & retri-
 buturum præmium fidei & perseverantiæ ipsorum. Ad hunc librum per-
 tinet, quod Daniel. 7. 10. & Apoc. 20. 12. ubi de Judicio ultimo agitur,
 dicitur libros apertos fuisse: *Et vidi*, inquit Joannes, *mortuos parvos &*
 Apoc. 20. *magnos stantes coram Deo, & libri aperti sunt, & apertus est liber alter,*
 12. *qui est liber vitæ, & judicati sunt mortui ex illis, quæ scripta sunt in li-*
bris secundum opera ipsorum; Sic notatur summa judicii istius æquitas ex
 humano foro, ubi juxta leges scriptas, & cum his congruentia facta &
 dicta, Judex justam pronuntiat sententiam. Cur autem librorum, non
 unius libri mentionem faciat, ratio facilè reddi potest, quia præter librum
 istum internum Dei, in quo scripta sunt omnia hominum opera, libri alii
 duo illi respondentes aperientur. Primò *Liber Scripturæ*, in quo juris Dei
 & officii nostri regulam præscribit Deus, ad quam se componere quisque
 tenetur, & ex qua judicandi sunt, quotquot Scripturam ducem habuerunt.
 Secundò *Liber conscientia*, quæ de factis testimonium præbet, & quæ in-
 star mille testium homines vel accusabit vel excusabit; nam *Deus tunc illu-*
straturus est res occultas tenebris, & manifesta faciet consilia cordium,
 1. Cor. 4. 5. 1. Cor. 4. 5. ut hîc nihil absconditum & indiscussum manere queat, quod
 summi Judicis oculis non exponatur.

XII. Postremus est *Liber Vitæ*, Æternum scil. & immutabile Dei con-
 silium, per quod, ut quosdam ab æterno ex massa corrupta secrevit ex merâ
 sua misericordiâ, & ad vitam æternam conscripsit, quos per Christum salva-
 ret, cæteris omnibus in æquali miseria constitutis, ex summa & liberrima
 sua potestate præteritis; Ita eosdem in libro isto arcanæ prædestinationis
 conscriptos novit & servat constantissimè. Hujus sæpissimè Scriptura me-
 minit, modò simpliciter & αὐτὸ ἐξ ὀνόματος *sub Libri nomine* Dan. 12. 1. *Sat-*
 Dan. 12. 1. *vabitur omnis populus, qui inventus fuerit scriptus in libro*, modò per scriptio-
 nem

nem cœlestem, Luc. 10. 20. *Gaudete quòd nomina vestra scripta sunt in cœ-* DISPUT.
lis, tum quia in cœlo electi, tum quia ad cœlum vocati; aliquando per *Li-* I.
brum vitæ Agni, ut Apoc. 13. 8. & 17. 8. *mirabuntur omnes, quorum no-* Luc. 10. 20.
mina non sunt scripta in libro vitæ Agni, sic Apoc. 21. 27. non tantum quia Apoc. 13. 8.
 per ipsum non minus ac Patrem facta est electio, sed & quia in ipso fundatur & 17. 8.
 Eph. 1. 4. non quidem antecedenter ut in causa meritoria, sed consequenter, & 21. 27.
 ut in medio primario executionis; aliquando denique per *Librum vitæ sim-*
 pli. ut Phil. 4. 3. Apoc. 20. 15. & 22. 29. ratione finis id. vitæ æternæ, quæ Phil. 4. 3.
 sola præ cæteris nomen vitæ meretur, tum à priori ratione Prædestinationis, Apoc. 20.
 quia ab æterno conscriptus est ante jacta mundi fundamenta, tum à poste- 15. & 22.
 riori ratione glorificationis, quia in æternum manere debet post consum- 29.
 mationem seculi. Ita Liber iste duo præcipuè designat, Decretum Dei
 prædestinantis, quod est instar scriptionis, tum præscientiam ejusdem, quæ
 est instar lectionis, quæ scripta recognoscit & legit.

XIII. Atque hinc faciliè colligi potest, quo sensu Liber iste Deo tribua-
 tur, non propriè & literaliter, ut jam insinuavimus, quasi vel liber vel scriptio
 qualiscunque materialis in Deum cadere possit; sed mysticè & figuratè, tum
 ad connotandam divinæ Prædestinationis certitudinem & immutabilitatem,
 tum ad significandam præscientiæ ejus & cognitionis evidentiam & infalli-
 bilitatem. Nam ut voces & verba volant, sed litera scripta manet: Ita De-
 cretum Dei non est inane verbum, quod irritum fiat & solvi possit, sed ver-
 bum potens & efficax, quod in mente Dei scriptum mansurum est in æter-
 num, & certissimè implendum. Rursus ut ea, quæ exarata sunt, clarè & di-
 stinctè possunt cognosci oculis subjecta fidelibus; at quæ in aurem tantum
 per verbum dilabuntur, facilius nobis possunt imponere, ut in iis percipien-
 dis & recolendis fallamur. Ita scientia hæc visionis, quæ rerum futuritionem
 in Decreto præfinitam videt & legit, adeò certa est & distincta, ut nec falli
 nec fallere possit. Unde Paulus 2. Tim. 2. 19. testatur, *Deum nosse qui sui sunt*,
 & Christus Jo. 10. 27. *se cognoscere oves suas, & scire quos elegerit*, Jo. 13. 18.

XIV. Si verò quæratur ulterius, Cur hac phrasi Spiritus S. uti voluerit
 ad hoc mysterium designandum? Rationes variæ reddi possunt. Quidam
 putant metaphoram ductam esse à *Re militari*, & belli Duce, qui milites
 delectos in libro consignat; unde phrasis *conscribendi militem*; rejectitios
 verò & malè fidos vel exauthorat vel præterit. Ita Jehova exercituum,
 qui fideles suos ad sacram militiam vocat, ut sub vexillo Christi Du-
 cis sui bella Domini adversus Diabolum, mundum & carnem decer-
 tent, dicitur in libro conscribere, quos ad tam salutare opus destinet. Alii
 volunt alludi ad societatem civilem & *album amicorum*, quemadmodum
 enim solemus nomina eorum, quos præ cæteris diligimus in album no-
 strum referre, ut memoria eorum hæreat semper animis nostris. Ita Deus

Cur liber
Deo tri-
buatur.

DISPUT. I. nomina electorum & fidelium, qui verè sunt amici Dei, ut de Abrahamo perhibet Angelus Gen. 22. & de discipulis suis Christus Jo. 13. 13. in libro suo consignata habet, ne unquam animò ejus excidant, qua de causa alibi dicitur Is. 49. 16.

XV. Sed commodiùs alii statuunt similitudinem peti ab *Usu civili*, & iis qui civitate donantur, quorum nomina in Civium catalogum & tabulas publicas referri solent, ut Jura & Privilegia civium usurpare possint, quod non in populo tantùm Romano factitatum esse, sed & in Israëlítico notum est, Ubi tabulæ genealogicæ omnium familiarum & tribuum, sed Regum & Sacerdotum inprimis accuratissimè conscribebantur & asservabantur, ne peregrini & alienigenæ immiscerentur populo Dei. Quò pertinet

Exo. 30. 12. recensio, quæ fieri debuit ex præscripto Dei Exod. 30. 12. & Liber recens-

Nebe. 7. 5. sionis, de quo Nehem. 7. 5. & imprimis β. βλ. ο. γ. ε. ν. η. σ. ε. ω. s. Liber generationis

Matt. 1. 1. Christi, qui refertur à Matthæo & Luca, ad verum Genus Christi aperien-

Ezech. 13. dum: Nec aliò videtur respicere Ezech. cap. 13. 9. quum de Pseudoprophetis

9. loquens, & pœnas illis nomine Dei denunciatis. *In censilio*, inquit, *populi mei non erunt, & in descriptione seu libro Domus Israël non conscribentur, nec in terram Israël venient.* Ubi tres pœnæ gradus notat, *ejectionem ex consilio*

publico, cui Prophetæ interesse poterant Jer. 26. 7. *Ejectionem ex populo*, qui

totus descriptus, & albo publico consignatus erat, ne censeantur amplius ejus

membra, vel fruantur ejus privilegiis. *Ejectionem ex terra ipsa*, ne, quod pere-

grinis etiam concedebatur, in ea liceat ipsis ulterius pedem figere & morari.

Ad hunc ergo morem Spiritus Sanctus alludens, Electionem salvandorum

per Librum eleganti metaphorâ designat, ut notet eos hoc pacto fieri veros

Cives Jerosolymæ cœlestis, ad quos privilegia omnia, immunitates & bene-

ficia Beatorum pertineant, quorum idcirco nomina in hoc libro velut in re-

gistro quodam publico, si ita fas loqui, consignentur, non in Terra, sed in

Cœlo, non manu hominum & atramento, sed digito ipsius Dei, & Decreto

ejus æterno, non in charta aut membrana, sed in ejus mente, non ut censean-

tur cives Israëlitis secundum carnem, filii Abrahæ, & hæredes Cananitidis

terrenæ, sed ut agnoscantur verè filii Dei, Israël secundum Spiritum, & hære-

Ps. 87. 5. 6. des Canaanis cœlestis. Eò manifestè respicitur Ps. 87. 5. 6. Apoc. 22. 19. sed

Apoc. 22. præcipuè Heb. 12. 23. ubi Ecclesia fidelium vocatur *Cæus Primogenitorum*,

19. *quorum nomina scripta sunt in cælis*; Ut enim quæcunque ibidem referun-

Heb. 12. 23. tur, allusivè dicuntur ad populi Israëlítico statum, Mons Monti opponitur,

Civitas Civitati, Jerusalem terrena cœlesti, Sanguis victimarum, qui effun-

debatur in Veteri Testamento, Sanguini παντισμῶς, qui effusus est à Chri-

sto, Exercitus Angelorum, quorum διαταγὰς data est Lex. Gal. 3. 19.

Myriadibus eorum, quia ascendunt & descendunt super Filium hominis

Jo. 1. 51. & qui sunt Spiritus ministratorii ad salutem fidelium, Heb. 1. 14. Ita

Primogeniti, quorum nomina scripta sunt in cælis, manifestè relationem habent ad Israëlitarum primogenitos, quorum nomina tabulis genealogicis consignata erant; Nam ut Fideles *primogenitorum* prærogativas verè possident, tum in *dominio*, quia facti sunt Reges in Christo, qui regnare debent super terram, Apoc. 5. 10. tum in *dupla portione*, promissionibus scil. vitæ præsentis & futuræ 1. Tim. 4. 8. & gratiâ & gloriâ Ps. 84. tum in *Sacerdotio*, quum facti sunt Sacerdotium regium in ipso 1. Pet. 2. 5. 9. Apoc. 1. 5. Ita in libro genealogiæ cœlestis verè conscribuntur, quum jus ad hæreditatem cœlestem, & ad domum Patris æterni, ex quo omnis familia in cœlo & in terra nominatur, Eph. 3. 15. per electionem obtinent.

XVI. Hinc patet, quid per *Librum Vitæ* intelligendum sit, & quo sensu Deo tribuatur; Patet etiam Decretum Electionis non situm esse in generali & indifferente omnium ad salutem destinatione, si credant, ut vellent Sociniani & Remonstrantes: Sed in peculiari & specifica eorum designatione, qui ex gratia Dei & credituri & salvandi sunt: Nam quisquis nomina eorum, de quibus aliquid decernit, in librum refert, cogitat de illis nominatim, seu de individuis signatis, non tantum de individuis vagis & in idea. Ut hîc longè aliud sit qualitatem communem assignare, & decernere, sub qua homines queant vitam & salutem consequi. Aliud verò nomina quorundam, cæteris seclusis, libro vitæ inscribere; hæc enim scriptio ad personas ipsas spectat, non simpliciter ad qualitates, sub quibus homines possunt salutem indefinitè obtinere.

XVII. Sic fuit Prima Quæstio. Sequitur Altera, quæ ut difficilior est, ita majorem anxietatem postulat; *An scilicet quidam Libro vitæ semel adscripti ex eo deleri possint?* Ratio dubitandi oritur ex variis Scripturæ locis, in quibus hoc exertè videtur asseri. 1. Ex *Voto Moysis* Exo. 32. 32. qui quum audiret Deum iratum populo Israëlítico velle eum penitus exscindere, tam intenso charitatis zelo commotus est, ut non solum intercedat pro ipso, sed & optet potius deleri è libro Dei, quàm ut tota gens pereat, *Aut remitte peccatum ipsorum, aut si non vis, dele me queso de libro tuo, quem scripsisti.* Et ne votum tantum impossibile putetur, Dominus statim addit, *Qui peccaverit, eum delebo de libro meo.* Ubi non modò rei possibilitas, sed etiam futuritio innuitur. 2. Ex *imprecatione Davidis*, qui Ps. 69. 29. de Ecclesiæ hostibus & suis loquens, petit ut *deleantur de libro viventium, & cum Justis non scribantur*, quod utique dicere non posset, nisi talis dari posset deletio. 3. Ex *comminatione prophetica* Joan. Apoc. 22. 19. *Si quis abstulerit ex verbis libri Prophetiæ hujus, auferet Deus partem ejus de libro vitæ, &c.* Quæ luce meridianâ clarius videntur probare, quosdam ex libro vitæ posse expungi. Sic Sociniani & Remonstrantes & cæteri, qui Sanctorum Apostasiam & Electionis mutabilitatem propugnant, his uti vulgò locis solent ad Erroris sui fulcimentum.

DISPUT.

I.

Neminem
posse ex li-
bro vitæ
deleri pro-
batur.

1. à Decre-
torum Dei
immutabi-
litate.

XVIII. Sed verissima tamen est contraria Orthodoxorum sententia, quæ statuit librum hunc lituram nullam admittere, neminẽque illi semel adscriptum ex eo deleri posse. Argumenta eam in rem afferri possunt varia; sed pauca tantum è multis delibamus. Primum petitur ex *Decretorum divinorum immutabilitate*. Cum enim Liber vitæ nihil aliud sit, ut jamjam diximus, quàm Decretum Electionis, quod ab æterno quosdam salvare constituit, si tale decretum firmum sit & ἀμετάθετον, invariata etiam & æternam esse necesse est talis Libri Scripturam. Hanc autem esse conditionem Decretorum divinorum in genere, & in specie decreti Prædestinationis, & natura ipsa Dei, & Scriptura apertè clamant: Et natura quidem Dei, quia ut immutabilis est & constans in se, penes quem nulla

est παραλλαγή, ἢ τροπὴ ἀποκρίσεως Jac. 1. 17. Ita immutabilis debet esse in voluntate & in consilio, quod semel positum nec rescindi nec revocari queat; aliàs vel mutaretur in melius, & sic non esset sapientissimus, vel in pejus, & sic non esset optimus. Scriptura etiam idem passim confirmat luculentissimè: Nam sive Decreta in genere considerentur, *Consilium meum stabit*, inquit Dominus Isa. 46. 10. & implebo omne beneplacitum meum, & Paulus Rom. 9. 19. *voluntati ejus quis resistit?* Sive in specie de Electione agatur, quis nescit vocari σερὸν θεμέλιον, *firmum fundamentum*, quod nullâ arte vel robore Diaboli subrui possit, 2. Tim. 2. 19. ἀμετάθετον βελὴν *consilium immutabile*, quod Deus duabus rebus, in quibus impossibile est eum mentiri, verbò scilicet & juramentò fancivit Heb. 6. 17. 18. Et πρόθεσιν κατ' ἐκλογὴν *propositum secundum electionem*, quod firmum manet Rom. 9. 11. Ut varias alias phrasas omittamus, quibus solet describi, eandem immutabilitatem confirmantes.

XIX. Neque hîc audiendi sunt, Qui vel Pœnitentiam & mutationem Deo tribui sæpe in Scriptura causantur, Vel qui Decreta quædam conditionata illi affingunt. Nam præterquàm quod Electio & Vocatio donis ἀμεταμελήτοις annumerandæ sunt ex Rom. 11. 32. Notum est Pœnitentiam Deo propriè non competere, sed ἀνθρωποπαθῶς & metonymicè, non affectivè, sed effectivè, prout mutationem non consilii in Deo, sed operis & facti extra Deum, eamque ex consilio Dei profectam denotat: Mutationes etiam rerum non inferunt statim mutationem voluntatis, quia mutationes illæ ab ipsâ Dei volitione immutabili manente pendent. Quod ad Decreta conditionata; non diffitemur res ipsas volitas & decretas aliquando esse conditionatas, quæ non nisi hæc vel illâ positâ conditione possunt impleri: Sed volitionem ipsam seu Decretum posse dari conditionatum à priori & antecederet constanter negant Orthodoxi, & sapientissimè Synodi Gallicanæ non semel repudiârunt, ut Sapientiæ, Potentiæ, & Bonitati divinæ injurium. Vult quidem & de-

& decernit Deus aliquid implendum sub hâc vel illâ conditione; sed ita ut ipsam conditionem pariter decernat vel efficere vel permittere. Verùm ut idem velit aliquid & decernat sub conditione impossibili, & quam novit certissimè nunquam futuram, quamque ipse constituit non dare, qui solus dare potest, longè videtur ab ejus Sapientiâ & Potentiâ alienum.

XX. II. Argumentum suppeditat nobis *Fœderis gratia aternitas*. Nam cum fœdus istud novum non debuerit abrogari ad instar prioris, quod tabulis lapideis incisum fuerat, sed æternum debeat esse & immutabile, ex promissione celebri Jer. 32. 30. 40. Hos. 2. 19. 20. *Liber etiam vita*, qui fœderis istius *Liber* verè nuncupatur, quia fœdus in eo fundatum & consignatum est, non potest non æternus esse & indelebilis. Neque hîc reponendum, constantiam promitti in fœdere à parte Dei, sed non statim à parte nostri; itaque, si Deus auxilium suum nobis pollicetur, si officium faciamus, non continuò sequi nos officium semper facturos, atque adeò fœdus nunquam irritum fore. Nam huic exceptioni viam omnem præcludit Dominus ipse, quum in promissione fœderis, non tantùm meminit amoris sui, sed & timoris nostri. Nam ut pollicetur se non recessurum à nobis, ita testatur se effecturum, ut non recedamus ab ipso, *pangam cum ipsis fœdus perpetuum, ut non avertam me à benefaciendo ipsis, & reverentiam indam animo ipsorum, ut non recedant à me*. Sic implet & quod suarum & quod nostrarum est partium, ut nihil sit quod fœdus delere queat. Nam si irritum aliquâ de causâ fieri posset, id potissimùm fieret, vel à parte Dei, per mutationem amoris, si Deus à nobis recederet; vel à parte nostri per inconstantiam nostram, quâ Deum desereremus: Sed adversus utrumque periculum tutos nos præstat misericors Deus. Nam quo ad prius, testatur se nunquam recessurum esse à nobis; quoad posterius, affirmat se per timorem, quem nobis ingenerabit, effecturum ne unquam recedamus ab ipso. Ita non tantùm pollicetur *finem*, sed & ipsa *media*, quæ ad eum ducunt, non tantùm beneficium vitæ sub conditione offert, quod sub Lege præstabat, sed ipsam etiam conditionem confert & implet. Ut frustra sint Remonstrantes, qui promissionem hîc fingunt conditionatam. Nam ut non dicam promissionem conditionis non posse esse conditionatam, quia aliàs abiretur in infinitum; Certum est nullam posse dari conditionem istius promissionis, quæ non coincidat cum re ipsa promissa, quod nemo non videt esse absurdissimum.

XXI. III. Ratio ducitur à *gratiarum divinarum*, quæ in isto libro continentur, *Connexione & Inseparabilitate*; Nam quod Ethnici de Gratiis suis malè ita dictis perhibebant, eas connexas semper esse, & vinculo quodam indissolubili inter se junctas; Id longè potiori jure in gratiis divinis locum habere censendum est,

DISPUT. I. ut nunquam à se invicem divelli queant, & qui semel unam habuerit, is necessario omnium tandem sit particeps futurus. Hoc verò non modò ex amoris divini æternitate colligitur, qui ab æterno in æternum extenditur, ab æterno ratione Prædestinationis à priori, in æternum ratione Glorificationis à posteriori: Sed præcipuè ex effectis istius amoris, quæ Deus fidelibus suis communicat, quæ Apostolus in admirabili illâ & verè aureâ salutis catenâ recenset, Rom. 8. 29. 30. ubi partes omnes salutis complectitur, *Principia* in Præcognitione & Prædestinatione, *Media* in Vocatione & Justificatione, *Finem* denique in Glorificatione: isti enim quinque annuli ita connectuntur inter se, ut qui unum habet, omnes habere debeat, & cui unus deest, omnes pariter in eo desiderentur; *Quos præcognovit eos prædestinavit, quos prædestinavit eos vocavit, quos vocavit eos justificavit, & quos justificavit glorificavit*; Unde ut nemo potest glorificari, quin justificatus, vocatus, prædestinatus, & præcognitus fuerit; Nemo pariter præcognosci potest & prædestinari, qui non sit certissimè glorificandus. Sed si, quod pertendunt Adversarii, quidam ex Libro vitæ expungi possent, malè ista beneficia ita connecteret Paulus, ut Prædestinationem Vocationi, Vocationem Justificationi, Justificationem Glorificationi necessariò consequatur, quando fieret ut quidam prædestinati, vel non vocarentur, vel vocati non glorificarentur. Perperam etiam alibi Paulus principium cum fine conjungendo diceret, *Electionem assecutam esse*, id est, electos obtinuisse salutem, *Ceteros vero occalluisse* Rom. 11. 7. Sic nec Deus propositum Prædestinationis assequeretur; Nec sua constaret dicto Apostoli veritas; Nec fideles in hoc beneficio gloriandi & exultandi materiam haberent, quod nec dici sine absurditate, nec sine impietate cogitari potest.

XXII. Sed ne diutius in Electionis certitudine demonstranda immoremur, quod variis quidem fieri posset argumentis aliis, sed quæ longiùs nos à scopo abducerent; Videamus paulò pressius, an ex Scriptura confirmatio æternitatis Libri vitæ possit haberi. Hoc verò non unâ ratione colligi potest. Primò ex eo, quòd Christus Luc. 10. 20. jubet discipulos gaudere, non quòd demones ipsis subjiciantur, sed quòd *nomen ipsorum scripta sint in cælis*. Cur autem non vult eos gaudere de donis illis extraordinariis, sed tantùm de Electione, nisi quia dona illa miraculosa & temporaria erant, quæ poterant auferri & cessare, & ministerialia tantùm, quæ in reprobos etiam cadere poterant: sed *Electionis beneficium*, quod per scriptionem istam denotatur, *æternum est & salutare*, quod nec in reprobum cadere, nec à fidei potest auferri? At si, quod censent Adversarii, potuissent deleri ex isto libro, frustrà & sine ratione ad gaudium eos hortaretur. Quænam enim causa lætitiæ discipulis esse poterat, si in continuo discrimine ver-

faban-

fabantur beneficium istud amittendi; quodnam gaudium percipere poterant, si illis constitisset firmitatem istius consilii ex tenui liberi arbitrii filio pendere, quò nihil labilius & inconstantius? solidum illud demum est gaudium, quod æternum est, quodque nemo nobis eripere queat, aliàs plus doloris sape ex jactura boni oritur, quàm lætitiæ ex ejus brevi & momentanea possessione percipiebatur. Nec nodum solvit *Volkelius* tom. 5. cap. 17. quum ait sufficiens esse gaudii argumentum, *certissimam salutis viam ingressum esse, & in eo versari statu, in quo possis constanter perseverare & si perseveres, sempiternam felicitatem omnino sis consecuturus.* Nam præterquam quòd falsò supponit scriptum nomen habere in cœlo importare tantum facultatem perseverandi, si volueris; cùm infallibilitatem perseverantiæ & salutis consequendæ certitudinem etiam inferat, nec rei tantum possibilitatem, sed & futuritionem dicat; Perperam etiam contendit verum & solidum gaudium in mutabili & incerto bono collocari, quod singulis momentis vel tentationes Diaboli excutere valeant, vel propriâ infirmitate & inconstantiâ deperdere quis possit. Huc etiam facere potest, quòd ut Cœlum, & quæ ad illud pertinent, stabilia sunt & immota; Terra verò & terrena omnia fluxa & caduca, unde Regnum Christi, quod æternum est & ἀσάλευτον Heb. 12. 28. vocatur *Regnum cœlorum*: Ita Scriptio quæ fit in cœlis, non modò hæreditatis cœlestis possessionem, sed & Decreti divini constantiam & æternitatem notat: Ut reprobis dicuntur *scribi in Terra* Jer. 17. 13. non modò quia portio eorum est in terra, non in cœlo, sed etiam ut eorum interitus & exitium notetur; ut facili negotio delentur, quæ in terra seu in pulvere scribuntur.

XXIII. Secundò idem etiam non obscurè colligitur ex Apoc. 21. 27. ubi Joannes testatur neminem ingressurum in Civitatem cœlestem, præter scriptos in libro vitæ, *non ingredietur in ipsam quicquam immundum, & faciens abominationem*, εἰμὴ οἱ γεγραμμένοι ἐν τῷ βιβλίῳ τῆς ζωῆς, *sed tantum qui scripti sunt in libro vitæ*, ubi particula εἰμὴ non est *exceptiva*, quasi scripti in libro vitæ exciperentur ex numero immundorum, qui ingressuri non sunt, quod absurdissimum esse res ipsa clamat; sed est *adversativa*, quæ excludit non includit electos ab isto numero, quo sensu usurpari non rarò in Scriptura clarum est Luc. 4. 26. 27. Gal. 1. 7. Marc. 13. 32. unde lux inferri potest duobus locis vexatissimis Joan. 17. 12. Gal. 2. 16. quibus abutuntur Adversarii, tum ad Sanctorum apostasiam propugnandam, tum ad justificationem per opera cum fide adstruendam; ibi enim particula ista non exceptivè, sed adversativè est intelligenda: Joan. 17. 12. *nemo perit nisi filius perditionis*, id est, *sed tantum*. Gal. 2. 16. *non justificatur homo ex operibus Legis, nisi per fidem Jesu Christi*, id est, *sed tantum* per fidem; Hoc sen-

DISPUT. I. su Joannes dicit neminem ingressurum in civitatem, nisi scriptos in libro vitæ: Ubi duo ista necessariò supponuntur, & *solos* scriptos in hoc libro eò ingredi, & *omnes* & singulos recipi, ut nemo ex non scriptis ingrediatur, & nemo ex scriptis excludatur; hoc autem dici nequaquam posset, si, quod pertendunt Adversarii, quidam ex hoc libro deleri possent, & vitæ ac salute per consequens excidere.

XXIV. Confirmatur id ipsum Tertiò ex promissione, quam Christus dat Victori Apoc. 3. 5. *se non deleturum nomen ejus ex libro vitæ*. Nam cum omnes electi & fideles sint victores in Christo Rom. 8. 38. & 1. Cor. 15. 57. ex eo satis constat, neminem ex hoc libro deletum iri. Dices, negationem istam deletionis non potuisse proponi, ut beneficium aliquod eximium & privilegium singulare, quod sit tamen à Christo, si impossibile foret aliter fieri. Sed facilis est responsio, Christum non ideo deletionem istam in aliis possibilem supponere, sed tantum æternitatem & constantiam istius beneficii velle designare; eodem modo quò 1. 12. ejusdem capitis pollicetur Victori, quòd futurus sit ut *columna in Templo Dei, nec foras amplius sit egressurus*, non quòd aliquis re ipsa egredi possit, sed ut ex ea negatione perpetuitas gloriæ indicetur: Sic Christus ad solatium fidelium suorum, qui perseveraverint in fide & pietate, perseverantiam amoris & benevolentiae divinæ pollicetur. Atque ita antithesim vult institueri inter statum Ecclesiæ militantis, in qua multisemper latent hypocritæ, qui ex canone charitatis videntur in libro vitæ scripti, & ultimo demum die detegendi sunt, & à Sanctis secernendi; Et statum Ecclesiæ triumphantis, quæ nullos nisi veros & genuinos cives, qui in æternum communionem Dei fruuntur, admissura est.

XXV. Denique si quis deleri posset ex Libro vitæ, id fieret; Vel quia Deus non potuit distinguere veros cives à falsis; Vel quia non valeret conferre ipsis præordinatam gratiam. At neutrum dici potest, quia illud summæ Dei sapientiæ & constantiæ repugnat, quasi aliquid ei ex improvise eveniret, propter quod deberet à priori suo consilio resilire; vel quod illi semel placuit postea displiceret. Istud verò potentiæ ejus infinitæ derogat, ac si non posset perficere, quod semel constituit. Dicere hinc *scriptionem* istam esse *conditionatam*, ut vult *Volkelius*, quia nemo in libro vitæ scriptus absque ulla conditione ac prorsus immutabiliter vitæ sit destinatus, quamdiu adhuc vivit & nondum penitus ex omni parte vicit; est petere principium & supponere quod est in questione. Nam licet non negemus possessionem salutis per inscriptionem istam nobis destinatam, esse conditionatam, quia non sine mediis ad finem perducimur, & qui destinatus ad finem destinatus etiam ad media eò ducentia: Negamus tamen, ipsam inscriptionem posse dici conditiona-

tionatam, ita ut conditio quædam illi præcurrat, ex qua, ut dubia & DISPUT.
I. potestativa suspendatur; non modò quia, uti antea diximus, decreta Dei à nulla conditione extra Deum suspendi possunt; sed & quia ipsa conditio, quæcunque tandem illa sit, debet in libro vitæ nobis destinari, nisi in castra Pelagii velimus transire. Ratum ergo maneat & fixum, quod antea probandum susceperamus, neminem è Libro vitæ deleri posse: Ut hic longè potiori jure Deo tribui possit, quod iniquissimus Judex Pilatus de se ipso dicebat, *Quod scripsi, scripsi*. Quò pertinent ista Augustini in Ps. 68. nobis 69. in hæc verba, *deleantur de libro viventium. Fratres, non sic accipere debemus, quod quemquam Deus scribat in libro vitæ & deleat illum, si homo dixit, quod scripsi, scripsi, Deus quemquam scribit & delet? Præsciis est, Prædestinavit omnes ante constitutionem mundi regnatos cum Filio suo in vitam æternam; hos quos conscripsit continet liber vitæ &c.*

XXVI. Sed quia hanc salutis nostræ anchoram labefactare videntur loca jamjam allata, videamus paucis quid illis respondendum sit. Primus locus petitur ex Exod. 32. 32. ubi agitur de *Voto Moysi*, qui quia Exo. 32. 32. cæteris difficilior, paulò accuratius de eo est agendum. Exercuit non parum Interpretes hæc difficultas, quam ut tollerent varia varii commenti sunt, quæ ut parum ad rem facientia commemorare nihil attinet. Quidam ut *Solomo Jarchi* inter Judæos, & ex Pontificiis *Cajetanus* per Librum hunc, non Librum vitæ, sed *Librum Legis*, Vocationis, sive Principatûs intelligendum esse contendunt, ex quo nomen suum deleri petierit Moses, malens memoriam rerum à se gestarum perpetuâ tolli oblivione, quàm totum perdi populum; ac si sensus esset, Si tu non vis parcere, ô Deus, populo propter peccatum, quòd in Legem tuam admisit, Ego nolo amplius in hac Lege nominari, quasi ego hujus promulgationis auctor fuerim, vel saltèm occasionem dederim, cur totus populus deleteretur. Alii ut *Augustinus* quæst. 147. in Exod. & *Gregorius de Valentia* volunt, Mosem ex ingenti familiaritatis divinæ securitate tali Deum ratiocinatione interpellasse. *Aut dimitte eis hanc noxam, aut dele me de libro tuo; sed non delebis me de libro tuo, in quo me indelebili charactere conscripsisti, Dimitte igitur eis hanc noxam.* Alii referunt ad *Librum fæderis*, seu Catalogum Sanctorum & Ecclesiæ in hunc sensum; *Expunge me potius ex albo populi tui, & ex eorum numero, quibus promissiones vitæ fecisti, quàm ut videam totum istum populum exterminari.* Sunt qui velint Mosem hoc turbatum dixisse, non ex ratione, sed ex impetu humane affectionis, infirmitate & impatientia, ut *Hugo de Sancto Victore*. Sed neque ista omnia nodum possunt solvere, & dilutiora videntur, quàm quæ tam flagranti charitati & heroico affectui competant.

XXVII. Bifariam ergò commodius responderi posse censemus,

DISPUT. I. mus, 1. Ut verba Moſis non referantur ad Librum vitæ æternæ, ſeu electionis. Decretum, quaſi æterno exitio ſe devovere voluerit, ſed ad *Librum vitæ præſentis*, qui liber eſt Providentiæ, ut citius obire voluerit, quam totius populi interitum videre, vel ut hac morte ſuâ ſuorum popularium ſalutem redimere voluerit, quaſi diceret; *Satiuſ eſt me mori, quàm totum iſtum populum in ſœdus tuum adſcriptum, & tot miraculis ex Ægypto liberatum, cum perpetua nominis tui ignominia in hoc deſerto perire*; hæc fuit Hieronymi ſententia Qu. 9. ad Algaſiam, dum ait Moſem & Paulum ex charitate erga populum voluiſſe perire non in perpetuum, ſed in præſentiarum, non in ſpiritu, ſed in carne, hoc eſt per mortem corpoream. Ad quem accedit *Euthymius* in Pl. 68. & *Gregorius* in l. 10. mora. cap. 7. Et confirmari poteſt 1. quia Moſes loquitur in genere de *Libro Dei*, non de Librio vitæ, *Dele me*, inquit, *de libro tuo*. 2. quia votum Moſis debet reſpondere comminationi adverſus populum, cùm pœnam ipſi infligendam in ſe transferri cupiat: At comminatio & pœna non alia fuit, quàm eorum interfectio & mors corporea; ut conſtat ex *ſ. 10. Dimitte me ut irascatur furor meus & deleam eos, faciámque te in gentem magnam*, ubi per deletionem, ſtragem ejusnotari repentinam & univerſalem nemo negare poteſt; & ratio evincit, cùm enim in populo non pauci eſſent electi, nemo dixerit Deum mortem æternam illis comminatum fuiſſe; Confirmatur ex *ſ. 34. ubi pœna ipſa inflicta populo proponitur*; Unde Moſes de eodem genere mortis loquens, *dele me*, inquit, *de libro tuo*. 3. Huc facit imprimis, quod ipſe Moſes Num. 11. 15. in ſimili fermè occaſione, & ad eandem mentem ad concupiſcentiæ ſepulchra repetit, *ſi ſic mecum agis, obſecro ut interficias me*, mortem corpoream optans, imò mortem immaturam & violentam, ex ardenti in populum charitate, ut ipſius exitium ſuo interitu redimeret.

XXVIII. Verùm licèt librum iſtum de Librio vitæ intelligeremus; non continuò ſequeretur, quod pertendunt Adverſarii, poſſe quemquam ex eo libro deleri. Quia in precibus & votis non ſemper ea quæ fieri poſſunt, ſed interdum etiam *adſervata* optantur, ut David dum optat mori pro Abſalomo 2. Sam. 18. Chriſtus tranſire calicem Matth. 26. & Paulus fieri anathema pro fratribus Rom. 9. 2. Nec tamen perperam & temerè, quia hoc non fit abſolutè, ſed hypotheticè, ſub aliqua vel tacita, vel expreſſa conditione voluntatis Dei & poſſibilitatis rei. Nec mirum videri debet, ita enim pro objectorum ratione variè ſolent affici Sancti, & aliter loqui, quum ſalutem ſuam aut aliorum, Deive gloriam ſpectant; aliter verò quum Dei Decretum & beneplacitum intuentur. Chriſtus quum attendit ad Judæorum incredulitatem & charitatem ſuam, lachrymatur, & eorum ruinam ſeriò deplorat Luc. 19. 41. *O utinam attenderes ad ea, quæ pacem tuam ſpectant*. At idem quum Patris decretum juſtiſſimum cogitat,

gitat, in eo acquiescens exultat spiritu & gratias illi agit Matt. II. 22. Sic DISPUT. I.
 quum tempore passionis iræ divinæ sibi imminenti pondus gravissimum
 perpendit, & mortem dirissimam, quæ illi impendebat, horrore quodam,
 sed naturali & ἀδιακλήτω correptus, illam deprecatur; *Transseat à me cal-*
lix iste: At quum rursus oculos attollit ad Patris sapientissimum decretum,
 in eo submissè acquiescit, *sed non sicut ego volo, sed sicut tu vis, o Pater.*
 Ita quum Paulus ad Dei consilium æternum de Electione & Reprobatione
 hominum respicit, agnoscit ita esse immutabile, ut nec populum, quem
 præcivit & elegit, rejicere possit, nec quos rejecit, vitâ donare; sed idem
 tamen dum rejectionem fratrum suorum, & gravem illam πῶρωσιν, quæ
 Israël accidebat, attendit, non potest sibi temperare, quin intenso chari-
 tatis ardore optet fieri anathema pro fratribus, & ab ipso Christo quadante-
 nus separari: Idem in Mose observamus; Sanè non ignorabat Moses, ir-
 revocabile esse Dei consilium, & fieri non posse ut vel electus periret, vel
 reprobus salvaretur; sciebat alienum esse ab ipsius justitia insontes cum
 fontibus perdere: Sed quia omnes ejus sensus devinctos quasi tenebat cura
 populi, cujus sciebat curam sibi esse demandatam, nihil aliud ipsi venit in
 mentem eo momento, quàm ut salvus esset populus, & gloria Dei non
 obscuraretur in illius interitu; quæ verò tantæ sollicitudini repugnabant
 tunc non attendit. Nec mirum ita fuisse perplexum, putabat scilicet in-
 teritu electi populi aboleri Dei fidem, & gloriam ejus in hac rejectione mi-
 rum in modum periclitari, putabat fœdus cum ipso initum convelli, &
 grandem Ægyptiis blasphemandi adversus Deum occasionem dari; Quod
 tam ægrè & impatienter fert, ut se ipsum exitio potius devovere velit,
 quàm ut talis blasphemandi ansa hostibus concedatur: Sed ita hæc sunt in-
 telligenda, ut conditio tacita in tali voto & similibus semper sit includenda,
 nimirum si hoc fieri possit, & si ad gloriam Dei conducatur: si quo modo,
 citra culpam ullam, posset utile esse medium ad veniam populo obinend-
 dam. Unde petitio non infert statim *facti possibilitatem*, sed *petentis* expri-
 mit *zelum* & charitatem, & ardorem quendam heroicum & extraordina-
 rium, qui quovis periculo, imò proprio exitio, si fieri posset, redimere
 vellet Dei gloriam & fratrum salutem. Talia autem desideria & vota, licèt
 sint per se inefficacia ad agendum, maximæ tamen solent esse virtutis ad im-
 petrandum; solent enim amici similibus precibus vim quodammodo ami-
 cis facere, & quod volunt extorquere: Ut si filius patri præ cæteris charus
 culpam fratris immorigeri à patre hoc modo deprecetur, & iram ejus pla-
 care tentet, vel ignosce illi, vel me occide, aut exhæreda; scit enim pa-
 rentem quidvis potius, quàm istud facturum.

XXIX. Quia verò non facilè concipi potest, quomodo Mo-
 ses & Paulus potuerint optare æternum suum exitium & separatio-
 nem.

DISPUT. nem à summo Bono, quod videtur pietati & charitati imprimis adversari; Non incommodè distinguunt hic Nostri amicitiam Christi & ejus fructum, seu inter *sanctitatem*, quæ in bono Ethico, & *felicitatem*, quæ in physico versatur: Ut enim in Deo duo hæc præcipuè attendimus, sanctitatem & felicitatem, quæ creaturæ, quam ad se vocat, pro modulo communicantur; Ita in Dei amissione duo sunt, *carentia sanctitatis*, per quam Deo adhæremus, & *carentia felicitatis*, in qua ipso fruimur, quæ etsi in reprobis conjungantur, in aliis tamen possunt separari, ut sit privatio felicitatis sine privatione sanctitatis; Ut Christus derelictus dicitur à Deo quoad prius, nimirum gloriæ communicationem & gaudii influxum; licèt nunquam ab eo separatus sit quoad sanctitatis participationem & virtutis influxum, quoad *affectionem commodi*, sed non *affectionem justitiæ*. Idem de Mose & Paulo dicere possumus, eos non optasse sanctitatis privationem, vel amicitiae suæ cum Deo dissolutionem, quia hoc optare, non tam Deo esset ingratum, quàm petentibus impium; sed eos potius loqui de amicitiae istius fructibus & felicitatis sensu, ut significant se libentiùs carituros Dei conspectu, gaudio ac suavitate, quæ inde oritur, quàm ut totus populus periret; Non optant esse Dei ocores, sed vindictæ objecta; Volunt perire, non ut Dei inimici, sed ut fratrum Servatores, si modò id ex rei natura, & per Dei consilium fieri posset, cui se Sancti in precibus & votis suis semper subicere debent cum Christo. Ut hæc similes enunciationes conditionatè & hypotheticè semper, non absolutè sint intelligendæ.

XXX. Sed hæc reget statim aliquis: Licèt conditio in voto Mosis subintelligeretur, non tolli tamen difficultatem; Quia Deus Mosis respondens absolutè loquitur, & non tantum rem posse fieri; sed revera futuram denunciat. *Exo. 32. 33. Eum qui mihi peccaverit, delebo nomen ejus de Libro quem scripsi.* R. I. Si de morte corporea locum intelligamus, sublata erit omnis difficultas, quia nemo negat multos sæpe è vivis tolli, & de numero viventium deleri justo Dei judicio. 2. Sed si de æterna loquimur, non magis astringitur rei possibilitas; quia ut Mosis votum fuerat conditionatum, si per impossibile id fieri posset; ita Deus respondet sub eadem tacita conditione, quod si fieri res posset, Moses tamen non foret delendus, repugnante non modò constantiâ, sed etiam justitiâ divinâ, quæ non pateretur eum deleri, qui foret extra noxam, sed postularet reum ipsum plecti; loquitur ergo Deus de eo quod ex jure debuisset fieri, non verò de eo quod facturus esset re ipsa, aliàs delendi fuissent quotquot peccaverant, tam reprobi, quàm electi, quod non factum tamen. Unde bene colligas, Justitiam Dei requirere, ut nocens plectatur non insons, sed non statim rem erga singulos executioni mandari; Ita Dominus corrigit votum Mosis, non irascendo ipsi pro talibus

talibus precibus, quas utut præcipitantius paulò effusas, noverat tamen ex DISPUT.
 charitatis quodam excessu proficisci, sed benignè eum reprimi, & iudicii I.
 sui æquitatem commendat, quod tamen non excludit misericordiæ veritatem, quam in venia populo concessa luculenter demonstravit.

XXXI. Quamvis ergo votum hoc Moses impleri non potuerit, non putandum tamen inane fuisse, quia non tam attenditur rei eventus, quàm demonstratio hyperboles seu excessus charitatis, qui solet ferri ad impossibilia, quia in iis quæ fieri possunt nihil satisfacit. Unde locutio hyperbolica adhibetur, in qua non tam quod dicitur, quàm quod intelligitur spectandum est; nec tam quod reipsa fieri potest, quàm ut quæ sub eo sunt maximè ardua, sed possibilia tamen, universa intelligantur. Ut ergo Moses ostendat nihil se posse gravius ac intolerabilius experiri calamitate populi sui, rem sibi durissimam adducit, quæ fieri non poterat, non ut illam, sed per illam quicquid in rerum natura dici vel cogitari poterat maximè horrendum, designaret. Unde non magis vexandum est quod optat Moses, vel Paulus, quàm quod Paulus ipse dicit de Galatis cap. 4. *Eruissetis oculos vestros*, non quasi putasset erui posse oculos, sed ut innuat tantum, nihil sibi esse adeò charum, cujus iacturam ultro non fecissent illius gratiâ. Sic Moses optat deleri nomen suum de libro Vitæ, & Paulus anathema fieri à Christo, non quòd hoc propriè vellent, quod fieri neutiquam posse non ignorabant; sed ut ostendant nihil se recusare, quò Deus placeretur populo suo, & nihil sibi magis esse in votis quàm populi salutem. Cæterum si quæratur cur Moses hac locutione mentem suam exprefferit, potius quàm aliâ quâpiam, responderi potest loquutum esse ex *occasione*, & pro re nata, respectu habito ad ea quæ præcesserant, Dominus dixerat Mosi, *Dimitte me, ut accensâ irâ consumam eos, & delebo nomen eorum sub cælis* Deut. 9. 14. Ideo Moses ad ea verba alludendo respondet, & petit in populi salutem, non modò deleri nomen suum sub cælis, sed etiam de libro quem in cælis scripserat. Idem de Pauli voto dici potest, dixerat sub finem capit. 8. nihil esse vel in cælo, vel in terrâ, vel in inferis, quod ipsum ab amore Dei in Christo *separare* posset. Jam ut excessum amoris sui erga Judæos fratres suos secundum carnem, & intimum dolorem, quò afficiebatur ob eorum exitium, testetur, profitetur se optare fieri anathema à Christo, id est, *separari* ab ipso, si tamen fieri posset, & ita se animatum esse, ut eorum salutem exitio suo redemptam vellet, & ne separarentur à Christo, se ab ipso separari.

XXXII. Secundus qui obijcitur locus, petitur ex Ps. 69. 29. Ps. 69. 29. Ubi Psaltes inter alia, quæ hostibus Ecclesiæ & suis imprecatur, hoc etiam addit. *Deleantur de libro viventium, & cum iustis non scribantur.* quod utique dicere non potuisset, nisi agnovisset quosdam

DISPUT.
I.

ex tali libro deleri posse. R. Possēt hoc quidem commodē referri cum quibusdam ad exitium temporale & mortem corpoream, ut per librum viventium intelligatur liber vitæ præsentis, & per librum Catalogus fidelium, qui profitentes Dei nomen, censebantur ex canone charitatis mortui in gratia Dei; Verū licet hæc oratio ulteriùs extenderetur usque ad exitium æternum, ne sic quidem quicquam faceret pro Adversariis; Duplex enim *deletio* distinguenda, alia *positiva & realis*, alia verò *negativa* tantū & *apparens*. Illa, quā reipsa expunguntur, qui antea scripti fuerant; Ista, quā declaratur aliquem nunquam inscriptum fuisse, & quā habetur eo loco ac si deletus esset, quum patefit ipso eventu non esse inscriptum. Prior est absolute impossibilis; Posterior sæpe datur respectu hypocritarum & *προσκαίγων*, quando Deus larvam illis detrahit, & è Corpore externo Ecclesiæ abdicat; sic enim detrahendo illis signacula vocationis, & prærogativas fœderis externi quibus gloriabantur, ostendit nunquam verè fuisse electos, nec ad Ecclesiæ Corpus mysticum pertinere, etsi ad tempus locum inter fideles occupaverint, & tales vel secundum gloriationem suam, vel juxta opinionem aliorum habiti sint. Ita David hic spiritu prophetico actus, non tam preces concipit adversus Ecclesiæ hostes, quàm oracula fundit de eorum interitu, dum vult ut tales, qui se jactabant Ecclesiæ membra, & videbantur albo fidelium inscripti, detractâ larvâ ex Ecclesia ejiciantur & refecentur, ut appareat eos, licet domesticis permixti fuerint, reipsa tamen extraneos fuisse & nunquam fidelium albo verè inscriptos; Hanc autem esse mentem Psal-
tis probari potest 1. ex verbis sequentibus, quæ exegeticè adduntur; *Et cum justis non scribantur*; nam ut in Psalmis passim occurrit, ut posterior pars versûs sit prioris exegesis, & idem aliis terminis dicatur, idem hic observatur; quod figuratè & tropicè dixerat Ps. de deletionē, jam propriâ locutione explicat, quum dicit, non scribantur, ut innuat deleri nihil aliud esse, quàm *non scribi*. 2. ex loco parallelo antea citato Ezech. 13. 9. Ubi eandem pœnam Pseudopropheta denuncians, eam negativè effert, *non scribantur in catalogo domus Israël*, &c. 3. ex oraculi istius complemento, quod in N. Testamento partim ad Judam proditorem Act. 1. 20. partim ad obstinatos Christi hostes refertur Rom. 11. 8. 9. cum enim constet ex ipsius Christi declaratione, eos fuisse reprobos & filios perditionis, jam olim æterno exitio devotos, ex eo facile patet non posse dici verè inscriptos unquam fuisse, nisi scribi ad damnationem, & scribi ad vitam, unum idemque esse dicere velimus, quod *ἀκούσας*.

Act. 1. 20.

Rom. 11.

8. 9.

XXXIII. Sic exponit August. in h. l. *Deleantur de libro viventium, & cum justis non scribantur*, fratres non sic accipere debemus, quòd quemquam Deus scribat in libro vitæ & deleat illum, si homo dixit, quod scripsi, scripsi, de titulo ubi scriptum erat Rex
Judæo.

Judaorum, Deus quemquam scribit & delet? Præsciis est, prædestinavit omnes ante constitutionem mundi regnatos cum Filio suo in vitâ aternâ, hos quos conscripsit, ipsos continet liber vitæ; Et paulò post, Isti ergo quomodo inde delentur, ubi nunquam scripti sunt? Hoc dictum est secundum spem ipsorum, quia ibi se scriptos putabant. Quid est deleantur de libro vitæ? Ut ipsis constet non illos ibi esse &c. Nam versus qui sequitur exponit quod dictum est, Et cum iustis non scribantur. Dixit ergo deleantur secundum spem ipsorum, secundam autem aequitatem tuam quid dico? non scribantur, &c. Ex quibus constat deletionem ipsi nihil aliud esse, quàm manifestationem non inscriptionis, seu negationem scriptionis. Si quæras, Cur Scriptura hoc verbo delendi utatur, si nunquam scripti fuerunt? R. hoc ideo fieri, quia non semper ex rei veritate, sed ad hominem κατὰ δόξαν loquitur juxta vanam hypocritarum præsumptionem, vel aliorum opinionem, quomodo Matt. 9. 12. Pharisei vocantur sani, qui non egent medicò, non quod tales essent, sed quod tales se jactarent Luc. 18. 9. Ita Matt. 13. 12. Illi qui nihil habet, etiam quod habet ab eo auferetur, quomodo si nihil habet? id est, interprete Lucâ c. 8. 18. Etiam quod videtur habere. Sic deleri dicuntur, quia vel sibi vel aliis inscripti videbantur. Atque hîc observandum, quod ut Ecclesia distingui solet juxta duplicem χεῖρ, vel ut est visibilis Vocatorum, vel invisibilis Prædestinatorum; Ita duplex potest dici Liber, cui homines inscribuntur, Liber vocationis externæ, in quo conscribuntur quotquot externè vocantur, & in Ecclesiam visibilem recipiuntur, & Liber Prædestinationis aternæ, in quo Deus inscribit qui sunt; Illius scriptio est externa & apparens, quæ fit coram hominibus quoad professionem externam & ex judicio charitatis. Istius verò interna & realis in Dei decreto ex rei veritate; Huic duplici inscriptioni duplex opponitur deletio. Alia vera & realis æternæ inscriptionis: Alia externa tantum fucata & temporariæ; Ista potest dari & sæpe datur; Illa verò nunquam; pari planè pacto, quò Christus Joan. 15. 2. ait omnem palmitem in se non ferentem fructus tollere, non quod verè unquam talis Christo insitus fuerit, sed quia ita videbatur: Nimirum ut duplex potest esse insitio, alia externæ professionis, qualis est hypocritarum & temporariorum, alia internæ communionis, qualis est verorum fidelium: Ita duplex datur refectio, alia ab internâ communionem Corporis mystici Christi, quæ est impossibilis, alia ab externâ possessione, quæ quotidie fieri solet ab iis, qui vel sponte recedunt ab Ecclesiâ, & naufragium fidei faciunt, vel qui iusto Dei judicio ex eâ ejiciuntur.

XXXIV. Ex quibus facilè colligitur quid respondendum sit ad tertium locum ductum ex comminatione Prophetica Apocal. 22. 19. Si quis auferet ex verbis hujus Prophetiæ, Deus auferet partem ejus ex Libro

DISPUT. *vitæ.* Præterquàm quòd enim propositio est conditionalis, non absoluta, si quis abstulerit, Conditio autem illa non cadat in scriptos per gratiam electionis 1. Joan. 3.9. Certum est deletionem non esse intelligendam *positivam*, quæ supponit præcedentem inscriptionem, sed *negativam*, quæ negat omnem scriptionem, ut deleri sit notum facere quòd nunquam scripti fuerint, nec ullam partem proinde sint habituri in istâ vitâ; & hoc non obscurè patet à pari, quum dicitur *pars auferenda ex sanctâ Civitate*, non quam habuerant vel habituri erant, sed ne ullam habeant. Ita Deus ut æquitatem iudicii sui commendet, docet, quomodo pœna respondere debeat peccato, ut alibi non semel fieri solet; Nam falsariis & corruptoribus, qui librum hunc adulterare voluerint per *additionem*, Deus *addet* & superimponet plagas omnes istius libri: Aliis verò impostoribus, qui per *detractionem* librum hunc mutilaverint, *detrahet* partem e libro vitæ, Si quis adjecerit ad verba Prophetiæ hujus, imponet ei plagas omnes hujus libri, si quis verò abstulerit ex verbis libri hujus Prophetiæ, auferet Deus partem ejus ex Libro vitæ, &c. Non quam re ipsâ habebat, sed quam putabat, vel gloriabatur se habere, & quam alii ex professione ejus externa iudicio charitatis ad ipsum pertinere existimabant.

An & unde constare possit nos esse libro vitæ inscriptos?

XXXV. Superest Tertia & postrema Quæstio breviter expedienda, *An & Unde nobis constet, nos Libro vitæ esse inscriptos?* Ad quam, ut duo sunt ejus membra, distinctè etiam respondendum est; Ad prius, ratio dubitandi ex eo oritur; Quòd cum electio, quæ per Librum vitæ designatur, penès Deum maneat abscondita instar libri septem sigillis obsegnati, vel non possit nisi eventu ipso certò cognosci, non secus ac cætera Dei Decreta; non videtur de ea cuiquam mortalium constare posse. Hinc Pontificii & alii, qui certitudinem gratiæ subjectivam non minùs ac objectivam impugnant, negant quemquam sine speciali revelatione posse aut debere certum esse, certitudine fidei divinæ, cui non possit subesse falsum, sibi remissa esse peccata, & se esse in gratiâ Dei, & si quæ certitudo habetur, esse tantùm moralem & conjecturalem, quæ non sit absque dubitatione & hæsitantiâ. Vide *Bell. lib. 3. de Justif. c. 2.*

Apoc. 5. 5.

XXXVI. Verùm longè alia mens est Orthodoxorum, qui Scripturam ducem hîc sequuntur; Quamvis enim non diffiteantur Librum hunc septem sigillis obsegnatum à nemine vel Angelorum vel hominum aperiri posse; sciunt tamen repertum esse Leonem de Tribu Juda, Agnum Dei, qui vicit, ad aperiendum Librum, Christum scilicet *θεῶν ὁ γένων*, qui ut plenissimam ejus notitiam habet; Ita Jus & munus obtinuit suis illum, quantum necesse est, revelandi. *Apocal. 5. 5.* Licet etiam concedant cognitionem illam non semper haberi; vel eodem gradu & tenore in Actum exire; Agnoscunt tamen haberi posse citra specialem revelationem,

tionem, ita ut fidelis possit aliquando, & debeat certò statuere, se ad vi- DISPUT.
 tam æternam esse electum & in gratia constitutum. Nec rationes variæ de- 1.
 sunt, quibus hæc sententia confirmetur. 1. Quia ea est indoles gratiæ Dei,
 ut non tantum bona nobis largiri velit; sed & sensum & notitiam eorum
 nobis imprimere, aliàs nec de iis gratias agere, nec iis cum solatio frui
 possemus, quod utrumque tamen facere tenemur, hinc Paulus 1. Cor. 2. 1. Cor. 2. 12.
 12. testatur nos Spiritum à Deo accepisse; ut cognoscamus ea quæ nobis data
 sunt à Deo. 2. Quia fideles possunt scire se esse filios Dei, Ergo & electos
 & libro vitæ adscriptos; Nemo adoptionem hanc obtinere potest nisi ex
 electione; Idem Spiritus testatur cum spiritu nostro, nos esse Filios Dei,
 Rom. 8. 16. 3. Quia possunt scire se habere vitam æternam, Hæc scripsi Rom. 8. 16.
 vobis credentibus in nomen Filii Dei, ut sciatis vos habere vitam æternam,
 & ut credatis in nomen Filii Dei, inquit Joan. 1æ. c. 5. 13. Unde au- 1. Jo. 5. 13.
 tem vita æterna nisi ex Libro vitæ? 4. Quia possunt scire se credere, dum
 fides actu reflexo fertur in suam apprehensionem, Novi cui crediderim, in-
 quit Paulus 2. Tim. 1. 12. Nos credidimus & novimus te esse Christum Filium 2. Tim. 1. 12
 Dei, inquit discipuli Joan. 6. 59. Et Joan. cap. 2. 1æ. 5. γινώσκουσιν ὅτι Joan. 6. 59.
 ἐγνώκαμεν αὐτὸν cognoscimus quod novimus ipsum. At fides est ex voca- 1. Jo. 2. 5.
 tione, vocatio ex Prædestinatione, unde qui novit se credere, nosse
 etiam debet se esse electum.

XXXVII. 5. Huc facit imprimis calculus ille albus, quem se daturum
 Victori pollicetur Christus, in quo nomen novum inscribendum est, quod
 nemo novit nisi qui accepit, Apoc. 2. 17. Nam sive calculus albus respiciat ad Apoc. 2. 17.
 judiciorum morem, in quibus calculo albo reus absolvebatur, atro verò
 & nigro condemnabatur, quò pertinent illa Ovid. Metamorphos. 15.

*Mos erat Antiquis, niveis airisque Capillis,
 His damnare reos, illis absolvere culpa.*

Unde mos notandi felices dies albo lapillo videtur manasse; Et ita fide-
 lium absolutio coram Deo designatur, de qua Christus Joan. 5. 24. Sive
 alludat ad Comitæ Veterum, in quibus, ut observat Erasmus, nomen
 ejus, cui favebatur, calculo inscribatur, ut ita dignitas filiorum Dei
 indicetur, qui Reges & Sacerdotes Deo fiunt, Apoc. 1. 5. Sive deni-
 que ad Certamina solemnia Græcorum respiciat, in quibus, si Arethæ
 credendum est, Vincentibus calculus albus in signum victoriæ dabatur,
 ut hac ratione gloria & triumphus fidei victricis adumbretur. Certum
 est quocunque modo sumatur Nomen illud novum, quod isti calculo
 inscribendum dicitur, (quod non aliud potest esse, quàm nomen gloriosum 1s. 56. 5.
 filii Dei & regni cælorum hæredis, quod II. 56. 5. dicitur nomen me- 1. Jo. 3. 1.
 lius quàm filiorum & filiarum, de quo I. Joan. cap. 3. 1. Apocal. 22. Apoc. 22. 45.
& 3. 12.

DISPUT. 45. & 3. 12.) cognitum esse recipienti, licet alios lateat: Sed hoc perpetuum & falsò diceretur, si nec adoptio nec electio cuiquam fidelium cognita esse posset. Quamvis enim non diffiteamur perfectum istius promissionis complementum futuræ vitæ reservari, in qua absoluto cursu nostro & decertato bono certamine, absolvendi sumus à Christo, & regni cælorum hæreditatem & coronam vitæ, ut victoriæ nostræ *βραβεῖον*, accepturi; Non negandum tamen est in hac vita, in qua fideles per gratiam Dei non modò incipiunt vincere, sed etiam *ὑπερνικῶσι*, Rom. 8. 34. ad eorum solatium jam inchoari, quum intimatur in cordibus ipsorum sententia Christi absolutoria, & adoptio in iis per Spiritum obsignatur, Rom. 8. 16. Gal 4. 6.

XXXVIII. 6. Idem etiam evincunt *πληροφορία*, *πεποίθις*, *καύχσις*, *εἰρήνη*, *χαρὰ ἀνεκλάλητος* & similia, quæ fidelibus passim tribuuntur, Quo pacto enim pacem habere possent apud Deum, vel gloriari in ipso, vel exultare gaudio ineffabili & glorioso; Quâ ratione fiducia illa & plena certioratio, per quam ad thronum gratiæ *μετὰ παρρησίας* accedunt, in ipsis daretur, si perpetuo metu & dubitatione agitarentur; nec nisi conjecturalem & incertam opinionem gratiæ Dei possent consequi? Ad specialem revelationem hîc confugere, quasi persuasio illa paucorum quorundam & supra communem fidelium sortem electorum privilegium fuerit, non verò omnium; Est vim Spiritus & naturam veræ fidei ignorare, quæ eadem effecta in omnibus, licet in dispari gradu producere debet, unde dotes illæ, non ut quibusdam propriæ, sed ut omnibus communes, proponuntur, quarum fundamenta & principia communia sibi cum fidelibus aliis testatur Apostolus Rom. 8. 31. 32. 33. 34. nimirum, Dei electionem, vocationem, & justificationem, Christi mortem, resurrectionem, & intercessionem, &c.

XXXIX. Quamvis autem certitudinem illam haberi posse credamus, non existimamus tamen eam semper & ubique in actum exire, vel exire eodem gradu. Principium quidem istius certitudinis in fidei esse semper non dubitamus, sed non pariter actum. Nam per incursum tentationum gravissimè concussa fides hunc effectum edere nequit: Ita si in grave aliquod peccatum prolapsus sit fidelis, & in eo hæreat; tantum abest ut pro tunc hunc actum elicere queat, ut potius succedat actualis metus contrarii, & videatur nubes imò abyssi interjecta inter Deum & hominem, quæ irradiationem Spiritus intercipit, & sensum gratiæ tollit. Hinc tristes illæ fidelium querelæ, ut Pauli, *Miser ego, quis me liberabit ab hoc corpore mortis?* Rom. 7. 23. Pf. 77. 11. & Davidis qui queritur dextram Excelsi esse mutatam, Psalm. 77. 11. Id verò præsertim in gravioribus sceleribus contingit, dum enim in iis volutatur peccator, Spiritu auferente divinæ consolationis lumen, actualis ista persuasio videtur planè tolli, solatium omne spirituale intercludi, & divini

divini vultûs lumen abscondi; maximè si surgant altiùs tentationum fluctus, & conscientiam onere suo pressam etiam vulnerent ignita Diaboli tela; tunc enim non modò suavis hæc persuasio exulat; sed contraria prorsus videtur succedere, quâ fideles turbati Deum ut iratum sibi apprehendunt, & ad ipsas Orci portas delati sibi videntur, hinc illa Davidis Psal. 31. *Pf. 31. 32. dixi in excessu mentis mea, projectus sum à facie oculorum tuorum, &c.* Ut ergo persuasio illa in actum exire queat, necessariò in fideli adesse debet sanctitatis studium, & usus mediorum omnium à Deo decretorum ad salutem consequendam; Quia in illa tantùm via ambulantibus, & media instituta sequentibus, promissiones suas dedit; ibi sunt *γυμνάσματα* & argumenta indubitata electionis & justificationis. Unde Apostolus non modò pronunciat nullam esse condemnationem iis, qui sunt in Christo, sed ut verus eorum character designetur, addit, *qui non ambulant secundum carnem, sed secundum Spiritum*, quò pertinent etiam illa 1. Joan. cap. 2. v. 5. *Ex eo 1. Joan. 2. 5. cognoscimus, quod ipsum novimus, si mandata ejus servamus.* Hinc patet sine sanctificationis studio nullam dari posse actualem vel de gratia vel de gloria persuasionem: Tantùm abest ut verus hujusce fiduciæ actus possit stare cum actuali & directo peccandi proposito, quod profani vellent, securitati & licentiæ vela temerè laxando.

XL. Hinc etiam non obscurè colligitur, Persuasionem istam non semper eodem gradu eodemque tenore in fidelibus omnibus, imò & in eodem fideli in actum exire; Nam cum sanctificationem semper comitem habeat, imò ex ea quodammodo oriatur & in ea fundetur, pro minore vel majore mensura sanctificationis, major vel minor esse debet, & vel crescere, vel minui. Hinc modò sentitur fortis & vivida, modò tenuis & languida, prout vel fides & pietas in nobis vel augentur vel debilitantur & languent, vel prout tentationum fluctus hanc fidei ancoram plus vel minus impetunt. Ut hîc imprimis distinguendus veniat duplex fidelis status, *Vel Tentationis & luctæ, Vel Victoriæ & Triumphi.* Prior in quo pugnat & manus cum hoste conferit; Posterior quo eluctatur ex Tentatione, & de hoste victo triumphat; Nam in illo fidelis timet & percellitur, In isto confidit & roboratur; In illo David mœstus exclamat: *Deus mi Deus mi, quare me dereliquisti? & projectus sum à facie tua.* In isto Idem lætus & de exitu securus triumphat: *Posui Dominum ante oculos, Quia est à dextris meis ideo non movebor. Ideo cor gavisum est, & gloria mea exultat* Ps. 16. 8. 9. *Pf. 16. 8. 9.* In illo Paulus queritur se carnalem & venundatum esse sub peccato; In isto se Victorem agnoscit, & Deo liberatori suo gratias agit Rom. 7. *Rom. 7. 24. 25. 1. Cor. 15. 55. 57.* Non ergo ii sumus, ut Adversarii perperam nobis affingunt, qui velimus persuasionem istam eum habere certitudinis gradum, qui omnem contrarii formidinem perpetuò excludat, sed qui eam

DISPUT. I. eam tandem superet & vincat. Nam licet ad tempus actus iste possit in fidelibus intercipi, & sensus tum electionis præteritæ tum gloriæ futuræ sopiri, non potest tamen penitus vel amitti vel extinguī, ita ut ad semper ab iis auferatur; Eluctatur enim tandem certò ex illa tentationum abyssio anima fidelis ex Dei eligentis & erigentis gratiâ, & gaudium salutis amissum restitui sibi petit, & de restituto lætatur, ut exultent ossa antè contrita

Pf. 51. 10. 14. Sic fidelis procellis & tempestate jactatus suavius in portu salutis quietem gustat & percipit, & confirmator ac latior à tentatione reddit. Unde concludimus, etsi cognitio illa & persuasio non semper possit esse in omnibus, neminem tamen verum fidelem esse, qui illius sensu tandem, vel citiùs, vel tardiùs, non perfundatur ad Dei gloriam & proprium solatium.

XL I. Hoc ergo semel posito, inquirendum superest, Unde cognitio illa haberi queat, Quod eò difficilius videtur, quòd cum Liber iste vitæ penès Deum clausus maneat & obsignatus 2. Timot. 2. 19. nec plenè aperiendus sit ante ultimum diem Apoc. 20. 12. non videtur faciliè dici posse, quâ ratione in ejus cognitionem devenire possimus; Quid enim, an cœlos ipsos conscendere necesse erit, ut Librum istum evolvam, & nomina nostra illi inscripta legamus? An scrutanda nobis erunt Dei arcana, quæ Deus sibi soli servavit, Deut. 29. & quæ venerabundos submissè admirari decet, non curiosâ & sacrilegâ temeritate rimari? An postulanda vel expectanda erit cœlitus extraordinaria quædam revelatio, quæ hoc mysterium nobis pandat, quæque de Electione nostra certos nos & securos reddat? Frustrà sanè essemus, si tale quid vel cogitare vellemus, vel aggredi. *Quis enim novit mentem Domini, aut quis fuit ei à consiliis? nonne inscrutabilia sunt ejus judicia & impervestigabiles viæ?* Ut ad oram istius abyssi exclamare debeamus cum Paulo, ὁ βᾶθος πλάτης τῆ σοφίας καὶ τῆ γνώσεως τῶ θεοῦ Rom. 11. 33. 34. nota sunt illi ab ævo opera sua Act. 15. 18. quia ea videt & legit in decreto, sed quis mortalium hanc sibi notitiam arrogare præsumat, quam soli sibi servavit? Novit ille qui sui sint 2. Tim. 2. 19. sed quis præter Deum, nisi ipso revelante eò assurgere valeat?

XLII. Hoc tamen non obstat, quominus dicamus cognitionem illam haberi posse, non quidem à priori & antecedenter, sed à posteriori & consequenter, Non in causas Electionis inquirendo, quod impium, sed in effecta & signa animadvertendo, quod concessum; Non in cœlum assurgendo, sed in nos descendendo; Non Librum vitævolvendo, qui omnes præter Deum solum latet, sed Librum Euangelii, cum Libro conscientia legendo, qui cuivis fidelium seriò attendenti patent; Non mentis divinæ sacrarium temerando; sed regenerationem cordis sedulò observando;

do: Nimirum ut in negotio salutis diximus nolle Deum bona sua nobis esse ignota, ideo non vult præcipuum omnium bonorum fundamentum, à quo solatium omne nostrum pendet, electionem scilicet, nos latere. Hinc fit ut quemadmodum Pater vicem sustinet summi Judicis, pro tribunali sententiam absolutoriam de nobis ferentis. Filius Vadis & Sponsoris, qui pro nobis satisfacit; Ita Spiritus Sanctus fit velut Cancellarius cœlestis, si fas ita loqui, qui in nobis Electionis & Justificationis apographum exscribit & insinuat; Ad eò ut conscientia sit instar speculi vel cœli cujusdam, in quo exarata videmus & descripta legere possumus, quæcunque à Patre in nostri gratiam decreta sunt; Non secus ac in conscientia impiorum scribitur Legis sententia terribilis, quæ eos accusat & damnat. Sic optimè libri isti duo sibi invicem respondent *Liber Vitæ*, & *Liber Conscientiæ*. In illo sententia absolutoria scribitur per decretum; In isto eadem exscribitur per Spiritus Sancti impressionem.

XLIII. Si verò quæritur ulterius, Quomodo Spiritus Sanctus apographum illud in cordibus nostris exscribat? R. duplici scripturâ uti, alterâ quæ *remissionem peccatorum* obsignet, alterâ quæ *renovationem* cordis imprimat: Cum enim fœdus gratiæ, quod ex Libro Vitæ pendet duabus partibus absolvatur, promissione beneficii à parte Dei, & stipulatione officii à parte nostri; Ut Deus non recordetur peccatorum nostrorum amplius, & Legem inscribat in cordibus nostris Jer. 31. Ad utrumque duplici operatione Spiritus opus fuit, 1. *Consolatione*, 2. *Sanctificatione*, quæ & promissionem gratiæ in nobis obsignaret, & Legem scribendo in nobis, fidelitatem obedientiæ nobis ingeneraret. Hinc vocatur *Spiritus gratiæ & precum* Zach. 12. 10. *gratiæ* à parte Dei, quia eam obsignat, *precum* à parte nostri, quia ad eas nos excitat; & Rom. 8. 15. 16. Idem Spiritus, qui *testatur nos esse filios Dei*, per promissionum divinarum applicationem in cor nostrum descendendo, *facit ut clamemus Abba Pater*, ascendendo ad Deum per gemitus ineffabiles: Sed eò præcipuè respicit eximius locus Pauli 2. Tim. 2. 19. ubi dicit fundamentum Dei, quod electionem necessariò includit, duplici veluti sigillo munitum & obsignatum esse, inde à parte Dei amore & custodia ejus, quia *Deus novit qui sui sunt*, hinc verò studio pietatis & sanctificationis à parte nostri, *Recedat ab iniquitate qui invocat nomen Christi*, Isthis enim duobus argumentis & characteribus Spiritus Sanctus in nobis electionis nostræ certitudinem imprimit; Tum nos solando recordatione amoris & benevolentiae Dei paternæ, quæ nunquam nos deserit; Tum nos sanctificando per recessum ab iniquitate & pietatis studium: Ubicunque enim adest, tum sensus amoris divini, & pax & gaudium inde efflorescens, tum

DISPUT. I. bonorum operum studium; ibi indubitata electionis & justificationis occurrunt *ὑποτίσματα*; Nihil enim tale in reprobo unquam esse potest. At-
 Apo. 13. 8. que eò respicit quod Apoc. 13. 8. omnes incolæ terræ dicuntur adoraturi bestiam, præter inscriptos in Libro Vitæ, quod argumento est, tales non consensuros in hoc peccatum, & sancta hac apostasia, vitæque puræ & intaminatæ studio tanquam indubitato testimonio agnoscendos.

2. Pet. 2. 10. XLIV. Huc facit quod Petrus cap. 1. 2. v. 10. jubet fideles *Vocationem & Electionem suam firmare*, scilicet per bona opera, non respectu sui & à parte rei, siquidem utraque *ἀμεταμέλητος* est, & immutabilis; sed ratione sensus & à parte nostri. Mirum enim quantum bona opera ad id conferunt, sive ut effecta, quæ causam arguunt, sive ut fructus, qui arborem indicant, sive ut sigilla & characteres, qui imaginem Patris cœlestis, à quo vocamur, exprimunt, sive ut media, quæ ad salutem, ad quam destinamur, infallibiliter nos ducunt. Quatuor enim hisce modis bona opera hanc certitudinem confirmare possunt, vel ut *Electionis effecta*, quia ab ea pendent & ordinantur, Act. 13. 48. Rom. 8. 30. Eph. 1. 4. 1. Pet. 1. 1. vel ut *Vocationis sigilla*, quibus ea in nobis obsignatur 2. Cor. 1. 21. 22. 1. Pet. 1. 15. & 2. 9. vel ut *fidei & Justificationis fructus*, qui ex ea oriuntur, Rom. 5. 1. Gal. 5. 6. Rom. 6. 1. 2. vel ut *salutis media*, quæ ad eam tendunt Eph. 2. 10. Matt. 5. 8. Heb. 12. 14. Nam si effectum causam suam necessario prodit, & fructus arborem, si medium cum fine est connexum, & character prototypi sui refert imaginem, Quis dubitare queat, si hæc in seipso verè deprehendat fidelis, quin & se jam electum, vocatum & justificatum fuisse, & tandem certissimè salvandum colligat?

XLV. Sed nullum certius & magis indubitatum potest esse istius veritatis argumentum & *τεκμήριον*, quàm ipsa *conformitas* & similitudo, quæ nobis cum Deo intercedit. Nam cum Electio & Vocatio non aliò tendant, quàm ad nostri cum Deo communionem, & ex ea similitudinem & transformationem 1. Joan. 3. 2. Col. 3. 4. 2. Cor. 1. 2. 18. Pf. 17. 15. non aliunde clariùs utraque poterit demonstrari, quàm si conformitatis istius radios & characteres in nobis deprehendere valeamus, ut id ipsum erga Deum præstemus, quod Deus erga nos. Sic ergo scire cupis, An Deus te elegerit ab æterno? Respice An tu in tempore Deum seriò eligas in Deum tuum, ut deinceps solus ille sit hæreditas, pars tua & summum bonum, quotquot enim eligit Deus in suos, illi vicissim Deum eligunt, & illi constanter adhærent. Vis nosse, An te vocaverit? Attende, an illum ex animo invoces; nam voci divinæ, quæ te ut filium vocat; vocem humanam respondere necesse est, quæ ad illum
 Rom. 8. 15. ut Patrem confugiat Rom. 8. 15. Hofe. 2. 20. Quæris, An Deus te præ-
 Hof. 2. 20. cognoverit & dilexerit in consilio? Vide an eum cognoscas & diligas in animo-

animo; Amor enim amorem parit, & flamma flammam accendit 1. Joan. DISPUT.
 4. 10. 11. Peris an misericordiam sis consecutus & remissionem peccato-
 rum? Inquire an ipse misericordiæ visceribus sis indutus, & aliis condo-
 nare paratus sis, quicquid in te peccaverint; nam si characterem istius vir-
 tutis possides, & ipsum effectum consecutum te esse certò statuere debes
 Col. 3. 10. Uno verbo si vis certò cognoscere, an nomen tuum in Libro Col. 3. 10.
 Vitæ scriptum sit; Expende an nomen Dei & Lex ejus in corde tuo sit in-
 sculpta ad eum colendum & amandum; hæc enim talia sunt, ut se necessa-
 riò comitentur, nec à se invicem divelli unquam possint aut debeant.

XLVI. Tantùm abest ergo, ut hæc certitudo securitatis sit mater, vel
 obstetrix licentiæ, quod falsissimè nobis opponunt Adversarii; Ut nullum
 fortius dari possit ad pietatem & sanctimoniam incentivum, quàm sensus
 vividus amoris Dei, & eorum quæ nobis gratificatus est; Quando seriò
 reputat anima fidelis, non esse divellenda, quæ Deus conjunxit, *promissa*
 & *præcepta*, *beneficia Dei* & *officia nostra*, *finem* & *usum mediorum* ad
 eum; nec ullum dari locum illis nisi cum istis. Quisquis itaque securitati
 vela laxat vel licentiæ, quia dividit conjungenda, & conjungit dividenda,
 in eo fiducia nulla vera gratiæ locum habere potest, sed sensus iræ & maledi-
 ctionis, quæ manet impios & impenitentes. Qui verò hanc spem & per-
 suasionem habent, non possunt, si sunt verè quod præ se ferunt, non se
 ipsos sedulò purificare 1. Jo. 3. 3. operari salutem suam cum timore & tre-
 more Phil. 2. 13. ambulare in via bonorum operum Eph. 2. 10. vigilare,
 orare, pugnare & esse fideles usque ad mortem Eph. 6. Apoc. 2. 10. ut qui
 sciant talia opera esse effecta electionis, & media salutis, sine quibus nec
 illa cognosci, nec ista unquam obtineri poterit.

XLVII. Cùm ergo certum sit, *solis* & *omnibus* fidelibus hoc bene-
 ficium reservari, nec Agnum pro suis quemquam agniturum, quorum in
 librum suum nomina non retulerit, ut ex conscriptis neminem excludet;
 nam ut nihil inquinatum intrabit in Civitatem, sed ii tantùm qui scripti
 fuerint in Libro Vitæ Agni Apocal. 21. 27. Ita si quis non inventus fuerit Apo. 21. 27.
 scriptus, deiciendus est in stagnum ignis Apoc. 20. 21. Maximi nostra Eccl. 20. 21.
 refert hunc Librum Agni sæpe consulere, ne quos *conscriptos* putamus
 ad sacram hanc militiam, *proscriptos* tandem magno nostro damno ex-
 periamur. Nam ut refert Nehemias cap. 7. 64. eos tantùm ad sacer- Neh. 7. 64.
 dotium admissos fuisse; qui genus & familiam in tabulis publicis demon-
 strare potuerunt. Ita nulli ad vitam & regale sacerdotium admitti po-
 terunt, quorum nomina non scripta fuerint in Catalogo Jerosolymæ
 cœlestis. Si verò semel in eum censum relati fuerint, fieri nequit ut
 inde moveantur, quicquid tandem adversùs eos diabolus & mundus mo-
 liantur; Tales enim profitetur Deus ipse ex nomine novisse, & ha-

DISPUT. I. bere sub signaculo: Isti ut columnæ in domo Dei immoti perstant in ejus conspectu; Inter equos, tubas, phialas, tonitrua, & terræ motus nunquam statione dejiciuntur; Non datur ad vindictam accinctis terram vel mare lædere, priusquàm isti ad certam salutem obsignentur Apocal. 7. 3. Gaudeamus ergo & exultemus, quòd nomina nostra scripta sunt in cœlis: Sed ne nos inani & ementitæ fidei professione decipiamus, studeamus electionem & vocationem nostram in dies confirmare bonis operibus, ut ita magis magisque proficientes in fide & pietate, hoc signaculo gratiam Dei in nobis obsignemus, & tandem, quum Libri aperientur in ultimo illo & decretorio die, inveniamur scripti in Libro Vitæ Agni, ut cum eo vitam, quam proprio sanguine acquisivit, in æternum possideamus. *Amen.*

F I N I S.



DISPUTATIO THEOLOGICA

D E

SCRIPTURÆ SACRÆ

Autoritate adversus Pontificios.

PARS PRIOR.

Respondente MICHAËLE TURRETINO
Genevensi.

I.



IRUM equidem videri hoc debet, & meritò dolendum, quòd cum *ex Scripturis* olim disputaretur; Jam eò res redierit ut *de Scripturis* ipsis, quarum tamen apud Christianos sacrosancta debuit esse Majestas, disputetur. Hic scilicet fuit Pontificiorum astus, qui dum in Scripturâ satis præsidii non inveniunt, ad Exceptiones contra Scripturam sese receperunt, & ut plausibiliori cum prætextu ejus Tribunal declinarent, & ad Ecclesiam, hoc est Doctores suos ac Pontificem, provocarent, ipsique in causâ suâ Testes & Judices sederent, αὐθεντίαν ejus & dignitatem, si non penitus evertere, mirum in modum saltem concutere & labefactare sunt conati. Atque hinc factum, ut quamvis Controversiæ de

de Scripturâ non soleant inter *Primarias*, sed *Secundarias*, quæ nobis cum Pontificiis intercedunt, quia non inde primùm disputari cœptum est; non minùs tamen graves & momentosæ videri debeant; Imò eò magis necessariæ jam factæ sint, quòd instar basis & fundamenti cæteris præstruendæ veniant. Cùm enim Scriptura sit Principium & Regula fidei nostræ, nutabit semper ista & anceps hærebit, nisi illius *Authoritas* asserta semel fuerit & demonstrata.

II. Cùm verò Quæstio de *Authoritate Scripturæ* duplex adversùs duo hominum genera possit institui. Primò, Adversùs Atheos & Epicureos, qui à religione penitus alieni, nullam Verbi istius Authoritatem & Divinitatem agnoscunt. Secundò, contra Pontificios, qui licèt eam credere se & amplecti profiteantur, ita tamen suspendunt ab Authoritate Ecclesiæ, ejusque Testimonio, ut absque eo si non esse in se, saltèm quoad nos non possit innotescere. Nos priori missâ nunc quidem, quæ aliàs commodiùs poterit tractari, posteriorem aggredimur, probandumque adeò suscipimus cum bono Deo, Scripturam S. ita per se *αὐτόπιστον* esse & Divinam, ut nec in se, nec quoad nos Authoritatem obtineat ab Ecclesiâ.

III. Hic autem ne in limine impingamus, Primò aperienda est utriusque partis sententia, ut faciliùs deprehendi possit, in quo versetur vexatissimæ istius Controversiæ Cardo. Et ad Orthodoxos quidem quod attinet, sic illi statuunt, Scripturam Sacram omnem suam Authoritatem à Deo, à quo profecta est, mutuari, & ita ex se ipsâ esse Authenticam, ut à Testimonio qualiscunque Ecclesiæ, multò minùs Sedis Romanæ suspendi ejus *αὐθεντία* nec possit nec debeat. Non quòd suum non sit pondus veræ & purioris Ecclesiæ Testimonio, sed quòd nec solum sit nec præcipuum, sed secundarium tantùm & ministeriale, absque quo etiam sua constat huic Verbo Divino *αὐτοπιστία*, nisi Deo loquenti obloqui, & Testimonium, Divinâ authoritate firmatum, in dubium revocare volumus.

IV. Porro ad pleniorē sententiæ istius declarationem observandum est, Tria ad persuadendam nobis Scripturæ Divinitatem concurrere posse, *Scripturam* scilicet, vel Deum in Scripturâ loquentem; *Spiritum* in corde resplendentem, & *Ecclesiam* Scripturam nobis tradentem: Ut enim triplex dari potest causa, quæ ad alicujus rei persuasionem concurrat, Vel *objectiva*, quæ complectitur argumentum seu motivum propter quod credo; Vel *efficiens principalis*, quæ principium notat cujus virtute credo; Vel *instrumentalis*, quæ medium & organum designat per quod credo: Quomodo ad visionem corpoream tria requiruntur necessariò, objectum visibile, facultas visiva, & medium diaphanum, quod species vel radios utrinque transmittit. Ita *Scriptura* se habet ad modum fundamenti

Quæstio de Authoritate Scripturæ duplex.

1. contra Atheos.

2. contra Pontificios qua hic illustratur.

Trifariam spectatur, vel resp. Scripturæ, vel Spiritus, vel Ecclesiæ.

DISPUT.
II.

& argumenti propter quod credo, *Spiritus Sanctus* ad modum principii & causa efficiens, cuius vi & efficaciam credo, & *Ecclesia* ad modum instrumenti per quod credo. Hinc si quæritur, Unde probetur, vel innotescat nobis Scripturæ Authoritas, pro triplici sensu Quæstionis trifariam etiam respondendum censemus. Vel enim quæritur; Quo argumento seu Cur & *propter quid* credatur, & tunc respondetur propter Scripturam solam & *κρίσις* ipsi insita, non propter aliud quid extra se Scripturam cognosci & credi Divinam. Vel quæritur, quo instrumento & medio, seu *per quid* eam ut talem agnoscamus; Atque hinc respondetur per Ecclesiæ ministerium ordinariè nos eam notitiam consequi, cui *λόγια* sua committere Deus voluit. Vel denique quæstio est, *A quo* principio, seu ex quâ causâ efficiente fides illa, quæ agnoscit Divinitatem Scripturæ, oriatur; Ad hoc verò respondetur, optimè hoc fieri à Spiritu Sancto intus operante, solo salvificæ fidei auctore.

Quale sit
Scriptura
testimo-
nium.

V. Quando loquimur autem de Testimonio ipsius Scripturæ, nolumus intelligi duntaxat *argumentum inartificiale*, quasi Scriptura simpliciter fidem sibi adhiberi vellet, quia se Divinam dicit; sed *artificiale & ratiocinativum*, quatenus Deus illi notas & criteria ejusmodi impressit, quæ in scriptum humanum cadere non possunt; qualia sunt divina verbi Veritas, admiranda Mysteriorum sublimitas, Candor & *παῖσις* Scriptorum, Consensio partium invicem, Doctrinæ sanctitas & efficacia, & alia id genus, in quibus inimitabiles singularis, tum Majestatis tum Sapientiæ characteres deprehenduntur, & talis gravitatis simul & simplicitatis contemperatio, quæ occulta quadam virtute in animum pii lectoris illabatur, eumque subigit & expugnat: Ex illorum quippe intuitu facilè colligimus Scripturam Sacram, non esse librum humanâ industriâ elaboratum, sed speciali Spiritus Sancti ductu concinnatum; adeoque verè divinum & *αὐτόπiston*. Atque hinc distinguendum putamus inter *Objectum* seu *Fundamentum* fidei, & ejusdem *Argumentum* seu *Motivum*. Nam fundamentum aliud non potest esse, quàm divina Revelatio, seu Verbum Divinitus revelatum. Sed argumentum istius fidei nostræ suppeditant Notæ illæ, quas in divinâ hâc revelatione deprehendimus, & quæ veluti totidem radii divinitatis ejus splendorem arguunt. Ita ut *Verbum* seu divina Revelatio sit veluti *materiale*, quod fides amplectitur, & per quod respondetur ad quæstionem, *Quid credis*. Nota verò *formale* seu motivum, quò fides nostra nititur, & per quod respondetur ad quæstionem, *Propter quid credis*. Unde oritur *certitudo*, non mere *probabilis* & moralis, aliàs fides nostra non certior esset quolibet assensu historico, qui scriptis humanis adhibetur. Sed *Theologica* & infallibilis, quæ hominem fidelem & Spiritu Sancto illustratum decipere non potest, quia non nititur verbo hominum,

qui

qui & falli & fallere possunt, sed Verbo Dei, qui & falli & fallere est nefcius.

VI. Ad Testimonium Scripturæ quod *λογισμὸν* est & primarium, Accedit *qualē sit* *λεϊτουργικὸν* & *ministeriale Ecclesiæ*, quod etiam alicujus momenti hîc esse Testimo-
non diffitemur. Licet enim absolutè non sit necessaria ullius hominis ope- nium Ec-
ra ad Scripturæ Divinitatem cognoscendam, siquidem Deus potest imme- clisâ.
diatè Verbum suum quibus libuerit revelare, ut factum respectu sui testatur
Apostolus Galat. 1. 12, quum profitetur, *se Evangelium ab homine non ac-*
cepisse, nec edoctum fuisse, sed per revelationem Jesu Christi. Tamen quia
in via ordinaria providentiæ, Deo visum est uti hominum opera in homini-
bus ad fidem adducendis; Ideo Ecclesiæ suæ Oracula committere voluit ut
fidelibus traderentur; unde non parum ponderis sæpe habet ad animos ho-
minum commovendos, & ad Scripturæ reverentiam excitandos. Atque
hinc multiplex Ecclesiæ circa Scripturam officium exurgit. Primò *Custodis*,
qui Testamentum hoc divinum summa fide Tabellionis instar conservare
debet, quo sensu Paulus toties hortatur Timotheum, ut *serveat depositum*
1. Timoth. 6. 20. & 2. 1. 14. Secundò *Indicis*, qui indicare nobis debet 2. Tim. 6.
libros sacros & ad illos manuducere, quomodo Joannes Judæis Christum 20.
indicabat, Joan. 1. 29. *Ecce Agnus Dei*, & Samaritana indicat Messiam 2. 1. 14.
concivibus suis Joan. 4. Tertiò *Vindicis*, qui tuetur & vindicat libros ge-
nuinos ab adulterinis & supposititiis secernendo, ne verbum humanum
pro divino obtrudatur, & æs pro auro supponatur; quò pertinet illustre
encomium Pauli, quum *ἐδωκεν τῆς ἀληθείας* illam vocat 1. Tim. 3. 15.
Quartò *Interpretis* cujus est verum & genuinum sensum aperire, & Ver-
bum ex analogia fidei & ipsa Scriptura *ἐρμολογεῖν* Rom. 12. 6. & Eph. 4. 2.
Quintò *Praconis & Nuncii*, qui proponit & promulget Verbum istud tan-
quam Edictum & Legem summi Principis nomine, ut ad fidei obsequium
homines adducat, quo sensu Ministri vocantur Legati, Præcones, Nuncii,
Rom. 10. 15. 2. Cor. 5. 19. 20. Isa. 40. 5. eorumque ministerium *Pra-*
conium.

VII. Licet autem multiplex officium Ecclesiæ circa Scripturam compe-
tat, id omne tamen *ministerium* importat, non *magisterium*. Quemad-
modum nec Custos, aut Vindex, nec Præco, aut Interpretes auctoritatem
ullam conferunt rebus sibi commissis, sed tantum organicè & ministeriali-
ter circa eas occupantur: Ita quicquid agat Ecclesia circa Verbum, non
ulteriùs extenditur, quàm ad ministerium, ut *per eam* quidem credere dica-
mur, non vero *propterea*, quomodo per Joannem credere debebant Ju-
dæi Joan. 1. 7. & per Samaritanam Concives ejus. Idem enim, quod *Joan. 1. 7.*
mulier illa Concivibus suis, præstat nobis officium; ut enim illa deduce-
bat ad Christum, & aditum præbebat Samaritanis ad eum cognoscendum,
quo

DISPUT. II. quod cognito longè certius illum amplectebantur propter se ipsum, *Jam non credimus*, inquiunt, *propter sermonem tuum, ipsi enim audivimus, Joan. 4. 42.* & *scimus quòd hic est verè Servator mundi* Joan. 4. 42. Ita Ecclesia medium est *εὐαγγελισμὸν*, quia nos ad Scripturam ducit, eamque in manus tradit. Sed quamdiu hìc subsistimus, fides tantùm humana est non divina, sive gradus ad fidem potius quàm fides ipsa, donec ad Scripturam deveniamus, eamque propter se amplectamur. Unde non rejicimus Ecclesiæ Testimonium, sed in suo ordine collocamus; non negligimus ministerium, sed magisterium recusamus; respicimus eam ut instrumentum per quod, non ut argumentum propter quod credimus; ut manu ductionem ad fidem, non ut primum motivum quod eam suadet; ut Testimonium omni alio humano majus; sed Deo in Scriptura loquenti inferius, utpote à quo suam totam, quanta quanta est, mutuatur auctoritatem.

VIII. Quia verò Ecclesia potest considerari, vel ut *collectiva* respectu fidelium, vel ut *representativa* respectu Pastorum, de ista potissimùm hìc quæstio est, non de illa. Quæ rursus juxta varias temporis circumstantias potest Testimonium aliud alio certius reddere. Nam si de antiqua & Apostolica loquimur, ejus Testimonium æquiparandum est Testimonio Divino, cùm Apostoli *θεόπνευστοι* adhuc in ea versarentur. Testimonium Ecclesiæ, quæ excepit tempora Apostolorum, minus fuit Testimonio Apostolico, quia non fuit infallibile; sed adhuc certius Testimonio hodierno, quia & proximè sequebatur ætatem Apostolorum, & variis miraculis & signis adhuc erat insigne. Sed Testimonium hodiernæ Ecclesiæ inferius est cæteris, adeoque longè minoris momenti, de quo tamen præcipuè hìc quæritur. Quinimò Pontificii non cujuslibet Ecclesiæ Testimonium audiri volunt, sed suæ, quam veram esse supponunt, non probant, quod tamen præcipuè probatum oportuit, cùm frustra veræ Ecclesiæ auctoritas asseratur in thesi, nisi in hypothesis demonstretur Romanam talem esse.

Quale sit
Testimo-
nium Spi-
ritus.

IX. Quamvis verò Scriptura & Ecclesia hìc loquerentur, frustra tamen esset vox utriusque, nisi accederet tertio *Spiritus Sancti* intus agentis operatio. Unde diximus necessariò requiri tertium hoc Testimonium ad plenam Divinitatis Scripturæ persuasionem habendam. Testimonium autem quum dicimus, non debemus hìc fingere vocem aliquam Spiritus intus loquentis, & aliquid seorsim à Verbo nobis persuadentis, quod Enthusiastæ & Fanatici volunt, à quibus immane quantum distamus. Sed nihil aliud intelligimus, quàm vim & efficaciam Spiritus intus agentis, & oculos mentis aperientis ad dignoscendos divinæ veritatis radios in Verbo micantes, atque ita fidem animis nostris ingenerantis. Unde duplex venit distinguenda operatio Spiritus, alia in Verbo, quæ vocatur Testimonium externum, alia in Corde, quæ est Testimonium internum. Idem enim qui

qui loquitur in Verbo ad doctrinæ cœlestis explicationem, loquitur etiam DISPUT.
in corde ad ejusdem applicationem, & ut testatur in Verbo *objective* per II.
modum *argumenti*, testatur etiam in Corde per modum *principii*, quo
sensu Joan. cap. 5. 1^æ. Spiritum inter testes Veritatis, Evangelii & Divini- 1. Jo. 5. 6.
tatis Christi recenset, & 8. 6. *Spiritus testatur quod Spiritus est veritas*, Spi-
ritus in corde testatur, quod Spiritus in Verbo seu doctrina à Spiritu tradi-
ta, sit Veritas. Necessitatem autem Spiritûs evincit, non modò mentium
nostrarum cæcitas, quæ non capiunt ea quæ sunt Dei; sed & Mysteriorum
cœlestium sublimitas, quæ humanâ ratiocinatione quantumvis rectâ, nun-
quam potuissent, vel excogitari vel apprehendi. Et ut in visione non tin-
tum requiritur lux in objecto videndo, sed etiam in subjecto vidente, nam
frustrâ Sol cæco luceret: Ita Spiritus, qui luxit in Verbo ad veritatis reve-
lationem, debet lucere in corde ad oculorum mentis illustrationem. Unde
oritur assensus fidei, & firma illa cordis *πνευματική*, quæ Scripturæ Divi-
nitatem agnoscit & amplectitur.

X. Ne autem in ista Spiritûs Sancti operatione dignoscenda aberremus,
Observandum I. Quod Spiritus hic intus testans nunquam separetur à Ver-
bo, quod in Scriptura continetur: nec aliò tendat ejus operatio, quàm ad
obsignandam in animis nostris divinam istius veritatem. Verbum est instar
seminis in terram projecti, Spiritus instar virtutis vivificæ, quâ in nobis
radicatur & germinat. Verbum est objectum, quod facultati proponitur,
Spiritus est vis, quæ disponit facultatem ut illud amplectatur. Quò re-
spiciunt illa II. 59. 21. *Verbum, quod posui in ore tuo, & Spiritus qui est* If. 59. 21.
in te, non recedent &c. & quod Christus ait Joan. 16. 14. *Accipiet de* Jo. 16. 14.
meo, & annuntiabit vobis. Unde patet alienissimum esse à Spiritu Ana-
baptistico, qui & Scripturam contemnit, & privatis ac extraordinariis re-
velationibus indulget. II. Testimonium hoc facit quidem ad propriam sin-
gulorum fidelium confirmationem, in quibus Spiritus habitat & operatur,
sed non potest adhiberi ad aliorum convictionem, vel conversionem. Cùm
enim soli fidei cognitus sit & perspectus Apoc. 2. 17. Testimonium ejus so- Apoc. 2. 17.
lum fidelem cui redditur, persuadere potest, nec aliis prodest, nisi ratione ef- 2. Cor. 4. 13.
fectorum, quæ extrinsecus videntur 2. Cor. 4. 13. Unde ludibrium meritò de-
berem, si alteri persuadere vellem Scripturam esse divinam, quia Spiritus S.
hoc in me testatur. III. Spiritus privatus potest dici ratione *subjecti*, quia est
in unoquoque fidei, sed non ratione *principii*, & originaliter, quia commu-
nis est toti Ecclesiæ 2. Cor. 4. 13. ut Sol totum mundum lustrans, & uniu-
quemque illustrans, privata fax non est cuique accensa. Sic Spiritus, qui luce
sua cor fidele permeat, privatus dici nequit, quia idem Spiritus, qui in Ec-
clesia semper spiravit, quique Verbum Prophetis & Apostolis inspiravit,
mentem veri fidelis commovet & excitat, eandemque doctrinæ lucem,
E
quam

DISPUT. II. quam in Sacrario Verbi accendit, in Sacrarium cordis infert. Unde patet quàm injustè Pontificii *privatum Spiritum* nobis objiciant, quem communem esse fidelibus omnibus statuimus. IV. Spiritus non testatur in omnibus Verbi Auditoribus, sed tantùm in Electis, non tamen æquali claritatis vel certitudinis gradu. Non testari in omnibus liquet, non modò ex parabola de semine Matt. 13. sed ex eo quòd Spiritus non sit omnium, Joan. 14. 16. ut nec fides 2. Thessal. 3. 2. Sed tantùm Electorum, quibus Deus peculiari gratiâ revelare dignatur mysteria sua Mat. 11. 25. 26. ut mirum non sit multos de Scripturarum veritate dubitare, imò & ab earum fide deficere Joan. 6. 64. 66. Testari verò in omnibus fidelibus constat, quia in eum finem datur ipsis, ut testetur de iis quæ nobis data sunt 1. Cor. 2. 12. & nisi quis habeat Spiritum Christi, non est ejus Rom. 8. 9. Sed ut dispari mensurâ communicatur fidelibus, prout gradus sunt in sanctificatione, per quos fit ut alii aliis sint & in fide & in charitate provectiones 1. Cor. 2. 6. Heb. 5. 13. 14. Ita major est vel minor certitudo & perspicuitas testimonii quod in ipsis exhibet. Atque hinc factum ut non omnes libri Sacri ab omnibus ex æquo pro Canonicis semper sint habiti, sed quidam rejecti fuerint ab his, qui ab illis fuerant recepti. V. Ut Testimonium divinum Spiritûs dignoscatur à contrario Spiritûs fanatici Testimonio, nullum aliud *κρίσιον* certius potest adhiberi, quàm Scriptura Sacra, ut examinetur juxta Sacræ Scripturæ normam, tum quia regula hæc nobis ponitur Deut. 13. 1. 2. Is. 8. 20. 1. Jo. 4. 5. 1. 2. 3. 8. 9. tum quia Spiritus est veritatis, sibi semper constans & conformis, nec aliter testatur in corde, quàm testatus est in Verbo. Perperam tamen hinc Circulum nobis impingunt Pontificii, (cujus ipsi manifestè rei tenentur) cùm Scriptura probet Spiritum *objectivè*, Spiritus verò probet Scripturam *efficienter*, quod peculiari disputatione de *Circulo* alibi est à nobis demonstratum.

XI. Ex hisce verò ita positis, facilè colligitur quænam sit in gravissima hac quæstione Orthodoxorum sententia: Nimirum ad internam persuasionem Divinitatis Scripturæ necessariam absolutè Spiritûs Sancti in cordibus nostris esse operationem. Sed argumentum seu motivum, quò utitur ad ingenerandam istam fidem, non esse Testimonium Ecclesiæ, licèt possit etiam hac in parte alicujus esse momenti: Sed solas notas in Verbo fulgentes, quæ tanto splendore radiant, ut Scripturæ propter se ipsam, & non propter aliud credamus; Unde si resolutio fidei quæritur, statuunt bifariam posse eam spectari, vel ratione *fundamenti*, sive *objecti externi*, & hanc fidem ultimò resolvi in solam divinam Revelationem in Scriptura expressam; Vel ratione *subjecti* seu *principii interni*, & tunc resolvi in Spiritum in corde testantem.

XII. Sed Pontificii hîc in alia planè abeunt, licèt perplexè admodum loquantur, nec sibi semper constant. Primò certum est alios duriùs, alios mitiùs loquutos fuisse; Nam illi, qui primitus Patrum nostrorum memoriâ Papiſmum acerrimè propugnârunt, remotis ambagibus, aſſerere non dubitabant, omnem authoritatem Scripturæ ab Eccleſiâ pendere, nec majori fide dignam eſſe, ſepoſito Eccleſiæ Teſtimonio, quàm Alcoranum, Titum Livium, & Æſopi fabulas. Hinc blaſphemæ illæ voces, quæ nemo pius ſine hôrrore legere poteſt, *Pio ſenſu dici poſſe Scripturas tantum valere, quantum Æſopi fabulas, ſi deſtituantur Eccleſiæ Authoritate*, quod Hoſius Cardinalis habet lib. 3. contra Brenſium; & quod Baylius Jeſuita Tract. 1. Catech. q. 12. apertè proſitetur *ſe ſine authoritate Eccleſiæ, non plus fidei adhibiturum Matthæo, quàm Tito Livio*. Quod Andrædus l. 2. deſenſ. Concil. Trid. *Nihil in eſſe ait Divinitatis in iis libris, quibus ſacra Myſteria conſcripta ſunt, nec inveniri in iis, quod nos religione cogat & conſtringat ad credendum, quæ in illis continentur. Sed Eccleſiæ tantam eſſe vim & amplitudinem, ut nemo ſine maxima impietatis nota repugnare illi poſſit*, & alia plura ejusmodi, quæ apud Eckium in Enchir. cap. 1. Pighium lib. 1. de Hierarchia Eccleſiæ cap. 2. Bellarminum lib. 4. de Verbo Dei c. 4. & alios leguntur.

XIII. Quia verò hæc tanquam nimis crudè & craſſè dicta Recentiores animadverterunt; Ideo cautius loquuti ſunt, ita mentem ſuam explicantes, ut Scripturam quidem *absolute & in ſe*, etiam abſque Eccleſiæ Teſtimonio Divinam eſſe concedant; Sed *relatè & quoad nos* velint iſtam Authoritatem non obtinere, niſi per Eccleſiæ Teſtimonium, cujus beneficiò ut Divina nobis innotſcat & à nobis ſuſcipiatur. Ita Eccleſiam non facere quidem ut Scriptura vera ſit, hoc enim habere à Deo Authore ſuo, ſed tantum ut pro vera agnoſcatur & credatur. Unde nata diſtinctio vulgata *Authoritatis quoad ſe, & quoad nos*, quæ in hoc argumento utuntur, & queruntur ſibi à Noſtris injuriam fieri, & Quæſtionis ſtatum perverti, quum ita inſtituitur; An Authoritas Scripturæ pendeat ab Eccleſiâ, quaſi Eccleſia faceret Scripturam Authenticam, & illi aliquam authoritatem, quam ex ſe non haberet, conciliaret; cùm id tantum quoad nos intelligendum ſit, quia nobis non innotſceret niſi propter Eccleſiæ Teſtimonium. Ut quaſtio ſit, non, An Scriptura S. vera ſit, & unde illud habeat, hoc enim habere à Deo ejus Authore; Sed quæ ratione & Unde nobis conſtet eſſe veram & Divinam, quod ab Eccleſiâ pendere cenſent: pari planè pacto, quò celebre Salomonis Judicium non fecit, ut infans de quo quærebatur, eſſet veræ matris filius, ſed patefecit tantum cujus filius eſſet.

XIV. Sed quocunq; modo hoc ſuum dogma in cruſtare co-
pentur, ſi penitiùs rem expendimus, patebit ad fucum faciendum

DISPUT.
II.

& declinandam invidiam potiùs, quàm ad explicandam veritatem, distinctionem hanc excogitatam fuisse, & mutata quidem fuisse verba, sed eandem mentem illis semper esse. Primò quia nulla potest dari autoritas quoad se, quæ non sit etiam quoad nos, non modò quia est ἐκ τῶν πρὸς τὴν ex relatorum natura, quæ necessariò respectum ad aliud includunt; sed etiam quia quod facit ut Scriptura sit Divina & authentica in se, debet etiam facere ut talis sit quoad nos; Quippe argumenta & criteria, quæ fundant ejus autoritatem in se, eandem quoque debent fundare respectu nostri, ut nihil possit dici fundamentum *simpliciter*, quod non sit etiam *quoad nos*. Etenim si quid nos ad assentiendum principaliter movet aut movere potest, est fundamentum fidei simpliciter, nec quoad nos tantum, & si non movet nec movere potest ad assentiendum, nec est fundamentum *simpliciter*, nec *quoad nos*. Unde licet centies Ecclesia diceret Scripturam pro Divina esse habendam, non possem tamen nec deberem assentiri, si divina in se non esset; Et quamvis negaret Ecclesia recipiendam esse eam ut Divinam, recipienda tamen esset, eo ipso quo statuitur esse in se vera & Divina. Deinde quum Adversarii volunt quæri inter Nos, non Unde sit Scripturæ Autoritas; sed unde nobis innotescat; Vel intelligunt rationem & motivum propter quod ut talem novimus & credimus; Vel simpliciter medium & instrumentum, quò ad eam cognoscendam adducimur. Si posterius volunt, mutant quæstionis statum, nec nos habent dissidentes: Nec enim, ut antea dictum, negamus Ecclesiam concurrere ad indicandam nobis Scripturam. Sed si prius intelligatur, ut intelligere necesse est eos, si hypothelam tueri volunt, & sententiæ suæ consentanea loqui, frustrà assertur distinctio ista; Nam si Ecclesiæ Testimonium est præcipua ratio, propter quam credo Scripturam esse Divinam, debet etiam ipsi conciliare autoritatem in se, atque ita ab Ecclesiâ semper pendebit. Quod priores, qui magis rotundè loquebantur, volebant. Neque juvare eos potest judicium Salomonis, imò pro nobis facit; nam non fuit fundamentum seu ratio propter quam cognita fuit vera mater, sed tantum medium quò innotuit, siquidem hujus interventu viscerum maternorum facta est commotio, quæ propria fuit istius cognitionis causa. Ita quum Ecclesia nos adducit ad Scripturam, & radios Divinitatis in illa fulgentes ostendit, est quidem medium quò credimus esse Divinam, sed non ipsum fundamentum seu formalis ratio, propter quam credimus.

XV. Cæterum non dissimulandum Pontificios videri sanius & sentire & loqui, dum negant Ecclesiam esse fundamentum principale, seu formalem rationem propter quam fide Divina credimus Scripturam esse verè Verbum Dei, sed tantum vel *conditionem* necessariò requisitam ad illum actum fidei eliciendum, ut loquitur *Valentia* Tom. 3. disp. I. quæst. 1. &

Gretz

Gretſerus in tractatu de agnoſcendis Scripturis Canonicis cap. 7. Vel *cauſam acceptionis fidei*, ut *Becanus* de Circulo Calvinifico. Si verò quærat, quo fundamento ergo nitatur fides Divina, qua creditur divina Scripturæ Authoritas, vel quæ ſit formalis ratio propter quam fide divina credimus hoc Verbum Dei, Reſpondent eſſe *Revelationem Divinam*, ſeu ſe hoc credere propter Dei revelantis Authoritatem, ut iidem *Gretſerus* & *Becanus* prolixè probant. Sed non difficile eſt larvam hanc detegere, quâ ſimplicioribus imponere conantur, & oſtendere, eos vel *αἰσῶτα* loqui, vel inſigni prævaricatione, quod unâ manu dare videntur, alterâ auferre. Nam Revelationem quidem divinam eſſe fundamentum ſeu rationem formalem fidei verè ab illis aſſeritur; Sed ſi porrò quærat, ubi ſit illa revelatio propter quam credimus Scripturam eſſe Verbum Dei, & quæ omnium ſit prima & notiſſima, quæ per ſe & propter ſe à nobis recipi debet, non verò propter ullam aliam, hîc aquam iſtis hærete neceſſe eſt; Velenim dicent eſſe Scripturam ipſam, atque ita ad nos accedent, qui nihil aliud volumus, quàm Scripturæ propter Scripturam ipſam credi; Vel traditionem aliquam non ſcriptam, ſed eadem quæſtio movebitur de illa Traditione, Unde conſtet eam eſſe Divinam; Vel eſſe ipſius Eccleſiæ vocem, in qua & per quam Deus loquatur, quod tamen videri volebant negare.

XVI. Et ſanè hanc eſſe genuinam eorum mentem colligitur ex ipſorum verbis: Nam per Eccleſiæ teſtificationem ordinariè reſpondent ad quæſtionem, *Cur credis hoc Verbum eſſe Dei Verbum*; Imò nullam aliam reſponſionem commodè poſſe aſſerri cenſent, *Bellarminus* lib. 3. de Verbo Dei cap. 10. reſp. ad argum. 13. *Certum eſt nos non certo ſcire quod Deus revelavit, niſi ex Eccleſiæ Teſtimonio*, & lib. 6. de Lib. Arbitr. cap. 3. *Credunt Catholici id quod credunt, quia Deus revelavit, Deum autem revelare credunt, quia Eccleſiam ita dicentem & declarantem audiunt*. Stapleto. lib. 1. de Authoritate Eccleſiæ contra Whitak. cap. 8. *Nunc ergo ſupremum externum Teſtimonium in terris eſt Eccleſiæ vox*, & cap. 9. *Deus per Eccleſiam loquens non aliter loquitur, quam ſi immediate per viſiones & ſomnia, aut quovis alio ſupernaturali revelandi modo nobis loqueretur*, & cap. 14. S. 12. *Tota formalis ratio fidei noſtræ eſt Deus per Eccleſiam revelans*. *Gretſer*. de agnoſ. Scrip. Canon. c. 7. *Solum Teſtimonium Eccleſiæ apte redditur ad quæſtionem, Unde ſcis Scripturam eſſe Divinitus revelatam*. Ita non negant Scripturam eſſe Verbum Dei, ſed pertendunt, non poſſe ut talem nobis innotefcere, niſi propter aliam revelationem, quæ in Eccleſia demum quærenda ſit, utpote per quam Deus loquatur hodie, tanquam per organum infallibile, ut olim loquutus eſt per Prophetas & Apoſtolos.

DISPUT.

II.

Status

Quæstio-
nis.

XVII. Ex quibus jam facile Controversiæ statum colligere possumus, Quisve consensus sit vel dissensus inter Nos & Adversarios. Primo patet hîc non quæri de *Principio*, vel de *Causa efficiente* fidei, per quam Scripturæ divinitatem credimus, An Spiritus Sanctus sit necessarius ad fidem istam ingenerandam; hoc enim non possunt diffiteri Adversarii, & sæpe professi sunt, se necessitatem istius principii agnoscere, *Stapleton*. adversus *Whitak.* non semel queritur, gravem sibi fieri injuriam, quam contrarium illis adscribitur: *Arcanum*: inquit, *Divini Spiritus Testimonium prorsus necessarium est, ut quis Ecclesiæ Testimonio ac Judicio circa Scripturæ approbationem credat, neque absque hoc interno Spiritus Divini Testimonio, etiamsi millies Ecclesia attestetur, commendet, promulget & approbet Scripturas, fides consequetur, aut audienti populo persuadebitur.* Triplicat. ad *Whitak.* cap. 9. Sic *Canus* loco. Theol. lib. 12 cap. 8. Respond. ad 4. argumen. & alii. Sed quæritur de *argumento* seu motivo præcipuo, quò Spiritus Sanctus utitur in persuadenda nobis ista veritate. An sit argumentum inartificiale Testimonii Ecclesiæ, quod volunt Pontificii; An vero artificiale petium ex notis ipsius Scripturæ? quod nos statuimus. Quæ duo eo accuratius distinguenda sunt, quod aliàs ingentes huic disputationi tenebras offundere possunt: Atque hinc factum, ut varii non satis feliciter versati videantur in hac contra Adversarios expedienda Controversia, quasi hoc tantum quæreretur; An ex interna potius persuasione Spiritûs pendeat Scripturæ Authoritas, quàm ex Ecclesiæ Testimonio. Nam ut modo diximus, non negant Pontificii necessitatem Spiritûs ad persuadendam nobis hanc Authoritatem, Et si quæ hâc in parte occurreret difficultas, ea ad quæstionem de Libero Arbitrio, non de Scripturâ pertineret. Aliud enim est quærere, *Unde aut per quid, & quo instrumento* divina cognoscatur Scriptura. Aliud *Cur, propter quid, & quo argumento* talis credatur: Quoad prius enim hætenus consensus est inter partes, fieri hoc per fidem mediante virtute Spiritus. Sed in posteriori gravis est disceptatio. Illi enim Nos propter Ecclesiam credere Scripturæ dicunt; Nos vero Ecclesiam propter Scripturam audiendam esse. Illi credendum Scripturæ, quatenus ab Ecclesia Testimonium accipit. Nos contrà Ecclesiæ, quatenus Scripturæ consentanea loquitur.

XVIII. II. Liqueat etiam non disputari simpliciter de Testimonio Ecclesiæ, An ulla sit ejus ratio habenda; Sed de ejus pondere & Authoritate; An primarium sit & præcipuum quò utitur Spiritus Sanctus. Non negamus enim suas esse hâc in parte Ecclesiæ partes, ut antea observavimus, dum fungitur officiò Custodis, Præconis, Vindicis, & Interpretis; Sed quicquid hîc faciat, concurrere dicimus tantum ministerialiter & organicè, ut sit medium

ἀντιπροσώπων & ἐισαγωγικόν, quò utitur Spiritus Sanctus, non κύριον & principale, ut conservet quidem veritatem, sed non fundet; proponat, sed non constituat, indicet & vindicet, sed non ἀποκρίστικῶς judicet. Quemadmodum Edicta Principum & Magistratum à Præconibus & Ministris Regiis auctoritatem suam non mutantur, licet per eos populo innotescant; Ut Aurifex staterà aut lapide aurum à cupro aliisve metallis dijudicans, aurum non facit, sed tantum verum esse indicat; & ut Interpretes fidus nihil de suo comminisci & inferre debet, sed sensum latentem diligenti examine tantum efferre & elicere: Sed illi cum quibus agimus, non ministerium duntaxat volunt, sed magisterium; non ut per Ecclesiam tantum credamus, sed etiam propter eam. Imò censorium sibi jus in Deum ipsum arrogant, nec tantum fidem nostram ab arbitrato suo suspendunt, & suam à se ipsis, sed & ipsius Dei vocem, priscum Senatûs Romani fastum imitantes, apud quem *de humano arbitrato divinitas pensabatur*, ut loquitur Tertull. Apol. cap. 5. Idem quippe sibi jus arrogant in Scripturâ Sacrà. Unde blasphema Nicolai Papæ audacia, qui distinct. 19. *Can. Si Rom. Pontif. statuere non erubuit, Id tantum probandum, quod Romanorum Pontificum calculo probatum vel improbatum, & ideo demum Vetus & Novum Testamentum recipiendum, quia Innocentius Pontifex auctoritate & sententiâ suâ recipiendum esse sanxerit.* III. Non quæritur An Testimonium publicum Ecclesiæ præferendum sit privato cujuscunque fidelis Testimonio, ut quidam perperam statum quæstionis formant: Nam præterquam quòd falsò supponitur, Spiritum in nobis testantem esse proprium, cum sit communis Ecclesiæ, ut antea visum, Spiritus in fidei testans non se habet ad modum objecti vel argumenti, sed ad modum principii; Atque ita non potest legitima institui oppositio inter Ecclesiæ & Spiritûs Testimonium. Sed quæritur, An Testimonium Ecclesiæ præferendum sit Testimonio seu Notis ipsius Scripturæ, ut potius propter illud credamus Scripturæ, quàm propter istas; Pontificii prius volunt; Nos posterius.

XIX. IV. Non quæritur etiam, An sint Notæ quædam & criteria in Scriptura, ex quibus Divinitas ejus ostendi possit & suaderi, hoc enim non dissidentur Pontificii, & Nobiscum ex iis Scripturæ Divinitatem probant; Imò agnoscunt non raro (tanta est vis Scripturæ, ut ab hostibus suis verum quandoque testimonium exprimat) *nihil esse notius, nihil certius, ut stultissimum esse necesse sit, qui illi fidem neget habendam*, ut loquitur Bellarm. lib. 1. de Verbo Dei cap. 2. sic & *Valentia* lib. 1. de Analyti fidei; Sed an notæ illæ per se sufficiant ad fundandam in animis nostris Divinitatis fidem? seu, An sit præcipuum illud motivum, propter quod adducimur ad credendum, & quò nititur fides; Quod statuimus; Illi verò negant, eripientes unâ manu, quod alterâ dederant.

DISPUT.

II.

XX. V. Non quæritur, An Revelatio divina sit fidei nostræ ratio formalis simpliciter & absolute, seu id propter quod aliquid credimus fide divinâ; Hoc enim Adversarii nobiscum agnoscunt, vel se agnoscere saltem profitentur: Sed quanam sit illa Revelatio respectu nostri, prima & notissima, quæ per se & propter se, non verò propter aliam ullam à nobis credi debet, An sit in Scriptura quærenda, An verò in Ecclesiâ? Nos Scripturâ Sacra contineri arbitramur, quæ prima est & perfectissima Regula, nec extra illam quæri posse vel debere: Pontifici verò in Ecclesiæ voce & testimonio seu cerebro Pontificis, in quem omnia tandem resolvuntur, quærendam esse. Hinc Quæstio tandem ad hos redigitur terminos, Unde, sive propter quid, quoque argumento præcipuo Spiritus Sanctus utatur ad nobis probandam Scripturæ Authoritatem, An Testimonio Ecclesiæ, an vero ipsius Scripturæ, seu argumentis & criteriis ipsi insitis; Prius asserunt Pontificii, Nos verò posterius statuimus, & demonstrandum suscipimus.

Probatur
Scripturæ
authorita-
tem non
pendere ab
Ecclesiâ.

1. καὶ ὅτι
σιν.

XXI. Bifariam autem Sententiæ nostræ probationem instituere possumus, 1. κατ' ἀρσιν, ostendendo Authoritatem Scripturæ non pendere ab Ecclesiâ. 2. κατὰ θέσιν, evincendo totam fundari in Scripturâ ipsâ. Et ad prius quidem quod attinet, satis superque vel ex hoc uno colligitur argumento: Ecclesiæ autoritas tota pendet à Scripturâ. Ergo non potest ullam nec quoad se, nec quoad nos Scripturæ authoritatem conciliare. Ratio consequentiæ per se patet; Quia impossibile est idem respectu ejusdem habere rationem causæ & effectus, principii & principiati, sic enim se ipso esset prius & posterius, notius & ignotius. Antecedens verò multiplici ratione confirmatur. 1. Quia Ecclesia fundatur in Scripturâ, & ab eâ esse suum specificum obtinet; nulla enim Ecclesia sine vocatione, nulla vocatio nisi à Verbo, hinc dicitur superstrui fundamento Prophetarum & Apostolorum, Eph. 2. 20. Unde ut ne esse quidem potest ulla domus, nisi subtrato prius fundamento, sic nec Ecclesia nisi positâ Scripturâ. 2. Quia nulla haberi potest certa Ecclesiæ cognitio nisi ex Verbo: Nam antequam Ecclesiæ vocem audiamus, necesse est ut primò nobis constet de Ecclesiâ, An sit? Quid sit? & ubi sit? Quæ cum nec sensu nec ratione percipi possint, sequitur ut omnis hæc notitia sit à Scriptura, quæ non modo docet aliquam esse Ecclesiam, sed & iis notis & characteribus eam describit, quæ eam nobis ignorare non sinunt. Si ergo ex Scripturâ cognoscitur Ecclesia, jam notior erit ipsâ, nec Authoritas illius quoad nos ab ista pendeat. 3. Quia fundamentum Authoritatis Ecclesiæ non aliunde peti potest, quàm à Scripturâ; Unde enim nobis constare poterit talem obtinere Authoritatem; Nunquid existimabimus id fieri Ecclesiæ ipsius Authoritate? At hoc ipsum est de quo quæritur. Non potest etiam esse καὶ ἑνὴν quædam ἐννοια, quando de ea tam

acriter

acriter disceptatur. Ergo sequitur ut id ex Verbo perspectum habeamus, atque ita prius obtinuit apud nos Verbum auctoritatem. Nec id diffiteri possunt Adversarii; nam cum à Nostis urgentur; Unde cognoscant Ecclesiam hanc auctoritatem habere in consignando Scripturæ Canone, Respondent statim hoc ideo fieri, quia regitur à Spiritu Sancto. Quod si ulterius instes, unde constet ita regi? Reponunt illico varia Scripturæ Testimonia, quibus evincere conantur Christum hoc illi promississe ut Matt. 18. 20. & 28. 20. Joan. 15. 26. & 16. 13. &c. Ita ex Scriptura suas omnes probationes eliciunt; Quomodo verò ritè hoc fieret, nisi prius & Scriptura cognosceretur, & divina esse crederetur? Sic suo se gladio jugulant, Ecclesiæque dignitatem Scripturæ auctoritate firmantes, suam deferunt, & nostram vel imprudentes vel inviti confirmant sententiam.

XXII. Ad hoc argumentum Excipiunt Neg. Conseq. Si Ecclesiæ Auctoritas quoad nos ex Scripturæ Auctoritate pendet, non pendere Scripturæ Auctoritatem ab Ecclesia; Utrumque enim simul verum esse posse, Ecclesiam mutuari suam auctoritatem à Scriptura, & Scripturam itidem suam ab Ecclesiâ: Et ne sine ratione videantur hoc asserere, exemplis id evincere conantur; Joannes Baptista, inquit, Christo Testimonium perhibuit, & Christus Joanni, Epistolæ Pauli ejus auctoritatem magnificè commendant, quæ tamen ab Authore suo auctoritatem accipiunt. Symbolum fidei non habemus ab ulla auctoritate externa, nisi ab Ecclesia, in quo tamen ipsa Ecclesia credenda proponitur. Ita nihil esse absurdi, si & Ecclesia à Scripturâ, & vicissim Scriptura ab Ecclesia pendeat. Atque eò certiùs hoc posse dici, quia eadem Scriptura, quæ auctoritatem Ecclesiæ stabilire dicitur, affirmat expressè eam esse *σύλον καὶ ἐδραῖωμα τῆς ἀληθείας* 1. Tim. 3. 15. quod verè dici non posset, nisi Veritati in Scriptura contentæ Testimonio suo Auctoritatem vicissim conciliaret; Unde Bell. lib. 6. de Eccl. c. 14. *Si Ecclesia est columna & firmamentum veritatis, E. veritas fidei quoad nos, nitiur Ecclesiæ Auctoritate, & verum est quicquid Ecclesia probat, falsum quicquid improbat.*

1. Tim. 3. 15.

XXIII. Sed frustrà vim Argumenti conantur eludere; Primo gratis supponunt utrumque verum esse, Ecclesiam dare Auctoritatem Scripturæ, & rursus eam sumere à Scripturâ: Nam licet in diverso genere causæ possit locum aliquando id obtinere, ut causa probatur ab effectu à posteriori, quæ probat ipsum effectum à priori; tamen in eodem genere est *ἀσύστατον*, nisi velimus rem esse se ipsâ notioiem & ignotioiem, notioiem, quia assumitur ad alterius probationem, ignotioiem vero, quia ipsa per aliam probatur. Ita non negamus Ecclesiæ Testimonium posse probare Scripturam à posteriori, per modum instrumenti, vel medii, sed vim argumenti & nob-

DISPUT.
II.

Joan. 5. 34.

tivi præcipui habere pernegamus. Secundò, In exemplis allatis peccatur fallaciâ parium, Aliud est *Testimonium perhibere Christo*, Aliud *Authoritatem illi conciliare*, prius de Joanne Baptista rectè dicitur, sed posterius non item. Unde Christus ipse Joan. 5. 34. negat se *Testimonium accipere ab hominibus*, ut scilicet eò nitatur, sed *habere se Testimonium majus Testimonio Joannis*, scil. tum Opera sua, tum Patris vocem, tum Scripturas ipsas. Nihil obstat ergo, Testimonium esse perhibitum Christo à Joanne, & vicissim Christum testatum esse de Joanne, quia diversa fuit testandi ratio: Joannes ut minister de Domino testabatur; At Christus ut Dominus de Servo. Joannes, ut tanquam index ad Christum manuduceret, cum veluti digito ostendendo; sed Christus ut tanquam Rex præconium servi sui autoritate sua confirmaret. Ut ergo per Joannem, sed non propter Joannem credebant Christo, *Venit enim, ut testaretur de luce, ut omnes crederent δι' αὐτοῦ per ipsum*, non δι' αὐτὸν propter ipsum; Ita per Ecclesiam, non propter eam Verbo credimus; Testatur de Verbo, quum illud indicat & proponit. Sed Verbum testatur de Ecclesia, quum eam fundat & instituit. Epistolæ Pauli majestatem Authoris commendant à posteriori, ut opus laudat opificem; sed Paulus ut vir Dei θεόπνευστος confert illis quicquid habent autoritatis à priori. 3. Perperam asseritur Symbolum nullam autoritatem habere nisi ab Ecclesia, cum totam habeat à Scripturâ, à qua si non αὐτολεξεῖ & quoad voces, saltem quoad res ipsas desumptum est. Itaque si probat Ecclesiam, tota vis argumenti à Scriptura ipsa, in quâ fundatur, pendet, nec Ecclesia ullam potuit Symbolo autoritatem dare, sed hoc tanquam Summam credendorum ex Scriptura petitam fidelibustradidit.

1. Tim. 3.
15.

XXIV. Ad locum verò 1. Tim. 3. 15. quod attinet, ut vexatissimus est, & subinde tanquam Achilleum argumentum nobis objicitur, paulò fusiùs de eo est dicendum. Scio nonnullis Viris doctis in mentem venisse, mutare loci hujus interpunctionem, ut *Ecclesia Dei vivi* periodum absolvat, *Columna vero & firmamentum veritatis*, non ad Ecclesiam, sed ad Mysterium pietatis, de quo sequenti commate, referatur; tum quia non soleat Paulus à particula καὶ sententiam suam ordiri; tum quia usitatissima sit hæc loquendi ratio apud Judæos, ut vocent præcipuos fidei suæ articulos, יסודות & עקרין *fundamenta*, & ראשי האמנה *capita fidei*; & quoties de doctrinis suis differere aggrediuntur, יסוד יסוד *fundamentum fundamentorum*, vel יסוד חכמה *fundamentum Sapientie* in limine præscribant, quod ex Maimonide patet, qui librum suum de fundamento Legis ita orditur, יסוד חסידות ועמיר החאמוח *Fundamentum fundamentorum*, & *Columna Sapientie est cognoscere esse primum Ens*. Verum

rùm quamvis ingeniosum sit commentum, quò difficultas omnis planè tolleretur, nescio an sit æquè solidum; cum verba ipsa legenti pateat, nonnihil coacti esse in hac interpretatione, quæ dividenda conjungit, & conjuncta dividit: Unde Versiones omnes, Syriaca, Arabica, Latina, receptam lectionem sequuntur, & ad Ecclesiam referunt, ad quas accedunt & Patres. Et sanè quamvis nihil sollicitetur locus; non minùs tamen sensus erit aptus, imò ratiocinatio Pauli optimè inter se cohærebit. Duo enim argumenta proponit Apostolus, ut Timotheum ad majorem reverentiam & studium sanctitatis excitet. Primum petittum ab Ecclesiæ, cui ministrabat, dignitate, quæ talis est ut sanctum quendam horrorem incutere debeat omnibus ad sacram hanc λειτουργίαν se accingentibus, *Ut scias quomodo versandum sit in Domo Dei, quæ est Ecclesia Dei vivi, columna & firmamentum veritatis.* Alterum à Mysterii, cujus præconium illi demandatum erat, sublimitate & excellentiâ, quod est magnum pietatis Mysterium; unde addit, *καὶ ὁμολογούμεως μέγα ἐστὶ τὸ τῆς εὐσεβείας μυστήριον &c.* Deinde longè aliud est *fundamentum Sapientia* Rabbinis, Aliud *firmamentum veritatis* Apostolo. Nam Maimonidi הלכות Halacot & fundamentum Sapientiæ, sunt initia fidei & primaria Religionis capita, quæ teneri debent ab omnibus, & supponi reliquæ doctrinæ, qualis est Dei existentia &c. quo sensu Apostolus Heb. 6.1. θεμέλιον vocat principia & rudimenta Religionis Christianæ: Verùm hoc loco Paulus non agit de Elementis Christianismi, sed de Mysterio magno, quod capita difficiliora & sublimiora complectitur, quod alibi vocat *Sapientiam inter perfectos* 1. Cor. 2. 6.

XXV. Quamvis verò retineatur lectio vulgata, ut eam retinendam censemus, nihil tamen inde accedet Pontificiorum sententiæ, vel decedet nostræ. 1. Quia si Ecclesia dicitur columna & firmamentum veritatis, hoc non potest absolutè & simpliciter intelligi, sed tantum *secundum quid*: Nam absolutè Veritas est columna & fundamentum Ecclesiæ, quâ ita firmatur & sustentatur, ut stante eâ stet, & ruente vel remotâ cadat; nulla enim esset Ecclesia, si semel exularet veritas ab ea: Sed longè aliter se res habet respectu Ecclesiæ: Licet enim nulla foret Ecclesia in terris, non periret tamen Veritas, maneret semper in Deo, in Angelis, in Beatis, & in ipsa Scriptura; Ergo longè dispari sensu Ecclesia dicitur columna Veritatis, & Veritas columna Ecclesiæ, mutuum sibi præstant operam, sed diversimodè. Veritas est columna Ecclesiæ *proprie & principaliter*, Ecclesia columna Veritatis, *ministerialiter & improprie*; Veritas columna Ecclesiæ, eam realiter fundans & efficaciter sustinens. Ecclesia columna Veritatis, eam prædicans & mundo exhibens. Veritas dat esse Ecclesiæ,

- DISPUT. sed Ecclesia veritatem custodit & tuetur adversus Satanæ & mundi calumnias. Veritas est columna Ecclesiæ *sensu architectonico*, uti loquuntur, sed Ecclesia columna Veritatis *sensu politico*. Atque hinc Chrysost. in h. l. sententiam invertendo dicit, *Veritatem esse σύλον τῆς Ἐκκλησίας*; Irenæ. lib. 3. cap. 11. *Columna & firmamentum Ecclesiæ est Evangelium & Spiritus vita*. Et eò referri potest quod Theodoretus non malè columnam Veritatis sumi vult, non *active*, quia veritatem sustinet, sed *passive*, quia à veritate sustinetur, ut Veritas notet causam, Columna verò effectum. Quo sensu Dionysius Episcopus Alexandrinus apud Euseb. lib. 6. hist. cap. 41. vocat Martyres *firmas & beatas columnas Domini*, non quæ Dominum confirmârint; Absit, sed quæ à Christo ita firmatæ sint, ut constanter resisterint usque ad sanguinem, & vitam potius, quàm fidem
2. Tim. 2. 19 abjicere maluerint, sic *fundamentum Dei* 2. Tim. 2. 19. dicitur, non quò Deus fundatur, sed quod Deus fundavit & posuit. Ita *πλήρωμα τῆς θεῆς*
- Eph. 3. 19. Eph. 3. 19. non quod Deum complet, sed quod à Deo completur. Unde Contarenius in h. l. *Non dicitur Columna, quod Ecclesia firmet & sustineat veritatem, sed quia firmatur à veritate.*

- XXVI. Secundo, Aliud est esse *σύλον καὶ ἐδραίωμα τῆς ἀληθείας*, Aliud verò *θεμέλιον* seu *fundamentum*. Ecclesia quidem prius dicitur, sed non posterius, quia non sustentat veritatem, sed ipsa à Veritate tan-
1. Cor. 3. 11. quam fundamento sustentatur, hinc Paulus 1. Cor. 3. 11. *Fundamentum aliud nemo ponere potest, præter id quod positum est*, quod est Christus Jesus; & alibi vocatur lapis vivus & angularis, cui Ecclesiæ membra velut totidem lapides vivi debent superstrui, 1. Pet. 2. 7. Eph. 2. 20. Unde Irenæ. lib. 3. c. 1. *Scripta Apostolorum fundamentum & columnam fidei* vocat. Et Beda lib. 1. in Joh. c. 12. *Fundamentum*, inquit, *Ecclesiæ est in soliditate fidei Apostolorum & Prophetarum*. Tertiò, Elogium *columnæ & firmamenti veritatis*, non semper importat infallibilitatem vel authoritatem illius, cui tribuitur; sic apud Euseb. hist. lib. 5. c. 1. Fideles Lugdunenses dicunt de Attalo Martyre, quòd fuerit *columna & firmamentum Ecclesiarum*, sic Basilium in ep. 70. Primarios Episcopos orthodoxos, qui Arianam hæresim oppugnabant, columnas & stabilimentum veritatis vocat; *οἱ σύλοι καὶ τὸ ἐδραίωμα τῆς ἀληθείας ἐν διασπορᾷ*, & Gregorius Nazianz. eodem nomine insignit Athanasium, Basilium, & Eusebium to. 1. p. 389. Nemo tamen dixerit, eos talem authoritatem conciliâsse veritati Evangelicæ, ut ab eorum testimonio pependerit; Sed hoc tantùm voluerunt Scriptores prisci, eximios Dei Servos fuisse, qui Evangelii doctrinam, non tantùm ore, sed & sanguine ipso constanter prædicârunt. Nec alio sensu Victori Christus pollicetur Apoc. 3. 12. quòd futurus sit *σύλος* in Domo Dei, cui inscribendum sit nomen Dei, Christi, & Civitatis Dei, ad immutabilitatem &

constantiam felicitatis designandam, quæ sic respondeat constantiæ & fidelitati ipsorum; Ut enim ipsi firmæ fuerant columnæ in terra, ad tuendam veritatem contra omnia tentationum genera; Ita columnæ futuræ sunt in cœlis stabiles & immotæ ad fruitionem felicitatis. Ita Gal. 2. 9. *Gal. 2. 9.* Petrus & Jacobus vocantur *σύλοι*, quia primaria Ecclesiæ columnina videbantur: Imò & apud τὰς ἑξω eadem similitudo non rarò occurrit; Sic in Republica integri & incorrupti Judices vocantur *columnina* & *firmamenta* justitiæ, Viri pietate insignes, *columna* & *lux mundi* dicuntur, & apud Euripidem παῖδες ἀρσενες vocantur *οἰκων* *σύλοι*, *Columna familiarum*. Unde patet, licèt Ecclesia dicatur columna & firmamentum Veritatis, non statim ex eo inferri, Veritatis auctoritatem ab ea suspendi.

XXVII. *Quartò.* Ex eo etiam id clarissimè evincitur, quòd certum sit verba hæc ab Apostolo usurpari de Ecclesia particulari nimirum Ephesinâ, in qua Timotheus tum versabatur; loquitur enim de Domo Dei, in qua degebat. At nulli particulari Ecclesiæ privilegium infallibilitatis tribui posse agnoscunt ipsi Pontificii; Et hæc ipsa Ecclesia Ephesina jampridem erravit, imò interiit ex Christi ipsius interminatione Apoc. 2. 4. *Quintò*, licèt hoc referretur ad Ecclesiam Catholicam, non magis faveret Adversariis; Tum quia constat hoc intelligendum de Ecclesia collectivâ seu fidelium congregatione, cui præesse debuit Timotheus, non de repræsentativa Præpositorum, cui hoc privilegium proprium esse volunt. Tum quia hoc elogium, ut pleaque alia, attribuitur Ecclesiæ, non promiscuè ratione fidelium & hypocritarum, qui in externa ejus communione versantur; quo sensu Pontificii Ecclesiam intelligunt externam, ex bonis & malis pariter conflatam; sed tantum ratione piorum, qui propriè Ecclesiam constituunt, & quibus solis proprium est; Unde Hieron. in Job. cap. 26. *Ecclesia*, inquit, *quæ est Sanctorum omnium congregatio, pro æterna sua in Domino stabilitate columna, & firmamentum veritatis dicitur.* At impii, qui sunt ἀήρι-κτοι, nec veritatem firmiter amant & retinent, non pertinent ad hanc Columnam, ut nec ad Domum Dei, cujus hîc fit mentio, utpote in quibus nec Deus habitat, nec veritas sedem fixam habet.

XXVIII. *Sextò.* Quicquid hîc tribuatur Ecclesiæ pertinet ad munus illi demandatum, nec tam attenditur, quid Ecclesia semper faciat, quàm quid facere teneatur ad conservandam & propugnandam veritatem, quomodo apud Mala. cap. 2. 7. *Labia Sacerdotis* dicuntur *custodire scientiam*, *Mala. 2. 7.* quia id facere tenetur ex officio, licèt non semper præstet de facto, ut ostendit ψ. 8. Nam Ecclesia Ephesina, de qua peculiariter hîc agit Apostolas, ab eo declinavit, ut jam dictum; Itaque subjectum propositionis non sine aliquâ limitatione accipiendum est, nimir. ut illa Ecclesia tantùm dicatur columna & firmamentum veritatis, quatenus est Domus Dei

DISPUT.
II.

vivi, & in ea habitat per Verbum & Spiritum, quatenus veritatem excolit & supra se extollit, quatenus retinet fundamentum Prophetarum & Apostolorum, cui superstrui debet Eph. 2. 20. Aliàs si ab eo recedit, ut Cœtum externum ab eo nonnunquam recedere certum, non amplius columna & firmamentum veritatis, sed potius columna mendacii, & sedes erroris vocari debet; Sic enim perdit officium nomenque suum, nec propriè amplius Ecclesia, sed *ἐκκλήσια*, imò *ψευδοῦς*, si loco Mysterii pietatis, *μυστήριον ἀπορίας* præ se fert, & in alia omnia eat, quàm quò veritas aurigatur. Atque hinc solidè demonstramus, Romanam Ecclesiam minùs cæteris hoc elogium sibi vindicare posse, utpote quæ non amplius Domus Dei vivi centeri possit, sed sacellum Antichristi, nec veritas pura & intermerata illic amplius audiatur, sed putidissimum mendacium, & innumeri errores periculosissimi, quo nomine jampridem *mater hæresum* & *Schola erroris* ab alumnis suis, ut Petrarcha, Mantuano, & aliis meritò dicta est. Imò tantum abest, ut Pontificii quicquam præsidii in isto loco inveniant, ut contrà invictè adversus ipsos, ex ipsorum hypothese argumentemur. Nam eo ipso, quo verbis istis utuntur ad probandam Ecclesiæ auctoritatem, satis ostendunt, nobis authenticam esse debere Scripturam ante omnem Ecclesiæ testificationem; aliàs nugatoria erit ipsorum argumentatio, & in circulum abibit, ex quo in æternum se extricare non poterunt.

XXIX. Atque ex his satis jam liquet, nisi fallor, Adversarios perperam magnum causæ suæ præsidium in hoc Apostoli Oraculo collocare; Sed quia nondum constat de genuino ejus sensu, videamus paucis quid sibi voluerit Paulus, & quò præcipuè alluserit. Ut autem figuratâ & metaphoricâ locutione hîc utitur, ita indubium est eum ad columnarum usum aliquem respexisse. Quia verò multiplex potest esse, vel *architectonicus*, ad ædificii sustentationem, vel *Politicus* ad promulgationem & custodiam Legum & Edictorum, quæ ibi appenduntur, Paulus ad primum non potuit respicere; non modò quia hoc sensu Veritas sustentat Ecclesiam, non firmatur ab ipsâ; sed etiam quia jamjam eam vocaverat *Domum Dei*, quæ proinde egebat Veritate ut fundamentò & columnâ, quâ niteretur, nedum ut posset eam sustentare. Itaque ad alterum necessariò alludere debuit, secundùm quem frequentissimè ad id inserviebant, ut ante Curias & Prætoria, Leges & Decreta Magistratus publicâ autoritate appenderentur, & Programmata sive Edicta affigerentur, ut omnibus innotescerent, de quo videndus Demosthenes oratione adversus Leptinem, & Plinius histor. natur. lib. 6. cap. 29. Ita Ecclesia commodissimè dicitur columna & firmamentum veritatis, duplici de causa, tum ratione *Promulgationis* & *Praconii*; Quia Decreta Dei & Leges interiori consilio sancitas promulgare tenetur, quâ de causâ illi *λογία τῆς Θεῆς ἐπιτεύχουσιν* & cœlestis

flis Veritas illi veluti appensa hominibus innotescit; tum ratione *tutela & custodia*, quia eam non modò proponere debet, sed etiam vindicare & ab omni corruptela tutari; Qua de causa non modò *ξύλος*, sed & *εδραίωμα* & *ἀληθείας* vocatur, quia est veritatis hospitium, & veluti thronus & sedes fixa cui insidet. Phavorinus *εδραίωμα* *σήμεμα* interpretatur, scilicet aliquid cui aliud non minùs quàm columnæ innititur & insistit. Quod ipsum vocis etymon aperit, *εδραίωμα* enim *ἀπὸ τοῦ ἐδραίνε*, quod firmum, & *σαθηνόν* notot; *εδραίνον* verò *ἀπὸ τοῦ ἕδραιος* quæ *sedem*, *sellam*, & *thronum* designat, in quo simulachra Deorum sedentia exhibebantur, *ἵστος ἐν ᾧ εἰδωλὸν ἵδρυται*, unde quia in columnis Imagines Deorum collocabantur, ut postea dicemus, conjunguntur *σπερ κίονες & θεόμοι* apud *Pausaniam* Corinthiacis & Eliacis. Imò *κίονες θεόνες* sustinere dicuntur, ut hîc Paulus sociat *ξύλον καὶ ἐδραίωμα*. Quemadmodum verò neque Deorum imagines, neque Leges & Edicta suam mutuabantur auctoritatem à Columnis, quibus appendebantur; utpote quorum dignitas tota ab Authore pendebat; Ita nec Veritas ab Ecclesia, licet columna & firmamentum ejus dicatur. Hæc fuit mens Hieronymi, *Ecclesia*, inquit, *est columna & firmamentum veritatis, quia in ea sola stat veritas firmata, quæ sola sustinet ædificium Ecclesiæ*. Sic Cageta. in h. l. *Veritas mysteriorum Divinorum velut excelsè sustentatur in Ecclesia, dum super omnia asseritur, & colitur, & in ipsa Ecclesia ita fundata est, ut extra eam non inveniatur*.

XXX. Sed quia non videtur Apostolus ad generalem illum columnarum usum duntaxat respexisse; Verùm ad quid specialius allussisse, quum mentionem facit Domûs Dei: videamus quodnam potuerit esse locutionis istius fundamentum; Et ut nihil dicamus de duabus columnis, alterâ lateritiâ, lapideâ alterâ, quas homines ante diluvium erexerunt, ut in iis inscriberent inventa sua, de quibus Josephus lib. 1. Antiq. Jud. c. 3. Nihil etiam de columna nubis & ignis, quam populo Israëlítico, ut *ὁδηγόν* exhibitam refert Moses, & in qua Deus habitasse dicitur. Certum est in Templo Hierosolymitano, quod peculiari ratione Domus Dei vocabatur, varias columnas fuisse, ad quas digitum potuit Paulus intendere; ut Ecclesiam vocaverat *Domum Dei* ad Templum respiciens; ita potuit eandem Ecclesiam sub alia *σχέσει* vocare columnam, alludendo vel ad duas illas columnas æreas, quarum una *כח*, altera *בזיו* dicebatur, de quibus mentio fit 1. Reg. 7. 21. quæ appositè firmam Ecclesiæ constantiam, & robur invictum designabant. Vel ad columnam illam æream memorabilem, quam excitasse dicitur Salomon in atrio Templi, de qua fit mentio 2. Reg. 11. 14. & 2. Chron. 6. 13. quæ modò *בזיו*, modo *כח* *basis ærea & suggestus* dicitur, quod non malè respondet nostro *εδραιώματι*, quæ ita columnæ figuram habebat, ut esset etiam suggestus & solium

Regium,

1 Reg. 7. 21.

DISPUT. Regium, in quo sedere solebant Reges quoties vel inaugurabantur, ut de
 II. Joasodicitur, cum Rex in locum Achazizæ cooptaretur 2. Reg. 11. 14. vel
 2. Reg. 11. 14. fœdus cum Deo pangerent, & cultum Dei reformandum in melius cura-
 14. rent, ut de Josia narratur 2. Reg. 23. 3. quod *stans ad columnam pepigerit*
 2. Reg. 23. 3. fœdus cum Jehova &c. vel quoties solenne aliquid præstarent, ut Salomon
 2. Chron. 6. illi innixus dicitur in dedicatione Templi 2. Chron. 6. 12. quæ ideo Regia
 12. Judæis columna dicebatur. Sic Apostolus eleganti allusione nobis exhibe-
 bit Veritatem instar Reginæ, Ecclesiæ tanquam columnæ & folio insisten-
 tem; Ut verò columna illa & suggestus Regem quidem sustinebat, & in
 altum tollebat, ut à populo conspiceretur; sed ipsa autoritatem non concii-
 liabat. Ita Ecclesia veritatem proponit, conservat & ostentat, ut ab homini-
 bus conspiciatur, sed nullam tamen illi vel autoritatem vel pondus affert.
 Atque eò referri potest, quod Chrysostomus & post eum Theophyl. volunt
 antithesim institui cum Ecclesiâ Judaica, & cum umbris legalibus, ut iis
 opponatur Veritas Evangelica quæ clarissimè nunc ob oculos ponit myste-
 ria, quæ obscuriùs sub umbris Mosaicis proponebantur, quo sensu Veritas
 Joan. I. 17. sumitur Joan. I. 17. Atque ita sciat Timotheus, qualis sanctitas deceat hanc
 Domum Dei, non jam legalis & umbratica, sed vera & realis.

XXXI. Licet autem facilè adducamur ad credendum, Apostolum eò
 respexisse, Quia tamen non est insolitum, Scriptores Sacros ad majorem
 argumenti quod tractant illustrationem ad varia sæpe alludere in eadem lo-
 cutione, rejiciendam non putamus Virorum doctorum conjecturam, qui
 ad Gentilium Tempia hinc Paulum etiam alluisse volunt: Certum quippe
 ex Veterum monumentis, illa variis columnis passim exornata fuisse, qua-
 rum variæ species erant & multiplex usus, non modò ad ædificii fulcimen-
 tum, sed & ad majestatem & splendorem. Hinc sæpe in earum fastigiis
 Deorum Imagines vel effigies Principum imponebantur, ut observat
*Pausan. Corinth. pag. 59. & Eliac. pag. 174. ἐπὶ τοῖς γαστρὶ τοῦ κίονος ἀγάλ-
 ματα*; Aliis arma, clypei, aliaque victoriæ trophæa appensa erant, Aliis
 quædam inscribebantur ut Elogia, fœdera, narrationes historicæ rerum
 gestarum, ut monumentum essent posteris, quod de aurea columna in
 Jovis Triphylîi fano posita ab ipsomet Jove ex Euhemero narrat *Lactan-
 tius lib. 1. cap. 11. Leges item & Decreta, morum præcepta, imò &
 Oracula teste Pausan. in Bœoti. Sic Athenæus lib. 4. notat in Delubro
 Herculis, quod Cynosargis dicebatur, ad columnam quandam appensum
 fuisse *ἡγεσιμὰ* seu decretum quoddam Alcibiadis, & *Demosthen. orat. in
 Neæram* in antiquissimo Bacchi Templo, quod Limniserat, prope aram,
 lapideam columnam fuisse observat, in qua Lex perscripta erat de uxore à
 Rege cive virgineque ducenda; Quod ipsum variis exemplis possemus
 comprobare si instituti nostri ratio id ferret: Verùm ex his mens Apostoli
 non*

non obscure colligi potest; Nimirum ut jam opposuerat Domum Dei DISPUT.
non modò Templo Hierosolymitano, sed & Delubris profanis Ethnico- III.
rum: Ita aliam antithesim instituit inter cultum & ornatum utrorumque;
Quia si in illis columnæ miro artificio elaboratæ visebantur; Nihil aliud
erant quàm columnæ mendacii & erroris, ubi nihil aliud quàm meræ
fabulæ, & *μῦθοι ἄθεοι* & falsorum Deorum imagines proponebantur:
At in Templo isto mystico columnam ait esse longè diversissimam, non
mendacii, sed veritatis, & in qua non exhibeantur falsorum Deorum
simulachra, sed viva & expressissima veri Dei in Carne manifestati ima-
go, qui ipse *εἰκὼν τῆ Θεᾶς ἀραράτε* Col. 1. 15. non proponantur *μῦθοι τε-
σοφισμένοι*, quales prostabant in columnis Gentilium, sed *σοφία ἐν μυσ-
τήρι*, imò magnum pietatis Mysterium 1. Tim. 3. 16. 1. Cor. 2. 7. de-
nique non legantur oracula flexiloqua Apollinis cuiusdam *λοξία*, sed
certissima veri & æterni Dei *λόγια*; Ecclesiam quippe nihil aliud præ-
conio suo, quàm Veritatem Dei sacrosanctam & Oracula ejus atque le-
ges & fœdera, omnium oculis spectanda & sequenda ingerere, & ad
posterios transmittere.

XXXII. Atque ex his, ne ulterius jam in loci istius enodatione ver-
semur, constat quidem Apostolum dignitatem & officium Ecclesiæ com-
mendare hîc voluisse in proponendâ & asserendâ veritate: Sed nullis fidicu-
lis poterunt exsculpere Adversarii, ejus Authoritatem & infallibilitatem
hîc confirmari. Neque audiendus hîc Bellarminus, qui pertendit, si nihil
aliud tribuitur Ecclesiæ quàm custodia veritatis, idem dici posse de Libra-
riorum officinis, & de capsis, vel thecis, quæ Scripturas custodiunt.
Quis enim discrimen longè maximum non videat, inter materialem & lo-
calem Scripturæ asservationem, quæ fit in Capsis & Bibliothecis impio-
rum, & moralem & formalem veritatis custodiam, prædicationem, &
propugnationem, quæ competit cuilibet Ecclesiæ, quamdiu ritè officio
suo defungitur? Ita si Ecclesia dicitur Custos, non est mutus & *ἄλογος*,
sed vivus & rationalis, qui ita custodit, ut etiam prædicet & præconio suo
commendet rem sibi commissam, quod de Bibliothecis nemo dixerit.

XXXIII. Frustrâ etiam addit Bellarm. Apostolum non meminisse Scri-
pturarum, sed tantum Veritatis; Nam si ad Scripturam non respicit, quare
ergo ꝑ. præcedenti dicit se hæc scribere, ut Timotheus sciat, quomodo
versari in Domo Dei debeat? Quare alibi testatur Scripturas posse ipsum
σοφίσαι ad salutem? Imò eo ipso quò Veritatis meminit, meminit & Scri-
pturarum, quandoquidem nuspiam Veritas ista, de qua loquitur Aposto-
lus (nimir. salutaris & Euangelica quæ κατ' ἐξοχὴν hoc nomine insignitur,
quia omnium est perfectissima, ut vita æterna ἐξέχως vocatur vita) inveniri
potest quàm in Scripturis. Unde quum Verbi Dei studium nobis commen-

DISPUT.
II.

datur, non aliò quàm ad Scripturam amandamur Isa. 8. 20. Joan 5. 39. & 17. 17. 1. Joan. 2. 20. 2. Pet. 1. 19. quia Scriptura sola est perfectissima Veritatis cœlestis norma, quam Ecclesia columnæ instar ministerio suo conservat; Et si quid Apostoli præconiauerunt verbo, id postea in Scripturas redegerunt, ut bene observat Irenæus l. 3. c. 1. Atque hinc solvitur quod Staplet. excipit ad Eph. 2. 20. per *fundamentum Prophetarum & Apostolorum* intelligi Doctrinam prædicatam; Nam cum Verbum sive scriptum sive prædicatum idem sit *ῥῆμα*, & differat tantum ratione modi revelationis; si Verbum prædicatum est fundamentum Ecclesiæ, id ipsum de Scriptura necesse erit concedi; hinc Paulus, qui testatur se omne consilium Dei discipulis suis proposuisse, affirmat tamen se extra Mosem & Prophetas nihil docuisse Act. 20. 27. & 26. 22. Et de his quidem hætenus. Cætera quæ huc pertinent proximâ Disputatione οὐ θέω expenduntur.

F I N I S.



DISPUTATIO THEOLOGICA


D E

SCRIPTURÆ SACRÆ

Autoritate adversus Pontificios

P A R S P O S T E R I O R.

Respondente J O A N N E J E G E R *Bernensi.*

I.  GGRESSI sumus novissimè gravem & momentosam, quæ nobis cum Pontificiis intercedit *de Scripturæ Autoritate* Controversiam, & vidimus quæ faciebant ad statum Quæstionis illustrationem, ut clarè constaret quis consensus vel dissensus esset inter partes: Nonnulla etiam jam proposuimus, & vindicavimus argumenta ad Sententiæ Orthodoxæ confirmationem; Ad alia nunc transeundum est, quibus eadem veritas demonstretur, & Scripturæ *authoritæ* ab Ecclesia independens asseratur.

II.

II. Sic ergo Scripturæ Authoritatem nec quoad se nec quoad nos ab Ec-
clesiæ Testimonio pendere iterum demonstramus. Si Testimonium hu-
manum & fallibile fidem divinam & infallibilem fundare non potest, Ec-
clesiæ Testimonium non poterit ullam Scripturæ Authoritatem conciliare.
At verum prius, Ergo & posterius. Minor per se patet: Cum enim nihil
det quod non habeat, quod humanum est & incertum, certitudinis divi-
næ non potest esse causa & fundamentum. Consequentia verò ex eo colli-
gitur: quòd quaecunque sit Ecclesiæ Testimonium; non aliud sit quàm
humanum, utpote hominum sive conjunctim, sive seorsim testantium,
ideoque fallibile & dubium. Quod ulterius confirmatur ex eo, quòd
Christus agens de Testimonio Joannis Joan. 5. 34. profiteatur *se non acci-
pere testimonium ab homine*, ut doceat, quamvis eo utatur ut se Judæis ac-
commodet: qui Joannem tanquam Virum divinitus missum magno in
pretio habebant, adeoque testimonium ejus respuere non audebant; non
tamen illud captare vel quarere, quasi eo indigeat ad authoritatem sibi con-
cilianam; habere enim se longè majus Testimonium, quò certius inno-
tescat, propria scilicet Opera, Patris ipsius Oraculum cœlitus auditum,
tum Scripturis consignatum ꝑ. 36. Unde Chrysostomus in h. l. *ἐγὼ μὲν
ἐκ ἐδωκέν μοι ἡ ἑξὶς μαρτυρίας θεὸς ὡν ἀνθρώπων.* *Ego quidem Deus cum
sim, non indigebam ejus testimonio quod humanum est*, innuens scilicet ab-
surdum esse, Deum humano egere testimonio, quasi Dominus à servo,
Creator à creatura, Deus ab homine, & prima & infallibilis Veritas à ver-
bo incerto & fallibili mortalium pendere possit: Cum verò Scriptura sit
Verbum Christi, eadem debet esse utriusque ratio, & quod de Christi
Persona dicitur, dici etiam debet de Doctrina. Quòd tamen non eo ani-
mo dicitur, quasi Testimonium Ecclesiæ penitus hinc remotum vellemus,
suas enim habere partes in hoc negotio antea evicimus; sed tantum
ut ostendamus non esse absolute necessarium, nec posse ulterius nos
deducere, quàm ad fidem humanam, pro ratione principii à quo profi-
ciscitur.

III. Scio regerere hîc Adversarios falsum supponi, Testimonium scili-
cet Ecclesiæ esse merè humanum, & per consequens dubium & fallibile;
Nec enim verbum Ecclesiæ, id est, Concilii vel Pontificis docentis ex Ca-
thedra esse omnino verbum hominis, errori obnoxium, sed aliquomodo
Verbum Dei, prolatum quippe assistente & gubernante Spiritu Sancto.
Ita cum Deus per Ecclesiam loquatur, ab eo non ab hominibus certitu-
dinem testimonii pendere. Atque ex eo clarè id confirmari putant, quòd
Spiritus qui promittitur Ecclesiæ, eam deducere debeat in omnem ve-
ritatem Joan. 16. 14. R. Verum non difficile est hunc Adversariorum
impetum retundere. I. *καὶ τὸ βίβλον*, cum Pontificii suam Ecclesiæ in-
Joan. 16. 14.

DISPUT.
III.

2. Pet. I. 21.

1. Cor. 2.

11.

fallibilitatem non aliunde quàm ex ipsa Scriptura arceſſant, vel nugatoria erit & abſurda eorum argumentatio, vel neceſſe eſt ut iſſis Scripturæ authoritas antecedenter ad omnem Eccleſiæ teſtificationem innotuerit & aſſerta ſit. 2. peccatur falſa hypotheſi, quaſi Deus per Eccleſiam loquens eam ſtatim reddat inſallibilem; Duplex enim *inſpiratio* diſtinguenda venit, alia *ſpecialis* & extraordinaria, quæ contigit Prophetis & Apoſtolis, quando

2. Pet. I. 21. *Φερόμενοι ὑπὸ τοῦ πνεύματος* loquuti ſunt, ut ait Pet. 2. 1. 2. quæ revera *ἀνταποκρίσιν* & *ἀναμαρτυρίαν* iſſis conciliavit. Alia *communis* & ordinaria, quæ Paſtoribus & Doctores ritè ſuo officio deſurgentibus promittitur, imò & ſingulis fidelibus 1. Cor. 2. 12. quibus datur Spiritus ſapientiæ & revelationis, quæ licèt vera ſit in ſuo ordine, non tamen conſtituit ſervos Dei extra omne erroris periculum; quia non ita perfundit mentes luminis ſui ſplendore, quin reliquias ignorantix & erroris in illis relinquat, quæ obſtant quominus Teſtimonium ipſorum divinum ſit & inſallibile; cùm illud divinum tantùm dicatur, quod à Deo ipſo immediatè pendet & ab iis quos *θεοπνεύτως* eſſe voluit, quod cùm nemini poſt Prophetas & Apoſtolos conceſſum ſit, fruſtrà Eccleſia hodierna hoc ſibi vindicaret.

IV. Neque hîc reponendum, eandem eſſe Verbi Divini veritatem à quocunque pronuncietur: Nam præterquàm quòd ſupponitur, & non probatur Deum ſemper per Eccleſiam iſtam loqui, cùm certum ſit nimis ſæpe propria commenta & viſiones cordis ſui homines loco vocis divinx obtrudere. Accedit etiam quòd nullorum Doctores authoritas comparari poſſit cum Scriptores Canoniciſ, utpote quorum verbum ad iſtorum trutinam ſemper ſit expendendum, ut nihil admittatur, quod illis non ſit conſentaneum. Hinc Auguſtinus libr. 2. contra Fauſtum Manichæum cap. 5. *In aliorum ſcriptis, inquit, etiamſi inveniatur eadem veritas, tamen impar eſt authoritas, quia non certo conſtat eandem ſemper eſſe veritatem.* Sic ad Hieronymum Ep. 19. *Ego ſolis, inquit, iis Scriptores, qui jam Canonici appellantur, didici hunc timorem honoremque deſerre, ut nullum eorum erraſſe in ſcribendo audeam credere.*

V. Fruſtrà verò hoc ſuum commentum ex loco Joannis probare ſtagunt, quia certum eſt primariò & præcipuè Apoſtolos hîc reſpici, qui ut Eccleſiæ Fundatores & Architecſti donum inſallibilitatis neceſſariò habere debuerunt, & revera obtinuerunt extraordinariâ Spiritûs Sancti effuſione in die Pentecoſtes, quod agnoverunt, *Toletus*, *Fanſenius*, & alii ex Pontificiis. Nec obſtat quod Bellarminus hîc aſſert ex Joan. 14. 16. *Spiritum hunc dici manſurum in æternum cum iſſis*, quod cùm de Apoſtoliſ dici nequeat, qui perpetuò non vixerunt, neceſſariò ad Succeſſores ipſorum ſit referendum. Nam nemo neſcit, æternitatem

Joan. 14.
16.

tem

tem non semper absolute sumi, sed sæpe κατὰ τὴν, ut notetur duratio memorabilis, quæ ad totam vitam eorum, de quibus agitur, extendatur; Sic Spiritus dicitur mansurus cum Apostolis in æternum, quatenus nunquam erat eos derelicturus per totam vitam. Ita Lucas Brugenſis, *In æternum*, inquit, *id est, non ad tresquatuorve annos, sed quamdiu vixeritis in hoc seculo, non enim temporaria erit ejus consuetudo vobiscum, ut mea*, ut Theophylactus notat. Sic 1. Timot. 6. 14. Paulus monet Timotheum, ut servet mandatum usque ad illustrem adventum Domini Nostri Jesu Christi; non quod Timotheus tam diu victurus esset, sed ut ejus observationi perpetuò incumberet, & ex hypothese si vivere consueque possit, tantisper sibi mandatum servandum statu ret. Licet verò non negemus, promissionem Christi posse analogicè accomodari omnibus & singulis fidei Pastoribus; imò & singulis Fidelibus, & in iis secundariò impleri, quatenus gubernantur à Spiritu, à quo ita in omnem veritatem salutarem deducuntur, ut nunquam finaliter vel totaliter excidant à fide: Nemo tamen dixerit donum hoc in eodem gradu cum Apostolis ipsis convenire, vel propterea infallibiles reddi, quomodo *Unctio* dicitur *docere omnia* fideles 1. Joan. 2. 20. quamvis certum sit, nec fideles omnia omnino scire, sed tantum necessaria ad salutem, nec ita doceri, ut absolute non amplius errare possint: Ita promissio Christi intelligenda est cum hac limitatione, ut Spiritus deducturus sit Ecclesiam in omnem veritatem *mediate* per Scripturam sacram, quatenus deducturus erat ipsos ad Verbum Dei, quod perfectissima est omnis veritatis norma, quam dum sequuturi sunt, nunquam sint aberraturi; Et Christus ipse hoc satis innuit dum addit, *Spiritum hunc non à se ipso loquenturum, sed annuntiaturum quicquid audivit* &c. ne quis putet nova dogmata ipsum propositurum, sed eandem quæ à Christo prædicata erat, doctrinam confirmaturum; atque ita non aliter deducturum in omnem veritatem, quàm aperiendo mentes ad intelligendas Scripturas, Rursus licet concedamus Spiritum Sanctum semper adesse veræ Ecclesiæ, eamque regere & docere, ne a fide deficiat, ex eo tamen non potest inferri statim eos omnes, qui Ecclesiæ titulum sibi arrogat, & Spiritum hunc jactant, errare non posse, quia non alligatus est ad Episcoporum successionem; vel ad Pontificis Sedem, aut ad externum Ecclesiæ cujuscunque Ministerium, quod ut corrumpi, ita vero sæpe potest aberrare; sed ad internam verorum fidelium institutionem respicit, per quam fit, ut nunquam penitus a veritate deficiant. Denique si ad Successores Apostolorum donum hoc pertinet, vel intelligendi erunt seorsim & distributivè singuli, vel omnes in Concilio congregati: Sed neutrum dici potest; Non prius, quia ipso Bellarmino teste lib. 2. de Conciliis cap. 2. Spiritus non deducit

1. Joan. 2.
20.

DISPUT. III. Episcopos seorsim existentes in omnem veritatem, cum errare possint. Non posterius, nam si singuli errare possunt, quare simul omnes essent infallibiles? Superest ergo, ut Apostolis quidem promittatur Spiritus, quoad dona extraordinaria, aliis verò quoad ordinaria.

2. Arg. contra Testimonium Ecclesiæ.

VI. Secundò, Si ab Ecclesiâ penderet quoad nos Scripturæ Autoritas, Vel id fieret ab Ecclesiâ collectivâ, id est, Universitate fidelium, Vel à repræsentativâ seu Rectoribus eorum, iisque vel singulis seorsim, vel simul in Concilio congregatis, Vel denique à singulari aliquo Pastore, penès quem posita sit omnis potestas, qualem Pontificem suum esse volunt Adversarii. Sed nihil ex his omnibus dici potest. Nam ad prius quidem quod attinet, agnoscunt ipsi Pontificii Ecclesiam collectivam hoc juris non habere. Secundum non magis locum habere potest; nam cum Pastores, sive sigillatim considerentur, sive conjunctim, sint errori obnoxii, quo pacto tandem testimonium certum & indubitatum perhibere poterunt? Nec negare hoc possunt Pontificii, qui fatentur Concilia posse errare, non tantum particularia, sed etiam generalia & œcumenica, licet legitimè congregata ab ipso Pontifice Romano, ut patet ex Bellarmino lib. 1. de Conciliis cap. 6. & 7. & lib. 2. cap. 8. & 11. Adde, quòd si agitur de Pastoribus in Concilio congregatis, quæstio recurrit qua autoritate congregentur; Vel enim id fiet proprio arbitratu, & peculiari aliquo Spiritûs impulsu, Vel ex Autoritate scripta: At particulares ἐκκλησιασμοὺς nunquam probavit Ecclesia, & damnavit in Montanistis, aliisque hæreticis. Quòd si ex Scriptura, ut necesse est eò tandem devolvi, Ergo sua illi constet autoritas oportet antequam congregentur. Deinde quæritur etiam, unde constet nobis, Concilium in Testimonio suo non errasse? Vel enim id ab Ecclesiæ ipsius voce orietur; At ista Ecclesia est ipsum Concilium, de cujus autoritate disputatur, Vel à Scripturæ ipsius voce, sed quâ fidem facere poterit, nisi autoritas ejus antecedenter sit cognita? Rursus cum Concilium, testibus ipsis Adversariis, non faciat, sed declaret tantum & pronunciet Scripturam esse divinam; Quæro quo fundamento nitatur ejus judicium, & quibus rationibus eò adduci potuerit, ut talem declararet? Velenim id fecit proprio arbitrio & non alia ratione, quàm quia ita libuit; sed quis hoc sibi persuaserit, ut hoc ἀλόγως fecerit, & sibi propter se ipsum credi postulet? Vel id fecit autoritate Conciliorum antecedentium, & juxta Ecclesiæ veteris testimonium; sed ne sic quidem sublata erit difficultas; nam ad primum tandem deveniendum erit, nisi in infinitum abire volumus; Vel id fecit Spiritus Sancti impulsu; sed præterquam quod non potest nobis constare de divinitate istius Spiritus nisi ex Scriptura, cum nunquam à Verbo separetur; si Concilium impulit ad declarandam Scripturæ Autoritatem, non aliâ id ratione fecit, quàm radios divinitatis in Verbo fulgentes demonstrando

strando, ex quorum intuitu ritè pronunciavit Concilium, Verbum esse DISPUT.
verè divinum; Jam verò si testimonium Concilii de Verbo in ipso Verbo III.
fundatur, quomodo illius *authoritatem* apud nos fundare poterit?

VII. Sed libet Adversarios adhuc pressius urgere: Nam si fides no- 2. Argum.
stra de Divinitate Scripturæ resolvitur in *authoritatem* Concilii generalis,
necesse est ut eâdem fide divinâ credatur Concilii *authoritas*, quâ cre-
duntur alii fidei Articuli propter *authoritatem* Concilii, & quia Con-
cilium non habet *authoritatem*, nisi sit legitimum, necesse est ut fide pa-
riter divinâ cognoscatur hoc aut illud Concilium esse legitimum. At id
fieri nequit, quandoquidem humano testimonio tantum probari potest,
imò ne probari quidem certò potest; ut enim sciam legitimum esse Con-
cilium, perspectum mihi esse debet; An omnes quorum interest legi-
timè fuerint vocati, & Concilio interfuerint? An legitimi fuerint Epi-
scopi, & ritè ordinati? An libera fuerint suffragia, & cætera id genus,
quæ cum dubia sint & incerta, incertam etiam necesse est Concilii au-
thoritatem esse. Rursus si Concilium *authoritatem* Scripturæ debet con-
ciliare, prius illam quoad nos obtineat oportet: At quo tandem pacto
poterit eam obtinere, si nondum definitum sit an Concilium sit supra
Papam, an Papa supra Concilium, quamdiu enim nihil certi eâ de re
fancitum est, adhuc sub Iudice lis est, & neutra pars pro certâ & indu-
bitatâ haberi debet. Jam nemo nescit inter Pontificios, quæstionem
hanc, & jam olim magno animorum æstu agitatam fuisse, & etiamnum
hodie agitari, & indecisam manere, ipso teste Bellarmino lib. 2. de Con-
ciliis cap. 13. aliis supra Pontificem Concilio, aliis Pontifici supra Con-
cilium *authoritatem* hanc vindicantibus. Si ergo hætenus indefinitum
manet, utri summa illa *authoritas* tribuenda sit, & si liberum est & in-
tegrum cuique dubitare, penès quem sit infallibile illud iudicium, fides
nostra anceps semper hærebit, si uullo alio tibicine nititur, & quidquid
Concilium, vel Pontifex de Scripturâ iudicaverint, semper erit dubium,
utpote à dubio & incerto principio pendens.

VIII. Verùm demus etiam Pontificem id juris obtinere, quæ sen-
tentia est Jesuitarum & Sedis Romanæ assentatorum, ut Testimonium Ec-
clesiæ non aliud sit quàm Papæ iudicium; ne sic quidem rebus suis me-
lius consulent, vel fidem nostram magis firmabunt. Primò, quia
semper est incertum, quis verus ac genuinus sit Papa, nam cum ex Ad-
versariorum hypothese, necessaria sit absolutè intentio Ministri ad Sacra-
mentum conficiendum, absque qua nec Baptismus, nec Ordinatio ritè
fieri possit, & nemo certus esse possit de alterius hominis intentione, quis
non videt nemini constare posse, utrùm hic vel ille Papa verè baptizatus fue-
rit, & ritè ordinatus, atque adeò totam Religionem Pontificiam, quæ
Ponti-

DISPUT. Pontificum autoritate nititur, incertam esse & dubiam? Accedit etiam
 III. quòd quæstio eadem semper recurret. Unde nobis constet Pontificem jus hoc obtinere, & in iudicio suo non errare; Vel enim id perspectum habebimus ex ipsa Scriptura, quæ hanc Pontifici datam esse à Christo potestatem pronuntiavit; Sed quænam testimonii istius vis esse poterit, siquidem de Scriptura adhuc dubitamus? Vel à Traditione Veterum; Sed eadem recurret de veritate istius Traditionis difficultas; Vel à Testimonio præsentis Ecclesiæ; Sed cum Ecclesia tota ex ipsorum mente ad unum tandem referatur Papam, sequitur de se ipso testimonium perhibere, atque adeò ipsi credendum esse simpliciter, quia αὐτὸς ἔφα, quod nemo non videt absurdissimum esse. Rursus cum sua debeat constare Pontifici iudicii sui ratio, vel ea pendeat unicè à mero hominis iudicantis arbitrio, ut sit pro ratione voluntas, & sic credendum pronuntiaret quia ita libet; sed si hoc foret, à quonam fidem impetrare poterit? & cur voluntas illius potius quàm mea mihi credendi erit regula? Vel iudicii fundamentum ab ipsa Scriptura petendum erit, ut divinam esse pronunciet, quia talem esse re ipsa ex divinis ejus notis sedulo adhibito studio deprehendit; At sic Scriptura suam autoritatem semper apud ipsum habebit antecedenter ad ejus iudicium, quod volumus.

IX. Atque hoc fortius ex eo confirmatur, quòd cum una sit omnium fides, ut Scriptura disertè testatur Eph. 4. 5. idem etiam debeat esse fidei principium & prima credendi ratio, tam in singulis fidelibus, quàm in iis qui Præpositorum munere funguntur, & Ecclesiæ repræsentativæ nomine veniunt. Cum ergo Ecclesia non possit ipsa sibi primum esse principium credendi, ut propter se ipsam credat Scripturæ, sed necessariò aliquod extra se fundamentum fidei suæ in Scriptura habere debeat; non potest etiam nec debet obtrudi plebi Christianæ tanquam prima credendi ratio, ut ἀβασανίως excipiat quicquid Ecclesia pronunciat, & fidem suam ultimè in illam refundat; sed quæ fuit ratio credendi Ecclesiæ, eadem debet esse singulis fidelibus, ut credant quidem per ejus ministerium, sed non propter ejus autoritatem, sed tantum propter Deum in Scriptura loquentem, quòd Ecclesiæ iudicium niti necesse est, & ad quem testimonio suo nos manuducit.

3. Argum. X. Tertiò. Quæ fuit Verbi autoritas, antequam scripto traderetur, eadem debet esse postquam scripto consignatum est, quippe tantum abest ut scriptione minuatur Verbi autoritas, ut potius magis stabiliatur; unde Sermo Propheticus, qui non alius est à Scriptura Veteris Testamenti, dicitur à Petro cap. 1. 2. 2. 19. λόγος βεβαιώτερος, scilicet respectu nostri, non solum quolibet hominum in terra loquentium testimonio, sed etiam ipsius Dei cœlitus loquentis voce. At Verbum antequam scripto mandaretur,
 erat

erat Authenticum per se iis ad quos perferebatur, nec ad aliud externum testimonium exigebatur; nullum enim erat Tribunal externum quod confulerent fideles, quibus Verbum prædicabatur, nulla revelationem illam commendabat Ecclesiæ autoritas, sed propria autoritate recipiebatur. Unde enim quæso veteres Patriarchæ Verbum sibi revelatum agnoverunt esse Dei Verbum? nunquid hic Ecclesiæ alicujus autoritas intercessit vel judicium? An Verbum a Prophetis traditum pro divino haberi non potuit a fidelibus, nisi ad supremum aliquod Ecclesiæ tribunal confugiendo, cum videamus, sæpe invitis ipsis Ecclesiæ Rectoribus, Verbum Domini populo exposuisse, quod Jeremias de se testatur Jerem. 8. 8. & 28. & 36. Itasi de Apostolis loquimur; Unde factum ut Euangelium ab ipsis prædicatum suam apud Auditores obtinuerit autoritatem? An aliquo Ecclesiæ Judaicæ Testimonio; sed tantum abest ut calculo suo hoc approbaverit, ut contra omni ope illud suppressere conata sit, & ejus Præcones igne & ferro persecuta sit. An propriam hic autoritatem obtinent Apostoli? Sed hoc quis non videt perridiculum futurum fuisse apud eos, quibus vel planè ignotierant, ut apud Gentiles, vel quibus invis & suspecti, ut apud Judæos, quibus quantò notiores erant, tantò erant despiciatiores. Itaque superest, ut non aliunde quam a sublimitate, gravitate, & excellentiâ ipsius doctrinæ suam apud fideles autoritatem Verbum ipsorum obtinuerit. Et sanè Thessalonicenses audito tantum Paulo, sine testimonio alicujus Ecclesiæ, doctrinam ejus amplexi sunt ut Dei Sermonem 1. Thes. 2. 13. Galatæ ipsum receperunt ut Angelum Dei, imò ut Christum Jesum Gal. 4. 14. nullius Ecclesiæ commendatione; Et Beroënse Act. 17. 2. Verbum ejus non exigebant ad Ecclesiæ alicujus judicium, sed tantum ad unius Scripturæ amissim.

1. Thess. 2.
Gal. 4. 14.
Act. 17. 2.

XI. Rursus, Si aliquod Ecclesiæ decretum seu testimonium intercedere debuit ad Scripturæ divinitatem demonstrandam, vel particulare fuit, vel universale; Prius absurdum est & inutile; quia agitur de omnium, qui ubique sunt, Christianorum fide; Posterius falsum est; nullum enim proferri potest, a quo Scripturæ suam quoad nos autoritatem habuerint. Nam Concilium Hierosolymitanum quæstionem hanc ne attigit quidem: Et Vetus Testamentum jam suum Canonem habuit authenticum, non tantum apud Judæos, sed & apud Christianos, qui dictis Prophetis ab ipso statim initio fidem suam confirmabant. Post Concilium Hierosolymitanum nullum fuit Ecclesiæ judicium universale usque ad Nicænum, id est 325. post Christum annis. Scio afferri Concilium Laodicenum & Carthaginense tertium; sed præterquam quòd fuerunt Provincialia tantum, adeoque particularia, non universalis & œcumenica; Certum est non constituere Canonem, sed factum jam supponere; & δει, inquit Laodicenum Canon, 59. ιδιωτικὸς ψαλ-

4. Argum.

DISPUT. III. *μὲς λέγεσθαι ἐν τῇ Ἐκκλησίᾳ ἔδὲ ἀκανόνιστα βίβλια, ἀλλὰ μόνα τα κα-
 νονικά & κατὰ τὴν παλαιὰν διαθήκην. Non oportet Psalmos privatos in Ec-
 clesiis dici, neque libros qui sunt extra Canonem legere, nisi solos Canonicos
 Veteris & Novi Testamenti. Sic Carthaginense tertium; Quia à Patribus
 ista accepimus legenda. Ergo jam tum constitutus erat Canon, & nullus
 potest ex Patribus proferri, qui non testetur jam ante sua tempora consti-
 tutum fuisse. Certè clarè hoc colligitur ex ipso Concilio Nicæno, ubi
 Arius ex Scripturis non potuisset damnari, prout Athanasius apud Euse-
 bium testatur factum, ἐξ ἐγγράφων μὲν εὐσεβείας ἐνοχμένων λέξεων ex
 verbis Scripturæ piè intellectis, nisi jam Canon Scripturarum constitutus
 fuisset & agnitus. Sed quid opus multis, cùm aurea Constantini Impe-
 ratoris ad Patres Concilii verba, quæ apud Theodoretum habentur hist. i.
 cap. 7. scrupulum omnem eximant. Evangelici, inquit, & Apostolici
 Libri, nec non antiquorum Prophetarum Oracula nos docent, quid de re
 divina sentiendum sit, proinde positâ discordiâ sumamus ex verbis divinitus
 inspiratis solutionem questionis. Si ergo receptæ sunt à Patribus Scripturæ
 & pro Canonicis habitæ, sine ullo Ecclesiæ vel particularis vel universalis
 decreto; Quis non videt malè suspendi earum auctoritatem ab Ecclesiæ Te-
 stimonio?*

5. Argum. XII. Et sanè tam procul fuère Veteres à suspendenda auctoritate Scri-
 pturarum ab Ecclesia; Ut contrà censuerint ipsam Ecclesiam non alibi
 quàm in Scripturis quærendam esse, & ex illis cognoscendam: Instar
 omnium nobis nunc sit unus Augustinus, qui passim hoc inculcat contra
 Donatistas, sed nuspiam clariùs hoc testatur quàm lib. de unitate Ecclesiæ
 cap. 2. *Inter nos & Donatistas est questio ubi sit Ecclesia; Quid ergo facturi
 sumus; in verbis nostris eam quesituri, an in verbis Capitis sui? Puta quod
 in illius potius verbis eam querere debeamus, qui Veritas est & optime novit
 Corpus suum. Sic cap. 3. Non audiamus hæc dico, hæc dicis, sed audia-
 mus hæc dicit Dominus, sunt Libri Dominici, quorum auctoritati utri-
 que consentimus, utrique credimus, utrique servimus, ibi quæramus Eccle-
 siam, ibi discutiamus causam nostram. Et paulò pòst, Auferantur illa,
 quæ adversus nos invicem, non ex divinis Canonicis libris, sed aliunde recita-
 mus, quia nolo ex humanis documentis, sed divinis Oraculis Sanctam Eccle-
 siam demonstrari. Et cap. 16. utrum ipsi, scilicet Donatistæ, Ecclesiam
 teneant, non nisi Divinarum Scripturarum Canonicis libris ostendant, quia
 nec nos propterea dicimus nobis credi oportere, quod in Ecclesia Christi si-
 mus, quia ipsam quam tenemus Ecclesiam Optatus, vel Ambrosius, vel
 alii innumerabiles nostræ Communionis Episcopi tenuerunt, aut quia
 tanta sunt in eo mirabilia; Quæcumque talia in Catholica Ecclesia sunt,
 ideo sunt approbanda, quia in Catholica fiunt, non ideo ipsa manife-
 statur*

statutur Catholica, quia hæc in ea fiunt. Ipse Dominus Iesus cum resurrexisset à mortuis, & discipulorum oculis videndum manibusque tangendum corpus suum offerret, ne quid fallacia se pati arbitrarentur, magis eos testimonio Legis & Prophetarum confirmandos esse iudicavit. Hæc sunt causæ nostræ documenta, hæc firmamenta &c. Quæ verba luce meridiana clariùs probant, Ecclesiam à Scripturâ demonstrandam esse ex sententiâ Augustini.

XIII. Sed quia decantatus ex ejus libro *contra Epistolam Fundamenti* cap. 5. solet identidem nobis objici locus ubi ait; *Ego verò Evangelio non crederem, nisi me Catholica Ecclesiæ commoveret Autoritas*, antequam ad alia transeamus; videamus paucis an alicujus sit momenti ad sententiam Adversariorum confirmandam, faciliè autem demonstrari potest, perperam locum hunc adversùs nos adduci. Nam ut non dicamus, fidem nostram nec exemplo nec testimonio humano niti, adeoque qualiscunque fuerit mens Augustini, non posse urgeri adversùs nos, qui Domino nostro tantùm ejusque Oraculis stamus & cadimus; multa sunt quæ hîc reponi possunt, ex quibus luculenter patet, sensum, quem verbis istis affingunt Adversarii, tum à veritate, tum à mente Augustini alienissimum esse. Primò multi ex Pontificiis non infimæ notæ docent, id intelligendum non de Ecclesiâ præsentî, pro cujus Autoritate hîc pugnatur, sed vel de Ecclesiâ primitivâ, quæ ut loquitur Gerson tractatu de vitâ Spirituali animæ Lect. 2. *Est eorum fidelium congregatio, qui Christum viderunt, audierunt, & testes existerunt.* Atque in eâ sententiâ sunt Gerson, Driedo, Durandus; Vel volunt Augustinum non loqui de principali fundamento, propter quod creditur Scripturæ autoritas, sed de medio per quod homines infideles & in fide novitii primò perducuntur ad Sacræ Scripturæ cognitionem. Quæ mens est Petri de Alliaco Cardinalis Cameracensis, qui quæst. 1. in 1. Sententiam Art. 3. sic de Testimonio Augustini disserit. *Per Autoritatem Augustini, inquit, non habetur quòd ipse crediderit Evangelio per auctoritatem Ecclesiæ tanquam per principium Theologicum, ex quo Evangelium Theologicè probetur esse verum, sed solum tanquam ex causâ movente ipsum ad fidem Evangelii, ac si ipse aut alius dixisset. Non crederem Evangelio nisi me Ecclesiæ Sanctitas aut Christi miracula commoverent, in quo dictò licet fidei Evangelii causa aliqua assignatur, non tamen aliquod principium prius, cujus fides causa sit ut Evangelio credatur.* Sic & Canus lib. 2. Loco. the. c. 8. *Non docet fundatam esse Ecclesiæ fidem in Ecclesiæ auctoritate, sed simpliciter nullam esse certam viam, quâ sive infideles, sive in fide novitii ad sacros libros ingrediantur, nisi Ecclesiæ Catholice unum & eundem consensum:* At utrumvis istorum sensuum sequamur, nihil inde accedet Pontificiorum sententiæ.

XIV. Secundò, certum est Augustinum hîc de se loqui, non

DISPUT. qualis erat tunc Catholicus, sed vel ut olim fuerat Manichæus, vel in persona Catechumeni; Licet ergo agnoscat se Ecclesiæ autoritate adductum fuisse ad credendum Euangelio; non inde sequitur fidem ab ejus Autoritate pendere, quia alia est ratio incipientium; alia proficientium seu perfectiorum. Ecclesia potest quidem respectu priorum esse manu ductio ad fidem Scripturæ, ut antea diximus, sed non potest statim esse motivum *αὐτίαν* & primum respectu fidelium. Ne verò quis regeret, Augustinum videri de se loqui jam Catholico, ex eo quòd in imperfecto dicit *commoveret, crederem*, non in plusquam perfecto *credidissem, commovisset*; proclive est respondere, phrasim hanc ipsi esse familiarem ex Africanorum more. Sic Tom. 1. de vita beata. *Sic exarsi*, inquit, *ut omnes illas anchoras rumpere vellem, nisi me nonnullorum hominum existimatio commoveret*, hinc *vellem & commoveret* ponitur pro *voluissem & commovisset*. Sic lib. 2. Confess. c. 8. *Si tunc amarem poma illa, quæ furatus sum, & frui cuperem, possem etiam solus*, pro *amavissem, cupivissem, potuissem*. Ita Retract. lib. 1. cap. 3. *Nec tamen nomine isto uteremur, si jam satis essemus litteris Ecclesiasticis eruditi*, pro *usi fuissetus & fuissetus*. Ita Optatus lib. 1. *Pax si ut data erat, sic integra inviolataque permansisset, nec ab Authoribus Schismatis turbaretur*, pro *turbata fuisset*. Innumera istiusmodi afferri possent ad loquutionis istius frequentem usum apud Augustinum evincendum. Sed licet eò non deveniamus, optimè sensus constabit, modò notemus Augustinum ibi alienam personam inducere, hominis putà novitii & Catechumeni ad fidem adducendi. Patet ex scopo & verborum serie; Negotium illi erat cum Manichæis, qui absque controversia credi sibi volebant, quum veritatem se habere pollicerentur, non ostenderent; quia verò, ut Manichæo suo fidem adstruerent, Euangelium obtendebant, rogat quidnam facturi sint, si in hominem incidant, qui ne Euangelio quidem credat; ut in suam sententiam eum adducant; *Si invenires aliquem, qui Euangelio non crederet, quid faceres dicenti tibi, non credo*; statim ipse suscipiens non credentis personam, subjicit; *Ego verò Euangelio non crederem &c.* quasi dicat pone ob oculos aliquem, qui nondum credit, v.g. finge me non credere, certè Euangelio non crederem, nisi me Ecclesiæ commoveret autoritas. Confirmatur ex cap. 3. ubi priusquam ad rem accedat, statuit se personam Novitii agere. *Nemo nostrum dicat jam se invenisse Veritatem, sic eam queramus, quasi ab utrisque nesciatur, ita diligenter & concorditer quari poterit, si nulla temeraria præsumptione inventa & cognita esse credatur. Aut si & hoc à vobis impetrare non possumus, saltem illud concedite, ut vos tanquam incognitos nunc primum audiam, nunc primum discutiam &c.* Nec obstat quod Stapleton. reponit eum vocare Ecclesiam Catholicam, quod videtur facere non potuisse, si fuisset adhuc alienus ab ea. Quidni enim Catholi-

cam potuit dicere διακριτικῶς, vel quia sic vulgò audiebat, quòd tum DISPUT.
III. temporis isusus invaluerat, ut hoc Catholicæ nomine distingueretur vera Ecclesia ab omnibus sectis, quæ sibi & Ecclesiæ & Christianæ nomen audebant arrogare; vel quia revera talis erat etiam tum, cum pro tali ab ipso non haberetur, & quæ pro tali nunc ab ipso cognoscebatur. Sic Confess. lib. 3. cap. 10. *Irridebam illos Sanctos Servos & Prophetas tuos.* Non quòd agnosceret ut Prophetas, tunc cùm irridebat, quomodo enim irrisisset? sed quia tales revera erant, & ab ipso quum scribebat habebantur.

XV. Tertiò, Augustinus agit de *motivo externo* ad fidem, eoque ministeriali & humano, non de *infallibili credendi principio*. Licet enim fateatur Ecclesiæ auctoritatem posse esse inter motiva ad fidem respectu incipientium, ut nondum credentes ad fidem Euangelii præparentur, quod ipse appellat *opportunitatem querendi exordium* lib. de utilit. cred. cap. 7. Agnoscit tamen non esse solum vel præcipuum; sed Veritatem ipsam Scripturis contentam longè illi præferendam; patet ex cap. 4. Postquam varia adduxit, quibus in Ecclesia Catholica tenebatur, addit, *Apud vos autem, scil. Manichæos, uti nihil eorum est quod me invitet & teneat, sola personat veritatis pollicitatio, quæ quidem, si tam perfectè monstratur, ut in dubium revocari non possit, præferenda est iis omnibus, quibus in Catholica teneor, si autem tantummodo promittitur, non exhibetur, nemo me movebit ab ea fide, quæ animum meum tot & tantis nexibus Christianæ Religionis adstrinxit.* Ita cap. 14. *Eos sequamur qui nos invitant prius credere, quum nondum valemus intueri* (hic primus gradus est & introductio ad fidem) *ut ipsâ fide valentiores facti, quod credimus intelligere mereamur,* (id est obtineamus, ex usu illius seculi) *non jam hominibus, sed ipso Deo intrinsecus mentem nostram firmante & illuminante.* Ex quibus cuius colligere promptum est, non hanc sancto Viro fuisse mentem, ut fidem quam Scripturis habemus, ab arbitrio Ecclesiæ suspenderet, sed tantum ut indicaret, quod nos quoque verum fateamur, eos qui nondum sunt illuminati, Ecclesiæ reverentiâ ad docilitatem induci, ut Christi fidem ex Euangelio discere sustineant, atque hoc modo Ecclesiæ auctoritatem esse velut isagogem, quâ ad fidem Euangelii præparamur. Unde rectè Vessellus Groningensis lib. de potestate Ecclesiæ, dicit esse *Verbum originis de credendo, non comparationis & præferentiæ.* Atque huc potest non incommode referri, quod Augustinus utitur voce *commovendi*, non *persuadendi*, vel alio quopiam vocabulo, ut innuat Ecclesiam concurrere ad fidem non principaliter & primario, sed initialiter & organicè, & quidem tanquam causam adjuvantem, non ut causam essentialem & primariam.

XVI. Quartò *Auctoritas*, de quâ loquitur Augustinus, non est *juris & imperii*, qualem hic fingunt Adversarii, quasi credendum fuerit simpliciter, quia Ecclesia id dicebat, sed *Auctoritas dignitatis*,

DISPUT. quæ scilicet petebatur ex magnis & illustribus in Ecclesiâ Providentiæ
 III. divinæ documentis, in quibus Dei digitum agnoscebat, qualia erant miracula, populorum consensio, vetustas, successio, & id genus alia, sic cap. 4. *Ut hanc omittam Sapientiam, quam in Ecclesiâ Catholicâ esse non creditis, multa sunt alia, quæ in ejus gremio me iustissimè teneant, Tenet consensio populorum atque gentium, Tenet Autoritas miraculis inchoata, spe nutrita, charitate aucta, vetustate firmata.* Sic contra Faustum Manichæum lib. 2. cap. 2. explicans, unde cognoscantur genuina Scripta Apostolorum, ait, *Vides hâc in re quid Ecclesiæ Catholica valeat Autoritas, quæ ab ipsis fundatissimis Sedibus Apostolorum usque ad hodiernam diem succedentium sibi met Episcoporum serie & tot populorum consensione firmatur.* Hoc sensu non negamus Autoritatem istam Ecclesiæ posse fidem adjuvare in convertendis, eamque in conversis confirmare, sed nunquam eò pertinebit, ut ejus sit primarium fundamentum, quod extra veritatem ipsam Scripturâ contentam quærendum non est.

*Scripturam
 per se ipsam
 probari
 ostenditur.*

*1. A natura
 primorum
 principiorum.*

XVII. Atque ex his satis superque evicimus, Scripturam ab Ecclesiâ autoritatem suam non mutuari, nec quoad se, nec quoad nos, quod primum fuit nostræ probationis caput: Ad secundum nunc pergimus, ut demonstremus non aliunde, quàm à se ipsa Scripturam probari, & propter se divinam credi. Hoc verò non unâ ratione demonstrari potest: Primò à naturâ summorum generum & primorum principiorum. Nam si summa rerum genera, & prima principia in ordine rerum naturalium hoc habent peculiare, ut sint nota se ipsis, nec aliunde demonstrari possint, alioqui res in infinitum abiret; Utique Scriptura, quæ primum est principium in ordine Revelationis supernaturalis, à quo cætera pendent, à se ipsâ autoritatem habere debet, & non aliunde ascitam. Hoc autem esse de ratione primorum principiorum Philosophus I. Topic. notat. *ἀληθὴ ῥῶτα καὶ πρῶτα τὰ μὴ δι' ἐτέρων, ἀλλὰ δι' αὐτῶν ἔχοντα τὴν πίστιν, & δεῖ γὰρ ἐν ταῖς ἐπιστημονικαῖς ἀρχαῖς ἐπιστητεῖσθαι τὸ διότι, ἀλλ' ἐκάστη τῶν ἀρχῶν αὐτὴν καθ' ἑαυτὴν εἶναι πιστὴν.* Vera & prima illa sunt, quæ non ab aliis, sed à se ipsis fidem habent, non enim oportet in scientificis principiis quærere quare, sed unum quodque ipsum per se esse certum. Quò pertinent ista Basilii in Pf. I 15. *ἀνάγκη ἐκάστης μαθήσεως ἀνεξετάσθαι εἶναι τὰς ἀρχὰς τοῖς μαθητέων.* Necesse est singularium disciplinarum ejusmodi esse principia ut in ea non inquirant. Si ergo scientiarum aliarum principia autoritatem suam aliunde non mutuântur, sed ab iis qui naturali lumine pollent per se innotescent: Quis dixerit Scripturam, quæ primum est fidei principium, adventitio quodam lumine indigere, ut innotescat iis, qui oculos mentis illustratos habent? hinc *Lyranus* Prologo in Biblia. *Sicut in Philosophia veritas cognoscitur per reductionem ad prima principia per se nota,*

ita & in Scripturis à Sanctis Doctoribus traditis veritas cognoscitur quantum ad ea, quæ sunt fide tenenda per reductionem ad Scripturas Canonicas. Nec hilum proficit Stapletonus, imò pro nobis facit, quum excipit, principia quidem in se non probari & esse indemonstrabilia in *lq̃ dīcī*, sed propter nostram tarditatem nobis interdum explicari quoad *lō dīcī*, sic Scripturas demonstrari per Ecclesiam, non quid sint in se, sed quid sint quoad nos, ut à nobis acceptentur: Nunc enim non quarimus, quo medio nobis possit innotescere Scriptura quoad nos, sed quo argumento vel propter quid divina à nobis habeatur. Illud est *lō dīcī*, hoc verò *lō dīcī*, si ergo Stapletonus concedit, Scripturam non posse aliunde probari quoad *lō dīcī*, sed tantum quoad *lō dīcī*, ad nos accedit & largitur ultro quod volumus, fateamur enim Scripturam à posteriori posse probari per notas suas, sed aliunde à priori negamus.

XVIII. Secundò à *Comparatis*, Ut objecta sensuum à natura sunt ita comparata, ut à facultatibus suis bene dispositis statim ut iis applicata sunt, dijudicentur absque ullo alio argumento externo, utpote imbuta iis qualitatibus, quarum appulsu facillè dignoscuntur, propter arcanam scilicet proportionem & consensionem facultatis ad objectum, ut materiæ ad formam. V. G. Sol propriis radiis & innato splendore videtur, cibus propria dulcedine cognoscitur, odor propriâ fragrantia percipitur: Ita ut nemine etiam testante, facillè lucem Solis, cibi suavitatem, & odoris fragrantiam per se ipsas cognoscam & ab aliis discernam. Id ipsum in gratia & hoc præsertim in negotio occurrit. Scriptura Sacra, quæ proponitur nobis respectu novi hominis & sensuum ejus spiritualium Heb. 5. 14. modò sub imagine Solis & admirandæ lucis Psalm. 119. 105. 2. Petr. 1. 19. modò cibi suavissimi & mellis dulcissimi Psalm. 19. 10. & 119. 102. 103. Isa. 55. 1. 2. 3. 2. Petr. 2. 23. modò odoris fragrantissimi Cantic. 1. 3. modò vocis jucundissimæ Joan. 10. 27. 1. Joan. 1. 1. modò gladii acuti & ignis penetrantissimi Heb. 4. 12. Jerem. 23. 29. per se ipsam à novi hominis sensibus facillè dignoscitur, & propriâ luce, suavitate, fragrantia, & efficaciam cognoscendam se præbet, nihil ut opus sit argumenta aliunde conquerere. Hinc Sol justitiæ non citiùs exoritur, & micantes in Verbo radios diffundit, quin fidelis divino fidei oculo illico eum intueatur, & ad ejus lucem exultet Malach. 4. 2. Joan. 5. 35. Vox amabilis Christi non citiùs auribus nostris insonat, quin eam exaudiamus & internoscamus, ut oves ejus Joan. 10. 29. Cant. 2. 8. Panis vitæ, & mel divinarum consolationum non statim ipsi apponitur, quin confestim illum degluciat, & gustet bonum hoc Dei Verbum 1. Petri 2. 3. Heb. 6. 5. Cant. 2. 3. & fructum palato suavem experiatur. Christi Satisfactio & Justitia *εὐωδίας* Eph. 5. 2. non potest illi proponi, quin currat in odorem unguen-
torum

DISPUT. torum ejus Cant. 1. 3. & instar Aquilæ cœlestis in divinum istud πῶμα
 III. illico advolet Matt. 24. 28. denique cœlestis Veritatis ignis & gladius non
 potest exeri & admoveri, quin illico animam inflammet, & ad intimos
 cordis recessus penetret Luc. 24. 32. quin vivus & efficax iste Dei Sermo
 se acutiorem & penetrantiorē quovis gladio ancipiti exhibeat, & per-
 tingat usque ad divisionem ossium & spiritûs, compagumque & medulla-
 rum, dijudicetque cogitationes, & conceptiones cordis Heb. 4. 12.
 Cùm ego Scriptura se Lucem, Cibum, Vocem, Odorem, Ignem &
 Gladium vocet, eo ipso insitam ingenitamque vim sibi esse testatur, quæ
 luculentum sui argumentum præbet iis omnibus, qui sensus exercitatos
 habent ad discretionem veri & falsi, boni & mali. Unde si quis ro-
 get, quâ ratione persuadeamur a Deo fluxisse nisi ad Ecclesiam confu-
 giamus, perinde est ac si quis petat, Unde discamus lucem discernere a
 tenebris, album a nigro, dulce ab amaro: Non enim obscuriorem ve-
 ritatis suæ sensum ultro Scriptura præ se fert, quam coloris sui res albæ &
 nigræ, & saporis dulces ac amaræ. Hinc optimè Lactantius lib. 3. Insti.
 cap. 1. *Tanta est potentia veritatis, ut se ipsam quamvis in rebus exiguis suâ
 claritate defendat.*

XIX. Hoc ipsum verò ulteriùs confirmari potest a simili. Nam si in
 rerum natura nullum est effectum, quod causæ suæ notas & characteres
 quosdam non referat, sive in naturalibus, sive in voluntariis; Si singula
 Dei opera admirabiles Opificis virtutes conspiciendas nobis præbent, eum-
 que ita repræsentant, ut ex iis non obscurè cognoscatur: Quis crediderit
 Scripturam, quæ magnum est Dei opus, nulla Authoris sui κριτήρια præ se
 ferre? Imo eo luculentius debuit se in illa nobis contemplandum exhibere,
 quòd in eum finem eam tradere voluit, ut speculum esset splendidissimum
 Divinitatis, & fidei atque morum norma indeclinabilis; Alias dicendum
 erit, Deum vel non potuisse, vel noluisse se in illa exprimere. Quod
 utrumque non minus impium quam absurdum est, & Bonitati, Sapientiæ &
 Potentiæ Dei ex æquo repugnat.

3. A Scri-
 pturæ natu-
 rā.

XX. Tertio id ipsum colligimus ex *Scripturæ ipsius naturā*: Nam quæ
 ratio est Legis ad Subditos, Testamenti ad Custodem, cui commissum est,
 Regulæ & Normæ ad Artificem qui ea utitur; Ea debet esse Scripturæ ad
 Ecclesiam. Nam illa & Lex est summi Principis, & Testamentum Patris
 cœlestis, & Regula atque Canon fidei & morum certissimus. At neque Lex
 suam a Subditis, quibus fertur, vel Præconibus, quibus promulganda datur,
 mutuatur auctoritatem, sed illam unicè habet a Principe qui eam sancit;
 Neque Testamentum pondus suum obtinet quoad nos ab eo cui concredi-
 tum est, sed a voluntate Testatoris, nec Gnomonis & Regulæ virtus ab ar-
 tificis instrumenta illa tractantis ingenio & solertia pendet; sed ab interna

& essen-

& essentiali ejus proprietate, quam illi ordinis & veritatis autor Deus DISPUT.
dedit: Ita licet Ecclesia Legem istam æternam Regis Regum accipiat ut III.
Subdita, & promulget ut Præco, licet Testamentum Patris cœlestis custodiat ut Tabellio, & Regulam hanc infallibilem applicet: normæque utatur instar periti artificis ad ædificium fidei; nemo tamen dixerit auctoritatem Scripturæ conciliare, quando tota ab ipsius naturâ & essentiali proprietate, quæ ipsi à Patre Luminum ejus auctoritate indita est, pendet. Unde fidele quidem relinquitur Ecclesiæ ministerium, sed nulla auctoritas; & si quid addat aut detrahat mandatis, quæ à Domino accepit, in idem crimen incurrit, in quod Notarius tabulas Testamenti corrumpens, aut Præco commentitium Edictum promulgans, & Regium Chirographum ementiens; Imò tantò atrocius est scelus, quantò Divina humanis, & æterna caducis præstant.

XXI. Neque hic omittendum, quòd Pontificii ipsi Scripturas respectu Ecclesiæ volunt esse instar *Literarum Credentia* (sic eas vocabat *Perronius* Cardinalis) quæ fidem illi adstruant in ministerio suo; quamvis enim malè inde elicere velit Cardinalis Scripturarum insufficientiam ex eo, quòd in Literis credentialibus non omnia contineantur, quæ in mandatis data sunt Legato; Quia non sunt tantùm Literæ credentiæ, sed etiam Edictum & Lex Principis, quæ omnia credenda & facienda sancit, ut vetitum sit quidquam illi addere vel detrachere; Nihilominus ad hominem eo possumus uti argumento, ad sententiæ quam tuemur confirmationem. Quemadmodum enim Literæ credentiæ suam non habent à Legato Principis apud eos auctoritatem, ad quos mittitur; sed duntaxat à se ipsis & sigillo Principis apposito: Ita Scriptura licet per Legatos Dei ad nos deferatur, nunquam tamen ab ipsis pondus & auctoritatem suam recipere potest, sed demum à se ipsa & characteribus ipsi insitis, qui sunt veluti totidem summi Principis sigilla, quibus ea divina & infallibilis per se certissimè agnoscitur.

XXII. Denique ne plura congeramus argumenta. Si Scriptura est per se, & quoad se authentica, ut videri volunt hoc fateri Adversarii, non potest non esse pariter authentica quoad nos. Quicquid enim Scripturæ auctoritatem in se tribuit, & facit ut Divina sit & ἀπὸ τοῦ Θεοῦ, id ipsum etiam necessariò eam conciliare debet illi respectu nostri. Cum enim Scripturæ auctoritas nihil aliud sit, quàm dignitas ejus & præstantia divina, per quam fit ut fidem & obsequium apud homines mereatur. Quid obstat quominus quod eam talem reddit in se, præstet etiam quoad nos? Et sanè si Scriptura est in se Divina propter admirandam mysteriorum, quæ in ea traduntur, sublimitatem, propter perfectam partium omnium inter se consensionem, propter cœlestem ubique & nihil terrenum redolentem doctrinam, propter summam tum dogmatum tum præceptorum sanctitatem

4. Ab authentica
Scriptura
propriâ.

DISPUT. III. tem & puritatem, propter maximam Verbi efficaciam, quæ in intimos cordis recessus quovis gladio ancipiti potentiùs penetrat, & propter alia istiusmodi insita *κειρήρια*. Quare eadem argumenta oculis mentis exposita fidem ejus in nobis non ingenerarent? Vel enim id fiet, quia non sunt per se sufficientia ad *αὐθεντίαν* ejus constituendam, vel ad eandem nobis demonstrandam. Sed nec prius dici potest, quia, fatentibus ipsis Adversariis, Scriptura est in se authentica; nec posterius, quia est natura qualitatum, quibus subjectum aliquod ut tale constituitur, ut per easdem nobis innotescat, si modò ad eas animum appellere volumus, ut calor, quò ignis constituitur in esse calidi, est etiam apud nos ejus notificativus, sapor quò cibus constituitur in esse sapidi, subjectum suum declarat iis, qui gustu aliquo pollent: Character seu stylus libri alicujus nos ad cognitionem Authoris deducit, etiam sine ullo alio testimonio, ut qui exercitatus est in lectione Aristotelis, vel Ciceronis, facilè ex stylo & dicendi charactere genuina scripta eorum à supposititiis discernere poterit, etsi nullus de illis testetur: Quidni etiam divini Scripturæ Characteres, qui ejus Majestatem & auctoritatem constituunt, eandem etiam nobis declararent, si modò oculum fidei aperire volumus, ut eorum cognitioni incumbamus? Non diffiteor equidem posse operam Ecclesiæ intercedere, ut ejus interventu nobis innotescat; sed aliud est ministerium, per quod ad eam fidem adducimur, aliud fundamentum & motivum præcipuum, quò fides nostra nititur. Neque hoc diffiteri potest Bellarminus, cum eadem utatur methodo. Nam disputans contra Libertinos, Scripturæ Divinitatem probat ex Characteribus ipsi insitis, lib. 1. de Verbo Dei c. 2. Vel E. solidè probavit Scripturam ex notis suis; & sic Scriptura per Scripturam probari potest; Vel non, & sic in se ipsum incurrit, quia ibidem aperte profitetur, *Sacris Scripturis, qua Prophetis & Apostolicis literis continentur, nihil esse notius, nihil certius, ut stultissimum esse necesse sit, qui fidem illis habendam neget*. In eadem etiam sunt sententia plurimi ex Pontificiis, qui vi veritatis victi ultro agnoverunt, Scripturam per se ipsam probari, quorum testimonia nunc brevitatì studiò omittimus; Videatur *Canus* l. 2. l. 10. *Theo.* c. 8. *Grego. de Valentia* lib. 1. de Analyfi fidei c. 15. *Petrus à Soto* c. 7. *Defens. Catho. Valdensis* doctr. fid. l. 2. c. 20. & 21. *Scotus* q. 2. prologi in lib. sentent. &c. Atque ex his, ne ulteriùs progrediamur, concludimus Scripturam ita per se ipsam *αὐτόπιστον* esse, ut neque quoad se nec quoad nos ab Ecclesiæ testimonio ejus auctoritas pendeat, quod demonstrandum fuit.

XXIII. Plures moventur hic objectiones ab Adversariis, sed quia varix jam in præcedentibus sunt discussæ; unam hic tantum addimus, quæ identidem solet nobis opponi tanquam nodus indissolubilis. Petitur à necessitate auctoritatis alicujus infallibilis in Ecclesiâ.

Ecclesiâ loquentis & visibilis, ad persuadendam nobis Scripturæ auctoritatem, & Articulorum fidei veritatem; Cùm enim, ut pertendunt, via Scripturæ, seu Examinis ejus sit non modò difficilis, sed penè infinita & impossibilis, necessariè ad viam auctoritatis Ecclesiæ confugiendum esse, nisi velimus Deum hac in parte, quæ tanti est fidelibus momenti, defuisse. Viam autem istam examinis Scripturæ esse tot difficultatibus involutam, ut non modò fidelibus idiotis, & simplicioribus, sed & doctissimis quibusque sit inaccesa & impervia. Hic enim requiri primò, ut expendatur quæstio intricata de libris Canonicis, ut cognoscatur an locus, de quo agitur, sit verè authenticus. 2. An versio qua utimur sit conformis originali, ad quod cognitio linguarum originalium requiritur. 3. An non sint in locis allatis varix lectiones, quæ argumenti robur infirmant. 4. Ut feriò expendatur sensus loci qui assertur, an non loca vel parallela, vel contraria occurrant, quæ cogant alium illi dare sensum, & alia id genus, quæ sine magno labore obtineri non possunt, nec sine erroris periculo. Unde concludunt aliam viam breviorè & tutiorè sequendam esse, nimir. viam Ecclesiæ auctoritatis, in qua fideles faciliè & sine discrimine acquiescere possint, quod commentum non ita pridem renovatur à novitiis Ecclesiæ Romanæ defensoribus, *Episcopo Meldensi, Arnaldo, Nicole*, & aliis, qui in eo mirè sibi plaudere solent, & Nostri tanquam Achilleum & invictum argumentum obtrudere.

XXIV. Verùm non difficile est hunc impetum Adversariorum retundere. 1. Per retorsionem, quia quicquid contra Scripturam assertur, in Ecclesiam ipsam recidit; Cùm enim auctoritas Ecclesiæ infallibilis sit ex rebus, quæ in controversiam maximè veniunt, non potest nec debet admitti, nisi priùs probata fuerit; Unde verò probari poterit; Vel ex revelatione immediata, sed ea ex consensione Adversariorum non datur hodie. Vel ex Scriptura, sed neque hoc dici potest, tum quia supponitur pendere ex Ecclesiæ auctoritate, tum quia via Scripturæ ex hypothesi Adversariorum longa est & mille obstaculis impedita. Vel ex Traditione; Sed eædem difficultates recurrunt, accuratè enim hic distinguenda est vera Tradiitio à falsa, consulenda erunt originalia, & varix lectiones expendendæ, & genuinus sensus inquirendus, & cætera quæ circa Scripturæ loca debent fieri, longè majori studio debent expendi, quo majus est corruptionis & seductionis periculum, quæ omnia cùm non sint ex captu vulgi, impossibilem etiam hanc viam reddunt. Dicent fortè hanc notitiam haberi posse ex characteribus divinitatis & infallibilitatis, qui deprehenduntur in Ecclesia. Sed neque hoc potest satisfacere. 1. Quia tales notæ & characteres maxima ex parte conveniunt falsis societatibus & Ecclesiis schismaticis, quæ non modo non sunt infallibiles, sed quæ actu in errore versantur. 2. Quia varix ex istis notis vel falso

DISPUT.
III.

& illuforiè tribuuntur Ecclefiæ Romanæ, vel nihil minus concludunt quàm quod intenditur. 3. Quia in Ecclefia Romana funt characteres contrarii plures, ex quibus conftat non modò eam effe fallibilem, fed reipsâ erraffe. Denique non minor labor in inveftigandâ veritate iftarum notarum refpectu Ecclefiæ Romanæ requiritur. Uno verbo via authoritatis, quæ hîc obtenditur, fupponit neceffariò examen aliquod præcedens, primò ut fciamus an detur talis quædam authoritas infallibilis in Ecclefia vifibilis & loquens, de quo meritò controvertitur, & conftanter negatur à Reformatis. Secundò ubinam fit illa authoritas, in qua Ecclefia, & in qua perfona aut fede. 3. An habeat certas & evidentes notas & characteres, quibus conofcatur; ex quibus colligitur in Ecclefiam rectè retorqueri, quæcunque in Scripturam intorquentur ad ejus authoritatem elevandam.

XXV. Secundò directè respondemus, gratis fupponi viam Examinis poftulare difcuffionem plenam & accuratam omnium quæftionum, quæ vel circa libros Canonicos, vel circa loci alicujus verfionem vel fenfum moveri poffunt, quod linguarum peritiam & magnum eruditionis apparatus exigeret: Rectè quippe obfervandum eft, Scripturam poffe effe fidei regulam duobus modis, vel ad producendam fidem in eogradu perfectionis & plenitudinis, cujus homo capax effe poteft in hac vita; Vel tantùm in gradu fimplicis fufficientiæ ad falutem. Priori refpectu certum eft requiri multùm ftudij & laboris in expendendis omnibus iis, quæ in Scripturâ continentur, in excutiendis terminis & ftvlo, in conferendis verfionibus cum fontibus, in attendenda ferie orationis, materiâ de quâ agitur, fcopo loquentis, & aliis circumftantiis figillatim penfitandis, quæ omnia in fimplicem popellum & rufticos aut fœminas non cadunt. Sed pofteriori, ubi agitur de gradu fidei quoad fimplicem fufficientiam ad falutem, quæ oritur ex Doctrinis effentialibus, non opus eft tali & tantâ difcuffione, quia tales doctrinæ fatis clarè proponuntur in Scripturâ, non in uno loco, fed in pluribus, & fatis per fe ipfas à fidelibus gratiâ efficaci præditis ut divinæ agnofcuntur & veluti sentiuntur, ut nec varietas lectionum, nec verfionum diverfitas aut imperfectio, obftare queant, quominus ab iis apprehendi poffint; licèt nec quæftionem de libris Canonicis excufferint, nec linguas originales didicerint.

XXVI. Quod non ideo dicimus, quafi cenfeamus fideles fine ullo examine poffe cognofcere Scripturæ divinitatem, vel genuinum loci alicujus fenfum; Sic enim fides effet cæca & implicita, quod in Ecclefiam Rom. damnamus, quæ vult fibi credi ἀνεξέτατος, quia fe infallibilem jactat: Sed diftinguendum eft duplex *Examen*: Aliud *difcuffionis plenaria* omnium difficultatum, quæ vel circa notas Scripturæ, vel circa loci alicujus fenfum occurrere poffunt: Aliud *difcuffionis partialis*, feu *attentionis & applica-*

tionis

tionis mentis ad veritatem credendam. Prius doctiorum esse tantum agnoscimus, ejusque viam & longam & difficilem esse non diffitemur, quæ magnum laborem & studium postulat, & amplam eruditionis mensuram requirit. Sed posterius ad simpliciores etiam pertinere contendimus, qui in eo cum fructu versari possunt, si modò cum rectâ ratione, Spiritûs Sancti lumine dirigantur, quò oculi mentis illustrati mysteria sensui & rationi aliàs impervia & inaccessa credunt & amplectuntur. Hoc est examen & judicium, ad quod Apostoli sæpe hortantur fideles, quum volunt ut explorent Spiritus, ut judicent ipsi de illis quæ dicebant, quod Beroënenses in praxim deducebant, dum conferebant verba Pauli cum Scriptura, cujus interventu fides Euangelii in nobis firmatur per appulsum veritatis, tanquam lucis supernaturalis, quæ à mente gratiâ efficaci imbutâ recipitur, eodem modo, quò lux corporea ab oculo bene disposito recipitur per impressionem corporis lucidi.

XXVII. Atque hinc non obscure percipitur, quomodo gradum certitudinis sufficientem habere possit ad veram persuasionem animo ingenerandam: nimirum ut lux externa per se ipsam sine ullo alio medio videndam se nobis certò præbet; Ut objecta sensuum per se ipsa sensus nostros afficiunt, ut antea dictum, ut nulla alia opus sit causa ad id, ut persuadeamur nos verè videre lucem, verè gustare cibos, & alias id genus operationes sensitivas edere: Ita Veritas cœlestis, quæ per objecta sensuum solet in Scriptura designari, sensus nostros spirituales ita afficit immediatè per propriam lucem vel suavitatem, ut non sinat se ignorari; sed *certitudinem* in ea ingeneret sufficientem ad *πληροφορίαν πίστεως*, non quidem *evidentiæ*, & scientificæ demonstrationis, sed *sensus* & *experientiæ*, quæ sufficit ad eximendos dubitationum scrupulos, & tranquillandam conscientiam, & spem salutis ingenerandam, quatenus talia objecta plenè satisfacere possunt legitimis & naturalibus animæ desideriis ad perfectam felicitatem obtinendam, ita se animis nostris insinuando, ut tanquam divina & vera recipiantur ab omnibus tam infirmis & simplicibus, quàm doctis & provectoribus. Unde sensus iste conscientiæ sufficit ad discernendum verum à malo, & doctrinas erroneas & exitiales rejiciendas, utpote quæ cum veritatibus essentialibus & fundamentalibus Religionis, quibus singuli fideles imbuti sunt, subsistere nequeant. Verbi gratia, Principium adorationis unius Dei, quod primum est Religionis fundamentum, sufficit in simplicioribus ad rejiciendum Cultum Creaturarum, etsi quæstionem quæ circa hoc caput cum Ecclesia Romana nobis intercedit, nunquam viderint. Principium unici Sacrificii Christi sufficit ad rejiciendas satisfactiones humanas, Purgatorium, & Indulgentias Papales. Principium veritatis humanæ Naturæ Christi, nobis in omnibus similis, excepto peccato, sufficit ad rejiciendam præsentiam realem, Transub-

DISPUT. III. stantiationem, Sacrificium Missaticum, & Hostiæ adorationem, quod in aliis pariter locum habet.

XXVIII. Scio Adversarios hîc regerere, ex sententiâ nostrâ de certitudine veritatis inventæ per examen prædictum sequi, privatos quoslibet a nobis constitui infallibiles: quia nemo potest certò persuaderi de inventâ veritate per viam examinis, quin se infallibilem credat. Sed multa sunt, quæ huic figmento reponi possunt. 1. Gratis supponitur nullam veritatem posse inveniri per viam examinis sine infallibilitate, aliàs nihil certi in scientiis & artibus inveniri unquam posset, quia nullus est mortalium qui sit infallibilis. Ergo aliud est persuaderi, se esse absolutè infallibilem & nunquam posse errare, aliud persuaderi, se non errasse in hoc vel illo capite. Licet nemo sit absolutè infallibilis; Non sequitur neminem unquam dari posse, qui certus sit se non errasse. Quia dantur certæ veritates tam evidentes & sensibiles tam in naturâ quàm in gratiâ, ut certitudinem sui animis imprimant, ut suprà visum. Nec reponi debet, sic hæreticos posse etiam jactare certam persuasionem quam habeant de erroribus suis. Nam inanis & vana persuasio illorum, quæ illusionibus & falsis præjudiciis nititur, non debet evanidam reddere veram certitudinem fidelium, quæ indubitatis fundamentis & criteriis nititur. Nec si characteres, qui falsas persuasiones à veris distinguunt, non faciliè agnoscere possumus, sequitur minùs esse veros & reales. Ex quibus ita positum liquet, Deum non defuisse in rebus necessariis fidelibus, licet auctoritatem infallibilem, ac visibilem non reliquerit in Ecclesia ad componendas omnes controversias. Quia sola Scriptura tanquam norma infallibilis potest ipsis sufficere; si cum studio in ea meditanda ope Spiritûs Sancti versentur. Nec ideo dicendum, Ecclesiam pejori loco constitutam, quàm alias omnes societates, quia exponatur hæreticorum & schismaticorum factionibus. Quia Paulus docet necesse esse hæreses esse I. Cor. II. 29. Et res ipsa hoc evincit. Nam si tale remedium infallibile à Christo institutum esset, cur ergo effectum suum non obtinuit, cur & temporibus Apostolorum, & insequentibus seculis hæreses & schismata non sunt repressa? Cur Ecclesia Græca & Latina variis dissidiis laceratæ sunt & quotidie lacerantur? Remedium sanè ineptum esse oportet, quod effectum, quem producere dicitur, nunquam produxit. Et de his quidem hætenus

FINIS.

DISPUTATIO

BONORUM OPERUM NECESSITATE.

Respondente DANIELE BARBALDO *Retensi.*



ICET Quæstio de *Bonorum Operum Necessitate* minus necessaria videatur, in tanta præsertim Evangelii luce, quod nihil aliud magis sollicitè quàm Sanctificationis & bonorum Operum studium commendare solet; necessariam tamen eam reddit, Tum *Epicureorum & Libertinorum*, quorum seculum hodiernum nimis ferax est, licentia, quæ gratiam Dei in *δσαλας* convertentes, putant se impunè peccare

posse, ut gratia abundet. Tum *Antinomorum* insania, qui negant Legis in fideles, postquam semel fuit abrogata, ullum esse jus. Tum denique *Pontificiorum* intemperies, qui Operum necessitatem ulteriùs quàm par est protendentes, eam ad Justificationis & salutis meritum perperam referunt; Nobisque gravem propterea, sed falsissimam & injustissimam dicam scribunt, quasi eorum necessitatem absolutè negaremus, doctrinæque nostra sub prætextu gratiæ pietatem extingueret, & habenas quibuslibet peccatis laxaret.

II. Ut ergo sciamus, quid hac in parte nobis tenendum sit, Observandum est ante omnia, peccatum jam olim hîc fuisse, & peccari etiamnum hodie bifariam, & in *Excessu*, & in *Defectu*, duòsque hîc scopulos æquè periculosos occurrere, *Epicureïsmum & Pharisaïsmum*: Alter est eorum, qui nullam Operum necessitatem agnoscunt: Alter verò eorum, qui nimiam urgent: In primum impegerunt olim *Epicurei & Simoniani* à Simone Mago dicti, qui bonorum Operum necessitatem prorsus negabant, docentes, fideles non debere attendere ad Legem Divinam, nec curare quæ ibi præcepta vel vetita fuerint, sed liberè posse agere quæ vellent, & sic morum turpitudinem, & quidlibet agendi effrænem licentiam invehebant; ut observat *Augustinus de hæresibus* ad hæ. I. & *Theod.* lib. I. hæret. de Simone. Quem erro-

rem:

DISPUT.
IV.

rem ab Orco revocârunt novissimis temporibus, licet alium in finem, *Libertini & Antinomi*, qui bona Opera non necessaria, sed ἀδιάφορα statuebant, & propositionem de necessitate bonorum Operum ignominiosè exagitabant, ut refert *Sleid. Hist.* lib. 9. In alium verò scopulum incurrerunt post Phariseos jam Apostolorum tempore Pseudapostoli, qui exitialem mixturam facere conantes, Mosis cum Christo, Legis cum Evangelio, & Operum cum Fide in negotio Justificationis, Legis & Circumcisionis imprimis observationem urgebant, adcoque necessaria pertendebant esse bona Opera ad salutem promerendam, ut refert Lucas Act. 15. 1. Quorum vestigia hodierno die premunt Pontificii, qui ut Opera meritoria faciunt; ita necessitatem eorum ad salutem promerendam, & ex merito conservandam urgent & exigunt. Ita Diabolus, quod in aliis pluribus doctrinæ Capitibus facere solet, duplici via primarium hoc Salutis Caput corrumpere conatus est, conjungendo dividenda, & dividendo conjungenda; Nam in Justificationis negotio Fidem & Opera conjungere fatagit, quæ Deus separavit, & in Sanctificatione Opera à Fide divellere molitur, quæ Deus conjunxit.

Orthodoxo-
rum sen-
tentia.

III. Inter duo hæc Extrema medium tenent Orthodoxi, qui necessitatem quidem bonorum Operum urgent adversus Antinomos & Libertinos, sed meritum constanter negant adversus Pontificios; Contendunt necessaria esse ad salutem obtinendam, quia sine sanctitate nemo visurus est Deum, Heb. 12. 14. sed nolunt agnoscere necessaria esse ad eam acquirendam, quia salvamur gratiâ & non ex operibus Eph. 2. 8. Fatentur Opera multiplicem habere χάριν & relationem ad vitam, ut *medii* ad finem, *vix* ad metam, *pugna* ad victoriam, *victoria* ad coronam, & *laboris* debiti ad mercedem gratuitam. Sed non possunt admittere cum Adversariis habere relationem meriti & causalitatis; quia statuunt cum Bernardo esse *viam regni*, non *causam regnandi*. Fatendum tamen etiam inter ipsos Evangelicos dari aliquod sententiarum divortium circa bonorum Operum necessitatem ad salutem, An scilicet *bona opera dici possint ad salutem necessaria*. Cum enim superiori seculo Pontificii in Germania viderent doctrinam de Justificatione per solam fidem non posse simul & semel everti, insidiosè urgere cœperunt hanc propositionem, *Bona opera ad salutem esse necessaria*, in formula Interimistica (quam sub specie Conciliationis & Pacis Ecclesiasticæ obtrudere satagebant Protestantibus, sed re ipsa ad puriorem Religionem corrumpendam, ut faciunt hodierni Syncretistæ,) & quidem præclaro sub hoc prætextu, ne Epicureismus introduceretur in Ecclesiam; revera autem ut Justificationis doctrina paulatim convelleretur; Quam fraudem cum multi non statim animadverterent, propositionem admiserunt, & inter eos etiam *Melancthon*, qui tamen phrasim illam postea rejecit, tanquam minùs commodam, imò & periculosa.

sim, ut patet ex Actis Colloquii Wormatiensis habiti anno 1557. Mota postea fuit eadem lis inter Theologos Witembergenfes & Jenenses, diuque & diversimodè in utramque partem agitata, illis propositionem admittendam esse statuentibus, istis verò rejicientibus, donec tandem in libro Concordiæ composita est, Et in hoc conventum, *Novam obedientiam seu bona opera interna & externa credentibus & conversis ad Deum esse necessaria.* Inter Reformatos sunt qui simpliciter dici nolunt & sine aliqua cautione, bona Opera esse ad salutem necessaria, ne quis phrasim illam sensu Pontificio interpretetur; quasi scilicet bona opera dicerentur necessaria ad salutem efficiendam aut procurandam, ut Pareus in Bellarminum l. 4. de Justificatione c. 1. & Joannes Davenantijs de Justificatione cap. 31. Alii verò simpliciter propositionem retineri posse censent, nec in ea ullam dari materiam scandali, modò rectè explicetur; multum verò periculi & offendiculi esse, si quis id neget aut dicere reformidet; ad quos etiam facile accedimus. Qualiscunque verò sit iste dissensus, in verbis potius & phrasi situm esse quàm in re ipsa, facile est colligere, apud utrosque enim hoc est in confesso, Opera ita esse nobis necessaria, ut nemo sine ipsis salvari possit, licet nihil conferant ad salutem vel efficiendam vel acquirendam, quod jam demonstrandum nobis est.

IV. Ut verò clarius Sententiæ Orthodoxæ veritas teneatur, præmittenda sunt distinctiones nonnullæ *Necessitatis*, quæ hic sedulò sunt attendendæ. Alia quippe est *Necessitas præsentis*, secundum quam bona Opera ita dicuntur necessaria, ut sine illis salus obtineri nequeat; Alia verò *Necessitas efficientiæ*, secundum quam non tantum esse debent in fidei servando, sed & operari & efficere salutem; Alia est *Necessitas mediæ*, per quam bona opera statuuntur esse media necessaria ad possidendam salutem; Alia verò *Necessitas meriti*, per quam vis etiam meritoria illis tribuitur ad eam acquirendam; Alia *Necessitas connexionis* & dependentiæ, quâ bona Opera dicuntur antecedere necessariò, & connecti ac post se trahere vitam & salutem; Alia verò *Necessitas causalitatis*, juxta quam opera habent rationem causæ ad salutem, quæ eam vel promereantur vel producant. Statuimus contra Libertinos bona Opera necessaria esse priori sensu, sed negamus posteriori contra Pontificios, Et de priori nunc distinctè agendum suscipimus.

V. Cum verò *Necessitas* vulgò duplex statuatur, pro naturâ rerum quæ præstandæ sunt, Alia quæ dicitur *præcepti*, quæ voluntate præcipientis nititur, quomodo necessaria fuit observatio Cærimoniarum sub Veteri Testamento, & necessarius est usus Baptismi in Novo Testamento; Alia verò *mediæ*, quæ non pendet tantum à voluntate Legislatoris, sed quæ fundatur etiam in rerum ipsarum natura, & mutua inter se invicem relatione & connexionem, quomodo

Status
Quæstio-
nis.

Bona Ope-
ra sunt ne-
cessaria.
Necessitate
præcepti.

DISPUT. fides dicitur esse necessaria ad salutem, non tantum quia ita Deus præcepit, sed etiam quia tam arcta est inter fidem & salutem connexio, ut salutem sine fide obtinere sit impossibile. Bona Opera utroque modo fidelibus omnibus ad salutem necessaria esse pertendimus; Tum necessitate præcepti, quia à Deo mandata sunt, & ab homine debentur; Tum necessitate medii, quia indivulso cum salute nexu cohærent. Et ut de *necessitate præcepti* dicamus primum, Scriptura passim illam adstruit, dum Bonorum Operum praxim & Sanctificationis studium fidelibus præcipit, *hæc est voluntas Dei*, inquit Paulus 1. ad Theff. c. 4. v. 3. *sanctificatio vestra, ut quisque vas suum possideat in sanctitate & honore*. Sic Christus Matt. 5. 10. *Luceat Lux vestra coram hominibus*. & Joan. 15. 34. *Mandatum novum do vobis, ut vos invicem diligatis*. & 1. Joan. 4. 21. *Hoc est mandatum quod nobis dedit, ut credamus in nomen Filii sui, & diligamus invicem*. Nec aliò respiciunt tot Prophetarum & Apostolorum potentissimæ ad pietatem & sanctitatem hortationes, quàm ut doceant non suo arbitratu vivendi licentiam cuique à Deo concedi, sed bonorum Operum exercitium ut iustissimum & summè salutare præscribi. Quò pertinet etiam vox *Debiti*, quæ fidelibus tribuitur, quum *Debitor* vocantur Rom. 8. 12. & 13. 7. Luc. 17. 10. Nec enim Debitorum possent dici, nisi quia obediendi necessitas ipsis ex Dei præscripto imposita est.

VI. Porro *Debitum* hîc duplex distinguendum est. Aliud *Legale*, Aliud *Euangelicum*; *Legale* rursus duplex, Vel *perfecta obedientia* in Lege requisita ad vitæ acquisitionem, quo sensu Paulus vocat *Legem Chirographum* Col. 2. 14. quia in ea obedientia Deo debita, & propter quam obstricti sumus ipsi, sancitur; Ita debitor erat Adamus, & quotquot manent sub fœdere Operum Galat. 5. 3. *qui vult circumcidi, debitor est totius Legis servanda*; Vel *Pœnæ*, ratione scilicet maledictionis, quam ferre debent Legis transgressores; hinc Peccatores, qui rei sunt coram Deo, vocantur *οφειλέται* Matt. 18. 34. & peccata *debita* dicuntur in Oratione Dominica Matt. 6. Non quòd ea debeamus Deo, nihil enim minùs debemus; quæ ratio est cur peccata mortis verè sint meritoria, quia sunt planè indebita; sed ratione pœnæ consequentis, quia ad illam tenetur peccator ex ordine iustitiæ, nec potest elabi, quin debitum illud seriùs ociùs exsolverit. Ab utroque hoc debito liberati sunt fideles per Christum, qui Legem implendo pro ipsis, & quoad obedientiam, & quoad pœnam, à reatu mortis illis impendente eos liberavit, & jus ad vitam ipsis acquisivit, Rom. 8. 1. 3. Galat. 4. 13. Sed præter hoc debitum legale, datur *Debitum Euangelicum*, à quo fideles nunquam possunt liberari; Debitum scilicet *novæ obedientiæ*, cui obstringuntur omnes renati ex Lege Christi Rom. 8. 12.

*Necessitate
Medii.*

VII. Verum non ea tantum de causa urgenda sunt bona Opera,

Opera, quia Necessitatem habent præcepti, cùm habent etiam multipliceD i s p I V. *Necessitatem Medii*, & vinculum, quò illis homo obstringitur, adeò sit arctum, ut ubivis & semper ad ea obligetur, nec in ullo statu vel naturæ, vel peccati, vel gratiæ, ab eo exsolvi possit: Et sanè si nullum aliud jus Deo in hominem competeret, quàm *Creatoris & Conservatoris*, quis non agnosceret justissimum & summè necessarium esse obsequium & cultum, quem Domino suo reddere tenetur; ut quemadmodum omnia habet à Deo, ita omnia ad ipsum referat; Et, si dependet ab ipso in genere *Entis* necessariò & indispensabiliter quoad productionem & conservationem vitæ, dependere etiam debeat ab ipso in genere *Moris* quoad obedientiam, & vitæ sanctitatem? Verùm fortius multò adstringitur hoc vinculum; si *Redemptionis* χέου spectemus; Ut enim per ipsam longè plura & majora beneficia est consequutus Fidelis; ita longè arctius Liberatori suo obstringitur, nisi in teterrimum ingratitudinis vitium incurrere velit.

VIII. Unde multiplex exurgit Operum necessitas; Tum respectu *Ratione Dei* ad ejus gloriam illustrandam Matt. 5. 16. Tum respectu *Proximi* ad ejus ædificationem procurandam 1. Pet. 3. 1. Phil. 2. 15. Tit. 2. 7. Tum respectu *Fidelis* ipsius, ad salutem suam procurandam Phil. 2. 13. & Vocationem & Electionem suam confirmandam 2. Pet. 1. 10. Ad hæc enim tria officia totam vitam Christianam refert Paulus Tit. 2. 12. ut vivamus σοφρόνως, δικαίως, καὶ ἐνσεβῶς sobriè & temperanter respectu *Nostri*, justè respectu *Proximi*, & piè respectu *Dei*. Verùm ut Necessitatis istius ratio distinctius percipiatur, expendendæ sunt variæ χέσεις & relationes, sub quibus Fidelis spectari potest. Quocunque enim se convertat, innumera deprehendit ad Sanctitatem incentiva; sive respiciat ad *Fædus gratiæ*, in quod receptus est; Sive ad *Deum*, cui in Baptismo nomen dedit; sive ad *Euangelium*, quod illi credendum proponitur; sive ad *Fidem*, quam profitetur; sive ad *Gratiam*, quâ jam fruitur; sive ad *Gloriam*, quam adhuc sperat; nihil est quod ad bonorum Operum necessitatem multis modis non inducat. Tit. 2. 12.

IX. Primò *Fædus gratiæ* eam evincit clarissimè; Notum enim duas *Fædus gratiæ* illud partes necessariò continere, *Promissionem* à parte Dei, & *Officii stipulationem* à parte hominis. Quippe ut in eo Deus pollicetur se fore Deum nostrum, vult etiam vicissim ut simus ejus populus; Ut spondet favorem & protectionem omnimodam; ita omnimodum cultum & obsequium postulat; Ut se nihil nobis denegaturum, quod faciat ad salutem nostram, etiam juramento adhibito sanctè declarat, sic exigit pariter, ut nihil ipsi recusemus, sed totos nos ad ejus gloriam impendamus, in præceptis ejus ambulando. *Ero illis in Deum, & ipsi erunt mihi in populum* Levit. 26. 12. Jerem. Lev. 26. 12. Fer. 31. 33. 31. 33. Fateor quidem tantam esse Dei benignitatem, ut non tantum exigat

DISPUT. hęc à nobis officia tanquam debita; sed etiam promittat tanquam benefi-
 IV. cia; Quod est privilegium novi Fœderis, in quo Deus non tantum agit quod suarum est partium, sed etiam nostrarum, & ita postulat fidem, ut eam etiam nobis indat Phil. 1. 29. Ita exigit timorem sui & reverentiam, ut illam etiam cordibus nostris ingeneret, ut nunquam recedamus ab ipso Jerem. 32. 40. Verum hoc non obstat, quominus ad executionem officii debiti obstringatur Fidelis; imò tam arctè & indissolubili ista inter se conjuncta sunt vinculo, ut nihil promittatur à parte Dei, nisi homo conditionem propositam impleat à parte sui; nec quisquam nisi falsò sibi polliceri unquam poterit gratiam Dei, qui fidem & pœnitentiam quam exigit, in se non deprehenderit. Licet ergo in Verbo & Sacramentis, Fœderis promissionem Deus nobis exhibeat, & verissimè ac sincerissimè demonstret quid sibi gratum sit, & quid penès se constitutum sit, nimirum dare gratiam Credentibus & resipiscentibus, cum tamen promissio hęc semper sit conditionata, utcunque indiscriminatim proponatur & offeratur hominibus, non alios tamen respicere censenda est ex Dei consilio; quàm eos qui conditionem, sub qua proponitur, re ipsa habuerint, & quibus ipse eam dare constituit, qui solus dare potest, nimir. Electos & Fideles. Unde sequitur *Fœdus gratia* nullum locum habere posse erga hominem, nisi Deo vocanti pareat, & officium quod ab ipso Deus postulat, in bonorum Operum praxi, & pœnitentiæ exercitio implere satagat.

Tres Personæ Trinitatis.

X. Porro ut Obedientia, quæ in Fœdere gratiæ exigitur, Deum Trinum respicit, Patrem, Filium, & Spiritum Sanctum; Ita hoc etiam respectu Fidelis tenetur bonis Operibus incumbere; Nam ut singulæ Trinitatis Personæ peculiarem *χέρι* induunt in Oeconomia Salutis, Prima *Patris*, qui nos eligit ab æterno, & in familiam suam adsciscit. Secunda *Redemptoris*, qui nos redimit in tempore, & in Populum peculiarem & membra Corporis sui mystici cooptat. Tertia *Paracleti*, qui nos sanctificat, & in Templum consecrat, Gratiam à Patre nobis destinatam, & à Filio acquisitam, applicando: Ita ad tres Personas Cultus noster terminari debet, ut *Patrem* veneremur & colamus ut *Filii* 1. Pet. 1. 15. 16. Ephes. 5. 1. Malac. 1. 4. Ut vestigia Redemptoris sequamur 1. Pet. 2. 24. Et nos verè præstemus populum *περίσειον ζηλωτῶν καλῶν ἔργων* Tit. 2. 14. Ut Paracletum in nobis habitantem sedulo colamus, nec unquam contristemur Eph. 4. 30. vel Templum ejus ullis sordibus infici patiamur 1. Cor. 6. 16. Uno verbo ut vivamus dignè Filiis Dei, Fratribus & Membris Christi, & Templis Spiritûs Sancti. Aliàs quomodo Deum Patrem inclamare poterimus, si nolumus filialem obedientiam illi præstare Mala. 1. 4. ? Vel Christi discipulos nos profiteri, si mandata ejus non observemus, & vitam Christi non degamus Jo. 14. 15. 1. Jo. 2. 3. Rom. 8. 9. ? Vel Spiritûs S. Sacraria dici, si ut Spiritu vivimus, ita secundum

dum Spiritum non ambulemus Gal. 5. 24. ? Hoc verò præsertim exigit DISPUT.
IV.
Communio, quæ nobis intercedit cum Christo Capite nostro, quæ veritatem suam obtinere nequit, nisi per *conformitatem* nostri cum ipso, ad quam propterea prædestinati sumus Rom. 8. 30. Ut non nomine tantum & professione, sed vitâ & moribus simus Christiani, ambulando sicut ipse ambulavit 1. Joh. 2. 6. & ut Christus ipse in nobis vivat Gal. 2. 20. Triplicisque Muneris, ad quod nos Unctione suâ cœlesti consecravit, similitudinem & effecta in nobis producat, *Prophetas* instituendo, qui nomen & virtutes ejus prædicent 1. Pet. 2. 9. *Sacerdotes*, qui corpora sua in victimam viventem & sanctam illi offerant Rom. 12. 1. Et *Reges*, qui imperium exercent in mundum & proprias cupiditates Apoc. 1. 6. & 5. 10.

XI. Tertiò hoc ipsum ex *Euangelii*, quod nobis proponitur, indole Euange-
lium.
luculentius confirmatur. Cum enim *doctrina* sit non *Theoretica* tantum, quæ inani speculatione mentem pascat, sed *Practica*, quæ voluntatem corrigit, & ad praxim boni impellit, quæque ideo *Veritas secundum pietatem*, & *Mysterium pietatis* dicitur 1. Tim. 3. 16. Quis non videt neminem posse seriò illud amplecti, qui non teneatur dignè ipso ambulare? ut cum Fide Charitatem, cum Cognitione Cultum, & cum Sapientia quæ doctos nos reddit, Religionem quæ bonos & pios, indivulso nexu conjungamus, ut potentes simus *λόγω καὶ ἔργῳ*, nec tantum sciamus credenda, sed & impleamus facienda. *Si hæc sciitis, Beati estis, si hæc facitis* Joan. 13. 17. 17. Quò pertinent aurea *Lactantii* verba lib. 1. cap. 1. qui scientiæ salutaris, quam Euangelium nobis exhibet, summam sic describit, *Ut neque Religio ulla sine sapientia suscipienda sit, nec ulla sine religione probanda sapientia.* Et lib. 7. cap. 4. *non potest nec religio à sapientia separari, nec sapientia à religione secerni, quia idem Deus est, qui & intelligi debet quod est sapientia, & honorari quod est religionis.* Quippe ut Deus in Christo, quod est objectum Euangelii, est *primum Verum & summum Bonum*; Ita debet per fidem apprehendi & cognosci ut primum Verum, & per Charitatem coli & diligi ut summum Bonum: Atque ea de causa *Euangelium* toties nomine *Legis* indigitatur, quoties *Lex fidei* Rom. 3. 24. *Lex Spiritus & vitæ* Rom. 8. 2. *Lex regia libertatis* Jac. 1. 25. *Lex Christi* 1. Cor. 9. 21. Rom. 3. 24.
& 8. 2.
Jac. 1. 25.
1. Cor. 9. 21.
dicitur; Non tantum per *μίμησιν* alludendo ad mentem Judæorum, quia Euangelium verè & perfectè præstat nobis, quod perperam & falsò quærebant in Lege Judæi, puta justificationem & salutem, ut non insolitum est Spiritui Sancto, nomina rerum quibus efficaciam, pretiùmque magnum homines attribuunt falsò, illis tribuere quæ verè efficaces sunt & pretiosæ: Sed etiam propriè, quia Euangelium suam etiam habet Legem, suaviorem quidem illam Lege rigidâ & inexorabili Mosis; Sed Legem tamen, quæ ad obsequium hominem obligat, Jugum Christi leve est,

DISPUT. sed jugum tamen, quod suscipere tenemur Matt. 11. 29. Hinc Paulus
 17. Gal. 2. 20. *Per Legem Legi mortuus sum*, per Legem Christi, Legi Mosis,
 Matt. 11. 19. & per Evangelium, Legi, & Rom. 8. 2. *Lex Spiritus vitæ* dicitur nos li-
 Gal. 2. 20. berare à *Lege peccati & mortis*, quia Evangelium, quod est ministerium
 Rom. 8. Spiritus, & Verbum vitæ, nos liberat à Lege Mosis, quæ peccatum
 irritando & augendo, mortem peccatoribus intentat. Quamvis ergo
 à Lege liberati simus per Christum, nec amplius simus sub Lege, sed sub
 gratia; Non ideo exleges vivere debemus, sed subesse Legi Christi; Ut
 1. Pet. 2. 13. *liberi*, inquit Petrus 1. 2. 13. *sed ut servi Dei*, quia liberati à peccato servi
 Rom. 6. 18. facti sumus iustitiæ, Rom. 6. 18. ut servitus non sublata penitus; sed mu-
 tata tantum fuerit, servitus peccati in servitutem gratiæ, & jugum fer-
 reum Diaboli in jugum suave Christi.

Fidei natu- XII. Quartò *Fidei* natura eandem Operum necessitatem post se tra-
 hit; Cum enim Spiritus Sanctus testetur eam indissolubili cum Charitate
 12. conjunctam esse vinculo, & non posse veram esse nisi per charitatem sit
 ἐν ἀγάπῃ Gal. 5. 6. imò Jacobus eam mortuam esse sine Operibus expressè
 asserat: Quo tandem pacto de fide gloriari quis poterit, si illa bonis Operi-
 bus non sit stipata? Arbor est quæ fructibus carere non debet, & fons ma-
 nalis qui rivos ex se non potest non fundere. Fateor quidem fidem & opera
 in *negotio Justificationis* ita sibi ex diametro opponi, ut sint planè ἀντίθετα;
 unde toties urgetur ab Apostolo fidei & Operum antithesis; Sed hoc non
 impedit, quominus in *Persona justificationis* inter se conveniant, & ad pro-
 movendam & perficiendam ejus sanctificationem suavissimè conspirent?
 Ut temerè & falsò fidelem se prædicet, qui solâ fidei professione contentus
 de operibus haudquaquam est sollicitus, quod faciebant Libertini Jacobi
 tempore, qui perperam intellectis verbis Pauli, qui solam fidem urgebat
 ad justificationem, Sanctimoniam & bonorum Operum studium negligebant;
 quod non fecissent, si observassent eandem fidem, quæ est *instrumentum*
Justificationis, esse etiam *principium* & radicem Sanctificationis,
 quâ corda purgari debent Act. 15. 9.

Dei bene- XIII. Denique eò tendunt *omnia Dei beneficia*, sive præterita, quæ
 ficia. nobis jam collata sunt, sive futura, quæ sunt adhuc conferenda, sive gra-
 tia quâ fruimur, sive gloria quam speramus. Quorsum enim nobis vel confe-
 rantur, vel promittuntur, nisi ut Sanctificationis opus in nobis promo-
 veant, & sint totidem motiva efficacissima obedientiæ nostræ erga Deum?
 Et sanè ut geminam χάριν Opera nostra possunt induere, tum respectu
 præteriti, tum respectu futuri; priori sunt *sigilla* & *pignora* gratiæ an-
 tecedentis, Ephes. 4. 30. 2. Tim. 2. 19. Posteriori sunt *arrhabones* &
primitiæ gloriæ consequentis, Ephes. 1. 14. Rom. 8. 23. Sunt *fructus*
Electionis, quæ præcessit ab æterno Ephes. 1. 4. quibus à posteriori
 inno-

innotescit & confirmatur in nobis 2. Pet. 1. 10. Et *semina glorificationis*, DISPUT. IV.
 quæ sequetur in æternum Galat. 6. 5. 6. Et ut bene *Bernar.* de grat. & lib.
 arbi. *sunt Spei Seminaria, Charitatis incentiva, occulta Prædestinationis in-*
dicia, futura felicitatis præsagia, via regni, sed non causa regnandi. Nec
 obscurum hoc erit singula Dei beneficia perpendenti: Ad quid enim respicit
 æterna Dei *Electio*, quâ à communi hominum peccatorum massa secrèti,
 ad salutem destinati sumus ab ipso, nisi ad sanctificationem? *Elegit nos*
in Christo, inquit Paulus Ephes. 1. 4. *ut simus sancti* 2. Thess. 2. 14. *Ele-* Ephes. 1. 4.
git nos Deus ab initio in sanctificationem spiritus & fidem veritatis. Ad quid 2. Thes. 2.
Redemptio Christi? Nisi ad hoc ipsum, ut *liberati ab inimicis nostris, co-* 14.
lamus ipsum & quædam in sanctitate & justitia omnibus diebus vita nostræ
Luc. 1. 74. Et ut redempti pretio ipsum glorificemus & corpore & animo Luc. 1. 74.
 1. Cor. 6. 20. Ad quid *Vocatio*? Nisi ut simus sancti, ut qui vocat nos
 sanctus est 1. Petr. 1. 18. & virtutes illius prædicemus, qui à tenebris nos 1. Petr. 1. 18.
 vocavit in admirabilem lucem suam 1. Pet. 2. 9. Ad quid *Justificatio*? Nisi 1. Pet. 2. 9.
 ut à reatu peccati liberati, illi in posterum nuntium penitus remittamus.
Apud te est venia ut colaris Psal. 130. 3. *Loquetur pacem populo suo, ne* Psal. 130. 3.
redeat ad stultitiam suam. Psal. 85. 9. Hinc duo ista beneficia ita sunt con- Ps. 85. 9.
 nexa, ut neutrum habeat, qui utrumque non servat, Nemoque justificetur,
 qui non continuo sanctificetur, ut *Christus* qui *justitia* nobis factus est, est
 etiam *sanctificatio* 1. Cor. 1. 30. *Venit cum sanguine & aqua* 1. Joan. 5. 5. 1. *Joan. 5.*
 Cum sanguine ad expiandum, cum aqua ad purgandum, quæ duo sub Ve-
 teri Testamento erant propitiationis & purgationis media; Quò allusum
 fuit in Cruce, dum sanguis & aqua ex ipsius latere fluxerunt Joan. 19. 34.
 ad designanda duo præcipua ejus beneficia, justificationem in sanguine,
 & sanctificationem in aqua. Ad quid denique tendit *Regeneratio*? Nisi
 ut Creaturæ novæ, facti, in Christo novo homine 2. Cor. 5. 17. *Non*
amplius in vetustate litteræ, sed in novitate spiritus ambulemus Rom. 7. 6. &
 Rom. 6. 14. Uno Verbo, *Gratia*, quæ nobis apparuit, non in eum fi-
 nem datur, ut eâ abutamus in peccandi licentia, & abundare facia-
 mus peccatum, ut ipsa superabundet, sed ut *abnegata impietate &*
mundanis cupiditatibus, vivamus in hoc seculo sobrie, juste, & pie
 Tit. 2. 14.

XIV. Id ipsum de *Gloria* & *Salute*, quæ nobis in cœlis ad-
 huc est reposita, non minùs certò dicitur. Cùm enim bona Ope-
 ra ratione illius sese habeant instar *Mediorum* ad *Finem*,
 Joan. 3. 5. Luc. 13. 3. Matt. 5. 8. *Via* ad *Metam*, Ephes. 2. 10. Phil. 3.
 14. *Pugna* ad *Victoriam*, 1. Timot. 6. 12. Tim. 2. 3. 5. *Laboris* ad
Mercedem, Matt. 20. 1. 2. *Sementis* ad *Messum* Galat. 6. 7. 8. &
Primitiarum ad *Massam*, Rom. 8. 22. Quomodo vel *Finis* ob-
 tineri

DISPUT. tineri posset sine Mediis, Vel Meta attingi, si viam eò ducentem non sequimur; Vel Victoria & Corona reportari, nisi bonum certamen decertemus; Vel merces gratuita recipi, nisi in agro & vinea Domini laboremus; Vel Messis colligi in cœlis, nisi sementem fecerimus in terris, Vel massa possideri, si primitias non habuerimus? Hinc toties Scriptura bonorum Operum necessitatem urget ad Salutem, non quidem acquirendam de jure, quod solus Christus fecit, sed adeundam & possidendam de facto, quum sine sanctimonia neminem visurum Deum declarat Heb. 12. 14. nihilque immundum & inquinatum in sanctam Civitatem ingredi posse Apoc. 21. 27. *Foras esse canes, idololatrias, & mendaces* Apoc. 22. 6. Denique, cum Sanctitas sit pars potissima felicitatis, quemadmodum in Deo τὸ ἅγιον καὶ τὸ μακάριον conjunguntur strictissime; Et salus hîc inchoari debeat per gratiam, antequam consummetur per gloriam; Imò gratia nihil aliud sit quàm gloria inchoata, & gloria, gratia consummata; Quis non videt eas se invicem excipere; Neminemque ad eò Salutis complementum & coronam posse obtinere in cœlo per glorificationem, qui ejus fundamentum non jecerit in terra per Sanctificationem, & Pietatis studium?

XV. Frustrà verò hîc Antinomi, ut bonorum Operum necessitatem elevent, Loca varia congerunt, quibus non amplius esse sub Lege dicimur, sed sub gratia Rom. 6. 14. & 7. 4. Aliud enim est non esse *sub Lege*, ut *sub Fœdere* ad vitam ex ea acquirendam, ut erat Adamus. Aliud verò esse *sub Lege*, ut *sub Viareregulâ* ad mores piè & sanctè componendos. Aliud est esse *sub Lege*, quatenus opponitur Evangelio, quoad rigidam perfectæ obedientiæ exactionem, & terribilem quam intentat peccatoribus maledictionem: Aliud verò esse *sub Lege*, quatenus illi subordinatur, quoad suavam directionem: Priori sensu non sumus amplius *sub Lege*, utpote à cujus imperio & jugo Christus nos liberavit, Sed posteriori illi adhuc obstringimur; Eadem enim Lex, quæ officium & obedientiam præscribebat Adamo in veteri Fœdere, manet adhuc *sub novo*, nec potest unquam abrogari, licet diversus sit utriusque finis: In illo quippe hoc facere debebat homo *ut viveret* ad Juris acquisitionem: In isto *quia vivit* ad ejus possessionem, & grati animi testimonium.

1. Tim. 1. 9. XVI. Nec aliò spectant verba Pauli 1. Tim. 1. 9. quum ait, *justo Legem non esse positam*. Nec enim hoc simpliciter & absolutè est intelligendum, quasi fidelis *sub gratia* esset penitus exlex, aliàs frustra Apostolus alibi Legem fidei & charitatis nobis præscriberet, & perperam hoc in loco finem mandati dixisset esse charitatem ex corde puro & bona conscientia & fide ἀνυποκρίτως & ψ. 8. *Legem bonam esse si eâ bene utaris*: Sed hoc secundum quid dicitur ratione scilicet

scilicet *rigoris*, *minarum* & *maledictionis*, quas intentat contumacibus & DISPUT.
IV.
 ἀνυποτάκτοις, qui cum nulla iusti curâ tangantur, coërcentur saltem aliquâ
 pœnarum formidine, dum terribiles ejus sanctiones audiunt: At fideles,
 qui Spiritum servitutis non habent amplius ad timorem, sed Spiritum ado-
 ptionis & libertatis, quique ut populus voluntarius Psal. 110. 3. virtutis
 amore & sponte ad officium feruntur, non formidine pœnæ; Non amplius
 subsunt duræ illi & inexorabili Dominæ, sed Legem regiam libertatis se-
 quuntur, vitamque suam juxta ejus regulam componunt.

XVII. Perperam etiam hîc ad *Libertatem Christianam* provocatur,
 quasi ea excludat bonorum Operum necessitatem; Alia enim est *Libertas*
Spiritus, Alia verò *Carnis Licentia*. Ista quidem cum bonis Operibus est
 ἀνάστατος; Sed illa nequaquam, cum vera libertas in praxi pietatis & cultu
 Dei posita sit, *servire enim Deo, regnare est*. Itaque solvit nos quidem Li-
 bertas Christi à iugo Legis maledicentis, à Tyrannide Diaboli, à Servitu-
 te peccati; Sed non eximit à necessitate obedientiæ Deo præstandæ, imò
 vinculum nostri obsequii eò fortius astringit, quò magis Deo obstricti su-
 mus; Ut libertas à peccato inferat necessariò servitutem gratiæ, quomodo
 servitus peccati antea trahebat post se libertatem à gratia: *Liberati à pecca-*
to, servi facti estis justitiæ Rom. 6. 18. Unde alibi Paulus tam sollicitè Rom. 6. 18.
 libertatem Christianam distinguere solet ab effræni carnis licentiâ Galat. 5.
 13. *Vos in libertatem vocati estis, tantùm ne libertatem in occasionem detis*
carni, & Pet. 1. cap. 2. 16. *Quasi liberi, sed non quasi velamen habentes ma-*
litiæ libertatem, sed sicut servi Dei.

XVIII. Ex quibus ita discussis sponte jam fuit quod probandum sus-
 cepimus, bona Opera fidelibus omnibus esse ad salutem necessaria.
 Verum quia Adversarii clamitare solent, Nos quod una manu damus,
 altera auferre, ea statuentes, quæ necessitatem istam elevent & ever-
 tant, diluenda est paucis ista calumnia, & crassissimum mendacium.
Bellarminus varia calumniæ fundamenta congerere conatur lib. 4. de Ju-
 stifi. cap. 4. 5. 6. Primum petit à communi dogmate quod tuemur; Quòd
omnia opera Justorum sint natura sua peccata mortalia, Unde sic collig-
 git; Si Opera Justorum sunt peccata mortalia, Ergo non sunt necessaria
 ad salutem, imò fugienda sunt ut prohibita. Verum facilè solvitur so-
 phistica distinctione adhibitâ inter *peccatum per se*, & *per accidens*. Fac-
 teor sanè, si Opera justorum essent peccata per se, & sua natura; fore
 à nobis fugienda, adeoque non modò non necessaria fore, sed etiam ut
 prohibita & noxia, fore rejicienda. Sed aliud est longè, si dicuntur tan-
 tum peccata per accidens, & secundum quid, Non ratione actûs vel sub-
 stantiæ Operis, sed ratione imperfectionis illi adhærentis, ob carnis reli-
 quas in nobis manentes. Sic enim corrigenda quidem sunt pro virili, & re-

DISPUT. purgandæ sordes illis adhærentes, sed non ideo sunt fugienda ut illicita, vel
 IV. neganda eorum necessitas, quæ non pendet ab eorum perfectione, sed à Dei præcepto, quod irritum esse non potest, licet sint exiguæ vires nostræ. Hanc autem esse mentem nostram, quum peccata ea vocamus, ut non sint per se talia, sed tantum per accidens ratione vitiositatis adhærentis, nemo est qui nesciat, Et Spiritum Sanctum sequimur, qui ita loquitur non semel 1. Cor. 13. 12. 1. Joan. 1. 8. Unde bene concludas, Opera non mereri salutem, nec ad eam sufficere; Sed perperam cum Adversariis ex hac hypothese colligas, non exigi, & non necessaria esse.

XIX. Alterum calumniæ fundamentum est *Justificatio per solam fidem*. Si sola, inquit, fides sufficit ad salutem. E. reliqua Opera sunt supervacanea: solam autem sufficere ad salutem sine operibus, ex eo colligit secundum nos, quia sine Operibus ad justificationem sufficit: Id quippe quod ad justificationem sufficit, sufficere etiam ad salutem; cum semel justificatus damnari non possit. Sed non meliori jure hoc obtruditur præcedenti; perperam enim hic confunditur Justificatio cum integra salute, quasi quod sufficit ad Justificationem, sufficiat ad salutem. Atqui multò plura requiruntur ad salutem, quàm ad Justificationem; Ut aliud est Jus ad vitam habere, aliud verò de factio illam possidere. Ita Opera effecta sunt, quæ sequuntur justificationem, sed media quæ salutem antecedunt. Deinde licet Opera non sint necessaria in actu Justificationis, quia per solam justitiam Christi fide apprehensam obtinetur; necessaria tamen sunt in eo qui justificatur, qui illis carere non potest sine salutis dispendio, non præcedunt Justificandum, sed sequuntur Justificatum, ut ait August. Tertiò quum fides sola dicitur justificare, hoc ita intelligendum, quòd sola conferat ad actum Justificationis, quia sola inter cæteras virtutes potest cum gratia consistere Rom. 4. 16. utpote quæ sola habet vim receptivam & applicativam justitiæ Christi, quâ justificatio nostra nititur, Jo. 1. 13. Rom. 5. 17. Sed non propterea sola censenda est, id est solitaria & separata ab aliis virtutibus, ut oculus solus videt, sed non solitarius, id est revulsus à cæteris membris; Nec enim fides quæ justificat est unquam sine Operibus, licet quæ justificat nihil cum Operibus commune habeat, Fidem ergo comitantur Opera, non ut coëfficiant Justificationem; Sed ut coëxistant in Justificato, non ut salutem acquirant, ut merita, sed ut nos ad eam ducant ut media.

XX. Tertiò hoc evincere satagunt, Ex Gratia, cui totam salutem nostram acceptam ferre solemus, consideratione; Quasi vel fræna laxaret peccato, quia ubi abundat delictum, ibi superabundat Gratia Rom. 5. 20. Vel Operum necessitatem tolleret, quia ipsa operatur in nobis velle & perficere Phil. 2. 13. Sed primum est quòd nos ex eo solemur, quòd eandem, quæ nobis impinguntur hodie

die calumniæ, affictæ jam olim fuerint Paulo ejusque doctrinæ Rom. 3. 31. DISP. IV.
 & 6. 15. quod argumentum est certissimum nos eandem cum Paulo doctrinam amplecti, utpote quæ iisdem absurdis urgetur. Ut verò Apostolus talem calumniam fortissimè à se repellit; & falsissimè doctrinæ suæ impingi ostendit: Ita & nos iisdem uti armis par est ad tela ista retundenda, *Permanebimusne in peccato ut gratia abundet? Absit, Nos qui mortui sumus peccato, quomodo in eo adhuc vivemus?* Quippe licèt Gratia utramque paginam faciat in opere regenerationis, nihilque absque ea vel cogitare vel exequi possumus; hoc non obstat tamen, quominus studium nostrum illi adjungere teneamur; imò ita arctè semper inter se connectuntur *Gratia Dei & Officium hominis*, ut nunquam divelli à se invicem possint aut debeant, *Qui creavit te sine te*, inquit August. *non te servabit sine te*. Fateor in primo conversionis momento, peccatorem merè passivè se habere, & nihil aliud posse quàm gratiæ vim vivificam recipere; sed in progressu ex mortuo vivens factus debet membra sua sistere arma justitiæ Deo, & ambulare in novitate vitæ Rom. 6. si Deus in eo operatur, debet cum eo & sub eo operari ut ejus *συνεργός* 2. Cor. 6. 1. si trahitur à Spiritu, debet currere per obedientiam Cant. 1. 9. si vocatur per Verbum, respondere debet per fidem: Quod Paulus citato loco Phil. 2. 13. clarissimè demonstrat, *Studium hominis cum efficacia Gratia conjungens*, dum ita commendat necessitatem bonorum Operum adversus profanam Libertinorum securitatem, ut Gratia virtutem adversus sacrilegam Phariseorum superbiam potenter afferat; Ne putarent Gratiā Dei eos pigros & otiosos reddere debere, jubet operari salutem suam cum timore & tremore; Sed ne studium suum aliquam gloriandi in se ipsis materiam dare crederent, vult meminisse, nihil posse se sine ipso, Deum esse qui in ipsis operatur velle & perficere, ut si quid operantur, non sibi sed Deo insolidum acceptum ferant, & cum Paulo dicant 1. Cor. 15. 10. *Non ego, sed gratia Dei quæ mecum est*. Componi ergo ista debent ut subordinata, non opponi ut contraria. Atque hinc fit ut quæ Sanctificationem nostram describunt locutiones, illæ & gratiam Dei & officium nostrum expriment, *Opus est quod debemus perficere* Phil. 2. 13. *Talentum* quod tenemur excolere Matt. 25. *Semen* quod fructificare debet Gal. 6. *Vita* quæ se in operationibus exercere tenetur Gal. 5. 24. Rom. 6. *Curriculum* quod absolvendum est Heb. 12. 1. & *Lumen* quod non extinguui, sed accendi magis ac magis, & præluce debet Matt. 5. 10.

XXI. Quartò affertur Doctrina de *Electiōis immutabilitate & Salutis certitudine*, quasi iter ad Epicureismum & effrænem peccandi licentiam: Nam si immutabilis est Dei Electio, & certa fidelium salus, ut nunquam ab ea excidere queant; facilè videntur induci posse homi-

DISPUT.
IV.

nes ad laxandas habenas carni, & genio indulgendum, hac spe freti, nihil ipsos, quicquid egerint, à gratia Dei separare posse, cùm immutabilis sit Dei Electio. Sic *Remonstrantes* in Collat. Hagi. & in Actis & Scriptis Synodalibus Dordracenis conantur Orthodoxorum sententiam infamare, Pontificiorum hac in parte vestigia prementes. Sed non semel à Nostris responsum, falsissimam esse, quæ ex verissimo hoc dogmate elicitur consequentiam. Licet enim non diffiteamur, Profanos posse saluari istâ doctrinâ impiè abuti ad propriam suam perniciem; Negamus tamen veros fideles, quibus Mysterii istius natura perspecta est, in impiam istam cogitationem unquam devenire posse. Quippe sciunt diabolicum esse Sophisma, in quo opponuntur componenda, & perperam finis à mediis, & media à fine divelluntur; Certitudo nimir. Salutis, à Sanctificationis studio, quasi illa istud everteret vel relaxaret. Cùm contrà sit certissimum, *Finis infallibilitatem* & certitudinem non tollere, sed stabilire potius *Necessitatem & usum Mediorum*, & Deum qui nos ad salutem elegit, ut ad finem elegisse etiam ad fidem & sanctitatem, ut ad media Ephes. 1.4. 2. Thess. 2. 13. 1. Pet. 1. 2. Itaut qui media neglexerit, finem assequi non valeat: Unde iidem Sancti, qui certissimè sibi spondent & constantiam in via, & fruitionem in patria, simul norunt hoc non præstari sine intermediis sanctimonix officiis, & oppositorum fugâ; Idèoque mediis illis non valedicunt, sed sedulò incumbunt. Quis Paulò certior unquam de salute fuit? Rom. 8. 37. 38. 2. Tim. 1. 12. & 4. 7. 8. Quis tamen eò diligentius sanctificationi incubuit, currendo, pugnando, & corpus macerando, ne dum aliis prædicat, ipse *adòxiμος* inveniat 1. Cor. 19. 27. Phil. 3. 14.? Ita fidelis, qui novit salutem sibi paratam esse & promissam, novit etiam non sine pietatis & bonorum operum praxi esse promissam; Ideo non separat quæ Deus conjunxit, & media sollicitè sequitur, quibus finem assequatur. Hic ergo distinguenda *securitas carnis*, quæ feriat, & otio segnè vitam amat fallere & *fiducia spiritus*, quæ studium pietatis nutrit & fovet; Ut in urbe alia est securitas hominum stupidorum, qui somno & vino sepulti stertunt, & incauti capiuntur: Alia vigilantium & excitatorum, qui excubias agunt, ne ex improvviso ab hoste expugnentur. Sic Spiritus certitudinem generat non otiosam, sed efficacem, quæ extra studium sanctitatis, & usum mediorum à Deo constitutorum non potest exire in actum. Unde qui *metum diffidentia & desperationis* passim prohibet, ne dubitemus de certitudine salutis promissæ Luc. 12. 32. Isa. 43. 1. 2. Rom. 8. 15. Idem *timorem cautionis & sollicitudinis* seriò commendat, ne negligamus media à Deo nobis præscripta, Phil. 2. 12. Rom. 11. 20. Prov. 28. 14.

XXII. Atque hîc manum de tabula ponemus, nisi remoram nobis

nobis injiceret Author *Tractatus Gallici*, qui novissimè in lucem emissus DISPUT.
 est Parisiis in 4. sub hoc Titulo, *Subversio Doctrinae moralis Christi ab* IV.
Erroribus Calvinistarum circa Justificationem; Ubi quia eandem calum-
 niam magno molimine renovare satagit; Non erit, ut opinor, ἀπερδι-
 νυσεν ad majorem veritatis elucidationem, paucis quæ huc pertinent ex-
 aminari subjicere. Scopus Authoris est Doctrinam nostram de *Perseverantiâ*
 & *inamissibilitate Justificationis* traducere, tanquam Pietati & Sanctifica-
 tioni noxiam, & quæ quibuscumque peccatis & sceleribus viam aperiat; Eo-
 que potissimum nomine, quod statuamus maxima & turpissima scelera
 non ob stare, quominus fideles, qui ea perpetrant, Filii Dei & Justi
 semper maneant; Et cum in finem varia corradit, & detorquet No-
 strorum loca, quibus intentum probet: Longum esset singula persequi,
 nec nostri nunc est instituti; sed ea tantum attingere animus est, quæ fa-
 ciunt ad argumentum nostrum, quæ habentur lib. I. cap. 8. & 9. Ubi
 suscipit probandum, dogma hoc nostrum enervare penitus studium pie-
 tatis, & necessitatem bonorum Operum tollere.

XXIII. Hoc verò ut probet, duo assumit à nobis recepta Dogmata;
 Prius de inseparabili nexu Fidei & Charitatis ac bonorum Operum. Po-
 sterior de Perseverantiâ Fidei, Virtutumque Christianarum, cum gravis-
 simis sceleribus. Unde putat ideam Virtutis & Vitii ita confundi, ut
 utriusque ratio nulla amplius habenda sit, & sic Vitium Virtutis, & Virtus
 Vitii nomen obtineat, quod hac ratione conatur evincere pag. 187. *Fides*
vera, inquit, *secundum Calvinistas est inseparabilis à virtutibus Christianis*,
& per consequens à Castitate, Patientiâ &c. At non raro contingit,
ut fideles in adulteria varia & homicidia incidant, non amissâ tamen fide:
Ergo non amittunt etiam castitatem & patientiam adulteria & homicidia pa-
trando; Atque ita sunt casti adulteri, & patientes homicidæ. Quod ita
 horrendum ipsi videtur, ut vel propter hoc unum doctrina nostra ipsi,
 piisque omnibus meritò detestanda videatur. Verùm hæc omnia, quæ spe-
 ciosè, & magno verborum apparatu proponuntur, facilè solvuntur, si
 sincerè & remotâ calumniâ Sententia Orthodoxa attenditur: Ex qua quippe
 constabit, verissimè ex Scriptura utrumque dogma asseri; Nec tamen nisi
 falsissimè, quam inde necitant consequentiam posse elici.

XXIV. Atque hic ante omnia observare licet, iniquissimè Nobis-
 cum ab Authore agi. Quamvis enim istæ, quas ex doctrinâ nostrâ elicit
 consequentiæ, aliquâ cum veri specie possent ex eâ colligi, ut ipse arbi-
 tratur; Cum tamen non ignoret eas à Nobis, non modò non agnosci, sed
 constantissimè rejici tanquam impias & falsissimas, imò anathema illis de-
 nunciari, qui pestifera ejusmodi dogmata in Ecclesiam inducere sustinent:
 Cum etiam constet, nihil non à Nobis fieri ad commendandam modis

DISPUT. omnibus Sanctificationem, & in ipsa Praxi, non minus, imò longè majus deprehendatur Pietatis, & vitæ, prout fert humana fragilitas, inculpatæ studium in Ecclesiis nostris, quàm apud eos, qui suam à libero Arbitrio suspendunt Perseverantiam, & continuæ trepidationi mentes subjiunt; Quò tandem jure pertendit, Doctrinam nostram propterea tanquam erroneam & pietati noxiam traduci posse? Quis nescit eum, qui dogma aliquod tuetur, non statim adoptare consequentias omnes, quæ ex eo vel verè vel falsò colligi possunt, nec nisi injustè posse illi tribui; maximè quum protestatur, se eas toto pectore averfari, & alienissimas esse à mente sua, sive ab ea quam profitetur fide? Ita si nihil aliud occurreret, ex hoc uno injustitia criminationis Adversarii jam satis pateret. Quòd si liberet recriminari, quàm potiori jure possemus Adversario reponere Theologiam Moralem, quæ apud Pontificios obtinet, quâ Pietatis & Sanctitatis studium, non per consequentias, sed per ipsa dogmata, non tam relaxatur quadantenus, quàm penitus enervatur, & corrumpitur in variis Capitibus, & peccata etiam gravissima, non tam extenuantur, quàm approbantur, & licita redduntur, quod nemo sine horrore legere potest apud *Amadeum Guimenium*, *Apologiam Casuistarum*, & *Theologiam Moralem Jesuitarum*, & alia id genus Scripta, quæ vel Ecclesiæ totius sententiam referunt, vel præcipuorum ejus Doctorum, qui non modò in ejus sinu vivunt & tolerantur, sed & publicè & voce & scriptis, sub oculis ipsius Pontificis, eoque non improbante, pestifera ista dogmata docent & tuentur.

XXV. Verùm longè clariùs calumnia patebit, postquam visum fuerit, falsissimam esse, quam nectunt ex Sententiâ hâc nostrâ consequentiam, quæ nullis fidiculis ex eâ deduci possit. Credimus sanè fidelem semel justificatum, & in filiorum Dei numerum receptum, gratiæque regenerationis donatum, nunquam posse vel totaliter vel finaliter excidere à gratiâ, ut fiat mancipium Diaboli, qui antea fuit filius Dei, & exhæredetur in æternum, qui semel hæres Dei, & cohæres Christi factus est: Et quidni credamus, cùm Scriptura tot invicta hujus Veritatis argumenta, & immota fidei fulcra suppeditet? Quid enim aliud clamant, Vel *Electiois immutabilitas* 2. Tim. 2.19. Matth. 24.24. Rom. 9.7. Vel *Meriti & Intercessionis Christi virtus* Joan. 17.20. Luc. 22.31. Rom. 8.32. Vel *Spiritus Sancti nos obsecantis efficacia* Eph. 1.13. & 4.30. 2. Cor. 1.21. Vel *Fœderis gratiæ aternitas* Jer. 32.42. Isa. 59.21. Vel *Promissionum divinarum fidelitas* Joan. 10.28. 1. Cor. 1.8.9. & 10.13. Vel *Donorum salutarium immutabilitas*, quæ ut ἀμετάμελῃτα Rom. 11.29. non possunt à nobis auferri? Unde modò per *semen incorruptibile* 1. Pet. 1.23. quod semper manet in nobis 1. Joan. 3.9. modò per *viam aternam*, quæ deficere non potest 1. Joan. 5.13. modò per *Aquam salientem*

salientem in vitam æternam Joan. 4. 14. modò per *Arborem*, quæ non marcescit Psal. 1. & 92. Jer. 17. modò per *Domum*, quæ non deicitur Matt. 7. 25. aliisque istiusmodi similitudinibus abumbrantur, quæ perpetuitatem eorum designant.

DISPUT.
VI.

XXVI. Licet autem Fides justificans, & Gratia regenerans, per quas Fideles ex statu reatus & mortis in adoptionis & salutis statum transferuntur, sint inamissibiles; Non tamen statim ἀναμαρτητοὶ secum trahunt, ut omni peccato carere debeant, qui eas sunt consequuti: Imo, cum Opus regenerationis semper hic sit imperfectum, & Carnem cum Spiritu colluctantem fideles perpetim sentiant; fit ut non modo in leviora peccata subreptionis, infirmitatis, & ignorantia quotidiè incidant; sed in atrociora peccata quandoque etiam prolabantur, quibus indignationem Dei paternam possunt incurrere Ps. 89. 31. reatum mortis contrahere Rom. 8. 13. & præsentem ad regnum cælorum aptitudinem amittere Apoc. 21. 27. Nec tamen propterea continuo, vel Jus ad Regnum Cælorum semel datum re ipsa tollitur, Vel Adoptio abrogatur; Vel Semen regenerationis aufertur: Unde, quamvis fidelis eo modo peccans, si consideretur in se & in sensu diviso quæ Peccator, suo merito rectè dicatur damnandus; tamen in sensu composito, & quæ Fidelis & Electus, ex Dei Electione, & propter Christi meritum est absolvendus: Ut verissimè dici possit impossibile esse v. g. ut David electus pereat; & impossibile esse pariter, ut David adulter & homicida, quo sensu fuit *Vir mortis*, id est reus mortis, si illum mors oppresserit impœnitentem, salvetur & non pereat; Interim quæ inter se aricare videntur, facilè sapientiâ Dei admirabili, & gratiosâ ipsius misericordiâ conciliantur; dum salutem fideliū ita prospicit, ut nemo Electorum in eo statu moriatur, in quo à gloria cœlesti excludendus esset, sed per pœnitentiâ & fidei actum renovatum redintegretur, ut redeat prius in viam, quàm ad metam perducatur.

XXVII. Sivero quæras, Quomodo hæc inter se possint consistere; Ut iusti reputentur coram Deo, qui in se ipsis æternæ mortis reatum contraxerunt, Et membra Christi maneant, qui sunt membra Scorti. Facile est respondere, hæc καὶ ἄλλο καὶ ἄλλο optimè de eodem dici posse; Nam quid obstat, quominus ille, qui, in se spectatus, quoad proprium demeritum, reatum mortis peccando contraxit, & dignus est qui gratiâ Dei & salute privetur; Idem tamen in Christo consideratus & propter meritum ejus ipsi imputatum ex Dei consilio, justus reputetur apud Deum, & Jus ad vitam æternam semper obtineat? Reatus enim hujus vel illius peccati non statim abrogat statum personæ, Deo per Christum reconciliare tantum facit eo loco esse, ut tolli possit, & nisi maturè subveniatur, tollendus sit; potest quidem effectum, & sensum justificationis à
fidelis

DISPUT.
IV.

fideli ad tempus auferre, ne pace fruatur apud Deum; Sed non potest justificationis statum dissolvere, vel actum æterni beneplaciti, quò nos in Christo gratos habuit, refigere, vel Jus ad Regnum cœleste semel collatum revocare, & rescindere; Quia non actionibus nostris, sed gratuità Patris dilectione, & nostrâ cum Christo conjunctione nititur; quæ cum sit immutabilis & æterna, æternum etiam & immotum necesse est illud esse: Sic peccare quidem possunt & graviter filii Dei, ut in indignationem paternam incurrant, minimè tamen ita eos peccare patietur Dei providentia & misericordia, ut orbentur patriâ, & Patre cœlesti: Pater quoties filio prodigo irascitur, toties illum non expungit ex filiorum numero, nec quum incipit severè castigare, desinit tamen sincerè amare Ps. 89. 31. Heb. 12. 6. Idem de nostra cum Christo unione dicere licet; Fideles quum peccant, se ipsos quantum in se est absciunt à Christo, & desinunt esse demeritoriè membra Christi; Sed Christus tamen jus suum, quod tam magno pretio mercatus est, non amittit, vel vinculum spiritualis matrimonii patitur actu abrumpi. Possunt ergo jure ac proprietate manere membra Christi, qui ex abusu & tantum de facto fiunt membra meretricis.

XXVIII. Quod autem de Justificatione & Adoptione dicimus; Id ipsum etiam in Regeneratione locum habet, quæ non statim per quodlibet hominis etiam grave peccatum deletur. Quia idem Spiritus, qui semen regenerationis cordibus renatorum infundit, illud perpetuò fovet & custodit, illique vim cœlestem & incorruptibilem imprimit ne deficiat. Unde inter dona ἀμεταμέλητα reponitur, & semper manere dicitur in fide-
 1. Joan. 3. 8. li I. Joann. 3. 8. Non nego quidem, posse semen hoc ad tempus in terra retineri, ne foras exeat, & folia fructusque producat, durante hyeme tentationis; sed vita semper latet in radice; Actus fidei poterit intermitteri, sed non habitus ipse excuti, ut ignis sub cineribus latens, qui etsi flammam non emittat, calorem tamen intus servat. Et ut vitæ hujus animalis idem non semper est tenor & vigor; sed sua nonnunquam patitur deliquia, quibus licet vis & sensus vitæ ad tempus intercludatur, ipsa tamen non statim extinguitur: Ita vita spiritualis in gravibus Sanctorum lapsibus sua habet deliquia, in quibus languet & præfocari videtur, sed non planè suffocatur tamen, vel extinguitur; sed per actus subsequentes fidei & pœnitentiæ instauratur, quotiescunque peccator ex tentatione eluctatur. Atque hic accuratè distinguenda sunt ista duo, *In Carne vivere*, & *secundum Carnem ambulare*; Peccare, & Peccatum facere, labi in peccatum, & in illud toto impetu se agere præcipitem; Ut aliud est labi in lutum, aliud, se in lutum projicere, & ibi cum voluptate volutari, quorum in altero consilium vitæ,

vita, in altero casus; In hoc dura per fragilitatem nostram peccandi DISPUT.
 necessitas, in illo certa & destinata voluntas est. Prius bene de fide- IV.
 libus dicitur; sed non posterius: Si enim peccant, nunquam pleno con-
 sensu & deliberatà voluntate ac delectatione peccant, ut voluntas tota
 non nisi peccato addicta sit, ut fit in iis qui artem peccandi exercent,
 & qui cum voluptate totos se carni tradunt, & ביד רמה *elata manu* pec-
 care dicuntur, qui in Scriptura ideo *peccatores* אֲשֶׁר יִשְׁכְּחוּ vocantur; Sed
 semper reluctantia quædam & dolor vel præcedit, vel sequitur, ut vel
 non sine renisù committant lugenda, vel si tentationum æstu abrepti ad
 peccatum feruntur nimio cum impetu, lugeant postea commissa, & se-
 rio de illis dolore afficiantur.

XXIX. Atque hinc non difficulter colligitur, quo pacto Fides cum
 peccatis gravibus subsistere queat; scil. Quomodo *Contraria* in eodem
 subjecto stare possunt, sed in *gradu remisso*: Licet enim actus peccami-
 nosi, dum sese exerunt in nobis, tollant revera actus iustitiæ & fidei
 oppositos & habitus etiam ipsos non parum debilitent, non possunt ta-
 men eos penitus evertere; vel impedire quominus in momentis subse-
 quentibus per Spiritûs eum excitantis gratiam in actum exeant, quem-
 admodum in continua inter Carnem & Spiritum pugna: dum Spiritus
 prævalet in peculiari aliquo actu; Non statim propterea Caro penitus de-
 struitur: Sic dum Caro victrix manet in aliqua tentatione, non illico Spi-
 ritum ejusque dona extinguit vel excutit. Possunt ergo Fides & Charitas
 manere in fidelibus etiam peccantibus; Sed quoad actum primum, non
 secundum; Quoad semen & radicem, non quoad fructum; Quoad habi-
 tum, non quoad operationes & exercitium. Nec propterea, quod Author
 falsò pertendit, dici debet fidelis adulterium vel homicidium patrans ca-
 stus adulter, vel mitis homicida; quia gemini isti effectus geminum sup-
 ponunt à quo oriuntur principium, Spiritum à quo opera fidei & chari-
 tatis manant; Et Carnem à qua peccata; Unde si adulterium vel homici-
 dium patrat, non hoc operatur, quà Spiritualis, sed quà Carnalis: Hoc
 tantum bene poterit inde colligi, donum castitatis & mansuetudinis,
 quod per regenerationem obtinuit fidelis, non ita perfectum esse, ut ex-
 cludat penitus vitia opposita, atque adeò, eo non obstante, manere semper
 in eo cum Carne fomitem concupiscentiæ, qui sese non rarò variis in acti-
 bus exerit, tum quoad θυμὸν, tum quoad ἐπιθυμιατὸν; licet nec pe-
 nitus habitus & dona Spiritûs extinguat, nec finaliter illa excutiat, quia
 tandem fidelis, per Spiritum facta corporis paulatim mortificando, & de
 his & de aliis peccatis id genus plenam victoriam reportat & ὑπερνικᾷ
 Roman. 8. 37. Plura possent addi ad veritatis istius confirmationem,
 sed hæc hæcenus sufficere possunt ad demonstrandum quod intendi-

DISPUT. mus, in Doctrina nostra nihil esse quod Operum necessitatem, & studium Pietatis tollat vel relaxet; Nihil esse contrà, quod illud efficacissimè non commendet.

F I N I S.

DISPUT.
V.

DISPUTATIO THEOLOGICA

D E

TRIBUS TESTIBUS C O E L E S T I B U S.

Ex I. JOAN. 5. 7.

Respondente BENEDICTO PICTETO Genevensi.

I.



UM hac sit fides Catholica, teste Athanasio, ut unum Deum in Trinitate, & Trinitatem in Unitate veneremur, & augustum hoc Mysterium rationi inaccessum, & multorum hæreticorum veterum & recentiorum blasphemiis impetum, præcipuum Religionis Christianæ constituat fundamentum; In id potissimum mens pia debet incumbere, ut de Veritate ejus in Verbo proposita magis ac magis persuadeatur; & si τὸ πῶς non potest assequi, quod Creaturis negatum est, τὸ ὅτι tamen firmiter & inconcussè teneat.

II. Cùm verò ex omnibus, quæ hoc docent mysterium Scripturæ Oraculis, nullum luculentius sit & illustrius celebri Joannis loco, ubi tres Testes Cœlestes testantes inducit, quem propterea Orthodoxi semper tanquam palmarium hæreticis opposuerunt, & in cujus detorsione etiam Adversarii omnem suam industriam & ingenii acumen collocârunt, ut ejus vim quacunque tandem ratione eluderent: Non ingratam & inutilem veritatis Studiosis nos facturos rem sumus arbitrati, si paulò accuratiùs hac Academicâ velitatione in ejus sensum inquiramus, & veritatem Sacrosancti istius Mysterii adversùs impias impurorum hæreticorum strophas vindicemus.

III. Verba Joannis sunt I. Ep. Cap. 5. v. 7. *τρεῖς γὰρ εἰσὶν*

οἱ μαρτυροῦντες ἐν ὁρατῷ, ὁ Πατήρ, ὁ Λόγος, καὶ τὸ Πνεῦμα ἅγιον, καὶ οἱ τρεῖς ἐν εἰσι, *Tres enim sunt qui testantur in Cælo, Pater, Sermo, & Spiritus S. Et hi tres unum sunt.* Scopus Apostoli est confirmare fidem Evangelii de Divinitate Christi, & Officio ejus Mediatorio. Cujus à principio Capitis salutare fructus & effectus notaverat, quales sunt 1. *Spiritalis regeneratio & Dei ac proximi dilectio* ψ. 1. *Omnis qui credit quod Jesus est Christus, ex Deo genitus est, & omnis qui diligit eum qui genuit, diligit etiam eum qui genitus est ab eo.* 2. *Mandatorum divinorum observatio.* ψ. 2. 3. *Victoria de mundo* ψ. 4. 5. *Quoniam quicquid natum est ex Deo vincit mundum, & hæc est victoria quæ vicit mundum, nempe fides nostra. Quis est qui vincit mundum, nisi qui credit Jesum esse Dei Filium?* Quia verò plurimum intererat ejus certitudinem in animis nostris confirmare, ostendit fidem istam fulcrum habere immotum in multiplici testimonio, quod Deus illi perhiberi voluit, tum in Cælo, tum in Terra, quod invictè persuadere nos debet, Christum Dominum esse verum & æternum Dei Filium à Patre genitum, Redemptorem nostrum. Hoc autem Testimonium ita tractat, ut primo in genere de eo agat ψ. 6. quum ait *Spiritum testari, quod Spiritus est veritas*, id. Spiritum in cordibus nostris obsignare, quod *Spiritus* id. doctrina Evangelii de Christo ejusque beneficiis, quæ nomine *Spiritus* venit 2. Cor. 3. 6. sit verissima. Deinde in specie & distinctè de utrisque loquatur, & primo de cælestibus ψ. 7. postea de terrestribus ψ. 8. atque ita fidem nostram tutissimè in Christo solo quiescere doceat, cui non duo tantum, ut in Lege requirebatur ad rei alicui fidem faciendam, sed longè plures omni exceptione majores, Tres putà in cælo, & Trēs in terra testimonium reddunt.

IV. Quia vero Adversarii, ut facilius se ab Argumento, quod hinc necimus ad probationem Trinitatis, expediant, solent objicere, locum esse supposititium & adulterinum, qui à Nostris sit insertus, nequaquam vero à Joanne perscriptus; Unde *Socinus* Commen. in h. l. expressè innuit verba ista adulterina esse & ab hominibus, qui suum dogma de Trino & Uno Deo quacunque ratione defendere ac propagare voluerunt, in hunc locum infarta: Cui succinunt *Eniedinus* in explicatione locorum, *Smalzius* contra Schopperum de Trini. *Volkel.* & alii. Canonica Oraculi istius autoritas est primo asserenda; Eo vel magis quod nonnulli etiam ex Pontificiis ut *Cajetanus*, *Erasmus*, & alii de loco isto ut dubio & suspecto loquantur, idque quia in variis Græcis Codicibus non invenitur, & in quamplurimis Latinis desideratur; Nec habetur in Textu Syriaco, Arabico, Æthiopico, illiusque Patres varii, Augustinus, Hilarius, Chrysostomus, Cyrillus, Nazianzenus, quum maximè illis adversus Arianos usui esse poterat, non meminerunt. Verum multa sunt, quæ loci istius *αὐθεντία* evincunt.

DISPUT.
V.

V. *Primo fides probatissimorum & antiquissimorum Exemplarium*, quæ hîc pro nobis apertè militant. *Hieronymus*, qui ex testimonio Augustini fuit Vir doctissimus, & trium linguarum peritissimus, qui & omnia ferè antè illum Scripta Ecclesiastica legit, in prologo in Epist. Cano. ad Eustochium, refert, Codices omnes græcos suo tempore versum hunc habuisse, & hunc de Unitate Trinitatis locum ab infidelibus Latinis Interpretibus omis-
sum queritur. Erasmus fatetur extare in Codice Britannico vetustissimo, qui tantæ fuit apud ipsum authoritatis, ut versiculum istum in prioribus Editionibus omissum, in posterioribus accuratissimâ curâ, ut ipse scribit recognitis, restitueret. Laudatissimæ Editiones Complutensis, Regia Antverpiensis, Ariæ Montani, Rob. Stephani, Eliæ Hutteri, Valtoni, quæ probatissimis & vetustissimis Codicibus usæ sunt, retinent. Unde si in quibusdam desideratur, hoc fraudi & dolo malo Arianorum adscribendum est, qui textum hunc eraserunt, quia punctim transfigebat eorum hæresim, ut Hieronymus testatur. Secundo *Textus ipsius connexio*, nam nisi admittatur hic versus, nullus erit sensus verborum sequentium; Et tres sunt qui testificantur in terra, quæ manifestè supponunt, Tres alios Testes præcessisse, qui non erant ex Terra, quod confirmatur ex v. 9. ubi divini & humani testimonii fit mentio, *Si testimonium hominum accipimus, Testimonium Dei majus est*; An non verò hæc collatio supponit Dei testimonium æquè ac hominum? Tertiò *Patres* versum hunc retinent & laudant, *Cyprianus* lib. de Unit. Eccles. dicit, *Dominus, Ego & Pater unum sumus, & iterum de Patre & Filio & Spiritu S. scriptum est, Et hi tres unum sunt*. Athana. Disputatione contra Arium in Synodo Nicæna privatim habita, & lib. 1. ad Theophil. *Idacius* adversus Varimandum, *Fulgentius* in responsione ad objecta Arianorum &c. Quartò *fidei analogia & locorum parallelorum collatio*, quæ confirmant quod hîc dicitur, tum de testimonio, tum de unitate trium istorum Testium Joan. 5. 36. 37. & 8. 17. 18. & 10. 36. 37. & 15. 26. 27. & 16. 13. 14. 15. Quintò, cum hic versus vel ab Arianis sublatus fuerit, vel ab Orthodoxis additus, prius illud multò probabilius est, sive enim *casui* hoc est adscribendum, proclivius fuit in describendo aliquid omittere, quàm integram pericopen textui inferere, sive *dolo*, credibile est, hujus reos fuisse Arianos potius quàm Orthodoxos, tum quia sæpius hac in parte patefacta est fraus hæreticorum, & Arianorum imprimis, qui alia Scripturæ loca mutilârunt, ut notat Ambrosius de fide 5. 7. & de Spiritu Sancto 3. 11. Tum quia è re ipsorum magis erat locum hunc eradere, quàm Orthodoxis illum addere, quia si genuinus fuit, ex eo illorum hæresis prorsus evertebatur; Si verò supposititius, non inde periclitabatur doctrina Orthodoxorum circa Trinitatem, quæ ex aliis Scripturæ locis luculenter probatur. Unde omnino verisimile est
hoc

hoc ab Arianis factum; ut Socrates observat histo. Eccles. lib. 7. cap. 32. & Tripar. 12 veteres interpretes significasse, quosdam fuisse, qui Epistolam hanc primam Joan. depravarunt, quò in Christo hominem à Deo separarent. Nec hoc difficile fuit Arianis, dum Imperatores erant Ariani, & Episcopi, pulsis Orthodoxis, totum penè orbem occupabant.

VI. Hic verò nec *Codicum varietas* opponi debet, quia longè plures & probatiores retinent, quàm omittunt: Nec *Versionum* Syriacæ, Arabicæ, Æthiopicæ *authoritas*, quia fontibus æquiparari non debent, & satis constat eas esse recentiores. Nec *pratermissa Veterum citatio*, quia hoc potest tantum innuere in Codicibus Græcis & Latinis, quibus usi sunt, locum defuisse; sed nulla veritatis specie potest colligi esse ὑπεβλήματον, cum vel Librariorum negligentia omitti, vel Arianorum malitia eradi potuerit. Nec *Contextus ipsius series*, qui Testium quidem terrestrium, aquæ, sanguinis, & Spiritus, de quibus loquutus fuerat v. 6. descriptionem postulabat, non verò cœlestium qui huc non pertinebant; Nam ex copula quæ v. 8. additur, σχέσω ad Testes cœlestes jam probavimus. Et cum ageretur de confirmatione primarii fundamenti Religionis Christianæ, imò totius Evangelii, non potuit nec debuit omitti summum illud & irrefragabile Testimonium, quod singulæ Trinitatis Personæ ad fidei nostræ fulcimentum protulerunt.

VII. Asserta verò loci istius Authoritate Canonica, Verborum sensus jam venit enucleandus, ubi tria expendenda sunt, *Testium* istorum *Natura*, *Operatio*, & *Unitas*. *Natura* quinam sint ostendet, *Pater* scilicet *Sermo* & *Spiritus S.* *Operatio* quid faciant docebit, nimir. quòd *testentur* in cœlo, & *Unitas* consensum ἐμοσίνον probabit, quòd *sint unum*. Quoad prius, ut in Testimonio non tantum *quid* dicatur, sed etiam vel maximè *quis* dicat, attendi solet & debet. Ita Joannes designat eos nomine *Patris*, *Sermonis*, & *Spiritus Sancti*, quibus Tres Personas Sacrosanctæ Trinitatis intelligendas esse omnes Orthodoxi unanimi consensu fatentur, quæ subsistendi quidem modis distinctæ, sed essentiæ ratione unus sint & æternus verus Deus. *Pater*, qui primam personam notat, non sumitur εἰς τοὺς θεοὺς relatè ad Creaturas, quo sensu ad totam Trinitatem pertinet, & sæpe usurpatur in Scriptura, quando Deus dicitur Pater omnium Creaturarum tum rationalium tum irrationalium Job. 38. 28. Mal. 2. 10. Sed ὑποσημαίνων pro prima Trinitatis Personâ, quæ ex se Filium suum ab æterno ineffabili ratione genuit sibi coæternum & coessentialē; De qua, quia nulla lis nobis movetur ab Adversariis, plura non addimus, ut de secunda Persona, quæ hîc per Λόγον describitur, & de qua controvertitur inter nos & ipsos, dicamus.

VIII. Vox Λόγος peculiari ratione à Joanne videtur selecta ad, designan-

DISPUT. designandum Filium Dei; unde sæpius eam usurpat potissimum in ipso
 V. Evangelii initio c. 1. 1. 2. ἐν ἀρχῇ ἦν ὁ Λόγος. *In principio erat Sermo &c.*
 Quare Filius dicitur λόγος. Et v. 14. Et Sermo caro factus est. Sic c. 1. v. 1. Epist. 1. *Quod erat à principio, quod audivimus, quod vidimus* περὶ τῷ Λόγῳ τῆς ζωῆς *de Verbo vitæ.*
 Joan. 1. 1. Et Apoc. 19. 13. dicit nomen Filii Dei, qui ipsi apparuerat esse, ὁ Λόγος
 1. Joan. 1. τῷ Θεῷ. Sermo Dei. Nec apud Joannem solum vox ista occurrit, sed &
 1. apud alios quamvis rariùs, eò enim omnino respicit Lucas cap. 1. 2. *quem-*
 Apoc. 19. *admodum tradiderunt nobis, qui à principio spectatores & Ministri facti sunt*
 13. τῷ Λόγῳ. Paulus non obscurè eò alludere videtur Act. 20. 32. *quum com-*
 Act. 20. 32. *mendat Pastores Ephesinos Deo & Sermoni gratiæ ipsius, quod de Euange-*
 Heb. 4. 12. *lio minus commodè diceretur; At de Dei Filio commodissimè; Et Hebr. 4.*
 12. *ubi vivum esse Sermonem Dei docet, & penetrantiorē quovis gladio*
ancipiti, &c. quamvis enim hoc vulgò nec malè de Verbo Dei externo in-
telligi possit; tamen quæ adduntur v. 13. nullam Creaturam esse, quæ con-
spiciua non sit coram eo, ostendunt in Christo demum perfectè impleri, ad
cujus descriptionem postea v. seq. descendit. Nec in Novo Testamento
demum hæc appellatio locum habuit; sed jam sub V. T. obtinuit, à quo
 Psal. 33. 6. Apostoli potuerunt illam haurire, hinc Plal. 33. 6. *Verbo Jehovah Cali di-*
 Hag. 2. 5. *cuntur facti, non tantum externo & προφορικῷ mandati, sed Verbo essen-*
 tiali & personali, quò omnia condita esse Joannes testatur; & Hag. 2. 5.
Ego sum vobiscum, inquit Jehovah, Verbum, quod pepigi vobiscum, & Spiritus
meus stat in medio vestri, ne timeatis; ubi tres Personæ notantur: Prima,
quæ nomine Jehovah designatur, Secunda, quæ per Verbum, per quod Deus
fœdus cum populo pepigit, & alibi Angelus fœderis vocatur, Et Tertia
per Spiritum, qui in ipsis habitabat. Atque hinc factum, ut Chaldaus
Paraphrastes multis in locis, quæ de Messia loquuntur, pro Jehovah nomine
 מִיכָא id. λόγον substituerit, ut observat Galatinus lib. 3. c. 4. & 5. Ut valdè
 verisimile sit Joannem eò respexisse, & voluisse Filium Dei designare ab
 ipso initio Evangelii nomine Λόγος, respondente usitatæ illi voci Chaldaicæ
 מִיכָא, quæ Deus designabatur, ut jam eo ipso demonstraret contra Ebionem
 & Cerinthum verum esse & æternum cum Patre Deum.

IX. Si jam de ratione nominis istius quærat, varix sunt Doctorum
 sententiæ, quas persequi nostri non est instituti; convenientissima videatur
 ea, quæ petitur ex usu vocis λόγος; λόγος enim propriè *sermo* est seu oratio,
 quæ ore profertur, & vocari solet sermo προφορικός, & per metaphoram
 ad animum refertur, & modò *cogitationem* notat, quæ est tacita quasi mentis
 oratio, & dicitur λόγος ἐνδιώθητος; modò ipsam *rationem* seu cogitandi
 facultatem, quo sensu Aristoteles distinguit inter τὸν ἔξω & τὸν ἔσω λόγον. Ut
 verò in Deo Verbum duplex possumus distinguere, Aliud ἐσιώδη, seu *essen-*
tiale, aliud ἐπρσιώδη, seu *accidentale*, quod concipitur ad modum qualita-

tis in Deo: De utroque significatio gemina τὸ λόγος potest commodè usurpari. Nam si de verbo accidentali loquimur, aliud est *internum mentis*, quod nihil aliud est quàm ipsius *Decretum*, quod sæpe per λόγον exprimitur; aliud *externum oris*, quod est ipsius decreti seu voluntatis Divinæ declaratio in Verbo proposita. Sic *Verbum essentiale*, Filius Dei duplici de causa potest dici λόγος, 1. ratione *Personæ* & modi subsistendi, quia est Sapientia Patris æterna, 2. ratione *Officii*, quia est Internuncius Patris, voluntatem ejus nobis declarans, quod utrumque Joannes innuit. Prius, quando dicit λόγον fuisse apud Deum, & fuisse Deum ψ. 1. Posterius, quum addit eum Deum nobis revelasse ψ. 18. Dico *Ratione Personæ*, λόγος internus & mentalis est, qui genitus est ab æterno à Patre, & illi est simillimus, ut ratio à mente emanat, & illam refert, quod Nazianz. Orat. 2. de Filio, quæ est 4. de Theol. observat. *Videtur mihi λόγος dici, quia se ita habet ad Patrem λόγος, ut sermo ad mentem, non modo propter generationem passionis expertem, sed etiam propter conjunctionem & vim enuntiandi, quia est imago & character Patris qui genuit, qui totum in se ipso Patrem exhibet, ut sermo mentis cogitationem totam repræsentat &c.* Atque ita Filius κατὰ τὸ ἔσω dicetur λόγος 1. ratione *principii*, propter Filii à Patre generationem, ut sermo à mente gignitur. 2. *ratione modi* propter æternam sine passione & alteratione à Patre emanationem, ut sermo à mente naturâ emanat. 3. *ratione repræsentationis*, quia perfectissimè exhibet nobis Patrem, ut sermo mentem. 4. *ratione conjunctionis*, quia ut mens non est sine verbo; Ita nec Pater sine Filio; Quamvis fatendum sit hæc longissimè subscdere infra tanti mysterii Majestatem.

X. Secundò dicitur λόγος κατὰ τὸ ἔξω, *ratione Officii & proprietatis personalis* in operando. Quia ut Pater operatur per modum Consilii & Decreti interni, Spiritus S. per modum Virtutis exequentis. Ita Filius per modum Sapientiæ & Verbi declarantis, tum in ordine naturæ per Providentiam generalem, tum præcipuè in ordine gratiæ ratione Officii Mediatorii, in quo quemadmodum sermo mentem & cogitationem internam repræsentat; Ita Christus est Interpretes voluntatis Patris, qui nobis Patrem declarat Jo. 1. 18. & per quem Pater nos alloquitur Heb. 1. 1. Atque ea de causa non ita propriè λόγος redderetur per Rationem seu cogitationem simpliciter; Vel per Orationem tantum, quia in istis vocibus una tantum χέσις exprimitur, sed longè commodius per *Verbum* seu per *Sermonem*, (Nam verbum & sermonem hîc non differre censemus, quicquid Bellarm. & alii sentiant) quia uterque respectus includitur, nam *Verbum internum & mentale* refertur ad Personam, *Verbum verò externum & orale* ad Officiū.

XI. Quamvis verò duæ istæ χέσις in λόγος nomenclatione concurrant, fatendum tamen secundariam tantum & minùs præcipuam esse eam,

DISPUT.
V.

Joan. I. I.

cam, quæ petitur à *Munere Christi*, primariam verò desumi ab ipsa *Λόγῃ* personalitate & generatione. Quod observandum contra Socinum ejusque asseclas impios, qui volunt *Λόγον* dici tantum ratione *muneris Prophetici*, quia Christus homo is fuit, per quem primum Deus perfectissimam voluntatem suam nobis declaravit, ut habet *Volkelius* lib. 3. cap. 3. & lib. 5. cap. 10. Nam si Christus ideo tantum diceretur *Λόγῃ*, quia fuit voluntatis divinæ apud homines Interpretes, posset idem nomen etiam Mosis & aliis Prophetis suo modo tribui, quorum operâ Deus usus est ad voluntatem suam hominibus revelandam, quod tamen nunquam fieri videmus: Imò nomen hoc velut proprium & incommunicabile cæteris semper ipsi tribuitur. Deinde cum juxta Socinum munere hoc Prophetico Christus non cœperit desungi nisi post nativitatem suam, imò & post baptismum; Nomen hoc illi tantumtribuendum esset ab eo tempore; Cum tamen Joannes jam ab ipso mundi principio *Λόγον* fuisse declarat Joan. I. I. *In principio erat Sermo*. Nam quod hæreticus hoc ad Principium Evangelii, & novam Creationem referre vult, pluribus rationibus gravissimis refelli potest, 1. Quia vox *principii* absolute posita in Scriptura sine ulla limitatione, quoties de tempore agitur, initium temporis seu mundi notat, nisi sit aliquid quod indicet eam κατὰ τὴν intelligendam esse, quod hic non occurrit. 2. Creatio illa hic intelligitur, per quam omnia sine exceptione facta sunt, & ipse mundus, qui Christum non cognovit ψ. 3. & 10. quod de prima tantum, non de secunda Creatione dici potest. 3. Manifestum est Joannem hic alludere ad historiam Creationis à Mose relatam Gen. I. Itaque Sermo de quo loquitur, non alius est, quàm ille ipse per quem Deus dicitur omnia condidisse; Aliàs si alium aliquem sermonem designare voluisset, cur Sermonis voce uti voluit, & nihil addidit ad tollendam æquivocationem, quæ in errorem manifestum potuit inducere Lectorem, ut crederet Hominem Jesum, qui dicitur Sermo, jam fuisse in principio mundi, & omnia condidisse? 4. Quoties Scriptura de nova Creatione agit, toties aliquam restrictionem adhibet, ex qua faciliè colligitur. ut 2. Cor. 5. 17. *nova Creatura* dicitur, & Eph. 2. 10. *creari* dicimur *in Christo*; At hic nihil tale. 5. Si Joanni propositum fuisset agere de Christo Homine, debuisset statim ab initio referre ejus nativitatem, de qua agit tantum ψ. 14. quum ait *Sermonem hunc Carnem factum esse*: Sed clarum est scopum Joannis fuisse describere Personam Christi, partim ab eo quod per Incarnationem factus est; Unde quod ad prius usurpat Verbum substantivum ἦν *Erat*, quod existentiam præcedentem notat: At quoad posterius utitur verbo ἐγένετο. Quare verò Joannes quum de Sermonem loquitur, verbum ἦν octies usurpavit, ἐγένετο nunquam; At quum de Incarnatione loquitur,

quitur non dicit *ἦν*, sed *ἐγένετο*? Nimirum quia Caro est res facta, Sermo DISPUT.
 non item; Sermo est Deus, Lux, Vita; &c. naturâ suâ & semper: At V.
 Caro factus est tantum in plenitudine temporum. Ex quibus ne plura jam addamus, quæ nos ab instituto longius abducerent, patet Christum Sermonem dici, non ratione muneris tantum Prophetici, quod vellet Socinus, sed etiam & quidem præcipuè ratione Personæ & generationis æternæ.

XII. Tertius Testis est *Spiritus S.* Tertia nimirum Sacrosanctæ Trinitatis Persona, Cui nomen *Spiritus* tribuitur non *ἁγιος* & absolute, 3. Testis
 quomodo Deus dicitur Spiritus Joan. 4. quia est essentia spiritalis & incorporea; sed *ὑποστατικῶς* & relatè ad Patrem & Filium, Spiritus
subsistendi, quia à Patre & Filio per spirationem procedit; qui peculiari Sanctus.
 ratione, partim expressâ, *Spiritus Dei* Gen. 1. 1. 2. & *Spiritus Sanctus Dei* Ps. 51. 12. Eph. 4. 20. partim suppressâ, *Spiritus* Johan. 3. 5. 6. & *Spiritus Sanctus* dicitur Matth. 1. 18. *Sanctus* non modò in se formaliter sanctissimus, sed & efficienter in nobis, quia omnis Sanctitatis est author, cui singulariter & per appropriationem opus *Sanctificationis* tribuitur in Oeconomia salutis, ut Patri Electio, & Filio Redemptio vindicatur. Fateor aliquando Spiritum pro donis ejus sumi; sed quia hic in eodem ordine cum Patre & Verbo locatur, non accidentaliter & qualitativè, sed *personaliter* debet intelligi.

XIII. Ut verò Tres istæ Personæ triplicem obtinent in negotio salutis operationis modum; Ita peculiari ratione Triplex Testimonium illis assignatur *τρεῖς εἰσιν οἱ μαρτυροῦντες ἐν οὐρανῷ*, *Tres sunt qui testantur in Cælo, Pater, Sermo, & Spiritus Sanctus.* Deus qui se nunquam *μαρτυρεῖν* reliquit in natura Act. 14. 17. multò minùs in gratia *μαρτυρεῖν* esse voluit. Act. 14. 17.
 Et licet Verbum ejus per se *αὐτῷπιστεῖν* nullâ egeat in se confirmatione, ut tamen infirmitati nostræ & fragilitati se accommodaret, illi voluit fidem indubitatam facere Testimonio multiplici; ut si ex Lege in ore duorum vel trium Testium omne verbum confirmatur; De veritate Evangelii, cui tot Testes divini omni exceptione majores fidem faciunt, nullus dubitandi locus superesse possit aut debeat. Dicuntur *testari in Cælo*, tum ut innuatur, eos non terrenos, sed cœlestes esse, tum ut indicetur cœlitus hoc testimonium ab ipsis perhiberi. Testimonium autem illud cœleste potest spectari, vel conjunctim, vel scorsim. Aliquando Pater, Sermo, & Spiritus S. simul testantur; Ut in Christi Baptismo, ubi Pater de cœlo loquitur, Filius è Jordane ascendit baptizatus, & Spiritus S. de cœlo descendit, & super Filium quiescit, Pater auditur in voce, Filius manifestatur in homine, Spiritus S. cognoscitur in columna, quod testimonium tanti fecit *Augustinus*, ut negantes Trinitatem,

DISPUT.
V.

tem, ad Christi baptismum solum ablegare, *Abi Ariane, ad Jordanem, & videbis Trinitatem*, Ita in Transfiguratione Tres isti Testes Christo testimonium perhibent, *Pater* voce cœlitus edita, *hic est Filius meus dilectus, in quo mihi complacitum est, hunc audite*, quam vocem cœlitus emissam fuisse à magnifica gloria testatur Petrus cap. 1. 2. v. 17. *Filius* per transfigurationem, in qua divinam Majestatem exhibuit, cujus ἀνόπται fuerunt Apostoli ibid. v. 16. Et *Spiritus S.* loquens in Mose & Eliâ de ejus morte. Eo etiam pertinet baptisma fidelium à Christo institutum, in quo Pater, Filius, & Spiritus S. in quorum nomine baptizamus, eandem veritatem confirmant; Ideo enim Sacramentum hoc in Nomine S. Trinitatis administratur, ut mysteria Evangelica, & gratia salutaris in Christo nobis obsignentur.

XIV. Veritas autem Triplicis istius Testimonii pendet ex Triplicis operationis ad Redemptionem nostram necessitate, quæ tribus S. S. Trinitatis Personis competere distinctè debuit. Nam ut salus primo debuit destinari, Secundo destinata acquiri, Tertio acquisita applicari. Ita *Destinatio ejus*, ut primus actus Redemptionis, *Patri*, qui prima est Persona, tribuitur, *Acquisitio*, qui secundus fuit, pertinuit ad *Christum* Mediatorem, qui secunda, Et *Applicatio*, qui postremus est, ad tertiam Personam, *Spiritum* scilicet sanctificantem. Pater *de nobis* statuendo, Filius *pro nobis* satisfaciendo, Et Spiritus *in nobis* operando. Hinc triplici illa operatione testantur tres illi Testes, Pater *missione Filii* in Mundum pro nobis, Filius *incarnatione* sua & passione moriendo pro nobis, & Spiritus S. *vocatione efficaci & regeneratione* operando in nobis, Pater mittendo Filium testatur se illum dedisse in Redemptorem nostrum, qui peccata nostra deleteret & nos sibi reconciliaret. Filius carnem nostram assumendo, testatur se esse Vadem & Caput nostrum, qui factus est nobis similis, ut esset נאמי noster, & pacem per sanguinem faceret. Et Spiritus S. gratiam Patris & meritum Filii nobis applicando, testatur de utriusque veritate & certitudine, ut dubitare non possimus, quin salus à tribus istis divinis Personis nobis dispensata, consummatissima sit & absoluta omnibus numeris. Hic porro trium istorum divinorum Testium concursus eo pertinet, ut sibi invicem respondeant, tum in testando, tum in operando, nec latior sit peripheria operationis unius præ alio in salutis negotio; sed idem objectum sibi proponant, & eundem scopum respiciant, ut nemini destinetur à Patre salus, cui non acquiratur à Filio, neminique acquiratur à Filio, cui non applicetur à Spiritu S. & vicissim quoscunque sanctificat Spiritus, ii & à Christo sint redempti, & à Patre electi.

Quid &
Quomodo
Pater teste-
tur.

XV. Verum ut distinctè de triplici isto Testimonio dicamus, Primo videndum *quid* Testentur. Secundo *quomodo*? Et ad Testimonii substantiam quod attinet, Joannes satis apertè eam designa-

vit in verbis præcedentibus 5. & 6. & clariùs adhuc describet in sequen- DISPUT.
 tibus 7. 10. & 11. quum illud refert, partim ad Myſterium *Divinitatis*
 Chriſti, ut credamus illum eſſe Filium Dei verum, & æternum cum Pa-
 tre Deum, 7. 5. *Quis vincit mundum, niſi qui credit Jeſum eſſe Filium Dei?*
 partim ad Myſterium *Redemptionis*, ut perſuaſum habeamus illum eſſe ve-
 rum Meſſiam prædictum in V. T. qui debuit ſervare populum ſuum à pec-
 catis ſuis; Utrumque enim ab hæreticis, quos hic oppugnat Joannes, ne-
 gabatur. Ideo dicit 7. 6. Hunc eſſe qui venit per aquam & ſanguinem, nim.
 ad plenam purgationem peccatorum faciendam, per ſanguinem ad reatus
 ablationem, per aquam ad maculæ ablutionem, per meritum ſanguinis ad
 juſtificationem, & per efficaciam Spiritûs ad ſanctificationem. Nec aliò
 reſpicit quod addit 7. 11. *Hoc eſſe teſtimonium Dei, quod Deus dederit nobis*
vitam, & quod hac vita ſit in Filio ejus. Nimirum ut doceat Dei charita-
 tem erga nos in eo patefactam eſſe, quod nobis, electis ſcil. & fidelibus,
 nec enim aliis vitam largitur, vitam dare voluerit, & non alibi quàm in
 Chriſto vitam iſtam locaverit, ut ſic re ipſa agnoſcatur unicus & perfectus
 Eccleſiæ Redemptor, extra quem nulla vel ſperari, vel haberi poteſt ſalus.
 Hæc eſt ſumma Euangelii, quæ nobis credenda proponitur, & cui, ad
 plenè firmandam fidem noſtram, ne ulla dubitandi cauſa ſuperſit, tam irre-
 fragabile teſtimonium perhiberi voluit & in cælo & in terra. Quomodo au-
 tem Teſtimonium iſtud Chriſto à Teſtibus iſtis cœleſtibus ſit redditum, ſi
 quæritur, Non difficile eſt reſpondere, factum id biſariam, & verbo &
 opere. Et ad Patrem quidem quod ſpectat, non ſemel inducitur teſtans de
 Chriſto Jo. 5. 37. *Qui miſit me Pater, ipſe de me teſtimonium perhibuit,* & Jo. 7. 5. 37.
 8. 10. *Teſtimonium perhibet de me qui miſit me Pater,* quod fecit, Tum Verbo, & 8. 18.
 partim immediatè, voce cœlitus auditâ non ſemel Matth. 3. 17. & 17. 5. Jo.
 12. 28. partim mediatè per Oracula Prophetarum, & V. T. ſcripta quæ de
 Chriſto teſtabantur Jo. 5. 46. Act. 10. 43. & per Joan. Baptiſtæ teſtimonium,
 Jo. 1. 6. 7. *Fuit homo miſſus à Deo, cui nomen Johannes, Hic venit ut teſti-*
monium perhiberet de lumine &c. Tum Opere per opera illa varia, quæ in
 gratiam Chriſti fecit, imò quæ per Chriſtum ipſum & in Chriſto præſtitit
 Jo. 14. 10. *Pater in me manens ipſe facit opera;* Cur enim virtutem ſuam & Jo. 14. 10.
 gloriam Chriſto dedisset ad patranda tot tantaque miracula, niſi ut divini-
 tatem vocationis ejus confirmaret, & quodam veluti ſigillo appoſito obſi-
 gnaret Jo. 6. 30. Sed magnum & admirabile opus Patris, quo de Chriſto &
 ejus Euangelio teſtatus eſt, fuit procul dubio Miſſio ejus in mundum, quæ
 nobis luculenter ſummam ejus erga nos Charitatem, & divinam ſalutis
 diſpenſationem exhibuit.

XVI. Secundus Teſtis *Αγς* & eſt, qui non ſemel hoc nomine de- Quomodo
 ſignatur in V. T. Iſa. 55. 4. *En Teſtem nationum conſtituo eum,* & in Αγς τεſte-
tur. Iſ. 55. 4.
 Novo

DISPUT. V. Novo tum hic, tum Jo. 3. 11. & Apo. 3. 14. *Testis fidelis & verax, qui in id genus est & venit in mundum, ut Testimonium redderet veritati,* ut profitetur coram Pilato Jo. 18. 37. Testatus est autem Christus λέγων καὶ ἐργῶ, dictis & factis; Et dictis primò, quando Evangelium suum ex sinu æterni Patris nobis attulit, & voluntatis ejus fuit Interpretes, per quem Pater nos est alloquutus Jo. 1. 18. Heb. 1. 1. Hinc ipse testatur, se quod vidit & audivit testari Jo. 3. 11. 31. & Pater ipsum audiendum esse cœlitus denunciat Matth. 17. 5. *Hunc audite.* Testatus est secundò verbo, quum toties se Dei Filium, Christum Domini, à Patre missum & Sanctificatum ad opus Redemptionis significat, Lucem mundi, Panem vitæ, Messiam, qui expectabatur, viam, veritatem & vitam, &c. Jo. 3. & 4. & 5. & 8. & 10. 30. 35. 36. & 14. 3. 4. Neque hic opponendum, Testimonium hoc Christi esse de se ipso, atque adeò non admittendum, ut ipse fatetur Jo. 5. 31. *Si testor de me ipso, Testimonium meum verum non est;* hoc enim non absolutè & simpliciter, sed κατὰ τὴν tantum intelligendum esse, docet locus alter Jo. 8. 44. *Etsi testor de me ipso, testimonium meum verum est,* cum quo apertè pugnaret, si præcisè & ad literam urgeretur. Itaque ad hominem argumentatur Christus, & per concessionem, juxta mentem eorum cum quibus agebat, qui eum φίλον ἀνθρώπων existimabant. Si testor, inquit, de me ipso, eo quo creditis modo, quasi homo merus, proprio arbitrio, & sine mandato Patris; fateor testimonium meum non fore verum. Sed Jo. 8. loquitur ex rei veritate, dicitque testimonium suum fide dignum esse, quia ipse verax sit, nec à se ipso venerit, sed à Patre qui secum testetur. Hoc verò Christi Testimonium de se ipso tantæ fuit evidentiae & certitudinis, ut nullâ sophisticâ eludi potuerit. Nam si Christus non fuisset verus Dei Filius, qualem se profitebatur, omnium qui vixerunt, absit blasphemia, Impostor maximus, & Deo contumeliosissimus fuisset, qui toties ea de Deo, de se, de nobis quæ falsissima sunt assereret. At in confesso est, facientibus ipsis Judæis, Ethnicis, Mahumetanis, summam vitæ puritatem conjunctam cum constanti animi integritate in eo refulsisse, quæ arcent omnem ejusmodi suspensionem. Si Christi testimonium non fuisset verum & αὐτόπιστον, An credibile est Deum, qui gloriæ suæ vindex est acerrimus, tam impudenti mendacio calculum suum appositurum fuisse, & virtutem suam & auctoritatem gloriæ suæ raptori & usurpatori commodaturum fuisse? An non potius vel per Prophetas olim prædixisset, vel Prophetis excitatis coarguisset, vel in tantum scelus gravissimo aliquo supplicio animadvertisset; ut olim Angelum de affectata Dei æqualitate tam graviter punivit? Cùm contrà pateat seculorum decursu doctrinam ejus crevisse, & totum terrarum orbem replevisse, ut è fonte profluens aqua rivis confluentibus, quæ ad talos petingebat, ad genua, pectus, & caput ipsum attollitur. Si Jesus non fuisset

fuiſſet à Deo, quomodo nomen ejus & dignitas emergere potuiſſet in-
ter tot Reges & Principes, qui perdere ipſum enitebantur? Quomodo
ſuffocata non fuiſſet & extincta ejus doctrina ingenti perſecutionum æſtu?
At fides ut aurum igne excoquitur, & non conſumitur, in graviffima-
rum tentationum fornace conſtituta permanſit, & evaſit victrix & trium-
phatrix; Toties cribrata & excocta, tot experimentis probata,

*Ceu duris Ilex tonſa bipennibus,
Ab ipſo duxit opes animumque ferro.*

Quæ omnia luculenter evincunt, Teſtimonium Chriſti, quod per Ver-
bum ſuum nobis reddidit, indubitatum eſſe & divinum. Huic porro
Orali teſtimonio, addi poſſunt variæ Chriſti apparitiones, quibus ſe
videndum & audiendum præbuit ad confirmationem Euangelii ſui, ut
quum viſus eſt Stephano Protomartyri Act. 7. Paulo quum eum convertit
Act. 9. 1. Cor. 15. & Joanni Theologo ſæpius in Inſula Pathmos Apoc. 1. 2.

XVII. Sed Chriſtus non tantum verbo, ſed opere potiſſimum te-
ſtatus eſt, *Opera quæ facio teſtantur de me, quod Pater me miſerit*
Joan. 5. 36. *Si non vultis credere mihi, credite operibus* Joan. 8. 37. 38. Jo. 5. 36.
Credite quod Ego ſum in Patre & Pater in me, ſin minus credite operi-
bus Joan. 14. 11. Ut enim ſanguis Abelis clamat Heb. 12. 24. & opera Jo. 14. 11.
Dei gloriam Creatoris enarrant Pſalm. 19. 1. Ita opera divina Chriſti
luculentum illi perhibent teſtimonium, imò diſertiora ſunt quavis con-
cione. Hinc factum ut Chriſtus hoc unum teſtimonium de ſe ipſo tan-
quam argumentum certiſſimum Joannis Baptiſtæ propoſuerit Matt. 11. Matt. 11.
quum diſcipulos à Joanne miſſos, ut inquirerent an eſſet Meſſias, an 3. 4.
alius quis expectandus eſſet, cum hoc reſponſo remittit, *Renunciate*
Joanni quæ videtis, & auditis, cæci viſum recipiunt, claudi ambu-
lant, leproſi mundantur, ſurdi audiunt, mortui ſuſcitantur & Euange-
lium annunciatuſ pauperibus. Cum enim prophetica Oracula Meſſiam
hiſce notis & characteribus, ut *Ἰαυνατερὸν* non ſemel deſcripſiſſent
If. 35. & 61. Chriſtus non potuit certiori argumento ſe Meſſiam eſſe
comprobare, quàm talia opera præſtando, quæ in ipſo compleri oracula
illa demonſtrabant clariffimè. Nam qui tot, tantaque miracula præſtat,
Ille vel potentiâ ſummâ præditus eſt ſupra naturam omnem, vel poten-
tiâ divinâ utitur liberè: Qui *αὐτόθεος* eſt opere, Idem debet eſſe
αὐτόπῃς verbo. Qui facit quicquid vult, Idem quicquid dicit, ve-
rum eſſe re ipſa & actu probat; nec enim ſummam potentiam menda-
cium decet. Cum ergo Chriſtus tot taliaque miracula præſtiterit ſuo nomi-
ne & authoritate, Deusque ſuam operam & virtutem ad eorum produ-

DISPUT.
V.

tionem impenderit, quis dubitandi locus superesse potest? Quid enim cum aliqua veri specie opponi posset? An mirabilia fuisse, non vera miracula? Sed quid verum miraculum, nisi quod totius naturæ creatæ vires superat, ut cæco nato visum, & mortuo vitam restituere, & omne genus morborum sanare? An præstigias fuisse? Sed cur non detegabant Judæi præstigiatores? Cur tot Exorcistæ; qui eo tempore vivebant, fraudem non ostendebant? Præstigiatores ergo & Discipuli, qui eo mortuo pergunt ejus nomine, sed quo fine, & cui bono? ut morti tradantur, ut ipsi fame, laqueo, gladio & Cruce pereant: At præstigiatores pecuniam, gloriolam, & famam spectant, nihil verum efficiunt, sed oculis fucum faciunt; An tale quid in Christo vel Apollis visum? An virtute magica hæc omnia peracta esse? Sed cur Legis mucronem in eum non exerebant? Cur in ejus accusatione de hoc crimine silent? Cur non deglutiuntur à virgâ Mosaicâ, sed supersunt hæc adhuc hodie ac vigent? Deinde, an tam insanus vetus ille Draco, ut suum laniet pectus, ipse volens & lubens, & imperium destruat Mat. 13. An Diabolus & Pietatis & Sanctitatis Magister, an fiduciam in Deum, & obedientiam commendat? Totus Christus in eo est, ut fides, spes & amor in Deum recumberet, & regnum ejus stabiliretur. Hoccine verò Dæmon quærere potuit & suadere? Denique quodnam hoc magiæ genus, quod fugit latebras & in apertum prodire gestit, nil secretum nisi hominum conscientias petens, quas convincit & adigit ad confessionem, nedum ut fugiat; & *κεντὰ τὴν αἰχμῆν* quærat?

XVIII. Inter omnia autem Christi Opera, quibus sibi testimonium perhibuit, nullum illustrius & luculentius occurrit ipsâ Christi *Resurrectione*, quæ Inviçtum fuit & Divinitatis ejus, & Mediationis argumentum, per quam & Filius Dei agnitus est ab hostibus Matth. 26. & creditus à fidelibus, & approbatus à Deo, hostes potentiam senserunt victtricem, fideles veritatem promissionum experti sunt, & Deus justitiæ ac satisfactionis perfectionem declaravit. Nisi enim à Deo missus fuisset Christus, nisi verè fuisset Dei Filius, qualem se profitebatur, sed impostor & usurpator, quo tandem pacto Deus in eo suscitando potentiam suam adeò gloriosè exeruisset? An credibile est Deum passurum fuisse, ut fides ejus resurrectionis latè extenderetur, & tot tamque admirabiles in mundo convertendo effectus ederet? Hinc Paulus Rom. 1.4. dicit eum, qui ex semine Davidis fuit secundum carnem, *ἐκ δὲ θέντα* declaratum fuisse solenni veluti decreto, *Filium Dei secundum Spiritum sanctificationis per resurrectionem à mortuis*, & 1. Tim. 3. 16 alibi 1. Tim. 3. 16. *Justificatum Spiritu* adversus omnes calumnias adversariorum per gloriosam Resurrectionem, quæ per Spiritum eundem æternum, per quem se obtulerat Heb. 9. 14. i. e. Divinitatem contigit. Et Christus non aliud

aliud signum illustrius, & argumentum certius. Divinitatis, & vocationis suæ cœlestis affert, quàm Resurrectionem, *Solvite templum hoc*, inquit Joan. 2. 19. Judæis quærentibus, quodnam signum faceret, ut crederent, *Joan. 2. 19.* & tertio die erigam ipsum, & Matt. 12. 39. *Natio ista adultera signum quærit, sed signum aliud non dabitur ipsi, nisi signum Jonæ &c.* quia nisi Christo resurgenti credidissent, nullum aliud argumentum fuit, quod ad fidem potuit eos compellere. *Matt. 12. 39.*

XIX. Testimonium Λόγος excipit Testimonium Spiritus, qui hîc etiam bifariam; & verbis & factis de Christo testatus est. Sic enim Christus ipse hoc innuit Jo. 15. 26. *Cum venerit Paracletus, testabitur de me, &c.* 16. 13. *Non loquetur à semet ipso, sed quacunque audierit, loquetur, & quæ ventura sunt annuntiabit, Ille me glorificabit &c.* Hinc Paulus Rom. 8. 16. dicit, *Spiritum συμπάροικον cum Spiritu nostro, Quod simus filii Dei.* Testatus est autem, non modò mediatè per Apostolorum præconium, qui à Spiritu Sancto acti, ut & cæteri Viri Dei loquuti sunt: Sed & immediatè per visibilem sui super Apostolos effusionem: Quum enim in solenni Pentecostes die, specie visibili, mirabili ratione in Apostolos descendit, tunc publicum Innocentiæ, Veritati, & Exaltationi Christi Testimonium est perhibitum, *Innocentiæ*, quia patuit injustè condemnatum esse eum, in cuius nomine Pater cœleste hoc donum effundebat. *Veritati*, quia sic Christus implendo promissiones sæpius datas de Spiritûs missione, veracem se esse factò ipso demonstravit, & toti doctrinæ suæ divinam autoritatem conciliavit. *Exaltationi*, quia nisi Christus post passiones & mortem resurrexisset, & ad dextram Dei exaltatus fuisset, non potuisset Spiritum mittere, *Nisi abivero Paracletus non veniet, sed si abivero mittam illum vobis.* Jo. 16. 7. unde Petrus Spiritûs missionem tanquam effectum exaltationis notat Act. 2. 33. Secundo testatus est per efficacem Apostolorum immutationem, Quum enim adeo potenter mentes, & corda ipsorum affecit, ut qui priùs rudes erant & idiotæ, plenâ mysteriorum cœlestium notitiâ essent instructi, qui timidi & meticulosi ad minimam ancillæ vocem trepidabant, animosi & imperterriti coram Regibus & Principibus sint redditi, qui elingues, disertissimi, qui nihil nisi terrenum sapiebant, jam magnalia Dei loquantur; Quis non agnoscat luculentum Christo, à quo mittebatur, perhibitum fuisse à Spiritu testimonium?

XX. Tertio testatus est per miraculorum in Apostolis & per Apostolos parrationem; Nam dum ad vocem Apostolorum videbantur dæmones è corporibus egredi, ægri sanari, cæci illuminari, mortui suscitari; Quando ad eorum præconium Idola ceciderunt, Oracula obmutuerunt, Eloquentia Oratorum, subtilitas Philosophorum, Majestas Regum & Principum dejecta fuit & confusa, quis præsen-

DISPUT. V. præsentissimum Dei digitum hîc non animadvertat? Quò spectant verba
 Heb. 2. 4. 5. Pauli Heb. 2. 4. 5. dum ait, *Deum testimonium perhibuisse verbo suo, signis
 & prodigiis, & variis virtutibus & Spiritus Sancti distributionibus.* Quar-
 tò denique testatur *per Piorum Conversionem, & Impiorum convictionem;*
 Nam ut pios intus persuadet de salute per Christum acquisita; Ita impios
 convincit de veritate Euangelii quod oppugnant, & de divinitate Chri-
 sti, quem in membris suis persequuntur, ut volentes, nolentes Christo
 cedere cogantur, & sic in conscientiis reddantur ἀναπολόγητοι: Quo
 pertinet illustris locus Joan. 16. 8. 9. ubi de testimonio Spiritus loquens ait,
 Spiritus ἐλέγξει arguet mundum peccati, justitiæ, & judicii, id est, cla-
 rissimè demonstrabit Fidelibus, quo sensu fides dicitur ἐλεγχος Heb. 11. 1.
 & potenter convincet impios de hisce tribus. Tria autem ista sunt, in qui-
 bus præcipuè versatur Spiritus Testimonium, tum erga Pios, ut illos con-
 vincendo persuadeat, tum erga Impios, ut illos convincendo damnet.
Peccatum, Justitia, & Judicium. Peccatum admissum, Justitia am-
 plectenda, Judicium fugiendum. Peccatum mundi, cujus omnes sunt
 rei, Justitia Christi, qua omnes sunt destituti; Judicium Dei, quod omni-
 bus certissimè imminet, cujus & exemplum in Diabolo habent. Peccati
 gravitatem ostendit in incredulitate; Justitiæ plenitudinem & certitudi-
 nem in Christi ascensione, qui justitiam seculorum adduxit; Judicii veri-
 tatem & infallibilitatem in pœna Diaboli, qui morte Christi vinci & con-
 fundi debuit Col. 2. 14. Heb. 2. 14.

Unitas
 Testium
 qualis.

XXI. Sic exposito Testium istorum testimonio, Jam Unitas eorum est
 expendenda, καὶ οἱ τρεῖς ἐν εἰς inquit Joannes, *hi tres unum sunt.* Nam
 quia de pluribus agit, ut eorum pondus & autoritas major sit, consensum
 eorum innuit, & ut consensum perfectum doceat, ad unitatem essentiæ
 ascendit, quæ unitatis voluntatis sit fundamentum. Reclamat hic Socinus,
 qui ut eludat vim argumenti, quod hinc petimus pro ὁμοσίᾳ Personarum,
 pertendit hanc unitatem referendam esse ad unitatem tantum consensus & te-
 stimonii, & hoc evincere satagit, tum ex scopo Joannis, qui est unita-
 tem Testimonii probare, tum ex variis Scripturæ locis parallelis, in qui-
 bus eadem vox non alio sensu sumi potest, tum ex nonnullorum Orthodo-
 xorum sententiâ, qui unitatem consensus hic respiciendam esse censent. Nos
 verò, non negamus quidem Apostolum unitatem consensus & testimonii
 attendere, sed quòd agat tantum de ea, exclusa unitate essentiæ, pernega-
 mus. Imò contendimus unitatem essentiæ hîc statui, tanquam fundamen-
 tum unitatis voluntatis. Rationes quibus adducimur ad hoc credendum
 sunt gravissimæ. 1. loquendi modus, qui usurpatur à Joanne in describen-
 da Testium Cœlestium & Terrestrium unitate; Nam de terrestribus quidem
 dicit esse εἰς τὸ ἐν, esse in unum, vel ad unum; sed de cœlestibus dicit sim-
 pliciter

pliciter esse *unum*, τὸ ἓν εἶσι. Jam verò si eadem utrobique unitas intelligenda esset, nimirum unitas consensus, quænam posset esse diversæ locutionis ratio, quare non prævertit gravissimum, quod ex isto sermone fidelibus imminabat periculum, ne in errorem inducerentur, unitatem essentiae in Testibus istis fingendo, quæ nulla tamen erat? quare non dicit de utrisque, vel τὸ ἓν, vel εἰς τὸ ἓν εἶσι? Sanè nulla potest discriminis istius ratio genuina afferri, nisi unitatis diversitatem aliquam agnoscamus, ut testes quidem terrestres unitatem consensûs habere dicantur, quia in unum conspirant. Sed testes cœlestes præter unitatem testimonii, etiam unitatem essentiae. Nec opponi debet ab hæretico Editio Complutensis, quæ de testibus cœlestibus dicit esse εἰς τὸ ἓν: Nam unius Codicis autoritas non potest abrogare fidem reliquorum omnium probatissimorum, quos Rob. Stephanus, & alii magnâ curâ collegerunt, qui constanter lectionem nostram retinent.

XXII. Secundò, scopus Apostoli hoc evincit. Nam ut ipsi propositum est demonstrare indubitata fidem Euangelii ex unitate Testium, qui illi Testimonium perhibent: Ita non potuit certius istam unitatem & identitatem consensûs probare, quàm ex unitate & identitate essentiae: Nam ubi est perfecta *ὁμοῦσία*, ibi debet etiam esse perfecta *ὁμοῦσία*. Tertiò hoc ipsum docet *Testium istorum appellatio*, cum enim vocentur *Testes in cœlo*, non modò voluit Joannes indicare, eos cœlestes esse, & cœlitus testimonium Christo perhibere; aliàs non tres tantum, sed longè plures possent dici, siquidem & Angeli hac ratione Testes in cœlo etiam possent vocari; Sed & *natura divinos*, quomodo cœlum in Scriptura sæpe pro Deo usurpatur, unde *ψ. 9.* vocat hoc Testimonium Dei, quod opponit Testimonio hominum. Jam si tres isti Testes sunt divini, debent esse unum essentiae unitate, quia unus tantum est numero Deus, & nihil est in Deo, quod non sit ipse Deus. Confirmatur Quartò id ipsum *ex Testium istorum conjunctione*: Nam Qui testes simul conjunguntur, & eodem modo unum dicuntur, eorum etiam in unitate similis est ratio. At Pater, Verbum & Spiritus conjunguntur, & eodem modo unum dicuntur, ergo eorum in unitate similis debet esse ratio: Jam Pater & Spiritus Sanctus ex mente Adversariorum unum sunt, non tantum consensu, sed & essentiâ. Ergo Pater & Verbum cum Spiritu erunt unum essentialiter. Quintò, Eadem unitas debet intelligi, quam Christus alibi sibi & Patri tribuit *Joan. 10. 30. Ego & Pater unum sumus*, At non est unitas tantum consensûs, sed etiam unitas essentiae. 1. quia Judæi hoc ita intelligunt, quando eum blasphemiam propterea arcessunt, eo quòd, homo cum esset, se faceret Deum *ψ. 37. 2.* Christus hoc non negat, sed confirmat ex identitate operum suorum & Patris *ψ. 37. Si non facio opera Patris mei, non credite mihi, sed si facio, credite operibus; ut cognoscatis*

DISPUT. V. & credatis Patrem esse in me, & me in Patre. At si falsò hoc impingitur ipsi à Judæis; Cur vanitatem criminationis non repellit, ostendendo eos perperam mentem suam interpretari, cum non de unitate essentia, prout illi arbitrabantur, sed de unitate tantum voluntatis & consensûs loquutus esset? Cum E. nihil tale præstet, imò confirmet ulterius quod dixerat, patet hanc revera ejus mentem fuisse, quæ à Judæis illi adscribitur.

XXIV. Non dissimulandum tamen varia hic excipere Hæreticos ad vim istius Argumenti eludendam. Primò non posse magis unitatem essentia colligi, quando tres Testes unum esse dicuntur, quàm quum Paulus & Apollos dicuntur esse unum 1. Cor. 3. 8. quum Christus orat Joan. 17. 21. ut Credentes unum sint, sicut Pater in ipso, & ipse in Patre, ut & ipsi in illis unum sint, quod ad unitatem essentia referendum esse nemo dixerit, vel quum Paulus 1. Cor. 6. 17. eum qui adhaeret Domino, unum Spiritum esse dicit. 2. Sed quis non videt, hic hæreticos pro more peccare fallacia parium, & longè dissimilia conferre? Quamvis enim eadem verba usurpentur, non sequitur tamen statim eodem sensu sumenda esse; verba enim debent intelligi pro subiecta materia. Paulus & Apollos bene unum dicuntur, tum resp. officii, quia idem munus sustinent, tum resp. infirmitatis, quia nihil sunt per se, & nihil possunt absque Christo; sed patet non posse dici unum natura, quia distinctæ sunt personæ, quæ distinctam numero essentiam habent. At in divinis aliter se res habet, ubi distinctæ Personæ eandem numero essentiam participant, & hoc ideo fit, quòd cum in humanis tres personæ faciant tres homines, quia persona quælibet humana habet peculiarem essentiam ab aliis numero distinctam; in divinis tamen tres Personæ non faciunt tres Deos, quia Personarum divinarum unica est & individua essentia. 2. Eadem ratione solvitur locus alter ex Joan. 17. 21. petitus, quia malè argumentum ducitur ab unitate spirituali & mystica, quæ in communione Spiritûs consistit, ad unitatem ineffabilem Personarum Trinitatis. Nec particula καὶ hoc potest evincere, notum enim eam non semper æqualitatem, vel identitatem, sed sæpissimè aliqualem tantum similitudinem indicare, ut quum jubet nos Deus ut simus sancti sicut ipse sanctus est Lev. 11. 14. & Christus ut simus perfecti & misericordes, sicut Pater cælestis est perfectus & misericors Matth. 5. 48. & Luc. 6. 36. & Paulus ut ambulemus in charitate sicut Christus nos dilexit Eph. 5. 2. clarum est hic aliquam tantum analogiam connotari, non plenam & absolutam æqualitatem. 3. Quod additur ex 1. Cor. 6. 17. non magis urget: Nam Paulus non dicit fideles esse unum cum Deo, sed esse unum Spiritum, id est, esse unum Spiritu, quia unum eundemque Spiritum participant, qui à Capite diffunditur in omnia membra, idemque in membris operatur,

tur, quod operatus est in Capite, putà vitam, lucem, sanctitatem, gaudium, DISPUT.
& gloriam. V.

XXV. Addunt hæretici, Doctores nostros primarios, *Calvinum, Be-
zam* non aliter exposuisse, quàm de unitate consensûs, Perperam ergo
nos aliò velle referre. R. 1. Licet Calvinus & Beza ita locum istum expo-
suis- sent, non teneremur in eorum verba jurare, quia fides nostra non ho-
minibus, sed Deo solo ejusque Verbo nititur. 2. Si verba ipsorum expen-
dimus, facilè patebit eos non absolutè & simpliciter negasse agi de unitate
essentiæ, sed tantùm comparatè, ut potiùs consensus innuatur, quàm es-
sentia, sicenim Calvinus ad hunc locum, *Quod dicit Tres esse unum, ad
essentiam non refertur, sed ad consensum potiùs, ac si diceret Patrem, &
eternum ejus Sermonem, ac Spiritum Sanctum symphoniâ quadam Chri-
stum pariter approbare &c.* Quis non agnoscit eum non disjunctè simplici-
ter, sed comparatè loqui, & hanc ejus esse mentem, Patrem, Verbum &
Spiritus esse quidem unum essentiâ, trinum Personis Deum, unde paulò
antè dixerat, *fidem in una Deitatis essentia tres Personas agnoscere*, sed hîc
produci propriè & primariò non ut testem unum essentiâ, sed ut testes tres
personis distinctos, unum tamen idemque testificantes de Christo? ut
habet glossa interlinearis, *Hî tres unum sunt, id est unus Deus de eadem re
testantes.* Nec si addit utrosque Testes unum dici eodem sensu, hoc intel-
ligit absolutè & simpliciter; sed relatè ad institutum Joannis, quod est har-
moniam Testium cœlestium & terrenorum de Messia exhibito ostendere.
Unde patet quàm præposterè & malâ fide summus ille Vir Dei traducatur
à nonnullis, quasi Arianis favens: Nam licet humani aliquid esset pas-
sus, nec satis affectus esset mentem Spiritûs Sancti in uno vel altero loco,
ideo sequitur eum tanti Mysterii fidem, quod alibi solidissimè & tot invi-
ctis argumentis, & in hoc ipso loco confirmat, subruere voluisse; Non
alia mens *Beza*, qui ita unitatem consensus asseri vult à Joanne, ut unita-
tem essentiæ non neget, sed supponat potiùs, *Unum sunt, inquit, id est
prorsus consentiunt, ac si unus testis essent, & revera unum sunt, si &c. av-
spectes, sed de ea, ut mihi quidem videtur, non agitur hoc loco:* Quid hîc
est, quod hæreticis faveat, quid non potiùs eorum pestilentissimum erro-
rem jugulat?

XXVI. Ex his ita discussis sponte fluunt varia, quæ ex hoc
Oraculo ad augusti Mysterii, de quo agimus, confirmationem per-
tinent, argumenta. Hinc enim I. Patet *Trinitatis* vocem non esse
planè ἀγχαρον, prout veteres Antitrinitarii & recentiores clamitant,
licet enim αὐτολεξει vel in abstracto non legatur, extare tamen in
concreto, & æquivalenter, locus hic noster clarissimè evincit. Quid
enim est Trinitas, quàm Trium istorum unitas? II. *Personarum*

DISPUT. *Trinitas* luculenter colligitur, cum enim nec plures nec pauciores in cœlo
 V. Testes, quam Tres Apostolus numeret, qui non tantum consensu & voluntate, sed etiam naturâ sint unum, tot etiam & non plures Personas divinas necesse est esse. Unde impurissimi & pestilentissimi *Serveti* blasphemia retunditur, qui unam tantum Personam vult esse, quæ tribus nominibus designetur, & propter diversos testificandi modos tres testes dicatur. Quis enim de uno eodemque homine, qui de aliqua re testificatur, & suum testimonium scripto & sigillis confirmat, bene diceret tres esse testes, propter triplicem testificandi modum? Ergo præter Patrem, duo alii in Cœlo Testes statuendi sunt, tanquam distinctæ personæ, quæ pro parte sua testificentur. Neque hic reponendum, testis officium statim personalitatem non dicere, cum statuuntur Tres in Terra Testes, qui tamen non distinguuntur personaliter: Nam licet ex testimonio Testium terrestrium personalis eorum subsistentia inferri nequeat, sed realis tantum distinctio; Non sequitur pariter se rem habere, quum de Testibus cœlestibus mentio fit; quia hæc vox ista non improprie, sed proprie accipienda est, quo pacto personæ tantum competit. Nam quomodo accipitur nomen Testis, quando Patri & Filio adscribitur, eodem etiam modo debet accipi, quando tribus in cœlo Testibus hic vindicatur. At Patri & Filio tribui proprie non negant Adversarii, & clarissimum est ex Jo. 5. 32. & 8. 16. Ergo etiam proprie accipitur, quando tribus in cœlo Testibus tribuitur: Quod confirmari posset, tum ex Baptismo Christi, tum ex Baptismo nostro, ubi trium distinctarum Personarum, in quarum nomine baptismus administratur, mentio injicitur, si id nunc ageremus.

XXVII. Ut verò Personarum Trinitas ex hoc loco elicitur evidenter, ita non minus clarè confirmatur *illarum Personarum ὁμοσία*, cum non tantum Testes cœlestes vocentur, qui testimonium Dei nobis perhibent, sed *unum* esse dicantur, quod non ad unitatem consensûs & voluntatis, sed essentiae & naturæ pertinere suprâ demonstravimus: Nec mysterio caret, quodd *Unum* dicantur, non *Unus*, istud enim Personam notaret, illud verò Naturam; nam in Trinitate est quidem ἅλλο καὶ ἅλλο, sed non ἄλλο καὶ ἄλλο, alia Persona, non verò alia Natura: Ut ex opposito in Incarnatione est ἅλλο καὶ ἅλλο, sed non ἅλλο καὶ ἅλλο, quia duæ sunt naturæ, sed una persona. Hinc *Gregor. Nazianz.* homiliâ de Baptismo unitatem istam Trinitatis, & Trinitatem unitatis appositè designabat admirabundus, ὁ φθάνω τὸ ἐν νοῦσαι, καὶ τοῖς τρισὶν περιλάμπωμαι. ὁ φθάνω τὸ τρία διελεῖν, καὶ εἰς τὸ ἐν ἀναφέρειν.

XXVIII. Quartò *Spiritus Sancti personalitas* invictè probatur, quia duobus in cœlo Testibus, Patri & Verbo, tanquam tertius Testis adjungitur: ut ergo Pater & Verbum Personæ sunt distinctæ, quæ testimonium perso-

personale Christo perhibent. Ita necesse est Spiritum, qui in eodem ordine locatur, quoque Personam esse, non rem tantum quæ Testimonium reale reddat. Huc accedit, quòd cum per Spiritum hic, nec donum Spiritus possit intelligi, quod pertinet ad classem Testium terrestrium, nec virtus & potentia Patris, quia sic non posset ab eo tanquam tertius Testis distingui; cum essentia & virtutis sit una-eademque testificatio; necessariò tertia quædam Persona à Patre & Verbo distincta, & cum iisdem testans intelligenda veniat, cui non possent tot actiones personales *testandi, consolandi, mitendi, scrutandi* &c. tribui, nisi vera & propriè dicta esset Persona.

XXIX. Denique *Necessitas fidei* istius Mysterii ad salutem non obscurè evincitur. Cum enim tres istæ Personæ testantes inducantur de Christo; nemo potest in Christum credere, qui earum testimonium non recipiat, atque adeò eas non confiteatur. Et sanè cum fides Deum, qualem se in Verbo nobis patefecit, colere teneatur; Nec Patrem habere possit, qui Filium negat 1. Joann. 2. 23. Nemo non videt Articulum hunc verè fundamentalem esse, quem licet *scrutari sit temeritatis, credere tamen pietatis est, & nosse vita aeterna*, ut scitè olim Bernardus. Unde quamvis longè clariùs sub Novo Testamento Mysterium hoc patefactum sit; in Veteri tamen non ignotum fuisse, sed sufficienter ad piorum solatium revelatum, dubitare non licet. Quid superest ergo, nisi ut tanti Mysterii fidem constanter semper retineamus, & cum tres istæ Personæ irrefragabile perhibeant Christo Testimonium; Caveamus ne illud incredulitate nostrâ unquam respuamus: Imò plena fidei *πληροφειη* in illo acquiescentes, credamus Jesum esse Christum Filium Dei, ut credentes vitam habeamus in Nomine ejus Joan. 20. 31. *Amen.*

F I N I S.



DISPUTATIO TEXTUALIS

D E

SPIRITU, AQUA, ET SANGUINE,

IN TERRA TESTANTIBUS,

EX I. JOAN. 5. ψ. 8.

Respondente JOANNE SARRACENO
Lugdunensi.

DISPUT. I.
VI.



NCHOATA fuit non ita pridem à Nobis Dissertatio de Senario Testium numero, quem Joannes in medium affert ad demonstrationem Veritatis Euangelicæ de Jesu Christo Filio Dei, Redemptore nostro; Et vidimus hætenus quæ pertinebant ad cognitionem Testium Cœlestium, tum quoad *Naturam*, tum quoad *Officium*, tum quoad *Unitatem* ipsorum, quæ tria commemorantur à Joanne; Sequitur ut de Testibus in terra testantibus agamus, & eodem ordine ac methodo utentes expendamus, Quinam sint naturâ, Quales officio, & quomodo inter se conjuncti sint consensu.

II. Verba Joannis sunt ψ. 8. cap. 5. καὶ τρεῖς εἰσὶν οἱ μαρτυροῦντες ἐν τῇ γῇ, τὸ Πνεῦμα, καὶ τὸ ὕδωρ, καὶ τὸ Αἷμα, καὶ οἱ τρεῖς εἰς τὸ ἓν εἰσι. *Et Tres sunt qui testantur in terra, Spiritus, Aqua, & Sanguis, & hi Tres in unum sunt.* In quibus particula copulativa καὶ, quæ occurrit in principio, ostendit ista pendere à præcedentibus; & satis, si nulla alia ratio suppeteret, demonstrare posset versum septimum de Testibus Cœlestibus non esse adulterinum & supposititium, ut Sociniani arguantur, sed verum & genuinum; aliàs hiatus quidam foret in oratione Joannis; nec satis appositè mentionem faceret Testium Terrestrium, nisi ante de Cœlestibus loquutus fuisset, quod copula utrumque versum connectens evincit; Sed hæc ipsa conjunctio aliud quid μυζητικώτερον videtur insinuare, unionem scilicet & συμφωνίαν mirabilem Cœli & Terræ in testimonio Christo perhibendo,

hibendo; Ut enim Christus Mediatione suâ Terram Cœlo conciliavit, DISPUT.
 quæ antea per peccatum hominis erant sibi invicem averſa; Ita Cœlum VI.
 & Terra nunc amicabile consensu concurrunt ad veritatis istius in cordi-
 bus nostris confirmationem, Cœlum respondet Terræ, & Terra respon-
 det Cœlo.

III. Unde patet non sine gravibus causis duos istos Testium ordines à Joanne proponi. Licet enim Testes Cœlestes omni exceptione essent majores, voluit tamen Spiritus Sanctus infirmitatis nostræ rationem habere; Illi quippe ut gloriosa Majestate sunt conspicui, poterant ita oculos nostros perstringere, ut minùs dispositi essemus ad eorum testimonium recipiendum; Idò alios addere voluit, qui ut nobis propiores, & conjunctiores, facilius sese in animos nostros insinuare poterant, & in rei veritatem nos deducere. Deinde cùm in testimonio dicendo ratio habeatur numeri Testium, ut in ore duorum vel trium testium ratum sit omne verbum; Consentaneum fuit utrinque tres testes producere, qui eò fortius Mysterium hoc confirmarent. Rursus cùm in omni testimonio spectetur vulgò vel testis autoritas, vel rei ipsius evidentia, ne quid testimonio huic divino deesset, utrumque conjungi placuit: nam priorum trium Testium tanta est autoritas, quanta potest esse maxima, putà Naturæ Divinæ, quæ per se est αὐτοπίστῃ: Et posteriorum tanta est evidentia in fidelium cordibus & intimo conscientiæ sensu, ut nihil ad fidem faciendam luculentius esse possit. Denique ut jam olim Propheta commotum iri Cœlum & Terram adventu Christi prædixerat Aggæ. 2. Ita Christus undiquaque sibi testimonium perhiberi voluit, ne ulli dubitationi locus superesse possset, ut, sive in cœlum sive in terram oculos conjiceremus, ubique luculenta & expressa deprehenderemus istius veritatis argumenta, atque ita nihil excusationis habere possint, qui Christum respuunt, cùm sat's firmis & luculentis testimoniis se illum esse probaverit, qui olim promissus fuerat.

IV. Ut ergo ad examen Testium istorum descendamus, non opus est ut anxie quæramus, Cur tres numero recenseantur, & quare numerum ternarium, potius quàm binarium aut quaternarium Joannes selegerit; quamvis enim superfluum ferè videatur rationem illius quærere, quod à mero Spiritûs Sancti pendet arbitrio, in quo acquiescere tutò possumus; non abs re tamen numerus iste præ cæteris ab Apostolo selectus videtur, non tantum quia perfectio quædam isto numero vulgò solet designari; sed potissimum quia respondet ternario Testium Cœlestium numero, & quia convenit apprimè, & rebus ipsis de quibus agitur, & veritati, quæ probanda proponitur, ut jam sumus explicaturi.

V. Quia autem mira est in Testibus istis explicandis sententiarum diversitas, ut facilius certiore deprehendere possimus. Primò κατ'

DISPUT.
VI.

ἀπὸν removebimus eas, quæ veritati parùm consentaneæ videbuntur; deinde *κατὰ θεόν* aperiemus & confirmabimus eam, quæ præ cæteris nobis probatur. Quidam conjiciunt tres Testes Cœlestes adductos fuisse à Joanne ad Deitatis Christi confirmationem; nunc verò totidem adduci humanitatis illius Testes, nempe Spiritum humanum, quem Christus moriens in manus Patris tradidit Luc. 23. 46. & Aquam & Sanguinem, quæ ex mortui latere profluxerant, tanquam certa humanæ Naturæ Christi argumenta. Verùm si scopum Joannis expendimus, patebit non alium esse, quàm probare Jesum esse Christum Filium Dei Redemptorem nostrum; unde supervacanea omnino videtur illa quæ proponitur humanitatis demonstratio: Atque eò vel maximè, quòd de ea neutiquam controvertebatur; agnoscebant enim Adversarii Christum fuisse verum hominem, neque hoc diffiteri poterant, qui vitam ejus & mortem viderant, sed negabant tantùm esse Dei Filium & verum Messiam, quod adversus ipsos probandum fuit, non illud verò quod *ἐξαγώνιον* erat & in confesso.

VI. Alii per tres Testes designari volunt tria Oraculorum genera de Christo, quæ Jesus dum adhuc esset in terris, ostendit in se completa, ut *Aqua* Evangelium, *Sanguis* Mortem, & *Spiritus* vim Spiritûs & miracula denotet; Christum quippe juxta Oracula vetera venisse 1. ut Prophetam per Aquam; id est per Doctrinam Evangelii, quæ aquæ non rarò confertur Isa. 11. 9. & Ezech. 36. quam Christus attulit, & per mundum sparsit, 2. ut Sacerdotem per Sanguinem, quo sacrificium pro nobis obtulit, 3. ut Regem per Spiritum, talia edendo miracula, quibus & populum suum liberavit, & de hostibus triumphavit, quæ nomine Spiritûs etiam exprimuntur 1. Tim. 3. 16. 1. Pet. 3. 18. Verùm neque ista expositio absolute admitti potest; nam præterquam quod minus commodè per Aquam denotatur Evangelium, quæcunque hic referuntur pertinent potius ad Testimonium Cœleste Verbi & Spiritûs, de quo dictum est *ψ.* præced. quàm ad Testimonium terrestre.

VII. Nonnulli per *Aquam* & *Sanguinem* intelligi volunt legales Ab-lutiones, & Sacrificia expiatoria, quibus Deus in Veteri Testamento testatus est Christum venturum cum aqua & sanguine, id est ad expianda & purganda peccata nostra; Cui testimonio desumpto à Veteri Testamento adjungatur aliud, quod est Novum Testamentum, nimirum Evangelium, quod vocetur *Spiritus*. Verùm quamvis suus locus possit esse huic sententiæ, ut postea videbimus; Non videtur tamen Joannes id directè intendisse, quia agit, non de tempore præterito, in quo Christus sub variis figuris adumbratus fuit, sed de præsentī, in quo venisse dicitur per aquam & sanguinem. Alii per *Aquam* intelligunt Joannis Baptistæ Testimonium, qui apud aquam testificatus est Jesum esse Agnum Dei, per *Sanguinem*

nem

rem testimonium Centurionis, qui ex latere Christi vidit profluere sanguinem & aquam, & per *Spiritum* testimonium Apostolorum, qui in die Pentecostes loquebantur variis linguis; Sed hæc alieniora sunt à mente Joannis, quam ut recipi debeant.

VIII. Sunt qui propius accedentes ad rei veritatem, per *Spiritum* donaejus tum extraordinaria, tum ordinaria, per *Aquam* vitæ puritatem & innocentiam, per *Sanguinem* Apostolorum & fidelium pro Christo eadem, quæ Martyrium propterea dicitur, innui pertendunt. Communior tamen sententia est eorum, qui per Spiritum Evangelium intelligunt, per Aquam, & Sanguinem duo ordinaria Novi Testamenti Sacramenta, Baptismum à signo, Cœnam verò à re significata, quia ut Evangelium testatur Jesum esse Filium Dei Joan. 20. 31. Sic etiam Sacramenta, tanquam Evangelii sigilla, idem in terris nobis perpetuò testantur. Quid verò sentiendum sit in hac opinionum varietate non facile est colligere, si tamen verum fateri volumus, nulla ex istis omnibus videtur plenè satisfacere: vel enim alieniores sunt à scopo Joannis, vel angustæ nimis, quam ut rem de quâ quæritur, plenè & accuratè possint explicare.

IX. Ut ergo mentem nostram aperiāmus, salvo Doctiorum judicio, arbitramur hæc non ita sibi invicem opponi, quin facile conciliari possint, si pleræque ex istis sententiis non seorsim, sed conjunctim considerentur: Cum enim ea sit vis Scripturæ Sacræ, ut plures res contineat, quam verba, & sæpe sub uno eodemque vocabulo varia mysteria sibi invicem subordinata designet; mirum videri non debet, si variæ *σχέσεις* in ejus explicatione subinde jungendæ veniant, ut integer habeatur sensus à Spiritu Sancto intentus; Hinc quia Testimonium istud potest sub gemina *σχέσει* spectari, vel prout externè proponitur in Ecclesia ad *convictionem* hominum, vel prout internè obsignatur in corde ad *consolationem* fidelium, juxta duplicem hunc respectum bifariam etiam posse spectari censemus tres istos Testes, vel ut externè, vel ut internè testantes: Ita per *Spiritum* designari arbitramur Spiritûs Sancti vim & efficaciam, tum extrinsecus se exerentem in Verbo, tum intrinsecus operantem in corde; Per *Aquam* Sacramentum Baptismi, qui administratur in Ecclesia sub aquæ symbolo, & ejusdem veritatem, quæ per regenerationis beneficium obtinetur in corde; Per *Sanguinem* Sacramentum Eucharistiæ, quæ est communio Sanguinis Christi 1. Cor. 10. 16. & beneficium Justificationis, seu remissionis peccatorum in Sanguine Christi, quæ hoc Sacramento obsignatur. Atque ita sex veluti partes istius testimonii notari possunt, non quæ toto genere differant; sed quæ sibi invicem respondeant & subordinentur; nam externæ sunt symbola internarum, & internæ sunt veritas & res significata, quæ per externas repræsentatur.

X. Non incommode autem hæc ita distribui patebit ex peculiari

DISPUT. VI. culiari Testium istorum examine, sive illi conjunctim, sive seorsim considerentur: Nam si conjunctim spectentur, mirabilis hinc relatio deprehenditur ad varia Myſteria, 1. ad Personas SS. Trinitatis, 2. ad Officia Christi, 3. ad remedia peccati, 4. ad media salutis, 5. denique ad figuras Veteris Testamenti. Et 1. ad Personas Divinas, Ut enim tres illas testantes immediatè in cœlo induxerat; Ita consentaneum erat ut triplex istud testimonium, quod in terra Christo perhibetur à Spiritu, Aqua, & Sanguine, triplici testimonio Cœlesti responderet, & singulis Personis appropriaretur, quatenus per operationes peculiare concurrunt ad confirmationem fidei nostræ: hinc Gratia, quæ Patri tribuitur, per Aquam designabitur, Redemptio, quæ Filio propria est, per Sanguinem, & Illuminatio ac Conversio, quæ à Spiritu Sancto pendet, per Spiritum: Vel ut alii, Spiritus referetur ad Patrem, qui per Euangelium nos ad se vocat; Sanguis ad Filium, qui per sanguinem nos justificat, & Aqua ad Spiritum Sanctum, qui per aquam nos sanctificat. Quò pertinent illa Augustini lib. 3. cont. Maximi. cap. 22. *Si verò ea quæ his significata sunt, nimirum Spiritu, Aqua & Sanguine, de quibus loquebatur, velimus inquirere, non absurdè occurrit ipsa Trinitas, quæ unus, solus, verus, summus est Deus, Pater, & Filius, & Spiritus S. De quibus verissimè dici potuit, Tres sunt testes & tres unum sunt, ut nomine Spiritus significatum accipiamus Deum Patrem, de ipso quippe adorando loquebatur Dominus, ubi ait, Spiritus est Deus: Nomine autem sanguinis Filium, quia Verbum caro factum est, & nomine Aquæ Spiritum Sanctum, cum enim de aqua loqueretur Iesus, quam daturus erat sitientibus, ait Evangelista, Hoc autem dixit de Spiritu, quem accepturi erant Credentes.*

XI. Secundò, Tria Officia Christi non obscurè hoc triplici testimonio designantur, *Propheticum* in Spiritu, cujus impulsu, ut cæteri Prophetæ loqui debuerunt 2. Pet. 1. 21. Ita Christus Princeps Prophetarum docuit 1. Pet. 3. 18. unde dicitur *Doct̃or veritatis* Joan. 16. *Sacerdotale* in sanguine, quem Christus ut Sacerdos & Victimā fundere pro nobis debuit ad expiationem peccatorum Heb. 1. 3. *Regium* in aqua, quæ virtute sua nos regenerando vitam & salutem nobis re ipsa confert Joan. 3. 5. Spiritus dat lumen doctrinæ, Sanguis pretium mortis, Aqua efficaciam vitæ.

XII. Tertio, Tres isti Testes triplex remedium nobis suppeditant triplici malo curando, quod per peccatum inest, *Ignorantiæ* scilicet, *Corruptioni*, & *Reatui*. Ignorantia quippe tollitur per lumen fidei, quod Spiritus per Verbum Euangelii in nobis accendit; Corruptio per sanctitatem sanatur, quam aqua externa Baptismi obsignat, & intus operatur aqua spiritualis & mystica gratiæ; Reatus per asperſionem sanguinis Christi meliora loquentis sanguine Abelis, cujus symbolum in Eucharistia proponitur, & veri-

& veritas in corde per *ἐν τῇ καρδίᾳ* internum fidei, quò remissio peccatorum DISPUT. nobis intimatur, & perficitur, Spiritus illuminat, Aqua purificat, San- VI. guis redimit. Hoc voluit *Ambros.* lib. 3. de Spiritu S. c. 21. *Tres sunt testes, Spiritus, Aqua, & Sanguis, & hi tres unum sunt in Christo Jesu: Audi quomodo testes, Spiritus mentem renovat, aqua proficit ad lavacrum, sanguis spectat ad pretium; Spiritus enim nos per adoptionem Filios Dei fecit, sacri fontis unda nos abluit, sanguis Domini nos redemit; Alterum igitur invisibile, alterum visibile testimonium Sacramento consequimur spirituali, quia Spiritus testimonium reddit spiritui nostro &c.*

XIII. Quartò, *Media salutis* hìc etiam continentur; Cùm enim tria præcipuè ad salutem requirantur ut fiamus ejus compotes, *Revelatio, Acquisitio & Applicatio*; frustra enim quæreretur salus nisi revelaretur, frustra revelaretur, nisi acquisita esset, & frustra acquisita esset, nisi applicaretur; Tria hæc in tribus istis Testibus nanciscimur; Spiritus eam revelat in Euangelio, Sanguis acquirit in Cruce, & Aqua applicat in corde: Rursus cùm *media* quibus nos Deus ad salutis Communionem vocat, vel sint *externa*, vel *interna*, & tria utrobique occurrant, *Externa* Verbum scilicet cum duobus Sacramentis Baptismo & S. Ccenâ, *Interna* Vocatio, Justificatio, & Sanctificatio, seu Fides, Spes, Caritas; Utraque locum hìc obtinent: Nam Spiritus Verbum Euangelii, & fidem, quæ effectus est Vocationis efficacis, designat; Aqua regenerationis beneficium cum Sacramento Baptismi bene connotat, qui ideo *lavacrum regenerationis* vocatur Tit. 3. 5. & Sanguis Justificationem & remissionem peccatorum nobis in Cœna obsignatam cum spe vitæ æternæ includit: Ut enim sanguis qui nobis bibendus proponitur in Cœna, effusus est in remissionem peccatorum; Ita commemoratio mortis Christi jubetur fieri in spem vitæ æternæ, donec veniat Dominus salutem nostram consummaturus. Huc videtur respexisse Tertull. lib. de Baptis. cap. 16. *Venerat Christus per aquam & sanguinem, ut aquâ tingeretur & sanguine glorificaretur, proinde ut nos faceret aquâ vocatos, sanguine electos, hos duos Baptismos de vulnere perfoisset lateris emisit, quia qui in sanguinem ejus crederent, aquâ lavarentur, qui aquâ lavissent, etiam sanguinem potarent.* Nec aliter Beda in hunc locum. *Venit per aquam & sanguinem, aquam videlicet lavacri, & sanguinem passionis suæ; Non solum baptizari propter nostram ablutionem dignatus est, ut nobis Baptismi Sacramentum consecraret & traderet, verum etiam sanguinem suum dedit pro nobis, sua nos passione redimens, cujus Sacramentis semper refecti nutrimur ad salutem, quod Glossa interlin. repetit.*

XIV. Denique hìc etiam relatio occurrit ad *figuras* Veteris Testamenti. Tria enim præ cæteris sub Lege memorabilia fuere, quibus absoluebantur, quæcunque ad cærimonias pertinebant. 1. Spiritus Prophetiæ

DISPUT. quò agebantur Viri Dei ad revelanda salutis mysteria. 2. Aqua, quà ablutiones omnes & lustrationes caeremoniales peragebantur. 3. Sanguis victimarum, quò peccata expiabantur. Jam ne quid in N. T. desideretur, tria voluit Deus fidelibus, sed longè excellentiora, dare. 1. Spiritum Veritatis Doctorem, qui effundi debuit non in paucos, sed indiscriminatim in omnem carnem, quò prophetaturi erant fideles, & visiones visuri, Joel. 2. 18. id est amplà & luculentà Dei notitià fruituri, sic enim Mysteria Euangelica terminis legalibus non rarò solent exprimi. 2. Aquam, quæ in Baptismi sacro fonte nobis affunditur ad sordium nostrarum ablutionem, & 3. Sanguinem, non *ἀλογον* & mortuum brutorum, sed vivum & *λογικόν* illius, qui per Spiritum æternum se inculpatum Deo obtulit Heb. 9. 13.

X V. Quibus ita prælibatis de Testibus istis simul sumptis, distinctè jam de singulis agendum, & eorum testimonio. Primus occurrit Spiritus, qui hic non *ὑποκρινόμενος*, vel *ὑποστατικῶς* pro Natura Divina, vel pro Persona Spiritûs S. intelligendus est, quæ jam in numero Testium Cœlestium reposita fuerat; sed *ἐνεργητικῶς* & effectivè respectu donorum, non quidem quoad dona miraculosa & extraordinaria, per hæc enim Spiritum testatum fuisse cœlitûs diximus; Sed quoad dona ordinaria singulis fidelibus communia, quæ tum extrinsecus patent in Euangelii Verbo, tum intrinsecus latent in dono fidei, & illuminationis gratiâ. Hòc enim testimonium designari verba sequentia *ψ. 10.* docent, *Qui credit in Filium Dei, habet testimonium in se ipso*, & *ψ. 11.* *Hoc est Testimonium, quod vitam æternam dedit nobis Deus, & vita hæc est in Filio.* Ex quibus constat testimonium hoc consistere partim in Verbo Euangelii, quò docemur vitam æternam à Deo nobis promitti & dari in Filio, partim in corde, quod per fidem veritatem istam apprehendit & amplectitur.

X VI. Nec novum videri debet, quòd vox *Spiritus* eo sensu usurpetur, cum non semel hæc significatio occurrat: nam quoad Euangelium, notum est doctrinam istam salutarem sæpe eo nomine venire, quia Spiritûs efficacitatem ex vi novi Fœderis comitem habet, unde vocatur *Spiritus* 2. *Cor. 3. 6.* per antithesin ad Legem, quæ *litera* dicitur, *litera occidit, Spiritus autem vivificat*; Per *literam* enim Legem intelligi res ipsa & scopus Apostoli evincit, non modò quia in tabulis lapideis scripta est, sed præcipuè quia instar literæ nihil aliud potest quàm proponere nobis officium nostrum, nullis additis ad illud exequendum viribus; *Spiritus* verò notat Euangelii doctrinam, quæ non tantum agit objectivè & imperativè instar Legis, sed efficaciter & operativè, cum præceptione officii vires etiam largiendo ad ejus impletionem. Ratio utriusque pendet ex discrimine fœderis Legalis & Evangelici; Nam legale, quod hominis obedientia nitebatur, bene *litera* dicitur, quia Deus in eo officium

cium quidem ab homine postulabat, sed ulterius non progrediebatur ad flectendum cor hominis ad obedientiam, unde Lex facta fuit infirma in carne Rom. 8. 3. Sed fœdus Evangelicum, quia totum à gratia pendet & non imperat tantum, sed operatur, Legem in tabulis cordis carneis inscribendo vivifica Spiritûs S. virtute, & nos ad obsequium flectendo, optimè *Spiritus*, vel ministerium Spiritûs vocatur. Sed ne longius abeamus, hanc Spiritûs notionem Joannes satis aperte connotat y. 6. dum ait *Christum venisse cum aqua & sanguine, & Spiritum testari, quod Spiritus est veritas*, ita enim videtur insinuare Spiritum S. in corde loquentem id singulis fidelibus persuadere, quòd Spiritus sit veritas, nimirum quod Doctrina illa de Christi adventu in aqua & sanguine in Verbo proposita, sit verissima & indubitata fidei; unde patet Evangelium appositè nomine Spiritûs designari, quia est efficacissimum instrumentum, quò in cordibus operatur.

XVII. Sed non minus certum est Spiritum etiam sæpissimè sumi pro donis internis Spiritûs, quæ conferuntur fidelibus in fœdere gratiæ, maxime pro Spiritu Adoptionis & dono fidei, quò in vocatione efficaci donamur, unde vocatur *Spiritus fidei* 2. Cor. 4. 13. & *Spiritus Sapientiæ* & Revelationis Eph. 1. 18. qui proponitur ut peculiare donum N. T. Joel. 2. & Eph. 1. 18. Joan. 14. 16. quia majori copia debebat effundi quàm antea, adeò ut minimus in Regno Cœlorum major deberet esse Joanne Baptistâ, qui & ipse maximus erat inter natos mulierum, scilicet quoad mysteriorum cognitionem; hinc Luc. 12. 12. Christus vetat discipulos sollicitos esse de illis, quæ dicturi essent coram Magistratibus & Synedriis, quia Spiritus docturus esset tunc temporis quid dicendum haberent, & Paulus 1. Thess. 1. 5. dicit, *Verbum Evangelii non fuisse apud ipsos tantum in sermone, sed in virtute & Spiritu Sancto & magna certitudine &c.* quia frustra pulsarentur aures corporis, nisi Deus cor aperiret, & frustra semen jaceretur, nisi Spiritus illud in mentibus radicaret.

XVIII. Hunc autem Spiritum, tum in Verbo, tum in corde operantem de Christo testari palam est. Nam ad Evangelium quod attinet, nemo ignorat eum in finem potissimum nobis proponi, ut testimonium reddat Christo, tum quoad Personam & Naturas, tum quoad Officia & beneficia Jo. 20. 31. *Hæc scripta sunt ut credatis Christum esse Filium Dei, & ut credentes vitam habeatis in ejus nomine*; unde passim vocatur Testimonium Christi 2. Tim. 1. 8. *Ne te pudeat testimonii Christi*, & Apoc. 1. 2. 9. *Verbum Dei & Testimonium Jesu Christi conjunguntur tanquam ἰσοδύναμα*, quia Verbum testimonium Christo perhibet, & Apostoli vocantur *Testes*, qui veniunt ad testandum Joan. 1. 7. 8. Joan. 19. 35. *Discipulus qui vidit, testatur, & Testimonium ejus est fide dignum &c.* 2. 1. 24. Hic est Discipulus, qui testatur de istis; & scimus testimonium ejus esse fide dignum,

DISPUT. VI. *dignum*; Si verò Spiritum agentem in corde, respicimus, non minus testari dicitur, non sanè per modum *objecti*, quasi testimonium aliquod seorsim à Verbo per Enthusiasmos & per arcanas inspirationes nobis suggerat, prout veilent Fanatici, quia Spiritus nunquam sejungendus est à Verbo Isa. 59. 21. sed per modum *principii*, quia fidem ingenerando in animis nostris de veritate Euangelii nos persuadet: Hinc Christus pollicetur Spiritum testaturum de se Joan. 15. 27. *Spiritus iste testabitur de me, & vos etiam testabimini*; Quomodo verò testabitur? quia *capiet de meo & annuntiabit vobis* Joan. 16. 14. id est Doctrinam meam in cordibus vestris imprimet. Sic Paulus Rom. 8. 16. ait, Spiritum Dei testari cum Spiritu nostro quòd simus filii Dei: quia Spiritus adoptionis, qui nobis confertur, argumentum est certissimum filiationis nostræ, tum consequenter & à posteriori, quia adoptionem nostram apud Deum factam confirmat, tum à priori & antecedenter, quia nos ad imaginem Dei renovat, & filios Dei facit per Regenerationem, ita Act. 5. 31. Spiritus dicitur testari de Christo, *Hunc Jesum*, ajunt Apostoli, *Principem & Salvatorem dextrâ suâ Deus exaltavit ad dandam pœnitentiam Israël & remissionem peccatorum, & nos Testes sumus horum verborum, & Spiritus Sanctus quem Deus dedit obedientibus ipsi*.

Quid per
Aquam &
Sanguinem
notetur.

1. Jo. I. 6.

XIX. Ex quibus liquet quid per Spiritum, quem primo loco proponit Joannes, intelligere voluerit. Videndum jam quid per *Aquam & Sanguinem*, quæ in secundo & tertio ordine recensentur, significaverit. Hoc verò & jam antè insinuavimus, & luculentius constare poterit ex verbis præcedentibus 1. Jo. 6. quum ait, *Christum venisse cum Aqua & Sanguine*, eò enim jam Apostolum respicere vix dubitari potest; Ergo si semel intelligamus, quid sibi velint ista Joannis verba, faciliè percipiemus quid per Aquam & Sanguinem testantes innuat. Quid verò Joannes per Aquam & Sanguinem, in quibus Christus dicitur venisse, sibi voluerit, non una est omnium sententia. Alii per *Aquam* designari volunt *Christi Baptismum*, per *Sanguinem* verò *mortem*, quia in utroque luculenta testimonia data sunt, quibus declaratum est eum esse Filium Dei; Sed hoc alienius videtur à verbis & scopo Joannis. Alii referunt ad *Aquam & Sanguinem*, quæ ex Christi latere perfollo effluerunt. Verùm quamvis non dubitemus Joannem eò respexisse; non putamus tamen in eo sistere voluisse, sed sublimius aliquod mysterium hîc designasse. Tutius ergo & verius loqui existimamus eos, qui duo præcipua Christi beneficia connotari hîc pertendunt, quæ duobus N. T. Sacramentis obsignantur; *Expiationem* scilicet peccati & *Justificationem*, quæ fit in Sanguine Christi, & *Regenerationem*, quæ fit per Spiritum: Nimirum ut duo mala peccatum post se trahit, reatum & maculam, duo etiam remedia à Christo utrique malo curando adhibenda fuerunt, *Justificatio*, quæ reatum tolleret coram Deo vi-

san-

sanguinis seu satisfactionis à Christo præstitæ, & *Sanctificatio*, quæ labem DISPUT.
 & maculam in nobis purgaret per efficaciam Spiritûs, qui sapissimè sub VI.
 nomine aquæ venit in Scriptura: ita bene dicitur Christus venisse per A-
 quam & Sanguinem, quia duplex beneficium nobis attulit adventu suo;
 Justificationem in Sanguine, & Sanctificationem in Aqua, dum factus est
 nobis & Justitia & Sanctificatio 1. Cor. 1. 30. Venit ergo in sanguine expia- 1. Cor. 1. 30.
 tionis, in aqua purgationis, in sanguine, qui liberet à reatu, in aqua,
 quæ purget à sordibus; in sanguine qui redimat pretio infinito justitiæ,
 in aqua, quæ sanctificet per efficaciam gratiæ.

XX. Hoc verò sub Veteri Testamento jam adumbratum fuerat clarissi-
 mè duobus symbolis, quibus pleræque Cæremoniæ constabant, & qui-
 bus absolvebatur hominum *κατασisms*, Aquâ scilicet & Sanguine; licet
 enim plures essent earum species, tamen sub his duabus tota Sanctitatis
 & Justitiæ ratio continebatur, aquâ abluebantur fordes, ut non nisi puri
 & mundi homines ad Deum accederent; in sanguine verò erat expiatio
 & reconciliationis cum Deo pignus. Præcipuè verò Paulus docet pa-
 ctionem Veteris Fœderis fuisse in sanguine & aqua Heb. 9. 19. *Moses ac-* Heb. 9. 19.
cepit sanguinem vitulorum & hædorum cum aqua; licet enim apud Mo-
 sem in solemni illa fœderis pactione ad quam Apostolus respicit, quæ
 describitur Exod. 24. 7. 8. nulla facta sit mentio expressa aquæ, potuit Exod. 24.
 tamen Paulus illud habere, vel ex traditione, quam Spiritus Sanctus in- 7. 8.
 dendo illius animo sanctificavit & extra dubium collocavit, vel colligere
 ex analogia, quia alibi sanguis cum aqua conjungebatur, ut in curatione
 leprosi sanguis avis mactatæ cum aqua miscebatur Levit. 14. 6. 51. Ut Lev. 14. 6. 51.
 ergo vetus Fœdus pactum fuit sanguine & aquâ; voluit pariter novum,
 quod est antitypus & veritas Veteris, sanguine & aquâ dedicari, ut ita
 constaret in Christo solo veritatem & complementum omnium figura-
 rum legalium & ipsius veteris fœderis deprehendi: Atque ideo verum
 esse Messiam promissum Patribus & expectatum à fidelibus, qui pleni-
 tudinem habet gratiæ & virtutis ad salutem hominum, & qui solidè,
 & verè præstitit, quæ ad Justificationem & Sanctificationem nostram
 pertinebant, & quæ externis symbolis absolutionum & expiationum le-
 galium tantum erant adumbrata.

XXI. Atque eò procul dubio respexisse arbitramur memorabilem il-
 lam passionis Christi circumstantiam, in qua refert Joannes ex latere Chri-
 sti perfosso effluxisse sanguinem & aquam Joan. 19. 34. licet enim non info- Jo. 19. 34.
 litum planè & præter naturæ ordinem videri hoc debeat, cum constet in
 membrana præcordiis vicina seu pericardio aquam contineri, quâ ingens
 cordis æstus refrigeretur, quæ cum sanguine ex corde confosso exire potuit;
 tamen mysterium sapuit potius hoc effluvium, quàm naturam, & si præterna-
 turale.

DISPUT. VI. turale quid in eo non fuisset & miraculosum, vix credibile est Euangelistam triplicatam illam asseverationem de veritate rei adhibere voluisse, & qui vidit testatur: liquor enim ille pericardii nec colore, qui flavus est; nec sapore qui amarus, aquam refert; Hoc vero ita contigisse ad comprobendam Christi mortem dubium esse non potest, nisi enim hoc accidisset, potuissent pertinaces Judæi veritatem resurrectionis in dubium vocare, quasi semivivus adhuc ex cruce detractus fuisset; Verum post hunc casum nulla talis cavillandi ansa potuit superesse, siquidem certum est læso vel aperto pericardio mortem necessario sequi.

XXII. Verùm *μυστικώτερον* quid adumbratum fuisse dubitare non poterit, qui Joannem ipsum in hac Epistola audiverit ad ista verba alludentem, *Iste est*, inquit, *qui venit cum aqua & sanguine*, ubi clarum est divinum Theologum ad casum hunc respicere, & hoc tanquam singulare aliquod beneficium & certum veritatis Evangelicæ argumentum proponere. Quid verò hoc factò significatum fuerit, non una est apud Patres sententia. Quidam putant voluisse latus suum aperiri, ut sic fidelibus suis panderet ostium vitæ, & aditum pararet usque ad cordis Divini sacrarium. Alii volunt hîc impletum fuisse typum Adami & Evæ; Quemadmodum enim ex latere Adami dormientis exempta fuit costa, ex qua ædificata est illi Sponsa, quam Adam expergefactus sic alloquitur, *hæc est caro de carne mea, & os de ossibus meis*: Ita dum Christus secundus Adamus obdormivit in cruce, ex ipsius latere profluxerunt aqua & sanguis, principia Regenerationis Ecclesiæ, quæ est ejus Sponsa mystica. Aug. Tr. 120. in Joan. & lib. 3. de C.D. c. 26. observat sic significata fuisse duo Novi Testamenti Sacramenta, per aquam Baptismum, qui est lavacrum regenerationis, & per sanguinem Sacram Cœnam, quia remissio peccatorum per sanguinem Christi in ea nobis exhibetur: licet verò hæc non sine fructu afferri possint, præcipuè tamen videntur sub hisce duobus duo primaria connotari Christi beneficia, Justificatio & Sanctificatio, quæ sub aqua & sanguine legali adumbrata jam fuerant. Quò respiciunt illa Ambrosii lib. 5. de Sacramentis, cap. 1. *Quare aqua, Quare sanguis? Aqua, ut emundaret, Sanguis ut redimeret, Quare de latere? quia unde culpa, inde gratia, culpa per fœminam ex latere Adæ formatam, gratia vero per Dominum Jesum Christum, & in cap. 23. Luc. Ex Christi corpore defuncto omnium vita manavit, aqua enim & sanguis exiit, illa qua diluat, iste qui redimat, bibamus ergo pretium nostrum, ut bibendo redimamur. Aug. tr. 120. in Joannem. O mors unde mortui reviviscunt! Quid isto sanguine mundius? Quid isto vulnere salubrius?*

XXIII. Ne verò mirum videatur & insolitum, quòd duo ista Beneficia Christi, aquæ & sanguinis voce significari diximus, facile

facile ostendi potest non Joannem solum, sed Prophetas ipsos & Apostolos, adeoque Christum ipsum non raro iisdem phrasibus usus fuisse: Et ad Prophetas quidem quod attinet, nihil frequentius occurrit, quam gratia Dei salutaris descriptio sub symbolo aquarum, quia instar aquæ nos mundat à sordibus nostris, nos recreat & refrigerat in æstu conscientia, ignem iræ Divinæ extinguit, sitim animæ nostræ sedat, & fœcundos nos reddit in bonis operibus. Ita jam loquutus fuerat David Psal. 42. 1. & 63. 2. & passim Prophetæ Isa. 12. 3. & 44. 3. Ezech. 36. & 47. Zach. 13. 1. ubi gratia Dei aquis confertur. Nec aliter loquuti sunt de altero Christi beneficio, quando mortem Christi, & oblationem ejus in sacrificium pro peccato prædixerunt; sanguinem enim effundendum esse necessario supponebant, ut Is. 53. 6. 7. 8. 10. Ps. 16. 10. & 22. 17. imò expressa sit mentio *sanguinis Fœderis*, quò educti erant captivi ex fovea, ubi non est aqua apud Zachar. 9. 11. id est non modò liberati fuerant Judæi ex captivitate Babylonica, sed & liberandi fuerunt fideles ex inferno. Ita Apostoli subinde sanguinis Christi meminerunt ad Redemptionem, & lavacri aquæ ad sanctificationem, Paulus Eph. 5. 25. Heb. 9. 11. 12. 1. Cor. 6. 11. & 10. 19. 22. & 12. 24. 1. Pet. 1. 1. 22. Sed Christus ipse non raro hoc duplici symbolo usus legitur, tum aquâ Joan. 3. 5. & 4. 14. & 7. 39. tum sanguine Luc. 22. 20. hinc mirum videri non debet, si Joannes, stylum Christi & Prophetarum ac Apostolorum imitatus, dicat Christum venisse cum aqua & sanguine, ut duplex beneficium ex Christi adventu ad nos dimanans designet.

*Psal. 42. 1.
Ez. 63. 2.
Is. 12. 3.
Ez. 44. 3.
Ezech. 36.
Zachar. 13. 1.
Is. 53. 6. 7.
Ps. 16. 10.
Zach. 9. 11.
Ephes. 5. 25.
Heb. 9. 11.
Joan. 3. 5.
Ez. 4. 14.
Ez. 7. 39.
Luc. 22. 20.*

XXIV. Sed ulterius videndum superest, cur Joannes addat, *non venisse tantum in aquâ, sed in aqua & sanguine*; hoc vero addidisse videtur duabus potissimum de causis. 1. ut ostenderet Beneficia ista esse inseparabilia, & indivulso nexu inter se conjuncta. 2. ut doceret, licet separari non debeant, non debere tamèn confundi, sed tanquam distincta semper spectari. Et conjunctio quidem insinuari debuit, ne quis alterutrum ex istis beneficiis sufficere posse ad salutem arbitraretur. Nam ut frustra satisfactio justitiæ Dei esset exhibita ad remissionem peccati & justificationem peccatoris, nisi continuo eam exciperet sanctificatio ad purgandas peccati sordes, & renovandum peccatorem; Ita renovatio fieri non posset nisi suppositâ prius satisfactione: Nimirum ut duo obstacula erant, quæ nos à communione cum Deo, in qua felicitas nostra sita est, arcebant; *In Deo Justitia*, quæ non patiebatur gratiam ullam peccatori communicari, nisi prius satisfactum esset pro peccato; *In nobis vero injustitia* & labes, per quam fiebat, ut ab ejus communione procul arceremur: quandoquidem nulla potest esse sanctitatis perfectissimæ cum impuritate communio; Ita duo remedia adhibenda fuerunt duplici isti obstaculo removendo; 1. quod Justitiam Dei placaret, alter-

DISPUT.
VI.

rum quod injustitiam nostram purgaret; 1. occurrit in Christi sanguine, qui expiationem peccati fecit; alterum in aqua, quæ nos abluit ab ejus sordibus; Unde necessarius & indissolubilis nexus duorum istorum beneficiorum patet; qui porro confirmari posset ulteriùs variis argumentis. Tum ab *Electione*, quæ tendit ad Vocationem & Justificationem Rom. 8. 30. ad sanctificationem Spiritûs, & obedientiam fidei, & asperisionem sanguinis Christi 1. Pet. 1. 1. Tum à *promissionibus* fœderis gratiæ, quæ inscriptionem Legis in cordibus cum remissione peccatorum conjungunt Jer. 31. 33. Tum à *Christo* ipso, qui ut nobis datus est in Vadem & Ca- 1. Cor. 1. 30. put; Ita fit nobis Justitia & Sanctificatio 1. Cor. 1. 30. non solum ut redimat nos ab omni iniquitate, sed etiam ut purificet sibi ipsi in populum peculiarem studiosum bonorum operum Tit. 2. 14. Tum à *Spiritu*, qui Spiritus sanctitatis & consolationis dicitur; Tum ab *Euangelio*, quod fidem & charitatem præcipit; Tum à *Sacramentis*, quæ remissionem peccatorum cum sanctificatione nobis obsignant. Nam ut baptizamus in remissionem peccatorum, ita Baptismus est lavacrum regenerationis Tit. 3. 5. & communionis cum Christo symbolum Rom. 6. 3. 4. Et in Cœna sanguis nobis exhibetur ut effusus in remissionem peccatorum Matt. 26. 28. & ut alimentum vitæ spiritualis, quæ in sanctificatione consistit.

XXV. Ut verò conjunctio istorum Beneficiorum in verbis Joannis indicatur; Ita & eorum *distinctio*: Nam frustra dixisset venisse Christum in aquâ & sanguine, si unicum tantum Beneficium insinuare voluisset, ut Pontificii perperam confundunt Justificationem cum Sanctificatione; cum tamen distinctissima esse bona, non modò Scriptura clarissimè doceat 1. Cor. 1. 30. & 6. 11. sed res ipsa necessariò evincat: Nam Justificatio est actus forensis, qui fit coram Deo; Sanctificatio actus moralis, qui in nobis; Illa nos à reatu liberat, Hæc à macula; Illa in imputatione justitiæ alienæ consistit, Hæc in infusione inhærentis; Illa unico actu peragitur, Hæc verò successivè; Optimè ergo Joannes aquam à sanguine distinxit, ut Sanctificationem à Justificatione distinguendam semper & non confundendam ostenderet.

XXVI. Porro quia gemini istius Beneficii symbolum & sigillum dare voluit in duobus Novi Testamenti Sacramentis, Baptismo & S. Cœnâ; hinc factum est, ut utrumque etiam sub aquâ & sanguine secundariò intelligeretur. Et de *Baptismo* quidem non obscurum est illum per aquam designari, cum & hoc voluerit esse ejus signum Christus, & sæpe Scriptura hac notatione illum exprimat Eph. 5. 25. Tit. 3. 5. De *Cœna* etiam licet rariùs occurrat, facile tamen colligitur, cum enim sit Communio Corporis & Sanguinis Christi 1. Cor. 10. 13. quæ instituitur in commemorationem mortis Christi, non abs re sub nomine sanguinis designatur phrasi sacramentali

Eph. 5. 25.

Tit. 3. 5.

1. Cor. 10.

13.

mentali & metonymicâ , quâ nomen signati datur signo, & nomen signi vicissim signato : quomodo *Calix* dicitur esse *Novum Testamentum* in *Sanguine Christi* Matt. 26. Disput. VI.

XXVII. Quibus ita positis proclive est intelligere, quomodo duo isti testes aqua & sanguis concurrant ad testimonium Christo perhibendum : Nam sive illos referamus ad Sacramenta, quis non videt ista, utpote Novi Fœderis sigilla, non alium in finem esse instituta, quàm ad confirmandas & obsignandas in Ecclesia promissiones gratiæ, & Verbum Euangelii de Jesu Christo Filio Dei Redemptore nostro ? sive ad beneficia Sacramentis illis obsignata, clarum est eidem veritati luculentum testimonium perhiberi ; Cum enim ad plenam peccatorum remissionem obtinendam Justitia & Ἀγρὸν pretii infiniti requireretur, utique Christum verum fuisse Deum Redemptorem nostrum oportuit qui eam nobis attulit, & sanguine suo acquisivit, quam nec Sacra omnia Gentilium, nec Victimæ omnes Legales conferre potuerunt, quia impossibile fuit sanguinem taurorum & hircorum tollere peccatum. Rursus cùm ad hominem corruptum renovandum & sanctificandum virtus quædam planè divina necessaria esset, quæ cum in peccatis mortuum suscitaret & novam creaturam faceret ; Quis diffiteri potest Christum, qui gratiâ suâ efficaci tale ac tantum opus exequitur, esse verè Dei Filium & Messiam promissum ; Quis enim nisi Deus efficere potuit, ut homo, qui naturâ suâ ad amorem sui propensissimus est, sibi ipsi renunciaret & rebus quibusque vitæ carissimis posthabitis doctrinam rationi & affectibus planè adversam, quæ nihil nisi crucem & miseras omnigenas denunciat, amplexetur cum gaudio ? Quis nisi Deus hominem cæcum illuminare, lapideum emollire, mortuum suscitare, & mirâ quadam Metamorphosi in novam Creaturam transformare potuit ? Cùm ergo gratia Christi hoc subinde in fidelibus operetur miraculum, satis superque Divina ejus virtus exinde asseritur & testata fit.

XXVIII. Cæterùm quia diximus per sanguinem à nonnullis intelligi constantiam & fidem Martyrum, qui moriendo Christo testimonium perhibuerunt, quò pertinet ipsa *Martyris* & *Martyrii* nomenclatio : Videndum an non hæc etiam *μαρτυρία* à Joanne indicari potuerit. Hoc autem non difficile est colligere ex prima sanguinis significatione ; Nam si per sanguinem innuitur beneficium Justificationis, quod consequimur in sanguine Christi, nihil absurdi est si dicamus sanguinem istum Christi, quò expiantur peccata, non modò testari in conscientia cujusque fidelis per sensum remissionis peccatorum & reconciliationis nostræ cum Deo ; sed vel imprimis in constantia mirabili Martyrum in mediis tormentis, quæ non aliunde oritur, quàm ex efficacia sanguinis Christi,

DISPUT.
VI.

quò persuasi de expiatione peccatorum suorum, tormenta quævis non modò patienter, sed & cum gaudio sustinent; ut sic sanguine suo Christi Doctrinam obsignent. Ita tria designabuntur, quibus officium Christiani absolvitur, & quibus veluti totidem argumentis veritas Christiana comprobatur, *credere, facere, & pati*, seu fides, spes, charitas, veritas fidei; quæ per Spiritum, innocentia vitæ, & charitas quæ per aquam, & spes seu constantia in afflictionibus & morte ipsa ex sensu remissionis peccatorum in sanguine Christi, quæ per sanguinem adumbratur.

XXIX. Porro isti Testes dicuntur testari *ἐν τῇ γῆ in terra*, per antithesim ad Cœlestes, qui dicti fuerant testari in Cœlo; quia licet vis eorum non terrestris sit, sed cœlestis & divina, tamen nec videntur nec audiuntur aut sentiuntur in sublimi, ut superiores, sed se exerunt in Ecclesia, & in animis hominum potissimum qui in terris versantur; Nam sive per Spiritum intelligamus doctrinam Euangelii in Ecclesia resonantem, aut donum fidei in corde fidelis impressum, sive aquam & sanguinem referamus ad duo Sacramenta Novi Testamenti, sive ad duo Christi beneficia, quæ illis obsignantur; certum est ista omnia in terris vim suam exercere, & Christo testimonium dicere, ut non opus sit operosâ eorum inquisitione; cum expositi sint in Ecclesia, & in singulis fidelibus operentur.

XXX. Sic vidimus quinam sint tres isti Testes, & quale ipsorum Testimonium; Superest ut aliquid addamus de eorum *unitate & consensu*, quem Joannes innuit, quum addit *ἐἰς τὸ ἓν εἶναι*. Licet autem Complutensis Editio hæc non habeat, retinenda tamen esse non modò probatiores Codices evincunt, sed & rei ipsius natura, ut sciremus Testes istos omnes in idem prorsus consentire, & ad unum eundemque scopum tendere: Hic autem ante omnia observandum discrimen Unitatis Testium Cœlestium & Terrestrium; nam de illis dixerat Joannes *ἐν ἑστὶ ἓν εἶναι*, sed de istis *ἐἰς τὸ ἓν εἶναι* ad unum vel in unum sunt, quod sanè non alia de causa factum putandum est, nisi ut significetur diversitas quædam memorabilis, quæ inter Testes istos occurrit, ne idem de utrisque censeretur, sed in illis quidem *unitas essentie* agnosceretur, in istis verò *unitas tantum consensûs*, quæ inter res longè diversas potest occurrere: cum enim Testes isti quomodocunque spectentur, vel externè vel internè, diversæ sint naturæ, quæ aliter coalescere non possunt, quàm consensione ad unum idemque Testimonium de Christo perhibendum, dicuntur *ἐἰς τὸ ἓν εἶναι* in unum veluti tendere, & eò simul concurrere, ut idem de Christo testificentur. Hoc autem memorandum fuit, ne ob naturæ discrepantiam res illæ aliò spectare & in diversas partes animos hominum trahere putarentur; quippe non est semper de Testibus, qui ad aliquid confirmandum adhibentur, eadem testi-

monii

monii diſtinctio, ſed ſæpenumero diverſa, imò contraria proferunt, prout DISPUT.
VI.
majori vel minori rei, de qua teſtantur, notiſſimè ſunt inſtructi, vel contrariis affectibus ducuntur: Ne ergo tale quid de iſtis exiſtimaremus, quod dubiam & incertam plane reddidiſſet fidem noſtram, Joannes dicit in unum eſſe, id eſt plane inter ſe concordare & in idem conſentire.

XXXI. Quomodo autem in idem conſentiant non difficile eſt ad intelligendum. Nam quomodocunque ſpectentur, certum eſt omnes collimare ad demonſtrationem Divinitatis Chriſti & Redemptionis ab ipſo factæ, Evangelium certè non aliò tendit, quàm ut *credamus Jeſum eſſe Filium Dei, & ut credentes vitam habeamus per ipſum* Joan. 20. 31. Nec alius Sacramentorum finis, quæ ſunt fœderis ſigilla, quàm ut eaſdem promiſſiones in cordibus fidelium obſignent: non aliò reſpiciunt dona interna, quæ in Teſtibus iſtis includi diximus; Quorſum enim Spiritus fidem in animis noſtris ingeneraret, niſi ut credamus Evangelio Dei de Jeſu Chriſto Redemptore noſtro? Quorſum vel remiſſio peccatorum & Juſtificationis in ejus ſanguine nobis applicatur, vel regenerationis opus in nobis inchoatur & promovetur in dies per efficaciam gratiæ, niſi ut agnoſcamus divinam virtutem Chriſti in nobis operantis, & ſalutem inchoatam in dies perſcientis?

XXXII. Fundamentum autem iſtius unitatis, non aliunde petendum eſt, quàm ab indiſſolubili gratiarum divinarum & Beneficiorum Chriſti inter ſe nexu: quemadmodum enim artiſſimè inter ſe colligata ſunt, ut uno poſito, cætera neceſſariò ſequantur, quod Apoſtolus in aurea ſalutis catena Rom. 8. 29. clariſſimè demonſtravit; Ita in teſtimonio dicendo non poſſunt non amicè conſpirare, & in unum conſentire: Nec conveniunt tantum in eo, quod unum idemque objectum reſpiciant, cui teſtimonium perhibent, verùm etiam in eo quòd ſibi mutuam præſtent operam, & alter alterum confirmet: Nam ut teſtes cœleſtes mutuo ſibi teſtimonium dicunt, Pater teſtatur de Filii merito, Filius teſtatur de gratia Patris, & Spiritus Sanctus applicat nobis & obſignat gratiam Patris, & meritum Filii. Ita in teſtibus iſtis res ſe habet; ut enim Evangelium Sacramenta illuſtrat, ſic Sacramenta Evangelium confirmant; Ut fides probatur per ſanctitatem & bona opera; Ita ſanctitas pendet à fide, & eam ſemper comitatur, & per conſolationem & pacem conſcientiæ magis ac magis in nobis confirmatur.

XXXIII. Ut verò iſta à Deo in opere ſalutis conjuncta ſunt; Ita à nobis nunquam ſunt divellenda, quod Deus conjunxit, homo non ſeparet: Unde patet nec Verbum à Sacramentis, nec Sacramenta à Verbo eſſe ſeparanda, ſi fructum utrorumque percipere volumus; Nec fidem à charitate divelli debere, nec Juſtificationem ſine Sanctificatione obtineri poſſe;

DISPUT. VI. Talis enim est ac tanta Beneficiorum istorum omnium simul ad salutem necessitas, ut qui alterutrum tantum retinere vult, utrumque perdat, & qui utrumque non habet, neutrum possideat; Quid juvaret enim fides sine charitate? vel Justificatio sine Sanctificatione? vel quomodo persuadere nos possent de veritate Evangelica, & certitudine salutis nostræ, nisi partes omnes salutis post se traherent?

XXXIV. His verò ita discussis, superest ut quibusdam scrupulis satisfaciamus, qui ex dictis oriri possunt. Primò quæritur cur Joannes præmittat aquam sanguini, si per aquam Regeneratio, per sanguinem Justificatio est intelligenda; cum certum sit Justificationem præcedere Sanctificationem, & neminem à Deo per Spiritum regenerari posse, nisi prius Deus erga ipsum sanguine Filii placatus peccatorum remissionem concesserit. Verum faciliè respondetur hoc ita recenseri à Joanne, non modò ratione mediorum externorum Baptismi putà & S. Cœnæ, in quibus constat Baptismum tanquam Sacramentum aquæ cœlestis, id est Initiationis & regenerationis nostræ præcedere, Cœnam verò, quæ est Sacramentum mortis & sanguinis Christi, adeoque nostræ per ipsum nutritionis, sequi; Sed etiam ratione mediorum internorum seu Beneficiorum Christi, quatenus spectantur, non *in se* & *à parte Dei*, sed *quoad sensum* & *à parte nostri*; Nam in se & à parte Dei præcedit sanguis aquam, quia prius placatur nobis Deus, antequam nos regeneret; sed à parte nostri, & quoad sensum præcedit aqua sanguinem, quia non posset esse cognita nostra justificatio, nisi posita regeneratione; Nec *Consolatio* quæ per *sanguinem* designatur, posset percipi, nisi posita *renovatione*, quæ per *aquam*, ut renovationi locus in nobis non esset, nisi data *illuminatione* & dono fidei, quæ per *Spiritum* innuitur.

XXXV. Secundò quæritur, An ex eo quòd per sanguinem S. Cœnam intelligimus, sequatur præsentia realis & substantialis sanguinis Christi in Cœna, ut pertendunt nonnulli ex Lutheranis, & inter eos Gerhardus, qui inter alia porismata vult inde colligi, realem, veram, & substantialem sanguinis Christi in Cœna præsentiam, hoc argumento; Si voce sanguinis Cœna intelligitur, necesse est sanguinem esse sub vel cum visibilibus elementis re ipsa præsentem in Cœna, quemadmodum aqua quæ conjungitur in Baptismo, At verum prius, Ergo & posterius; nec enim posset eo nomine designari, nisi sanguis ibi præsens effet. Sed quis non videt consequentiam vacillare? Nec enim si voce sanguinis significatur Cœna, sequitur sanguinem debere esse præsentem substantialiter sub elementis, quia sic appellatur non propriè, sed figuratè per metonymiam sacramentalem, quia est signum & sigillum sanguinis Christi, ut liquet ex phrasologia sacramentali, per quam ut sæpe nomen signi datur signato; ita nomen signati signo; Eadem phrasi *panis* dicitur *Corpus Christi*

Christi, & Calix Novum Testamentum in sanguine Christi; non propriè, quia disparatum de dispirato propriè prædicari non potest, sed tantum tropicè; quicquid hîc Pontificii pro *πρωτῷ* adstruendo moliantur. Nec ratio petita ab aqua, quæ sanguini conjungitur, & quæ in baptismo videtur, hoc evincit: Nam si Baptismus per eam designatur, patet denominationem istam sumi à signo & elemento, quod præsens debet esse localiter, non à re significata, quæ talem præsentiam non potest admittere.

DISPUT.
VI.

XXXVI. Atque hinc colligitur quænam præsentia Sanguinis & Corporis Christi in Cœna sit intelligenda; non *localis* per indistantiam, quasi sanguis semel in cruce effusus quærendus adhuc esset in terris, & in os ingerendus, & in venas transfundendus; hæc enim & veritati Corporis Christi, & ascensioni ejus locali in cœlum, & Sacramenti istius naturæ, quod institutum est in memoriam Christi absentis, apertè repugnat. Sed partim *sacramentalis* & *symbolica* in signis quæ illa repræsentant, & ex ordine Dei obliquant, partim *spiritualis* & *mystica* fidei dignè participantium, quatenus verâ fide amplectendo Christum pro se mortuum, sunt participes carnis & sanguinis ejus, id est perfectissimi meriti & virtutis vivificæ mortis ejus, atque ita in unum corpus cum ipso coalescunt. Unde *Unio* nostra cum Christo *substantialis* sequitur ratione *personarum*, & *Communio realis*, sed *mystica* ratione *beneficiorum*.

XXXVII. Tertio quæritur, An, quia Spiritus dicitur testari in nobis, faveat hoc Enthusiastarum delirio, qui Spiritum privatum jactant, & arcane ejus revelationes? R. Neg. quia, ut visum antea, Spiritus iste testans in corde, nunquam divellendus est ab eodem in Verbo testante, nec testimonium perhibere censendus est *objective*, per privatas revelationes seorsim à Verbo, sed *efficienter*, per demonstrationem & applicationem veritatis in Verbo propositæ, atque ita duo ista non opponenda sunt, sed componenda, ut nec Verbum sine Spiritu operetur, nec Spiritus sine Verbo. Quod alienissimum est à mente Fanaticorum, qui sub prætextu privatarum revelationum, Scripturam tanquam literam mortuam & occidentem susquedeque habent. Nec talis Spiritus potest dici privatus, licet enim possit utcumque eo nomine designari *subjectivè*, quia est in singulis fidelibus, non potest tamen talis censeri *originaliter*, quia idem est Spiritus in omnibus qui omnia operatur 1. Cor. 12. 3.

XXXVIII. Porro ex triplici isto Testimonio tum cœlesti, tum terrestri, invicta formatur veritatis Euangelicæ demonstratio; Nam quod divinis testimoniis & in cœlo & in terra *παραρρηκτως* inter se consentientibus evidentissimè confirmatur, tanquam extra omnem dubitationis aleam positum, citra *ἐποχὴν* firmissimè credendum est, nisi Deum volumus facere mendacem, quod omnium criminum longè teterrimum. Jam Jesum Nazarenum esse

DISPUT. VI. esse æternum Dei Filium, qui in carne venit, verum Messiam & Redemptorem nostrum, in cuius solius nomine vita æterna Credentibus offertur & confertur, quæ summa est & compendium Euangelii, unanimi cœli & terræ consensu comprobatur, nec aliud clamant, vel Personæ divinæ in cœlis, vel earum beneficia in terris, E. hoc tanquam certissimum & æternæ veritatis Oraculum, fidei nostræ fulcrum ἀσάλευτον, & Religionis Christianæ immotum fundamentum retineri semper debet, ut planè sit ἀναπολόγητος, qui tam admirabilem Testium nubi incredulitate sua adhuc refragari audet.

XXXIX. Ut vero in eo summam & ineffabilem Dei erga nos bonitatem mirari decet, qui certitudini fidei nostræ hoc modo prospectum voluit; Ita æquum est nos huic divino testimonio sic acquiescere, ut ad testimonium humanum in confirmanda Verbi divini autoritate, & cœlestium Mysteriorum veritate confugere non liceat: quod Pontificii perperam vel-
lent, Scripturæ autoritatem ab Ecclesiæ testimonio suspendentes, quasi Deus ab homine, & æterna atque infallibilis Creatoris veritas, à fallibili & incerta Creaturarum voce penderet. Absit verò ut tanti criminis reatum in nos accersamus, Quin potiùs devotâ mente, Dei de se ipso testimonium irrefragabile suspicientes, æternæ veritatis & αὐτοπιστίας laudem illi tribuamus. Et si Testes istos divinos utrobique testantes audimus, & verbo & opere, illis etiam pro virili respondere satagamus, si Spiritus clamat, fide credamus; si Sacramentis Dominicis initiati & confirmati sumus, Caveamus ne impietate nostrâ vim eorum irritam reddamus, & sigilla tanti fœderis perfidè abruptamus: Imò aquâ semel loti, & sanguine tincti, justificationis beneficium & regenerationis gratiam per fidem & sanctitatis studium ita in animis nostris confirmemus, ut nulla in posterum de his dubitandi detur occasio; donec ad unitatem fidei & consummationem felicitatis omnes perveniamus, ubi in rem præsentem deducti, & ab omni peccati labe & reatu immunes, nullis amplius testibus vel symbolis externis opus habebimus, quia non amplius visuri sumus δι' ἐσόπτρου ἐν αἰνίγματι, sed πρὸς ὧπων πρὸς ὧπων: & ipse Deus futurus est πάντα ἐν πᾶσι. Amen.

F I N I S.


DISPUTATIO THEOLOGICA

D E

BAPTISMO NUBIS
ET MARIS.

EX I. COR. IO. I. 2.

Respondente JOANNE SARTORIO Genevensi.

I.  NTER varia Miracula, quæ Deus olim in gratiam populi DISPUT.
 Israëliti edidit, nullum videtur illustrius, nullum certè VII.
μυσικώτερον fuit, insigni illâ *Columnâ Nubis*, qua illum te-
 xit, & mirabili *per mare rubrum transitu*. Ideo Spiritus

Sanctus non semel ad utrumque respicit, non modò ut in rei admirabilitate providentiam Dei paternam erga populum suspiceremus, sed etiam ut mysteria ibidem latentia attentè scrutaremur. Quod cùm Paulus eximie & divinè more suo exequatur in celebri, quem ventilandum suscipimus, loco, fructu non carituram operam nostram sumus arbitrati, si paulò penitiùs in ejus genuinum sensum inquiramus.

II. Extat ille primæ ad Cor. IO. I. 2. ubi Paulus agens de variis beneficiis populo Dei olim collatis, quæ Sacramentis nostris analogicè respondent, sic ait, & θέλω ὑμᾶς ἀγνοεῖν, ἀδελφοί, ὅτι πάντες οἱ πατέρες ἡμῶν ὑπὸ τὴν νεφέλην ἦσαν, καὶ πάντες διὰ τῆ θαλάσσης διήλθον, καὶ πάντες εἰς τὸν Μωσῆν ἐβαπτίσαντο, καὶ ἐν τῇ νεφέλῃ, καὶ ἐν τῇ θαλάσσῃ: *Nolo vos ignorare, fratres, quod Patres omnes nostri fuerunt sub nube, & per mare transiverunt, & omnes in Mose baptizati sunt, in nube, & in mari.* Ubi duo expendenda veniunt. 1. Miraculum ipsum historicè & in litera. 2. Mysterium sub historia & litera latens. Prius innuitur ab Apostolo versu primo, quando ait *Patres fuisse sub nube, & transivisse per mare*. Posterior describitur secundo, quum addit, *Baptizatos fuisse in Mosem, in nube & in mari.*

III. Scopus Apostoli est dehortari Corinthios ab idololatria, scortatione, & similibus peccatis, quæ justa Dei judicia in
R
ipfos

DISPUT.
VII.

ipſos certiffimè accerſitura erant, exemplo petito ab Iſraëlitis in deſerto, qui talibus peccatis impliciti, graviſſimas pœnas effugere non potuerunt, quod perſequitur v. 7. 8. 9. 10. Ne verò exciperent Corinthii, aliam eſſe rationem Chriſtianorum, qui majoribus beneficiis donati ſunt, & qui gaudent imprimis Baptiſmi & S. Cœnæ Sacramentis, quàm Iſraëliitarum, qui illis deſtituebantur; Paulus oſtendit non diſparem eſſe hac in parte utrorumque conditionem, quia ejuſdem fœderis nobiſcum participes, ſuum etiam Baptiſmum in Nube & Mari, & ſuam Euchariftiam in Manna & in Petra, obtinuerunt. Unde colligit, Deum non parciturum Chriſtianiſ peccantibus, licèt eximia beneficia à Deo acceperint, quemadmodum non pepercit Judæis idololatriſ & ſcortatoribus, licèt ſub eodem fœdere ſimilibus privilegiis donati fuerint. *Nolo vos ignorare, fratres, &c.*

Exod. 13.

IV. Utergo ad primum Miraculum, *Columnam ſcilicet nubis*, accedamus, Hiſtoria ejus refertur à Moſe Exod. 13. Dum ait, poſtquam Iſraëlitæ profeſti ſunt è Succoth, ut iter ſuum perſequerentur, *Dominum præceſſiſſe eos ad oſtendendam viam per diem, in columna nubis, & per noctem in columna ignis, ut dux eſſet itineris utroque tempore, nunquam deſuiſſe columnam nubis per diem, & columnam ignis per noctem coram populo.* Sic capite 14. notat Hiſtoricus ſacer, Angelum, qui præcedebat caſtra Iſraëliitarum, abiſſe poſt eos, & cum eo pariter columnam nubis, & ſteſſiſſe inter caſtra Iſraëlis & Ægyptiorum, & iſtis quidem fuiſſe nubem tenebroſam, illis verò lucidam. Nolumus multis inquirere, vel in materiam, vel in figuram, vel in motum iſtius Nubis. Nam quoad *materiam*, certum eſt fuiſſe corpus quoddam æreum in ſimilitudine nubis, ſed quod miraculoſè & extra ordinem à Deo formatum erat ad uſum peculiarem populi; quippe materia nubium talis non eſt, quæ poſſit tam diu durare, & vices illas conſtantes habere. *Figura* colligitur ex eo, quòd dicitur fuiſſe in ſpeciem *columnæ*, ſed ita in altum eveſta erat, ut à toto populo facilè conſpici poſſet, & noctu quidem debuit aſſurgere in figuram pyramidalem igneam, interdiu verò paulò latiùs expandi ad modum nubis, aliàs non potuiſſet populum ab æſtu Solis tueri, eumque obumbrare. *Motus* etiam non fuit ordinarius, ſed planè extraordinarius ad impulſum Angeli, qui, quoties movenda erant caſtra, movebat nubem, ut viam populo præmonſtraret, quoties verò caſtra metanda erant, nubem immotam firmabat: quomodo verò tam conſtans fuiſſet motus & quies iſtius nubis ſine peculiari Angeli impulſu, cùm nubes aliæ & figuram ſubinde mutant, & ventis huc illuc propellantur?

V. Si quæratur porrò, An columna nubis & ignis una, eademque fuerit, an diverſæ? Sunt qui duplicem ſtatuunt, unam *nubis*, ignis alteram, ut *Procopius* ἡμέρας μὲν ἐν εὐλαφ νεφέλης, τὴν δὲ νύκτα ἐν

ἐν εὐλῳ πυρὸς δι' αὐτὸν δὲ ἐτυπῶτο Χρῖς. Satius tamen est cum *Ju-* DISPUT.
VII.
stino unam & eandem nubis & ignis columnam statuere, cujus duplex
 φάσις esset & duplex usus, quæ pro diversis vicibus nunc nubis, quæ
 interdiu magis esset conspicua, & umbraculi loco esse poterat, nunc verò
 ignis, qui noctu colluceret, quò exercitus totus collustraretur, speciem
 referret. Quò respiciunt illa *Salviani* de Provid. l. 1. c. 29. *Victrix ingre-*
ditur eremum sine bello gens Hebræorum, agit iter sine itinere, viatrix sine
via, prævio Deo sequens mobilem columnam, nubilam die, igneam nocte,
congruas colorum diversitates pro tempore sumentem, scilicet ut diei lumen
lutea obscuritate distingueret, & caliginem noctis flammeo splendore cla-
ritatis irradiaret. Moses non obscure hoc innuere videtur Exod. 14. 20. Exo. 14. 20.
 quando ait, columnam unam eandemque caliginis instar habuisse ex al-
 tera parte, quæ Ægyptios respiciebat, ex altera verò quæ Hebræos specta-
 bat, lucem claram præbuisse, & mox *Deum è columna nubis atque ignis,*
 utpote quæ una eademque fuerit, *prospexit* v. 24.

VI. Quorsum autem Deus columnam illam in populo crexerit, rationes
 variæ reddi possunt, quæ totidem usus ejus designant. 1. Ut esset *Præsentia*
divina symbolum, hoc enim signo testabatur Deus se adesse populo suo, &
 quem semel ex hostium manibus eripuerat, nolle deserere, licet verò po-
 tuisset invisibili suâ providentiâ illum comitari, voluit tamen symbolum
 externum adhibere, ut ruditati populi sese accommodaret, qui cùm rebus
 spiritualibus & invisibilibus minus esset assuetus, opus habuit signo aliquo
 externo, ne se omni Numine destitutum putaret, sed ut fide Dei ductoris
 & protectoris aleretur. *Nubem* autem non sine causa selegit ad id ipsum,
 tum quia conveniens erat modus iste revelationis humanæ imbecillitati,
 tum temporis illius dispensationi. Nam cùm Deus sit lux inaccessa & ignis
 consumens, nemo splendorem gloriæ ejus ferre posset, nisi radii isti qua-
 dantenus temperarentur, adeoque per miram *συγκατάβασι* se nobis ac-
 commodaret, & ignem illum devorantem nubis umbraculo mitigaret. Ac-
 cedit etiam temporum illorum ratio, cùm enim obscurior esset adhuc reve-
 latio præ Novi Testamenti luce, ideo in nube & caligine exhiberi voluit,
 quæ doceret tempus fuisse infantia & obscuritatis, præ splendore Evan-
 gelii, in quo non amplius Deus in caligine & nube obscura se nobis viden-
 dum præbet, sed resectâ facie in speculo Evangelii clarè contemplandum
 sistit 2. Cor. 3. 18.

VII. II. *Directionis medium*, ut populum suum dirigeret in itinere
 suscepto, tum *viam commonstrando*, per vastas illas & invias solitudines,
 ubi nulla viarum apparebant vestigia, quem in finem viatores etiamnum
 hodie uti coguntur instrumentis quibusdam, quasi pixidibus nauticis ad
 indicandas mundi plagas, & dirigendas profectiones. Tum *tenebras noctis*

DISPUT. *discutiendo*, quæ iter aliqui cognitum remorari potuissent, unde Ps. 78. 14. VII. *Deduxerat eos nube interdin, & tota nocte lucente igne.* III. *Protectionis organum*, tum adversus hostium insultus, quia intercedens columna ista separabat Israëlitas ab Ægyptiis, nec patiebatur istos ad illos accedere, tum adversus Solis æstum, qui in locis illis calidioribus solet esse intensissimus, unde Ps. 105. 39. *Expandit nubem in protectionem eorum.* IV. *Vindicta divinæ adversus Ægyptios argumentum*; Nam quæ nubes lucida erat à parte Israëlitarum, tenebrosa erat Ægyptiis, quæ caliginem ipsis inducebat, non modò ut eos disterneret ab Israëlitis, sed etiam ut horrorem itineris in transitu maris tollendo, facilius Israëlitas insequerentur, & undis maris obruerentur. Quum ergo Paulus dicit, *Patres fuisse sub nube*, non obscurum est voluisse notare Dei erga ipsos beneficium. Sane sub cælo omnes sumus, & nubibus tegimur, & si nihil aliud voluisset Apostolus, hoc tanquam peculiarem Dei gratiam prædicare non potuisset; Sed nubem illam intelligit singularem, quæ præsentix, directionis, & protectionis fuit symbolum, ut corda fidelium eveheret ad extraordinarii istius miraculi contemplationem.

VIII. Sed non minoris est momenti alterum quod additur, *Transitus scilicet per mare*, cujus historia narratur Exod. 14. cum enim Ægyptii persequerentur Israëlitas, Deo indurante cor Pharaonis, ut in ejus exitio potentiam suam & justitiam demonstraret Rom. 9. 17. & Israëlitz constricti undiquaque essent, à tergo, Pharaonis exercitu, à fronte, maris gurgitibus, à latere verò, montibus inaccessis, & ita omnis salutis via prærepta videretur, Moses jussu Dei mare virgâ suâ scindit, & viam aperit Israëlitis, qui per medium sicco pede transeuntes, aquis hinc inde instar murorum in aggerem congestis, in littus oppositum salvi & incolumes evadunt; Ægyptii verò cæco impetu eos persequentes, aquis absorpti miserè omnes pereunt, quod versibus optimè expressit Sedulius:

*Pervia divisi patuerunt cæcula ponti
In geminum revoluta latus, nudataque tellus
Cognatis spoliatur aquis, ac turba pedestris
Intrat in absentis Pelagi mare, perque profundum
Sicca peregrinas metuerunt marmora plantas,
Mutavit natura viam &c.*

Quod opus tam admirabile visum est, & tanti momenti ad institutionem fidelium Scriptoribus sacris, ut sæpissime ejus mentionem facere & eò respicere voluerint, ut Ps. 78. 13. & 114. 3. 5. & 136. 13. Isa. 43. 2. 16. & alibi non semel.

IX. Non nos latet equidem, Atheos & Libertinos cavillis suis fidem isti miraculo quocunque modo conari detrudere; Hinc quidam ex schola

Por-

Porphirii ut miraculum elevarent, confinxerunt Mosem peritissimum naturæ observâsse æstum Erythræi maris, & refluxente illo suos traduxisse, Pharaonem autem & Ægyptios id ignorantes, cum ipsum sequi conarentur, fluctu maris obrutos periisse; Alii ventum vehementem potuisse sine miraculo scissuram hanc facere; Alii denique, magiæ Mosem insimulant, qui præstigiis, mendacibus prodigiis populo imposuerit, ut viderentur sibi transire sicco pede mare rubrum, quod non fecerint tamen, vel mannâ pasci, & aquis ex rupe potari, cum tamen nihil reipsa tale contigerit. Verum vanitas talium figmentorum facile dignosci potest: Nam quoad prius, quid absurdius quàm tribuere æstui maris, vel vento naturali scissionem istam, quâ aquæ hinc inde instar muri constiterint, ut in medio via pateret? fateor quidem æstum in recessu facere, ut litus maris aliquando aquis destituatur, & ventum posse ad quædam momenta cursum alicujus fluvii sistere, ut visum non ita pridem in Rhodano nostro. Verum ubi unquam visus est scindere ipsum mare latitudine quatuor circiter leucarum, prout hîc scissum dicitur, ut mediâ parte siccum apparuerit, hinc verò & inde aquæ consisterent, non ad momenta, sed ad plures horas? Deinde si Moses talem æstum observâset, an verisimile est Ægyptios, qui ad mare habitabant, hoc ignorâsse, & præsentissimo periculo se exponere voluisse? Ad alterum verò de impostura Mosi, mendacium est mendacissimum, quod circumstantiæ omnes arguunt: Nam si impostor fuit Moses, qui Israëlitas decipere voluerit, id factum procul dubio, quia speravit se id Israëlitis persuasurum; Sed quo tandem pacto potuit hoc in animum inducere suum, cum ad eos scriberet, qui vel auriti vel oculati testes rerum gestarum fuerunt, cum de iis scriberet, non quæ ante multa sæcula gesta erant, sed hoc ipso tempore, non clam & in angulo, vel noctu & coram paucis testibus; qui facile corrumpi potuissent, sed palam & sub oculis sexcentorum millium hominum, qui poterant ejus mendacia arguere? An potuit sperare nullum repertum iri in populo, qui de istis dubitaret, vel qui ab Ægyptiis rerum gestarum veritatem non requireret? Rursus quomodo fascinare potuit oculos tantæ multitudinis, ut crederent se transire sicco pede mare rubrum, quod non fecerint tamen, vel mannâ sustentari, quod non gustaverint, vel aquis potari, quas non viderint? Denique si impostorem egit Moses, cur hoc illi nunquam exprobrant Israëlita? qui sæpius murmurantes adversus ipsum, non reticuisent omnino, si quid tale de ipso credidissent?

X. Non inutile autem est quærere, An rectâ Israëlita transierint per mare rubrum ex littore Ægypti usque in litus Arabicum illi oppositum; An verò viâ semicirculari in medio mari factâ, ex Ægypti littore profecti in idem litus reversi fuerint? Certum quidem in ista esse sententia plures ex Judæis, qui volunt populum ideo tantum mare ingressum, ut suffocarentur Ægyptii, adeoque aliquò usque progressum per modum

DISSERT. semicirculi rediisse ad idem littus; quæ videtur firmari, tum ex eo quod
 VII. Israëlitz viderunt cadavera Ægyptiorum in littore, scilicet Ægyptiaco,
 Num. 33. 8. quod erat propinquius, non Arabico, tum ex eo quod Num. 33. 8. dicuntur iter fecisse per desertum Ethan, quod situm est ad littus maris occidentale desertum spectans, ubi ante ingressum jam erant: Accedit etiam maris latitudo, quæ cum sit juxta Ptolemæum quindecim circiter milliarium Germanicorum, non sit verisimile populum tam numerosum per integrum triduum iter fecisse per mare, vel unius noctis spatio hoc emetiri potuisse. Longè tamen verius est, Hebræos ab uno littore ad aliud oppositum profectos totam illam maris latitudinem, quæ eò loci quatuor circiter leucarum erat, pertransiisse; hoc enim non modò facit ad magnitudinem miraculi extollendam, sed verbis Scripturæ apprimè convenit, quæ transitus expressè meminit passim, διλθον διὰ τὸ θαλάσσιον, & Heb. 11. 29. *Per fidem transferunt mare rubrum.* Sic Nehem. 9. 11. *Mare divisisti ante eos, transiverunt per medium maris in sicco, persecutores autem eorum projecisti in profundum, quasi lapidem in aquas validas,* quod dici non posset, si fuisset tantum circuitus; *Iosephus* hoc confirmat lib. 2. *Antiquit.* dum ait, Hebræos in adversum littus transivisse. Nec obstat quòd viderint Ægyptios in littore, quia potuerunt Ægyptii submergi in vicinia littoris Arabici, non Ægyptiaci, nimirum furenter persequentes Israëlitas, potuerunt pervenire ad littoris adversi, quò illi jam emerferant, viciniam, ibique divinâ accedente operatione per subitam tempestatem aquis recurrentibus & Israëlitis videntibus submergi, ut sequenti statim die cadavera mortuorum fluitantia efferrentur ad illud littus, in quo Israëlitz substiterant, non tantum ad majorem ipsorum exultationem, sed etiam ut hostibus devictis spolia detraherent, iisque se ditare & armare possent ad sequentia bella. Quod additur de *deserto Ethan* non magis stringit, quia desertum fuit vastissimum, & tota illa regio usque ad montem Sina tam intra quàm extra extremitates maris rubri hoc nomine intelligitur, ut non mirum sit, si ante & post transitum in eodem deserto fuerint. Denique quoad maris latitudinem, licèt in medio possit esse quindecim leucarum, cum tamen longè strictius sit in extremitate, seu parte superiori, ubi transierunt Israëlitz, ut observant Geographi, latitudo ejus non potuit extendi ultra quatuor leucas, ut Hebræi in suo transitu impendere potuerint quinque vel sex horas, id est à media nocte ad auroram. Interim certum, tot hominum & animalium myriades non transivisse purè naturaliter, sed & miraculosè, Deo iter istud insolitum maturante & accelerante.

XI. Quia verò Paulus Hebræor. 11. 29. Transitum istum fidei
 Israël-

Israëliitarum tribuit, *per fidem*, inquit, *transferunt mare rubrum*, vident- DISPUT.
 dum quid hinc fides contulerit. Certum equidem hoc opus fuisse propriè VII.
 omnipotentia Dei, cui ut nihil est impossibile & impervium, *quia facit*
quicquid lubet in caelo & in terrâ, Psal. 115. 3. non modò cum mediis &
 juxta consuetum naturæ ordinem, sed & sine mediis, & supra media, &
 contra naturæ ipsius leges ordinarias. Ita facilè potuit & mare ipsum scin-
 dere, & viam populo suo aperire. Nec si Moyses virgâ suâ utitur ad hoc
 exequendum, propterea laus illius operis ipsi debetur, fuit enim tantum
 instrumentum morale, ad cujus præsentiam Deus ipse operabatur: Quia
 tamen fides conditio fuit necessaria à parte populi ad beneficii istius confe-
 cutionem, hinc fit ut fidei ipsi miraculum tribuatur, non propriè & in se,
 ratione virtutis ejus, sed relatè ad objectum quod amplectebatur, putà
 promissionem Dei & omnipotentiam ejus, quomodo Paulus tribuit fidei
 ibidem expugnationem murorum Jericuntinorum, extinctionem ignis
 &c. & alibi justificatio nostra & salus fidei adscribitur non meritoriè vel
 dispositivè, sed organicè tantum & objectivè. Et sanè ut Christus miracula
 volebat præstare propter incredulitatem hominum Matt. 13. 58. Ita nec
 Deus voluisset hoc opus exequi in gratiam Israëliitarum, nisi per fidem illud
 sibi persuassissent; Nec obstat quòd multi increduli fuerint in populo, Do-
 minus enim paucorum fidei hoc concedit, ut sicco pede tota multitudo per
 mare transiret, ut fides Rahabæ cognitionem liberavit, & fides Noachi fa-
 miliam servavit.

XII. Cæterum fidei hoc optimè acceptum fertur, quia sola fides potuit
 Israëlitis persuadere hoc miraculum, cum rationi & sensui contraria omnia
 viderentur. Quis enim si naturam consulisset, potuisset in animum suum
 inducere, elementum hoc fluidum ita firmari posse, ut ad modum muri hinc
 inde confisteret, & transitum facilem in medio sinu suo & per aridam con-
 cederet? hoc sanè sola fides, quæ omnipotenti Dei Verbo nititur & supra
 rationem assurgit, credere potuit. Quod luculentum est fidei virtutis ar-
 gumentum, cui omnia sunt possibilia Marc. 9. 23. Illa viam in locis inviis Marc. 9. 23.
 invenit, omnia illi cedunt, abyssus, montes, valles. Illa Jonæ aperit ven-
 trem ceti, Paulo & Petro portas carceris, Danieli claudit ora leonum. Illa
 Solem sistit, ignem reprimit, panem ex nubibus, aquas ex petra elicit. Unde
 maximum fidei oritur solatium; in quocunque enim discrimine versetur,
 licèt ad incitās videatur redactus, ut nulla salutis & liberationis pateat via,
 fides desperare eum vetat, imò sub spe contra spem credere jubet, Rom. 4. 18. Rom. 4. 18.
 sub spe divina contra spem humanam, sub spe gratiæ contra spem naturæ,
 quum in memoriam illi revocat eum, qui in mari viam invenit, & qui per
 abyssos horribiles populum tutò deduxit, felicem ex gravissimis quibusque
 angustiis exitum facilè largiri posse, quò pertinent illa Isa. 43. 16. Is. 43. 16.

DISPUT.
VII.

XIII. Rursus præter Omnipotentia divinae testimonium, occurrit etiam hic duplex memorabile Providentia ejus optima & justissima argumentum. Primò in eo quod in isto opere justitiam & misericordiam exercere voluerit, Istam quidem erga populum suum, cujus saluti in transitu isto prospexit; Illam verò in Aegyptios, quos hac ipsa ratione perdere voluit; Nam ubi alii transitum, alii sepulchrum inveniunt, eadem media quæ illis salutem, istis exitium afferunt, transeunt Israëlita, absorbentur Aegyptii. Sic aquæ diluvii, quæ sustinent & extollunt Arcam & Noachum servant, perdunt & inundant superba Regum palatia, & impios miserè suffocant. Ita afflictiones, quæ salutare sunt piis, impiis sunt exitiales; Mors quæ fidei transitus est ad vitam, infidei est ultima linea, & gurgis, quo absorbetur sine ulla spe salutis. Secundò hinc etiam patet, impiorum poenam justissimo Dei judicio sæpe respondere peccatis, & quod ait Sapiens c. 11. 17. *per quæ quis peccat, per eadem cruciari*; Aegyptii barbarie nefandâ masculos Israëlitarum aquis fluvii mergentes, sub aquis maris merguntur. Ita Adonibezec, qui amputaverat summitates

Sapient. 11. 17. manuorum & pedum 70. Regibus, talia & ipse patitur Judic. 1. 6. *sicut feci, ita mihi reddidit Deus*, inquit. Eò pertinet quòd Deus fusionem sanguinis fusione sanguinis vult plecti Gen. 9. 6. *qui sanguinem fuderit, sanguis ejus fundetur*, & Christus Matt. 26. 52. *qui gladium acceperit, gladio peribit*, Isa. 30. 1. *Vae tibi qui prædaris, an non prædam patieris? cum consummaveris devastationem, devastaberis.*

Gen. 9. 6.
Matt. 26. 52.
Is. 30. 1.

Exod. 13.
17. 18.

XIV. Quæri verò hic potest, Cur Deus, qui poterat eos longè breviori via in Canaan per terram Philistæorum deducere, in qua nec montes superandi, nec mare transeundum erat, voluerit eos per viam deserti circumducere, longè asperiores & laboriosiores, in qua hærendum illis fuit per quadraginta annos. R. hoc non sine gravibus causis à sapientia Dei sic dispensatum fuisse 1. ne scilicet in ipso peregrinationis initio hostibus ferocibus & bellicosis, quales erant Philistæi, expositi, & periculoso impliciti bello, de reditu in Aegyptum cogitarent, quod Moses notat Exod. 13. 17. 18. *Non eos duxit per viam terræ Philistæorum quæ vicina est, nam Deus dixit ne forte pœniteat eum, si videret prælium; & revertatur in Aegyptum.* 2. Noluit eos statim ab initio ducere in terram promissam, quia voluit eos probare in deserto per plures annos, atque ita dare symbolum dispensationis, quâ utitur erga fideles; ex quo enim redempti sunt à Christo, non vult statim eos recipere in cœlum, sed per desertum mundi eos circumducit, & peregrinationem Canaanem cœlestem versùs vult instituere, ut fides eorum & constantia exploretur. 3. Voluit hac ratione expectare donec Cananæorum mensura impleretur. 4. Denique sic voluit locum dari illustri miraculo, quo pertinaciam & indurationem Pharaonis

Pharaonis & Ægyptiorum gloriøsè erat ulturus, & populum mirabili & DISPUT.
inexpectatâ ratione liberaturus. VII.

XV. His ita præstructis ad historicam miraculorum istorum cognitionem. Jam mysterium sub illo cortice latens scrutandum est penitius. Hæc enim omnia aliò respexisse, si non doceret Apostolus, satis tamen ipsa rei natura demonstraret. Cum enim hæc fuerint beneficia Fœderis gratuiti, quibus Deus se illorum Deum testabatur, eoque tanquam peculium & λαὸν πεσίστικον sibi consecrabat? dubium non est, Deum, qui non tam corpora, quàm animas, nec tam terrenam & temporalem liberationem, quàm æternam & cœlestem salutem respicit, altius mentes ipsorum evehere voluisse, ut hæc omnia non tantum essent liberationis corporeæ organa & media, sed potissimum pignora & symbola gratiæ & redemptionis spiritualis in Christo, & beneficiorum spiritualium postea exhibendorum typi. Et sanè ut liberatio populi typus fuit Redemptionis nostræ, Pharao Diaboli, Ægyptus Mundi, Agnus Paschalis Christi, Canaan Cœli, & iter per desertum perigrinationis nostræ in terra. Ita dubium non est, quin & columna nubis & transitus per mare aliquid μυνηγιώδες habuerint, ut præter χέσις historicam in illis χέσις σημαντική, & σφραγιτική seu esse sacramentale & mysticum sit necessariò attendendum. Scio quidem ad hoc probandum à variis laudari verba Apostoli ψ. 6. istius capituli, quum ait, ταῦτα δὲ τύποι ἡμῶν ἐγένεθησαν *ista typi nobis fuerunt*, & ψ. 11. in eundem sensum, ταῦτα δὲ πάντα τύποι συνέβαινον ἐκείνοις, *Hæc omnia contingebant ipsis in exemplum*. Verùm, si accuratè verba ejus & seriem orationis attendimus, minus rectè; Nam ταῦτα πάντα de quibus ψ. 6. & 11. non ad nubem, 1. Cor. 10.
6. 11. mare, escam, & aquam referuntur; Sed ad judicia & supplicia ante commemorata respiciunt, quæ iis ipsis, qui beneficiorum illorum participes extiterant in deserto, divinitus fuerant inflicta, quod Apostolus diseretè docet, quum verbis proximis subjungit ψ. 6. εἰς τὸ μὴ εἶναι ἐπαθυμῶντας κακῶν, *ne simus concupiscentes malorum*. Si enim quæretur, quinam isti sint typi, aut quo sine nobis ob oculos propositi, respondet, *ut ne rerum malarum concupiscentes simus*, quod ad symbolica ista neutiquam pertinet, quod confirmat ψ. 11. quum ait, *talìa scripta esse ad nostri admonitionem*, ut scilicet edoceremur de officio nostro. Itaque τύπος hic non sumitur, ut alibi, ad designandum σύμβολον ἱερὸν καὶ μυνηγιώδες τι, aut etiam ut ποταγματὴν καὶ σκιαγραφεῖον τι, sed pro exemplo & monimento, quod rei alicujus utilis documento esse possit, quomodo usurpatur Philipp. 3. 17. 1. Thess. Phil. 3. 17.
1. Thess. 1. 7. 1. 7. Tit. 2. 7. verùm hic non est exemplum imitationis, sed commonitionis, vel cautionis, ut Gellius lib. 6. cap. 14. παραδείγμα usurpat pro punitione in exemplum adhibitâ, unde Latinis exemplum sæpe pro supplicio sumitur, quod aliis documento sit, *exemplum in aliquem*
statuere

DISPUT. VII. *statuere, est eum punire: Sensus ergo Pauli est; Talia iudicia inflicta fuisse Israëlitis, quæ exemplo & documento nobis esse debeant, ne pariter peccantes, pariter plectamur.*

XVI. Sed Paulus clavem mysterii istius nobis tradit in verbis, quæ præ manibus habemus; nec enim potuisset dicere *baptizatos fuisse Patres in Mosem, in nube, & mari*, nisi columna nubis & transitus per mare habuissent aliquid symbolicum, quod responderet Sacramento nostro bapti-
z. 4. 5. 6. *fimi, & beneficia spiritualia isto obsignata adumbraret; quod Isai. c. 4 jam docuerat, quum loquens de protectione & benedictione per Christum Ecclesiæ exhibenda ait v. 5. 6. Creabit Deus super omnem locum montis Sion nubem per diem, & splendorem ignis per noctem, & protectio erit super omnem gloriam &c. Ut verò rem totam possimus distinctius percipere, & cur Apostolus baptismi nomen columnæ & transitui maris det; Observandum Paulo in more positum esse, Christianis Judaica, & Judæis Christiana Sacramenta attribueret; Si habebant illi Circumcisionem, Ita & Nos, Nos sumus circumciso*

Phil. 3. 3. *Philip. 3. 3. id est circumcisi, Circumcisi circumcissione non manu facta, circumcissione scilicet Christi, cui in baptismo sumus conscripti*

Col. 2. 11. 12. *Col. 2. 11. 12. Si habebant illi Pascha suum, & Nos nostrum habemus 1. Cor. 5. 7. Pascha nostrum pro nobis immolatum est. Ita vicissim nostra Sacramenta illis tribuit; Si habemus Epulum mysticum, in quo pane spirituali & potu spirituali pascimur & potamur; habebant & illi ἄρτος & πόμα πνευματικόν*

1. Cor. 5. 7. *escam & potum spiritualem, id est manna cœlitus demissum, & aquam à petra profluentem. Si habemus Baptismum; habebant & illi, nam in nube & mari baptizati sunt. Ideo autem Paulus commutationem istam instituit, non ut communionem specificam signorum inter Nos & Veteres inducat, quasi eadem nobis cum illis, & illis nobiscum signa & sacramenta data fuerint; discrimen enim inter ea nemo non videt; sed duplici de causa potissimum, tum ad denotandam correspondentiam & similitudinem signorum inter se, quia fuerunt symbola & signa similia ejusdem gratiæ, tum ad designandam communionem eorundem beneficiorum spiritualium; quia enim habemus veritatem Circumcisionis & Paschatis in mysterio, ideo dicimur habere Circumcisionem & Pascha, & quia illi habuerunt veritatem Baptismi nostri & Eu-
charistiæ, ideo dicuntur baptizari & cibari nobiscum.*

XVII. Hoc verò ut certius teneamus, refellenda est *Bellarmini* sententia, qui lib. 1. de Sacram. cap. 9. & lib. 2. cap. 4. & 17. vult ista omnia non tam *Sacramenta*, quàm *Sacramentorum figuras* fuisse. Nec potest negari, ex priscis non deesse, qui ejusmodi aliquid insinuare videantur: Sic *Cyprian. Epist. 76. mare illud Sacramentum baptismi fuisse declarat Paulus. Chrysost. Tom. 5. Orat. 51. ἡ διὰ θεοῦ ἐκείνη τῆ μέλλοντι βαπτισμῷ ἦν τύπη*. Sic *Ambrosius in Apolog. David. cap. 8. & de Sacram.*

eram. l. i. c. 6. *August.* in Joan. Tracta. 11. Verum notum est Patres in istis liberius quandoque rhetoricatos, & baptismi Christiani dum præconia celebrant, multa congerere, ut ejusdem typos & figuras, quæ ad eum revera nihil faciunt. Deinde constat, eos Sacramentis sæpe tribuere, deque eis prædicare, quæ revera non sunt signi ritusve externi, sed rei spiritualis sive cœlestis, quæ signo illo designatur, quomodo & ipsi Apostoli de Baptismo sæpe ea enunciant, quæ ad baptismum internum Spiritûs pertineant, non ad externum aquæ ut quæ Paulus habet Rom. 6. 3. 4. Gal. 3. 27. 28. Col. 2. 11. 12. Tit. 3. 5. & Petrus primæ c. 3. 21. Nam quod per- tendit Bellarm. non fuisse tam Sacramenta, quàm Sacramentorum figuras, absurdum est; siquidem Sacramentum cum sit res externa, & quidem quæ figura est rei cujusdam internæ & spiritualis, non opus habet ullâ aliâ figurâ quâ repræsentetur: possunt quidem dari duæ figuræ similes & sibi correspondentes unius ejusdemque veritatis, & hæcenus Sacramenta vetera fuerunt ἀντίτυπα nostrorum, id est figuræ analogæ & correspondentes, quomodo Arca cum aquis diluvii dicitur ἀντίτυπον baptismi nostri 1. Pet. 3. 21. sed una figura non debet ab alia figura adumbrari, sed utraque ad unius veritatis repræsentationem adhibetur. Ita Circumcisio, non Baptismus, sed gratiam regenerationis, quæ pariter baptismi ob signatur, adumbravit, Agnus Paschalis, non Cœnam, sed Christum ipsum in Cœna exhibitum repræsentavit; & Baptismus iste Veterum in nube & mari, Sacramentum fuit non baptismi nostri, sed rei per baptismum significatæ, quomodo petra & aqua ex ea profluens, non Cœnam, sed Christum ipsum significavit, ut Paulus in sequentibus exponit.

XVIII. Dices, Miracula ista beneficia tantum temporalia contulisse populo; Non posse ergo signa esse & sigilla remissionis peccatorum, & gratiæ spiritualis, quæ in Sacramentis nostris adumbratur. Deinde non adfuisse hic Verbum cum elemento, ut fieri debet in Sacramentis. Postremò nullo argumento posse colligi Patres hoc intellexisse. R. Ad primum, fatemur quidem ista beneficia esse corporea, sed quæ nucleum spiritualium beneficiorum continebant, & quæ manucebant ad Christum promissionum omnium fundamentum 2. Cor. 1. 20. ut liberatio à servitute Ægyptiaca typus fuit redemptionis spiritualis; imò quia sunt corporea bona, optimè adhibentur ad significanda bona spiritualia; nam ista non possunt adumbrari nisi rebus externis & sensibilibus. Ad secundum, Verbum hic non defuit, tum in mandato de scindendo mari, tum in promissione addita salutis hoc medio conferendæ, *State & videte salutem, quam Jehova facturæ est nobis hodie*, quod Paulus bene ad mysterium Redemptionis refert, quia noverat omnes liberationes temporales in ea fundari, & ejus esse figuras. Ad tertium, damus quidem multos ex populo, qui terrenis istis bonis inhærebant, non intellexisse

DISPUT.
VII.

ista mysteria; sed veri fideles Spiritu Dei illustrati potuerunt eò penetrare, & sufficit nobis Paulum id nobis pandere, ut credamus rem à Deo fuisse ita dispensatam.

XIX. Ut verò clariùs mysterii istius sensum assequamur, tria, quæ hic ab Apostolo notantur, distinctè sunt pensitanda, quod dicit. *Patres baptizatos fuisse in Mosem, in nube, & in mari.* Primo quod ait *baptizatos esse in Mosem* variè exponitur. Quidam eis τῷ Μωσῇ dictum volunt, quasi Μωσὶ σὺν Μωσεί unà cum Mose, sive αὐτῷ ἡγεμονεύοντος ipso duce & auspice, quæ sententia est Græcorum, Chrysostomi, Theophylacti, Oecumenii, ὡς περ πρωτοστάτης γέγονε Μωσῆς; ὃ καὶ αὐτοεπισκίζοντο καὶ συνεπέζευον διαγρεθείσης τῆ θαλάσσης. Quasi antesignanus eis Moses fuit, quum & nube pariter obumbrabatur, & per mare divisum pedites transierunt, quam sententiam sequuntur Junius & Grotius, à qua non longè recedit Heinsii mens, qui eis Μωσῇ pro eo quod est ἕως Μωσέως usque ad Mosem πάντες eis τὸν Μωσῇ omnes cum Mose, id est ne excepto quidem Mose, ut verba ita disponantur, non πάντες ἐβαπτίσαντο, sed πάντες eis Μωσῇ. Verùm coactor videtur hæc expositio, & non facillè assensum obtinere potest. Meliùs alii qui eis pro ἐν positum esse volunt, ut nihil aliud significetur, quàm hoc factum auspiciis & ministerio Moïsis, ut eis respondeat כּי מִיַּד מֹשֶׁה Hebræorum, quod Syrus & Arabs reddunt כּי מִיַּד מֹשֶׁה per manum Moïsis, id est ejus ministerio, quod August. confirmat Tract. 26. in Joann. per Mosem baptizati sunt. Sed non usquequaque videtur congruere; Nam præterquàm quod præpositio eis rarè admodum ad ministerium alicujus significandum adhibetur; Accedit quòd frigidiuscula videtur locutio, in Ecclesia quippe quotidie ministerio Pastorum baptizantur infantes, imò & si occasio ferat, adulti, nemo tamen dixerit infantes aut adultos baptizari in eos, quorum ministerio baptizantur. Putamus ergo longè convenientiùs loqui eos, qui censent Mosem hic metonymicè designare doctrinam & dispensationem Mosaicam, quomodo fieri sæpe solet in Scriptura Luc. 16. 29. habent Mosem & Prophetas & Act. 15. 21. Moses habet qui prædicent ipsum, & Jo. 5. 45. Moses ipse vos accusabit; ut Christus non rarè pro doctrina Christi sumitur Eph. 4. 21. Ita baptizari in Mosem nihil aliud erit, quàm baptizarim doctrinam & legem Moïsis, initiari in fœdus ab illo traditum, in pædagogia Mosaicâ sive cultûs & religionis per Mosem traditæ professionem tingendi ritu solemnî consecrari. Utenim Deus symbolis illis gratiam suam & benevolentiam testabatur populo; Ita populum magis magisque sibi devinciebat & consecrabat. Sic Act. 19. 3. 4. baptizari in baptisma Joannis, est baptismo Joannis consecrari in fidem doctrinæ, quam Joannes prædicabat, ut enim Sacramenta sunt sigilla Verbi, ita sunt tesserae & symbola fidei nostræ.

XX. Atque hinc solvitur exceptio Socini, qua conatur eludere vim argu-

Luc. 16. 29.

Act. 15. 21.

Joan. 5. 45.

Act. 19. 3. 4.

argumenti, quo utimur ad probandam divinitatem Christi, ex eo quòd dicamur baptizari in Christi nomine Matth. 28. 19. quia Israëlita dicuntur baptizari in Mosem, qui fuit *ψιλὸς ἀνθρώπου*. Nam quis non videt diversissimam esse duarum istarum phrasium rationem, *In Mosem baptizari, & In nomine Filii?* Illud de Creatura dici potest, hoc non item, unde Paulus posterius negat de se dici posse 1. Cor. 1. 13. *An in nomen Pauli baptizati estis?* qui prius affirmat de Mose. 2. *In nomine alicujus baptizari* duo importat, quæ de creatura dici nequeunt, Primò ejus autoritate & mandato baptizari; At solus Deus est Sacramentorum author, qui & Verbi. Deinde in ejus fidem & cultum obstringi; Ut enim Deus suam hîc gratiam pollicetur, nos recipiendo in communionem fœderis: Ita vicissim eadem ratione fidem & obsequium à fœderatis debitum postulat. 3. Eodem modo baptizamur in nomine Filii, quo in nomine Patris; At baptizamur in nomine Patris ut veri Dei, non ut Creaturæ. E. id ipsum in Filio locum habere debet. Eodem sensu dicuntur Apostoli baptizasse *εἰς τὸ ὄνομα Χριστοῦ* in nomen Christi Act. 8. 16. non quòd diversa sit formula ista re ipsa à præcedenti, nam ut bene observat *Basili. de Spiritu Sancto*, baptismus in nomen Christi includit tres Personas, *ἡ τὸ Χριστὸς προσηγορία τῷ παντὸς ἐστὶν ἐμολογία, δηλοῖ γὰρ τὸ χρίσαντα θεῖον, καὶ χρισθέντα υἱόν, καὶ τὸ χρίσμα τὸ πνεῦμα*. Denique baptizari in Mosem refertur ad doctrinam, non ad personam; Sed baptizari in nomine Christi personam notat primariò, & non simpliciter doctrinam. Fateor aliquando fideles dici baptizatos Rom. 6. 3. *in mortem Christi*, id est in oblationem beneficiorum morte Christi nobis paritorum. Sed hoc nihil ad Mosim baptismum pertinet. Eodem sensu dicuntur credidisse *Isrælitæ Mosi* Exod. 14. non ratione personæ, nam *maledictus vir qui fiduciam habet in homine* Jer. 17. 5. sed ratione doctrinæ, ut exponitur Ps. 106. 12. *crediderunt verbis ejus*.

XXI. Licet verò ex dictis utcunque constet, quomodo baptizati dicantur Israëlita in Mosem, nondum tamen liquidò patet, in quo positus sit ille Baptismus. Certum equidem Judæos de *Baptismo Mosi* sæpe loqui, & velle ab ipso toti populo administratum esse in Sacramentum initiationis, & confirmationem fœderis prius initi, quum ante receptam Legem jussit populum sanctificari, & lavare vestimenta sua Exod. 19. 14. *Per tria*, inquit Maimoni. Exod. 19. Issure Biah. c. 13. *In fœdus missus est Israël, per Circumcisionem, Baptismum, & Sacrificium, Circumcisio fuit in Ægypto, sicut dicitur, nullus non circumcisus comedet de Paschate, Baptismus fuit in deserto ante datam Legem, sicut dicitur sanctificabis eos hodie & cras, & lavent vestimenta sua*. Quò pertinet mos solemnis usitatus apud ipsos à proselytis, ut reciperentur in Religionem Judæicam, tria exigendi *Circumcisionem, Baptismum, & Oblationem*, quibus veluti initiabantur, de quo idem eximius Juris Judæici Interpres l. c. *Quandocunque*

DISPUT. VII. *quis Ethnicus ad fœdus Israëliticum se vult recipere ac sociari, & sub alis divina Majestatis se recipere, iugumque Legis in se suscipere, Circumcisio, Baptismus atque Oblatio voluntaria requiruntur.* Unde tritum axioma אין נר ער שיכול ויטבל *Non est quis profelyus usquedum circumcidatur, & baptizetur.* Quod rationem luculentam nobis suppeditat, quare & Joannes & Christus Baptismi Sacramentum instituerint, & cur nemini mirum hoc visum sit ex Judæis, quia nihil notius & usitatius erat inter ipsos: Posset ergo non sine aliqua veri specie dici, populum baptizatum fuisse in Mosem, quia solemni ritu Moses ante promulgatam Legem illum baptizavit.

XXII. Verùm licet non diffitear, Judæos de Baptismo isto Mosis sæpe mentionem injicere; non sit verisimile tamen hoc loco Paulum eò respexisse; tum quia dicendum fuisset baptizatos fuisse *per Mosem*, non *in Mosem*, tum quia manifestum est, ipsum ad Columnam nubis & transitum per mare digitum intendere, non verò ad sanctificationem populi ante promulgationem Legis, ut in sequentibus de manna & de petra duobus aliis miraculis Eucharistiæ correspondentibus loquitur. Accedit quòd cùm Apostolus ista tria de uno baptismo efferat, non de pluribus, dum ait *baptizatos esse in Mosem, in nube & in mari*, ut innuat tunc verè baptizatos fuisse in Mosem, id est initiatos in ejus doctrinam, quando fuerunt sub nube & in mari; ostendi faciliè non possit, quomodo baptismus ille sive lustratio Mosai-ca dicatur facta in nube & in mari; quod non obscurum est de mora sub nube, & transitu per mare. Nimirum ut in baptismate nostro tria occurrunt, Gratia cœlestis, Verbum, Aqua; *Gratia*, in quam initiamur, *Verbum*, quò institui-mur, *Aqua*, quâ tingimur; Ita tria in baptismo Mosai-co occurrunt, *Nubes, Moses, & Mare*; *Nubes* symbolum fuit gratiæ & protectionis cœlestis in quam initiabantur, *Moses* repræsentabat doctrinam legalem, & promissiones gratuitas Verbi, quarum confirmatio Sacramento ob-signabatur; *Mare* refert aquam baptismi quâ abluimur, quò tendunt ista Theodoretii in Exo. quæst. 20. *Typum habuit baptisterii mare, Spiritus nubes, Christi Servatoris Moses, Crucis baculus, Diaboli Pharaos, Demonum Aegyptii, Manna pabuli divini, petra aqua sanguinis salutiferi.*

XXIII. Videndum ergo superest, Quomodo mora illa sub nube, & transitus per mare baptismi nomine designentur, cùm nec maris undis immergi, nec nubis aspergine vel levissimâ tacti legantur. Quidam volunt Israëlitas dici baptizatos in nube & mari, non quòd mari vel nube essent abluti, quod fit in nostro baptismo, sed quia Corinthii de baptismo gloriabantur, ideo nomen baptismi Apostolum indidisse iis rebus, de quibus æquè licuisset Israëlitis gloriari, ac Corinthiis de baptismo. Verùm leviuscula videtur hæc nomenclationis ratio, nec satis mentem Pauli assequitur, qui de industria videtur selegisse ista miracula, propter analogiam, quæ ipsis intercedebat cum Sacramen-

Sacramentis nostris. Unde hac de causa Circumcisionis non meminit, quod tamen Sacramentum fuit ordinarium V. T. quia non tam aperta videbatur cum aqua baptismi similitudo. Si quærat jam in quo analogia illa sita sit, plura afferri possunt, sive materiam, sive finem & effecta utriusque Miraculi attendamus. Nam quoad Nubem, ut paululum distat ab aqua, ita dum sub aquosa nube fuerunt, quidni aqua ex illâ decidente aspersi dici possunt? vel quæ guttatim deflueret, vel per pluviam etiam copiosam, quæ potuit à Deo immitti ad populi refrigerium & refedtionem, quod videtur insinuari Psal. 68. 7. 8. 9. ubi Psaltes iter illud describens mentionem facit pluvie largissimæ, *ô Deus, cum procederes coram populo tuo, cum per eremum gradereris, terra movebatur, cæli etiam distillabant à facie Dei, Sinai à facie Dei, pluviam largissimam stillabas Deus, quâ hereditatem tuam defessam restaurabas.* Sed hoc luculentius patet ex usu & fine istius Columnæ, qui apprimè respondet baptismi nostri finibus. Nam ut baptismus est consecratio & initiatio in disciplinam Christi: Ita nubes & mare fuerunt consecratio populi in dispensationem Mosaicam. Ut populus liberatus à servitute Ægyptiaca sanguine agni, per nubem & transitum maris initiatus est Deo, ut populus esset ejus peculiaris: Ita fideles, qui sanguine Agni immaculati à tyrannide Diaboli & servitute peccati liberati sunt, per baptismum consecrantur Domino. Ut nubes quæ continebat Israëlitas sub sinu suo, separabat eos ab Ægyptiis: Ita baptismus, qui symbolum est nostræ cum Christo communionis, est etiam separationis nostræ à Mundo tessera, & symbolum gratiæ Dei, quæ sola separat Ecclesiam à Mundo, *Quis te discernit?* 1. Cor. 4. 7. Ut nubes symbolum fuit favoris & protectionis divinæ, tum adversus æstum, tum contra Ægyptios: Ita baptismus, quô Deo consecramur, est gratiæ & protectionis divinæ Sacramentum, in quo Deus testatur se in familiam suam nos recipere, ut sit Deus noster, id est Doctor, Ductor, & Custos, qui gratiâ suâ adversus iræ suæ æstum nos tueatur, & virtute suâ contra hostes nos protegat. Ut nubes viam præmonstrabat Israëlitis, ut iter facere tutò possent, nec ad avia declinarent: Ita Verbum gratiæ, quod in Baptismo ob signatur, *Lampas est pedibus, & lux semitis nostris* Psal. 119. 105. quod nos dirigit in cursu vocationis nostræ, & iter facientibus in deserto hujus mundi, & nocte hujus seculi ad Canaanem cœlestem tendentibus viam ostendit, ne ad avia defleamus, quæ perniciem certam nobis afferrent, sed ut motum columnæ istius mysticæ, in qua se nobis ductorem exhibet, semper sequamur. Unde baptismus Veteribus dictus φωτισμός, *illuminatio*. Rursus ut nubes, quæ lucida erat Israëlitis, fuit Ægyptiis caliginosa: Sic gratia & Verbum Christi, quod aliis est sapientia & potentia, & odor vitæ ad vitam, aliis est scandalum & stultitia, & odor mortis ad mortem 1. Cor. 1. 23. &

Ps. 68. 7.
8. 9.

Ps. 119. 105

1. Cor. 1. 23.
2. Cor.

DISPUT. 2. Cor. 2. 16. Idem Euangelium quod fideles illuminat, impios excæcat, Joan. 12. 40. & 2. Cor. 4. 4. idem Christus est lapis fundamenti & scandali 1. Pet. 2. 4. qui positus est in resurrectionem & casum multorum Luc. 2. 34. Ut eadem columna nubila fuit & ignea, quæ umbraculi loco interdiu, noctu verò facis & luminis vicem præstare potuit: Ita gratia salutaris Christi, quæ in baptismo nobis obsignatur, umbraculum nobis præbet & refrigerium adversus æstum iræ divinæ & ardores conscientia, & lucem gratam exhibet ad discutiendas tenebras hujus sæculi, & præmonstrandam ad cælum viam. Hinc Scriptura sub hoc duplici symbolo, plenam & absolutam omnibus numeris felicitatem solet designare, quæ in liberatione ab omnibus malis, & in bonorum omnium fruitione consistit, quæ per Christum nobis obtingit. Unde Deus nobis dicitur esse *Sol* & *Clypeus* Psal. 84. 12. *Lux* & *Vita* Psal. 36. 10. & Christus *Sol* *Justitiæ* Malac. 4. 4. *Et umbra nostra* Psal. 121. 4. Sol qui illuminat in tenebris, Clypeus qui protegit in bello, Umbraculum quod tegit & recreat in astu. Denique ut in Ægypto nulla apparuit columna, In Canaan verò desiit populum comitari. Ita dum in Ægypto mundi versamur, salutarem Verbi columnam, quæ in Ecclesia demum erigitur, habere non possumus; In Cælis desinit, quia in patria constituti, procul ab omni periculo & caligine Deum facie ad faciem contemplantes, non ambulantes amplius per fidem 2. Cor. 5. 7. Verbi luce non amplius indigebimus; sed in deserto tantum hujus sæculi & peregrinatione nostra nos comitatur, doceat ad Canaanem cœlestem pervenerimus.

Pf. 84. 12.
Pf. 36. 10.
Mala. 4. 4.
Pf. 121. 4.

XXIV. Non absimili ratione *Transitus per mare* mirificè cum baptismo nostro convenit, & gratiam ejus adumbrat. Nam ut in baptismo, prout olim peragebatur per immersionem & emersionem, in aquas descendendo, & ex illis rursus exeundo, dabatur descensus & ascensus, cujus exemplum extat in Eunuchò Act. 8. 38. 39. Quinimò ut per illum ritum, quum immergerentur aquis obruti & quasi sepulti, & Christo ipsi quodammodo conscripti, rursusque quum emergerent; è sepulchro excitari videbantur, & cum Christo resurgere dicebantur, Rom. 6. 4. 5. Col. 2. 12. Ita in baptismo Mosàico habemus immersionem & emersionem, illam, dum in maris profundum descendebant, istam verò, dum egrederentur & ad littus oppositum evaderent, illa mortis, hæc resurrectionis fuit imago; transeuntes enim per maris fundum, quid aberant à morte, evadentes verò in littus oppositum, nonne erant quasi ex mortuis redivivi? Rursus ut in transitu maris Israëlita salvantur, Ægyptii verò pereunt; idem mare, quod liberationis fuit medium illis, istis fit mortis & exitii causa. Hoc ipsum in baptismo observare licet, idem baptismus qui nos salvat, veterem hominem, quasi alterum Pharaonem cum toto vitiorum exercitu in mari rubro Sanguinis Christi

Christi extinguit & mortificat, *vetus noster homo cum Christo crucifixus est* DISPUT. VII.
 Rom. 6. 3. 6. dum in mortem Christi baptizamur, Idem sanguis qui nos
 redimit, & viam ad cœlum nobis aperit Heb. 10. 19. Diabolum & peccatum
 perdit, *per mortem destruxit eum qui habebat imperium mortis* Heb. 2. Heb. 2. 14.
 14. & in cruce triumphavit de Principatibus & Potestatibus Coloss. 2. 14. Col. 2. 14.
 Unde Chrysost. appositè in 1. Cor. 10. tom. 5. serm. 51. *Transitus ille Juda-
 eorum futuri baptismi typus erat, nam ibi aqua & hic aqua, Lavacrum
 hic, & ibi pelagus, omnes hic in aquam ingrediuntur, & ibi omnes. Ibi
 quidem liberati sunt ex Aegypto, hic autem ab Idololatria, ibi quidem
 Pharaon submersus, hic autem Diabolus, ibi Aegyptii interierunt, hic au-
 tem vetus homo cum peccatis defoditur. Nec aliter Ambrosius de iis qui
 initiantur mysteriis cap. 3. Advertis quod in illo Hebraeorum transitu tunc
 sacri Baptismatis figura praeceperit, in quo Aegyptius perit, & Hebraeus
 evasit, quid enim aliud quotidie in hoc Sacramento docemur, nisi quod cul-
 pa mergitur, & error aboletur, pietas autem & innocentia tota perman-
 sit. Ut nulla alia via Israëlitis tunc suppetebat elabendi ex manibus ho-
 stium nisi per mare; Ita baptismus nos salvat 1. Pet. 3. 21. & sola janua est,
 per quam in Ecclesiam ingredimur, & in communionem Sanctorum reci-
 pipimur.*

XXV. Rursus ut Israël nihil contulit ad sui liberationem, sed fuit tan-
 tùm spectator & testis miraculi, *State & videte, inquit Moyses, salutem
 quam Deus hodie vobis daturus est, nam ipse pugnabit pro vobis &c.* Exod. 13. Exod. 13. 13.
 13. Ita Redemptio, quam in Christo consequimur, opus est merè divinum,
 ad quod nihil viribus nostris contulimus, sed quod totum virtuti & gratiæ
 Christi acceptum ferendum est: Cùm enim undiquaque mortis præsentissi-
 ma facies appareret, nec ulla salutis in nobis spes esset, Ille solus in abditis
 Sapientiæ thesauris viam invenit per mare istud, quod nobis erat imper-
 vium. Porro ut *triplex transitus* ad plenam salutem fidei necessarius est,
 primus à reatu & condemnatione ad *Justitiam*; Alter à servitute peccati
 ad *libertatem* gratiæ; Tertius à *miseria & morte* ad *felicitatem & vitam*,
 Ille qui fit per justificationem, in quâ Deus transire facit peccatum no-
 strum à nobis Mich. 7. 18. ut à statu reatûs transcamus ad statum gra- Mich. 7. 18.
 tiæ; Ille per regenerationem, in qua transimus à servitute ad libertatem
 filiorum Dei Rom. 6. 17. 18. Hic verò in morte per glorificationem, Rom. 6. 17. 18.
 in qua transitum facimus de morte ad vitam. Ita triplex iste transitus
 in baptismo nostro obsignatur, qui sigillum est remissionis peccatorum,
 & sanctificationis sanguine Christi, & pignus æternæ glorificationis, ut
 in eo bene transire dicamur à reatu ad justitiam, à servitute ad liber-
 tatem, à morte ad vitam, unde Joann. 5. 24. *qui credit in me, inquit* Jo. 5. 24.
Christus, transivit à morte ad vitam. Hæc vero omnia beneficia per

DISPUT.
VII.

transitum maris appositè adumbrantur, quia non alio modo nobis conferuntur, quàm per mare rubrum Sanguinis Christi, qui ut justificationis nostræ est fundamentum, quia *remissionem peccatorum habemus in ejus sanguine* Eph. 1. 7. Et sanctificationis principium, dum *purgat nos ab operibus nostris, ut serviamus Deo vero & vivo.* Heb. 9. 14. Ita viam nobis aperit ad gloriam, redemptionem æternam nobis acquirens, & cælum, quod erat antea ἀβάτον, nobis referans, qui propterea ὁδὸς πρόσφατος καὶ ζωὴ vocatur à Paulo Heb. 10. 19. Denique ut Israëlītæ postquam mare feliciter transiverunt, & hostes submersos viderunt, Carmen Eucharisticum Liberatori suo altâ voce cecinerunt Exod. 15. Ita æquissimum est, ut eluctati ex peccati & mortis gurgite, devictis & submersis in æternum Diabolo, Mundo & Carne, quando *mors erit absorpta in victoriam* 1. Cor. 15. 54. Redemptori & Sospitati nostro Carmen hoc triumphale canamus, *Ubi ò mors victoria tua, ubi ò sepulchrum aculeus, Gratia Deo, qui nobis victoriam dedit per Jesum Christum Dominum nostrum.* AMEN.

1. Cor. 15.
54.

F I N I S.

DISPUTATIO THEOLOGICA DE M A N N A.

EX 1. COR. X. 3.

Respondente PETRO FRANCISCO OLIVERIO
Helvetio-Sarratensi.

DISPUT.
VIII. I.

*U*M quacunque antè scripta sunt, ad nostram institutionem scripta sint, ut per patientiam & consolationem Scripturarum spem habeamus, ut Divinus Gentium Doctor sanctè monet Rom. 15. 4. nihil studio suo dignius esse, nihil ad salutem fide-
lium conducibilius Scriptores θεόπνευστοι Novi Testamenti existimarunt, quàm si instar peritorum Scribarum, edoctorum in regno Cælorum, *educerent ex Thesauris suis vetera & nova* Matt. 13. 52. ut Vetus Testamentum subinde cum Novo, Typos cum Veritate, & Oracula cum Complemento con-
ferentes

ferentes, utriusque Divinitatem fortius assererent; & ad Ecclesiam Israëliticam sæpe oculos reflectendo, & exempla præterita, cum promissis & minis Patribus recolendo, in illa, tanquam in speculo, Christianæ imaginem nobis exhiberent, sive quoad *Dei beneficia*, & *officia nostra*, sive *quoad præmia*, & *pœnas* bonis & malis repositas.

II. Hoc verò Paulus ipse præ cæteris non semel præstitisse legitur ad fidelium institutionem in Epistolis suis; sed præcipuè id executus est initio Capitis decimi primæ ad Corinthios, ubi avocaturus ipsos à variis peccatis gravibus, quibus implicabantur, maximè in idolothytorum esu, ad populi Israëlitici in deserto peregrinantis considerationem eos revocat, & recensione factâ variorum ipsis collatorum bonorum, non absimilium gratiis, quibus gloriabantur Christiani, tum peccatorum ab ipsis admissorum, & pœnarum propterea ipsis à Deo inflictarum, eos seriò à similibus peccatis dehortatur, ne in similes pœnas incidant. Tria verò potissimum insignia præ cæteris Dei beneficia commemorat, quæ Sacramentorum extraordinariorum ipsis loco fuerunt, *Baptismum nubes & maris*, *Cibum spiritualem seu Manna*, & *Aquam ex Petra*, quorum prius Baptismo nostro, duo posteriora Eucharistiæ Christianorum apprimè respondent. Et de illo quidem præcedenti Disputatione jam actum est; De duobus aliis jam συνθεῶν agendum est, & primò de Manna, quod ab Apostolo priori loco recensetur.

III. Verba ejus extant 1. 3. cap. 10. *Και πάντες αὐτὸ τὸ βρώμα πνευματικὸν ἔφαγον*, & *omnes eundem cibum spiritualem manducarunt*. Scopus Apostoli, ut jam insinuatum, est avertere Corinthios à profanis gulæ illecebris, & idolorum epulis, ad quæ ab Ethnicis alliciebantur; argumento ducto à Veterum Israëlitarum exemplo, qui istorum peccatorum rei, Judicium Divinum effugere non potuerant. Quia verò in exemplis discrimen si quod occurrit, vim comparisonis evertit, Corinthii autem poterant excipere, longè potiorem esse suam conditionem præ statu Israëlitarum, se baptizatos esse, & Sacræ Cœnæ factos esse participes, aliasque plures prærogativas in Novo Testamento consecutos esse, quæ Veteribus haudquaquam concessæ fuerint; unde non statim ab illis ad se argumentum posse legitimè duci. Paulus ut inanem illam gloriationem ipsis auferret, quâ putabant se meliori loco esse apud Deum, quàm Veteres, ostendit paritatem statûs Israëlitarum cum Christianis: Apud illos fuisse Dei fœdus & Ecclesiam, non minus ac apud istos, iisdem beneficiis affectos fuisse, & eadem Sacramenta habuisse, quæ testimonia illis forent gratiæ Dei. Unde si pœnas effugere non potuerant bonis suis abutendo, nec Christianos illas declinatu-
T 2
quæ

DISPUT. quæ utrobique obtinuerunt, si non ratione signorum, saltem ratione
VIII. significationis; Jam respectu Cœnæ demonstrat, & quidem quoad utrum-
que symbolum, tam quoad cibum, quàm quoad potum.

IV. Et de *Cibo* quidem, de quo præsens instituitur Disputatio, dicit *Omnes*, scilicet Israëlitas, *manducasse eundem cibum spiritualem*, respiciendo ad *Manna*, quò Deus eos cibare voluit olim in deserto; de quo duo jam expendenda veniunt, 1. *Historia*, 2. *Mysterium*; sub gemina enim ista ~~symp~~pectari potest & debet, ratione *usus communis*, quatenus fuit cibus materialis & corporeus, qui faciebat ad nutritionem populi, & ratione *usus sacri*, quæ fuit spiritualis & mysticus, qui Christum significabat & obsignabat.

Exod. 16. V. Historia refertur cap. 16. Exodi, Cùm jam farina subacta, quam ex Ægypto tulerant, deficeret, & ob annonæ penuriam murmuraret populus adversus Mosem, eò usque ut mortem etiam expeterent inflictam manu Jehovæ, *Utinam*, inquit, *mortui essemus per manum Jehovæ in terra Ægypti*! Deus licet ingratum populum posset plectere, mirâ tamen bonitate prospicit ejus necessitati, sed modo planè extraordinario, mittendo cœlitus quotidie Man, quod sufficeret tantæ cibandæ multitudini, atque ita per totos quadraginta annos, dum populus in deserto versatus est, eum sustentârît, donec perveniret in Canaan, quo tempore cessâsse dicitur Man v. 35. Hunc verò cibum 1. *colligere* debuerunt Israëlita, manè ante exortum Solis Exod. 16. 21. idque pro ratione cibi fui v. 16. 18. in singulos dies tantum v. 4. quia nihil ex eo reliquum in crastinum faciendum erat v. 19. 20. excepto die sexto, quo colligendum fuit in biduum, quia die septimo, id est Sabbatho, non cadebat v. 23. 26. 2. collectum *distribuere*, ut unicuique unum Homer, quod erat decima pars Ephæ, & juxta *Waserum* ad novem libras Romanas ascendebat, quod illi assignatum erat, suppeteret, nec plus nec minus cuiquam habere licuerit, v. 16. 17. 18. 3. *preparare* in cibum, quod fiebat, tum moliturâ, tum coctione, tum elixatione: nam man movebant vel terebant, & postea coquebant vel elixabant, & conficiebant ex eo placentas subcinericeas v. 23. Numer. 11. 8. Describitur autem Man quoad *substantiam*, quod fuerit exiguum & tenuissimum, sicut pruina super terram vers. 21. quoad *figuram*, rotundum quasi semen coriandri vers. 31. quoad *colorem*, album vers. 3. ut color bdellii Arabici, quod est pellucidum Num. 11. 7. quoad *saporem*, dulcissimum & suavissimum, veluti sapor similæ cum melle, vel ut sapor liquoris præstantissimi ex oleo Num. 11. 8. adeoque cibus præstantissimus & saluberrimus. Non tamen propterea facile admiserimus, quod Au-
thor libri Sapientiæ cap. 16. 20. de Manna loquens, fuisse cibum ~~wpõs~~
πᾶσι ὄντι.

πάσαν ἰδὸν ἰσχύοντα, καὶ πρὸς πᾶσαν ἀρμόδιον γεῦσιν, *omni pollentem* DISPUT. VIII.
voluptate & unicuique gustui accommodatum, licet hoc avide à quibus-
 dam Patribus, qui allegoriis delectantur, arreptum sit; Nam præter-
 quam quod Moses specialem ejus saporem expressè memorat: Si cujusli-
 bet gustui se accommodabat, cur ergo illud recusassent in deserto? *ni-*
hil oculi nostri vident præter man, & cur carnes & cibos Ægyptiacos
 adhuc desiderassent?

VI. Miraculi autem istius historia variarum quæstionum occasionem
 præbere potest, quas paucis tantum attingimus. 1. Cur Deus hac ra-
 tione prospicere voluerit populi necessitati? 2. Licet sola voluntas Dei
 nobis instar summæ rationis esse debeat, dubium tamen non est, quin
 singulare hoc illi dare voluerit paternæ Providentiæ testimonium, ut
 doceret se piis laborantibus nunquam deesse, sed illis tempestivè sem-
 per prospicere, & media etiam extraordinaria adhibere, ubi ordinaria
 deficiunt: atque ita hominem non ex solo pane vivere, sed ex eo om-
 ni quod prodit ex ore Dei, quod Moses insinuat Deut. 8. 3. *Deus te* Deut. 8. 3.
affixit & fecit ut esurires, sed te cibavit etiam Manna, quod nec tu,
 nec Majores tui cognoverant, ut notum faceret tibi, non ex solo pane vi-
 vere hominem, sed ex eo omni quod procedit ex ore Dei. Et ut constaret
 Dei favorem dimidiatum & imperfectum non esse, per totos qua-
 draginta annos, quibus in deserto versati sunt, hoc pane eos cibavit,
 supplendo per cæli favorem, quod soli sterilitas negabat, donec vene-
 runt in Canaan, ibique ex fructibus terræ comedere cœperunt Exo. 16. Ex. 16. 35.
 35. Josu. 5. 12. quia ubi media ordinaria suppetunt, extraordinaria mi-
 raculosa expeti non debent vel expectari; *Cessant extraordinaria*, ajunt
 JC. *ubi ordinariis locus est*, Tum etiam ne cæleste donum fastidio effet
 ingratis hominibus, quod ne in ipsa quidem necessitate satis grato ani-
 mo habebant. Atque in eum finem voluit portionem unam Mannæ in
 urna aurea juxta Arcam per omnes ætates asservari, Exod. 16. 32. 33. Exod. 16. 32. 33.
 ut esset illustrissimum tum omnipotentiae, tum bonitatis erga Israëlitas
 testimonium, quod à posteris celebraretur.

VII. Secundò, Quoad nomen quæritur, Cur cibus iste *Man* dictus
 sit, ita enim ab Israëlitis quumprimum è cælo fuit delapsus, & ab iis
 visus, vocatum fuisse Moses testatur Exod. 16. 15. *Et videntes illud filii* Ex. 16. 15.
Israël dixerunt quisque ad fratrem suum מן חן man est, quia nescive-
 runt quid esset, & vers. 31. *Et vocarunt filii Israël ejus man*. Dux sunt
 circa nominis istius rationem Doctorum sententiæ. Prima eorum, qui
 verba vers. 18. interrogativè interpretantur, & volunt idem esse מן,
 quod Hebricè מַה, *quid*, quasi Divinum istum panem videntes, &
 rei insolentia perculsi Israëlitz, & admiratione moti in hæc verba

DISPUT. VIII. eruperint, Quid hoc est? & postea nomen hoc manserit, & in appellativum transierit. Sic LXX. reddunt, τὸ ἐστὶ τῆτο, Sic *Chaldaeus Paraphrastes*, *Vetus Versio*, *Iosephus Antiquit.* lib. 3. cap. 1. καλῶσι δὲ ἑβραῖοι τὸ βρώμα τῆτο μάννα, τὸ γὰρ μᾶν ἐπερώτησις κατὰ τὴν ἡμετέραν διάλεκτον, *Hebraei cibum istum vocant manna, nam man est interrogativum secundum nostram dialectum*, quid hoc est significans. Ita *Hieronymus*, & plures ex Veteribus. Quæ sententia videtur firmari ex responsione Moïsis, qui ad interrogationem populi respondens dixit illis, *Hic est panis ille, quem dat vobis jehova ad comedendum*. Tum etiam ex eo quod in lingua Ægyptiaca מן idem est quod מַן in lingua Hebræorum, ut observat *Drusius ex R. Hiskuni*. Nec mirum videri deberet, si Israëlita, qui tot annos triverant in Ægypto, usi fuissent particulâ hujus linguæ.

VIII. Secunda sententia eorum est, qui verba illa sumunt *indicativè*, ut designetur proprium nomen quod derivetur à radice מנן quæ significat *ordinare, constituere, preparare*, ut מן resectâ ultimâ radicali idem sit quod מַן, *pars, portio, donum* scilicet à Deo datum, vel cibus à Deo ordinatus & dispositus ac paratus sine ipsorum labore, in cujus usum Israëlita nec serere deberent nec metere. Sic sentiunt hodierni Hebræi Rabbi Salomo, מן *preparatio cibi est à verbo מנן* quia nesciverunt quid esset, id est *nesciverunt nominare nomine suo*. Sic *Aben Ezra man derivatur à verbo מנן*, unde *Dan. 1. מנן, constituit ordinariè escam vestram*, idem sentit *R. D. K. R. Bechai*, & alii. Licet verò non multum referat utramvis sententiam sequamur, quæ suis rationibus non destituitur, posterior tamen ad rei veritatem propius videtur accedere.

IX. Tertiò. Quæri potest, An istud Manna fuerit naturale, An verò miraculosum? Certum est dari manna naturale, quod inter meteora aquea à Philosophis reponitur, quod gignitur ex rore temperatissimi loci & cœli, qui in arborum & fruticum folia decidit, illisque adhærescit donec colligatur. Quod fit præcipuè in tribus regionibus, Syriâ, Germaniâ, & Italiâ, unde ex regionum differentia, Syriacum, Germanicum, & Calabricum appellatur, quod postremum præ cæteris commendatur in medicina ad lenem sine flatibus bilis & pituitæ purgationem, de quo Medicorum filii consulendi. Hoc tantum de Calabrico memorandum referre non pigebit ex *Fonstano in Thaumatoogr.* cap. 10. cum locum quendam Oenotriæ, in quem singulis ætatis descendebat, & ab omnibus excerpébatur, Reges Neapolitani olim occlusissent, ne quis sine vectigali assumeret, occluso loco defuisse nec descendisse, eo vero recluso, & vectigali remoto, iterum descendere cœpisse, quod cum semel iterumque contigisset, Reges postea locum liberum reliquisse, & omnibus colligere permisisse: Idem

scribit *Cælius Rhodiginus* l. 9. cap. 12. de Tragaseo sale in Epiro, cui cum DISPUT.
VIII.
vedigal imposuisset *Lysimachus*, evanuit, mox dempto, succrevit. Datur etiam Manna Polonicum non ita pridem repertum, de quo *Keckermannus*, libro 6. System. Physici, capite 10. & *Cornelius à Lapide* in Exod. 16. quod mense Junio & Julio nocte depluit, & herbis instar roris incumbit, quod butyro saccharoque modico decoctum cum Italorum delicatissimis ferculis dicitur certare posse. An verò manna Israëliticum ejusdem fuerit naturæ cum manna naturali, non sine ratione disquiritur. Affirmant alii, ut *Conimbricenses* in libro Meteor. Aristot. tom. 7. cap. 11. & Fr. *Vallesius* de Philosophia sacra cap. 57. quod ex colore, sapore, & aliis circumstantiis conantur demonstrare. Alii verò negant, & volunt rem fuisse prorsus novam, à Deo pro certo tempore creatam, suoque tempore prorsus ablatam, quam sententiam plerique Hebræorum sequuntur, ut *Aben Esra*, & *Abarbanel*, qui variis rationibus eam confirmare nititur.

X. Quamvis verò nostram litem hanc nolimus facere, quæ propiùs spectat Physicos & Hippocratis filios, paucis tamen observamus, veriorum eorum sententiam nobis videri, quilibet magnam affinitatem esse censeant inter utrumque Manna quoad formam, colorem, & saporem, non putant tamen posse dici ejusdem generis; Sed manna Israëliticum miraculosum fuisse & extraordinarium. Primò, quia si fuisset naturale, non potuisset dici planè ignotum Israëlitis, cum tamen testetur Moyses, *neque eos, neque Patres ipsorum hoc cognovisse*, Deut. 8. 3. Secundò, nihil opus fuisset illud reponi in urnam auream juxta Arcam ad miraculi monumentum, si res naturalis fuit. Tertiò, manna medicinale non cadit per totum annum, sed tantum in maximâ aëris & cæli temperie, putà tempore verno, mense Martio & Aprili. At manna hoc cadebat æqualiter omnibus anni mensibus, nec ulla aëris mutatio obstare potuit, quominus per totos quadraginta annos æqualiter stillaret. Quartò, illud semper eodem modo & tempore cadit; Sed divinum die septimo omnino non cadebat; & die sexto duplicabatur ejus copia, ut alterum Homer in cibum Sabbathi reponerent. Quinto, Manna medicinale per se non est alimentum, quod habeat vim nutriendi, sed pharmacum seu medicamentum, quod habet vim purgativam. Sed Manna Divinum fuit cibus suavissimus & temperatissimus, qui facilis fuit digestionis, nec ut alii cibi corpus gravabat; sed non medicamentum, aliàs fieri non potuisset, ut illo vescerentur, quin luxatis & solutis corporibus periissent; nisi quis dicat cum Vallesio, potuisse cibum hunc vim habere purgamenti, ad expurgandam cacochymiam, quam contraxerant in Ægypto usu peponum, cucumerum, & porrorum, sed postea ipsis in gratum cibum per consuetudinem abiisse. Sextò, manna naturale noctu non putrescit,

DISPUT.
VIII.

putrescit, nec vermes producit, non liquefcit ad Solem, nec est durum, ut contundi debeat, ut ex eo placenta confici possint, sicut fuit Divinum. Septimo, Manna Divinum cadebat ubicunque castra metabantur, & quocunque profecti sunt comitata est eos hæc Dei benedictio; cum vicina gentes frumento verscerentur, & tantum in castris Israelitarum man esset cognitum, quod statim atque ingressi sunt terram fructuosam & frumenti feracem, cessavit. Ita sive proprietates cœlestis istius doni attendamus, sive locum in quo dabatur, sive tempus, sive quantitatem, sive continuationem, non obscure liquet extraordinarium fuisse Dei beneficium, Populo Israelitico ad tempus per miraculum concessum.

XI. Plura de Mannæ quantitate, formâ, colore, & sapore quæri possent, ut & circa ejus collectionem, & distributionem. Sed quia ista aliena sunt ab instituto nostro; Satiùs est ut ad *usum* ejus *sacrum* veniamus, & mysterium sub isto cortice latens scrutemur. Ad quod Paulus nos ducit, quando vocat illud *βρῶμα πνευματικόν*, *cibum spiritualem*. Ita vero vocatur, non naturâ, sic enim erat corporeus & materialis, sed tum *origine*, tum *significatione*. Primo *Origine*, quia non humanâ operâ, sed præter naturam miraculosè suppeditabatur à Deo, qui καὶ ἐξοχὴν *Spiritus* dicitur, vel quia *Spirituum*, id est Angelorum ministerio parabatur: Unde dicitur *panis Angelorum seu fortium* Psalm. 78. 24. non quod eo verscerentur Angeli, qui, ut Spiritus ἀσώματοι cibo corporeo non egent, sed quod ab Angelis subministraretur populo ad Dei nutum: Cum enim res fuerit extraordinaria & miraculosa, ut dictum, dubium non est, quin Deus hic usus fuerit ministerio Angelorum, tum ad materiam illi generationi idoneam undique convehendam, & ad illam Soli exponendam, ut faciliùs excoqui, & decidere posset.

XII. Secundo, *spiritualis* vocatur *significatione*, quia mysticam & spiritualem significationem habuit, nimirum ut Christum verum panem vitæ adumbraret: Quamvis enim primo datum esset à Deo manna in cibum corporeum populo, ut famem ejus sedaret, nec aliud in eo spectarent homines crassi & profani, Deus tamen altius mysterium intendebat, & fideles, qui ad opera Dei attentiores erant, sublimius mysterium in hoc miraculo oculo fidei cernebant, & Christi animæ cibi typum eximium in manna agnoscebant: planè quomodo panis & vinum, quæ natura sua & per se inserviunt ad nutriendum corpus, gratia Dei tamen destinantur ad usum spiritualem & sacrum, ut sint symbola Corporis & Sanguinis Christi, quibus animæ sustentantur, non physica, sed morali tantum & sacramentali mutatione. Nec de eo dubitare nos finit Christus, qui Joannis 6. totius mysterii istius clavem nobis aperit, dum se mannæ conferendo & præferendo, corpus illius typi, & veritatem illius figuræ

Joan. 6.

figuræ se apertè fuisse docet: Quò etiam non obscurè respicit Apoc. 2. 17. DISPUT.
VIII.
Apo. 2. 17.
dum *Victori* pollicetur, *se daturum ex manna abscondito*, sui nimir. communionem salutiferam tam in gratia, quàm in gloria, hoc symbolo designans.

XIII. Nec obstat huic expositioni, quòd Christus Joan. 6. loquitur de *Manna*, tanquam de cibo corruptibili & materiali, qui non potuit Patres à morte immunes præstare, *Patres vestri*, inquit vers. 49. *manna manducaverunt in deserto, & mortui sunt*. Quia Sacramenta spectari possunt, vel quoad *re materiale*, seu quoad *naturam*. Vel quoad *re formale*, seu quoad *significationem*. Priori sensu manna erat verè cibus corporeus alendis corporibus destinatus: Sed posteriori bene dicitur *spiritualis*, quia spirituale aliquid significabat. Deinde aliud est loqui de re aliqua ad hominem, id est ex hypothesi sententiæ, & pro captu eorum cum quibus agimus. Aliud verò ex rei veritate. Sic Paulus de Circumcisione non semper eodem modo loquitur; Nam cum Dei institutionem in ipsa considerat, dicit magnam esse ejus prærogativam & utilitatem Rom. 3. 1. eo quòd esset sigillum obfignandæ justitiæ fidei Rom. 4. 11. quum autem disputat adversus eos, qui signo externo & nudo gloriabantur, & in ea perversam salutis fiduciam collocabant, dicit *nihil esse* Galat. 6. 15. imò maledictionis symbolum esse testatur, quia homines illi se obligant ad servandam totam Legem Gal. 5. 3. Eodem modo Christus se comparat agens cum Judæis; Cum enim carnalis multitudo Mosem longè præferret Christo, quòd populum per 40. annos in deserto miraculosè aluisset, nec aliud in manna spectaret; quàm cibus corporis, ut nec aliud quærebat: Christus in sua responsione non explicat quid man significaverit, sed, aliis omnibus omissis, Auditorum sensui sermonem suum accommodat, quasi diceret, Moyses Vobis est in summo pretio, quia Patrum vestrorum ventres saginavit in deserto; hoc enim unum mihi objicitis; Ego vobis pro nihilo sum, quia non supposito ventris alimenta: At si tanti facitis cibus corruptibilem, quid de pane vivifico sentiendum, quò animæ in vitam æternam aluntur? Sic Christus non tam rei veritatem attendit, quàm ex hypothesi Auditorum loquitur. Paulus verò dum cibus spirituales vocat, non impiorum abusum, sed Dei ordinem & veram Sacramenti institutionem respicit.

XIV. Hanc autem nomenclationis istius rationem non semel observant Veteres, Aug. in Ps. 77. *omnes quidem eundem cibus spirituales manducaverunt, & eundem potum spirituales biberunt, id est spirituale aliquid significantem*, & tr. 26. in Joh. *Manna & altare sacramenta fuerunt in signis diversa, sed in re, qua significatur, paria, diversa specie visibili, paria virtute spirituali, Patres enim eandem escam spirituales comederunt, quam & nos*. Sic Anselmus in hunc locum, *Eandem escam corporis Christi, quam nunc in pane manducamus,*

Rom. 3. 1.

Rom. 4. 1.

Gal. 6. 15.

Gal. 5. 3.

DISPUT. *camus, Patres nostri manducaverunt in Manna, & eundem potum sanguinis Christi, quem nos ex calice bibimus, biberunt ex Petra: & ideo spiritua-*
 VIII. *lem manducaverunt eandem, quàm nos; corporalem vero alteram, quia vi-*
sibilem escam spiritualiter intellexerunt, spiritualiter esuriverunt, spirituali-
ter gustarunt, ut spiritualiter satiarentur, nam & nos accipimus visibilem
 Apoc. 11.8. *cibum, &c. Sic Apo. 11.8. magna Civitas vocatur spiritualiter Sodoma &*
Ægyptus.

XV. Atque hinc facilè solvitur scrupulus, qui moveri potest, Quomodo omnes Israëlitz dicantur manducasse istum cibum spiritualem; cum certum sit, ex historiæ serie, & ex verbis ipsis Apostoli, nonnullos ex ipsis profanos & impios fuisse, qui Deo probari non potuerunt, sed quos severè propter crimina sua in deserto punivit versu 5. Nam licèt non manducaverint cibum istum *quà Spiritualem*, id est, non tantum ore corporis ad pascendum ventrem, sed etiam fide recipiendo, ut Christi *συναντιόν* & *σφραγισιόν*, quia hoc ad solos fideles pertinet, potuerunt tamen dici manducasse cibum illum, *qui spiritualis & sacramentalis* est, licèt talem ipsi non apprehenderent.

XVI. Ut vero certiùs capiamus, quare cibis iste spiritualis dicatur propter significationis mysterium, rationes propiùs sunt expendendæ. Non diffitendum in genere posse *Manna* conferri cum Dei *Verbo*, quod est animarum nostrarum, quamdiu in deserto mundi peregrinamur, pabulum cœleste, suavissimum, & saluberrimum, ut non semel sub eo symbolo Spiritus Sanctus illud nobis exhibet Ps. 19. 11. Joan. 4. 32. 34. Hebr. 5. 13. 14. cui nec porri aut cœpæ, & alia sapientiæ Ægyptiacæ, nec siliquæ traditionum humanarum unquam præferri debent, in quo longè veriùs impletur, quod de Manna dicit Syracides, quòd omni gustui se accommodet, quia unusquisque pro varietate statuum & casuum invenit, quo se sustentet, quod *Origenes* Homilia 7. in Exod. non malè explicat, *Si Verbum Dei, quod in Ecclesia predicatur, totà fide, totà devotione suscipias, fiet tibi ipsum Verbum quodcumque desideras, v. g. si tristis, consolatur te, dicens, cor contritum & humiliatum Deus non spernit: Si lataris pro spe futura, cumulat tibi gaudia, dicens, Latamini in gaudio, exultate justi, si iracundus es, mitigat te, dicens, desine ab ira & derelinque indignationem; sic ergo manna Verbi Dei reddit in ore suo saporem quemcumque volueris, hoc tamen si quis infideliter suscipiat & non comedat, vermes ex eo ebullient, & Dominus, qui in manna fidelibus dulcedo mellis est, infidelibus vermis efficitur.*

XVII. Sed certum est in specie peculiariter ad Christum respexisse, ejusque eximium symbolum fuisse, & quidem in hisce tribus potissimum. 1. in origine & causa. 2. in natura & proprietatibus. 3. in usus & effectis. I. Quoad originem. Nam è cœlo descen-

debat,

debat, & à Deo ex indebita gratia & liberalitate dabatur nullo labore, DISPUT. VIII.
 nullâ hominum industriâ nec ullo merito partum. Unde Moyses ait Israë-
 litis, *hic est panis ille, quem dat nobis Jehovah ad comedendum*, Exod. Ex. 16. 15.
 16. 15. Ita Christus è cœlo revera descendisse dicitur, tanquam Dei
 Patris donum, Joan. 3. 16. & 6. 33. plane gratuitum, nullo nostro la-
 bore vel merito acquisitum, ne quid hîc Pharisaicum & Papisticum
 somniemus, sed solâ Dei misericordiâ concessum. Man non naturali-
 ter, sed supernaturaliter & miraculosè cadebat. Ita Christus non vi
 naturæ, sed gratiæ per miraculum nobis à Deo datur, ut hîc sit revera
magnum pietatis Mysterium. Manna datum fuit cum rore cœli Exod.
 16. 14. & Christus rori confertur Hos. 14. 5. *Ero sicut ros*, inquit, Hos. 14. 5.
Israëli, qui arida nostra corda humectat, & adustos iræ Dei sensu re-
 creat & refocillat, unde Cant. 5. 1. dicit Sponsæ, *Aperi mibi soror* Cant. 5. 1.
mea, amica mea, columba mea, nam caput meum oppletum est rore,
capilli mei aspersi rosibus nocturnis. Denique Man, non in Ægypto,
 sed in deserto datum est, postquam ex durissima servitute, potenti Dei
 manu liberati, mare rubrum pertransiverunt. Ita Christus, quos ex Ægy-
 pto mundi liberavit, & sanguine suo redemit, lacte Verbi & pane Cor-
 poris alit, & potat.

XVIII. Secundò, Quoad naturam & qualitates, Manna fuit coloris
 albicantis, & gustus dulcissimi; Christus candidus dicitur à Sponsa Cant. Cant. 5. 9.
 5. 9. ob vitæ innocentiam, quia *sanctus est, innocens, separatus à pecca-*
toribus Heb. 7. 26. qui peccatum non noxit 2 Cor. 5. 21. in cujus ore
 dolus non fuit inventus 1. Pet. 2. 22. cujus bonitas & gratia suavissimi est
 gustus peccatoribus, *gustate & videte quàm bonus sit Jehovah* Psal. 34. 9. & Ps. 34. 9.
 Sponsa ideo cum malo assimilatur, cujus *fructus dulces palato suo esse as-*
ferit Cant. 2. 3. Et ut manna fuit præstantissimus & temperantissimus cor-
 poris cibus, quò sustentatus est populus in deserto; Ita Christus divinus
 est animæ cibus, verus panis Dei, panis vivificus, qui dat vitam Mundo,
 quò pascimur in deserto mundi, qui, quod gratis de manna perhibetur,
 perfectè in se exhibet, ut omnem saporem habeat, quia à Patre nobis fa-
 ctus est omnia, lux, cibus, vestis, medicamentum, omnia Col. 3. 11. Col. 3. 11.

XIX. Tertiò, Quoad usum & effecta, Man colligi debuit à populo ut
 eo cibaretur: Christus à fidelibus per fidem recipi debet, ut nos nutriat. Col-
 lectum æqualiter distribuebatur singulis, Christus cibus vitæ pro mensura
 fidei distribuitur Ephes. 4. 7. ita ut totus ex æquo ad omnes pertineat, tam ad
 pauperes quàm ad divites, parvos & magnos, mares & fœminas, servos & li-
 beros; *Nam in Christo nec Judæus, nec Græcus, nec servus, nec liber, nec mas,*
nec fœmina, sed Christus omnia in omnibus Col. 3. 11. Manna in cibum præ-
 parabatur trusione molæ, & coctione ad focum; Christus per afflictiones

DISPUT.
VIII.

consecratus est Heb. 2. 10. cruce & tribulatione attritus propter nostras iniquitates Esaïæ 53. 8. 12. ut fieret cibus salutaris animæ, Manna fastidiebant Israëlita, licet cibus esset dulcissimus: Ita Christum fastidiunt & rejiciunt homines carnales & profani, quibus videtur scandalum & stultitia 1. Cor. 1. 23. Manna debuit asservari in urnâ aureâ coram Arca in aditu Sanctuarii, ad perpetuam rei memoriam. Ita Christus in urna aurea cordis fidelis reponi debet, quod est Sacrarium Dei, ad tanti beneficii memoriam perpetuâ gratitudine recolendam.

Apoc. 2. 17.

XX. Eò pertinet quod Apocal. 2. 17. dicitur *de Manna abscondito*, quod Christus Victori se daturum pollicetur, ut illud opponat epulis Balaamitarum & Nicolaitarum, quibus ad idolothytorum esum Christianos alliciebant, & doceat ipsos ægrè ferre non debere, quod talia convivia Idololatriæ ipsis interdicat; cum longe lautius & salubrius Victoribus sit daturus, spirituale scilicet epulum gratiæ & gloriæ, & delicias immortales Paradisi in sui communione, quæ quovis convivio lautissimo longè præstant. Alludit autem ad ea quæ Victoribus dabantur. Certum enim *Hieronicas* seu Victores in quatuor Græciæ certaminibus solennibus, variis affectos fuisse præmiis. Inter alia dabatur illis *ποσέδξα* in Agonibus, & vacatio, & victus è publico, ut Athenis de Rep. bene meritis in Prytaneo, quod inde nomen habebat, quia ibi annonæ publicæ asservabatur in granariis abscondita q. d. *πυρὸς ταμείον*. Et Hellenodicæ candido calculo suffragabantur, & victores pronuntiabant. Promittit ergo Agonotheta cœlestis vincentibus Nicolaitarum illecebras, pro eo quod idolothyta spreverint, non *mazam* in Prytaneo, sed *manna cœleste*, non repositum in Arca fœderis, sed absconditum penes Deum, ubi corrumpi nequit. Se ergo cum beneficiis suis vocat *manna absconditum*, respiciendo ad manna, quod in urna aurea reponi debuit, ut asservaretur in Sacratio coram Jehova, idque quadrifariam. 1. *in Verbo*, quia *Christus absconditus est naturaliter hominibus*, qui ad ejus notitiam pervenire nequeunt sine revelatione, *homo enim ani-*

1. Cor. 2. 14. *malis non capit ea quæ sunt Dei* 1. Cor. 2. 14. & *caro & sanguis non revelat no-*

Mat. 16. 17. *bis* Christi mysterium, sed solus Pater cœlestis Matth. 16. 17. & 11. 25. 26.

Rom. 16. 26. & 13. 11. quod ideo dicitur *absconditum mysterium gentibus* Rom. 16. 26.

quia continet res *quas oculus non vidit, nec auris audivit, & quæ in cor homi-*

1. Cor. 2. 9. *nis non ascenderunt* 1. Cor. 2. 9. Rursus *absconditus* dicitur respectu reprobo-

Mat. 11. 26. *rum*, quibus non datum est nosse mysteria regni Cœlorum Matth. 11. 26. &

Eccl. 13. 11. 13. 11. & quibus Euangelium testum est 2. Cor. 4. 3. Absconditus denique

2. Cor. 4. 3. *ipsis fidelibus*, qui nunquam perfecte eum cognoscere in hac vita possunt, sed

sub velo tantum & in ænigmate intuentur 1. Cor. 13. 12. quia per fidem,

non per aspectum ambulant 2. Cor. 5. 7. 2. *in Sacramentis*, quia ibi Christus occultatur sub symbolis externis, non physicè, sed moraliter, & se offert

non

non sensibus, sed menti, per fidem apprehendendum. 3. *in corde*, quia Christus habitat in cordibus nostris per fidem Ephes. 3. 17. ubi non videtur ab aliis, sed sentitur ab anima fidei per solatium incredibile, quod perfunditur, & per novum illud nomen filii Dei, quod nos insignit, quod nemo novit, nisi qui recepit Apoc. 2. 17. 4. *in cælo*, quia Christus in cælum receptus oculis nostris subductus est, & veluti absconditus manet in Sacratio Dei, donec ultimo die per novissimum adventum reveletur: hinc *vita nostra dicitur esse abscondita cum Christo in Deo*, Col. 3. 3.

DISPUT.
VIII.
Ephes. 3. 17.

Apoc. 2. 17.

Col. 3. 3.

XXI. Qualiscunque verò sit Mannæ cum Christo similitudo; Certum est tamen, ut veritas & corpus longè perfectius est ipsâ figurâ, maximum intercedere, etiam in his tribus inter utrumque discrimen. Nam si *Origo* attenditur, Manna è cælo quidem, sed infimo & aëreo tantum descendebat: Sed Christus è cælo Empyreo & supremo, non descensu reali per mutationem loci, sed æconomico & morali, per carnis nostræ assumptionem. Unde Christus Jo. 6. 32. *Moses non dedit vobis panem è cælo, sed Pater meus dat vobis verum panem è cælo*, non è nubibus tantum, sed è sinu Patris. Manna obtinuerunt Israëlita à Deo, ministerio Angelorum, & Mosis precibus: Sed Christus nobis datur, immediatè & unicè à Deo, Joan. 6. 32. unde κατ' ἐξοχὴν vocatur panis Dei. 2. *quoad naturam*, Manna fuit cibus materialis & corporeus quoad substantiam, licet esset spiritualis quoad significationem; vitæ terrenæ & corporeæ sustentandæ primò destinatus: Sed Christus est cibus non corporis sed animi, quod in spem vitæ æternæ alimur, non premendo ore, sed credendo corde, panis non tantum vivus, sed & vivificus, qui non modò nutrit viventes, sed etiam vivificat mortuos, non tantum alit sanos, sed sanat ægròs, non ad tempus, sed in æternum, qui non convertitur in nostram substantiam, sed qui convertit nos & mutat in suam, panis non tantum Dei, sed & ipse Deus. 3. *quoad effectum*, Manna corpoream vitam sustentabat, sed ad tempus tantum, nec à morte servabat: Sed cibus hic non tantum vitam sustentat, sed amissam reddit, & datam conservat in æternum, non corpoream & terrenam, sed divinam & immortalem, quod Christus notat Joan. 6. 49. 50. 51. *Patres vestri manducârunt manna in deserto & mortui sunt, hic est panis qui de cælo descendit, ut si quis ex eo comedit non moriatur.*

Joan. 6. 49.
50. 51.

XXII. Unde facilè colligitur non sine ratione Manna ab Apostolo cibum spiritualem fuisse dictum propter significationis mysterium. An autem quemadmodum Christi fuit symbolum, etiam figura Eucharistiæ fuerit, inter Nos & Pontificios quæritur. Et illi quidem hoc pertendunt, eam esse differentiam statuentes inter manna, quod Corporis Christi figura fuit, & panem Eucharisticum, quod Manna significaverit tantum & repræsentaverit Corpus

DISPUT.
VIII.

Christi; Eucharistia verò sit ipsum Corpus Christi, in quod substantia panis conversa est, ut *Bellar.* lib. 1. de Euch. c. 3. notat. Nos verò figuras quidem similes & sibi invicem respondentes, eandemque rem significantes & repræsentantes fuisse non negamus, & hætenus conferri ab Apostolo, non ut figuras cum figurato, sed ut sacramentum alteri simile, & analogum. Sed negamus manna posse dici figuram Eucharistiæ, quæ ideo sit à Deo instituta, ut eam significaret, quia ut præcedenti Disputatione jam monuimus, absurdum est dari figuram figuræ, cum illa rei internæ & spiritualis imaginem gerere debeat, non verò externæ & materialis, quæ in sensu incurrit. Nam quod Adversarii volunt, Eucharistiam esse ipsissimum Christi Corpus, in quod panis substantia conversa est, *ἁπλῶς* est *ψεύδος*, quod nec probare potuerunt hætenus, nec in æternum probaturi sunt.

XXIII. Frustrà *Bellarminus* excipit l. c. quod nisi hæc statuatur differentia inter Manna, & Eucharistiam, quod Manna fuit figura tantum, Eucharistia autem res ipsa, non plus veritatis significatæ habebimus, quàm ipsi Judæi, imo longe minus, quia Manna longe clarius repræsentabat Christi Corpus, quam aridus panis, & multo præstantius erat, utpote quod plueret à cælo, & fieret manibus Angelorum, panis verò noster è furno exeat, & fiat manibus hominum. *æ.* Sed gratis hoc dicitur, quia Sacramenta non sunt spectanda *materialiter*, & quoad *substantiam*, sed *formaliter* quoad *institutionem*, ex qua eorum præstantia vel significationis evidentia pendet; Cum autem verbum institutionis in Eucharistia longè sit clarius institutione Mannæ, patet Eucharistiam quoad modum recipiendi fuisse præstantiorem, licet quoad rem significatam eadem veritas utrobique fuerit, Christus scil. cum suis beneficiis. Præstantia ergo Sacramentorum Novi Testamenti supra Vetera, non intelligenda est ratione *rei ipsius significatæ*, quod illa rem ipsam in se contineat; hæc autem tantum significaverint, utraque enim sunt signa significantia & obsignantia gratiam Christi; sed ratione *modi significationis*, quia *efficacius* rem repræsentant, non tantum ut futuram, sed ut factam & impletam, *diutius*, quia manere debent usque ad finem seculi, *latius*, quia ad omnes populos indiscriminatim pertinent.

XXIV. Hisce ita discussis superest videndum, quo sensu dicat Apostolus, Israëlitas omnes eundem cibum spiritualem manducasse, An scilicet loquatur de Israëlitis inter se, An de iisdem nobiscum. Pontificii quidem Transubstantiationis figmento patrocinatori, cum *Socino* hoc ad Israëlitas referunt, ut dicantur eandem escam spiritualem comedissee *inter se*, quia omnes indiscriminatim, tam boni, quàm mali, eâ usi sunt, ad quos etiam accedunt *Lutherani* Consubstantiationis sententiam confirmaturi. Sed utrique aberrant à scopo Apostoli, qui non est tantum identitatem istorum Sacramento-

rum inter Israëlitas asserere, sed præcipuè *cum Christianis*, ut ostendat Sacramentorum nostrorum usurpationem nobis non profuturam, citra fidei & sanctitatis studium, cum similia habuerint in deserto Israëlita, quæ non obstitit quominus suæ rebellionis & idololatriæ pœnas Deo penderet; Nam qui paria à Deo acceperunt beneficia, si pariter peccent, pariter puniuntur; At Patres nobiscum paria à Deo gratiæ signa acceperunt; Ergo pariter peccantes pariter puniemur; quæ vis argumentationis Paulinæ periret omnino, si non intelligeretur idem cibus & potus nobiscum, sed tantum inter se. Deinde quorsum Apostolus mentionem fecisset baptismi Patribus iadulti, si eos quoad Sacramenta nobis æquare non voluit? Sed quod Apostolus addit sub finem versûs, omnem difficultatem tollit, quum addit, *Patres bibisse de Petraspirituali, quæ eos sequebatur, Petram autem istam fuisse Christum*. Quomodo enim potest vocari Christus illa Petra, si non eundem potum habuerunt nobiscum, qui Christo participamus? Hoc vidit Aug. loco citato, tract. 26. in Joh. quem sequitur *Bertramus* lib. de Corpore & Sanguine Christi, eandem escam spiritualement bibisse Patres Paulus asseverat, quæris fortasse quam eandem? nimirum ipsam eandem, quam hodie populus Credentium manducat & bibit, non enim diversa licet intelligi, cum unus idemque Christus sit, qui & populum in deserto, in nube & in mari baptisatum sua Carne pavit, suo Sanguine tunc potavit, & in Ecclesia verè Credentium populum sui Corporis pane, Sanguinis undâ pascit & potat.

XXV. Nec juvat hic excipere; Vel Paulum debuisse adicere particulam *nobiscum*, si ea fuisset ejus mens, Quia satis ex ἀλλοτρίῃ sermonis colligitur, ut jamjam dictum. Vel nos non posse dici comedisse manna; Quia licet non comederimus illud *physicè & materialiter*, possumus tamen dici manducare *moraliter & sacramentaliter*, quoties S. Cœnæ communicamus, quia Eucharistia & Manna in eo conveniunt, quod sint Christus sacramentaliter. Vel quod increduli non possint dici manducasse escam spiritualement nobiscum, quia Christi non potuerunt fieri participes. Quia, ut supra jam dictum, manna comedendo, cibum, qui spiritualis erat ex ordine Dei, & qui Christum adumbrabat, bene dicebantur manducare. Vel quod dicantur *typi nostri fuisse*: Nam eo ipso, quo typi nostri fuerunt, nobiscum comparari debuerunt, typi enim & antitypi comparatè se habent, & sunt ἐκ τῶν πρὸς τί.

XXVI. Hinc vero sponte fluunt tria gravissimi momenti Porismata. Primum, Pro *Manducatione spirituali Christi*, adversus oralis & carnalis manducationis Christi commentum. Nam cum idem Christus omnibus fidelibus, tam Veteris quam N. T. proponatur manducandus, eadem debet esse κοινωνία & manducationis apud utrosque ratio. At constat manducationem oralem locum non potuisse habere sub Veteris

DISPUT. Testamento, quo nondum fuit incarnatus Christus, sed tantum spiritua-
VIII. lem per fidem, quo sensu dicuntur edisse escam spiritualement, & bibisse de Petra spirituali, quæ eos sequebatur. Ergo non alia nunc nobis est urgenda, quia sola salutaris est & necessaria. Si enim Patres manducando Christum spiritualiter per fidem, salutis facti sunt compotes, quidni eâ contenti essemus, aliâ missâ & rejectâ, quæ & Scripturæ, & rationi, & analogiæ fidei, & Christi ipsius dignitati repugnat, & innumeris absurditatibus urgetur?

XXVII. Alterum de *Identitate Fœderis gratiæ*, tam in Veteri quàm in Novo Testamento; Cùm enim Sacramenta sint sigilla fœderis, ex identitate eorum, identitatem fœderis bene colligi nemo negare potest. Jam eadem fuisse Sacramenta Patribus nobiscum Paulus clarissimè testatur, si non signis, saltem quoad significationis mysterium, *in signis diversis, eadem fides est*, inquit Augult. tr. 46. in Joann. *In signis diversa, sed in re, quæ significatur, paria, diversa specie visibili, paria virtute spiriuali*, tr. 26. discrepantia fuit in signis quæ illi habuerunt, & in modo significandi, quatenus illa Christum venturum, nostra verò Christum exhibitum significant; illa obscurius, ista clariùs & efficacius fidem nostram confirmant, & salutem obsequant. Interim & illa & ista eandem rem significatam respexerunt, nimirum Christum qui idem fuit heri, hodie, & in sæcula Heb. 13. 8. Et ut noshodie in Cœna per fidem Christum sub symbolo panis & vini recipimus, & participes fimus Corporis & Sanguinis ejus 1. Cor. 10. 16. Ita fideles olim in Manna Christo vescabantur ad salutem, & cum ipso Sacramento visibili, rem & virtutem Sacramenti percipiebant, Christi scilicet justitiâ & merito cibabantur.

XXVIII. Tertium De *Cognitione Christi sub. Vet. Testamento*; Nam si Patres ad communionem Christi vocati sunt, necesse est, ut ejus notitiâ & fide priùs fuerint imbuti, cùm ignoti nulla sit cupido, nec frui possimus eo quem non novimus: Et hoc ex eo certius adhuc colligitur, quòd ipsa Christi manducatio quæ hic proponitur, tota per fidem fieri debeat, quæ practicam Christi notitiam, & intimam ejus apprehensionem necessariò postulat. Unde patet quantum discedant à veritate, & quàm perniciosè errent, qui sub Veteri Test. Personæ Christi divinæ notitiam non extitisse pertendunt, nec *γνωρίσματα*, quæ cognitionem Christi pro peccatis morituri ingenerarent, ut licet Veteres sine Christo servati non sint, potuerint tamen sine ejus cognitione salutem consequi. Nec difficile foret, si id nunc ageremus, impium istum errorem variis rationibus confundere. Nam si Christus ignotus fuit Patribus, quomodo Abraham dicitur gestivisse diem ejus videre, eumque *Joan. 8. 56.* vidisse & gravissus esse Jo. 8. 56? Vel Moses prætulisse narratur opprobrium *Heb. 11. 26.* Christi gazis Ægyptiacis Heb. 11. 26? Vel *Patres in fide mortui* memorantur

ab Apostolo Heb. 11. quæ non aliud potest habere fundamentum, quàm **DISPUT.**
Christum ut sit salutaris? Vel Israëlitarum possunt dici edisse & bibisse Chri- **VIII.**
stum in deserto, dum edebant & bibebant cibum & potum spiritualem, qui
eum significabat?

XXIX. Rursus, Si ignotus fuit Christus sub Veteri Testamento; Vel
inde fit, quòd nihil de eo Patribus revelatum fuerit, Vel quòd revelationem
sibi factam nullo modo intellexerint. Prius dici non potest, cum infinita ex-
tent in Veteri Testamento testimonia de Persona Christi *Θεωδωγίας*, de
ejus Naturis, Officiis, & Beneficiis, de duplici statu, humiliationis & exal-
tationis, passionis & gloriæ. Aliàs nec Christus, nec Apostoli potuissent
probare mysteria Evangelica ex Mose & Prophetis, quod tamen passim ab
ipsis factum legimus Luc. 24. 26. 27. 44. Joan. 5. 39. 45. Act. 18. 18. & 26.
22. 23. 1. Pet. 1. 11. Heb. 10. 5. 6. 7. & alibi in Novo Testamento: Cujus **1. Pet. 1. 11.**
omnis autoritas perit, si quæ in illo ex Vet. Test. proferuntur ad probandam
Divinitatem Messiae, & ejus Satisfactionem, frustra & falsò allegantur. Non
etiam posterius, quia sequeretur inde, omnem illam revelationem illis peni-
tus inutilem fuisse, & frustra Christum amandasse Judæos ad Scripturas le-
gendas & scrutandas; Quid enim opus fuit talia ipsis mysteria revelari, si hæc
ad ipsos non pertinebant? Quid opus fuit sanctis Dei Viris scdulo inquisi-
visse in tempus rerum futurarum, quæ nullo modo ad se pertinerent? An non
singulorum piorum Veteris Testamenti erat inquirere in rationem salutis
obtinendæ & declinandæ pœnæ æternæ? Nec hîc dicendum ex Petro capite
1. 1. v. 11. ea ipsos administrasse *non sibi, sed nobis*: Quia notum est Petrum **1. Pet. 1. 11.**
non loqui de *cognitione* rerum revelatarum, quasi ad eos non spectârit, sed
de earum *complemento & executione*, quo temporis articulo scilicet Spiritus
Propheticus Christi, qui in ipsis erat, declararet eventuras Christo perpes-
siones & gloriam illas consequuturam: Non ergo inquisiverunt in rem ipsam
ceu dubiam & incertam, nimirum salutem hominibus obventuram per
Christi perpeffiones & gloriam, sed tantum in tempus quò Christus erat pas-
surus & glorificandus; Sed hoc tantum abest, ut ipsis deneget cognitionem
aliquam rerum istarum revelatarum, ut necessario illam supponat, saltem
quoad substantiam, licet non quoad gradum & circumstantias, quæ nobis
clarè patefiunt: reservabatur quidem earum exhibitio in sæcula longè dissi-
ta: fructus tamen inde secuturi & quæ ad ipsos, ac ad nos, pertinebant.

XXX. Hoc verò ulterius ex eo invictè colligitur. Quòd si
Christus Patribus cognitus non fuit, nec Justificatio nec salus po-
tuit illis obtingere, quia utraque sine cognitione Christi haberi ne-
quit, *Justificabit multos*, inquit Isai. 53. 11. *sui notitia*, & Christus **Is. 53. 11.**
manifestis verbis Joan. 17. 3. *Vitam æternam in cognitione Dei Pa-* **Joan. 17. 3.**
tris & Jesu Christi, quem misi, positam esse asserit: Nec quisquam

DISPUT.
VIII.

sanæ mentis crudum effatum illorum admiserit, qui volunt fideles potuisse per Christum servari, etiamsi cognitus non fuerit; Quasi salus possit obtineri sine fide, vel fides possit dari sine objecti cognitione, atque ita melius per *ignorantiam*, quàm per *notitiam* definiatur, quod est figmentum Pontificiorum. Nec hîc ad infantium exemplum recurrendum, quibus applicatur meritum & fructus mortis Christi ad eorum salutem æternam, absque ullo suo actu personali, vel notitiæ vel fidei. Quia nemo non videt, longum latumque discrimen esse inter infantes, qui per ætatem actum fidei non possunt exerere, & adultos, à quibus fides actualis ad salutem obtinendam exigitur. Ut ergo *Christus idem est heri, hodie, & in secula* Heb. 13. 8. Ita nec aliter Servator, nec aliter servat hodie quàm heri, Hinc ut *hodie* sub Novo Testamento adultus nemo servatur absque omni notitia & fide Christi: Ita *heri* sub Veteri Testamento aliqua fides & notitia Christi semper fuit necessaria ad salutem, obscurior quidem & tenuior quoad *gradus*, præ fide Novi Testamenti, juxta mensuram revelationis & naturam illius œconomix; Sed quæ eadem esset cum nostra quoad substantiam, & quæ sufficeret ad obtinendam justificationem & salutem Patribus.

XXXI. Perperam hîc objicitur, *Veterem œconomiam mille typis & velis fuisse testam*; Unde non mirum esse, si Patres ad mysteria Novi Testamenti penetrare non potuerint. Quia qualiscunque fuerit obscuritas illius dispensationis, non definebant tamen sub illis velis & typis radii veritatum Evangelicarum micare, & oculo fidei piorum sese ingerere ad eorum solatium, aliàs Deus populum suum inanibus umbris, quarum Christus corpus non fuerit, ludificatus esset, & nuspiam docuisset illis typis mysticam inesse significationem rerum spiritualium & cœlestium: Cum contrà certum sit Deum non uno loco testari, circumcisionem cordis significari circumcisione carnis, & hanc absque illa fore inutilem: Et in Sacrificiis non tam spectandum quid essent, quàm quid significarent, absque quo non modò ingrata, sed & exosa sibi esse. Et sanè cum typi & signa in suo formali sint relata, & involvant respectum aliquem ad rem signatam, non *velandi* tantum, sed & *revelandi* suo modo usum habere debuerunt. Nec ita carnalia erant & materialia quæ proponebantur, quin pii per ista αἰσθητὰ & sensibilia ad τὰ νοητὰ intelligibilia & spiritualia ascenderent: alioqui fieri non potuisset, quin crassissimè errassent, v. g. si de Sacrificiis ageretur, cum non possent sine piaculo credere, Dei justitiam placari posse brutorum sanguine, eo ipso debuerunt altius assurgere & respicere ad aliquod aliud sacrificium longè præstantius, quò peccata omnia expiarentur, ad Christum scilicet, qui animam suam esset positurus in sacrificium pro reatu, Is. 53. 10. Psal. 40. 5. 6. & cujus excisione obsignanda erat visio & prophetia, expiandum peccatum, & justitia seculorum adducenda

adducenda Dan. 9. 24. 25. Ita pii qui cibo & potu isto spiritali, qui à DISPUT.
Deo suppeditabatur in deserto, utebantur, non potuissent Christo spiri- VIII.
tualiter in eo vesci, quod de illis Apostolus testatur, nisi ulterius ad my-
sterium hoc symbolo adumbratum respexissent. Unde invictè concludi-
tur, Christum jam olim adumbratum & promissum in Oraculis & typis,
à fidelibus cognitum, & per fidem receptum fuisse.

F I N I S.

DISPUTATIO THEOLOGICA

DISPUT.
IX.


D E

PETRA CHRISTO.

Ex I. CORINT. 10. 4.

ἡ δὲ Πέτρα ἣν ὁ Χριστός.

Respondente PAULO CHRISTIANO HEILMANNO
Longo-Dibacensi.

I. UM in tota peregrinationis Populi Israëliti-
ci per desertum, historiâ, vix quicquam illustrius & mirabilius occurrat, ni-
hil sane sit *μυσικώτερον*, & quod Christum, salutariaque
ejus beneficia significantius adumbret, insigni Petræ, &
aquarum ex ea fluentium, quibus Deus Israëlitas potavit, Miraculô. Non
parum confert ad institutionem & solatium fidelium, accurata ejus dis-
quisitio. Quam ut facilius possimus exequi; Duobus Capitibus Dispu-
tationem nostram absolvemus. Primum dabit enarrationem historiæ
quoad literam. Alterum Mysterii sub ea latentis expositionem.

II. Verba Pauli extant cap. 10. 1. ad Cor. 10. 4. *καὶ πάντες τὸ αὐτὸ πό- I. Cor. 10. 4.*
μα πνευματικὸν ἔπιον, ἔπιον γὰρ ἐκ πνευματικῆς ἀπολαύσεως Πέτρας, ἡ δὲ
πέτρα ἡ ὁ Χριστός. Et omnes eundem potum spiritualem biberunt, bibeant
enim ex Petra spiritali eos sequente; Petra autem erat Christus. Scopus

DISPUT. IX. Apostoli, ut alibi à nobis ostensum, non alius est, quàm identitatem Sacramentorum Veterum cum nostris, si non quoad signum, at quoad rem significatam ostendere; Ne Corinthii prætextu Sacramentorum præstantiorum impunitatem sibi pollicerentur in peccatis suis, idololatria imprimis, à qua vult eos avertere. Ideo ostendit, Patres hac in parte nobis non inferiores fuisse, sed eadem nobiscum, aut illis analogæ Sacramenta habuisse, quæ Baptismo, & S. Cœnæ responderent. Et Baptismi quidem similitudinem probat in Columna Nubis, & Maris transitu. Cœnæ verò, respectu duorum ejus symbolorum, tum *Panis* in *Manna*, tum *Potus* in *Petra*, & aquis ex ea scaturientibus; De qua jam disputamus.

III. Clarum est respicere Apostolum ad historiam, quæ refertur Exod. 17. 3. ubi narrat Moses Populum, vix sedatâ propter cibi penuriam seditione, de qua c. præced. rursus occasionem murmurandi contra Mosem & cum ipso rixandi sumpsisse ex defectu aquarum, v. 3. *Quare nos eduxisti ex Ægypto, ut unâ cum liberis & pecoribus siti periremus?* Deum verò ut motum illum componeret, & populi, licet ingrati & rebellis, necessitati succurreret, jussisse Mosem virgâ suâ Rupem & Petram certam in Horeb percutere, ex qua aquæ affatim ad sedandam populi sitim effluxuræ essent. Quò factò tantam exiliisse statim aquarum copiam, quæ non solum abundè suffecerit levandæ siti præsentis ipsorum, sed & in futurum, aquis illis populum per desertum sequentibus & comitantibus. Quò respiciens Psalter Ps. 78. 15. dicit, *Deum rupisse petras in deserto, & potum eis dedisse in voraginibus magnis. Eduxisse rivos e petra, & descendere fecisse tanquam flumina per aquas.* Et Ps. 105. 41. *Aperuit petram, inquit, & inde fluxerunt aquæ, fluentia currerunt per loca arida.* Et Ps. 114. *Mutavit rupem in stagnum aquarum, & saxum adamantinum in fontem aquarum.* Nec aliò pertinent, quæ toties apud Isaiam, & alios Prophetas dicuntur de aquis scaturientibus in deserto, ut Is. 41. 18. & 44. 3.

IV. Quia verò bis mentio occurrit Petræ percussæ à Mose, non modò Exod. 17. sed & Num. 20. Quæritur, An eadem sit historia? An duæ? Quidam idem esse miraculum censent bis memoratum à Mose, brevius in Exodo, fusius vero in Numeris; quia idem videtur esse locus deserti *Sin*, cui idem nomen *Massa* & *Meriba* impositum sit. Nec verisimile sit duo loca à murmure populi ita fuisse denominata, vel populum bis in idem peccatum incidisse. Verùm alii rectius arbitrantur, similem quidem, sed non eandem describi historiam. Licet enim utrobique murmuraverit populus præ siti, & dederit Deus aquam ex Petra, si circumstantiæ locorum, temporum, & personarum attendantur, facile patet inter se discrepare. 1. Loca sunt diversa, nam prior contigit in Rephidim, in ea scilicet deserti *Sin* parte, quæ contermina erat Ægypto; At posterior in Cadesbarne, quæ vicina erat regio Palestinæ meridiem versus, locus ille vocatur deser-

desertum סין Sin, sed iste cum Tsade צי. In illo mansio fuit populi undeci-
ma; sed in isto trigesima tertia. 2. Tempus etiam variat, nam prima mur-
muratio contigit paulò post exitum ex Ægypto, sed ultima sub finem pere-
grinationis, & instante jam anno quadagesimo, & post mortem Mariæ.
3. In illa nulla fit mentio incredulitatis Moïsis & Aaronis, in ista notatur.
4. Petra in monte Horeb percussâ vocatur צור, hæc vocatur מלע. 5. Ibi mi-
raculum patraturus Moïses jubetur ipse secum sumere aliquot è Senioribus
Israëlis; Hic jubetur Moïses & Aaron congregare totum cœtum filiorum
Israëlis ad Petram; Illic jubetur Moïses Petram percutere; Hic verò eam
alloqui. Illic Petra semel tantum fuit percussâ, Hic bis. Illic locus dictus
est Massa & Meriba, Hic verò tantum מַיִם מִבְּרֵיחַ *aqua jurgii*.

V. Si quærat porro, ad quam historiam respiciat Paulus? Responderi
quidem potest non incommode, ad utramque respexisse, cum utraque ty-
pus fuerit istius mysterii. Sed præsertim ad primam mentem intendisse col-
ligi potest, tum ex pœna, quæ murmurationem istam secuta dicitur v. se-
quenti, & aliam antecessit, tum ex eo, quod Petra dicitur eos secuta, quod
appositè congruit aquis in itinere per desertum populum comitantibus.

VI. Quæritur porro, Quænam fuerit Petra illa, ex qua biberunt? &
quare *spiritualis* dicatur? Quidam volunt sic designari κατὰ τὸ ἑρπὸν, &
proprie, Petram mysticam, nimirum *Christum* ipsum, unde salutem hau-
riunt omnes Credentes, qui per divinitatem tunc ipsis aderat, & nusquam
aberat, quique in toto itinere varia beneficia præstando eos comitabatur.
Vel Deum ipsum, qui Petra & Rupes sæpe dicitur in Scriptura, cujus be-
neficio hunc potum consecuti sunt, ut præpositio ἐκ, non causam materia-
lem noter, sed efficientem, ut alibi non semel; Sic ἐκ Πέτρας, id est à *Pe-
tra*, vel Deo, vel Christo eorum ductore in deserto, & aquæ istius authore.
Sed minus apposite hoc dicitur, quia sic petra præcedens potius diceretur,
quàm sequens, siquidem Christus præibat ut dux, non sequebatur ut co-
mes Num. 9. 17. Deinde sic omnes verâ fide Christi fuissent facti participes,
cùm omnes ex Petra ista biberint, quod dici nequit; Siquidem Deus in va-
riis dicitur non complacuisse. Multo rectius ergo per Petram intelligitur
Rupes materialis Deserti Horeb, quæ aquas fudit percussâ virgâ Moïsis, ex
qua populus dicitur bibisse, quia bibit ex fluentis ex ea exilientibus, quo-
modo bibere quis dicitur è dolio, ex quo vinum depromitur, metonymiâ
causæ efficientis, vel subjecti. *Spiritualis* autem dicitur, non naturâ, vel
usu, sed *significatione*, ut antea *cibus* & *potus*, quia symbolum erat Christi
veræ rupis, ex qua fluxerunt aquæ salutares gratiæ.

VII. Petra autem dicitur ἀκολουθεῖν, *sequens*, non quod saxum ipsum
loco motum eos sequutum sit, quod absurde quidam finxerunt Rabbini. Sed,
vel quia obsequebatur Israëlitarum desiderio, potum illis subministrando,

DISPUT. ut vult Photius, vel quia comitabatur eos peregrinantes in deserto, non
 IX. quidem per se, sed in effectis, rivis scilicet ex petra manantibus. Et eò
 Ps. 78. 15. pertinet quod dicitur Psal. 78. 15. *Rupit petras in deserto, & potum dedit
 eis quasi ex abyssis magnis, & eduxit fluentia de Petra, & descendere fe-
 cit aquas tanquam flumina, & percussit Petram, & aqua fluxerunt, &
 torrentes inundaverunt.* Uude Abarbanel, *Nullum est dubium, quin tanta
 copia aqua eruperint, ut inde derivata fuerint flumina, & torrentes a-
 quarum &c.* Ita recte dicitur Petra eos secuta, quia rivi aquarum fluen-
 tium è rupe eos insequabantur, & in stagna fuerunt collecti, ubicun-
 que sunt castrametati. Unde toties Prophetæ, loquentes de effusione Spi-
 ritûs S. & gratiarum ejus sub aquarum symbolo, dicunt Deum daturum
 If. 35. 6. *stagna aquarum in eremo* eò alludentes If. 35. 6. & 44. 3. Licet autem rivi
 & 44. 3. isti ex Petra manantes secuti eos fuerint, nonnunquam Deus passus est
 eos exsiccari, sive ad castigandam ingratitude populi, sive ad exer-
 cendam ejus fidem, & locum dandum novo miraculo, quod facere de-
 creverat, prius beneficium ad tempus substractum, renovando.

VIII. Porro quia in posteriori miraculo mentio fit peccati Moïsi &
 Aaronis v. 12. propter quod exclusi sunt ab ingressu Canaan, Quæri
 potest, quodnam illud fuerit, cum de eo pauca tradat Spiritus S. & ta-
 lis ac tanta pœna infligi non potuerit, nisi magnam aliquam ob causam?
 Quæstio hæc non parum exercuit Interpretum ingenia, tam Hebræorum,
 quàm Christianorum, qui in varias sententias divisi fuerunt. Quidam
 ex recentioribus volunt, Mosem prorsus non peccasse, & si quæ Scri-
 pturæ loca extent, quæ videantur docere illum peccasse, alia vicissim
 esse, quæ doceant illum non propter peccatum suum punitum esse ut
 Deut. 3. 26. *Deut. 3. 26. Iratus autem fuerat Dominus contra me propter vos, & Psal.*
 Ps. 106. 32. *106. 32. Irritaverant etiam eum juxta aquas Meriba, & malum fuit ipsi
 Moïsi propter eos.* Et si peccatum ipsi tribuitur, quando dicitur *Rebellâ-
 stis, pravaricati estis, non credidistis, non me sanctificastis*, id simile
 esse ei quod dicitur Jos. 7. 1. de peccato Achanis, quod toti genti tribui-
 tur, licet illius solius fuerit, *Et pravaricati sunt filii Israël pravaricatio-
 nem in anathemate.* Sed Textus ipse sacer repugnat, qui toties & tam ex-
 presse peccatum hoc Moïsi & Aaroni tribuit in particulari, distincte à po-
 pulo, Num. 20. 12. *Non credidistis mihi ad me sanctificandum coram populo,*
 Num. 20. 12. Sic c. 27. 14. dicuntur *rebellasse*, & Deut. 32. 51. & Psal. 106. 33. *Exacer-
 bârunt spiritum Moïsi, ideo distinxit labiis suis*, id. dubius omnino
 hæsitavit per diffidentiam, vel loquutus est in exacerbatione sua, id. pa-
 rum convenienter officio suo. Quamvis vero occasio pœnæ Moïsi fuerit
 contentio populi, ex qua dicitur Deus iratus fuisse Moïsi propter ipsum;
 hoc non obstat quominus propter proprium peccatum punitus fuerit.

IX. Non meliùs alii, ut *Abarbanel*, pertendunt quidem Mosè & Aaronem punitos fuisse propter peccata sua, sed Aaronem quidem ob peccatum vituli, Mosè verò propter negotium exploratorum terræ Canaan, quia Mosès illos emittendo, de suo addidit, quæ nec Israëlita petierant, nec Deus mandaverat, *Ut considerarent populum, qui in terra habitabat, utrum fortis esset: an debilis, paucus an multus, & quales urbes in quibus habitabant* &c. Num. 13. 3. 19. 20. Quia hoc est apertè obloqui Spiritui Sancto, Num. 13. 3. 19. 20. qui quoties agitur de ista pœna, peccatum Mosè & Aaronis expressè refert ad aquas jurgii, ut innuat commissum esse hæc occasione, non aliâ quavis Num. 20. 12. & 27. Deut. 1. 37. & 3. 26. & 32. 51. Alii minùs rectè peccatum in eo collocant, vel quòd percusserint Petram, non verò tantùm ad eam loquuti sint, ut jussèrat Dominus; Quia non aliâ de causa dixerat Mosi, accipe virgam, nisi ut alloquendo percuteret. Vel quòd non ex se ipsis, & sponte edixerint Petræ, ut daret aquas suas. Nam cùm hoc ipsum ex mandato Dei fecerint, quomodo illis imputaretur in peccatum? Imò peccassent graviter, si hoc citra mandatum tentassent.

X. Rectiùs ergo peccatum hoc refertur ad *incredulitatem & dissidentiam*, quam animo conceptam, exteriùs signo aliquo, vel vultu, vel gestu, aut sermone prodiderint. Non quòd tam dubitârint de potentiâ divinâ, quàm de voluntate & affectu. An Deus vellet tam rebelli populo aquas dare; Cùm tamen Deus certò & absolutè, non conditionatè hoc promississet. Dissidentia verò ista indicatur tum dictis, tum factis, *dictis* quidem, quum ait v. 10. *Audite ô rebelles, Num de Petra hac educemus vobis aquam?* quæ verba sunt dubitantis, cum absolutè & simpliciter dicere debuisset, *Petra, da aquas.* Ideo Ps. 106. 34. dicitur *distinxisse labiis suis*, Ef. 106. 34. id est, aliter protulisse verba Dei, quàm proferenda erant, dubitando de eo, quod securè asseri debuit tanquam à Deo promissum. Deinde *factis* in iterata Petræ percussione, quod hæsitacionem Mosè testabatur, & forrè Deus ad fidem eorum explorandam non statim aquas dederat ad primam percussionem. Quicquid sit, certum est Mosè gloriam Deo non dedisse, non modò linguâ & opere, sed præcipuè corde, in quo latentem incredulitatem Deum respexisse dubitari nequit. Atque ita dicuntur non *sanctificasse* Dominum coram filiis Israël, id. populo dedisse causam dubitandi de ejus potentia & veritate; cum revocando illi in memoriâ præterita miracula debuissent potius eos confirmare in fide tanti miraculi. Licèt autem Aaron nihil hæc dixisse, vel fecisse perhibeatur, in peccati consortium tamen venit cum fratre, quia tacuit, nec ipsum peccantem erexit & redarguit.

XI. Sed ut ad mysterium pergamus, quod præcipuè hæc attendere nos vult Spiritus S. Inquirendum jam est, Quodnam sub hoc cortice latuerit. Hæc enim aliquid fuisse *μυστηριώδες*, si Paulus expressè

DISPUT.
I X.

presse non doceret, satis tamen ipsa rerum eventuumque natura demonstrat. Nam si nihil aliud Deus hic sibi proposuisset, quam populum suum salubri potu reficere, non ne poterat vel aquas cœlitus immittere, vel illum in locum fontibus & aquis irriguum deducere? Quid opuserat, vel Petram peculiariter ad hoc seligere, vel virgâ uti ad eam percutiendam, ut aquæ ex ea exilirent? 2. Quid quod id ipsum, quod Mosi pollicetur se supra Petram constitutum, usque dum miraculum peractum esset, satis clarè ostendit, non alium quàm Dei Filium, qui Dux erat populi, hoc opus totum peregisse, nec ad alium, quàm ad ipsum hæc omnia respexisse. 3. Accedit, quod cum ex ipsa Judæorum sententiâ Christus sit finis & scopus totius Scripturæ, in quo Promissiones omnes, & Typi suam obtinent veritatem, non verisimile est hoc opus miraculosum, & tam eximium beneficium populo collatum, nullam ad Christum *σχέσην* habuisse, cùm cætera omnia mystica fuerint, exitus ex Ægypto, transitus per mare, desertum, manna, columna nubis, & cætera, quæ populo contigerunt, quæ sanè Judæos convincere possunt, memorabile aliquod hic mysterium latuisse. Sed Christianis post Apostoli testimonium de eo adhuc dubitare est nefas.

XII. Ut verò mysterium hoc aperiatur, 1. vis locutionis, quæ hic usurpatur, est expendenda. 2. ejus significatio per collationem typi & *τῆ τυπαθέουτος* erit demonstranda. Quoad prius quidem, adeò est perspicua in se phrasis Apostoli, quum ait *ἡ δὲ πέτρα ἦν ὁ Χριστός*, ut explicatione vix egeret, nisi importunitas Adversariorum hic aliquantulum immorari nos cogeret, qui, ut vim argumenti, quod ex hoc Oraculo elicimus pro genuino sensu verborum sacramentalium, declinent, magno molimine propositionis istius veritatem obscurare conantur, subjectum in prædicatum convertendo, & prædicatum in subjectum; quasi non legendum sit *ἡ δὲ πέτρα ἦν ὁ Χριστός*, ut sita sunt verba Pauli, sed *ὁ δὲ Χριστός ἦν ἡ πέτρα*, ut sensus sit, non *Petra autem erat Christus*, ut naturalis dispositio verborum importat, sed *Christus autem erat Petra*, id. res per Petram significata, ut innuant, Petram, ex qua bibebant Israëlitz, non fuisse Petram illam Horeb, ex qua aquæ exiliebant, sed mysticam & invisibilem, quæ eos comitabatur, illisque in omnibus necessitatibus succurrebat, Christum scilicet, qui tunc temporis aderat populo, tanquam dux itineris: Sic Bellar. lib. 1. Euchar. c. 11. Perron. de Euchar. Estius, Justinianus & alii non pauci.

XIII. Sed sensus hic convenire nequit, vel cum scopo Apostoli, vel cum serie sermonis, vel cum verbis ipsis de quibus agimus. Nam 1. Scopus Apostoli est deterrere Corinthios ab idololatria, fornicatione, & aliis similibus peccatis, exemplo veteris populi, propter similia peccata graviter puniti. Et ne sibi impunitatem pollicerentur, propter privilegia in Novo Testamento concessa, præsertim

ferim-propter salutaria dilectionis Dei pignora, Baptismum scilicet, & DISPUT.
IX. S. Cœnam, docet hac in parte etiam non inferiores esse ipsis Veteres, qui etiam habuerint suum Baptismum & suam Cœnam, quibus tamen Deus non pepercerit peccantibus. Aut ergo argumentum Apostoli non procedit, aut necesse est ut per cibum & potum, Petramque spiritua-lem, intelligantur signa aliqua Veteribus data, panem quem frangimus, & poculo cui benedicimus, correspondentia in genere sacramenti seu signi sacri. 2. Eadem debet esse ratio Petræ, quæ aliorum signorum suprâ memoratorum, putâ, maris, nubis, manna. At ista materialiter esse intelligenda consentiunt omnes. Ergo pariter Petra ex qua bibisse dicuntur. 3. De ea Petra loquitur, de qua biberant omnes Israëlita. At bibere de Christo, non potuit esse beneficium commune tam bonis quàm malis. Nam non poterat bibi Christus sub V. T. nisi per fidem, quam mali non habent. Nec juvaret respondere, quod facit *Gerhardus*, id intelligendum hoc discrimine, quod impii in typo duntaxat, pii verò in typo & fide simul biberint. Nam quid est *in typo bibere*, nisi *typum ipsum bibere*? Ergo Apostolus loquitur de Petra illa, quæ typus fuit, & quidem de illa sola, quandoquidem unius tantum non duplicis Petræ meminit. 4. Verba ipsa Apostoli satis docent, sine inversione, & prout disposita sunt, esse intelligenda, articulus enim ἀναφορικὸς ἢ δὲ πέτρα ostendit clarè, non aliam Petram innui, quàm eam cujus proximè mentionem fecerat, ex qua Israëlita in deserto biberant. 5. Ipsi Adversarii fateri coguntur, Petram illam materialem fuisse figuram Christi, & aquam inde manantem figuram sanguinis ejus. *Non negamus*, inquit Bellarm. l. c. *quin Petra illa materialis figura fuerit Christi, & aqua ex illa manans figura sanguinis ejus, ut non negamus species panis & vini esse signa Corporis & Sanguinis Christi, sed negamus per ista verba, Petra erat Christus, hanc designari figuram.* Sed cum nullus alius sit Scripturæ locus unde id probari queat, vel pro libitu fingitur, vel ex hoc loco necessariò colligitur.

XIV. Nec hîc nos movere debent rationes duæ, quæ afferuntur ab Adversariis ad confirmationem sententiæ suæ, tum quod vocetur *spiritualis*, tum quod dicatur *secuta Israëlitas*, quod competere nequeat Petræ materiali. Nam jam insinuavimus, Petram istam spiritualem dici eodem sensu, quò manna *cibus spiritualis*, non *substantia*, sed *significatione*, propter intelligibilem utriusque significationem, ut loquitur August. tr. 26. & 45. in Jo. Et si secuta dicitur Israëlitas, hoc non debet intelligi de ipsa Petra, quasi eos ponè sequeretur, aut portatilis esset in sinu Mariæ, ut somniârunt quidam Rabbini, sed respectu rivorum, quos fundebat, qui castra illorum comitabantur, ut sic haberent *Petræ aquatilem sequelam*, ut ait Tertull. *de Patientia*.

XV. Assertâ verò Propositionis istius veritate, videndum est ulterius,

DISPUT. IX. Quomodo Petra ista fuerit Christus. Hoc autem non intelligi *literaliter* per conversionem aut transmutationem, sed *sacramentaliter* & *metonymicè*, per meram significationem & obsignationem relativam, non propriâ locutione, sed tropicâ & figuratâ, res ipsa clamat: cùm disparatum de disparato, qualia sunt Christus & Petra, de se invicem propriè prædicari non possint, fatentibus ipsis Adversariis. Ergo nihil aliud est, *Petra erat Christus*, quàm significabat Christum, vel erat signum Christi, perinde enim est sive in copula, sive in prædicato tropus ponatur, & res eòdem reddit, ut per metonymiam signo detur nomen rei significatæ, tum propter analogiam, tum propter unionem ex ordine Dei in usu legitimo. Nec aliter intellexerunt Veteres, Tertull. lib. de Patientia, *Petra illa erat Christus*, hoc est, *significabat Christum*. August. sæpius hoc repetit quæstio. in Levit. q. 57. *Petra erat Christus, non per substantiam, sed per significationem*. Et Epist. 102. *Petra erat Christus, quia significabat Christum*. Sic lib. 18. de C. D. c. 42. cont. Adver. Leg. c. 6. tr. 63. in Joan. & alibi non semel. Hoc agnoverunt Basilii de Sp. S. cap. 14. Ambrosii in Psal. 38. Theodoretus, in Exod. 9. 28. Primasius in 1. Cor. 10. & alii non pauci. Imò saniores ex Adversariis hoc non diffitentur, Lyranus, *Petra erat Christus, scilicet figurative, eo modo loquendi, quo imago Herculis Hercules nominatur*. Glossa Interlinearis *spiritualem Petram* interpretatur, *qua Christum significat*, & Marginalis, *Petra autem, solet res qua significat, nomine rei quam significat, nominari, Petra Christus*. Aug. in *signis diversis eadem fides, ibi Petra Christus, nobis quod in altari ponitur est Christus; si speciem visibilem attendas, aliud est, si intelligibilem significationem eundem potum biberunt*. Thomas non per *essentiam, sed per significationem*. Carthus. non *essentialiter, sed figurative*. Gagnæus *Christum significabat*. Justin. in h. l. *Petra erat Christus significatione & symbolo*. Nec alio modo ipse Lutherus ad Waldenses, *Hic fides me cogit, ut verbum est interpreter significat, hoc modo, Christus est significatus per corpoream Petram Moysi*.

XVI. Hunc autem genuinum esse locutionis istius sensum, ex aliis compluribus ejusdem generis locutionibus, quæ non alium sensum possunt admittere, perspicuè colligitur. Nihil usitatius est in Scriptura, quàm ut verbum est, ponatur pro *significat*, ut *septem candelabra sunt septem Ecclesie* Apocal. 1. *Ager est mundus, semen est Verbum* Matt. 13. *septem vacce sunt septem anni* Gen. 41. *ossa sunt domus Israël* Ezech. 37. & passim in parabolis & similitudinibus. Sed præcipue quoties de Sacramentis agitur, quæ in significatione consistunt, non aliter loqui amat Spiritus Sanctus, nec melius & convenientius loqui posset, quàm tropicè. Sic *Circumcisio*

Gen. 17. 10. *dicitur fædus* Gen. 17. 10. i. e., signum fœderis, Deo ipso interprete v. 11. & Ex. 12. 11. *Rom. 4. 11. Agnus transitus* Exod. 12. 11. id est, ejus memoriale Exod. 13. 9.

& 13. 9.

Baptismus

Baptismus lacrum regenerationis, Tit. 3. *Calix N. Testamentum* Luc. 22. & sim. quæ vel nullum sensum habent, vel figuratum & tropicum postulant.

DISPUT.
IX.

XVII. Atque hinc invictè ostenditur, quis debeat esse sensus verborum sacramentalium vexatissimorum, *Hoc est Corpus meum*. Ut enim Petra dicitur Christus per significationem; Ita & pariter *Panis*, qui per pronomen *hoc* designatur, nec ovum ovo similis est, quàm duæ istæ locutiones inter se conveniunt. Scio hic *Cornelium à Lapide* cum *Bellarmino*, & *Tirinum*, qui eos sequitur, discrimen aliquod asserere, quod revera Petra non possit dici de Christo nisi typicè & significativè, quia sint disparata, quæ non possint propriè de se prædicari; sed in ista propositione non dicat Christus, panis est Corpus meum, sed *Hoc est Corpus meum, usurpando pronomen demonstrativum* Hoc, quod non sit quid repugnans aut disparatum à Corpore Christi, cum designet indeterminatè id quod latet sub speciebus panis, quod potest esse divinâ virtute, tam Corpus Christi, quàm substantia panis; Unde potest, imò debet Corpus Christi propriè accipi, quando, affirmante Christo, de hoc prædicatur. Sed quàm bene statuunt disparatum de disparato non posse prædicari, Tam certò sententiam nostram confirmant; Cum hoc de alia re intelligi non possit, quàm de pane. 1. quia non aliud per *hoc* intelligi potest, quàm id quod Christus ceperat in manus suas, cui benedixerat, quod fregerat, & quod tradiderat discipulis suis; At id panis erat, & non aliud quid. Unde Paulus 1. Cor. 10. 26. *Panis quem frangimus*, & c. 11. 28. vult quemque se probare, quoties *panem* istum edit &c. 2. idem probatur ex analogia aliorum Sacramentorum, ubi commutatio fit sæpe nominum; ut nomen signati signo, & vice versa nomen signi signato tribuatur, ut jam visum. 3. Status Apostolorum non alium sensum postulat, videbant Christum mensæ accumbentem, & panem præ manibus habentem, tanquam duo subjecta realiter diversa, quorum unum proinde non poterat propriè esse alterum; audiverant similes plures locutiones tropicas à Christo usurpatas, *Ego sum vitis, janua*, &c. quas in parabolis subinde repetierat; Jamjam celebraverant Pascha, ubi multiplex locutio figurata occurrebat in Agno, & in azymis; Quid proclivius ergo fuit, quàm in simili planè negotio phrasim istam eodem modo intelligere?

1. Cor. 10.
26. & 11.
28.

XVIII. 4. Non potest intelligi per *Hoc*, Corpus Christi, Nam, præterquàm quòd sic dedebit concipi Corpus Christi latere sub speciebus panis ante prolationem verborum, quibus demum fit transubstantiatio, contra eorum hypothesim, sensus propositionis erit absurdus, resolvendæ scil. in istam, *Hoc*, id est, *Corpus meum, est Corpus meum*. Deinde verba ipsa erunt speculativa & demonstrativa, non practica & operativa, ut volunt. 5. Non potest indeter-

DISPUT.
IX.

minatè significare id quod latet sub speciebus panis, nam ut in enunciatione vera attributum conveniat subiecto, ipsum subiectum debet determinatè exprimi, vel designari. Deinde cùm nihil hic occurrat nisi vel panis, vel Corpus Christi, nam species, quæ sunt mera accidentia, non possent constituere subiectum enunciationis, nemo ut opinor diffitebitur; Nec possit esse Corpus, ut jam dictum, necessariò panis est intelligendus. Nam quod ad *individuum vagum*, quod hic nonnulli somniant, tam est absurdum, ut vix refutatione indigeat. Nam non posset designari pronomine demonstrativo, *Hoc*, quod necessariò certum aliquod & determinatum individuum indicat; Et licèt individuum vagum aliquando sit respectu nostri, nunquam tamen tale potest esse respectu sui, quia debet esse substantia quædam certa & determinata. Ea verò cùm non possit esse Corpus Christi, debet esse alia substantia, quæ cùm non sit realiter Corpus Christi, non potest nisi figuratè & tropicè dici Corpus Christi, ut Petra non dicitur Christus nisi significativè.

XIX. Ad pleniorè verò istius veritatis illustrationem, non parum juvabit consideratio *Regularum* variarum, ex quibus sensus literalis à metaphorico, & metaphoricus à literalis potest discerni, quod quanti sit usûs in variis quæstionibus Theologicis, & præsertim in doctrina de Sacramentis, neminem latere potest: Nam ut non sine magno periculo locutiones propriæ & literales mutantur in metaphoricas & figuratas; Ita non minus est periculum, locutiones metaphoricas mutare in proprias & literales, quod visum in Anthropomorphitis, verba Scripturæ de membris humanis Deo attributis ad literam sumentibus, cùm tamen ἀνθρωποπαθῶς dicta, deberent θεοπερεπῶς intelligi, & in Judæis propriè & literaliter accipientibus de Regno terreno & temporali Messiæ, quæ mysticè & figuratè erant intelligenda. Ad scopulum hunc declinandum faciunt sequentes Regulæ. Prima, *Quoties proprietas literæ contradictionem vel impossibilitatem evidentem inducit, verba figuratè sunt intelligenda*; Quia cùm mens humana non possit concipere eodem tempore rem esse & non esse, nec conciliare ea quæ sibi invicem opponuntur, ad figuram confugere tenetur, juxta quam sensum convenientem verbis assignare potest. Ex hac regula verba sacramentalia figurata esse constat; Cùm enim ad literam sumpta contradictionem manifestam involvant, nimirum illud quod panis est, esse Corpus Christi, & illud quod est petra, esse Christum, quia intellectus noster nequit ex duabus istis ideis panis & Corporis, petræ & Christi unicam efformare, cogitur ad figuram recurrere, ut sensus commodus & rationalis habeatur.

XX. Secunda Regula est Augustini lib. 3. de Doct. Christ. c. 16. *Quælocutio flagitium vel facinus videtur præcipere, figurata est*, quam verbis sacramentalibus applicando, Christus dixit, inquit, *nisi manducaveritis Car-*

nem Filii hominis, & nisi biberitis ejus sanguinem, non habebitis vitam in vobis, videtur iubere flagitium, Est ergo figurata. Cùm ergo in literali sensu aliquid occurrit, quod vel præceptis Dei adversum est, vel Majestati Dei & Christi injurium, necessario ad figuram recurrendum, quia Verbum Dei nihil habere potest, quod non conveniat sanctitati ejus, & quod non deceat ejus majestatem & gloriam. Jam in hoc argumento, dicere panem esse literaliter Corpus Christi, & Petram Christum, idea parum conveniens & sanctitati & majestati Christi in mentibus nostris formatur; id enim dicitur esse Christus, quod est insensibile & inanimatum, & Corpus Christi, quod indiscriminatim tam à bonis quàm à malis comeditur, & innumeris accidentibus exponitur, quæ Filii Dei gloriâ penitus sunt indigna. Tertia, *Quando subjectum, de quo agitur, non modo potest figuram admittere, sed eam necessario postulat;* quia conceptus & verba sequi debent rerum naturam, & ad eam designandam usurpantur. Ita quum signo datur nomen rei quam significat, pignori nomen rei ad cujus confirmationem datur, & medio nomen rei, quam nobis communicat; nemo dubitat locutiones istas esse figuratas, quod non semel Augustinus observat Epist. 102. *Res quæ significat, nomen accipit rei quam significat; sic Spiritus Sanctus vocatur columba, & petra Christus.* Jam notum, sacramentum Eucharistiæ non modò esse signum, quod repræsentat Corpus Christi, pignus externum & visibile, quod ejus possessionem invisibilem & spiritualem confirmat, non modò medium, quod illum nobis communicat, & quò vis ejus in nobis exeritur; sed omnes istas *σχέσεις* signi, pignoris, & medii conjungere, in similitudine quam habet cum Corpore Christi, unde dubium esse non potest, quin Corpus Christi figuratè tantum propter rei significationem dicatur.

XXI. Quarta, *Quum videmus figuratam locutionem usurpari in subjectis similibus illi de quo questio est, certo colligere licet, figuratam in eo occurrere locutionem;* quia de simili simile judicium, nec dubitari potest, quin homines eodem modo loquendi utantur circa res easdem. Ita quum Circumcisio vocatur fœdus Dei, quia ejus erat signum, & Agnus Pascha seu transitus, quia erat ejus memoriale; quum audimus Judæos loquentes de pane, quem comedebant in Paschate, in cujus locum substituit S. Coenam, *hic est panis miserie, quem Patres vestri manducaverunt in deserto.* An mirum videbitur Christum dixisse, panem esse Corpus suum, & Paulus Petram esse Christum? Sic Augustinus contra Adimantum c. 12. ad inveniendum verum sensum istius locutionis Moïsi, *Sanguis est anima,* recurrit ad exempla locutionum figuratarum, in quibus signa sumunt nomina rerum quas significant, & dat isti locutioni sensum metaphoricum, scilicet quòd sanguis sit signum animæ, quia Paulus dixit quòd *Petra est Christus,* quia illum significabat, *Et Christus*

DISPUT. non dubitavit dicere, hoc est Corpus meum, quum dabat signum Corporis
IX. sui.

XXII. Quinta est Chrysostomi, qui homil. in hæc verba *Pater si possibile est* &c. tradit non esse hærendum in terminis, sed respiciendum esse scopum loquentis, causam & occasionem sermonis ejus, & quærendum sensum latentem, quibus addimus conditionem & statum Auditorum ad quos fit sermo; Nam si ista omnia nos ad figuram ducunt, dubium non est quin figurata sit locutio. Jam si expendamus verba sacramentalia quoad istas circumstantias, deprehendemus scopum & intentionem loquentis, causam & occasionem sermonis, & dispositionem ac statum Auditorum figuram exigere: Christus enim non alium sibi scopum proponit, quàm Sacramentum dare Ecclesiæ communionis suæ cum fidelibus, ad quod requiritur quidem præsentia quædam objecti, non tantum contemplationi, sed etiam conscientiæ expoliti, ut recipiatur, sed non præsentia corporalis quoad substantiam, quatenus caro & sanguis principia sunt salutis, pacis & vitæ, non in genere causæ physicæ, quæ agit per contactum & indistantiam loci, sed in genere causæ meritoria & moralis, quæ operatur non modò quum adest, sed etiam quum abest, imò quum nondum extat in rerum natura. Occasio etiam sermonis fuit institutio S. Cœnæ in locum Paschatis, ubi locutiones figuratæ occurrebant variæ. Denique status discipulorum talis erat, ut non possent aliter exponere verba Christi, ut alibi est à nobis ostensum in Institut. Elenct. P. III. Loc. XIX. Q. XXVI.

XXIII. Atque ex his satis superque patet sensus Enunciationis Paulinæ, & identitas ejus cum verbis sacramentalibus. Nunc paucis ratio significationis, & mysterii in ista Petra latentis est aperienda. Primò mirum videri non debet Christum in Petra adumbrari; nam etiam extra Sacramenti rationem Deus sæpissimè sub hoc symbolo designatur, non modò respectu sui, propter naturæ suæ æternam firmitatem & durationem, sed & ratione nostri, quia est arx & locus munitus adversus hostes Psal. 18. 3. & 31. 3. & invictum & immobile Ecclesiæ fundamentum, quod illi dat τὸ εἶναι καὶ μὴ εἶναι ἀσάλευτον Isa. 28. 16. Rom. 9. 33. 1. Pet. 2. 6. ita ut portæ inferorum non possint prævalere adversus Ecclesiam huic Petræ inædificatam Mat. 16. 18. Hinc Paulo Christus vocatur *fundamentum* 1. Corint. 3. 11. & Ps. 118. 22. *lapis angularis*, quod Bernardus explicat eximè Serm. 61. in Canti. *Quid non boni, inquit, in hac Petra? In Petra exaltatus, in Petra securus, in Petra firmiter sto, securus ab hoste, fortis à casu, Et revera ubi tanta firmaque infirmis securitas, nisi in vulneribus Servatoris? Tanto illic securior est habitatio, quanto ille potentior est ad salvandum, fremit mundus, perit corpus, Diabolus insidiatur, non cado, firmatus sum enim super firmam Petram.*

XXIV. Sed quia Paulus peculiariter seligit Petram istam, ex qua

qua aquæ fluxerunt, analogiæ ratio cum ea hîc unicè attendenda, quæ *DISPUT.*
multiplex esse potest. Nam ut Petra potissimum à Deo eligitur ad aquas *IX.*
populo suppeditandas, quæ non modo in se aquas non continet, sed cui
nihil magis repugnat in speciem, quàm aquas dare, nam ex aliis qui-
dem corporibus aquæ elici possunt, sed ex lapide vel petra nequaquam.
Ita nihil absurdius videbatur carni, quàm ex Crucifixo salutem petere,
id est ex morte vitam, ex miseria felicitatem, ex maledictione benedi-
ctionem. Unde Christus dicitur scandalum Judæis, stultitia Græcis, sed
Vocatis sapientia & potentia Dei. 2. Rursus ut ex Petra aquæ fluxerunt.
Ita Christus fit suis fons saliens in vitam æternam, qui ex se aquas gra-
tiæ & salutis fundit copiosissime. Unde toties apud Prophetas sub symbolo
aquarum beneficia salutaria Christi, & dona Spiritus Sancti adumbrantur
Isa. 42. & 44. Ezech. 36. Zach. 13. 1. Joann. 4. & 7. 3. Sed ut Petra non dedit
aquam nisi percussa. Et ex illa percussa exillierunt aquæ affatim, quibus re-
ficiantur Israëlitar. Ita ex Christi crucifixi latere manavit sanguis & aqua,
quibus reficiuntur Credentes in deserto mundi, tendentes ad terram pro-
missionis, id est cælum. Cum enim Deus nihil peccatori indulgere posset,
nisi placatus satisfactione Filii, prius eum percuti oportuit & affligi, ut ca-
stigatio pacis nostræ super eum poneretur, & ex ejus vibicibus salutem con-
sequeremur. 4. Sed ut Petra percussa fuit virgâ Moïsis. Ita Christus non mo-
dò percussus fuit à Judæis, quorum figuram gessit Moïses, sed præcipuè à
virgâ Legis, cujus ille Minister fuit, id. maledictione & pœnis à Lege de-
nunciatis Il. 53. 4. 5. Gal. 3. 13. 5. Petra percussa magnam copiam aqua-
rum fudit, quæ abunde suffecit populo. Ita Christus qui fons est inexhau-
stus salutis, in quo plenitudo est omnis gratiæ, copiosissime aquas istas
salutares id. dona Spiritus ex se fundit, quæ non uni vel alteri, sed toti Ec-
clesiæ abunde sufficiant Jo. 1. 16. & 4. 14. & 7. 37. Hinc dicitur factus nobis à
Patre sapientia, justitia, &c. 1. Cor. 1. 30. & esse omnia in omnibus Col. 3. 11.
6. Ut nihil suavius potuit esse Israëlitis in deserto, & locis illis calidis, quàm
fontes aquarum, quibus possent dulci salientis aquæ sitim restringere rivo.
Ita nihil salubrius, nihil gratius fidelibus in deserto mundi arido & æstuoso,
quàm fontem aquæ salientis penes se habere, quò reficiantur in æstu suo.

XXV. 7. Ut Petra aquas fudit non ad momentum, quæ postea a-
rescerent, sed perpetuò, quamdiu populus in deserto peregrinatus est, unde
dicitur secuta populum, in rivis scilicet ex illa manantibus. Ita Christi san-
guis, & dona gratiæ omnia tempora & loca permeant, nec unquam arescunt
& deficiunt, sed perpetuò fideles comitantur in deserto hujus mundi
ad eos sustentandos. Nec modò adest fidelibus suis per dona, quæ
illis affatim suppeditat, sed ipse præsentia suâ eos dignatur, nec tam
sequitur, quam comitatur & præit, ne quicquam ipsis desit in via,
quæ

DISPUT. quæ ipsis emetienda est. Ut hic duo maxima fidelium privilegia designentur, *Perseverantia gratia*, & donorum Dei perpetuitas, & *Christi ipsius presentia*, juxta quam se pollicetur fore nobiscum usque ad consummationem seculorum Matt. 28. 28. Licet verò patiatur aliquando ad castigandam ingratitudinem, & exercendam suorum fidem, aquas istas salutes subtrahi utcunque ad tempus, ut in deserto; nunquam tamen absolutè illas ipsis denegat, sed vult ut precibus nostris eum veluti percutiendo fidei & pœnitentiæ studiò eas eliciamus.


XXVI. Cæterum in hac collatione multiplex discrimen etiam observari potest. Petra Moïsi fuit inanima & ἄλογος: Sed Christus est Petra viva, & vivifica ac rationalis. Illa in sinu suo aquas non habuit: Sed Christus est fons vitæ, ex cujus plenitudine haurimus omnes gratiam pro gratia Joann. 1. 17. Illa sitim corpoream sedare potuit ad tempus, sed non in perpetuum: Sed Christus ita nos potat aquâ salutarî suâ, ut qui semel ex eo bibit, non sitiat amplius, sed fiat in eo fons saliens in vitam æternam Jo. 4. 14. Illa sequi non potuit Israëlitas; Sed Christus perpetuò illos comitatur, ut Author & Consummator fidei, qui eos redemptos ex Ægypto spiritali, & per mare rubrum sanguinis sui traductos, lampade Verbi in deserto mundi deducit, mannâ cœlesti nutrit, aquis salutaribus potat & reficit, donec ad Canaanem cœlestem perveniant, ubi qui est super thronum obumbrabit illos, non esurient, nec sitient amplius, nec Sol occidet unquam supra eos, quia Agnus, qui est in medio throni, pascet eos, & deducet, non ad rivos, sed ad vivos & perennes fontes aquarum, & absterget omnem lachrymam ab oculis ipsorum Apoc. 7. 16. 17. *GÉNERO.*

F I N I S.



D E

SERPENTE ÆNEO.

I.  Inter illustres Veteris Testamenti Typos, quibus mors Christi & ejusdem beneficia nobis adumbrata sunt, meritò reponitur Serpens æneus, cujus historiam Moses proponit Numer. 21. & mysterium nobis aperit Christus Jo. 3. Ita sedula ejus contemplatio non potest non maximi esse usûs, cum ad variorum mysteriorum Evangelicorum cognitionem, tum ad piorum omnium institutionem & solatium. Hæc ratio nos movit, ut Exercitationibus præcedentibus de tribus Miraculis, in gratiam populi Israëliti in deserto patris, *Baptismo* scilicet *Nubis & Maris*, *Manna*, & *Petra*, brevem hanc de *Serpente æneo*, in quo non minus Dei gratiæ & virtutis miraculum occurrit, Dissertationem adderemus, quam ad duo Capita revocabimus; In primo historiæ veritatem in typo, in altero ejusdem mysterium in antitypo, cum bono Deo, expensuri sumus. In utroque malum peccati & pænæ erit attendendum cum remedio miraculoso à Deo exhibito.

II. Historia refertur à Mose Numer. 21. ubi recenset populum post *Num. 21.* suppeditatam aquam è petra in Kades, cum inde ad montem Hor proficisceretur, & non rectâ viâ, sed per tædiosas circuitiones terræ Idumæorum pergendum sibi videret in terram Canaan, atque ita diutius in deserto oberrandum, ex impatientia in duras & graves contra Deum & Mosem voces denuò erupisse. Undè irâ commotus Deus serpentes venenatos & noxios in eos immisit, quorum moribus lethiferis magna populi multitudo concidit. Verùm cum peccatum suum agnoscerent & confiterentur Israëlita, atque apud Mosem deprecarentur; Deus ad Mosi preces motus, salutis remedium illis præbuit, dum jussit Mosem serpentem æneum conflare, & eundem publicè in eminenti loco erigere, additâ hac promissione; fore ut omnes morfi eum adspicientes, sanarentur; Quod eventus comprobavit, siquidem, Mose mandato divino obsequente, quotquot serpentem hunc æneum adspexerunt, sanati sunt.

DISPUT.

X.

Peccatum
Israëlitar.

III. Ubi primò occurrit consideratio peccati Israëlitarum, postmodum verò pœnæ à Deo illis propterea inflictæ. Peccatum consistit in murmure, quò in Deum & Mosè in surrexerunt, sive propter itineris incommoda & prolixitatem populo defatigato & fatigante, sive propter aquæ & cibi penuriam manna fastidiente, & sitim ac famem sibi adnexas prætexente, licet abunde Deus illi prospexisset quoad utrumque, *Loquutus est populus contra Deum & Mosè, ad quid ascendere nos fecisti ex Ægypto, ut moreremur in deserto; Non est enim panis neque aqua, & tædet animam nostram super pane levi.* Num. 11. 5. Quod Apostolus exponit

1. Cor. 10. 9. per tentationem 1. Cor. 10. 9. *Ne tentemus Christum, sicut illi tentârunt & à serpentibus perierunt.* Tentâsse dicuntur Christum, quia Christus erat Jehova dux populi in deserto, & in eo tentârunt, quod murmurando in dubium vocabant ejus potentiam, quasi in deserto non posset eos alere, & ejus fidelitatem, quasi non vellet promissis stare, fastidientes & nauseantes impia ingratitude eximium cibum & potum, quem Deus illis affatim suppeditabat; Pœna proponitur in immisione serpentum ignitorum innumeros ex populo exitiali veneno suo & lethifero morfu occidentium.

Et pœna.

Quid fuerint
Serpentes
significati.

IV. Ut verò de serpentibus istis in antecessum aliquid dicamus; Non opus est ut refellamus eorum figmentum, qui pertendunt Diabolum in serpentem transformatum hanc stragem fecisse. Vel qui volunt fuisse speciem morbi, qui exiguos angues in corporibus Israëlitarum producebat, gravissimas inflammationes in iis excitantes, cujus morbi genus peculiare fuerit iis, qui circa mare rubrum degebant, nec ullis unquam aliis obtigerit, ut Agatharcides narrat apud Plutarch. Sympos. lib. 8. quæst. 9. Verba enim Textûs sacri vanitatem istius figmenti satis probant, nec patiuntur dubitare, quin verè serpentes fuerint, à Deo immissi ad pœnam populi. Duplici autem nomine à Mosè insigniuntur שרפים & נחשים. Prius generale est nomen serpentum; posterius bifariam exponitur; Quidam volunt esse adjectivum, quò designetur eorum qualitas, ut ita vocentur vel à colore ignis, quem præ se ferebant, vel potius ab effectu, quoddam morfu vel flatu inducerent calorem intensissimum & adurere viderentur à שרף quod est urere, quò respexit Onkelos qui reddit חיי בלן serpentes urentes. Sic R. Salomon & R. D. Kimchi, qui urunt hominem veneno dentium suorum vel halitu oris sui. Et in Zohar libri Num. fol. 88. Quia contra Deum & Mosè murmurârunt ex aquo; Ideo immisit in eos serpentes comburentes eos instar ignis, igne ingrediente in os ipsorum, ut conciderent & morerentur. Alii volunt שרף peculiarem designare serpentum speciem, & priori voci generali per appositionem addi; & sic innui quos Græci φενώπιδας & ναύσωας vocant, vocibus ad amussim Hebraicæ respondentibus, nam שרף idem

idem est, quod vel ἐμπέσῃαι vel κατακῦσαι, de quibus Lucan. lib. 9. DISPUT. X.

Oraque distendens avidus spumantia Prester.

Quos idem esse vult Dioscorides cum *dipsadibus* à siti, quam veneno suo accendunt, sunt qui serpentes alatos designari putant, quos ex Lybia Cicero l. 1. de Natura Deorum & Josephus l. 2. Antiq. c. 5. ex Arabia verò in Ægyptum volare scribunt *Mela, Solinus, Ammianus*. Ideo Isr. 30. 6. Ægyptus vocatur Terra, in qua est vípera ושרף כעוף & *Saraph volans*. Tales verò *hydri* habere speciem, observat Herodotus lib. 3. τὰ δὲ ὕδρια ἢ μασφὴ, εἴπερ τῶν ὕδρων, *serpentis vero forma qualis hydrorum*: Hinc Celeberr. Bochartus non sine magna verisimilitudine conjicit per שרף designari *hydram*, vel *cherfydrum*, qui virus habet acerrimum & nocentissimum, morfu suo adurens quicquid attingit, de quo Virgilius lib. 3. Georg.

*Postquam exhausta palus, terræque ardore dehiscunt,
Exiit in siccum, & flammantia lumina torquens
Savit agris, asperque siti, atque interritus æstu.*

Sed quocunque modo exponatur vox, certum est malignos & summè venenatos notari serpentes, qui moribus suis multos ex populo enecârunt. An fuerint naturales, An miraculosi?

V. Non opus est autem anxie quærere, An serpentes isti naturales fuerint, an miraculosi? An in deserto extiterint, an aliunde fuerint accersiti? licet enim constet ex Scriptura, desertum tales serpentes plures habuisse, unde Deut. 8. 15. dicitur locus serpentum & scorpionum; dubium tamen non est, quin aliquid miraculosum & extraordinarium agnoscendum sit in tantâ copiâ, quæ tam celeriter Israëlitas invasit, quod non obscure innuit Scriptor sacre, dum ait *misisse Dominum in populum serpentes ignitos*, insinuans, hos serpentes vi quadam ἐκκλητῶ excitatos fuisse, vel aliunde accersitos, ad pœnas de populo contumaci sumendas. Quo modo in Ægypto ranæ ex naturali loco suo, ex fluviis, rivis & paludibus excedentes totam terram cooperuerunt, ita ut etiam superiora ædium tabulata conscenderent. Quò pertinet quod Sapi. 16. 5. de serpentibus à Deo immissis dicitur, *quando illis supervenit*, scilicet velut ex improvviso, *sevus bestiarum furor, & moribus tortuosorum anguium sunt absorpti*. Scio Hebræos censere, naturales fuisse istos serpentes, & miraculum in eo tantum positum esse, quod cum serpentibus & scorpionibus desertum illud scateret, illi tamen hæctenus eis nocere non potuissent, Deo eos cohibente vel occidente, adeo ut totis 40. annis, quibus Israëlitas errârunt in deserto, ne unus quidem ab illis læsus fuerit; Et in eam rem referunt Rabbino-
rum Traditionem, in *Bemidbar Rabba* sect. 1. septem nubes cinxisse Israëlitas in deserto, unam supernè, alteram infernè, quatuor ad quatuor plagas Mundi, unam denique, quæ eos præcedebat percutientem

DISPUT. נחש, & fecit Moses serpentem aneum. Respondent Hebræi diversimodè.
 X. R. Salomo rationem ducit à notatione Nominis: *Non dictum ipsi fuit*, inquit, *ut ex ære faceret*, sed *Moses cogitavit & dixit*, Deus vocat eum נחש eum ergo faciam ex נחש ex ære, ob vocum affinitatem & convenientiam. Nachmanides putat Mosem id ideo fecisse, ut hic ratione serpens iste artificialis colorem haberet serpentis naturalis, & tanto melius eum referret, non vidisse quæ ratione aliter posset implere præceptum Dei de שרף, quàm faciendo serpentem aneum, nam hic refert similitudinem serpentis urentis vel igniti; cùm serpentes igniti sint rubicundi instar æris vel cupri. Alii non minori ratione hoc factum volunt propter fulgorem æris politi, ut radios huc illuc diffundendo, commodius posset aspici tam à proximis quàm à remotis. Utunque sit, certum esse debet, Mosem, qui fuit Propheta Dei, & per consequens θεόπνευτος, hic non proprio arbitratu quicquam egisse, sed ex Dei mandato sive explicito & externo, sive implicito & interno. Porro quia quæri potest, unde tantam æris copiam, quæ requirebatur ad serpentis istius confectionem, qui ingens esse debuit ad faciliorem tot myriadum Israëlitarum aspectum, habere potuerit Moyses? responderi potest, non aliunde fuisse advehendam, sed ex loco, in quo castrametati erant tunc temporis, petitam fuisse, nimirum ex Phevone seu Phuvone, qui locus erat Idumææ, arisfodinis valde insignis, ut observant Veteres loquentes de variis Martyribus, ad metalla Phevon exsis, ut Euseb. li. 8. histor. c. 13. & Athanasius in epist. ad Solitarios narrat, Eutyrium ad metallum fuisse missum, nec solum ad metallum, sed ad metallum Phevon. Et clarius Hieronymus in Locis Fevon, inquit, *castra filiorum Israël in deserto, fuit autem quondam civitas Principum Edom, nunc viculus in deserto, ubi æris metalla damnatorum suppliciis effodiuntur &c.* In eo autem loco fuisse Israëlitas constat, licet enim Moyses præcisè non dicat, in quo loco erectus fuerit iste serpens, tamen colligitur non obscurè ex eo, quod dicit Israëlitas inde profectos castra posuisse in Oboth Num. 21. 10. jam ex Num. 33. 43. constat quod ex Phuvone profecti castra posuerunt in Oboth.

Num. 33.
43.

Serpentis
Erectio.

X. Post serpentis confectionem sequitur ejus Erectio, quam Deus præcipit Mosi, ut ad ejus aspectum sanarentur morsu à serpentibus: Fac tibi serpentem urentem, & נחש על עץ Et pone eum super lignum, vel in lignum, Et erit quicumque morsus fuerit, & adspexerit illum, tunc vivet. Vox נחש diversimodè redditur ab Interpretibus. Quidam volunt signum hic designari, & reddi in signum, ut sit vice signi, ut hy ponatur pro לך, sic Syrus, Aben Ezra, Hieronymus, qui exponunt לך in signum. Sed minus commodè, quia non tam designatur finis erectionis, quàm modus vel subjectum, in quo elevari debuit, ut præpositio על clarè evincit. Quamvis enim illa serpentis anei effigies revera fuerit signum ac typus Messiae crucifigendi,

gendi, ut ex Euangelio colligitur; id tamen non tam ex istis verbis, DISPUT.
quàm ex tota rei narratione colligitur. Nec verba aliud docent, quàm quòd X.
effigies illa à Mose in sublimi poni debuerit, ut toti populo conspicua esset,
super excelsa aliqua trabe collocata: Unde Cajetanus recte versionem il-
lam Hieronymi, *pro signo*, reprehendit, *Juxta Hebraum, pone eum*
super pericam, nihil dicitur de signo, sed locandus super stipitem ligneum
decernitur, non ergo serpens & lignum idem, sed super lignum serpens.
Longe commodius alii \aleph exponunt vel de *Veste*, seu *stipite excelsò*,
pericâ oblongâ, ut *Lyranus, Pagninus, Cajetanus, Tremellius, Dru-*
sus, Piscator ad mentem R. Salomonis, qui \aleph interpretatur Gallicâ
voce פֶּרְכֶּה *Perche*, quæ à Latina voce *perica* deducitur, vel pro *palo*
seu *malo navis & antenna*. Hæc enim, licet aliquantum diversa, ad
idem tamen referuntur, ut innuatur lignum aliquod præaltum & in-
gens, cui affigeretur serpens æneus, ut ab omnibus undequaque con-
spici posset; Tum ut erecto hoc serpente de peccato suo admoniti, in
posterum à simili lapsu sibi caverent, ut R. Levi ben Gerson notat,
Existimo Deum voluisse, ut extet hujus rei signum & monumentum, quod
memorialis loco ipsis esset, quò in posterum sibi a calumnia & obreptione
caverent. Tum ut per aspectum ejus sanarentur à moribus serpentum.
Abarbanel censet vocabulum æquivocum esse hîc adhibitum, quod non
tantum signum seu vexillum significat, sed & *miraculum & prodigium*,
quod miraculosum esset eadem re, qua percussit, etiam sanare.

XI. Sed ut incassum remedium pararetur, nisi ejusdem fieret appli-
catio, frustra erectus fuisset serpens æneus, nisi ad eum oculos conver-
tissent Israëlîtæ, qui erat finis istius erectionis, ut expresse notatur à
Domino, *Et erit quicumque morsus fuerit, & eum aspexerit, tunc vi-*
vet, id est sanitatem recipiet & liberabitur à morte, quæ illi aliàs impende-
bat. Voluit scilicet Israëlîtas intueri hunc Serpentem, tum respectu ipso-
rum Israëlitarum, ut à moribus venenatis serpentum sanarentur, tum sui
respectu, ut miraculum esset tantò majus, si serpens vivus momorderit, &
serpens mortuus sanaverit, & quidem solo aspectu. Intuitus autem iste
non intelligendus est tantum corporeus & externus, sed etiam spiritualis &
internus de aspectu fidei, & cordis ad Deum elevatione, quod Hebræi
notant, unde Jonathan Paraphrastes Chaldaus ita transfert, *fac tibi ser-*
pentem aneum, & pone eum in locum elevatum, & fiet ut si quem mo-
orderit serpens, & intuitus fuerit eum, ut convalescat, siquidem dire-
xerit cor suum ad Verbum Domini. Targum Hieroso. *Et fiet ut si quis mor-*
sus fuerit à serpente, & faciem suam elevaverit ad Patrem suum in cælis in
oratione, atque serpentem aneum aspexerit, sanetur. R. Salomo observat
verbum הָיָה *adhibitum* §. 10. significare, *afficere cum intentione cordis*
scilicet

DISPUT. *scilicet ad Deum. Hinc Arabs, Qui convertetur ad eum pœnitens superstes*
 X. *erit. Liber Sapient. c. 16. v. 5. 6. 7. de hoc ita loquitur: Cum eos fera be-*
stiarum ira invassisset, ac moribus noxiorum serpentum interirent, ad extre-
num non permanisset ira tua, sed admonitionis gratiâ paulisper fuerunt pertur-
bati, signum salutis habentes, quod memores mandati Legis tuæ eos redde-
ret: neque enim qui respexerat propter rem visam, sed propter te omnium
Servatorem servabatur.

XII. Ex quibus colligitur, nec serpentem ipsum quicquam virtutis habuisse ad istam sanationem procurandam, nec aspectum ejus ad eam per se aliquid contulisse; quid enim vel serpens æneus vel ejus intuitus ad veneni lethiferi curationem juvare potuit? Procul enim hic esse volumus figmentum eorum, qui commenti sunt, esse aliquam imaginem Astrologicam factam juxta certas constellationes & siderum aspectus seu posituras, quæ virtutem habuerit abigendi serpentes, & eorum morsus curandi, quales sunt figuræ, quas Arabes *Talisman* vocant, ut alii impiè finxerunt, non attendentes vanitatem istarum observationum, & interdictum toties à Deo datum de iis faciendis. Ita nihil aliud esse potuit, quàm mera causa moralis, ad cujus præsentiam Deus operabatur, seu signum externum & sensibile gratiæ, quam Deus exerere volebat ad istud opus, quomodo in miraculis homines, vel media quibus uti volebat, nihil quoad se conferebant ad opus extraordinarium quod producebatur; Sed Deus talia instrumenta adhibebat in signum gratiæ & virtutis suæ, quæ ad eorum præsentiam operabatur. Nec cessarius erat ergo intuitus serpentis merâ necessitate præcepti, quia Deus hanc conditionem ab iis exigebat qui sanari volebant, quâ sublata nulla morbis spes esse poterat salutis. Cæterum si quæzatur: Quomodo serpens iste æneus potuerit conspici à tanto populo, qui ob sui multitudinem maximum spaciū occupare debuit? Responderi potest, ita in altum elevatum fuisse serpentem in medio castrorum, ut à populo non ægre conspici posset; Et si qui non possent illum intueri propter nimiam distantiam, poterant propius accedere, vel ab aliis deferri, ut eum intuerentur.

XIII. Hinc verò non obscure evincitur, sine ratione Pontificios ex isto serpente argumentum petere pro cultu Imaginum. Nam certum est, non conflatum fuisse ut adoraretur, sed tantum ut conspiceretur; non in objectum cultûs, sed tantum contemplationis, nam progressu temporis, cùm Israëlita suffitum illi adolerent, Ezechias jussit eum comminui, ut habetur 2. Reg. 18. 4. ne in posterum eò ad idololatriam abuterentur Israëlita, *Ipse removit excelsa, & confregit statuas, & excidit lucos, & contrivit serpentem aneum quem fecerat Moses, quia ad illos usque dies Israëlita suffiebant ei, & vocavit eum Nechustan per contemtum, ut notaretur nihil esse nisi æs, quod nihil virium, nihil opis, & nihil divinitatis haberet*

haberet, ac proinde neque divinis honoribus esset afficiendum. Nec hoc DISPUT.
dissimulare potuerunt Lorinus & Vasquez, qui fatentur, serpentem istum X.
non fuisse propositum ad adorationem, sed tantum ad contemplationem,
nec unquam tempore Moïsis fuisse adoratum.

XIV. Atque hæc de Typo dicta sunt. Nunc ad *τυπωθῆν* seu myste- Mysterium
rium sub hac figura contentum veniendum est. Licet enim facile conceda- serpentis
mus, miraculum hoc Israëlitas respexisse, Deumque in eo varia documen- anei expli-
ta dedisse, quæ vel ad peccati gravitatem ostendendam, vel ad Justitiæ catur.
divinæ severitatem agnoscendam, vel ad misericordiæ & gratiæ magnitu-
dinem celebrandam faciunt; dubium tamen non est, quin peculiarem ha-
buerit *σχέσις* ad mysterium aliquod Evangelicum, quod nos in hac figura
docere voluit. Et si Christus ipse hoc nobis non revelaret, ut facit clarissimè
Joan. 3. 14. 15. *Sicut Moyses, inquit, elevavit Serpentem in deserto: Ita oportet* Jo. 3. 14. 15
Filium hominis elevari, ut quisquis credit in eum, non pereat, sed habeat vitam
æternam: Satis tamen rei ipsius natura hoc evinceret. Cur enim Deus mi-
rum hoc & extraordinarium remedii genus adhibere voluisset, si nullum a-
lium finem sibi proposuisset, quàm sanationem vulneratorum? An verisimi-
le, sapientiam ejus incomprehensibilem rem adeò absurdam & à ratione alie-
nam exhibere voluisse, si nihil aliud intendit, quàm prospicere medelæ Israël-
itarum, nec ulterius aliquid sublimius respexisset? Idem ergo hîc observare
licet, quod in aliis caremoniis Legalibus non paucis occurrit, ut earum
rationem vix reddere possimus, si in historia ipsa & typo manemus, nec
ad veritatem & antitypum ascendimus, v. g. cur Deus voluit postes Israël-
itarum aspergi sanguine, ut ab Angelo internoscerentur ab Ægyptiis, quasi
Angelus sine hoc signo non potuisset satis discernere domos utrorumque.
Sed ita magnum Redemptionis mysterium retegitur clarissimè, ut constet
sanguine Agni Dei corda nostra esse aspergenda, ut à poena *δολοφονίας* &
justitiæ divinæ manu liberari possimus. Ita cur serpens erigitur ad remedium
plagæ Israëlitarum? Cur ejus intuitus sanat? Hoc non sine ratione mira-
bili factum procul dubio à Domino, sed quænam illa sit, quicquid Judæi
adferant, nunquam assequuntur, nisi Christum intueamur, qui ut consilii
divini & V. T. Interpres clavem istius mysterii nobis suppeditat, & finem,
quem hîc potissimum Deus respexit, nobis in hoc facto aperit: Ut hîc non
respicere debeamus serpentem ut simplicem similitudinem, sed ut typum
expressum; & ex intentione Spiritûs S. propositum ad hæc tria significan-
da. 1. ad adumbrationem peccati & miseriæ per peccatum inveciæ. 2. de-
scriptionem redemptionis, quæ per Christum nobis est allata. 3. modum
& instrumentum, quò ista redemptio nobis applicatur; quæ tria in hoc Typo
continentur; nam ut vulnera & morsus serpentini exitiale virus Diaboli, quò
sauciamur lethaliter, notant: Ita serpens æneus Christum Redemptorem,

DISPUT. & intuitus ejus fidem ad Christum respicientem mirificè nobis exhibet;
X. ut paulò distinctius jam videbimus.

XV. Quoad primum, Quis non videt hîc in murmure Israëlitarum & plagâ serpentum statum hominum in peccatum, & per peccatum in mortem prolapsorum, graphicè depictum? Quis nescit Diabolum serpentem esse antiquum, qui morsu suo lethifero primos parentes ita vulneravit, ut in totum genus humanum mortem accersiverit, & virus suum exitiale in totum hominem, & in cor præcipuè ut vitæ arcem & fontem effuderit? ut hîc habeamus simul & peccati & poenæ imaginem: *Peccati* quidem, quia ut serpentis tenuissimus est morsus, sed præsentissimum venenum, quod cor ipsum rectâ petit, quod urit & inflamat animos igne exitiali cupiditatum carnalium, quæ sunt totidem *ignita Satana tela* Ephes. 6. 16. quod ardentissimam & inexplebilem morsu suo excitat sitim, & innumera causatur mala: *Poenæ* verò, quia peccati venenum tam est durum & lethiferum, ut certissimam homini mortem adferat, nisi aliunde illi remedium adveniat. Uno verbo, non alia imago aptior serpente, ad describendas fraudes, fallacias & artes vaferrimas, quibus ad modum serpentis repentis & tortuosi, obliquis ambagibus & anfractibus sinuosis sibilo suo pestifero sese immittentis grassatur Princeps tenebrarum Diabolus, qui habet imperium mortis, ad tyrannidem suam in cordibus hominum stabiliendam; ut instar Leonis rugientis aliunde sævit & furit immani crudelitate adversus Semen mulieris.

Remedium
peccati in
Christo.

XVI. II. *Remedium* à Deo nobis paratum & propositum ad salutem nostram hîc aptissimè notatur. Ut nemo potuit sanare plagam Israëlitarum nisi solus Deus: Ita nemo plagam exitialem peccati & mortis curare potuit, nisi misericors Dei gratia, qui in thesauro Sapientiæ suæ σοφουποι-
νίας de medio salutari nobis prospexit, Filium suum in Mundum mittendo, qui pro nobis in Cruce sese offerret Deo, quem per serpentem æneum in variis graphicè adumbrare voluit, quia ut venenum à serpente infusum est, & remedium à serpente allatum, serpens serpenti opponitur, salutaris noxio, medicinalis lethifero: Ita homo est qui nos perdidit, homo est qui nos salvat, per unum hominem mors, per unum hominem resurrectio 1.
1. Cor. 15. Cor. 15. & ut per unius hominis inobedientiam multi constituti sunt peccatores, sic per unius obedientiam multi constituuntur justi Rom. 5. 18. per id
Rom. 5. 18. voluit hominem servari, per quod perierat, mors quæ omnibus erat exitialis, jam fit salvifica & redemptionis instrumentum; per mortem destruitur ille, qui habebat imperium mortis, ut liberaret eos, qui per totam vitam additi erant servituti propter metum mortis Heb. 2. 14. Atque ita impletur Samsonis ænigma, *ex forti dulcedo, ex devorante cibus*, à morte ipsa remedium mortis petitur, scorpius alliditur vulneri quod ipse fecit, & sanat, & ex
vipera

1. Cor. 15.

Rom. 5. 18.

Heb. 2. 14.

vipera saluberrima fit theriaca, quâ morsus ejus sanatur. 2. Serpens figuram quidem habuit serpentis igniti, ideo vocatur $\chi\chi$ sed non naturam, nec venenum: Ita Christus factus quidem est in similitudine carnis peccati, sed carnem tamen peccati non habuit Rom. 8. 3. quia similis nobis factus est in omnibus, sed excepto peccato, Heb. 4. 15. hoc tamen cum discrimine, quod serpens externam tantum formam habuit, At Christus internam, quia verus fuit homo non secus ac nos. 3. Serpens non ex auro vel argento confectus est, sed ex ære viliori metallo, verum solido & perenni: Ita Christus fuit sine decore & sine forma Is. 53. 2. sed firmus tamen est & inconcussus, rupes & petra immota salutis. 4. Inter omnia metalla æs est maxime sonorum, unde Paulus 1. Cor. 13. 1. $\gamma\acute{\epsilon}\gamma\epsilon\upsilon\alpha\ \chi\alpha\lambda\kappa\acute{o}\varsigma\ \eta\chi\omega\acute{\nu}$ *sum as vinniens*; Ita per æs rectè notatur Christus crucifixus, & prædicatio Crucis, per quam sonus Christi percussus fuit per totam terram Rom. 10. 18. 5. Serpens non humano opere formatus fuit, sed igne conflatus: Sic Christus non operâ viri genitus, sed virtute Spiritus conceptus est, & in igne charitatis veluti excoctus in Cruce, ut fieret remedium nobis salutare. 6. Ut unus serpens datus erat Israëlitis, ut ad eum omnes respicerent: Ita unus Christus datur omnibus, in eo uno & non in alio quoquam salus.

XVII. 2. *Ut Moses extulit serpentem in deserto. Ita oportuit Filium hominis exaltari.* Frustra Moses serpentem istum parâset, nisi in palum vel perticam postea erexisset, ut posset ab omnibus conspici. Sic non sufficiebat Filium hominis natum fuisse, & formam servi accepisse, nisi de infami ligno crucis suspenderetur, & $\kappa\alpha\tau\acute{\alpha}\rho\alpha$ seu maledictio fieret, hâc tantum ratione salutaris & vivificus nobis factus est. Oportuit ergo Filium hominis extolli, non modò ad impletionem figurarum & Oraculorum veterum, sed præcipuè propter salutis nostræ necessitatem, quia aliàs remedium peccato nostro non potuit reperiri, ut nulla spes sanationis Israëlitis, nisi in serpentis ænei erecti aspectu. Hanc autem $\psi\lambda\omega\sigma\iota\upsilon$ seu exaltationem Christi ad crucifixionem & mortem ejus esse referendam colligitur ex Joan. 12. 32. ubi Christus ait: *Cum exaltatus fuero e Terra, traham omnes ad me*, significans, ut addit Joannes, *quali morte moriturus esset*, nim. crucis, in quam extolli debuit, ex linguæ Syræ usu, in qua verbum $\chi\chi$ quod propriè est *attollere*, sumitur sæpe in crucifigendi notione, Matt. 20. 19. Et attollent eum, id. crucifigent, ut in Græco habetur $\sigma\alpha\upsilon\tau\acute{\omega}\sigma\alpha\iota$; Et 26. 2. Filius hominis traditur ut attollatur id. crucifigatur, $\epsilon\iota\varsigma\ \tau\acute{o}\ \sigma\alpha\upsilon\tau\omega\sigma\eta\eta\alpha\iota$. Chaldæis familiaris est illa acceptio, Est. 7. 10. *Susfulerunt Hamanem super lignum*, id. $\chi\chi$ *susfunderunt*, ut est in Hebræo. Holocausta $\chi\chi$ seu $\psi\lambda\omega\sigma\epsilon\iota\varsigma$ dicebantur, quia sursum attollebantur, & significabant fore ut Christus pro peccatis se offerens exaltaretur in Cruce: Quæ rectè perticæ, in quam erectus est, assimilatur, maximè si in formam crucis efformata fuit, ut fieri debuit

DISPUT. debuit si serpenti alati imaginem habuit.

X.

XVIII. Licet verò ista erectio serpentis mortem Christi in cruce adumbrârit, ulterius tamen respexisse dubium esse non potest, si attendimus, Ideo erectum fuisse ut conspiceretur, non potuit autem conspici, nisi præter erectionem in cruce alio etiam modo fuisset exaltatus. Tres autem exaltationes Christi possunt distingui, quas hic congerendas censemus: Prima est *pœnalis* in Cruce, secunda *Triumphalis* in Cœlo, tertia *Mystica* in Verbo. Per primam erectus est in crucem ad satisfaciendum iustitiæ Dei, & expiationem peccatorum per meritum sanguinis: Per secundam erectus est in cœlum, ad conservandam intercessionem suâ salutem, quam morte suâ nobis acquisivit: Per tertiam exaltatur in Ecclesia per prædicationem Evangelii, ad applicandam salutem Electis, & eos ad Christum convertendos. De prima loquitur Christus loco citato Joan. 12. 32. *Cum sublatus fuero è terra, traham omnia ad me*, nimir. *ἐκωδὶξ* sacrificii & mortis suæ, & Joan. 8. 28. *quando exaltaveritis Filium hominis, tunc cognoscetis quod ego sum*, id. postquam me in crucem egeritis. De altera, per quam Victor peccati, Diaboli & mortis, non modò ex mortuis resurrexit, sed & in cœlum ascendit, loquitur Paulus Phil. 2. 9. *Quem*, inquit, *Πατὴρ ὑπερέψωτε* id. *summè exaltavit, dando illi nomen super omne nomen &c.* Tertia, quæ pertinet ad prædicationem Evangelii, insinuaturs Isai. 11. 10. *His diebus*, inquit, *gentes requirent radicem Isai, quæ erecta erit in vexillum*. Christus enim in Evangelio tanquam in vexillo erigitur, ut intuitu fidei ad illum nos convertamus, atque huc facit, quòd pertica seu malus, in quam serpens erectus erat, vocatur *οὐδὸν* quod vexillum significat. Porro ut serpens non in angulo aliquo positus fuit, sed in publico & medio populi, ut ab omnibus conspici posset: Ita Christus non in uno populo tantùm, sed ubique gentium prædicatus est, & in signum salutis propositus, unde Gal. 3. 1. dicitur *ipsis propositus*, & quasi depictus inter ipsos crucifixus.

Phli. 2. 9.

If. 11. 10.

Gal. 3. 1.

Christi
aspectus.

Jean. 6. 40.

XIX. Tertiò *Contemplatio serpentis* fuit etiam *Mystica*. Nam ut à parte Moïsis serpens debuit erigi; ita à parte Israëlitarum debuit conspici. Sic Christus non juvat nisi cognitus, nec mors nisi applicata fidei, & ab eo apprehensa. Apprehensio ista non aliter fit quàm per fidem, quæ est oculus animæ, quò Christum intuemur: *Hæc est voluntas Patris*, inquit, Christus Joan. 6. 40. *ut quicumque contemplatur Filium, & credit in eum, habeat vitam æternam*. Et Joan. 3. 14. *Oportet Filium exaltari; ut quisquis credit in ipsum, non pereat, sed habeat vitam æternam*. Ita Fides passim confertur oculo, quia præcipuus ejus actus positus est in cognitione, hæc est conditio, sub qua Christus offertur in Evangelio, quâ qui destituntur, non possunt frui Christo, nec statuere sibi à Deo destinatum esse; Quomodo serpens æneus illis tantùm proderat ex Dei consilio, qui ad eum respi-

respiciebant. Si qui ergo in Israël cæcutiebant, aut oculos ultrò avertébant, illis salutis nulla spes erat, ut nec hodie incredulis & rebellibus adversùs Deum Job. 24. 13. & iis, quibus Deus seculi excæcavit mentes 2. Cor. 4. 4. 2. Ut Israëlità non ex alieno aspectu, sed tantum ex proprio sanabantur: Ita nos ex fide nostra, non ex aliena vivimus Habac. 2. 4. Rom. 1. 17. 3. Ut saluti potuit esse visus etiam imbecillus: Ita ex morte nos eripit fides adhuc infirma, modò sit vera & sincera. 4. Ut quisquis aspiciebat, cujuscunque ætatis, sexûs & conditionis, sanabatur: Ita quisquis credit in Christum, sive mas sive fœmina, sive liber sive servus, sive dives sive pauper, sive doctus sive indoctus, indiscriminatim servatur in Christo, *in eo neque mas, nec fœmina, nec Scythæ, nec Barbarus, nec Græcus, nec Judæus*, sed Christus omnia in omnibus Col. 3. 11. Rursus inæqualitas mali non tollit æqualitatem remedii, sanabantur enim omnes, quomodocunque mors fuerint: Ita quocunque morbo peccati detinearis, quocunque vulnere afflictus, modò credas, servaberis. 5. Ut semel morfus serpente viso sanatus, si rursus mordebatur, ad idem remedium confugiebat: Ita si post sanationem spiritualem denuò in peccatum labimur, eadem succurrit fides quæ prius, per quam ad Christum respiciendo invenimus salutem. Unde ut Israëlità tam præsentì auxilio freti anguium morsum & aculeum parum timebant: Ita fidelis, qui Christo nititur, Dæmonum insultus, & aculeos peccati spernit, cum fiducia inclamans: *O mors ubi tua victòria? o sepulcrum ubi est stimulus tuus?* 1. Cor. 15. 52. nec tamen Israëlità hujus medicinæ fiduciã tam securi fuerunt, ut serpentes ad morsum ultro provocarent: Sic cavendum, ne Christi gratiã & auxilio freti, carnali præsumptione & confidentiã temerariã elati in tentationes sponte incidamus; sed contrà sancto timore salutem operando, Diabolo constanter resistendum est, ut fugiat à nobis, Jac. 4. 7.

XX. Verum licet in istis multiplex sit convenientia inter figuram & veritatem, fatendum tamen est, non minorem esse discrepantiam, & istam illa longè præstantiorem fuisse. Serpens æneus, utut gratiæ Dei insigne symbolum, per se tamen nihil poterat, *non enim qui respiciebat per rem visam, sed per te Servatorem omnium salvabatur*, ut verè ait liber Sapi. c. 16. Sed Christus vera & propriè dicta est causa salutis & vitæ; unde dicitur Sol justitiæ ferens sanitatem in alis suis Mal. 4. 4. dicitur resurrectio & vita, qui habet vitam in se ipso ut quoscunque vult vivificat Joan. 5. 21. factus in Spiritum vivificum 1. Cor. 15. 45. 2. Serpens æneus solis Israëlitis debuit esse salutaris; sed fides in Christum omnibus ex quacunque gente, sexu, conditione & ætate, ut quisquis, sive Judæus, sive Græcus, in eum credit, non pereat, sed habeat vitam æternam. 3. Serpens morfos ita à morte liberabat, ut morti adhuc essent obnoxii; sed per Christum tam ab animi quàm à corporis morte liberamur in æternum. 4. Ser-

DISPUT. pentis virtus ad paucos tantum dies duravit, vel Deus ad ejus presentiam
 X. indulgit populo sanationem à vulneribus ad exiguum tempus; sed Christus
 idem semper hodie, heri & in secula Heb. 13. 8. vis ejus æterna & infinita,
 quæ nunquam deficit. 5. Serpens propositus fuit ad contemplationem, sed
 non ad adorationem, unde quum populus ei adolere cœpit, contritus est
 mandato Ezechia 2. Reg. 18. 4. *sed omnes honorare debent Filium, ut ho-*
norant Patrem Jo. 5. 23. & *eum adorare jubentur omnes Angeli* Heb. 1. 6.
 nec alium in finem *Deus eum exaltavit, noménque illi dedit super omne no-*
men, nisi ut in nomine Jesu omne genu flectatur, & omnes fateantur esse Do-
minum, ad gloriam Patris, Phil. 2. 18. Et si contritus fuit serpens æneus sta-
 tim atque coli cœpit; contra conteri debent, qui Christum non adorave-
 rint. *Conteres eos virgâ ferreâ, & sicut vas figuli confringes eos* Ps. 2. 9. sed
 beati qui osculantur Filium, osculo religioso, & in eo fiduciam ponunt.
 XXI. Hoc est officium, quod præscribit Paulus 1. Cor. 10. 9. ubi agit
 de peccato Israëlitarum, Unde elicit usum practicum de non tentando Chri-
 sto, sed potius de eo colendo & glorificando, ut Deo summo fidelissimo &
 potentissimo, *Ne tentemus Christum, sicut illi tentârunt*, scil. ipsum, & *per-*
ierunt à serpentibus. Quod nobis suppeditat fortissimum pro Divinitate
 Christi contra Socinianos argumentum: non modò ex eo, quod Christus
 jam tum fuisse dicitur sub Veteri Testamento, quod non potuisset de eo
 dici, nisi Deus esset, sed etiam quòd tentâsse dicuntur ipsum Israëlita,
 quod de Deo tantum dicitur. Nec audiendus Eniedinus, qui vult tenta-
 tum etiam fuisse Mosè ab Israëlitis, Num. 21. *Loquutus est populus contra*
Deum & Mosè: aliud enim est loqui & murmurare contra aliquem,
 aliud ipsum tentare; illud potest fieri contra hominem, hoc verò tan-
 tum contra Deum, ita Mosès ipse distinguit Exo. 17. 2. *Cur jurgamini*
mecum? cur tentatis Jehovam? Non melioris est commatis quod addit se-
 cundò, non dici Israëlitas tentâsse Christum, sed tantum tentâsse absolutè;
 vel si aliquid repetendum est, & transitivè verbum ponatur, subaudi-
 endum esse Θεὸν non Χριστὸν, qui cùm unctus sit tantum quoad humanitatem,
 nondum erat in rerum natura. Nam gratis supponitur verbum πειράζε-
 te poni absolutè, cùm semper transitivè & activè sumatur, & de aliquo di-
 catur. Nec tentandi actio sine abjecto & re tentata concipi potest.
 Non posse autem alium, quàm Christum subandiri, dispositio verbo-
 rum docet, *Ne tentemus Christum, sicut illi tentârunt*, subandi i-
 psam: Nam si alium quempiam intellexisset, omnino exprimere eum
 debuit, ut ambiguitatem sermonis tolleret, quod cùm non faciat, non
 ad alium quàm ad Christum respicit: Scio Socinum hîc concedendo
 subaudiendum esse pronomen αὐτόν, velle Mosè respici, qui Christus di-
 catur vel propriè, quia Israëlitarum Christus fuit, id est, Mediator & Dux,

vel.

vel *typicè*, quatenus tentatus fuit Moſes, qui typus erat Chriſti, quod DISPUT.
X. vult inſinuari *ψ. 6.* quum ait Paulus iſta nobis *typos* fuiſſe. Sed neutrum ſine gravi abſurditate dici poteſt. Non prius, quia nūſpiam dicitur in ſacris literis Moſes tentatus ab Iſraëlitis, nec nomine Chriſti inſignitur. Deinde cū pronomen *αὐτὸν* non ad alium referri poſſit, quàm ad eum, quem nomen *Χεῖρ* ſignificat in priore membro; certum eſt non poſſe designari Chriſtum, niſi ſub ea notione quæ illi propria eſt & peculiaris, nec ad alium pertinere poteſt. Non poſterius, quia ſi Chriſtus ſic tentatus diceretur hoc loco, diceretur non propriè, ſed figuratè, quod nec convenit verbo tentandi, quod propriè dictam tentationem ſignificat, nec pronomini ipſum, quod propriè diximus poni pro ipſo Chriſto. Nec hoc evinci poteſt ex *ψ. 6.* quia *τύποι* non referuntur ad Chriſtum vel ad Moſem, ſed ad peccatum ſeu pœnam Iſraëliitarum, quia iſta in exemplum illis contingebant ad noſtram admonitionem, ut *ψ. 12.* exponitur. Porro licet Chriſtus nondum fuiſſet unctus quoad humanitatem, non minus tamen Chriſtus potuit vocari quoad Perſonam & Officiū Mediatorium, quia unctio non notat tantū collationem donorum in humanitatem, ſed & vocationem & deſtinationem ad munus, quod pertinet ad perſonam quæ jam ſub Veteri Teſtamento eo munere fungebatur; quod potiſſimum in peregrinatione populi in deſerto patuit; in qua adſuiſſe populo ut ejus ducem patet ex *Exod. 23. 20. 21.* Nec enim Angelus ille, qui mittendus dicitur à Domino ante populum, in quo nomen Dei debuit eſſe, id eſt, divina & æqualis cum Patre auctoritas, & cujus ſollicitè vitanda fuit offeſſio, quia non parciturus erat ipſorum peccatis, alius eſt à Chriſto, qui ſæpe per Angelum faciei & Angelum fœderis deſcribitur *Mal. 3. 1.* Ex quibus colligitur, Chriſtum revera tentatum fuiſſe ab Iſraëlitis & ſic verum & æternum eſſe cum Patre Deum.

*Exod. 23.
20. 21.*

F I N I S.





I N D E X

LOCORUM S. SCRIPTURÆ,

Quæ in Decade explicantur , vel
vindican- tur,

Prior Numerus Paginam , Posterior Paragraphum notat.

GENESIS.

Caput XVII. Verſ. 10. 11. Pag. 172.
§. 16.

EXODUS.

C. XII. 1. 172. §. 16.

C. XIII. 13. 147. §. 25.

v. 17. 18. 138. §. 14.

v. 21. 22. 132. §. 4.

C. XIV. 20. 133. §. 5.

C. XVI. 15. 151. 152. §. 7. 8.

C. XXIII. 20. 21. 191.

C. XXXII. 16. 4. §. 6.

v. 32. 9. §. 17. &

15. §. 26. & ſeqq.

v. 33. 18. §. 30.

LEVITICUS.

C. XI. 14. 108. §. 24.

C. XIV. 6. 51. 121. §. 20.

C. XXVI. 12. 77. §. 9.

NUMERI.

C. XI. 15. 16. §. 27.

C. XX. 12. 168. §. 8.

C. XXI. 5. 180. §. 3.

C. XXXIII. 8. 136. §. 10.

v. 43. 184. §. 9.

DEUTERONOMIUM.

C. III. 26. 168. §. 8.

C. VIII. 3. 151. §. 6. &

153. §. 10.

v. 15. 181. §. 5.

C. XIII. 1. 2. 36. §. 10.

JOSUE.

C. VII. 1. 168. §. 8.

JUDICUM.

C. I. 6. 138. §. 13.

I. REGUM.

C. VII. 21. 49. §. 30.

II. REGUM.

C. XI. 14. 49. §. 30.

C. XXII.

INDEX LOCORUM S. SCRIPTURÆ.

C. XXIII. 3. 50. §. 30

II. CHRONIC.

C. VI. 12. 50. §. 30

NEHEMIAS.

C. VII. 5. 8. §. 15

v. 64. 29. §. 47

C. IX. 11. 136. §. 10

PSALMI.

Pf. XVI. 8, 9. 25. §. 40

v. 10. 123. §. 23

Pf. XIX. 3. 3. §. 5

Pf. XXII. 17. 123. §. 23

Pf. XXXI. 32. 25. §. 39

Pf. LI. 10. 14. 26. §. 40

Pf. LVI. 9. 5. §. 10

Pf. LXIII. 2. 123. §. 23

Pf. LXVIII. 7-9. 145. §. 23

Pf. LXIX. 29. 9. §. 17. &

19. §. 32. 33

Pf. LXXVII. 11. 24. §. 39

Pf. LXXVIII. 14. 134. §. 7

v. 15. 166. §. 3. &

168. §. 7

v. 24. 154. §. 11

Pf. LXXXIV. 12. 146. §. 23

Pf. LXXXVII. 5, 6. 8. §. 15

Pf. CV. 39. 134. §. 7

v. 41. 166. §. 3

Pf. CVI. 32, 33. 168. §. 8

v. 34. 169. §. 10

Pf. CXIX. 105. 145. §. 23

Pf. CXXI. 4. 146. §. 23

Pf. CXXX. 3. 81. §. 13

Pf. CXXXIX. 16. 5. §. 10

Pf. CXL. 4. 182. §. 5

CANTICUM.

C. V. 8. 157. §. 18

ISAIAS.

C. IV. 5, 6. 140. §. 16

C. VIII. 20. 136. §. 10

C. XI. 10. 188. §. 18

C. XII. 3. 123. §. 23

C. XXVIII. 13. 3. §. 5

C. XXX. 1. 138. §. 13

v. 6. 181. §. 4

C. XXXIV. 4. 3. §. 5

C. XLIII. 16. 137. §. 12

C. XLVI. 10. 10. §. 18

C. XLIX. 16. 8. §. 14

C. LIH. 11. 163. §. 30

C. LV. 4. 101. §. 16

C. LVI. 5. 23. §. 37

C. LIX. 21. 35. §. 10

C. LXV. 5. 6. §. 11

JEREMIAS.

C. XVII. 13. 13. §. 22

C. XXXI. 33. 77. §. 9. &

124. §. 24

C. XXXII. 30. 11. §. 20

EZECHIEL.

C. XIII. 9. 8. §. 15. & 20. §. 32

DANIEL.

C. VII. 10. 6. §. 11

C. XII. 1. 6. §. 12

HOSEAS.

C. II. 19, 20. 11. §. 20

v. 20. 28. §. 45

JOEL.

C. II. 18. 118. §. 14

ZACHARIAS.

C. IX. 11. 123. §. 23

C. XII. 10. 27. §. 43

C. XIII. 1. 123. §. 23. &

177. §. 24

MALACHIAS.

C. II. 7. 47. §. 28

C. III. 16. 6. §. 11

LIBER SAPIENTIÆ.

C. XI. 17. 138. §. 13

Bb

C. XVI. 5.

INDEX LOCORUM S. SCRIPTURÆ.

C. XVI. 5.	181. §. 5	v. 59.	23. §. 36
v. 20.	150. §. 5	C. VII. 3.	177. §. 24
MATTHÆUS.		v. 37.	177. §. 24
C. I. 1.	8. §. 15	C. VIII. 10.	101. §. 15
C. V. 10.	76. §. 5	v. 37. 38.	103. §. 17
v. 48.	108. §. 24	v. 44.	102. §. 16
C. IX. 12.	21. §. 33	v. 56.	162. §. 28
C. XI. 3, 4.	103. §. 17	C. X. 30.	107. §. 22
C. XII. 39.	105. §. 18	C. XII. 40.	146. §. 23
C. XIII. 12.	21. §. 33	C. XIII. 17.	79. §. 11
C. XVIII. 34.	76. §. 6	C. XIV. 10.	101. §. 15
C. XXVIII. 19.	143. §. 20	v. 11.	103. §. 17
MARCUS.		v. 16.	54. §. 5
C. IX. 23.	137. §. 12	C. XV. 2.	21. §. 33
LUCAS.		v. 26.	105. §. 19
C. I. 74.	81. §. 13	v. 27.	120. §. 18
C. II. 34.	146. §. 23	v. 34.	76. §. 5
C. X. 20.	7. §. 12. & 12. §. 22	C. XVI. 8, 9.	106. §. 20
C. XII. 12.	118. §. 17	v. 13.	53. §. 3. &c
C. XVI. 29.	142. §. 19	v. 14.	54. §. 5
C. XVII. 10.	76. §. 5	C. XVII. 3.	120. §. 18
JOHAN.		v. 12.	163. §. 30
C. I. 1.	98. §. 11	v. 21.	13. §. 23
v. 7.	33. §. 7	C. XVIII. 37.	108. §. 24
v. 17.	50. §. 30	C. XIX. 34.	102. §. 16
v. 18.	97. §. 10. &	C. XX. 31.	121. §. 21. 22
	102. §. 16	ACTA APOST.	
C. II. 19.	105. §. 18	C. I. 20.	20. §. 32
C. IV. 14.	177. §. 24. &	C. VIII. 16.	143. §. 20
	178. §. 26	C. XVII. 2.	59. §. 10
v. 42.	34. §. 7	C. XIX. 3, 4.	142. §. 19
C. V. 31.	102. §. 16	EPIST. AD ROMAN.	
v. 34.	44. §. 23. &	C. I. 4.	104. §. 18
	53. §. 2	v. 19, 20.	3. §. 5
v. 36.	103. §. 17	C. II. 15.	4. §. 7
v. 37.	101. §. 15	C. III. 1.	155. §. 13
v. 45.	142. §. 19	v. 24.	79. §. 11
C. VI. 32.	159. §. 21	C. IV. 18.	137. §. 12
v. 49.	155. §. 13	C. VI. 3.	143. §. 20
v. 49. 51.	159. §. 21		v. 14.

INDEX LOCORUM S. SCRIPTURÆ.

v. 14.	82. §. 15	v. 26.	173. §. 17
v. 18.	80. §. 11. &	C. XI. 28.	173. §. 17
	83. §. 17	II. AD CORINTH.	
C. VII. 4.	82. §. 15	C. III. 4.	4. §. 7
v. 23.	24. §. 39	v. 6.	118. §. 16
v. 24, 25.	25. §. 40	C. IV. 13.	119. §. 17
C. VIII. 2.	79. 80. §. 11	AD GALAT.	
v. 12.	76. §. 5	C. II. 9.	47. §. 26
v. 15.	28. §. 45	v. 16.	13. §. 23
v. 15, 16.	27. §. 43. &	v. 20.	80. §. 11
	23. §. 36. &	C. IV. 15.	19. §. 31
	105. §. 19	C. VI. 15.	155. §. 13
v. 29, 30.	12. §. 21	AD EPHESIOS.	
C. IX. 2.	16, 17. §. 28, 29	C. I. 4.	81. §. 13
v. 11.	10. §. 18	v. 18.	119. §. 17
C. XI. 7.	12. §. 21	C. II. 20.	42. §. 21. 22
v. 8, 9.	20. §. 32	C. III. 19.	46. §. 25
v. 32.	10. §. 19	C. V. 2.	108. §. 24
v. 33, 34.	26. §. 41	AD PHILIPP.	
C. XIII. 7.	76. §. 5	C. II. 13.	85. §. 20
C. XVI. 26.	158. §. 20	C. III. 3.	140. §. 16
I. AD CORINTH.		v. 17.	139. §. 15
C. I. 13.	143. §. 20	C. IV. 3.	1 §. 2. & 7. §. 12
v. 23.	145. §. 23	AD COLOSS.	
v. 30.	121. §. 19. &	C. II. 14.	76. §. 6
	124. §. 24	C. III. 3.	159. §. 20
C. II. 6.	36. §. 10	v. 10.	29. §. 45
v. 12.	23. §. 36. &	I. AD THESSAL.	
	36. §. 10. & 54. §. 3	C. I. 5.	119. §. 17
C. III. 8.	108. §. 24	v. 7.	139. §. 15
v. 11.	46. §. 26	C. II. 13.	59. §. 10
C. IV. 5.	6. §. 11	C. IV. 3.	76. §. 5
C. V. 7.	140. §. 16	I. AD TIMOTH.	
C. VI. 17.	108. §. 24	C. I. 9.	82. §. 16
C. IX. 21.	79. §. 11	C. III. 15.	43. §. 22. 44. & §.
C. X. 1, 2.	131-148		24-33
v. 3.	148-165	v. 16.	79. §. 11. & 104. §. 18
v. 4.	165-178	C. IV. 8.	9. §. 15
v. 6, 11.	139. §. 15	C. VI. 14.	55. §. 5
v. 9.	180. §. 3	v. 20.	33. §. 6
		Bb 2	II. AD

INDEX LOCORUM S. SCRIPTURÆ.

II. AD TIMOTH.

C. I. 8.	119. §. 18
v. 12.	23. §. 36
C. II. 19.	10. §. 18. & 26. §. 41
	& 27. §. 34. & 6. 25

AD TITUM.

C. II. 7.	139. §. 15
v. 12.	77. §. 8

I. PETRI.

C. I. 8.	81. §. 13
v. 11.	163. §. 29
C. II. 4.	146. §. 23
v. 13.	80. §. 11
v. 21.	2. §. 2

II. PETRI.

C. I. 10.	28. §. 44
v. 19.	58. §. 10
v. 21.	54. §. 3

I. JOANNIS.

C. I. 6.	120. §. 19
C. II. 5.	25. §. 39
v. 20.	55. §. 50
C. III. 8.	90. §. 28
C. IV. 10, 11.	29. §. 45
v. 21.	76. §. 5
C. V. 5.	81. §. 13
v. 6.	25. §. 9
v. 7.	92-111
v. 8.	112-130
v. 10, 11.	118. §. 15
v. 13.	23. §. 36

AD HEBRÆOS.

C. I. 1.	102. §. 16
----------	------------

C. II. 4, 5.	106. §. 20
C. V. 13, 14.	36. §. 10
C. VI. 17, 18.	10. §. 18
C. IX. 19.	121. §. 20
C. XI. 26.	162. §. 28
v. 29.	136. §. 10, 11
C. XII. 23.	8. §. 15
v. 18.	13. §. 22
C. XIII. 8.	164. §. 30

APOCALYPSIS.

C. II. 17.	23. §. 37. & 35. §. 10. & 155. §. 12. & 158. §. 20
C. III. 5.	14. §. 24
v. 11.	4. §. 7
v. 12.	46. §. 26
v. 14.	102. §. 16
C. V. 10.	9. §. 15
C. VI. 14.	3. §. 5
C. XIII. 8.	2. §. 2. & 7. §. 12. & 28. §. 43
C. XVII. 8.	1. §. 2. & 7. §. 12
C. XX. 12.	2. §. 2, 3. & 6. §. 11. & 26. §. 41
v. 15.	7. §. 12
C. XXI. 27.	7. §. 12. & 13. §. 23 & 29. §. 47
C. XXII. 19.	8. §. 15. & 9. §. 17 & 21. §. 34
v. 45.	23. §. 37

INDEX RERUM

Quæ in Decade DISPUTATIONUM
pertractantur.

A.

Æternitas non semper absolute sumitur in S. Scriptura, sed interdum κατὰ τὴν. Pag. 55. §. 5

Quid per Aquam & sanguinem in loco 1. Joān. 5. 8. intelligatur?

114. & seq. §. 6. 7. 8. 9. & 120. §. 19. 20

Aqua & sanguis è latere Christi perfollo effluentia quid adumbrarint?

121. 122. §. 21. 22

Cur aqua & sanguis ab Apostolo conjungantur?

123. §. 24

Aqua & sanguis quomodo concurrant ad testimonium Christo perhibendum?

125. §. 27

Cur aquam Sanguini præmittat Joānes?

128. §. 34.

Augustinus Ecclesiam ex sola Scriptura cognosci posse statuit. 60. §. 12

Nec contrarium evincitur ex verbis, quibus docet se non credidisse Evangelio, nisi motum auctoritate Ecclesiæ. 61. & c. §. 13-16

B.

Baptismi Sacramentum non fuit transitus per mare rubrum. 140. 141 §. 17. 18.

Quomodo Patres in Moysen dicantur baptizati?

142. §. 19. 20

Qui mora sub nube, & transitus per mare baptismi nomine designentur?

144. & c. §. 23

Baptismi finibus respondet usus & finis columna nubis & maris. 145. §. 23

Cum baptismo convenit Transitus per mare. 146. §. 24

Bezzæ sententia circa locum 1. Joān. 5. 7. 109. §. 25

Bona Opera. Questionis de necessitate bonorum Operum necessitas. 73. §. 1

Circa eam peccatur in excessu & in defectu. 73. §. 2

Orthodoxorum sententia circa illam explicatur. 74. §. 3

Status Questionis proponitur. 75. §. 4

Bona Opera necessaria sunt necessitate præcepti. 75. §. 5. & necessitate medii. 76. 77. §. 7

Ratione Dei, proximi, & nostri. 77 §. 8

Respectu fœderis Gratia ea exigentis. 77. §. 9

Respectu trium Personarum Trinitatis. 78. §. 10

Bona opera exigunt Evangelium. 79. §. 11. natura etiam fidei. 80. §. 12

nec non Dei beneficia. 80. §. 13

Objectiones adversus bonorum operum necessitatem refutantur. 82. 83. & seqq.

Bona Opera justorum peccata dicuntur per accidens & κατὰ τὴν. 83. §. 18

Bb 3 C.

INDEX RERUM

C.

- Calvinus quomodo exposuerit locum 1. *Joan.* 5.7. 109. §.25
- Caro. Aliud est in carne vivere, aliud secundum carnem ambulare. 90. §.28.
- Certitudo Electionis, vide Tit. Electio.
- Christus sapè vocatur λόγος. 96. §.8
- Cur hoc nomine insigniatur? 96. §.9, 10.
- An saltem ratione Muneris Prophetici? 98. §.11
- Christus miraculis suis sibi testimonium perhibuit certissimum. 103. §.17
- Christi resurrectio argumentum est Divinitatis & Mediationis ipsius 104. §.18
- Christus anima cibus per Manna adumbratus. 154. §.12. & 156. & seqq. §.17-19
- Ostenditur præstantia Christi super Manna. 159. §.21
- Christus manducandus est per fidem. 161. §.26
- Christus sub Veteri Test. fuit cognitus. 162. §.28-30
- Christus dicitur Petra sacramentaliter. 172. §.15. & seqq.
- Christi cum petra collatio. 176. & seqq. §.23-26
- Christus tentatus fuit ab Israëlitis. 180. §.3. & 190. §.21
- In Christo est remedium peccati. 186 §.16
- Christi exaltatio per erectionem serpentis anei figurata. 187. §.17
- Christi exaltatio quotuplex? 188. §.18

- Christi aspectus sanar. 188. §.19
- S. Cæna. An presentia realis & substantialis in S. Cæna evincatur ex 1. *Joan.* 5.8. 128. & seqq. §.35.36
- An Manna fuerit ipsis S. Cæna? 159.160. §.22.23
- Columnarum usus duplex, architectonicus & politicus. 48. §.29
- Columnarum usus in Templis Gentilium. 50. §.31
- Quomodo Ecclesia dicatur Columna veritatis? 44. & seqq. §.24-33
- Columna Nubis, Israëlitas præcedens, qualis fuerit? 132. §.4
- An una eademque fuerit Columna nubis & ignis? 132. §.5
- Quorsum Deus erexit columnam illam? 133. §.6.7
- Non fuit Sacramentum Baptismi nostri 140. §.17.18. illius tamen finibus respondet. 145. §.23
- Concillii generalis iudicium non stabilit auctoritatem S. Scriptura. 56. §.7. §.6.7
- Conscientia hominum est Dei liber. 4. §.7

D.

- Debitum duplex est, Legale & Evangelicum. 76. §.6
- Decreta Dei sunt immutabilia. 10. §.18.19

E.

- Ecclesiæ testimonium & officium circa Scripturam. 33 §.6.7
- Ecclesia auctoritas tota pendet à Scriptura. 42. §.21. & seqq.
- Ecclesia quomodo dicatur columna & firmamentum Veritatis à Paulo? 44. & seqq. §.24-33
- Ecclesiæ

INDEX RERUM.

Ecclesia testimonium est fallibile. 53.

§. 2.

Ecclesiam ex sola Scriptura cognosci debere testatur Augustinus. 60.

§. 12

An Ecclesia indigeat auctoritate aliquâ infallibili & visibili ad persuadendam nobis Scriptura auctoritatem? 69. §. 23. & seqq.

Ecclesia auctoritas infallibilis quantum sit controversa. 69. §. 24

Electiois certitudo probatur à Decretorum divinatorum immutabilitate.

10. §. 18. 19. à fœderis gratia æternitate. 11. §. 20. à gratiarum divinarum connexionione. 11.

§. 21

Ex variis Scriptura locis. 12. & seqq. §. 22. 23. 24.

Fidelis de Electione sua certus esse potest ac debet. 23. §. 36. 37. 38

Unde Electionis sue certitudinem haurire possit? 26. §. 41. & c.

Electiois certitudo non est mater securitatis. 29. §. 46. 85. 86. §. 21

Enthusiastæ an quid presidii reperiant in loco 1. 70. §. 8. 129. §. 37

Euangelium denotatur sæpe per Spiritum. 118. §. 15. 16

Euangelica veritas ex loco 1. 70. §. 8. invictè asseritur. 129. §. 38

Eucharistia, vide Tit. S. Cœna.

Examen quoduplex? 70. §. 26

Examinis Scriptura via an difficilior sit viâ auctoritatis? 69. & c. §. 23-26

Qualis inde resultet certitudo? 71. §. 27

An inde privatus quisque constituitur infallibilis? 72. §. 28

F.

Fides quomodo cum peccatis gravioribus consistere queat? 91. §. 29

Fidelium status duplex, Tentationis & Victoria. 25. §. 40

Fœdus Gratia æternum est. 11. §. 20

Fœdus gratia idem est tam in Veteri quàm in Novo Testamento. 162. §. 27

I.

Columna Ignis quæ præcessit Israëlitas, vide Tit. Columna.

Imaginum cultus non stabilitur in erectione & aspectu serpentis aenei. 184. §. 13

Israëliitarum transitus per mare rubrum, vide Tit. Transitus.

Cur Deus Israëlitas in terram Canaan induxerit per asperrimam deserti viam, non verò per terram Philistæorum. 138. §. 14

An Israëlita eundem cibum spiritualement dicantur edisse inter se, au verò nobiscum in loco 1. Cor. 10. 7. 160. & seqq. §. 24. 25

Justificatio ex sola fide non tollit bonorum operum necessitatem. 84. §. 19

Doctrina Reformatorum de Justificationis inamissibilitate & perseverantia, sanctificationi non est noxia, nec peccatis fenestram aperit. 87. & seqq. §. 22-27

Justificatio secum non tollit ἀναμάρτησιν. 89. §. 26

Justificatio & Sanctificatio distinguuntur. 124. §. 25

L.

Quoduplex Liber Deo tribuitur. 1. §. 2. & seqq.

Libri

INDEX RERUM

Libri externi Dei sunt varii, ut Liber Mundi, Liber Scripturae, Liber Conscientiae. 3.4. §.5.6.7
Liber internus Dei triplex est, Liber Providentiae, Liber Iudicii, Liber Vitae. 5.6. §.9.12
Cur liber Deo tribuatur? 7. §.14. 15.
An aliquis ex Libro Vitae deleri possit? 9. & seqq. §.17.25
Objectiones adversus negantem sententiam solvuntur. 15. & c. §.26
An constare possit, nos esse Libro Vitae inscriptos? 22. & c. §.35.40
Unde cognitio illa haberi queat? 26. & c. §.41
An securitatem pariat? 29. §.46. 47
Literalis sensus, vide Tit. Sensus.
Vox Δόγης quid significet? 96. §.9
Cur filius Dei vocetur Δόγης? 97 §.9.10
An Christus dicatur Δόγης tantum ratione Muneris Prophetici? 98. §.11
Quomodo Δόγης testetur? 110-102. 103. §.16
Ejus testimonium est ἀποδείκνυμι. 102. §.16

M.

Mannæ Israelitis dati historia recensetur. 150. §.5
Cur Deus datione Mannæ prospexerit necessitati Israelitarum? 151. §.6
Cur cibus iste Man dictus sit? 151 152. §.7.8
An Manna istud naturale fuerit, an verò miraculosum? 152. & seqq. §.9.10

Manna quo sensu vocetur cibus spiritualis? 154. §.11.12.13. & 156. §.16. & seqq.
Quo pacto omnes Israelita istud dicantur manducasse. 156. §.15
Manna cum Verbo Dei comparatum. 156. §.16.
Manna eximium fuit Christi symbolum. 156. & seqq. §.17.18.19
An Manna praefiguravit Eucharistiam? 159.160. §.22.23
An Patres dicantur edisse eundem cibum spiritualem inter se, an vero nobiscum? 160.161. §.24.25
Miracula Christo perhibuerunt testimonium. 103. §.37
Mosis votum, quò petiit deleri è libro Dei, explicatur. 15-18. §.26. 27.28.29
Peccatum à Mose & Aarone commissum in percussione petrae quodnam fuerit? 168. §.8.10
An Moses ab Israelitis fuerit tentatus? 190. §.21
Mundus Dei liber est. 3. §.5
N.
Necessitas bonorum operum, vide Tit. Bona Opera.
Nubes erat Israelitis signum praesentiae Dei. 133. §.6
Mora Israelitarum sub Nube, quomodo Baptismi nomine designetur? 144. §.23
Columna Nubis, quae praecessit Israelitas, vide Tit. Columna.
O.
Opera bona, vide Bona opera.
P.
Patribus Vet. Test. cognitus fuit Christus. 162. & seqq. §.28-30
Non

Non obstante economiâ veteri tot typis velisve testâ. 164. §. 31
Personarum divinarum ὁμοσία ex loco I. Jo. 5. 7. evincitur. 110. §. 27
Petra an semel percussa fuerit, an vero duabus vicibus? 166. §. 4
Quanam fuerit petra illa, ex qua biberunt Israëlita, & quare spiritalis dicatur? 167. §. 6
Quo pacto petra dicatur ἀκόλαστον, sequens? 167. §. 7
Quodnam fuerit Moſis & Aaronis peccatum in percussione petre commissum? 168. & seqq. §. 8. 10
Quomodo petra fuerit Christus? 172. §. 15. & seqq.
Collatio petre cum Christo. 176-178. §. 23-26.
Principium Creationis in loco Joannis intelligi probatur. 98. §. II

R.

Regeneratio non statim per quodvis peccatum etiam grave deletur. 90. §. 28.
Resurrectio Christi argumentum & Divinitatis & Mediationis ejus. 104. §. 18

S.

Sacramentum. Quis debeat esse sensus verborum sacramentalium, Hoc est Corpus meum? 173. §. 17. 18
Salutis nostra ratio triplex requirit testimonium. 100. §. 14
Sanctificatio distinguitur à Justificatione. 124. §. 25
Quid per Sanguinem & Aquam intel-

ligatur 1. Jo. 5. 8. p. 114. & seqq.
Sanguis & Aqua è perfosso latere Christi effluentia quid significârint? 121. 122. §. 21. 22
Cur Sanguis & Aqua ab Apostolo conjungantur? 123. §. 24
Quomodo Sanguis & Aqua concurrant ad testimonium Christo perhibendum? 125. §. 27
Cur sanguini aquam pramittat Joannes? 128. §. 34
An ex eo, quod S. Cæna vocatur Sanguis, sequatur realis & substantialis præsentia Sanguinis Christi? 128. §. 35. 36
Scriptura est Liber Dei. 3. §. 6. & 6. §. 11.
Scriptura auctoritatem dubiam reddunt tum Athei tum Pontificii. 31. §. 2.
Scriptura auctoritas divina spectatur trifariam, vel respectu ipsius Scripturæ, vel ratione Spiritus, vel Ecclesiæ. 31. §. 4
Quale sit Scriptura testimonium? 32. §. 5.
Quale sit testimonium Ecclesiæ circa auctoritatem Scripturæ? 33. §. 6. 7
Quale sit testimonium Spiritus S. circa auctoritatem S. Scripturæ? 34. 35. §. 9. 10
Sententia Pontificiorum de Scripturæ auctoritate. 37. & seqq. §. 12-16.
Sententia Orthodoxorum. 36. §. 11
Status questionis formatur. 40. 4. §. 17-20.
Scriptura auctoritatem non pendere ab Ecclesiâ probatur κατ' ἀποκ. 42. §. 21.

Scriptura dat Ecclesie omnem suam auctoritatem. 42. 43. §. 21-23

Scriptura auctoritas nequit pendere à testimonio fallibili, quale est Ecclesia. 53. §. 2. nec ab auctoritate Concilii generalis. 56. 57. §. 6. 7.

Scripturam per se ipsam probari ostenditur variis argumentis. 64. & seqq. à natura primorum principiorum. 64. §. 17. à comparatis. 65. §. 18. à natura ipsius Scripturae 66. §. 20. ab authentia Scripturae propria. 67. §. 22

Scriptura divinitatem ex insitis ipsi characteribus probat Bellarminus ipsemet. 68. §. 22

An ad persuadendam nobis Scripturae auctoritatem necessaria sit auctoritas visibilis & loquens in Ecclesia? 68. & c. §. 23

An via examinis Scriptura sit difficilior via auctoritatis Ecclesia? 69. §. 23. & seqq.

Scriptura est regula fidei duobus modis. 70. §. 25

Sensum literalem in Scriptura à metaphorico discernendi proponuntur aliquot Regulae. 174-176. §. 19-22

Serpentes igniti, Israëlitis immissi, quid fuerint? 180. §. 4

An fuerint naturales, an miraculosi? 181. §. 5.

Cur Deus hanc plagam immiserit in Israëlitas? 182. §. 5

Ei remedium datum serpens aneus. 182. §. 7

Serpens aneus non fuit figura Astrologica Arabibus Talisman dicta. 184. §. 12

Cur Moses eum aneum fecerit? 183. §. 9.

Serpentis anei erectio. 184. §. 10

Cur & quomodo Israëlita eum debuerint intueri? 183. §. 11

Serpentis anei mysterium explicatur. 185. & seqq. §. 14. & seqq.

Qualis fuerit discrepantia inter serpentem aneum & Christum? 189. §. 20.

An serpens aneus stabiliat cultum Imaginum? 184. §. 13

Spiritus vox quandoque Euangelium notat. 118. §. 15. 16. quandoque interna Spiritus S. dona. 119. §. 17

Spiritus quid denotet apud Joannem 1. Ep. c. 5. 8. 118. §. 15, 16

An Spiritus in nobis testans afferat delirium Enthusiastarum. 129. §. 37.

Spiritus S. cur ita vocetur? 99. §. 12

Quomodo testetur? 105. §. 19, 20

Spiritus Sancti personalitas probatur. 110. §. 28

T.

Transitus Israëlitarum per mare historiam recensita. 134. §. 10

Nec naturalis, nec magicus; sed miraculosus fuit. 135. §. 9

An rectè transierint Israëlita, an via semicirculari emensa in idem Aegypti litus reversi fuerint? 135. 136. §. 10

Quomodo Israëlita per fidem dicantur transisse mare rubrum? 137. §. 11. 12.

Transitus per mare an Sacramentum fuerit Baptismi? 140. §. 17

Quo-

INDEX RERUM.

Quomodo transitus per mare Baptismi nomine insigniatur? 144. & seqq. §. 23.
Transitus per mare cum Baptismo convenit. 146. §. 24. 25
Tres Testes Calestes ex loco 1. Joan. 5. 7. explicati. 92. 111
Quinam sint isti tres Testes. 95. §. 7.
Testimonii ipsorum veritas ex triplicis operationis ad redemptionem nostram necessitate confirmatur. 100. §. 14
Quid & quomodo Pater testetur? 100. 101. §. 15
Quomodo testetur Λόγος? 101. 102. 103. §. 16. 17.
Ejustestimonium est αὐτόπιστον. 102. §. 16.
Quomodo testetur Spiritus Sanctus? 105. §. 19. 20
Unitas Testium qualis? 106. 107. §. 21. 22.
Quenam vera fuerit sententia Calvinii & Beza circa hunc locum? 109. §. 25.

Testes Terrestris cur tres recenseantur? 113. §. 4
An fuerint testes humanitatis Christi? 114. §. 5
An tres Testes terrestres designent tria Oraculorum genera de Christo? 114. §. 6
Qui sint tres isti Testes? 116. §. 10-14
Quomodo dicantur testari in terra? 126. §. 29
Qualis istorum Testium sit unitas; & quomodo ab unitate Testium celestium distinguatur? 126. & §. 30-33.
Trinitatis vox non est planè ἄγασθες. 109. §. 26
Trinitas Personarum divinarum in loco 1. Joan. 5. 7. fundatur. 110. §. 26.
Trinitatis cognitio necessaria. III. §. 29

V.

Verbum Dei cum Manna comparatur. 156. §. 16.

F I N I S.









